



FD  
246



~~151~~  
FRANCISCI HO-  
tomani Iuriconsulti, Commenta-  
rius in quatuor libros Insti-  
tutionum Iuris Ci-  
uilis

SECUNDA EDITIO  
*ab Auctore recognita.*

ADDITI SVNT INDICES  
RERV MEMORABILIV.



Cum Cæs. Maiest. & Christianiss. Gallorum Regis gratia  
& priuilegio ad decennium.

BASILEÆ, EX OFFICINA HERVAGIANA,  
per Eusebium Episcopium. Anno M. D. LXIX.

Res. 1042bis  
R. 52504



2-137

2-159

RECONSTRUCION

ADOLFO SANTO DOMINGO



CONSEJO DE RECTORIA Y CATEDRATICOS  
FACULTAD DE SEVELA  
FACULTAD DE



# ILLVSTRISSIMO

PRINCIPI, AVGVSTO, ELECTO-

RI, SAXONIAE DVCI, LANTGRAVIO TVRINGIAE,

Marchioni Misniae, Imperij archimarescallo, domino suo cle-

mentissimo : Franciscus Hotoma-

nus, S. P. D.



OPTIMVS iam annus abiit, *Auguste Princeps illu-*  
*strissime*, ex quo nostros hosce eosdem in *Institutiones Iu-*  
*ris commentarios*, Celsitudinis tuae nomine inscriptos euul-  
gauimus. neque ita multo post ad aulam tuam Regis no-  
stri missu profecti, perhonorifice abs te excepti, munificen-  
tius etiam dimissi sumus. Ex quo quantopere studiofo-  
rum hominum, quamuis exterorum & peregrinorum,  
ingenijs atq; industriae faueres, intellectum est. Quò ma-  
gis incendor equidem, etsi natura mihi nescio quomodo insitum est, ut Germanos a-  
mem: sed tamen eo magis incendor, ut adolescentes, qui huc ad nos frequentes è Ger-  
mania uestra studiosorum caussa uentitant: lubentius amplectar, eorumque studia  
quibus possum rebus adiuuem, praesertim cum Amplissimi Senatus Argentinen-  
sis, quod clarissimum Germaniae lumen atque ornamentum est, diuturnam erga me be-  
neuolentiam recorder: cuius in scholis ius Ciuile interpretans commentarios istos con-  
feci. Etsi autem uerissime dictum est ab antiquis, plus ualere apud Germanos bonos  
mores, quam apud alios, bonas leges: tamen incredibile dictum est, quantopere ue-  
stra gens leges istas Iustinianicas adamarit, quantumq; ille à uobis beneficij atque or-  
namenti acceperint. Nam, ut ab illustrissima familiae tuae nomine exordiar, quis  
ignorat istos Iurisprudentiae nostrae libros, qui nunc passim in Italia, Germania, Gal-  
lia, Hispania, & Anglia tanto in pretio habentur, cum annos prope sexcentos in  
angulo nescio quo sepulti iacuissent, tandem ab Imperatore Lothario Saxone reper-  
tos, atque ex diuturnis tenebris in lucem editos fuisse? à quo tempore quadringenti  
circiter anni tantummodo numerantur. cum repente tantus Germanos adolescentes  
eius studij ardor incescit, ut uetus Iuris interpres Odofredus memoriae prodiderit, Azo-  
nis tempore, qui trecentis abhinc annis floruit, Bononiae circiter decem studiosorum  
adolescentum millia fuisse: quorum magna pars è Germanica iuuentute constabat.  
Neque unquam ab eo tempore uestra gens destitit, quasi colonias quasdam adolescen-  
tum in uarias Academias mittere, tametsi florentissimas apud se & nobilissimas  
Academias semper habuerit: inter quas summa omnium consensione principatum  
obtinent, ille ille tuae Viteberga & Lipsia: in quibus Celsitudo tua omnium artium  
principes uiros tanquam in praesidio contra barbariam parato collocatos habet. Cum  
autem aliae multae passim Academiae sunt, ad quas Germani adolescentes tanquam



## Epistola Dedicatoria.

*ad bonarum artium mercatus proficisci solent: tum uerò nullam esse constat, quæ pluribus huius generis ornamentis gloriari possit, quàm hæc nostra Biturigica. Tanta enim eius iuuentutis modestia, tamq̃ admirabilis pudor & ingenij facilitas esse solet: ut ciues nostri illa morum suauitate deliniti, magis iam prope Germanorum adolescentum, quàm aliorum aduentu & multitudine delectentur. quæ me profectò caussa commouit, ut eo lubentius hanc migrationem, & Iuris interpretandi prouinciam mihi ab Illustrissima Principe nostra, Margarita Francica, Sabaudia Duce: & sapientissimo Franciæ Cancellario M. Hospitalio mandatam susciperem: in qua dum aliquot iam menses uersor, admonitus alteram horum Commentariorum editionem à Lugdunensibus Typographis paratam esse: uolui eam in manus hominum noua illustrissimi tui nominis commendatione uenire: ut si fortè minus à me gratiæ obtineret, hanc saltem ab Augusto tuo nomine, & illustrissima Celsitudine tua dignitatem assequeretur. Vale Princeps illustrissime, & salue. Biturig. Idibus April.*

1567.

ARGVMENT-



# ARGVMENTVM huius Operis.



INSTITVTI nostratio postulat, Lector humanissime, ut & horum librorum argumētum tibi hoc loco breuiter aperiam, unde totius operis quasi formam & designationem quandam animo perspicias: & simul quid in ijs præstare conatus sim, exponam. In primis igitur illud intelligi oportet: Quoniam officium Iurisconsulti, quem hoc libro informamus, in iudicijs disceptandisq; controuersijs potissimum uersatur, ac proinde futuro Iurisconsulto earum omnium rerum ex quibus iudicia constant, cognitio necessaria est: propterea Iustinianus his quatuor Institutionum libris in ijs rebus demonstrandis exponendisq; operam consumit. Constare autem iudicia tribus ex partibus, nemo ignorat. si quidem & litigatores, id est tum actorem, tum reum esse oportet. deinde uel propter res uel propter obligationes institui: aut enim quod suum est, aut quod sibi debetur, quisque postulat, neque alia ulla constituendi iudicij causa reperiri potest. postremo, certam quandam constituendorum exercendorumq; iudiciorum uiam ac rationem esse necesse est. Quapropter Imperator primo libro de Iure & conditione personarum, hoc est de liberis, seruis, libertinis, ingenuis, patribus familiis, filijs familiis, puberibus, impuberibus, pupillis, tutoribus, adultis, curatoribus ita tractat, ut postea quibus eorum uel alienare, uel acquirere rerum dominia, itemq; quibus uel obligare, uel obligari ius sit, facilius ac planius intelligatur. Et quoniam, ut modo dicebamus, controuersiae omnes uel de rerum dominio, uel de obligationibus instituuntur: (aut enim rem esse suam actor intendit, aut sibi aliquid aduersarium debere) ideo proximo loco quibus modis res tum singulae, tum uniuersae acquirantur, exponit: ut quando iure quis suam esse rem intenderet, cognosci posset. Demonstrat autem, res quidem singulas nostras fieri certis modis: quorum partim iuris gentium sint, ueluti occupatio, traditio: partim ciuilis, ueluti usucapio, in iure cessio. Vniuersas autem, modis à iure ciuili institutis, ueluti hereditate, arrogatione, bonorum emptione. Hereditates porro partim testamento, partim ab intestato nobis obuenire. Quibus expositis, mox ad obligationes transit, quarum alias ex rebus contrahendis, ut emendo, locando, credendisq; pecunijs: alias ex priuatis delictis, furto, rapina, iniuria nasci ostendit. Iam uero cum & à quibus personis, & quibus de causis lites instituerentur intellectum esset, ordine ad Actiones accedit, quo uerbo omnem iudiciorum ordinem, id est omnes litium instituendarum disceptandarumq; formulas, & (ut uulgus nunc loquitur) procedendi modum intelligere debemus: siue ad actorem aut reum, siue ad Praetorem, siue ad Iudicem arbitrumue res pertineat. Itaque cum actorum intentiones multis uerbis explicat: tum etiam reorum exceptiones ac defensiones tradit: & postremo de Praetorum interdictis Iudicumq; officio commemorat. Quae cum ita sint, perspicuum esse arbitror, quae nam horum librorum partitio instituenda esse uideatur. Cum enim totius huiusce institutionis tres sint partes, de personis litigatorum, de causis propter quas litigatur, & de litigandi litiumq; dirimendarum formulis: sequitur, ut tripartita quoque illius diuisio esse debeat. & primo libro de personis, tanquam de causa efficiente: altero de rebus & obligationibus, tanquam de materia: tertio de actionibus, tanquam de forma explicetur. nam quod ad finem, siue (ut nunc loquimur) causam finalem attingit, ea in iustitia, hoc est in rerum iudicatarum euentis, de quibus bene ominari conuenit, tota uersatur. Sed quoniam immodica & absurda libri secundi magnitudo futura est, si in unum uolumen uniuersa illa de rebus & obligationibus disputa-



## Argumentum

ratio conferatur: propterea commodius esse uidetur, si eam in duo uolumina ita partiamur, ut priore loco de rebus, altero de obligationibus differatur. Ex quibus intelligi posse arbitror, cuiusmodi peruulgata illa partitio sit, siue eam Tribonianus, homo ordinis non modò imperitus, sed (ut opinor) etiam expers, commentus est: siue illa infelicitate temporum in hos libros irrepsit, ut tertij libri initium ab eo capite fieret, quo de hereditatibus, quæ ab intestato deferuntur explicatū est: quarti autem ab eo, in quo de obligationibus ex delicto tractatur. nam hac ratione trium diuersarum tractationum partes à genere suo diuulsæ, sic inter se coniunguntur, ut si quis trium statuarum, quarum prima uirilī, altera muliebri, tertiā equina esset, dissoluta membra componens, corpus unum ex uirilī formæ capite & humeris, alterum ex reliquis eiusdem partibus cum muliebri statuæ capite coniunctis, tertium ex cæteris muliebribus partibus cum equinis membris constitueret. Etenim secundus liber ex priore de rebus tractatione compositus est: nimirum ex omnibus modis, quibus res singulæ: & item priore parte modorum, quibus res uniuersæ acquiruntur: hoc est, hereditatibus quæ ex testamentis obueniunt: Tertius uerò primò ex reliqua parte eorum modorum, nimirum de hereditatibus quæ ab intestato deferuntur, modisq; cæteris componitur: cui prior pars alterius dissimillimi generis attexitur, nimirum de obligationibus quæ ex contractu nascuntur. Quartus autem ex altera obligationum parte & actionibus quæ tractationem diuersissimam continent, coagmentatus est. Etsi autem uerissimam hanc esse disputationem confidimus, tamen ut aliquid inueteratæ in scholis consuetudini tribueremus, nèue hæc Typographo nouitas fraudi esset, partitionem usitatam suis locis notandam atque attexendam curauimus. Nunc suo quisque sensu ac iudicio per nos fruatur licebit. Neque uerò pluribus uerbis reprehendenda altera illa partitio est, quam alij nescio qui suis in libris usurparunt, ut liber tertius à capite de Obligationibus inchoatus, in tractatu de obligationibus ex delicto desineret: quæ sectio quàm ridicula & homine docto indigna sit, ex ijs quæ superius dicta sunt, uel me tacente, quiuīs potest intelligere. Atque hæc quidem de horum librorum argumento ac diuisione dicta sint. Nunc quid in hisce Commentarijs præstiterimus, paucis aperiendum est. Cum enim ita multi antehac in hisce libris Institutionum explicandis operam posuerint, inanis noster profectò labor esse uidebitur, nisi quid nos præter ceteros attulisse profiteamur. quod an iure nostro, ac sine cuiusquam iniuria facere possimus, tu Lector optime, quæ tua prudentia & istarum rerum cognitio est, existimare poteris. Nam ut illud præteream quod iam demonstratum est, longè aptiorem à nobis librorum partitionem esse factam: adhibuimus operam, ut opus hoc Institutionum mendis innumeris & quasi maculis quibus antea contaminatum erat, purgaretur. Cuius rei facultatem cum ex Tigurina bibliotheca, tum etiam ex alio manuscripto libro nacti sumus, ita uetusto, ut existimare liceat eum ante Accurtij ætatem scriptum esse: cum eas solas glossulas ad marginem adscriptas habeat, quæ Martini & aliorū quorundam dicuntur esse: & ab Accurtio in suarum numerum relatæ. Deinde capita disputationum, id est articulos, siue (ut nunc loquimur) paragraphos, qui uel condine obseruato sic distinximus, ut ijs etiam corollarium aliquod adiungeremus. Vt enim studiosi adolecentes in ipso uestibulo atque aditu paragraphi informationē aliquam, & tanquam summam disputationis ob oculos haberent, argumēta uniuscuiusque, quanta maxima potuimus, tum breuitate, tum etiam puritate orationis adscripsimus. Iam uerò cum eam optimam & certissimam interpretationem esse constet, quæ singulas cuiusque rei partes demonstrat, & tanquam inuolutas explicat (quoniam quidem, ut Aristoteles scribit, *ἔτιω εἰδέναι τὸ σιωθέν ἐπολαμβάνομεν, ὅταν εἰδῶμεν ἐκ τίνων καὶ πόσων ὅστιν*) dedimus operam, ut præclaram illam docendirationem, quam ueteres tantoperè commendarunt, & Græci ἀνάλυσιν, Latini partitionem appellarunt, in opere hoc uniuerso sequeremur. Qua ex re cum multiplicem, ut



## huius Operis.

cem, ut speramus, fructum affecuti sumus, de quo in Iuriconsulto nostro differuimus: tum uero hunc uel maximum, quod arte & ratione certa commentarios istos conscripsimus: ut iam opera in ijs posita rationem reddere possimus, cur & quicquid dicatur, & neque pluribus neque paucioribus uerbis dicatur. nam eum qui partes singulas demonstrare instituit, uitiosum est, aut ullam pretermittere, aut aliunde assumptas importare. Ex quo efficitur, ut hac arte pulcherrima & scriptoribus certi quasi termini & cancelli circumscribantur, unde egredi sine offensione non possint: & qui se sine arte ulla ad scribendum conferunt, similiter faciant, ac si quis sine gubernaculo e portu egrediatur: qui non mirum sit si neque certum cursum tenere possit, & facile ad quosuis scopulos offendens naufragium faciat. Ars enim & ea docendi ratio, quam Græci *μεθοδος* appellant, scriptoribus quasi gubernaculi uicem preberet. Neque mirum est, si passim eruditissimorum quorumque hominum querimoniam audiantur, expostulantium novos quotidie in Institutiones commentarios facitari, neque unquam scriptitandi finem fieri: tantumque nunc librorum numerum esse, ut boni a malis uix, ac ne uix quidem internosci possint. Quod si ab uno quoque scriptore instituti sui ratio aliqua certa exigeretur, & cogeretur quisque qui librum edere institueret, artem quam sequi uellet, profiteri, Deus bone, quam multos qui libere in tenebris, ut dici solet, saltitant, oborta luce placidos, quietosque uideremus: Sed hac de re plus satis. Quanquam hæc ad eos necessaria fuit oratio, si qui erunt qui quærant, cum tam multi extent in Institutiones commentarii, quid ista noua scriptio nostra opus fuerit. Quasi uero quisquam adhuc extiterit, qui partitione Institutiones explicarit, & singulis paragraphis in minutissimas quasque sententias & enunciationes diuidendis, thesaurum qui in quaque illarum latebat, aperuerit: Quantum porro utilitatis studiosis adolescentibus allaturas putamus causarum constitutiones, quas coelestem illam Hermagoræ artem, de qua in Iuriconsulto nostro differuimus, secuti, ad singulos fere paragraphos adscripsimus: de quibus ecquis tandem est superiorum interpretum, qui uel per somnium unquam cogitarit: cum tamen eam controuersiarum explicandarum uerissimam, certissimamque esse rationem, nemo qui uel in Oratorijs Ciceronis libris uersatus sit, uel in ea sese aliquandiu exercuerit, ignoret. Tamen si quæsituros esse arbitror aliquos, certone constet Iuriconsultos ueteres eam rationem, quam tanto opere urgemus, in docendo secutos esse. quasi uero illi ludos, tanquam Dionysij quidam Corinthi, habuerint: & in scholis, uel domi data opera, sepositoque tempore leges interpretati sint, ac non potius eadem opera qua consultoribus respondebant, simul auscultantes adolescentes instituerint. cuius rei testimonio uel hæc Ciceronis in Oratore uerba esse poterunt. Alteros enim (de Iuriconsultis loquitur) respondentes audire sat erat: ut ii qui docerent, nullum sibi ad eam rem tempus ipsi seponerent, sed eodem tempore & discipulis satisfacerent, & consulentibus. Item alio loco: Ego autem Iuris ciuilibus studio multum operæ dabam Q. Scauolæ P. F. qui quanquam nemini se ad docendum dabat, tamen consulentibus respondendo studiosos audiendi docebat. Sedentes igitur illi in solio, quod erat sedile magnificum & ornatum, in quo soli considebant, in atrio suo, ut ex Seneca didicimus, præclaro & pleno dignitatis loco, ubi maiorum imagines ordine dispositæ asseruabantur, quasi angusto aliquo in loco Iusticiæ sacerdotes oracula fundebant. adolescentes autem ea notabant, & non quod his miserrimis temporibus facere cogimur, antiquas (ut recte Iustinianus appellat) fabulas discebant, ab usu, & (ut nunc loquimur) practica forensi disiunctissimas: sed cum maximarum rerum cognitionem, tum etiam agendi rationem, & iudiciorum exercendorum scientiam una eademque opera consequebantur. Itaque Cicero eodem in libro testatur, semper pulchrum fuisse ius docere, hominumque clarissimorum discipulis floruisse domos, idque & factitatum & gloriosum fuisse. Quinetiam primis temporibus Patriciorum munus id fuisse, & Horatius his uersibus indicat:



# Argumentum huius Operis.

*Roma dulce fuit diu, & solenne, reclusa  
Mane domo uigilare, clienti promere iura.*

Et Dionysius Halicarnasseus libro secundo his uerbis: Τὸς Ἰπποκράτους ἰδὲ τοῖς  
ἑαυτῶν πελάταις ἀγγεῖλαι τὰ δίκαια, ὧν οὐκ ἔχουσι καὶ οἱ ἄλλοι. Mane autem Ho-  
ratiū id factitatum significat, quoniam maturè in forum & comitiū, ad usum &  
praxim descendendum erat. qua de causa idem libro Serm. primo:

*Agricolam laudat, inquit, iuris legumque peritus,  
Sub galli cantum consultor ubi ostia pulsat.*

Et noster Cicero, cui Iurisperiti nondum stomachum mouerant, Seruiū Sul-  
pitium in Muræniāna oratione alloquens: Vigilas de nocte, inquit, ut tuis consul-  
toribus respondeas. Imperator, ut quò intendit, maturè cum exercitū perueniat, te  
gallorum, illum buccinarum cantus exsuscitat. Verum ut ad institutum sermonem  
reuertamur, ridiculè sanè homines imperiti faciunt, qui ex nobis quærunt: istanc-  
ne legum interpretandarum rationem ueteres Iurisperiti tenuerint, qui ne respō-  
sorū quidē suorum rationem semper ascribere cōsueuerant: sed satis habebant,  
suam auctoritatem (sic enim appellabatur) cū opus esset, perscribere. nos uerò,  
quibus in hoc puluere scholastico noctes & dies elaborandum est, & momenta cu-  
iusq; causæ, tanquam aurificis statera, examinanda sunt, quam Deus nobis eius rei  
artem, operā summi & singularis uiri tradidit, quoad possumus amemus, & tanquā  
uirgulam diuinā de cœlo delapsam sanctè & religiosè amplectamur, maximāq;  
diligentiā colamus. Quod meum consiliū si studiosi adolescentes sequantur,  
spero fore, ut neq; me tantorum laborum quos ipsorum causa suscipio,  
neq; illos suæ operæ ac diligentiae pœniteat. Valebis igitur,  
optime & humanissime Lector: & studiū hoc  
meum, ut facis, æqui boniq; consules.

IVSTI



# IUSTINIANI IM- peratoris Vita.



**I**USTINIANVS humili & obscuro genere ortus est. Is à quo adoptatus est, Iustinus, ipsius auunculus, primum suū, deinde boni custos fuit. Sed posteaquam militare coepit, propter insignem corporis firmitatem, animique uirtutem, & rei studium militaris, ordinum ductor est creatus: tandemque corruptis largitione militibus, Imperator factus. Ab eo Anicius Iustinianus de quo scribere ingressi sumus, Salone natus (quæ urbs Dalmatiæ, postea, ut ipse idem Nouel. 131. testatur, Iustinianæa noua nominata est) Consul est cum Valerio creatus: ad extremum etiam adoptatus, inque imperij societatem, quæ menses quatuor fuit, adscitus. A.D. Calend. April. anno à Christo nato DXXVII. Ex quo quidem error intelligitur eorum, qui Iustinianum, à Iustino producto nomine, ex uetere adoptandi consuetudine appellatum tradunt. quum & tanto antè hoc nomine uteretur; & consuetudo ueterum in producendis adoptatorum cognominibus nequaquam huic Iustiniani nominis productioni conueniat. Auunculo, quo cum menses quatuor imperium administrarat, A.D. Cal. Augusti mortuo, solus imperium, cuius tum Byzantijs sedes erat, administrare coepit, quum annum ageret ætatis quartum & quadragesimum. Qua in administratione duorum usus egregia summorum uirorum opera fuisse traditur: militiæ, Bellisarij: domi, Triboniani, natione Pamphylj. quorum de utroque dicendum necessario uidetur. Nam Bellisarius quidem homo rei militaris scientia clarus, Persas, qui Mesopotamiæ ac Syriæ bellum intulerant, multis prælijs fufos fugatosque, suos in fines repulit: omnemque Orientem, Tigrim ultra, Euphratemque, quietum pacatumque reddidit. Vandalos qui Africam annos nonagintaquinque occupant, eoque cuncta imperij ornamenta, capta Roma, sublata transtulerant, uarijs cladibus belli; offensionibus affectos, trium mensium spacio deuicit: Libyamque & Carthaginem, capto eorum rege Gelimere, atque in triumphum, quem ei Iustinianus ex populi Rom. consuetudine magnificentissimum apparauit, ducto, sub Imperatoris sui ditionem potestatemque subiunxit. Siciliam post hæc, Italiamque; uniuersam, quarum utranque Gothi gens bello ferocissima, multos iam annos occupant, intra annos quinque, factis compluribus prælijs recuperauit: eorumque regem Vitigidem, magni animi egregiæque uirtutis uirum, bello captum, ad Imperatorem suum, ipsius cum opibus thesaurisque omnibus abduxit. quo tempore miram eius promissi quod Iustiniano discedens dederat, fidem constantiamque seruauit. Quum enim Gothi suis necdum magnopere accisis rebus, semel atque iterum regnum illi lubentes ac uolentes detulissent, quod Iustiniano iurandum dederat, sese illo uiuo nunquam Imperatoris Regis nomen recepturum, constanter summa fide utens recusauit. Annis autem post paucis, quum iidem Gothi rege Totila duce, uiro ad bella gerenda planè nato, Italiam ducibus qui Bellisario successerant eripuissent, bellum quod cum Medis interea gerebat relinquere, inque Italiam redire coactus est. Visus est alio præterea Iustinianus egregio belli duce, eunucho tamen, ut fertur: cui Narses nomen fuit. Is Bellisario ad Medorum bellum reuocato, Italico bello præfectus, Gothos compluribus prælijs fractos, eorum rege Totila interfecto, quum annus eius ageretur belli decimusoctauus, ad internecionem redactos, celeritate mirabili planè deleuit. Cuius rei argumento etiam nunc uetus inscriptio est, in ponte Salario propè ab urbe Roma inuenta, quam subscribemus:

IMPERANTE DN. PISSIMO AC TRIUMPHALI SEMPER IUSTINIANO PP. AVG. AN. XXXIX. NARSES VIR GLORIOSISSIMVS EX PRÆPOSITO SACRI PALATII. EXCONS. ATQVE PATRICIVS. POST VICTORIAM GOTHICAM IPSIS ET EORVM REGIBVS CELERITATE MIRABILI CONFLICTV PVBlico SVPERATIS ATQVE PROSTRATIS, LIBERTATE VRBIS ROMÆ AC TOTIVS ITALIAE RESTITVTA PONTIS VIÆ SALARIAE VSQVE AD AQVAM, A NEFANDISSIMO TOTILA TYRANNO DESTRUCTVM, PVRGATO FLVMINIS ALVBO IN MELIOREM STATVM QVAM QVONDAM FVERAT, RENOVAVIT.

Ita multis maximisque rebus ubique terrarum præclare gestis, Iustiniani imperium propagatum ac nobilitatum fuit. Quarum tamen in rerum non dico præfuisse, sed tantum interfuisse illum uel minima, nusquam reperio. quin contrà, dum per uniuersum ferè terrarum orbem Bellisarij signa magna & illustri cum gloria inferrentur, Byzantijs consedisse perpetuo Iustinianum, ab omnibus memoratur. Nam inertiae sanè illius non paruum illud argumentum fuit, quod quum orta illa in ciuitate



# Iustiniani Imperatoris Vita.

ciuitate inter Prasinos & Venetos (qui contrariarum partium colores atq; insignia fuere) seditio fuisset, in arcem se ipse cum uxore mulierculisque nonnullis celeriter abdidit. ibique dum ciuitas tumultu intestino tanquam aliquo incendio inflammata cōflagraret, magistratusq; per urbis uias interficerentur, delitescens, suamque ignauiam tenebrarum ac parietum custodijs tegens, Triboniano Quæstoris suo, de quo antè commemorauimus, itemque Ioanni prætorij Præfecto, quorum ille uirorum opera, consilio, industriaq; usus perpetuò fuerat, ad eadem à populo quæsitis, magistratum abrogare coactus est. quo tempore quum actum de ipsius imperio, nullaque consternatis ignauia Imperatoris militum animis, sedandæ illius tempestatis iniri posse ratio uideretur, præclaram orationem Theodora ipsius uxor habuisse dicitur, militesq; pristinam ad uirtutem ac fortitudinem excitando sæpenumerò prædicasse, honestè dimicando mori esse satius, quam turpiter fugiendo uiuere. qua quidem oratione sic excitati milites fuere, ut Bellisario Mandoq; ducib. Hippatium & Pompeium seditionis Principes, quiq; iam Imperij insignia occupant, tum prælio in urbe factò ceperint: tum ciuib. amplius triginta millibus eo prælio ipsa in urbe interfectis, postero die in carcere securi percussos necarint. Adhuc quæ res essent Iustiniano Imperatore bello gestæ memoratu dignæ, strictim commemorauimus. Nunc pacis ad studia quod attinet, quapropter ille in ore sermoneq; hominum uersatur, differendum uidetur. Erant inde usq; ab Romuli regno Populi Rom. leges scriptæ complures: quas ad leges Iurisconsultorum ita copiosi, itaq; uberes erant scripti commentarij, ut cum ipsorum responsis coniuncti faciliè ad librorum duo millia, uersuum autem tricies centena millia conficerent. Qua ex multitudine, copiaque immensa necessariò illud acciderat, ut quum permulti ex ijs libri noti perpaucis essent, tum eorum in iudicijs usus esset omnino nullus. Artis sanè huius ea uidetur esse natura, ut causarum infinita perpetuaq; uarietate scribendi materiam suppeditante, si hominibus scribendi licentia permittatur, ea neque modum neq; finem habitura esse uideatur. Itaque longo ante Iustinianum tempore, commentariorum ac scriptorum quedam quasi eluuius ius ciuile occuparat. ut cum Iulius Cæsar, tum alij nonnulli post eum Imperatores de hac disciplina constituenda, certisq; finibus circumscribenda, sæpenumerò cogitarint. Verum quod illi & multo paucioribus in libris, & illa ætate ingeniosissimorum hominum feracissima, quia opus post homines natos difficillimum maximeq; arduum uidebatur, attingere ausi non erant: id Iustinianus & longè pluribus in libris, & omnium bonarum in artium interitu ac seculo infelicissimo, Triboniani unius suasu atque impulsu aggressus est. quo ille insigni ac peraudaci facinore uetus fortasse uerbum comprobauit: Ex imperitia audaciam, ex doctrina atq; peritia dubitatione diffidentiamq; gigni. Fuisse traditur Tribonianus ingenio peracri uersutoq;, & magnæ apud Imperatorem suum auctoritatis. Honores affecutus apud eum maximos (Consul enim & Quæstor, quem Pædram Græci nominant, & Magister officiorum fuit) sic eos administrauit, ut homo auarus, nulla fide, nulla iusticia, ius quotidie nouum uariumq; constitueret. Ei qui auctor huiusce consilij fuerat, Princeps totius curam negocij non modò commisit, uerum etiam permisit, quapropter constitutiones primùm Imperatorum tribus in libris dispersas, quos Gregorianum, Hermogenianum, & Theodosianum appellabant, adhibito delectu unum in librum coaceruauit, quem Codicem constitutionum Latine inscripsit. Id autem anno imperij suo II. Decio Cos. indiçtione 7. confectum fuisse, Iustinianus in ea constitutione testatur, quæ est de Iustiniano codice confirmando, ad Menam Præfectum prætorio XVI. Cal. Maias data, Anno DXXIX. Anno insequenti, Lampadio & Oreste Cos. Tribonianus Græcis hominibus sedecim, qui tum Iurisprudentiæ laude præter cæteros florebant, Imperatoris mandatu ad laboris societatem adscitis, ueterum Iurisconsultorum scripta uniuersa in Principis palatium deportata pertractare, negotiumq; capeßere instituit: ut ex Imperatoris constitutione de uetere iure enucleando ad Tribonianum scripta, & XIII. Calen. Ian. data, intelligitur. quumq; annum iam in hoc opere conficiendo tertium elaborarent, ac iam iamque ad exitum perducturi essent, ecce aliud ab eodem Imperatore mandatum: ut quum essent elementa quædam huius disciplinæ antiquis ab Iurisconsultis tradita, ex ijs elementis Triboniano, Theophilo ac Dorotheo socijs atq; adiutorib. adhibitis, Institutiones exprimeret. cui mandato quum ab ipso studio obtemperatum esset, eodem ipso anno XI. Cal. Decemb. Iustiniano 3. Cos. anno à Christo N. XXXIII. Iuris ciuilis institutiones libris 4. expositæ in lucem conspectumq; hominum peruenerunt. paucisque item post diebus, hoc est XVII. Cal. Ian. quinquaginta Digestorum seu Pandectarum nominibus inscripti libri: in quib. Iurisconsultorum scripta omnia, qua commodum illis sedecim uiris uisum erat, circumcisa atq; amputata ita in arctum angustumque contracta erant, ut ex librorum duum millium numero, quinquaginta tantum: ex uersuum tricies centenis millibus, centum quinquaginta millia duntaxat redierint. Ita Tribonianus negotium hoc quod mira confidentia, illis præsertim utens socijs & administris (quorum nemo, quantum sanè Latine quædam illorum epistolæ nobis præbent existimandi copiam, uel Latinis literis eruditus, uel ulla magna ingenij laude præditus fuit) hoc inquam negocium quod ita confidenter aggressus erat, sanè celeriter ac per breui admodum tempore confecit. nam triennij duntaxat spacium hoc in tanto tamq; arduo difficiliq; opere consumptum esse, Imperator ipse non uno loco testatur. Hac nimirum ratione cum duodecim Tabularum, aliæq; leges innumerabiles, tum edicta



# Iustiniani Imperatoris Vita.

edicta Prætorum perpetua, & in utraq; præclari Iurifconsultorum commentarij, eorum deniq; responsa innumera, utpote quibus esset nulla relicta in iudicijs auctoritas, ab hominibus Græculis contempta atq; abiecta, facile perbreui spacio intereiderunt. Anno uertente, qui à Christo nato quingētesimus trigēsimus quintus numerabatur, Imperij uerò Iustiniani octauus, quo anno quartum idem Iustinianus cum Paulino consulatum gerebat, quod eiusdem Imperatoris complures extarent uarijs de rebus constitutiones, in his eæ quæ Quinquaginta Decisiones uulgò nominantur, post superiorem illam Codicis editionem promulgatæ, idem Tribonianus socijs quatuor laboris adhibitis, Imperatoris mandatu Codicem illum quem diximus constitutionum reconcinandum suscepit: partim ut posteriores constitutiones illum in librum referrentur, partim ut quæ ex superioribus mutata atq; abrogata fuissent, eodem ex libro tollerentur. qua de re constitutio Imperatoris extat, De emendatione Codicis & secunda eius editione, inscripta, & XVI. Cal. Decemb. data. Itaq; tres postea Iustiniani imperio legum libri uulgò habiti fuere: Pandectarum, Institutionum, & Codicis constitutionum, qui nunc præcisè Codex nominatur. quibus ad extremum quartus earum quæ postea per omne Iustiniani imperium scriptæ sunt, adiectus fuit: quas modò Nouellas, modò Authentica uulgò nominamus. Atq; hæc quidem quæ ad Iustiniani multo maximum ac memorabile in libris Iurifconsultorum circuncidendis facinus attinebant, quantum ex ipsius scriptis intelligere potuimus, demonstrata sunt. Vxorem idem Imperator habuit Theodoram nomine, animo magno mulierem: cuius de uirtute superius commemorauimus. Eam ille maximis quibusq; de rebus in consilium plurimum adhibebat. quod ipse idem quibusdam in suis constitutionibus Nouellis profitetur. uideturque ipsius auctoritate ac suasu inductus, multa quæ populi Rom. legibus minus ad mulierum gratiam accommodatè constituta erant, correxisse, eiq; sexui omnibus in iuris ciuilibus partibus maiorem in modum gratificatus esse. In iureiurando quod ijs deferabatur qui Reipub. procuracionem aliquam inibant, hoc præscriptum erat, ut Theodoræ Imperatoris coniugi ac potentia obsequium, fidem, conscientiamq; suam probarent. Duxisse illam traditur anno imperij sui secundo, habuisseq; in matrimonio annos unum & uiginti, tres menses. Religionem Christianam piè sancteq; coluit. siquidem errantium opinionum quibus tum Ecclesia Christiana, tanquam tempestatibus quibusdam agitabatur, uindicem se acerrimum, inimicissimumq; præbuit. nam & Porphyrij & Eutychetis, Nestorijq; impias & sceleratas opiniones repudiavit. ac religionis nostræ de triplici in Deo persona sententiam integerrimè constantissimèq; defendit. Postremò, quæ in Concilio Niceno eadem de religione conuenerant, arctissimè retinuit. Imperauit annos XXXIIX. M. VII. D. X. uixit circiter octoginta quatuor: mentisq; errore multo antè affectus, Iustino ex filia

nepote Imperatore designato, uita  
est functus.











primum, dimanauit. neque tamen iccirco antiqua consuetudo sublata est, sed utraque retenta. nam cum eiusmodi aliquam uir-  
tutem adepti sunt, etiam in illis mos uetus usurpatur: siquidem hoc ipso nomine, non secus quam alijs, eoq; primo, Principes  
utuntur. qui uero rem hoc nomine dignam in bello gesserunt, hi etiam illud ab antiqua consuetudine assumunt. unde nonnulli  
& iterum, & tertium, & sepius, deniq; quoties usus uenit, Imperatores cognominantur.

CÆSAR.) Hoc C. Iulij cognomen fuisse, nemo nescit. sed quemadmodum hereditarium Imperatorum R. fuerit, mi-  
nus uulgò notum est. Illud ergo intelligi oportet, C. Octauium, testamento Cæsaris adoptatum, & nomen & cognomē ipsius  
ex consuetudine recepisse. cumq; idem & Tiberio & Caligula & alijs compluribus usu uenisset, factum est tandem aliorum  
imitatione, non modo ut nomen hoc successorum Imperij quasi hereditarium maneret, uerum etiam ut Cæsares appellaren-  
tur, qui uiuo Imperatore heredes Imperij designati essent, quemadmodum Spartianus in Aelio Vero memoria prodidit: quē  
ipsum primum Cæsarem ea ratione appellatum, aliquot locis testatur.

FLAVIVS.) A Vespasiano Imp. nomen manauit, quem ē gente Flauia, noua & ignobili, fluxisse, Suetonius auctor  
est. nam cum eius filij Titus & Domitianus, Imperij successores, familie nomen retinuis-  
sent: postea longo intervallo Constan-  
tius, cui Constantinus magnus successit, illud idem nomen, haud scio qua de causa repetitum, usurpauit. quem imitati postea  
successores, nomen hoc Iustiniano nostro quasi per manus tradiderunt.

IUSTINIANVS.) Iustini Imperatoris, a quo & adoptatus, & in Imperij societatem ascitus est, sororis filius. No-  
men autem hoc ab illo auunculo manasse, quidam falso putant. cum satis constet, illum ante adoptionem hoc nomen habuisse,  
Consulatumq; gessisse: neq; consuetudo ueterum in producendis adoptatorum nominibus, huic nominis productioni cōueniat.

PIVS.) Hoc cognomen primus Imperatorum Antoninus, Hadriani successor, obtinuit: quod (ut Iul. Capitolinus scribit)  
cum se Hadrianus interimere uellet, ingenti custodia & diligentia fecit, ne id posset admittere. Post illum, successores omnes  
idem cognomen retinuerunt, quemadmodum ex Fastis & antiquis auctoribus omnibus intelligitur. Itaq; Iustinianus noster  
Nouell. 78. Αὐτοῖς, inquit, ὁ αὐτοκράτωρ ἰσχυρῶς ἐπεὶ καὶ αὐτὸς τὰ ἐκ προαγογίας τὰ πάντα λατρεῖ: Antoninus, in-  
quit, ex pietate cognominatus, a quo eadem usq; ad nos appellatio peruenit.

FELIX.) Vnus hominum ad hoc aui (inquit Plinius) Felicis sibi nomen asseruit, L. Sylla: ciuili nempe sanguine ac pa-  
trie oppugnatione adoptatus. Plura Plutarch. in uita, & Appianus lib. de Bell. ciuili 1. Vsurpauit postea longo intervallo co-  
gnomen hoc Imp. Commodus, quemadmodum historia testantur: quem pleriq; successores imitati, appellationem hanc Iusti-  
niano nostro tradiderunt.

SEMPER AVGVSTVS.) Nomen hoc primum Octauiano a Senatu, ex Munatij Planci sententia tributum es-  
se, nemo ignorat. nam cum cum Senatus insigni aliquo nomine ornare uellet, usum est opportunum esse, ut illo uterentur. iccir-  
co (inquit Suetonius) quia loca religiosa, & in quibus augurato quid consecratur, Augusta dicuntur. Hoc uerò nomen ita po-  
sterioribus placuit, ut quicumq; Imperio succederent, idem hoc quoq; nomen assumerent. Etsi autem illud hac de causa usq;  
ad Iustinianum nostrum peruenisse dici potest: tamen multo maiore, & plane singulari ratione ad eum pertinet. Cum enim a  
Gothis Romanum Imp. occupatum annos amplius LXX. fuisset, eoq; nomen hoc in Augustulo, cui ademptum Imperium  
est, defecisset: illud postea Iustinianus tanto intervallo Bellisarij primum, deinde Narscis opera recuperauit: quemadmodum  
Pomponius Laetus memoriae prodidit. Nam etsi de Carolo Magno idem dicatur, tamen id aliam habet rationem: nimirum quod  
pulsis Longobardis, Romani Imperij sedem Romæ primus post Augustulum collocauit.

## IN PRAEFATIONE M.

Magistratui ad Reipub. suam tuendam duo ne-  
cessaria sunt, arma & leges.



Imperatoriam Maiestatem non solum armis decoratam, sed etiam legibus oportet esse  
armatam: ut utrunque tempus, & bellorū & pacis, recte possit gubernari: & princeps  
Romanus uictor existat non solum in hostilibus praelijs, sed etiam per legitimos tra-  
mites, calumniantium iniquitates expellens: & fiat tam iuris religiosissimus, quam  
uictis hostibus triumphator.

## Commentarius.

ARMIS DECORATAM.) Theophilus, ὁ πλοῖς κοσμεῖται, uerbum pro uerbo reddidit, quasi ad decus quod ex  
rebus bellicis, & uictorijs ac triumphis queritur, hoc loco respexisset. Sed uideamus ne subiecta ratio postulet aliam sen-  
tentiam. quod tum facilius intelligemus, si orationis ordinem inuertamus, hoc modo: Ut recte utrunq; tempus gubernetur, ne-  
cesse est Imperatorem armis decoratū esse. ita enim uictor in hostilibus praelijs existet. Quibus ex uerbis probabilis uidetur,  
Decoratam cum dixisse, pro munitam, paratam, instructam. nimirum hoc sensu: Imperatori opera danda est, ut rebus omni-  
bus ad bellum gerendum necessarijs paratus instructusq; sit. nam (ut ait Aristoteles libro Politicorum septimo, capite nono)  
τὸς νοῦνον οὐκ ἀναγκάων καὶ ἐν αὐτοῖς ἔχειν ὄπλα, καὶ τὸ πᾶν ἀρχὴν τὴν ἀναβολῶν καὶ καὶ τὸς ἐξ ὧν ἀδικίαν ὀδὴ-  
καρποῦται. Necesse est, inquit, eos qui ad reipub. accedunt, & propter eos qui imperium detrectant, & propter externos qui  
inferre iniuriam conantur, arma domi in armentario posita habere. Et libr. 2. cap. 5. ἀναγκάων ἀπὸ τῶν πολιτικῶν οὐκ ἐστὶν  
ἀλλὰ καὶ τῶν πολιτικῶν ἰσχυρῶν: Necesse est reipub. ijs rebus quæ ad bellicas uires attinent, munitam & instructam esse.

NON SOLVM ARMIS DECORATAM.) Enunciatio I. Imperator utrunque Reipublicæ tempus re-  
cte sine armorum ac legum praesidio administrare non potest. Vtrunque autem Reipublicæ tempus modo nominabit bellum  
& pacem.



**A** & pacem. Nam (ut ait Aristoteles lib. Polit. 1. cap. 3.) πολιτικός βίος γίνεται διηγουμένης ἑὸς τε τῶν πολιτικῶν χάριν, καὶ τῶν ἀπολιτικῶν. Civilis uita, inquit, in bellorum & pacis opportunitates diuisa est. Et libr. 7. cap. 14. Omnis uita, inquit, in partes duas distributa est: in negotium & otium: in bellum & pacem. Quod autem ad huius sententiae summam attinet, eam ego sane non insignem & præclaram semper existimaui. Duas enim res in Principe desiderat, quibus rebus regni felicitatem maxime contineri, diuine Socrates apud Platonem in lib. de Republ. quinto dixisse creditur. Iustinianus enim principatum cum amore sapientiae, quæ in decenti legum descriptione uel maxime cernitur, coniungit. Socrates autem tum demum beatum genus humanum fore dicebat, cum aut Philosophi regnarent, aut reges philosopharentur. Quod si uera, & non facata philosophia, non in uerbis, sed in actione posita est, ut præclare sapientissimi ueteres scriptores omnes testantur: publicæ autem actiones priuatis potiores sunt: perspicuum est, leges quæ ad publicas actiones pertinent, ueram & summam philosophiam continere. Eam uero, inquit, ἢ οἱ φιλόσοφοι βασιλεύουσιν ἐν ταῖς πόλεσιν, ἢ οἱ βασιλεῖς τὴν νόμον ἔχοντες καὶ διὰ τὴν φιλοσοφίαν γινώσκουσιν καὶ ἐν αὐτοῖς, καὶ τὸ τοῦ αὐτῶν ἐν μὲν δυνάμει τὴν πολιτικὴν καὶ φιλοσοφίαν, ἢ τὴν νόμον ἔχοντων χάριν ἐν αὐτοῖς, καὶ πολιτικὰ φύσει καὶ ἀνάγκη ἀποκαταστήσιν, ἐν ἑστὶ καὶ τῶν πόλεων ταῖς πόλεσιν. id est: Nisi uel philosophi regnum in ciuitatibus obtineant, uel ij qui nunc Reges & Dynastæ appellantur, uerè & idoneè philosophentur, atq; in idem ciuili facultas & philosophia concurrant: & contrà quàm hoc tempore in utroque fit, ingenia multa necessario diuersa in studia distrahantur, nunquam malorum finis reperietur.

**LEGIBVS ARMATAM.)** Id est, munitam & instructam, ut supra dictum est. eodemq; illud Pittaci pertinet, qui (ut Laertius scribit) ὁπρωθεὶς ἐπὶ τοῖς, τίς ἀρχὴ μίσην, ἢ τὸν πόλεον, ἢ τὴν εὐδαιμονίαν τῶν νόμων. Interrogatus à Cræso, quod maximum esset imperium: respondit, uarij ligni: legum ligneas tabulas significans. Itaq; Cicero libro de Offic. 1. disputat, Lacedæmoniorum Imperium multo plus Lycurgi legibus & disciplinâ debere, quàm aut Pausaniæ aut Lylandri rebus gestis: quorum tamen uirtute magnopere illud dilatatum putabat. Parua enim, inquit, sunt foris arma, nisi sit consilium domi. Neq; minorem utilitatem afferunt, qui togati reipub. præsumt, quàm qui bella gerunt.

**ET PRINCEPS ROMANVS.)** Hoc ex illorum temporum consuetudine intelligendum est. Nam in Thracia Iustinianus imperium obtinebat, quod Constantinus magnus aliquot ante annis imperij Romani insignia ornamentaq; omnia ita transtulerat, ut etiam urbem Constantinopolim, in qua sedem imperij sui constituerat, noua Roma Imperatoris edicto, & ecclesiasticis decretis omnibus appellaretur. Vnde hæc & ad Iustinianum, & ad superiores appellatio peruenit: tametsi uetus Roma annos amplius septuaginta à Gothib; occupata fuisset.

**VICTOR EXISTAT NON SOLVM.)** Sic omnes antiqui libri: & infra, Calumniantium iniquitates expellens, quorum etiam auctoritatem Theophilus adiunxit. Sensus autem apertus est: Præsidium armorum ac legum, prodesse Imperatori, ad uictoris nomen iure meritoq; obtinendum. Nonnulli autem sic reposuerunt: Non solum in hostilibus prælijs uictor existens: sed etiam, &c. expellens fiat. quam sententiam ut non improbo: sic ab antiquissimis codicibus alienam esse confirmo.

**SED ETIAM PER LEGITIMOS.)** Sequitur enunciatio II. Imperator non tantum hostibus debellans, sed etiam calumniatoribus coercendis uictoris nomen adipiscitur. Quod ab Imperatore sanè præclare dictum est. Nam si uerè à Platone lib. de Repub. 5. & de Legibus 2. traditur, duo esse belli genera, unum cum exteris, alterum cum ciuib; ipsius seditione aut calumnijs litium inter se concertantibus, consentaneum est, etiam duplicem esse uictoriam: unam ex hostibus debellatis, alteram ex calumniatoribus & improbis ciuib; repressis. Sic etiam Cicero lib. de Offic. 1. scribit, duo esse genera decertandi: unum per disceptationem, alterum per uim.

**LEGITIMOS TRAMITES.)** Id est, Ea ratione quam leges præscribunt. Nam tramites pro uias dixit. Via autem pro ratione ac modo ponitur: ut ἡ μέθοδος. Quare νομίμως ἐπινοήσας, Theophilus conuertit: id est, inuentis legitimis.

**CALVMNIANTIVM INIQUITATES.)** Partem pro toto posuit, cum enim omnes omnium generum improbitates quæ in pacata ciuitate admittuntur intelligat, eam tamen præcipuè quæ in iudicijs uersatur, posuit. Calumniari autem non minus reus dicitur & inficiator improbus, qui malitiose ius alterius ludificari conatur: quàm actor siue in publico, siue in priuato negotio. Cicero Lentulo, Res ab aduersarijs nostris extracta est uarijs calumnijs: id est, malitiosis & fraudulentis tergiversationibus. Idè lib. de Repub. 2. Vt Carneadi respondeatis, qui sæpe optimas causas ingenij calūnia ludificari solet.

**ET FIAT TAM IURIS RELIGIOSISSIMVS.)** Sequitur enunciatio III. Vt armis uictoriam ac triumphum Imperator adipiscitur, sic legibus iuris inter ciues æquabilitatem optime conseruat. Hæc enim locutio, Iuris religiosissimus, ex Papiniani responso in l. unum ex familia, 67. in fin. D. de legat. & fid. 2. intelligitur idem significare, ac si dictum esset, Iuris ad summam religionem obseruantissimus: uel, qui religiosissime obseruat, quid iuris statui oporteat. Quam uerissimam esse Regum laudationem, locus Dionysij Halicar. quem ex lib. 5. subscribemus, ostendit: κατὰ τὴν ἐν βασιλεὺς ὁ δικαιότατος τε καὶ νομιμώτατος, καὶ μηδὲν ἐν δίκῃ αὐτοῦ καὶ τὴν ἀρετὴν αὐτοῦ καὶ τὴν δυνάμειν αὐτοῦ καὶ τὴν ἐν δυνάμει αὐτοῦ τὴν ἐν δυνάμει αὐτοῦ τὴν ἐν δυνάμει αὐτοῦ, id est: Optimus erat rex idem qui iustissimus, & iuris obseruantissimus, & nulla in re à more institutoq; maiorum discedens, quod etiam Homerus demonstrat, qui Reges appellat ciuitatum iuridicos.

**TRIUMPHATOR MAGNIFICVS.)** Absèst uox Magnificus tum à Theophilo, tum ab antiquis libris: non tamen hoc aliena loco, si Triboniani elegantiam spectemus.

*Bellicarum Iustiniani uirtutum testes sunt gentes regionesq;  
complures, sub Romanum ipsius imperij  
subiunctæ.*

**II. Quorum utranq; uiam cum summis uigilijs & summa prouidentia, annuente Deo, perfecimus. & bellicos quidem sudores nostros barbaricæ gentes sub iuga nostra deductæ cognoscunt: & tam Africa, quàm aliæ numerosæ prouinciæ, post tanta temporum spacia, nostris uictorijs à celesti numine præstitis, iterum ditioni Romanæ, nostroq; additæ imperio protestantur.**



VTRANQVE VIAM CVM SVMMIS VIGILIIS.) Enunciatio I. Iustinianus & gloriam sibi uis-  
 Etis hostibus peperit, & iuris æquabilitatem inter suos ciues retinuit.

BARBARICAE GENTES.) Sequitur II. Iustinianus & gentes barbaras bello domitas, & regiones innu-  
 meras bello partis sub imperium ditionemq; suam subiunxit. Barbaras autem gentes significat Persas in Syria, Vandalos in  
 Africa & Italia, Gothos in Italia & Sicilia. Gentes ergo Latine & plane à prouincijs distinguit: illis hostes ipsos, his regio-  
 nes quasuis significans. Nam prouincias sepe Iustinianus & similes auctores pro subactis & bello captis regionib. usurpāt.

INNUMERAE PROVINCIAE.) Veteres libri, quos optimus Accursius sequitur, Numerosæ. Theophilus ta-  
 men ætæ prædictæ, in quibusdam scriptis. Rectum est igitur Numerosæ, ut & l. 2. C. in quib. caus. in int. rest.

POST TANTA TEMPORVM SPACIA.) Post quinque & nonaginta annos: ut idem ait in l. 1. C. de  
 Off. præf. præf. Afr. cui Procopius astipulatur: tot enim annos, Vandali Africam obtinuerāt, eoq; imperialia omnia ornamen-  
 ta, Roma capta sublata, transfulerant.

ITEM DITIONI ROMANAE NOSTROQVE.) Sequitur III. Iustiniani imperium Romanum  
 appellatur: sed nouæ Romæ, hoc est Constantinopolis. Sedem enim Imperij primus Constantinus magnus Byzantium translu-  
 liquo post tempore Noua Roma nominata est, ut in concilio Constantinopolitano I. & Chalcedonensi multis ex locis constat.

*Iustinianus primum constitutiones Principum, dein Ius civile popu-  
 li Romani, postremo Institutiones in melio-  
 rem formam redegit.*

III. Omnes uerò populi legibus tam à nobis promulgatis, quàm compositis, reguntur. Et cum  
 sacratissimas constitutiones antea confusas in luculentam ereximus consonantiam: tunc nostram  
 extendimus curam ad immensa prudentiæ ueteris uolumina, & opus desperatum, quasi per me-  
 dium profundum euntes, cælesti fauore iam adimpleuimus. Cumq; hoc Deo propitio peractum  
 est: Triboniano uiro magnifico, Magistro & Exquæstore sacri palatij nostri, \* necnon Theophilo  
 & Dorothæo uiris illustribus antecessoribus (quorum omnium solertiam, & legum scientiam, &  
 circa nostras iussiones fidem, iam ex multis rerum argumentis accepimus) conuocatis, speciali-  
 ter mandauimus, ut nostra auctoritate, nostrisq; suasionibus Institutiones componerēt: ut liceat  
 uobis prima legum cunabula non ab antiquis fabulis discere, sed ab Imperiali splendore appete-  
 re: & tam aures, quàm animi uestri, nihil inutile, nihilq; perperam positum, sed quod in ipsis rerum  
 obtinet argumentis, accipiant. Et quod in priori tempore uix post quadriennium prioribus con-  
 tingebat, ut tunc constitutiones Imperatorias legerent: hoc uos à primordio ingrediamini, digni  
 tanto honore, tantaque reperti felicitate, ut & initium uobis & finis legum eruditionis à uoce  
 Principali procedat.

\* Excon-  
 sule,

TAM A NOBIS PROMVLGATIS, QVAM COMPOSITIS.) Enunciatio I. Qui Iustinianus  
 no parcauit, nullis alijs quàm ab ipso uel scriptis, uel compositis legibus utebantur. Promulgatis autem, sius dicit: compositas  
 uerò, alienas, ordine dispositas atq; descriptas. Itaq; Theophilus interpretatur: nec promulgari ueteres iam ab alijs editæ, &  
 in usum receptæ à Iustiniano potuerunt, sed in ordinem redigi & componi.

SACRATISSIMAS CONSTITVTIONES.) Sequitur II. Iustinianus Principum superiorum constitu-  
 tiones uagæ dispersas, unum in librum ordine ac delectu adhibito collegit. Priorem autem Codicis editionem significat, quæ  
 anno Imperij sui secundo, Decio Cons. indictione VI. anno à Christo nato DXXIX. facta est, ut patet ex l. 2. C. de Iustin.  
 cod. conf. Post enim idem Codex iterum emendatus est, & multis locis recognitus.

AD IMMENSA VETERIS PRVDENTIS VOLVMINA.) Sequitur III. Iustinianus post  
 constitutiones ordinatas, Iuris ciuilibus libros interpolauit, atq; in nouam formam redegit. Medium autem profundum appellat;  
 immensum atq; infinitum negotium: quasi medium Oceanum, cuius neq; latitudinem neq; altitudinem metiri possis. Libris es-  
 nim constabant bis mille, uersibus centies mille: ut ipse in præfatione Digestorum testatur.

IAM ADIMPLEVIMVS.) Etsi autem perfecta essent, neq; tamen edita, neque confirmata erant. Institutiones  
 enim eduntur XI. Calend. Decemb. anno à nato Christo DXXIII. Iustiniani imperij VII. Pandectæ uerò mense in-  
 sequenti, XVII. Calend. Ianuar. ut ex præfatione Pandectarum apparet.

TRIBONIANO VIRO MAGNIFICO.) Sequitur IIII. Iustinianus Pandectis absolutis, negotiū con-  
 ficiendarum Institutionum Triboniano, Theophilo & Dorothæo mandauit.

MAGISTRO ET EXQVÆSTORE SACRI PALATII NOSTRI, ET EXCONSV-  
 LE.) Duæ uoces proximæ ab antiquis absunt, & à Theophilo. Exquæstores autem & Exconsules dicuntur à Iustiniano,  
 qui à Latinis Quæstorij & consulares. Nam cum in Latina Pandectarum præfatione sic dixisset, Quæ omnia confecta sunt  
 per uirum excelsum, nec non prudentissimum magistrum, Exquæstore & Exconsule Tribonianum: tum in Græca ita scrip-  
 psit, ἀπὸ πάντων ἐμπρόσθεν καὶ ἀπὸ τοῦ Τριβωνίου καὶ τοῦ Δοροθέου καὶ τοῦ Θεοφίλου βασιλέων καὶ πραιποσίτου.

ANTECESSORIBVS NOSTRIS.) Abest ab omnibus uox Nostris, uideturq; superuacanea. nam Antecess-  
 fores significat non priores Imperatores (qua tamen in re uerbum hoc posuit l. 1. C. de Off. præf. Afr.) sed iuris interpretes ac  
 doctores: ut in præfationibus Pandectarum frequentissime, similiter autem dicti sunt, ut à Græcis πρὸς τὰς, quasi qui uiam  
 adolescentibus præeant, eosq; quasi manu ducant.

VT LICEAT VOBIS PRIMA LEGVM CYNABVLA.) Sequitur V. Iustinianus in has institu-  
 tiones



# Institut. Præfatio.

5

**A** tiones ea tantum quæ usitata, non etiam quæ abrogata erant, referri uoluit. Perstringit uidelicet Vlpiani & Caij, aliorumque ueterum institutiones: in quibus multa quæ ad iuris rei; publicæ ueteris rationem attinebant, explicabantur. ueluti formulæ, quæ abrogatæ omnes erant. Ergo ANTIQVÆ FABVLÆ, id est leges abrogatæ, & ab usu rei; publicæ reiectæ: quarum non alius est usus, quam qui fabularum esse solet: hoc est infructuosa quædam oblectatio in audiendo, qualis ueterum Respubl. fuerit, quibusque legibus uterentur. Hoc tamen Imperator noster neque præstat, neque præstare potuit, ut suis locis constabit.

RERVM OBTINET ARGVMENTIS.) Id est, in usu & exercitatione forenfi, ut modò paulo antè, & in frà §. penult. de satisfat. Theophilus tamen hoc uoluisse uidetur, quod ualere uimque habere, res ipse in experiundo arguunt, atque declarant. Huc autem illud Aristippi pertinet, qui percontanti cuidam quæ potissimum adolescentibus essent discendæ respondit, Quæ uiris usui futura essent. Cuius rei Laertius meminit. Nam (ut Plinius lib. Epistolarum octauo, Aristoni Iurisci conscribit) Quotusquisque tam patiens est, ut uelit discere quod in usu non sit habiturus? Addam, quod difficile est, tenere quod didiceris, nisi exerceas.

VIX POST QVADRIENNIVM.) Sequitur VI. Imperatorum constitutiones olim non nisi quarto ab huius disciplinæ institutæ anno legebantur. Quod tamen Iustinianus non abrogauit: ut patet ex præfatione Pandectarum: nam anno quinto, Prolytæ (sic eius anni studiosi appellantur) Principum institutiones per se lectitant. Apud Theophilum igitur triennium corrupte legitur. nam post quadriennium, olim quoque Constitutiones legebantur, ut patet ex præfatione Omnem 4. §. 2.

DIGNI TANTO HONORE TANTAQUE REPERTI FELICITATE.) Sequitur VII. Hoc tempore Imperatorum constitutiones iuris studio aditum finemque præstant. Theophilus autem pro DIGNI tanto honore, uertit ἀξιόβουτος, id est, dignatus. quod mihi ualde arridet. Itaque uocem REPERTI ad hoc uerbum accommodans, sic **B** interpretor: Reperti digni tanto honore, tantaque felicitate, ne pro Reperti, Referti legamus: ut Theophilus, ἀποδοῦναι.

Pandectis absolutis, compositis sunt Institutiones: quibus tum antiquorum legislatorum, tum Iustiniani inuenta breuiter indicantur.

IIII. Igitur post libros quinquaginta Digestorum seu Pandectarum, in quibus omne ius antiquum collatum est, quos per eundem uirum excelsum Tribonianum, nec non ceteros uiros illustres & facundissimos confecimus: in hos quatuor libros easdem Institutiones partiri iussimus, ut sint totius legitimæ scientiæ prima elementa: in quibus breuiter expositum est, & quod antea obtinebat, & quod postea desuetudine inumbratum, ab Imperiali remedio illuminatum est.

IN QVIBVS IVS OMNE ANTIQVVM COLLECTVM EST.) Enunciatio I. Ius omne populi Romani in Pandectarum libros collatum est. Nam pro COLLECTVM, libri ueteres habent COLLATVM est: quibus assentior. Sic enim Theophilus, ἐν οἷς ὁλοῦς τὰ ἀρχαῖα καὶ τὰ ἀπὸ ἀρχαίων νομοθεσία. nam Colligere minutâ & subtilem diligentiam significat: Conferre uerò, cogere est, & contrahere. Atque ex eo Pandectæ nomen inuenerunt, παρὰ τὸ πᾶν δὲ λέγεσθαι, quod omnia complectantur.

PER EVNDEM VIRVM EXCELSVM TRIBONIANVM.) Sequitur II. Iustinianus Triboniani, Theophili & Dorothei opera in Pandectis conficiendis est usus. Sed his amplius, tredecim alijs, quos omnes enumerat ac nominat in constitutione Pandectis præfixa, cuius initium est Tanta.

**C** VT SINT TOTIVS LEGITIMÆ SCIENTIÆ.) Sequitur III. Institutiones elementa Iurisperitiæ principiaque continent. Itaque uerè sic appellantur, quum ijs tyrones & nouitij instituantur. Instituta autem etiam uulgò in Pandectis, libri huius generis à Græcis Iuriconsultis nominantur.

QVOD POSTEA DESVETVDINE INVMBRATVM.) Sequitur IIII. Hic liber tum Romanorum legislatorum, tum Iustiniani inuenta complectitur. Sensus autem his uerbis subesse uidetur huiusmodi, ut hic tradantur & quæ olim in usu erant, & quæ postea desueta atque ab usu remota, Iustinianus in usum reuocauit. Quod si ita est, ubi sunt inuenta Iustiniani inuenta, quæ nullo unquam tempore in usu fuerunt, nec ab alijs unquam excogitata sunt, sed ab ipso primum lege sancita? uocem igitur DESVETVDINE improprie positam arbitror, pro eo quod Theophilus dixit ἀσυνετία, id est, si sic loqui liceret, in consuetudine. ut sit sensus: Quod, quia nunquam in usum inductum est, obscurum & ignotum erat. Vox autem POSTEA, non ad proximum uerbum INVMBRATVM, sed ad insequens ILLUMINATVM referatur, hoc modo: Quod antea obtinuit, & quod antea nunquam usitatum, postea Principis inuentis in usum inductum est.

Iustinianus his Institutionibus uim legum attribuit: eaque ab ijs quibus Respublica committenda est, cognoscendæ sunt.

V. Quas ex omnibus antiquorum Institutionibus, & præcipuè ex commentarijs Caij nostri tam Institutionum, quam Rerum quotidianarum, alijsque multis commentarijs compositas, cum tres prædicti uiri prudentes nobis obtulerunt: & legimus, & recognouimus, & plenissimum nostrarum constitutionum robur eis accommodauimus. Summa itaque ope, & alacri studio, has leges nostras accipite: & uosmetipsos sic eruditos ostendite, ut spes \* uos pulcherrima foueat, toto legitimo ope perfectò, posse etiam nostram rempublicam in partibus eius uobis credendis gubernari. D. C. P. XI. Calend. Decemb. D. IVSTINIANO PP. AVGVST. III. CONS. \* nos



# 6 Fran. Hotom. in I. Lib. Instit. Præfat.

EX OMNIBVS ANTIQVORVM.) Enunciatio I. Hi libri magna ex parte ex Iurissprudentium libris A  
descripti sunt.

CAII NOSTRI.) Sic appellat in §. Item lex, infra de public. iudic. ut existimare liceat, cum Iustiniani tempore flo-  
ruisse, usumq; Iustinianum eius opera fuisse. Sed cum eidem hoc loco libri Quotidianarum rerum attribuantur, dubitare non  
possumus, quin is significetur Caius, cuius quatuor Institutionum, & septem Aureorum siue quotidianarum rerum libri, pas-  
sim in Pandectis commemorantur: quiq; se Hadriani tempore fuisse testatur in l. utrum, 7. D. de reb. dub. Cur autem NO-  
STRVM illum Iustinianus appellet, obscura causa est: nisi forte hanc esse dicamus, uel quod eius libris Tribonianus in hi-  
sce Institutionibus conscribendis familiariter sit usus: uel quod, cum ita illum à suis æqualibus nominari uideret, quemadmo-  
dum nominatur à Pomponio in l. penult. D. de stipul. ser. existimari hanc illi appellationem quasi quodam consuetudinis iure  
deberi. Eum autem hoc loco intelligi, cuius hoc tempore duo libri Institutionum extant, nulla ratio est: siue quod antiquum  
hunc fuisse Iustinianus hoc loco testetur: siue quod locus ille de Telo, quem Iustinianus sub titulo de pub. iud. citat, apud eundem  
antiquum Caium reperiatur sub l. si calumniatur. D. de Verborum signific. Quod autem ait hos libros præcipue ex Caji illius  
scriptis desumptos esse, etiam ex ijs reliquijs, quæ in Pandectis nostris supersunt, cuius licet animaduertere, sepius enim huius  
iuris, quam cæterorum omnium uerba his in libris proferuntur.

ET RECOGNOVIMVS.) Recognoscere, corrigendi causa diligenter & attentè legere. Cicero pro Balbo: B  
Nos Cn. Pompeij iudicium de consilij sententia pronunciatum recognoscemus?

PLENISSIMVM NOSTRARVM CONSTITVTIONVM.) Sequitur II. Institutiones uim les-  
sum eandem obtinent, quam Iustiniani Codex.

SPES VOS PVLCHERRIMA.) Sic Theophilus: NOS tamen, (ut opinor) concinnius & aptius legeretur.  
IN PARTIBVS RIVS VOBIS CREDENDIS.) Sequitur III. Ius ciuile descendit est ijs, quibus  
reipub. procuratio committenda est. Sic autem magis aridet, quam ut in alijs quibusdam CREDENDAM. Sensus est es-  
sim: Sperabimus nostram rempublicam rectè atq; ordine gubernari posse, cum eam uobis per partes regendam, uel cum eius  
uobis partes regendas commiserimus.

D. CP. XI. CAL. DECEMB. D. IVSTINIANO P. AVG. III. COS.) Id est: Data Con-  
stantinopoli, Domino Iustiniano perpetuo Augusto tertium Consule. In quibusdam libris, P. P. III. COS. quasi Pa-  
tri patriæ: quod eius temporis consuetudo repudiat. Nonnulli legendum putabant P. A: id est, Perpetuo Augusto: quos ue-  
tus monumentum, quod in Iustiniani uita descripsi, redarguit. Pandectarum autem præfationes hanc nostram  
lectionem confirmant. Annus est autem (ut supra dixi) à Christo nato D. XXXIII.

Imperij uero Iustiniani septimus.

INSTITV.



# Institutionum, seu Elementorum

D. Iustiniani sacratiss. Prin-

CIPIS, LIB. I.

DE IVSTITIA ET IVRE;

Tit. I.

*Descriptio iustitiae, unde ius profectum est: itemq; uniuersae  
iurisprudentiae. l. 10. De iust. & iur.*



**I**USTITIA, est constans & perpetua uoluntas, suum cuiq; \* tribuendi. Iu- <sup>cc</sup> \* tribu-  
ris prudentia, est diuinarum atq; humanarum rerum notitia, iusti atq; iniu- <sup>cc</sup> ens.  
sti scientia. <sup>cc</sup>

**C**ONSTANS ET PERPETUA VOLUNTAS.) Enunciat. I. Voluntas

quae constanter & perpetuo ius cuiq; suum tribuit, Iustitia dicitur. l. 10. D. eodem. In ean-  
dem autem sententiam Cicero lib. de Offic. 1. scribit, Iustitiae fundamentum esse, pro digni-  
tate cuiq; tribuere. & lib. de Inuent. 1. Iustitiam esse habitum animi, communi utilitate conserua-  
ta, suam cuiq; tribuentem dignitatem. Et lib. ad Heren. 2. Iustitiam esse aequitatem ius unicuiq; tribuentem, pro dignitate cui-  
usq;. Sed TRIBVENS, ut in Argentinensi manuscripto libro, non Tribuendi legendum esse, uel hinc licet intelligatur,  
quod iniustitia non est uoluntas adimendi, sed adimens. Hanc autem ueram esse Iustitiae definitionem, ipsa uerbi notatio deo-  
clarati nam iustitia ex eo dicta est, quod cuiq; ius sistat. Itaq; negat Cotta lib. de Nat. deor. 1. ubi iustitiam esse, ubi ius est nulle-  
lum. Est enim, inquit, pietas iustitia aduersus deos: cum quibus quid potest nobis esse iuris, cum homini nulla cum Deo sit co-  
munitas? Sed cum de iustitia ueteres ita disputarint, ut aliam uirtutem humanam constituerent, aliam deam Iouisq; filiam fa-  
cerent, considerandum est, utram illarum Iustinianus hoc loco definiat. Ne longum faciam, illam potius definiri arbitror ijs  
de causis, quas subijciam. Primum omnium constat, humanam uirtutem esse obtemperacionem scriptis legibus, institutisq;  
populorum: quemadmodum a Cicerone lib. de Legibus primo definita est. ca. 3. de causa & Fabricius & Aristides iusti no-  
minati sunt, quod legibus parere. quod cum ita sit, necesse est ante iustitiam leges esse. Nos autem a iustitia, ius ac leges or-  
tas esse dicimus. l. 1. D. eod. Ex quo necessario concludimus, non humanam, sed diuinam potius iustitiam hoc loco definiri  
quasi Voluntas dicta sit, pro mens, & praescriptio quaedam ac regula, suum cuiq; aequabiliter distribuens. Alterum argumen-  
tum est hoc. Probabile est eandem hoc loco iustitiam definiri, cuius sacerdotes esse Iurisconsultos Vlpianus tradit, in d. l. D.  
eod. Atqui sacerdotes uirtutum humanarum non appellantur. Par est igitur intelligi, Iustitiam deam, Iouis filiam, hoc loco  
definiri: cuius Iurisconsulti propterea sacerdotes dicuntur, quod (ut in Iurisconsulto docuimus) cum responsa sua consulenti-  
bus reddunt, eius oracula mortalibus prodere uideantur. Eam autem descriptionem licet apud Hesiodum inuenire in libro  
quem *Opera & Dies* inscripsit: item apud Celiian lib. 14. cap. 4. Demosthenem in Orat. contra Aristogit. & Senecam  
in Octauia.

**IVRISPRVDENTIA EST DIVINARVM ATQVE HVMANARVM RERVM.)** Enunc.

**II.** Iurisprudentia diuinarum atq; humanarum rerum notitiam complectitur. Itaq; Cicero lib. 3. de Orat. scribit, moris an-  
tiquis temporibus fuisse, ut ad Iurisconsultos, P. Crassum, T. Coruncanium & Scipionem, de omnibus diuinis atq; humanis  
rebus referretur. Quae ex re intelligi debet, magnum eorum errorem esse, qui existimant, Iuris civilis prudentiam hoc loco de-  
finiri. nam ad uniuersum Iuris summam & generalem cognitionem hoc perinet, cuius haec sunt species: Pontificium, Augura-  
le, Feciale, Civile, in quo ipso Praetorium continetur. quorum omnium peritos fuisse illos, qui primis temporibus huic studio  
praefuerunt, uel ex eo intelligi potest, quod & Pontifices fere illos fuisse constat, & Principes ciuitatis. Res autem diuinas  
hoc loco Vlpianus significat, quaestiones de religione, pietate, sanctitate, ceremonijs, fide, iureiurando, templis, delubris, sa-  
crificijs solennibus, auspicijs, augurijs. Humanas autem, de repub. de legibus instituendis, de bello, de pace, de socijs, de uecti-  
galibus, de iure ciuium, quae omnes partes sunt moralis philosophiae.

**IUSTI ATQVE INIUSTI SCIENTIA.)** Sequitur **II.** Iurisprudentia iusti atq; iniusti scientiam comple-  
ctitur. Nam si iustum illud, quod legibus consentaneum est: (ut Aristoteles docet lib. Ethic. 5.) iniustum autem, quod cum le-  
gibus pugnat: sequitur, eos qui quae legibus consentanea aut repugnantia sunt, norunt, iusti atq; iniusti scientiam tenere. Iu-  
risconsultos autem ei studio praesse, in eoq; cognoscendo suam operam ponere, nemo ignorat. Perspicuum est igitur, Iuriscon-  
sultos iusti atq; iniusti notitiam profiteri. Verum haec quidem alie repetita, & quodammodo exaggerata Iurisprudentiae descri-  
ptio est. Quod si quis Iuris civilis prudentiam proprie & significanter definiri uelit, dicemus esse cognitionem eius aequitatis,  
quae constituta est ijs qui eiusdem sunt ciuitatis, ad res suas obtinendas, quae definitio ex Topicis Ciceronis sumpta est: & con-  
sentanea est ei Iurisconsulti descriptioni, quam Cicero Antonio tribuit in lib. de Orat. 1. ubi ait Iurisconsultum esse eum, qui  
legum & consuetudinum eius, qua priuati in ciuitate uterentur, & ad respondendum, & ad agendum, & ad cauendum perio-  
rus esset. itemq; praeclearae Crassii sententiae in eodem libro, quam propter elegantiam adscribemus: Sit ergo, inquit, in Iure ci-  
uili finis hic, legitima atq; iustitiae in rebus causisq; ciuium aequalitatis conseruatio.



*Scribit se in Iure tradendo suas præceptiones ad captum,  
ingeniumq; discipulorum accommodare.*

II. His igitur generaliter cognitis, & incipientibus nobis exponere iura populi Romani: ita  
maximè uidentur posse tradi commodissimè, si primò leui ac simplici uia, post deinde diligentis-  
sima atq; exactissima interpretatione singula tradantur. alioqui si statim ab initio rude in adhuc &  
infirmum animum studiosi, multitudine ac uarietate rerum onerauerimus: duorum alterum, aut  
desertorem studiorum efficiemus, aut cum magno labore eius, sæpe etiam cum diffidentia (quæ  
plerumq; iuuenes auertit) serius ad id perducemus, ad quod leuiore uia ductus, sine magno labo-  
re, & sine ulla diffidentia maturius perducipotuisse.

MAXIME COMMODISSIMÈ.) Sic libri antiqui. Sic Cicero Verrin. 6. dixit: Maxime perhospitalis. Simi-  
lia quædam alibi obseruauimus.

GENERALITER.) Hoc est, cursim, obiter, & summam.

IVRA POPULI ROMANI.) Enunc. I. Iustiniani libri, Ius ciuile populi Romani nominantur. At innumera  
istis libris traduntur contra iura populi Romani, tum à Romanis Imperatoribus, tum à Constantinopolitanis instituta. Sed re-  
spondemus, Rem ex maiore aut potiore sui parte nominari: ut Cicero Tusc. 5. & alibi sæpenumero testatur.

SI PRIMO LEUI AC SIMPLICI VIA.) Sequitur II. Est etiam sua studijs infantia, ut ait Fabius lib. 1.  
cap. 1. Nam ut corporū, inquit, mox etiam fortissimorum educatio à lacte cuiusq; initiū duxit: ita futurus eloquentissimus edidit  
aliquando uagitum. Itaq; præclare Aristoteles lib. Ethic. 1. Αἰ γὰρ, inquit, τὸ πρῶτον ἐκ γάλατος, εἰς ὅσπον ἀναγέειται. Prius,  
inquit, lineamenta prima ducenda sunt, & opus informandum: post ueris coloribus utendum erit.

MULTITUDINE AC VARIETATE RERVM.) Sequitur III. Numerosa & perplexa institutio in a-  
nimis adolescentium uel diffidentiam uel desperationem parit. nam quod ait, Desertorem studiorum, ad desperationem refe-  
retur. Fab. in procemio lib. 8. Per omnes numeros penitus cognoscere, ad summam scientiæ necessarium est, ita incipientibus  
breuius ac simplicius tradi magis conuenit. Aut enim difficultate institutionis tam numerosæ atq; perplexæ deterri solent:  
aut eo tempore quo præcipue alenda ingenia, atq; indulgentia quadam enutrienda sunt, asperiorum tractatu rerū atteruntur.  
Et paulo post: Via tamen opus est incipientibus, sed ea plana, & cum ad ingrediendum, tum ad demonstrandum expedita.

DVORVM ALTERVM.) Græca locutio, Δύο γὰρ δρόμοι. Plato in Apologia, Δύο γὰρ δρόμοι εἰς τὸ τέλος ἀπὸ τοῦ ἀρχῆς.  
Mori, inquit, duorum alterum est. Et libro de Legibus 9. Δύο γὰρ δρόμοι ἀπὸ τοῦ ἀρχῆς εἰς τὸ τέλος.

DESERTOREM STUDIORVM.) Cicero similiter in eandem sententiam in Oratore, In quo uereor, inquit,  
ne si id quod uis effecero, cumq; oratione, quem quæris, expressero, tandem studia multorum, qui desperatione debilitati expe-  
riri id nolent, quod se assequi posse diffident.

*Iurisconsulti officium triplex est. Huius autem disciplinæ partes duæ. l. x. & l. j. s. j. D. eod.*

III. Iuris præcepta sunt hæc: Honestè uiuere, alterum non lædere, suum cuiq; tribuere. Huius  
studij duæ sunt positiones, publicum, & priuatum. Publicum ius est, quod ad statum rei Romanæ  
spectat: Priuatum, quod ad singulorum utilitatem. Dicendum est igitur de Iure priuato, quod tri-  
pertitum est. collectum est enim ex naturalibus præceptis, aut gentium, aut ciuilibus.

HONESTE VIVERE.) Hæc partitio uitiosa uidetur: tertium enim præceptum, utrumq; superius completitur.  
Nam qui suum cuiq; tribuit, simul & alterum non lædit, & honestè uiuit. ergo uno posito, reliqua necessariò consequuntur:  
quippe totius partes. At si recta esset partitio, posset aliquis honestè uiuere, cum tamen alterum læderet: & suum cuiq; non tri-  
buere, cum alterum non læderet. Quare triplex hoc loco Iurisconsulti officii tradi existimare. quod ita scilicet parti oportet  
ret, ut primum ad ipsius personam tantum, alterum ad ipsius personam quæ cum alijs rationem habet, tertium ad aliorum tan-  
tū personam pertineret, hoc modo: Iurisconsultus ita uitam suam instituat, ut honorem, decus & gloriam apud suos ciues cō-  
sequatur. nam ea ratione paratur dignitas, unde honesti uiri nominantur: indidem auctoritas nascitur, quæ in Iurisconsulto  
uel maximè desideratur. Deinde ut arte hac sua ne ad suum commodum abutatur. quod tum faceret, si in negotio suo præstan-  
tia ingenij & doctrinæ ciuilis uel calumniosè litem intenderet, uel bonam aduersarij causam calumniosa & malitiosa inter-  
pretatione Iuris cluderet. nam quod ait, Alterum non lædere: non ad cuius cuiusvis officium refero, sed propriè ac speciatim ad  
Iurisconsulti officium, qui cum altero litem habet. Tertium officium ad alios, ut dixi, tantummodo pertinet, ut in aliorum scilicet  
cet negotijs causisq; ad se delatis, & de quib. cōsultitur, ita respondeat, ne cuiuspiam faueat, sed suum cuiq; æquabiliter attribuat.

IVRIS PRÆCEPTA.) Enunc. I. Triplex Iurisconsulti officium est, ut honestè uiuat, alterum non lædat, ius cuiq;  
suum tribuat. l. iustitia. 10. D. eod.

DVÆ SVNT POSITIONES.) Id est, partes: ac si diceret, Hoc studium Iuris duabus in rebus positum est.

AD STATVM REI ROMANÆ.) Sequitur III. Ius publicum est, quod ad summam reipub. pertinet. l. 1.  
D. de iust. & iur. ubi Vlpianus hoc ita interpretatur: Publicum ius in sacris, in sacerdotibus, in magistratibus consistit. Hæc il-  
le. Hoc autem eo dicitur, quia propriè hæc ad totius populi statum rei; publicæ summam pertinet. Crassus autem in lib. de  
Orat. 1. Publica iura sic interpretatur, quæ sunt propria ciuitatis atq; imperij.

REI ROMANÆ.) Sic & Florentinus & alij omnes. Planius tamen esset, REIPUBLICÆ. Et fieri potest,  
cum hac uisitata nota scriptum esset, REIP. ut luscitiosus aliquis descriptor librorum literam R. pro litera P. sumpserit. Ver-  
um in hoc opes Græciæ, ut ille dixit, posite non sunt.

PRIVATVM, QVOD AD SINGVLORVM VTILITATEM.) Sequitur IIII. Ius priuatum est,  
quod priuatim ad cuiusq; cuius rem pertinet familiarem. Sunt enim (ut ibidem Vlpianus ait) quædam publicè utilia, quædam  
priuatim: ueluti quæ ad rem familiarem, ad acquirenda rerum dominia, ad possessiones, obligationes et actiones pertinent.  
ea namq; priuatos & singulos ciues, non Rempub. uniuersam respiciunt. Hanc tamen diuisionem nonnulli tripartitā faciunt.

Nam Fas



# Instit. Imp. Commentarius.

9

**A** Nam Fabius lib. 2. cap. 4. Genera Iuris, inquit, sunt tria, Sacri, Publici & Priuati. Et Aufonius in Idyl. 15.

Ius triplex tabulæ quod ter sanxere quaternæ,  
Sacrum, Priuatum, & populi commune quod usquam est.

Ex quibus intelligitur, Leges XII. tab. Ius etiam de sacris instituisse: quod tamen totum Pontificium fuisse constat. Quod si quis quaerat, utra melior diuisio sit? respondemus, cum ad Rempub. sacra pertineant, iuris publici nomine ius etiam de sacris non in incommode comprehendendi. Iure autem sacro sancto significatur id, quod ad religiones pertinet: ueluti Pontificium, Augurale: publico, quod ad populi potestatem spectat. quam Romulus triplicem statuit: in bello pacem decernenda, in magistratibus creandis, & in legibus iubendis, aut abrogandis. quo postremo etiam publica iudicia continentur ea, quæ per populum exercebatur maiore comitatu, in perduellionis causa, & in alijs per paucis. Priuato autem, quod ad personas, res & actiones. Cicero uero in Partitionibus, Ius hoc modo subtilissime partitus est: iuris est omnis ratio nobis explicanda, quod diuiditur in duas partes primas, naturam atq; legem. & utriusq; generis ius in diuinum & humanum ius est distributa: quorum æquitatis est unum, alteri religionis. Acquitatis autem ius est duplex: cuius altera directi & ueri & iusti, & (ut dicitur) æqui & boni ratione defenditur: altera ad uicissitudinem referenda gratiæ pertinet, quod in beneficio gratia, in iniuria ultio nominatur atq; hæc omnia sunt naturæ atq; legis: sed propria legis, & ea quæ scripta sunt, & ea quæ sine literis aut gentium iure, aut maiorum more retineantur. Scriptorum autem, priuatum aliud est, publicum aliud. Publicum, lex, senatusconsultum, fœdus: priuatum, tabulæ, pactum, conuentum, stipulatio. Quæ autem scripta non sunt, ea aut consuetudine, aut conuentis hominum, & quasi consensu obtinentur. Atq; etiam hoc in primis, ut nostros mores legesq; tueamur, quodammodo naturali iure præscriptum est.

**DE IVRE PRIVATO QVOD TRIPARTITVM EST.)** Sequitur V. Ius priuatum ex natura, gentium, & civili iure conflatum est. Sic enim hunc intelligendum esse locum, alter similimus demonstrat sub tit. De testament. ubi Iustinianus sic loquitur: Ita ut hoc ius tripartitum uideatur, ex iure civili, prætorio, & constitutionum. Quod nisi locum sic acciperemus, falsum esset quod ait, Ius priuatum esse tripartitum: neq; enim sic diuidi potest, ut priuatum ius aliud sit naturale, aliud gentium, aliud civile. cum satis constet, nullum esse ius priuatum naturale, aut gentium. Recte autem dicitur Ius priuatum, id est, quo priuati in ciuitate utuntur, tribus quasi ex fontibus in Rempubl. defluxisse: natura, gentium institutis, & ciuium Romanorum inuentis. Nam ut liberi parentum intestatorum hæredes sint, à natura primum institutum est, quæ liberos alii iubet: dein à gentibus omnibus comprobatur, sed ut id demum ualeat in liberis, qui in parentum potestate cum more cœntur fuerunt, non autem in emancipatis, Romuli institutum est. Vnde intelligi debet, Ius civile duobus modis dici. est enim aliud merum, aliud mixtum. Merum est, quod neq; à naturali, neq; à gentium iure sumptum est: sed ciuium ingenijs excogitatum. ueluti Lex illa XII. tab. ut filij familiæ patris intestati hæredes sint, ut emancipati non sint: item lex Voconia, quæ mulieres hæredes institui uetabat: Lex Falcidia, quæ testatores iubet dodrantem hæredibus relinquere: hæc inquam leges non sunt à natura sumptæ, sed Romæ natæ, & quorundam ingenijs excogitatæ, atq; (ut ita dicam) uernaculæ. Mixtum autem est, quod uel à naturali, uel à gentium iure partem obtinet. ueluti Prætoris edictum, quod liberis etiam emancipatis bonorum patris intestati possessionem attribuit. Item, ne liberi sine parentum consensu nuptias contrahant: ne pupilli sine tutorum auctoritate negotia gerant: ut prodigis & furiosis bonorum suorum administratione interdicatur. omnia enim illa æque gentium aliarum, ut populi Rom. communia sunt. Vtrunq; autem hoc recte ius civile dicitur, cum ita scilicet Ius civile definitur: Ius quo ciuitas utitur, uel (ut Cicero) æquitas constituta ijs qui eiusdem sunt ciuitatis. nam isto modo ius naturale & gentium, quatenus eo ciuitas utitur, erit civile. cuius rei paulò dilucidius exemplum afferendum est. Satis constat, ius quo Romana ciuitas usa est, magna ex parte ex Atheniensium & Lacedæmoniorum iure sumptum esse. Quæro igitur, Si quis ius civile Romanorum tripartitum esse dicat (collectum enim esse partim ex Atheniensium, partim ex Lacedæmoniorum, partim ex ipsorum Romanorum iure) nunquid recte diuidere uidebitur? quid uero si etiam hoc addat: Iuris ciuilem Romani tres sunt species, Atheniense, Lacedæmonium, & civile Romanum, absurdumne diuidet? Nequaquam. Cum enim Ius civile in genere ponimus, ius omne quo ciuitas utitur, intelligimus. Cum autem in specie, ius illud merum ac simplex, Romanæ urbis proprium, & (ut ita dicam) uernaculum, quod proprie ius civile dicitur, significamus. Sed hoc loco quaeret fortasse aliquis, positi ne ius quod paulo ante Publicum appellabamus, isto modo diuidi? respondemus, Posse. nam populi Rom. religio, partim à natura, partim à iure gentium, partim à Hetruscis est reperta. Præpotentis enim cuiusdam naturæ metum, à natura sumpsit: cuius placanda & colenda studium ex gentium omnium consensu: formam autem, ut hoc aut illo modo sacra facerent, & Pontifices, Augures, Aruspices, Flamines adhiberent, ciuitatis Romanæ commentum est. Quod eodem modo de magistratibus dici potest. Nam à natura sumptum est, ut in omni cœtu sit qui imperet, cui ceteri pareant: quod idem ab omnibus gentibus usurpatum est. Eius autem imperij formam, sibi populus Romanus propriam ac peculiarem constituit.

## DE IVRE NATVRALI, GENTIVM, ET CIVILI. TIT. II.

*Ius naturale est, quod homines unà cum cæteris animantibus à natura didicerunt. l. 1. §. 2. de iust. & iur.*

**I.** Ius naturale est, quod natura omnia animalia docuit. nam ius istud non humani generis proprium est, sed omnium animalium, quæ in cœlo, quæ in terra, quæ in mari nascuntur. Hinc descendit maris atq; fœminæ \* coniunctio, quam nos matrimonium appellamus: hinc liberorum procreatio, hinc educatio. uidemus etenim cætera quæq; animalia istius iuris peritia censer. \* coniu-  
gatio

**QVOD NATVRA OMNIA ANIMALIA.)** Enunc. I. Natura ius quoddam omnibus animalibus ingenerauit, quod ideo Naturale appellatur. l. 1. §. 2. D. de iust. & iur. Ius autem hoc loco appellamus, uim quandam insitam à natura, motus certos in omnibus animantibus cientem, ut Cicero in libro de Natura deorum secundo: Quid lo-



Quid loquar, inquit, quanta ratio in bestiis ad perpetuam conseruationem earum generis appareat? nam primum alie mares, alie feminae sunt: quod perpetuitatis causa machinata natura est. deinde partes corporis & ad procreandum, & ad concipiendum aptissimae, & in mari & in femina commiscendorum corporum mixtae libidines. Cum autem in locis semen incedit, rapit omnem fere cibum ad sese, eoq; septum fingit animal: quod cum ex utero elapsum excidit, in ijs animantibus quae lacte aluntur, omnis fere cibis matrum lactescere incipit: eaq; quae paulo ante nata sunt, sine magistro, duce natura, manibus appetunt, earumq; libertate saturantur. Atq; ut intelligamus nihil horum esse fortuitum, & omnia esse provida solertisq; naturae, quae multiplices fetus procreant, ut sues, ut canes, his mammarum data est multitudo: quos easdem paucae habent ex bestia, quae pauca gignunt. Quid dicam, quantus amor bestiarum sit in educandis custodiendisq; ijs quae procreae uerint, usq; ad eum finem, dum possint se ipsa defendere? Haec Cicero. Quod si quaerat quis, an proprie sic loquamur, cum eos motus Iuris nomine appellamus: respondebo, id quidem mihi nondum satis exploratum esse. nam cum ius sit aequitas, inter feris autem aequitas nulla sit, sed (ut Hesiodus scribit) accipiter lusciniatur, potentior infirmiore uincit: sequitur, ut ius proprium sit humani generis. Quod ex eo etiam intelligi potest, quia ius a ratione, uel (ut Cicero scribit) a natura hominis ortum habet. Quod si ita est, in eis certe animantes, quae rationis expertes sunt, ius non cadit. Qua de causa Iuriconsulti negant, iniuriae uerbum in eis conuenire. l. i. D. si quadrup. paup. Dicendum est igitur, eodem modo nos Iuris nomine in hoc genere disputationis abuti, quo modo, cum hanc ipsam uim naturae legem appellamus: quo genere dicendi ueteres omnes usi sunt. Nam siue a legendo, siue a deligendo Lex dicta est, quorum alterum Varroni, alterum Ciceroni placuisse uideo: peraspicuum est, uerbum hoc non proprie usurpari, sed suauiter ad naturae ordinem ac descriptionem transferri. Quae cum ita sint, dubitare aliquis posset, rectius ne Ulpianus fecisset, si Iuris naturalis disputationem generis humani finibus circumscripsisset: hoc est, eatenus de eo differuisset, quatenus hominum proprium est, non autem cum reliquis animantibus commune. quemadmodum Ciceronem fecisse uidemus, quem ueterum Iurisconsultorum auctoritatem secutum esse non dubito, cum ita duobus in locis scribit: Naturae ius est, quod non opinio genuit, sed quaedam innata uis inseruit: ut religionem, pietatem, gratiam, uindicationem, obseruationem, ueritatem. Nihilominus enim ample & copiose isto modo differi de iure naturali potuit, si brutorum animantium naturales motus, qui sine ratione cidentur, praetermisisset. Accedit eodem, quod ius ibi demum est, ubi communio est: ut Aristoteles lib. Ethic. 5. scribit, & post eum Cicero lib. de Leg. 1. Qua de causa idem lib. de Nat. deorum primo disputat, nihil nobis esse iuris posse cum dijs: quia nulla nobis cum ijs communio sit. Et lib. de Finibus 3. Quomodo, inquit, hominum inter homines iuris esse uincula putant, sic homini nihil esse iuris cum bestiis. Praeclare enim Chrysippus, cetera nata esse hominum causa, & deorum: eos autem communitatis & societatis suae, ut bestiis homines uti ad utilitatem suam possint, sine iniuria. Haec ille. Quod si ea quae nobis cum brutis communia sunt, iuris nomine completamur: ius esset cibum capere, bibere, dormire, currere, quiescere, & quae sunt in eodem genere.

OMNIVM ANIMANTIVM.) Sequitur II. Naturale ius omnibus animantibus, quæ in cælo, terra & mari sunt, in generatum est. d. l. i. de iust. & iur.

MARIS ATQVE FORMINAE CONIVGATIO.) Sequitur III. Maris atq. feminae coniunctio à iure naturali instituta est. Communis enim omnium animantium est coniunctionis appetitus procreandi causa, & cura quaedam eorum quae procreata sunt: ut scribit Cicero libro de Offi. primo. Huius autem instituti Xenophon in Oeconomico causas exponit, quarum altera animantium omnium communis est: altera hominum (de quorum iure hoc loco potissimum disputamus) propria. Εμοὶ γὰρ τοι καὶ οἱ θεοὶ δοκεῖσι πολὺν δεισιμύνειν μάστιγα τὸ ζῷον· καὶ συντελεῖν αὐτοῖς, καλὰ καὶ βλάναι καὶ ἄρῃαν, ὅπως ἔτι ὠφελιμώτατον ἢ αὐτῶς τὸ πλὴν κινῶνται. πρῶτον γὰρ τὸ μὴ ἐκλείπειν ζῶον γένος, καὶ τὸ ζῷον καὶ πάσαις μετ' ἀλλήλων τι κροποιεῖσθαι· ἵππετα δὲ γροβροσθεὶς κινεῖται καὶ ἰαυτοῖς, ἐν τῷ ζῷον τοῖς γὰρ αὐτῶς ποῖσι πορίζεται. Id est: Mihi namq. videtur tur diu multo sapientissime iugum illud quod mas & femina uocatur, instituisse: itaq. ad communicationem etiam opportunum est uel maxime. Primum enim ne animalium genus intercideret, coniugium illud comparatum est, quod corporum commixtione sobolem procrearet. Præterea homines ex eo coniugio assequuntur, ut sibi parent, qui se senectute confectos alant.

HINC LIBERORUM PROCREATIO. Sequitur IIII. Liberorum procreatio & educatio à iure naturali instituta est. d. l. i. Nam (ut ait Aristoteles lib. Polit. i.) φύσις ἐστὶν ἕρως, ῥηφὸν τῷ γυναικὶ παρέχειν. παντὶ γὰρ διδύμιαι ἐστὶν ῥηφὸς τὸ λεγόμενον ἕρως. Id est: Naturæ munus est, alimentum hys quæ procreant præbere. itaq; quodcumq; nascitur, ex eo unde nascitur alimentum ei relinquitur. Sed hanc de liberorum procreatione & educatione sententiam nemo elegantius expressit quàm Xenophon in eo libro quo dicta & facta Socratis persequitur. Itaq; propter uenustatem & elegantiam loci adscribam, simulq; Latine ut potero conuertam: Τὸ δ' ἡμῶσαι μὲν ἔρωτα ἀπὸ τῆς φύσεως, ἡμῶσαι δ' αὖ τὰς γυναῖκας ἔρωτα τῷ ἡμῶσαι, τοῖς δ' ἡμῶσαι μάλιστα μὲν πόθος τ' εἶναι, μάλιστα δ' ἡμῶσαι θάνατον, αἰδέσθαι καὶ τὰ αὐτῶν οἷον μηχανήματα τινὲς εἶναι βέλους. Id est: Quod autem procreandorum liberorum studium insecuit, insecuit & matribus nutricandi studium, educationem autem summū uitæ desiderium, mortis autem metum maximum, sanè hæc quoq; omnia cuiusdam uidentur esse, qui certa ratione atq; consilio animalia procreauit. It' aliquanto post: καὶ μὲν δ' τῶν ἀφροδισίων ἡμῶσαι παιδοποιεῖται τὸς ἀνθρώπους ὑπόσταμα βέλους, καὶ τ' ἡμῶσαι ἀπολυδέντων μισθὸν καὶ αἰδοῖται, καὶ τὰ οἰκνύματα. γὰρ ὅτι δ' ἡμῶσαι σκοπεύονται διδύμων αὖ γυναικῶν βέλους καὶ ἡμῶσαι τέκνα γενέσθαι, αἷς συνελθόντες τῆς φύσεως ἐκείνης. καὶ δ' ἡμῶσαι αἰνῶν τῶν συντεκνοποιήσασα μὲν ἡμῶσαι φέρεται, καὶ τοῖς μάλιστα ἡμῶσαι παῖδες προγαμίζονται πάντα ὅσα αὐτοῖς οἰκται συνίσσονται αὐτοῖς πρὸς τὸ βίον, καὶ τὰ αὐτῶν αὐτῶν δύνανται πάντα, καὶ τὸν πολλὸν πόθον διδύμια καὶ τινὲς, φέρεται καὶ ἐπιμελῆται, καὶ προπαινεῖται δ' αὐτῶν ἀγαθόν, καὶ γινώσκων τὸ βέλους ὅτι συμπόσει, καὶ σκαμνίσαν δυνάμειν ὅτι δάται, ἀλλ' αὐτῶν σφαχισμένη τὰ τε συμφροντα καὶ μηχανήματα, παρ' αὐτῶν ἐκπαίδων, καὶ τ' ἡμῶσαι πολλὸν χρόνον, καὶ ἡμέρας καὶ νύκτας ὑπομένοντα πόνον, καὶ αἰδοῖται τὸν πόθον αὐτοῦ. Id est: Neq; uerò existimes, homines rei Venereæ causâ liberos procreare. nam eius libidinis explēdæ facultatem tum uix, tum ædes abunde suppeditant. Sed perficuum est diligenter à nobis spectari, ex quibus mulieribus boni nobis liberi gignantur: quos ubi nasci sumus, doctum dicimus, & ex hys liberos suscipimus. ac uir quidem eam, à qua sibi liberos suscepturus est, alit: nasciturisq; liberis ea perat omnia quæ ad uictum cultumq; illorum utilia fore existimat. Vbi uerò mulier concepit, omnis illud magno cum labore ac











**A** lit, Solonis uel Draconis leges appellare ius ciuile Atheniensium, non errauerit. sic enim & ius, quo Romanus populus utitur, ius ciuile Romanorum appellamus: uel ius Quiritium, quo Quiriti-tes utuntur. Romani enim à Quirino Quirites appellantur. Sed quotiens, non addimus nomen, cuius sit ciuitatis, nostrum ius significamus: sicuti cum Poetam dicimus, nec addimus nomen, sub auditur apud Græcos egregius Homerus, apud nos Virgilius.

**EX VNAQVAQVE CIVITATE.)** Enunc. I. Ius ciuile nomen generale est, sed ex quaq; ciuitate cognomen sumit. Ius enim ciuile generaliter ita definitur, ut superius diximus, æquitas constituta ijs qui eiusdem sunt ciuitatis.

**SOLONIS VEL DRACONIS LEGES.)** Sequitur II. Solonis aut Draconis leges non incommode ius ciuile Atheniensium appellantur. nam ex cuiusq; Reipub. legibus tanquam ex forma ius ciuile nominatur. Dedit autem prior Draco leges Atheniensibus, in quibus Aristoteles scribit nihil memorabile præter pœnarum acerbiteriam fuisse. nam pœna capitales fraudes propè omnes multabat. qua de causa Demadus illud laudatur, Draconis leges non atramento, sed sanguine scriptas esse: ut Plutarchus in Solonis uita scribit, & Gell. lib. II. cap. 18. Post Solon magna parte illarum abrogata, leges alius dea scripsit: quibus populus Atheniensis felicissime usus est. Verum hoc inter utrunq; interfuit, quod ille repub. iam constituta leges dedit, ut Aristoteles lib. Polit. 2. tradit: hic uero & leges dedit, & rempub. constituit.

**QVO ROMANVS POPVLVS VTITVR.)** Sequitur III. Ius quo populus Romanus utitur, modò Romanorum, modò Quiritium ius ciuile appellatur. Quod sic exaudiendum est, quasi uocem Proprie addidisset. non enim omne ius quo populus Romanus utitur, ciuile est: sed id demum, quo proprie ac solus utitur. Potest autem etiam conuinctum sic appellari, ius populi Rom. Quiritium: quomodo in antiquis formulis locutos ueteres nemo ignorat.

**A' QVIRINO QVIRITES.)** Sequitur IIII. Romani à Quirino Quirites appellantur. At Varro lib. de Lingua Lat. 4. Quirinus, inquit, à Quiritibus. quod Cicero lib. de Leg. 1. confirmat, ubi ait, Romulum post excessum suum Procus lo Iulio dixisse, se Deum esse, & Quirinum uocari. Sed in eo uis nulla est. nam & Quirinum & Quirites à Curetibus dictos constat, qui (ut Varro scribit) cum C. Tatius Curibus uenerunt Romam. Cum enim Tatius in ciuitatis atq; imperij societatem à Romulo receptus esset, conuenit inter eos, ut populus ab illo, urbs ab hoc denominaretur: quemadmodum ex eodem Varro-  
**B** ne Dionysius libro secundo scribit, & Plutarchus in Vita. Ouidius autem lib. Fastorum secundo, tres huiusce nominis causas exponit.

Proxima lux uacua est, at tertia dicta Quirino,

Qui tenet hoc nomen, Romulus ante fuit.

Sive quod hasta Quiris, prisca est dicta Latinis,

Bellicus à telo, uenit in astra Deus:

Sive suo regi nomen posuere Quirites,

Seu quia Romanus uicerat ille Cures.

**NOSTRVM IVS SIGNIFICAMVS.)** Sequitur V. Iuris ciuilis nomine propter excellentiam ius Quiritium intelligitur. Opinor etiam propter ipsam ciuitatem, cui, qui Latine nomen illud pronuntiabant, omnes parebant. Nihil autem mirum est, si cum ciues indefinite ius ciuile nominant, de suo iure loqui existimentur. Quod autem ad præstantiam attinet, L. Crassus in eandem sententiam libro de Oratore primo sic loquitur: Percipietis etiam illam ex cognitione iuris letitiam & uoluptatem, quod quantum præstiterint nostri maiores prudentia ceteris gentibus, tum facillime intelligetis, si cum illorum Lycurgo & Dracone & Solone nostras leges conferre uolueritis. Incredibile est enim quam sit omne ius ciuile præter hoc nostrum, inconditum, ac penè ridiculum: de quo multa soleo in sermonibus quotidianis dicere, cum hominum nostrorum prudentiam ceteris hominibus, & maxime Græcis antepono.

**EGREGIUS HOMERVS)** Similiter Cicero in Topic. Vt Homerus propter excellentiam commune nomen Poetarum efficit apud Græcos suum, sic cum omnis sententia, &c. Item Seneca libri Epistolarum 8. epist. 1. Secundum ex his quæ sunt ponit Plato, quod eminet & exuperat omnia. Hoc ait per excellentiam esse, ut Poeta communiter dicitur. omnibus enim uersis facientibus hoc nomen est: sed iam apud Græcos in unius notam cecidit. Homerum intelligas, cum audieris Poetam.

*Ius gentium est, quod gentes humanae sibi usu exigente communiter compararunt: ueluti seruitutes, & contractus propè omnes. l. j. iij. v. De iust. & iur.*

**IIII. Ius autem gentium omni humano generi commune est.** Nam usu exigente, & humanis necessitatibus, gentes humanae iura quædam sibi constituerunt. bella etenim orta sunt, & capti-uitates secutæ, & seruitutes, quæ sunt naturali iuri contrariæ. iure enim naturali, omnes homines ab initio liberi nascebantur. Et ex hoc iure gentium omnes penè contractus introducti sunt: ut emptio, uenditio, locatio, conductio, societas, depositum, mutuum, & alij innumerabiles.

**OMNI HVMANO GENERI.)** Enunciatio I. Ius gentium omni humano generi commune est. l. 1. in fin. D. de iustitia & iure. ubi Ulpianus ait, Ius gentium esse, quo gentes humanae utuntur. quod à naturali eo differt, quod illud omnibus animalibus, hoc solis hominibus inter se commune est. Vnde intelligitur, hanc inter Ius naturale, gentium, & ciuile differentiam ab Ulpiano constitui: quod Naturale, omnium animantium commune sit: Ius gentium, hominum duntaxat: Ciuile uero, certæ ciuitatis proprium. Ita Ciuile finibus augustissimis concluditur, Gentium multo latius est, Naturale latissimum. Item l. omnes. 9. eodem, ubi Caius scribit, Ius quod naturalis ratio constituit, & apud omnes peræque obseruatur, Ius gentium appellari. Quod certe animaduersione dignum est. nam hac ratione nullum erit Ius gentium, nisi quod ubiq; gentium & terrarum obseruetur. Qua de causa præclare hoc loco quaeritur, si gentes aliquot, quæ orbis partem quan-  
dam obta-



dam obtineant, ius quoddam communiter obseruent, reliquæ autem omnes aut pleræque non obseruent, quo nomine Ius illud appellabitur? Exempli causa, in Asia minore sunt Phryges, Mysi, Cares, Lydi. sic enim eam regionem Cicero describit. Ponamus igitur, ius quoddam ab illis omnibus communiter obseruari, quod à reliquis gentibus non obseruetur: ut satis constat, gentes omnes commune quidem inter se, sed tamen suæ religionis propriam & quasi peculiarem consuetudinem habuisse: ut Herodotus de Aegyptijs, Tacitus de Germanis, Cæsar de Gallis testantur. Itaq; (ut populari exemplo utamur) Aegyptij genera quædam furtorum non improbant, sed meo iudicio non absurde hoc modo respondebimus: Si gentes illæ omnes una republica continentur, ueluti si Regi uni parerent, Ciuile ius appellandum esse: quia ciuile una quodammodo uideatur esse, quemadmodum Cæsar Heluetiorum omnium ciuitatem appellat. sin autem uel Reguli plures, ut quondam in Gallia fuere, aut Dynastæ, ac Satrapæ, aut etiam Democratæ singulæ singulis partes obtinerent: tum aut aliud quoddam nomen querendum est: aut quia neq; naturale, neq; ciuile ius illud est, Gentium ius appellari meo iudicio debet.

**IVRA QVAEDAM SIBI CONSTITVERVNT.)** Sequitur II. Ius gentium ab hominibus usu exigente excogitatum, & constitutum est. Neq; pugnat quod superius dictum est, & ex Cajo sumptum erat, in l. 9. cod. Ius illud à naturali ratione constitutum esse. nam homines quidem excogitarunt, sed natura duce: hoc est, ea mente ac ratione, quam natura hominibus attribuit. Quia de causa superius docuimus, sepe hoc ipsum Ius, naturæ Ius appellari. Atq; hinc quidem discrimen inter Naturale & Gentium ius apparet, de quo supra disputauimus. nam Ius naturale insitum est, & animis hominum ingeneratum. Gentium uero ius, ab illis inuentum & excogitatum.

**BELLA ENIM ORTA SVNT.)** Sequitur III. Ex Gentium iure bella, captiuitates & seruitutes ortæ sunt. l. 5. D. eodem. ubi Hermogenianus diluendo affirmat, iure gentium instituta bella fuisse. quod tamen obscurum alicui uideri possit. nam si bellum iniustum est, cuius iuri contrarium est. sin autem iustum, quoniam ad uim propulsandam comparatum est, uideamus ne uerius sit quod Cicero scribit, esse hanc non scriptam, sed natam legem, quam non accepimus, didicimus, legimus: uerum ex natura ipsa arripiamus, hauiamus, expresimus: ad quam non docti, sed facti: non instituti, sed imbuti sumus, ut uim ui repellamus. Itaq; idem aperte libro de Inuent. 2. uindicationem ad Ius naturæ retulit, quod idem Vlpianus & Cæsius fecerunt in l. 1. §. uim ui. D. unde ui, & de ui arm. Quod multo magis cosuadere oportebit, qui Naturæ ius cum brutis animantibus communicant: quorum nullum esse, quod non illius iuris sit particeps, uetus prouerbum declarat, *uere natio pugnare uolens*: hoc est, formicæ suæ bilis insit. Quod contra tamen Florentinus in l. 3. D. de iustitia & iure sensisse uidetur: cuius hæc uerba, **VT VIM ATQVE INIURIAM PROPULSEMVVS**, Tribonianus ad Gentium ius ita perspicue retulit, ut ei malo uniuerfa Connani medicina remedium asferre non possit. Atq; hæc quidem de bello dicta sint. Quæ eadem multo magis de captiuitatibus dici posse, uel hinc licet intelligatur quod si hostes in bello iure naturæ licet interficere, multo magis captiuos abducere. Sequitur ut de seruitutibus differamus, quas paulo post intelligimus inde dictas esse, quod Imperatores bello captos seruare, quam interficere malebant. quia in sententia si permanemus, dubitatio hæc exoritur. nam si seruitus uindicationis pars est, uindicationem autem iuris naturalis esse constat, difficile dictum est, non eiusdem iuris seruitutem esse. Vindicationis autem partem esse, uel ex eo constat, quia uim inferentem hostem maiore ui adhibita capere, atq; in potestatem suam redigere, uindictio est. Vi autem captum atq; abductum uel occidere, uel seruare, pars illius potestatis est. Videamus ergo ut nostrorum Iurisperitorum sententia sic defendi possit, si dicamus & bella & captiuitates & seruitutes eodem modo iuris gentium esse, quo superius dicebamus medicinam aut artem medicinam esse: nimisrum quatenus artes sunt, id est (ut populariter loquamur) quatenus ab hominum ingenij adeptæ sunt. Nulla enim fera est, quæ non aut latebram, aut nidum aliquem & sibi & suis natis aptissime conficiat. uerum homines ingenij longe obseruatione & usu artem pepererunt. Simillima ratio est & belli & captiuitatis. nullum enim omnino animal est, quod non, quantum in se est, uim ui repellat, & hostem si possit, prehendant. Sed pæctio illa & lex quædam inter gentes omnes, ut bella & rebus repetitis gerantur, & ante denuncientur atq; indicantur, ut hostes possint inter se legatos & caduacatores mittere, qui inter media militum tela quasi sacrosancti habeantur: ut factis inducijs bellum intermitatur, exacto tempore redintegretur, ut qui militia sacramento non tenerentur, cum hostibus non pugnent: ut si is qui belli causam dedit, hostibus dedatur (quemadmodum ille Numantinis) bellum non inferatur: ut captus ab hostibus, si facultatem ad suos reuertendi ad breue tempus impetret, redeat: qui secus faxit, Ius gentium uiolasse uideatur. hæc inquam omnia sine dubio ab hominum ingenij præter naturæ institutum inuenta atq; excogitata sunt. Quod de seruitutibus multo magis dicendum est. seruari enim captos à uictoribus, institutum principio uidetur, ut uel à suis redimerentur, uel cum alijs commutarentur, uel suam operam uictoribus nauarent. Itaq; Aristoteles lib. Polit. 1. cap. 4. Ius istud quod *νόμος* dicit esse, hoc est, pæctionem & conventionem, nimirum inter gentes omnes, ut bello capta sint uictorum.

**QVÆ SVNT NATURALI IURI CONTRARIAE.)** Sequitur IIII. Seruitutes naturali iuri contrariæ sunt. d. l. 4. eodem. Neq; enim hoc hominum ingenij natura ingenerauit, ut alij serui, alij liberi essent: nisi forte Aristotelis sententiam sequi placet, qui quos hebeti abiectiq; ingenio, cæterum firmis corporis uiribus natos uidemus, seruos à natura procreatos putat: quos uero excelsi. animo & exaggerato, minus autem ualentibus, eos illorum dominos à natura factos. Quamquam ne hæc quidem disputatio, à qua certe non abhorreo, huic enunciationi aduersatur. Nam ut concedamus, quosdam iccirco natura procreatos esse ut seruirent, alios ui imperatoria naturæ sit, forma uero iuris gentium. Formam autem hanc intelligo, ut uitæ necisq; potestas sit in seruos, ut eos uendere, noxæ dedere, aliq; generis eiusdem in illos exercere liceat: ut ex ijs nati, quamuis ingeniosi, eodem quo parentes dominatu teneantur: quæ non aduersa quidem naturæ, sed haud scio an quodammodo repugnantia dicere possimus.

**OMNES AB INITIO LIBERI NASCEBANTVR.)** Sequitur V. Natura omnes æqualiter liberos procreauit. d. l. 4. & l. si quod dominus, 64. D. de cond. indeb. & l. quod attinet, 32. D. de reg. iur. ubi Vlpianus ait, quod ad ius naturale attinet, omnes homines æquales esse, quod Lucretius lib. 1. confirmat:

Quodcunq; obtulerat præda fortuna, ferebat

Sponte



**A** Sponte sua sibi quisque ualere & uiuere doctus.

OMNES PENE CONTRACTVS INTRODUCTI SVNT.) Sequitur VI. Omnes prope contractus iure gentium instituti sunt. l. 5. de iust. & iur. ubi Hermogenianus scribit, & contractus & obligationes eo iure institutas fuisse, exceptis quibusdam quae a iure ciuili introductae sunt. Ac de ijs quidem contractibus in quibus numus uersatur, quas lis est emptio, locatio, mutuum, dubium nemini esse potest. neque enim aut a natura numus factus est, aut ab una aliqua ciuitate usurpatur. Praeterea nullus contractus est, qui non aut pondere, aut mensura, aut numero dirigatur. Ex quo perspicuum est, nullum a natura contractum esse ortum. Mirari autem, quod emptionem ad ius gentium referamus, quia Plinius libri octau cap. 56. scribit, Emere & uendere primum instituit Liber pater: sane homine docto indignum est, ne quid nunc uehementius dicatur. quasi uero ea omnia quorum inuentionem eo loco Plinius alicui attribuit, & quae postea ab omnibus gentibus usque recepta & comprobata sunt, iuris sint ciuilis: ut, quod idem ait, mensuram & pondus Rhidonis aut Palamedis institutum fuisse, rerum enim omnium & auctorem & inuentorem fuisse primum aliquem oportet. Sed si eo inuento gentes postea pleraque omnes utantur, quod uel unius hominis, uel unius ciuitatis proprium fuit, id gentium omnium commune est. ueluti, ut in exemplo facili & parato consistamus, signis quibusdam aut emblematis Principum, illustriumque uirorum familias notari ac distinguere, inuentum esse dicitur medijs temporis Imperatorum: hoc quia ceteris quoque placuit, & ab omnibus receptum est, iuris gentium recte esse dicemus. Verum haec quidem ita se habent. Quod autem ad eas obligationes attinet, quae iuris ciuilis esse dicuntur, uidendum est, eaeque nam illae sint. Quod priusquam intelligi plane possit, illud scire oportet, ea proprie & uerissime iuris ciuilis dici, quae ciuium Rom. propriae sunt, & formulam a Iuriconsultis Romanis institutam habent. Cuiusmodi est Mancipium & Nexus, quae ciuium Rom. propriae esse, Cicero in Topicis & in ea pro Caccinna testatur: & certo ritu ac formula usurpari solita, nemo ex Boetij commentarijs ignorat. Quae de causa recte contractum illum iuris ciuilis esse dicemus. Eadem est stipulationis ratio. erat enim uerborum conceptio quaedam ac formula, qua soli ciues inter se utebantur, peregrini homines obligari non poterant: ut puto me coniecisse ex l. ult. D. de duobus reis. l. si debitori. 27. D. de fideius. Nunc tamen cum omnes fere gentes utantur, neque sit uis maior contractus ullus, haud scio quomodo non iuris gentium potius esse dicatur, cum omnes sua lingua stipulatione utantur. Illud asserere dubitationem potest, quod Ulpianus ait in l. an inutilis, §. 3. D. de acceptil. hoc iure nos uti, ut iuris gentium sit acceptilatio. nam si Aquiliana acceptilatio stipulatione constet, quomodo non eiusdem generis futura est? Sed respondemus, acceptilationem quidem natura sua esse iuris ciuilis: attamen utilitatis causa, ut etiam naturales & honorarius obligationes extingueret, receptum fuisse. ut non tam formam in ea quam materiam, id est, remissionem & liberationem ab obligatione spectaremus. Ac in hunc ordinem referre quoque possumus coemptionem in matrimonijs, qua solis ciuibz uti licebat: item testamentum per aes & libram, qua haeres obligabatur. Quod uero uulgo interpretes emphyteusim, donationes propter nuptias, & literarum obligationes ad hunc numerum aggregandas putant, uideamus ne satis considerat: id dicatur. nam cum emphyteusis nihil aliud sit quam locatio, aut certe contractus quidam emptionis & locationis participans, tamen si nomen illud & conditiones nonnullas a Zenone acceperit: tamen quia semper ab omnibus gentibus usurpatus est, ac rectum est ut ex eo quod in eo praestantius est aestimetur, quod eodem modo de donationibus propter nuptias dicendum arbitror: res enim omnes ex maiore & potiore sui parte aestimandae sunt. Obligationem autem quae nominibus fieri dicebatur, & per expensis & accepti tabulis contrahabatur, propterea iuris ciuilis esse non putamus: quia (ut illud omittam, quod etiam peregrini per ciuium Rom. tabulas obligabantur, ut ex Fonteiana oratione & alijs constat) certum est nullam esse gentem, quae quidem scriptura & literis utatur, quae non fidem mercatorum, praesertim autem sociorum, codicibus & rationum tabulis attribuat.

*Iuris ciuilis diuisio in scriptum, & non scriptum. Item scripti iuris partitio. l. vj. & vij. D. de iust. & iur.*

**V.** Constat autem Ius nostrum aut ex scripto, aut sine scripto: ut apud Graecos, τὸν νόμον αἰ τὰ ἐκ γράφων, αἰ τὰ ἀγράφων. Scriptum ius est, lex, plebiscita, senatusconsulta, Principum placita, magistratum edicta, responsa prudentium.

IUS NOSTRUM.) In quibusdam additur, Quo utimur: non recte, mea sententia. Primum, quoniam abest a l. 6. de iust. & iur. unde haec sumpta sunt: deinde, quia iure quo utimur, ius mixtum intelligi uidetur, quod ex naturali & gentium iure collectum est.

AVT EX SCRIPTO, AVT SINE SCRIPTO.) Enunc. I. Ius ciuile partim scriptum est, partim non scriptum. l. 6. de iust. & iur. Non scriptum autem primum in more maiorum est positum, de quo paulo post differemus: deinde in rebus iudicatis: postremo in Iuriconsultorum interpretatione. de qua Tribonianus in l. 2. D. de orig. iur. Aut est, inquit, proprium ius ciuile, quod sine scripto, in sola prudentium interpretatione consistit.

SCRIPTVM IVS EST, LEX.) Sequitur II. Ius ciuile scriptum sex partibus constat. l. 7. eod. Cicero autem in Topicis septem enumerat. id enim scribit in legibus, senatusconsultis, rebus iudicatis, iurisperitorum auctoritate, edictis magistratuum, more, aequitate consistere. Sed iudicata, morem & aequitatem ad partem alteram, iuris scilicet non scripti, Iustianus retulit.

*Legis, Plebisciti, Senatusconsulti definitiones, atque differentiae. l. ij. de orig. iur.*

**VI.** Lex est, quod populus Romanus senatorio magistratu rogante, ueluti Consule, constituebat. Plebiscitum est, quod plebs plebeio magistratu rogante, ueluti Tribuno, constituebat. Plebs autem a populo, eo differt, quo species a genere. nam appellatione populi, uniuersi ciues significantur; connumeratis etiam Patricijs & Senatoribus. Plebis autem appellatione, sine Patricijs & Senato-



& Senatoribus, cæteri ciues significantur. Sed & Plebiscita lege Hortensia nō minus ualere, quā A  
leges cœperunt. Senatusconsultum est, quod Senatus iubet atq; constituit. Nam cum auctus esset  
populus Rom. in eum modum, ut difficile esset eum in unum conuocari legis sancientiæ causa:  
æquum uisum est, Senatum uice populi consuli.

LEX EST QVOD POPVLVS ROM.) Enunc. I. Legem ferre Curulibus tantum magistratibus, & ad  
populum uniuersum licebat. Hic autem uox IVS subaudienda est: ut sit, Lex est ius, quod, &c. Plebiscitum est ius, quod, &c.

SENATORIO MAGISTRATV.) Senatorio dictum, pro Curuli. sic enim ueteres loquebantur: neq; tamen  
Curules omnes magistratus, leges ferebant: sed maiores tantum, non enim Aedilibus aduocare comitia licebat. Ergo quatuor  
duntaxat ferebant, Consules, Prætores, Dictatores, Interreges.

INTERROGANTE.) Castigauit Rogante: tamen si sic scripsisse Tribonianum, Theophilus quoq; significet. Sed  
beneficium hoc appellandum est, non iniuria. Rogabat autem magistratus populum his uerbis, VEL ITIS, iubeatis Qui-  
rites, &c. Populus in tabella respondebat uel A. id est, Antiquo: uel V.R. id est, Vti rogat. quod ex antiquorum plerisque  
locis intelligitur.

PLEBEO MAGISTRATV ROGANTE, VELVTI TRIBVNO.) Sequitur II. Plebiscitum  
ferre nullis, nisi tribunis pl. & ad plebem solam, licebat. Plebeij autem magistratus erant, Tribunatus & Aeditus plebeia.  
Etsi autem Aediles plebis nusquam leges tulisse legimus, quorum scilicet tenuissima potestas erat, nemini tamen mirum uideri  
debet ita locutum esse Tribonianum, quasi alij quoq; præter Tribunos plebiscita rogarent. eum enim istarum imperitia re-  
rum excusat.

QVO SPECIES A GENERE.) Rectius, pars à toto. Sequitur III. Plebs eandem cum populo, quam pars  
cum toto, rationem habet.

CONNUMERATIS ETIAM PATRICIIS ET SENATORIBVS.) His uerbis generum disce-  
rentie notantur, & ordinum, hoc modo: Ciuium Rom. alij Patricij sunt, alij Plebeij. Patricij, qui genus à Romuli senatoris B  
bis duxerunt: ut ait Liuius lib. I. reliqui erant Plebeij. Ordinum sic: alij Senatores erant, alij Equites, alij plebe.

SINE PATRICIIS ET SENATORIBVS CÆTERI CIVES.) Significare uidetur, ijs comitijs  
quibus plebiscita rogabantur, neq; Patricios, neq; Senatores interfuisse. nam de Patricijs quidem Gell. lib. 10. cap. 20 idem ex  
Capitone tradit: Plebiscitum legem esse scribens, quam plebs accipit: hoc est, ea pars populi, in qua gentes ciuium patricie  
non insunt. Et lib. 15. cap. 27. Tribuni neq; aduocant Patricios, neq; ad eos referre de re ulla possunt. Ita ne leges quidem pro-  
prie, sed plebiscita appellatur, quæ Tribunis pleb. ferentibus accepta sunt. Mouet præterea plebiscitorum origo, & quod an-  
te legem Hortensiam Patricij plebiscitis non tenerentur: quod absurdum fuisset, si in illorum comitijs suffragia uisissent. De  
Senatoribus autem idem uidetur: neq; enim à Patricijs tantum, sed & à patribus plebs secesserat, quæ leges sibi proprias con-  
stituerat. Itaq; innumera plebiscita contra senatusconsulta lata esse legimus: & cum Patricios antiqui in hisce negocijs nomi-  
nant, ferè Patres intelligunt.

LEGE HORTENSIA NON MINVS VALERE.) Sequitur IIII. Lege Hortensia Patricij non mi-  
nus quàm Plebeij, plebiscitis astricti sunt. l. 2. §. deinde. De orig. iur. Tres autem leges hac ipsa de re latæ esse, docuimus in libel-  
lo de Legibus: Horatiā, Valeriā, anno CCCIII: Publiciā, anno CDXIII: & hanc Hortensiam, anno CDLXVII.  
ut nemini mirum uideri debeat, si postremam hoc loco solam Iustinianus nominet, ad ueteres illas XII. Tab. leges respiciens:  
Quodcumq; postremum populus iusserit, id ius ratumq; esto. Causam autem istarum legum omnium Dionysius lib. 11. exposuit,  
sed locus in Græcis codicibus desideratur: uidetur autem ex interpretis uerbis hanc ferè sententiam habuisse. Quod cum leges  
comitijs centuriatis latæ, populum uniuersum tenebant: tribus uero comitijs, plebem duntaxat, agere Plebeij ferebant: uole-  
bantq; non minus tributa comitia, in quibus Plebeij plus poterant, quàm centuriata, in quibus Patricij, ualere: atq; ut leges in  
his latæ plebeios tenebant, sic in illis latæ Patricios astringerent. Ex ijs porro quæ superius dicta sunt, triplicem inter legem &  
plebiscitum differentiam intelligimus. primum, quod lex à maioribus magistratibus ferebatur: Plebiscitum à minore, & solo C  
Tribuno plebis. deinde, quod lex ab uniuerso populo, plebiscitum à plebe tantum iuebatur. postremo, quod illa comitijs om-  
nibus, siue Centuriatis siue Curiatis, siue Tributis: hoc uero Tributis tantum.

QVOD SENATVS IUBET.) Sequitur V. Vt senatus, quibus de rebus ad eum relatum erat, censuerat, ita ius  
erat. Senatus semper antea de summa Reip. cognouerat, cuius curam illi Romulus attribuerat. Lex enim ab urbe condita hæc  
fuit (ut lib. 6. Dionysius scribit) quæ omnium rerum potestatem Senatui permittebat, præter magistratum creationem, le-  
gem iussu, & belli pacisq; faciendæ arbitrium. Sed de senatu & senatusconsultis, copiose in appendice Commentarij uerbo-  
rum iuris exposuimus.

QVVM AVCTVS ESSET POPVLVS.) Eodem modo Tribonianus in l. 2. §. deinde. De orig. iur. quo ta-  
men (ut plane loquamur) nihil obtusius dici potest. Non enim propter ciuium copiam populi potestas ad senatum translata  
est: sed Caesarum astutia & calliditate, qui senatus augenda potentia, suæ seruebant. Tacitus lib. 1. Tum primum è campo  
comitia ad Patres translata sunt. nam ad eum diem etsi potissima principis arbitrio, quædam tamen studijs tribunum fiebant:  
neq; populus adeptum ius quæstus est, nisi inani rumore. Tranquillus Cæsare: Comitia cum populo partiti sunt, ut exceptis  
consulatus competitoribus, de cætero numero candidatorum pro parte dimidia, quos populus uellet, pronunciarentur: pro al-  
tera parte, quos ipse dedisset. Idem in Tiberio: Neq; tam paruum quicquam, neq; tam magnum publici priuatq; negotij fuit,  
de quo non ad Patres conscriptos referretur. Idem in Caligula: Tentauit & comitorum more reuocato, suffragia populo  
reddere.

Principum placita quæ rescriptis, decretis, edictis constant, legum uim obtinent: eorum  
alia sunt personalia, alia generalia. l. j. & pass. D. de const. princ.

VII. Sed & quod Principi placuit, legis habet uigorem: cum lege Regia, quæ de imperio eius  
lata est,



**A** lata est, populus ei & in eum omne imperium suum & potestatem concesserit. Quodcumque ergo Imperator per epistolam constituit, uel cognoscens decreuit, uel edicto præcepit: legem esse constitat. hæ sunt quæ Constitutiones appellantur. Planè ex his quædam sunt personales, quæ nec ad exemplum trahuntur, quoniam non hoc Princeps uult. nam quod alicui ob meritum indulgit, uel si cui pœnam irrogauit, uel si cui sine exemplo subuenit: personam non transgreditur. aliæ autem, cum generales sint, omnes proculdubio tenent.

**LEGIS HABET VIGOREM.)** Enunc. I. Principum placita legum uim obtinent. l. 1. D. de const. princ. l. ult. C. eod. Ridiculum autem est hoc loco quærere, quid Placiti nomine intelligatur: utrum quodcumque, ad libidinem suam, an quod de consilij sui sententia Principes constituunt. quemadmodum placita Philosophorum dicebantur, de quibus, re diu quasita, & disputata conuenerant: quasi uerò non omnia tyrannorum edicta legis uim obtineant. Non enim Philosophorum more Iustinianus quærit, an legis nomine digna sint: sed hoc simpliciter affirmat, legis uim obtinere. Verum alia quoque responsio est. nam Principum placita Græci homines appellarunt, quæ Latini Decreta nominant. ut in edicto Prætorum De postulando. l. 1. §. ait Prætor: & in altero De maiorum in integrum restitutionibus. l. 1. in fin. & l. nec non. 28. §. 2. ex quibus caus. maior. itemque in illo de loco publ. l. 2. D. Ne quid in loc. publ. Seneca lib. epist. 15. Præterea nulla ars contemplatiua sine decretis suis est, quæ Græci uocant *Δόγματα*, nobis uel decreta licet appellare, uel scita, uel placita.

**LEGE REGIA, QVÆ DE EIVS.)** Sequitur II. Lege regia populus Rom. suum omne imperium ac potestatem etiam in se Cæsaribus permisit. l. 1. D. eod. Nam quod ait **ET IN EVM**, sic interpretor ut Theophilus, Etiam in se. De lege autem Regia, cognosce ex nostro legum Romanarum Indice: ubi nos primi omnium legem à tam multis & doctissimis & diligentissimis uiris quasitam, ex Liuji lib. 44. & Romanis antiquitatibus in lucem eruiimus.

**PER EPISTOLAM CONSTITUIT.)** Sequitur III. Placita Principum rescriptis, decretis & edictis constant. d. l. 1. eod. Rescripta autem appello, uel ad libellos præsentium, uel ad magistratum absentium consultationes, quibus quid sibi de ea re fieri placeret, respondebant. Itaque Vlpianus in d. l. 1. unde hic locus descriptus est, sic inquit: Per epistolam & subscriptionem statuit. libellos enim litigatores Principi offerebant, quibus ipse de consilij sententia respondebat: cuius rei exemplum est apud Papinianum l. sed addes. 19. §. 9. D. locati. & l. diui fratres. 17. de iure patron. Magistratus autem si quid obscurius & grauius ad se delatum esset, Principem per literas consulēbat: Princeps respondebat: ut aliquot exemplis constat ex l. 3. D. de testib. & l. debitoribus. 11. D. de re iud. l. Diuus. 7. D. de in integ. restit. Decreta autem appello, quæ Princeps causa cognita, & utraq; parte audita pronunciauit. ut l. 3. D. de ijs quæ in testam. dele. Edicta porro, quibus non ad certam aliquam controuersiam, de qua consultus esset, respondet: sed generaliter de re quapiam, quasi legem aliquam nouam, constituit. ut l. hac edictali. 6. C. de incest. nupt. & plerumque ijs legibus quarum initium est, Hac perpetua, uel hac perpetuo ualitura lege sancimus.

**QVÆ VVLGO CONSTITVTIONES APPELLANTVR.)** Sequitur IIII. Constitutionis uerbum generale est, omniaque Principum placita complectitur. d. l. 1. eod. Quod iccirco notandum fuit, quia Latine lingue consuetudo hæc non erat. quis enim Græci Imperatores *Διατάξεις* appellabant, eas Latini Cōstitutiones nominarunt. l. 4. D. eod.

**QVÆDAM SVNT PERSONALES.)** Sequitur V. Constitutionum aliæ personales sunt, aliæ generales. d. l. 1. & l. 3. C. de Legib. ubi rescriptum Principis, si uel orationis ad senatum formam habeat, uel edictum lexuē generalis appelletur, uel ubique præscribi, uel ad omnes pertinere, uel omnibus in causis ualere iubeatur, legis generalis uim obtinet: sin minus, priuilegij. Priuilegia autem, siue personales constitutiones lauolentus l. 3. D. eod. beneficia Principis appellat. Ut facile appareat, eas personales esse constitutiones, in quibus propter certæ personæ rationem ab iure communi, & maiorum institutis recessum est.

**C** Edicta quæ Prætores urbis, & Aediles Cur. proponebant, Iuris uim obtinebant. idque Ius honorarium appellabatur. l. ij. §. v. De orig. iur.

**VIII.** Prætorum quoque edicta non modicam obtinent iuris auctoritatem. Hoc etiam Ius honorarium solemus appellare, quod qui honores gerunt, id est magistratus, auctoritatem huic iuri dederunt. Proponebant & Aediles Curules edictum de quibusdam causis, quod & ipsum Iuris honorarij portio est.

**NON MODICAM OBTINENT.)** Enunc. I. Edicta prætorum Iuris ciuilis partem constituunt. l. ius autem. 7. D. de iust. & iur. ubi Papin. ait: Ius prætorium honorarium dici, ob honorem Prætorum sic nominatum.

**QVI HONORES GERUNT, ID EST MAGISTRATVS.)** Sequitur II. Ius honorarium dicitur, quod ab ijs qui honores gerunt, constituitur. d. l. 7. & l. 2. §. 5. D. de orig. iur. Nam ante occupatum à Tiberio imperium, solum hoc ius à magistratibus constituebatur: cætera uel à populo, uel Iurisconsultis manabant. Edicebant autem omnes magistratus, hoc est, non modò Prætores, aut Aediles Curules, sed & Consules & Censores & Tribuni pl. Edicit Consul Gabinius in Sextiana oratione, ut L. Lamia eques Rom. ab urbe absit millia passuum ducenta. Edicunt Piso & Gabinius, ut Senatus qui uestem propter Ciceronem mutarat, ad uestitum rediret. Edicunt Domitius & Crassus censores (apud Gell. lib. 15. cap. 11.) sibi Latinorum rhetorum scholas non placere. Edicunt Tribuni pl. apud Ciceronem Verrina 4. Ne quis Romæ esset, qui rei capitalis damnatus esset. Itaque item in Sextiana sic scribit: Ecce tibi Consul, Prætor, Tribunus pl. noua noui generis edicta proponunt: ne reus adsit, ne citetur, ne queratur. Prætores autem edicere dicuntur, cum in album referunt, quomodo anno suo ius dicturi sint: quod posteaquam magistratum habita concione inissent, & in leges iurassent, facere solebant: ut Cic. lib. de Finib. 2. significat. Huius autem Iuris naturam Papinianus in l. ius autem. 7. D. de iust. & iur. sic describit: Ius Prætorium est, quod Prætores introduxerunt adiuvandi, uel supplendi, uel corrigendi Iuris ciuilis gratia propter utilitatem publicam. nam Edicere proprie denunciare est, ut quid fiat, aut non fiat. τὰ γὰρ ἐντάγματα, ἧς τὰς διατάξεις τὰν ἀνδρῶν τε ἧς ἀδίκων, b 3 idin



*Altera et poſtea nō dīcitur: inquit lib. 5. Dionyſius. hoc eſt: Præcepta enim ac præſcripta rerum & iuſtarum & iniuſtarum, A*

*Edicta Romani appellant.*  
PROPONEBANT ET AEDILES CVRVLES.) Sequitur III. Edictiones adilitiæ Iuris honorarij partem efficiunt. §. 1. inſr. de diuſ. ſtipul. huiusq; iuris monimenta extant ſub Rubr. D. de adilit. edict. De Aedilibus autem in Commentario uerborum iuris copioſe diſſeruimus.

*Auguſtus Iuriſconſultorum auctoritatem ita conſtituit, ut iudicibus ab eorum reſponſis quibus ipſe de iure reſpondendi poteſtatem dediſſet, recedere non*  
*liceret. l. ij. in fin. de orig. iur.*

IX. Reſponſa prudentū ſunt ſententiæ & opiniones eorum, quibus permiſſum erat iura condere, nam antiquitus inſtitutum erat, ut eſſent, qui iura publicè interpretarentur, quibus à Cæſare ius reſpondendi datum eſt, qui Iuriſconſulti appellabantur. quorum omnium ſententiæ & opiniones eam auctoritatem tenebant, ut iudici recedere à reſponſo eorum non liceret, ut eſt conſtitutum.

SENTENTIAE ET OPINIONES.) Theophilus differentiam inter hæc conſtituit. Sed cum aliud ſit incertum, aliud incertum: ac de certo quidem quod ſcripto aut conſuetudine continetur, Iuriſconſulti (ut ait Fabius) non conſultantur: neq; uerò, ſi maxime legis carmen interrogati pronuntiarent, ius tamen facerent, quod hoc loco quæreamus: certæ & indubitatæ eſſe illorum reſponſiones non poterant.

PERMISSVM ERAT CONDERE.) Enunc. I. Tanta Iuriſconſultorum erat auctoritas, ut quibus de rebus conſulti reſponderent, de ijs ius condere dicerentur. Hanc enim ſcripturā Theophilus & omnes antiqui libri retinent. Genus tamen loquendi nouum eſt, & ab antiquorum conſuetudine plane alienum. Nam eſi ius in ciuitate Iuriſconſulti conſtituebant, quod etiam commune nomen ſuum faciebat. (l. 2. De orig. & ſepe in orat. pro Cæcina) tamen inſolens & minus uerecunda locutio eſt, & ſine dubio poſterioribus ſeculis excogitata. Itaq; in l. ſi furioſi. 25. C. de nupt. Juſtinianus ita loquitur: Et quidem filiam furioſi marito poſſe copulari, omnes penè iuris antiqui conditores admiſerunt. Item Imperator Iulianus in l. nulla. 23. C. de procur. Sic Eutropius lib. 8. Vlpianum Iuris conditorem appellat. Sic idem Juſtin. l. 1. C. de commun. ſer. manum. Sex. Cæcilius iuris antiqui conditorem appellat. Iuris autem auctores frequenter in Pandectis Iuriſconſulti nominantur: quibus permiſſum erat, (ut ait Imperator) iura condere. Eiusq; rei teſtimonia in Iuriſconſulto noſtro protulimus.

ANTIQUITVS CONSTITVTVM ERAT.) Sequitur II. More maiorum inſtitutum eſt, ut eſſent qui conſuli de iure ambiguo publicè ab omnibus poſſent. Quod enim CONSTITVTVM hic legitur, corrigendum iam pridem docuimus, INSTITVTVM: poſt meam ſententiam antiqui codices confirmarunt. nam in more inſtitutoq; poſitum hoc fuit, tantaq; eſt attributa Iuriſconſultis auctoritas, non ulla lege aut ſenatusconſulto (ut Theophilus nugatur) ſed ta cito populi conſenſu atq; conſuetudine. Itaq; in l. 2. §. 2. de orig. iur. Cæpit (inquit Tribon.) ut naturaliter euenire ſolet, deſiderari duodecim tab. interpretatio, & prudentium auctoritas atq; diſputatio.

A CÆSARE IVS RESPONDENDI.) Sequitur III. Auguſtus Iuriſconſultorum dignitatem auxit, maiorem ijs quàm antea, ſed tamen certis tantum Iuriſperitis, auctoritatem attribuens. l. 2. in fin. De orig. iur. nam antea promiſcue cuius id licebat, qui fiduciam ſuorum ſtudioſi habebat: ut ſcribit eo loco Pomponius, eorumq; reſponſa iudicibus deferre bantur. At Auguſtus eorum quidem qui conſulebantur, numerum non diminuit: ſed eorum tantum, quorum reſponſa iudicibus deferrentur. Certis enim & delectis uiris eam auctoritatem attribuit.

IURISCONSULTI APPELLABANTVR.) Qua de appellatione, & Iuriſconſulti definitione, in Iuriſconſulto noſtro diſputauimus.

RECEDERE NON LICERET.) Subaudiendum Temere, facile, aut tale quiddam. non enim legis uim eorum reſponſa obtinebant: alioqui Prætor in edicto de Pactis, cum quinq; ſuperiores Iuris ciuilis enumeraffet partes, hanc quoque addidiſſet.

NON LICEBAT.) Sequitur IIII. Iuriſconſulti iudicibus priuatis rerum iudicandarum quaſi quidam auctores erant. quemadmodum his uerbis Cicero in Topicis demonſtrat: Priuata iudicia maximarum quidem rerum in Iuriſconſultorum mihi uidentur eſſe prudentia. nam & adſunt multum, & adhibentur in conſilio, & patronis non diligentibus ad eorum prudentiam conſugientibus haſtis miniſtrant. In omnibus igitur ijs iudicijs, in quibus EX fide bona eſt additum, plurimus eorum uſus eſt. Itaq; ob eam cauſſam idem in orat. pro Cæcina, Iuriſconſultorum reſponſa, quorum ſententiæ Recuperatorijs prolata fuerant, tantopere dilaudat: cum quidam ſcilicet ſecundum Cæcinam reſpondiſſent, quorum ſententiæ Recuperatorijs prolata fuerant. At in Quintiana, ſedebat C. Aquilius Gallus, cui domi hæc naſcebantur. Pomponius d. l. 2. in fin. Iudicibus (inquit) plerunq; ſua reſponſa ſcribebant, aut teſtabantur qui illos conſulebant: eiusq; rei exemplum uidemus apud Paulum in l. Titius. 43. D. de act. empt.

VT EST CONSTITVTVM.) Talis quædam extat conſtitutio in Cod. Theodoſ. tit. De reſponſis prudentum.

*Ius non ſcriptum eſt, quod ex inueterata conſuetudine naſcitur. Superior autem diuiſio ad bipartitam Iuris ciuilis diuiſionem accommodata eſt.*

*l. xxxij. ſeq. D. de legib.*

X. Ex non ſcripto ius uenit, quod uſus comprobauit. nam diuturni mores conſenſu utentium comprobati, legem imitantur. Et non ineleganter in duas ſpecies ius ciuile diſtributum uidetur. nam origo eius, ab inſtitutis duarum ciuitatum, Athenarum ſcilicet & Lacedæmonis, fluxiſſe







disciplina quam iuuentuti præscripserat, in cuiusq; animo legislatoris uim obtinebat. Contractus autē & pactiones, de rebus A  
leuib; ac de pecunia, quæ pro temporum ratione alio atq; alio modo immutantur, satius esse scriptis legibus atq; institutis im-  
mutabilibus non adiungere, sed pro temporum inclinatione permittere illis accretiones atq; decrectiones accipere, prout perie-  
tis uideretur. Nam uniuersi iuris rationem omnem ac munus in disciplinam contulit. Vna igitur (ut dictum est) & pactiones hæc  
erat, scriptis legibus non uti. Hæc ille. Cicero autem in Orat. pro Flacco, de iisdem sic scribit: Ad sunt Lacedæmonij, cuius ciuita-  
tis spectata ac nobilitata uirtus non solum natura corroborata, uerum etiam disciplina putatur: qui soli toto orbe terrarū ses-  
ptingentos iam annos amplius unis moribus, & nunquam mutatis legibus uiuunt.

Ciuile ius quatenus ex naturæ gentiumq; iure sumptum est, immutabile est:  
quatenus ciuium ingenij excogitatum, mutabile.

XI. Sed naturalia quidem iura, quæ apud omnes gentes peræquè obseruantur, diuina quadā  
prouidentia constituta, semper firma atq; immutabilia permanent: ea uerò quæ ipsa sibi quæq; ci-  
uitas constituit, sæpe mutari solent, uel tacito consensu populi, uel alia lege postea lata

IVRA QVÆ APVD OMNES.) Perspicue ostendit de iure gentium hic agi, in quo & Theophilus, & omnes  
facile consentiunt. At iuris naturalis eandem esse rationem constat. neq; enim aut matrimonium aut liberorum procreatio ul-  
la lege abrogatur. Quare aut de iure naturali non sensisse hoc loco Iustinianum dicendum est, quasi de quo nulla esset dubita-  
tio: aut particulam ET addendam, ut sit, ET QVÆ apud omnes gentes.

DIVINA QVADAM PROVIDENTIA.) Hoc neq; Naturalis, neq; Gentium iuris est proprium, inepteq;  
hoc loco adiectum est. nam Ciuilia etiam iura, diuina prouidentia constituta sunt. quapropter enunciationem quæ duci hoc B  
ex loco posset, omitemus.

SEMPER FIRMA.) Enunciatio I. Ius naturæ & gentium idem semper, immutabileq; permanet: non tamē use-  
quequaq; Seruitutes enim hoc tempore uidemus in orbe Christiano fere nullas. Ius igitur naturale & gentium tolli funditus  
non potest: mutari ex parte potest, cuius rei aliquot exempla proferemus. Spurius naturaliter, & (ut Græci loquuntur) & ius  
non minus est filius, quàm quiuis legitimus. at illum Ius ciuile ab hereditate paterna excludit: quem tamen ali, perinde ut legi-  
timum, natura iubeat: adeo ut ne cognatus quidem iure ciuili dicatur. l. 4. §. 1. de gradib. Similiter si pater filiosam, uel filij  
fam. fratres inter se, aut seruus seruo pecuniam crediderit, Ius ciuile debitum hoc non appellat. natura tamen id uerè debitum  
est: itaq; naturale debitum uulgò appellatur. l. si id quod. 64. & alibi frequenter. D. de cond. indeb. Sed hæc de re in Commen-  
tario uerborum iuris copiose differuimus.

SAEPÉ MUTARI SOLENT.) Sequitur II. Ius quod propriè ciuile est, partim desuetudine, partim con-  
traria lege commutatur.

VEL TACITO CONSENSU POPULI.) VI lex XII. Tabularum, quæ debitorem creditoribus addi-  
ctum in partes secari iubeat, tacito consensu populi abrogata est. nunquam enim obseruata est: ut ait Gellius lib. 20. cap. 1.  
& Quintilianus lib. 11.

VEL ALIA POSTEA LEGE LATA.) Aut enim abrogatur, aut obrogatur, aut derogatur.

## DE IVRE PERSONARVM, TITVLVS III.

Iuris materia triplex est. statuit enim de personis, rebus & disce-  
ptationibus. Ex l. 1. D. de stat. hom.

I. O Mne autem ius, quo utimur, uel ad personas pertinet, uel ad res, uel ad actiones. ac prius de  
personis uideamus. nā parū est ius nosse, si personæ, quarū causā constitutū est, ignorentur.

OMNE AUTEM IUS, QVO VTIMVR.) Enunciatio I. Ius omne uel de personis, uel de rebus, uel de  
actionibus constitutum est. l. 1. D. de stat. hom.

VEL AD RES.) Acquirendis scilicet, & alienandis. itaq; initio libri 2: Videamus, inquit, de rebus, quæ uel in no-  
stro patrimonio, uel extra patrimonium nostrum habentur: ut facile appareat, & contractus & obligationes, & testamen-  
ta & alius omnes acquirendarum rerum rationes, hoc uerbo comprehendendi.

VEL AD ACTIONES.) Id est, iudiciales disceptationes, & iudicia tum priuata, tum publica: quibus quis ad ius  
dicium agitur. siue ergo apud Prætorē bonorum possessio, aliæ decreta aut iudicia petantur, siue apud Iudices Recuperato-  
res res sit, ea pars Iuris ciuilis, in qua his de rebus statuitur, actiones dicuntur. Hinc legis actiones, olim formulæ dicebantur  
& Iurisconsultiis conceptæ, quibus ex lege XII. Tab. agi posset. At nonnulli Actiones pro Facta dictaq; interpretantur: quo-  
rum opinionem non tantum huius diuisionis partitio, sed uerbi consuetudo refellit. Iurisconsulti enim, quorum summus (ut ait  
Fabius) circa uerborum proprietatem labor est, Actionis uerbum in formulis retinuerunt, ut ambiguitatem, quæ ex eo na-  
sci posset, uitarent.

PARVM EST IUS NOSSE.) Sequitur II. Præcipua pars iuris est, quæ ad personas pertinet. nam ea sub-  
lata, frustra & de rerum acquisitionibus & de iudicijs differitur. neq; enim seruorum eadem quæ liberorum, aut pupillorum  
eadem quæ puberū, aut filiorumfam. eadem quæ patrumfam. aut mulierum eadem quæ uirorum, aut priuatorum eadem quæ  
magistratuum ratio est. Hoc autem Tribonianus ex Hermogeniano scriptum ita contorsit, ut uerbū RELIQUVM obliui  
scretur: nam si sic dixisset, Parum est nosse ius reliquum, quod scilicet ad res & iudicia pertinet, si personarum ius ignoratur:  
apertè



**A** aperte & apte locutus esset. Nunc infinite & generatim locutus, perinde fecit ac si quis diceret, parum est domus paries nosse, si fundamentum ignoretur.

QVAVRM CAVSSA IVS CONSTITVTVM EST.) Hoc quoque ex eodem auctore contortum est. non enim finis iuris in personarum iure positus est: non magis quam finis domus, in fundamento, uel parietibus. Finis enim iuris est, salus Reipub. ædium uerò, est habitatio: à personis tamen incipiendum est. Sic enim ordo est natura consentaneus. ut enim si domus habitetur, prius fundamenta, dein parietes, tum contignatio, postremo tectum fuerit necesse est: eodem modo si iudicium sit constitutum, & postulatur à iudice ut suum cuique reddat (qui iuris finis est) personis primum esse oportet, deinde res de qua disceptatur: postremo iudicem. ex quo personis primum, res secundum, actiones tertium obtinere locum intelligi tur: quia posito iudicio, & rem de qua litigetur, & personis quæ litigent, esse oportet. & si res contrabatur, emendo forte aut donando, personis contrabentes esse necesse est. Personæ autem per se sine iudicijs esse possunt: ut fundamentum sine relijs quibz partibus potest, tectum autem sine alijs non potest.

*Summa diuisio personarum, libertatis & seruitutis definitio: seruorum origo & etymologia. l. iij. & iij. D. de stat. hom.*

**II.** Summa itaque de iure personarum diuisio hæc est: quod omnes homines aut liberi sunt, aut serui. Et libertas quidem (ex qua etiam liberi uocantur) est naturalis facultas eius quod cuique facere libet, nisi si quid ui aut iure prohibetur. seruitus autem est constitutio iuris gentium, qua quis dominio alieno contra naturam subijcitur. Serui autem ex eo appellati sunt, quod Imperatores captiuios uendere, ac per hoc seruare, nec occidere solent. qui etiam mancipia dicti sunt, eo quod ab

**B** hostibus manu capiuntur.

SVMMA ITAQVE DIVISIO.) Summa hæc diuisio iccirco dicitur, quod etsi sequens diuisio personarum in eas quæ sunt sui uel alieni iuris, homines omnes complectatur: reuera tamen potius sub diuisio, id est, huius diuisionis pars est, quam præcipua quædam diuisio. Liberorum enim hominum alij sunt sui, alij alieni iuris. neque de seruis dicendum id uult, quod uocabulum ipsum per se ac ui sua satis ostendebat. Summa autem diuisio ea proprie dicitur, cuius pars latior, maiore aliarum omnium diuisionum parte amplior atque uberior est.

AVT LIBERI SVNT, AVT SERUI.) Enunciatio I. Homines omnes aut liberi sunt, aut serui: neque quis quæ partim liber est, & partim seruus. l. 3. D. de stat. hom. Nulli enim inter eos interiecti sunt, adeo ut ne libertas quidem immisui ex parte possit. itaque si Titio centum legata sint ita, si in illa ciuitate domicilium habeat, quia conditio hæc libertatem immisui uidetur: Titius legatum, quamuis conditioni non pareat, obtinebit. l. Titio, 71. §. Titio, 3. D. de cond. & demonstr.

EX QVA LIBERI VOCANTVR.) Sequitur II. Liberi à libertate nomen inuenerunt. hoc est, non ex uocabulo, sed ex re ipsa quæ uocabulo subest, eique subiecta est. nam uerbum libertas, liberi nomine posterius est: ut seruitus, serui at ex ipsa re, hoc est qualitate, liberi seruique dicti sunt, & quales nominantur.

NATURALIS FACVLITAS.) Sequitur III. Libertas non ciuili aut gentium, sed naturali iure instituta est. l. 4. D. de stat. hom. & l. 4. de iust. & iur. l. si quod dominus, 64. D. de cond. indeb. ubi Iuricons. scribunt, Naturam ab initio homines omnes, liberos procreasse: sed postea ius gentium alios liberos, alios seruos fecisse. quanquam in ijs qui libertate non à natura, sed à dominis acceperunt, falsum hoc uidetur. Verum intelligendum est, libertate quæ in inuitendo conceditur, non tam dari, quam restituere: tam nouam acquiri, quam amissam recuperari. quod ex eorum similitudine intelligitur, qui cum aliquandiu apud hostes seruierunt, postliminio reuersi, non nouam ciuitatem & libertatem dispiscuntur, sed pristinam recuperant. Est ergo etiam in libertinis hominibus naturalis potestas, sed longo interuallo quasi postliminio quodam repetita.

**C** QVOD CUIQUE FACERE LIBET.) Sequitur IIII. Qui potest quod sibi libet facere, liber est. d. l. 4. de stat. hom. nam illa uerba, NATURALIS FACVLITAS, sic interpretamur, quasi dixisset, Potestas facendi eius quod cuique facere libet à natura data. quapropter in Paradoxis Cicero sic definit, Libertas est potestas uiuendi ut uelis. quod ex Zenonis disputatione sumptum uidetur, qui τὴν ἀνθρώπων ἐλευθερίαν definebat ἡ ἐξουσία ἀπορρηγναι τὴν ἐξ ἀνάγκης ἐπιταγήν: hoc est, Libertatem, potestatem pro suo iure agendi: seruitutem uerò, eius iuris priuationem. auctor Laetius. Et in eandem sententiam illud est Ciceronis in lib. de Offic. I. His inquit, propositum fuit, ut ne qua re egerent, ne cui parerent, libertate uterentur: cuius proprium est sic uiuere ut uelis. Item illud Appij, quod ab eodem auctore in lib. de Orat. secundo commemoratur: Cum in senatu inquit, ageretur de agris publicis, & de lege Thoria, & premeretur Lucilius ab ijs qui à pecore eius depasci agros publicos dicerent: Non est, inquit, Lucily pecus illud, erratis: (defendere Lucilium uidebatur) ego liberum puto esse, quæ libet pascitur.

NISI SI QUID VI AVT IURE PROHIBETVR.) Sequitur V. Libertas & ui & iure circumscripta est. d. l. 4. de stat. hom. Nam quod ad ius quidem attinet, præclare Cicero in Cluentiana sic scribit: Legum iccirco omnes serui sumus, ut liberi esse possimus. & Aristot. lib. Polit. I. cap. 2. Libertas, inquit, in eo posita est, ut quod quisque uelit, faciat. ex quo efficitur, ut in Democratia ita quisque uiuat, ut uelit, & quemadmodum ait Euripides, ut desideret quod in uitio est: neque enim uita quæ ex Reipub. præscripto degitur seruituti deputanda est. sed salus. Denique huc Persij Satyra V. respexit, cum ait:

An quisquam est alius liber, nisi ducere uitam  
Cui licet ut uoluit: licet ut uolo, uiuere: non sum  
Liberior Bruto: mendosè colligis, inquit  
Stoicus hic aurem mordaci lotus aceto,  
Hæc reliqua accipio, licet, ut uolo, uiuere, tolle.  
Vindicta postquam meus à Prætoce recessi,  
Cur mihi non liceat, iussit quodcunque uoluntas?  
Excepto siquid Masuri rubrica notauit.

Quod



Quod autem ad uim attinet, uideamus ne satis cautè dicamus, libertatis fines ab ea circumscribi, quasi uerò is cui uis affertur, eo minus liber sit. Sed respondendum est, Florentinum hoc loco non tam ad ciuilem, quam ad naturalem illam & primam libertatem spectasse, cui consentaneum est, quod Ulpian. scribit in l. 2. D. de hom. lib. exhib. non multum à specie seruentium differre, quibus facultas recedendi non datur. Exoritur etiam illa dubitatio, nam si liberi sunt, quorum naturalem facultatem aut uis, aut ius coercet: etiam serui hac ratione liberi dici posse uidebuntur. quippe qui potestatem habeant faciendi quod uelint, nisi quatenus aut ui, aut herili iure prohibentur: uerum hoc ad iudicandum est facillimum, nam quod de iure diximus, de ciuili intelligendum est: cuius serui omnino sunt expertes. l. quod attinet. D. de reg. iur.

SERVITVS EST CONSTITVTIO IVRIS GENTIVM.) Sequitur VI. Seruitus iure gentiū instituta est. l. 4. D. de iust. & iur. eaq; de re superiore capite copiose differvimus. Sed mirum est, nullam iuris Ciuilis mentionē hic fieri: cum satis constet, seruitutem aliam iure gentium, aliam iure ciuili institutam esse: ut paulo post intelligemus. Rursus illud queri potest, qua ratione filijsam. ab hac definitione seiungantur: cum illi nihilominus in parentum dominio sint, quam serui in dominorum. Neq; enim respondere possumus, seruitutem esse constitutionem iuris gentium, patriam potestatem esse iuris ciuilis, nam etiam seruitus quædam (ut mox dicemus) iure ciuili instituta est. Præterea ne hac quidem adiectione excluduntur, CONTRA NATVRAM: quoniam etsi uulgaris, id est aliarū gentium potestas, naturæ maxime consentanea sit, tamen Ciuilem & Romanam illam infinitam potestatem, ut ius uitæ ac necis, ius ter uendendi, noxæq; dedendi parentes habeant: difficile dictū est, non aliqua ex parte contra naturam esse. Iam uerò quid de addictis dicemus? qui iure quidem ciuili, sed tamen contra naturam dominio alterius subiiciuntur? Quod autem Cicero in Parad. scribit, Seruitutem esse obedientiam fracti animi, arbitrio carentis sui: oratoricè accipiendum, neq; ad exactam rationem reuocandum esse, facile ex superioribus intelligitur. Videamus igitur, ne, cum libertas sit facultas arbitrio suo uiuendi, quatenus uel gentium, uel ciuili iure permissum est, seruitus hoc modo definiri possit, uacuitas libertatis, quæ hominem uniuersi iuris expertem & incapacem reddit. nam si nihil tam contrarium est seruituti, quam libertas, ut ait Papinianus in l. rogo, 21. D. de fideic. libert. sequitur necessariò, Seruitutem, uacuitatem, & (ut uulgus loquitur) carentiam libertatis esse. quo uerbo si quis uim omnē seruitutis comprehendere possit, existimet, fallitur. Nam & Addicti, & filijsam. & qui à prædonibus capti sunt, facultate arbitrio suo uiuendi carent: neq; tamen serui sunt, propterea quòd neq; ciuitatis neq; familie suæ ius amittunt. idq; maxime in seruitutis disputatione spectandū esse, Fabius Quintil. lib. 7. cap. 3. his docet uerbis: Seruus cum manumittitur, fit libertinus: addictus, recepta libertate est ingenuus. Seruus inuito domino libertatem non consequetur: addictus soluendo citra uoluntatem domini consequetur. Ad seruum nulla lex pertinet, addictus legem habet. propria liberi, quæ nemo habet nisi liber, prænomen, nomen, cognomen, tribū: habet hac addictus. Verum hæc ex causæ constitutione planius intelliguntur. Intentio: filijsam. est liber. D. Non est liber. Q. An sit liber. R. Quia libertas est facultas arbitrio suo uiuendi. at filijsam. eam facultatem non habent. F. Imò libertas est facultas arbitrio suo uiuendi, sed non immensa, uerum à iure uel gentium, uel ciuili circumscripta, ut autem patrumfamilias, sic etiā filiorumfam. libertatē, ius ciuile certis finibus ac terminis circumscripsit. Disceptatio ex uerbi definitione nascitur: an libertas sit, quæ certis finibus iure ciuili aut gentium circumscripta est. Nunc de seruitute uideamus. Intentio: filijsam. sunt serui. D. Nō sunt. Q. An sint. R. Quia serui dicuntur, qui facultate arbitrio suo uiuendi spoliati sunt. illi autē arbitrio alieno uiuunt. F. Imò serui dicuntur, qui sic libertate spoliati sunt, ut iuris omnis sint expertes: at filijsam. & ciuitatis & sui iuris retinent. Disceptatio ex eodem fonte nata est: An serui dicantur, quibus sic libertas adempta est, ut nullius planè iuris sint participes. Addictus autē in definitione ET INCAPACE S, ut quacumq; ratione possemus, ambiguitatem omnē præcideremus: tamen si satis cruditis hominibus Expertis uerbum esse potuisset, sed quoniam in quibus aqua & igni interdictū est, omnis quidem iuris in priore ciuitate sunt expertes, alterius autem capaces: propterea notandam illam differentiam existimauimus.

DOMINO ALIENO CONTRA NATVRAM SVBICITVR.) Sequitur VII. Seruitus naturæ cōtraria est. Non enim à natura seruitutis originē ducimus, ut Aristot. qui lib. Polit. 1. cap. 3. & 4. liberos & seruos à natura procreari disputat, quorū illos imperare deceat, hos parere: à bellis enim seruitutem profectam existimamus. ut supra uit. prox. §. ius autem gentium. utrum autem contra naturam sit seruitus, an non sit, in eod. §. breuiter explicauimus.

CAPTIVOS VENDERE, AC PER HOC SERVARE.) Sequitur VIII. Seruus à seruando denominatus est. d. l. 4. & l. si pupillus. 239. D. de uerb. sig. ubi Pomponius ait, seruorum appellationem ex eo fluxisse, quòd imperatores nostri captiuos uendere, ac per hoc seruare, nec occidere solebant. Seruare igitur, pro à morte liberare usurpat. Verum quid de cæteris animalibus bello captis dicemus, quæ uenduntur, ac proinde seruantur: unde serui quoq; muli & equi & elephantes dicendi uideantur. Cicero tamen in Orat. pro Flacco, seruata dixisse uidetur, pro in seruitutem redacta: Quæ quàm cara sit Dijs immortalibus, declarat, inquit, quòd sit toties bello capta, elocata, seruata. De Iudeorum gente loquitur. Rem igitur sic explicemus: Cum ex bello captis, alij locupletes essent, quorumq; cognati precium facile soluerent, alij uerò pecuniam non tam facile à suis impetrarent: qui precium reddebant, dimittebantur: qui non reddebant, perpetuò asseruabantur, dum qui redemptionem asferrent expectabantur. ex eoq; & seruorum & seruatorum fluxisse appellatio uidetur, quæ iumentis alijsq; rebus non conuenit.

MANCIPIA DICTI SVNT.) Sequitur IX. Serui mancipia propterea dicuntur, quia manu à uictoribus capiuntur: quemadmodum omnia quoq; alia, quæ bello capta uictorum sunt. l. 5. & 7. D. de acq. rer. do. §. item ea, in fr. de rer. diuis. Hinc Varro: Mancipium, inquit, à manu, quod manu capitur: hoc est, res omnes quæ manu capiendū acquiruntur, mancipia dicta sunt. Hinc Macrobius. lib. Sat. 3. cap. 7. Nam ex manus iniectione, inquit, pene mancipium designauit.

Et seruorum & liberorum alij nascuntur, alij fiunt. utrum autem seruus quis nascatur, an fiat, nihil interest: utrum liber, permagni. l. 7. D. de stat. hom.

III. Serui autem aut nascuntur, aut fiunt. nascuntur, ex ancillis nostris: fiunt, aut iure gentium, id est, ex captiuitate: aut iure ciuili, cū liber homo, maior uiginti annis, ad precium participandū sese uenundari.







cilla postea facta peperit, liberum an seruum pariat? & Marcianus probat, liberum nasci, sufficit enim ei qui in utero est, liberam matrem uel medio tempore habuisse: quod & uerum est.

**MATRE LIBERA, PATRE VERO SERVO.)** Enunciatio I. Solius matris, non etiam patris status, cum qui in utero est afficit. Nam (ut scribit Vlp. cap. Institut. 5.) qui ex libero & ancilla nascitur, seruus est: quia ubi non est connubium, partus sequitur matrem. Itaque natus Israhel ex Abrahamo & Hagare ancilla, seruus est. non enim tam paternus sanguis, qui incertus est, quam maternus spectatur. Sequitur autem hoc eodem ex loco Enunciatio II. Ius concubitus ad partus statum nihil pertinet. id est, non spectatur, utrum iustus an iniustus sit concubitus: nihil enim qualitas concubitus ad libertatem aut seruitutem partus ualet. Itaque & Alexander Magnus, & alij complures ex stupro nati, liberi fuerunt.

**MATRIMONIO EDITVS EST.)** Nam paulo post dicit de eo, qui ex iniusto concubitu nascitur, siue ingenui sint parentes, siue liberti & ingenui.

**INGENVVS NIHILOMINVS NASCITVR.)** Hoc contra uetustam Latine lingue consuetudinem. nam Ingenui dicebantur antiquitus, qui patrem ciere possent: hoc est, ex legitimo matrimonio suscepti, qui ydem & Patricij dicebantur. Liuius lib. 10. An Romae unquam fando audistis, Patricios primo esse factos, non de caelo demissos, sed qui patre ciere possent: id est, nihil ultra quam ingenuos? Hec Liuius, qui non obscure Ingenuos ijs opponit, quos posterior etas spurios, recentior uulgo conceptos appellauit. l. uulgo. 24. D. de stat. hom. Liberi ergo, non ingenui dicebantur. Cicero lib. de Nat. deorum 3. Ut enim in iure Ciuili, qui est de matre libera, liber est item iure natura, qui de Dea matre est, Deus sit necesse est.

**ET INCERTO PATRE NATVS EST, QVONIAM VVLGO CONCEPTVS EST.)** Hec ratio inepta est, & quod referatur non habet. Quare pro QVONIAM VVLGO, legendum sic putarem, id est, qui uulgo. Quam meam sententiam multa confirmant. Primum, quia patres omnes sunt incerti, ut ait Telemachus Odyssei. & γὰρ πῶς τις ἰδὲ γόνυ αὐτοῦ ἀδύνη. Nondum quispiam exploratum habet, quis suus sit pater. Et soli patres sunt quos nuptiae demonstrant, ait Paulus l. 5. D. de in ius uocan. Deinde uox QVONIAM, sensum hoc loco habet omnino nullum. Praeterea Theophilus sic locum uertit: ὁ ἐκ τῆς ἐλευθέρου μητρὸς γεγενημένος ἀδελφὸς τοῦ πατρὸς, τὸ ἐκ τῆς ἀνδρὸς ἐκείνης ἐστίν. hoc est, Ex libera matre, & incerto patre: id est, ex stupro. Et profecto ita est, ut omnes antiqui libri notam hic habeant qm: quae facile ex qui nasci potuit: quum altera haec nota, i. quae id est significat, plerumque omittatur. Sic igitur corrigamus, **EX INCERTO PATRE NATVS EST,** (quod quia obscurius erat, cum scilicet omnes patres sint incerti, addidit interpretationem) **ID EST, QVI VVLGO CONCEPTVS EST.** quo uerbo ij continentur, qui patrem demonstrare non possunt: uel qui possunt quidem, sed eum habent, quem habere non licet, ait Modestus l. uulgo. 23. D. de stat. hom.

**VVLGO CONCEPTVS EST.)** Sequitur III. Vulgo concepti dicuntur, qui ex eo patre nati sunt, quem uel ciere, uel honeste ciere non possunt. l. uulgo. 23. D. de stat. hom.

**LICET ANCILLA CONCEPERIT.)** Nam in ijs qui extra matrimonium nascuntur, tempus partus spectatur: ait Vlpianus capite Institut. 1. & Caius in lib. Institut. 1. tit. 4.

**PLACUIT EVM QVI NASCITVR, LIBERVN NASCI.)** Distingendum tamen est, utrum ex matrimonio, an ex iniusto concubitu sit conceptus. nam illo casu uerum est, liberum nasci: in ijs enim qui ex matrimonio nascuntur, tempus conceptionis spectatur: ut ibidem Vlpianus & Caius scribunt. at si uulgo conceptus est, ubi tempus partus spectatur, sequeretur nasci seruum: idque Caius dilucide confirmat. aliter tamen probatum esse testatur & hoc loco Iustinianus & Marcianus in l. 5. de stat. hom. Nec interest, inquit, iustis nuptijs concepit, an uulgo: quia non debet calamitas matris nocere ei qui in utero est. Item, sufficit ei qui in uentre est, liberam matrem uel medio tempore habuisse. Causae igitur constitutio haec erit: Liua libera concepit: post in seruitutem redacta, peperit. Cum dominus illius puerum hunc tanquam uernam, & ex ancilla sua natum possideret, reperiens est qui puerum in libertatem assereret. Intentio, Hic puer liber est. D. Imo seruus. Q. Vtrum liber, an seruus sit. R. Quia regula est, ut ex serua natus, sit seruus. F. At uox NATVS non tantum ad partus, uerum etiam ad conceptionis tempus pertinet: itaque natus ex libera uidetur. Disceptatio ex scripto & sententia nascitur, An regula quae natum ex serua seruum esse statuit, ad eum qui ex libera conceptus, & ex serua natus est, non pertineat. Respondetur, in fauorem libertatis non pertinere. Atque hoc est quod Paulus lib. Sent. 2. cap. 25. scribit, fauorem libertatis id exposcere.

**VEL MEDIO TEMPORE.)** Sequitur IIII. Libertas uno tantum istorum trium temporum sufficit, conceptionis, gestationis, aut partus. l. & seruorum. 5. D. de stat. hom. ubi Marciani responsum profertur, quod contra ueterum iuris regulam in fauorem libertatis institutum apparet. Itaque siue quae serua concepit, & gestauit, libera pariat (ueluti Arescusa illa, de qua Tryphonijs scribit in l. Arescusa. 15. de stat. hom.) non dubium est, quin liberum pariat: siue quae serua concepit, praegrans manumissa est, ante partum autem iterum in seruitutem redacta: ut paulo ante docuit, siue libera concepit, & serua postea semper fuit: liberum enim haec quoque pariet, quia non debet calamitas matris ei nocere, qui in utero est: ait Marcianus. quod tamen de seruitute, quae iure tantum ciuili introducta est, intelligi oportet. Veluti si se participandi precij causa uendita passa sit. nam si iure gentium serua esset, utpote bello capta, satis constat natum in eo statu filium seruum existere. quemadmodum in Seruio Tullio usufructu, cuius mater Ocrisia regis sanguinis mulier, bello à Tarquinio Romanorum rege capta, in seruitute peperit. Vnde Seruius nominatus est, quasi Aesclut ait Dionysius. Haec autem tria tempora Paulus lib. Sentent. 2. tit. 25. his uerbis est complexus: Si serua coeperit, & postea manumissa pepererit, liberum parit. id enim fauor libertatis extorsit. Si libera conceperit, & ancilla facta pepererit, liberum parit. id enim fauor libertatis exposcit. Si ancilla conceperit, & medio tempore manumissa sit, rursus facta ancilla pepererit, liberum parit: media enim tempora libertati prodesse, non etiam nocere possunt. Causae igitur constitutio haec erit: Arescusa dum serua esset, concepit: postea manumissa est, iterumque in seruitutem redacta peperit. Cum dominus illius puerum pro suo possideret, inueniens est qui eum in libertatem uindicaret. Intentio: Hic puer liber est. D. Imo seruus. Q. Vtrum liber sit, an seruus. R. Quia cum in iure ciuili de conditione partus agitur, de conceptionis tantum & partus tempore disputatur: utroque autem tempore mater fuit serua. F. At fauor libertatis postulat, ut etiam intermedij temporis ratio habeatur. Disceptatio ex iuris & aequitatis contentione nascitur, an fauor libertatis id flagitet. Paulus modo respondit, fauorem libertatis id extorsisse.



A

*Ingenuitas neq; iniusta seruitute, neq; superuacanea manumissio-  
ne læditur. l. ij. C. de ingen. man.*

II. Cum autē ingenuus aliquis natus sit, non officit ei, in seruitute fuisse, & postea manumis-  
sum esse: sæpissimè enim constitutum est, natalibus non officere manumissionem.

NON OFFICIT EI IN SERVITUTE FUISSE.) Enunciatio I. Non si quis in seruitute est, contie-  
nens seruus est. aliud est enim seruire, siue in seruitute esse: aliud seruum esse: ut ait Fabius lib. 7. cap. 3. Itaq; neq; Pamphila Te-  
rentiana, quam infantulam prædones rapuere e Sunio, & mercatori cuidam Rhodio uendidere: neq; Iosephus, quem fratres  
sui Aegyptijs mercatoribus uendidere: quamuis diu in seruitute fuerint, serui tamen fuerunt. Qua de causa scripsit hoc loco Iu-  
stinianus sic: Non officit ei in seruitute fuisse: non autem sic, seruum fuisse. nam si seruus uerè fuisset, ut qui se uendi passus est,  
sine dubio ingenuitati suæ officeret. l. cum pacto. 40. D. de lib. caus. l. homo liber. 21. D. de stat. hom.

NATALIBVS NON OFFICERE.) Sequitur II. Ingenuitati manumissio non officit. l. si quis. 21. D. de  
capt. & postlim. ubi Vlpianus scribit, natum ex ingenua uel redempta, uel uirtute militum recepta, quamuis ab ignorante pa-  
tre manumittatur, ingenuum tamen esse. Itaq; Natales hoc loco Iustinianus dixit, pro eo statu in quo suo die natali fuit is, qui  
seruitute iniusta oppressus, tandem manumissus est. Hoc enim uerbum semper in laude ponitur, pro *ἀνθρώπου*. Plinius in Epist.  
Nam mulier natalibus clara, moribus proba, ætate declinans, diu uidua, &c. Itaq; Natalibus olim restitui dicebantur, qui ex in-  
iusta seruitute in ingenuitatem suam diu ignoratam reducebantur: ut Remus & Romulus, qui se ipsi suis natalibus restituerunt:  
sed postea cum libertis quoque a Caesaribus ius ingenuitatis concessum esset, dicti sunt natalibus restitui: uti docet Marciannus  
in l. ij. D. de natal. rest.

B

## DE LIBERTINIS. TITVLVS V.

*Libertinorum definitio, & origo, ex l. 6. D. de stat. hom.  
& l. 4. D. de iust. & iur.*

I. Libertini sunt, qui ex iniusta seruitute manumissi sunt. Manumissio autem, est de manu missio: «  
id est, datio libertatis. nam quamdiu quis in seruitute est, manui & potestati suppositus est: «  
manumissus, liberatur potestate. quæ res à iure Gentium originem sumpsit: utpote cum iure natu- «  
rali omnes liberi nascerentur, nec esset nota manumissio, cum seruitus esset incognita. sed postea «  
quàm iure gentium seruitus inuasit, secutum est beneficium manumissionis. & cum uno naturali «  
nomine HOMINES appellarentur, iure gentium tria hominum genera esse cœperunt: liberi: & «  
his contrarium serui: & tertium genus liberti, id est, hi qui desierant esse serui. «

EX IUSTA SERVITUTE.) Enunciatio I. Libertinus, nisi cui iusta seruitus adempta est, non dicitur. l. 6. D.  
de stat. hom. Iustam autem seruitutem intelligimus, perfectam, integram, & quæ uerè sola est seruitus. quomodo postea Iustinia-  
nus iustam libertatem appellat, & Gaius iustum filium, in l. 2. D. de adopt. nam alia seruitus perfecta est, ut sic dicam, alia im-  
perfecta. ueluti eorum qui addicti sunt, qui recepta libertate non libertini fiunt, sed ingenui: ut ait Fab. lib. 5. cap. 10. & lib. 7.  
cap. 3. cum tamen Græci *Βραβύδοι* propriè dicantur, liberti uerò *ἀνθρώποι*, ut Ammonius testatur. De ijs uerò qui ea ser-  
uitute opprimuntur, quam neq; gentium, neq; ciuile ius comprobatur, non est dubium quin semper ingenuitatem retineant. Veluti  
capta est à prædonibus Terentiana Pamphila, puella ingenua: ea mercatori cuidam e Sunio postea uenditur. hic si eam manu  
miserit, illius tamen patronus non erit: ut proxime diximus. Captus enim à prædonibus, latronibus & piratis, seruus illorum  
non est. l. hostes. l. latrones. D. de cap. & postlim.

MANUMISSI SVNT.) Olim uerò, id est Appij Cæci temporibus, & deinceps, aliquandiu Libertini dicebatur,  
non ipsi qui manumittebantur, sed ingenui ex his procreati: ut scribit Suetonius in Claudio. quam differentiam obseruare Mode-  
stinus uidetur in l. 1. D. de excusat. inter *ἀνθρώπους* & *ἀνδράποδους*, hoc modo, *ἀνθρώποις* γὰρ ἀνδράποδους ἴσους διὰ τὸ  
ἀνδράδου. & paulo antè: *ἀνδράποδους* ὅς παύσει ἀνθρώπους εἰς δουλείαν εἰς ἀπώρευτον ἐκπέμψαι: id est, Libertinis enim liberos so-  
los dare tutores oportet. Item, Libertinis pupillis magistratus tutores ingenuos non dabunt.

EST DE MANU DATIO.) Libri ueteres, Est libertatis datio. Florentini uerò, De manu missio: id est, liberta-  
tis datio. quod non dubito, quin sit reponendum.

A IURE GENTIVM ORIGINEM SVMPSET.) Sequitur II. Manumissio iure Gentium instituta  
est. l. 4. D. de iust. & iur. quemadmodum enim iure Gentium inductum est, ut bello capta fierent uictorum: sic æquum uisum  
est, ut qui redimere se possent, ab illa se seruitute liberarent. quod eodem modo postea in ijs quoq; qui serui nati essent, con-  
cessum est. Plautus Rudenter:

Nunc hæc occasio Gripe obtigit, ut liberet extemplo  
Prætor te. nunc sic faciam sicut consilium est, ad herum ut ueniant.

Doctè atq; astutè ego illi pauxillarim pollicitabor

Pro capite argentum, ut sim liber, ac me emittat manu.

Moses autem Iudæis hanc legem dedit, ut si Iudæus in summam inopiam reductus se Iudæo uendidisset, post annos sex in  
seruitute confectus, manu ab emptore emitteretur. Exod. 25. & Deut. 15.

TERTIVM GENVS LIBERTINI, QVI DESIERANT.) Florentinus liber: Tertium genus libera-  
ti, id est, hi qui desierant. quod propter illius auctoritatem libri sum secutus. Sed mirum est quod Iustinianus genus hominum  
sic diuidit, ut alios liberos faciat, alios liberos. nisi forte, quod mihi uerissimum uidetur, LIBEROS dixit pro Inge-  
nuos



nosuit Hermogenianus in l. cum pacto. 40. D. de lib. caus. Libertatem, pro Ingenuitatem.

VNO NATVRALI.) Sic Florentinus. Alij nonnulli uno communi nomine omnes homines, &c. quod non displicet. Naturale autem nomen Vlpianus appellare uidetur, quod a natura, sine hominum inuentis, inditum est.

TRIA HOMINVM GENERA.) Sequitur III. Hominum triplex est appellatio: ingenuorum, seruorum, & libertorum.

Quibus modis, & quo tempore manumitti serui possint.

l. j. C. de Lat. lib. toll.

II. Multis autem modis manumissio procedit: aut ex sacris constitutionibus in sacrosanctis Ecclesijs, aut uindicta, aut inter amicos, aut per epistolam, aut per testamētum, aut per aliā quam libet ultimam uoluntatem. Sed & alijs multis modis libertas seruo competere potest, qui tam ex ueteribus, quam ex nostris constitutionibus introducti sunt. Serui uero omni tempore manumitti solent, adeo ut uel in transitu manumittantur: ueluti cum Prætor, aut Præses, aut Proconsul in balneum, uel in theatrum eant.

MVLTVS AVTEM MODIS.) Enunciatio I. Multo plures sunt, quam olim tribuenda libertatis modi. nam olim certissimi tres fuisse manumittendi modi: Censu, Vindicta & Testamentum, quibus modis manumissi, ciues Rom. fiebāt. Censu autem manumittebantur olim, qui lustrali censu Romæ, iussu dominorum inter ciues Romanos censum profitebantur. nam quinto quoque anno Censores in campo Martio ciues omnes recensebant. Vnde illa quæstio apud Ciceronem in libro de Orat. primo: An is qui domini uoluntate census sit, si non sit conditum lustrum, sit ne liber? Sed Roma euersa, & moribus illis obsoletis, Christiani Imperatores Constantinopolitani huius manumissionis imaginem quandam retinere uoluerunt: ut quemadmodum olim in populi Romani comitijs (quam *ἐκκλησία* Græci appellant) serui manumittebantur: ita in populi Christiani conuentu, quem Ecclesiam nominamus, manumitti possent. Vnde tractatus lib. Cod. 1. de ijs qui in Ecclesia manumittuntur. Hanc enim imitationem a populo Romano sumptam esse, uerba hæc Constantini ex l. 2. non obscure significant: Qui religiosa mente, inquit, in Ecclesiæ gremio seruis suis meritam concesserint libertatem, eam eodem iure donasse uideantur, quo ciuitas Rom. solemnitatibus decursis donari consuevit. Nam solemnitates decursas, comitorum & census morem obsoletum intelligit. Caius quoque posterior in Institutionibus pro Censu, Ecclesiam nominat: quomodo, inquit, manumissi ciues Romani fiunt.

AVT VINDICTA.) Boetius in Topica Ciceronis: Vindicta, inquit, est uirgula quædam, quam licitor manumittendi serui capiti imponens, eundem seruum in libertatem uindicabat, dicens quædam uerba solennia: atque ideo illa uirgula Vindicta uocabatur. Plutarchus de ijs qui tardius a Deo puniuntur, *ἡ δὲ ἐν τῷ δεξιῷ ὀφθαλμῷ ἀποσπῶνται, καὶ ἐπὶ τῷ ἀριστερῷ ἐμβάλλονται τοῖς ὀφθαλμοῖς*. Romani, inquit, eorum corporibus quos in libertatem uindicant, tenuem festucam imponunt. Festuca igitur uindicta nominatur a Vindice, ut scribit Lilius lib. 11. qui seruus cum adolescentum nobilium coniurationem patefecisset, libertate & ciuitate donatus est. Quare uindicta idem est quod festuca, nec alio sensu dixit Persius,

Vindicta postquam meus à Prætorē recessi: quam alio loco,  
Non in festuca licitor quam gestat inani. Et Plautus in Milite glor.

Quid ea? ingenua, an festuca facta, serua an libera est?

Moris etiam fuit, ut qui manumitterentur, manu domini ipsorum capiti imposita circumagerentur. Persius Satyra 5.

— Quibus una Quiritem

Vertigo facit hic Dama est, non tressis agaso,  
Vappa, & lippus, & in tenui farragine mendax.  
Verterit hunc dominus: momento temporis exit,  
Marcus Dama. —

AVT INTER AMICOS.) Quinq; testibus adhibitis, apud quos manumissionem suam profiteatur: quam postea uel ab ipsis, uel à tabulario publico & conscribendam & consignandam curet. l. 1. §. sed et si quis. C. de Latin. lib. toll.

AVT PER EPISTOLAM.) Quinq; similiter testibus adhibitis, qui cautioni huius manumissionis à domino scripte uel signatæ subscribant. d. l. 1. §. 1. C. eod. Tertull. in libr. de Resurrect. carn. Oro te, si famulum tuum libertate mutaueris, quia eadem caro atque anima permanebunt, quæ flagellis, & compedibus, & stigmatibus obnoxia retrò fuerant, iterum eundem illum eadem pati oportuit? non opinor. Atqui & uestis albæ nitore, & aurei annuli honore, & patroni nomine ac tribu mensaq; honoratur.

AVT PER TESTAMENTVM.) Quod duobus fit modis: aut directo, hoc modo, Liber esto, Liber sit, Liberum esse iubeo: aut per fideicommissum, ut puta, Rogo, Fidei committo hæredis mei, ut Stichum seruum manumittat. Is autem qui directo liber esse iussus est, Orcinus fit libertus (quasi Orco, siue Plutonis libertus: cum alioqui patronum habeat nullum. l. si necem. D. de bon. lib.) Cui uero per fideicommissum data est libertas, non testatoris, sed manumissoris fit libertus: uti scribit Vlpianus cap. Instit. de statulib.

ALIAM QVAM LIBET VLTIMAM VOL.) Vltimarum uoluntatum duodecim genera commemorauimus in comm. l. 1. D. qui testam. fac.

ALIIS MVLTVS MODIS.) Quorum pleriq; omnes enumerantur in d. l. 1. C. de Latin. lib. toll.

OMNI TEMPORE MANVMITTVNTVR.) Sequitur II. Serui à dominis quocunq; & die & loco manumitti possunt. Nam quod ait, Omni tempore, id est, quouis die, siue festo, siue profesto, siue fasto, siue nefasto. Quod propterea subiunxit, quia uindicta manumittuntur, inquit Vlpianus, apud magistratum: uelut Prætorē, Consulē, Proconsulē. Ne quis igitur existimaret, apud hos manumitti, nisi pro tribunali, non posse hoc adiecit, quod & Caius in l. non est. 7. de ma-



**A** num. uind. his uerbis docet: Non est omnino necesse pro tribunali manumittere. itaq; plerumq; in transitu serui manumitti solent: cum aut lauandi, aut gestandi, aut ludorum gratia prodierit Prætor, aut Proconsul, legatus uel Cæsar.

*Cum olim libertorum alij ciues Romani, alij Latini, alij dedititij essent: unam Iustinianus omnium conditionem, omnesq; ciues Romanos esse uoluit.*

*l. j. C. de Lat. lib. l. j. C. de tit. lib.*

**III. Libertinorum autē status tripartitus antea fuerat.** nam qui manumittebantur, modo maiorem & iustam libertatem consequiebantur, & fiebant ciues Romani: modo minorem, & Latini, ex lege Iunia Norbana, fiebant: modo inferiorem, & fiebant ex lege Aelia Sentia dedititij. Sed dedititiorum quidem pessima conditio, iam ex multis temporibus in desuetudinem abiit: sed nec Latinorum nomen frequentatur. ideoq; nostra pietas omnia augere, & in meliorem statum perducere desiderans, duabus constitutionibus hoc emendauit, & in pristinum statum redaxit: quia & à primis urbis Romæ cunabulis una atq; simplex libertas competebat, id est, eadem quam habebat manumissor: nisi quod scilicet libertinus sit, qui manumittitur, licet manumissor ingenuus sit. Et dedititios quidem per constitutionem nostram expulimus, quā promulgauimus inter nostras decisiones: per quas, suggerente nobis Triboniano uiro excelso Quæstore, antiqui iuris altercationes placauimus. Latinos autem Iunianos, & omnē quæ circa eos fuerat, obseruantiam, alia constitutione per eiusdem Quæstoris suggestionem correximus, quæ inter Imperiales radiat sanctiones. Et omnes libertos (nullo nec ætatis manumissi, nec dominij manumittētis, nec in manumissionis modo, discrimine habito, sicuti antea obseruabatur) ciuitate Romana donauimus: multis modis additis, per quos possit libertas seruis cū ciuitate Romana, quæ sola est in præsentī, præstari.

**STATUS TRIPARTITVS ANTEA.)** Enunciatio I. Libertatis ante Iustiniani constitutionem tres quasi gradus ac species fuerunt. l. i. C. de Lat. lib. toll.

**IUSTAM LIBERTATEM.)** Sequitur II. Libertus iusta dicebatur eorum duntaxat, qui ciues Romani erant. Iustam uero, id est, plenam, integram, perfectam, ut l. 2. C. si aduers. libert. Tamen uindicta imposita, qua libertas iusta minuitur, ne ætatis obtentu quidem rescindi potest. Sic Caius in l. 2. D. de adoption. Is qui adoptat, rogatur, an uelit eum quem adoptaturus sit, iustum sibi filium esse, hoc est, æquē filium ac si ex eo natus esset.

**FIEBANT CIVES ROM.)** Nimirum qui censu, uindicta aut testamento manumissi erant, uti scribit Vlpianus capite Institutionum primo: unde facile intellectu est, quamobrem Cicero hoc argumentum in Topicis proferat: Si neq; censu, neq; uindicta, neq; testamento liber factus est, non est liber.

**LATINI EX LEGE IUNIA NORBANA.)** Sequitur III. Latini liberti dicebantur, qui medium libertatis gradum adepti erant. Quod ut intelligamus, illud scire oportet, moris fuisse uti coloniæ in Latium deducerentur: partim eorum qui nomina dabant, partim eorum quibus iudicio damnatis aqua & igni interdicebatur: quemadmodum ex Ciceronis oratione pro Cæcinnæ, & pro Domo sua intelligimus. ubi hoc ascribit: Eos qui deducebantur, quum essent in casu ciuitates recepti, Romanam ciuitatem amisisse. Et hoc est quod ait Boetius in Topicis Ciceronis, ista in Latinis coloniis profectio mediam capitis diminutionem contingere. Quæ cum ita sint, apparet eos neq; connubij, neq; testamenti, aut mancipij, aut nexûs, aut patriæ potestatis ius, quod proprium erat ciuium Rom. habuisse. Cum enim Romana eis ciuitas adimeretur, non mirum est, si quæ ciuitatis illius erant propria, qualia hæc sunt quæ diximus, ea omnia perderent. Dicebantur autem illi Latini Colonarij, itaq; ab Vlpiano cap. in Institut. 19. appellantur. Augustus tamen cum seruorum manumissione cõtaminari ciuitatem Romanam uideret, (quod etiam Dionys. Halicarn. lib. 4. conqueritur) eos multis difficultatibus à libertate iusta remouit. nam & de numero, & de conditione, & de differentia eorum qui manumittuntur, curiose cauit: quemadmodum Suetonius in eius uita testatur. Hinc nata lex Aelia Sentia est, hinc Furia Caninia, de quibus mox dicemus. Hinc Iunia Norbana, quatuor post eius mortem annis imperante Tiberio, à M. Iunio Silano, L. Norbano Balbo Coss. lata: quos æuo suo Consules fuisse, Plinius lib. 2. cap. 87. testatur. quæ lege constitutum est, ut ij serui qui neq; censu, neq; uindicta, neq; testamento: sed aut per epistolam, aut inter amicos, aut conuiuij adhibitionem, non ciues Romani, sed eodem iure quo Latini coloni essent. Vlpianus autem in Institutionibus disertè uarijs in locis scribit, eos neq; testamenti faciendi, neq; connubij, neq; patriæ potestatis, neq; tutelæ recipiendæ ius habuisse: eosq; Latinos Iunianos ad colonorum similitudinem appellat. nam & Iustinianus in l. i. C. de Lat. lib. toll. Latinos libertos ad similitudinem antiquæ Latinitatis, quæ in coloniis missa est, introductos scribit.

**EX LEGE AELIA SENTIA DEDITITII.)** Sequitur IIII. Dedititij liberti dicebantur, qui gradū libertatis infimum adepti erant. l. i. C. de tit. lib. Huius autem auctor legis Augustus fuit, latores Sext. Aelius, C. Sentius Coss. anno ab Vrbe condita DCCLVIII. Scribit enim Suetonius, Augustum cauisse, ne uinctus unquam tortis uel quis ullo libertatis genere ciuitatem adipisceretur. Vlpianus autem his uerbis: Dedititiorum, inquit, numero sunt, qui pœnæ causa uincti sunt à domino, quibus uestigia scripta fuerunt: qui propter noxam torti, nocentesq; inuenti sunt: qui uel traditi sunt ut ferro aut cum bestijs depugnarent, uel in custodiam coniecti fuerunt: deinde quoquo modo manumissi sunt, idq; lex Aelia Sentia facit. Et Caius lib. 1. cap. 1. Dedititij sunt, qui post admissa crimina supplicij subditi, & publicè pro criminibus cæsi sunt, aut in quorum facie uel corpore quæcumq; indicia, aut igne aut ferro impressa sunt, ut deleri non possint. Hæc ille. Deteriore autem hos conditione fuisse, quàm Latinos, ijdem auctores tradunt. Primum enim Latini modis aliquot ciuitatem adipisci poterant, quos Vlpianus cap. Institutionum primo enumerat: dedititij uero nullo modo. Latini, heredes institui poterant, uti nominatim idem scribit cap. 20. (tametsi Caius capite primo aliter, & falso, meo iudicio, tradiderit) dedititij nō poterant. Latini commercium habebant, dedititij non habebant. Vnde autem huius appellationis origo ducta sit, nemo, quod sciam, exposuit. Quod si coniectura locus est, cum Lilius libro octauo scribat, fuisse Latinos quosdam: qui cum post defectionem







**A NIHIL AGIT.)** Enunciatio I. Libertas in fraudem creditorum collata, nullius momenti est. l. i. C. qui manu. non poss. nam quod contra leges fit, ipso iure nullius momenti est. itaq; quod in l. i. Imperator scribit, legem Aeliam Sentiam libertates reuocare sic accipiendum est, quasi dixisset, ut hoc ipso loco, impedire. quapropter Caius hunc locum sic expressit, Si in fraudem creditorum sui seruos suos manumittere uoluerit, collata manumissio non ualet.

**IMPEDIT LIBERTATEM.)** Ut omnino non ualeat. itaq; Vlpianus cap. Instit. primo: Eadem lex, inquit, in fraudem creditorum & patroni manumittere prohibet. Non utentur ergo creditores actione rescissoria, qua libertatem reuocant: lex enim eam impedit. At quia non lex, sed Prætor solus rerum aliarum factam in fraudem creditorum alienationem inprobat, in his rescissoria utendum est. ualet enim iure civili harum rerum alienatio: libertatis uero nequaquam. Ex quibus perspicuum esse arbitror, ante legem Aeliam Sentiam licuisse in fraudem creditorum quamuis multos manumittere. Nam lex XII. hæc erat, Vti quisq; rei sue legasset, ita ius esto. l. uerbis legis. 120. D. de uerb. sign.

**SERVVM SVVM.)** Nam si alienum seruum liberum & hæredem esse iussi, quamuis postea meus factus sit, neutrum ualet: quia libertas alieno seruo inutiliter data est. l. si alienum. 49. D. de hæred. instit. Mirum est autem, non potius SERVVM VNVM SVVM aperte dixisse: quod fere hac in re præcipuum est: ut l. qui soluendo. 42. & 60. D. de hæred. instit. Nam lege Aelia Sentia (inquit) cauetur, ut si duo plures uel ex eadem causa hæredes scripti sint, uti quisq; prius scriptus sit, hæres sit.

**HÆRES EI NON EXTITERIT.)** Sequitur II. Licet seruum uel solum instituere, uel cohæredem libero scribere, uel ei liberum, eumue libero substituere. l. si is qui. 57. D. de hæred. instit. Huc autem pertinet quod in Quintiana Cicero testatur, Prætoris in edicto caput hoc fuisse, ut CUI HÆRES NON EXTARET, eius bonorum possessorem creditoribus daret.

**SERVI NOMINE.)** Sequitur III. Seruis ex Aelia lege non minus ignominia quam hæreditas relinquitur, quod totidem uerbis Constantinus scribit in l. 3. de inoff. test. in Cod. Theod. Verum duabus de causis æquo animo serui hoc dedecus perferunt: primum, quia libertatem rem optatissimam & inestimabilem adipiscuntur: deinde, quia quicquid post huius testatoris patroni sui mortem acquirunt, sibi acquirunt. §. i. infra de hæred. qual. & diff.

**NE INIURIA DEFUNCTVS ADFICIATUR.)** Sequitur IIII. Ignominiosum est, bona cuiusquam propter as alienum diuendi. l. primo. 23. D. quæ in fraudem cred. Vbi Scauola scribit, famam defuncti aditione hæreditatis conseruari. Id etiam Cicero in Quintiana multis uerbis explicat, sed minus ad hunc locum accommodat: quia de uiuentis bonis illic loquitur. Vtunque sit, iniuriam hoc loco Iustinianus restrictè dixit pro ignominia, uel contumelia, ut apud Vlpianum l. 1. D. de iniur.

**CVM LIBERTATE.)** Id enim lex Aelia Sentia nominatim cauebat, uti patet ex l. penul. C. de necess. hæred.

**HÆREDEM INSTITVERE.)** Etiam in fraudem creditorum. l. i. C. eod. Addit etiam Vlpianus, hunc seruum, etsi minor sit triginta annis, uel in ea causa sit, ut dedititius fieri debeat, tamen ciuem Rom. fore.

**SOLVS ET NECESSARIVS.)** Solus, quia lex Aelia Sentia ita demum ei qui in fraudem creditorum hæres institutus est, conseruat libertatem, si nemo alius ex eo testamento hæres esse positi adeo, ut si seruo instituto liber sit substitutus, ante incipiendum sit à substituto, ut ex eo gradu testamentum uires capere incipiat. l. si is qui. 57. D. de hæred. instit. Quid ergo si duos plures uel testator manumiserit, hæredesq; scripserit? Hoc casu distinguendum est: ut si quidem simul unoq; gradu eos instituerit, nullius momenti sit institutio. l. qui soluendo. cum l. seq. 42. D. eod. Si uero diuersis gradibus scripti sint, uel si Pamphilum primo loco, Stichum secundo, Pamphilus solus & liber & hæres erit. nam hac lege sic cauetur, ut si duo plures uel ex eadem causa hæredes scripti sint, uti quisq; primus sit, hæres existat. l. qui soluendo. 60. D. eod. & apud Vlpianum capite Institutionum primo.

**NECESSARIVS.)** §. quia uelit nolit, hæreditatem adire cogitur. §. i. infra de hæred. qual. & diff. l. 12. D. de testam. l. 8. §. sed quod Papin. D. de minorib.

**C ET SI SINE LIBERTATE.)** Sequitur V. Cui seruo hæreditas relinquitur, eidem tacite relicta libertas intelligitur. l. pen. C. de necess. ser. hæred.

*Fraudulenta manumissio ea demum uim habet nullam, cuius euentus malo testatoris animo respondet. l. x. D. qui & à quibus.*

**II.** In fraudem autem creditorum manumittere uidetur, qui uel iam eo tempore, quo manumittit, soluendo non est: uel datis libertatibus, desiturus est soluendo esse. Præualuit tamen, nisi animum quoq; fraudandi manumissor habuerit, non impediri libertatem, quamuis bona eius creditoribus non sufficiant. sæpe enim de facultatibus suis amplius, quam in his est, sperant homines. itaq; tunc intelligimus impediri libertatem, cum utroq; modo fraudantur creditores: id est, & ex consilio manumittentis, & ex ipsa re, eo quod eius bona non sunt suffectura creditoribus.

**VEL IAM EO TEMPORE.)** Enunciatio I. Qui quo tempore manumittit, soluendo non est, fraudasse iudicatur. l. in fraudem. 10. qui & à quib. Inde q; hic locus descriptus est.

**DESITVRVS EST SOLVENDO ESSE.)** Sequitur II. Libertas ab eo data, qui propter eam soluendo esse desinit, hac lege impeditur. d. l. in fraudem. id autem exemplo fiet illustrius. Sempronius, qui mille in bonis habebat, ac totidem debebat, seruum manumisit. Eo mortuo creditor, qui, si seruis iste liber esset, unde sibi satisfiat non reperiet, eum liberum esse negat. Intentio: Non es liber. quippe ab eo manumissus, cuius bona soluendo non sunt. Depulsio: Imò sum liber. Quid sit liber. R. Quia de eo lex loquitur, qui cum manumittit, soluendo non est: hoc modo, Libertates ab eo qui soluendo non est, legatæ, irritæ sunt. At is qui me manumisit, quo tempore me manumittebat, soluendo erat. Firmamentum: At legislator non manumissionis tempus, sed euentum spectat: id est, non libertates, sed fraudationes impedit. Cum igitur testator propter istam manu-



manumissionem soluendo esse desinat, itaq; fraudatio contingat, libertas contra legem data est. Disceptatio ex scripto & sententia nascitur. An libertas ab eo data, qui propter eam soluendo esse desinit, hac lege impediatur. Iustinianus respondet impen-  
 A  
 diri in quo non scriptum lege, sed consilium mentemq; legislatoris spectat. Lex enim de eo proprie loquitur, qui cum manus mittit, soluendo non est. At legislatoris consilium fuit, obuiam ire fraudationibus, quare quum ista manumissionem fraudatio contingat, libertas impedienda est. Observandum igitur, ex consilio & mente scriptoris, non ex uerbis ac literis, uim legis aestimandam esse, quam ad rem locus ille pertinet, quem ex libro Ciceronis de Inuentione 2. subiiciam. Nam opinio, inquit, dupliciter fallit homines: cum aut res aliusmodi est ac putatur, aut non is euentus est quem arbitrati sunt.

PRAEVALUIT TAMEN.) Sequitur III. In fraudem data libertas non dicitur, nisi cum & fraudandi consilium affuit, & euentus consilio respondit. l. i. C. qui manumittit, non poss. Id autem causae constitutione utraq; ex parte posita, planissime intelligitur. Lex est, Libertates in fraudem creditorum datae, irritae sunt. Qui quinquaginta debebat, ac tantumdem possidebat, cum se sexcenta in bonis habere crederet, nullo in creditores malo consilio adductus, seruum qui centum erat, manumissit. Creditores qui non satis superesse uidebant unde sibi satisfaceret, eius libertatem oppugnare instituerunt, quasi in ipsorum fraudem, ac proinde contra legem Aeliam Sentiam, collatam. Eius igitur intentio hac fuit: Non sum in fraudem creditorum manumissus. D. Imò in fraudem manumissus es. Q. An sit. R. Quia in fraudem creditorum manumittere, est ita manumittere, ut ere suo creditores fraudentur. F. Imò in fraudem manumittere, est ita manumittere, ut simul & consilium & euentus consentiant, notanda enim & ponderanda est uis utriusq; uocis, nam IN animum & consilium, mentemq; malam manumissoris significat: FRAVDEM uero, effectum & euentum consilij. Disceptatio ex scripto  
 B  
 ambiguitate nata est, An libertates ea demum in fraudem creditorum datae dicantur, cum & consilium affuit, & euentus consilio respondit. Licebit etiam ex altera parte causae constitutionem affingere. Qui mille habebat, cum octingentos tantum se habere crederet, nongentos debebat. Is malo animo ac fraudandorum creditorum causâ seruos aliquot manumissit. Quapropter cum in fraudem creditorum, ac proinde contra legem Aeliam manumissi uiderentur, agere ipsi ceperunt. Intentio: in fraudem creditorum manumissi non sumus. D. Imò estis. Q. An sint. R. Quia in fraudem creditorum manumittere, est animo ac studio fraudandi creditores manumittere. F. Imò est ita manumittere, ut euentus consequatur: hoc est, ut reuera creditores fraudentur. Disceptatio eodem ex fonte manauit: An tum demum in fraudem creditorum datae libertates intelligantur, cum euentus consilio respondit. Sequitur, ut quae ad hunc locum pertineant, ex Pandectis proferamus. Primum autem est, ut euentus consilio respondeat. Itaq; si duo manumissi sint, quorum alterutrus tantum libertas nocet creditoribus: quia in hoc uno euentus consilio respondet, libertas in hoc uno tantum commissa iudicatur. l. si quis. 24. D. qui & a quib. manu. Secundum, ut in eiusdem creditoris persona hac eueniant, ueluti Cornelius sciens se habere creditorem, seq; soluendo non esse, libertates legauit, deinde dimisso Titio, Sempronium creditorem habere cepit, & eodem manente testamento decessit, libertates datae, ratae esse debent, quia neque in Titij, neque in Sempronij persona euentus consilio respondit. Nam neque Titius fraudatus est, neque Sempronij fraudandi consilium captum est. l. si quis. 15. D. quae in fraud. cred. & l. in si autem. 25. D. qui & a quibus. l. ait praetor. §. ita demum. D. quae in fraud. credit. Postremo intelligendum est, Haereditatis aditae tempus, non autem testamenti, aut mortis, spectari. Itaq; & aucta haereditatis prodest libertatibus, & deminuta nocet: ut ait Paulus in l. si mortis. 17. D. qui & a quib.

SAEPE ENIM DE FACULTATIBVS.) Sequitur IIII. Plerumq; pluris homines suas facultates esse putant, quam quanti reuera sunt. d. l. in fraudem: ubi Caius scribit, frequenter id accidere his qui transmarinas negotiationes, & alijs in regionibus quam in quibus ipsi morantur, per seruos atq; insitiores exercent. Cum igitur in procuratorum suorum industria & diligentia spes eorum omnes posita sint, uerum esse comperunt quod Aristoteles ait libro ad Theod. 2. τὰ πλεονάζοντα ἐν τοῖς οὐρανῶν, ὅταν ἀπολαύσῃ τὰ πλεονάζοντα, ὅταν ἀπολαύσῃ τὰ πλεονάζοντα.

Minor annis uiginti manumittere, nisi causa consilio probata, non potest:  
 semel autem probata non retractatur. l. ix. cum iij. seq.

D. de manum. uindict.

III. Eadem lege Aelia Sentia domino minori uiginti annis non aliter manumittere permittitur, quam si dicta apud consilium iusta causa manumissionis, ad probata fuerit manumissio. Iustae autem manumissionis causae haec sunt: ueluti si quis patrem, aut matrem, filium, filiamue, aut fratrem sororemue naturalem, aut paedagogum, aut nutricem, aut educatorem, aut alumnum alumnamue, aut collataneum manumittat: aut seruum procuratoris habendi gratia, aut ancillam matrimonij causa: dum tamen intra sex menses uxor ducatur, nisi iusta causa impediat: & qui manumittitur procuratoris habendi gratia, nec minor decem & octo annis manumittatur. Semel autem causa ad probata, siue uera sit, siue falsa, non retractatur.

QVAM SI DICTA APVD CONSILIUM.) Sic hunc locum ex antiquorum librorum & Theophilii auctoritate correximus, cum antea sic legeretur: Quam si uindicta apud consilium, iusta causa manumissionis approbata, fuerint manumissi. Quae uerba ex eo deprauata esse constat, primum quia uerbum FVERINT, quod referatur, non habet, nam de seruis hoc §. nihil adhuc dixit. Praeterea quis ita loquitur, Non permittitur manumittere, nisi manumissi fuerint?

APVD CONSILIUM.) Enunciatio I. Minor annis uiginti manumittere, nisi causa consilio probata, non potest. l. 4. & pass. D. de manum. uind. In consilium autem adhibentur Romae quinq; Senatores, & quinq; Equites Rom. in prouincia uiginti Recuperatores ciues Romani: quemadmodum Vlpianus scribit cap. Institut. primo. Theophilus autem hoc quidem non ignorauit: sed quod de aestiuis & hybernis loquitur, totum nugatorium est: cum in prouincijs quouis tempore anni conuentus haberentur. Romae autem Consul aut Praetor consilio praerat: in prouincia uero, Proconsul, aut Praeses qui de consilio, id est, assessorum sententia causam examinabat, uti scribit Vlpianus in l. i. D. de off. cons. ubi tamen SENAE



**A** TVS CONSVLTO pro SENTENTIA corrupte legitur. Illud quoque adnotandum est, quod Imp. Alexander scribit in l. 4. C. qui manu. non poss. Senatusconsultum fuisse, ne minor annis uiginti suos homines ad libertatem præstandam præstare posset.

NATVRALES.) Id est, non ex nuptijs natos: sed uel ex supro, uel ex contubernio. (Veluti si hic ipse qui patrem aut matrem manumittit, fratres ex iisdem natos parentibus uelit manumittere: aut ingenuus puerum ex iniusto patris matrisue sue concubitu genitum. Naturalis enim cognatio est, quæ extra matrimonium quaesita est. l. 4. D. de grad. cognat.)

AVT PAEDAGOGVM.) Sequitur II. Iustum est eos manumittere, qui uel cognati sunt, uel cognatorum locum obtinent. nam paedagogus, nutrix, educator, parentum habentur loco: alumni uero liberorum, collactanei fratrum. Similiter qui dominum in prælio adiuerint, aut contra latrones defenderint, aut ægrum sanarint, aut insidys liberarint, parentum locum obtinent, eosque iustum est manumittere. l. etiam. 15. D. de manu. uindict.

AVT ALVMNVN ALVMNAMVE.) Quod fere in mulieribus usuuenit. l. alumnos. 14. D. de manu. uind. quæ non minus interdum caros habent eos quos educarunt, quam proprios filios. quod & in uiris receptum est, inquit Marcianus: dum tamen eum manumittant, in quo nutriendo propensiorum animum fecerint. id est, ad quem nutriendum eo propensiore animo futuri sunt, si eum manumiserint.

DVM TAMEN INTRA SEX MENSES.) Sequitur III. Libertas mulieri matrimonij causa data, nisi intra sex menses ducatur, rata non est. l. si collactaneus. 13. D. de manu. uind. ubi Vlpian. ait, senatum censuisse, ut si matrimonij causa uirgo uel mulier manumittatur, exigendum prius esse iusturandum, ut intra sex menses uxorem eam duci oporteat. quod Senatus non tantum de minore, uerum etiam de maiore constituit. l. matrimonij. 21. D. qui & a quib.

**B** NISI IUSTA CAVSSA IMPEDIAT.) Veluti si patronus senator fiat. l. 23. & 27. D. de rit. nupt. Item, si patronus matrimonio eius renunciauerit. l. matrimonij. 51. D. eod. licet autem etiam feminas matrimonij causa manumitteret, sed ita, si forte conseruus suus in hoc ei legatus est.

NEC MINOR DECIM ET OCTO ANNIS.) Sequitur IIII. Libertas seruo procuratoris habendi causa, nisi decem octo annos habeat, non datur. d. l. si collactaneus. ubi Vlpianus hoc disertè affirmat, si quidem Florentinorum librorum auctoritatem sequamur: cum in alijs, quemadmodum hoc etiam loco, Decem & septem anni legantur. Verum ego scripturam illorum hoc loco sequi ac restituere non dubitavi: primum, quia Vlpianus in l. 1. D. de postul. & Iustinianus §. insequenti, perspicue affirmant, non ante illam ætatem postulare in iure licuisse: quod ad procuratores quoque pertinere, nec mo, nisi planè imperitijs, ignorat. deinde quia Codex meus antiquus glossam huic loco ascriptam habet hanc, Alia litera habet decem & octo. Sed uideo paratam continuò quorundam obiectionem fore ex l. minor. 51. D. de procur. ubi Vlpianus ait, Minorem uiginti quinq; annis si defensor existat, ex quibus causis in integrum restitui possit, defensorem idoneum non esse. Quapropter uulgata omnium interpretum opinio est, locum hunc ad eos tantum procuratores pertinere, qui non forensibus ac lingiosis, sed alijs negocijs præficiuntur, & Institores appellantur. eos enim etiam in ætate puerili constitui posse, testis est Vlpianus in l. 7. & 8. D. de instit. act. Considerandum igitur primum, an ratio quædam singularis fauore libertatis in seruis manumittendis dominetur: deinde, an Vlpianus in d. l. minor, nobis non aduersetur, quippe qui non neget annis uiginti quinq; minorem procuratorem esse posse: sed certis tantum in causis, idoneum defensorem non esse.

SIVE VERA SIVE FALSA.) Sequitur V. Manumissio falsa de causa permissa non rescinditur. Nam quod ait, Siue uera siue falsa, hanc sensum habet, etiam si causam eam attulerit, quæ falsa sit, ueluti si collactaneum, aut alium suum fuisse mentitus sit. Nam causæ probationis, id est, dum causa cognoscitur & probatur, contradicendum: non etiam causa iam probata retractanda est: ait Marcianus in l. iusta. 9. D. de manu. uind. Itaque definitè imp. Antoninus constituit in l. 1. C. eod. aliud est enim dicere, Siue iusta, siue iniusta sit: aliud, Siue uera, siue falsa sit. Ut iam mouere nos non debeat, quod quidam aiunt, falsam causam non esse causam. l. Paulus. 221. de uerb. sign. cum lex Aelia causam nominatim non exigat, sed causæ dictionem.

**C**

*Iustinianus dominis annum ætatis decimum octauum ingressis,  
seruos testamento manumittere  
permittit.*

IIII. Cum ergo certus modus manumittendi minoribus uiginti annis dominis per legem Æliam Sentiam constitutus erat: eueniebat, ut qui quatuordecim annos ætatis expleuerat, licet testamentum facere, & in eo sibi hæredem instituere, legataque relinquere posset: tamen si adhuc minor esset uiginti annis, libertatem seruo dare non posset. Quod non erat ferendum, si ei cui totorum suorum bonorum dispositio data erat, uni seruo dare libertatem non permittebatur. quare nos similiter ei, quemadmodum alias res, ita & de seruis suis in ultima uoluntate disponere, quemadmodum uoluerit, permittimus, ut & libertatem eis possit præstare. sed cum libertas in ætætabilis sit, & propter hoc ante uicesimum ætatis annum antiquitas libertatem seruo dare prohibebat: ideo nos mediam quodammodo uiam eligentes, non aliter minori uiginti annis libertatem in testamento dare seruo suo concessimus, nisi decimum septimum annum impleuerit, & decimum octauum attigerit. Cum enim antiquitas huiusmodi ætati, & pro alijs postulare concesserit: cur non etiam sui iudicij stabilitas ita eos adiuuare credatur, ut ad libertates dandas seruis suis possint peruenire.

QVATVORDECIM ANNOS.) Enunc. I. Puberibus tum masculis, tum feminis ciuibus Rom. testamentum facere ius est. l. a qua ætate. 5. D. de testam. Itaque de adulti curatorem habentis testamento agitur in l. Aurelio. 20. §. 1. D. de lib. leg. & l. quum pater. 77. §. curatori. 14. D. de legat. & fid. lib. 31.



LIBERTATEM DARE NON POSSET.) Sequitur II. Absurdum est ei, cui de bonis suis uniuersis stat A  
tuendi ius est, manumittendi serui potestatem non esse.

VNI SERVO LIBERTATEM DARE NON PERMITTEBAT VR.) Hunc uersum integrum  
ex libris manuscriptis restitui, & totum hunc §. mutilum, ac multifariam male affectum, eodem adhibito remedio sanauit.

INAESTIMABILIS SIT RES.) Sequitur III. Libertas, est res inestimabilis. l. libertas. 106. D. de reg. iur.  
quod ego sic interpretor, quasi dixisset: Maxima & grauissima, neq; leui aliqua de causa concedenda. Nam inestimabilis  
tum libertas dicitur, cum eripitur: alioqui seruorum aestimatio planissime constituta est à Iustiniāno. l. ult. C. commu. de legat.  
Et eodem modo seruus inestimabilis non incommode dici posset, quia nulla conditione quisquam, nisi plane fracto & abie  
cto animo, adduci ad eam sua sponte suscipiendam potest. Inestimabilis ergo, id est, non sine grauissima & iustissima causa  
concedenda. aliter autem Marcianus dixit in l. filiusfam. 114. §. 5. de legat. primo, Patriam potestatem inestimabilem esse: pro,  
nulla conditione & pacto obligari patrem posse, ut eam deponat, filiumq; suum emancipet.

DECIMUM OCTAVVM.) Sequitur IIII. Iustiniāni Imperio domini annis decem & octo minores manumita  
tere non possunt. Cuius tamen legis memoria à Codice Iustiniāni sublata est: nimirum propter eius Nouellam CXIX. Ut  
donat. propt. nupt. §. 2. ubi statuit, ut hac sua lege abrogata, à qua etate testari licet, ab eadem etiam manumittere liceat. Qua  
ex re Iustiniāni iuris inconstantiam & mutabilitatem licet perspicere.

MEDIAM QUODAMMODO VIAM ELIGENTES.) Nam annos sex, qui inter decimum quartum  
& uigesimum interfunt, ita partiti sunt, ut tres propter rei magnitudinem Aelia legi condonaret: totidem propter amplissi  
mam testandi facultatem ei adimeret, quos legi XII. tabularum adiungeret, ita neutri omnia concessit, sed utriq; partes æ  
quas attribuit. obseruandum igitur, in incipiti negotio mediocritatem eligendam esse. Ita Paulus in l. filio. 7. D. ut leg. nom.  
cau. in ambigua controuersia melius esse scribit, per mediocritatem causam dirimere. Ita Iurisperiti in obscuritate numeri  
nascentium, mediocritatem quandam secuti dicuntur ab eodem Paulo, in l. antiqui. 3. D. si pars hered. pet. In quo tamen admo B  
nendi erimus, Medium non ab Arithmetica proportionem ducendum esse, uerum ex eo quod est inter defectionem & exuber  
rantiam: cuius rationem exponit in Ethicis Aristoteles lib. 2. cap. 6.

PRO ALIIS POSTVLARE CONCESSERIT.) Sequitur V. Adolescentibus annum ingressis decie  
mum octauum Romæ causis agere ius erat. l. 1. D. de postul. ubi Vlpianus ait, Præto rem hanc etatem moderatam & idonea  
am ratum esse, ad procedendum in publicum: qua etate, & paulo maiore, fertur Neria filius publicæ de iure responsisse.  
Verum hæc consuetudinis antiquitas paulo altius quam ex Neruæ seculo repetenda est. Constat igitur, pueros ingenios aduq;  
annum etatis decimum septimum, prætexta puerili toga uti consueisse: eumq; ingressos annum, puram, quæ & uirilis dicitur,  
sumpsisse. quo denum anno sese ad Oratorem aliquem adiungebant: quo cum in forum descendentes, annum unum patronos  
audiebant, quo assiduis in auscultationibus confecto, causis ipsi agere, quasi iam informati, & non omnino rudes, institu  
bant. Itaq; nonodecimo etatis anno L. Crassus C. Carbonem accusasse traditur à Cornelio Tacito, in Dialogo de Orat. Vn  
de apud Cic. lib. de Orat. 3. Vnum & uiginti, pro Vnde uiginti scriptum esse, iam pridem docuimus existimari posse. Quintus  
autem Hortensius eodem anno causam primam egit, auctore in Bruto Cicerone. Vno autem & uigesimo Cæsar Dolabe  
lam, altero & uicesimo Asinius Pollio Catonem, non multo etate antecessens Calpurnius Vatinius accusauit: id quod eodem li  
bro Tacitus testatur. Hæc de causis ac iudicijs. Funebres autem orationes minore multo etate haberi potuisse, uel hinc licet ina  
telligatur, quod Suetonius tradit, Augustum anno etatis duodecimo auiam Iuliam defunctam pro concione laudasse, & quæ  
driennio post uirilem togam sumpsisse.

## DE LEGE FVRIA CANINIA TOLLENDÆ.

### TITVLVS VII.

Iustinianus eandem in testamento, quam inter uiuos, manumittendi pote  
statem sublata lege Caninia permisit. l. un. C. eod.

I. **L**ex Furia Caninia certus modus constitutus erat in seruis testamento manumittendis: quæ  
quasi libertatibus impediens, & quodammodo inuidam, tollendam esse censuimus: cum  
satis fuerat inhumanum, uiuos quidem licentiam habere, totam suam familiam libertate donare,  
nisi alia causa impediatur libertatem: morientibus autem huiusmodi licentiam adimere.

LEGE FVRIA CANINIA.) Tulere P. Furius Caninius, C. Caninius Gallus, Coss. anno DCCCLII. ut à duo  
bus seruis usq; ad decem, testamento manumittere liceret partem dimidiam: à decem usq; ad triginta, tertiam: à triginta usq;  
ad centum, quartam: à centum usq; ad quingentos, quintam: neq; ulli amplius quam centum manumittendi ius esset. Hæc ex  
Pauli Sentent. lib. 4. Vlpianus Instituit. cap. 1. Et hæc de causa Vopiscus scribit: Tacitum Imperatorem seruos omnes suos uir  
banos manumisisse, intra centum tamen: ne Caninium transire uideretur. Mirum est autem huius legis in impedienda libe  
tate arificium. nam hoc modo qui decem habebat, quinq;: qui uero duodecim, quatuor tantum manumittere poterat: qui  
27, 9: at qui 32, 8: qui centum, 25: at qui duos & centum, uiginti duntaxat. Quid ergo is qui imparem numerum habebat,  
ubi partes impares esse necesse est? ueluti qui nouem habet. Et cum Vlpianus scribat, eum qui tres habebat, potuisse duos ma  
numittere: idem in cæteris omnibus obseruandum puto, ut qui scilicet nouem haberet, quinq; posset manumittere: qui uigino  
ti, septem, atq; hoc eodem modo in cæteris.

CERTVS MODVS CONSTITVTVS.) Enunc. I. Lex Furia minorem in testamento, quam inter uiuos, ma  
numittendi potestatem dabat. Nam, ut Plato lib. de Legib. 11. scribit: αἰσῶντος γὰρ δι' ἧς διακρίναται τὰς πόλεις ἕκαστος οἱ  
πλήτες, ἔστιν ἡ δὴ ἀλλὰ ἡ ἀλλὰ τὰς πόλεις ἀλλὰ τὰς πόλεις. Amentia enim & delicata quadam morositate plerumq; affecti sumus, cum paulo post  
nos morituros existamus. Quid igitur, si quis extra eum modum manumisisset? Certum est, irritam futuram manumissio  
nem fuisse



**A** nem fuisse nisi forte idem dicamus quod in lege Aelia & Sentia, ut qui primis scripti essent gradibus, primi libertatem adipiscerentur. l. qui soluendo. 60. D. de hered. inst.

**TESTAMENTO MANVMITTENDIS.)** Quid ergo, si quis non testamentum scribat, sed epistolis & alijs rationibus, seruis suis, pluribus quam per testamentum liceat, conferre uoluerit libertates, & sub tempore mortis hoc fecerit? Caius Instit. lib. 1. cap. 2. Illi, inquit, qui prius manumissi fuerunt, usq; ad numerum superius constitutum, liberi erunt: qui uero post statutum numerum manumissi fuerint, serui sine dubio permanebunt.

**MORIENTIBVS AVTEM.)** At multo liberaliores in morte quam in uita homines esse consueuerunt. Itaque Dionysius Halicar. quem constat Romæ paulo ante has leges latas fuisse, testatur, se Romæ complures de istis importunis & intempestiuis liberalitatibus querimonias audisse. Εὐὺ γ' ἐν ἰνίσταμι τίνας ἀπασί τῆς δόξης συνεχεῖς κινήσας εἶναι λαοὺς, μετὰ τὰς ἐκτὸν τιμωρίας, τὰς χρεῖς καλῶνται νεκροῖ, καὶ πολλοὶ τὰς κλίνας αὐτῶν ἐκμισθόμενοι παρανομοῦσι τὸς πόδας ἐπὶ τὰς κρητὰς ἔχοντες, ἐν οἷς ἰσχυροὺς τινος, ὡς ἢ παρὰ τῶν ἐπιστάμενων αὐτοῖς, ἐν τῶν δεσποτῶν δεινότητι καὶ ἄλλοις ἀφ' ἑαυτῶν, αὐτῶν ἄξια διακτεράμενοι θανάτου. οἱ τὸς μὲν τοὶ τὸς ἀνοκαρπῆς πόδας ἐν τῇ πόλει ἀποβλέποντες οἱ πολλοὶ διασχεδάζουσι, καὶ προβήλονται τὸ ἔθῳ, ὡς δ' ἐπὶ πῶρ ἡγεμονικὴ πόλις, καὶ πάντες ἀρχαί ἀξίον τὸ πρῶτον, τοῖς τοῖς πολιταῖς περὶ αὐτῶν. Id est: Scio equidem, nonnullos libertatem uniuersæ familie suæ post mortem suam legasse, ut mortui liberalitatis & humanitatis laudem adipiscerentur, & lectos in quibus mortui deferrentur, magna pileatorum turba sequeretur, quibus in finem pompiis nonnulli erant (id quod ab ijs qui exploratum habebant, audire licebat) qui paucis ante diebus carcere emissi fuerant, scelerati, sexcentis moribus commeriti. Istiusmodi nefarios pileos cum in ciuitate permulti afficiunt, discruciantur, atque istam consuetudinem uehementer damnant: quasi ciuitate rerum domina, terrarumq; imperium sibi uindicante, indignum sit istiusmodi ciues facere.

**ELVS MODI LICENTIAM ADIMERE.)** Sequitur II. Iustinianus parem in testamento, quam inter uiuos, libertatis dandæ potestatem permisit. l. un. C. eod.

## DE IIS QVI SVNT SVI, VEL ALIENI IVRIS.

TITVLVS VIII.

*Secunda personarum diuifio, in qua illæ non tam per se, quam propter relationem considerantur. l. 1. D. eod.*

**I.** Sequitur de iure personarum alia diuifio. Nam quædam personæ sui iuris sunt, quædam alieno iuri subiectæ sunt. rursus earum quæ alieno iuri subiectæ sunt, aliæ sunt in potestate parentum, aliæ in potestate dominorum. Videamus itaq; de his quæ alieno iuri subiectæ sunt. nam si cognouerimus quæ istæ personæ sunt, simul intelligemus quæ sui iuris sunt. ac prius dispiciamus de his quæ in potestate dominorum sunt.

**ALIA DIVISIO.)** At hæc subdiuifio esse poterat, cum ex ipso seruorum uocabulo satis intelligatur eos alieni iuris esse. Subdiuidi ergo ita potuisset: Liberatorum autem alij sui iuris, alieni iuris sunt. Verum iccirco secretas superiori diuifione personas iterum in unum coegit, atq; hac diuifione separauit, ut de seruorum iure atq; conditione hoc loco explicaret.

**SVI IVRIS SVNT.)** Enunc. I. Personarum quædam sui, quædam alieni iuris sunt. l. 1. D. eod. unde totus fere hic locus descriptus est.

**ALIAE SVNT IN POTESTATE PARENTVM, ALIAE IN POTESTATE DOMINORVM.)** Atq; hoc modo liberorum & seruorum obedientia inter se comparatur. Et reuera eadem, atq; adeo maior (ut ait Dionysius) apud Romanos parentum potestas est in liberos, quam dominorum in seruos: quemadmodum suo loco, nec ita multo post, intelligetur. Reftē igitur in potestate esse ait filiosfam. & seruos.

**SIMVL INTELLIGEMVS QVAE SVI IVRIS SVNT.)** Sequitur II. Quod aliqua in parte est, id omnibus præter unam remotis, insit in illa necesse est. nam ex enumeratione partium constat hæc argumentatio. Veluti si queratur, utrius iuris sint patresfam. sui, an alieni? apte respondebitur, cum alieni iuris sint soli filijfam. & serui, relinqui necesse fariō, ut ij sui iuris sint. Sed quod pleriq; hanc eliciunt sententiam, Vno contrario cognito, alterum simul cognosci: falsum est. neq; enim priuato iure cognito, publicum continuò cognoscitur. non enim hoc ex contrarijs ductum est argumentum, sed ex partium enumeratione, ut supra diximus. Eodem modo Macer in l. qui accusare. 8. D. de accusat. Qui accusare possunt, inquit, intelligemus, si scierimus qui non possunt. Similiter etiam Vlpianus in l. 1. D. de stipul. prætor. Stipulationum, inquit, quædam satisfactionem, quædam nudam repromissionem exigunt: sed perpaucæ sunt quæ nudam repromissionem habent, quibus enumeratis, apparebit cæteras non esse repromissiones, sed satisfactiones. Hoc autem Cicero in ea pro Balbo eleganter ita completus est: Si exceptio facit ne liceat, ibi necesse est licere, ubi non est exceptum.

*Domini iure gentium infinitam in seruos potestatem habent, iure civili finitam. l. j. D. hoc tit.*

**II.** In potestate itaq; dominorum sunt serui: quæ quidem potestas, iuris gentium est. nam apud omnes peræquæ gentes animaduertere possumus, dominis in seruos uitæ necisque potestatem esse: & quodcunque per seruum acquiritur, id domino adquiri. Sed hoc tempore nullis hominibus, qui sub imperio nostro sunt, licet supra modum, & sine causa legibus cognita, in seruos suos sœuire. nam ex constitutione Diui Antonini, qui sine causa seruum suum occiderit, non minus puniri iubetur, quam qui alienum seruum occiderit.

IVRIS



IVRIS GENTIVM EST.) Enunc. I. Herile imperium à iure gentium institutum est. §. 3. suprâ. D. iur. nat. gent. **A**  
ubi explicata hæc latè sententia est.

ET VITAE ET NECIS POTESTATEM.) Sequitur II. Domini iure gentium eandem in seruo, quam in pecudes, potestatem habent. nam maiores nostri seruos pecudibus æquiparabant: ait Vlpianus l. 2. D. ad leg. Aquil. Quod nemini mirum uidebitur, seruitutis originem consideranti: cum hostem captum etiam iure naturali interficere liceat. Itaq; qui seruum debebat, si eum iuste occidisset, liberabatur. l. qui seruum. D. de uerb. oblig. l. quid ergo D. de legat. & fid. 1.

QVOD CVMQVE PER SERVVM ACQVIRITVR.) Sequitur III. Quicquid seruus acquirit, id domino acquirit. §. 3. infr. per quas person. ubi copiose hac de re, si Deus uolet, explicabimus.

NAM EX CONSTITVTIONE DIVI ANTONINI.) Sequitur IIII. Antoninus dominis non plus in seruum, quam in alienorum seruorum uitam iuris esse uoluit. l. 1. D. eod. Verum quod Iustinianus ait, non licere supra modum sine causa iusta in seruos animaduertere, non ex ista D. Antonini constitutione natum est. nam Seneca libro De benef. 3. Potest, inquit, dare beneficium domino seruus, si à domino iniuriam potest accipere: atq; de iniurijs dominorum in seruos qui audiat, positus est, qui & seuitiam & libidinem, & in præbendis ad uictum necessarijs auaritiam compefcit. Ergo ante Antoninum ius herile suis quibusdam terminis circumscriptum erat: uerum Antoninus angustiores fecit illos terminos: primusq; constituit, ut non magis suum quam alienum interficere ius esset. Eoq; præclara quorundam sententia pertinet, quam Cicero libro de Offic. primo commemorat: Meminerimus, inquit, & aduersus infimos iustitiam esse seruandam. est autem infima conditio & fortuna seruorum: quibus, non male præcipiunt, qui ita iubent uti, ut mercenarijs ad operam exigendam, & iusta præbenda.

Qui seruos suos præter modum uexat, is per magistratum bonis eos conditionibus uendere cogitur. l. ij. D. eod. **B**

III. Sed & maior asperitas dominorum, eiusdem principis constitutione coercetur. nam consultus à quibusdam Præsidibus prouinciarum de his seruis, qui ad ædem sacram, uel ad statuas Principum confugiunt: præcepit, ut si intolerabilis uideatur seuitia dominorum, cogantur seruos suos bonis conditionibus uendere, ut precium dominis daretur: & rectè expedit enim Reipublicæ, ne sua re quis malè utatur. Cuius rescripti ad Ælium Marcianum emissi uerba sunt hæc: Dominorum quidem potestatem in seruos suos illibatam esse oportet, nec quicquam hominum ius suum detrahi: sed & dominorum interest, ne auxilium contra seuitiam, uel famem, uel intolerabilem iniuriam denegetur ijs qui iuste deprecantur. Ideoq; cognosce de querelis eorum, qui ex familijs Iulij Sabini ad statuas confugerunt. & si uel durius habitos, quam æquum est, uel infaminiuria affectos cognoueris: uenire iube, ita ut in potestatem domini non reuertantur. qui si meæ constitutioni fraudem fecerit, sciet me admissum seuerius executurum.

A QVIBVS DAM PRÆSIDIBVS.) Ab Ælio Marciano Proconsule Beticæ. l. 2. D. eod.

AD AEDEM SACRAM.) Enunc. I. Serui à dominis crudelius uexati, confugere ad ædem sacram, uel Principis statuam solebant. d. l. 2. eod. & l. 1. D. de off. præfecti urb. Hæc erant quæ ἀσyla Græci nominabant, ἀσyla τὸ εὐλαδίου: quod ab eis eripere neminem fas erat. cuiusmodi Deus opt. max. sex ciuitates Iudæis constituerat, quod, qui per imprudentiam quempiam interfecerant, tuto confugerent. Numer. 35. Deuter. 19. 10. sue 20. Cicero quoq; Verrina 3. de hoc Græcorum more loquitur: Nuper M. Aurelio Scauro postulante, quod is Ephefise Quæstorem ut prohibitum esse dicebat, quo minus è fanano Dianæ seruum suum, qui in illud asylum confugerat, abduceret, &c. Sic apud Plautum in Rudente, uirgines duæ Veneris fano sese aduersus lenonis uim tuentur. Tacitus libro 3. Crescebat Græcis per urbes licentia atq; impunitas asyla statuendi: complebantur templa pessimis seruitutorum. eodem subsidio obærat aduersum creditores, suspectiq; capitalium criminum receptabantur. Nec ullum satis ualidum imperium erat coercendis seditionibus populi, flagitia hominum ut ceremonias Deum protegentis. Dein legatorum pro asylorum iure orationes recense. Romæ autem asyla eiusmodi fuisse, patet etiam ex illo secunde in Rullum orationis loco: sunt enim loca publica urbis: sunt sacella, quæ post restitutam Tribunitiam potestatem nemo attigit: quæ Maiores in urbe partim periculi persegugia esse uoluerunt. Atq; hæc quidem de sanorum asylis, in quibus statuæ alicuius Dei complexus uim potissimam obtinebat. Cuius rei exemplum postea ad Regum & Principum statuas translatum est. Nam (ut Cicero Verrina 4. testatur) apud omnes Græcos hic mos est, ut honorem hominibus habitum in monimentis huiusmodi, nonnulla religione Deorum consecrari arbitrentur. Itaq; Decimus Magius senator Campanus, cum Annibal imperio Carthaginem uinctus duceretur, nauisq; tempestate delata esset Cyrenas, quæ tum in ditione Regum erant, Magius ad statuam Ptolemæi regis confugisse traditur: ab eoq; causa cognita liberatus, uti scribit Liuius lib. 23. Vnde à seruis quoq; usurpatum hoc ius est, ut ait Seneca libro De clement. 1. Seruis, inquit, licet ad statuam confugere, cum in seruos omnia liceant. Tacitus autem de hoc asyli genere, eo quem suprâ citauimus libro, sic scribit: Incedebat enim deterrimo cuiq; licentia, impune probra & inuidiam in bonos excitandi accepta imagine Cæsaris: libertiq; etiam ac serui, patrono uel domino cum uoces, tum manus intentarent, ultro mectuebantur. Igitur C. Cestius senator disseruit, Principes quidem instar Deorum esse, sed neq; à dijs nisi iustas supplicum preces audiri: neq; quòquam in Capitolium, aliaue urbis templa persegugia, ut eo subsidio ad flagitia utatur.

AD AELIVM MARCIANVM.) Proconsulem Beticæ. d. l. 2. D. eod. Numeratur & Ælius Marcianus in recensione Iurisconsultorum, quorum ex scriptis Pandectæ composita sunt. In urbe autem hæc præfecti urbi potestas erat. l. 1. in princip. & §. 3. D. de off. præf. urb.

COGANTVR SERVOS SVOS VENDERE.) Sequitur II. Domini interdum rem suam alienare coguntur. cuius consimilis casus est in l. 1. §. si quis ultra. 19. D. de question. Similis autem casus de patre qui filium crudelius à se tractatum



BONIS CONDITIONIBVS.) Quod Vlpianus alibi dixit in l. si quis sepulchrum. 12. D. de relig. & sumpt. fun. iusto precio ubi similiter dominus rem suam uendere cogitur. Latinam autem locutionem Theophilus non satis intellexisse uideri posset.

EXPEDIT ENIM REIPVB.) Sequitur III. Reipub. interest, suis quæque fortunæ bene uti. singulorum enim facultates & copie, diuitiæ sunt ciuitatis: ait Cicero lib. de Officijs 3. quod etiam reciprocari, testis est hæc Thucydidis sententia lib. 2. ἐν δὲ γὰρ ὑγῆμαί πόλιν πλεῖν ξυμπασαν ὀφθήμενιν, ὡς ἂν τὸς ἰδιώτας, ἢ καὶ ἑκαστὸν τῶν πολιτῶν ὑπαρῆσαι, ἀδρανὴ ὁφθαλμομένῃ. κατὰς δὲ γὰρ φέρουσιν αὐτὴν τὸ κατ' ἑαυτὸν, διαφθερομένην ἂν παύσῃ, ὅτεν ἴσας εὐαπαύεται. καὶ οὐ γὰρ ἔν ἐν δυνάμει πολλὰ μᾶλλον διασώσεται. Id est: Arbitror multo melius agi cum singulis, cum uniuersa ciuitas fortunata est: quàm cum per ciues singulos beata est, communiter autem infortunata. nam is qui per se beatus est, dum patria labe facta est, nihilominus cum illa perit: cui uerò res aduersæ sunt, in fortunata tamen ciuitate multo magis est incolumis. Huc autem illud pertinet quod scribit Macrobi. lib. Saturn. 1. cap. 11. Nam & nostri maiores, inquit, omnem dominis inuidiam, omnis seruis contumeliam detrahentes, dominum, patremfamilias, seruos, familiares appellauerunt.

B

In parentum potestate sunt, qui ex iustis nuptiis procreati sunt,  
quæ potestas est iuris civilis. l. 3. & 4. D. de his  
qui sunt sui uel.

EX IVSTIS NVPTIIS.) ENUNC. I. Qui ex iustis nuptijs nascuntur, in patris sui potestate sunt. l. 3. unde hic locus descriptus est, D. de his qui sui uel alien. atq; ex contrario. Nati ex iniusto concubitu, parentum in potestate non sunt. §. per in fr. de nupt. Omnis rei ratio duplex est. Primum quia spurij patrem non habere dicuntur: unde etiam spuriorum nomen deductum est, ut posterius docebimus. itaq; Modestinus in l. iulgo. 23. D. de stat. hom. Vulgò, inquit, concepti dicuntur, qui patrem demonstrare non possunt: uel qui possunt quidem, sed eū habent, quem habere nō licet. Altera ratio est, quia Romulo regnante, ius hoc patriæ potestatis natum est: uti significat Vlpianus in l. patre. 8. de his qui sunt sui uel al. ubi ait hoc ius moribus esse receptum: & Dionys. lib. 2. aperitè disputat. At eo tempore perpauci erant, qui patres cieri possent. quemadmodum Liuius lib. 1. testatur, apud quem tamen CIBRE corruptè legitur. Hos ergo solos potestatem hanc in suos liberos (qui Patricij dicebantur) habuisse, uel hinc clare intelligitur, quod plebey patrem ciere non poterant. Vnde factum est, ut ad eos tantum, qui iusti patres essent, hoc ius permanerit.

PROPRIVM EST CIVIVM ROMANORVM.) Sequitur III. Patria civium Romanorum potestatis iuris est civilis. d. l. 3. eodem. Cuius sententia haec vis est, ut neq; deditivus, neq; Latinus, neq; alius peregrinus, patriam in civem Rom. potestatem habeat: neq; qui prius habuit, si peregrinus fiat, & civitatem amittat, eam retinere possit.







**A** incepti ceteri. Qui autem ex filia tua nascitur, in potestate tua non est, sed in patris eius.

ET VXORE TVA.) Enunc. I. Ex iusta uxore natus, patris in potestate est. l. 4. D. de his qui sunt sui uel. Hoc superius quidem abunde probatum est: sed quæri potest, cum duo fuerint uxorum genera (aliæ namq; matresfæ, aliæ matronæ dicebantur) an ex utriusq; suscepti liberi, in patris potestate essent. nam de ea quidem quæ materfæ dicebatur, dubium esse non potest, cum ipsamet in uiri sui manu mancipioq; esset: uti docet Gell. lib. 3. cap. 2. & lib. 4. cap. 3. lib. 18. cap. 6. In matronares non ita perspicua est: nam cum anno primo, id est, antequam usu capta esset, in uiri manu non esset, fortasse dubium alicui uideri posset, an liberi ex ea suscepti, ius filiorumfam. obtinerent. Sed cum maior patris quam matris ratio habeatur, neq; quicquam apud ueteres repugnans legatur, probabilius est, eandem horum liberorum rationem fuisse.

QUI EX FILIO TVO ET VXORE EIVS.) Sequitur II. Non tantum filius, sed & qui ex eo progenerati sunt, in patrisfæ potestate sunt. l. 5. D. de his qui sunt sui uel. Ratio autem perspicua est: quia in ipsius familia nascuntur, quippe cum filius nondum familiam habeat. deinde quoniam nemo potest alium in manum suam recipere, qui ipse in aliena manu est: ut ait Seneca lib. Declamat. 3. at filiusfæ eorum pater in aui manu ac potestate est.

QUI AVTEM EX FILIA TVA.) Sequitur III. Filia non patri, sed marito filiumfæ parit. l. familia. 196. D. de uerb. signific. ubi Caius scribit, fœminarum liberos in familia earum non esse: quia qui nascuntur, patris, non matris familiam sequuntur. Huiusce ergo iuris ratio est multiplex. nam primum omnium si rei naturam spectemus, eius esse fructus debet, cuius est semen. neq; ad rem pertinet, quod si filia in potestate retenta sit, uidetur seminis alieno in solo facta. superficies autem solo cedit: quia respondemus usumfructum saltem eius soli maritis datum esse. ac propterea siue in suo, siue in fructuario fundo seuerit, fructum suum efficere. Rursus nihil obstat, quod quibusdam uidetur, sementem esse communem: nam solum uiri semen satis ad concipiendum ualere, multis documentis constat. Præterea si ius gentium spectemus, nemini dubium est, quin uxores liberorum suscipiendorum causa ducantur: quemadmodum superius ex Xenophonte docuimus. Quod si ius ciuile consideretur, ut liberi patribus sui hæredes agnascantur, necesse est eos in ipsorum potestate agnasci. præterea liberi familiarum & nominum propagandorum causa procreantur: at in mulieribus familiæ & nomina intereunt. d. l. familia. 196. D. de uerb. signif. & l. pronuntiatio. 195. in fi. cod. in familia igitur patris sui nascantur necesse est: aut uero eius, cuius in potestate pater eorum est, ut paulo ante dicebamus. Eodem accedit, quod si mulier in mariti manum conuenit, & familia sui patris migrat, & in mariti sui potestatem transit. Quod Vlpianus cap. Instit. 22. perspicue demonstrat, cum ait: Inter suos hæredes esse uxorem, quæ in manu est, & nurum, quæ in manu est filij, quem in potestate habemus. Item cap. insequenti, agnati suum hæredem agnascendo, adoptando, & in manum conueniendo. Itaq; iam non filiafam, sed materfam appellatur: quippe quæ non in matrimonium tantum, sed in familiam quoq; mariti, & in sui hæredis locum transit. quocirca si quid peccasset, ius erat marito, adhibito propinquorum consilio rem cognoscere, in eamq; de sententia ipsorum animaduertere: uti Dionysius libro 2. scribit. Catonis autem uerba ad hanc rem maxime pertinentia subiiciam, quæ Gellius ex eius oratione de Dote lib. 10. cap. 23. proposuit. In qua id quoq; inquit, inscriptum est, in adulterio uxores deprehensas, ius fuisse maritis necare. Vir, inquit, cum diuortium fecit, mulieri iudex pro Censore est, imperium quod uidetur habet. si quid peruersè tetrequ; factum est à muliere, mulctatur: si uinum bibit, si cum alieno uiro probri quid fecit, condemnatur. De iure autem occidendi, ita scriptum est: In adulterio uxorem tuam si deprehendisses, sine iudicio impune necares: illa te (si adulterares) digito non auderet contingere, neq; ius est. Hæc ex Gellio: quæ quidem eo lubentius adscripsimus, quia cum hoc loco personæ quæ sunt alieni iuris enumerantur, matrum familiæ conditio prætermittenda non fuit. Eodemq; pertinet quod ait Labeo Antistius Iuriconsultus, apud eundem Gell. lib. 13. cap. 10. Sororem appellatam esse, quod quasi seorsim nascatur, separeturq; ab ea domo in qua nata est, & in aliam familiam transgreditur. Hæc Labeo. Cum igitur nupta filia, amplius in parentis familia non maneat, quomodo in eius potestate maneret? Sed obijcietur l. 1. §. 3. D. de lib. exhib. ubi filia nupta in potestate patris esse dicitur. quem locum uideo doctissimis hominibus errorem obieciisse: quos animaduertere oportebat, Vlpianum eo loco de nuptijs sine parentum consensu factis disputare. alioqui quo tandem iure uoluisset pater filiam suam ex uiri domo abducere? aut quorsum Vlpianus suas deret, ut patri persuaderetur, ne acerbè patriam potestatem exerceret? Significat enim, summo iure patrem posse suam filiam abducere: sed propter bene concordans matrimonium, ac liberis etiam subnixum, debere de suo iure decedere. Potius autem ex Papiniani responsò disputandum erat, qui in l. patri. 20. D. de adult. scribit, patri dari ius occidendi adulterum cum filia, quam in potestate habet. Idemq; ex l. 8. & 9. D. de capit. minut. ubi Caius & Paulus de eius filia nuptijs loquuntur, quæ uel emancipata, uel in potestate retenta est. Item ex l. Titia. 34. D. solut. matr. ubi Africanus de illius mulieris diuortio disputat, quæ se matremfam. (id est, emancipatam) esse dicebat: cum eius pater eam in sua potestate esse contenderet. De quibus omnibus locis nihil à quoquam usq; adhuc disputatum esse uideo: cum tamen perspicue demonstret, patriam potestatem in filiam, eius matrimonio non extingui. Sed uideamus, ne commodè hoc modo responderi possit: Iuriconsultos ipsos in locis de ipsi filiaribus disputare, quæ non in manum mariti conuenerant, sed matronæ permanferant.

## DE NVPTIIS.

### TITVLVS X.

*Nuptiæ iustæ dicuntur, quas ciues Romani puberes, parentibus (si quidem in eorum potestate sint) auctoribus inter se contrahunt.*

**I.** Iustas autem nuptias inter se ciues Romani contrahunt, qui secundum præcepta legum coeunt: masculi quidem puberes, fœminæ autem uiri potentes, siue patres familiarum sint, siue filij familiarum: dum tamen, si filij familiarum sint, consensum habeant parentum, quorum in potestate sunt. nam hoc fieri debere, & ciuile & naturalis ratio suadet: intantum, ut iussus parentis præcedere debeat.



**IUSTAS AVTEM NVPTIAS.)** Hoc refertur ad superioris tractatus initium : propter quod, quasi e re nata, **A** de nuptijs hoc loco disputatur. Similiter Vlpianus tit. 5. In potestate parentum sunt liberi, inquit, ex iusto matrimonio nati. Iustum matrimonium est, si inter eos qui nuptias contrahunt, connubium sit, &c.

**CIVES ROMANI.)** Hunc. I. Iustae nuptiae nisi inter cives Romanos contrahi non possunt. Itaq; ne liberi quidem dicuntur ij, qui ex deportato nati sunt. l. ex facto. 17. §. 3. D. ad Trebel. ubi Vlpianus ait, eam sine liberis decessisse uideri, quae deportata liberos suscepit. Idem etiam cap. Instit. 5. Connubium, inquit, habent cives Romani cum ciuibus Romanis: cum Latinis autem & peregrinis ita, si concessum sit. quapropter frequens apud Liuium cum lib. 9. tum alibi per sepe, de connubio populis deuictis aut adempto aut permisso, mentio est.

**MASCVLII QUIDEM PVBERES.)** Sequitur II. Impuberes iustas inter se nuptias contrahere non possunt. Itaq; Plato lib. de Legibus 11. τὸν ἄνδρα, ὃς τῶν γυναικῶν ἡλικίαν τε καὶ ἀνδρῶν ὁ νόμος ἐκονομεῖ, πρὶν τοῦ τὰς ἀρρενῶν γυναικὸς ἡλικίαν ἀρρενῶν τε καὶ θηλέων. Id est: Tempus ad nuptias aut aptum, aut ineptum index hoc modo statuatur. Nudos quidem mares, nudatas autem puellas ab pubem usq; spectet. Eandemq; fuisse populi Rom. consuetudinem, Iustinianus posterius testatur, sub tit. quib. mod. tutel. fin. Sed postea illud obseruatum est, quod Macrobius lib. in Somnium 1. cap. 6. scribit, post annos bis septem ipsa aetas necessitate pubescit. tunc enim moueri incipit uis generationis in masculis, & purgatio feminarum. Itaq; Pomponius in l. 4. D. de ritu nupt. respondet, minorem annis duodecim nuptam, tunc legitimam uxorem fore, cum apud uirum expleset duodecim annos. Hinc Labeo in l. pen. D. quand. dies leg. Non potest, inquit, uideri nupta, quae uirum pati non potest. Quare Vlpianus in l. haec conditio. 10. D. de cond. & demonstr. eam quae nondum nubilis aetate in domum mariti deducta est, posse petere legatum negauit, quod ei cum nupsisset relictum erat. Et Papinianus l. dotis promissio. 68. D. de iur. dot. Et si, inquit, minor annis duodecim ut maior deducta sit, tunc primum petatur, quum maior annis apud eundem esse coeperit.

**CONSENSVM HABEANT PARENTVM.)** Sequitur III. Filij filiaq; familiarum iustas sine parentum **B** auctoritate nuptias non contrahunt. l. 2. D. de rit. nupt. l. nec filium. 12. C. de nupt. Itaq; quemadmodum stipulanti adolescentis patri, puella pater spondere filiam dicebatur: eodem modo stipulanti puella patri despondere filium alter dicebatur: uti Dos natus in Terentium testatur: Hac fama impulsus Chremes ultro ad me uenit, unicam gnatam suam cum dote summa filio uxorem ut daret. Placuit, despondi, hic nuptijs dictus est dies. Et profecto ita est, ut neq; patri inuito sua filia e suis laribus ac parentibus abduci debeat: neq; consentaneum sit, filiumf. qui in patris sui domo familiaq; habitat, mulierem prater oculos patris inuito ac dissentientis in ipsius domum introducere. Quocirca Paulus, Eum qui uiuente patre & ignorante de coniunctione filiae susceptus est, licet post mortem aui natus sit, iustum filium eius ex quo conceptus est, non esse, respondit in l. Paulus. D. de stat. hom. Sed & Iulianus: Nuptiae, inquit, inter easdem personas, nisi uolentibus parentibus renouatae, iustae non habentur. l. nuptiae. 18. D. de rit. nupt. At filius emancipatus, qui separatam a patre domum & familiam habet, etiam sine consensu patris uxorem ducere potest, & susceptus filius ei haeres erit. l. filius. D. eod. quod tamen in filia secus constitutum est ab Imperatoribus: qui filiam, quamuis emancipatam, nubere tamen sine patris auctoritate ante annum aetatis 25. prohibuerunt. l. iudicia. l. in coniunctione. C. de nupt. Sed cum duo in iure nostro consensus genera reperiantur, unum tacitum, alterum expressum: quari potest, utrum hoc loco intelligamus. quoniam plerunq; ubi consensus exquiritur, ibi expressus est necessarius: quemadmodum in tutorum auctoritate suo loco docebimus. Sed constitutum est, in hac causa tacitum consensum sufficere. l. si ut proponis. 5. C. eod. & l. in sponsalibus. 7. §. 1. D. de sponsal. ubi Paulus ait, intelligi semper patrem filiae consentire, nisi euidenter dissentiat.

**QVORVM IN POTESTATE SVNT.)** Hoc superuacaneum alicui uideatur: cum ex filiorum familiarum **C** appellatione satis intelligatur, eos esse in parentum potestate. Verum intelligendum est, propterea hoc adiectum esse, quia cum uxorem nepos ducit, euenit interdum ut patris sui consensum non desideret: quippe cuius in potestate non sit, utpote emancipati. patrem enim ab auo emancipatum, filios ante emancipationem natos in potestate non habere, constat ex §. 1. infra, quib. modis ius pat. potest. toll. Hoc igitur si accidat, aui solius exquiretur auctoritas: si uero pater emancipatus non sit, nepoti uxorem ducenti & filius consentire debet: inquit Paulus in l. oratione. §. 1. D. de rit. nupt. Causae autem constitutio haec erit: Nepos solius aui consensu uxorem duxerat. cum filius eas nuptias improbaret, intentione hac usus est: Tuae nuptiae iniustae sunt, quippe sine consensu parentum factae. D. Imo parentum consensu factae sunt. Q. An ita factae sint. R. Quia ius quod parentum consensum exquirat, non omnium, sed eorum tantum, qui in potestate liberos habent, consensum exquirat. F. At alio iure constitutum est, ne aui filio inuito suum heredem inducat. Disceptatio ex contrariis scriptis nascitur, An propter alieni haeredis inductionem ius illud superius inflecti oporteat. Paulus in d. l. oratione. 16. §. 1. scribit, inflectendum esse. Vbi etiam hoc adscribit: Neptis uero si nubat, uoluntas & auctoritas aui sufficit. Cuius differentiae ratio inuestiganda est. Mibi quidem haec omnino uidetur esse, quia nepos patris sui familiam auget, siue (ut Iurisconsulti loquuntur) nepos patri suo suum heredem gignit: qua de causa eius in diligenda uxore consensum interuenire par est, ne inuito ei suus haeres agnascatur. at neptis non auget: sed mariti eius, cuius in potestate maritus est, ut inferius intelligitur. Sed obijcietur l. 3. D. eod. ubi Paulus ita scribit: Si nepotem ex filio, & neptem ex altero filio in potestate habeam, nuptias inter eos me solo auctore contrahi posse, Pomponius scribit. Verum ei loco, meo iudicio, sic respondendum est, rationem illo casu singularem esse: quia non ex aliena aliqua & extranea familia, sed ex illa eadem in qua ipse filius est, suus ei haeres agnasciturus erat: quasi ius quo constitutum est, ne cui inuito suus haeres agnascatur, de eo heredem intelligendum sit, qui aliena ex familia quaeratur.

**NATURALIS RATIO.)** Sequitur IIII. Patris auctoritas in filijs, nuptijs & ciuili & naturali iure requiritur. Cuius pronuntiatum haec uis est, non ut ciuili iure extincto, ueluti patria potestate per emancipationem aut deportationem sublata, semper tamen patris auctoritas exquirenda sit: nam, ut modo dicebamus, emancipatus etiam sine patris consensu nuptias recte contrahit. l. filius. 25. D. de rit. nupt. sed cum huius legis initium a natura sumptum sit, postea conformationem quandam a iure ciuili accepit, ut uidelicet iure patriae potestatis magnopere auctum sit. Ciuilis autem ratio est, partim propter ius patriae potestatis, quod in cuiusvis sexus liberis locum habet: partim ne inuito patri suus haeres agnascatur: quod in maribus duntaxat obtinet.



**A** VT IVSSVS PATRIS PRÆCEDERE DEBBAT.) Sequitur III. Paterfam. liberorum suorum nuptias, sine suo consensu factas, si uolet, irritas habebit. Et hoc est quod Vlpianus scribit in l. 1. §. 3. D. de lib. exhib. Vbi quaerebatur, an filiam quæ sine patris consensu nupsit, pater possit ex mariti sui domo abducere. significat enim, id patrem summo iure posse facere. Veruntamen certo iure utimur, inquit, ne bene concordantia matrimonia iure patriæ potestatis turbentur. quod tamen sic erit adhibendum, ut patri persuadeatur, ne acerbe patriam potestatem exerceat. id est, ut de suo iure publicæ utilitatis causa decedere uelit, neq; summo iure utatur. At enim, dixerit fortasse quispiam, quid interest inter suaforem facti & probatorem? ut ait Cicero Philip. secunda: quinetiam Imp. in l. si ut proponis. 5. C. de nupt. iustus esse nuptias statuit eas, quæ ignorante patre factæ, ipsius tamen silentio comprobatae sunt. Paulus præterea lib. Sent. 2. Eorum, inquit, qui in potestate patris sunt, sine uoluntate eius matrimonia iure non contrahuntur, sed contracta non soluuntur. Contemplatio enim publicæ utilitatis priuatorum commodis præfertur. Hæc Paulus. Sed uideamus ne rem ita distingui oporteat, ut coercendæ contumaciæ causa, si patres eas nuptias irritas haberi uelint, irritæ iudicandæ sint: sin secus, taciturnitas eas confirmet. nam in simili casu aditionis hereditatis, ubi præcedere iussum oportet, ratihabitionem tamen admittimus. l. si quis. 25. D. de ad. hered. l. 1. C. qui admitt. ad bon. pos. l. seruo. 65. D. ad S. C. Trebell. Causæ constitutio: Sextius patre ignorante uxorem duxerat: cum pater id rescisset, tacuit, neq; testimonium ullum offensi animi præbuit. Aliquanto post filius ex eo matrimonio nascitur, quem auus suum agnoscere recusat. Intentio: Nuptiæ sine meo consensu factæ sunt. D. Imò te consentiente. Q. An illo consentiente factæ sint? R. Quia consentire nuptijs, est ijs non contradicere. nam qui tacet, consentire intelligitur. F. Imò consentire nuptijs, est cum ijs sentire qui nuptias contrahunt. quomodo autem ijs consensisssem, quas fieri ignorabam? Disceptatio ex scripti ambiguitate nascitur: An consentire nuptijs sit ipsam nuptiarum actionem sic comprobare, ut dum nuptiæ sunt, consentiatur. hanc Vlpianus in d. l. 1. D. de lib. exhib. ita esse significat: sed tamen æquitatem & fauorem matrimonij in hisce rebus dominari. quomodo Alexandri rescriptum accipiendum arbitror in l. 5. C. de nupt. ubi sic scribit: Si pater quondam mariti tui, in cuius fuit potestate, cognitis nuptijs uestris, non contradixit, uereri non debes, ne nepotem suum non agnoscat. Quod sanè, ut ante dicebamus, totum æquitatis & benignitatis esse uidetur. nam si, ut uerisimile est, ita scripta esset lex, Patres familiæ liberis suis ad nuptias contrahendas auctores sunt: Vlpianus in l. 3. D. de noxal. act. diserte affirmat, longè aliud esse auctorem esse ut quid fiat, & pati fieri.

*Furiosi tam filio quàm filia licet sine patris auctoritate matrimonium contrahere. l. xxv. C. de nupt.*

II. Vnde quæsitum est, an furiosi filia nubere, aut furiosi filius uxorem ducere possit? cumque super filio uariabatur, nostra processit decisio: qua permissum est ad exemplum filia furiosi, filium quoq; furiosi posse, & sine patris interuentu matrimonium sibi copulare, secundum datum ex nostra constitutione modum.

VNDE QVAESITVM BST.) Nam filius siue patre, siue matre, siue utroq; furioso, uel conceptus, uel natus, uel ante furorem natus, in patris potestate est, eiq; acquirit. l. patre furioso. 8. D. de his qui sunt sui uel al. Causæ constitutio: Lex est, Paterfam. liberorum suorum nuptijs auctor esto. Quæ patrem furiosum habebat, non exquisita ipsius auctoritate nupsit. Querebatur, an iniuste ille nuptiæ fuissent. Ac si quidem filiam faciamus sponsione prouocasse, itaq; intendisse, Nuptiæ iustæ sunt: res persfacilis & expedita est. nam cum aliorum ratio hæc sit, Quia lex nuptias sine parentum auctoritate contractas, ratas non habet. Firmamentum hoc subiicietur: At lex de ijs demum intelligenda est, quorum aliqua est auctoritas: furiosorum autem nulla omnino est: unde perspicue ex scripto & sententia disceptatio nascitur. Sed contraria causa paulo est difficilior. Intentio: Nuptiæ iniustæ sunt. D. Imò sunt iustæ. Q. An iustæ sint. R. Quia lex eius demum patris auctoritatem exquirat, qui auctor esse potest: Furiosi autem auctoritas nulla est. F. At indefinite lex scripta est, neq; inter mentis compotem & furiosum distinguit: ubi autem lex non distinguit, ibi nec nos distinguere debemus. Disceptatio ex contrariè scriptis nata est: An cum furiosi nulla sit auctoritas, tamen quia lex indefinite scripta est, de quouis patre intelligenda sit. Contraria autem iura sunt hæc: Furiosi nulla est auctoritas: ubi lex non distinguit, neq; nos distinguimus. Sed cum intelligi aliter lex non possit, non uerba, sed mens spectanda est.

SVPER FILIO VARIABATVR.) Quibusdam enim patris uel mores uel sanitas expectanda uidebatur: alij nullum plerunq; furoris exitum esse disputabant.

AD EXEMPLVM FILIAE FVRIOSI.) Enunc. I. Furiosi filia nubere etiam patre inconsulto potest. l. si furiosi. 25. C. de nupt. ubi Iustinianus ait, id omnes penè iuris antiqui conditores admisisse. Sed quaeri uideo, quid ita facilius id filia quàm filio permiserint. Et opinor causam hanc esse, quia filius inuito patre mulierem patri inuisam in ipsius ades familiarumq; adducebat: filia uero ex ipsius familia in mariti domum migrabat. Deinde filius gignebat liberos futuros inuito patri suos heredes ab intestato: filia uero non patri (ut superiore tractatu dictum est) sed uiro, eiusue patri filiosfam. parit. Causæ constitutio. Intentio: Par filij & filia causa est: quare in pari causa paria iura constituuntur. D. Imò impar. Q. Vtrum par an impar sit. R. Quia neq; filia suum heredem inuito patri inducit, sicut filius: neq; tanta est patris in filiam potestas, quanta est in filium: cum illa, primæ hic, tertiæ demum emancipatione patria potestate liberetur. F. At lex quæ patris auctoritatem exquirat, simpliciter & absolute scripta est: itaq; neq; nos quid ex nuptijs consequatur, sed solam patriam potestatem spectemus. Disceptatio ex contrariè scriptis nascitur: An cum dissimilis sit nuptiarum euentus in filia atq; in filio, tamen quia lex absolute scripta est, distingui non oporteat.

ET SINE PATRIS INTERVENTV.) Sequitur II. Iustinianus etiam filio furiosi patre inconsulto nuptias contrahere permisit. l. si furiosi. 25. C. de nupt. Nonnulli autem INTERITV mallent, ex uetustis (ut aiunt) libris: sed, ut ne quid amplius dicamus, quomodo secundum datum ex Iustiniani constitutione modum hæ nuptiæ patre mortuo contrahentur, quæ Iustinianus auctore patris curatore celebrari iubet? Ergo sine patris interuentu à Iustiniano dictum est, non ualde necessario fortasse: ueruntamen haud absurde, ut loquendi consuetudo testatur.



SECUNDVM DATVM EX NOSTRA CONSVETVDINE MODVM.) Id est: De sententia curatoris ipsius furiosi, & nobiliorum siue principum totius familiae, itemq; magistratus aut Episcopi ipsius civitatis. l. furiosi. C. de nupt. & l. tam dementis. C. de Episc. audien.

Nuptia cum ijs qui vel natura vel adoptione parentes liberiq; sunt, ne post emancipationem quidem recte contrahuntur. l. l. v. & l. ult. de rit. nupt.

III. Ergo non omnes nobis uxores ducere licet. nam à quarundam nuptijs abstinendum est. inter eas enim personas, quæ parentum liberorumque locum inter se obtinent, contrahi nuptiæ nõ possunt: ueluti inter patrem & filiam, uel auum & neptem, uel matrem & filium, uel auiam & nepotem, & usq; in infinitum. Et si tales personæ inter se coierint, nefarias atq; incestas nuptias contraxisse dicuntur. Et hæc adeo uera sunt, ut quamuis per adoptionem, parentum liberorumque loco sibi esse cæperint, non possint inter se matrimonio iungi: intantum, ut etiam dissoluta adoptione, idem iuris maneat. Itaq; eam, quæ tibi per adoptionem filia uel neptis esse cæperit, non poteris uxorem ducere, quamuis eam emancipaueris.

LIBERORVM VERO LOCVM INTER SE OBTINENT.) Planius dixisset, inter parentes & liberos. nam patrum & auunculi, de quibus non loquitur, parentum locum obtinent, ut paulo post dicitur. De ijs autem se non loquitur qui proxime ostendit, cum ait: Inter eas quoq; personas, &c. Vt cumq; sit, legem hanc non ex hominum instituto, sed à natura fluxisse, Xenophon in libro ἀπομνημον. tradit, & Plato libro de Legib. 8. his uerbis, Οταν ἀδελφὸς ἢ ἀδελφὴ τῷ γυναικὶ καὶ ἀδελφῇ ἢ ἀδελφῷ ὁ αὐτὸς νόμος ἀγορεύει, ὡς οἱ δὲ τι ἐκ τῶν ἀδελφῶν φυλάττειν, μὴ τι φανερὸν μὴ τι ἄδηλον συγκατασθέντων, τὰ ἢ πῶς ἄλλως ἀποφασίζουσιν ἀπὸ τοῦ νόμου. ἀλλ' ὅδ' ἰδιωτικὰ τὰν νόμων ἐκ σωφροσύνης τοιαύτων ἐκδέρχεται τῶν πολλῶν, συμπερὶν γὰρ ῥῆμα καὶ ἁπλοῦς ἐστὶν πᾶσας τὰς τοιαύτας ὑποθέσεις, τὸ ταῦτα εἶναι φανερὰ καὶ ἀμείβομαι δοῖα, θεομισθίῃ ἢ ἀσχετῶν αἰσχρῶν. τὸ δ' αἰτίον ἐστὶν ὅτι τὸ μὴ εἶναι ἄλλως λέγειν αὐτὰ, ἀλλ' οὕτως γὰρ εὐνοῦν ἡμῶν ἵκαστον, ἀκέραιον ὄντων αἰὲν ἢ πανταχόθεν ταῦτα, ἐν γὰρ νόμοις τι ἀμείβεται πᾶσιν τι σπουδῇ τετρακτὴ λεγόμενα πολλὰ μὲν, ὅταν ἢ οὐκ εἴσται, ἢ τινὰς ὁδὸν ἵκαστον, ἢ Μανὰγρος τινὰς ἀδελφῶν μὴ εἶναι τὰς ἀδελφῶν, ὅφθινται ἢ ἰσχυρῶς ἐκείνων ἰαυτοῖς ἐπιτιμῶντας ἀλλήλων ἐκ ἀμαρτίας. Id est: Quando frater aut soror formam ac speciem habet liberalem, à filio quoq; & filia lex eadem, quamuis non scripta, satis tamen abstinere iubet: neq; palam, neq; clam cum ijs commisceri. quin ne plurimi quidem, id est, vulgus, eius concubitus cupiditate tenentur. unum enim uerbulum istiusmodi uoluptates omnes extinguit: cum id nefarium esse dicitur, & Deo inuisum, & unum ex omnibus maxime turpe, ac flagitiosum. Causa autem quæ non est hæc? quod nemo aliter de ijs loquitur: sed statim à puero unusquisq; nostrum audit hæc & ubiq; & assidue dici tum in iocis, tum etiam in serijs: ut persæpe in Tragædijs: cum aut Thyestes, aut Oedipos quosdam inducunt, aut Macareos, qui cum uisi fuissent furtim cum sororibus rem habere, continuo sibi ipsi mercedem conseruiant, sceleris pœnas à seipsis repentes. Hæc Plato in libris de Legibus. In libro uero de Repub. octauo: ἔαν τις ἄνθρωπος, γυναικὶς ἢ ἐκείνης ἢ γυναικὶ ἐκείνης τῶν ἑαυτοῦ, φῦσιν ἢ πρὸς ἑαυτοῦς αὐτοῦς συγγινώσκῃ ἢ ἀπὸ ἑαυτοῦ, πᾶσι θυγατρὶ καὶ μητρὶ, ἢ ταῖς τῷ θυγατρὶ πατρὶ ἢ ταῖς αὐτῷ μητρὶ, ἢ ταῖς γυναικῶν αὐτῶν, πᾶσι ἢ πατρὶ ἢ τῷ τῶν τοιοῦτων ἐκ τῶν αὐτῶν ἢ ἐκ τῶν αὐτῶν. Id est: Cum mulieres & uiri aetatem generationi aptam progressi fuerint, tum uiris dicemus licere, quam uolent uxorem ducere, præterquam filiam aut matrem, natusque ex filia, easque ex quibus mater prognata est: mulieribus autem ius esse cuilibet nubere, præterquam filio, aut patri, eorumque liberis & parentibus. Hæc Plato. Ex quibus perspicuum esse arbor, uerum esse quod antea dicebamus, eum ad naturæ legem hoc ius referre: cum tamen Aristoteles lib. Polit. secundo scribat, eum non ob aliam causam huiusmodi connubium interdixisse, nisi quia nimia uoluptas oriatur: & nihil interesse putare, utrum parens sit, an filius, an fratres qui commisceantur.

NEFARIAS ATQVE INCESTAS.) Ehung. I. Parentum cum liberis nuptiæ incestæ ac nefariæ sunt. l. ult. D. de rit. nupt. Verum an non etiam cognatorum nuptiæ incestæ appellantur? Hoc quidem planè affirmatur in l. sororis. 39. & l. etiam si. 56. D. eod. & ab Ulpian. cap. Institut. 5. & Caio tit. 4. lib. 1. Sed Paulus in d. l. ult. significare uidetur, solas parentum liberorumque nuptias iure gentium incestas esse.

QUAMVIS PER ADOPTIONEM.) Sequitur II. Adoptati nuptias cum parentibus adoptiuis contrahere non possunt. l. quinetiam. 55. D. eod. nam absurdum esset, eandem & filiam & uxorem appellari: auresq; hoc & animi hominum respuunt: præterea iura uxorū & filiorum sua. itemq; legitimarum successiōum confunderentur. Quam solam ob causam nec patris adoptiui matrem, nec eius ex filio neptem posse duci, Caius eodem loco affirmat. at neptem ex filia, Ulpianus permittit in l. si qua mihi. 12. §. 3. D. eod. Adoptiui, inquit, sororis filiam possum uxorem ducere: cognata enim mea non est filia eius, quia auunculus nemo sit per adoptionem: & ea demum cognationes contrahuntur in adoptionibus, quæ legitimæ essent: id est, quæ agnatorum ius haberent.

IN TANTVM VT ETIAM.) Sequitur III. Emancipatio nuptiarum adoptiua filia prohibitionem non abrogat. d. l. quinetiam. D. de rit. nupt. Quod tamen mirum alicui uidebitur, cum & patris adoptiui matrem, & eius neptem post emancipationem duci licere, Caius eodem loco respondeat: scilicet, inquit, quia post emancipationem extraneus intelligitur. Verum huius legis ratio in reuerentia quæ parentibus debetur, posita uidetur. Itaq; nec eam quidem quæ uel patris adoptiui, uel filij adoptiui uxor fuit, etiam post emancipationem duci licere, Paulus scribit in l. adoptiui. 14. D. de rit. nupt. l. qui in adoptionem. in fin. D. de adopt. Causa igitur constitutionem sic affingemus. Intentio: Eam quæ adoptiua filia fuit, post emancipationem ducere non licet. D. Imò licet. Q. An liceat. R. Quia adoptiui post emancipationem liberorum nomen amittunt. l. 4. D. si tab. test. F. At tamen æquitas postulat, ut maior pudoris & exilimationis, quam eius quod licet, ratio habeatur. Disceptatio ex iuris & æquitatis contentione nascitur. Respondetur, in nuptijs potius id quod honestum est, quam quod licet, spectandum esse. Honestum autem non esse, ut qui domi suæ puellam pro filia aliquandiu habuit, eam emancipatam ducat: uideretur enim eam iccirco data opera emancipasse, ut eo quod occulte placuerat, palam frueretur.



A

*Nuptias cum fratre uel sorore contrahere non licet. at cum adoptiuis, post emancipationem licet. l. x. vij. de rit. nupt.*

III. Inter eas quoque personas, quæ ex transuerso gradu cognationis iunguntur, est quædam similis obseruatio, sed non tanta. Sanè enim inter fratrem sororemque nuptiæ prohibitæ sunt: siue ab eodem patre eademque matre nati fuerint, siue ex alterutro eorum. Sed si qua per adoptionem soror tibi esse cœperit: quandiu quidem constat adoptio, sanè inter te & eam nuptiæ consistere non possunt. cum uero per emancipationem adoptio fuerit dissoluta, poteris eam uxorem ducere. Sed & si tu emancipatus fueris, nihil est impedimento nuptijs. Et ideo constat, si quis generum adoptare uelit, debere eum antea filiam suam emancipare: & si quis uelit nurum adoptare, debere eum antea filium suum emancipare.

EX TRANSVERSO.) Ita perpetuo Iurisconsulti loquuntur, pro Ex obliquo.

SED NON TANTA.) Hoc meo iudicio propter adoptionem dicit, non propter infinitam prohibitionem parentum & liberorum.

AB EODEM PATRE, EADEMQUE MATRE.) Enunc. I. In nuptijs cognatorum utrum frater sit consanguineus, an uterinus, nihil interest. l. nemini. 17. C. de nuptijs. Dixi autem, In nuptijs cognatorum: quia in adoptiuorum nuptijs alia ratio est. nam ea demum cognationes sic contrahuntur, quæ agnatorum ius haberent: ut modo dictum est. Quare sororem uterinam, ut opinor, adoptato fratri ducere liceret. Nam Ulpianus in d. l. si qua. in fi. Sororem, inquit, patris mei adoptiui possum ducere, si non fuit eodem patre nata: utique sit, non modo civili, sed & naturæ iure fratrum & sororum nuptijs incestus esse, Plato aperte lib. de Legib. 8. testatur: quod cum ita sit, mirari eius consilium satis non possum, qui libro de Repub. quinto eas comprobabat, & lege permittendas esse scribit.

B

QVANDIV QUIDEM CONSTAT ADOPTIO.) Nimirum, ne agnationis & legitimarum hereditatum iura confundantur. Quod si hæc causa tollatur, eam, inquit Caius, quam pater meus adoptauit & emancipauit, potero uxorem ducere. l. per adoptionem. 17. D. eod. Itaque Paulus l. 5. D. de gradib. Si filium, inquit, naturalem emancipauero, & alium adoptauero, non esse eos fratres.

DEBERE EVM ANTEA FILIAM SVAM EMANCIPARE.) Sequitur III. Nuptiæ cum fratre sorore uel adoptiua, nec contrahi, nec retineri possunt. d. l. per adoptionem. de rit. nupt. eandem scilicet ob causam, hoc est, propter ius agnationis legitimæque hereditatis. Aliud tamen Athenis iuris fuisse, Demosthenis in Spudiam oratio demonstrat: in qua Polyæctus Neocrati uxoris suæ fratri, quem adoptarat, filiam suam uxorem dedisse narratur. Ac simul etiam intelligitur, aunculi cum sororis filia nuptias legibus interdictas non fuisse.

CVM VERO ADOPTIO SIT DISSOLUTA.) Sequitur IIII. Adoptiuam sororem ducere uxorem adoptione dissoluta possumus. l. si quis. 9. in fi. D. de lib. & post. & l. per adoptionem. 17. D. de rit. nupt.

*Nullam ex fratris sororis uel posteris, ducere uxorem liceat: at sororis adoptiue filiam, licet. l. x. vij. C. eod. l. xij. de rit. nupt.*

V. Fratris uero uel sororis filiam, uxorem ducere non licet: sed nec neptem fratris uel sororis uxorem quis ducere potest, quamuis quarto gradu sint. cuius enim filiam uxorem ducere non licet, eius neque neptem permittitur. Eius uero mulieris, quam pater tuus adoptauit, filiam, non uideris impediri uxorem ducere: quia neque naturali, neque civili iure tibi coniungitur.

C

SED NEC NEPTEM.) Enunc. I. Fratris nec filiam, nec neptem in uxorem ducere permittitur. l. sororis. 39. de rit. nupt. ubi Paulus ait, ne sororis quidem proneptem a me posse uxorem duci: ac ne ullum quidem ex eius posteris: quoniam nobis liberorum loco sunt, nos eis parentum.

QVAMVIS QVARTO GRADU SINT.) Eodem modo Caius l. per adoptionem. 12. §. 1. D. eod. Magnam quoque amitam, inquit, & materteram magnam prohibemur uxorem ducere, quamuis quarto gradu sint. Quod uerbum non sine aliqua magna causa positum uidetur, quæ nobis tamen ignota est. Oportet autem ius fuisse per uulgatum & notissimum, quod quarto ex gradu accersere uxorem permetteret: cum id ius de gradibus æqualibus, nempe consobrinorum, intelligeretur. Videtur autem hoc ius & per uulgatum fuisse, & solis moribus constituisse: cum Paulus in d. l. sororis, ita scribat: Si quis ex his quas moribus prohibemur uxores ducere, duxerit, incestum dicitur committere. Et Cornel. Tacitus lib. 12. ubi de Claudij & Agrippinæ nuptijs loquitur: At enim, inquit, noua nobis in fratrum filias coniugia, sed alijs gentibus solennia, nec lege ulla prohibita. Sic Ulpianus cap. Institut. 5. Inter cognatos, inquit, ex transuerso gradu olim quidem usque ad quartum gradum matrimonia contrahi non poterant.

CVIUS ENIM FILIAM.) Omnes enim liberorum numero sunt. Atque hoc est, quod ait Caius in l. nuptiæ. 52. D. de rit. nupt. Nuptiæ consistere non possunt inter eas personas, quæ in numero parentum liberorum uel sunt, siue propinæ, siue ulterius gradus sint, usque ad infinitum. Neque ulla ratio est dubitare, an de amitæ filia hæc regula intelligi, & Iustinianus, quasi non satis apte locutus, in calumniam uocari possit. Neque enim Latini sermonis consuetudo patitur, ut qui suum nomen habent, aliorum filij nominentur. Quis enim unquam ita locutus est, ut pro fratre aut sorore, diceret patris filius aut filia?

EIVS NEQUE NEPTEM PERMITTITVR.) Sequitur II. Nuptiæ cum ijs qui liberorum locum obtinent, intere



neut, interdicta sunt. d. l. nuptiae. 12. & l. sororis. de rit. nupt. Cuius legis rationem inuestiganti animaduertere licebit, naturae ordine absurdum esse, unam eandemque personam duo uel cognationis uel affinitatis nomina gerere: ueluti si frater sororem duceret, ipsa sua suis liberis & amita & mater esset, ipse uero & pater & auunculus. Si patris fratris filiam uxorem duceret, ipse suis liberis & pater & consobrinus esset, ipsa & mater & consobrina. Patruus enim liberi, fratres patruales appellantur. Atque hoc ipsum est quod scribit Catullus ad Aufilenam, quae se patruo subiebat suo:

Aufilena uiro contentam uiuere solo,  
Nuptiarum una est è laudibus eximjis.  
Sed cuius quamuis potius succumbere fas est,  
Quam matrem fratres efficere ex patruo.

Aufilena namque liberi, & filij & fratres, patruales fuissent. Ipse uero & pater & patruus magnus. Reperio etiam in epigrammatis urbis Romae, eiusdemmodi flagitij mentionem in epitaphio, quod subscribam:

Semicapri quicumque subis sacra Fauni,  
Hæc lege Romana uerba notata manu.  
Hæc soror, hæc genitrix, hæc mihi sponsa fuit.  
Ficta putas, frontem trahis, ac ænigmata sphinges  
Credis? sunt Pythio uera magis tripode.  
Me pater è nata genuit, mihi iungitur illa:  
Sic soror & coniunx, sic fuit illa parens.

Cautionem igitur Iurisperiti Romani, morum istorum auctores, adhibuerunt, ne in matrimonijs contrahendis cognationum nomina confunderentur, atque adeo ipsarum affinitatum. Quod ipsum in patruus nuptijs, de quibus hic agimus, usuueniret. Nam ipse suo fratri (qui suae uxoris pater est) & frater & gener esset. Absurde, cum frater pari gradu ac dignitate sit: gener uero suo socero filij loco ac numero. ipsa uero patri suo & filia, & fratria. pater ipsi filiae, & pater & leuir: quibus confusionibus ordo naturae, & reuerentia quam liberi suis parentibus, generi suis soceris debent, peruertitur. Hanc autem legem de fratris sororis filia, florente Repub. Romani perceptiua conseruauerunt: quemadmodum, uel ex illo Catulli uersu intelligitur, uel ex eo quod Corn. Tacitus lib. 12. Pactum, inquit, inter Claudium & Agrippinam matrimonium, iam fama, iam amore illicito firmabatur: necdum celebrare solennia nuptiarum audebant, nullo exemplo deducta in domum patruus fratris filia. quin & incestum, ac si sperneretur, ac in malum publicum erumperet, metuebatur. Et Suetonius de eodem: Verum illecebris Agrippinae, Germanici fratris sui filiae, per ius osculi & blanditiarum occasione pellectus in amorem, subornauit proximo senatu, qui censerent cogendum se ad ducendum eam uxorem, quasi Reipub. maxime interesset: dandamque ceteris ueniam talium coniugiorum, quae ad id tempus incesta habebantur. ac uix uno interposito die, confecit nuptias, non reperiis quisequerentur exemplum, &c. Quos locos eo libentius adscripsi, quia nobis aditum ad Vlpianum intelligendum patefaciunt, qui capite Instit. 5. sic scripsit: Inter cognatos autem ex transuerso gradu, olim quidem usque, ad quartum gradum, matrimonia contrahi non poterant. nunc autem etiam ex tertio gradu licet uxorem ducere: si tamen fratris filia, non etiam sororis filia, aut amita, uel matertera, quamuis eodem gradu sit. Cuius loci sententiam hanc esse arbitror, ut propter illud Vitellianum S. C. in Claudij gratiam factum, ius quidem iussit fratrum filias ducere: de sororum uero filijs ius antiquum mansisset, utpote de quo in S. C. facta nominatim mentio non esset. Et profecto ita est, ut apud Papin. in l. miles. ii. §. 1. & l. si adulterium. 38. §. 1. D. de adult. & apud Paulum in l. sororis. 39. & Vlpian. l. etiam. 56. de rit. nupt. ubi sororis & filiae & pronepis nuptiae damnantur, nulla de fratris filiabus litera reperiatur. Sed tamen quid Dionius respondebimus, qui Cocceium Neruam, longo ante Papinianum, Paulum, Vlpianumque tempore, testatur legem tulisse, ne fratris filiam uxorem ducere fas esset? Vtrum eam legem non tenuisse, an potius à Traiano abrogatam? cum Plutarchus in Problematis testetur, suo tempore plebiscitum de alicuius factum esse, ut iuste cum ipsa nuptiae contraherentur: & de fratrum filijs locum intelligemus? Iterum tamen posteriorum Impp. nempe Dioclet. & Max. itemque Anastasij constitutionibus eadem interdicta sunt: ut patet ex l. nemini. 17. C. de nupt. & l. ult. C. de iur. nupt. quo iure recepto scripsisse Caium suas Institutiones, uel hoc argumento cognoscitur. Videndum etiam, an satis recte Dionis locus sit conuersus. Graeca enim, ut opinor, non extant.

QVAM PATER TVVS ADOPTAVIT.) Sequitur IIII. Adoptiuae sororis filia uxor duci potest. l. si qua mihi. 12. D. eod. ubi Vlpianus hanc causam affert: Cognata enim mea non est filia eius: quia auunculus nemo fit per adoptionem. Et ea demum cognationes contrahuntur in adoptionibus, quae legitima essent: id est, quae agnatorum ius haberent. Quibus ex uerbis intelligimus, quid sit quod Iustinianus infert: quia neque naturali, neque civili iure tibi coniungitur. Nam si per adoptionem cum ijs tantum personis necessitudinem contrahimus, quae si sanguine nos contingerent, nobis agnata essent: relinquitur necessario, sororis adoptiuae filiam mihi cognatam non esse: quippe quae per uirilem sanguinem me non contingit. ob eamque causam dissimilem esse fratris filiae rationem, quam certum est agnatam esse, ideoque duci uxorem non posse. nisi forte S. C. illud Vitellianum respiciamus, de quo paulo ante commemoratum est. Pari ratione, inquit Vlpianus, & sororem patris mei adoptiui possum ducere, si non fuit eodem patre nata. nam hoc modo cognata est: at si consanguinea esset, agnata diceretur. Eodem modo accipiendum est, quod scribit Caius in l. quinciam. 55. §. 1. D. eod. Patris adoptiui mei matrem, aut materteram, aut neptem ex filio uxorem, si emancipatus fuero, ducere possum.

Consobrinae nuptiae iuste sunt: amita uero, materteraque, quamuis magna, itemque adoptiuae amita, iniuste. l. iij. & x. vij. de rit. nupt.

VI. Duorum autem fratrum uel sororum liberi, uel fratris & sororis, coniungi \* possunt. Item amitam, licet adoptiuam, ducere uxorem non licet, item nec materteram: quia parentum loco habent.



A loco habentur. Quam ratione uerum est, magnam quoque amitam, & materteram magnam, prohiberi uxorem ducere.

DVORVM AVTEM FRATRVM LIBERI.) Qui inter se fratres patruales appellantur.

VEL SORORVM LIBERI.) Qui proprie Consobrini uocantur, quasi consororini, inquit Paulus lult. §. 8. D. de gradibus.

VEL FRATRIS ET SORORIS.) Qui uarijs nominibus appellantur. Nam fratris filius, sororis filium Amiatinum appellabit, utpote amite sue filium: ab illo uero Consobrinus appellabitur, utpote auunculi filius. tamen si Caius in l. 1. D. de gradibus, & Nonius Marcellus scribant, eos inter se amittinos appellari posse. Præterea fratris sororis uel filij Matruelem appellabit, quasi materteræ filium. ut l. 1. D. ad leg. Pomp. de parricid.

CONIUNGI POSSVNT.) Enunciatio I. Patruales, matruales, amittini, consobrini, iustas inter se nuptias contrahunt. l. 3. D. de ritu nupt. Quod nostrorum quidem Iuriconsultorum, & multo superiore seculo peruulgatum erat: ut patet ex l. 18. §. 7. D. ad S. C. Treb. & l. 23. & 24. de condit. instit. & l. 3. de rit. nupt. Item ex Cluentiana Ciceronis, in qua de Cluentij sorore meminit, quam Melino consobrino suo nupsisse testatur. Sed & Brutus, auctore Plutarcho, Catonis auunculi sui filiam in uxorem duxit. Antoninus uero philosophus Anniam Faustinam consobrinam suam duxit, auctore Capitolino. Cornelius tamen Tacitus libro duodecimo, consobrinorum diu ignota matrimonia fuisse scribit: sed addito tempore, percrebuisse. nam ubi SOBRIINARVM legitur, Consobrinarum reponendum arbitror. Quin & aliquot post seculis, Theodosius Imperator easdem nuptias prohibuit, ut patet ex l. 1. si nupt. ex rescript. pet. in Cod. Theodof. Arcady autem duæ contrariæ reperiuntur constitutiones: una in l. celebrandis. C. de nuptijs, ubi consobrinorum nuptiæ permittuntur: altera in l. 2. de incest. nupt. in Cod. Theodof. Neque dubium est, quin Caius earum quæ extant Institutionum auctor, eorum Imperatorum tempore scripserit, à quibus hæc erant uetita matrimonia. nam ita scribit: Fratres amittinos uel consobrinos, matrimonio iungi nulla ratione permittitur. Quinetiam Tigurinus liber manuscriptus negationem habet hoc loco: CONIUNGI NON POSSVNT: quæ tamen in altero quodam codice deleta est. Theophilus autem eam omnino retinet: atque, ut uerum dicamus, non ster hic locus ita scriptus à Iustiniano est, ut series orationis negationem potius flagitare, quam repudiare uideatur.

ITEM AMITAM.) Sequitur II. Amitam ne adoptiuam quidem uxorem ducere permittitur. l. per adoptionem. 17. §. 1. D. cod. superius autem de Titio, & ijs qui ei quasi liberi sunt, id est de fratrum sororumque nuptijs explicauit. nunc de Titio & ijs qui ei parentum numero sunt, disputare instituit. Hic autem locus ita intelligendus est, quasi dixisset: nec Titio amitæ materteram licet uxorem ducere, nec Titie patruo auunculoque nubere. Huius autem rei ratio quædam superius à nobis excogitata & tradita est. Nunc alteram exponemus. Satis constat, Patruos ita dictos esse, quasi alteri patres sint: seueriusque fratrum suorum liberos, quam ipsos patres castigare solere. unde illud Catulli:

Gellius audierat patruum obiurgare solere,

Si quis delicias diceret aut faceret.

Item illud Horatij: — Ne sis mihi patruus oro.

Item: — Metuentes patruæ uerbera linguæ.

Et apud Persium: Cum sapimus patruos. —

Item Ciceronis in Caliana: Pertristis quidem patruus, censor, magister. Cum igitur ea reuerentia naturæ quadam lege ac præscripto patruis, amittis, auunculis & materteris debeatur: sapienter à Iuriconsultis institutum est, ut ab eorum nuptijs abstineretur, quas satis constat de pudore & reuerentia permultum detrabere.

AMITAM LICET ADOPTIVAM.) Est enim agnatarum numero, ut supra diximus. Quid uero, si emancipatus sit adoptiuus? Et cum adoptiuæ sororis nuptiæ, post emancipationem permittæ sint: probabile est idem in amitæ nuptijs permittum esse.

C ITEM NEC MATERTERAM.) Sequitur III. Amitam adoptiuam ducere non licet, at materteram licet. d. l. 17. eodem. Itaque Iustinianus hoc loco non addidit, Licet adoptiuam. Hæc enim agnata non est: quare licet eam in uxorem ducere. Eandemque rationem secutus est Caius in l. per adoptionem. §. 1. D. de ritu nuptiarum. Quid ergo de patris adoptiui matertera? Nam si suam materteram, id est patris sororem licet ducere, multo magis patris materteram: hoc est, aui sororem. cum tamen aliter apud Caium constitutum legatur, in l. quinetiam. 55. §. 1. D. cod. ubi sanè AMITAM, pro Materteram legendum putarem.

Vitrici cum priuigna, nouerca cum priuigno, nurus cum socero nuptiæ prohibita sunt. l. xij. & xiiij. eodem.

VII. Adfinitatis quoque ueneratione à quarundam nuptijs abstinere necesse est: ut ecce priuignam aut nurum uxorem ducere non licet, quia utræque filia loco sunt. Quod ita scilicet accipi debet, si fuit nurus aut priuigna tua. nam si adhuc nurus tua est, id est, si adhuc nupta est filio tuo: alia ratione uxorem eam ducere non poteris, quia eadem duobus nupta esse non potest. Item, si adhuc priuigna tua est, id est, si mater eius tibi nupta est: ideo eam uxorem ducere non poteris, quia duas uxores eodem tempore habere non licet. Socrum quoque, & nouercam, prohibitum est uxorem ducere: quia matris loco sunt. Quod & ipsum dissoluta demum adfinitate procedit. alioquin si adhuc nouerca est, id est, si adhuc patri tuo nupta est, communi iure impeditur tibi nubere: quia eadem duobus nupta esse non potest. Item, si adhuc focrus est, id est, si adhuc filia eius tibi nupta est: ideo impediuntur nuptiæ, quia duas uxores habere non potes.

AFFINITATIS QVOQUE.) Affinitas, est ius quoddam inter unum coniugem, & alterius cognatos institutum. ueluti, ne Simoni Glycerium, filij sui quondam uxorem, in matrimonio habere liceat: ne Pamphilus cogatur testimonium in Chremetem, suum focerum, dicere. l. 4. D. de testib.



**PRIVIGNAM AVT NVRVM.)** Id est: uirtrico suam priuignam, socero suam nurum ducere non licet. **A**  
**VTRAEQVE FILIAE LOCO SVNT.)** Enunciatio I. Priuigna & nurus, gener & priuignus liberorum locum obtinent. l. si qua mihi. 12. D. de ritu nupt. Obtinent autem apud uirtricum & nouercam, socerum & socram. Quod autem de ijs dicitur, idem quoque de propriuigna & pronuru, prognero & propriuigno intelligendum est, eorumque successoribus. l. adoptiuis. 14. §. 3. D. de rit. nupt.

**QVIA VTRAEQVE FILIAE.)** Sequitur II. Qui propter affinitatem, parentum liberorumque locum obtinent, coniungi matrimonio non possunt. d. l. 4. §. 5. D. de gradibus. & l. nuptiae. D. de rit. nupt.

**EADEM DVOBVS NVPTA ESSE NON POTEST.)** Sequitur III. Binis nuptiis eodem tempore constitutis habere non licet. l. 1. D. qui not. inf. l. 2. C. de incest. nupt. l. cum qui. C. de adult.

**QVIA MATRIS LOCO SVNT.)** Sequitur IIII. Socer & socrus, uirtricus & nouerca, parentum locum obtinent. l. quia parentis. D. solut. matrimon. & l. adoptiuis. 14. de rit. nupt. obtinent autem apud generum & nurum, priuignum & priuignam.

**DISSOLVTA DEMVM AFFINITATE.)** Id est, nuptijs, quae affinitatis causa sunt, aut morte, aut diuortio dissolutis, nam cum affinitatis causa sit in nuptijs, ut scribit Modestinus in l. 4. de gradibus: relinquuntur, ijs sublati, affinitatem quoque interire. Itaque Cicero in Sextiana: Ademit, inquit, Albino soceri nomen mors filiae. Cui tamen loco alius aduersari in Quintiana uidetur, ubi sic idem scribit: Affinitatem liberis uiuis diuelli nullo modo posse: cum tamen ex Albini filia duo liberi superessent. Verum hoc ita intelligendum est, ut mortua persona per quam affinitas contracta est, affinitatis quidem nomen intereat: sed quandiu liberi ex eo matrimonio manebunt, tandiu ius affinitatis permaneat.

*Nuptiae inter compriuignos, etiam natis ex parentum suorum matrimonio liberis, recte contrahuntur. l. xxxiii. D. de rit. nupt.* **B**

**VIII. Mariti uero filius ex alia uxore, & uxoris filia ex alio marito, uel contra, matrimonium recte contrahunt: licet habeant fratrem fororemue, ex matrimonio postea contracto natos.**

**MATRIMONIUM RECTE CONTRAHUNT.)** Enunciatio I. Nuptiae inter compriuignos iure contrahuntur. l. generali. 34. §. 2. D. de rit. nupt. & l. filia quae. 134. de uerb. oblig. quippe quum affines non sint. Nam affinitatis extrema duo sunt, quibus quasi terminis continetur: prius, alter ex coniugibus; posterius, alterius coniugis cognati. Extra hos, affines plane nulli sunt. itaque mariti cognati, uxoris cognatis affines non sunt: ut in libello de gradibus affines exposuimus. Quae quum ita sint, hoc quoque uicissim contraria ratione disputari poterit: primum, mariti patrem & uxoris matrem matrimonium iure contrahere: quippe cum inter se affinitate nulla deuieti sint. Deinde, eundem eidem posse & uirtricum & socerum esse. Item illud, eundem eidem posse & priuignum & generum esse. Nam eo casu quem Imperator proposuit, si mariti filius uxoris filiam uxorem ducat, uxor quae filio nouerca erat, socrus efficietur: maritus uero qui filiae uirtricus erat, socer. Vicissim autem in eo casu qui huic reciprocatur, si mariti pater uxoris matrem sibi matrimonio coniungat, qui socer erat, uirtricus efficietur: quae uero socrus, nouerca: & uicissim, qui gener erat, priuignus: quae nurus erat, priuigna etiam appellabitur. Quod cum ordine naturae nullo modo pugnat, neque enim absurdum est, ut quis duabus de causis parentis aut filij locum ac nomen obtineat. Sed utrum idem eidem socer & gener, uel uirtricus uel priuignus, uel socer & priuignus, uirtricus & gener esse possit, quaestio est neque homine studio indigna, & cum instituta disputatione ualde consentiens. Arbitror autem eundem, contrariam & confusam harum inter se affinitatum rationem considerans, honestius fore, ab istiusmodi nuptijs abstinere: ne idem & parentis & filij locum ac nomen apud eundem, & eodem tempore absurde obtineat.

**LICET HABEANT FRATREM.)** Sequitur II. Natus ex consocerorum matrimonio filius, etsi compriuignus communis frater sit, eos tamen inter se nec cognatos nec affines facit. d. l. generali. de rit. nupt. Quod eodem modo reciprocatur, ut superius diximus: nimirum ut natus ex compriuignorum matrimonio filius, etsi consoceris communis sit nepos, eos tamen inter se nec cognatos, nec affines faciat. Hoc subtiliter ita disputatur: cum prima specie puer ex isto matrimonio susceptus, quia utriusque uere ac naturaliter cognatus est, aliquam inter illos affinitatem parere uideatur. **C**

*Cum uxoris dimissa filia, item filij patrisque sponsa, nuptiae iniuste sunt. l. xij. D. de rit. nupt.*

**IX. Sed si uxor tua post diuortium ex alio filiam procreauerit: haec non est quidem priuigna tua: sed Iulianus ab huiusmodi nuptijs abstinere debere ait, nam nec sponsam filij, nurum esse: neque sponsam patris, nouercam, rectius tamen ex iure facturos eos, qui ab huiusmodi nuptijs se abstinerint.**

**NON EST QUIDEM PRIVIGNA TVA.)** Priuignus dictus (inquit Festus) quod prius quam mater se cundo nuberet, est genitus. PRI enim ueteres pro pra dixerunt. Hac ille. Verum quid VIGNVS significat? Videndum erit, an ex PRIVS & GENITVS concretum uocabulum sit: ut περὶ γυναικός apud Graecos, cum initio Priuignus, post suauitatis causa litera I interiecta, priuignus sit appellatus. Est igitur haec Iustiniani ratio ex uerbi notatione deprompta.

**SED IULIANVS.)** Enunciatio I. Eorum qui proprie affines non sunt, non legibus, sed iurisconsultorum disputatione nuptiae prohibentur. d. l. 12. & 14. §. 2. de rit. nupt. ubi Paulus: Quidam, inquit, nouercam per se patris uxorem, & nurum filij uxorem, & priuignam uxoris ex alio marito filiam intelligunt. Sed quod ad hanc causam, uerius est, nec aui uxorem, nec proau duci posse. Quibus ex uerbis apparet, hoc ius incertum adhuc ac dubium fuisse: multo uero magis de illius nuptijs quae ex uxore dimissa nata est. Apparet enim Iulianum, primum omnium hoc ius, quippe iurisconsultum, in ciuitate constituisse.

**NAM CONSTAT.)** Disputat ex comparatione minoris, hoc est eius quod minus conuenire posse uidebatur. Et profecto ita est, ut mihi multo minor sit cum filij mei sponsa, quam cum illa quasi priuigna, necessitudo. Eam enim filius meus







VNDE SOLENT SPVRII APPELLARI.) Sequitur IIII. Spurij dicuntur, qui ex iniusto concubitu nati sunt. dicta l. uulgo quæsi. & l. diui. 25. D. de captiu. Hunc autem locum antea mutilum, duorum librorum adiumento correxi, quorum uterq; tamen Theophili subsidio indigebat. Sic igitur restitui: Vnde solent spurij appellari, uel à Græca uoce, *σπαράλιν* concepti: uel quasi S. P. id est, sine patre filij. Plutarchus autem in Problem. hac de re ita scribit: Spurius apud Romanos primum est nomen: ueluti Sextus, Decimus, Caius. Prima autem nomina illi non integrè scribunt: sed uel una litera, ut T. Titum: uel duabus, ut Cn. Cneium: uel tribus, ut Sex. Sextum, & Ser. Seruium. Similiter Sp. scribebatur: eos uero qui sine patre erant, qui *ἀπάτρως* Græcè dicuntur, S. & P. notabant: quasi sine patre. Hinc error natus, ut spurij sine patre dicerentur.

NEC DOTIS EXACTIONI.) Sequitur V. Quod dotis ob iniustum coniugium datum est, fisco adjudicatur. l. cum hic status. §. ult. D. de don. int. uir. & ux. l. qui contra. C. de inc. nupt. Sic autè hunc locum restitui: cum antea NEC DOTIS NEC DONATIONIS legeretur: quod & manuscripti & Theophili libri repudiant.

*Filius ex ea cum qua connubij ius erat susceptus, si uel decurio fuit, uel eius parentes matrimonium literis publicis consignent: patriæ potestati subijcitur. l. x. C. de natur. lib.*

XII. Aliquando autem euenit, ut liberi, qui statim, ut nati sunt, in potestate parentum non sunt, postea in potestatem parentum redigantur. qualis est is, qui dum naturalis fuerat, postea curiæ datus, potestati patris subijcitur. nec non is, qui à muliere libera procreatus, cuius matrimonium minimè legibus interdictum fuerat, sed ad quam pater consuetudinem habuerat, postea ex nostra constitutione dotalibus instrumentis compositis, in potestate patris efficitur. Quod etsi alij liberi nulli ex eodem matrimonio postea fuerint procreati, similiter nostra præbuit constitutio.

QVI DVM NATURALIS FVERAT.) Enunciatio I. Nati ex parentibus non coniugatis, naturales filij appellantur. toto tract. C. de natur. lib. eodemq; modo Modestinus in l. 4. de grad. cognationem naturalem appellat, quæ ex iniusto concubitu quæsitæ est. Quod quemadmodum intelligi debeat, & qua de causa locutio hæc à iurisconsultis usurpetur, copiosè in Commentario uerborum iuris exposuimus.

POSTEA CVRIÆ DATVS.) Curia in municipijs & colonijs dicitur, quæ Romæ Senatus: & Decuriones, qui Senatores: ut alibi docuimus. Curiales tamen in Imp. constitutionibus uulgo appellantur. Curia igitur datus, id est in curiam cooptatus, Decurio siue Curialis factus. l. communium. 9. C. de nat. liber.

POTESTATI PATRIS SVBIICITVR.) Sequitur II. Decurionatus spurio legitimi filij ius tribuit. l. di. ui. & l. cum quis. C. eodem. Hoc autem propter Decurionum penuriam institutum esse oportet. Verum quid in sexmina sequendum erit? Et ratio eadem lege tradita est, ut si naturalis filia curiali uxor detur, ius filiafam. adipiscatur.

NEC NON IS QVI A MULIERE LIBERA.) Sequitur III. Parentum matrimonium, liberis antea susceptis, iustorum liberorum ius tribuit. l. cum quis. & l. nuper. C. eod.

DOTALIBVS INSTRVMENTIS.) Id est, nuptialibus: ut in dicta Iustiniani constitutione nominantur. Itaque non necesse fuit arbitror, ut dos constitueretur, sine qua ualet matrimonium: sed ut matrimonium publicis literis consignaretur.

QVOD ET ALIIS LIBERIS, QVI EX EODEM.) Hoc ridiculum fuit adscribere, cum sua sponte satis intelligatur. Veteres libri, QVOD SI ALII qui ex eodem. Ego contra omnium auctoritatem restituo, QVOD ET SI ALII LIBERI NVLLI EX EODEM: ut casum significet, de quo constituit in d. l. nuper. C. eodem tit. nimirum, ut quamuis liberi ex matrimonio contracto nulli suscepti sint, (quod ex uerbis superioris legis requiri sanè uidebatur) nihilominus tamen filiorumfam. ius adipiscantur, de suo statu incerti sint.

## DE ADOPTIONIBVS.

### TITVLVS XI.

*Patria potestas etiam in alienis acquiritur: cum aut paterfam. per principem, aut filius famil. per magistratum ab extraneo in ius locumq; filijfamil. asciscitur.*

*l. 2. D. eodem.*

I. Non solum autem naturales liberi, secundum ea quæ diximus, in potestate nostra sunt, uerum etiam ij quos adoptamus. Adoptio autem duobus modis fit: aut principali rescripto, aut Imperio magistratus. Imperatoris auctoritate adoptare quis potest eos eas ue, qui quæ ue sui iuris sunt: quæ species adoptionis dicitur Adrogatio. Imperio magistratus adoptare licet eos eas ue, qui quæ ue in potestate parentum sunt: siue primum gradum liberorum obtinent, qualis est filius, filia: siue inferiorem, qualis est nepos, neptis, pronepos, proneptis.

NON SOLVM AVTEM.) Enunciatio I. Filijfam. non tantum natura, sed & per adoptionem fiunt. l. 1. D. eod. Sumptus autem locus hic ex Vlpiani Institut. uidetur, apud quem ita scriptum est: Non tantum naturales liberi in potestate parentum sunt, sed etiam adoptiui. Quibus ex uerbis concipi hæc possit definitio: Adoptio, est actio legis, siue (ut nunc loquimur) actus legitimus, per quem extraneus in alienam familiam iusq; filijfamil. cooptatur. Dixi actus legitimus, Papinianum imitatus



- A** imitatus in l. 77. de reg. iur. quia non moribus, sed lege XII. Tabularum institutus est: quocirca apud eum duntaxat magistratum potest transigi, apud quem legis actio est, ut paulo post dicemus: hoc est, apud quem actiones siue actus lege XII. institutos transigi ius est. Dixi **EXTRANEVS**, eum significans qui agnatus non est, siue plane sit alienus, siue etiam cognatus: ueluti, filius emancipatus, aut eius liberi. nam emancipatus pro extraneo numeratur. §. 3. infra de exhered. lib. Dixi, **in ius filijfam.** quia nullius alterius cognationis ius queri per adoptionem potest: itaq; adoptio in fratrem, aut patrum, aut auunculum, nullius momenti est. l. nec apud. 7. C. de hered. instit. Ius autem istud tribus in rebus positum est: in hereditate nominis, pecunia, & sacrorum: uti Cicero in Orat. pro domo sua declarat. Nam qui adoptabatur, adoptiui patris sui & prænomen, & nomen & cognomen sic assumebat, ut suum duntaxat nomen, idq; inflexum atq; immutatum retineret: quemadmodum a Dione in lib. 40. & 46. traditum est. Itaq; qui C. Octavius dicebatur, postquam a Iulio Cesare adoptatus est, uocari coepit, C. Iulius Caesar Octavianus: qui T. Pomponius, Q. Caelius Pomponianus: qui L. Aemilius, P. Cornelius Scipio Aemilianus. De pecunia autem ex eo constat, quia suus agnascatur patri adoptiui. l. qui in adoptionem. 23. D. de adopt. & l. 1. D. de suis & legit. Itaq; Appianus libr. De bell. ciuil. 3. *Επινοῦται δ' οὗτος ὁ νόμος ὅτι ὁ υἱὸς τοῦ ἀνελκόμενου, καὶ αὐτὸς ἀναλίσσεται καὶ τὸ ὄνομα τοῦ ἀνελκόμενου, καὶ τὸ γένος, καὶ τὰς ἐκκλησίας, καὶ τὰς ἀρχαίας, καὶ τὰς ἀρχαίας, καὶ τὰς ἀρχαίας.* Commodissima hæc apud Romanos ratio est, orbos parentibus hæredes faciendi: quiq; ita sunt adoptati, ius apud agnatos & liberos adoptiuorum patrum idem habent, quod naturales liberi. De sacris uero Cicero in lib. de Legib. 11. & Orat. pro domo sua, multa testatur. quod etiam illud Vlpiani pertinet in l. 1. §. interdum. D. de suis & legit. ubi cum dixisset filium eius qui post mortem suam perduellionis damnatus est, iure sui excludi: hoc quod inquit, ut ne iura sepulchrorum hic filius habeat. Non esse autem æquum, ex adoptione nihil ad aliquem præter nomen peruenire, Cicero docet lib. de Offic. 3. his uerbis: Sed cum Basilius M. Satirius, sororis filium, nomen suum ferre uoluisset, eumq; fecisset hæredem, non erat æquum Principes ciuitatis rem habere, ad Satirium nihil præter nomen peruenire. Atq; hæc quidem hætenus. Caius autem adoptionem hoc modo in Institutionibus definit:
- B** Adoptio, est naturæ similitudo, ut aliquis filium habere possit, quem non generauit. Vnde intelligitur, adoptare idem esse, quod optione facta deligere, atq; in familiam suam asciscere. quemadmodum cooptari in Senatum dicebantur, qui delecti a Censoribus in Senatorum numerum referebantur.

**QVI QVÆVE SVI IVRIS SVNT.)** Sequitur II. Imperatoris auctoritate ij soli, qui sui iuris sunt, adoptantur, eaq; arrogatio uocatur. l. 3. D. eod. Quod ut intelligatur, illud scire oportet, stante Republ. moris fuisse, ut comitibus curiatis Tribunus pleb. legem ferret: Velitis iubeatis Quirites, uti L. Valerius L. Titio tam iure legeq; filius fiet, quam si ex eo patre matreq; familiæ eius natus esset: utiq; ei uitæ necisq; in eum potestas fiet, uti patri endo filio est. Hoc ita ut dixi, ita uos Quirites rogo. Sic enim locum illum apud Gellium legendum, non autem **PARIENDO**, nos ante triennium publica in schola nostra professi sumus. Locus est autem libri 5. cap. 19. nam & Cicero in Oratione pro domo sua sic locutus est, ut paulo post intelligatur. His porro comitijs Pontifices aderant, qui arrogationis causis ex iure Pontificio cognoscebant: quæ admodum idem in eadem Oratione denunciat. Et quia genus hoc in alienam familiam immigrandi, per populi rogationem fiebat, Arrogatio hæc dicta est: ut inquit Gellius. Caius autem in l. 2. D. de adopt. Quæ species adoptionis (inquit) dicitur Arrogatio: quia & is qui adoptat rogatur, id est interrogatur, an uelit eum quæ adoptaturus sit, ius sibi filium esse: & is qui adoptatur, rogatur an id fieri patiat. Quod & alter Caius totidem ferè uerbis in suis Institutionibus exponit. Et profecto ita est, ut si arrogatio propterea dicenda hæc esset, quia populus rogabatur: omnes quæ rogabantur leges, Arrogationes appellandæ essent. Quare propterea dici hanc arrogationem putarem, quia secundum populi rogationem altera interponeretur: quoniam is scilicet de quo agebatur, rogabatur auctoritate fieret, ut in alterius potestatem transfret? Cicero pro Domo sua: Sed cum hoc iuris à maioribus proditum sit, ut nemo ciuis Romanus aut libertatem, aut ciuitatem amittere possit, nisi ipse auctor factus sit: quod tu ipse potuisti in tua causa discere: credo enim (quanquam in illa adoptione legitime factum est: nobile tamen te esse interrogat, auctoritate esses, ut in te P. Fonteius uitæ necisq; potestatem haberet, ut in filio. Hæc ille. Præterea quemadmodum uterq; Caius testatur, pater quoq; interrogabatur: ut facile appareat, Arrogationem inde dictam esse, quod ad populi rogationem usitatam, adhiberi aliæ præterea solerent. Eaq; in re uideo positum hoc uerbum à Marciano in l. 4. D. de pæn. In insulam relegato, inquit, deportationis: in insulam deportato, pænæ capitis adrogatur. Verum hæc hætenus. ex quibus, uerbi huius uim atq; originem licet intelligere. Quod autem Iustinianus ait, Principali rescripto: manifestò declarat, sublatis populi Romani institutis, facultatem quæ ab eo petebatur, à Caesaribus peti oportuisse. quod Imperatores Diocletianus & Maximin. in l. 2. C. de adopt. apertius his uerbis demonstrant: Arrogatio, inquiunt, ex indulgentia principali facta, perinde ualet apud Prætorem uel præsidem intimata, ac si per populum iure aliquo facta esset. Verum quo tempore immutari hæc cæpta sint, queri potest. Nam translato ad Tiberium imperio, lataq; lege Regia, simul hæc obsoleta esse mihi non sit uerisimile: cum Vlpianus in Institutionibus subinde per populum fieri arrogationem scribat. & hoc ad præteritum, arrogationem Romæ tantum fieri ascribat: utpote ubi comitiarum imago quædam representari posset. Quapropter Diocletiani, aut alterius paulò superioris Caesaris imperio id factum esse, potius arbitrarer: quod etiam ipsius uerba paulo ante prolata non obscure significare uideri possunt.

**EOS QVI SVI IVRIS SVNT.)** Sic Gellius: Arrogantur ij, qui cum sui iuris sint, in alienam sese potestatem tradunt, eiusq; rei ipsi auctores fiunt. uerum de ijs qui testamento adoptantur, quid dicemus? Nam Appianus lib. de Bell. ciuil. 3. scribit, Octavianum Iulij Caesaris testamento adoptatum, primum apud Prætorem urbis dixisse, *Ἀνελκόμενός εἰμι καὶ τὸν πατέρα καὶ τὸν γένος, καὶ τὰς ἐκκλησίας, καὶ τὰς ἀρχαίας, καὶ τὰς ἀρχαίας.* Id est: Sese Caesaris adoptionem accipere. morem enim quendam apud Romanos fuisse, adoptiones fieri apud Prætores. Deinde uerò lege Curiata sese rursus in patris Iulij familiam ac nomen immeruisse. Quod, inquit, iccirco opinor opus factum fuisse, quia Caesar multos liberos, eosq; locupletes reliquerat. Hæc Appianus: cui tamen ne assentiar, multa obstant: sed in primis, quod arrogabatur Octavius, quippe & patre orbis, & iam pubes: ut illam Prætoris accessionem non ad comprobendam arrogationem, sed potius ad hereditatis aditionem, de qua Suetonius loquitur, & quæ in iure fieri debebat, pertinuisse existimem.

**IMPERIO MAGISTRATVS.)** Sequitur III. Magistratus Imperio ij soli qui in parentis potestate sunt, adoptantur. l. 4. D. eod. Magistratum autem oportet esse, apud quem legis actio est, ut & Gellius & Modestinus in d. l. 4. scribunt. id



bunt. id est, apud quem ea omnia licet agere, quæ lege ulla populi Romani apud magistratum fieri iubentur. Quæ uerò ratio. A  
ne hæc fieret adoptio, Gellius his demonstrat uerbis: Adoptantur autem, cum à parente, in cuius potestate sunt, tertia mancipa  
tione in iure ceduntur, atq; ab eo qui adoptat, apud eum apud quem legis actio est, iudicantur. Quæ quemadmodum intelli  
genda sunt, Vlpianus capite Institutionum decimonono demonstrat. Hinc adoptio per æs & libram, apud Suetonium in Aus  
gusto: quia pater adoptiuus ter à naturali filium emebat, numumq; ei quasi precij loco dicis causa dabat: ut ex l. ii. C. hoc titu.  
planius intelligitur. Caium (inquit Suetonius) & Lucium adoptauit domi, per æs & libram emptos à patre Agrippa. Atque  
hæc quidem ita se habent. Nunc triplex adoptionis & arrogationis obseruabitur differentia. nam illa ad filios jam, hæc ad pa  
tres jam, pertinebat: illa apud magistratum, hæc apud populum: illa in iure, hæc curiatis comitijs fieri solebat.

Hodie adoptio ius naturalis agnationis non extinguunt, nisi nepos ab auo, uel  
pronepos à proauo sit adoptatus. l. penult. C.  
de adoptionibus.

II. Sed hodie ex nostra constitutione, cum filius familiæ à patre naturali extraneæ personæ  
in adoptionem datur, iura patris naturalis minime dissoluntur: nec quidquam ad patrem adopti  
uum transit, nec in potestate eius est, licet ab intestato iura successionis ei à nobis tributa sint. Si  
uerò pater naturalis non extraneo, sed auo filij sui materno, uel si ipse pater naturalis fuerit emā  
cipatus, etiam auo paterno, uel proauo simili modo paterno uel materno filium suum dederit in  
adoptionem: in hoc casu, quia concurrunt in unam personam & naturalia & adoptionis iura, ma  
net itabile ius patris adoptiui, & naturali uinculo copulatum, & legitimo adoptionis nodo con  
strictum, ut & in familia, & in potestate huiusmodi patris adoptiui sit. B

EX NOSTRA CONSTITVTIONE.) In l. pen. C. eod.

EXTRANEÆ PERSONÆ.) Id est, cuius in potestate non sit. Itaq; patruus, auunculus, ceteri si adoptet, hoc  
eodem extranei iure continentur: ut paulo post intelligitur.

IVRA PATRIS NATVRALIS MINIME DISSOLVVTVR.) Enunciatio I. Olim quæuis  
adoptio ius naturalis agnationis extinguerebat, nouumq; in adoptiua familia constituerebat. l. qui in adoptionem, 24. l. si is qui.  
44. D. eodem tit. Quapropter ius uita & necis, ius uindicandi per filium quæsitæ, & similia permulta in patrem adoptiuum  
transibant. l. si paterfam. 15. D. eod. ac licet ius succedendi patri, & proximis agnatis naturalis familiæ in adoptiuum transfe  
rebat: sic ut naturali patri aut fratri non succederet, sed adoptiuo patri, eiusq; omnibus agnatis. Quæ de causâ mirari ali  
quis possit, quid sit, quod L. Manlius Torquatus, qui filium suum D. Silanum in adoptionem emanciparat; tamen cum à Mace  
donum legatis repetundarum postularetur, ipse domi causam eum iussit dicere: & re ex utraq; parte biduum audita, tertio  
die pronunciauit: Cum Silanum filium meum pecunias à socijs accepisse mihi probatum sit, & re & domo mea indignum  
iudico, protinusq; e conspectu meo abire iubeo: quemadmodum Valerius Maximus libro quinto, & Cicero de Finibus pri  
mo testantur.

MINIME DISSOLVVTVR.) Quemadmodum antiquo iure fiebat, ut modò exposui: uerum ex eo iure  
duo sanè non leuia consequebantur incommoda. Nam siue adoptator fortunis euerteretur, siue adoptatum emancparet, ut  
troq; hic patrimonio fraudabatur, nisi fortè à naturali patre præteritus, testamentum eius tanquam inofficiosum accusare  
posset: quæ de re uarijs Iurisconsultorum opinionibus concertabatur. Placuit igitur Iustiniano, adoptatum nunquam ius illud  
agnationis naturalis amittere, nisi cum ab auo uel proauo adoptatus esset. Hoc enim casu cognationem, & (ut ita dicam) pa  
rentelam quæ à natura contigit, artius ista ratione astringi, & quodammodo geminari: coq; nihil esse incommodi, si supe  
rioris, hoc est naturalis parentelæ, quæ simplex erat, amisso iure, totus in hanc geminam & duplicem infereretur. Neque uel  
subita paupertatis, uel emancipationis spectandum esse periculum, paupertatis, quia etiam sine adoptione ad ipsum pertine  
bat emancipationis, quia si ante patris naturalis mortem ea contingeret, potestas ei fiebat in eius se familiam, tanquam in  
portum, recipiendi. Ne uerò post eius mortem contingeret, timendum non esse: partim propter auitam & proauitam affec  
tionem, quam Iustinianus negat in ulla suspitionem adducendam esse: partim propter obseruantiam, quam adoptiuus ita  
studiosè huic præstabit, ut eius erga se beneuolentiam alat & conseruet. Sic enim hæc legis uerba interpretabar: Et ad eum  
tantummodò, filius adoptiuus spem totam extendat: & auita & proauita tantummodò reuerentia protegatur: & is ei solus  
pater intelligatur, quem lex fecit, & natura non dereliquit. C

LICET AB INTESTATO.) Sequitur II. Iustiniani lege ab alio, quàm auo uel proauo adoptatus, patri na  
turali necessariò succedit: adoptiuo uerò, uel intestato, uel uolenti. dicta l. penult. & §. sed ea omnia. 13. infra de hered. quæ ab  
int. Hoc est, siue intestatus pater naturalis moriatur, ei succedit ab intestato: siue ab eo prætereatur, aut exheredetur, testamē  
tum tanquam inofficiosum accusabit.

AVO FILII MATERNO.) Sequitur III. Neq; maternus, neq; ex emancipato patre paternus auus, in sua  
potestate nepotem habet, quarum rerum alterius ratio supra reddita est, in fin. titul. de patr. potestate: alterius initio proximi  
tractatus explicabitur. Nam de auo quidem materno Suetonius exemplum edit in Augusto, quem nepotes ex filia Caium &  
Lucium, à patre Agrippa, genero suo, domi per æs & libram emptos, adoptasse narrat.

ET NATVRALIA ET ADOPTIONIS IVRA.) Sed nunquid in patruo & auunculo utraq; iura con  
currunt? Hoc loco fatendum est, Iustinianum in sua constitutione cum esset uerbosissimè & copiosissimè locutus, dimidium ta  
men eius tantum quod uoluit expressisse. Sed in d. §. sed ea omnia, rem omnem apertius & explicatius enarrat: cum ait se hac  
in lege de naturalibus parentibus locutum esse. Planius igitur hoc loco, & ut Græci dicunt, σαφὲς ὅπου, à uerbi ἀναλυσὶς ὅπου sic  
dixisset: Et naturalis & adoptiua paternitatis iura concurrent. Opus igitur patruo uel auunculo adoptatum eodem iure  
esse, quo qui ab extraneo adoptatus est.



**A** Impubes causa cognita sic arrogatur, ut de ipsius ante pubertatem mortui bonis, ijs ad quos ea res pertinet restituendus, caueatur: & si ex causa emancipetur, sua secum auferat: si absque causa, uel si exheredetur, quadrantem bonorum arrogatoris cum suis bonis obtineat. l. x. viij. & seq. D. eod.

**III.** Cum autem impubes per principale rescriptum adrogatur, causa cognita adrogatio permittitur: & exquiritur causa adrogationis an honesta sit, expeditaq; pupillo: & cum quibusda conditionibus adrogatio fit, id est, ut caueat adrogator personae publicae, hoc est tabulario, si intra pubertatem pupillus decesserit, restitutum se bona illis: qui, si adoptio facta non esset, ad successionem eius uenturi essent. Item, non aliter emancipare eum potest adrogator, nisi causa cognita, dignus emancipatione fuerit, & tunc sua bona ei reddat. Sed si decedens pater eum exheredauerit, uel uiuus sine iusta causa emancipauerit: iubetur quartam partem ei bonorum suorum relinquere, uidelicet praeter bona, quae ad patrem adoptiuum transtulit, & quorum commodum ei postea adquisiuit.

**CUM IMPUBES ARROGATUR.)** Ex Antonini Pij constitutione: ut Vlpian. Institut. cap. 8. declarat, & Paulus significat in l. ult. D. si quid in fraud. patr. Olim autem arrogari pupillus non poterat. quoniam tutoribus (ut ait Gellius) in pupillos tantam esse auctoritatem fas non est, ut caput liberum fidei suae commissum alienae ditioni subijciant. Quod cum ita sit, mirari aliquis possit, quod Plinius lib. Epist. 8. epist. 18. commemorat, de puella quadam quam a patre emancipatam, mox patrius adoptarat. Primum enim adoptari, cum in patris potestate non esset, non poterat: scemina autem puberes non arrogantur, ut Gellius & Vlpianus tradunt: nempe quia cum feminis nulla comitorum communio est. Oportet igitur ex Imperatoris indulgentia fuisse arrogatam: ut in l. nam & feminae. 21. D. de adopt. & Adoptata a Plinio dici, pro Arrogata.

**CAUSA COGNITA ARROGATIO PERMITTITUR.)** Id est: Tum demum permittitur, cum causa cognita & probata est. Causae autem, propter quas arrogatio non permittitur, ferè sunt quinque: facultates, uita, aetas, numerus liberorum, conditio personae. l. si paterfam. 15. cum duab. seq. D. eod. Hac autem cognitio a quibus exercetur: utrum a principe, an potius a praetore uel praesidis consilio? quod uerius arbitror, propter l. 2. C. de adopt. ubi ait, arrogationem a principe impetratam, apud praetorem uel praesidem intinandam: hoc est, testandam & exponendam esse. Olim autem a Pontificum collegio cognosci causa solebat. Cicero pro domo: Quae deinde causa cuique sit adoptionis, quae ratio generum ac dignitatis, quae sacrorum, quari a Pontificum collegio solet.

**ET EXQ. VIRITUR.)** Enunciatio I. In arrogatione impuberis, causae cognitio exquiritur: in adoptione uero nequaquam. Primum, quod pater pro sua in liberos caritate, satis eis per se, ac sua sponte consuluisse iudicetur: deinde, cum eos sine ullius consilio atque auctoritate uendendi potestatem habeat, multo magis in adoptionem suo solus consilio tradendi ius habere poterit.

**VT CAVEAT ARROGATOR.)** Idque satisfato: hoc est, datis fideiussoribus, ut apparet ex l. non aliter. cum 3. l. seq. eod.

**PERSONAE PVBlicae, ID EST TABVLARIO.)** Sic libri manuscripti, quos Theophili scriptura comprobant. Alioqui persona publica, magistratus appellatur: ut insi. de Attil. tut. §. nos autem.

**RESTITVTVRVM SE BONA.)** Hoc propter periculum, quod pupilli uita ab arrogatione impeditur. Duo namque cauenda in istis arrogationibus fuerunt, cum duplex ad praedandum arrogati patrimonium aditus pateret. primum, si puer a medio tolleretur: deinde, si emanciparetur. nam utroque modo illius bona lucro arrogatori cedebant. Primum igitur aditum Antoninus sit interclusit, ut arrogator impuberis, eius ante pubertatem mortui heres esse non posset: posteriorem autem, eo quem mox dicemus modo.

**ET TVNC SVA BONA EI REDDAT.)** Eaque ratione posteriorem aditum ad pueri patrimonium praedandum, Antoninus Pius interclusit. Sed mirum est quod ait, Etiam si iusta & probata de causa cum emancipet: ueluti (ait Theophilus) si patris uita sit insidiatus. Verum hoc iccirco institutum arbitror, ut omnis calumniandi occasio praecideretur. Hoc tamen casu quadrans, de quo mox dicemus, adolescenti non dabitur: uti Paulus ait in l. ult. D. si quid in fraud. patron.

**DECEDENS PATER.)** Arrogator, subaudi. **ET DECEDENS,** id est, in suo testamento: quod etsi ab insculum factum est, usque tamen ad eius ex hac uita discessum permanfit.

**IVBETVR QVARTAM PARTEM.)** Sequitur II. Impubes arrogatus, minimum quartam arrogatoris sui bonorum partem lucratur. l. si arrogator. 12. eod. Idque ex eiusdem Diui Pij constitutione, inquit Vlpian. in l. Papinianus. §. si quis impubes. 15. D. de inoff. testam. & l. 1. §. si impubere. 19. D. de collat.

**BONORVM SVORVM RELINQVERE.)** Recte RELINQVERE, ut intelligatur eam non prius deberi, quam arrogator decesserit. Itaque Vlpianus scribit in l. 1. §. si impubere. 19. D. de collat.

**AD PATREM ADOPTIVVM TRANSTVLIT.)** Id est, secum in arrogatoris familiam deportant. Hoc autem ius quam sit antiquum, non facile iudicari. Nam ex Diui Pij constitutione natum non esse, Vlpianus argumendo ostendit: qui eo quem diximus loco, de Domitio Tullo mentionem faciens, qui captatoribus suis praetermissis, adoptatam uiam suam heredem instituerat: Alij, inquit, addunt etiam, non fuisse ei liberum alio testamento mori: neque enim reliquisset opes filiae, sed reddidisset, quibus auctus per filiam fuerat. Existimarem igitur, id eo S. C. primum institutum fuisse, quod Nerone imperante factum esse, Tacitus lib. 15. testatur. Nam cum & in magistratibus & in prouincijs adipiscendis lege (ut opinor) Iulia & Papia, qui liberos haberent, orbis praerferrentur, multi comitijs aduentantibus fidelis adoptionibus filios a se secehant: quos postea, praeturas & prouincijs inter patres sortiti, statim emanciparent. Factum, inquit Tacitus, ex eo S. Consultum, ne simulata adoptio in ulla parte muneris publici inuaret, ac ne usurpandis quidem hereditatibus prodesset. Haec ibi. Usurpare autem hereditatem,



hereditatem, non pro adire dictum puto, quasi patres qui per legem Pappiam hereditates sibi relictas integras auferabant, A  
his uerbis significentur: sed usurpandis, id est, iniuria occupandis.

Neminem nisi se plena pubertate minorem, adoptare licet: in nepotis autem  
gradum etiam filium non habens, recte adoptat.

l. xv. & xxx vij. D. hoc tit.

III. Minorem natu, maiorem non posse adoptare, placet. adoptio enim naturam imitatur:  
& pro monstro est, ut maior sit filius, quam pater. Debet itaque is qui sibi filium per adoptionem  
uel arrogationem facit, plena pubertate, id est, decem & octo annis præcedere. Licet autem & in  
locum nepotis uel neptis, pronepotis uel proneptis, uel deinceps adoptare, quamuis filium quis  
non habeat.

ADOPTIO ENIM NATVRAM IMITATVR.) Enūciatio I. Adoptio est natura imitatrix. l. filio. D. de  
lib. & postu. ubi Papinianus adoptionem, natura imaginem appellat. & l. quæsitum. 4. De adopt. ubi Paulus ait, non ualere  
pactionem, ut quem tibi in adoptionem trado, eum mihi post triennium in adoptionem reddas: propterea quod filium temporalem  
habere, natura repugnat. Idem apparet ex l. 16. D. eodem. ubi Iulianus scribit, Adoptionem in ijs personis locum habere, ubi  
etiam natura potest. Itaq; Cicero in orat. pro Domo: Dico, inquit, apud Põtifikes nego istam adoptionem Pontificio iure esse fa-  
ctam: primum, quod ea uestre ætates sunt, ut is qui te adoptauit, uel tibi loco filij per ætatem esse potuerit. Item, ut hæc simulata  
susceptio filij, quam maxime ueritate illam suscipiendorum liberorum imitata esse uideatur. Sic enim in libro antiquo legebatur,  
nō ut in alijs, SIMVLATA ADOPTIO: quod uerbum glossa sine dubio redolet, quæ in principalis uerbi locū successit.

PRO MONSTRO EST VT MAIOR SIT FILIUS.) Sequitur II. Imitationem ueritati consens-  
taneam esse oportet. Nemo igitur adoptare quenquam potest, nisi quem filium ordine natura habere potuisset. B

ID EST DECEM ET OCTO ANNIS.) Sequitur III. Pubertatis anno demum ætatis octauo & de-  
cimo plena dicitur. l. arrogato. 49. §. 1. D. hoc tit. Eodemq; anno in alimentorum fauorem ab Imperatoribus definita est in l.  
meta. 14. D. de alim. & cib. leg. Et anno ætatis XIII. pubertatis incipere dicitur. Quæ quidem ætas cur non satis hæc in re  
uisa sit, si quis quærat, illam puto ratione fuisse, quod ea quæ frequentius & in ijs tō uoluntati accidunt, hæc in re considerata  
sunt. Rarius autem accidit, ut ante illam plenæ pubertatis ætatem liberi generentur.

QVAMVIS FILIUM QVIS NON HABEAT.) Sequitur IIII. Nepotem adoptitium etiam sine filio  
habere licet. l. adoptare. 33. & l. adoptiones. 43. D. illo tit. ubi Pomponius: Adoptiones, ait, non solum filiorum, sed & quasi  
nepotum fiunt, ut aliquis nepos noster esse uideatur, perinde quasi ex filio uel incerto natus sit. Quod ego interpretor, Etiam  
nullo id est, quamuis filius nullus sit. nam quod in uulgatis libris DEINCEPS legitur, absurdum est. Sed quæretur hoc lo-  
co, si ad naturæ similitudinem adoptio reuocanda est, quomodo qui filium nunquam habuit, nepotem quasi ex eo natum, ado-  
ptare poterit? Respondebitur: Hoc ad eorum similitudinem institutum esse, qui nepotem ex mortuo filio superstitem habent:  
quemadmodum ijs qui uxorem non habent, adoptare permittitur. l. qui uxor. 30. D. hoc tit. Ius autem Nepotum aliud à filio-  
rum iure fuisse, uel ex eo intelligitur, quod filius præteritus testamentum iniustum facit: nepos neq; iniustum facit, neq; rum-  
pit, sed scriptis heredibus accrescit. Vlpian. cap. Instit. 22.

Auus & nepotem ex emancipato filio, in primum gradum: & extraneum in secundum  
recte, consentiente filiofam. adoptat: nepotem uero ex filiofam. etiam  
sine patris consensu, potest in adoptionem tradere.

\*suum in V. Et tam filium alienum quis in locum nepotis adoptare potest, quam nepotem \*in locū filij.  
Sed si quis nepotis loco adoptet, uel quasi ex eo filio quem habet iam adoptatum, uel quasi ex illo  
quæ naturalē in sua potestate habet: eo casu & filius consentire debet, ne ei inuito suus hæres agna-  
scatur. sed ex contrario, si auus ex filio nepotem det in adoptionem: non est necesse filium cōsentire.

QVAM NEPOTEM IN LOCVM FILII.) Horum uerborum, si Latine lingue consuetudinem satis in-  
telligo, sensus hic est: Quomodo alieni (hoc est, non cognati mei) filium in locum nepotis adoptare possum, ita possum ea-  
ius nepotem in locum filij adoptare. Quæ sententia nihil absurdius dici potest. quid enim refert, nepos sit extranei, an pronepos  
aut abnepos? Quare Theophilus ita locum interpretatus est, ut longe obscurior sit quæstio: An uidelicet, cuius filium in nepo-  
tem adoptauit, eiusdem nepotem in filij locum adoptare possim. Quod ipse quasi ex huius loci sententia cōfirmat. Sed uideamus,  
primūne locus hic, uti Latine ab Imperatore conceptus est, hanc interpretationem non admittat: deinde ex natura (cuius imi-  
tatrix est adoptio) hanc ordinis perturbationem respuat, ut qui natura pater est, per adoptionem sit filius: quod necesse est ex  
Theophili disputatione contingere. Quare superest, ut de nepote nō extranei, sed ipsius adoptatoris locum intelligamus, eamq;  
subesse quæstionem statuamus: An auus nepotem ex emancipato filio adoptare in filij locum possit? Dubitandi enim causa est,  
quod adoptio hæc naturæ consentanea non uidetur. nam qui natura secundo gradu est, per adoptionem primo in gradu colo-  
cabitur: ut iam filius patrem suum fratrem appellet. Respondet tamen Iustinianus, id licere: propterea quod filius propter eo-  
manicipationem de medio iam sublatus atq; extinctus esse fingitur: & reuera in familia, in quam nepos adoptatur, non repe-  
ritur. Sublato autem primo, id quod deinceps sequitur, est omnium primum: ut ait Aristoteles lib. Analyt. 2. cap. 14. Quare ni-  
hil est incommodi, nepotem ex emancipato filio in primum gradum inane & uacuum succedere. Atq; hæc, meo iudicio, huius  
loci sententia est: in quo tamen post uerbum NEPOTEM, uocem SVVM inserendam putarem, ut sit, QVAM  
NEPOTEM SVVM in locum filij, nisi forte dicamus, eam iccirco Tribonianum non adieciisse, ne ambiguitatem pa-  
reret ex eo, quia SVVS in iure plerumq; dicitur, qui in potestate est: quod mihi tamen non sit uerisimile.

QVAM



**A** QVAM NEPOTEM IN LOCVM FILII.) Enunciatio I. Nepos ex emancipato filio etiam in gradum filij adoptari potest: ut suprà eod. §. 1.

QVEM HABET IAM ADOPTATVM.) Sequitur II. Licet eodem tempore & filium & nepotem adoptiuos habere.

SVVS HAERES AGNASCATVR.) Suus hæres dicitur, qui in potestate testatoris est mortis tēpore, et primū ab eo locū obtinet: ueluti filiusf. & eo mortuo, nepos ex eo. Qua de re pluribus uerbis in Comm. uerborū iuris explicauimus.

NEC EI INVITO.) Sequitur III. In nepotem consensu filijfam. adoptatus, non auo, sed patri suus agnascitur: at sine ipsius consensu adoptatus, neutri suus agnascitur. l. 10. & 11. D. hoc tit. Prioris partis ratio est, quia primum hæredis locum non obtinet, quippe iam à filiofam. occupatum. alterius autem, quia nec auo, propter eandem causam: nec patri, quia nulli inuito suus hæres agnascitur.

SVVS HAERES.) Sequitur IIII. Paterfam. inuiti sui filij familiam augere non potest. l. 6. eod. cui tamē obijci poterit, absurdum uideri, si paterfam. qui in filium suum ius uitæ & necis habet, qui eum & oppignerare & uendere & in adoptionem dare potest, ei tamen suum hæredem attribuere non possit. Sed respondebitur, hoc ea de causa constitutum esse, quia ista sui attributio confertur in tempus, quo filiusfam. erit paterfam. nimirum post aui mortem. neq. enim suus potest dici cuiusquam, nisi patrisfam. Quapropter cum dicimus, NE EI INVITO suus hæres agnascatur: hoc significamus, cum erit paterfam. Lex enim XII. Tab. sanxit, Vti paterfam. suæ rei legasset, ita ius esse. qua de re præclara est apud Tryphoninum disputatio, in l. in bello. 13. §. 3. D. de captiuis: ubi filius absente apud hostes patre, uxore sine ipsius cōsensu ducens, nepotes patri reuerso quodammodo inuito suos hæredes attribuit, sed propter publicam utilitatem.

NON EST NECESSE FILIUM.) Sequitur V. Aui nepotem suum sine filij consensu dare in adoptionem poterit. Cuius rei hæc ratio est, quia nepos ex filiofam. in aui sui potestate est. §. 2. suprà, de pat. potestate. l. sic eueniet. 21. D. de adult. ubi ait Vlpian. In sua enim potestate non uidetur habere, qui non est suæ potestatis.

**B** Et nepos adoptatus, & qui ius arrogatus alteri rectè in adoptionem datur.

VI. In plurimis autem causis adsimilatur is qui adoptatus uel adrogatus est, ei qui ex legitimo matrimonio natus est. & ideo si quis per Imperatorem, uel apud Prætorem, uel Præsidentem provinciae non extraneum adoptauerit: potest eundem in adoptionem alij dare.

ASSIMILATVR IS.) Enunciatio I. Qui adoptatur, eodem ferè iure est, quo qui ex iusto matrimonio nascitur. l. si i. qui. 44. D. eod.

NON EXTRANEVM.) Hoc eadem prudentia dixit, qua superius in §. 2. est usus, cum NEPOTEM dicere debuerit. Eam etiam præclaram suam disputationem hoc loco significat.

POTEST EVNDEM IN ADOPTIONEM.) Sequitur II. Quoquo modo adoptatus, dari in adoptionem potest. l. adoptare. 17. D. eod. Ius enim in adoptionem dandi, patriæ potestatis pars est. itaq. filium emancipatum tradere in adoptionem pater non potest.

Spadones & arrogare & adoptare possunt: castrati & fœminæ, nisi uenia ob  
liberos amissos impetrata, non possunt. l. ij. eod.

VII. Sed & illud utriusque adoptionis cōmune est, quod & ij qui generare non possunt (quales sunt spadones) adoptare possunt: castrati autem non possunt. Fœminæ quoque adoptare non possunt, quia nec naturales liberos in sua potestate habent: sed ex indulgentia Principis ad solatiū liberorum amissorum adoptare possunt.

**C** GENERARE NON POSSVNT.) Hoc obscurius à Iustiniano dictum est, aut à Caio potius, ex quo hæc descripta sunt ex l. 2. D. hoc tit. Primum, quia castrati generare non possunt: deinde, quia ius adoptionis hoc esse Cicero pro Do. mo sua declarat, ut is adoptet, qui neq. procreare iam liberos possit: & cum potuerit, sit expertus. Planius autem sic dixisset: Qui propter uitium quoddam, quod tamen sanabile est, generare non possunt. nam isto modo & castratos & sexagenarios perspicue exclusisset. De spadonibus autem & castratis, quia copiose in Commentario uerborum iuris explicauimus, nunc, ne actum agere uideamur, dicere supersedebimus.

QVI GENERARE NON POSSVNT.) Enunciatio I. Quibus membrorum uitium generandi spem non ademit omnem, ijs adoptare permittitur: at quibus ademit, nequaquam. d. l. 2. eod.

QVIA NEC NATVRALES.) Sequitur II. Fœminæ liberos in potestate non habent. l. 5. C. eod. & §. ceteri. infra de hered. qual. & diff. Causam autem sub tit. de patr. potestate demonstrauimus: nimirū quia, ut ait Vlpianus in l. pro nuntiatio. 195. de uerb. sign. mulier familie suæ & caput & finis est. Et ut Caius infert, Fœminarum liberos in familia etiam non esse, palam est: quia qui nascuntur, patris, non matris familiam sequuntur. Adoptio igitur nō alijs quam quibus natura solet, ius uitæ & necis attribuit. l. adoptio. D. eod. Et huc pertinet, quod Gellius lib. 5. cap. 19. scribit, cum fœminis nullā comitiorum communionem fuisse. Videndum tamen cum adoptionis ius triplex esset, nominis autem ius ad potestatem non pertineret: ecquid antiquo iure liceret mulieribus hæredem aliquem ut suæ gentis nomē ferret, instituere. nam apud Ciceronē, libro epist. ad Att. 7. ita scriptum reperio: Dolabellam uideo Liuiæ testamento cum duobus cohæredibus esse in triente: sed iuberi mutua re nomen. est πάλιν οὐκ ἔτι, quæ rectum ne sit nobili adolescenti mutua re nomen mulieris testamentum.

AD SOLATIUM LIBERORVM AMISSORVM.) Sequitur III. Mulier nisi omnibus orba filijs adoptare non potest. l. mulierem. C. hoc tit. ubi Impp. in solatium trium filiorum amissorum mulieri permittit, suum priuignum adoptare, & cum perinde atq. à se progenitum, ad finem naturalis legitimiq. filij habere.



*Qui patrem arrogat, eius quoque filiosfam. tum naturales, tum adoptiuos arrogat: & qui  
seruum suum adoptat, aut filium actis interpositis nominat, eum non filij  
iure, sed libertate donare intelligitur. l. ij. D. hoc tit.  
& l. j. C. de Latin. lib. toll.*

VIII. Illud proprium est adoptionis illius, quæ per sacrum oraculum fit, quod is qui liberos  
in potestate habet, si se adrogandum dederit, non solum ipse potestati adrogatoris subijcitur, sed  
etiam liberi eius in eiusdem fiunt potestate tanquam nepotes. sic enim diuus Augustus non antea  
Tiberium adoptauit, quam is Germanicū adoptasset: ut protinus adoptione facta, inciperet Ger-  
manicus Augusti nepos esse. Apud Catonem bene scriptum refert antiquitas: seruos, si à domino  
adoptati sint, ex hoc ipso posse liberari. Vnde & nos eruditi, in nostra constitutione etiam eum ser-  
uum, quem dominus actis interuenientibus filium suum nominauerat, liberum esse cōstituimus,  
licet hoc ad ius filij accipiendum non sufficiat.

PER SACRVM ORACVLVM.) Tribonianus sic immutauit, cum in l. 2. D. hoc tit. Caius simpliciter scripsisset, Per Principem.

PROPRIVM EST ADOPTIONIS ILLIVS.) Non etiam alterius, quæ fit per magistratum. nam per  
eam filiusfam. in adoptionem à patre traditur. Liberi autem filijfam. non in patris, sed in aui sui potestate sunt: qui si filium  
suum uendat, & in adoptionem emancipet, non continuo nepotes suos abalienat, sed eos in sua potestate retinet. l. arrogato.  
40. D. eodem.

SED ETIAM LIBERI EIVS.) Enunciatio I. Qui se arrogandum tradit simul filiumfam. arrogandum tra-  
dere intelligitur. d. l. arrogato. Nam filius adoptiuus patrem quancunque in familiam commigret, sequitur: ueluti Aeschinus  
Mitionis adoptiuus, si se Mitio in familiam potestatemq; alicuius traderet, unà quoque cum eo in eandem familiam potestas  
temq; transfret.

DIVVS AVGVSTVS NON ANTEA TIBERIVM.) Suetonius in Augusto, & Tacitus in quarto  
tradunt, Augustum Liuiam Drusillam, Tiberij & Drusi matrem, in uxorem duxisse: eundem Tiberium iam priuignum suum,  
generum sibi fecisse, nuptum ei data filia sua Iulia. Tacitus autem in primo scribit, Germanicum Drusi (fratris Tiberij) filium  
fuisse, inimicitias autem inter ipsos iacinto exitisse, quod Germanicus populo Rom. tum propter patris uirtutem, tum propter  
ipsius indolem carior iucundiorq; multo esset. qua de causa idem Tacitus in quarto scribit, cogitasse Augustum, hunc Germa-  
nicum à cunctis laudatum adoptare, & rei Romanæ imponere: sed blanditijs & precibus uxoris Liuiæ inuiti Tiberium de-  
legisse. Suetonius autem, & eodem loco Tacitus ascribunt, Augustum hoc Liuiæ quidem dedisse: sed prius cogisse Tiberium,  
ut Germanicum (quo cum illi inimicitia intercesserant) in filium adoptaret: ac tum postea eum in foro lege Curiata Tiberium  
adoptasse. Tacitus: Nam dubitauerat Augustus Germanicum sororis nepotem, & cunctis laudatum rei Romanæ imponere:  
sed precibus uxoris cūctus, Tiberio Germanicum, sibi Tiberium asciuit. Suetonius Tiberio: Romanæ reuerfus Tiberius ado-  
ptatur ab Augusto, coactus prius ipse Germanicum fratris filium suum adoptare.

APVD CATONEM.) Hic est M. Cato, M. Catonis principis Porciorum familiæ filius, quem Pompon. in l. 2. de  
orig. iur. & Gellius lib. 13. cap. 18. plurimos de iure ciuili libros reliquisse tradunt.

EX HOC IPSO POSSE LIBERARI.) Sequitur II. Serui à domino adoptati, tacite manumissi intelli-  
guntur. Nam seruus neque adoptari, neque arrogari à domino potest: primum, quia qui adoptat, emit ab eo qui ius habet uen-  
dendi: à se autem emere suum seruum dominus non potest. deinde, quia cum seruis nulla comitiorum communio est: & consue-  
tus qui in arrogando queritur, in seruis nullus est. Seruos tamen à dominis per Prætorem dari in adoptionem posse, pleriq; iu-  
ris auctores tradiderunt, uti Gellius lib. 5. cap. 19. testatur.

IN NOSTRA CONSTITVTIONE.) Sequitur III. Qui apud magistrum denunciat, se quempiam è suis  
seruis pro filio habere, liberum eum efficit. l. unica. §. similiq; modo. C. de Lat. lib. toll.

ACTIS INTERVENIENTIBVS.) Acta dicuntur, quæ per magistratum gesta, in literas publicas relata  
sunt. Quare data opera existimo dominum in ius uenire oportere, testatoq; denunciare, se seruum eò adductum in filij loco ac  
numero deinceps habere uelle.

## QVIBVS MODIS IVS POTESTA-

tis soluitur.

### TITVLVS XII.

*Filiosfam. mors patris patria potestate liberat: nepotes uerò mors aui, cuius in  
potestate sunt: aut filio in potestatem tradit: aut eo antè mor-  
tuo uel emancipato, sui iuris efficit. l. 5.  
de his qui sunt.*

I. Videamus nunc, quibus modis ij qui alieno iuri sunt subiecti, eo iure liberentur. Et quidem  
serui quemadmodum à potestate liberentur, ex ijs intelligere possumus, quæ de seruis ma-  
numittendis superius exposuimus. Hi uerò, qui in potestate parentis sunt, mortuo eo, sui iuris  
fiunt. Sed hoc distinctionem recipit. nam mortuo patre, sanè omnimodo filij filiæ ue sui iuris effi-  
ciuntur. Mortuo uerò auo, non omnimodo nepotes neptesq; sui iuris fiunt: sed ita, si post mortem  
aui in



**A** **aut in potestatem patris sui recasuri non sunt.** Itaque si moriente auctore pater eorum & uiuit, & in potestate patris sui est. tunc post obitum aui in potestate patris sui fiunt. Si uero is, quo tempore auctus moritur, aut iam mortuus est, aut exijt de potestate patris: tunc ij qui in potestatem eius cadere non possunt, sui iuris fiunt.

**QVIBVS MODIS.)** Septem hoc capite enumerantur: mors patris, aut aui: deportatio: poenae seruitus: dignitas patriciatus: captiuitas: emancipatio: & adoptio.

**ET QUIDEM SERVI QVEMADMODVM.)** Hinc apparet, neque recte antehac inscriptum hunc fuisse tractatum hoc modo: Quibus modis ius patriae potest. sol. cum etiam modos quibus herilis potestas dissoluatur, significet: & librorum antiquorum inscriptionem, quam secuti sumus, cuiq; Florentinus codex in Tit. de adoptionibus suffragatur, uerriorem esse.

**SVPERIVS EXPOSVIMVS.)** Sub tit. Qui & quibus ex caus. manumit. non possunt.

**MORTVO EO SVI IURIS FIUNT.)** Enunciatio I. Filij filiaq; familias nullius post patris mortem potestati subiecti sunt. l. si ita esset. 15. D. quando dies leg. ced. itaq; Vlpian. in l. pronuntiati. m. 195. D. de uerb. signif. Cum paterfam. moritur, inquit, quotquot capita ei subiecta fuerunt, singulas familias incipiunt habere: singuli enim patrumfam. nomen subeunt.

**NAM MORTVO PATRE SANE.)** Satius erit, Mortuo patrefamil. sane, &c. quae postrema syllaba facile propter insequentem consimilem praeteriri potuit. Hoc autem propterea, quia si paterfam. non esset, eius mors nepotes sui iuris non efficeret: ut mox dicemus.

**RECA SVRI NON SVNT.)** Sequitur II. Nepotes ex filiofam. non in patris, sed in aui sui potestate sunt. l. 4. D. qui sunt sui uel alien. Vlpianus cap. Institut. 10. Morte aui nepotes ita demum sui iuris fiunt, si post mortem aui in potestate patris futuri non sunt.

**B** **IN POTESTATE PATRIS SVI FIUNT.)** Sequitur III. Patrefam. mortuo, filiosfam. utpote sui iuris effectus, patriam in suos liberos potestatem acquirit. l. 5. D. qui sunt sui uel alie. Nepotes ex filio, inquit, mortuo auctore recipere solent in filij potestatem: hoc est, patris sui. Dixi autem **ACQVIRIT**, ut ius nouum ab ijs per aui mortem adeptum, planius ostenderem.

**AVT PER EMANCIPATIONEM EXIIT.)** Sequitur IIII. Nepotes ex filiofamil. in patris emancipati familiam ac potestatem ne mortuo quidem auctore transeunt. l. si pater filium. D. de adopt. Sequitur etiam eodem ex loco V. Mors aui nepotes ex filiofam. ante aui mortem emancipato sui iuris efficit. Quae omnia planius ex fine huiusce tractatus intelligentur.

*Deportatio siue patris, siue filij, itemq; poenae seruitus, ius patriae potestatis extinguunt. quod tamen recuperari beneficio Imperatoris potest: relegatio uero non extinguit. l. 7 j. ix. ult.*

C. de sent. pass.

**II. Cum autem is qui ob aliquod maleficium in insulam deportatur, ciuitatem amittat: sequitur, ut eo qui eo modo ex numero ciuium Romanorum tollitur, perinde quasi mortuo, desinant eius liberi in potestate esse.** Pari ratione, & si is qui in potestate parentis est, in insulam deportatus fuerit, desinit in potestate parentis esse. sed si ex indulgentia principali restituti fuerint, per omnia pristinum statum recipiunt. Relegati autem patres in insulam, in potestate suos liberos retinet. Et ex contrario liberi relegati, in potestate parentum remanent. Poenae seruus effectus, filios in potestate habere desinit. Serui autem poenae efficiuntur, qui in metallum danantur, & qui bestiis subiiciuntur.

**C** **IN INSVLAM DEPORTATVR.)** In eandem sententiam Vlp. cap. Institut. 10. Si patri uel filio aqua & igni interdictum sit, patria potestas tollitur, quia peregrinus fit is cui aqua & igni interdictum est. Neq; autem peregrinus ciuem Rom. neq; ciuis Rom. peregrinum in potestate habere potest. Aqua & ignis interdictionem Vlpianus posuit, pro eo quod Iustinianus hoc loco deportationem: quae scilicet in illius locum successit, ut idem Vlpianus tradit in l. 2. D. de poen. Sed de deportatione & exilio, copiose in Commentario uerborum iuris explicauimus.

**CIVITATEM AMITTAT.)** Enunciatio I. Deportatio Romanae ciuitatis ius adimit. l. sunt quidam. D. de poen. & l. 1. C. de haered. inst. l. 6. D. de interd. & releg. Et in uerbis iuris, fusius.

**VT EO QVI EO MODO.)** Legebatur antea, Ut qui eo modo, &c. & uox EO importune post PERINDE quasi posita erat. Nos contra librorum omnium auctoritatem sic locum sanauimus.

**PERINDE QVASI MORTVO.)** Libri ueteres, Perinde ac si. Sed cum momenti nullius haec mutatio est, tum difficultatem, quam, quoad possumus, deuitamus, ex hac barbarie gignit.

**DESINANT LIBRI, EIVS.)** Sequitur II. Deportatio ius & patrisfam. & filijfam. extinguit. l. si pater. 9. C. de sent. pass. ubi Imp. ait, deportationem patris efficere filios eius, patresfam. De filiofamilias autem, proximo uersu Iustinianus loquitur.

**EX INDVLGENTIA PRINCIPIS RESTITVTI FVERINT.)** Sequitur III. Deportatus potest beneficio Principis patriam potestatem simul cum redeundi facultate recipere. l. 6. & ult. C. de sent. pass. Ita tamen ut princeps nominatim uel patriae potestati restituta, uel restitutionis in integrum faceret mentionem. Nam eo uerbo & patriae potestas, & dignitas & fortuna restituta intelliguntur. l. ult. C. de sent. pass. & l. 2. D. eod. alioqui dignitatis quidem restitutione patriae potestas continetur. l. in insulam. 6. & l. si pater. 9. C. eod.



RELEGATI AVTEM PATRES.) Sequitur IIII. Relegatio in insulam neq; patriſa. neq; filiſa. ius adimit. A  
l. 4. D. de interd. & releg. ubi Marciānus: Relegati, ait, in insulam, in potestate sua liberos continent: quia & alia omnia sua iura retinēt. Vlp. autem in l. 7. D. eod. Siue ad tempus, inquit, siue in perpetuum quis fuerit relegatus, & ciuitatem Ro. retinet, & testamenti iunctionem non amittit. Hoc igitur inter deportationem & relegationem intereſt, quod Deportatus, cōpedibus uinctus & nauigio impositus, a seruis publicis constitutam in solitudinem auehitur: Relegatus uero, intra praestitutum diem excedere iubetur. ut idē Vlp. ait in l. 7. §. 5. D. eod. Deportatus perpetuo exilio semper multetur: Relegatus uero tēporali interdum. Ille inter uiuos non numeratur, hic ciuitatem bonaq; sua retinet. Quae omnia uberius in uerbis iuris exposuimus.

POENAE SERVVS EFFECTVS.) Sequitur V. Poenae servilis & Romanae civitatis & agnationis ius extin-  
 guit. l. qui ultimo. 29. D. de poen. Poenae autem servus ideo dicitur is qui ad bestias vel metallum damnatus est, quia nullius plane  
 nisi supplicij sui servus est quippe cui in perpetuum est addictus, adeo, ut si quid ei legatum fuerit, pro non scripto habeatur: quia  
 si (ait Marcius) non Caesaris servo datum, sed poenae. l. sunt quidam. 17. D. de poen. Et ut rem paucis absolvam, Servi poenae  
 olim dicebantur, qui summo supplicio sic addicebantur, ut si liberi essent, libertatem: sin servi, domini familiam quasi abalie-  
 nati amitterent; adeo ut ne a poena quidem liberati, in veteris domini potestatem redirent, l. 8. §. 3. & 20. & l. 29. D. de poen.  
 l. 8. C. de sent. pass. l. 24. §. 5. D. de fideic. libert.

*Nec militia, nec Senatoria dignitas, nec ullus præter patriciatum magistratus,  
filium è patria potestate liberat. l. ult. C. de Coss.*

III. Filiusfamilias si militauerit, uel si Senator uel Cōsul factus fuerit, remanet in potestate patris. militia enim, uel consularis dignitas, de patris potestate filium non liberat. Sed ex cōstitutione nostra, summa Patriciatus dignitas ilico Imperialibus codicillis præstitis, filiū à patria potestate liberat. Quis enim patitur, patrem quidem posse per emancipationis modum potestatis suæ nexibus filium relaxare: Imperatoriam autem celsitudinem non ualere eum quem sibi patrem elegit, ab aliena exinere potestate?

VEL SI SENATOR VEL CONSVL.) Enunciatio I. Neq; militia, neq; senatoria, consularis'ue dignitas patria potestate liberat. l. si maritus. 7. C. de pat. potest. Ex quo illud observandum est, Reipub. servire, & patriæ potestati subiectum esse, non esse repugnantia. l. 3. D. de adopt. ubi Paulus mirabiliter affirmat filiumfam. qui Consul aut præses est, apud semetipsum & emancipari & in adoptionem dari posse. Vnde apparet, filiosfa. etiam magistratu fungentes vendi posse, qua tota de re Dionysij Halic. verba multum huic loco lucis afferentia subscribimus : ο δὲ τῶν ῥωμαίων νομοθετίας ἀποσπον, ὡς ἐπαύρ, ἰδιωτικῆς ἐξουσίας πατρὶ καὶ ἡμῶν παρὰ πάντα τὰν τῶ εἶναι χρονον, ἵνα τε ἔργων, ἵνα τε μασιγῶν, ἵνα τε διανομῶν ὑπὸ τῆ πατρὸς ἀρχῇ ἔργων κατέχειν, ἵνα τε ἀποστεινῶναι πρὸς αἰδητά, καὶ τὰ πολιτικά πράττειν οὐ πάς ὃς δι τυγχάνῃ, καὶ ἢ ἀρχαῖς ταῖς μεγίσταις ἐξουσίαις ἔσται. καὶ οὐ διὰ τῶν αὐτῶν καὶ φιλοτιμίαν ἰκανὴν ἔσται. κατὰ τῶν ῥώτων ἡ νόμος αἰδέει ἐπιφανεῖς ἀνιπυρῶν ἀνελόντες, ὡς ὑπὸ τῆ ἐμβολῶν, ἐναυτίας ἢ τῆ βολῇ, κεκαρσμένους ἢ τοῖς δημοτικοῖς, ἢ σφόδρα σὺλοιμύντες ἐπὶ ταύταις λατρευσάμενοι, ἀπὸ τῆ βήματ' ἀπῆλθον ὑπὸ τῆ πατέρων, ἢ ἀν ἐκείνοις φωνῇ τιμωρίαν ὑφ' ἔχοντες. ὅς ἀπαγορεύει διὰ τὸ ἀγαθὸν ὁ δὲ αὐτὸς τῶ παρόν, πῶν ἐξελθεῖν δυνατὸς εἶναι, ὅτε ὑπάτα, ὅτε δὲ μαχα, ὅτε ὁ κολαστέμεν, ὅ, ὑπ' αὐτῶν πᾶσαν ἐξουσίαν ἰδίῳ τῶν ἰδίῳ εἶναι νομίζων ὄχλῳ. ἵνα γὰρ λίγην, ὅσος ἀνέστηναι οἱ πατέρες ἀνδρῶς ἀγαθοῦ, ὑπὲρ αὐτῶν ἢ προθυμίαν ἔτι μᾶλλον διαπραξάσθαι γεννητοῦ ἐργου προαχθῆναι, οὐ μὴ προσέταξαι αὐτοῖς οἱ πατέρες, καθάπερ ὑπὸ πολλοῖς τοῖς αὐτοῖς ἢ πολλῶν ἄλλων παρελθόντων, ὑπὲρ ὧν λατὰ τῶν οἰκῶν καὶ τῶν ἐφ' ἑ. Id est : Romanorum legislator omnem omnino patri in filium potestatem, idq; adeo per omne uite ipsius tempus permisit, siue illux in carcerem compingere, siue virgis cadere, siue compeditum operi rustico addicere, siue interficere velit: etiam Rempub. gerentem, etiam imperijs magistratibusq; maximis fungentem, etiam ob suam in Republ. industriam probatum & carum suis. Hac lege viri clarissimi, qui conciones pro reſtris populares & senatui aduersas habebant, ac propterea gratia apud populum florebant, deturbati de loco superiore a patribus, atq; ad supplicium, quod arbitrato suo patres in illos constituerent, abrepti sunt: quos tamen dum per forum abducerentur, nemo eorum qui circumſtabant, eripere poterat, non Consul, non Tribunus, non populus ipse, cuius illi auribus cupiditatiq; seruirebanti: qui tamen quamuis potestatem inferiorem leuioremq; uaecebat. tam uero, quam multos ciues egregios ac praestantes a patribus suis interfectos accepimus: cum optimo illi quidem & propenso in Rempub. animo praclarum aliquod facinus fecissent, sed a patrum suorum praescripto discessissent: ueluti de Manlio Torquato, alijsq; compluribus, de quibus suo loco commemorabimus.

EX CONSTITVTIONE NOSTRA.) Sequitur II. Iustiniani imperio dignitas patriciatus à patria po-  
testate liberat. l. ult. C. de Consul. lib. 12. ubi tamen sine capitis diminutione hanc liberationem accedere statuit. quod idem iu-  
ris postea Nouella *πρὸς ἀντιστοιχίαν* 81. etiam ad Consulatum, Consularitatem, præfecturam pratorianam, præfecturam  
urbicariam in actum constitutam, & magistrum militum produxit.

IMPERIALIBVS CODICILLIS.) Id est, literis, diplomatibus.

EVM QVEM SIBI PATREM DELEGIT.) Sequitur IIII. Patricij Græcis Cæsariibus parentum loco  
erant. d. l. ult. C. de Consul. & d. Nouella 81. ubi hanc ipsam rationem affert. Patriciatus autem, quantum ex Cæsiodori uo-  
ciarum libris intelligere potui, non magistratus, sed ordinis nomen erat. neq; enim unus erat Patricius, sed complures, quasi Se-  
natus Principes, qui certis antea magistratibus perfuncti erant. neq; quales Romæ florente Repub. Consulares, Prætorij, &  
Aedilitij fuerunt; quibus in Senatu curuli sella uti, primisq; sententias dicere ius erat. Quare quod in l. 3. C. de Consul. legimus,  
patriciatus honorem cæteris omnibus anteponi, non ita accipendum est, quasi summus esset aliquis magistratus. Primum, quia  
magistratus (ut docui) non erat; deinde, quia Cæsiodorus in formula patriciatus scribit, Consulatum patriciatu superiore fuisse  
se. Præfectoris, inquit, & aliarum dignitatum uiros præcedit, uni tantum cedens fulgori, quem interdum etiam a nobis con-  
stat assumi: hoc est, ut ego interpres, consulatum tametsi uerba hæc apud Cæsiodorum corrupte legantur. Nam VNIT A-  
TVM pro VNI TANTVM uulgò legitur. Præterea, Præfectum urbis summum omnium magistratum gessisse, con-  
stat ex l. 1. & l. præfectum. C. de offic. præf. urb. Et quod Cæsiodorus de præfectorijs scribit, constat de ijs qui iam præfectura  
functi



**A** functi sunt, intelligendum esse, Nomen autē à Romanorum Patriciorum splendore ductum esse, res indicat. Nam cū ij propter familiæ antiquitatem cæteris antecellerent, & plerunq; ijs honores mandarentur: translato Constantinopolim imperio, eos Senatores qui curilibus magistratibus erāt functi, Patricios dici placuit. Quibus ius patrumfam. concessum fuisse, Cassiodorus quoq; eodem loco testatur.

*Patre filio'ue ab hostibus capto, ius patriæ potestatis ita pendet, ut si captiuus apud hostes moriatur, ab eo tempore quo captus est, extinctum ius sit: sin redierit, pro nihilo captiuitas habeatur. l. xij.*

*§. j. D. de captiuis.*

**III.** Si ab hostibus captus fuerit parens, quamuis seruus hostium fiat, tamen pendet ius liberorum, propter ius postliminii: quia hi qui ab hostibus capti sunt, si reuersi fuerint, omnia pristina iura recipiunt. idcirco reuersus etiam liberos habebit in potestate: quia postliminium fingit eum qui captus est, in ciuitate semper fuisse. Si uerò ibi decesserit, exinde, ex quo captus est pater, filius sui iuris fuisse uidetur. Ipse quoque filius, nepos ue, si ab hostibus captus fuerit: similiter dicimus propter ius postliminii, ius quoque potestatis parentis in suspenso esse. Dictum est autem postliminium, à limine & post. Vnde eum qui ab hostibus captus est, & in fines nostros postea peruenit, postliminio reuersum rectè dicimus. Nam limina, sicut in domibus finem quendam faciunt: sic & imperij finem esse limen ueteres uoluerunt. Hinc & limes dictus est, quasi finis quidam & terminus. ab eo postliminium dictum: quia eodē limine reuertebatur, quo amissus fuerat. Sed & qui captus uictis hostibus recuperatur, postliminio rediisse existimatur.

**B** QVAMVIS SERVVS HOSTIVM FIAT.) Enunciatio I. Captus ab hostibus, seruus eorum efficitur. §. i. supr. de iur. person.

PROPTER IUS POSTLIMINII.) Est autē postliminium, ius amissæ rei recipiendi ab extraneo, & in statum pristinum restituendi inter nos ac liberos populos, regesq; moribus, legibus constitutum. l. postliminium. 19. D. eod.

OMNIA PRISTINA IVRA RECIPIVNT.) Sequitur II. Postliminium uim omnem memoriamq; captiuitatis extinguit. l. 5. & l. bona eorum. 22. D. de capt. & postlim. ubi iuriconsulti postliminium habere aliquem sic interpretantur, perinde omnia iura recipere, ac si captus ab hostibus non fuisset. Quamobrem Papinianus in l. pen. D. de suis & legit. si filius captiui testamentum fecerit, respondet, reuerso patre nullius momenti testamentum fore: & quæcunq; ille captiuitatis tempore quæsiuerit, patri quæsitæ esse. Et Vlp. in l. 1. §. 1. D. ad Maced. nullam dari actionem ob pecuniam filio creditam, si pater eius ab hostibus reuertatur.

OMNIA PRISTINA.) Legendum putarem, per omnia pristina iura recipiunt, ut supr. §. 21.

EXINDE EX QVO CAPTVS EST.) Sequitur III. Mortuus apud hostes, eodem quo captus est momento mortuus fingitur. l. in omnibus. D. eod. unde Papinianus d. l. pen. de suis & legit. testamentum à filio factum dum pater apud hostes uiueret, quamuis nondum plene paterfa. esset, tamen si pater illic moreretur, ualiturum affirmat: ab eo enim tempore patremfam. fuisse uideri, quo pater eius captus esset. Et Vlp. d. l. 1. ad Macedon. repeti posse pecuniam filio creditam, si pater apud hostes moreretur: minimum tanquam patrifam. creditam.

IPSE QVOQVE FILIVS.) Vt in l. captum ab hostibus. 9. cum leg. seq. C. eod.

IN SVSPENSO ESSE.) Sequitur IIII. Quandiu postliminii spes est, tandiu status patriæ potestatis incertus est. l. in bello. 12. §. 1. & l. bona eorum. 22. §. 1. D. eod. Quæ ex re intelligi posse arbitror, cur Lilius lib. 27. scribat, Eum cuius pater in hostium potestate esset, iure Tribunum aut Aedilem plebis creari non potuisse. Nam cum hi magistratus sacrosancti essent, probabile est eos à filijsfam. geri nō potuisse. Cum igitur patre apud hostes manente, status filij propter postliminii spem incertus esset, iure Tribunus Aedilis ue pl. creari non poterat.

**C** A LIMINE ET POST.) Quod ipsum Scauola contra Seruium disputabat, ut Cicero in Topicis testatur. quæ sanè disputatio grauior est, quam prima specie uideatur. Neq; enim illi itaquam Grammatici simplicem uerborum cōiunctionem scrutantur, sed uim & efficientiam attendunt: quæ ex hac quæstione, quam exempli causa ponemus, intelligitur. Annibal annos sexdecim hostis populi Rom. in Italia grassatus est, seruum in eo bello meum cepit: priusquam in fines suos, id est in Africam Annibal reuerteretur, seruus de ipsius manibus elabatur, & Romam redit, possidetur à Sempronio, quem ego in ius uoco. Intentio est: Hic seruus iure Quiritium ac postliminii meus est. Depulsio: Imò meus. Quæstio: Vtrius sit. Ratio: Quia postliminium ijs tantum in rebus locum habet, quæ extra imperij Rom. limen abductæ, & in hostium limen deportatæ, postmodum in idem limen, unde amissæ fuerāt, redierunt, quemadmodum ex notatione & etymologia uerbi Scauola disputabat. Firmamentum est: In postliminii uerbo nihil aliud considerandum est, quam Post. Liminium enim productio est uocabuli, uim nullam habens: ut in legitimus, æditimus, uox TIMVS, in patrimonium extremæ syllabæ. Quare ut res postliminio reuertatur, satis est, si ab hostium manibus quocunq; in loco fuerint, reuertatur. Disceptatio est: An postliminium in ijs tantum ualeat rebus, quæ in hostium fines deportatæ sunt. Paulus autem in l. postliminium. 19. §. 3. D. de capt. respondet, Postliminio rediisse uideri, cum in fines nostros intrauerit: sicuti amittitur, cum fines nostros excefferit.

HINC ET LIMES DICTVS EST, QVASI FINIS QVIDAM.) Antea corruptissime legebatur, HINC ET LIMEN DICTVM: quod ex duobus antiquis libris correximus. Hanc autem scripturam Siculus Flaccus in libr. de condit. agror. his confirmat uerbis: Limites autem à liminibus uocabulum acceperunt: quomodo limina introitus exitusq; locis præstant, limites agris, similiter introitus exitusq;. Et Ouidius, cuius uersum Frontinus usurpat:

Limes agro positus, litem ut discerneret aruis.

Hyginus autem in libro de Limitib. limitem ait ab antiquo uerbo linus, id est transversus, dictum esse, unde limina hostiorum.



QVIA EODEM LIMINE REVERTEBATVR, QVO AMISSVS FVERAT.) Sic ijsdem A  
libris auctoribus emendauimus: cum antea legeretur, Quia ad idem limen reuertebatur, quod amiserat: inepte, ut cuius est  
perspicuum. Et Cicero nostram confirmat: Vt quæ, inquit, à nobis alienata sunt, cum ad hostem peruenierint, & ex suo tan-  
quam limine exierint, dein cum redierint post ad idem limen, postliminio uideantur redisse.

SED ET QVI CAPTVS.) Hoc ex Florentino, l. nihil interest. 26. D. eod. sed exemplum constituamus. Mithri-  
dates ciuem Romanum Cornelium bello ceperat. Pompeius eum uictò Mithridate cepit, coq; tanquam seruo ac mancipio suo  
uult uti. Alterius intentio est: Redy postliminio, ac liber ciuisq; Romanus sum. Depulsio: Non redyisti. Quæstio: An redierit. Ræ-  
tio est: Quia lex de ijs qui per se redierunt, non qui hostibus crepti, & in prælio capti sunt, intelligenda est. Firmamentum: At  
redy etiam, qui recuperatus ac reductus est. Disceptatio: An qui uictis hostibus captus est, & in urbem reductus, postlimi-  
nium habeat. Florentinus respondet, habere. Cuius rei ratio redditur in l. ab hostibus. 12. C. eod. Receptos enim eos, non captos  
iudicare debemus: & militem nostrum defensorem eorum decet esse, non dominum. Idem dicendum erit, siue sponte ab hosti-  
bus dimissus quis sit, siue ut aut calliditate ab ijs discesserit. d. l. nihil interest. D. de cap. & l. cum non redemptum. 5. C. eod. siue  
etiam redemptus sit. l. si captiuus. 20. D. eod. & l. cum & postliminij. 6. eod. tit.

*Emancipatio, quæ nunc sine uenditionibus adumbratis, nudis uerbis in iure facienda  
est, ita patriam potestatem extinguit, ut ius agnationis in columæ  
conseruet. l. ult. C. de emancipat.*

V. Præterea emancipatione quoque desinunt liberi in potestate parentum esse. sed emancipa-  
tio antea quidem uel per antiquam legis obseruationem procedebat, quæ per imaginarias uendi-  
tiones, & intercedentes manumissiones celebrabatur, uel ex imperiali rescripto. Nostra autē pro-  
uidentia etiam hoc in melius per constitutionem reformauit, ut fictione pristina explosa, recta uia B  
ad competentes iudices uel magistratus, parentes intrent: & filios suos, uel filias, nepotes, uel ne-  
ptes, ac deinceps, sua manu dimitterent. Et tunc ex edicto Prætoris in bonis huiusmodi filij, uel fi-  
liæ, nepotis, uel neptis, qui quæ ue à parente manumissus, uel manumissa fuerit: eadem iura præ-  
stantur parenti, quæ tribuuntur patrono in bonis liberti. Et præterea si impubes sit filius, uel filia,  
uel cæteri: ipse parens ex manumissione tutelam eius nanciscitur.

EMANCIPATIONE QVOQVE.) Enunciatio I. Emancipatio, sextus est tollendæ patriæ potestatis modus. l.  
pronunciatum. 195. D. de uerb. sign. ubi Vlpian. ait, cum qui emancipatus est, patris iam. nomen subire: quod si sui iuris esse  
etiam propriam familiam habeat.

PER IMAGINARIAS VENDITIONES ET MANVMISSIONES.) Superius expositum est,  
legem à Romulo latam fuisse, quam Dionysius Halicar. in quartam tabulam relatum scribit, Vt si pater filium ter uendisset,  
isq; ter manumissus ab ijs quibus erat uenditus: fasset, ne deinceps in patris sui potestatem reuerteretur. sed sui iuris ac potestatis  
esset. Iuris consulti autem cum ratio patriæ potestatis tollendæ compendiarie quæreretur, hanc formulam excogitarunt: ut  
pater simulacrum ac dicis causa ter filium suum alicui ad id appositum. & hanc fabulam edicto, apud magistratum uenderet: qui  
toties emptum hominem manu sua mitteret, quoties illi uenditus fuisset. Atq; ita ter uenditus ac manumissus filius. sui iam iuris  
ac potestatis esset: quasi lege commissus, quam Vlp. in Instit. his uerbis edit: Si pater filium ter uenundedu. filius à patre liber ce-  
sto. Atq; hoc est quod Iustinianus his uerbis significat, & Paulus in l. liberos. 4. D. de cap. minut. quæ omnia Caius in Instit.  
copiosius exponit. Hæc autem emancipatio cum ex lege XII. Tab. originem sumpserit, legitima non incommode appellabitur,  
item ut hæreditas, & tutela & quæ sunt generis eiusdem.

ET INTERCEDENTES MANVMISSIONES.) Sequitur II. Emancipatio legitima ueræ alienatio-  
nis ac manumissionis adumbratione transigitur. d. l. ult. C. de emancip. ubi etiam illud significat, quod Nouella 81. clarius expo-  
nit. per antiquam, hoc est colaphos patrem ei filio infringere solitum, quem isto modo emancipabat, quasi uidelicet cum e sua fa-  
milia, suoq; conspectu ablegaretur mihi plerumq; in mentem ueniat exilium, Emancipationem primum speciem quandam  
abdicationis fuisse, sed postmodum etiam beneficij causa usurpatam esse. Quid enim primum illi colaphi significabant? quid  
agnationis ademptio? quid ususfructus amissio? Præterea si nomen ipsum spectemus, nihil quod proprium dici posset, obtinet.  
nam & emancipari in seruitutem, & emancipari in adoptionem, Latine dicimus. ut facile appareat, eos qui filiis suis hanc no-  
tam ac maculam inurere uellent: quod cum indignos patris familia se præstarent, ab ijs uenditi fuissent, hanc rationem usurpasse.  
At postremis temporibus Emancipationem in beneficij loco positam fuisse patet ex l. 1. D. si à parent. quis manum. l. filio. D. ut  
legat. nom. cau. l. iubemus. & l. ult. C. de emancip. lib. Verum hæc quidem hæc tenus. Nunc illud intelligendum est, quod Caius  
lib. Instit. 1. scribit, filium quidem masculum tribus emancipationibus de potestate patris exire: feminas uerò, uel nepotes ex  
filio, una emancipatione de patris uel aui exire potestate, & sui iuris effici. Quod ipsum animaduerti postea apud Vlpianum in l.  
uerum. 8. D. de iust. rupt. quam legem cum optimus Accursius propterea non intelligeret, aliqua ex parte immutare uoluit.

VEL EX IMPERIALI RESCRIPTO.) Sequitur III. Enunciatio Anastasiana, Principis rescripto in iu-  
re prolato, ac testato transigitur. l. iubemus. C. de emancip. ubi Anastasius omiſſa emancipationis legitimæ formula & fabu-  
la, liberari filium iubet potestate ab Imperatore impetrata, eiusq; hac de re rescripto apud magistratum edito, ac prolato: dum  
tamen filius, qui modò infans non sit, consentiat.

A SVA MANV DIMITTANT.) Sequitur IIII. Emancipatio Iustinianæ fit sola professione patris, in iu-  
dicio filium se deinceps suo iuri permittere denunciantis. l. ult. C. eod.

QVÆ TRIBVNTVR PATRONO IN BONIS LIBERTI.) Si libertus intestatus nullo suo  
hærede filio naturali relicto moriatur, patronus ei hæres existit. quod si eum in suo testamento prætereat, partem ex eius bo-  
nis dimidiam aufert: quemadmodum infra suo loco intelligitur. tit. de succession. lib. & de bon. posses. lib. His positus, illud iam  
scire



**A** scire oportet, eum qui uenditū a patre filium manumittebat, patronum eius futurū, cūq; hoc modo successurum fuisse nisi pater (ut Cains in Instit. exponit) curasset, ut ille cui filium tertium uendiderat, non manumitteret; sed ei reuenderet ac remāciparet, ut eum ipse pater manumitteret, eoq; modo ius illud patronatus in filij successionem consequeretur. Atq; hoc est quod hoc loco Iustinianus ait: **QVI QVAEVE A PARENTE MANVMISSVS VEL MANVMISSA FVERIT.** Reuera enim pater filium sibi reuenditum manumittit, quod etiam posterius ex tit. de fid. tutel. planius constabit.

**QVAE TRIBVNTVR PATRONO.)** Sequitur V. In legitima emancipatione pater filium suum manumittens, ius patronatus in eius familia consequitur. l. i. D. si a parent. quis manumiss. Vbi ait Vlpian. idēd aquissimum hoc esse, quia bonorum quaerendorum beneficium a parente accepit, quippe si filius fam. esset, quodcunq; sibi acquireret, eius emolumentum patri quaereret. Hæc Vlpian.

**EX MANVMISSIONE TUTELAM EIVS.)** Sequitur VI. Pater emancipati filij impuberis tutelam obtinet. infr. de fiduc. tut. ubi locus hac de re dicendi proprius est constitutus.

*Qui in potestate filium & nepotem habet, rectē uel utrunque, uel utrum uolet, emancipat. l. xx viij. D. de adopt.*

**VI. Admonendi autem sumus, liberum arbitrium esse ei qui filium, & ex eo nepotem uel nepotem in potestate habebit: filium quidem de potestate dimittere, nepotem uerō uel neptem retinere. & ex diuerso filium quidem in potestate retinere, nepotem uerō uel neptem manumittere (quæ eadem & de pronepote & pronepte dicta esse intelligantur) uel omnes sui iuris efficere.**

**NEPOTEM VERO RETINERE.)** Enunciatio I. Emancipatio filij nihil ad nepotem pronepotem uel pertinet. l. liberum. 28. unde hic locus exscriptus est. D. de adopt. Manet igitur in aui familia nepos, quamuis in aliam pater migrarit, quocirca suus heres patri suo non erit, sed auo: & quæ acquireret, auo acquireret, non patri. Vnde præclara Pauli disputatio intelligitur in l. si me tibi. 13. D. de capt. & postlim. ubi pater filium apud hostes habens, arrogandum se dederat: ac proinde suum quoq; quamuis incertum, filium. Cum is pater emancipatus esset, redit aliquanto post filius. Intentio arrogatoris est: Hic meus est, quippe nepos mihi per arrogationem factus. Depulsio: Imō meus filius. Questio: Vtrius in potestate sit. Ratio: Primum in tua familia nunquam fuit: erat enim apud hostes. deinde, ut fuerit, me tamen emancipasti: quo facto, mea mihi relinquere uisus es. Disceptatio: Eius qui se arrogandum tradit captiuus filius, post emancipationem patris reuersus, utrius in potestate sit? Paulus respondet, Arrogatoris. primum, propter ius postlimini; deinde, quia emancipatio filij ad nepotem non pertinet.

**ET E' CONVERSO.)** Sequitur II. Nepotis emancipatio ad filium nihil pertinet. d. l. 28. non enim si nepotem auus alicui in adoptionem tradit, aut simpliciter migrare ex sua familia iubet: neccirco filium a se dimittit, manet igitur filius in aui familia, quamuis ab eo nepos auellatur, & in aliam familiam demigret.

*Paterfam. filium suum auo proauo uel in adoptionem tradens, suam omnem in illos patriam potestatem transfert. l. pen. C. de adopt.*

**VII. Sed & si pater filium, quem in potestate habet, auo uel proauo naturali secundū nostras constitutiones super his habitas, in adoptionem dederit: id est, si hoc ipsum actis interuenientibus apud competentem iudicem manifestauerit: præsentē eo qui adoptatur, & non contradicente, nec non eo qui adoptat, soluitur quidem ius potestatis patris naturalis: transit autem in huiusmodi parentem adoptiuum, in cuius persona & adoptionem esse plenissimam antea diximus.**

**SED ETSI PATER.)** Enunciatio I. Traditio in adoptionem, septimus est patriæ potestatis tollendæ modus. Sed mirandum alicui uideri possit, quod huic modo proprium & ab alijs seiunctum locum tribuamus, qui sub emancipationis modo contineatur. Nam filiusfam. tradi in adoptionem nisi per emancipationem non potest: nam adoptanti ter simulacrum & dicis causa uendendus est, ut suo loco docuimus. Vnde emancipari in adoptionem uulgo legimus eum, qui a patre in adoptionem est traditus. Sub sexto igitur modo, nimirum sub emancipatione, contineri hic septimus uidetur. Defendi tamen haud iniuria poterit Iustinianus, propterea quia uenditiones illas imaginarius sustulit: ut iam in adoptionem traditio nihil cum emancipatione commune habeat. Illud etiam admonendi erimus, non tam hunc tollendæ, quam commutandæ patriæ potestatis modum esse. quare si disputetur, huic loco hæc non conuenire, ubi modi enumerantur quibus filijfam. & serui sui iuris efficiuntur: non magis quam si de seruo uendendo uel donando, tractatio in hunc infereretur locum: responderi poterit, titulo tamen nostro hanc accommodatam esse tractationem. Hic enim modus est, per quem patris naturalis potestas dissoluitur.

**AVO VEL PROAVO NATVRALI.)** Sequitur II. Iustiniani lege ab auo uel proauo adoptatus patria potestate non liberatur. l. pen. C. de adopt. & §. i. sup. eod.

**APVD IUDICEM MANIFESTAVERIT.)** Professus erit, denunciauerit.

**ADOPTIONEM ESSE PLENISSIMAM.)** Sequitur III. Iustiniani lege adoptio alia perfecta, alia imperfecta est. d. l. pen. de adopt. Nam si quis ab auo proauo uel adoptetur, quia potestate agnationeq; patris naturalis eximitur, & in adoptiui familiam commigrat: quia deniq; suis omnibus numeris absoluta adoptio est, plena & perfecta merito dicitur. At si quis ab altero adoptetur, quia potestate patria non liberatur, sed aliqua tantum ex parte in adoptiuam familiam commigrat: eius adoptio imperfecta, minimeq; plena iure nominabitur.

**ADOPTIONEM ESSE PLENISSIMAM.)** Sequitur IIII. Adoptio perfecta, & magistratus, & adoptantis & adoptiui præsentiam, itemq; actorum testimonium exquirat. d. l. pen. de adopt.

Nepos



*Nepos ante filij emancipationem conceptus, in aui potestate nascitur, post uero patri suo agnascitur: exire autem e patris inuiti familia filius-  
fam. non solet. l. xiiij. de adopt.*

VIII. Illud autem scire oportet, quod si nurus tua ex filio tuo conceperit, & filium postea emancipaueris, uel in adoptionem dederis, prægnante nuru tua: nihilominus quod ex ea nascitur, in potestate tua nascitur. Quod si post emancipationem uel adoptionem conceptus fuerit: patris sui emancipati, uel aui adoptiui potestati subijcitur. Et quidem neque naturales liberi, neque adoptiui ullo penè modo possunt cogere parentes, de potestate sua eos dimittere.

NIHILOMINVS QVOD EX EA NASCITVR.) Enunciatio I. Emancipati filius non ex natiuitatis, sed ex conceptionis tēpore familiam sortitur. quod etiam Pomponius significat, in l. sed etiam. 14. D. de adopt. cuius meo iudicio sensus hic est: Nepos ex Aeschino conceptus, & natus apud patrem adoptatū, hoc est in Mitionis familia, rectè à Mitione emancipatur. At si in Demea familia cōceptus fuisset, quamuis apud patrē adoptatū natus esset, hoc est in Mitionis familia, tamē ab eo frustra emanciparetur, quia in eius potestate nunquā fuisset: uerum in aui sui naturalis, hoc est Demea. Causse igitur constitutio hæc erit: Fabius filium suum adoptiui, cuius uxor grauida est, emancipat. octo uel aliquot paucioribus post mensibus natus est in illius emancipati familia puer pulchellus, quem Fabius petit in suam potestatem ex iure Quiritium. Intentio est: Puer iste in mea potestate est, quippe meus filiusfam. Depulsio: Imò meus. Questio: Vtrius sit. Ratio: Quia in familia mea natus est. Lex autem uult, natos in patris familia liberos sui patris esse. Firmamentum: At in mea familia conceptus est. Disceptatio: In aui adoptiui familia conceptus, sed apud patrem emancipatum natus, utrius in potestate sit. Iustinianus respondet, aui adoptiui.

ET QVIDEM NEQVE NATVRALIS.) Sequitur II. Filiusfam. non uoluntaria, sed coacta potestate continetur. l. non potest. 31. D. de adopt.

VLLO PENE MODO.) Sequitur III. Pater certis de causis filium emancipare cogitur. l. nonnunquā. 32. D. eod. Nonnunquam, ait Papinianus, impubes qui adoptatus est, audiendus erit, si pubes factus emancipari desideret: idq; causa cognita per iudicem statuendum erit. Verum hæc nihil attinebat hoc loco commemorare, quia hæc causæ non sunt insitæ ac propriæ, uerum aduentitiæ & extraneæ, ut in l. si cui legatum. D. de cond. & demonstr. l. 3. §. si quis minor. D. de minor.

## DE TUTELIS. TITVLVS XIII.

*Secundæ personarum diuisionis subdiuisio: tutela tutorumq; definitio & etymologia. l. 1. D. de tutelis.*

I. **T**RANSEAMUS nunc ad aliam diuisionē personarum. Nam ex his personis, quæ in potestate nō sunt, quædā uel in tutela sunt, uel in curatione: quædā neutro iure tenentur. Videamus ergo de his, quæ in tutela uel in curatione sunt. ita enim intelligemus cæteras personas, quæ neutro iure tenentur. Ac prius dispiciamus de his quæ in tutela sunt. Est autē tutela (ut Seruius definiuit) uis ac potestas in capite libero: ad tuendū eum qui per ætatem sua sponte se defendere nequit, iure ciuili data ac permessa. Tutores autē sunt, qui eam uim ac potestatem habent, exq; ipsa re nomē acceperūt. itaq; appellantur tutores, quasi tuitores atq; defensores: sicut æditui dicuntur, qui ædes tuentur.

AD ALIAM DIUISIONEM.) Hoc est, superioris diuisionis subdiuisionem. Superius enim dixit, personarum alias esse in potestate, alias non esse. Cum autem de ijs quæ in potestate sunt differuerit, docueritq; alios dici filiosfam. alios seruos, proximum est, ut alteram partem deinceps explicet. Scribit ergo, personarum quæ in sua potestate sunt, alias in tutela aut curatione esse, alias non esse. Vnde perspicuum est, hanc subdiuisionem potius, quàm diuisionem esse.

PERSONIS QVÆ IN POTESTATE NON SVNT.) Enunciatio I. Qui in tutela aut curatione sunt, in manu potestatisq; esse non dicuntur. Quod tamen falsum uidebitur animaduerti quod proximè dicitur: Tutelam esse potestatem, & Tutores uim ac potestatem in pupillos habere. Sed intelligendum est, potestatis uerbo in enunciatione nostra significari infinitam ac summam potestatem: ueluti ius uendendi, ius uitæ & necis, quod & patresfam. in liberos, & domini in seruos habent. In tutela uerò definitione potestatem eam notari, quæ in eo uersatur, ut ius sit prohibendi à pupillo incōmodi. Atq; ut subtilius rem explicemus, cum potestatis duæ sint partes, quarum altera in nocendi, altera in commodandi facultate posita est: cum pupillos in potestate esse negamus, plenam & integram potestatem intelligimus: cum uerò eos in tutorum potestate esse dicimus, specialem hanc & particularem, nimirum quæ in commodando, arcendisq; à pupillo periculis & incommodis posita est, significamus.

ITA ENIM INTELLIGEMVS.) Sequitur II. Quod aliqua in parte est, id omnibus præter unam remotis, insit in illa necesse est. Quæ de re superius sub tit. Qui sunt sui uel alie. iur. copiose explicatum est.

VIS AC POTESTAS.) Vis cum inuito rationem habet, potestas cum eo cui parendi necessitas incumbit. Sensus igitur: TUTELA EST VIS, id est facultas arcendi incommodi à pupillo, etiam inuito ac repugnante: AC POTESTAS, id est facultas regendi gubernandiq; pupilli, tutoris moderationi commissi, nō permisi. Eodem modo Prætor qui questionem exercet, uim ad iudices in consilium cogendos habere dicitur, & Consul ad Senatores in senatum euocandos. Cicero in Cluentiana: Quid est Q. Naso, cur tu isto loco sedeas? quæ uis est, quæ abs te hi iudices tali dignitate præditi coercentur? Terentius in Heauton.

— Hic me magnificè effero,

Qui uim tantam in me & potestatem habeam tantæ astutia.



**A IN CAPITE LIBERO.)** Sequitur III. Tutela liberorum hominum propria est. l. i. unde hic locus descriptus est, D. eo. l. no. q. enim illi serui in tutela esse dicuntur. Porro hæc uetus locutio est, pro in caput liberum in XII. Tab. Si fuerit exstitat, agnatorum gentiliamq. in eo pecuniaq. eius potestas esto. Et, Caput liberum, hominem liberum, ut apud Gell. lib. 5. cap. 19. Tutoribus in pupillos tantam esse auctoritatem potestatemq. fuis non est, ut caput liberum fidei sue commissam alienæ ditioni subijciant. Cicero etiam Verrin. 4. Hic alteram decuriam senatoriam iudex obtinebit? hic de capite libero iudicabit item Vlpianus cap. Instit. XI. Qui liberum caput mancipatum sibi uel à parente, uel à coemptore, &c.

**AD TVENDVM EVM.)** Sequitur IIII. Tutorum potestas tuitione & custodia pupilli definita est. d. l. i. Hoc est, cum potestatis due sint partes, (ut proxime dicebamus) ea demum potestatis pars tutoribus permittitur, quæ in commo- dando & conseruando sita est, nimirum ut pupillos consilio & auctoritate defendant. Eoq. illa Ciceronis aurea pertinet sen- tentia in lib. Offic. 1. Ut enim tutela, sic procuratio Reip. ad utilitatem eorum qui commissi sunt, non ad eorum quibus commis- si, gerenda est.

**EVM QVI PER AETATEM.)** Sequitur V. Tutor non patrimonio, sed personæ pupilli datur. l. quia perso- næ. l. 4. D. de test. tut. Nam si ad tutandum pupillum datus est, etiam si tenues aut nullæ eius sint facultates, cum tamen pro suis fa- cultatibus tueri debet, quod explicatius proximo tit. tractabitur. eodemq. pertinet quod ait Paulus in l. cum plures. 12. §. 3. D. de admin. tut. nimirum tutores moribus etiam pupillorum præfici. His autem uerbis potestas curatorum in eos qui per ætatem se defendere non possunt, nimirum adolescentium, à tutorum potestate distinguitur: non enim personæ, sed rei curator datur. l. in copulandis. C. de nupt.

**QVI PER AETATEM.)** Sequitur VI. Tutela masculorum ætatis impuberis propria est. §. i. infr. quib. mod. tut. ubi pubert. n. pupillos à tutorum potestate liberare dicitur. At enim, dicit quispiam, satis constat olim etiam mulieres in tutela, eaq. perpetuas fuisse: quod etiam Vlp. in Instit. hoc titulo demonstrat. Quæ dicitur de mulierum tutela dicemus, cui conueni- re hæc nullo modo potest definitio? Quæ autem solam marium tutelam à Seruo definitam esse oportet: aut, quod ueri d. si mi- le non uidetur, à Triboniano hæc uerba sublata sunt, AVT INFIRMITATEM CONSILII: quibus uerbis mu- lierum quoq. tutelam facile complecteremur. His autem definitionis uerbis QVI PER AETATEM, uis ac potestas primum quam patres uel naturales uel adoptiui, deinde curatores eorum qui minores non sunt, in liberum caput obinent, ab hac tutorum potestate seiungitur. Curatores autem puberibus minoribus propter ætatem dari, Vlpianus planissime testatur in l. quod si forte. 14. in fi. de solut. & l. 4. in fi. de Rempub. sal. for.

**PER AETATEM.)** Florentinus liber, qui cum ceteri propè omnes consentiunt: Qui propter ætatem suam, spon- te, &c. Sed cum Argentinensis libri auctoritas, tum etiam Latine linguæ consuetudo, quam sine dubio Seruius retinuit, hanc scripturam ueriores esse conuincit.

**IURE CIVILI DATA AC PERMISSA.)** Sequitur VII. Tutorum potestas iure civili instituta est. d. l. i. Cuius pronuntiati non ea uis est, ut non gentium quoq. iuris tutela & ab alijs gentibus usurpata sit: gens enim opinor nullo unquam pupillorum tutoribus caruit. Itaq. tutelam iuris naturalis esse, Iustinianus aliquanto post aperte ac nominatim affirmat sub tit. de Atilian. tutor. Quid ergo est? Ortum nimirum ac materiam ex iure gentium tutela sumpsit, incrementum & conformationem à iure Quiritium, quod cuiusmodi sit, partim ex legi. im. & fiduciariæ tutelæ nominibus, partim ex tra- ctatu De auctoritate tutorum, potest intelligi: præterea ex eo, quod legitima & fiduciaria simul cum agnatione amittantur. omnes uerò ciuitatis amissione intereunt, ut suo loco intelligitur. Itaq. nec peregrinus ciuis tutelam potest capere, nec ciuitate mulctatus retinere. Ex quibus omnibus intelligi par est, necessariam hanc fuisse in ista definitione appendiculam, quæ Roma- næ ciuitatis rationes ab aliarum gentium tutelis distingueret.

**EX QVE IPSA RE NOMEN CEPERVNT.)** Sequitur VIII. Tutores non ex potestate tantum, sed ex re ipsa atq. facto æstimantur. Et ut de Consule Cicero in Pisoniana testatur: Animo tutorem esse oportet, consilio, fide, gra- uitate, uigilantia, cura, toto denique munere procurationis. Et lib. de Offic. 1. Tutela ad utilitatem eorum qui commissi sunt, non ad eorum quibus commissi, gerenda est.

**C Paterfam. moriens impuberi filio, itemq. nepoti, quem tamen non patris, sed suæ po- testati relicturus est, tutorem dare potest. l. j. D. de test. tut.**

II. Permissum est itaque parentibus, liberis impuberibus, quos in potestate habent, testamen- to tutores dare. Et hoc in filios filiasq. procedit omnimodo. nepotibus uerò, neptibusq. ita de- mum parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tuæ tempore in potestate tua sit, nepotes ex eo non poterunt ex testamēto tuo tutores habere, quamuis in potestate tua fuerint: scilicet quia mortuo te, in potestatem patris sui recasuri sunt.

**TESTAMENTO TVTORES DARE.)** Enunciatio I. Vis patriæ potestatis, etiam post patris mortem, in- liberos usq. ad pubertatem durat. l. 1. D. de test. tut. l. 2. D. de uulg. & pupill. Quod quemadmodum intelligi debeat, ex hac caus- sæ constitutione perspicimus. Mænius puer, cui tutor à patre datus erat, donare rem quampiam alicui & pecuniā profunderi uolebat. Hunc tutor prohibet. Intentio: Nō potes alienare nisi me auctore, quippe tutore tibi à patre dato. Depul. imō possum. Quæst. An possit. Ratio: Non enim patris imperio iam ac legibus tenor. Superius enim explicatum est, patriam potestatem morte parentum extinguī, & filios morte parentum eorum legibus solui. Firm. At quæ in testamento pater de filio decreuit, ijs iure patriæ potestatis astrictus es. Discep. An uis patriæ potestatis etiam post mortem patris duret. Iustinianus respondet, usq. ad pubertatem durare. Similiter in l. moribus. 2. de uulg. subit. cum pater ita scripsisset: Filius meus hæres esto: si filius meus ante pubertatem moriatur, Sempronius ei hæres esto: responsum est, filium ijs testamenti legibus teneri.

**LIBERIS IMPVBERIBVS.)** Sequitur II. Pater tutorem dare liberis, nisi impuberibus, non potest. Extendi enim patriam potestatem leges post parentum mortem, non ultra pubertatem uoluerunt.

QVOS



QVOS IN POTESTATE HABENT.) Sequitur III. Qui liberos in potestate nō habet, dare ijs tutores nō potest. Itaque tutor emancipato filio ipso iure inutiliter à patre datur: ut mox dicemus. & mater quia liberos in potestate non habet, (ut docuimus suprà, de adopt. §. 3.) dare simpliciter filijs tutores non potest. l. 4. D. de test. tut. & pater naturalis iniustus filijs tutores attribuens, nihil agit. l. ult. C. de confir. tut.

NEPOTIBVS VERO ITA DEMVM.) Sequitur hæc, quasi totius huiusce loci summam complectens, IIII. Pater ijs tantum liberis qui sui sunt, dare tutorem potest. l. hereditas. 10. §. 1. D. de test. tut. Suus autem in iure dicitur, qui in patris familia proximum à Principe ac patrefamilias locum obtinet. l. ult. D. de bon. damn.

SCILICET QVIA MORTVO TE IN POTESTATEM PATRIS.) Sequitur V. Auis moriens integram debet filio patriam in nepotes potestatem relinquere. d. l. cum filiusfam. D. de test. mil. & l. 2. D. de uulg. subst. ubi negat Vlpianus, auium posse nepoti heredem adscribere; quod tamen ei liceret, si nepos suus esset.

Patre ei postumo qui suus nasciturus erat, rectè tutorem attribuit: emancipato uero datus à patre tutor, à magistratu confirmandus est. l. j. De test. tut.

III. Cum autem in cōpluribus alijs causis postumi pro iam natis habentur, tum in hac causa placuit non minus postumis, quàm iam natis, testamento tutores dari posse: si modò in ea causa sint, ut si quibus parentibus nascerentur, sui, & in potestate eorum fierent. Sed si emancipato filio tutor à patre datus fuerit testamento, confirmandus est ex sententia Præsidis omnimodo: id est, sine inquisitione.

PRO IAM NATIS HABENTVR.) Enunciatio I. Qui in utero est, si de ipsius agatur emolumento, pro iam nato numeratur. l. qui in utero. D. de stat. hominum. l. quod dicimus. 231. D. de uerb. sign. Veluti si quærat, an pater moriens filio suo postumo dare tutorem possit, ita disputabitur: Patria potestas (cuius pars est datio tutoris, ut proxime diximus) in actione uersatur, id est subest ei categoriæ quæ Actio nominatur. quare nisi sit & qui eam exerceat, & in quem exerceatur, nulla est. At mortuo patre, & postumo nōdum nato, neuter in rerum natura est. uigere igitur eo tempore patria potestas non potest: aut potius intermorta atq; extincta plane est. Quod sanè uerissimum esset, nisi ius civile eum qui in utero est, pro iam nato numeraret. Ex quo illud perspicuum est, patriæ potestati, etiam post patris mortem & ante filij natiuitatem uim suā conseruari. l. si nemo. 19. §. 2. D. de test. tut. ubi Vlp. ait: Tutorem postumo datum nondum esse tutorem, nisi postumus edatur. Vnde de appar. patriam potestatem quæ in actione consistit, tantisper quasi sopitam, at non extinctam esse.

SVI ET IN POTESTATE NASCERENTVR.) Antea SVI HAEREDES ET IN POTESTATE: corrupte, ut cuius facile intellectus est, quare duorum auctoritate codicum adiuti, mendum tollere non dubitauimus. Mendum autem ex eorum errore natum est, qui suorum uerbo heredes suos intelligi putabant: cum hoc loco non de hæredibus, sed de postumis suis agatur, quibus postumos alienos opponere solennus. de quibus infra. §. postumo, 25. de legat. Sed ecce alia difficultas: Cum enim SVOS dixisset, quid est quod addidit, Et in potestate nascerentur? Ne longum faciam, interpretationem hanc ab imperatore ipso adiectam putarem ad uerbum S VI: qui cum subtiliorem eius uerbi explicationem ferri hoc loco non posse perspiceret, contentus fuit pinguiorem hanc glossam adscribere: ID EST in potestate nascerentur. sic enim mihi legendum hunc locum facile persuadeo. Vlpianus autem in l. i. de test. tut. aliquanto spinosius hæc extulit: Si modò in ea causa sint, ut si uiuus eo nati fuerint, in potestate eius futuri sint, neq; testamentum rupturi. Nam hoc est dicere, Ita nominatim heredes instituti, ut testamentum agnatione rupturi non essent, id quod facere solent præteriti silentio postumi.

ET IN POTESTATE.) Sequitur II. Postumo, nisi qui suus nasceretur, tutor dari non potest. l. i. D. de test. tut. Cum autem dico suus nasceretur, id significo quod Iustinianus ait, qui si uiuis parentibus nasceretur, suus fieret. Quod obfcurum uidetur. nam qui in patria potestate nascitur, suus non est: id est, non est sui iuris. Verum hoc intelligendum est per anticipationem, & uerè à patre. Quamobrem cum suum ita definimus, suus est qui in testatoris potestate est, & primum in familia gradum obtinet: hoc uerè à patre (ut dixi) intelligendum est, quasi dicatur, suus erit. Ut igitur ad propositam euinciationem redeamus: idè autem non potest dari tutor postumo, nisi qui si uiuo testatore natus fuisset, primum in ipsius familia gradum ac locum obtinuisset: quia si ei daretur qui in potestate patris nasciturus est, suus alienum, siue patria potestas minueretur: contra l. cum filiusfam. 28. D. de milit. test.

CONFIRMANDVS EST.) Sequitur III. In tutore dando filio emancipato patris auctoritas sequenda est. Nam & si datio tutoris pars est patriæ potestatis, unde patria potestas exclusæ est (ut ab emancipato filio) ibi nulla tutoris datio habere locum potest: ob reuerentiam tamen paternam (quam etiam emancipati patribus suis debent. l. liberto. 9. D. de obseq. lib.) confirmari tales tutores solent.

ID EST, SINE INQUISITIONE.) Sequitur IIII. Tutor emancipato à patre relictus, sine inquisitione confirmatur. l. si filio. 6. D. de confir. tut.

## DE IIS QUI TUTORES TESTAMENTARIOS DARI POSSUNT.

### TITVLVS XIII.

Et filiusfam. & seruus tum proprius, tum alienus, dari tutores possunt: ita tamen, si aut proprium testator non putet esse liberum: aut alienum, cum liber erit, tutelam suscipere iubeat. l. 16. & 28. D. eod.

I. D. Ari autem testamento tutor potest non solum paterfamilias, sed etiam filiusfamilias. sed & seruus proprius, testamento cum libertate rectè tutor dari potest. Sed sciendum est, eum & sine



**A** sine libertate tutorem datum, tacitè & libertatem directam accepisse uideri, & per hoc rectè tutorem esse. Planè si per errorem, quasi liber, tutor datus sit: aliud dicendum est. Seruus autem alienus purè inutiliter testamento datur tutor: sed ita, CVM LIBER ERIT, utiliter datur. Proprius autem seruus inutiliter eo modo tutor datur.

SED ETIAM FILIVSFAM.) Enunciatio I. Filiusfam. in causa tutelarum patrisfam. locum obtinet. I. filiusfam. 9. De his qui sunt sui uel. quod tamen alicui mirum uideatur, cum absurdum sit eum qui aliena in potestate est, potestatem in alterum habere. I. sic eueniet. 21. D. de adult. cum qui nullius planè rei sue administrationem habet, alterius personam & patrimonium liberè administrare. Sed respondetur, id populi totius, hoc est Reipub. imperio constitutum esse, quæ in suis causis filiofam. ius patrisfamilias attribuit. I. filiusfam. D. qui sunt sui uel al. l. 14. D. ad Trebell. ubi Iurisconsulti aiunt, filiusfam. summos etiam magistratus mandari, eosque etiam in patres suos imperium ac potestatem obtinere, & pro sua potestate posse eos, ut legibus parcant, cogere. Cum igitur Tutela munus sit publicum, & Respub. tantam pupillorum curam habeat, ut eorum causam suam efficiat, præclare comparatum est, ut etiam filiusfam. mandari tutelæ possint.

CVM LIBERTATE.) Deinceps de triplici mandanda seruis tutelæ formula disputatur. idque primum in seruis propriis, tum etiam in alienis. Prima hæc est: Datus tutor & liber esto. Secunda: Datus tutor esto. Tertia: Datus tutor esto, cum liber erit. De quibus remota legum auctoritate, breuiter ex communi sensu disputandum est. Nam de prima dubium esse non potest: siue de proprio, siue de alieno seruo dictum id sit, quia in proprio data libertas ab ipso testatore intelligitur: in alieno, hæres rogatus ut eum emat, & manumittat, ut tutelam recipiat. atque ita conuenit inter omnes. I. si hereditas. 10. in fi. D. de test. tut. De secunda, quod quidem ad proprium attinet, sic argumentari licebit: Cui quid mandatur, eidem id sine quo mandatum illud obire non potest, concessum intelligitur. arg. l. 2. D. de iurisd. omn. iud. At seruis tutelam sine libertate administrare non potest. Quare cui tutela data est, eidem libertas, tanquam necessarium antecedens, delata intelligitur. quod in seruo quidem proprio concessu omnium receptum est: ut hoc loco, & l. quæro. 32. in fine. D. de test. tut. In eo tantum dissensio est, utrum à testatore directò manumissus uideatur, an hæres ei libertatem debeat. Sed cum utrumque in testatoris potestate fuerit, mihi quidem dubium non uidetur, quin qui seruo suo tutelam mandat, idem libertatem eidem seruo largiri intelligatur. Itaque Iustinianus hoc loco respondet: cui Papinianus consentit in l. qui tutelam. 27. §. 1. D. de test. tut. Atque hæc quidem de seruo proprio. Quid igitur in alieno? Et cum eadem regula locum hic habeat, eodem planè modo statuendum hic esse arbitror. quid enim interest (ut ait Vlpianus) utrum proprium testator, an alienum seruum tutorem scripserit? Nam & pupilli fauor, & Reipubl. causa, quæ in pupillorum tutelis agitur, exigit ut ei seruo cuiuscunque is sit, libertas debeatur. atque ita concludit Vlpianus in l. si hereditas. 10. in fin. D. de test. tut. Iustinianus autem paulo post contrarium aperte constituit, ut proximè intelligatur. Reliquum est, ut de tertia formula differamus, quam iccirco in seruo proprio inutilem, in alieno utilem esse iudicare possumus, quod accidere potest, ut alienus recipiendæ tutelæ tempore liber, ac tutelæ capax sit: quod in proprio accidere non potest, cum testamentum postrema eius qui solus dandæ libertatis potestatem habet, uoluntas existat. Præterea satis constat his uerbis, Tutor esto cum liber erit, hoc significari: Cum dominus eum manumiserit, uel cum dominus eum manumittere uoluerit. Quæ sententia iccirco in alieno seruo commodè usurpatur, quia testatores plerumque non putant esse in sua potestate alieno seruo libertatem cum tutela dare. Hoc igitur domini iudicio ac uoluntati permittunt. At in proprio, inanis & ludicra iudicatur. tantundem enim est ac si diceret: Tutor esto, cum ego (qui nunc solus eius rei potestatem habeo) libertatem ei dederò. quæ conditio, quia nunquam euenit, ludicra, ut dixi, & planè inanis esse iudicatur. ueluti si quis dicat, Hæc tibi res emptæ esto, cum uoluerò, uel si uoluerò: satis constat cum ludificari emptorem, & nihil agere. Atque ita Iurisconsulti uno consensu statuerunt. d. l. 10. D. de test. tut. Hæc igitur de triplici formula sufficiant.

TESTAMENTO CVM LIBERTATE.) Veluti: Datus tutor & liber esto.

ET SINE LIBERTATE.) Veluti: Datus tutor esto.

**C** LIBERTATEM DIRECTAM.) Sequitur II. Qui seruum suum tutorem instituit, eidem directam libertatem legare intelligitur. Directa autem in testamentis dicuntur, quæ rectè à testatore in eum de quo agitur, nulla alterius opera interposita, & ut uulgus loquitur, immediate transeunt. ueluti si quis dicat, Datus liber esto: post eius mortem, Datus uel solius testamenti & sine cuiusquam alterius opera libertatem obtinebit, & mortui libertus habebitur. At si quis dicat, Rogo te hæres ut Dauo libertatem impertias: quia Dauus hæredis opera in libertate consequenda indiget, iccirco non directò, sed per obliquum à testatore libertatem accepisse dicitur: & libertus non mortui, sed hæredis habebitur. Hæc cum ita se habeant, queritur, si testator sic dixerit, Datus tutor esto: directòne an per anfractum, hoc est hæredis factum libertus à testatore ad Dauum perueniat: & an hæredis opera in libertate consequenda indigeat? Et cum ad tutelam recipiendam libertas sit necessaria, mihi sanè rerum naturam per se, remota legum auctoritate consideranti, uidetur, qui tutelam mandat, libertatem aut prius aut certè simul dedisse. Nam si aliquo concessu, quæ necessariò antecedunt concessa intelliguntur, dare libertatem uidetur, qui seruo proprio tutelam mandat. Atque ita hoc loco Iustinianus affirmat: cui tamen ita aperte ac planè Vlpianus refragatur in l. si hereditas. 10. D. de test. tut. & Impp. in l. & si non. 9. C. de fid. libert. ut mihi, qui eos conciliare conantur, sui potius ingenij acumen ostentare, quam lectorum studijs consulere uelle uideantur. præsertim cum Paulus in l. quæro. 32. in fin. D. de test. tut. Iustiniano quoque consentiat, & Dauum hoc casu sine tutoris opera libertatem sibi uindicare posse respondeat. Nisi fortè dicamus, Pauli coniecturam ex eo adiuari, quod testator prænomen addiderit, & quum LVCIVS EROS diceret, pro libero se haberi illum uelle significarit. Verum utcumque sit, Papinianus certè in l. qui tutelam. 28. §. 1. D. eod. aperte Iustiniano consentire uidetur. ait enim, cum qui heredem suum rogauit, ut Dauum suum manumitteret, non rectè postea sic scribere, Datus tutor esto. quid ita? quia qui Dauum tutorem esse iubet, eundem directò liberum esse iubet, ac suum iccirco libertum efficit. at qui rogauit, heredem libertum attribuit: quamobrem nò ex testamento, ait, sed ex hæredis manumissione libertatem consequetur.

PLANE SI PER ERROREM.) Sequitur III. Tutela seruo qui liber putabatur data, nullius momenti est. I. si quis. 16. D. de test. tut. cuius rei ratio sic intelligitur: Libertas ei, cui testator eam dare non cogitabat, non debetur. Ei quem



liberum putabat, dare non cogitabat: quare tutelam ei quem liberum putabat, relinquens, non etiam libertatem ei reliquisse **A**  
intelligitur. l. generaliter. 24. §. s. d. fideic. lib.

SERVVS AVTEM ALIENVS PVRE.) Veluti, Stichus tutor esto.

INTVLITER TESTAMENTO TVTOR DATVR.) Sequitur IIII. Tutela seruo alieno mandari, nisi adijciatur, cum liber erit, non potest. contra d. l. si hereditas. l. et si non, et regulam superius expositam, Cui quid mandatum est, eidem id quoque sine quo explicari illud non potest, concessum intelligitur. Et profecto cum proxime Iustinianus dicat, has formulas, Furiosus tutor esto, Minor tutor esto: sic intelligendus esse, quasi adiectum esset, Cum poterunt: hoc est, cum ille furere, hic minor esse desierit: existimarem idem in hac formula iuris esse, Servus alienus tutor esto, hoc est, cum servus esse desierit. Verum quemadmodum in illa furiosi formula dissensio inter Iurisperitos extitit. l. si hereditas. 10. §. 1. d. de test. tut. eodem modo in hac quoque de seruo fuisse arbitror. In summa, cui seruo alieno tutela data est, eidem data libertas intelligitur. Non tamen directo, quia natura rerum non patitur ut seruo alieno, verbo uno libertas detur. Inbere ergo testator heredem intelligitur servum illum emere, et emptum manumittere.

PROPRIVS AVTEM SERVVS INTVLITER.) Sequitur V. Tutela seruo proprio ita mandari cum liber erit, non potest. Nec iniuria, nam perinde est ac si testator diceret: Tutor esto, cum a domino suo libertatem adeptus erit, quod cum dominus ipse loquitur, aperte ludificari et nihil agere intelligitur, veluti si quis dicat: Hæc res tibi emptæ est, si eam tibi uendidero.

Si furiosus aut minor tutor detur, ille cum furere, hic cum minor esse desierit, tutelam geret. l. x. §. ij. et l. xxxij. eodem.

II. Furiosus, uel minor uiginti quinque annis tutor testamento datus, tutor tunc erit, cum aut **B**  
compos mentis, aut maior uiginti quinque annis fuerit factus.

TVTOR TESTAMENTO DATVS.) Enunciatio I. Furiosus tutor datus, furore sublato tutelam geret, nimirum si hac formula sit datus, Orestes tutor esto. nam illa, Tutor esto cum furere desierit, nihil prorsus quod disputetur, relinquit. Vlpianus in l. si hereditas. 10. §. 2. d. de test. tut. Si furiosus testamento tutor detur, siquidem cum furere desierit: recte tutorem esse datum, Proculus existimat. quid si datus sit pure? negat Proculus ualere dationem. Sed est uerius (quod et Pomponius ait) recte uideri datum: et tunc fore tutorem, cum sapere cæperit. Hæc Vlpian. cui Paulus consentit in l. furiosus. d. de tutel. Nam etsi cum Proculo ius summum, simplex, directum facere uideatur, ludereque, uideatur qui furioso tutelam mandat: tamen ad pupillorum fauorem et communem utilitatem accommodatur Vlpiani, Pauli, Pomponijque sententia uidetur: cuius rei ratio habetur d. l. si hereditas. in fin. d. de test. tut.

AVT MAIOR VIGINTIQUINQUE.) Sequitur II. Minor testamento tutor datus, ante legitimam ætatem tutor non erit. l. quæro. 32. in fin. d. de test. tut. ob eamque causam tutela periculum ad eum prius non pertinebit. Interea ergo curator dari debet. l. 2. u. 10. §. 1. d. de excusat. quin et tutor dari poterit: quippe alio deficiente. §. 1. inf. de Attil. tut. hic enim quasi ex die institutus uidetur. Atque hæc quidem de testamentariis dicta sint. Nam prætoriorum et legitimorum dissimilis erat ratio, ut suo loco docebimus.

Tutor quousque et modo et testamenti loco, dum tamen ne rei causæ uel certæ attribuat, recte datur. l. viij. xij. xij. xij. d. de test. tut.

III. Ad certum tempus, uel ex certo tempore, uel sub conditione, uel ante heredis institutionem posse dari tutorem, non dubitatur. Certæ autem rei uel causæ tutor dari non potest: quia per **C**  
sonæ, non causæ, uel rei tutor datur.

AD CERTVM TEMPVS.) Enunciatio I. Testator potest filij sui tutorem et tempori et conditioni astringere. l. tutor. 8. §. 1. d. eod. ueluti, Mæuius in quinquennium tutor esto, post quinquennium Aurelius: quod si naui ex Asia uenerit, simul Cornelius tutor esto.

ANTE HÆREDIS INSTITVTIONEM.) Sequitur II. Tutor dari prius quam hæres instituatur, potest. Quod tamen iccirco dubium uidebatur, quia si nemo (ait Pomponius) hereditatem adierit, tutela quæ ex testamento data est, uim habet nullam. l. si nemo. 9. d. de test. tut. Itaque Tutela testamentaria prius quam hereditas ex testamento adeatur, iniri non potest. §. 1. infra de Attil.

CERTÆ REI VEL CAUSSÆ.) Veluti, Quintus quia mercaturæ peritus est, tabernam pupilli administrare: quia iuris et forensis consuetudinis, lites controuersiasque persequatur.

PERSONÆ, NON CAUSSÆ, VEL REI.) Sequitur III. Tutor non causæ, uel rei, sed personæ datur. l. certarum. 12. cum seq. d. de testam. tut. Sed dixerit fortasse aliquis, tutorem etiam fortunæ dari. Ideoque Iulianum in l. interdictum. 56. §. 3. scribere, tutorem domini locum obtinere. Subaudiendum igitur, Principaliter: ueluti si quis dicat, Matrimonium liberorum, non bonorum querendorum causa contrahitur. Nam plerumque uiris industrijs puellæ uxores dantur: potissimum autem causa, id est finis, hæc est, ut liberi procreentur: quam opum comparatio, quasi huic subseruiens, sequitur. Similiter ergo tutor personæ principaliter datur, rebus autem per consequentiam. cuius rei ratione Modestinus in l. 4. d. de testam. significare hanc uidetur, quod tutela, ius et potestas est in personam. Superius enim definita est, ius ac potestas in capite libero: quamobrem qui puerum in potestate non habet, ut mater, dare ei tutorem non potest. at si heredem cum instituerit, potest: uerum non in personam (inquit Modestinus) sed in rem datus intelligitur. quibus ex uerbis constat, Tutelam à patre ita dari in personam, ut non bona quæ ei relinquit spectet, sed ipsius duntaxat personæ disciplinam atque institutionem. Itaque imppt. l. tutores. 18. C. de excusat. tradunt, tutorem non iccirco excusari posse, quod pater uxori suæ omnium suorum bonorum usum fructum







sunt. l. 1. D. de legit. tut. Vlpian. cap. Instit. 11. Legitimi tutores sunt, ait, qui ex lege aliqua descendunt. per eminentiam autem legitimi dicuntur, qui ex lege XII. tab. introducuntur. A

QVASI A PATRE COGNATI.) Sic liber Florentinus. Sensus est igitur: Quasi per patrem cognati, non autem per matrem. nam si ulla mater sit, intercidit agnatio. Et sic Paulus interpretatus est in l. ult. §. 1. D. de gradib. Agnati, inquit, sunt per patrem cognati ex eadem familia: qui autem per feminas coniunguntur, cognati nominantur. Hic autem non uerbi figuram, sed sententiam ei attributam Caius spectauit. l. sunt autem. 7. D. de legit. tut.

QVI PER FOEMININI SEXVS.) Sequitur III. Qui per mares tantum se contingunt, agnati qui uero per feminam, cognati appellantur. l. 4. & ult. D. de gradib. cognat.

PATRIS, NON MATRIS FAMILIAM.) Sequitur IIII. Liberi non matris, sed patris agnatione non menq; sequuntur. l. familie. 196. D. de uerb. signific. nam, ut superiore capite Vlpianus ait, Mulier familie sue & caput & finis est. FAMILIAM autem Iustinianus, aut Caius potius, hic usurpauit pro agnatione: cuius iura quaedam lege XII. Tabularum instituta sunt, ut hereditatum, tutelarum, &c.

*Ab intestato tutela est etiam, cum ex testamento nulla est.*

*l. 7. j. D. de legit. tutor.*

II. Quod autem lex ab intestato uocat ad tutelam agnatos: non hanc habet significationem, si omnino non fecerit testamentum is, qui poterat tutores dare: sed si quantum ad tutelam pertinet, intestatus decesserit. quod tunc quoque accidere intelligitur, cum is qui datus est tutor, uiuo testatore decesserit.

LEX XII. TAB. AB INTESTATO VOCAT.) Enunciatio I. Intestatus in hac causa habetur etiam is, qui sine tutorum institutione testamentum fecit. l. 6. D. de legit. tut. Perspicuum est autem hoc ex loco, in lege XII. hae uerba fuisse: SI PATERFAM. INTESTATO MORITVR. Causa autem constitutio haec erit: Cornelius in suo testamento tutorem suo filio non dederat: post eius mortem frater eius pueri tutelam ad se reuocat. Intentio. Sum tutor, quippe proximus agnatus. D. Non es tutor. Q. An sit tutor. R. Quia lex agnatis tutelam non desert, nisi si paterfam. intestato moritur. Cornelius uero testamentum fecit. F. At quantum ad tutelam, intestato est mortuus. D. An ad eum qui testamentum fecit, in quo tutorem filio non dedit, legis uerba pertineant. Paulus in l. intestato. 6. D. de legit. tut. respondet, pertinere. mens enim & finis legis, potius quam scriptura spectanda est. Finis enim legis hic fuit, ut si tutor a patre datus non esset, agnatus tutelam susciperet. quare si minus plane legislator elocutus est, tamen ex eius consilio ac mente, non ex uerbis ac literis, uis legis aestimanda est. Itaq; si tutor testamento sub conditione datus sit, & conditio defecerit, uel is ab hostibus captus ibidem decesserit, tamen si interea dum aut conditionis euentus, aut ab hostibus reditio expectaretur, tutor a Praetore constitutus soleat, ut infra sub tit. 20. docebimus: tamen & hic tutelam ex ipso iure desinet, & in eius locum agnatus proximus succedet, quasi Intestati uerbum hoc quoq; casu ualeat.

VIVO TESTATORE DECESSERIT.) Sequitur II. Vtrum tutor datus, an superstes relictus non sit, nihil interest. Vel sic: Paria sunt, non dare tutorem, aut eum superstitem non relinquere. d. l. intestato. de legit. tut. ubi Paulus ait, tutelam hanc quasi testamento non datam ad proximum agnatum deferri.

*Legitima tutela ei qui proximo in gradu est, desertur: & si plures in eo sint, omnibus aequaliter. l. ix. D. de legit. tut.*

III. Cum autem ad agnatos tutela pertineat, non simul ad omnes pertinet, sed ad eos tantum qui proximiores gradu sunt: uel, si plures eiusdem gradus sunt, ad omnes pertinet. ueluti si plures fratres sunt, qui unum gradum obtinent, pariter ad tutelam uocantur. C

CVM AVTEM AD AGNATOS.) Hoc caput antea diuulsum cum esset, & stultissime in finem insequentis tractatus reiectum, putauimus suum in locum ordinemq; restituendum esse. in quo tantum abest ut ullius inuidiam metumamus, ut contra gratiam ab omnibus, ordinis quidem & rationis amantibus, expectandam putemus.

PROXIMIORES GRADVS SVNT.) Enunc. I. Tutela & pluribus agnatis, ei qui gradu proximus est, desertur. l. si plures. 9. D. de legit. tut. Itaq; si, uerbi gratia, sint pupilli frater, & alterius fratris filius, aut patruus: frater potior habetur. quod a Iustiniano de hereditate traditum infra, De legit. agnat. success. §. 4. ad hunc quoq; locum pertinet.

PARITER AD TUTELAM VOCANTVR.) Sequitur II. Qui eodem in gradu sunt, tutelam aequaliter assequuntur. d. l. si plures. eod. ita tamen, ut uni decerni tutela possit, ait Vlpianus l. legitimo. §. 1. D. eod.

VELVTI SI PLVRES FRATRES SVNT.) Hos duos uersus, etsi ab utroq; manuscripto libro abessent, tamen quia bonam & consentaneam sententiam habebant, & in omnibus impressis legebantur, relinquendos putauimus.

*Ex legitimis tutelis ea quidem quae agnationis iure desertur, quauis diminutione capitis intercidit: quae uero cognitionis, maxima & media duntaxat.*

IIII. Sed agnationis quidem ius omnibus modis capitis diminutionis plerumque perimitur. nam agnatio iuris ciuilis nomen est, cognitionis uero ius non omnibus modis commutatur: quia ciuilis



**A** ciuilis ratio ciuilia quidem iura corrumpere potest, naturalia uero non utiq;. Quod autem dictum est, manere cognationis ius etiam post capitis deminutionem: hoc ita est, si minima capitis deminutio interueniat. manet enim cognatio. nam si maxima capitis deminutio incurrat, ius quoq; cognationis perit, ut puta seruitute alicuius cognati: & ne quidē si manumissus fuerit, recipit cognationem. Sed & si in insulam quis deportatus sit, cognatio soluitur.

**OMNIBVS MODIS CAPITIS DEMINVTIONIS.)** Id est, quauis capitis deminutione. Antea tamen **DEMINVTIONE:** quod fuisse corruptum, facile intellectu est.

**NAM AGNATIO IURIS CIVILIS NOMEN EST.)** Enunciatio I. Agnationis nomen iure ciuili institutum est. Est autem enthymema, quo Iustinianus utitur, huiusmodi: Agnatio est nomen iuris ciuilis. Ergo quauis capitis deminutione perimitur. Subauditur autem propositio: Omne nomen iuris ciuilis quauis capitis deminutione perimitur. quam falsam esse, uel hinc licet intelligatur, quod usucapio minima capitis deminutione non perimitur. Quid ergo est? nam absurdum quoque hoc per se uidetur, Agnationem nomen esse non naturae, sed iuris ciuilis. Sed sensus est, meo iudicio: Iura de agnationibus constituta, non propter naturam, id est consanguinitatem, sed propter ciuitatis Romanae dignitatem atque amplitudinem, nimirum ut familiae & cognationes conseruentur, constituta fuisse, ueluti lex Voconia uetat, ne filiae haeredes instituantur. Hoc ob eam causam institutum constat, quia familiae nomen in muliere intercidit. Altera lex est: Filius adoptiuus adoptatoris sui sit haeres, quapropter? nimirum quia familia & agnatio per eum conseruatur. Perspicuum est igitur, neutram legem de agnationibus constitutam, naturae & sanguinis rationem habuisse: sed tantum ciuitatis Romanae familias propagandi & conseruandi.

**PLERVNQVE PERIMITVR.)** Claudicat enim illa regula ob Anastasij constitutionem. l. frater. 4. C. de leg. tit. ubi si frater emancipatus ad legitimam fratris tutelam uocatur.

**COGNATIONIS VERO IUS.)** Hoc loco *αὐτὴν τὴν αὐτὴν* loquitur, nec quid uelit satis declarat. Significat ge scilicet XII. Tab. agnatis delatae: aliae nouae, quae a posterioribus quibusdam legibus & senatusconsultis, cognatis attribuitur. l. tutel. 7. D. de cap. minut. sic enim uetus & noua legitima haereditas distinguuntur, in l. i. §. 7. D. ad Terull. l. i. & 3. D. de haer. petit. ut facile appareat, nostrum hunc titulum **DE LEGITIMA AGNATORVM TUTELA**, non tam ut huic tractationi conueniret, quam ut ab alijs insequentibus distingueretur, ita scriptum fuisse. Iustinianus autem significat, inter ueterem & nouam legitimam tutelam hoc interesse, quod illa quauis capitis deminutione perimitur: noua uero, media & maxima duntaxat. Hoc cum non dixerit, tamen rationem cur utrumq; ita sit, exponit.

**CIVILIS RATIO CIVILIA IURA CORRUMPERE POTEST.)** Hac ita obscure traduntur a Iustini. no, ut eius mentem intelligere non facile quius possit. Primum enim quod ait, agnationem nomen esse iuris ciuilis, falsum uidetur. nam satis constat, Agnationis uerbo consanguinitatem quandam naturalem significari. Quod si quis dicat, Agnationem ex adoptione quae ciuilis iuris est acquiri: idem tamen fateatur necesse est, unamquamq; rem ex maiore sui parte dicitur, quod ciuium Romanorum est proprium: ut usucapio, testamenti factio, nexus, mancipium, & cetera complura. Atqui iura ob agnationes constituta, ueluti haereditatum legitimarum ueterum, si ciuium Romanorum essent propria, non prius amitterentur, quam ciuius. quod falsum uidemus in arrogatis & emancipatis, qui quamuis ciuitatem non amittant, iura tamen agnationis, quae Ciuilia nunc appellantur, amittunt. Secundo loco Iustinianus significat, iura agnationum non esse ciuilia, sed naturalia. Atqui ea iura & in ciuitate Romana, & ut ciuium Romanorum propria essent, instituta sunt: itaque ab ijs quibus ciuitas adimitur, perfunduntur. Tertiū idem ait, ciuilem rationem naturale ius corrumpere non posse. Quæro, si cognationum iura sunt naturalia, quomodo capitis deminutione (quæ omni ex parte, siue media, siue summa, siue infima sit, iuris est ciuilis) amitti possunt? Quæro præterea nunc de omnibus generatim, cur potius agnationis quam cognationis iura ciuilia dicentur esse? Intelligendum est igitur, ciuile ius id appellari, quod proprie propter Quiritium rationem institutum est: neque communiter ab hominum genere, cæterisq; gentibus usurpatur. ueluti, Agnati tantum, non etiam cognati haeredes sunt: a iure gentium recedit, propriumq; est Romanae ciuitatis, & ideo institutum, ut familiarum Romanarum dignitas conseruetur. Naturale uero dicitur ius illud, quod etsi in ciuitate Romana receptum est, tamen aut omnino, aut ex parte ciuib; Romi cum cæteris omnibus gentibus commune est: ueluti matrimonij iura, ut mater familiæ uiro suo haeres esset: item cognationis, ut cognati inter se succedant: ut mater filio, & filius matri succedat. His positis, illud etiam intelligi oportet, quæ lex certa iura constituit, quæ propria Quiritium essent, eandem quoq; legem rationes certas, quibus illa iura dissoluerentur, instituisse: ueluti emancipationem & adoptionem, quæ iura agnationum eripiunt. Hac cum ita sint, Iustinianus hoc concludit modo, cum rationes iſte certæ a lege institutæ, ut illa Romana & uernacula iura perderentur, non pertineant ad ea iura quæ populo Romi cum cæteris omnibus gentibus communia sunt: hoc est, quæ sunt Iuris naturalis, siue gentium: relinquuntur, adoptionē aut emancipationem neq; matrimonium neq; cognationis ius extinguere. Sed totus hic de naturali & ciuili iure locus, sanè uerrimus, accuratè a nobis tractatus est in Comment. uerb. iur. sub uerbo Naturalia.

**C** **CIVILIS RATIO.)** Sequitur II. Iura ob agnationes instituta, iſdem modis quibus agnationes tolluntur, intercidunt. Sed emancipatio & adoptio agnationem perimunt: ergo & tutelam agnationis iure delatam perimant necesse est. Hoc est quod ait Paulus d. l. 7. de cap. minut. Tutelas non amittit capitis minutio: exceptis his quæ in iure alieno personis positæ deferantur. Cuius tamen de loci emendatione alio loco differemus.

**NATURALIA VERO NON UTIQVE.)** Hoc est, Tutelas uero quæ cognatis propter naturalem tantum consanguinitatem & agnationem, non propter ciuitatis amplitudinem instituta sunt, adoptio & emancipatio non adimunt. Itaq; Paulus, Ex nouis legibus, inquit, & haereditates & tutela plerūq; sic deferuntur, ut personæ naturaliter designantur. l. 7. D. de cap. minut. Quære si quis ita disputaret: Iura de successione & tutelis cognatorum ciuilia sunt, nam in ciuitate Romana constituta sunt: Ergo contraria ciuili ratione corrumpi debent, quomodo Iustinianus ex agnationib; conſeruat.



Respondemus: Ciuitia iura hic dici, in quibus constituendis potius ciuitatis Romana ratio ducta est, quam cognationis & sanguinis: Naturalia uero, in quibus solius naturae & sanguinis habita ratio est. Verum haec quidem de ciuilibus argutis haec tenus. nam quod ad communem locum attinet, licebit animi relaxandi causa illud ex Plutarchi Solone adscribere: *ὅτι γὰρ διορίσας ἁλίστους ἀνθρώπους αὐτὸς δόλιον τιμὴν ἔθηκεν πρὸς γάμον. ἴσθι: τὸς δὲ ἅλως νόμος δεινὸν καὶ τυραννικόν. τὸς δὲ ἅλως νόμος, ἐν ᾧ αὐτὸς δόλιον τιμὴν ἔθηκεν πρὸς γάμον, ἴσθι: τὸς δὲ ἅλως νόμος δεινὸν καὶ τυραννικόν.*

IVS QVOQVE COGNATIONIS PERIT, VTPVTA SERVITVTE.) Sequitur III. Amissio libertatis aut ciuitatis, iura consanguinitatis extinguit: familia uero mutatio, nequaquam. Itaq; Vlpianus in l. 2. ad Tertull. matrem filio in seruitutem redacto, scribit matrem esse desinere: non quo ad procreationem, sed quo ad ius cognationis. Ratio uero est, non quia seruitus & deportatio morti comparantur: nam emancipatio quoq; mortalitati comparatur, in l. Gallus. §. & quid si tantum. de lib. & post. & l. si ita. quando dies leg. sed quia quae iura cognationis causa instituta sunt, ea inter ciues tantum instituta intelliguntur. Quare cum alter ex cognatis ciuis esse desinit, ius quoq; cognationis in illo, atq; adeo ipsa cognatio perempta extinguitur, est.

NE QUIDEM SI MANVMISSVS FVERIT.) Sequitur IIII. Seruus factus quamuis manumittatur, cognationem tamen non recipit. l. is qui. 7. D. unde cognat. ubi Modestinus ait: Is qui aliqua ratione seruus factus est, manumissione nulla ratione recipit cognationem. quod pertinet illud eiusdem in l. homo. 21. D. de statu hom. Homo liber qui se uen didit, manumissus non ad suum statum reuertitur, quo se abdicauit: sed efficitur libertinae conditionis.

## DE CAPITIS DEMINVTIONE.

### TITVLVS XVI.

#### Capitis deminutionis definitio, item tripartita diuissio: ex l. 1. & ultima. D. de capitis minutione.

I. **E**st autem capitis deminutio, prioris status commutatio. eaque tribus modis accidit. Nam aut maxima est capitis deminutio: aut minor, quam quidam mediam uocant: aut minima. Maxima capitis deminutio est, cum aliquis simul & ciuitatem & libertatem amittit. quod accidit in his, qui serui poenae efficiuntur, atrocitate sententiae: uel libertis, ingrati erga patronos condemnatis: uel his, qui se ad precium participandum uenundari passi sunt. Minor siue media capitis deminutio est, cum ciuitas quidem amittitur, libertas uero retinetur. quod accidit ei, cui aqua & igni interdictum fuerit: uel ei, qui in insulam deportatus est. Minima capitis deminutio est, cum ciuitas retinetur, & libertas, sed status hominis commutatur. quod accidit in his, qui cum sui iuris fuerint, coeperunt alieno iuri subiecti esse: uel contra, si filiusfamilias emancipatus fuerit, est capite deminutus.

STATVS MUTATIO.) Hoc si ita est, quicumq; statum mutat, eum capite minui necesse est. At filiusfam. qui per patris mortem fit paterfam. mutat statum: ut l. 1. ad Tertull. minui tamen capite negatur. l. 3. §. ult. D. ad Macedon. Hoc igitur primum intelligi oportet, status uerbo in hoc tractatu significari à Iurisconsultis, conditionem personae in eorum ordine stantis (id est, numerum efficientis) qui uel libertatem, uel cum libertate ciuitatem, uel cum utraq; familiam obtinent. Atq; his tribus hominum generibus statum illum definiri: ut is tantum mutare statum dicatur, qui uel libertatem, uel ciuitatem, uel agnationem amittit. Quare siue filiusfam. paterfamilias fiat, siue Senator senatu moueatur, siue equi Rom. equus adimatur, siue plebeius tribu aliqua moueatur, Latine quidem statum mutasse dici poterit: uerum non satis ad hanc tractationem accommodate. Iurisconsulti enim Status uerbum ad haec tria contraxerunt atq; reuocarunt.

Secundò illud scire oportet, Caput in hoc ipso tractatu significare ius, quod aliquis ob eam causam habet, quia caput siue locum in ordine aliquo illorum trium obtinet. Nam caput plerumq; personam significat, numerum in ordine aliquo efficientem: ut cum apud Luuium legimus, censa esse ciuium capita tot. Itaq; sublato ex ciuium numero Cicerone, quod aperte ac plane hoc modo dici posset, Ciuitas Rom. capite uno deminuta est: lex XII. Tab. sic extulit, ut diceret, Cicero capite deminutus est, hoc est eo iure quod in ciuitate tantisper habuit, dum caput siue locum in ea obtineret. Et cum Latinae linguae locutione hanc, capitis minutio, ad corpus illud, siue ordinem, aut collegium referat, quod aliquo capite, hoc est persona deminutum est, Iurisconsulti tamen ad ipsam personam referunt: ut capitis deminutione affici dicatur non ciuitas Rom. Cicerone in exilium damnato, sed ipse Cicero. quam locutionis formam imitatus in Pisoniana Cicero, ubi se nulla lege in exilium eiectionem disputabat, eiuem se integri capitis appellat: hoc est, non deminuti. Nam si, inquit, illam legem non putabatis, quae erat contra omnes leges, indemnati ciuis atq; integri capitis, bonorumq; Tribunitia proscriptio, hac tamen obstricti pactione tenebamini, &c. Et Liuius lib. 22. Liberi atq; incolumes desiderate patriam: imò desiderate, dum patria est, dum ciues eius estis. serò nunc desideratis, deminuti capite, ab alienati iure ciuium, serui Carthagenensium facti. Ex quibus aperte, ut opinor, constat, eò perducta esse rem, ut caput in hoc tractatu pro iure capitis semper usurpetur. Quod pluribus uerbis iccirco explicauimus, quia qui hoc ante nos explanasset, neminem fuisse reperiēbamus.

EAQVE TRIBVS MODIS ACCIDIT.) Enunciatio I. Qui uel de libertatis, uel de ciuitatis, uel de familia statu decedit, capite deminutus dicitur. l. 1. D. eod. hoc est, eo iure, quod propter eum statum obtinebat.

MAXIMA CAPITIS DEMINVTIO.) Sequitur II. Maxima capitis deminutio est, quae status omnes adi mit. l. ult. D. eod. Planius aut dixisset, Summa uel Extrema: hoc est, acerbissima & grauissima: ut cum dicimus, Extremum uel summum supplicium, quo nullum est grauius. Extremum autē appellatur, quia quod in homine minimum est, eripit: nimirum uitam. Quo eodem modo Summa capitis deminutio dicitur, quae statum qui minimus erat omnium, adimit, nimirum libertatem, sine



VEL CONTRA, SI FILIVSFAM. EMANCIPATVS FVERIT.) Sic liber Tigurinus, cui Ar-  
gentinensis consentit: nisi quodd hæc omnia, SI FILIVSFAM. &c. adscripta in marginem habebat. antea uerò  
legebatur, Vel contra: ueluti si filiusfam. à patre emancipatus fuerit. ubi uocem VELVTI importune positam apparet.



Hoc autem emancipati uerbo, non eum tantum qui sui iuris factus est, uerum cum quoque qui in adoptionem traditus & emancipatus est, intelligi oportet: ut uox CONTRA superesse uideatur.

EST CAPITIS DEMINUTVS.) Sequitur IX. Qui aut adoptantur, aut emancipantur, minima deminutione capitis afficiuntur. l. 4. §. pen. D. de grad. ubi Modestinus ait, in adoptionem datum & emancipatum, agnationis iura perdere. Quod quidem de adoptiuis perspicuum est. Nam qui Pomponiorum erat ex familia, in illam Cæciliorum transfertur: & quæ Aemiliorum, in illam Corneliorum. In emancipato autem requiri poterit, quomodo familiam amittat: cum emancipatus non alio, ut opinor, uel nomine uel cognomine, quam cum filiusfam. esset, utatur. Ergo illud intelligendum est, Agnationis triplex ius esse: primum nominis, alterum pecunie, tertium sacrorum: quæ omnia per adoptionem quidem amitti, Cicero in ea pro Domo sua declarat. emancipatione uero cum cætera perderentur, solius nominis retentum fuisse ius, uel hinc existimari potest, quod Papinianus ait in l. peto. 69. in fin. de legat. 2. fundum extra familiam contra testatoris uoluntatem alienatum, etiam ab Emancipatis reuocari. De pecunia quidem ex lege XII. Tab. constat, quam Iustinianus infra tit. de heredit. ab intestato declarat, hanc fuisse, ut emancipatus non modò inter suos, uerum ne inter agnatos quidem succederet. Ergo iura omnia hereditatum & tutelarum, quæ lex XII. gentiles inter se habere uoluit, filius à patre emancipatus amittet. Rectè igitur Emancipatus dicitur capite deminutus: quia nomine excepto, nihilo plus in patris familia iuris habet, quàm extraneus, aut in adoptionem alteri familiæ traditus. unde & extraneorum emancipati habentur loco. §. 2. infra, de exhered. lib. Qua de causa C. Licinium Stolonem sua lege decem millibus æris damnatum esse legimus: quod mille iugerum agri cum filio possideret, emancipandoque filium fraudem legi fecisset: ut scribit Liuius lib. 7. Paulus autem in d. l. 3. de cap. minut. rationem exponit cur emancipatus capite minui dicatur, eam, quam Iustinianus hoc loco non magnopere attendit: Cum, inquit, emancipari nemo possit, nisi in imaginariam seruilem causam deductus. Superius enim exposuimus, per tres uenditiones imaginarias emancipationem transigi consueuisse. Sed quorsum hoc? nam satis constat, etiam sine seruitute uel uera, uel adumbrata, capitis minutionem accidere, ut in media usuenit. Itaque tametsi uenditiones imaginarias Imperator sustulerat, ut suo loco demonstratum est: tamen emancipatione capitis minutionem contingere confirmat: quippe cum eius rei seruitutis adumbratio causa non sit. Sed Paulus, quasi hunc cumulum atque corollarium adijcere uoluerit, excusari potest.

*Nomen capitis minutionis ad seruum manumissum, aut Senatorem senatu motum non producit.*

*liij. D. eodem.*

II. Seruus autem manumissus, capite non minuitur: quia nullum caput habuit. Quibus autem dignitas magis quàm status permutatur, capite non minuuntur: & ideo senatu motum, capite non minui constat.

NULLVM CAPVT HABVIT.) Enunc. I. Serui in iure civili caput habere non dicuntur. l. 3. D. de cap. deminut. Sed quæri potest, quamobrem non habeant. Nam cur minus in familia seruus caput habere dicitur, quàm ouis in grege, aut in armento equus? frequenter enim legimus, in demortuorum capitum alia substituere. l. 8. & 70. de usufr. Sed paulo antè dictum est, nomen capitis, & status in hoc tractatu ad hæc tria restringi atque reuocari, libertatem, ciuitatem, & familiam. Quare tametsi lingue Latine ratio ferre possit, ut seruulum de familia domini quoquo modo dimissum, capite minutum esse dicamus: tamen distinguendi causa, iurisconsulti uerbum illud in hisce duntaxat tribus rebus usurparunt. Plautus etiam Casput pro libertate usurpat. Ego illi pollicitabor pro capite argentum: hoc est, pro libertate. Item: Numos quos pro capite illius pendam. & alibi frequentissime.

DIGNITAS MAGIS QVAM STATUS.) Hoc est, conditio in aliquo eorum trium posita.

A SENATV CAPITIS NON MINVI.) Sequitur II. Senator ex eo quod Senator est, caput habere non dicitur. Itaque senatu motus, nec capite minutus dicitur, nec tutelam agnati, quam administrabat, ob id quod senatu motus est, amittet. l. 3. D. de senat. Denique non magis Senatores moti, capite minuti dicuntur, quàm qui ex equestri ordine aut tribu moti sunt: aut uerò qui in Ceritum tabulas relati, hoc est, ex albo centuriæ suæ sublatis, & ad hoc ciues tantum, ut pro capite suo tributi nomine era penderent: quemadmodum scribit Aconius. nam hi neque ciuitatem, neque libertatem, neque familiam amittebant.

## DE LEGITIMA PATRONORVM TUTELA.

### TITVLVS XVII.

*Ex ratione legis 12. quæ tutelas agnatis iccirco defert, quia hæredes ab intestato sunt: inductum est, ut patroni libertorum suorum tutelam susciperent, quæ iccirco legitima dicitur.*

*l. 3. D. de legit. tutor.*

I. Ex eadem lege duodecim Tabularum, libertorum & libertarum tutela ad patronos liberosque eorum pertinet, quæ & ipsa legitima tutela uocatur: non quia nominatim in ea lege de hac tutela caueatur, sed quia perinde accepta est per interpretationem, ac si uerbis legis introducta esset. Eo enim ipso, quod hæreditates libertorum libertarumque, si intestati decedissent, iusserat lex ad patronos liberosque eorum pertinere: crediderunt ueteres, uoluisse legem etiã tutelas ad eos pertinere: cum & adgnatos, quos ad hæreditatē lex uocat, eosdem & tutores esse iusserit. quia plerumque

ubi succel-



**A** ubi successionis est emolumentum, ibi tutelæ onus esse debet. Ideo autem diximus plerumque, quia si a femina impubes manumittatur, ipsa ad hæreditatem uocatur, cum alius sit tutor.

EX EADEM LEGE.) Enunc. I. Patroni eorumque liberi libertorum intestato mortuorum tutores existunt. l. 1. §. 3. D. de legit. tut.

PERINDE ACCEPTA EST PER INTERPRETATIONEM.) Sequitur II. Legitima dicuntur, non modo quæ nominatim in lege scripta sunt, sed etiam quæ uoluisse legislatorem intelligitur. l. 6. D. de uerb. sign. ubi ait Paulus, uerbum EX LEGIBVS sic accipiendum esse, tam ex legum sententia, quam ex uerbis.

IVSSERAT LEX AD PATRONOS.) Sequitur III. Patroni, eorumque liberi, libertorum intestato mortuorum hæredes sunt legitimi. quod planius lib. 3. tit. de success. lib. intelligitur.

CVM ET AGNATOS QVOS AD HAEREDITATEM.) Sequitur IIII. Vbi legis ratio locum habet, ibidem ualere legem existimandum est. Hoc enim Iustinianus utitur argumento: Lex iccirco agnatis tutelam deferret, quia spes hæreditatis ad illos pertinet. Atqui spes hæreditatis libertorum ad patronos pertinet. Ergo lex ad eos libertorum tutelam pertinere uoluit.

VBI SVCCSSIONIS EST EMOLVMENTVM.) Sequitur V. Cui lex hæreditatis spes, eide tutelæ prouinciam attribuit. l. 1. D. de legit. tut. ubi ait Vlpianus, summa prouidentia tutelam agnatorum instituit: ut, inquit, qui sperarent hanc successionem, iidem uerentur bona, ne dilapidarentur.

QVIA SI A FEMINA.) Sequitur VI. Patrona liberti sui hæres est, tutrix uero nequaquam. d. l. 1. de leg. tut. Nam (ut ait Paulus in l. ult. D. de tutel.) tutela uirile officium est, neque mulier eius est particeps. Quare quod Lilius lib. 39. scribit: P. Aebutium mortuis tutoribus sub tutela Diuonia matris et uirici T. Sempronij educatum fuisse: non ita præcisè accipiendum est, quasi sub tutela matris fuisset. Sed cum Sempronius tutor solus ex omnibus relictus esset, ut paulo post ostendit,

**B** apud eum uiricum iam suum Aebutius educatus est. Casus autem alios Vlpianus in d. l. 1. præterea enumerat: sed & facile præteriri hic poterat, cum satis constet legem tutelam fæminis non deferre.

## DE LEGITIMA PARENTVM TVTELA.

### TITVLVS XVIII.

*Patribus manumissorum à se liberorum tutela adinstar  
quasi legitimæ defertur. l. 3. §. ult.*

*D. de legit. tut.*

**I.** **E**xemplo patronorum recepta est & alia tutela, quæ & ipsa legitima uocatur. nam si quis filium aut filiam, nepotem aut neptem ex filio, & deinceps impuberes emancipauerit, legitimus eorum tutor erit.

EXEMPLO PATRONORVM.) Enunc. I. Legitima parentum tutela ad exemplum quasi legitimæ instituta est. Quod hoc modo facile intelligitur. Pater filium impubere emancipauit: quis eius tutelam suscipiet? non enim lex XII. Tabularum, huic qui agnationem perdidit, prospexit. Respondetur: si quidem emptor adumbratus mancipationi sibi puerum tertium manumittat, eius iccirco hæredem fore, quia quasi patronus eius est. Ad exemplum igitur patroni & hæres & tutor ipsius erit. Et quia & legitimi tutores dicuntur, qui propter legis rationem, hoc est, propter speciem hæreditatis, sunt iustores: legitimus tutor appellabitur. Atque hoc, meo iudicio, non minus uerè quam subtiliter disputatur. Nam quod Vlpianus cap.

**C.** *Instit. ii. scribit: Qui liberum caput mancipatum sibi uel à parente, uel à coemptore manumisit, per similitudinem patroni tutor efficitur, qui Fiduciarius tutor appellatur: sic interpretor, cum emptor ille adumbratus, pater fiduciarius appellaretur, consuetudine loquendi factum esse, ut cum uulgo sic diceretur, hic fiduciarius (subauditur autem pater) est tutor: tandem compendio loquendi Tutor fiduciarius appellaretur, sicuti actio bonæ fidei, & similia quædam præcisè in iure nostro appellantur. Hæc enim de emptore. Iam uero si pater uerus cum eo sic egerat, ut post tertiam uenditionem non manumitteret, sed sibi reuenderet ac remanciparet, itaque pater illum manumississet, tum uero eius intestati hæres fiebat: non lege XII. Tabularum (alioqui uerè diceretur Tutor quasi legitimus) sed Iurisconsultorum disputatione, qui patri manumissori ad patroni exemplum hæreditatem deberi ratiocinati sunt. Et quia legis mens hæc fuit, ut cui hæreditatis spes, eadem tutela procuratio demandaretur: ob eam causam tutorem quoque ipsius esse, atque adeo tutorem ad exemplum quasi legitimi, pronunciarunt. Verè igitur Iustinianus tum hoc, tum insequenti capite scribit, patrem emancipati filij legitimum tutorem esse. id quod abusu & sermonis compendio dicitur: pro, Tutorem ad exemplum quasi legitimi. Quod uero Vlpianus ait, dici eum Tutorem fiduciarium: eodem modo intelligendum est, quo de emptore simulato. Nam cum emptor hic filium patri suo remancipat, ea fiducia hoc agit, ut pater eum continuo manumittat. unde uerus pater in hoc actu fabulæ Fiduciarius efficitur.*

QVAE ET IPSA LEGITIMA.) Vnde intelligitur, Liberos manumissionem seruorum manumissioni comparare. l. 1. D. si à par. quis man. ubi Vlpianus ait, hunc filium in huiusmodi rebus liberti exitum pati: legitima autem hæc tutela uocatur, compendio sermonis scilicet: neque enim aut ex uerbis, aut ex mente legis est. nam caput in XII. Tab. nullum erat, quo pater emancipati filij hæres decerneretur. Sed cum Iurisconsulti emancipationem, quasi ternæ illius uenditionis ac manumissionis speciem excogitassent: statuerunt, cum qui posterior manumitteret, eodem modo puero quasi liberto successurum, sicuti patroni suis libertis. LEGITIMA ergo, pro AD EXEMPLVM LEGITIMAE, Iustinianus hoc loco dixit.

LEGITIMVS TVTOR.) Sequitur II. Parens ex liberorum emancipatione legitimus eorum tutor efficitur. l. 3. §. ult. D. de legit. tut. ubi tamen Paulus subtilius hoc expressit: uicem, inquit, legitimus tutoris sustinet.

DE FI



DE FIDUCIARIA TUTELA.  
TITVLVS XIX.

*Filiam. à patre manumissi pater tutor est legitimus: eo uerò defuncto, frater tutor fiduciarius existit. l. 4.*

*D. de legit. tutor.*

I. Est & alia tutela, quæ fiduciaria appellatur. nam si parens filium uel filiam, nepotem uel nepotem, uel deinceps impuberes manumiserit: legitimam nanciscitur eorum tutelam. Quò defuncto, si liberi eius uirilis sexus existant: fiduciarij tutores filiorum suorum, uel fratris, uel sororis, & cæterorum efficiuntur. Atqui patrono legitimo tutore mortuo, liberi quoq; eius legitimi sunt tutores: quoniam filius quidem defuncti, si non esset à uiuo patre emancipatus, post obitum eius sui iuris efficeretur, nec in fratrum potestatem recideret: \* ideoq; nec in tutelam. Libertus autem, si seruus mansisset, utiq; eodem iure apud liberos domini post mortem eius futurus esset. Ita tamē hi ad tutelam uocantur, si perfectæ sint ætatis: quod nostra constitutio generaliter in omnibus tutelis & curationibus obseruari præcepit.

QVÆ FIDUCIARIA APPELLATUR.) Fiduciarius dicitur is, cuius fidei rem quampiam ad tempus credidimus: quemadmodum in Commentario uerborum iuris exposui. Quapropter fiduciarius pater à Caio dicitur in Institut. cui pater uerus filium suum simulatò & ad tempus tantum emancipauit. quæ de causâ consentaneum esset, ut tutela fiduciaria diceretur ea, quæ alicui ad tempus commissæ est: & fiduciarius tutor is, cuius fidem in ea tutela ipsi ad tempus credenda secuti essemus. Verum consuetudine sermonis à recta nominis ratione paulisper deflexum est: ut paulo superius exposuimus.

SI PARENS FILIUM VEL FILIAM.) Enunc. l. Pater emancipati à se filij tutelam legitimam, si eum posterior manumiserit, adipiscitur. l. 3. D. de legit. tut. ubi tamen Vlpianus, à quo sumpta hæc sunt, planius scripserat, patrem legitimi tutoris uicem sustinere. quæ de re superiore capite disputaui.

IMPUBERES MANUMISERIT.) Id est, mancipatos emptori fiduciario, & uicissim sibi contracta atq; reciprocata fiducia reuenditos manumiserit. Aliud ergo est filium manumittere, aliud emancipare. nam qui manumittit, emancipat antea necesse est: at non qui emancipat, continuo manumittit. potest enim fiduciarius emptor id agere.

FIDUCIARII TUTORES VEL FRATRIS, VEL SORORIS.) Sequitur II. Frater in potestate retentus, patre mortuo, fratris emancipati tutor est fiduciarius. l. 4. D. eod. ubi Modestinus ait, parente defuncto, si liberi perfectæ ætatis existant, fiduciarios tutores fratris uel sororis effici. Quo in loco uerba hæc PERFECTÆ ÆTATIS, pro his nostris EIVS VIRILIS SEXVS, quæ Modestini esse arbitror, à Triboniano substituta uidentur: ob id quod in fine huius capitis exponitur. Verum utcumq; sit, quæri potest, æquæ nam istius appellationis causâ sit. Ego uerò uix dum istuc satis exputare potui: nisi forte dicamus abusione uocabuli quæ in patre defuncto non ualuit, ad ipsius postereros quasi hereditariam, alterius nominis penuria, translatam esse.

ATQVI PATRONO LEGITIMO TUTORE MORTVO.) ATQVI dixisse uidetur, pro At enim, nam hæc quidem obiectio est: cui tamen ita respondetur, ut totum hunc locum à Triboniani scriptore negligentissime descriptum existimem. Rem igitur omnem arbitratu nostro, remota Triboniani scriptura, consideremus. Lex est in duodecim tabulis: Si libertus intestatò ac sine suis heredibus moriatur, patronus eius liberam familiam habento. Inter Iurisconsultos autem regula est hæc: Inter capite diminutos locum legitimis hereditatibus non esse. l. 5. D. unde cognati. Ex illa lege us hoc primum à Iurisconsultis inductum est, ut patroni, eorumq; liberi, liberti impuberes tutores essent: quoniam æquum est, ut ad quos hereditatis spes pertinet, ipsi etiam tutela deferatur. Atq; hi quidem & heredes & tutores legitimi appellantur: quemadmodum superius docuimus. Secundo ius hoc inductum est, ut pater filij emancipati, quem quidem manumiserit, heres sit, quasi patronus liberti: ac propterea etiam tutor ad patroni exemplum, legitimus: uel certe, ut proximo capite dicebamus, quasi legitimus. siquidem ordine legitimorum ad successionem admittitur: ut posterius constabit ex §. ult. infr. de legit. agnat. success. Hæc cum ita se habeant, queramus iam, an quemadmodum liberi patroni & heredes, & tutores legitimi sunt liberti: eodem modo liberi emancipatoris & heredes & tutores legitimi sint ipsius emancipati? Et respondemus, nequaquam. Primum, quia nulla lex hac de re scripta est: ut de patroni liberis, quos lex nominatim heredes esse iubet. Secundo, quia legitima hereditas ultro citroq; eorum est, qui capite diminuti non sunt. l. 1. D. unde legit. l. 5. D. unde cognat. Vbi emancipati fratres ad fratrum non emancipatorum hereditatem, ut legitimi non uocantur, sed ut cognati: nec uicissim hi ad illorum, sed ex capite Edicti unde decem personæ: quippe cum eos lex pro agnatis non habeat. quæ de causâ Prator eos quasi cognatos admittit. quò pertinet illud Vlpiani in l. 1. §. liberos. D. si à parent. quis. Liberos manumissoris non uenire ad contra tabulas bonorum possessionem filij, constat: quamuis patroni ueniant. Quare cum heredes legitimi non sint, perspicuum est, eos legitimos tutores dici non posse. neque enim nos illa mouere debet obiectio: At enim patrono legitimo tutore mortuo, liberi quoque eius legitimi sunt tutores. Parata enim responsio est: Dissimilem esse patroni liberorum, & emancipatoris liberorum rationem. primum, quia de patroni liberis hoc lex iubet, quæ illos heredes legitimos facit. at de liberis emancipatoris, contra statuit: quippe quæ legitimos illos heredes non facit. Secundo, si libertus seruus mansisset, post mortem domini in potestatem liberorum ipsius recidisset. at si filius defuncti à patre uiuo emancipatus non esset, post obitum eius sui iuris effectus esset, nec in fratrum potestatem recidisset. Quorsum hæc? dicit aliquis: nimirum ut sic rationari possimus: si decem legitimi sunt tutores, qui legitimi, aut quasi legitimi heredes sperantur fore. Atqui ob eam causam patronus liberti sui heres est legitimus, & pater filij emancipati quasi legitimus: quia si in potestate retenti essent, quacunque suo labore parare potuissent, ille quidem patrono, hic uerò patri acquisisset. æquum est igitur, ut intestatò mortuorum eorum bona ad eos à quibus beneficium illud acceperunt, redeant. l. 1. D. si à parent. qui manumittit. ob eamq; causam tutores legitimi



**A** legitimi uel proprie uel improprie appellantur. Quod etiam in nepote ab auo emancipato facile intellectu est: idq; à Iustiano no traditum hoc loco fuisse suspicor. nam si nepos ab auo emancipetur, auus tutor eius erit legitimus: eoq; defuncto, pater. et; enim si emancipatus nepos non fuisset, auo mortuo in patris sui potestatem recasurus erat, ciq; omnia quæsiurus: ac propterea pater auo defuncto filij sui emancipati tutor erit haud dubie legitimus: tametsi nullum hac de re uerbum Iustinianus faciat. At uero cum frater emancipatus (si in potestate retentus, nec emancipatus fuisset) patre defuncto sui iuris futurus, nec in fratris potestatem relapsurus fuisset, nec ei quicquam acquisiturus: in ipsius tutela legitima esse non potest. Atq; hæc meo iudicio huiusce differentie ratio est, quam Iustinianus hoc loco significauit potius, quam exposuit.

QVONIAM FILIVS QVIDEM.) Abrupta oratio, & fortasse uerbis aliquot decurtata, subaudiendum igitur, Huius rei ratio est hæc: Quoniam, &c. sed meo iudicio uel Triboniani, uel ipsius scriptoris negligentia nonnihil omissum est. nam de fratre tantum rationem exponit: de nepote uero uerbum nullum.

IDEOQVE NEC IN TUTELAM.) Et Latini sermonis, & sensus communis ratio, flagitat ut hoc subaudiatur, EORVM RECIDERET. nimirum, Filius emancipatus: quod tamen perspicue falsum est. nam ex fratribus in potestate retentis, patre mortuo qui ætatis perfectæ est, alterius fratris legitimus tutor est. Quare totum hoc aduentitium esse arbitror, & à glossatore aliquo non satis loci sententiam intelligente temere annotatum, postea in contextum Iustiniani uerborum ab imperitis scriptoribus receptum fuisse.

SI PERFECTÆ SINT ÆTATIS.) Sequitur III. Frater fratris à patre uiuo manumissi tutelam, nisi perfectæ sit ætatis, non gerit. l. ult. C. de legit. tut. tametsi ea tutela quidem debeatur, sed in ætatis perfectæ tempus referretur. Ætatem autem perfectam appellat annorum XXV. completorum: l. ult. C. de his qui uen. ætat. nam post hanc ætatem compleri uirilem uigorem constat: ut ait Vlpian. l. i. D. de minori.

**B** DE ATILIANO TUTORE, ET EO QVI  
ex lege Iulia & Titia datur.

TITVLVS XX.

*Cui neq; testamentarij, neq; legitimi sunt tutores, ei tutor  
magistratus Imperio decernitur.*

**I.** **S**i cui nullus omnino tutor fuerat, ei datur in urbe quidem Roma à Prætorè urbano, & maiore parte Tribunorum plebis, tutor ex lege Atilia: in prouincijs uero, à Præsidibus prouinciarum, ex lege Iulia & Titia.

NVLIVS OMNINO.) Neq; testamentarius, neq; legitimus, neq; fiduciarius.

ET MAIORE PARTE TRIBVNORVM PL.) Enunc. I. Pupillis tutoribus destitutis, Prætor eum quem sex Tribuni pl. comprobarent, tutorem in urbe decernebat. Itaq; Liuius lib. 39. de Hissala Fecenia commemorans, cuius opera Bacchanalia patefacta erant: Quin eò, inquit, processerat, consuetudine capta, ut post patroni mortem, quia in nullo manu erat, tutore à Tribunis & Prætorè petito, cum testamentum faceret, unum Aebutium institueret hæredem. Ex quibus intelligi debet, Legem hanc Atiliam Tribunorum intercessionem sustulisse: hoc est, iussisse, ut quod maior pars decreisset, id ius ratumq; esset, nec aliorum intercessione impediretur. Notum est autem, Tribunorum pl. hanc fuisse rationem, ut quod ceteri omnes decreissent, id unius solius intercessione impediri posset. Quare cum Prætor tutorem aliquem decreisset, si is maiori Tribunorum parti, hoc est, sex, probaretur: lex Atilia intercessionem alijs adimebat, nec eos Prætoris decretum impedire permittebat. Simile est, quod idem Liuius lib. 9. in fine scribit: Latum ad populum esse, ne quis templum aram uel iniussu Senatûs aut Tribunorum pl. partis maioris dedicaret.

**C** **EX LEGE ATILIA.)** Lata fortasse uel ab A. Atilio Calatino, uel à C. Atilio Regulo, qui bello Punico primo consulatum gesserunt. Nam eo tempore & Tribuni pl. erant, & populi Rom. imperium nondum extra Italiam propagatum: quæ duo huiusce legis tempore fuisse oportet.

IN PROVINCIIS VERO.) In Italia uero, quis? oppidi cuiusq; magistratus, nimirum in præfecturis quidem, Præfecti: in colonijs autem & municipijs, Duumui. Vlpian. l. 3. D. de tutor. & curat. dat. Ius dandi tutores datum est omnibus magistratibus municipalibus: eoq; iure utimur. Quibus ex uerbis non Atilia lege id constitutum apparet, sed more & instituto.

**A PRÆSIDIBVS PROVINCIARVM.)** Sequitur II. Præsides prouinciarum pupillis prouincialibus tutores decernunt. Duo tamen hoc loco tempora considerata sunt: alterum ante Antonini Pij constitutionem, quæ homines omnes qui Imperio Romano parerent, ciuitate Rom. donauit. l. in orbe Romano. D. de Legibus. & Nouell. 78. alterum post eandem constitutionem. Nam antea non Proconsules aut Proprætores prouincialibus tutores decernebant: sed cuiusq; ciuitatis magistratus, prouinciæ moribus atq; instituto creatus, ueluti in Sicilia legibus Hieronicis & Rupilijs: post uero, Præsides dare solitos, Iustinianus hoc loco significat.

*Dum tutor testamento datus gerere non potest, tantisper alius à magistratu  
decernitur. l. x. & x j. D. de testament. tut.*

**II.** Sed & si testamento tutor sub conditione, aut ex die certo datus fuerat, quandiu conditio aut dies pendeat, ex eisdem legibus tutor dari poterat. Item si pure datus fuerat, quandiu ex testamento nemo hæres existeret, tandiu ex eisdem legibus tutor petendus erat: qui desinebat esse tutor, si cōditio existeret, aut dies ueniret, aut hæres existeret. Ab hostib. quoq; tutore capto, ex his legibus



legibus tutor petebatur: qui desinebat esse tutor, si is qui captus erat, in ciuitatem reuersus fuerat. **A**  
nam reuersus, recipiebat tutelam iure postliminii.

**SUB CONDITIONE, AUT EX CERTO DIE.)** Enunc. I. Tutor sub cōditione & ex certo die dari testamento potest. §. 1. suprà, qui test. tut. dare poss. & l. si quis. 11. D. testam. tut.

**EX IISDEM LEGIBVS TVTOR DARI POTERAT.)** Sequitur II. Lex quæ prouidet pupillis tutorem non habentibus, etiam ad eos quos tutore testamentario usuros spes est, tantisper dum eum non habent, pertinet. Lex enim his ferè uerbis scripta fuisse uidetur, PUPILLIS tutores neq; ex testamento, neq; agnationis iure habentibus, Prætor urb. cum quem maior pars Tribunorum pl. comprobauit, tutorem dato.

**QUANDIV CONDITIO AUT DIES.)** Sequitur III. Dum conditio diesiue tutela testamentaria expe-  
ctatur, non agnato, sed ei quem Prætor decreuerit, tutela mandatur. l. si quis sub conditione. 2. D. de testament. tut. ubi Vlpian. ait: **Quandiu testamentaria tutela spes est, tandiu legitime locum non esse.**

**QUANDIV EX TESTAMENTO.)** Hic locus à Triboniano negligentissime tractatus, diligentiam nostram desiderat. Hoc igitur intelligendum est: Impuberem cui tutor relictus est, aut institutum heredem esse, aut non esse: & si institutus est, aut suum esse, aut extraneum: & si suus est, aut solum institutum esse, aut cum alijs. Si non est institutus, uerum aliter quidam extraneus, tum hic casus est quem solum Iustinianus hic attingit.

**EX TESTAMENTO NEMO HAERES.)** Sequitur IIII. Testamentaria tutela priusquam hereditas ex testamento adita sit, iniuri non potest. l. si hereditas. 10. & l. si nemo. D. de test. tut. Testamentum enim omne corrumpit, cum heredis institutio uim suam non obtinet. itaq; quandiu hæc pendet, tandiu tutoris quoq; institutio in suspenso est. Dum enim hereditatis adiitio pendet, tandiu testamentaria tutela delatio sustinetur, atq; alter interea quasi uicarius à Prætoris decernitur. d. l. si hereditas. eod. Si uero institutus est hæres idem pupillus, cui tutor relictus est, siquidem suus sit, ipso iure sine ulla solennitate aditionis hæres est: quippe suus & necessarius: coq; tutela confestim testatore mortuo competit. si uero suus non sit, tum antequam testamentaria tutela ineatur, tutor unus ei decernitur à Prætoris, quo auctore hereditatem adibit. l. impuberi. 9. D. de tut. dat. ab his. Siue autem solus, siue cum alijs suus institutus est, nihil puto interesse. Nam quamuis alij nondum adeant, tamen quia necessarius hæres est, & hereditatem agnoscit, tutela testamentaria competit. arg. l. si nemo. D. de test. tut. ubi si unus ex pluribus adierit, tutela statim ualet: nec expectandum erit, ut omnes hereditatem adeant.

**DESINEBAT ESSE TVTOR.)** Sequitur V. Tutor Prætorius ineunte tutelam testamentario, ipso iure tutor esse definit. l. si quis sub conditione. 11. D. de test. tut.

**SI CONDITIO EXTITERAT.)** At si defecerat, tunc quia spes omnis testamentaria tutela præcisa & sublata erat, agnatus proximus tutelam à prætorio depositam excipiebat. Mortuus enim intestatò uidebatur, quoad tutelam testator, qui tutorem sub conditione quæ deficiebat, instituerat.

**AB HOSTIBVS QVOQVE TVTORE CAPTO.)** Sequitur VI. Dum tutor testamentarius apud hostes est, alius quasi uicarius à Prætoris decernitur. l. 1. §. si apud. 2. D. de legit. tut.

**QVI DESINEBAT ESSE TVTOR.)** Quod nos pronuntiato sexto complexi sumus, si pro INEUNTE restituamus RECIPIENTE. Si uero apud hostes decessisset, tum, item ut superius dicebamus, depositam à Prætorio tutelam agnatus proximus excipiebat.

**RECIPIEBAT TVTELAM IURE POSTLIMINII.)** Sequitur VII. Tutela iure postliminii recipitur. d. l. 1. de legit. tut.

Post superiores leges constitutum est, ut magistratus qui tutores decernerent,  
eos & satisfacere, rem pupilli saluam fore, & tutelam  
pupilli recipere, cogerent.

**III. Sed ex his legibus tutores pupillis desierunt dari, postea quàm primò Consules pupillis utriusque sexus tutores ex inquisitione dare ceperunt, deinde Prætor ex constitutionibus.** Nam suprascriptis legibus neque de cautione à tutoribus exigenda, rem saluam pupillis fore: neque de compellendis tutoribus ad tutelæ administrationem, quicquam cauebatur. Sed hoc iure utimur, ut Romæ quidem Præfectus urbi, uel Prætor, secundum suam iurisdictionem: in prouincijs autem Præsides ex inquisitione tutores crearent, uel magistratus iussu Præsidentum, si non sint magnæ pupilli facultates.

**PRIMO CONSVLES.)** Quod à Claudio Cæsare primum institutum, Tranquillus tradit. Sanxit, inquit, ut pupillis extra ordinem tutores à Consulibus darentur.

**TVTORES EX INQUISITIONE DARE COEPERVNT.)** Quod si tum ceperunt, relinquunt necessario, legibus superioribus licuisse sine inquisitione tutores dari. quod mihi sanè à populi Romani sapientia alienissimum uidetur, qui præsertim Atilia lege annos plus minus trecentos est usus. Theophilus autem hoc loco posuit uerba iurisdictionem: ut potius EX IURISDICTIONE legisse uideatur. quod mihi sanè non contemnendum uidetur. Nam Suetonius primum à Claudio sancitum tradit, ut Consules darent extra ordinem. Capitolinus autem non obscure significat, atq; adeo aperite ostendit, ordinariam postea Consulum hanc fuisse iurisdictionem: ut locus quem mox describemus declarat. Placeret igitur EX IURISDICTIONE: quasi diceret: Prætorum de tutelis iurisdictionem, sensim ad Consules translatam fuisse, ut ipsorum propria & ordinaria esset.

**DEINDE PRÆTOR EX CONSTITUTIONIBVS.)** Sic uetus codex, cum antea PRÆTOR RES legeretur, corruptè. Prætor enim tutelaris unus creatus est, ut Iulius Capitolinus tradit in M. Anton. philosopho. Præto-  
torem, inquit, tutelarem primus fecit, cum ante tutores à Consulibus poscerentur, ut diligentius de tutoribus tractaretur.

NAM



**A** NAM SVPRASCRIPPTIS LEGIBVS.) Enunc. I. Prætor tutelarum tutores & satisficere rem pupilli saluam fore, & tutelam recipere cogebat: quorum neutrum Atilia lege constitutum erat. Nam Atilius liberam tutoribus de cretis potestatem permittit: tutelam uel recipiendi, uel repudiandi. At constitutiones sine legitimis excusationibus creatas ad tutelam adegerunt. l. i. D. de administr. tut.

DE CAUTIONE A TUTORIBVS EXIGENDA.) Tutor enim fideiussores dare cogitur, rem, hoc est, patrimonium & pecuniam pupilli saluam fore. quod uerbum non per se intelligitur, sed relatione ad pupillum iacta. Nam etsi apud tutorem salua & integra res sit, cautioni tamen non fit satis, sed quod ex tutela dari fieri oportet, pupillo est præstandum: ut ait Neratius in l. pen. D. rem pup. sal. fore.

SED HOC IVRE VTIMVR.) Verba eius sunt, unde hæc à Triboniano sunt descripta negligentissimè. Si significat autem hæc locutio, ius hoc moribus & consuetudine institutum fuisse.

SECUNDVM SVAM IURISDICTIONEM.) Sequitur II. Alia erat Præfecti urbi, alia Prætoris iurisdictio. qua de re in Indice magistratuum Rom. quem cum uerbis iuris edidimus, satis copiose explicatum est.

EX INQUISITIONE Tutores CREARENT.) Que quatuor in rebus potissimum uersatur: An moribus sit honestis, An locuples, An se obtraxerit tutelæ, An pecunia tutelam ambierit. l. à Nerva xxi. n. fin. D. de tut. dat. ab.

MAGISTRATVS IVSSV PRÆSIDVM.) Olim municipiorum tantum & coloniarum magistratus Duumuirij dicebantur. Alios magistratus in prouincijs singule ciuitates more institutoq; suo habebant. Sed posterioribus temporibus & Decuriones ubiq; dicti sunt, & eorum magistratus Duumiri. Quædam tamen etiam Quatuor uiros habuerunt.

EX INQUISITIONE.) Sequitur III. Tutores à magistratibus nunquam nisi ex inquisitione decernuntur.

SI NON SINT MAGNÆ.) Sequitur IIII. Magistratus ciuitatum prouincialium pupillis non nisi tenui-

**B** bus, & cum Præsidis permisso, tutores dabant. l. i. D. de tutorib. dat. ubi Ulpianus scribit ius dari uicioris datum esse omnibus magistratibus municipalibus, ita tamen, ut nullis nisi qui ex agro eiusdem municipij sint, tutores dent. quod tamen non tam ex iure quam ex more & consuetudine institutum, cum uerbum illud, HOC IVRE VTIMVR, quo & Iustinianus & Ulpian. utuntur, non obscure significat: tum etiam Paulus aperte ostendit in l. diui. 24. cod.

*Magistratibus ciuitatum prouincialium licet hoc iure pupillis, non maiorem quingentorum aureorum censum habentibus, de sententia Episcopi tutorem, cautione ab eo data, decernere.*

III. Nos autem per constitutionem nostram huiusmodi difficultates hominum refecantes, nec expectata iussione præsidum, disposuimus, si facultates pupilli uel adulti usq; ad quingentos solidos ualeant: defensores ciuitatum unà cum eiusdem ciuitatis religiosissimo antistite, uel alias publicas personas, id est, magistratus ueluti iuridicum Alexandrinæ ciuitatis, tutores uel curatores creare: legitima cautela secundum eiusdem constitutionis normam præstanda, uidelicet eorum periculo qui eam accipiunt.

PER NOSTRAM CONSTITVTIONEM.) Enunc. I. Defensores ciuitatum pupillis quingentarijs tutores de sententia Episcopi creare possunt. Lex autem Iustiniani, Græcè, ut credi par est, scripta interciuit. Qui uero defensores ciuitatum diceremur, in Comment. uerborum iuris exposuimus.

AD QVINGENTOS SOLIDOS.) Aureus centum continet ualetq; sextertios, ut in Commentario uerborum iuris probauimus. Solidum autem Volusianus Matianus scribit proprie idem esse quod libram, quæ & as uocatur. Cum autem centenarius numerus fore in pecuniarum ratione as esset atq; haberetur, ut in usuris quæ centesimæ dicuntur, idq; tam apud Græcos quam Latinos: consuetudo temporum istorum tulit, ut aureus frequenter solidus appellaretur. idem enim utriusq; esse, loci prope innumerabiles argumento sunt. Quod igitur ait quingentos solidos, intellige quinquaginta HS millia, & Gallicanæ pecunie scutarios mille ducentos quinquaginta.

IURIDICVM ALEXANDRINÆ CIVITATIS.) De quo in Commentario uerborum iuris explicauimus.

LEGITIMA CAUTELA.) Sequitur II. Qui pupillis quingentarijs tutores sine Præsidis mandatu constituunt, eorum periculum præstare debent. Quingentarij autem appello eadem ratione quæ Centenarij dicuntur in fr. §. 2. de successi. libert. qui centum aureos in bonis habent.

*Tutelarum causa & æquitas, naturalis est. item, tutelæ gestæ ratio reddi post pubertatem debet.*

V. Impuberes autem in tutela esse naturali iuri conueniens est: ut is qui perfectæ ætatis non est, alterius tutela regatur. Cum ergo pupillorum pupillarumq; tutores negocia gerant, post pubertatem tutelæ iudicio rationem reddunt.

NATVRALI IURI CONVENIENS EST.) Enunc. I. Tutela iuri naturæ consentanea est, nam si pueros in tutela esse naturale ius est, sequitur tutelam iuris esse naturalis. Quod contra superius sub tit. De tutelis Seruius affirmabat, tutelam iure ciuili datam ac permissam esse. Quare distinctio qua frequenter in hisce questionibus utimur, hoc loco adhibenda est: ut ortum quidem ac materiam à iure gentium tutela sumpserit, incrementum autem & formam à ciuili. Quæ de re in Comment. uerb. iuris satis diligenter, ut mihi tum uisus sum, exposui: sub uerbo Naturalia.



QVI PERFECTAE AETATIS NON SIT.) At superius dicebamus, perfectam aetatem dici anno XXV impleto. l. 1. D. de minorib. Tutela autem anno XIV confecto finitur. pinguius ergo imperfectam aetatem dixit, pro teneram & fragilem.

PUPILLORVM NEGOCIA GERANT.) Id est, res eorum administrent. Alius autem plerumq; negotiorum gestor est in iure, alius tutor.

POST PUBERTATEM.) Sequitur II. Tutelae gestae ratio post pubertatem tutela actione exigitur. l. 1. & pass. D. de tut. rat. distrab.

## DE AVCTORITATE TUTORVM.

T I T V L V S XXI.

*Pupillus sine tutoris auctoritate contrahens, alterum obligare potest: obligari uero ipse, nisi tutore auctore, non potest. l. 9. D. eod.*

I. AVCTORITAS tutoris in quibusdam causis necessaria pupillis est, in quibusdam non est necessaria. ut ecce si quid dari sibi stipulentur, non est necessaria tutoris auctoritas. quod si alij promittant pupilli, necessaria est. Nanque placuit meliorem quidem suam conditionem licere eis facere, etiam sine tutoris auctoritate: deteriores uero non aliter, quam tutore auctore. unde in his causis, ex quibus obligationes mutuae nascuntur, ut in emptionibus, uenditionibus, locationibus, conductionibus, mandatis, depositis, si tutoris auctoritas non interueniat: ipsi quidem qui cum his contrahunt, obligantur, at inuicem pupilli non obligantur.

SI QUID DARI SIBI STIPVLENTVR.) Enunc. I. Pupillus stipulari sibi sine tutoris auctoritate potest: spondere uero stipulanti, non potest. l. obligari. D. de auct. tut.

MELIOREM QUIDEM CONDITIONEM.) Sequitur II. Quibus casibus tueri se sua sponte pupillus potest, ijs casibus tutoris auctoritate non indiget. Hinc illud Marcianum in l. pupillus. 11. D. de acq. rer. dom. Pupillus quantum ad acquirendum non indiget tutoris auctoritate: alienare uero nullam rem potest, nisi praesente tutore auctore.

QVOD SI ALIIS.) Sequitur III. Qui sibi dari stipulatur, meliorem suam conditionem efficit: qui uero spondet, deteriores.

EX QVIBVS OBLIGATIONES MUTVAE NASCVNTVR.) Sequitur IIII. Contractuum alij utraq; ex parte, alij uero ex una tantum obligationem gignunt. l. uis gentium. D. de pact. l. contractus. de reg. iur. Tam enim obligatur emptor ad precium soluendum, quam uenditor ad rem praestandam. At in mutuo solus debitor obligatur, in stipulatione solus promissor. Qua de re ubi longiuscule progressi erimus, subtilius Deo fauente differemus.

AT INVICEM PUPILLI.) Sequitur V. Pupillus rem ex qua mutua nascitur obligatio, sine tutoris auctoritate contrahens, non obligatur, sed obligat. l. si id quod. 7. §. 1. D. de rescind. uend. l. Iulianus. 13. §. si quis a pupillo. 24. D. de auct. empt. Vbi Vlpianus ait, si quis a pupillo sine tutoris auctoritate emerit, ex uno latere constat contractus. Nam qui emit, obligatus est pupillo. De pacto etiam idem scribit Pomp. in l. 1. D. de rescind. uend.

*Pupillus hereditatem quamvis fructuosam adire, nisi tutore auctore non potest. l. ix. §. y. D. cod.*

II. Neq; tamen hereditatem adire, neq; bonorum possessionem petere, neq; hereditatem ex fideicommissio suscipere aliter possunt, nisi tutoris auctoritate: quamvis illis lucrosa sit, nec ullum damnum habeat.

NEQVE TAMEN.) Vox TAMEN eo refertur, quod proxime dixerat, pupillos posse sine tutorum auctoritate meliorem suam conditionem efficere: Ab ea, inquit, generali regula hic casus excipitur.

HAEREDITATEM ADIRE.) Enunc. I. Pupillus extranei hereditatem capere sine tutoris auctoritate non potest. l. more. 8. D. de acq. hered. ubi Vlpianus tria demonstrat: primum, hoc ius a pauperibus & minoribus comparatum esse. deinde, iuris huius rationem hanc esse docet: quia qui hereditatem capit, creditoribus & legatariis obligatur. at pupillus obligari nisi tutore auctore non potest: quare capere sua sponte hereditatem non debet. Tertio, declarat regulam locum habere in alienorum hereditatibus, in suis uero nequaquam.

BONORVM POSSESSIONEM PETERE, NEQVE HAEREDITATEM EX FIDEI COMMISSO.) Sed qua prudentia rerum istarum mentio facta est hoc loco apud eos, qui quid sit bonorum possessio & fideicommissum, ne in somnis quidem audierunt? Quare huius quaestionis explicatio, praesertim hoc tempore superuacanea, suum in locum rejicietur.

QVAMVIS ILLIS LVCROSA SIT, NEQVE VLLVM.) Sic aperte legitur in utroq; manuscripto: itemq; apud Caium d. l. 9. §. 2. D. eod.

QVAMVIS LVCROSA.) Sequitur II. Pupillus interdum meliorem suam conditionem efficere sine tutore auctore non potest. Quod fortasse mirum alicui uideri possit: primum, quia ratio qua superius ex d. l. 9. reddidimus, nimirum, idcirco pupillos non adire sua sponte hereditates, quia obligarentur: his casibus quibus hereditas opulenta est, nullumq; aes alienum habet, non ualet. deinde propter l. quod in fauorem. C. de legibus: ubi quod in fauorem quorundam comparatum est, ualere ad illorum incommodum non debet. Itaq; uideo esse qui his casibus adiri sine tutore hereditates a pupillis posse contendunt, a quorum ego sententia longe distideo, propter l. pupillus. D. de reg. iur. & l. pupillus. 9. D. de acq. hered. ubi Vlpianus ait,



**A** pianus ait, quod animi iudicio sit, in eo tutoris auctoritatem esse necessariam: hereditas autem quamvis præclara & luculenta obiri sine animi iudicio non potest. Paulus autem in d.l. 9. uerba quibus in deferendis & adeundis hereditatibus utebantur, urget. L. Titius hæres esto, cernitoq; in diebus centum proximis, quibus scieris poterisq;. Pupillus, inquit, ea ætate est, ut neque scire, neq; decernere, non magis quam furiosus possit: neq; hereditatis causam intelligit. Cum igitur in pupillos ea formula non cadat, neq; adeo cretionis formula, Hanc hereditatem cerno adeoq;: relinquitur necessario, nullam quamvis opulentam hereditatem adiri à pupillo sine tutoris auctoritate posse. Cernere enim, ut Varro docet, in hac formula decernere & constituere significat.

*Auctoritas à tutore præsentis, & in ipso negotio gerendo, interponenda est. l. ix. §. ij. D. eodem.*

**III. Tutor autem statim in ipso negotio præsens debet auctor fieri, si hoc pupillo prodesse existimauerit. post tempus uero, uel per epistolam interposita tutoris auctoritas, nihil agit.**

**IN IPSO NEGOCIO.)** Enunc. I. In pupillorum negocijs nec antecedens, nec subsequens comprobatio tutoris, auctoritatis uim obtinet. l. obligari. 9. §. tutor. D. cod. l. si id quod. 7. §. Si pupilli. D. de rescind. uendit. & l. nunquam. 32. D. de usurpat. Quod quidem contra uerbi notionem & ueritatem, pupillorum fauore receptum est. Nam Patres auctores dicebantur populo legem iubenti, qui consilium legis ferendæ uel dederant, uel comprobabant. Sed Vlpian. in l. si quis mihi. 25. §. iussu. D. de acq. hæred. ait, tutoris auctoritatem interponi perfecto negotio. Hanc igitur locutionem sic interpreto, quasi dixisset, in perficiendo negotio, & in re præsentis. Idem enim in l. i. D. de solut. sic locutus est; Sed constituere debet in re præsentis, hoc est, statim atq; solutum est.

**B** **PRÆSENS DEBET AVCTOR FIERI.)** Sequitur II. Præsentia tutoris in auctoritate interponenda necessaria est. d. l. obligari. Itaq; quemadmodum intulit, per epistolam comprobare negotium tutor non potest. Præsentia igitur necessaria est: uerum ea non corporis tantum, sed etiam animi, parum est enim corpore adesse, si animo absis. l. non multum. 14. & l. i. in fi. D. de auct. tut.

**SI HOC PUPILLO PRODESSE EXISTIMAUERIT.)** Sequitur III. Tutor pupillo nisi rerum utilium auctor esse non debet.

**NIHIL AGIT.)** Sequitur IIII. Vtrum auctoritas adiuncta non sit, an perperam adiuncta sit, nihil interest. l. nulla differentia. 2. D. de auct. tut.

*Pupillo cum tutore litigaturo curator datur, qui finita lite curator esse desinit. l. iij. D. de tutel.*

**IIII. Si inter tutorem & pupillum iudicio agendum sit, quia ipse tutor in rem suam auctor esse non potest: non Prætorius tutor (ut olim) constituitur, sed curator in locum eius datur: quo curatore interueniente, iudicium peragitur: & eo peracto, curator esse desinit.**

**IUDICIUM AGENDUM SIT.)** Enunc. I. Litis potest inter pupillum & tutorem intercedere, alijs tamen de rebus quam de tutelæ administratione, de qua nisi finita tutela agi non potest. l. nisi finita. 4. D. de tut. & ration.

**TUTOR IN REM SVAM.)** Sequitur II. Tutor in rem suam auctor esse pupillo non potest. l. i. & 7. D. cod.

**PRÆTORIVS TUTOR, VT OLIM.)** Sequitur III. Olim orta inter pupillum & tutorem controuersia, nouus ad eam rem pupillo tutor à Prætoribus decernebatur. Auctor Vlp. cap. ii. ubi moribus id comprobatum fuisse scribit.

**C** **CVRATOR IN LOCVM EIVS.)** Sequitur IIII. Hodie orta inter pupillum & tutorem controuersia, curator ad eam rem pupillo decernitur. l. 3. §. si pupillus. D. de tutel. & l. i. C. de in lit. dan. tut. uel cur. Quod tamen ita intelligendum est, si unicus sit tutor, aut si cum omnibus tutoribus controuersiam habeat. Nam (ut ait Iauolenus) si plures sint tutores, à Prætoribus curatorem posci litis causa superuacuum est: quia altero auctore cum altero agi potest. l. si plures. 24. D. de test. tut.

**CVRATOR ESSE DESINIT.)** Sequitur V. Curator pupilli cum tutore litigantis, lite finita curator esse desinit. l. 3. C. de in lit. dan. tut.

## QVIBVS MODIS TVTELA FINITVR.

### TITVLVS XXII.

*Tutela pubertate adepta finitur, quam fœminis anno ætatis XII.*

*maribus anno decimoquarto completo Iustinianus*

*attribuit. l. ult. C. quando tut.*

*uel cur.*

**I.** **P**upilli pupillæq;, cum puberes esse cœperint, à tutela liberantur. Pubertatem autem ueteres quidem non solum ex annis, sed etiam ex habitu corporis in masculis æstimari uolebāt. Nostra autem maiestas dignum esse castitate nostrorum temporum bene putauit, quod in fœminis etiam antiquis impudicum esse uisum est: id est, inspectionem habitudinis corporis, hoc etiā in masculos extendere. Et ideo sancta constitutione promulgata, pubertatem in masculis post



decimumquartum completum annum ilico initium accipere disposuimus: antiquitatis normam **A** in fœminis bene positam suo ordine relinquentes, ut post duodecimum annum completum uiri potentes esse credantur.

PVPILLI PVPILLAE' QVE.) Tutelæ finiendæ modi hoc capite undecim enumerantur: pubertate, arrogatione, deportatione, seruitute, captiuitate, conditionis euentu, morte, quauis capitis deminutione, dici euentu, remotione tutoris, & eiusdem excusatione.

CVM PVBERES ESSE COEPERINT.) Enunc. I. Pubertatis pupillum à tutorum potestate liberat: adeo ut ei tutor datus, qui falsi minor credebatur, neq; se excusare necesse habeat, neq; obligetur, quod non gerat. l. Seia. 26. D. de tut. & curat. Hoc enim tempus à natura ad deligendum quam quisq; uiam uiuendi sit ingressus, datum est: ait Cicer. lib. de Offic. 1. Macrobi. lib. Satur. 1. cap. 6. Post annos autem bis septem, ipsa ætas necessitate pubescit. Tunc enim moueri incipit uis generationis in masculis, & purgatio fœminarum. Idem & tutela pueris, quasi uirile iam robur adeptis absoluitur (sic enim legendum arbitror) de qua tamen fœminæ propter uotorum festinationem, maturius biennio legibus liberantur. Hæc ille. Tertullianus autem in lib. de uirginib. uelendis: Tempus, inquit, etiam Ethnici obseruant, ut ex lege naturæ iura sua ætatibus reddant. Nam fœminis quidem à duodecim annis, masculum uero à duobus amplius ad negocia mittunt: pubertatem in an- nis, non sponsalibus aut nuptijs decernentes.

NON SOLVM EX ANNIS, SED ETIAM EX HABITV.) Ut scilicet is demum pubes habere- tur, in quem utrunq; concurreret, & habitus corporis, & numerus annorum, quam Prisci sententiam fuisse, Vlpianus cap. Institut. XI. testatur.

EX HABITV.) Sequitur II. Veteres eos demum puberes numerabant, qui & annum XIII. complessent, & iam pubescerent. Non enim omnes eadem ætate pubescunt, sed alij maturius, alij serius. Itaq; Cæsar lib. De bell. Gall. 7. de Germanis loquens: Qui diutissime, inquit, impuberes permanserunt, maximam inter suos ferunt laudem. hoc ali staturam, ali **B** uires, neruosq; confirmari putant. Memoratu autem dignum est, quod Acron scribit, moris fuisse Romæ, ut comæ pueris usq; ad pubertatem nutrentur: qua de causa Horatius dixit,

Insuperata tuæ cum ueniet pluma superbiæ:

Et quæ nunchumeris inuolitant, deciderint comæ.

ANTIQVIS IMPVDICVM ESSE VISVM EST.) Sequitur III. Veteres fœminarum pubertatem non ex pube, sed ex ætate definiebant.

POST DECIMVMQVARTVM ANNVVM COMPLETVM.) Sequitur IIII. Masculis anno XIII. completo, Iustinianus iura pubertatis attribuit. l. ult. C. quand. tut. esse defin.

VIRI POTENTES ESSE CREDANTVR.) Sequitur V. Fœmina completo anno XII. uiri potens esse iudicatur. Itaq; ante illam ætatem nuptam, Pomponius tunc legitimam uxorem fore respondit, cum apud uirum expleisset duodecim annos. l. 4. D. de rit. nupt.

Tutela qualibet capitis deminutione pupilli, tutoris autem media & maxima, & si le- gitimus sit, etiam minima: item conditionis euentu, temporis præfiniti de- cursu, suspecti crimine, & iusta excusatione, dissol- uitur. l. xiiij. D. de tutelis.

II. Item finitur tutela, si adrogati sint adhuc impuberes, uel deportati: item si in seruitutem ut ingratus patrono pupillus redigatur, uel si ab hostibus captus fuerit. Sed & si ad certam conditio- nem datus sit tutor testamento: æquè conuenit, ut desinat esse tutor, existente conditione. Simili **C** modo finitur tutela morte uel pupillorum, uel tutorum. Sed & capitis deminutione tutoris, per quam libertas uel ciuitas eius amittatur, omnis tutela perit. Minima autem capitis deminutione tutoris, ueluti si se in adoptionem dederit, legitima tantum tutela perit: cæteræ non pereunt. Sed pupilli pupillæque capitis deminutio licet minima sit, omnes tutelas tollit. Præterea qui ad certum tempus testamentis dantur tutores, finito eo, deponunt tutelam. Desinunt etiam tutores esse, qui uel remouentur à tutela ob id, quod suspecti uisi sunt, uel qui ex iusta causa sese excusant, & onus administrandæ tutelæ deponunt, secundum ea quæ inferius proponemus.

SI ARROGATI SINT ADHVC IMPVBERES.) Enunc. I. Pupilli arrogatio, deportatio, seruitus & captiuitas eius tutelam extinguunt.

UT INGRATVS PATRONO.) Hoc est ex antiquo libro, cui Theophilus astipulatur. nam neq; uendendum se curare impubes potest, & uix est ut seruus pœnæ ob facinus aliquod efficiatur.

AD CERTAM CONDITIONEM.) Sequitur II. Euentus conditionis tutelam ad conditionem datam ex- tinguit: ueluti, Tutor esto si uxorem habuerit, si in hac regione manserit.

SIMILI MODO FINITVR.) Sequitur III. Tutela siue pupilli, siue tutoris morte perimitur.

CAPITIS DEMINVTIONE TVTORIS.) Sequitur IIII. Tutelam legitimam quæuis capitis deminu- tio tutoris adimit: cæteris uero, media & maxima duntaxat. Qua de re superius sub Tit. XVI. explicatum est.

LEGITIMA TANTVM TVTELA PERIT.) Excepta tutela patronorum, legitima tutela capitis deminutione amittitur: ait Vlp. cap. Institut. 11.

PVPILLI ET PVPILLAE CAPITIS DEMINVTIO.) Sequitur V. Quæuis capitis deminutio pu- pilli tutelam extinguunt. Nam quod ad minimam attinet, nimirum arrogationem, superius dictum est, filiosfam. in tutela esse non posse. in princ. cap. 13.

FINITO



**A** FINITO EO DEPONUNT TUTELAM.) Sequitur VI. Tutela ad tempus delata, eo exacto perimitur. QVI VEL REMOVENTUR A TUTELA.) Sequitur VII. Tutela ob suspecti condemnationem & iustam excusationem dimittitur. Vlp. cap. Instit. XI. Hoc amplius, inquit, Senatus censuit, ut si tutor pupilli, pupillae suspectus a tutela submotus fuerit, uel etiam iusta de causa excusatus, in locum eius tutor alius detur. Sed de suspecti crimine, & iustis excusationibus paulo post explicabitur.

## DE CURATORIBVS. TITVLVS XXIII.

*Magistratus puberibus, non tamen inuitis, nisi forte in litem, curatores usq; ad annum XXV. decernunt, aut testamento datos confirmant. l. 1. D. de min. l. 2. C. de confir. tut.*

**I.** **M** Asculi puberes, & feminae uiri potentes, usq; ad uicesimum quintum annum completum curatores accipiunt: quia licet puberes sint, adhuc tamen eius aetatis sunt, ut sua negotia tueri non possint. Dantur autem curatores ab eisdem magistratibus, a quibus & tutores. Sed curator testamento non datur: datus tamen confirmatur decreto Praetoris, uel Praesidis. Item inuiti adolescentes, curatores non accipiunt, praeterquam in litem. curator enim & ad certam causam dari potest.

**B** VSQVE AD VICESIMVM QVINTVM ANNUM.) Enunc. I. Curatores tam maribus quam feminis usq; ad annum XXV. quamuis rem suam bene gerentibus, dantur. l. 1. D. de minorib. Ex quo intelligitur, biennio mulieres in tutela esse diutius, quam mares. non iniuria: quippe quae ueteri iure in perpetua tutela essent. De maribus autem id prius M. Antoninus philosophus constituit: ut Iulius Capitol. testatur. De curatoribus, inquit, cum ante non nisi ex lege I. etoria uel propter lasciuiam, uel propter dementia darentur, ita statuit, ut omnes adulti curatores acciperent, non redditis causis: hoc est, non adiecta causa. Quando tu bona patria auitaq; disperdis, &c. quae clausula maculam aliquam offerebat. Itaq; de coactoribus lege Roscia certus in theatro locus constitutus erat, ut ex Philippica secunda intelligitur. & Val. Maximus lib. 3. cap. 5. aperte ostendit, Q. Fabium Q. Maximi filium dedecore affectum esse, cum ei Q. Pompeius Praetor urbanus paternis bonis interdixisset.

ANNUM COMPLETVM.) Sequitur II. Curatio nisi anno XXV. completo & exacto non terminatur. l. 3. §. minorem. D. de minorib. ubi ait Vlp. momenti ad momentum rationem haberi.

ADHVC TAMEN EIVS AETATIS SVNT.) Sequitur III. Adolescentes ante annum XXV. completum tueri rem suam non possunt. d. l. 1. de minor. Et ideo, inquit Vlpianus, in hanc usq; aetatem adolescentes curatorum auxilio reguntur, nec ante rei suae administratio eis committi debet, quamuis bene rem suam gerentibus. Quod sane cuiusmodi sit, satis intelligere non possum. Ita namq; loquitur infinite atq; generaliter, ut neminem prorsus excipiat: curi tamen Iustinianus paulo infra scribat, Inuitis curatores non dari. Vlpianus autem cap. Instit. XII. Praetor, inquit, dat tutorem ei qui nuper pubes factus, idonee negotia sua tueri non potest. Quibus uerbis significat, ijs tantum curatores dari, qui nuper puberes facti sunt, non autem multo ante. Praeterea si rei suae administratio non conceditur adolescentibus, quamuis bene gerentibus, id est, (ut ego interpretor) gerere ualentibus: quorsum in integrum restitutiones pertinent, quas constat ijs tantum concedi, qui curatorem non habent. l. 3. C. de restit. in integr. quorsum item haec Pauli uerba pertinent, ex l. quod si. 24. §. 1. D. de minorib. Non semper ea quae cum minoribus geruntur, rescindenda sunt: sed ad bonum & equum redigenda sunt, ne magno incommodo huius aetatis homines afficiantur, nemine cum his contrahente, & quodammodo commercio eis interdicatur? Reputant enim haec, Administrationem eis non concedi, quod in l. 1. dicitur: & commercio eis non interdicti. Fateamur ergo, non satis eos quod uoluerant elocutos esse: & quam eorum fuisse mentem putamus, breuiter exponamus. Lex XII. Tab. furiosis & prodigis curatores tantum dabat. Inde moribus dari coeperunt emancipatis, item dementibus & lasciuis: quod postea lege Latoria sancitum est. Postremo D. Antoninus constituit, ut omnes adulti honeste & sine periculo existimationis curatores possent accipere, nimirum cum opus esset, cum eorum solitudo flagitaret, cum amici deniq; id postularent: ut quod Vlpianus in d. l. 1. scribit, administrationem eis concedi non debere, ut idē τὸ πλῆθος accipiamus, & ut plurimum ea aetas imperita, mul-  
**C** torumq; insidijs obiecta postulat.

DANTVR AVTEM CURATORES.) Sequitur IIII. Curatores ab iisdem magistratibus, a quibus & tutores dantur: hoc est, ab omnibus magistratibus municipalibus. l. 3. D. de tut. & cur. dat.

SED CURATOR TESTAMENTO.) Sequitur V. Curatores institui testamento non possunt, designari tamen possunt. l. 2. C. de confir. tut. l. tutela. 7. C. de test. tut. l. curatorem. 6. de negoc. gest. Non enim Lex XII. Tab. potestatis patrie uim post mortem durare longius, quam usq; ad pubertatem permittit. Itaq; testamentum filijs ad eam usq; aetatem facere patres possunt: postea uero non possunt. l. 2. D. de uulg. & pupill. substitut.

DATVS TAMEN CONFIRMATVR.) Sequitur VI. Testatoris auctoritas in decernendo curatore sequenda est. l. 2. C. de confir. tut. l. si filio. D. de confir. tut. l. si furiosis. D. de curat. fur. Atq; hoc est quod proxima enunciatio ne dicebamus, Designari tamen possunt. Quomodo rectius noster locutus esset, si nunc dixisset, Designatus tamen confirmatur. Nam ut magistratus designati postea Calend. Ianuarij confirmabantur, cum in leges iurabant, & in Capitolium sacrificaturi ascendeant: sic isti Curatores nominantur quidem a testatore, a Praetore uero confirmantur.

ITEM INUITI ADOLESCENTES.) Sequitur VII. Curator inuito adolescenti, nisi litem habenti, non datur. l. 2. C. qui legit. pers. standi. l. 1. C. qui pet. tut. Quod tamen ita uerum est, siquidem a rerum suarum administratione lia-



beriore abstinere uelit, uel tanta eius solitudo non sit, ut moderatoribus omnibus sit destitutus. Sed quaeritur à nonnullis, An ad- **A**  
ultus siue conueniat, siue conueniatur, inuito curatorem accipiat: respondeturq; uulgò, si actor sit, inuito curatorem non da-  
ri. inepte sane, meo quidem iudicio: cum in l. 2. C. qui legit. pers. standi in iud. planissime scribatur, Adultum nisi curatore au-  
ctore litem nec intendere nec pati posse.

PRÆTER QVAM IN LITEM.) Sequitur VIII. Litis suæ administratio, adolescenti rerum omnium dif-  
ficillima, maximeq; ardua iudicatur. Hoc apparet, cum anno ætatis XVII. eis caussus aliorum agere liceat. l. 1. D. de postul.  
anno uero XXI. libertatem suam participatio precio uendere, ut suo loco dictum est. in quo tamen eorum punitur malitia:  
adeo ut nec in integrum restituantur. l. si ex caussa. 9. §. 3. D. de minorib.

ET AD CERTAM LITEM.) Sequitur IX. Curator ad unum certumq; negocium decerni potest: ueluti ad  
dotem constituendam, uel augendam. l. non tantum. 7. D. de tut. dat. ab his qui, &c. Cum autem superius dictum sit, Tutorem  
certæ caussæ non dari, quia personæ, non rebus datur: argumentari nunc ex contrario possumus, si curator certæ caussæ da-  
tur, non personæ, sed rebus dari. quod Imp. Gordianus aperte confirmat in l. in copulandis. 8. C. de nupt. ubi ait, curatorem  
solum rei familiaris administrationem sustinere. Quod tamen caute, pedetentimq; considerandum est. Nam furiosi quidem  
curator, aut dementis, datus personæ nihilo minus uidetur, quam ipsis rebus. fortasse etiam prodigi: quod agnatorum genti-  
liumq; non modò in eius pecunia, sed etiam in eo potestas sit lege XII. Tabularum constituta. ut mihi quidem dubium non  
sit, quin utrumq; furiosum quidem certè, quamuis tenui uel nullo patrimonio, curare, alere, instituereq; debeant. Hæc autem  
quinq; inter tutelam & curationem differentiis demonstrant. primum enim, Tutela est uis ac potestas in capite libero: cura-  
tio adolescentium in foris tantum. Tutela propter ætatem instituta est: curatio furiosorum & prodigiorum, propter anti-  
mi morbum: surdorum, mutorum, & fontico morbo laborantium, propter corporis uitium. Tutor inuito & ignoranti da-  
tur. l. 6. D. de tut. & curat. curator inuito adolescenti non decernitur: tametsi prodigo quidem semper inuito. Tutor personæ  
datur: curator adolescentis, & prodigi, rebus. Tutor certam in causam non datur: at curator datur. **B**

Furiosis, prodigis, mente captis, surdis, mutis, perpetuo morbo affectis, cura-  
tores à magistratibus ex inquisitione decernuntur.

l. j. D. & C. de curat. fur.

II. Furiosi quoq; & prodigi, licet maiores uiginti quinque annis sint: tamen in curatione sunt  
agnatorum ex lege duodecim Tabularum. Sed solent Romæ Præfecti urbi, uel Prætores, & in  
proincijs Præsides, ex inquisitione eis curatores dare. Sed & mente captis, & surdis, & mutis, &  
qui perpetuo morbo laborant, (quia rebus suis superesse non possunt) curatores dandi sunt.

LICET MAIORES.) Enunc. 1. Lex XII. furiosis & prodigis agnatos, eosq; solos, & sine inquisitione cura-  
tores attribuit. l. 1. & l. sepe. 13. D. de curat. fur. ubi Caius ait: Sæpe ad aliam e lege XII. Tab. curatio furiosi aut prodigi  
pertinet, alij Prætor administrationem dat: scilicet cum ille legitimus inhabilis ad eam rem uideatur. Id etiam ex eo apparet,  
quod Iustinianus infert, Sed hodie ex inquisitione dantur. Veruntamen obscure loquitur, cum ait, LICET MAIO-  
RES VIGINTIQUINQUE ANNIS SINT. Nam Vlp. in l. 3. §. 1. D. de tutel. perspicue ait, furioso non ante  
agnatum curatorem dari, quam eos annos excefferit: prius autem curatorem ei, non ut furioso, sed ut adolescenti dari. Quod  
ego Vlpiano ita concedo, dum illud teneamus: post Antonini philosophi constitutionem id uerum fuisse, antea uero tutorum  
potestate egressos, repente ad agnatos & gentiles recidisse.

EX LEGE DVODECIM TABVLARVM.) Cuius uerba hæc sunt: Si furiosus existet, aut prodigus, cui  
bonis interdictum sit, agnatorum gentiliūq; in eo pecuniāq; eius potestas esto. Auctor Cornificius lib. Rhetoricorū ad Her.  
& Vlpian. cap. Institut. XII. EXISTET autem Cicero Tusculana 111. sic interpretatur, Esse incipit. Sed mirum est, **C**  
quod ait Vlpianus in l. 1. D. de curat. fur. Lege XII. Tabularum prodigo interdicitur bonorum suorum administratio, quod  
moribus quidem ab initio introductum est, sed solent hodie Prætores, &c. Nam quomodo morum memoriam ante duodecim  
tabularum tempus repetit? præterea ut maxime inde usq; repetat, tamen quorsum illud, SED HODIE? Quare locum sic  
emendarem, SED, QVOD MORIBVS q. a. i. introductum est, solent hodie, &c. Ut iam non de prodigo loquatur,  
sed de lasciuo (ut Letoria lex appellat) hoc est, non diligenti & industrio, parumq; ad rem attentio, qualem fuisse Sophoclem  
Cicero in Catone testatur: ubi etiam ait, moribus comparatum fuisse, ut male rem gerentibus patribus bonis interdicretur.  
Rem igitur omnem sic exponerem, ut lex XII. furiosis & prodigis agnatos curatores attribueret. Emancipatis uero uel uitis  
prodigis, moribus comparatum fuisse, ut Prætores ex inquisitione decernerent, quoniam agnatos illi non habent: item demen-  
tibus & lasciuis, quod postea lege Letoria confirmatum est. Nam quod inuito Vlpianus ait, lege XII. Tabularum prodigo  
bonis interdicti: sic accipiendum est, quasi non uerbis, sed in ipsa & effectui legem id statuere dixisset. non enim repente &  
ipso iure agnatus prodigi agnati bona occupare poterat: sed ita, cum ei à Præторе bonis interdictum esset, quemadmodum  
ex legis uerbis, quæ superius edidimus, intelligi potest. Ex his igitur perspicuum esse arbitror, aliud esse lege bonis interdicti,  
quomodo Vlpianus loquitur in l. is cui. 18. D. qui test. fac. & in Instit. cap. 30. aliud uero, moribus. Nam lege interdicere est, ei  
interdicere, de quo locuta lex est: id est, qui & uere prodigus est, & agnatos habet. Itaq; quia lex hæc agnatos ad eorum  
successionem uocat, facere testamentum non possunt. Moribus uero interdicitur is qui uel iure prodigi sunt, sed agnatos non  
habent, ueluti liberi & emancipati: uel prodigi quidem non sunt, sed lasciuī, id est, ut ait Cicero, male rem suam gerentes.  
quibus hac formula interdicebatur, quam Paulus in sententijs edit: Quando tu bona patria auitaq; nequitia tua disperdis, li-  
berosq; tuos ad egestatem perducis, ob eam rem tibi ea re commercioq; interdico. Quam formulam in is tantum usurpari so-  
litam apparet, qui liberos habebant. Nam si quis rem suam non modò non amplifcet, sed ne tueatur quidem, uerum ta-  
men non aceruatim, sed minutatim eam diminuat, si modò liberos non habet, quamuis agnatos habeat, ei tamen bo-  
nis interdicti solitum non puto, alioqui quam multis curatoribus opus esset? & quam multi dedecore afficerentur?

Nam quod



**A** Nam quod Reipub. interesse dicimus, ne quis re sua male utatur, sine dubio de ijs intelligendum est, qui uere sunt prodigi. & familiarum patrimonia non tuerentur: quarum conseruandarum gratia, Lex XII. bonorum interdictionem introduxit. ut etiam suspicari libeat, eis quibus moribus interdictum erat, facere testamentum, licuisse. Quorsum enim Vlpianus duobus in locis nominatim addidisset **LEGES**? quam meam coniecturam adiuuare hoc quoque uidetur posse, quod coniuges qui moribus inter se donare prohibentur, legare tamen in testamento non prohibentur: ut quod minores, (qui quandiu sub curatore sint, furiosis comparantur. l. 3. C. de in integ. rest.) liberam tamen ab anno 14. testamenti factionem habent.

**IN CURATIONE AGNATORVM.)** Vnde natum prouerbium, Ad agnatos & gentiles deducendus. Varro lib. 1. de re Rustica, de uittibus loquens: Duo in primis spectasse uidentur Italici homines in colendo: possent ne fructus pro impensa ac labore reddere: & utrum saluber locus esset, an non: quorum si alterutrum decollat, & nihilominus uult colere, mente est captus, atque ad agnatos & gentiles est deducendus. Columella lib. 1. Porcius quidem Cato censebat in emendo agro, inspiciendoque, præcipue duo esse consideranda, salubritatem coeli, & ubertatem loci: quorum si alterutrum deesset, & nihilominus uellet incolere, mente esse captum, atque eum ad agnatos & gentiles deducendum.

**SED SOLENT ROMAE.)** Hoc sermonis genere perspicue significatur, non amplius ex lege duodecim Tabularum agnatos curatores dari. quod quidem, si Pandectarum rationem habeamus, aperte falsum est. Itaque Theophilus & Accursius huic incommodo sic medentur, cum aut agnati non sunt, aut satis idonei non uidentur, quod quidem uerum esse, Caius in d. l. sepe. D. de curat. furiosi, plane ostendit. Præterea Vlpianus capite Institutionum duodecimo, aperte ait, alios curatores esse legitimos, alios honorarios, deinde idem in l. 3. §. 1. D. de tut. disputat, quando furiosis agnati legitimi sint tutores: & ait, minoribus quidem non esse, maioribus autem esse. Verum tamen hoc legi XII. Tab. adiectum apparet, ut agnati nisi ex inquisitione curatores non essent. Quæ quidem omnia ex iure, ut dixi, Pandectarum recte disputantur. At ex Codicis constitutionibus uerum est quod ait Iustinianus, agnatorum rationem qualem lex XII. instituit, non duci. Nam Anastasius ad emancipatos has quoque curationes pertinere uoluit. l. 5. C. de cur. furiosi.

**EX INQUISITIONE.)** Sequitur II. Hodie curatores furiosis & prodigis nisi ex inquisitione non dantur.

**SED ET MENTE CAPTIS.)** Sequitur III. Alius furiosus, alius demens siue mente captus in iure civili appellatur. l. si furiosi. 25. C. de nupt. l. 2. D. de inoff. testa. l. tam dementis. 21. C. de episco. audientia. Quid autem inter utrumque intersit, in Comment. uerborum iuris exposuimus.

**ET SVRDIS ET MUTIS.)** Sequitur IIII. Curatores amentibus, mutis, surdis, & perpetuo morbo affectis dantur. l. nec mandante. 8. in fi. & l. his qui. 12. D. de tut. & cur. dat.

**SVPERESSE NON POSSVNT.)** Græca locutio, ἡ δὲ αἰὶ τοῖς περὶ αὐτοῦ: qua Paulus utitur l. 2. D. de curat. fur. & Vlpian. l. his qui. 12. D. de tut. & cur. dat.

Si tutor idoneus non est, aut se ad tempus excusat, ei curator adiungitur: at  
si fraudator est, exauctoratur. necessario tamen impeditus  
petere suo periculo actorem potest. l. xij. D. de  
tut. l. xxij. de admin. tut.

**III. Interdum autem & pupilli curatores accipiunt, ut puta si legitimus tutor non sit idoneus:** quoniam habenti tutorem, tutor dari non potest. Item, si testamento datus tutor, uel à Prætorē, aut Præsīde, idoneus non sit ad administrationem, nec tamen fraudulenter negotia administraret, **C** solet ei curator adiungi. Item loco tutorum, qui non in perpetuum, sed ad tempus à tutela excusantur, solent curatores dari. Quod si tutor aduersa ualitudine, uel alia necessitate impediatur, quo minus negotia pupilli administrare possit: & pupillus uel absit, uel infans sit: quem uelit actorem, periculo ipsius tutoris, Prætor, uel qui prouinciæ præerit, decreto constituet.

**SI LEGITIMVS TVTOR NON SIT IDONEVS.)** Enunciatio I. Pupillo qui tutorem idoneum non habet, curator adiungitur. l. pietatis. 6. C. de suspect. tut. l. testamento. 11. C. de excusat. tutor. l. solet. 13. D. de tutel. ueluti propter egestatem, aut patrimonium diffusum aut dignitatem, aut ualitudinem, aut senium, aut locupletatum pupilli patrimonium. l. ult. C. in quib. caus. l. quoties. 9. in fi. D. de admin. tut.

**HABENTI TVTOREM.)** Sequitur II. Tutori constituto adiungi alter non potest. l. si sororis. 9. C. qui dar. tut. l. cum iure. C. qui pet. tut. l. 4. C. in quib. caus. tut. Quod tamen intelligendum sic uidetur, primum inuito & repugnantis deinde earundem rerum. Nam petenti tutori socium ac participem istius oneris, causa cognita, ueluti longè lateque disito patrimonio, concedi solet. l. tutores qui post. 39. §. 8. D. de admin. tut. & l. propter litem. 21. in fin. D. de excus. tut. Itaque quod sub tit. De auctor. tutor. dictum est, pupillo cum suo tutore litigaturo tutorem dari, propterea huic regula non aduersatur, quia De auctor. tutor. dictum est, pupillo cum suo tutore litigaturo tutorem dari, propterea huic regula non aduersatur, quia ea in re tutorem pupillo uerius deesse, quam adesse certum est. item ut l. cum in una. 17. D. de appellat. & l. si quis tutor. 15. D. de tutel. Rursus id demum uerum in ijs esse arbitror, qui legitimi sint tutores. Nam & superiores leges eum præcisè casum amplectuntur, & Iustinianus hoc loco de ijs nominatim loquitur: Papinianus autem in l. tutores qui post. 39. §. 8. D. de administ. tut. de testamentario tutore loquens qui disitum disiectumque patrimonium satis commodè solus tueri non poterat, ait ei iutorē adiunctum. Ex quibus regule ratio intelligi poterit. Nam proximo agnationis gradu uel plures sunt, uel unus tantum, si rem adiunctum. Ex quibus regule ratio intelligi poterit. Nam proximo agnationis gradu uel plures sunt, uel unus tantum, si plures sint, non est quod alius adiungatur: sin unus tantum, tamen quia familia sue bona hæc sunt, & tanquam propria, quippe quæ pupillo mortuo lege ad se reditura sunt, non debet ei inuito & repugnantis alter alienus & extraneus, nulloque iuris in ijs bonis habens, adiungi. Itaque Marciani responsum intelligo in l. propter litem. 21. in fin. D. de excus. tut. Tutorem ad unum uersum patrimonium datum, tamen excusare se posse, ne ultra lapidem centesimum administrare cogatur. Ergo, inquit, habenti tutorem tutor datur: sed aliarum rerum, non earundem datur. Quod autem quidam auiunt claudicare hanc regulam ijs casibus,



fibis, quibus in locum remoti, demortui, deportati, furiosi, muti, surdi, tutor alius datur. l. 4. C. in quib. caus. tut. hab. mihi sanè **A**  
permirum uidetur: cum satis constet, ijs casibus non pupillo tutorem habenti, sed tutore carenti tutorem dari.

NEC TAMEN FRAVDVLENTER.) Sequitur III. Tutori fraudulenter in re pupilli uersato, non curas-  
tor adiungitur, sed tutela interdicitur. d. l. pietatis. 6. C. de susp. tut. quod quidem in omni tutore, quamvis legitimus sit, uerū  
puto: propter l. 1. §. 3. D. de susp. tut. Sed quæri potest, cur ergo clausulam hanc Iustinianus hoc potius loco ubi de cæteris tuto-  
ribus agitur, quam proximè cum de legitimo loquebatur, inseruit? opinor ut hoc significaret, quod Modestinus suadet in l. si  
tutor. 9. D. de susp. tut. nimirum cognatos, affines & patronos non faciliè remouendos esse, sed potius curatores adiungendos.  
Ad agnatos ergo hoc putare non pertinere, nulla ratio est.

ITEM LOCO TVTORVM.) Sequitur IIII. Tutori qui se ad tempus excusat, curator adiungitur: qui uerò  
in perpetuum, alter sufficitur. l. quæstium. 12. D. de tutel. l. in omnem. 14. & seq. D. de tut. dat. ab. l. 1. & 2. C. in quib. caus. tut.  
hab. ubi curator tutori ad tempus excusato adiungitur, & tempore transacto curator esse desinit: totaq; administratio tutori  
cedit: & incunte pubertate curator esse desinit.

VEL ABSIT, VEL INFANS SIT.) Sequitur V. Tutor necessariò impeditus actorem petere, dum tas-  
men pupillus uel absit, uel infans sit, potest. l. decreto. 24. D. de administ. tutor. & l. neque. C. de procurat. Est autem actor,  
quem tutor uel curator ad agendum quasi procuratorem auctore Prætor constituit. l. 1. C. de actor. à tut. uel cur. dando. l. tu-  
tor. 6. D. quand. ex fact. tut. l. si actor. 10. C. de appellat. Quod eò fit, quia procuratorem habere non potest: quippe qui ab ijs  
solis constituitur, qui litis sunt domini. d. l. neque. de procur. Adiectum est autem, DVM PVPILLVS VEL AB-  
SIT, & c. quia si præsens esset, & intellectum haberet, procuratorem tutore auctore constituere ipse posset. d. l. neq;. Hic au-  
tem prima inter Curatorem & Actorem differentia cognoscitur: quod Curator ad patrimonij totius, actor ad litium tantum  
administrationem instituitur.

QVEM VELIT ACTOREM.) Sequitur VI. Magistratus non actorem eligit, sed quem tutor edidit, decere **B**  
nit. d. l. decreto. 24. D. de administ. tutor. l. 1. C. de act. à tut. dando. Quæ quidem secunda est inter Curatorem adiunctum &  
Actorem differentia. nam Curator à magistratu deligitur: actor uerò à tutore uel curatore, proditur, ut Interrex: à magistra-  
tu uerò confirmatur.

PERICVLO IPSIVS TVTORIS.) Sequitur VII. Tutor, actoris postulatu suo decreti, periculum præ-  
stat. d. l. decreto. & l. neq;. & l. 1. superius prolatis. Vnde tertia differentia cognoscitur, quod tutor curatoris adiuncti sibi pe-  
riculum non præstat: actoris uerò præstat. Neque uerò prætereundum hoc loco est, quod ait Pomponius in l. solet. 13. D. de  
tutel. Est etiam adiutor tutelæ, quem solet Prætor permittere tutoribus constituere, qui non possunt sufficere administrationi  
tutelæ: ita tamen, ut suo periculo eum constituant.

## DE SATISDATIONE TVTORVM, uel curatorum.

### TITVLVS XXIIII.

*Satisfactio rem saluam fore, tum à tutoribus tum à curatoribus, nisi  
uel testamento, uel ex inquisitione dati sint, præstari  
debet. l. 4. l. 17. D. de test. tut. l. 3. & penul.*

*C. de tut. qui non sat.*

**I.** NE tamen pupillorum pupillarumue, & eorum qui quæ' ue in curatione sunt, negotia à tuto **C**  
ribus curatoribus' ue consumantur, uel deminuantur: curat Prætor, ut & tutores & curato-  
res eo nomine satisfident. Sed hoc non est perpetuum. nam tutores testamento dati, satisficere non  
coguntur: quia fides eorum & diligentia ab ipso testatore approbata est. item ex inquisitione tu-  
tores uel curatores dati, satisfactione non onerantur, quia idonei electi sunt.

NEGOTIA A' TVTORIBVS.) Enunciatio I. Hæc satisfactio, ut ne res eorum qui in tutela uel curatione  
sunt, detrimento afficiantur, instituta est. l. cum pupillus. 9. D. rem pup. sal. ubi cum Pomponius scribat, quicquid in tutela ius-  
dicium uenit, hæc stipulatione contineri, perspicuum est, non modò quæ damna contigerunt, sed etiam quæ lucra tutoris culpa  
non contigerunt. fideiussores præstaturos. ueluti si tutor pupilli pecuniam ociosam reliquerit. Sed Iustinianus summam rem  
exponere satis habuit. intelligendum igitur, tutores à Prætorè cogi satisficere, hoc est fideiussorem dare, qui rogatus à pupillo,  
uel eo quem Prætor constituit, spondeat rem pupilli saluam fore: hoc est, recipiat aut tutorem, aut seipsum finita tutela pupil-  
lo rem suam sanctam testam restitutum.

CVRET PRÆTOR VT ET TVTORES.) Sequitur II. Curare ut hæc satisfactio præstetur, Prætor  
is officium est. l. 2. & 3. D. rem pup. sal. ubi Vlp. ait. seruum publicum apud Prætorè stipulaturum, aut Prætorè alium  
datum cui caueatur. Sunt autem qui utrum CVRET an CVRET hoc loco legendum sit, quærent. nam. illo modo Præ-  
toris edicto, hoc uerò Principum constitutionibus hoc institutum uideri uolunt non animaduertentes hæc omnia de Prætorè,  
quem Tutelarem Claudius constituit, intelligenda esse: cuius hanc fuisse prouinciam, ut tutores satisficere iuberet, nemini duo-  
bium esse potest. utro uerò modo legatur, nihil interesse. similes loci innumerales declarant.

NAM TVTORES TESTAMENTO DATI.) Sequitur III. Tutores testamento dati, satisficere nò co-  
guntur. l. 4. & l. testamento. 17. D. de test. tut. l. pen. C. qui tut. non satisf. Extra quam si uel insigni calamitate sint affecti, uel  
testatoris inimici facti sint, uel testam antea improbitatem patefecerint, uel alias causis, de quibus Prætor tutelaris cognoscet,  
præbuerint. l. in confirmando. 8. & 11. seq. D. de confir. tut. l. 4. D. de test. tut.

FIDES



**A FIDES EORVM ET DILIGENTIA.)** Sequitur IIII. Tutoris testamento instituti fides ac diligentia satis testata spectataq; existimatur. l. ult. C. de cur. fur. & l. de creationibus. 20. C. de episc. audient. ubi Iustinianus ait, pater-  
num testimonium pro eius satisfactione sufficere. Neq; enim pater filij sui tutelam, alteri quam ei cuius fidem exploratam ha-  
beat, committere iudicatur. Hinc Paulus l. amicissimos. 36. D. de excusat. Amicissimos quidem & fidelissimos parentes liberis  
tutores eligere solere; & ideo ad suscipiendum onus tutela, etiam honore legati eos prosequi.

**ITEM EX INQUISITIONE.)** Sequitur V. Tutor curatorne ex inquisitione datus, satisfacere non cogitur.  
l. 3. C. de tut. qui non sat. l. bonorum. 8. D. de curat. fur.

**IDONEI ELECTI SVNT.)** Sequitur VI. Qui ex inquisitione decernitur, idoneus esse iudicatur.

*E' pluribus qui satisfacere non coguntur, is solus administrat, qui uel solus, uel cum  
quispiam paratus esset, satisfecerit: qui uel a testatore aut maiore colle-  
garum parte, aut cum inter eos non conueniret, a Præ-  
tore delectus erit. l. iij. D. de admin. tut.*

*l. x. vij. D. test. tut.*

**II.** Sed si testamento, uel ex inquisitione duo pluresue dati fuerint, potest unus offerre satisfac-  
tionem de indemnitate pupilli uel adolescentis, & contutori suo uel cōcuratori præferri, ut solus  
administret: uel ut contutor aut concurator satis offerens præponatur ei, ut & ipse solus admini-  
stret. Itaq; per se non potest petere satisfactionem à contutore suo, uel concuratore: sed offerre de-  
**B** bet, ut electionem det contutori uel concuratori suo, utrum uelit satis accipere, an satisfacere. Quod  
si nemo eorum satis offerat: si quidem adscriptum fuerit à testatore, quis gerat, ille gerere debet.  
Quod si non fuerit adscriptum, quem maior pars elegerit, ipse gerere debet, ut edicto Prætoris ca-  
uetur. Sin autem ipsi tutores dissenserint circa eligendum eum, uel eos, qui gerere debent: Prætor  
partes suas interponere debet. Idem & in pluribus ex inquisitione datis probandum est: id est, ut  
maior pars eligere possit, per quem administratio fiat.

**SI EX TESTAMENTO.)** Enunciatio I. E' pluribus satisfaciendi lege solutis, qui cæteris tacentibus satisfacit,  
solus administrabit. l. testamento. 17. & 18. D. de test. tutor. Nam cum tutela, ut supra docuimus, sua natura indiuidua sit (cū  
enim diuidi dicitur, ut in l. 3. in fin. D. de admin. tut. non tam ipsa, quam rerum administratio diuisione caput) ob eamq; cause  
sam commodè à pluribus administrari nequeat: Prætor operam dedit, quoad fieri potuit, ut eam ad plures delatam in unum  
deriuaret. Gradus autem complures fecit, quorum neq; ordinem, neq; numerum Iustinianus demonstrauit. Primus est, ut cui  
testator uni ex omnibus delecto administrationem mandarit, is omnibus potior habeatur: meritoq; (ait Vlpianus) patris stas  
tur uoluntati, qui utiq; rectè filio proppexit. l. 3. §. 1. D. de admin. tut. Etiam ne si quis alius satisfactionem offerat? Ita puto. Pas-  
tris enim iudicium præfertur. Secundus gradus, ut si neminem pater designarit, ei qui satisfactionem offeret, honos hic habeat  
et or, cæterisq; omnibus anteponatur. III. Si quis ea prouocatione lacebitus, suam contra satisfactionem offerat, potior ha-  
beatur. IIII. Si forte omnes offerant: aut omnes gerant, ut Vlpianus ait in d. l. 17. de test. tutor. aut, ut in sequenti lege Cal-  
listratus putat, idoneior eligatur: quod mihi probabilius uidetur. V. Ut si nemo satisfactionem offerat, nec pater quenquam  
designarit, unus de maiore collegij sententia deligatur. VI. Ut si inter collegas conuenire nō possit, tum Prætor ipse unum  
pro Imperio deligat, atq; constituat. Hæc ex l. 3. D. de admin. tut. & l. 17. 18. & 19. de test. tut.

**VEL UT CONTVTOR AUT CONCVRATOR.)** Sequitur II. Qui lacebitus satisfacit, ei à quo la-  
**C** cessitus est, præfertur. l. testamento. 17. de test. tut.

**PER SE NON POTEST PETERE.)** Sequitur III. Collegæ petere inuicem satisfactionem nō possunt,  
at prouocare inter se possunt. l. datius. 7. D. rem pup. sal.

**QVOD SI NEMO EORVM SATIS OFFERAT.)** Idem, opinor, etiam si offerret. Testatoris enim iu-  
diciū præferendum puto. d. l. 3. de ad. tut.

**ASCRITVM FVERIT A TESTATORE.)** Sequitur IIII. Testator uni è pluribus mandare admi-  
nistrationem potest. d. l. 3. de admin. tut. ubi Vlpianus ait, cæteros non administratores, sed obseruatores & custodes fore. ut ta-  
men administratoris negligentia siquidem soluendo non sit, periculum recipiant. & l. quod si forte. 14. §. 1. D. de solut.

**QVEM MAIOR PARS ELEGERIT.)** Sequitur V. Tutores uni administrationem mandare, nisi testa-  
tor id fecerit, possunt. d. l. 3. & l. quod si forte.

**PRAETOR PARTES SVAS INTERPONERE.)** Sequitur VI. Prætor administratorem deligere,  
si inter contutores non conueniat, eiq; mandare tutelam potest. Prætor, inquit Vlpianus, iubebit eos conuocari. aut si non coi-  
bunt, aut coacti non decernent, causa cognita ipse statu-  
et, quis tutelam geret. d. l. 3. in fin. & d. l. 14.

**IN PLVRIBVS EX INQUISITIONE.)** Sequitur VII. E' pluribus ex inquisitione datis, uni uel ab  
ipsis, uel à Prætore administratio mandari potest.

*In eos qui satis accipere neglexerunt, actio subsidiaria excusis administra-  
toribus conceditur. l. j. & iij. C. de magist. conuen.*

**III.** Sciendum est autem, non solum tutores uel curatores pupillis, uel adultis, cæterisq; per-  
sonis ex administratione teneri: sed etiam in eos, qui satisfactionem accipiunt, subsidiariam  
actionem esse, quæ ultimum eis præsidium possit adferre. Subsidiaria autem actio in eos datur,  
qui aut



qui aut omnino à tutoribus uel curatoribus satisfdari non curauerunt, aut nō idonee passi sunt ca- A  
ueri. Quæ quidem tam ex prudentium responsis, quàm ex constitutionibus Imperialibus etiam  
in hæredes eorum extenditur. Quibus constitutionibus & illud exprimitur, ut nisi caueant tuto-  
res & curatores, pignoribus captis coerceantur. Neq; autem Præfectus urbi, neq; Prætor, neque  
Præses prouinciæ, neq; quisquam alius, cui tutores dandi ius est, hac actione tenebitur: sed hi tan-  
tummodo, qui satisfactionem exigere solent.

EX ADMINISTRATIONE RERVM TENERI.) Enunciatio I. Tutores & curatores ex admini-  
stratione obligantur. l. 1. & seqq. D. de tutor. & rat. dist. ubi summam traditur, eos de ijs quæ dolo culpæ fecerunt, uel præ-  
termiserunt, teneri. Constantinus autem in l. pro officio. 20. C. de admin. tut. scribit, bona tutorum & curatorum tacite tum  
ob res gestas, tum ob non gestas, obligata esse.

QVI SATISDATIONEM ACCIPIVNT.) Sequitur II. Qui suum officium in exigenda satisfatio-  
ne neglexerunt, quod damni refici ex administratorum bonis non poterit, præstabunt. l. 1. & seqq. D. & C. de magistr.  
conuen.

QVAE VLTIMVM EIS PRÆSIDIVM.) Sequitur III. Actio subsidaria nisi prius excusis admini-  
stratoribus non conceditur. l. 1. & 4. C. de magistr. Itaq; Vlpian. in l. 1. §. 7. D. de tut. & rat. dist. Quandiū, inquit, uel unus ex  
tutoribus idoneus est, non potest ad magistratus qui dederunt, ueniri. Ex quibus unde nomen hoc hæc actio repperit, debet  
intelligi. Nam quemadmodum subsidiarij propriè dicebantur Triarij, qui dum primus & secundus ordo pugnabant, genis  
bus nixi (ut ait Festus) subsidebant eodem modo primo loco tutores, tum eorum fideiussores, postremò quasi res ad Triarios  
pupillo redierit, magistratus cōueniuntur aut, si fideiussores dati nō sunt, ipsi secundo loco flagitantur. l. 4. C. de magistr. cōuen.

AVT NON IDONEE PASSI SVNT.) Sequitur IIII. Vtrum satisfactio exacta non sit, an minus ido- B  
nea exacta sit, nihil interest. l. quoties. 6. D. qui subsid. cog.

TAM EX PRVDENTIVM RESPONSIS.) Sequitur V. Hæc actio ex edicti uerbis in solos magistra-  
tus, ex prudentium interpretatione & Principum constitutionibus, etiam in eorum hæredes datur. Hoc tamen inter magistra-  
tum & eius heredem interest, quod ille de dolo & lata culpa, & leui tenetur: hic uerò de dolo & lata illius culpa duntaxat.  
l. non similiter. 4. & 6. D. de magistr. conuen. & l. 2. C. eod.

PIGNORIBVS CAPTIS COERCEANTVR.) Sequitur VI. Tutores & curatores pignoribus captis  
satisfdare coguntur. Pignora autē propterea dicuntur, quia tantisper dum quid fiat, retinentur: eaq; multæ dictionis pars fuit:  
hoc est pars potestatis eius qui multæ dictionem habebat. quemadmodum ex ea lege intelligitur quæ est apud Frontinum lib.  
2. de aquaductibus. Cicero lib. 3. de Orat. Non tulit ille & grauit exarsit, pignoribusq; ablatis Crassum incipit coercere.  
Sueton. in Iulio: Vēctum pignoribus captis & directa suppellectile male multatum coniecit in carcerem.

CVI VTTORES DANDI IVS EST.) VI Proconsul, Præfectus Aegypti, & omnes magistratus municipia-  
pales. l. 1. & 3. D. de tut. dat. ab his, & c. l. 1. §. 1. D. de mag. conuen.

QVI SATISDATIONEM EXIGERE SOLENT.) Sequitur VII. Satisfactionis exactio ad eos  
qui tutores dabant, non pertinebat: eaq; hæc in eos non dabatur actio. quod tamen sub obscure dictum uideri potest: cum satis  
constet Duumuiros tutoris dandi ius habuisse. l. 3. De tutor. & §. 3. supra de Attil. tut. & tamen eosdem solitos fuisse & satisfda-  
tionem exigere, & hac subsidaria teneri. l. 1. l. 2. & pass. De magistr. conuen. Theophilus autē hunc locum de iudiciis πῶς  
interpretatur, hoc est, qui defensores ciuitatum in libris nostris appellantur: cuius tamen rei auctore habeo præter illum ne-  
minem: quinetiam uideo in l. ult. C. de magistr. conuen. mentionem fieri scribæ, cui prætor negotiū dederat satisfactionē exigen-  
di. Vt cumq; sit, ego ad Duumuiros magna ex parte locum hunc referrem: quibus tutoris dandi facultatē nullo iure, sed consue-  
tudine & usurpatione permissam superius sub tit. de Attil. tut. probauimus ex l. 3. & l. diui. 24. D. de tutoribus dat.

## DE EXCUSATIONIBVS TUTORVM uel curatorum.

TITVLVS. XXV.

Qui Romæ tres, in Italia quatuor, in prouincijs quinq; habent uel in pote-  
state, uel emancipatos naturales iustosq; liberos, à tutela & curatione  
excusantur. in liberis autem nepotes ex filio mortuo, non e-  
tiam ex filia: item filij qui in prælio cæsi sunt, nu-  
merantur. l. 1. C. qui num. lib. l. 2.  
& l. 18. D. de excusat.

I. Excusantur autem tutores & curatores uarijs ex causis: plerunque autem propter liberos,  
siue in potestate sint, siue emancipati. Si enim tres liberos superstites Romæ quis habeat,  
uel in Italia quatuor, uel in prouincijs quinq; à tutela uel cura potest excusari, exēplo cæterorum  
munerum. nam & tutelam & curam placuit publicum munus esse. Sed adoptiui liberi non pro-  
sunt. in adoptionem autem dati, naturali patri prosunt. Item nepotes ex filio prosunt, ut in locum  
patris sui succedant: ex filia nō prosunt. Filij autem superstites tantū ad tutelæ uel curæ muneris  
excusationem prosunt: defuncti autem non prosunt. Sed si in bello amissi sunt: quæsitum est, an  
prosint.



**A** profint. Et constat eos solos prodesse, qui in acie amittuntur. hi enim, qui pro republica ceciderunt, in perpetuum per gloriam uiuere intelliguntur.

VARIIS EX CAUSSIS.) Numerantur autem hoc capite XVIII. I. Numerus liberorum. II. Administratio rerum fisci. III. Absentia causa Reipub. IIII. Magistratus initus. V. Lis de magna bonorum parte. VI. Tres tutela, curationes non affectatae. VII. Tenues facultates. VIII. Morbus fonticus. IX. Infamia literarum. X. Testatoris animus maleuolus, & negotij facessendi cupidus. XI. Odium capitale quod cum testatore usq; ad eius mortem exerceant. XII. Status controuersia sibi à testatore illata. XIII. Senectus. XIIIII. Militia. XV. Certarum artium professio. XVI. Late diffusum pupilli patrimonium. XVII. Tutela eiusdem pupilli gesta. XVIII. Adultæ coniugium.

SIVE IN POTESTATE SINT, SIVE EMANCIPATI.) Enunc. I. Numerus liberorum non modo qui in potestate, sed etiam qui emancipati sunt, à tutela & curatione excusat. l. i. C. qui num. liber. se excusat. & l. amicus. 36. §. D. de excusat. ubi Paulus scribens patrem à tercij filij emancipati curatione non excusari: non obscure significat, à quarti aut quinti excusari posse.

VEL IN ITALIA QVATVOR.) Sequitur II. Meliore iure sunt qui Romæ, quàm qui in Italia uiuunt: & qui in Italia, quàm qui in prouincijs. d. l. i. Ex qua intelligi debet, Scueri hanc fuisse constitutionem. Nam olim ciuium Roman. quocunq; in loco essent, pars fin. usq; conditio existerat.

EXEMPLO CAETERORVM MVNERVM.) Sequitur III. Numerus liberorum à publicis muneribus excusat. l. i. & 2. D. de uacat. & excusat. mun. Cum autem publicorum munerum alia personalia sint, quæ persona, hoc est, animo & corpore: alia patrimonialia, quæ sumptibus faciendis obcuntur: ab illis quidem quinq; liberorum numerus excusat. l. 3. §. quamuis. 5. D. de mun. & honor. ab his uero, sexdecim tantum. l. semper. 5. §. 2. D. de iur. immunit. Quod igitur ait

**B** EXEMPLO caeterorum munerum, ad illud proximum IN Prouincijs QVINQVE, referendum est, propter l. i. in fin. D. de uacat. excusat. mun. quin etiam ad illud superius, ubi de liberis emancipatis locutus erat, referri potest. incolumes enim liberi, etiam si in potestate patri suo defierint esse, excusationem à muneribus ciuilibus præstant. ait Vlp. l. 2. §. 1. D. de uacat. & excusat.

PLACVIT PVBLICVM MVNVS ESSE.) Sequitur IIII. Tutela & curatio inter munera publica numerantur. l. i. & ult. D. de mun. & honor. Nam munera siue patrimonialia, siue personalia sint, publica & ciuilia nominantur: ut ait Arcad. lult. in fin. D. eod. Quod autem ait Modestinus in l. i. & ult. D. de excusat. Tutela non est Reia publicæ munus, nec quod ad impensam pertinet, sed ciuile: nec prouinciale uidetur tutelam administrare: & obscure, nec satis apte dictum uidetur. cuiusmodi Callistrati est illud in l. 14. D. de mun. & hon. Munus aut publicum, aut priuatum est. Publicum munus dicitur, quod in administranda Reipub. cum sumptu sine titulo dignitatis subimus. nam hoc modo tutela non erit munus publicum. Quod igitur sermonis uisio Callistratus hoc loco est usus, eodem Modestinum usum illo in loco existimandum est, atq; ad hanc publici significationem respexisse. ut cum ait: Nec prouinciale uidetur, hoc est, ciuitatis alicuius prouincialis munus publicum. Et omnino, meo quidam iudicio, locus ille siue Modestini, siue alterius, hoc ex Callistrati responso explicandus est.

Sed ADOPTIVI LIBERI NON PROSVNT.) Sequitur V. Adoptiui liberi non adoptiui, sed naturalibus patribus excusationem præbent. l. 2. §. 1. D. de uacat. & excusat. mun. Quod ex eo S. C. natum uidetur, cuius Cornelius Tacitus lib. 15. meminit, Ne adoptiui liberi ad præmia patrū prodesse. Percrebuerat, inquit, ea tempestate prauissimus mos, cum propinquis comitijs, aut sorte prouinciarum pleriq; orbi fictis adoptionibus adsciscerent filios, praturusq; & prouincius inter patres sortiti, statim emitterent manu quos adoptauerant. Qui magna inuidia Senatui aduent, ius naturæ, labores educandi, aduersus fraudem & artes & breuitatem adoptionis enumerant. Satis precij esse orbis, quod multa securitate, multis oneribus gratiam, honores, cuncta prompta & obuia haberent. Sibi promissa legum diu expectata, in ludibrium uerti, quando quis sine solitudine parens, sine luctu orbis, longa patrum uota repente adæquaret. Factum ex eo Senatusconsultum, ne simulata adoptio in ulla parte muneris publici inuaret, ac ne usurpandis quidem hereditatibus prodesse. Quod autem adiectum est, in adoptionem datos naturali patri prodesse: sine dubio de uero patre intelligendum est, non de auctore materno, uel paterno: de quibus sub tit. De adoptionibus dictum est. Primum, quia patres naturales isti non uocantur: deinde, quia ne ipsi quidem adoptiuos prodesse, uel hinc licet intelligatur, quia unius cuiusdemq; persona duobus ad excusationem prodesse non potest: ut proxime docebimus.

**C** ITEM NEPOTES EX FILIO.) Sequitur VI. Nepotes ex filio demortuo patri ad excusationem profunt, ex filia uero nequaquam. l. 2. D. de excusat. & ult. D. de mun. & honor. Non solum autem filij filia' ue uacationem à tutela largiuntur, uerum etiam nepotes ac neptes ex filijs maribus procreati, procreataeq;. Tunc autem profunt, cum eorum patre demortuo, ipsius locum auctore replent: quotquot autem uno ex filio nepotes erunt, ipsi pro uno liberorum numerantur. Hæc autem ex constitutionibus quæ de liberis disputant, licet intelligi. Haudaquaquam enim facile reperis ullam constitutionem, quæ de filijs loquatur, sed de liberis. Hæc autem appellatio etiam ad nepotes producit. Hæc ille. Ex quibus intelligitur quod Iustinianus ait: Nepotes ex filio prodesse tantum, ex filia uero nequaquam. Cuius rei ratio est, non quod in auctore potestate non sint: nam & emancipati, & in adoptionem dati, patri tamen profunt: sed quia prodesse duobus non possunt: suoq; patri reservari, cum opus erit, debent.

FILII AVTEM SVPERSTITES.) Sequitur VII. Mortui liberi, nisi forte in prælio cæsi, ad excusationem non profunt. l. amissi. 18. D. de excusat. Itaq; nec in obsidione, nec in præsidijs castris, aut hybernis, aut æstiuis morui, quicquam ad excusationem profunt. Quod ex lege Iulia de maritandis ordinibus mansisse uidetur, quam Gell. lib. 2. cap. 15. scribit, priori ex Consulibus fasces sumendi potestatem dedisse, non qui plures annos natus esset: sed qui plures liberos quàm collegas, aut in sua potestate haberet, aut bello amisset.

IN PERPETVVM PER GLORIAM VIVERE.) Sequitur VIII. Pro patria mortui, perpetua gloria & laude







**A**ttitur, quôd ignotus patri pupillorum sit, diui fratres rescripserunt. Inimicitia, quas quis cum patre pupillorum uel adulatorum exercuit: si capitales fuerunt, nec reconciliatio interuenit, à tutela uel cura solent excusare. Item is qui status controuersiam à pupillorum patre passus est, excusatur à tutela.

PROPTER LITEM QVAM CVM PVPILLO.) Enunciatio I.Lis cum pupillo nisi de bonis omnibus, aut hæreditate suscepta, non excusat. l. propter litem. 21. D. eod. & l. si ut allegas. 16. C. eod. Quod autem Imperator hoc loco dixit, De hæreditate, Marcianus in d. l. 21. dixit, Aut plurima parte. At lege proxima Iulianus scripserat, cum qui de tota hæreditate controuersiam pupillo facit, non modò excusari, sed etiam remoueri.

TRIA ONERA TUTELAE NON AFFECTATAE.) Sequitur II. Tres tutelae si modò appetitae non sint, excusatione praebent. l. 2. in fi. & l. 3. & si is quis tres. 31. in fin. D. de excus. l. un. C. qui num. tut. se excusat. & l. non doro. 15. §. i. doro. D. eod. ubi Modestinus affectatam probari dicit, hoc modo: ἄν τις τρεῖς ὁ ἀρετῆς γυναικῶν ἐπιστολῶν ἐμὴν ἀποῖν δυνάη. Iam uero qui, cum tenuis esset, tutor factus est, affectasse uidetur. Quod autem in l. un. C. qui num. tut. sic legitur, Si tres tutelae uel curae eodem tempore non defunctorie susceptas administras, uitiolum est, sine dubio, legendumq; potius uideatur Affectate, uel Affectatorie. Notandum autem hoc loco est, quod Modestinus ait in d. l. 2. non modò qui tres tutelae uel curas, sed & qui duas tutelae cum una cura, uel duas curas cū una tutela gerit, à quarta uel tutela uel cura excusari: siue minoris, siue alterius tutor curator uel sit. Item quod Modestinus in fin. l. 4. & Vlpianus in l. 5. tradunt, satis esse, si una in domo tria sint tutelarum onera: siue omnes, pater filius uel siue partem tantum singuli sustineant. Item ex l. 15. §. 2. in trium tutelarum numero emancipati quoq; filij, filiae uel, tutelam pro una computari. Item ex l. 17. Tutelam pupilli pūbertati proximi excusatio nem non dare.

VT TAMEN PLVRIVM PVPILLORVM TVTELA VEL CVRA.) Vacat uox PVPIL-  
LORVM, meo iudicio. Nam de adulutorum, & aliorum omnium curatione, hoc uerum est.

51. TUTELA VEL CVRA.) Sequitur III. Trium consortium tutelæ, pro una numerantur. l. 3. & l. si quis tres.  
in fin. d. eod. Non enim pupillorum numerus, sed negotiorum diversitas, plures tutelæ facit. difficultas enim rationum con-  
ficiendarum & reddendarum consideranda est, ut Paulus ait. Et profecto ita est, ut si maxime decem conjortes & cohæredes  
essent, quandiu patrimonium indivisum esset, tandiu una tutela esset: non enim unius geri negotium potest, quin etiam omnium  
geratur. Itaq; Papinianus in l. 30. §. 1. d. eod. non si quis pupilli, bona duabus in provinciis habentis, tutor est, iccirco diuis ha-  
bere tutelæ existimat.

SED ET PROPTER PAUPERTATEM.) Sequitur IIII. Inopia iustam à tutelis & curationibus excusationem præbet. l. paupertas. 7. & l. post susceptam. 40. D. eod.

ITEM PROPTER ADVERSAM VALETVDINEM.) Sequitur V. Aduersa valetudo rei familiaris administrandæ facultatem adimens, excusationem præbet. l. i. C. qui morib. se excus. l. post susceptam. 40. D. de excusat.

EOS QUI LITERAS NESCIUNT.) Sequitur VI. Qui literas nescit, excusari debet; qui uero literarum imperitus est, non item. Nescire autem literas, prouerbiali figura Iustinianus dixit, pro idiotam & imperitum esse. Veteres enim eos dicere solebant, neque natare, neque literas didicisse. Hinc illud Caesaris apud Suetonium, Syllam nescisse literas, qui dictaturam deposuerit; id est, nullo ingenio, & ut Plautus loquitur, blutemum fuisse. Nam si ullo ingenio fuisset, tyrannidem quam semel adeptus erat, retenturum fuisse. Literarum autem imperitum Iustinianus proprie appellat eum, qui neque legere, neque scribere didicit. Modestinus l. athlete. 6. in fi. D. eod. Eius qui se neget literas scire, excusatio accipi non debet; si modo non sit expertus negotiorum. Proprie etiam Paulus in l. 3. §. 2. D. de accusat. nescire literas eum dixit, qui legere ac scribere nesciret.

SI PROPTER INIMICITIAS.) Sequitur VII. Tutelam odio sibi & malevolentia testatoris delatam recusare licet. l. i. c. de A. 6. D. cod. Vbi Modestinus distinguendum esse scribit, utrum ante, an post testamentum, hoc ipso testis existimantur, quia tutor institutus est: ob eamq; causam si tutor odio & malevolentia se institutum defendat, probare id debet. Sin post testamentum, nisi reconciliata gratia fuerit, excusabitur.

C EX CONTRARIO NON EXCUSABVNTVR.) Sequitur VIII. Qui defuncto tutelam se recepturū promisit, omnem sibi excusandi causam præcidit. l. ad Arz. 15. §. 1. D. eod. Papinianus autem in l. ex sententia. 29. D. de test. tut. ait, eum qui se sua sponte testamento tutorem scribit, testatoris subscriptione adeo confirmari, ut neq. excusari, neq. ut suspectus ideo remoueri possit, propterea quod promississe id se facturum uideatur.

HOC SOLO VTITVR, QVOD IGNOTVS.) Sequitur IX. Defuncto notum fuisse, excusationem nō præbet. l. de vax. 15. D. cod. Multo igitur minus, si defunctus ei notus non fuit. Causa autem si quæritur, hanc esse arbitror, quia Tutela munus publicum est: eoq; qui pupillorum tutelam suscipit, non tam ignoto patri, quam Reipublica se operam nauare existimare debet. Notitiam autem utrum intelligemus ingenij, an vultus? Sed ingenij præstantia nota est plerunq; absentium, & eorum quos nunquam uidimus: ut dubitari de eâ non possit. Quare de ijs qui de facie noti defuncto non erant, locum intelligendum puto. Terentius: Quanquam hæc inter nos nupera Noticia admodum est.

SI CAPITALES FVERVNT.) Sequitur X. Capitaless inimicitia, nisi gratiarum reconciliatione restincta, iustam excusationem prebent. l. 6. D. eodem. Et Paulus libro Sentent. 11. Inimicitia capitales, quas quis cum patre pupillorum habuit, à tutelis excusantine paterno inimico pupilli committantur. quæ tamen ratio remouere potius à tutela, quam excusandi potestatem permittere uidetur. Hæc autem de Prætoria tutela intelliguntur, non de Testamentaria, nisi forte inimicitia post testamentum suscepta sint. Ait enim Modestinus: *Διότι οὐκ ἀπορρίπτει τὴν τοιοῦτήν καὶ ἐκ τῶν ἐν τῷ κληρονομιῇ αἰνεῖται πρὸς τὸν πατέρα τῶν πρῶτων.* Dant uacationem à tutela etiam inimicitia capitales, quæ ei qui creatus & decretus est tutor, cum pupillorum patre intercesserunt.

QVI STATUS CONTROVERSIAM.) Sequitur XI. Status cōtrouersia tutori à defuncto illata iustā excu-  
sationem parit. Qui enim hāc à defuncto iniuriam, calūnniamq; passus est, iustus est cogendus non esse, ut suā inimici sui liberis  
operam naueat, nam etsi tutela causā est Reipubltamen periculum ultionis à pupillis auertere consultius existimatum est.



*Maiores annis LXX. iure se excusant. at XXV. minor, itemq; miles, ne uolentes quidem admittuntur. qui uero Grammaticam, Rhetoricam & Medicinam Romæ, uel in patria, dum tamen intra numerum sint, exercent, excusari debent. l. ij. l. vj. D. eod. l. ult.*

*C. de legit. tutor.*

**IIII.** Item maior septuaginta annis, à tutela & cura se potest excusare. minores autem uiginti quinque annis, olim quidem excusabantur: nostra autem constitutione prohibentur ad tutelam uel curam adspirare, adeo ut nec excusatione opus sit. Qua constitutione cauetur, ut nec pupillus ad legitimam tutelam uocetur, nec adultus: cum sit inciuile, eos qui alieno auxilio in rebus suis administrandis egere noscuntur, & ab alijs reguntur, aliorum tutelam uel curam subire. Idem & in milite obseruandum est, ut nec uolens ad tutelam munus admittatur. Item Romæ grammatici, rhetores, & medici, & qui in patria sua has artes exercent, & intra numerum sunt, à tutela & cura habent uacationem.

**MAIOR SEPTUAGINTA ANNIS.)** Enunciatio I. Actas annis LXX. maior excusationem parit. l. un. C. qui atq; se excusat. l. 2. D. de excusat. & l. 3. D. iur. immunit. Vbi Iurisperiti scribunt, non ingressum, sed egressum septuagesimum annum excusari posse. Quod cum ita sit, dari tamen septuagenarios tutores posse, ipsiq; recipiendæ tutelæ potestate peramitti constare: cum tamen sexagenarij de ponte & Reipublicæ negotijs deicerentur, neq; hæc ætas tam laboriosam & negotiosam procuracionem satis commodè obire posse uideatur. An igitur hunc senectuti habitum bonorem putabimus, ut excusationem septuagenarij habere potius, quam à muneribus arceri dicamus? Cicero quidem in Cat. Maiore sic scribit: Ergo & legibus & institutis uacat ætis nostra muneribus, quæ non possunt sine uiribus sustineri.

**MINORES AUTEM VIGINTIQUINQUE ANNIS OLIM QUIDEM EXCUSABANTUR.)** Sequitur II. Olim annis uiginti quinque minor, nisi se excusaret, tutor esse poterat. Quod sanè obscurè traditur ab Imperatore hoc loco, ne dicam ineptè. Nam supra sub titu. Qui dari tutor. testat. planissimè dixit, eos non ante tutores fore, quam annum quintum & uicesimum exegerint. quod idem traditur in l. quæro. 31. in fin. D. de testam. tutor. Rem igitur sic explicemus. Minori enim aut ex testamento, aut ex lege, aut ex Prætoris decreto tutela delata est. Si ex testamento, tutor ante perfectam ætatem non erit: hoc est, tutela periculum ad eum non pertinebit, ut suo loco diximus, sub titu. Qui dat. tutor. test. In eorum igitur locum curator dabatur, ut scribit Modestinus l. 2. de uxor. 10. §. si autem ætas sit. & D. de excusat. Sin ex lege, tutor erat is quidem, quatenus ad tutelæ periculum pertinebat: quemadmodum ex l. ultima. C. de legit. tut. facile intellectu est. item ex l. nec ille. 16. D. de tutor. & curat. dat. Cum enim eorum bonorum spes ad eum pertineret, non iniquum uisum est, eorum quoque periculum in eum conuerti. sed adusque legitimam ætatem excusabatur ab administratione, & interea curator dabatur: ut ait Modestinus dicta l. 2. de uxor. Quod eodem modo de ijs qui ex decreto dabantur, intelligendum esse, locus idem demonstrat.

**NEC PUPILLVS AD LEGITIMAM TUTELAM.)** Sequitur III. Iustiniani lege nemo ante perfectam ætatem legitimus esse tutor potest. l. ult. C. de legit. tut. Quid ergo de prætorio, uel testamentario statuit? cur hoc loco non explicat? Nam Modestinus d. l. 2. de uxor. omnes omnino minores excusari tradit, in eorum locum curatorem ad tempus dari. Hoc igitur noui Iustiniani constituit, in legitimis quidem tutelis, ut minores eorum periculum non sustinerent, nec dari omnino tutores possent: id est, ut ne perfecta quidem ætate tutelæ illas susciperent, ob eamq; causam excusationis non indigerent. In testamentarijs uero quid noui statuerit, non uidemus. Eius enim constitutio de legitimis tantum loquitur. nisi forte cum hoc loco generaliter loquatur, existimemus eum statuisse, ne minores dari tutores à magistratu possent: & qui testamento daretur, excusatione apud magistratum testata non indigerent.

**CVM SIT INCIVILE.)** Sequitur V. Absurdum est, cum qui in alterius tutela curatione uel est, alterius tutelam curam uel gerere. d. l. ult. Sed uidemus, ne non satis appositè Imperator noster, hic sententiosè loquatur, non enim antiquo iure minores tutelæ curationes uel suscipiebant, sed in eorum locum curatores dabantur: ut ex Modestino docuimus.

**IDEM ET IN MILITE OBSERVANDVM.)** Sequitur VI. Militibus tutela & curatione interdictum est. l. 4. C. qui dat. tutor. & l. administrationes. 8. C. de legat. Vbi propter militiæ fauorem, militi cui cum tutela legati bonos habitus est, legatum sine tutela recipere permittitur.

**ROMÆ GRAMMATICI, RHETORES.)** Sequitur VII. Romæ Grammatici, Rhetores, & Medici excusationem habent. l. 6. D. eod.

**QVI IN PATRIA SVA.)** Sequitur VIII. Qui in patria sua has artes exercent, siquidem intra numerum sunt, excusari debent. l. 6. D. eod. ubi quis cuiusq; ciuitatis numerus eorum professorum legitimus fuerit, copiosè explanatur.

**E pluribus excusationibus si quædam improbatæ sint, reliquas intra legitimum tempus experiri licet. Tempus autem diebus quinquaginta constat: qui, quamprimum cognita res est, labuntur.**

*Sed si qui sunt ultra lapidem centesimum, præter singulos dies in uicena millia passuum assignatos, uel triginta dies, uel si plures ex quinquaginta supersint, omnes obtinebunt. l. xxj. & l. xij. D. eod.*

**V.** Qui autem uult se excusare, si plures habeat excusationes, & de quibusdam non probauerit: alijs uti intra tempora constituta non prohibetur. Qui autem excusare se uolunt, nõ appellant: sed intra



**A** sed intra quinquaginta dies continuos, ex quo cognouerint se esse tutores uel curatores datos, se excusare debent, cuiuscunque generis sint, id est, qualitercunque dati fuerint tutores: si intra centesimum lapidem sunt ab eo loco, ubi tutores dati sunt. Si uero ultra centesimum lapidem habitant: dinumeratione facta uiginti millium diurnorum, & amplius triginta dierum. quod tamē (ut Scæuola dicebat) sic debet computari, ne minus sit, quā quinquaginta dies.

**ET DE QVIBVSDAM NON PROBAVERIT.)** Enunciatio I. Abiudicatio quarundam excusationū, reliquis, si modō tempore proferantur, præiudicium non affert. l. propter litem. 21. §. 1. D. de excusat. Quod enim alij uerbum **PROBAVERIT**, pro planum fecerit, interpretantur, ridiculum est. Probare enim hoc loco, efficere ut probetur significat. Et hoc Theophilus intellexit, cum ait: ἡ νόμος ἡ ἀπόδειξις ἡ ἀντιδικία. Id est, si quibusdā ex illis usus, repulsam passus sit, uel improbatas ac repudiatus sit. Quā significationem proprie Abiudicationis uerbum complectitur.

**NON APPELLANT.)** Sequitur II. A sententia qua tutela cuiusdam deferitur, appellari ius non est. l. 2. A. 1. 13. D. eod. ubi Modestinus ait, a sententia qua tutela cuiusdam adiudicatur, non appellari: sed ab ea qua excusationes abiudicantur & improbantur, appellari licere. ut l. tutores. 18. C. eodem.

**INTRA QVINQVAGINTA DIES CONTINVO.)** Sequitur III. Edendis excusationibus ijs qui sunt intra centesimum milliariū, quinquaginta dies continui præfiniti sunt. dicta l. 13. Qui uero dies continui, qui item utiles dicantur, in Commentario uerborum iuris exposuimus. De lapidibus autem milliarijs illud scire oportet, Romæ in fori capite ad eadem Saturni columnā auratam fuisse, in qua incisæ omnes uicæ Italiæ terminabantur. eaq; auctore Plinio lib. 3. cap. 5. Sueton. in Othone, & Cornelio Tacito lib. 15. Milliariū dicebatur. Ab ea igitur milleni passus in uis omnibus, lapidibus notati dirigeantur.

**EX QVO COGNOVERINT.)** Sequitur IIII. Quinquaginta dies ab eo tempore quo denunciata res est, numerantur. d. l. 13. ubi Modestinus ait, Magistratus uel ei qui datus est, uel, si absit, eius domi denunciaturum. item l. quinquaginta. 6. C. eod.

**CVIVSQVE GENERIS SINT.)** Sequitur V. Hoc tempus quocunq; modo tutela curatio ue delata sit, præfinitum est. d. l. 13. hoc est, siue testamentaria, siue legitima, siue quasi legitima, siue honoraria, siue fiduciaria tutela sit.

**VLTRA CENTESIMVM LAPIDEM HABITANT.)** Sequitur VI. Qui sunt ultra lapidem centesimum, præter singulos dies in uicena millia passuum attributos, uel triginta, uel si plures ex quinquaginta supersint, reliquos omnes habebunt. d. l. 13. cuius rei explanatio cum ex Modestino, tum ex Theophilo petenda est, ne actum agere uideamur.

Datus autem tutor, ad uniuersum patrimonium datus esse creditur.

Hoc quorsum in hoc excusationum tractatu pertineat, satis intelligere non possum. Locum tamen ex l. propter litem. 21. D. de excusat. descriptum uideo. Vnde suspicari libet, seruiliū cui Tribonianus harum Institutionum architectus negotium dederat, ut eam legem huc transcriberet, terminum descriptionis a suo domino notatum non satis attendisse. Nostra igitur diligentia, quod eius culpa huic loco deest, suppleamus: & quantum in nobis est, de Triboniano bene mereamur: beneficiumq; quemadmodum humanitatis ratio postulat, pro maleficio reddamus.

*Pupilli patrimonium ultra lapidem centesimum prouinciamq; diffusum, a tutela:  
item tutela pupilli gesta, ab eiusdem adulti curatione excusationem  
præbent. l. xx j. D. eod. & l. ij. & xx. C. eod.*

**C** VI. Datus autem tutor, ad uniuersum patrimonium datus esse creditur. tamen excusare se potest, ne ultra centesimum lapidem tutelam gerat: nisi in eadem prouincia pupilli patrimonium sit. Qui tutelam alicuius gessit, inuitus curator eiusdem fieri non compellitur: in tantum, ut licet pater qui testamento tutorem dedit, adiecerit se eundem curatorem dare, tamen inuitum eum curam suscipere non cogendum, diui Seuerus & Antoninus rescripserint.

**AD VNIVERSVM PATRIMONIVM DATVS.)** Enunciatio I. Tutor datus omnium pro indiuiso pupilli rerum administrationem, periculumq; subit. Tutela enim indiuidua est, ut suo loco docuimus: hoc est, sub tit. De test. tut.

**NE VLTRA CENTESIMVM LAPIDEM.)** Sequitur II. Res pupilli ultra lapidem centesimum, prouinciamq; posita, excusationem præbent. l. propter litem. 21. D. eod. ubi Marcius ait, Præsidentem eius prouinciæ daturum earum rerum tutorem, quæ in sua prouincia sitæ sunt. Ex quo intelligitur, quod idem ait excusationem admitti, sic accipiendum esse, non quo ab omni tutela detur excusatio: sed ne partem illam alibi positam administraret. quod Modestinus planius ostendit in l. 2. ad uop. 10. §. 2. si uicem. D. eod. quæ ex lege illud præterea intelligi debet, non tantum utroq; casu concurrente excusationem permitti: hoc est, cum & ultra centesimum lapidem & extra prouinciā posita sit patrimonium: uerum etiam, cum utrius casu. nam etiam si intra lapidem centesimum esset posita, si tamen extra prouinciā sit, & uicissim, admittetur excusatio. ut d. l. 2. & l. testamento. 11. C. eod.

**INUITVS CVRATOR EIVSDEM.)** Sequitur III. Tutela pupilli gesta, iustam ab eiusdem adulti curatione excusationem præbet. l. curator. 20. C. de excusat. l. Gaius. 16. D. eod. Quod tamen in liberto qui patroni sui liberorum tutor fuit, locum non habet. l. liberos. 5. C. eod.

**LICET PATERFAM. QVI TESTAMENTO.)** Sequitur IIII. Testatoris auctoritas, in eo qui tutelā gessit curatore constituendo, nulla est. d. l. curator. & l. Gaius.



*Ab uxoris curatione quamvis suscepta datur excusatio: false autem causse  
quamvis probate tutelæ periculo non eximunt.  
l. j. C. si tut. fals.*

VII. Idem rescripserunt, maritum uxori suæ curatorem datum, excusari posse, licet se immisceat. Si quis autem falsis allegationibus excusationem tutelæ meruerit, non est liberatus onere tutelæ.

MARITVM VXORI SVÆ CVRATOREM DATVM.) Enunciatio I. Marito etiā à suscepta uxoris cura datur excusatio. Quod præcipuo quodam iure contra communem æquitatem marito conceditur. Nam qui cum excusationem haberet, tutelam curationem uel sibi delatam amplexus est, excusari postea non potest. l. 2. C. si tutor falsis alleg. l. nō tantum. 17. §. 3. de excusat. Sed hoc loco duplex exoritur dubitatio. Primum enim maritus curator uxori suæ creari non potest. l. maritus. 2. C. qui dat. tut. uel curat. poss. l. iurim. 14. D. de curat. fur. l. 4. C. de excusat. Quare excusationi nullus relictus esse uidetur locus. Sed respondemus, hoc quidem uerum esse, antequam curationem administrasse ceperit. Verum si curator creatus, delatæ sibi munere fungi cœperit, iure quodam præcipuo sese ab eo abdicare poterit. Secundo queri potest, quorum uxoribus bonorum curator sit futurus, cum satis constet res dotales in dominio mariti esse. l. dote ancillam. 9. C. de rei vind. rerum autem superdotalium, quæ ~~αγαφείναι~~ dicuntur, maritum ipso iure legitimum administratorem esse. l. ult. C. de pact. cōuen. Ergo illud scire oportet, eorum tantum bonorum curationem hic intelligi, quæ receptitia dicuntur: hoc est, quorum dominium sibi uxor recepit, ac reseruauit. l. si ego. 9. §. 2. D. de iure dot. quorum sine procuratore ac mandato maritus esse procurator non potest. l. maritus. 21. C. de procur. Atq; hoc est de quo Scauola disputat in l. penult. D. ad legem Falcid. ubi maritus uxoribus res extra dotem constitutis administrasse dicitur.

*falsis allegattonibvs.) Sequitur II. Ementitæ excusationis causæ non profunt. l. i. c. 3. C. si tutor falsis alleg. Vbi etiam hoc additur, datos, ex eo tempore quo dati sunt, tutelæ obligatos esse.*

DE SVSPECTIS TVTORIBVS  
uel curatoribus.

TITVLVS XXVI.

*Suspecti iudicium lex XII. instituit: quod Prætor, Præses, legatusq; Procon-  
sulis sic exercent, ut cuius ignominiosè tutelam adimant: patro-  
no tamen sine infamia. l. 1. & l. 3. D. eod.*

**I.** Sciendum est suspecti crimen è lege duodecim Tabularum descendere. Datum est autem ius remouèdi tutores suspectos Romæ Prætori, & in prouincijs Præsîdibus earû, & legato Proconsulis. Ostendimus, qui possint de suspecto cognoscere: nûc uideamus, qui suspecti fieri possint. Et quidem omnes tutores possunt: siue sint testamētarij, siue non sint, sed alterius generis tutores. Quare & si legitimus sit tutor, accusari poterit. Quid si patronus? adhuc idem erit dicendum: dummodo meminerimus, famæ patroni parcendum esse, licet ut suspectus remotus fuerit.

E' LEGE DVODECIM TABVLARVM.) Enunciatio I. Suspecti crimen e lege XII. Tabularum descen-  
dit. l. 1. D. eod. Et Cicero lib. de Officiis. 3. Atque iste dolus malus, inquit, etiam legibus erat iudicatus: ut tutela duodecim Tabulis,  
et circumscriptio adolescentium lege Letoria. Verba autem huius ferè modi fuisse videntur: Tutorem qui doli mali culpæ ue  
in tutela admixtæ suspectus erit, cuius apud eum qui ius dicet, arguere ius esto: doliq; damnatus infamis esto. Propterea autem  
institutum hoc iudicium est, ut qui uel non fide bona, uel non diligenter tutelam agere deprehenditur, prius quàm diutius ma-  
lum serpat, constituto iudicio tutela remoueatur, et ilico tutela cum eo agi possit. Qua de re uideo etiam à Platone libro de  
Legibus. XI. scriptam esse legem his uerbis: Εἰ μὴ ἰστέγηται ὁ κηδεύων ἢ κακοῦ γὰρ δὸν ἢ τοῖς κηδεύουσιν ἢ τοῖς ἀλλοτρίοις πολιτῶν, ὥς  
ταυτὸ ἀγένηται δικαστήριον· ὅτι ἂν ἂν ἔλθῃ, τετραπλάσιον ᾧ τότε τίνοιεν, γιγνέσθαι· ἢ τὸ ᾧ ἡμῶν, τὸ πέντε· τὸ δ' ἡμῶν, τὸ κατὰ δι-  
καστὰ μὲν πέντε δίκην. id est, Si tutor culpæ doli uel propinquis pupilli, uel cuius alicui sit suspectus, ad idem iudicium addus-  
ctus, si damnetur, quadruplum soluto: cuius dimidium pupilli, dimidium accusatoris esto.

DESCENDERE.) Vidi qui hoc uerbum sic interpretarentur, quasi non ex uerbis, sed potius ex mente & sententia legis XII. Tab. hæc actio sumpta fuisset. Sed Vlpianus de Actione, Quod quadrupes pauperiem fecerit, quam Iustinianus aperte testatur à lege XII. proditam, ita loquitur in l. i. D. illo tit. Præterea cum in Platonis legibus hæc eadem actio sit, probabile est etiam in Solonis & XII. Tabularum legibus fuisse.

DATVM EST AVTEM IVS.) Sequitur II. Suspecti cognitionem in urbe Prætor, in provincijs Præfes, legatusq; Proconsulis exercent. l. 1. D. cod. l. penult. D. de offic. eius cui mand. ubi nominatim additur postremum illud, nimirum de legato Proconsulis, in pupillorū favorem permissum esse. opinor, quod apud legatum non est legis actio id est, quæ lege XII. Tabularum instituta sunt, ut apud magistratum agerentur: ea apud legatum agi non possunt, quâvis ei iurisdictio mandata sit. Nam more maiorum Legatus non inter ciues, sed inter provinciales tantum ius dicebat. Is enim solus inter ciues iurisditionem habebat, qui a ciuib; & uniuerso populo eam iure magistratus acciperat. Hoc igitur iudicium exercere Legatus summo iure non potest in favorem tamen pupillorum, ex D. Marci rescripto potest. Quod eodem modo de ijs quibus Prætor in urbe iurisditionem mandauit, iudicandum est. Quod cum ita se habeat, tamen obseruare illud oportet quod Marcianus insinigner scribit in l. prima. S. suspecti. D. ad S. C. Turpilian. nullum alium de hac questione præter solum Præsidem pronuciare posse. Cognoscet igitur Legatus, pronuntiabit Præfes.



**A** ET POSSUNT QUIDEM OMNES TUTORES.) Sequitur III. Quoquomodo tutelam quis adeptus est, uocari in suspicionem potest. l. 1. & l. 3. §. 2. D. eod. & l. 4. C. eod. ubi non modo adolescentis, sed & prodigi, furiosi, uentris, bonorum etiam curator, in suspecti crimen uocari potest. Sed de testamentario ambigui uidebatur, cum superius dictum sit, sub tit. De satisd. tut. fidem eorum & diligentiam satis a testatore approbatam esse. Respondetur ergo, testatoris opinionem ac spem falsam ostendi.

**DVM MODO MEMINERIMVS FAMAE.)** Sequitur IIII. Patronus tutela sine infamia remouetur. l. si tutor. 9. D. eod. ubi Modestinus ait, idem de propinquis & affinibus pupilli iudicandum esse. Et profecto ita est, ut parentum patronorumque fama in iudicijs, quae inter illos & filios liberosque intercedunt, ratio habeatur. Itaque nec doli actione agi in illos licet: l. non debet. 11. D. de dolo. nec famosae actiones in illos dantur: nec haec quidem quae doli uel fraudis habent mentionem. l. 5. D. de obsequijs.

*Haec actio cuius, etiam mulieri, quamuis alienae, cuius consilium Praetor probarit, itemque adolescenti in curatorem datur: pupillo tamen in suum tutorem non datur. l. j. & vij. D. eod.*

**II.** Consequens est, ut uideamus, qui possint suspectos postulare. Et sciendum est, quasi publicam esse hanc actionem, hoc est, omnibus patere. Quinimo & mulieres admittuntur ex rescripto diuorum Seueri & Antonini: sed ex sola quae pietate necessitudinis ductae, ad hoc procedunt: ut puta mater, nutrix quoque, & auia possunt. potest & soror. sed & si qua alia mulier fuerit, cuius Praetor propensam pietatem intellexerit, non sexus uerecundiam egredientem, sed pietate productam, non continere iniuriam pupillorum, admittit eam ad accusationem. Impuberes non possunt tutores suos suspectos postulare. puberes autem curatores suos ex consilio necessariorum suspectos possunt arguere, & ita diui Seuerus & Antoninus rescripserunt.

**QVASI PVBLICAM ESSE HANC ACTIONEM.)** Enunciatio I. Huius criminis actio, est quasi publica. l. 1. D. eod. Primum enim pupillorum causa, Reipub. causa est: ut paulo ante dicebamus. Publicae autem causae dicuntur, quibus iniuriam Reipub. factam persequimur: ut in uerbis Iuris exposuimus. Deinde, ut publica causa quis se actorem offerre potest: sic hoc iudicio cuius licet reum suspecti postulare. Praeterea quemadmodum publica iudicia nunquam a disceptatore domestico exercebantur, sed palam in foro, atque in oculis populi Rom. sic pro tribunali semper haec cognitio exercenda est: auctore Marciano l. 1. §. suspecti. D. ad Turpil. His igitur in rebus cognitio ista publicorum iudiciorum similis est: in hoc autem dissimilis, quod publica iudicia uel a Quaestoribus rerum capitalium, uel a populo ipso exerceri solebant. haec cognitio a rerum priuatarum magistratibus, hoc est, qui de re pecuniaria ius dicebant, exercebatur. Praeterea non eadem ratio huius actionis erat, quae publicae accusationis. Itaque non ut in publicis iudicijs, qui ab hac actione destitisset, in Turpil. incidebat. l. 1. §. suspecti. D. ad S. C. Turpil. Quin ne subscriptionem quidem fuisse necessariam hinc suspicari libet, quod Ulpianus in l. 3. §. praeterea. D. de suspect. scribit, Praetorem etiam sine accusatore posse, si ex apertis argumentis sibi de suspecto constet, tutorem hoc crimine damnare. Nam si Praetori constat, indicari aliquis necesse est: non tamen ut se solenniter accusatorem ediderit.

**QVINIMO ET MULIERES ADMITTUNTUR.)** Sequitur II. Mulieribus, quas Praetor pietate ad hoc negotium adductus cognorit, tutorem suspectum facere permittitur. l. 1. D. eodem. Nam pupillorum gratia tantum a iudiciorum consuetudine deflexum est.

**IMPVBERES NON POSSUNT TUTORES SVOS.)** Sequitur III. Pupilli tutores suos uocare in suspicionem non possunt. l. impuberibus. 7. D. eod. l. pietatis. 6. C. eod. Non enim ea aetate sunt, ut ex suspicionibus arguere alii quem possint. Quare siue unum, siue plures tutores habeant, siue adeo curatores, idem sine dubio iuris est.

**CVRATORES SVOS EX CONSILIO NECESSARIORVM.)** Sequitur IIII. Puberes curatores suos de propinquorum sententia uocare in suspicionem possunt. d. l. impuberibus. & l. pietatis: in qua ipsa pro Necessariorum, cognatorum uerbum usurpatum est: ut quorundam suspicionibus locus iam sit nullus.

*Quamuis locuples quis sit, uocari tamen etiam ante tutelam initam in suspicionem potest: nec tamen nisi ob dolum remotus, sit infamis. Reo uero administratione interdicatur: sed eo mortuo iudicium extinguitur. l. v. & vij. D. eod. l. ij. & ult. C. eod.*

**III.** Suspectus autem est, qui non ex fide tutelam gerit, licet soluendo sit, ut Iulianus quoque scripsit. Sed & ante, quam incipiat tutelam gerere tutor, posse eum quasi suspectum remoueri, idem Iulianus scripsit: & secundum eum constitutum est. Suspectus autem remotus, si quidem ob dolum, famosus est: si ob culpam, non aequè. Si quis autem suspectus postulatur, quoad cognitio finiatur, interdicatur ei administratio, ut Papiniano uisum est. Sed si suspecti cognitio suscepta fuerit, posteaque tutor uel curator decesserit, extinguitur suspecti cognitio.

**QVI NON EX FIDE TUTELAM GERIT.)** Enunciatio I. Hoc iudicio quamuis locuples quis sit, teneatur tamen. l. suspectam. 5. D. eod. non enim tam diuitiarum in tutore, quam fidei & diligentiae ratio ducitur. Itaque nec locuples infidelis aut negligens tolerari, nec pauper fidelis & diligens remoueri potest: ut post docebimus.

**ANTEQVAM INCIPIAT TUTELAM GERERE.)** Sequitur II. Suspecti actio etiam ante tutelam initam conceditur. l. 6. 2. & 3. C. eodem. Vbi qui actu quodam aut dissoluta negligentia delatum sibi munus recipere constitatur,



pro suspecto numeratur, & priuatur ignominiose delata sibi uel tutela uel curatione. Hinc illud Vlpiani l. 4. D. eodem. Qui A  
nihil gesserunt, non possunt suspecti postulari. Verum ob ignauiam, uel negligentiam, uel dolum, si dolo fecerint, possunt remoueri.

SI QUIDEM OB DOLVM FAMOSVS EST.) Sequitur III. Tutor doli, non etiam culpa damnatus, infamis efficitur. l. ult. C. eod. Sed cum duplex culpa numeretur, eius qui sciens prudens, & eius qui per imprudentiam, de qua tamen accusatus est, officium pratermisit: illa autem multo sit grauior, & omnino pars quadam doli mali sit. l. 1. D. si mens. fals. mod. queri potest, an eius nomine damnatus infamis fiat. quod equidem arbitror, Vlpiani uerba perpendens, qui in l. impuberibus. 7. D. eod. ita loquitur: Si fraus non sit admissa, sed lata negligentia, quia ista prope fraudem accedit, remoueri hunc quasi suspectum oportet. Exemplum autem edi poterit in eo, qui pupilli aedes sartas tectas habere neglexit, ex quo illa damnum quoddam insigne acceperunt. Nam hac quidem culpa doli mali pars est omnino, quamuis pupilli pecuniam tutor non interuenerit. Huiusque rei maximum, opinor, argumentum est, quod mandati non tantum ob dolum, uerum etiam ob negligentiam damnatus, infamia notatur. ut Cicero in Orat. pro Sext. Roscio planissime declarat. quod pertinet l. si procuratorem. 8. §. dolo. D. mandati. & l. a procuratore. 13. C. eod. At qui ob segnitiam uel rusticitatem, simplicitatem, uel ineptiam remotus est: in hac causa est, ut integra existimatione discedat. l. 3. in fin. D. eod. Decreto igitur Praetor remouendi causam exponere debet, ut idem l. in seq. tradit. ueluti, Quando tu pupilli tibi commissi patrimonium neque fideliter, neque uti uirum bonum decuit, administrasti, pupillumque contra conceptam de te expectationem ad inopiam perducis: ob eam rem tibi eius tutela & administratione interdico. Quod si causam Praetor non addiderit, remoti existimationi parcutitur: ait eodem loco Vlpianus. Quod tamen sic accipiendum esse disputatio instituta declarat, cum culpa ac negligentia, non autem doli accusatus est. Ut igitur rem omnem breuiter complectamur, Tutor & doli, & latae, & levis culpa tenetur. l. quidquid. 8. C. arbitrium tut. Et cuiusuis nomine in suspecti iudicium uocari, ac remoueri potest: solius tamen doli, & latae culpa damnatus, infamia ac dedecore afficitur.

INTERDICTVR EI ADMINISTRATIO.) Sequitur IIII. Suspecti postulato administratione interdicitur. l. eum qui. 7. C. eod. l. quod si forte. 14. D. de solut. ubi Vlpianus demonstrat, ipso iure interdici, sine Praetoris opera ac decreto. Si quis sciens, inquit, suspectis postulatis soluat, non liberatur. nam ipse interim uidetur interdicta administratio. Quare si nullus alius sit tutor, curator interea creandus est. d. l. eum qui. C. eod.

POSTEAQVE TUTOR VEL CURATOR DECESSERIT.) Sequitur V. Suspecti iudicium reo mortuo extinguitur. l. 1. C. eod. l. pen. D. eod. ubi Papinianus ait: Post finitam tutelam cognitio suspecti tutoris, quamuis pridem recepta soluitur. Nam cum huius iudicii finis sit, tutela abrogatio: tutela sua sponte perempta, defuncti memoriae parcendum est.

Pupillus, tutore latitante, in eius bona mittitur: tutor autem pro suspecto remouetur: & si deesse facultates mentiatur, aut precio tutelam sit adeptus, ad urbem praefectum remittitur. l. vii. §. j. & l. ii. §. tutor. & l. j. D. eod.

III. Si quis tutor copiam sui non faciat, ut alimenta pupillo decernantur: cauetur epistola diuorum Seueri & Antonini, ut in possessionem bonorum eius pupillus mittatur: & quae mora deteriora futura sunt, dato curatore distrahi iubentur. Ergo ut suspectus remoueri poterit, qui non praestat alimenta. Sed & si quis praesens negat propter inopiam alimenta posse decerni, si hoc per mendacium dicat, remittendum eum esse ad Praefectum urbi puniendum, placuit: sicut ille remittitur, qui data pecunia ministerium tutelae adquisierit. Libertus quoque, si fraudulenter tutelam filiorum uel nepotum patroni gessisse probetur, ad Praefectum urbi remittitur puniendus.

VT ALIMENTA PUPILLO DECERNANTVR.) Enunciatio I. Alimenta pupillo praesente tutore decernenda sunt. l. 3. §. tutor. D. eod. l. 2. C. alimen. pupil. praest. & l. 3. D. ubi pupill. educar. ubi Vlp. ait: Sumptus in alimenta disciplinamque pupilli, Praetor ex facultatum modo, cuius etiam incerti cognitionem suscipiet, moderari debet.

IN POSSESSIONEM BONORVM EIVS.) Sequitur II. Latitante tutore, pupillus in bonorum eius possessionem a Praetore mittitur. d. l. impuberibus. 7. §. 1. & l. 3. §. tutor. D. eod.

QVAE MORA DETERIORA FUTURA SVNT.) Sequitur III. Data possessione bonorum tutoris, ea sola quae seruari nequeunt, uenduntur. d. l. impuberibus. 7. §. 1.

VT SUSPECTVS REMOVERI POTERIT.) Sequitur IIII. Qui pupillo alimenta non praestat, pro suspecto remouendus est. l. 3. §. tutor. D. de susp. & l. ult. D. ubi pup. educ.

NEGAT PROPTER INOPIAM ALIMENTA.) Sequitur V. Qui pupillo educando deesse facultates mentiatur, remotus a Praetore, ad urbem Praefectum puniendus remittitur. d. l. 3. §. tutor. & l. 1. §. 2. D. de offic. praef. urb. ubi nominatur is qui consulto circa edendum pupilli patrimonium quantitatem minuit.

DATA PECVNIA MINISTERIVM TUTELAE ACQUISIERIT.) Sequitur VI. Qui precio tutelam adeptus est, ad urbem Praefectum remittitur. d. l. 3. de offic. praef. & l. 3. §. tutor. D. hoc tit. ubi Vlpianus ait, hunc non ut suspectum remoueri, sed remitti puniendum ea poena qua solent affici, qui tutelam corruptis ministerijs Praetoris redemerunt. Quem locum ita Tribonianus huc retulit, ut ministerij uocem e suo loco in alienam possessionem induxerit. nisi forte coniectura eorum probanda sit, qui locum ita legendum putant, Data pecunia ministerijs, tutelam redemerit. quorum sententiam non improbo.

LIBERTVS QVOQVE SI FRAVDVLENTER.) Sequitur VII. Libertus fraudulenter in patroni liberorum tutela uersatus, ad urbem Praefectum remittitur. l. 2. D. hoc tit. l. 4. & l. si liberti. 10. C. de admin. tut.

Fraudus



*Fraudulentus tutor, quamuis satis offerat, remouendus est: suspectum autem non fortuna faciunt, sed mores. l. v. vj. viij. D. eod.*

V. Nouissimè sciendum est, eos qui fraudulenter tutelam uel curam administrant, etiam si satis offerant, remouendos esse à tutela: quia satisfactio tutoris propositum maleuolum non mutat, sed diutius grassandi in re familiari facultatem præstat. Suspectum etiam eum putamus, qui moribus talis est, ut suspectus sit. Enimuerò tutor uel curator, quamuis pauper est, fidelis tamen & diligens, remouendus non est quasi suspectus.

ETIAMSI SATIS OFFERANT, REMOVENDOS ESSE.) Enunciatio I. Satisfactio fraudulentum tutorem ab hoc iudicio non liberat. l. suspectus. 5. D. eod. Satius est enim, ac pupillo tutius, rem suam saluam tenere, quam cautionem habere. ut ibidem Vlpian. ait: Plus enim cautionis in re est, quam in persona. l. plus cautionis. 25. de regul. iur.

TUTORIS PROPOSITVM MALEVOLVM NON MUTAT.) Sequitur II. Fraudatori satisfactio prædandi facultatem non tam adimit, quam præbet. l. 6. D. hoc tit.

MORIBVS TALIS EST VT SUSPECTVS SIT.) Sequitur III. Tutor in suspicionem, nisi ob mores, non uocatur. l. suspectum. 8. D. hoc tit.

QVAMVIS PAUPER EST.) Sequitur IIII. Tutela aut curatione priuari aliquis ob solam inopiam non debet. d. l. 8. D. eod. & l. si creditores. 31. D. de reb. auct. iud. poss. Neque enim in tutore tam diuitiarum, quam fidei & diligentie ratio ducitur. itaque, quod superius diximus, nec locuples dolosus aut negligens retinetur, nec pauper fidelis & diligens remoueri solet. l. 5. & 6. C. eod. dum tamen rem pupilli saluam fore satisfecerit. l. 2. C. de tut. qui satis non ded.

FINIS LIBRI PRIMI.

## Institutionum Iuris, D. Iustitiani, liber secundus.

DE RERVM DIVISIONE, ET ACQUIRENDO EARVM DOMINIO.

TITVLVS I.

*Rerum quarundam commercium est, quarundam non est. earum autem est, quæ sunt priuata: quæ uerò communes, uniuersitatis, aut nullius sunt, earum commercium non est. l. i. & 2. D. eod.*



UPERIORE libro de iure personarum exposuimus: modò uideamus de rebus quæ uel in nostro patrimonio, uel extra patrimonium nostrum habentur. Quædam enim naturali iure communia sunt omnium, \*quædam publica, quædam uniuersitatis, quædam nullius, pleraque singulorum, quæ uarijs ex causis cuique adquiruntur, sicut ex subiectis apparebit.

\* quæ eadem  
ce  
ce

VEL IN PATRIMONIO NOSTRO.) Enunciatio I. Rerum alia in commercio, alia extra commercium nostrum sunt. Nam Patrimonij uerbo tametsi proprie bona patria & uita intelligantur: plerumque tamen cuiusuis generis bona, & quomodocumque iuste quæsitæ continentur. Iuuenalis Satyra 12.

Non propter uitam faciunt patrimonia quidam,  
Sed uitio cæci propter patrimonia uiuunt.

Hinc peculium dicitur quasi patrimonium filiorum filiarumque, item seruorum. §. actiones. 10. infr. de act. & l. si ex duobus. 32. D. de pecul. & dos quasi patrimonium filiorum. l. 3. D. de minorib.

Sensus est igitur: Rerum alia priuatim ac proprie nostras esse posse, alias non posse. uel hoc modo: Rerum alias in bonis nostris esse posse, alias non posse. Sed cum infra tria genera rerum enumeret, quæ in bonis nostris esse non possunt: nimirum communes, uniuersitatis, & nullius: quari potest, propter seruitutes quas Paulus in l. 1. D. de usufr. leg. neque ex bonis, neque extra bona esse scribit: ecquid hæc partitio uitiosa sit? Sed respondetur, Paulum subtiliter bonorum appellationem ad ea reuocare tantum, quæ possidentur: cum improprie & pinguis eis ex bonis nostris esse constet.

QVÆDAM ENIM NATVRALI IURE COMMVNIA SVNT.) Id est: Quædam res sunt quæ tametsi nostræ sint, tamen priuatim ac proprie nostræ non sunt: sed nobis cum alijs omnibus communes. Et addidit naturali iure, ut priuatis communiones & societates segregaret: ueluti domus, aut agri, qui duorum iure ciuili communis est.

QVÆDAM PVBLICA.) Hæc due uoces absint à l. 2. D. eod. unde hic locus descriptus est. Quare permixtum mihi primum uisum est, quæ de causa hic inductæ sint: post autem animaduerti, magnam eorum quæ sequuntur partem ex Caio de sumptibus

h 4 sumptum



sumptam esse, qui saepe quæ Marcianus uel communia, uel uniuersitatis appellat, publicorum nomine cõplectitur. Cum autem simul perspexissem pleraque eorum quæ communia sunt, ab Imperatore publica nominari: iudicavi hunc locum ita corrigendum esse, ut uel sic legatur, QVAE EADEM PVBLICA: & sub audiamus, nominantur: uel sic (QVORVM QVAE DAM PVBLICA) idq; hæc à πῶς & ὅπου. hoc sensu: Quædam enim naturali iure communia sunt omnium, quorum ipsorum quædam appellantur etiam iure gentium publica. Verum hæc planius comprobanda & confirmanda sunt. Iustinianus septem enumerat quæ communia sunt: acrem, aquam profluentem, mare, litus, flumen, portus, & riparum usum: quorum unum quodq; rectissime commune dici potest, publicum non item. non enim, opinor, aer publicus satis commodè appellatur: & mare quidem si quando publicum appellatur, multo tamen frequentius & aptius commune dicitur. At litus, flumen, aqua profluens, portus, ripa, hæc inquam omnia promiscue tum publica, tum communia nominantur. Litus enim Iustinianus hoc loco cõmune nominat. Cicero uero in Topicis: Litora, inquit, omnia publica esse uultis. cui Neratius subscribit in l. quod in litore. 14. de acq. rer. dom. Flumen Iustinianus publicum hoc loco appellat: Vlpianus autem in l. fluminum. 24. D. de damn. inf. commune. Nam cum aut usum fluminis communem esse, perinde est ac si diceret, flumen ipsum. Inutilis enim de fluminis corpore, si usum tollas, quæstio est. Aquam profluentem Iustinianus communem primum uocat: paulo autem post flumen, cuius illa pars est, publicum. Portum publicum idem principio appellat: mox eiusdem usum, communem. deniq; litorum usum idem publicum appellat: Vlpianus autem communem. l. 3. D. ne quid in loc. pub. Ex quibus planum mihi fecisse uideor, res communes, si minus omnes, at certe pleraque publicas appellari ut faciliè appareat eandem, nec ampliorem à Iustiniano tradi diuisionem, quàm quæ à Marciano d. l. 2. tradita est: quadripartitam nimirum.

QVAEDAM VNIVERSITATIS.) Sequitur II. Quæ extra patrimonium nostrum sunt, aut sunt cõmunes siue publicæ, aut uniuersitatis, aut nullius. Quod ex ijs quæ modò explicauimus, facile intellectu est.

PLERAQUE SINGVLORVM QVAE EX VARIIS CAVSSIS.) Sequitur III. Quæ in patrimonio nostro sunt, priuatorum sunt propria, uarijsq; acquiruntur modis. d. l. 2. D. cod.

*Aer, aqua profluens, mare, litora, flumina, portus, & riparum usus, communia sunt omnium, iureq; gentium publica. ex l. ij. & seq. D. cod.*

II. Et quidem naturali iure cõmunia sunt omnium hæc: aer, aqua profluens, & mare, & per hoc litora maris. Nemo igitur ad litus maris accedere prohibetur: dum tamen uillis, & ædificijs, & momentum abstineat: quia non sunt iuris gentiũ, sicut & mare. Flumina autem omnia, & portus, publica sunt. ideoq; ius piscandi omnibus cõmune est in portu, fluminibusq;. Est autem litus maris, quatenus hybernus fluctus maximus excurrit. Riparum quoq; usus publicus est iure gẽtium, sicut ipsius fluminis. Itaq; naues ad eas appellere, funes arborib. ibi natis religare, onus aliquod in his reponere, cuilibet liberum est, sicut per ipsum flumẽ nauigare: sed proprietates earum illorũ est, quorum prædijs hærent. quæ de causa arbores quoq; in eisdem natæ, eorundem sunt. Litorum quoq; usus publicus est iuris gentium, sicut & ipsius maris. & ob id quibuslibet liberum est casam ibi ponere, in quam se recipiat: sicut retia ficcare, & ex mari deducere. Proprietates autem eorum potest intelligi nullius esse: sed eiusdem iuris esse, cuius & mare, & quæ subiacet mari terra uel arena.

AER, AQVA PROFLVENS.) Enunciatio I. Aeris usus naturali iure communis est omnium, neq; priuati cuiusquam proprius fieri potest. l. iniuriarum. 13. D. de iniur. l. 3. D. Ne quid in loc. pub. Quamobrem & aucupari ubiuis possum, etiam ante potentis alicuius prædium, ac prætorium: & meas ades quantumuis in sublime tollere. l. alius. C. de seruit. & aq. l. cum eo. & l. imperatores. D. de seruit. urb. præd. nec cuiquam eius usum adimere, promittendo scilicet, projiciendo uel in eius ades recto. Atq; hæc meo iudicio huiusce loci sententia est: ut cum aer communis dicitur, perinde sit, ac si de aeris usu hoc dictũ esset. inutilis enim aeris de elemento aut proprietate quæstio est: item ut aliarum rerum omnium quæ postea recensentur.

AQVA PROFLVENS.) Sequitur II. Aquæ profluentis usus communis omnium est, neque cuiusquam proprius. d. l. 2. D. cod. Et apud Ouid. Metamorph. VI.

Quid prohibetis aquas: usus communis aquarum est.

Sed quid sit aqua profluens, quæ separare à flumine Iustinianus uidetur, considerandũ est. Hoc igitur aqua profluens à flumine differt, quo pars à toto. Flumen enim est, quod integrũ fluminis usum præbet: ueluti nauigandi, piscandi, lauandi, potãdi. Aqua profluens, est pars eius quantumuis tenuis, quæ non integrum fluminis usum præstet: sed potandi & ablucendi tantum. eum deniq; quem aqua non profluens præstare possit: ut stagni, aut putei. Cicero lib. de Nat. deor. 2. Nam ut profluens amnis aut uix, aut nullo modo, conclusa autem aqua facile corrumpitur, &c. Ex quibus intelligi debet, aquam profluentem nihil aliud esse quàm aquam fluminis. quod memoria diligenter tenendum est, ne ambiguitate fallamur earum aquarum, quæ ex fontibus priuatis fluunt: quarum usus est proprius, ac priuatus. l. 4. & 6. C. de seruit. & aq. Cicero lib. de Offic. 1. Ex quo sunt illa cõmunia, Non prohibere aquam profluentem: pati ignem ab igne capere. ubi tamen Aqua profluente legendum uidetur. Aqua autem pluuiæ, quam ridiculè hoc loco quidam significari putant, aeris nomine comprehensa est.

ET MARE, ET PER HOC LITORA.) Sequitur III. Maris usus cõmunis est omnium, propriusq; nullius. d. l. 13. de iniur. & l. 2. §. 6. ne quid in loc. ubi Vlp. ait: Si quis in mari piscari, aut nauigare, quamuis ante potentis alicuius magnificam uillam prohibeatur, iniuriarum actionem habiturum. Itaque iactæ in id pileæ aut moles eius sunt, qui iecit. l. 3. ne quid in loc. l. ergo. 30. in fin. D. de acq. rer. dom. Et legem in uendendo prædio indicare, ne iuxta prædium alterum emptor piscetur, ipso iure non licet: tametsi propter bonam contractus fidem personæ contrahentium obligatæ sint. l. uenditor. 13. D. com. præd. Atq; hæc illa disputatio pertinet, quæ apud Plautum in Rudente est: An quæ in naufragio lapsa, postea in piscatoriũ retia incurrunt, ipsorum piscatorum fiant. Quod cur non putem, sub huiusce tractatus finem aperiam. Quæ tamen cum in fundo maris essent, urinatores postea sua sponte, non autem conducti, sustulerint, tanquam uenationis prædam ipsorum id effici arbi-







si qua alia sunt communia ciuitatū. Nullius autem sunt res sacre & religiosæ, & sanctæ: quod enim A diuini iuris est, id nullius in bonis est.

QVÆ IN CIVITATIBVS.) Enūciatio I. Quæ alterius quàm Romanæ ciuitatis propria sunt, uniuersitatis ap- pellantur. l. 6. D. eod. & l. 15. 16. 17. D. de Verb. sign. Ex quibus intelligitur, quæ Romanæ ciuitatis propria sunt, & tanquam in populi Rom. patrimonio (ut loquitur Vlpianus) ea publica proprie nominari: quæ uerò aliarum ciuitatum, abusuue publica, proprie uniuersitatis dici. Quæ consuetudo loquendi posteriorum Iurisperitorum ætate inducta est. Atq; hac interpretatio- ne huius loci recepta, facile intellectus est, cur alia publica, alia uniuersitatis Marcianus nominet: cum Caius in l. 1. D. eod. nul- lam inter ea differentiam statuatur.

THEATRA, STADIA, ET SIQVA ALIA.) Sequitur II. Theatra, stadia, & similia ciuitatis sunt, nec cuiusquam propria fieri possunt. l. 6. D. eod. l. 2. §. 6. D. ne quid in loco pub. l. iniuriarum. in fi. D. de iniur. ubi si quis prohibeat- tur in campo publico ludere, uel in publico balneo lauare, aut in theatro spectare: Vlpianus scribit, cum iniuriarum actionem habiturum. Rerum enim communium cuius quisq; pro sua uirili parte est dominus quodammodo. Vnde illud apud Ciceronem lib. de Finib. 3. Theatrum, cum commune sit, recte tamen dici potest eius esse eum locum, quem quisq; occupauit. Et lib. Offic. 1. Multa sunt ciuibus inter se communia, forum, fana, porticus, uia, leges, iura, iudicia, suffragia. Loca enim publica (inquit Vlpianus) utique priuatorum usibus deseruiunt, iure scilicet ciuitatis, non quasi propria cuiusq;. & tantum iuris habemus ad ob- tinendum, quantum quilibet ex populo ad prohibendum habet. l. 2. in princip. D. ne quid in loco pub.

NULLIUS AUTEM SVNT.) Sequitur III. Nullius dicuntur, quæ nec Romanæ, nec alterius ciuitatis, sed deo- rum tantum propria sunt. l. 6. §. 2. D. eod. Sed obijcietur l. 1. D. eod. & alia complures, in quibus ea nullius esse dicuntur, quæ publica sunt. Respondendum igitur, ea subtilissimè ac uerissimè dici nullius, quæ nec ullius sunt, nec ullius esse possunt: cum su- periora, si minus proprietate, usu certè alicuius propria esse possint. itaq; quod quisq; in aere, mari, litore cepit, suum efficit: in sacro uerò, nequaquam. uti præterea theatro, & campo & balneo cuius licet rebus uerò consecratis, non item. Itaq; cam- pi Martij segetem, quia consumere religiosum erat, defectam cum stramento, & in Tiberim effusam Liuius lib. 2. testatur. B

*Sacrum publicè consecrari oportet: tum neq; alienari, neque obligari, nisi ob captiuorum redemptionem, potest. ex l. 7 j. D. eod. l. x vij. C. de sacros. eccles.*

III. Sacre res sunt, quæ ritè per Pontifices Deo consecratæ sunt: ueluti ædes sacre, & dona, quæ ritè ad ministerium Dei dedicata sunt: quæ etiam per nostram cõstitutionem alienari & obli- gari prohibuimus, excepta causa redemptionis captiuorum. Si quis autem auctoritate sua quasi sacrum sibi constituerit: sacrum non est, sed profanum. Locus autem, in quo ædes sacre sunt ædifi- cate: etiam diruto ædificio, sacer adhuc manet, ut & Papinianus scripsit.

QVÆ RITE PER PONTIFICES.) Enūciatio I. Pontificum consecratio ritè facta, rem sacram efficit. l. 6. §. 2. D. eod. ubi Marcianus ait: Sacre res sunt, quæ publicè consecratæ sunt. Trebatius sic: Sacrum est, quicquid est quod deo- rum habetur. Auctor Macrobius lib. Sat. 3. cap. 3. Gallus Aelius sic: Sacrum est, quodcūq; modo & instituto ciuitatis cõsecratum sit, siue ædis, siue ara, siue signum, siue locus, siue pecunia, siue quid aliud quod dijs dedicatum atq; cõsecratum sit. Auctor Festus lib. 17. Sed aliud consecratio est, aliud dedicatio: ut ex Oratione pro domo intelligitur. Consecratio namq; sine ara aut signi dedicatione, & à Tribunis plebis capite uelato, concione aduocata, adhibito iubicine, forulo posito in rostris fieri poterat. Dedi- catio uerò nec sine templo, uel ara, uel signo adhibito, nec sine uniuerso Pontificum collegio, uno postem tenente, & prisca ac solennia uerba dicente, fiebat. Plus ergo dedicatio, quàm consecratio est. & nisi me animus fallit, Dedicationem hoc loco Iustinianus significat, quum Pontificum mentionem faciat, nam in consecratione (quod uerbum sepe pro dedicatione usurpa- tur) Pontificum collegium adhiberi necesse non erat. Itaq; sacri homines dicebantur, inquit Festus, quem populus ob maleficium sacrum iudicauit. Hinc Tribunitia lex: Si quis cum qui è plebiscito sacer sit, occiderit, parricida ne sit. Cuius rei rationem ex Trebatio Macrobius lib. Sat. 3. cap. 7. declarat. Plerumq; autem moris erat, ut damnatorum bona publicata, quo religione aliqua quasi clauo trabali figerentur, consecrarentur, quod in Ciceronis damnati & exulis domo uisuenit: item ut in aliorum permultis, de quibus in eadem Oratione, commemorat. Hinc Tarquiniorum ager, qui inter urbem ac Tiberim fuit, cõsecra- tus Marti, Martius deinde campus fuit, ut Liuius tradit lib. 2. In fine autem libri noni scribit, moris fuisse, nisi Cõsulem aut Im- peratorem posse templum dedicare: & latum ad populum fuisse, ne quis templum aram uel iniussu Senatus aut Tribunorum plebis maioris partis dedicaret.

PER NOSTRAM CONSTITUTIONEM ALIENARI.) Sequitur II. Res sacre nec uendi, nec opo- pignrari, nisi ob captiuorum redemptionem possunt. l. sancimus. 17. D. de sacros. eccles. ubi Iustinianus uerbes & uasa & alia donaria ad Dei cultum necessaria esse scribit: anili superstitione, quæ iam tum ijs temporibus increbuerat.

AUCTORITATE SVA QVASI SACRVM.) Sequitur III. Priuata consecratione fieri res sacre non possunt. l. 6. D. eod. Hinc Festus lib. 17. ex Aelio Gallo: Quod si, inquit, priuati suæ religionis causa aliquid Deo dedi- cent, id Pontifices Rom. non existimant sacrum. At si qua sacra priuata suscepta sunt, quæ ex instituto Pontificum statò die, aut certo loco facienda sunt, ea sacra appellari, tanquam sacrificium, ille uerò locus ubi ea sacra facienda sunt, uix uideatur sacer esse. Hæc Festus. Hinc illud Ciceronis consilium lib. Epist. ad Att. 12. qui cum Tulliola mortua non sepulchrum tantum, sed, si auderet, fanum etiam consecrare cuperet: scribit hanc ædiculam quam in fani modum ædificare cogitabat, non in uilla ædificandam esse, sed in hortis. nam si in uilla ædificaretur, & ut sit, uilla dominum eo mortuo mutaret, nouus dominus eam ædiculam euertere, & in area noui aliquid ædificare posset. at si in hortis, ubi uel raro, uel nunquam ædificatur, ædicula ma- neret. Verba eius ex Epist. 18. subscribam: Sed in eunda nobis ratio est, quemadmodum in omni mutatione dominorum, qui in- numerabiles fieri possunt, in infinita posteritate (si modò hæc stabunt) illud quasi consecratum remanere possit. Item ex Epist. 34. Fanum fieri uolo, neq; hoc mihi erui potest: sepulchri similitudinem effugere non tam propter penam legis studeo, quàm ut maxi-



**A** ut maxime assequar *ἀποδωρῆναι*: quod poteram, si in ipsa uilla facerem: sed commutationes dominorum reformido. Sub audientia autem, qui aediculam in fani modum ab homine priuato consecratam sine religione diruere possent.

SACRVM NON EST, SED PROFANVM.) Profanū, inquit eodem loco Macrobius, omnes pene consentiunt id esse, quod extra fanaticam causam sit: quasi porro a fano & religione secretum.

LOCVS AVTEM IN QVO AEDES SACRAE.) Sequitur IIII. Arca etiam euerso templo sacra peromaneat. d. l. 6. D. cod. Hinc Papinianus in l. 73. D. de cont. emp. Aede sacra, inquit, terrae motu diruta, locus aedificij non est profanus, & ideo uenire non potest. Hinc Paulus in l. 9. D. ad leg. Iul. pecul. Sunt autem sacrilegi, inquit, qui publica sacra cōpilaauerunt: at qui priuata sacra, uel aedicularum incustoditas tentauerunt, amplius quam fures, minus quam sacrilegi merentur. Pomponius autem sacra loca religioni amittere tradit, si in hostium potestate peruenerint. l. cum loca. 36. D. de relig. & sumpt.

*Religiosa loca mortuis inferendis fiunt: in communem quidem agrum, si socius: in proprietarium, si fructuarius: in alienum, si dominus uel consentiat, uel ratum habeat. l. 7 j. §. iij. D. eod. l. ij. §. iij. de relig.*

**V. Religiosum locum unusquisq; sua uoluntate facit, dum mortuum infert in locum suum. In communem autem locum purum inuito socio inferre non licet. in commune uero sepulchrum etiam inuitis ceteris licet inferre. Item si alienus ususfructus est, proprietarium placet, nisi consentiente usufructuario, locum religiosum non facere. In alienum locum cōcedente domino licet inferre: & licet postea ratum habuerit, quā illatus est mortuus, tamen locus religiosus fit.**

**DVM MORTVVM INFERT IN LOCVM SVVM.)** Enunciatio I. Religiosus locus non consecratione, & uerbis solemnibus, sed illatione mortuorum efficitur. l. 6. D. cod. & l. 2. §. 2. de relig. & sumpt. ubi Celsus ait non totum locum, qui sepulturae destinatus est, religiosum fieri, sed quatenus corpus humatum est. Quae cum ita se habeant, inane monumentum, quod *λειτουργία* Graeci uocant, religionis nihil afferre, perspicuum est. itaq; diui fratres rescripserunt in l. 6. in fi. D. de relig. & l. 7. D. de rer. diuis. quum contra Neratius respondisset: haud satis, ut uidetur, considerat: quomodo satis constet, solum hominis corpus religionem loco afferre. adeo, ut siue ad tempus tantum, siue in perpetuum usquam sit cōditum, eo sublato locus profanus maneat. l. si quis. 40. & l. cum in diuersis. in fi. 44. D. de relig. quum ne ea quidē loca, ubi alia membra praeter corpus condita sunt, religiosa esse, Paulus hac ipsa lege confirmat. Atq; huc spectat quod intelligimus ex l. 4. §. 3. D. ad leg. Iul. pecul. nonnullis moris fuisse, locum ubi thesaurum condebant, quasi sepulchrum religione obstringere. prohibuit tamen id fuisse, ut etiam si ne sepeliri pecunia posset, nullum autem locum nisi in quo sepultura esset, religiosum esse. Verum hac quidem haecenus. Nunc de mortuorum illatione, per quam religiosa loca fiunt, uideamus. Cicero lib. de Leg. 2. Neque necesse est edisseri a nobis qui finis funesta familiae, quod genus sacrificij Lare, ueruecibus fiat, quemadmodum os receptum terra obtegatur, quaeq; in porca contracta iura sint, quo tempore incipiat sepulchrum esse, & religione teneatur. Et paulo post: Nam siti dicuntur ij qui conditi sunt, nec tamen eorum ante sepulchrum est, quā iusta facta & corpus incensum est. Et quod nunc communiter in omnibus sepultis ponitur, ut humati dicantur: id erat proprium tum in ijs quos humis iniecta cōtegeret: eumq; morem ius Pontificale confirmat. nam priusquam in os iniecta gleba est, locus ille ubi crematum est corpus, nihil habet religionis. iniecta gleba, tum & ille humatus est, & sepulchrum uocatur: ac tum deniq; multa religiosa iura cōplectitur. Locus autē corruptius, scriptus, meo iudicio, fuit in hanc ferē sententiam: Quod os supra terram non extaret: nec porca heredi cedere necesse esset. Ex ijs porro quae consequuntur, apparet, ea loca in qua mortuus illatus esset, neq; arari, neq; coli ius fuisse. Cui cōsentaneum est, quod Seru. Sulpitius & Maß. Sabinus scripserunt, Religionē a relinquendo esse dictam, quae propter sanctitatem aliquā remota ac seposita a nobis sit: apud Macrobi. lib. Saturn. 3. cap. 3. & Cell. lib. 4. cap. 9. nā in arādo locus ille sepulturae relinquebatur. itaq; si Pontifices purū aliquem locum esse dicerent, exarari iubebant. Cicero eodē loco: Sic decretū a Pontificum collegio, non esse ius in loco publico fieri sepulchri. Et paulo post: Sed cum multa in eo loco sepulchra fuissent, exarata sunt. statuit enim collegium, locum publicū non potuisse priuata religione obligari. Hinc religiosi dies dicuntur Lilio in lib. 6. quibus rem nullā nec publice nec priuatim licet agere: qui a Cicerone quieti nominatur. Festus autē lib. 16. Dies, inquit, religiosi, quibus nisi quod necesse est, nefas habetur facere: quales sunt sex & triginta atrii qui appellantur, & Allieses, atq; ij quibus mundū patet. Atq; haec quidem haecenus. Eodēq; locus ille Ciceronis pertinet Philippica 9. Maiores quidē nostri statuas pulvis decreuerunt, sepulchra paucis, sed statuae interui uetustate, ui, uetustate: sepulchrorum autem sanctitas in ipso solo est, quod nulla ui moueri, neque deleri potest. atque ut cetera extinguuntur, sic sepulchra fiunt sanctiora uetustate.

**IN COMMVNEM AVTEM LOCVM.)** Sequitur II. Mortuū in agrum cōmunem inferre, nisi consentiente socio, non licet. l. 6. eo. ubi de sepulchro priore loco scribitur, quā de cōmuni loco: item ut in antiquo Tigrino Institutionum libro: praeposterē tamen, meo iudicio. De quatuor enim locorum generibus hoc §. disputatur: de proprio, cōmuni, proprietario & alieno. Et in communis quāstionem sepulchri cōmunis inseritur disputatio. In cōmunem autem locum inuito socio mortuū inferre non licere, tradit etiā Vlpianus l. 6. §. 4. D. com. diuid. & l. 2. §. 1. D. de relig. Sed Callistratus in l. si plures. 41. D. de relig. scribit de extraneis intelligendum id esse, nam ex ipsis dominis quamlibet rectē ibi sine ceterorum consensu sepeliri.

**IN COMMVNEM VERO SEPVLCHRVVM.)** Sequitur III. Mortuū in commune sepulchrum sine sociorum consensu inferre ius est. d. l. 6. & l. 6. §. 4. D. com. diuid. Sed quāro, utrum eorum aliquem quorum commune sepulchrum est, an etiam alienum? Et alienum, non arbitror: praesertim cū Cicero eodem libro scribat Solonem, cuius ex legibus sepulchralibus Romanae ferē omnes manarant, uetuisse ne alienus inferretur. Quod si ita est, simillima planē loci, quae sepulchri communis, ratio est: ut paulo ante docuimus.

**SI ALIENVS VSVSFRVCTVS EST.)** Sequitur IIII. Mortuū sine fructuarij consensu inferre proprietarius in suum agrum non potest. l. 2. §. 3. & l. sunt personae. 43. D. de relig. Ratio apparet, quod agri cultus minuitur fructuario. Quare si consentiat usufructuarius, locus religiosus fiet. l. locum. 17. D. de usufruct. ubi Vlpianus idem scribit, quod in d. l. 2. de relig. interdum solum proprietarium religiosum locum posse facere, ueluti si testatorem qui usufructum legasset, ibi sepos



ibi sepeliret: quum alibi tam commode non posset.

IN ALIENVM LOCVM CONSENTIENTE DOMINO.) Sequitur V. Mortuo in locum alienum, domino uel consentiente, uel ratum habente, illato, locus religiosus efficitur. l. 6. in fin. D. de rer. diuis. Nam ratihabitio mandati uim obtinet. At si nec consenserit dominus nec comprobabit, is qui intulit aut cadauer tollere, aut loci precium præstare cogetur. l. is qui. 7. D. de religios. & sumpt. Offa uero uel corpus effodere domino sine Pontificum decreto, Præsidis uel iussu non licet. l. offa. 8. D. eod.

LICET POSTEA RATVM HABVERIT.) Ita scripsi, cum in alijs, NON HABVERIT, cum negatione legatur. sed & sententia ueritatem sum secutus, & Florentini codicis, unde hic depromptus est, auctoritatem ac fidem. Etenim sic se res habet, quemadmodum modo dicebamus, ut nihil intersit inter comprobatorem facti, & suasorem. ut mihi quidem dubium non sit, quin hoc ipsum & de communi loco, & de eo, cuius usus fructus alienus est, intelligi debeat.

*Sanctæ res dicuntur, quæ ut inuiolata essent, pœna proposita  
cautum est. l. j. & viij. & x. D. eod.*

VI. Sanctæ quoque res, ueluti muri & portæ, quodammodo diuini iuris sunt: & ideo nullius in bonis sunt. Ideo autem muros sanctos dicimus, quia pœna capitis constituta est in eos qui aliquid in muros deliquerint. Ideo & legum eas partes, quibus pœnas constituimus aduersus eos qui contra leges fecerint, sanctiones uocamus.

QUODAMMODO DIUINI IURIS SVNT.) Enunciatio I. Res sanctæ priuati ullius nec sunt, nec esse possunt. l. 1. D. eod. Diuini iuris sunt, inquit Caius, res sacræ & religiosæ, sanctæ quoque res, ueluti muri & portæ, quodammodo diuini iuris sunt. quod autem diuini iuris est, id nullius in bonis est. Quem locum Tribonianus hic secutus est *λατὰ νόδα*, ut cuius apparet. Itaque non plane diuini iuris muros esse dixit, sed quodammodo. nam res sacræ deorum propria sunt, iisq; dicatæ atq; assignatæ, religiosæ, Deorum manium sunt. itaq; D. M. in sepulchris addi solitum, nemo ignorat. Muros uero Deorum fuisse, non legimus. Sed quæ dicantur res sanctæ, copiose ex ueterum Iurisconsultorum scriptis in Commentario uerborum iuris exposuimus.

MURI ET PORTAE CIVITATIS.) Sequitur II. Muri & portæ sanctarum rerum numero sunt. l. 1. D. de rer. diuis. & l. 2. D. Ne quid in loco sacro fiat. Ac de muris quidem, dubium id nemini est: præsertim ex l. ult. D. de rer. diuis. nam si sacrosanctæ dicuntur, quæ pœna sancita sunt, ut paulo ante ex Cicerone dicebamus, urbis Romæ muros, nimirum optimo iure sanctos appellare possumus: quorum uolatio regio fraternoq; sanguine à Romulo exptata est.

QVI ALIQUID IN MVROS DELIQUERINT.) Sequitur III. Violare muros capitale est. l. ult. D. eod. nam & Romuli frater, inquit Pomponius, Remus occisus traditur ob id, quod murum transcendere uoluerit. id est, animū ut transderet induxerit, ne quis optimi Accursij auctoritatem secutus, ob solam uoluntatem & cogitationem punitum Remum arbitretur. Quod autem muris hoc loco traditur, non modo de Romanæ urbis, sed etiam de municipiorum mœnibus intelligendum est: ex fine l. sanctum. 8. D. eod. Similiter autem ad exemplum murorum urbis, si uallum quis transcendat, aut per murum castra ingrediatur, capite punitur, inquit Modest. l. 3. §. 7. D. de re milit.

LEGVM EAS PARTES QVIBVS PœNAS CONSTITVIMVS.) Sequitur IIII. Partes legum quæ pœnas continent, sanctiones appellantur. l. sanctio legum. 41. D. de pœn. & sanctionis exemplum exposui in libro de Legibus Romanis, cap. de lege regia. Hinc Ulpianus l. sacræ. 9. §. 2. D. hoc tit. Leges, inquit, sanctæ sunt, sanctione enim quadam sunt subnixæ. & interdum in sanctionibus adijcitur, ut qui ibi aliquid commisit, capite punitur.

*Prinæ res sunt iure duplici: gentium, & ciuili. ab illo autem, utpote uetustiori, commodius est differendi initium ordiri. l. j.*

*D. de acq. rer. dom.*

VII. Singulorum autem hominum multis modis res sunt. quarundam enim rerum dominiū nasciscimur iure naturali, quod (sicut diximus) appellatur ius gentium: quarundam uero iure ciuili. Commodius est itaque à uetustiore iure incipere. palam est autem, uetustius esse ius naturale, quod cum ipso genere humano rerum natura prodidit. ciuilia enim iura tunc esse cœperunt, cum & ciuitates condi, & magistratus creari, & leges scribi cœperunt.

SINGVLORVM MVLTIS MODIS RES FIVNT.) At ut partitioni quam superius proposuit, satisfaceret, hoc loco, quæ res singulorum essent, exponendum erat. nam fere omnes de quibus hoc tempore disputat, communes sunt. Singulorum igitur res dicuntur, quæ cuiq; naturali aut ciuili iure acquisitæ sunt.

QVARVNDAM ENIM DOMINIVM.) Enunciatio I. Duplici iure dominia rerum acquiruntur, naturali & ciuili. l. 1. D. de acq. rer. dom. Naturale autem interpretatur quod hominum duntaxat, non etiam bestiarum, inter se commune est. nam hoc libro iuris Ciuilis secundam partem, quæ in rebus uel acquirendis uel alienandis posita est, tractamus. Eius autem iuris bestię participes non sunt.

CVM IPSO GENERE HVMANO RERV NATVRA.) Sequitur II. Ius gentium simul cum hominum genere natura instituit. d. l. 1. eod. Hoc falsum est, si quæ iuris gentium esse dicuntur, spectemus: ueluti bella, seruitutes, & contractuum uaria genera. sed hoc loco Iustinianus ad acquirendi domini modos sine dubio respexit. Nam occupatio, quam mox primam explicabit, simul cum humano genere instituta est.

CIVILIA AVTEM IVRA.) Sequitur III. Ciuilia iura conditis ciuitatibus instituta sunt. Hoc est, Ciuiles acquirendi modi, nimirum per mancipationem, in iure cessionem & usucapionem.

Ferunt



**A** *Ferarum omnium quæ quidem libertate naturali potiantur, libera cuius, etiam in alieno agro, per occupationem acquisitio est: quæ, libertate illa recuperata, statim amittitur. l. j. l. iij. l. v. D. de acquir. dom.*

**VIII.** Feræ igitur bestię, & uolucres, & pisces, id est, omnia animalia, quę in terra, mari, cœloq; nascuntur, simul atq; ab aliquo capta fuerint, iure gentium statim illius esse incipiunt. quod enim antè nullius est, id naturali ratione occupanti conceditur. nec interest, feras bestias & uolucres utrum in suo fundo quisq; capiat, an in alieno. Planè qui alienum fundum ingreditur uenandi aut aucupandi gratia, potest à domino, si is præuiderit, prohiberi, ne ingrediatur. Quicquid autem eorum ceperis, eò usque tuum esse intelligitur, donec tua custodia coercetur. Cum uerò tuam euaserit custodia, & in libertatē naturalem sese receperit, tuum esse definit, & rursus occupantis fit. Naturalem autem libertatem recipere intelligitur, cum uel oculos tuos effugerit, uel ita sit in conspectu tuo, ut difficilis sit eius persecutio.

**SIMVLATQVE AB ALIQVO CAPTA FVERINT.)** Enunciatio I. Feræ omnes iure gentium per occupationem acquiruntur. d. l. 1. & 3. Hoc loco de eo acquirendi modo disputare ingreditur, qui maxime omnium est naturæ consentaneus, atque (ut paulo antè monuit) antiquissimus. Is autem Occupatio, siue prehensio dicitur, quam sic licet definiamus: Occupatio ferarum est, naturalis earum libertatis ademptio, & illarum in suam potestatem reductio. Et quoniam deinceps ex contrariis, repugnantibus & consequentibus perpetuam disputationem texere instituit, rem omnem sub oculos proponemus. nam occupatæ feræ liberam opponemus: supponuntur autem hæ duæ inter se quidem aduersæ, illarum autem consequentes: Expers potestatis liberè uagandi, & compos facultatis liberè uagandi. Quarum rerum usus paulo post intelligitur. Illud hoc tempore adijcitur, quod in enunciatione dictum est, Feræ omnes, intelligendum de ijs quæ naturalis potestatis libertatisq; sunt compotes. Feras autem eas esse bestias, quæ immensam atque infinitam à natura liberè uagandi potestatem habent.

**NEC INTEREST FERAS BESTIAS ET VOLUCRES.)** Sequitur II. Ferarū & uolucrum libera cuius etiam in agro alieno per occupationem acquisitio est. l. 3. D. illo tit. Itaq; & uenari & aucupari in fundo alieno non circumscripto ius est. Pisces autem hoc loco non nominantur: propterea quod piscari in alieno, ius non est. Ac de feris quidem & uolucris quas licet in alieno capere, paulo post exempla proferentur, quale illud est de uolucris quæ nidum in arbore mea fecerint: quas tamen cuius aucupari licet. Item de ciconijs, quæ in fastigio domus nidum extruere, & pullos suos educare consueuerunt, tamen si propter leges in directarios latas, in aliena tecta conscendere non liceat.

**POTEST. A DOMINO PROHIBERI.)** Sequitur III. Aditu sui fundi prohibere alienum, ius est. d. l. 3. ubi hoc amplius additur, iure prohiberi: ut omnis uolentis suspicio tollatur. item in l. Diuis. 16. D. de s. ruit. rust. l. iniuriarum. 13. §. ultimo. D. de iniur. ubi hoc additur præterea, iniuriarum actionem in eum qui domino inuito ingressus erit, concedi.

**CVM VERO TVAM EVASERIT CVSTODIAM.)** Sequitur IIII. Fera tantisper eius est qui occupauit, dum naturalem libertatem non recuperet. l. naturalem. §. 3. D. de acqu. dom. Ratio ex ijs quæ paulo antè dicebamus, intelligi debet. Non enim & occupata fera est, & liberè uagari potest. Repugnant enim, occupatum esse, & liberè uagandi potestatem habere. Exemplum controuersie nobis hoc confingere licebit: Venator leporem prehenderat, eumq; secum deportabat uiuum. fortè accidit, ut lepus effugeret, ac repente in alterius manus (ut si quis laqueum comparasset) incideret. Intentio est: Lepus meus est. D. Imò meus. Questio: Vtrius sit. Ratio: Feræ namq; omnes primi occupantis sunt. Firmamentum: At ego primus sum occupator: cum enim paulo antè momento prehenderam, ac uix de manibus meis elapsus erat. Disceptatio est: An is cuius è manibus lepus paulo antè momento effugit, eius adhuc per occupationem dominus dici possit. Iustinianus respondet ex repugnantibus, non posse. Repugnant enim, occupatum esse leporem, & liberè uagandi potestatem recuperasse. Quod ipsum in luscinijs & alijs auiculis dici potest, quas animi causa in caueis inclusas & à nobis altas diu possedimus, nam eo ipso momento quo sic euaserint ut prehendi à nobis non possint, liberæ ac sui iuris esse, & cuiusuis occupationi patere intelliguntur.

*Fera quamuis ita uulnerata sit, ut capi persequendo possit, naturalem tamen libertatem retinet. l. v. de acquir. dom.*

**IX.** Illud quæsitum est, an si fera bestia ita uulnerata sit, ut capi possit, statim tua esse intelligatur. Et quibusdam placuit, statim esse tuam: & eousq; tuam uideri, donec eam persequaris. quod si desieris eam persequi, desinere eam esse tuam, & rursus fieri occupantis. Alij uerò putauerunt, non aliter tuam esse, quam si eam ceperis. Sed posteriorem sententiam nos confirmamus, quod multa accidere soleant, ut eam non capias.

**VT CAPI POSSIT.)** Persequendo scilicet. Causse autem constitutio hæc est: Venator ceruum sic uulnerat, ut eum capere diutius persequendo posset. Is tamen fugiens in uiatorem fortè incidit, qui eum abstulit. Intentio uenatoris: Hic ceruus meus est. D. Imò meus. Q. Vtrius sit. R. Cerui enim (utpote feri) qui nullius sunt, primi sunt occupantis. hic autem tuus non erat, quum eum in tua potestate non haberes. F. At quia sic eum uulneraram, ut diutius persequendo assequi eum possem, prior eum occupauit. D. An fera bestia sic uulnerata, ut capi persequendo possit, occupata uideatur. Iustinianus respondet, non uideri. Repugnare enim, ceruum occupatum esse, & liberè uagandi potestatem habere.

item,



item, occupasse, & in sua potestate non habere. Hæc cum ita disputantur, studiosi animus conquiescit: non autem, si tantum ad-  
datur, Trebatius sic, alij uero isto modo. quibus uerbis Caius utitur in d. l. naturalem. D. illo tit.

POSTERIOREM SENTENTIAM NOS CONFIRMAMVS.) Enunciatio I. Non si quis fe-  
ram uulnerauit, continuò eam occupasse intelligitur.

Sequitur II. Non si fera uulnerata sit, continuò naturalem libertatem amisit. aliud est enim uulneratam, aliud occisam  
esse. aliud uulnerare, aliud libere uagandi potestatem adimere. Quare consideratè hoc animaduertendum erit, an ita uulne-  
ratus esset, ut sanguine paulò diutius fundendo, longius fugere non posset: aut si urgente ui canum, ultro ad hominem confuge-  
rit. quam esse ceruorum naturam Plinius & ceteri confirmant. Nec diffido, quin hos casus Trebatius, quem Graculi nostri  
mirabiliter exagitant, in responso suo intellexerit.

Apes quamuis in alicuius arbore fauos fecerint, & uolucres nidos, sunt primi  
occupantis: examen autem quandiu in conspectu est, capi-  
test, eius, cuius est alueus, permanet. l. v. de  
acquirend. domin.

X. Apium quoq; natura fera est. Itaq; quæ in arbore tua confederint, antequam à te alueo tuo  
includantur, non magis tuæ intelliguntur esse, quàm uolucres, quæ in arbore tua nidum fecerint.  
ideoq; si alius eas incluserit, is earum dominus erit: Fauos quoq; si quos hæ fecerint, eximere qui-  
libet potest. Planè integrare, si præuideris ingredientem fundum tuum, poteris eum iure prohi-  
bere, ne ingrediatur. Examen quod ex alueo tuo euolauerit, eousq; intelligitur esse tuum, donec  
in conspectu tuo est, nec difficilis persecutio eius est: alioquin occupantis fit.

APIVM FERA NATVRA EST.) Enunciatio I. Apium natura fera est. l. naturalem. §. 2. D. de acquir.  
do. & paulo infra, proximo §. ubi ait constare, nec dubium esse quin earum fera natura sit. Plinius tamen lib. ii. cap. 5. scribit  
eas nec mansueti nec feri generis esse. Varro autem lib. 3. cap. 16. Eæ, inquit, differunt inter se, quæ feræ & cicures sunt. nunc  
feras dico, quæ in syluestribus locis pascunt: cicures, quæ in cultis. Columella autem lib. 9. examinum alia syluestria nominat,  
quæ scilicet uerè sunt fera, nec unquam cuiusquam alueo inclusa fuerunt: alia uernacula, quæ aut magnam partem aut tota in  
alueo alicuius natæ sunt. Quin etiam Paulus in l. si apes. 26. D. de furt. feras apes distinguere uidetur, & meo iudicio reuera di-  
stinguit, à uernaculis: ut proxime dicemus. Sed respondetur, feras à Iustiniano hic appellari, quæ immensam atq; infinitam à  
natura libere uagandi potestatem habent.

NON MAGIS TVÆ INTELLIGANTVR ESSE.) Sequitur II. Non si apes in arbore mea con-  
federint, continuò meæ sunt. l. si apes. 26. D. de furt. Causæ constitutio: Apes quædam in arbore mea fauos ædificant: uicinus  
conscendit, fauosq; & apes abstulit. Intentio: Apes meæ sunt. D. Imò meæ. Q. Vtrius sint. R. Apes enim quæ nullius sunt, ut  
feræ omnes, primi sunt occupantis. F. At cum in arbore mea confederint, fauosq; fecerint, prior eas occupasse intelligor. D. An  
qui arboris in qua fauos apes fecerint, dominus est, continuò eas occupasse uideatur. Iustinianus respondet, non uideri. Repus-  
gnare enim, occupasse apes, & eas in sua potestate ac ditione non habere: occupatas esse apes, & libere uagandi potestatem  
habere. Hæc cum ita se habeant, subdistinguit tamen existet inde questionem hanc de uernaculis apibus intelligantur, an nō.  
hoc est, an si apes meæ quæ mane euolare, & uespere redire solite sunt, sciens aliquis meus esse cepit, furtum committat. nam  
Iustinianus infinite locutus est. At proximo §. regulam de ijs feris generalem tradit, quæ commendi ac remeandi consuetudi-  
nem habent, huic ipsius legi contrariam. Respondendum igitur, hunc §. de syluestribus & feris apibus intelligendum esse, nō  
aut de cicuribus & uernaculis. Quod uel hinc intelligi licet, quia de apibus quæ in arbore confederint, ac fauos fecerint, quæ  
questionem proposuit. nam etiam si ex alueo meo illæ euolarint, tamen reuertendi animum abieciisse intelliguntur. sed Pomponius  
in l. 8. §. 1. D. fam. erisc. rem omnem extra dubitationem constituit, aperte confirmans, cum tales apes auerterit, furti obliga-  
ri. Peccatum hoc tantum est in hoc §. quòd Iustinianus omnes apes paulò obscurius feras appellat.

ALVEO INCLVDANTVR.) Tum enim uerè occupatae sunt, utpote quibus libere uagandi potestas adempta  
est. Alueos autem, siue aluos, à mellis alimonia dictos, Varro eodem loco scribit. quas, inquit, idèd uidentur medius facere an-  
gustissimas, ut figuram imitentur earum.

VOLVCRES QVÆ IN ARBORE TVA.) Sequitur III. Non si uolucres nidos in arbore mea fece-  
rint, continuò meæ sunt. Quod eodem modo de ciconijs, quæ nidos suos in fastigio domus ædificant, dicendum uidetur.

FAVOS QVOQVE SI QVOS EAE FECERINT.) Sic liber Tigurinus. Alij effecerint, quos Floren-  
tini codicis refellit auctoritas. Sequitur V. Fauos etiam in arbore aliena capere ius est. d. l. 5. Est autem fauus, ut Varro scri-  
bit, quem apes fingunt multicauium & cera, cum singula caua sena latera habeant, quot singulis pedes dedit natura. Hæc il-  
le lib. 3. cap. 16.

POTERIS EVM IURE PROHIBERE.) Sequitur VI. Ad ius sui fundi alienum arcere ius est. Qua de  
re paulò superius explicatum est.

EOVSQVE INTELLIGITVR ESSE TVVM.) Sequitur VII. Examen dum in conspectu eius est,  
cuius est alueus, & capi potest, eius permanet: postea primi est occupantis. d. l. 5. Est autem examen noua apum soboles, quæ  
iccirco Columella uernaculis appellat. Quum igitur ex alueo meo prima noui ducerent examina reges, Vere suo, luderetq; fa-  
uis emissæ iuuentus, ut ait Virgilius, custosq; meis alueum inanem parasset, retinere tamen exercitum illum non potuit: uicinus  
eum alueo suo includit. Intentio mea est: Meum est examen. D. Imò meum. Q. Vtrius sit. R. Apes quæ nullius sunt, ut feræ  
omnes, primi sunt occupantis. F. At ego, cuius est alueus, quasq; metropolis, cuiusq; sunt istorum quasi parentes, hanc nouam  
sobolem satis hoc ipso uideor occupasse, quòd alueum in meo dominio habeam. D. An qui matrum est dominus, idem exami-  
nis dominus atque occupator sit. Iustinianus respondet: Non qui alui est dominus, continuò examinis possessorem ac domi-  
nium exia



**A** num existeret. nam ubi primum liberè uagandi potestatem adeptum erit, continuo iurisdictionem primi; occupantis esse. Non enim & possidentur, & liberè uagandi potestatem habent. Habent autem hanc potestatem, quia difficilis earum mibi persecutio est, neq; animum ad me redeundi habent.

*Fera quæ commeari solitæ sunt, si redire desuerint, à pristino domino descivisse, ac nullius esse intelliguntur. l. v. §. v. de acquirend. domin.*

**XI.** Pavonum & columbarum fera natura est: nec ad rem pertinet, quod ex consuetudine auolare & reuolare solent. nam & apes idem faciunt, quarum constat feram esse naturâ. Ceruos quoq; ita quidam mansuetos habent, ut in syluam ire & redire soleant: quorum & ipsorum feram esse naturam, nemo negat. In ijs autem animalibus, quæ consuetudine abire & redire solent, talis regula comprobata est: ut eousq; tua esse intelligantur, donec reuertendi animum habeant. nam si reuertendi animum habere desierint, etiam tua esse desinunt, & fiunt occupantium. Reuertendi autem animum uidentur desinere habere tunc, cum reuertendi consuetudinem deseruerint.

**PAVONVM QVOQVE ET COLUMBARVM.)** Enunciatio I. Pavones & columbæ sunt feri generis, non mansueti. l. 5. §. 5. D. de acq. rer. dom. Quod eodem modo intelligendum est, quo illud de apibus. Nam quod quidem ad pavones attinet, satis constat eos quos domi in urbe ali passim in Gallia & Germania uidemus, mansuetos esse: siue, ut uerius dicamus, cicures. Itaq; Pomponius in l. si pavones. 37. D. de furt. mansuetos illos appellat. Verum hoc toto §. loquitur Iustinianus de ijs, quos Varro & Columella agrestes uocant, quos in insulis & nemorosis locis gregatim alituntur. Hinc Pomponius in l. si pavonem. 37. D. de furt. mansuetum pavonem uocat chortalem, & qui domi alitur. uide Varronem lib. 3. cap. 6. Columell. lib. 8. cap. 11. Columbarum autem Varro cap. 7. duo genera statuit: unum agreste, quod habetur in turribus ac columinis uillæ, à quo appellatæ columbæ: quæ propter timorem naturalem summa loca in tectis captant. quo fit ut agrestes maxime sequantur turres, in quas ex agro euolant sua sponte, ac remeant. Alterum genus illud columbarum est clementius, quod cibo domestico contentum, intra limina ianue solet pasci. Ex his fit miscellum tertium genus, &c.

**NEC AD REM PERTINET, QVOD EX CONSVETVDINE.)** Sequitur II. Non si bestia abire ac redire solitæ sunt, ideoque mansuetæ iudicandæ sunt. Quod argumento ex simili sumpto probat. Apes enim & ceruos quosdam condoces factos commeari & remeari consueuerunt: non tamen ob eam causam non feros esse. Non enim illa consuetudo comendi uel non comendi mansuetos aut feros facit, sed natura: hoc est, potestas insita & innata liberè uagandi in celo, terra & mari, feris animantes efficit, at quibus illa denegata est, mansuetæ sunt: ut gallinæ chortales & anseres.

**DONEC ANIMVM REVERTENDI HABEANT.)** Sequitur III. Fera quæ commeari solent, animo occupari ac possideri intelliguntur. Hactenus enim de feris disputatum est, quarum corpore occupato dominium acquiritur. nunc de ijs commemorat, quarum animus occupatus tenetur. Eius enim columba est, cuius in columbario habitandi animus ac uoluntatem habet. l. Pomponius. 8. §. 1. D. fam. ercisc. Isq; columbæ dominus ac possessor, cuius est columbarium, in quo sedes suas constituit. l. 3. §. quidam. 11. de acq. poss.

**CVM REVERTENDI CONSVETVDINEM.)** Sequitur IIII. Ferarum animus ex reuertendi consuetudine iudicatur. Quo in loco commodè causæ constitutio proponitur. Aliquot de columbis meis quæ antea commeari ac remeari solebant, in uicini columbarium sese suapte sponte receperunt, pristinas fortasse suas sedes perose. Intentio mea est: Hæ columbæ meæ sunt. D. imò meæ. Q. Virius sint. Ratio: Columbæ quæ nullius sunt, ut aliæ omnes ferae, primi sunt occupantis. Hæ uero nullius sunt, certè non tuæ, quum animum ad te reuertendi abiecerint. P. At hæ sedes suas in columbario meo semper antea posuerant, ibiq; pullos eduxerant. D. An columbæ quæ diu in certo columbario sedes habuerunt, si redire desuerint, à priore domino descivisse, ac nullius esse intelligantur. Iustinianus respondet, nullius esse. Ratio: quia ferarum, quæ commeari consueuerunt, dominium eius est, qui earum animos occupauit ac possidet. Earum autem animus apud eum esse intelligitur, apud quem habitant. Quare cum habitare apud me desuerint, earum animum non amplius occupare ac tenere intelligitur. Perspicuum est igitur, eius esse columbam, cuius in columbarium reuertendi animum habuit. Quod ex eo intelligi potest, quia si retenta non fuisset, atq; intercepta, in eius columbarium reuolasset. Itaq; columbas quæ emitti solent de columbario, uenire in familiam erciscundæ iudicium Pomponius scribit: cum nostræ sint tandiu, quandiu consuetudinem habeant ad nos reuertendi. quare si quis eas apprehendisset, furti nobis cõpetit actio. idem & in apibus dicitur: quia in patrimonio nostro computantur. l. Pomponius. 8. §. 1. D. fam. ercisc. Quod aduersus eos notandum est, qui aliorum columbas insidijs interciperent atq; auertere consueuerunt. Atq; idem in mansueto & condoces facto ceruo iuris esse, nobilis ille Virgilianus lib. Aeneid. 7. demonstrat: quem Poeta causam belli inter Troianos & Latinos facit. nam cum à Tyrrhei liberis, Syluia præsertim filia, ita institutus esset, Ascanius autem Troia uenatum exisset, eum cum canibus persecutus sauciavit: quæ res belli causam præbuit.

*Non si anseres, gallinæ uel mansuetæ in locum alienum, & extra domini potestatem effugerint, ideoque ipsius esse desinunt. l. v. §. v. j. de acquirend. domin.*

**XII.** Gallinarum & anserum non est fera natura: id quæ ex eo possumus intelligere, quod aliæ sunt gallinæ quas feras uocamus, item alij sunt anseres quos feros appellamus. Ideoque si anseres tui, aut gallinæ tuæ, aliquo modo turbati, turbatæ uel euolauerint, licet conspectum tuum effugerint: quocunq; tamen loco sint, tui tuæ uel esse intelliguntur: & qui lucrandi animo ea animalia detinet, furtum committere intelligitur.



GALLINARVM ET ANSERVM NON EST FERA NATVRA.) Enunciatio I. Gallinæ et A  
anseris mansueti generis sunt. l. 5. in fin. de acquirend. rer. domin. Haftenus ergo de feris, nunc de mansuetis tractare instituit. Ex quo intelligi debet, regulam quam superius de feris posuit, feras scilicet per occupationem acquiri, ad has mansuetas non pertinere.

ALIAE SVNT GALLINAE QVAS FERAS VOCAMVS.) Sequitur II. Cui contrarium *no-*  
men conuenit, eidem aliud contrarium non conuenit. Argumentum est igitur ex priuantiis. ueluti: Si qua animalia caeca di-  
cuntur, sequitur quaedam alia aspectu esse praedita. Gallinarum tria genera Varro libr. 3. cap. 9. constituit: uillaticas, rusticas  
& Africanas. Columella lib. 8. cap. 2. cohortales, rusticas, & Africanas. Villaticas uterq; & cohortales appellant, quas ali us-  
biq; tum in urbe, tum in uilla uidentur. Rusticas autem & salsustres eas uocant, quas Iustinianus feras hoc loco nominat: quae  
ab aucupibus capiuntur, & in seruitute non faciunt.

ANSERES QVOS FEROS APPELLAMVS.) Varro lib. 3. cap. 10. Est, inquit, anserum genus non al-  
bum, sed uarium, quod ferum uocatur: nec cum albis libenter congregatur, nec æquè fit mansuetum.

LICET CONSPECTVM TVVM EFFVGERINT.) Sequitur III. Non ut ferarum, sic mansuetarum animi occupatio ex prebendendi facultate uel difficultate aestimatur. Nam in illis occupatio significat detractionem naturalis libertatis immense & infinite uagandi: quum autem hæ nullam eiusmodi insitam libertatem habeant, sequitur, talem occupationem in eas cadere non posse.

TVI TVABVE ESSE INTELLIGVNTVR.) Sequitur IIII. Non si gallina anseresue aliò euolas  
runt, iccirco earum dominium amittitur. Causse igitur constitutio ponatur hæc: Gallina mea in vicini domum euolarat. Inter  
tio: Hæc gallina mea est. D. Imò mea. Q. Vtrius sit. Ratio: Quod nullus est, fit primi occupantis. Tuam quidem non fuisse uel  
ex eo constat, quia tua in potestate non erat. F. At mansueti est generis gallina: tales autem nunquam natura sui iuris, ac nuli  
us sunt. D. An bestia mansuetæ tantisper alicuius sint, quandiu eas in sua potestate ac ditione habet. Iustinianus respondet,  
nihilominus eas eius esse, propterea quod mansuetæ non item ut fera sola occupatione acquiruntur. Id autem argumento ex  
antecedentibus sumpto sic disputat: Occupatio, est priuatio immensa & infinita potestatis naturalis liberè uagandi. In man  
suetis autem bestiis nunquam ea facultas fuit, quare occupatione acquiri non possunt. nam si occupatæ essent, fuisset ea libera  
tis necesse est. Quo eodem modo disputat Vlpian. in l. Pomponius. 4.4. D. de acq. rer. dom. unde hanc causse constitutionem  
figemus: Lupus meo pastori ouem abstulerat. Vicinus enim cum canibus persecutus, ouem ei eripuit. Intentio pastoris: Hæc  
ouis mea est. D. Imò mea. Q. Vtrius sit. R. Quid quæ nullius sunt, primi occupantis efficiuntur. tuam quidem illam nō fuisse  
apparet, cum ex tua potestate planè exisset. F. At ouis est mansueti generis: quod nullius esse non potest, nec per solam occu  
pationem acquiritur. Disceptatio est: An quæ mansueti generis sunt, si ex domini potestate exierint, in eius dominio esse desi  
nant, & sint primi occupantis. Pomponius respondet ex antecedentibus, occupationem iccirco in mansuetis non cadere, quia  
constringi libertatis, quam nunquam habuerint, non potest. Præterea non desinere nostrum esse quod a lupo eripitur, donec  
ab eo consumptum fuerit. l. Pomponius. 8. in fin. D. fam. ercisc. Eiusdem modi Proculi disputatio est in l. in laqueum, 55. D. eod.  
In laqueum quem uenandi causa posueras, aper incidit. Cum eo hæreret, exemptum eum abstulit. Intentio tua est: Hic aper meus  
est. D. Imò meus. Q. Vtrius sit. R. Quæ nullius sunt, primi sunt occupantis. nullius autem erat, aut certe non tuus: quia neque  
eum comprehenderis, nec possederis. F. At prior illum occuparam: quippe laqueo meo irretitum. D. An aper laqueo irreti  
tus, ab eo qui laqueum tetenderat, occupatus intelligatur. Proculus distinguendum ait: nam si ita irretitus erat, ut se inde exi  
mere suis uiribus non posset, occupatus intelligetur. repugnant enim, liberum aprum esse, & potestate liberè uagandi carere.  
Sin autem expedire inde se poterat, eius fore qui abstulit. repugnant enim, occupatum esse, & liberè uagari posse.

FVRTVM COMMITTERE INTELLIGITVR.) Sequitur V. Qui gallinas anseresque mansuetos  
 lucrandi animo retinet, furti obligatur. Etiamne si uiam retineat? Hoc quidem perquam durum est, sed ita lex scripta est. Præ-  
 tor igitur, à quo famosa postulabitur actio, uidebit, ut summum ius summam iniuriam non faciat.

*Quæ cepimus ex hostibus, nostra sunt: homines autem captiuitate soluti, pristinum statum recipiunt. l. v. in fi. Gl. vij. de acq. dom.*

XIII. Item ea quæ ex hostibus capimus, iure gentium statim nostra fiunt: adeò quidem, ut & liberi homines in servitutem nostram deducantur. qui tamen, si evaserint nostram potestatem, & ad suos reversi fuerint, pristinum statum recipiunt.

IVRE GENTIVM STATIM NOSTRA FIVNT.) • Enunciatio I. Capta ex hostibus ijs qui ceperit acquiruntur. l. 5. in fin. de acq. rer. dom. Sed quæro, utrum ea quæ prædæ nomine continentur, hoc est, quæ prælio uictis eripiuntur, an quæ excursionibus & direptionibus faciendis, hoc loco intelligenda sint? Nam prædam à Quæst. urbanis uendi solitam, pecuniamq; in ærarium redigi, notum est ex Gell. lib. 13. cap. 23. & lib. 7. cap. 4. Præda igitur non singulorum est, sed communis, siue publica, item ut agri qui hostibus adempti publicantur. l. si captiui. 20. D. de capti. & postlim. At Iustinianus à §. singulorum, de ijs modis loquitur, quibus res singulorum fiunt. Relinquitur ergo & hoc loco, Iustinianum, & Caium in d. l. 5. de ijs tantum rebus disputare, quæ excursionibus diripiuntur, quæ quibusq; militibus relinquuntur. Atq; hoc modo Celsi locus intelligendus est in l. transugam, §. 1. de acq. rer. Transugam iure belli recipimus, & quæ res hostiles apud nos sunt, non publicæ, sed occupantium fiunt. Huc aut illud pertinet quod de Alexandro uictore Plutarchus scribit: Εὐθὺς ἔν ἀποδοῦναι τοὺς τὰ ὅπλα, πρὸς τὸ λῆσθαι ἐξ αὐτῶν ἀνὰ τοὺς ποταμούς, καὶ ἀπὸ τοῦ μάλιστα ἰσχυρὰ τῷ διαρείν λῆσθαι τοὺς ἱππάρχους, καὶ τὸ διακρίνειν; ἀλλὰ τῷ ἀλλεῖν ἑαυτῶν. τὰ γὰρ τὸ ὑπὸ μένων εἶναι τοὺς διὰ τοῦ ποταμοῦ σὺν αὐτοῖς ἑστῶτας.

VT ET LIBERI HOMINES IN SERVITUTEM.) Sequitur II. Liber homo eius à quo bello captus est, servus efficitur.

PRISTINVM STATVM RECIPIVNT.) Sequitur III. Captivus ad suos reuersus, statim pristinum recipit: hoc est, si ingenuus erat, nō libertinus fit, quasi seruitute liberatus: sed captiuitatis extincta deletaq; memoria, ingenuitatis iure fruitur.

Quæ in



i 3



EAM TVAM PERMANERE.) Sequitur III. Pars agri fluminis impetu detracta, & alteri adiecta, domini non mutat. d. l. adeo. 7. §. 2. de acq. rer. dom. Ratio ea est, quam superius diximus: quia hæc non comminuitur, nec diluitur: eoq; non interit, sed idem individuum manet. præterea, quemadmodum ex Cassio docuimus, non possessoris negligentia, sed tempestatis uolentia id contingit.

VIDENTVR VICINI FVNDI ACQVISITAE ESSE.) Sequitur II. Arbores translate partis, si in alterum agrum radices egerint, eius agri domini propriæ efficiuntur. d. l. adeo. §. 2. & l. hoc amplius. 9. §. Alfenus. D. de dam. inf. Nec arbor, inquit, potest uindicari à te, quæ translata in agrum meum, cum terra mea coaluit. Item Paulus l. sed si meis. 26. §. 2. D. de acq. rer. dom. Arbor radicitus eruta, & in alio posita, priusquam coalescat, prioris domini est: ubi coaluit, agro cedit. Ratio sumi potest ex eo quod infra §. si Titius. Iustinianus ait, non potest alterius arbor, alterius radix esse. nam (ut Paulus d. l. sed si meis, significat) arbor alio terræ alimento alia fit, nec eadem permanet. Sed obijciatur Vlpianus in l. 5. §. 3. de rei vind. De arbore, inquit, quæ in alienum agrum translata, coaluit, & radices immisit, Varus & Nerua utilem in rem actionem dabant. nam si nondum coaluit, mea esse non desinet. Ex quibus aperte intelligitur, quamuis alia fuerit Alfeni, alia Vari & Nerue sententia, omnes tamen in eo consensisse, quod amplius prioris domini non esset, utrum utilem illos actionem dedisse, quod Alfenus multo ante nullam concessisset. Vera autem uerior opinio fuerit, non difficile est iudicare, si positum hoc esset, quod superius ex Paulo tradidimus, aliam arborem ex alio alimento fieri. Hic locus postulat, ut quæramus, an etiam pars agri translata, postquam arbores radices egerint, eamq; quasi in bali clauo affixerint, una cum arboribus nouo domino acquiratur. Nam in Florentinis libris Caius hoc perspicue affirmat eamq; sententiam optimis Accursius amplexus est. Nihil tamen longe uidetur secus primū, quia si arbores essent nullæ, ex istis disputationibus apparet, dubium non esse, quin ueteris domini maneret. At ridiculum est, causam istius rei in arboribus ponere, ut quæ uidet. Præterea cum tanta inter ueteres iurisconsultos de arboribus ipsius dubitatio fuerit, quis non uidet, pro certo atq; explorato illud inter eos habitum fuisse, terram ueteris domini manere: arbores uero item ut quæ in consinio posite sunt, aut uicini aut communes effici. §. si Titius. infra eod. Hic accedit summa librorum aliorum consensus, qui VIDENTVR ACQVISITAE plurali numero scriptum habent.

*Insula in mari nata primi occupantis est. in flumine uero, siquidem in medio, communis eorum est qui utriusq; prædia possident: sin citra, propinquiorum tantum. l. viij. §. iij. de acq. dom.*

XVI. Insula, quæ in mari nata est (quod raro accidit) occupantis sit. nullius enim esse creditur. At in flumine nata (quod frequenter accidit) si quidem mediam partem fluminis tenet, communis est eorum qui ab utraq; parte fluminis prope ripam prædia possident: pro modo latitudinis cuiusq; fundi, quæ latitudo prope ripam sit. Quod si alteri parti proximior sit, eorū est tantum qui ab ea parte prope ripam prædia possident.

INSULA QVAB IN MARI NATA EST.) Enunciatio I. Insula in mari nata, & primi occupantis. l. adeo. 7. §. 3. D. de acq. rer. dom. Cum enim nullus sit, eiusdem iuris est, cum uacua terra, quæ cum à primis reperiuntur occupate sunt. Insulae autem in mari fieri ex terræ motibus, Plinius lib. 2. cap. 85. testatur: cum idem ille spiritus terram mouens, attollendo potens solo, non ualuit erumpere. Nascuntur, enim, inquit, recessu maris: ut Circæ.

QVOD FREQUENTER ACCIDIT.) Plinius eodem loco tradit fluminū inuicem id fieri: sicut Echinas tradunt, concretam & frangentem acerbis putrescentibus, quod è campo Martio in Tiberim effusam fuerat. Atq; hæc quidem de insulis, quæ in ipso fluminis alveo nascuntur. Pomponius autem in l. ergo. 30. §. 1. D. de acq. rer. dom. fieri in fluminis alveo ait etiam hoc modo, cum locus aliquis aluei sicus relinquatur.

COMMVNIS EST EORVM QVI AB VTRAQVE.) Sequitur II. Insula in medio flumine nata, communis est eorum quorum utriusq; finitima sunt prædia, pro cuiusq; agri fronte ac modo. d. l. adeo. 7. §. insula. & l. inter eos. 29. D. de acq. rer. dom. Causse consuetudo hæc ponatur: Insulam in flumine natam finitimi possessoris occupant. Contendit aliquis, eam esse publicam. Intentio: Hæc insula nostra est, utpote à nobis primū occupata. D. ino publica. Q. Vtrius iuris sit, priuati an publici? R. Cuius iuris est causa efficiens, eius est effectus: ut paulo ante dicebamus ex l. 3. de rei vind. & l. ult. de acq. rer. dom. Cum igitur hanc insulam siue alienus profuderit, siue flumen coarctauerit, quoniam utriusq; publicum est, sit etiam insula publica. F. At non si maris alienus communis est, iccirco nata in mari insula communis est: sed cuiusvis occupantis, ut modò dicebamus, quare idem iuris in fluminis insula constituitur. D. An. ut insula in mari nata primi est occupantis, sic etiam in flumine? Iustinianus respondet, esse. Sed quoniam probabile est eos primos occupatores fore, qui utriusq; finitima prædia possident, iccirco ipsi tantum attribui. Cuius rei hæc quoq; causa est, & maxima fortassis, quod quantum loci insula occupat, tantundem flumen in agris finitimis decerpit. Quare quoniam equitas postulat, ut cuius rei damnum ad aliquem spectat, eiusdem emolumentum ad eodem pertineat: iustum est eius damni quod insula inferebat, compensationem ab eadem præstandam esse. Quod uero nonnulli putant hæc eo statui, quia pars aluei media certū sit qui finitima prædia possident, falsum est: quia nec ripa, nec alienus cuiusquam propria sunt, ut superius docuimus. quod si essent pæ in flumen sine publico incommo modo iactæ, illorum essent, non eorum qui iecissent.

ALTERI PARTI PROXIMIOR SIT.) Sequitur III. Insula citra medium flumen nata eorum est tantum, quorum proximiora sunt prædia. dicta l. adeo. §. insula. Huius autem rei duplex causa est. prior, quia his solis detrimento est: horum enim in agros solos fluminis cursus depellitur. deinde, quia uersimile est hos priores eam occupatores esse. Et quod dicit ALTERI PARTI, subaudiatur oræ fluminis: aqua enim fluminis metiunda est, non alienus, quia propter ripe latitudinem fieri potest, ut qui ab hac fluminis parte fundos possident, longius ab insula distent, quam qui ab alia. Hæc autem loco argutia quædam Pauli prætercunda non est, quam ad Labeonis uerisimilia quasi notam attexuit. Labeo: Si qua insula in flumine



A. flumine publico proxima tuo fundo nata est, ea tua est. Paulus: Videamus ne hoc falsum sit de ea insula quæ non ipsi alueo fluminis coheret, sed uirgultis, aut alia qualibet leui materia ita sustinetur in flumine, ut solum eius non tangat, atq; ipsa mouetur. hæc enim propemodum publica, atq; ipsius fluminis est insula. l. pen. de acq. rer. dom.

Flumen agrum alicuius circumluens, insulam eius efficit. alueum autem immutans, pristinum finitimus addicit: nouum ita publicum efficit, ut ad pristinum reuersus, illum consimilibus addicat: inundatio uero nihil immutat. d. l. vij. §. iij.

XVII. Quod si aliqua parte diuisum sit flumen, deinde infra unitum, agrum alicuius in formam insulæ redegerit: eiusdem permanet is ager, cuius & fuerat. Quod si naturali alueo in uniuersum derelicto, alia parte fluere coeperit: prior quidem alueus eorum est qui prope ripam prædia possident: pro modo scilicet latitudinis cuiusque agri, quæ latitudo prope ripam sit. nouus autem alueus eius iuris esse incipit, cuius & ipsum flumen, id est publicus. Quod si post aliquod tempus ad priorem alueum reuersum fuerit flumen: rursus nouus alueus eorum esse incipit, qui prope ripam eius prædia possident. Alia sanè causa est, si cuius ager totus inundatus fuerit: neq; enim inundatio fundi speciem commutat. & ob id, si recesserit aqua, palàm est eum fundum eius manere, cuius & fuit.

B. QVOD SI ALIQUA PARTE.) Etsi de insula hæc etiam pars loquatur, ac propterea superiori §. ascribi antea solebat: tamen quia de motu & impetu fluminis hæc dicendi initium sumitur, & uerbum FLUMEN postea non iteratur, in alio huius initium §. hinc exordiri.

IN FORMAM INSVLÆ REDEGERIT.) Enunc. I. Circumluo agri amplexi ac cincti dominium non mutat. d. l. adco. §. quod si. de acq. dom. Videtur autem iccirco esse publica, quia mutata forma res interit, nonaq; alia existit: ut ibidem Causa affi. mar. Sed ut maxime communem ac primi occupantis esse fateamur, tamen consensaneum est credere, eum primum occupatorem fore, cuius erat antea: præterea hæc noua species agri ex eius materia confecta erat.

IN FORMAM INSVLÆ.) Quod Tibrenum in Arpinati Cicconis fecisse, ipse lib. de Leg. 2. scribit: Sed uentum in insulam est, inquit Atticus. hæc uero nihil est amari: ut enim hoc quasi nostro funditur Tibrenum, & diuisum æqualiter in duas partes laura hæc alluit, rapideq; dilapsus, citò in unum confluat, & tantum completur, quod satis sit modica palæstra, loci, &c.

PRIOR QUIDEM ALUEVS EORVM EST.) Sequitur II. Alueus à flumine relictus, eorum quorum proxima sunt prædia, proprius est. d. l. adco. §. 4. & l. i. §. 4. D. de fluminibus. Causæ constitutio: Cum alueum flumen mutasset, uicini ultra citroq; eum occuparunt. aliquis eum publicum esse contendit. Intentio: Hic locus aridus noster est, qui a pe primi occupantis. D. Imò publicus. Q. Virius iuris sit. R. Cuius quidq; iuris est, id, nisi quid aliud factum sit, eiusdem iuris manet. quare cum publicus esset antea, nec quicquam factum sit à Repub. quo priuatus fieret, quo iure uelut dici potest? F. At iccirco erat publicus, quia flumine publico tegebatur: sublata igitur causa, effectum tolli necesse sit. D. An alueus iccirco sit publicus, quia flumine publico illatur, ac propterea sublato flumine publicus non sit. Iustinianus respondet: ideo publicum fuisse: quod uel ex contrario intelligi potest, quia quem alueum in agro priuato suum iam constituit, eum publicum efficit. Flumina enim Censitorum uice funguntur, inquit Pomponius: ut ex priuato in publicum adducant, & ex publico in priuatum. l. ergo. 10. §. 3. D. de acq. rer. dom. Neq; Celsus adolescenti assentiri possum, qui in l. ergo. 30. §. 1. D. eod. alueum ex arce seuic flumine exsiccatum ideo consinium esse ait, quia populus amplius eo non utatur: quasi uero usus tantum publicus esset, proprietatis uero uicinorum: quod uideo doctissimo cuiq; hoc nostro tempore placuisse. Sed quæro, si usu tantum alueus est publicus, proprietatis uicinorum, cur flumine ex alueus agro (in quo suum alueum constituerat) discedente, proprietatis non ad antiquum dominum reuertatur, sed uicinis attribuitur?

EIVS IVRIS ESSE INCIPIT.) Sequitur III. Alueus nuper à flumine occupatus, publicus efficitur. d. l. ergo. de acq. rer. dom. nimirum, quia ille ager qui fuerat, desit esse, amissa propria forma, dicta l. 7. §. 4. Forma autem mutata est, quia locus est excauatus. Huc perueni l. prima. §. 4. D. de fluminibus.

AD PRIOREM ALUEVM REVERSVM FVERIT.) Sequitur IIII. Flumen alueum à se occupatum relinquens, eum finitimi agri dominis adjudicat. d. l. 7. §. 4. Causæ constitutio hæc esto: Cum à meo fundo flumen recessisset, finitimi possessores eum inuadunt: quemadmodum eos fecisse uiderant, qui alui ueteris confines erant. Intentio mea est: Hic fundus meus est, quam semper antea meus fuerit, nec res mea sine facto meo uelut fieri possit. D. Imò nostra. Q. Virius sit. R. Quia ille ager qui fuerat, mutata forma desit esse: itaq; publicus erat factus, iam igitur cum nec tuus sit ob hanc causam, nec ullius, cum flumen recesserit: iccirco noster est, qui cum primi occupauimus. F. At forma mutata non est, cum aut diu occupatus non fuerit, aut non magnopere excauatus, sed quasi inundatione repletus. D. Virum ager pro alueo à flumine ne occupatus, post fluminis discessionem idem maneat, quasi inundatus tantum fuisse, an uero speciem ac formam mutet. Iustinianus respondet, non eundem mansisse, ac proinde ad pristinum dominum non reueri, sed consimilibus possessoribus acquiri. Causa autem in d. l. adco. idem quoque sibi uideri tradit, si quidem in summum strictamq; rationem spectemus: sed, inquit, uix est ut id obtineat. Pomponius autem in d. l. ergo. §. 3. & Alfenus in l. Atticus. 30. distinguendum affirmant. nam si sensim flumen recesserit, consinium esse aiunt: sin uno impetu, ueteri domino relinquendum. Quorum opinionis hæc meo iudicio ratio est, quod quemadmodum lenta detractio & arrosio alluuiosis, fundi speciem extinguit: eodem modo lenta discessio fluminis, quasi conuersæ & contrariæ alluuiosis, illud agri corpus nouum efficit. Quæ tamen de re caute & perdoctum pronuntiandum uidetur. Pomponius enim de accessione non laborat,



utrum ea lenta, an subita ac repentina fuerit: decessionem uero subitam esse uult. atq; hanc sententiam interpunctio Florentini libri nobis edit, hoc modo: Siue paulatim occupatus est, siue non paulatim: sed eodem impetu recessu fluminis restitutus, ad pristinum dominum pertinet. Quod si hoc modo interpungeretur: Siue non paulatim, sed eodem impetu, ut uno spiritu hæc legerentur, tum indefinite Paulus respondisse uideretur, utroq; modo decessio facta esset, semper ad ueterem dominum pertinere, quin potius, cum de alluione disputatio proposita sit, quæ lentitudinem ac tarditatem significat: statuere prorsus uideatur, decessionem lentam esse oportere. Alfenus autem in d.l. 38. causam constituit eam, in qua tum accessio, tum decessio lenta fuerat. Quid igitur hic statui iuris potest? Meo quidem iudicio uel accessionem uel decessionem lentam fuisse oportet: aut certe ita longo tempore agrum occupatum fuisse, ut tantum excauatus sit, quantum ad fluminis receptaculum necesse est. Primum, quia utrauis lenta rem ueterem extinguit: ut paulo ante dictum est. repentina autem accessio, cui decessio similis est, inundatio planè nominari debet, nisi forma fundi mutata & excauata sit. Idq; illos sensisse, & locum aliter quam Florentia sit, interpungendum esse, ratio considerata demonstrat.

TOTVS AGER INUNDATVS FVERIT.) Sequitur V. Inundatio agri, ius dominiumq; non mutat. d. l. 7. §. 4. Iustinianus autem rationem subiungit acutissimam, quoniam inundatio fundi speciem non mutat: hoc est, indiuiduum, & speciem infamam. quid ita? an quod publicum, qui priuatus erat, non efficit? at qui potest priuatus manere, cuius usus nullus est? aut cur locus pro alueo à flumine occupatus, publicus potius quam qui inundatus est, dicetur? Sed respondetur, duabus de causis fundi speciem non mutari: primum, quia quemadmodum repentina fuerat inundatio, sic repentina fuit recessio, nec alluione res comminuta & dissoluta est: deinde, quia fundus ille excauatus atq; in formam aliam reductus non est.

*Species ex aliena re confecta, si ad pristinam formam reduci possit, eius est cuius res erat: sin minus, aut si ex utriusq; materia confecta est, eius qui effecit. l. vii. §. v. eodem.*

XVIII. Cum ex aliena materia species aliqua facta sit ab aliquo, quæri solet, quis eorum naturali ratione dominus sit: utrum is qui fecerit, an potius ille qui materię dominus fuerit. ut ecce, si quis ex alienis uuis, aut oliuis, aut spicis, uinum, aut oleum, aut frumentum fecerit: aut ex alieno auro, uel argento, uel ære uas aliquod fecerit: uel ex alieno uino & melle mulsum miscuerit: uel ex medicamentis alienis emplastrum, aut collyrium composuerit: uel ex aliena lana uestimentum fecerit: uel ex alienis tabulis nauem, uel armarium, uel subsellium fabricauerit. Et post multas Sabinianorum & Proculianorum ambiguitates, placuit media sententia existimantium, si ea species ad priorem & rudem materiam reduci possit, eum uideri dominum esse, qui materię dominus fuerit: si non possit reduci, eum potius intelligi dominum, qui fecerit. ut ecce, uas conflatum potest ad rudem massam æris, uel argenti, uel auri reduci: uinum autem, uel oleum, aut frumentum, ad uuas, uel oliuas, uel spicas reuerti non potest: ac ne mulsum quidem ad uinum & mel resolui potest. Quod si partim ex sua materia, partim ex aliena speciem aliquam fecerit quis, ueluti ex suo uino & alieno melle mulsum miscuerit, aut ex suis & alienis medicamentis emplastrum aut collyrium, aut ex sua lana & aliena uestimentum fecerit: dubitandum non est, hoc casu eum esse dominum qui fecerit: cum non solum operam suam dederit, sed & partem eiusdem materię præstiterit.

NATURALI RATIONE DOMINVS SIT.) Enunc. I. Non si quis materię dominus sit, continuò species ex ea confecta est dominus. Aliud est enim materia, aliud species. l. si conuenerit. re. in fin. D. de pignorat. act. ubi Paulus ait: Si quis cauerit, ut solia sibi pignori esset, nauem ex ea materia factam non esse pignoris: quia aliud sit materia, aliud nauis.

SABINIANORVM ET PROCULIANORVM.) De quibus omnibus in Commentario uerborum iuris explicatum abundè est. Sabiniani autem causam sine qua non urgebant, Proculiani causam efficientem: ut Caius d.l. 7. §. 5. testatur: Nerua & Proculus, inquit, putant hunc dominum esse qui fecerit: quia quod factum est, antea nullius fuerat. Sabinus & Cassius magis naturalem rationem efficere putant: ut qui materię dominus fuerit, idem eius quoq; quod ex eadem materia factum sit, dominus esset: quia sine materia nulla species effici posset. Quibus ex uerbis apparet, Minicium & Iulianum in l. Minicius. 61. D. de rei uind. Sabinianos fuisse, ut ualde ridiculi sint ij, qui uel Paulum cum illis conciliare nituntur: uel Minicium à Iauoleno reprehendi disputant. non enim notat, ut coarguat, sed ut rationem adscribat: nimirum eius esse nauem, cuius est carina, quæ nauis pars est præcipua. eius autem esse, cuius ex tabulis facta est, Minicius ostenderat. uerum hac tota de re latius in Observationibus.

SI EA SPECIES AD PRIOREM ET RYDEM.) Sequitur II. Materia in speciem reducta, si ad naturam suam reuocari possit, extincta non uidetur. l. quasitum est. 78. §. 4. de legat. tertio. ubi Paulus ait: Ea quæ talis natura sunt, ut sepius in sua redigi possint initia, ea materię potentia nata nunquam uires eius effugiant. eoq; argenti appellatione etiam argentum factum comprehendit: marmore uero legato, nihil præter rudem materiam demonstratum uideri. Obseruandum est autem hoc loco diligenter, unamquamq; rem id quod est ex forma nominari. quod ex causæ constitutione facile intelligitur. Praxiteles ex ære uel marmore meo statuam Mercurij fecerat. Mea intentio hæc est: Hæc statua mea est, quippe ex mea materia confecta. D. Imò mea. Q. Vtrius sit. R. Non enim si ex ære marmorele tuo est, ideo tua est: aliud est enim æs aut marmor, aliud Mercurij statua. F. At non alter potest æris esse dominus, alter statuæ. Separari enim à forma materia non potest: cum autem materia mea sit, nec sine meo facto tua fieri potuerit, mea quoq; statua sit necesse est. D. An qui materię dominus est, idem speciei ex ea confecta sit dominus. Respondetur, distinctione utendum esse. Aut exim statuam ad pristinam materiam reduci posse, ueluti si ex ære uel argento facta est: uel non posse, quippe ex marmore uel saxo factam. si non possit, fore statuarij: si possit, materię domini. Cuius rei ratio hæc uidetur esse: quia si reduci possit, materia separari posse



**A** posse à forma uideretur quodammodo : uel (quod planius est) prior species interijisse non uidetur : si minus uidetur. ueluti : Habebam ornamentum quoddam aureum quadrata figura, tu ex eo aliud rotundæ figuræ fecisti : quia sine ullo intetimento reuocari hæc potest ad quadratam, Iuriconsulti statuunt pristinam speciem quadratam non interijisse : atq; iccirco me dominum istius rotundi fore, quasi materia rotundi separari à forma possit. nec tam istius circuli dominus essem, quam auri, atq; adeo aurei quadrati : qui enim rotundum haberet, ut discum argenteum, eum uis quadratum si minus figura, at re ipsa, & ut nostri loquuntur, *quod dicitur*, habere. At si nauem ex meis tabulis aut trabibus fecisti, quibus ego domum edificare cogitabam, quoniam ita eas parasti ut mihi iam usui esse non possint, iccirco pristina species interijisse dicitur, quam ad suam materiam reuocari species facta nequeat. Quæ quidem disputatio Pauli tota est in l. in omnibus. 24. & 25. D. de acqu. rer. dom. Sed Fr. Connanus hæc ita repudiat, quasi ratio eorum à Iuriconsultis nulla redderetur : magistris igitur uti se ait uel le, non tyrannis. Cum autem ex eorum responsis caussa, quam illi in respondendo secuti sunt, perspicue appareat, etsi commodius fecissent, si planius suam rationem exposuissent, eos tamen non pro dominis aut Pythagoreis magistris habendos putato : quin potius nostrarum esse partium, quid illi spectarint, considerare. Quod autem idem hanc respuit Iuriconsultorum disputationem, nimirum priorem speciem altera facta interijisse : Quid enim, inquit, aliud est nauis quam conglutinata tabula : aut quid aliud uestimentum præter lanæ intertextus : indignum homine acuto & erudito uidetur. nam etsi nauis ex tabulis constet, aut uestimentum ex lanis, aliud tamen nauis est, aliud tabula : aliud uestis, aliud lana. & quemadmodum ait Paulus : Cupressus qua nauis facta est, non manet cupressus, sicuti nec lana uestimento facto : sed cupressum aut lancum corpus factum est. Veruntamen satius est rem omnem uno uerbo conficere. Ex muliebri Dianæ statua iuber uirilem fecit Hercules. loquatur hoc modo Connanus : Quid aliud est Hercules statua, quam illa Dianæ : non audietur. Hoc igitur errorem obieciisse homini doctissimo uidetur, quod materiam semper ut rudem & horridam ac naturalem spectabat : ueluti saxum in statua, lanam in ueste, lac in butyro, olium in oleo, argentum in scypho. quum hoc materie uerbo Iuriconsulti speciem ipsius, materia cuiusmodi fuit, complectantur : siue naturalis, siue artificiosa illa fuerit. Ex quibus perspicue est, contra illius in hac nostra controuersia disputare sententiam. statuit enim considerandum esse in statua Praxitelis, utra potior ac præstantior sit, forma an materia : ut quod excellit, tanquam maius ac potentius totius sibi rei dominium uindictet. Primum enim ista sententia nihil ad eam statuum aut speciem pertinet, in qua par erit utriusq; ratio : hoc est, si non plurius esset manu precium, quam materia : quod sepe usiuenit, nisi forte dicamus eum responsurum, hoc casu fuisse rem utriusq; communem esse. Deinde, hæc de rudibus materijs dicuntur tantum, ut paulo ante docui : in rebus autem ac speciebus iam factis, quibus noua forma imponitur, locum non habent. quid enim si ex meo scypho pateram fecisti, aut ex meo monili torquem : nam hic facile est, ut materia plurius sit : formam autem quæ fuit antea scyphi aut monilis, malim, quam patere aut torquis : Quinetiam ex rudi materia sumi exemplum potest. facile est enim ut materiam rudem malim, quam conformatam : ueluti si ex meo serico militares caligæ dissecuisti, & confecisti : pluriusq; sit materia, quam forma : mihi tamen caligæ inuiles erunt, cum sericum esset opportunissimum. Hic ex Connani sententia mihi caligæ dabuntur, quoniam plus in materia, quam in forma est. Verior est igitur Iuriconsultorum disputatio, qui rerum naturam spectant : quæ commutatis speciebus intereunt. Itaq; neq; Adonidis, neq; Atacis sanguis est, postquam hyacinthus effloruit : nec Dianæ statua, postquam in Mercurij signum efformata est. quod Ulpianus in l. mulieris. 13. D. de uerb. signific. planissime declarat. Res, inquit, abesse uidentur etiam hæc, quarum corpus manet, forma mutata est. & ideo si corruptæ redditæ sint, uel transfiguratæ, uideri abesse : quamuis plerumq; plus est in manus præcio, quam in re. Sic enim legendum esse, in Observationibus exposui. Hinc Ulpianus l. quid tamen. 10. §. 3. D. quib. mod. ususq; amitt. Si massa, inquit, ususfructus legatur, & ex ea uasa sint facta, uel contra, interii ususfructus. proinde & ornamentum dissolutum aut transfiguratum extinguit ususfructum. Itaq; si ex marmore meo signum fecerit pulcherrimum uel ipse Praxiteles, aut Phidias, mihi tamen mea res abesse uidebitur : quamuis ars plurius sit, quam materia. quapropter : quia species illa mei marmoris extincta est. quod tunc facilius intelligetur, si ex muliebri uirilem statuam factam ponamus. At si species pristina reuocari posset, & tanquam Pelas recoqui, tum etsi quoad figuram & formam res absit, ui tamen ipsa inesse uidetur : ut qui pateram habeat non diminutam, scyphum in ea suum antiquum ui ipsa habere uideatur. Quæ si diligenter attendemus, eo ualere perspicentur, ut ijs quoq; hæc Iuriconsultorum disputatio satisfaciatur, qui utra res potior sit, spectandum putant. Etenim satis constat, uel ex Aristotele lib. de Nat. 2. unamquamq; rem id quod est ex sua forma aestimari ac nominari : ueluti annulus aureus quamuis exigua arte expolitus, non tamen aurum, sed annulus propriè appellatur. quod si planius exponendum est, tum aurum ad Substantiæ categoriam, annulum ad Qualitatis referendum dicemus. Cum autem res ex potiore sui parte nominentur, ut Cicero duobus locis tradit : & aurea hæc species annulus nominetur : plus sit apud eum qui fecit necesse est, quam apud eum qui auri erat dominus. Falsa igitur Connani sententia est, qui ad dominum materie pertinere annulum putabat. Verior autem Proculi uideri poterat opinio, qui eum formæ siue qualitatis domino ad dicebat, quippe cuius pars sit potior. Et profecto ita est, ut Iuriconsulti diligenter inita subductaq; ratione, tandem in eam communiter sententiam ierint, ut speciem pristinam quæ sic extincta reuocari prorsus non posset, funditus interijisse statuerint : ideoq; nouam speciem artificis esse propriam : quippe ex cuius forma res tum æstimeretur, tum appellaretur. At quæ reuocari posset, quasi adhuc ui ipsa præstaret ac permaneret, nec unquam sublata esset, eam non interijisse, ideoq; dominum non mutasse. Reuera enim qui annulum habet, non modo suum aurum habet, uerum etiam si quadratum antea fuisset, quia potest ad illam figuram redigi, potestate ac ui quadratum habere quodammodo uidetur. Quid igitur Connanium in errore adduxerit, facile intellectu est. Nam in hisce rebus quantitatem considerandam putat, cum qualitas sola spectanda sit : ut aperte tradit Paulus l. sed si meis. 26. D. de acqu. rer. dom. quippe cum species, de quibus agimus, sub hac categoria contineantur. Si tamen liberè sententiam cuius suam aperire fas est, haud scio an non paulo uerius iudicari hæc possint ab eo qui rerum genera sic distinguet, ut alius dicat in suo genere, alius in sua specie functionem recipere : hoc est, censeri potius quantitate, quam corpore. Cum enim satis constet, earum rerum non spectari corpora, sed genus & quantitatem, si ex auro, argento, ære, alioque metallo tuo speciem fecerim, dum tibi aliud æque bonum reddo, aliudne tibi reddere uideor, an potius illud ipsum : uel si ex uino ac melle tuo mulsum, aut ex simplicibus medicamentum, aut ex odoribus unguentum, aut ex frumento panem : cum aliud tibi eiusdem generis ac bonitatis reddam : Iuriconsulti omnes affirmant,



me non aliud, sed illud ipsum reddere uideri. Videamus ergo, ecquid ista tota controuersia uerius hoc modo dijudicaretur, **A**  
ut species facta ex rebus quae suo genere censentur: quia dum aliae redduntur, eadem res reddi uidentur, esse etiam essent: facta uero ex alijs, ideo eiusdem essent, quia materia suo domino perijt, absitque, eoque uindicare eam non possit.

FRUMENTVM AD SPICAS REVERTI NON POTEST.) Mibi tamen idem de frumento uis  
detur, quod Caio & alijs, quos ipse significat in d.l. 7. §. 5. alienis spicis excussum frumentum eius esse, cuius & spicae fuerunt:  
non enim qui frumentum excussit, nouam speciem fecit, sed eam quae legebatur, detexit. Tribonianus autem hoc, festinans scire  
licet, praetermisit.

DVBITANDVM NON EST.) Ita tamen, si reuocari materia ad suam pristinam naturam non possint: quod  
in omnibus exemplis quae modo proferuntur, apparet. At si possent, idem iuris esse arbitror, quod in controuersia superiori.  
Itaq; si ex aere tuo & argento meo speciem feceris, neq; tua neq; communis erit: ab artificibus enim materia separari possunt.  
lares, 12. D. eod.

*Aliena purpura uesti cui intexta est, quamuis uiliori, cedit: at fur, quam-  
uis alius intexuerit, furti actione & condictiōe tenebitur.*

*l. vii. D. ad exhib.*

**XIX.** Si tamen alienam purpuram uestimento suo quis intexuerit, licet preciosior sit purpura, tamen accessionis uice cedit uestimento: & qui dominus fuerat purpurae, aduersus eum qui subripuit, habet furti actionem & condictiōem: siue ipse sit qui uestimentum fecit, siue alius. **B**  
nam extinctae res, licet uendicari non possint, condici tamen a furibus, & quibusq; alijs possessio-  
ribus possunt.

ACCESSIONIS VICE CEDIT VESTIMENTO.) Enunc. I. Purpura uesti intertexta, quamuis  
preciosior sit, accessionis tamen locum obtinet. l. tigni. 7. D. ad exhib. Causae constitutio: Sempronius ex lana mea purpura  
preciosa oram suae uestis multo uilioris ornauit. Mea intentio: Haec purpura mea est, quippe quae sine meo facto alterius fieri  
non potuit. D. Imò mea. Q. Virius sit? R. Eiusdem pars uel accessio est, cuius est uel totum uel principale. l. sed si meis. 26. D.  
de acq. rer. dom. & l. cum aurum. 19. §. perueniamus. D. de aur. uel arg. leg. Semper, inquit, cum quatinus quid cui cedat, il-  
lud spectamus, quid cui rei ornandae adhibeatur. itaq; gemmam annulo uiliori cedere confirmant. F. At ex potiore sui parte  
res aestimantur: quod enim excellit, id tanquam maius ac potentius, reliquum suo sibi iure uindicat. purpura autem multo ma-  
ioris precij est: quare uestis ei, tanquam infirmior potentiori, cedat. D. An res quae accessionis locum obtinet, si principali pre-  
ciosior sit, ei tamen tanquam pars toti cedat. Respondetur, cedere: idq; duabus de causis. primum, quia in hisce rebus non  
precium, sed species consideratur: hoc est, non quantitas, sed qualitas. d. l. sed si meis. ubi Paulus ait: Quibus in rebus propria  
qualitas spectatur, si quid additum erit, toti cedit: ut statue pes aut manus, scypho fundus aut ansa, lecto fulcrum, naui tabu-  
la, edificio camentum: tota enim eius sunt, cuius ante fuerunt. haec ille. Secundo, quia res illa ex qua pars alterius rei facta est,  
ueluti purpura uestis, tabula naui, pro consumpta & extincta numeratur. ut aperte Iustinianus hoc ipso §. declarat: cui con-  
sentit Ulpianus in l. tigni. 7. D. ad exhib. Quare cum purpura interierit, dominium eius amissum sit necesse est.

ACCESSIONIS VICE CEDIT.) Sequitur II. Accessio principali quamuis preciosior cedit. l. in rem actio.  
23. §. 2. & 4. D. de rei vind. & l. cum aurum. 19. de aur. arg. Itaq; non modo purpura, ut hic: sed etiam gemma in annulo, &  
brachium aureum in aera statua, & sigillum in candelabro, eius est qui totius principalisq; est dominus: ut facile appareat  
apud Pompon. in l. quicquid. 27. de acq. rer. dom. non IN FACTO disiectum, ut in Florentinis codicibus, sed IN-  
FACTO coniunctum, ut in alijs omnibus, legendum esse. Quicquid infecto argento alieni argenti addideris, non esse tuum **C**  
totum argentum fatendum est. Optime. Infectum enim argentum in substantiae categoria est, quae sola itcirco spectabitur:  
factum uero, in illa qualitatis.

NAM EXTINGTAE RES.) Sequitur III. Res pro parte uel accessione speciei cuiusdam adhibita, si ad natu-  
ram suam reuocari nequeant, pro extinctis numerantur. d. l. in rem actio. de rei vind. ubi Paulus ait, brachium ferruminatione  
statuae meae adiunctum, unitate maioris partis consumi. Itaq; siue rudis erat materia, ueluti lana purpurea, siue species aliqua,  
ueluti tabula in naui aut armario, pro consumptis numerantur.

VINDICARI NON POSSVNT.) Sequitur IIII. Extinctae res ne in furem quidem uindicari possunt.  
Eius enim quod interijt, dominium amissum sit necesse est. Quare cum uindicationis formula haec fuerit, Hanc rem ex iure  
Quiritium meam esse aio: non potest haec actio in rebus consumptis ac peremptis accommodari.

CONDICI TAMEN A FVRIBVS.) Sequitur V. Extinctae res omnibus male fid. possessoribus condici  
possunt. l. rerum. 25. D. rer. amot. l. cum procuratori. 14. D. de cond. caus. dat. l. si pignore. 22. §. 1. D. de pign. act.

*Duorum materiae siue diuersi, siue eiusdem generis sint: item siue fortuito, siue uoluntate ipso-  
rum commixtae, dummodo earum mutata substantia sit, utriusq; sunt communes:  
at si mutata non sit, nisi uoluntate dominorum commixtae sint,  
communes non sunt. in eum autem qui retinet, ar-  
bitraria in rem actio conceditur.*

*l. vii. §. 7. eod.*

**XX.** Si duorum materiae ex uoluntate dominorum confusae sint, totum id corpus quod ex  
confusione



**A** confusione fit, utriusq; commune est: ueluti si qui uina sua confuderint, aut massas argenti uel auri conflauerint. Sed & si diuersae materiae sint, & ob id propria species facta sit: fortè ex uino & melle mulsum, aut ex auro & argento electrum, idem iuris est. nam & eo casu communem esse speciem non dubitatur. Quòd si fortuito & non uoluntate dominorum confusae fuerint uel diuersae materiae, uel quae eiusdem generis sunt, idem iuris esse placuit. Quòd si frumentum Titij tuo frumento mistum fuerit, si quidem ex uoluntate uestra, commune erit: quia singula corpora, id est, singula grana, quae cuiusq; propria fuerunt, ex consensu uestro communicata sunt. Quòd si casu id mistum fuerit, uel Titius id miscuerit sine tua uoluntate, non uidetur commune esse: quia singula corpora in sua substantia durant. Sed nec magis istis casibus commune fit frumentum, quam grex intelligitur esse communis, si pecora Titij tuis pecoribus mista fuerint. Sed si ab alterutro uelutrum totum id frumentum retineatur: in rem quidem actio pro modo frumenti cuiusq; competit. arbitrio autem iudicis continetur, ut is aestimet, quale cuiusq; frumentum fuerit.

**SI DVORVM MATERIAE.)** Haecenus exposuit de commixtionibus ab alterutro dominorum factis: ut si ex aere meo & argento Titij candelabrum fecero, uel purpuram Titij uestimento meo intexero. Nunc de his explicat, quae uel ab utroq; domino, uel à neutro, sed fortuito sunt. ac de uoluntarijs quidem dubitari nullo modo potest. Mens enim utriusque domini eadem est, ut species effecta communis sit.

**VTRIVSQVE COMMUNE EST.)** Enunciatio I. Duorum materiae siue unius, siue duorum generum sint, si modò earum mutata substantia sit, utriusq; sunt communes. Iidem Pomponius. 5. D. de rei uindic. At si mutata substantia non esset, Pomponius in l. 3. in fi. eod. scribit: Si quid quòd eiusdem naturae est, ita confusum est atq; commixtum, ut deduci & separari non possit, non totum, sed pro parte esse uindicandum. ut puta meum & tuum argentum in massam redactum est: erit nobis commune. & unusquisq; pro rata ponderis quod in massa habemus, uindicabimus: etsi incertum sit, quantum quisque ponderis in massa habeat.

**FORTUITO, ET NON VOLUNTATE.)** Sequitur II. Materiae duorum fortuito commixtae, si modò mutata earum substantia sit, communes sunt. l. pen. D. pro socio. & l. arbor. 19. com. diuid. Causa consiliatio: Villici fortuito duorum uina miscuit, aut ex melle unius & uino alterius mulsum effecit. Is cuius minus preciosa res erat, ait hanc speciem communem esse. Intentio: Haec species communis utriusq; nostrum est. D. Imò mea solius. Q. Vtrius ius sit? R. Accessio enim principali cedit. l. cum aurum. 19. §. perueniamus. D. de aur. & arg. leg. Cum igitur meares praestantior tua fuerit, cecidat tua necesse est. paratus autem sum precium tui uini tibi persolvere: at non partem huius rei quae iam propter commixtionem plurius est, facere. F. At accessio tum demum principali cedit, cum opera & uoluntate domini ipsius principalis adhibita est. Itaq; quaecumq; superius hac de re dicta sunt, hoc modo intelliguntur: ueluti de eo qui alienam purpuram suo uestimento intexuerit, aut gemmam suo annulo, aut emblemata suo scypho. D. An accessio tum demum principali cedit, cum opera & uoluntate domini adhibita est. Respondetur, distinctionem esse adhibendam. nam si species ambae quibus haec noua facta est interierint, communis erit: sin minus, suam uterq; partem retinebit. ueluti uina confusa, item mel cum uino, medicamenta, odores: ex quibus mulsum, emplastrum, unguentum confectum est, consumpta & extincta sunt. At corpora deiuncta, quae partibus constant distantibus, ut familia, grex, frumentum aceruus, quamuis commixta sint, in sua tamen (ait Cuius) substantia durant: eorum quicq; in his partem retinet. Quòd ut paulò illustrius & copiosius explicetur, illud scire oportet, quod Pomponius tradit in l. rerum mixtura. 30. D. de usurp. & Paulus in rem actio. D. de rei uind. itemq; Plutarchus in praecip. conuub. Corporum aliud unitum esse, aliud concretum, aliud deiunctum: de quibus, in Verbis iuris explicauimus. Cum igitur corpus unitum est, si species interierint, id est, ad suam naturam reduci non possunt: ueluti uinum, mulsum, medicamentum, unguentum, purpurata uestis, communis est species. l. 3. §. Pomponius. D. de rei uind. de fortuita namq; commixtione loquimur non de ea quae ab alterutro facta est. ut l. 5. §. 1. eod. tit. & de hac commixtione intelligenda est l. pen. D. pro socio. & l. arbor. 19. D. com. diui. ueluti si duorum argentum aut aes conflatum fuerit. Sin extinctae non sint, & reuocari possint: ueluti in electro, uel aere cum argento mixto, non sunt communes, sed utriusq; propria. l. larus. 12. & l. quicquid. 27. in fi. D. de acq. rer. dom. Aes enim ab argento separari ab artificibus peritis potest. Quum autem corpus fortuito concretum est, si reuocari parates possunt: ut in annulo, monili, linea margaritarum, emblemata adiuncto: sua cuiusq; res manet. ut in l. gemma. 6. & seq. D. ad exhib. ubi de rota ad quadrigam, sigillo ad candelabrum, emblematis ad phialam adiectis, exempla traduntur. Sin extinctae sint, ut in naui, aedibus, armario: quoniam fortuito res mixtae sunt, communes erunt, pro cuiusq; portione. Cum autem corpus deiunctum est, quia nunquam species intereunt, ut in familia seruorum, & grege, & aceruo minutarum frugum, suae cuiusq; res manent. l. idem Pomponius. 5. D. de in rem uind.

**IDEM IURIS ESSE PLACUIT.)** Theophilus, & τὸ αὐτὸ γὰρ ἔστιν: quod falsum est. scripsisse tamen eum arbitror, & τὸ αὐτὸ γὰρ ἔστιν.

**IN REM QUIDEM ACTIO.)** Sequitur III. Aceruis tritici fortuito mixtis, aduersus eum qui retinet, arbitraria in rem actio conceditur. l. idem Pomponius. 5. D. de rei uind. ubi Pomponius ait: Si frumentum ducrum non uoluntate traria in rem actio conceditur. l. idem Pomponius. 5. D. de rei uind. ubi Pomponius ait: Si frumentum ducrum non uoluntate eorum confusum sit, competere singulis in rem actionem in id, in quantum apparet in illo aceruo suum cuiusq; esse. quòd si uoluntate eorum commixta sunt, tunc communicata uidebuntur. Quae cum ita sint, quaeri posset de hordeo Titij uel siligine, cum meo tritico fortuito commixta. Mihi autem, eadem ratio ius idem exquirere hoc casu uidetur.

Aedificij, quod quis in suo ex aliena materia aedificauit, ipse dominus est: materiae uero, idem qui fuerat. tamen si eam uindicare nisi ab aedificio deiunctam non possit: duplum tamen consequi poterit. l. viij. §. viij. de acq. rer. dom.

**XXI.** Cum in suo solo aliquis ex aliena materia domum aedificauerit, ipse dominus intelligitur aedificij:



ædificij: quia omne quod inædificatur, solo cedit. Nec tamen id eo is qui materiæ dominus fuerat, desinit dominus eius esse: sed tantisper neque uindicare eam potest, neque ad exhibendum de ea re agere, propter legem XII. Tab. quæ cauetur, ne quis tignum alienum ædibus suis iunctum eximere cogatur: sed duplum pro eo præstet, per actionem quæ uocatur de tigno iuncto. Appellatione autem tigni omnis materia significatur, ex qua ædificia fiunt. Quod id eo prouisum est, ne ædificia rescindi necesse sit. Quod si aliqua ex causa dirutum sit ædificium, poterit materiæ dominus, si non fuerit duplum iam consecutus, tunc eam uindicare, & ad exhibendum de ea re agere.

OMNE QVOD INÆDIFICATVR.) Enunc. I. Superficies solo cedit. l. qui domum. 50. ad leg. Aquil. l. qui res suis. 98. in fin. de solut. l. nunquam. de usucap. Ratio ex ijs quæ superius dicta sunt, intelligitur: quod nimirum accessio principali cedat, & pars toti. Area namque pars est ædium præcipua & maxima, inquit Iulianus d. l. qui res. de solut. Hinc Caius in l. 2. D. de superfic. scribit superficiariam ædium proprietatem & ciuili & naturali iure eius esse, cuius est solum.

NEC TAMEN IDEO IS DESINIT.) Sequitur II. Non si quis ex aliena materia in suo ædificauit, i.e. circò materiæ dominus est. aliud enim dominus est, aliud materia. l. cum qui. 23. D. de usurpat. l. 1. D. de tign. iuncto. l. in rem actio. 23. §. 5. & 6. D. de rei uind. l. gemma. 6. D. ad exhib. Ex quo intelligi debet, aliud iuris in nauis, aliud in ædibus esse constitutum. nam qui nauim ex alienis tabulis ædificauit, aut suæ nauis tabulam affixit, & nauis & tabularum dominus est: uti si perius explicauimus ex l. sed si meis. 26. D. de acq. rer. dom. & alijs locis innumcris. quod eodem modo de mensa, & armario, & scabellis dictum est. quomodo enim uel uindicare, uel ut exhiberentur peti possent, cum extincta sint? nam reuera tabula concisa & nauis affixa, non eadem est: purpura autem uesti intexta, consumpta est. At qui domum ex alienis tabulis construxit, ædium quidem dominus est: singularum rerum, nequaquam. Harum enim, inquit Vlpianus, dominus manet is qui semper fuerat. Quid ergo si species interierit: ueluti, si quadratus sit lapis, qui antea rudis fuerat: uel quadrata, rotundaue trabs, quæ formæ alterius fuerat, aut etiam ex arbore uiua excisa? Trabis ne ædibus infixæ dominus permanebit is, qui arboris antea fuserat? At arbor extincta est. Aut quid si è tigno tuo complures particule factæ sunt, eæque ad aedes meas accommodatæ? non enim mansisse in rerum natura tignum illud dici potest.

QVA CAUETVR NE QVIS TIGNVM.) Sequitur III. Tignum ædibus uineaue iunctum eximi lex XII. Tab. uetabat, duplumque pro eo dari iubeat. l. 1. D. de tign. iuncto. l. in rem actio. §. tignum. de rei uind. Festus lib. 18: Tignum non solum in ædificijs quo utuntur appellatur: sed etiam in uineis, ut est in XII. Tab. Tignum iunctum ædibus uineaue & concapu [ ] ne soluto. Locus quidem deprauatus est, sed legem de uinea & ædibus tantum locutam esse, ex Iurisconsultorum scriptis satis constat: quorum, ut opinor, nemo est qui hoc liquido statuatur, primum tigni appellatione materiam omnem ad ædificandum idoneam contineri: deinde, eum cuius res aliqua in ædibus extruendis adiecta est, ut later, trabs, cementum, lapis, dominum eius rei semper manere: tametsi tantisper dum ædibus adheret, uindicare eam aut ad exhibendum agere non possit. Ex quo perspicuum est, rationem differentie quam superius inter nauem uel lectum, uel armarium & aedes exposuimus: hinc à Iurisconsultis sumi, quia lex XII. id primum instituit. Quamobrem autem lex XII. contrarium ius in ædibus & in nauibus instituerit, nemo exponit. Nam si dirui ædificia aut uites non oportet, ne naues quidem: quibus loca præsertim maritima carere nullo modo possunt. Verum ut maxime diruatur, ac dissoluatur nauigium: tamen ea trabs quæ nouo, quodammodo conformata, fortasse etiam excauata est, dici ea quæ prius fuit non potest. Itaque bisariam occurrere huic legi poterit: primum, quia lapis quadratus, aut trabs dolata extincta est: non minus fere quam purpura, quam supra dictum est iecirco uindicare non posse, quia consumpta erat: ob eamque causam eius esse qui speciem hanc effecit, propterea quod reuocari ad pristina formam non possit. ut supra, §. cum ex aliena. Secundo, satis constat accessionem cedere principali. l. cum aurum. 19. de aur. & arg. & partem totam. l. sed si meis. 26. de acq. rer. dom. Itaque eo loco Paulus disertè ait, ut tabulam nauis, sic cementum ædificio cedere: cui perspicue consentit Vlpianus l. redemptores. 39. D. de rei uind. Hæc cum ita se habeant, cumque huiusce iuris rationem Fr. Connanus diligenter inuestigaret, tandem eo perductus est: ut quoniam Vlpianus tignum à tegendo deduceret, legem XII. Tab. statueret de tecto intelligendam esse: tectum autem non tam continuum quam contiguum: neque tam inædificatum, quam impositum esse. quemadmodum igitur horrea mobilia solo imposita (qualia in Heluetia complura sunt) solo non cedunt. l. Titius. 60. de acq. rer. do. eodem modo tectum solo non cedere Connanus tradit, eamque legis XII. fuisse sententiam: quæ quidem ille multis sanè uerbis tractat: sed quia refutatione non admodum digna uidentur, leuiter præteribo. Tectum enim pars domus est, ut si qua alia maxime necessaria: trabes porro incisæ & clauis trabalibus affixæ attestantur que sunt, neque minus solo hærent quam contignationes, quæ suo corpore solum non tangunt. Non igitur alia huiusce legis antiquæ sententia de tigno ædium esse putanda est, quam de illo uinearum. Quibus enim casibus coniunctim ius idem statuitur, eorum casuum parem eandemque esse rationem sapenumero traditur: ut l. illud questum. D. ad leg. Aquil. & quemadmodum ubi ratio eadem, ibi ius idem statuitur: eodem modo ubi ius idem, eadem quoque ratio subesse intelligitur. Videamus ergo quæ tigni uinearum ratio sit, hoc est, pedamenti. nam principio tignum hoc speciem non mutauit: erat enim tignum, hoc est, in pedamenti speciem formatum, priusquam uinea mee iungeretur. Lex enim ait, tignum alienum: cum igitur forma mutata non sit, nec interijt tignum, nec dominum mutauit: eoque ad §. cum ex aliena non pertinet. præterea pars uitis non est, ut tabula nauis, mensæ uel lecti. Nihil denique eorum quæ superioribus §§. disputata sunt, eo pertinere potest: ut pedamentum eius qui iunxit esse uideatur. Lex igitur hoc solum propter uinearum culturam noui iuris constituit, ne pedamentum cum uites uitis onustæ sunt, uindicare aut ut exhibeatur peti possit: cum cætera omnia quæ speciem suam non mutarunt, ut gemma in annulo, peti ad exhibendum possent. l. gemma. 6. ad exhib. Quamuis ergo dominus idem qui fuerat perpetuo maneat, uindicare tamen illud nisi post uindemias, & cum exemptum erit, non poterit: atque hæc quidem de tigno uinearum. In quo cum ius illud sit constitutum, & coniunctim cum ædium tigno adscriptum, eandem huius quæ illius fuit, rationem esse facile intellectu est. Tignum igitur ædium, speciem formamque suam retinere necesse est: deinde partem ædium non esse, qualia nimirum ea sunt quibus aedes ruinosæ fulciuntur, de quibus Paulus loquitur l. in commodato. 17. §. 3. in fi. D. commod. ubi ait: Si ad fulciendam insulam tigna commodasti, deinde protraxisti, aut etiam sciens uitiosa commodaueris, non recte facies.

Item







*Eius quæq; plantæ & sata sunt, cuius in solum radicem egerunt: quæ uerò in plurium, si in confinio sint, communia sunt: sed doli exceptione quod bona fide impensum est, seruatur. d. l. vii.*

*§. x. & lix. eodem.*

XXIII. Si Titius alienam plantam in solo suo posuerit, ipsius erit: ex diuerso, si Titius suam plantam in Mæuij solo posuerit, Mæuij planta erit, si modò utroq; casu radices egerit. antequàm enim radices egerit, eius permanet cuius fuerat. Adeò autem ex quo radices egerit planta, proprietates eius commutatur: ut si uicini arbor ita terram Titij prefferit, ut in eius fundum radices egerit, Titij effici arborem dicamus. ratio enim non permittit, ut alterius arbor esse intelligatur, quàm cuius in fundum radices egerit. Et ideo prope confinium arbor posita, si etiam in uicini fundum radices egerit, communis sit. Quà ratione autem plantæ, quæ terra coalescunt, solo cedunt: eadem ratione frumenta quoq; quæ sata sunt, solo cedere intelliguntur. Cæterum sicut is qui in alieno solo ædificauit, si ab eo dominus soli petat ædificium, defendi potest per exceptionem doli mali, secundum ea quæ diximus: ita eiusdem exceptionis auxilio tutus esse potest is, qui alienum fundum sua impensa bona fide conseuit.

SI MODO VTROQVE CASU RADICES EGERIT.) Enunc. I. Non imposita, sed ita infixæ solo ut adhærescant, solo cedent. l. Titius. 60. D. de acqu. dom. l. si supra. 28. eod. ubi horreum mobile ex tabulis in alieno impositum, (cuiusmodi multa sunt apud Allobroges) solo non cedit: at parietibus alienis quod superædificatum est, eius esse dicitur, cuius est solum. Constitutio causæ: Arborem in tuo plantaui: antequàm ea radices egißet, iudicaui. Inten. Hæc arbor mea est. D. Imò mea. Q. Vtrius sit. R. Superficies enim solo cedit. F. At ea solo non adhærescit. D. An ea demum superficies solo cedat, quæ illi adhærescit. Respondetur, eam tantummodo. Itaq; antequàm radices egerit, domini manere: postquam egerit, soli partem fieri. Arborum enim quæ fundo continentur, non est separatum corpus a fundo: inquit Pomponius l. quin. 40. D. de act. empt.

VICINI ARBOR ITA TERRAM TITII PRESSERIT.) Florentini libri: Si uicini arborem ita terra presserim. Quod mihi arridet, ut sententia sit l. ult. D. Quod ui aut clam. Si uitem meam ex fundo meo in fundum tuum depresseris, eaq; in fundo tuo coaluerit, uulgo tamen legitur DEPREHENDERIS. Haud scio tamen an hunc locum Institutionum Tribonianus ita descripserit.

ITA TERRAM PRESSERIT.) Sequitur II. Eius quæq; arbor est, cuius in solo magnam radicem partem obtinet. l. si plures. 6. D. arbor. furt. ubi Pomponius ait, Si radicibus uicini arbor aletur, tamen eius esse in cuius fundo origo eius fuerit. Qui locus huic nostro aduersari prima specie uidetur, neq; enim fieri potest, ut arbor mea, hoc est, citra lineam finientem posita, omnes omnino suas radices in uicini fundum immittat. nam summam saltem partem in meo positam habebit, ex eoq; aletur. Eius ergo esse arbitror, cuius in fundo maiorem radicem partem obtinet, cuiusq; ex terræ succo maiorem partem alitur, ac sustentatur. Alioqui quod Iulianus ait, alterius non esse radicem, alterius arborem, cum eo perspicue pugnet, quod ait Titij arborem effici. consequeretur enim utriusq; communem esse.

PROPE CONFINIUM ARBOR POSITA.) Sequitur III. Arbor prope confinium posita, si etiam in uicini fundum radices egerit, communis est. l. adeò. 7. in fin. D. eod. Cuius pronuntiati quæ sententia sit, nemo Latinis quidem literis imbutus, non uidet. aliud enim prope confinium est, aliud in confinio: nec potest in ipso ulla arbor esse, quin eadem partem aliquam suarum radicum in utriusq; agris obtineat. Est autem Confinium spaciū quinq; pedum, lege XII Tab. inter confines præstitutum de quo finium regundorum actio conceditur.

FRUMENTA QVOQVE QVAB SATASVNT.) Quasi uerò quædam sint, quæ sata non sint. Legendum igitur, FRUMENTA ET QVABCVNQVE SATASVNT. Itaq; hunc locum Theophilus interpretatur.

ET QVABCVNQVE SATAS.) Sequitur IIII. Eius quæq; sata sunt, cuius est solum. l. qui scit. 25. D. de usur. ubi Iulianus ait, omnem fructum non ex iure seminis, sed iure soli percipi. Item, in percipiendis fructibus magis corporis ius ex quo percipiuntur, quàm seminis ex quo oriuntur, aspici. Et ideo, inquit, nemo dubitabit, quin si in meo fundo frumentum tuum seuerim, & segetes & quod ex messibus collectum fuerit, meum fieret.

EIVSDEM EXCEPTIONIS AUXILIO.) Sequitur V. Qui bona fide agrum alienum conseuit, impendium per doli exceptionem seruabit. Quæ de re superiore §. satis explicatum est.

*Scriptura chartæ quamuis uiliori cedit, bonæ tamen fidei possessor scripturæ impendium per doli exceptionem seruabit. l. ix. §. j. eod.*

XXIII. Literæ quoq; licet aureæ sint: perinde chartis membranisque cedunt, ac solo cedere solent ea quæ inædificantur, aut inseruntur. ideoq; si in chartis membranisque tuis carmen, uel historiam, uel orationem Titius scripserit: huius corporis non Titius, sed tu dominus esse uideris. Sed si à Titio petas tuos libros, tuasue membranas, nec impensas scripturæ soluere paratus sis: poterit se Titius defendere per exceptionem doli mali, utiq; si earum chartarum membranarumque possessionem bona fide nactus est.

AC SOLO CEDERE SOLENT EA.) Enunc. I. Scriptura eodem iure est, quo cætera quæ superficiem nomine continentur. l. in rem. 26. §. 2. D. de rei vind. & l. 3. §. penul. D. ad exhib. ubi Paulus ait: Cum charta mea sit, & quod scriptum



**A** scriptum est, meum est. Exemplum hoc tempore sumi potest ex typographis, si quis forte imprudens in aliena charta librum quendam impresserit, qui ab omnibus desideratur: ut si libri Seruij Sulpitij, aut leges XII. Tab. reperta essent: iuris consulti omnes uno consensu affirmant, librum eius fore, qui charta fuit dominus. Quae sententia nunquam typographis probaretur: nam si malus aliquis liber imprimatur, charta domino fiet iniuria: si bonus, ipsi typographo. praeterea cui studiose probabitur, qui suas cogitationes imprudens in chartas alienas reuulerit, quas legi ab altero nulla conditione pateretur? Equidem re diu considerata, ueni in hanc opinionem, ut satis debeat esse charta domino, si alia aequè proba illi reddatur, & siquid forte ipsius interfuit persoluitur. primum, quia charta ex earum rerum numero est, quae utendo consumuntur, & in genere suo, potius quam specie functionem recipiunt. quare quemadmodum qui pecuniam debet, uel uinum uel frumentum, si aliud eiusdem generis reddat, illud ipsum quod acceperat, non autem aliud restituere uidetur: eodem modo, qui chartam aliam reddat, eam ipsam quae alterius erat reddere iudicatur. Nam charta & membrana in istis rebus sunt, quae in abusu potius quam usu consistere dicuntur. deinde, quia chartam & tabulam, telamue, ubi quid scriptum pictumue est, eodem iure statuere esse, quo solum terra & agrorum immobile, suamque naturam perpetuo retinens, nulla ratio est. Interit enim & charta & membrana: area uero permanet, nec ulla ex parte immutatur. praeterea charta non est pars historiae Luitianae, aut carminis Virgiliani: neque quum Virgilium nos habere dicimus, chartam in aliqua ipsius parte numeramus. at arca, maxima & praecipua domus pars appellatur ab Vlp. in l. si res mea. D. de solut. multoque magis agri, uinearum, aruorum, & sylvarum pars potissima numerari possunt.

PER EXCEPTIONEM DOLI MALI.) Sequitur II. Qui bona fide in aliena charta scripserit, impendium per doli exceptionem recuperat: at qui mala, nequaquam.

Tabula picturae cedit: suum tamen nec pictor à domino, nec hic ab illo uindicare, nisi precio alienae rei oblato, poterit.

Lix. §. ij. eodem.

**B** XXV. Si quis in aliena tabula pinxerit, quidam putant tabulam picturae cedere: alij uidetur picturam (qualiscumque sit) tabulae cedere. sed nobis uidetur melius esse, tabulam picturae cedere. Ridiculum est enim, picturam Apellis, uel Parrhasij, in accessionem uilissimae tabulae cedere. Unde si à domino tabulae, imaginem possidente, is qui pinxit, eam petat, nec soluat precium tabulae: poterit per exceptionem doli mali summoueri. At si is qui pinxit, eam possideat: consequens est, ut utilis actio domino tabulae aduersus eum detur. quo casu si non soluat impensam picturae, poterit per exceptionem doli mali repelli: utique si bona fide possessor fuerit ille qui picturam imposuit. Illud enim palam est, quod siue is qui pinxit, subripuit tabulam, siue alius, competit domino tabulae furti actio.

NOBIS VIDETUR MELIUS ESSE.) Enunc. I. Pictura non eodem iure est, quo cetera quae superficiei nomine continentur. l. quia ratione. 9. §. 2. D. de acqu. rer. dom. Quod contra Paulus in l. in rem actio. 23. §. 3. D. de rei uind. dic. Sed & inquit, id quod in charta mea scribitur, aut in tabula pingitur, statim meum fit: licet de pictura quidam contra senserint propter precium picturae, sed necesse est ei rei cedi, quod sine illa esse non potest. Hae Paulus. Cuius sententiam picturae precium non attendentis eo magis probo, quia satis constat edificiorum precium maius multo quam arearum esse consueuisse: quod tamen in iudiciis alterutri adiudicandis nunquam attendi, superius multis uerbis demonstratum est. Et sane sic se res habet, ut si summum ius spectemus, hoc pacto diiudicanda haec sit controuersia: si, quemadmodum Iustinianus ait, picturae praestantiam spectemus, in paruula re à superiori regula non recederem: & tabellam hanc ab earum rerum definitione non seiungerem, quos suo genere potius quam specie censei dicimus. Statuerem igitur tabulae domino cumulate satis fieri, si aliae generis eiusdem ei redderentur. praesertim cum tabulae corpus iccirco interijisse uideatur, quia qualitas imaginis sola iam in rerum natura numeratur, eiusque solius ratio ducitur. quod multo dilucidius intelligetur, si ponamus imaginem in aliena tela pictam esse: lux enim, ac ne uix quidem, ea tela in rerum natura censetur esse: praesertim uero si acu & lana picta toreumata ponamus, in crassa & leuiciori tela, quae prope nullius precij est. Extincta igitur res istiusmodi iudicentur, & satis habere dominus uideatur, cui alia tabula, telaue reddita fuerit: non enim tam alia tabula telaue, quam illa eadem esse uideatur. Atque hoc quidem pacto causam constituemus: Dominus tabulae in qua pictor imaginem finxit, tabulam suam uindictur. Intentio: Haec tabula mea est, quia siue lignum spectemus, meum est: siue imaginem, non minus: superficies enim solo cedit. D. Imò mea. Q. Vtrius sit. R. Quia tabula quae tua fuit, interijt: nec huius imaginis pars ulla numeratur. Picturae namque praestantia rem istam uilem extinguit. F. At superficies adium quamuis sumptuosa & magnifica, tamen aream quantumuis uilem non extinguit: ergo nec pictura tabulam. D. An ut adium superficies aream non extinguit, sic illa pictura & imaginis tabulam: & quomodo area pars domus, sic tabula pars imaginis numeretur. Respondendum puto, nequaquam. nam ut scribit Paulus in l. 14. D. de uerb. sig. Harum rerum precium non in substantia, sed in arte est positum.

**C** PER EXCEPTIONEM DOLI MALI.) Sequitur II. Tabulae dominus à pictore imaginem uindicante, tabulae precium per doli exceptionem obtinebit.

VTILIS ACTIO DOMINO DETUR.) Directae in rem actiones dicuntur, quarum formulam is qui agit, directò ac simpliciter usurpare potest: utiles, quae utilitatis causa alteri alicui ex aequo & bono contra iuris summi seueritatem conceduntur. Quoniam igitur tabulae dominus, imaginis dominus non est, iure summo dicere non poterit: Aio hanc tabulam meam esse, sed tamen aequitatis & utilitatis causa eadem illi formula concedetur.

SI BONA FIDE POSSESSOR.) Sequitur III. Bona fidei pictor, artis operaeque suae precium aduersus dominum tabulae uindicantem per doli exceptionem consequetur.

DOMINO TABULARVM FVRTI ACTIO.) Sequitur IIII. Domino furtiuae tabulae, in qua quid pictum est, quamuis ab alio quam fure pictum sit, furti actio competit.



Quos fructus elaboratos bonæ fidei possessor collegit, atq. consumpsit, suos effecit:  
quos autem prædo, una cum fundo iudicanti domino resti-  
tuet. l. xl v. de usur. l. xl vii. de acq. dom.

**XXVI.** Si quis à non domino, quem dominum esse crediderit, bona fide fundum emerit, uel ex donatione, aliatie qua iusta causa æquè bona fide acceperit: naturali ratione placuit, fructus, quos percepit, eius esse pro cultura & cura. Et ideo si postea dominus superuenerit, & fundum iudicet, de fructibus ab eo consumptis agere non potest. Ei uero qui sciens alienum fundum possederit, non idem concessum est, itaque cum fundo etiam fructus, licet consumpti sint, cogitur restituere.

**PRO CULTURA ET CURA.)** Enunc. I. Bonæ fidei possessor eos demum fructus suos efficit, qui ex ipsius cura & cultura procreati sunt. l. fructus. 45. D. de usur. Fructus, inquit, percipiendo uxor uel uir ex re donata, suos facit: illos tamen quos suis operis adquisierit, ueluti ferendo. nam si pomum decerpserit, uel ex solua ceciderit, non sit eius, sicuti nec cuiuslibet bonæ fidei possessoris: quia non ex factis eius is fructus nascitur. Hæc Pomponius. Paulus autem in l. bonæ fidei. 43. de acquir. rer. dom. Bonæ fidei emptor, inquit, percipiendo fructus, suos interim facit, non tantum eos qui diligentia & opera eius prouenerunt, sed omnes: quia quod ad fructus attinet, loco domini penè est. deniq. etiam priusquam percipiat, statim ubi à solo separati sunt, bonæ fidei emptoris sunt. Quod Pauli responsum ita perspicue Pomponij sententiæ resistatur, ut mihi reconcilian. de gratia ratio prorsus ignota sit. Nam etsi Paulus uocem **INTERIM** adhibeat, non tamen ita præcisè locutus fuisset, si aliam possessionis, aliam iudicij rationem fuisse existimasset: cum præsertim eo loco de utriusq. fructibus loquatur, hoc est, de naturalibus, & manu satis. Quod autem placere quibusdam uideo, ut hæc uerba **SED OMNES**, apud Paulum sic interpretentur, quasi dixisset, Sed etiam qui alterius opera prouenerunt: ut is casus intelligatur, de quo scribit Iulianus in l. qui scit. 25. §. 1. D. de usur. hoc ex eorum genere est, quæ emptoria nominare soleo: quæ tamen demum probabo, cum Latini sermonis consuetudinem æquè oblitus ero, ut illi nunquam didicerunt. Ut sit, nihil incommodi est, causæ constitutionem arbitrati nostro consingere. Fructus à me sotos colligeram, & consumpseram. Qui fundum euicit, eos à me petit. Intentio: Debes mihi frumentum quod ex agro meo percepisti, reddere: sata enim eius sunt, cuius est solum. D. Non debeo. Q. An debeat. R. Non enim si superficies (hoc est, seges, pendentes fructus) uasuit, itcirco collecti consumptiq. fructus ui sunt: aliud enim est superficies, aliud fructus collecti & consumpti. V. At cum de agris agitur, superficies uerbo ea omnia quæ ager affert, siue adhuc mancant, siue consumptæ sint, intelligantur. D. An, sicut superficies solo cedit, sic fructus percepti & consumpti eiusdem sint, cuius solum esse apparuit. Responsum à iurisconsultis contrariè est. Ego, si quid mei iudicij est, statuerem non eiusdem esse consumptos, cuius sum pendentes: idq. argumento ex simili confirmarem. nam quæ bonæ fidei possessor edificauit, ea postquam diruta sunt, auferre, interdum etiam ipse diruere ac tollere potest. ut l. Iulianus, 37. D. de rei iudic.

**DE FRUCTIBVS AB EO CONSUMPTIS.)** Sequitur II. Bonæ fidei possessor constituit fructus etiam perceptos, antequam eos consumpserit, cuius loco fundo restituere cogitur. l. certum. 22. C. de rei iud. nam ut ait Caius in l. fructus. 44. D. eod. fructus pendentes pars fundi uidentur. Facit l. quasitum. 40. in fi. D. de acq. rer. dom.

**LICET CONSUMPTI SINT.)** Sequitur III. Mala fidei possessor fructus omnes quamuis consumptos restituere cogitur. l. certum. 22. C. de rei iud. & l. si fundum. 17. eod. tit. l. 3. C. de cond. ex leg.

*Fructus moriente fructuario colononē pendentes, ad proprietarium dominum ēe pertinent. l. xiiij. quib. mod. usus fruct. l. xxv j. de furt.*

**XXVII.** Is ad quem usus fructus fundi pertinet, non aliter fructuum dominus efficitur, quam si eos ipse percepit. Et ideo licet maturis fructibus, nondum tamen perceptis, decesserit: ad heredem eius non pertinent, sed domino proprietatis adquiruntur. Eadem ferè & de colono dicuntur.

**DOMINO PROPRIETATIS ACQVIRVNTVR.)** Enunc. I. Fructuarius eos demum fructus suos efficit, quos iam percepit. l. si fructuarius. 13. D. quib. mod. usus fruct. amitt. Causa constitutio: Sempronius fructuarius agrum coluerat & conseruat, maturis frugibus decessit. Heres eos occupat. Proprietarij intentio est: Hi fructus mei sunt, quippe cum usus fructus morte fructuarij extinguatur. D. Imò mei. Q. Vtrius sint. R. Non si usus fructus extinctus est, itcirco ius ea quæ testatoris fuerunt auferendi, interijt. Hi autem fructus, præsertim opera & diligentia testatoris expressi, iam ipso iure quodammodo testatoris erant: nec præter colligendi ac decerpendi laborem quem ego adhibui, quicquam desidebatur. Cum enim decerpenti ius habuerit, eius iam illi fuerint necesse est: nemini enim fructus qui sui non sunt, licet decerpere. F. At non si ius percipiendi fructus testator habuit, itcirco illius erant: non enim satio & cultura, sed perceptio, fructus facit fructuarij. D. An fructus ante perceptionem non sint fructuarij. Contra autem, si possessorem proprietarium ponamus, intentio heredis erit: Hi fructus mei sunt, quippe quos testatori decerpere licebat. D. Imò mei. Q. Vtrius sint. R. Vt si fructus enim, hoc est, ius utendi fruendi, una cum fructuarij persona interijt. F. At non etiam ius ea quæ ipse erant, auferendi: hos autem ipsius fuisse uel ex eo constat, quod illi licebat eos tollere. D. An sicut ius utendi fruendi fructuarij morte int. rjt, sic ius pendentes fructus decerpenti. Respondetur autem extinctum esse. ut d. l. si fructuarius. 13. quib. mod. usus fruct. amitt. Si fructuarius messem fecit & decessit, stipula quæ in messe iacet, heredis est. spica quæ terra teneatur, domini fundi est: fructusq. percipitur spica aut feno caso, aut uua adempta, aut excussa olea: quamuis nondum tritum frumentum, aut oleum factum, uel uindemia coacta sit. Item, Iulianus ait: Fructuarij fructus tum fieri cum eos percepit. Similiter Caius in l. in singulo. 3. D. de



**A** D. de ann. leg. Fructuarius, inquit, etiam si fructibus maturis, nondum tamen perceptis decesserit, heredi suo eos fructus non relinquet. Item Iulianus l. qui scit. 25. §. 1. D. de usur. fructuarij non sunt fructus, antequam ab eo percipiantur. Itaq; si fur deperperit fructus maturos pendentes, quoniam, inquit Iulianus, fructus non sunt fructuarij, nisi ab eo percipiantur, licet ab alio terra separentur: proprietario conditio competet. l. arboribus. 12. §. 5. D. de usufr.

**EADEM FERE ET DE COLONO.)** Sequitur II. Fructus non ante coloni sunt, quam ab eo collecti & percepti fuerint. l. si apes. in fi. 26. §. 1. si seruus. 61. §. 5. D. de furt. ubi stantes fructus, & quandiu fundo coharent, fandi dicuntur esse: sed ut primum à terra separati sunt, ad fructuarium pertinere. FERE autem additum est necessarium, quia non ut fructus mortuo fructuario pendentes ad ipsius heredem non pertinent: sic coloni heredes non sunt. Reuera enim & sunt, & conductionis tempus heres absoluet. §. ult. infra, de locat. & cond. & l. uiam ueritatis. C. de locat.

*In fructu, cum de usufructu agitur, omnium animalium, præterquam hominum, foetus computantur: gregis autem uinearumq; fructuarius, capitum numerum tueri debet. l. xx viij. de usur. l. lx viij. de usufr.*

**XXVIII.** In pecudum fructu etiam foetus est, sicuti lac & pilus & lana. itaq; agni, & hœdi, & uituli, & equuli, & fuculi, statim naturali iure dominij fructuarij sunt. partus uero ancillæ in fructu non est. itaq; ad dominum proprietatis pertinet. absurdum enim uidebatur, hominem in fructu esse: cum omnes fructus rerum natura hominum gratia comparauerit. Sed si gregis usum fructum quis habeat, in locum demortuorum capitum ex foetu fructuarius submittere debet (ut & Iuliano uisum est) & in uinearum demortuarum uel arborum locum alias debet substituere. Recte enim colere, & quasi bonus paterfamilias uti debet.

**IN PECVDVM FRVCTV FOETVS EST.)** Enunc. I. Qui pecorum usum fructum habet, eorum foetus in fructus parte suo iure retinet. l. in pecudum. 14. D. de usur. l. bonæ fidei. D. de acq. rer. dom.

**NATVRALI IURE.)** Exemplar Caij, pleno iure: hoc est, plena & solida proprietate. Sed Tribonianus ad summam huius disputationis respexisse uidetur.

**PARTVS VERO ANCILLÆ IN FRVCTV NON EST.)** Sequitur II. Ancilla partus ad usufructuarium non pertinet. d. l. in pecudum. & l. uetus. 68. de usufr. Constitutio causæ. Intentio fructuarij: Hic puer natus ex ancilla, in qua usum fructum habeo, meus est: quemadmodum fetus cæterorum omnium animantium. Depulsio proprietarij: Imò meus. Q. Vtrius sit. R. Non ut fetus pecorum, sic partus ancillarum in fructu est. Alius enim est pecorum, alius ancillarum fructus. nam pecudum fructus, ut suum, plurimum in sobole & prole est: mulierum autem in prudentia & ratione: hoc est, artificio, industria, solertia, opere ac diligentia: nec mulierum exerceendarum fructus unquam in sobole procreanda constitutus est. hoc enim, cum bestiis commune habent: ex ea igitur re illarum fructus aestimatur ac censetur, qui ipsarum est proprius ac singularis, quoq; cæteris animantibus antecellunt, nimirum ex industria & opera. F. At usufructuarij omnis utilitas est, quæcumq; ex muliere capi potest, siue principaliter, siue secundario ea nascatur. D. An cum usufructuarij sit omnis ancillarum utilitas, etiam earum partus ipsius esse debeant. Cicero lib. de Finib. 2. An, partus ancillæ sit ne in fructu habendus, differetur inter Principes ciuitatis, P. Scaeuolam, M. Manilium, ab hisq; M. Brutus dissentiet: quod & acutum genus est, & ad usus ciuium non inutile. Quæ uero sententia horum cuiusq; fuerit, Vlpianus ostendit in l. uetus. 68. de usufr. Vetus, inquit, fuit questio, an partus ad fructuarium pertineret. sed Bruti sententia obtinuit, fructuarium in eo locum non habere: neq; enim in fructu hominis homo esse potest. hac ratione nec usum fructum in eo usufructuarius habebit. Hæc Vlpianus.

**C**uius rationem, eius consimilem quam hic Iustinianus tradit, si sequamur, hoc est, si homo in hominis fructu esse non debet: nihilo magis esse in proprietarij fructu debet, quam in fructuarij. Et si dissimile ius propter humanitatis rationem ac dignitatem in ancilla & in equa, uel in sue statuendum est: non ut hinnulus, aut fuculus domini est, sic puer ex ancilla natus, domini ancillæ esse debet. Hic enim ratio Iustiniani ualebit, rerum naturam hominis causâ fructus omnes comparasse: eosq; absurdum esse, hominem in hominis fructu existere. Reuera igitur, in fructu ancillarum etiam partus sunt, non autem in usufructu. quod eam uim habet, ut ancillarum ad eam rem usufructus constitui non possit: nimirum, quod natura non patitur, ut puer, sic ancillæ usum fructum in sobole procreanda exerceri. Atq; hoc est quod in argumento diximus, ancillæ partum, cum de usufructu agitur, in fructu non numerari. Itaq; quemadmodum mora in fideicommissio soluendo facta, cæteri si uetus, sic etiam partus restituitur. l. respondit. 14. D. de usur. ante moram uero, nequaquam. l. Falcidia. 24. §. 1. D. ad leg. Falcid. Et quemadmodum rogatus post mortem suam, hereditatem sine reitu restituere, uia cum fructibus pecorum fetus retinet. l. in hereditatem. 18. §. l. deducta. 58. §. 4. D. ad S. C. Trebell. sic etiam ancillarum partus retinebit, ut ibidem Papiasianus scribit. cui Paulus ac N. ratius subscribunt in d. l. 14. D. de usur. eodemq; modo apud Iulianum partus ancillarum fructibus fundorum cæteri parantur in l. quaesitum. 91. in fin. D. de legat. 2. Veramq; hanc horum locorum conciliationem esse, uel hinc facile est intelligi, quod idem Paulus qui partum duobus locis in fructu numerat, tamen lib. Sent. 3. cap. de usufr. Ancilla, inquit, usufructu legato, partus eius ad fructuarium non pertinet.

**IN LOCVM DEMORTVORVM CAPITVM.)** Sequitur II. Gregis uineæq; fructuarius capitum plantarum uel numerum tueri præstareq; debet. l. uetus. 68. cum duab. ll. seq. D. de usufr. Sed quod dicitur, inquit Vlpianus, debere eum summittere, & dies uerum est, quoties gregis, uel armenti, uel equitij, id est, uniuersitatis usus fructus legatus est: cæterum si singulorum capitum, nihil supplebit.

**RECTE ENIM COLERE.)** Sequitur III. Repugnant recte colere, boniq; patrisfam. modo uti, & gregis uinearumq; numerum non supplere. Hinc illud Vlp. in l. 1. §. 2. D. de usufr. quemad. cau. Cauere debet fructuar. boni uiri arbitratu perceptum iri usum fructum: hoc est, non deterio rem se causam usus fructus facturum: cæteraq; facturum, quæ in re sua fecerit.



*Qui suo sacro in loco thesaurum inuenerit, suum illum totum efficit: qui in alieno, publico, partim suum, partim domini. l. lxiij. de acq. rer. dom.*

» **XXIX.** Thesauros quos quis in loco suo inuenerit, diuus Adrianus, naturalem æquitatem se-  
 » cutus ei concessit qui eos inuenerit. Idemq; statuit, si quis in sacro aut religioso loco fortuito casu  
 » inuenerit. At si quis in alieno loco, non data ad hoc opera, sed fortuito inuenerit: dimidium inuen-  
 » tori, & dimidium domino soli concessit. Et conuenienter, si quis in Cæsaris loco inuenerit, dimi-  
 » dium inuentoris, dimidium esse Cæsaris statuit. Cui conueniens est, ut si quis in publico loco, uel  
 » fiscali inuenerit: dimidium ipsius esse debeat, & dimidium fisci uel ciuitatis.

**DIVVS ADRIANVS.)** Aelius Spartianus in eius uita hoc modo: Adrianus de thesauris ita cauit, ut si quis in suo  
 P Reperisset, ipse potiretur: si quis in alieno, dimidium domino daret: si quis in publico, cum fisco equaliter potiretur.

**NATURALEM RATIONEM SECVTVS.)** Enunciatio I. Naturæ consentaneum est, eius solius esse  
 thesaurum, qui eum suo in loco reperit. l. si is qui. 63. D. de acq. rer. dom. Thesaurus enim earum rerum numerus est, quæ sunt  
 nullius: quæ uero nullius sunt, naturali ratione primi esse occupantis, superius demonstratum est. Atq; hæc naturalis ratio est,  
 quam hoc loco Adrianus spectat. Ex qua consequitur necessarium, non omnes defossas & abditas pecunias huic legi iurij sub-  
 iectas esse: tamen si thesauri Latine appellantur. Qualis illa sit, de qua fabulam à Menandro scriptam Donatus in prolog.  
 Eunuchi his uerbis tradit: Adolescens, qui rem familiarem ad nequitiam prodegerat, seruum mihi ad patris monumentum,  
 quod senex sibi uicinis opibus apparauerat, ut id aperiret, illaturus epulis quas pater post annum decimum cauerat si-  
 bi inferri: sed eum ager in quo monumentum erat, senex quidam auarus ab adolescente emerat. Seruus ad aperendum mo-  
 numentum auxilio ipsius senis, thesaurum cum epistola ibidem reperit, senex thesaurum tanquam à se per tumultum hostilem  
 illic defossam retinet, & sibi indicat: adolescens indicem capit. Hæc Donatus. Sed parum quia monumentum adolescentis  
 erat, non sibi: partim quia non nullus erat thesaurus, constitutio causæ fingi ex ea controuersia non potest: constabat enim  
 cuius esset pecunia: eaq; res sine dubio erat. Nunc totam disceptationem in ea re ponemus. Thesaurum enim Paulus definit,  
 ueterem pecunie depositionem, cuius memoria non exat, ut iam dominum non habeat. l. nunquam. 31. D. de acq. rer.  
 dom. Sumemus igitur controuersiam argumentum ex l. à tuere. 67. D. de rei iudic. ita tamen ut nonnulla ad rem pertinens  
 tia inferamus. Condidit aliquis eo in loco pecuniam, quam ipse solus notam habuit, moritur. exploratum erat omnibus, pec-  
 uniam defossam esse: cum locus ignoraretur, hæc sibi agrum illum ubi defossa erat, uendit. emptor inopinatus pecuniam  
 am reperit. Intentio hæredis: Hæc pecunia mea est, quippe ab eo condita cui successi. D. Amò mea. Q. Virum sit. R. Quia  
 quod nullus est, primi sit occupantis: hanc autem dominum non habuisse, uel ex eo constat, quia ubi esset ignorabatur. F. At  
 cum à quo condita fuerit constet, nullus non erat, sed uel eius qui condiderat, uel hæredis. D. An pecunia condita, si à quo co-  
 dita sit: constet, ubi tamen sit ignoretur nullus non sit, eodemq; iure habeatur quo thesaurus, cuius dominus nullus est. Re-  
 spondetur, quia extat memoria, hoc est, exploratum est, à quo condita sit: tamen si locus ignoretur, dominum in eam nullo te-  
 pore amitti poterit.

**SI QVIS IN SACRO AUT RELIGIOSO.)** Sequitur II. Qui thesaurum in loco sacro religioso  
 inuenerit, si fortuito, solidum suum efficit: si data opera, domini solius. Hic meo iudicio sensus huius loci est: quem Latine lin-  
 gua consuetudo ipsi quidem qui eam norunt, ostendit, alios hoc argumentum docebit, quod nisi de omni loco sacro, id est, siue  
 publico, siue (ut improprie interdum loquimur) priuato, reperisset: sed de priuato tantum, ut quidam arbitrantur, sine dubio  
 de publico postmodum docendus esset. Quare quod Ulpianus in l. 1. §. 8. D. de iure fisci, scribit, Diuus frater rescriptisse, ut si in  
 fiscali uel publicis, religiosisque locis, aut in monumentis thesauri reperi fuerint, media pars fisco iudicetur: quod, inquam,  
 ita scribit, plane huic iustitiam loco contrarium est: siue Adriani de re fuerit constitutio, quod tamen Spartianus non tradit:  
 siue quod probabilis mihi uidetur, Triboniani hæc l. 1. §. 8. fuisse, & inconsiderate hanc de sacris locis particulam ad  
 constitutionem Adriani adiecentis. Vt sit, tamen officij nostri esse arduum rem omnem arbitratu nostro distinguere. Los-  
 cus igitur sacer (latè autem sacrum etiam pro religioso dicimus) aut inuentoris est, ut familiare sepulchrum, ædificum: aut eius  
 cuius est ager, aut tertij alicuius qui agrum uendit: ut illius adolescentis de quo ex Menandro superius diximus: aut publi-  
 cus, uel uel templum deorum. Si inuentoris est, in solidum eius est, propter Adriani legem, quæ de suo loquitur: quamuis alte-  
 rius sit ager, itaq; adolescens ille suum sibi thesaurum indicare poterat in solidum. Sin si sepulchrum sancti illius fuisset, cuius erat  
 ager, adolescens qui reperit, equaliter cum senex partietur, non autem cum fisco. Diuorum enim fratrum constitutio meo iudi-  
 cio de publicis loquitur. Sin inuentoris neq; sepulchrum neq; ager erat, tum equaliter cum eo solo partietur qui si sepulchri est  
 dominus. Sin locus publicus est, ueluti fana & delubra, cum fisco: ut D. Fratres constituerunt, itemq; si monumenta: abli-  
 ca sint, qualia sunt ea de quibus Aggenus urb. in lib. de Limitib. agrorum sic scribit: Sunt in suburbanis loca publica inopu-  
 destinata fimeribus, quæ loca Culinas appellant. Atq; hæc quidem non modo æquitati naturali consentanea uidentur, uerum  
 etiam & Adriani & DD. Fratrum constitutionibus. Adrianum enim publicorum nomine sacra publica intellegisse, Spar-  
 tiani locus argumento est. Variis autem Imperatorum hæc de re fuisse constitutiones, cepit de Theauris lib. Psidius Theo-  
 dosius. tit. 18. documento esse potest.

**DIMIDIUM DOMINO SOLI.)** Sequitur III. Qui thesaurum in alieno loco inuenerit, si fortuito, partim  
 suum partim domini cum efficit: sin minus, solius domini. l. si is qui. 63. D. de acq. rer. dom. Vnde illa quasi peruersa, in  
 qua causæ constitutionem fingimus: Aurclius sciens thesaurum in meo agro latere, asinum e ad eum sibi uendendam pellexit.  
 Emit, thesaurum effodit. Huius rei certior factus, dimidium eius pete. Intentio: Hic thesaurus communis est. D. Amò meus se-  
 lidus. Q. Virum uis sit. R. Quia tum eum inueni, cum ager emptoris iure meus esset. F. At antequam emptor, latere in agro  
 meo eum sciebas. Scientia autem inuentionis pars est: itaq; in alieno eum inuenisti. D. An thesaurum inuenisse d. caur is  
 prehensionem. Regulam autem quæ iubet, id quod nullus est, inuentoris esse: de utraq; parte coniunctim intelligendam esse.

Itaq; quamo



**A** Itaq; quamuis quis sciat, lapillum preciosum esse in litore, si tamē alter occupet, præferitur eodem modo quamuis Aurelius thesaurum eo loco esse sciret, si tamen alter occupasset, ipsius fuisset. At cum & scientiam & prehensionem unus idemq; habuerit, initium prehensionis habuisse Aurelius ex eo tempore uidetur, quo scientiam habuit.

VEL PVBLCIO, VEL CIVITATIS.) Sic libri ueteres. Theophilus duas postremas uoces omisit. Nihil muto tamen. nam publicum, ad populum Romanum: ciuitatis, ad urbium aliarum populos referendum puto.

*Alienatio cuiusvis rei corporalis fieri commodè per traditionem potest. l. ix. §. iiij. de acquir. rer. dom.*

**XXX.** Per traditionem quoque iure naturali res nobis adquiruntur: nihil enim tam conueniens est naturali æquitati, quam uoluntatem domini, uolentis rem suam in alium transferre, ratam haberi: & ideo, cuiuscunque generis sit corporalis res, tradi potest, & à domino tradita alio. Itaque stipendiaria quoque & tributaria prædia eodem modo alienantur. Vocantur autē stipendiaria & tributaria prædia, quæ in prouincijs sunt, inter quæ, nec non & Italica prædia, ex nostra constitutione nulla est differentia, sed si quidem ex causa donationis, aut dotis, aut qualibet alia ex causa tradantur, sine dubio transferuntur.

**NIHIL ENIM TAM CONVENIENS EST.)** Enunciatio I. Natura consentaneum est, traditionem à domino alienandi animo factam dominum transferre. l. qua ratione. 9. §. 3. D. de acquir. rer. dom. Hoc autem ideo Caius tradit, quia cum sex dominijs transferendi modi apud Romanos essent, mancipatio, traditio, usucapio, in iure cessio, adiudicatio, lex: hic solus naturalis, & antiquior iure civili est, nec modò ciuium, sed etiam peregrinorum communis. Quod ab alijs præternissum esse, ualde miror. Hoc autem loco uidet intelligi oportet, traditionis duo esse extrema: unum ab eo qui tradit, alteri ab eo cui traditur. Itaque cum dicimus traditione transferri dominia, sic accipiendum est, cum & dedita & accepta res est. non enim traditum quicquam dicitur, nisi quod acceptum est: ut Cicero de deditioe in Topicis disputat. Quæ circa rem ex mandato meo emptam non prius meam fieri, quam si mihi tradiderit qui emit, Calistratus testatur in l. res ex mandato. 59. D. de acq. rer. dom. Item si epistolam tibi misero, non fore eam tuam antequam tibi tradita fuerit, Labeo scribit l. pen. eiusd. tit. nisi forte tabellario tuo responsio tradita sit, ut Paulus notat.

**CVIVSCVNQVE GENERIS SIT.)** Sequitur II. Traditione corporalis res, cuiusvis generis sit, rectè ab alienatur. d. l. 9. Significat autem, siue mancipi sit, siue nec mancipi. nam olim (ut ait Vlp.) res nec mancipi traditione tantum ab alienabantur, non mancipatione. Hanc autem differentiam Iustinianus fundius delcuit. l. un. C. de transform. usucap.

**STIPENDIARIA QVOQUE ET TRIBUTARIA.)** Sequitur III. Prouincialia prædia traditione rectè ab alienari possunt. Quod ius ex noua sui imperatoris constitutione natum esse, Tribonianus existimasse uidetur, cum dicit, itaq; stipendiaria quoq;. Sed uideamus, ne Tribonianus, ut alijs pleriq; locis, sic etiam hoc loco non satis quid scriberet attenderit. Scriptum enim uoluisse uidetur, itaque Italica quoq; prædia eodem modo alienantur. nam Italica prædia, mancipi traditionem uerò, rerum nec mancipi fuisse propriam, Vlpianus in Instit. tit. 19. perspicue testatur. Eam autem omnem differentiam cum Imperator sustulisset, sequeretur necessariò itaq;, Italica quoq; prædia traditione rectè alienari posse.

**STIPENDIARIA ET TRIBUTARIA PRÆDIA.)** Sequitur IIII. Italica prædia, immunita: prouincialia, stipendiaria & tributaria fuerunt. Etenim cuncta Italia postquam ciuitate donata est, stipendiaria esse desijt. Prouincialium autem alij uectigales, alij stipendiarij dicebantur. Uectigales, qui incertum uectigal pendebant: ueluti Decumani tota Sicilia, qui decimam frugum partem solvebant, quod uectigal, quia ex annorum ratione, & frugum copia & inopia modò minus, modò amplius est, non certum appellatur. Stipendiaria autem certum uectigal, in pecunia scilicet, aut in frumento, pendebant: quæ Tributaria à Iustiniano appellantur. Præter prouinciales autem erant liberae ciuitates, erant & ex quibus ius Italiæ datum erat: quæ immunes erant. Ex quo intelligi uolumus, cur hoc loco Tribonianus non nominet discretæ prouincialia, sed stipendiaria & tributaria prædia: nimirum quia multe ciuitates extra Italiam, iure Latij atq; Italiæ donatæ fuerant.

*Rei uenditæ dominium, quamuis tradita sit, nisi tamen uel emptor satisfecerit, uel eius fidem uenditor secutus sit, non transfertur: utrum autem ipse dominus, an alter eius mandatu tradat, nihil interest. l. xix. de cont. empt. l. ix. §. iiij. de acq. rer.*

**XXXI.** Venditæ uerò res, & traditæ, non aliter emptori adquiruntur, quam si is uenditori precium soluerit, uel alio modo ei satisfecerit: ueluti expromissore aut pignore dato. quod quamquam caueatur ex lege XII. Tabularum: tamen rectè dicitur, & iure gentium, id est, iure naturali id effici. Sed si is qui uendidit fidem emptoris secutus est: dicendum est, statim rem emptoris fieri. Nihil autem interest, utrum ipse dominus tradat alicui rem, an uoluntate eius alius, cui eius rei \*possessio permissa sit. Qua ratione, si cui libera uniuersorum negotiorum administratio permissa fuerit à domino, isq; ex his negotijs rem uendiderit, & tradiderit, faciet eam accipientis.

**PRECIUM SOLVERIT, VEL ALIO MODO.)** Enunciatio I. Traditio rei uenditæ dominium, nisi uel precium solutum, uel satis eo nomine factum sit, non transfert. l. quod uendidi. 19. D. de cont. empt. l. procuratoris. 5. §. sed si dedi. 8. D. de trib. actio. Causæ constitutio: Vendidi domum Sempronio, eidemq; tradidi. Cum precium non soluisset, aliusq; maius offerret, repetere nolui. Intentio: Hæc domus mea est. D. Imò mea. Q. Vtrius sit. R. Quia uendita mihi abs te, atque tradita est. F. At nec precium soluissti, nec eo nomine satisfecisti. D. An res uendita, quamuis tradita, tamen ante precium



per solutum emptoris non sit. Respondetur, non esse. d. l. quod uendidi. de cont. empt. Constitutio de scripto nata est, propter re- **A**  
gulam, Legitimè res uendita & tradita, emptoris esto: quæsitum est enim, legitimè uendita res esset, quod negatur, ex quo  
intelligi debet, non contractum uenditionis, sed *συναλλαγή*, id est permutationem & æquabilitatem rei cum precio do-  
minium transferre.

VEL ALIO MODO SATISFECERIT.) Sequitur II. Aliud est solvere, aliud satisfacere. Soluit pro-  
prio, qui precium numerat: satisfacit, qui pignus, uel expromissorem, uel fideiussorem præbet. l. solutionis. D. de uerb. sign. l. 4.  
§. 1. de re iudic. l. 6. D. quib. mod. pign. uel hypoth. l. promissor. 21. §. 2. D. de constit. pec. Est autem Expromissor, qui pro alio  
nouandi animo promittit. l. ult. D. ad Macedon. l. si mulier. 22. D. ad Velleian. l. qui libertinus. 37. D. de oper. libert.

TAMEN RECTE DICITUR ET IVRE GENTIVM.) Sequitur III. Rei uendita dominium na-  
turali iure non nisi precio persoluto, satis uel facto acquiritur. Ridicula autem hæc Iustiniani clausula est, Non si quid lege duo  
decim comprehensum est, continuo iuris gentium non est: quasi uerò de ea re quisquam, qui modo mentis sanæ fuerit, dubitas-  
set. Quare autem naturali ratione traditio rei uendita ante precij solutionem dominium non transferat, quari potest. Res-  
ponderi poterit, quia naturæ societatisq; humanæ ratio postulat: ut ne quid alterius in alterum, sine compensatione &  
relatione gratiæ transferatur.

FIDEM EMPTORIS SECVTVS FVERIT.) Sequitur IIII. Vtrum uenditor satis accipiat, an fidem  
emptoris sequatur, nihil interest. d. l. quod uendidi. de cont. empt.

AN VOLVNTATE EIVS ALIVS.) Sequitur V. Vtrum dominus ipse, an alter eius mandatu rem uen-  
ditam tradat, nihil interest. d. l. qua ratione. 9. §. 4. de acq. rer. dom.

CVI EIVS REI POSSESSIO PERMISSA SIT.) Sic omnes libri ueteres, Ego contra omnium au-  
thoritatem POTESTAS restituo: abest tamen hæc adiectio tum à Theophilo tum Pandectis.

SI CUI LIBERA VNIVERSORVM.) Sequitur VI. Cui libera uniuersorum negotiorum administra- **B**  
tio permissa est, is quod ex ijs negotijs uendiderit, accipientis efficit. d. l. 9. §. 3. & l. procurator qui. §. 8. D. de procurat. Sed as-  
liud est liberam uniuersorum negotiorum, aliud totorum bonorum administrationem habere. l. procurator totorum. 63. D.  
eodem tit. ubi procurator totorum bonorum sine speciali domini mandatu rem alienare non potest. At cui libera administra-  
tio permissa est, liberè quiduis pro suo arbitratu agendi potestatem habere intelligitur. Vicissim autem Neratius l. 13. D. de  
acq. rer. dom. scribit: Si procurator rem mihi emerit ex mandato meo, etq; sit tradita meo nomine, dominium mihi, id  
est, proprietas acquiritur etiam ignorantibus.

Ab alienatio etiam sine traditione ac nuda uoluntate rectè fit, si iam antè res aliam  
ob causam tradita fuerat: item, clauium traditio pro rerum inclusarum  
traditione ualet. l. jx. §. v. & v. j. eodem.

XX XII. Interdum etiam sine traditione, nuda uoluntas domini sufficit ad rem transferen-  
dam: ueluti si rem, quam tibi aliquis commodauerit, aut locauerit, aut apud te deposuerit, postea  
aut uendiderit tibi, aut donauerit. Quamuis enim ex ea causa tibi eam non tradiderit: eo tamen  
ipso, quod patitur tuam esse, statim tibi acquiritur proprietas, perinde ac si eo nomine tradita fu-  
isset. Item si quis merces in horreo repositas uendiderit, simulatque clauis horrei tradiderit em-  
ptori, transfert proprietatem mercium ad emptorem.

NUDA VOLVNTAS DOMINI.) Enunciatio I. Per traditionem ea quoq; alienata dicuntur, quæ post  
traditionem alienata sunt. l. si rem. 62. D. de euict. l. 3. §. illud. 14. de acq. poss. l. si seruus. 21. §. 1. D. de acq. rer. dom. l. quadam.  
77. de rei uind. l. siue. 9. D. de public. Causæ constitutio: Equum quem mihi Minutius commodarat, quemq; apud me habere  
bam, de ipso emi. Cum meliorem conditionem postea reperiret, uindicare eum uoluit. Intentio: Hic equus meus est. res enim **C**  
uendita, ante traditionem, emptoris non sunt, ut paulo antè diximus. D. Imò meus. Q. Vtrius sit. R. Quia mihi abs te iam antè  
traditus erat, eiusq; possessio horum ex causa apud me tum erat. F. At cum eum tibi tradidi, transferendi domini animum  
non habebam: cum autem uendidi, non tradidi. D. An traditio ante uenditionem aliam ob causam facta ualere possit, pro ea  
quæ post uenditionem requiritur. Respondetur, posse.

SIMVLATQVE CLAVES TRADIDERIT.) Sequitur II. Venditor clauis apud horreum tradens  
merces ipsas tradere uidetur. l. clauibus. 74. D. de contrahend. empt. l. 1. §. pen. D. de acq. poss. Causæ constitutio: Cum u-  
ditor mercium horrei clauis dedisset, postea easdem merces reperia meliore conditione missas facere noluit. Intentio emptor-  
is: Hæ merces meæ sunt, quippe mihi uenditæ. D. Imò meæ. Q. Vtrius sint. R. Quia res uendita ante traditionem em-  
ptoris non sunt, ut paulo antè docuimus. F. At clauis mihi traditæ sunt, ac proinde potestas & dominium illarum. D. An clauium traditio  
pro mercium traditione ualeat? Papinianus d. l. clauibus sic respondet: Clauibus traditis ita mercium in horreo, conditarum  
tradita possessio uidetur, si clauis apud horreum traditæ sunt: quo facto confusum emptor dominium & possessionem adipi-  
scitur, et si non aperuerit horrea. Et huc uidetur Christus allusisse, cum Ecclesiæ suæ ministris clauis regni cælorum tradere se  
dixit: quippe quibus potestatem tribuat dignos admittendi, indignos uerò excludendi ac repellendi. Regnum autem cælorum  
Ecclesiæ est, in qua sola regnū imperiumq; suū Deus obtinet: hoc est, ubi & ipsius edicta proponuntur, & ipsi odeste paretur.

Qui rem in misilibus sparsam, aut à domino pro derelicto habitam occupat, eius do-  
minus efficitur. l. ix. §. v. j. eod. l. j. & l. ij. pro derelict.

XX XIII. Hoc amplius, interdum & in incertam personam collata uoluntas domini, transf-  
fert rei proprietatem: ut ecce Praetores uel Consules, qui misilia iactant in uulgus, ignorant quid  
eorum quisque excepturus sit: & tamen quia uolunt, quod quisque acceperit, eius esse, statim  
eum



**A** cum dominum efficiunt. Quæ ratione uerius esse uidetur, si rem pro derelicto à domino habitam occupauerit quis, statim eum dominum effici. Pro derelicto autem habetur, quod dominus ea mente abiecerit, ut id in numero rerum suarum esse nolit: ideoque statim dominus eius esse desinit.

PRAETORES ET CONSVLES.) Hæc ex Græcorum consuetudine, uti patet ex l. 2. C. de Consulib. & non sparg. nam Consulum populi Rom. consuetudinem hanc fuisse non reperio. Itaque ad Cæj orationem hæc sunt à Triboniano adiecta: Populum tamen Romanum stipem sparsisse, eamque consuetudinem coepisse, Sp. Posthumio, Q. Mario Cos. Plinius libro 33. cap. 10. testatur.

STATIM EVM DOMINVM EFFICIUNT.) Enunciatio I. Miſſilia primi occupantis fiunt. l. si id quod. §. §. a. D. pro derelict. l. nec emptio. 8. D. de cont. empt.

SI REM PRO DERELICTO.) Sequitur II. Quod pro derelicto habetur, nullius est, primique occupantis efficiunt. l. 1. D. pro derelict. quia ipsædem modis res desinunt esse nostræ, quibus acquiruntur. Itaque infantes quos plerique apu- ueteres recens natos exponebant, eius fiebant qui eos primus acceperat, eiusque serui erant. Constitutio causæ: L. Titius Stichum seruum suum male multatum de familia sua eiecerat, & plane domini animum abiecerat. Is eiectus à Sempronio, centum stipulatus est, quæ nunc Titius postulat. Intentio: Debes mihi centum, quæ Stichus abs te stipulatus est. D. Non debeo. Q. An debeat. R. Quia cum pro derelicto habebis. F. At nemo eum apprehenderat. D. An res pro derelicto habita, quamvis à nemine adhuc apprehensa sit, continuo tamen domini esse desinat. Iulianus hac de re consultus, respondet desinere. l. quod seruus. 36. D. de stip. seruor.

QUOD DOMINVS EA MENTE ABIECERIT.) Sequitur III. Pro derelicto haberi dicitur, cuius dominum possessionemque dominus ex animo suo abiecerit. l. 1. & 2. D. pro derelict. ubi Iulianus meo iudicio Pomponium merito reprehendit, qui non prius existimabat eam rem desinere esse ueteris domini, nisi ab alio possessa fuerit. nam desinit, inquit, omittentis esse: non sit autem alterius, nisi possessa fuerit. Itaque Paulus in insigni controuersia de puella ex ancilla Sempronij nata, cuius alimenta soluere Sempronius denegabat, dixeratque Patri suo L. Titio restitutus: respondit, Sempronium eam pro derelicto habuisse uideri, recteque à L. Titio manumissam. l. ult. D. eod.

Qui quod nauis leuandæ causâ iactum est, quodue de rheda decidit, lu-  
crandi animo aufert, furti obligatur. l. ix. §.  
ultimo. eodem.

XXXIII. Alia causâ est earum rerum, quæ in tempestate maris leuandæ nauis causâ ei-  
ciuntur. hæc enim dominorum permanent: quia palam est eas non eo animo eiici, quod quis eas ha-  
bere non uult, sed quo magis cum ipsa nauis periculum maris effugiat. Quæ de causâ, si quis eas flu-  
tibus expulſas, uel etiam in ipso mari nactas, lucrandi animo abstulerit, furtum committit. Nec  
longè discedere uidentur ab his, quæ de rheda corrente non intelligentibus dominis cadunt.

HÆ ENIM DOMINORVM PERMANENT.) Enunciatio I. Quod nauis leuandæ causâ deicitur,  
domini perm. in l. 2. in fin. & l. qui leuandæ. 8. D. de leg. Rhod. ubi Iulianus hæc causâs affert: Quippe, inquit, si inuentæ  
sint, ab ijs à quibus proiectæ sunt, auferuntur: & si suspicari fuerint, in quem locum eiectæ sint, eas auferent. Constitutio causæ:  
Cum qui periclitaretur in mari onera iecisset, ea fluctibus eiecta uiator sustulit. Intentio domini: Hæc onera mea sunt.  
D. Imò mea. Q. Verius sint. R. Quia pro derelicto ea habuisti: quippe qui ea peritura plane tibi persuaseris, cum in  
locum desperatissimum ea iaceres: & non natura, sed miraculo quodam acciderit, ut ea emerſerint. Ut igitur cætero quæ in  
C mari inueniuntur, quia nullius sunt, occupantis fiunt: sic hæc mea sunt. Atque hæc quidem Vlpiani diffinatio est. F. At cum  
animum habui, ut si qua ratione saluæ esse possent, mea manerent, non enim mea sponte ac libens eas proieci, sed plane tem-  
pestate coactus: nec in perpetuum domini animum abieci, sed ad tempus duntaxat, uel ut temporarij seruirem. D. An qui na-  
uis leuandæ causâ iactum alicuius rei facit, eam pro derelicto habere uideatur. Iulianus & Vlpianus hæc de re consulti, con-  
trariè responderunt. Ille in d. l. qui leuandæ, hic uero in l. falsus. 43. §. pen. D. de furt. Ego Iuliano assentior, existimanti num-  
quam eas res pro derelictis à domino haberi: quia ea uerè pro derelictis habentur, quæ nostre sponte abieciuntur. Itaque eodem  
Iulianus in l. quacumque. 58. de acquir. rerum domin. hanc suam sententiam confirmat: Quacumque res, inquit, ex mari ex-  
tracta est, non ante eius incipit esse qui extraxit, quam dominus eam pro derelicto habere coeperit. Quinetiam idem Vlpia-  
nus Pomponij sententiam idem existimantis comprobare uidetur in l. Pomponius. 44. D. eodem. ubi ait: Et si naufragio quid  
amissum sit, non statim nostrum esse desinere. Quod cum ita sit, perspicuum est, quid de Gripi & Thracalioni contro-  
uersia in Pla. qui Rudente dici oporteat, nam si quæ dominus ipse iecit, ipsius permanent, nec primi occupantis fiunt: multo ma-  
gis quæ in nauis fragio lapsæ sunt. Itaque non si quid in piscatorum retia incurrit, continuo eorum efficitur.

FVRTVM COMMITTIT.) Sequitur II. Qui rem nauis leuandæ causâ iactam, quamvis in litus à flu-  
tibus eiectam sit, retinet, furtum committit. d. l. qua ratione. & l. qui leuandæ. Verum aliud plane statuo & affirmo  
de urinatoribus, qui res nauis fragio perditis, ipsi sua sponte, non autem conducti eximunt. Hæc enim uenationis quedam  
species est, ut supra dixi.

QVÆ DE RHEDA CURRENTE.) Sequitur III. Qui quod de rheda lapsus est, sciens retis  
net, furtum committit. d. l. falsus. §. qui alienum. 4. de furt. Nec illud negligendum est quod ait,  
hunc casum nauis fragio esse similem: ut facile appareat, quæ piscatori in retia  
forte incurrit, ea non magis ipsorum fieri, quam quæ uia-  
tores decurru lapsæ offendunt.



DE REBUS CORPORALIBVS  
& incorporalibus.

## TITVLVS II.

*Res corporales tangi, demonstrariq; possunt: incorporales nec tangi, nec demonstrari, cerni tamen animo atq; intelligi possunt. l. i. de rer. diuis.*

» I. QVædam præterea res corporales sunt, quædam incorporales. Corporales hæ sunt, quæ tan-  
» gi possunt: ueluti fundus, homo, uestis, aurum, argentum, & denique aliæ res innumerabi-  
» les. Incorporales autem sunt, quæ tangi non possunt: qualia sunt ea quæ in iure consistunt: sicut hæ  
» reitas, ususfructus, usus, obligationes quoquo modo contractæ. Nec ad rem pertinet, quod in hæ  
» reditate res corporales continentur. nam & fructus, qui ex fundo percipiuntur, corporales sunt:  
» & id quod ex aliqua obligatione nobis debetur, plerunque corporale est: ueluti fundus, homo,  
» pecunia. nam ipsum ius hæreditatis, & ipsum ius utendi fruendi, & ipsum ius obligationis, in-  
» corporale est. Eodem numero sunt iura prædiorum urbanorum & rusticorum, quæ etiam ser-  
» uitutes uocantur.

QVÆ TANGI POSSVNT.) Enunciatio I. Quæ res tangi demonstrariq; possunt, eæ corporales dicuntur.  
l. i. §. hæ autem. D. de rer. diuis. Sola ergo indiuidua rerum corporalium nomine continentur: quippe quæ sola sub sensu ca-  
dant. Quod si ita est, nec fundus, nec homo, nec equus, cæteraq; quæ speciei nomine à Dialecticis, generis à Iurisconsultis appel-  
lantur, res corporales dici possunt. nam cum in genere fundum hominemue dicimus, rem uniuersam significamus: res autem  
uniuersæ cadere sub sensu non possunt, quippe à quibus sint remotissimæ. Quapropter Iustinianus hic scribit, fundum & ho-  
minem res esse corporales: intelligendum de hoc fundo, puta Tusculano: & hoc homine, puta Pamphilo uel Dauo. Hæc uero  
rerum diuisio tractatioq; bipartita, quorsum à Iustiniano nobis hoc tempore exposita sit, non uidco. Eius enim usus is qui olim  
fuit, nunc nullus est. Erat autem hic, quod ex acquirendi sex modis, quos Ulpianus cap. Instit. 19. enumerat, in dubium uocari  
poterat, quæ res quibus modis ab alienari possent: ueluti res incorporales quæ tradi non possunt, nec usucapi, an mancipari aut  
adiudicari possint. An qui hæreditatem in iure cefferat, res ipsius corporales cedere deinceps posset.

AVRVM ET ARGENTVM.) Insectum quidem, & factum. Signatum uero, uideamus ne rerum incorpora-  
lium numero sit: quippe in quo nec materiam, nec speciem, sed momentum, hoc est quantitatem, & ut nunc loquimur, ualorem  
spectemus. Atq; hoc est quod Iurisconsulti aiunt: in pecunia non corpora, sed quantitatem considerari: quæ de re in libro de  
usuris explicauimus. Itaq; Paulus in l. quod hæredis. 24. de cond. ind. res corporales à numis apertissime distinguit.

QVÆ TANGI NON POSSVNT.) Sequitur II. Quæ res tangi non possunt, eæ incorporales appellantur.  
Cicero autem in Topicis hæc sic exponit: Definitionum duo sunt genera prima. unum, earum rerum quæ sunt: alterum,  
earum quæ intelliguntur. Esse ea dico, quæ cerni tangiue possunt: ut fundum, ædes, parietem, stillicidium, mancipium, pecu-  
dem, supellectilem, penus, cætera. quo ex genere quædam interdum nobis definienda sunt. Non esse rursus ea dico, quæ tangi  
demonstrariue non possunt, cerni tamen animo atque intelligi possunt: ut si usucapionem, si tutelam, si gentem, si agnationem  
definias, quarum rerum nullum subest quasi corpus: est quædam tamen conformatio insignita & impressa in intelligentia,  
quam notionem uoco.

EA QVÆ IN IVRE CONSISTVNT.) Sequitur III. Iura omnia in rebus incorporalibus numerantur.  
Ac de hisce iam Imperatori constitutum est exponere, ac tradere quibus modis iura nobis acquirantur. Nam (ut Cic. ait  
ad Attic. lib. 5. epist. 17.) non minus nostra sunt quæ animo complectimur, quam quæ oculis intuemur.

SICVT HÆREDITAS, VSVSFRVCTVS.) Sequitur IIII. Nec hæreditas, nec ususfructus, res sunt  
quæ per illa nobis acquiruntur: sed ius eas acquirendi. Itaq; non satis intelligenter, neq; ad iuris ciuils subtilitatem accommo-  
datè uidetur à Cicerone definita hæreditas, pecunia quæ morte alicuius ad quempiam peruenit. Non enim hæreditas pecunia  
est, sed ius acquirendæ pecuniæ, siue ius succedendi. l. bonorum. 208. de uerb. sign. Multoq; minus toleranda Senecæ irrisio est,  
qui lib. de Benef. 6. sic scribit: Iurisconsultorum istæ argutæ ineptiæ sunt, qui hæreditatem negant usucapi posse: sed ea quæ in  
hæreditate sunt, tanquam quicquam aliud sit hæreditas, quam ea quæ in hæreditate sunt.

IN HÆREDITATE RES CORPORALES CONTINENTVR.) Hoc si uerum est, hæreditas  
non incommode pecunia definiri posset. Sed nec in hæreditate, quomodo Iurisconsulti uerbum hoc accipiunt, nec in iure hæ-  
dis res hæreditariæ continentur: improprie ergo dictum hoc est, & pro uulgari & populari dicendi consuetudine.

NAM IPSVM IVS HÆREDITATIS.) Hæc ad illud superius referenda sunt. Nec ad rem pertinet, ut to-  
ta hæc clausula (Nam & fructus qui ex fundo, &c.) quasi parenthesi inclusa legatur. Nonnulli autem Nam nro Sed inter-  
pretantur: quorum sententiam cur probare nequeam, res, ut opinor, ipsa sua sponte declarat.

QVÆ ETIAM SERVITVTES VOCANTVR.) Sequitur V. Iura prædiorum etiam seruitutes ap-  
pellantur. Quod non ita intelligi oportet, quasi eadem prorsus essent, sed ut relata hæc inter se habeantur: & illa uim agendi,  
hæc patiendi significationem habeant. Ergo in eo cui debetur, eundi puta facultas, ius dicitur: in eo qui debet, eruitus. Sunt au-  
tem seruitutes aut reales, aut personales: quod prætermitti sine culpa hoc loco non potuit. Reales sunt, q; d ab unius prædijs,  
alterius prædijs debentur. Personales uero, quæ ab unius rebus aut mobilibus aut immobilibus, terti cuiuspiam  
personæ debentur. Hoc igitur inter eas simile est, quod utræque à rebus debentur: illis au-  
tem dissimile, quod illæ rebus, hæc personis: illæ rerum tantum immobis-  
lium, hæc præter unam mobilium etiam  
constitui possunt.



A

## DE SERVITVTIBVS PRAEDIORVM.

### TITVLVS III.

*Quæ rusticorum prædiorum iura sint: item quid sit iter, actus, uia, aquæductus, l. i. de seruit. rust.*

**I. R**usticorum prædiorum iura sunt hæc: iter, actus, uia, aquæductus. Iter est, ius eundi ambu- <sup>cc</sup> \*armen  
landi hominis, non etiam \* iumentū agendi, uel uehiculum. Actus est, ius agendi \* uel \* iu- <sup>cc</sup> tum  
mentum, \* uel uehiculum. Itaq; qui habet iter, actum nō habet: qui actum habet, & iter habet, eoq; <sup>cc</sup> \*uacat  
uti potest etiam sine iumento. Via est, ius eundi & agendi & ambulandi: nam & iter & actum in se <sup>cc</sup> \*armen  
uia continet. Aquæductus est, ius aquæ ducendæ per fundum alienum. Inter rusticorum prædio- <sup>cc</sup> tum  
rum seruitutes quidam computari recte putant aquæ haustum, pecoris ad aquam appulsum, ius <sup>cc</sup> \*uacant  
pascendi, calcis coquendæ, arenæ fodiendæ.

**ITER EST IVS EVNDI.)** Enunciatio I. Iter ab eundo dictum est, propriumq; est hominis. Sequitur II. Actus ab agendo dictus est, propriusq; est pecudum. Sequitur III. Via a uehendo dicta est, propriaq; est uehicularum. Quæ omnia uti facilius intelligi possint, paulo fusius explicanda res tota uidetur. Varro libr. 4. de lingua Lat. Quæ agebant, actus: quæ uehebant, uia dictæ: quod fructus conuehebant, uille: quæ ibant, ab itu iter appellarunt: quæ id angustæ, semitæ, ut semiter dictum. Item lib. de Rust. l. 1. cap. 2. Villæ agri colendi causa constitutus, atq; appellatus a uilla, quod ab eo in eam conuehantur fructus. & conuehantur a quo rustici etiam nunc quoq; Viam uiam appellant, propter uecturam: & uellam, non uillam, quod uehant. Hæc Varro. Quibus ex uerbis, remotis omnium Iurisperitorum disputationibus, planissime constare arbitror, itinere actum, actu uiam latiore & ampliorem esse debere: homo enim transire per angustiore aditum, quam armentum aut grex, potest. armentum per spatium angustius duci, quam uehiculum, potest. Quod & Varro d. lib. 4. aperissime testatur, qui actus finem minimum in latitudinem scribit esse pedum quatuor: fortasse ab eo, quod & quadrupes agitur: in longitudinem pedum C. & XX. at lib. 6. uiam in directo pedum VIII. in anfractu XVI. quod & Caus l. 8. de seru. rust. confirmat. Non quod actus latitudo lege definita esset, ut ex l. 13. intelligitur: sed quia consuetudo ferè hæc obseruabatur. Et hoc est quod Paulus & Pompon. significant in l. uia. 24. de seru. rust. Via constitui angustior oculo pedibus potest, ut tamen eam latitudinem habeat, qua uehiculum ire potest: alioquin iter erit, non uia. Hic in l. si tam. 13. de seru. Si iam angustū loci demonstratione facta uia concessa fuerit, ut neq; uehiculum, neq; iumentū ea inire possit, iter magis quam uia aut actus acquisitus uidebitur: sed si iumentū ea duci poterit, non etiam uehiculū, actus uidebitur acquisitus. Hæc cum ita sint, reliqua uideamus.

**NON ETIAM IUMENTVM AGENDI.)** Ergo qui iter habet, quamuis iumento uehi possit. l. 12. de seru. rust. tamen illud manu ducere non potest. Quo quid stultius aut absurdius dici possit, non uideo. Reponendum igitur censco ARMENTVM. nam actum & uiam sine dubio significat, cum ait, Nec armentum, nec uehiculum agendi.

**VEL IUMENTVM, VEL VEHICVLVM.)** At duci uehiculum sine iumento non potest. Quare uehiculum satis erat dixisse: cum sine iumentis, hoc est, uel equis uel bobus, uehacula non agantur. Quapropter iterum ARMENTVM restituo: primum, quia sic se res habet, ut actus ab agendis pecudibus dictus sit, ut ex Varrone probauimus: deinde, quia Pomponius sic scribit in d. l. 12. de seru. rust. Actus est, ubi & armenta transire (hoc est, traducere) & uehiculum ducere liceat, tertio, quia Vlpianus sic scribit in l. adiles. 38. §. 1. de edil. edict. iumentorum autem appellatione an omne pecus contineatur, uideamus: & difficile est, ut contineatur. nam aliud significant iumenta, aliud significatur pecoris appellatione. Ita circo elogium huic edicto subiectum est, cuius uerba hæc sunt: QVARE DE IUMENTORVM SANITATE DIXIMVS, DE CAETERO QVOQVE PECORE OMNI VENDITORES FACIANT. Unde dubitari desist, an hoc edicto boues quoq; contineantur: etenim iumentorum appellatione non contineri eos, uerius est, sed pecoris appellatione continebuntur. Hæc Vlpianus: quæ non modo in edilium edicto, uerum etiam hisce in rebus locū habere arbitror: alioqui iumentis appellatione boues contineri, nemo est qui nesciat. Hinc illa lex XII. Si uia sit immunita, qua uolet is cui seruitus debetur, iumentum agere: hoc est, siue bouem, siue asinum, siue equum qui uehiculum trahat, quanquam eo loco iumentum pro uehiculo dictum esse, nihil prohibet: propter auctoritatem Gellij lib. 20. cap. 1. & Nonij Marcelli cap. de uerb. proprietate. Verum hæc quidem de bobus. Oues autem, & capras, & porcos, & agnos, iumentorum appellatione non contineri: ob eamq; causam legi hoc loco iumentum non posse, ubi de minutis pecoribus agit, cuius perspicuum esse arbitror. Iulius lib. Sent. 3. cap. 9. Pecoribus legatis quadrupedes omnes continentur, quæ gregatim pascuntur: iumentis legatis, boues non continentur.

**VEL VEHICVLVM.)** Hoc sine dubio a notatione & ueritate uerbi alienum est. non enim continuo, si cui ius armentum agendi permittitur, eidem ius uehiculum ducendi permittitur. Itaq; Pomponius d. l. si tam. 13. de seru. hoc docet actū a uia discrepare, quod actus spatium est pecoris agendi, non etiam uehiculi. Quare aut hæc duæ uoces tollendæ sunt: aut dicendum Imperatoris iuris usum & consuetudinem potius, quam uerborum proprietatem spectasse. nam iuris usus hic est, ut quoniam qui uehiculum ducendi ius habet, iumentum etiam quo uehes ducitur, agendi potestatem habet: plerumq; actus uerbo uia quoq; continetur, quemadmodum paulo post dicemus.

**QVI ACTVM HABET, ET ITER HABET.)** Sequitur IIII. In actu iter est: in itinere uero actus non continetur. qui usum fructum. 38. de uerb. oblig. ubi Iulianus ait, eum qui actum stipulatur, deinde iter, posteriore stipulatione nihil agere, sicuti qui decem, deinde quinq; stipulatur. Vlpianus tamen in l. si mater. 11. §. si quis. 4. de except. rei iudic. scribit: Si quis iter petierit, deinde iter petat, aliud nunc petitum, aliud nunc: eoq; rei iudicata exceptionem cessare. Sed ratio perspicua est, quia & alia obligatione nunc petitur.

**ETIAM SINE IUMENTO.)** Codex Florentinus: Et iter habet etiam sine iumento. Quæ lectio minus multo quam hæc deprauata est. Legatur enim ARMENTO: loco sua, ut spero, integritas constabit.

**ET AGENDI ET AMBVLANDI.)** Primum nihil de uehendo loquitur, quod tamē uia propriū & peculiare est.



esse, paulo ante docuimus. deinde, quorsum ambulandi uerbum hoc loco pertinet? Fieri autem potest, ut Vlpianus scripserit **A**  
**AUEHENDI**: quod si reponamus, sensus erit optimus & integerrimus. Nam uia, ut diximus, & agendi pecoris, & uehiculi ducendi ius continet. Quod si pertinaciter aliquis pugnaret, locum sic interpretaremur, ut agendi uerbum ad iumenta quæ uehes trahunt, pertineret: sicut in lege XII. Tab. si uia sit immunita, qua uolet is cui seruitus ea debetur, iumentum agitor: id est, equum bouemue uehiculo iunctum. Quæ ex re intelligi uolumus, etsi actus proprie pecorum dicitur, tamen quia qui uehem ducit, iumentum agit, ideo iurisconsultos Romanos frequentissime agendi nomine uiam quoque comprehendisse: ut in illis formulis, Ire agere licere. Nam actum & pecoris & iumentum uehicularis hæc formula continet. Itaque Seruius in 4. Aeneidos, Via, inquit, est actus dimidius: quia potest ire uehiculum, nam actus duo carpenta capit, propter euntium & redeuntium concursus: sed in definitionibus ac differentijs proprietatis uerborum usurpanda & sequenda est.

**VIA IN SE CONTINET.**) Sequitur V. Cui uia, eidem & actus & iter debentur. Potest ergo non modo solus ire, uerum etiam pecus suum illac agere: quippe qui spaciū habeat latissimum.

**IVS AQVAE DUCENDAE.)** Sequitur VI. Alia est seruitus aquæ ducendæ, alia hauriendæ. l. 3. §. 1. de seru. rúst. ac enim qui ductū habet, haustum habet nec qui haustum, ductum, nam qui ductū habet, iter nisi reficiendi tempore, nō habet. l. refectio. 11. D. com. præd. at qui haustum habet, iter etiā habere intelligitur ad hauriendū: inquit Neratius d. l. 3. de seru. rúst. ubi hoc addit, siue haustus & aditus: siue haustus tantum, siue etiā aditus tantum cōstituatur, utrunque permissum intelligi.

**INTER RUSTICORVM PRÆDIORVM.)** Hos quatuor uersus quos scriptor Triboniani temulentus, suo loco motos, post insequentem §. reiecerat, in suam possessionem restituiimus, & Vlpiani auctoritatem, & disputationis rationem secuti. Quod nostrum factum, non dubitamus quin studiosorum animis nulla inuidia labe suffusis ardeat.

**PECORIS AD AQVAM APPVLSVS.)** Sequitur VII. Alia est seruitus pecoris agendi, alia pecoris ad aquam appulsus, alia pecoris pascendi. Nam qui secundam habet, aut tertiam, primam quoque habere intelligitur: at id non reciprocatur, nec uicissim retroque commeat.

**CALCIS COQVENDAE.)** Sequitur VIII. Calcis coquendæ seruitute, ius eiusdem eximendæ continetur. l. 5. & 6. de seru. rúst. quod non arbitror reciprocari: non enim si calcis eximendæ ius alicui concessum est, eidem eodem loco coquendæ permissum existimatur. Obseruandum autem est, quod Vlpianus d. l. 5. & 6. scribit, huiusmodi seruitutes non ultra constitui posse, quàm quatenus ad uicini fundi usum satis est.

*Prædiorum urbanorum seruitutes dicuntur, quarum usus est tantum in ædibus:  
 siue illæ in urbe, siue in agro sint. l. cxc viij. de uerb. sign.*

**II. Prædiorum urbanorum seruitutes sunt hæc, quæ ædificijs inhærent. ideo urbanorum prædiorum dictæ, quoniam ædificia omnia urbana prædia appellamus, etsi in uilla ædificata sint. Itæ urbanorum prædiorum seruitutes sunt hæc, ut uicinus uicini onera sustineat: ut in parietem eius liceat uicino tignum immittere. ut stillicidium uel flumen recipiat quis in ædes suas, uel in aream, uel in cloacam: uel non recipiat. & ne altius quis tollat ædes suas, ne luminibus uicini officiat.**

**QVAE AEDIFICIIS INHÆRENT.)** Enunc. I. Prædiorum urbanorum seruitutes, ædium propriæ sunt. l. 1. D. commun. præd. neque enim ulla est urbana seruitus, quæ ad ædium rationem non pertineat: aut sine ædibus possit consistere.

**VRBANA PRÆDIA APPELLAMVS.)** Sequitur II. Aedes omnes priuatae, urbana prædia, ubicunque sint, appellantur. l. 1. D. commun. præd. l. urbana. 166. D. de uerb. sign. Itaque, quamuis in agro ædificia sint, urbana tamen appellantur. unde Columella lib. 1. cap. 6. urbanam uillam appellat, quam dominus uoluptatis causa sibi in agro suo ædificauit. nam etsi in agro sit, urbani tamen ædificij usum præstat. Eodem modo Cicero Verrina 5: Nummos uero ut daret arator quos non habebat, boues, & aratrum ipsum, & omne instrumentum uendat necesse est. Non enim debetis hoc cogitare: Habet idem in nummis, habet idem in urbanis prædijs. Ex usu ergo quem ædificium præbet, non ex loco illud æstimandum ac iudicandum est. Itaque non quotiescunque ædificium est, ibi prædium urbanum est: ueluti ea uilla quam Rusticam idem Columella nominat, prædium urbanum non est, quia rusticarum usum præstat: ac multo minus fructuaria, ubi cella olearia, torcularia, uinaria, defrutaria, fœnilia, apothecæ, & horrea sunt. Præclare ergo Neratius in l. 4. D. in quibus caus. pignus uel hypoth. Rustica prædia nominauit, quæ agricolis & uillicis usui sunt. Similiter prædia rustica dici possunt, etiā quæ intra urbem mœnia sunt: ueluti horti uincarij, uel olitorij, qui in reditu sunt: ait Vlpian. ut si qua in oppidis torcularia & fœnilia, & prædioria sint. Atque hæc quidem de prædijs tum urbanis, tum rusticis: quæ tamen antiquorum scriptorum auctoritate confirmamus. Vetus igitur Pæni Magonis liber ex S. C. conuersus hoc primordium, ut Columella loquitur, habuit: Qui agrum parauit, domum uendit: ne malit urbanum, quàm rusticum luxem colere: cui magis cordi fuerit urbanum domicilium, rustico prædio non erit opus. Aperte Mago rusticum appellat, quod ab urbani usu atque consuetudine abhorret. fuitque hæc natua & germana loquendi ratio: quæ tamen propter ciuilem fori ambitionem, de qua eodem loco Columella loquitur, corrupta est: nam & urbem in agros, & rus in urbem, ut ita loquar, importauit: cum alij uillas magnificas & sumptuosas ruri, & hortos uetustates in urbibus constituerent. Seruitutum autem aliam esse rationem arbitror. Hæc enim urbanas dici pulsas, quæ quibusuis ædificijs, & quælibet, hoc est siue urbanum, siue rusticum usum præbentibus, accommodatae sunt. Cum enī & ex urbibus originem habeant, in quibus ædificia sunt, & magna ex parte in urbibus hæc iura tignorum & stillicidiorum usurpentur, nomen ea originis suæ retinuisse uerisimile est. Quare uel Neratij ædificia uel uicini, uel librarij per alium oportet fuisse in l. 2. D. de seru. rúst. ubi ait rusticorum prædiorum seruitutes esse, licere altius tollere, & officere prætorio uicini. Nam & prætorium, urbanum prædium est, quippe quod urbana domus usum præbeat: & hæc altius tollendæ ruitus urbium propria magis est, quàm agrorum. Eodem prorsus modo Pomp. in l. urbana familia. 166. & Paul. in l. seru. 99. de legat. lib. 3. familiam æstimadam censent, non ex loco, sed ex genere & opere. ut si dispensator rusticarum rerum rationibus præfectus sit, maxime uero si ibidem habitet, in rustica familia, cui suam operam nauat, non in urbana nominabitur. & uicissim quamuis puer symphonicus,



**A** symphonicus, uel literis, pictura, medicina, alia uel liberali arte doctus ruri sit, rusticae tamen familiae numero non habebitur. His igitur positis, sequatur iam causae constitutio: Sempronius L. Titio sua praedia urbana legauit. Titius ab haerede uillam urbanam petit. Intent. Hanc domum mihi ex testamento debes. D. Non debeo. Q. An debeat. R. Quia in urbe non est. F. At urbani aedificij usum praestat. D. An urbanis praedijs legatis, ea omnia quae urbanorum usum praestant, quamuis in agro sint, debeantur. Quod Iustinianus confirmat.

**VT IN PARIETEM EIVS LICEAT.)** Sequitur III. Alia est seruitus oneris ferendi, alia tigni immittendi. l. etsi forte. 6. §. 2. l. 8. §. competit. D. si seruit. uind. Nam cui prior debetur, agere cum uicino potest, ut ruinosum parietem reficiat, eumque oneri ferendo idoneum praestet. quemadmodum supra dicebamus, eum qui uiam debet, eam munitam praestare debere: alioqui eum cui debetur, posse quod uelit iumentum uehiculumque agere. At qui tigni immittendi ius habet, cogere uicinum ut parietem reficiat non potest: quod et Paulus l. eum debere. 33. de seruit. urb. plenius explicat. Constitutio causae: Qui tigni immittendi ius habebat, egit cum uicino ut parietem reficeret. Intent. Debes mihi ubi immittam praestare, sicut in oneris ferendi seruitute. D. Non debeo. Q. An debeat. R. Quia in actionem tui solius, non etiam mei facti mentio habita est: at in actione oneris ferendi, meum quoque factum ferendi scilicet, continetur. F. At immitti non potest, nisi ubi immittatur extet. D. An cum immittendi ius datum est, praestari semper ubi immittatur, debeat. Respondetur, non debere: quod eodem modo de certa nauis, et certo curru dici potest, non enim cui onera sua in certam nauim currum uel immittendi ius datum est, continuo potest uel nauis uel curru facto, dominum ut reficiat, suamque onera ferat cogere.

**STILICIDIUM VEL FLUMEN.)** Sequitur IIII. Alia est stillicidij, alia fluminis recipiendi seruitus. l. seruitutes. 20. de seruit. urb. Stillicidium, cum ex testis: flumina, cum ex canalibus et alucis, plumbeis puta, uel ligneis, aqua pluuia labitur. Varro lib. 4. de ling. Lat. flumen, quod fluat: a quo lege urbanorum praediorum scribitur, stillicidia fluminaque ut ita fluant cadantque. Inter haec hoc interest, quod stillicidium, eo quod stillatim cadat: flumen, quod fluat continue. Itaque intelligendus Paulus est in l. seruitutes. 20. §. stillicidium. de seruit. urb. et Pomponius l. cum in lege. 33. de cont. emp. Ergo stillicidij recipiendi seruitus dicitur, quia uicinus pati cogitur, ut aqua pluuia ex tecto meo in suas aedes labatur. Fluminis uero, quia ferre cogitur, ut aqua eadem in alucum canalem uel recepta, in suas aedes cum impetu feratur. Hinc Paulus d. l. seruitutes. §. 3. Si ante ex tegula casitauerit stillicidium, postea ex tabulato, uel alia materia casitare non potest. Item, stillicidium inferius demitti non potest: quia fit grauior seruitus, id est, pro stillicidio flumen.

**NE LUMINIBVS VICINI.)** Sequitur V. Alia est seruitus non tollendi, alia uicini luminibus non officiendi. l. 12. 15. 16. 17. de seruit. urb. Nam illa aedificationem solam, haec quicquid lucem adimit aut minuit, prohibet. Itaque Paulus l. 4. D. eod. Cum seruitus, inquit, imponitur, ne luminibus officatur, hoc maxime adepti uidemur, ne ius sit uicino inuitis nobis altius aedificare, atque ita minuere lumina nostrorum aedificiorum. Vlpianus autem l. 15. In luminibus, inquit, cauetur, ne lumina cuiusquam obscuriora fiant: quodcumque igitur faciet, ad luminis impedimentum prohiberi potest. Haec ille. Sequitur causae constitutio: Vicinus qui mihi seruitutem ne altius tolleretur debebat, uiridarium parieti suo imposuit. Intentio mea est: Non tibi licet uiridarium in eo loco habere, quia meis luminibus officit. D. Imo licet. Q. An liceat. R. Quia aliud est parietem tollere, aliud uiridarium impositum habere. F. At istud uiridarium id ipsum efficit, quod ne fieret, per altius non tollendi seruitutem confectus eram: meis enim luminibus aut non minus, aut etiam amplius quam si paries sublatus esset, officit. D. An qui altius tollere non potest, impositum aliquid quod luminibus officiat, habere non possit. Respondetur a Iauoleno in d. l. 12. Aedificia quae seruitutem patiuntur, ne quid altius tollatur, uiridia supra eam altitudinem habere possunt. De alia uero seruitute Vlpianus l. 17. sic scribit: Si arborem ponat, ut luminibus officiat, aequum dicendum erit, contra impositam seruitutem eum facere. nam et arbor efficit, quo minus caeli uideri possit. Pomponius autem l. si seruitus. 23. D. eod. Si ita sit cautum, ne luminibus officiat, ambigua est scriptura, utrum ne his luminibus officiat, quae nunc sunt, an etiam his quae postea quoque fuerint. et humanius est, uerbo generali onne lumen significari, siue quod in praesenti, siue quod post tempus conuentionis contigerit.

**Haec seruitutes quia sine praedijs esse nequeunt, praediorum appellantur: et actionibus, stipulationibus ac testamentis constitui possunt.**

**l. j. et xv j. commun. praed. l. iij. de usufr.**

**III. Ideo autem haec seruitutes praediorum appellantur, quoniam sine praedijs constitui non possunt. nemo enim potest seruitutem acquirere urbani uel rustici praedij, nisi qui habet praedium: ne quisquam debere, nisi qui praedium habet. Si quis uelit uicino aliquod ius constituere, pactio- nibus et stipulationibus id efficere debet. Potest etiam in testamento quis haerede suum dam- nare, ne altius tollat aedes suas, ne luminibus aedium uicini officiat: uel ut patiatur eum tignum in pariete immittere, stillicidium uel aduersus eum habere: uel ut patiatur eum per fundum ire, a- gere, aquam uel ex eo ducere.**

**SINE PRAEDIIS CONSTITVI NON POSSVNT.)** Enunciatio I. Superiores seruitutes constitui nisi inter eos qui praedia possident, non possunt. l. quoties. 15. de seruit. Nam cum seruitus actione et perpe- sione constet, et quisquam debere, nisi qui praedium habet. Si quis uelit uicino aliquod ius constituere, pactio- nibus et stipulationibus id efficere debet. Potest etiam in testamento quis haerede suum dam- nare, ne altius tollat aedes suas, ne luminibus aedium uicini officiat: uel ut patiatur eum tignum in pariete immittere, stillicidium uel aduersus eum habere: uel ut patiatur eum per fundum ire, a- gere, aquam uel ex eo ducere.



nondum existenti, sed cuius existentia ex libera contrahentis potestate pendeat, constitui possit. Pomponius l. si seruitus. 23. **A**  
 de seruit. urb. Futuro quoque edificio, inquit, quod nondum est, uel imponi uel acquiri seruitus potest. Nam etsi seruitus præ-  
 sentem actionem perfectionemque desideret, atque ideo ubi nihil interest, constitui seruitus non possit, tamen seruitutis spes  
 quædam constitui potest: quæ seruitus tum demum nascitur, cum edificium illud cui utilis futura est, constructum erit. Ex  
 quo primum intelligi debet, ante constructum edificium licere tibi aliis tollere, cum id mea nihil plane referat. Deinde il-  
 lud positum ac fixum debet esse, spem illam quæ concipi potest non à fortuna, & dubio futuri temporis euentu, sed à libera  
 & summa contrahentis potestate concipiendam esse: nasci enim alioqui seruitutem, ut factum male conceptum non posse,  
 ueluti si area mea non fuisset: item si in tuis ædibus quæ à meis tertie sunt, non tollendi seruitutem constituere uelim, cum æ-  
 des intermedia mirandum in modum sublimes essent, argumentari possumus eam non ualere: quia ut maxime spes esset ædes  
 intermediæ depresso iruitamen quia spes illa in fortuna posita est, concipi non potest. Hinc illud Labeonis l. 10. D. de seruit.  
 rust. Talis, inquit, seruitus constitui potest, ut aquam querere & inuentam ducere liceat. nam si licet nondum edificato ædi-  
 ficio seruitutem constituere, quare non æque liceat nondum inuenta aqua eandem constituere seruitutem? etsi ut querere li-  
 ceat, sedere possumus: etiam ut inuenta ducatur, cedi potest. At idem in l. ult. D. si seruit. uind. spem incertam aquæ ductus con-  
 stituendi, concipi non posse dixerat: quod tamen Paulus, ut alia complura, sophisticè calumniatur, sed hoc extra rem. Illud  
 constat, si aquam querendi, & inuentam ducendi ius ibi duceretur, ubi nulla plane spes esset eius reperiendæ, seruitus hæc  
 appellanda non esset. Siue autem ITER siue DVCTVS in d. l. ult. legatur, nihil refert, ridiculumque est, Labeonem non  
 sibi constare arbitratum satis constet, aliam esse seruitutem aquæ querendæ, aliam ducendæ. nam in illa spes ferè explicata  
 ta est: quippe in stipulatoris potestate posita, qui scit aquam usquam subesse: in hac uerò spes propè nulla est. nam ut ipse fundi  
 dominus querere ceperit, ideo tamen nondum reperta constituere ductum non potest: quia non in acquirentis, sed in ipsius  
 potestate est persequi, uel non persequi. Hinc Iulianus l. qui edificium. 22. D. de seruit. urb. Qui edificium habet, potest à uicino  
 stipulari, non solum ne luminibus quæ iam habet noceat, uerum etiam ijs quæ deinceps habiurus est. Quid ita? quia spes alio-  
 rum luminum habendorum in ipsius solius potestate posita est. Reuera ergo hæc seruitus nondum est, potestque aliter interea ob-  
 edificare: sed spes tantum seruitutis apte & commodè concepta: quæ simulatque fenestra aperta fuerint, uim suam sic exeret,  
 ut ob edificatum illud euerendi potestatem habeat.

PACTIONIBVS ATQVE STIPULATIONIBVS.) Sequitur II. Seruitus pactionibus atque stipula-  
 tionibus acquiri potest. l. 3. D. de usufr. l. 5. D. de seruit. urb. Stipulationes autem pactiones quidem sunt: sed quia multo firmio-  
 res sunt, ideo nomen suum præcipuum obtinent. Hæc autem formula solennis erat: Per te non fieri, quo minus mihi hæredique  
 meo ire agere, immisum lumen, stillicidium, flumen, cloacam, fistulam habere liceat. ut in l. 3. & 4. D. de uerb. oblig.

POTEST ETIAM TESTAMENTO QVIS.) Sequitur III. Testator hæredem suum damnare, ut ser-  
 uitutem in prædio suo patitur, potest. l. potest. 16. D. com. præd. Causæ constitutio: Cornelius in suo testamento damnauit me,  
 ne alius ædes tollerem: cum ego sustulissen, uicinus egit. Intentio: Non licet tibi tollere propter seruitutem à testatore imposi-  
 tam. D. Imò licet. Q. An liceat. R. Quia seruitus, quippe qualitas, neque ex tempore, neque ex conditione imponi potest. l. 4. D. de  
 seruit. Testator autem usus est sic dicens: Ex die mortis meæ, uel, Si moriar. F. At testamenti lex uim ante testatoris mortem  
 nullam habet, sed tantum post mortem uires sumit: quare non ex scripti testamenti, sed ex mortis tempore seruitus constituta  
 est. D. An seruitus testamento constituta, ex eo tempore uiresumat, quo mortuus est.

## DE VSVFRVCTV.

### TITVLVS III.

*Vsusfructus definitur, traditurque constitui in rebus alienis per testamentum,  
 pactionem & stipulationem: certisque alijs modis cum pro-  
 prietate reconciliari. l. 1. 2. & 3. de usufr.*

earum

- I.** **V** Susfructus est ius alienis rebus utendi fruendi, salua \* rerum substantia. Est enim ius in cor-  
 pore: quo sublato, & ipsum tolli necesse est. Vsusfructus à proprietate separationem recipit,  
 idque pluribus modis accedit. ut ecce, si quis usumfructum alicui legauerit: nam heres nudam habet  
 proprietatem, legatarius uero usumfructum. Et contra, si fundum legauerit, deducto usufructu: le-  
 gatarius nudam habet proprietatem, hæres uero usumfructum. Item alij usumfructum, alij dedu-  
 eo fundum legare potest. Sine testamento uero si quis uelit usumfructum alij constituere, pactioni-  
 bus & stipulationibus id efficere debet. Ne tamē in uniuersum inutiles essent proprietates, sem-  
 per abscedente usufructu: placuit certis modis extinguere usumfructum, & ad proprietatem reuerti.

IVS ALIENIS REBUS UTENDI FRUENDI.) Enunciatio I. Vsusfructus, est ius ex seruitute quæ-  
 situm. l. 1. D. eod. & l. uti frui. 5. D. si seruit. uind. Atque ita intelligendum est quod ait IVS. nam reuera ususfructus est seruitus:  
 sed ius & seruitus relativa sunt. Cum igitur ususfructus, seruitus rei sit, ius uero personæ, relinquuntur ususfructus esse ius ex  
 seruitute quæsitum, alioqui colonus & commodatarius ius haberent utendi fruendi rebus alienis, salua earum substantia: non mi-  
 nus quam ususfructuarius. Verum inter illos & hunc hæc differentia est, quod neque ager colonus, neque equus commodatario ser-  
 uitutem debet: usufructuario uero debet. Hinc nascitur causæ constitutio: Cornelius Sempronio legat sextam partem ex redas  
 etu suarum frugum. Mortuo testatore Sempronius postulat, ut sibi pro hac parte fundo Corneliano uti liceat. Intentio:  
 Debes mihi usumfructum partis istius fundi, uel partem ususfructus istius fundi, propter legatum. Depu-  
 beo. Q. An debeat. R. Quia ususfructus est affectio fundi seruitutem personæ alicui debentis: itaque & affectum fundum esse  
 oportet, & eum ipsum seruitutem alicui debere. At hoc legato, neque affectus fundus ulla seruitute est, neque ipse tibi eam fru-  
 gum partem debet, sed ego tantummodo: similisque hæc obligatio est eius quam Scæuola refert in l. ult. §. 1. de contr. empt. ubi  
 qui an-



**A** qui annuam pensionem certo ex fundo promittit, neque ab alienato fundo liberatur, neque in emptorem obligationem transfert. In summa, hoc legato, non ius personæ in rem (ut in usufructu) sed ius personæ in personam constitutum est: quia non dictum est, Sextam partem frugum, sed ex redactu frugum. F. At hæc uerba, Sextam partem ex redactu, uim aliam non habent, quam hæc sextam fructuum partem, utrum enim res, an eius æstimatio legatur, hac in re nihil interest: cõstat autem, fructibus pro parte legatis, usumfructum eius partis constitutum esse. l. etiam. 43. de usufr. D. An qui partem non fructuum, sed precij ex fructibus redigendi legauit, usumfructum eius partis legasse uideatur. Scauola in l. defuncta. 58. §. 1. D. de usufr. respondet, non usumfructum, sed ex eo quod redactum esset partem legatam. quapropter nimirum, quia ususfructus ex ipso fundi corpore percipitur: est enim ius in corpore, inquit Celsus. At hæc pecunia non a fundo, sed ab hærede debetur atq; colligitur. Quare neque quod pars frugum definita est, neq; quod certarum frugum, oleis puta, aut porrinæ qualitas nominatim expressa est, ut quisbusdam uidetur: sed quod precij ex frugibus redigendi pars legata est, ususfructus non est constitutus.

**ALIENIS REBUS VTENDI.)** Sequitur II. Vsumfructus rerum tantum alienarum constituitur. l. uti frui. 5. ubi Ulpianus ait, eum qui proprietatem habet, utendi fruendi ius separatim non habere: nec enim ei posse suum fundum seruire. Quare etsi dominus qui solidam proprietatem habet, reuera usumfructum habeat, tamen hunc usumfructum, qui se iure est, non habet. hoc autem uocabulum docendi causa Iurisconsulti proprie ad seruitutem reuocarunt.

**SALVA RERVM SVBSTANTIA.)** EARVM, opinor, uerius & commodius legeretur. Sequitur III. Vsumfructuarius rei mutandæ ius non habet. l. 7. 44. & 64. D. de usufr. ubi fructuarius nec in arca edificare, nec inchoatum ædificium absolueri, nec alius tollere, nec parieti tectorum inducere posse traditur.

**IPSVM TOLLI NECESSE EST.)** Sequitur IIII. Vsumfructus interitu corporis in quo constitutus est, extinguitur. l. 2. D. cod. & l. 5. §. 2. D. quib. mod. usufr. amitt. nam cum ususfructus per se constare (ut accidentia omnia) nõ possit, sublata substantia, ipsius interitus continuò consequatur necesse est.

**PLVRIBVS MODIS ACCIDIT.)** Sequitur V. Vsumfructus testamento, pactionibus, & stipulationibus constituitur. l. 2. 3. & 4. D. cod.

*Vsumfructus rerum duntaxat quæ utendo non consumuntur, constitui potest: cæterarum uerò quasi ususfructus per cautionem constituitur. l. j. ij. D. de usufr. ear. rer.*

**II. Constituitur autè ususfructus non tantum in fundo & ædibus, uerum etiam in seruis & iumentis, & cæteris rebus: exceptis ijs quæ ipso usu consumuntur.** Nam hæc res neq; naturali ratione neq; civili recipiunt usumfructum. quo numero sunt uinum, oleum, frumentum, uestimenta: quibus proxima est pecunia numerata. Namq; ipso usu alidua permutatione quodammodo extinguitur. Sed utilitatis causa senatus censuit, posse etiam earum rerum usumfructum constitui: ut tamen eo nomine hæredi utiliter caueatur. Itaq; si pecuniæ ususfructus legatus sit, ita datur legatario, ut eius fiat: & legatarius satisfaciat hæredi de tanta pecunia restituenda, si morietur, aut capite minuetur. Cæteræ quoq; res ita traduntur legatario, ut eius fiant: sed æstimatis his, satisfidatur, ut si moriatur, aut capite minuatur, tanta pecunia restituatur, quanti hæ fuerint æstimatæ. Ergo senatus non fecit quidem earum rerum usumfructum (nec enim poterat) sed per cautionem quasi usumfructum constituit.

**VERVM ETIAM IN SERVIS ET IUMENTIS.)** Enunciatio I. Vsumfructus non modò immobilium, sed & mobilium rerum constitui potest. l. 3. §. consistit. D. de usufr.

**QVÆ IP SO VSV CONSUMVNTVR.)** Sequitur II. Quarum rerum fructus separari ab earum corporibus non potest, earum ususfructus nulla ratione constituitur. l. 2. de usufr. earum rer. Nam ususfructus est ius separandi fructum à corpore rei alienari uino uerò, uel frumento, uel numis separari fructus non potest. Itaq; non uti huiusmodi rebus, sed abuti potius dicimur. Hinc illud Cic. in Top. Non debet ea mulier, cui uir usumfructum bonorum suorum legauit, cellis uinarijs & olearijs plenis relictis, putare id ad se pertinere: usus enim, non abusus relictus est. ea sunt inter se contraria. ubi Boetius: Vtimur, inquit, ijs rebus quæ nobis utentibus, permanentijs autem abutimur, quæ nobis utentibus pereunt. Quocirca si quis mihi mille coronatorum usumfructum se dare diceret, perinde esset ac si mihi eos se quandiu uiuerem mutuo dare liceret: ridiculaq; hæc illius esset argutia.

**VTILITATIS CAUSSA SENATVS CENSUIT.)** Sequitur III. Rerum quæ in abusu consistunt, quasi fructus per cautionem constituitur. l. 2. & 7. D. de usufr. ear. rer. nam satisfidatio in corporum locum apud proprietarium succedit. Sed mirum est quod ait, Senatui hoc statuisse: quasi nulla tanto tempore Iurisconsultorum ingenijs excogitari potuerit ratio, qua legatum hoc ualeret. Sed causæ constitutionem affingamus: Sempronius mihi mille aureorum usumfructum legat. D. Titio est: Debes mihi mille coronatorum usumfructum. Depulsio hæredis: Non debeo. Q. An debeat. R. Quia ususfructus à proprietate seiuinctus est, ut alterius proprietatis sit, alterius ususfructus: pecuniæ autem nullus nisi proprietarius fructus potest recipi. F. At hoc mutuum quoddam est, quod abs te mihi fieri testator iussit. D. An qui pecuniæ usumfr. legat, eius mutuum legasse uideatur. Quod mihi quidem sic uidetur. nam inter uiuos ridiculum est querere, an ususfructus cedi earum rerum mutuum legasse uideatur. Verum quia subtilitas Iurisconsultorum, qui syllabas confectant, posuit: cum satisfidatio constet, eo uerbo mutuum aperte significari. Verum quia subtilitas Iurisconsultorum, qui syllabas confectant, posuit: cum satisfidatio constet, eo uerbo mutuum aperte significari. Verum quia subtilitas Iurisconsultorum, qui syllabas confectant, posuit: cum satisfidatio constet, eo uerbo mutuum aperte significari. Verum quia subtilitas Iurisconsultorum, qui syllabas confectant, posuit: cum satisfidatio constet, eo uerbo mutuum aperte significari.

*Vsumfructus usufructuarij morte, capitis deminatione, non rectè utendo, cessione, consolidatione, mutatione rei sic extinguitur, ut solida rei proprietates ad dominum reuertatur. l. j. & v. D. quib. mod. usufr. amitt.*

**III. Finitur autè ususfructus morte usufructuarij, & duabus capitis deminutionibus, maxima & media,**



& media, non utendo per modum & tempus: quæ omnia nostra statuit constitutio. Item finitur usufructus, si domino proprietatis ab usufructuario cedatur (nam cedente extraneo, nihil agitur) uel ex contrario, si usufructuarius proprietatem rei adquisierit: quæ res Consolidatio appellatur. Eo amplius constat, si ædes incendio consumptæ fuerint, uel etiam terræ motu, uel uitio suo corruerint: extingui usumfructum, & ne aræ quidem usumfructum deberi. Cum autem finitus fuerit usufructus, reuertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

FINITVR AVTEM VSVSFRVCTVS.) Locus est apud Paulum lib. Sent. 3. cap. 6. qui non mediocriter nostrum huc illustrat. Vsumfructus, inquit, amissus ad proprietatem recurrit. Amittitur autem quinq; modis: capitis minutione, rei mutatione, non utendo, in iure cessione, domini comparatione. Cætera studiosus ex ipsis fontibus cognoscat.

MORTE FRVCTVARII.) Enunciatio I. Fructuarij morte, capitis minutione, & recte utendi negligentia usufructus amittitur. l. corruptionem. 16. C. de usufr. Morte quidem fructuarij, quia ius personale est, quod eam personam ni eo habeat non egreditur. Institutus enim primum usufructus est ab ijs qui certis personis relinquere duntaxat ea uolebant, quæ ad earum uictum cultumq; necessaria uiderentur. Capitis autem minutione, ut l. in singulos. 8. D. de an. leg. quia quæ iuris civilis sunt, ea contrarij eiusdem iuris institutis tolluntur: quia ea morti comparatur, quamvis minima sit: uti suo loco pluribus explicauimus. ob eamq; causam ante Iustiniani constitutionem emancipatione quasi morte usufructus extinguebatur: ut Paulus lib. 3. Sent. cap. 6. scriptum reliquit. nec iniuria. nam si filius, cuius solius uitæ consilium uolebam, eiq; propterea prædium aliquod utendum fruendum, uti de Sext. Roscio Cicero testatur, dederam, à me postea in adoptionem emancipetur: quia iam unde alatur, aliunde nactus est, nihil attinet eum usufructum illum retinere. Recte uero utendi negligentia, quia si per tempus constitutum aut non utatur, aut male, id est contra præscriptum modum utatur, ius illius interit, quemadmodum de alijs seruitutibus Paulus scribit in l. si communem. 10. D. quemad. ser. amitt. Si is qui nocturnam aquam habet, & interdum per constitutum ad amissionem tempus usus fuerit, amissi nocturnam seruitutem qua usus non est. idem est in eo qui certis horis aquæ ductum habens, alijs usus fuerit, nec ulla parte earum horarum.

CEDENDO EXTRANEO NIHIL AGITVR.) Sequitur II. Fructuarius ius suum proprietario cedere potest: extraneo uero nequaquam. l. si usufructus. 66. D. de iure dot. non quod extraneo commodum usufructus, quandiu ipse fructuarius erit, cedere non possit. nam ut ait Vlpian. l. arboribus. 12. D. de usufr. Fructuarius uel ipse frui ea re, uel alij si uideam conducere, uel locare, uel uendere potest. nam & qui locat, utitur, & qui uidet. Quid ergo est inimirum, si extraneo cedat, non suum usufructum, sed alterum propter illum cedit: qui ex illo suo sic pendebit, ut eo mortuo uterq; extinguatur. NIHIL AGIT ergo sic accipiendum est, quasi diceret: non diuturniorem iccirco usufructum suum faciet, uel non iccirco diutius usufructum à proprietate separabit. Eodem modo quod ait Pomponius, l. si usufructus. 66. de iure dot. Si extraneo cedatur, nihil ad eum transire, sed ad dominum proprietatis reuersurum usufructum sic accipe, Nihil noui iuris ad eum transire, quod usufructum diutius à proprietate seunctum teneat.

CONSOLIDATIO APPELLATVR.) Sequitur III. Fructuarius proprietatem acquirens consolidare dicitur. l. 3. §. 1. D. de usufr. accrescendo. Hinc apud Iauolen. in l. d. liberio. 35. D. de bon. lib. Solida proprietatis dicitur, in qua usufructus inest, itemq; Paulum l. Sempron. 26. §. 1. D. de usufr. leg.

INCENDIO CONSUMPTAE FVERINT.) Sequitur IIII. Vsumfructus interitu rei fructuariæ restinguitur. l. 5. §. 2. D. quib. mod. usufr. amitt. ubi Vlpianus hoc idem scribit, quod hoc loco Iustinianus significat: si domus usufructus sit legatus, ea incensa, ne aræ quidem usumfructum superesse: sin aræ, ea inaedificata ipsius quoq; extinctum usumfructum. quid ita? quia species cuius usufructus legatus est, interijt.

## DE VSV ET HABITATIONE.

### TITVLVS V.

Vsus ijsdem, quibus usufructus, constituitur & finitur modis: sed hoc differunt, quod usus ad necessitatem, fructus etiam ad utilitatem ac uoluptatem refertur. l. 1. 10. 11. 12. D. de eod.

I. Iisdem istis modis, quibus usufructus constituitur, etiam nudus usus constitui solet: ijsdem illis modis finitur, quibus & usufructus desinit. Minus scilicet iuris est in usu, quam in usufructu. namq; is qui fundi nudum habet usum, nihil ulterius habere intelligitur, quam ut oleribus, pomis, floribus, fæno, stramentis, lignis ad usum quotidianum utatur: in eoq; fundo hæc enus ei morari licet, ut neque domino fundi molestus sit, neque ijs per quos opera rustica fiunt, impediamento. nec ulli alij ius, quod habet, aut uendere, aut locare, aut gratis concedere potest. cum is qui usumfructum habet, possit hæc omnia facere.

IISDEM ILLIS MODIS.) Enunciatio I. Quibus modis usufructus, ijsdem usus constituitur, & extinguitur modis. l. 1. D. de eod. Constituitur ergo testamento, pactionibus & stipulationibus: finitur autem morte, capitis minutione, non recte utendo, cessione, consolidatione, & rei interitu.

NIHIL ULTERIVS HABERE INTELLIGITVR.) Sequitur II. Vsuario finis fructus naturales tantum, non etiam elaborati debentur. id est, quos fundus sua sponte procreat, non qui arte & industria culturæq; adhibita nascuntur: ueluti poma, cæteraq; arborum bacca, item fenum, ligna, & cætera quæ sunt generis eiusdem, usuario pro modo & ratione suæ necessitatis debentur. at frumentum, oleum, uinum non debentur. In quo ridicula Tribonij stulticia perspicitur, qui nobis



**A** qui nobis hoc loco Neruæ sententiam tradit, quam à Sabino, Cassio, Labeone, Proculo, Vlpiano & Paulo repudiatam atque explosam in Pandectis testatur. l. plenum. 12. §. 1. & l. fundi. 15. D. eod. ubi Paulus scribit: Fundi usu legato, licebit usufruario & ex pœnu quod in annum duntaxat sufficiat capere: licet mediocri prædij eo modo fructus consumantur. Causa igitur constitutio hæc esto: L. Titio usus prædij Tusculani legatus est: his non modò ex naturalibus, sed etiam ex artificiosis fructibus uult suum usum implere. Intentio est: Debes mihi frumenti ex isto fundo, quantum ad familiæ meæ usum satis sit. D. Non debeo. Q. An debeat. R. Quia usus agri tibi relictus est, non etiam impendij laborisq; mei. Vtere tu agro quatenus ager est: at nò meis operis, atq; impendio: cultura quidem fructus ad te non pertinet, qui ne colendi quidem potestatem habes: ut mox dicemus. F. At frumentum, agri quoque fructus est, quamuis excultus, nam siue cultus, siue incultus sit, tamen ager est: agriq; usus est frumentum, nibilo minus quam fenum. D. An ei, cui agri usus legatus est, fructus etiam artificiosi debeantur. Vlpianus & Paulus ex multorum sententia respondent, deberi: quod tamen sic accipio, dummodò usufruius partem impendij proprietario resstituatur. Quamuis enim frumentum, & uinum, & oleum in fructu magis quam in usu numerentur: fenum tamen & lignum, & arborum baccæ, itemq; stramenta non minus fructus quam usus dici possunt. Cui ergo usus, eidem omnium generum fructus, duntaxat quantum ad ipsius necessitatem satis erit, debentur, ueluti ex solua, quantum ad coquendum & calse: & sim opus est: ex frumento, uino & baccis arborum, quantum ad ipsius familiam alendam: ex oleo, feno & stramentis, quantum similiter alias ad res opus erit, debetur. Quia ex re differentia inter usum & fructum intelligitur, quam Vlpianus exponit in l. per seruum. 14. §. 1. D. eod. hoc enim usus à fructu differt, quo pars à toto. itaq; cui fructus, eidem quicquid ex agro emolumentum percipi poterit, quamuis exercitui alendo satis sit debetur: at cui usus, duntaxat quod ad ipsius uictum cultumq; necesse est. Deniq; usus, est ius utendi re aliena, quatenus ei cui conceditur, necesse est. Usus fructus, ius utendi fruendi aliena re, quantum eius salua substantia ferre potest.

VT NEQVE DOMINO FVNDI.) Sequitur III. Vsuarius fundi per se colendi ius non habet: id enim sibi propriarius retinet, at fructuarius habet. l. si habitatio. 10. in fin. cum l. seq. D. eod.

**B** NEC VLLI ALII IVS QVOD HABET.) Sequitur IIII. Vsuarius ius suum transferre in alium non potest, at fructuarius potest. l. inq; eo. & l. plenum. 12. §. operis. D. eod.

Vsuarius ædium familiam, libertos, hospitesq; suos potest recipere: ius autem suum transferre non potest. l. ij. & iij. eod.

II. Item is qui ædium usum habet, hætenus ius habere intelligitur, ut ipse tantum inhabitet: nec hoc ius ad alium transferre potest. & uix receptum esse uidetur, ut hospitem ei recipere liceat: & cum uxore liberisq; suis, item libertis, nec non alijs liberis personis, quibus non minus quam seruis utitur, habitandi ius habeat. Et cõuenienter, si ad mulierem usus ædium pertineat, cum marito ei habitare liceat.

AD ALIVM TRANSFERRE.) Enunciatio I. Vsuarius ædium ius suum transferre in alium non potest. l. 2. & 4. eod. Ratio, ut ante dixi, est, quia personale hoc ius est, atq; ad certæ personæ necessitatem usumq; accommodatum.

VIX RECEPTVM ESSE VIDETVR.) Sequitur II. Vsuarius cum familia, libertis hospitibusq; suis habitandi ius habet. l. 2. & 4. eod. Quod tamen iuriconsultorum disputatione agitatum fuisse, Vlpian. testatur: & Imperator ait, hoc loco magna difficultate hoc concessum ei fuisse. Causæ igitur constitutionem uideamus. Intentio proprietarij est: Nò licet tibi hospites, aut conuictores in ædes istas recipere. D. Imò licet. Q. An liceat. R. Quia cuius rei uniuersæ usus cõcessus est, eiusdem usus integer concessus intelligitur: at mihi domus totius usus concessus est, sic ut habitare in earum parte non possis. l. pen. D. eod. quare integer usus earum mihi concedatur, hospitesq; in earum parte recipere liceat. F. At isto modo usus personalis non erit, hoc est ex certæ personæ usu ac necessitate definitus ac circumscriptus. D. An cui usus ædium concessus est, eidem ius hospites & clientes recipendi concessum intelligatur. Quod Vlpianus in l. 2. 3. & 4. confirmat. Eleganter etiam quæri poterit, an ex ædibus priuatis, diuersorium & cauponam cuiusuis recipiendi causa constituere liceat. Quod non arbitror: fructus enim hic ædium quidam, ne dicam abusus, uerius dici quam usus potest. Quod autem de hospitibus iuriconsulti scribunt, ad ueterum consuetudinem, qui priuata hospitia inter se celebrabant, referri debet.

**C** AD MULIEREM VSVS AEDIVM.) Sequitur III. Mulier cui ædium usus legatus est, cum marito habitandi ius habet. l. 4. §. 1. D. eod. ubi Vlpianus testatur hoc. Q. Mutuum primùm admisisse, ne ei matrimonio carendum foret, cum uult domo. Dubitandi autem causa hæc erat, quia personæ ratio habita est, quæ, si maritus cum uniuersa sua familia reciperetur, confunditur.

Serui, iumentis uel usus personalis est: pecoris usus in agro sterco-  
rando tantum consistit. l. xij. §. ij. & iij. eod.

III. Item is ad quem serui usus pertinet, ipse tantum opera atque ministerio eius uti potest: ad alium uero nullo modo ius suum transferre ei concessum est. Idem scilicet iuris est & in iumento. Sed & si pecorum, ueluti ouium, usus legatus sit, neque lacte, neque agnis, neque lana utetur usufruius: quia ea in fructu sunt. Planè ad sterco-  
rando agrum suum pecoribus uti potest.

OPERA ATQVE MINISTERIO EIVS.) Enunciatio I. Vsus serui iumentis uel personæ cui cõceditur prius est. l. plenum. 12. §. si usus. & §. 2. D. eod. Operas serui non locabit, inquit Vlpian. quemadmodum enim concedere alteri operis poterit, cum ipse uti debeat? Causa constitutio: Cum usus equi mihi legatus esset, nec eo uti uellem, possẽ uel uolui eum elocare. Intentio proprietarij: Non licet tibi equum elocare. D. Imò licet. Q. An liceat. R. Quia repugnant usum equi habere,



et eo uti non posse: cum igitur quod ad meam personam attinet, eo uti non possim, uel quia studia occupationesq; mee non ferunt, uel quia podagra distineor, usum aliquem ex eo mihi percipere liceat: ne quæ res mihi lucro esse debebat, ea mihi damno: facta sit. F. At isto modo, usus equi personalis non erit, neq; ad certæ personæ necessitatem reuocandus. D. An cui usus equi concessus est, si eo non utatur, locare eum possit. Quod Iurisconsultus negat.

PECORVM VEL OVIVM.) VELVTI, et res ipsa, et Theophili interpretatio postulat, quod alij etiam animaduertunt.

QVIA EA IN FRVCTV SVNT.) Sequitur II. Vsus gregis in solo stercore consistit. l. plenum. 12. §. sed si pecoris. 2. D. eod. ubi Vlpian. ait: Modico tamen lacte usufructum uti posse, neq; ita strictè defensorum uoluntates interpretandas esse. Dicit aliquis: Quid ita gregis fructus, item ut agri, pro usufructu necessitate, non conceditur? nam in stercore solo exiguus est usus. Respondetur, quoniam aliqui non alius pecoris fructus, alius usus esset. deinde, quia plerumq; in agro superest aliquid proprietario: in grege uerò, nequaquam.

Habitatio ab usu et usufructu diuersa est, transferriq;  
in alium potest. l. xij. C. eod.

IIII. Sed si cui habitatio legata fuerit, siue aliquo modo constituta sit: neque usus uidetur, neq; usufructus, sed quasi proprium aliquod ius: quanquam habitationem habentibus, propter rerum utilitatem, secundum Marcelli sententiam nostra decisione promulgata permittimus, non solum in ea degere, sed etiam alijs locare. Hæc de seruitutibus, et usufructu, et uiu, et habitatione dixisse sufficiat. De hæreditatibus autem et obligationibus, suis locis proponemus. Exposuimus summam, quibus modis iure gentium res acquiruntur: modò uideamus, quibus modis legitimo et ciuili iure acquiruntur.

QVASI PROPRIVM ALIQVOD IVS.) Enunciatio I. Habitatio, genus est seruitutis ab usu et usufructu differens, primum, quia usus in iure, habitatio in facto consistit. l. pen. D. de cap. minut. d. inde, quia ille commodari non potest: habitatio potest. l. 1. D. commodati. tertio, usus non utendo, et capitis diminutione extinguitur: habitatio uerò nequaquam. d. l. pen. et l. si habitatio. 10. D. de usu et habu. ubi tamen Vlpianus ait, effectu eadem esse.

SED ETIAM ALIIS LOCARE.) Sequitur II. Habitatio locari alicui per Iustiniani constitutionem potest. l. cum antiquis. 13. C. eod. Ex quo intelligi debet, post Iustiniani constitutionem locum Vlpiani sententia non fuisse, qui in dicta l. si habitatio, scripserat, usum ædium et habitationem effectu eadem esse. Sed mirum est quid Iustinianum induxerit, ut usum ædium locari non permetteret, habitationem permetteret. Fuisse tamen hæc de re uarias (ut ipse quoque testatur) Iurisperitorum opiniones, uel hinc licet intelligatur, quod Viuianus in l. 1. D. commodati, scribit habitationem commodari posse: Vlpianus autem in d. l. si habitatio, donari non posse. Quod si commodari potest, quidni etiam locari? Quamobrem uerò commodari habitationem, non autem usum, Viuianus permittit, querendum uidetur. Ego, ut ingenue fatear, causam uideo nullam: neq; adeò, cur habitatio commodari aut locari possit. Nam si habitationis originem spectemus, uidetur ab his nata, qui clientibus aut libertis suis, quorum tenuēs facultates essent, habitationem quarundam ædium ad uite tempus concedebant. quæ beneficentia et indulgentia personalis est: non enim, si tibi mearum ædium habitationem concedo, continuo cuius alteri, cui eas commodare aut locare uoles, concedo. Atque hæc quidem in disputatione posita sunt: quæ uerò in lege, supra ex Iustiniani constitutione exposui.

EXPOSVIMVS SVMMATIM.) Hæc meo iudicio ex eius libro sumpta sunt, qui deinceps de iure Quiritium disputabat: hoc est, mancipatione, usucapione, et in iure cessione. Quare cum totum illud ius Quiritium Iustinianus sustulerit, alijs cogitationibus occupatum fuisse Tribonianum oportet, cum hunc locum describendum notauit.

## DE VSVCAPIONIBVS ET LONGI TEM. poris possessionibus.

TITVLVS VI.

Ex constitutione Iustiniani res mobiles triennio: immobiles inter præsentēs decem, inter absentes uiginti annis per uniuersum Rom. Imperium usucapiuntur. l. 1. C. de usucap. transfor.

I. Iure ciuili constitutum fuerat, ut qui bona fide ab eo qui dominus nō erat, cum crediderit eum dominum esse, rem emerit, uel ex donatione, alia uel qua iusta causa acceperit: is ea rem, si mobilis erat, anno ubiq; si immobilis, biennio tantum in Italico solo usucaperet, ne rerum dominia in incerto essent. Et cum hoc placitum erat, putantibus antiquioribus sufficere dominij ad inquirendas res suas præfata tempora: nobis melior sententia resedit, ne domini maturius suis rebus defraudentur, neq; certo loco beneficium hoc concludatur. & ideo constitutionem super hoc promulgauimus, qua cautum est, ut res quidem mobiles per triennium, immobiles uerò per longi temporis possessionem (id est, inter præsentēs decennio, inter absentes uiginti annis) usucapiantur. & his modis non solum in Italia, sed etiam in omni terra, quæ nostro Imperio gubernatur, dominium rerum iusta causa possessionis præcedente acquiratur.

VT QVI BONA FIDE.) Enunciatio I. Usucapere, nisi qui bona fide iustosq; titulo rem aliam possideat, non potest. l. si aliena. 10. l. Celsus. 27. l. non solum. 33. D. eod.

ANNO



**A** ANNO VBIQUE VNO) Sequitur II. Ius civile rerum mobilium usucapionem, anno utique uno immobilium, biennio, idq; in Italico tantum solo, definit. Est igitur usucapio, acquisitio rei per usum legitimi temporis, iure civili instituta. l. 3. D. eodem. Ex quo intelligitur, non usucapionem dici posse, ut Gellius putat lib. 7. cap. 10. sed usucapionem: quia usus non capitur, sed res per usum, hoc est possessionem. Atque hæc eadem interdum Præscriptio dicitur, quæ uox à Græcis hominibus in Latine lingue consuetudinem inducta est. *παράγραφον* enim à Græcis dicitur, quæ à Latinis præscriptio: *παράγραφον*, præscribere, id est excipere. Cum igitur uindicanti rem suam domino possessio longi temporis obijcitur, præscribi ei dicitur, eaq; præscriptio longi temporis appellatur: præcisa & imperfecta locutione, pro præscriptio ex possessione longi temporis. Sed Iustinianus Rom. Imperij Latijq; dominus, usucapionis uerbum ferè ad res mobiles, præscriptionis ad immobiles reuocare atque contrahere consuevit. At hæc quidem ita se habent. Nunc uerò illud intelligendum est, quod Imperator ait IVRE CIVILI, non ita accipiendum esse, quasi dixisset lege XII. Tabul. primum, quia ea lex de prouincijs quæ ipsius tempore nullæ erant, nihil sanxit. deinde quia ciues Romani ubicunque essent, iure suo, hoc est ciuitatis utebantur: ac proinde non modo res mobiles, uerum etiam immobiles ubique usucapiebant. Ius igitur civile illud intelligamus, quod Principum constitutio- nibus introductum est, qui, (quemadmodum Iustinianus l. 1. C. de usucap. trans. scribit) res quidem mobiles ubique, hoc est in Italico, tum in prouinciali solo usucapi per mittebant: immobiles uerò in Italico tantum, in prouinciali uerò nequaquam. nis mirum quia ciuitas Rom. in ijs locis uigebat: & ferè qui possessiones ijs in locis habebant, eas frequentabant. Non enim Italia cum solum, ipsam Italiae regionem interpretor, ut alios ridiculè fecisse uideo: sed eas omnes regiones quæ Italici iuris erant, de quibus Vlpianus in l. 1. D. de censib.

**B** NE RERVM DOMINIA IN INCERTO ESSENT.) Sequitur III. Usucapio instituta est, ne rea- rum dominia in incerto essent. l. 1. D. eod. Hinc Cicero in ea pro Cæcina: Fundus à patre relinqui potest: at usucapio fundi, hoc est finis sollicitudinis ac periculi litium non à patre relinquitur, sed à legibus. Nam sublata usucapione, quamuis diu & bona fide possessa res sit, semper tamen uindicari ac repeti à uero domino poterit: ac proinde semper incertum erit eius dominium. In- stituta igitur usucapio est, quæ longæ possessionis auctoritate quasi trabali clauo rei dominium figeret. quod non à Romanis excogitatum fuisse, quemadmodum nonnulli eruditi homines existimant: sed ex Atheniensi iure de promptum, uel hinc existi- mare possumus, quod Plato lib. Legum XII. ius hoc ipsum usucapionis in Rempub. suam induxit. τὸν ἀμφοβητοῦ μὲν, inquit, χρόνον ὅπου ὁ δὲ ἰδὼν τις ἢ κλημὴν, κλητὴ ἀμφοβητῶν ἐξέσται· χρόνον δὲ εἰς ὅσον τε τῆς αἰ, ἐν ἧς ἀμφοβητοῦ τῶν δὲ ἀλλοτρῶν, ὅτι αὐτὸς κλημὴν ἢ, ἰδὼν δὲ κατὰ δέσιν κατ' ἀγορῶν καὶ ἐν γὰρ χρόνον· φαίνεται, καὶ μὴδ' ἐπὶ ἀλλοτρίῳ, ὃ ἢ ἴστω τούτου τὸν χρόνον, ὃ ἢ μὴ ἀποκρυπτοῦνται· φανερὸς δὲ, ἰδὼν δὲ τὸ ἐν αὐτῶν ὁ δὲ τῶν κλημὴν, ὃ ἢ ἴστω διακρίνεται, καὶ ἐξέσται τοῦτο κατὰ ματ' ὁ δὲ ἀλλοτρίῳ καὶ μὴδ' ἀποκρυπτοῦνται· ἐν ἰστω. ἰδὼν δὲ κατ' ἀστυ μὴ μὴ, καὶ δὲ κατ' ἀγορῶν καὶ κατ' ἀγορῶν καὶ φανερὸς, καὶ πο- συχὸς ἢ ἐν ἰστω ἰστω γινώσκαι, τὸν ὡς ἐξέσται τῶν κλημὴν, καὶ τὸ λοιπὸν χρόνον ἐξέσται τῶν τοῦτο ἐπὶ ἀλλοτρίῳ. ἰδὼν δὲ κατ' εἰς ἡμέρας ἢ τις χρόνος, τριετής, τὸν προῖσιν αἰὶν αἰὶν ἰδὼν δὲ κατ' ἀγορῶν ἐν ἀφανῶν κλημὴν, ἀλλὰ ἰστω, ἰδὼν δὲ ἐν ἀλλοτρίῳ, τὸ πᾶν τὸν χρόνον ὅταν αὐτῶν πρὸς, καὶ μὴ αἰὶν αἰὶν πρὸς μίαν τῆς ἐπὶ αἰὶν. Id est: Tempus quo dubia & incerta rerum domi- nia sint, & quo si quis possessor fuerit, postea non possit eius rei causa, lite ac iudicio uexari, sic definitur. De prædijs quidem tum urbanis, tum rusticis, nulla hoc modo erit controuersia: (nimirum quia certæ & censæ & definitæ cuiusq; cuius possessio- nes erant, ex forma reipublicæ Platonice. qua de causa usucapi res immobiles posse negat: quippe quarum incerti esse domi- ni non poterant.) Aliarum rerum, quod quis possederit, siquidem is urbem, fori, & sacra frequentans palam ea re utatur, neq; eam quisquam uindicet, cum se illam per hoc tempus quæsisse dicat: possessor autem non latitet, sed uulgò conspiciatur. si quis igitur annum unum ita possederit, alter uerò quæserit, ius non esto rem illam anno elapso uindicare. Quod si possessor in urbe quidem ac foro non uersetur, sed in agris frequenter conspiciatur, si nemo inter annos quinque exiterit, qui eam rem suam esse petat, quinto anno clapso nemini rem illam uindicare ius esto. Sin autem domi se in urbe continuerit, usus triennis præscriptio atq; auctoritas esto. Si in agris occultè possederit, decem annorum esto: at si tum ab urbe, tum ab agro absterit, peregreq; fue- rit, sine ulla præscriptione æterna auctoritas esto.

**C** RES QUIDEM MOBILES PER TRIENNIVM.) Sequitur IIII. Iustinianus rerum mobilium usi- capionem, triennio: immobilium inter præsentis, decem: inter absentes uiginti annis definiuit. l. 1. C. de usucap. trans.

**Q**UAE NOSTRO IMPERIO GUBERNATVR.) Sequitur V. Usucapere omnes qui sub imperio Ro- sunt, ex constitutione Iustiniani possunt. d. l. 1. cod.

*Liber homo, res sacra, seruus fugitiuus, res furtiua, uel ui possessa, nullo tempore ne à bonæ quidem fidei possessore usucapi possunt. l. ix. & iij. D. eod.*

**II.** Sed aliquando, etiam si maximè quis bona fide rem possederit, non tamen illi usucapio ullo tempor. procedit: ueluti si quis liberum hominem, uel rem sacram, uel religiosam, uel seruū fugi- tiuum possiderit, usucapi possunt. nam furtiuarum rerum lex duodecim tabularum, & lex Atinia in- posse furtiuarum rerum: ui possessarum, lex Plautia & Iulia. Quod autem dictum est, furtiuarum & ui hiben- tium rerum usucapionem per leges prohibitam esse, non eò pertinet, ut ne ipse fur, qui uel per possessionem rerum usucapere possit (nam his alia ratione usucapio non competit, quia scilicet mala fide uim possidet, usucapere possit) sed ne ullus alius, quauis ab eis bona fide emerit, uel ex alia causa acceperit, usucapien- di ius habeat. Vnde in rebus mobilibus non facilè procedit, ut bonæ fidei possessori usucapio com- petat. Nam qui furtiuam rem uendidit, aut ex alia causa tradidit, furtum eius committit.

**SI QVIS LIBERVM HOMINEM.)** Enūciatio I. Usucapio in liberum hominem, rem sacrā uel religiosā, item seruū fugitiuum cadere non potest. l. 1. C. de longi temp. præscript. pro lib. l. 1. C. de seruū fugit. Nam cum usucapio dominium pariat, harum autem rerum commercium non sit, neque dominium parari possit, relinquitur, ut earum usucapio nulla sit.



nulla sit. Sed fugitivi serui dissimilis ratio est. ob eam enim causam usucapi non potest, quia furtiuus est: quippe qui sui furtum fecerit. ut facile appareat, non recte antebac hos paragraphos disinctos fuisse.

FURTIVAE QVOQUE RES.) Sequitur II. Usucapio in rem furtiuam, aut ui possessam non cadit. l. 4. §. 4. & l. non solum. 33. §. 2. D. eod. ubi Iulianus ait, quamuis dominus deiectus ui sit, nihilominus praedium etiam antequam in potestatem domini redeat, a bona fidei possessore usucapi. quia lex Plautia & Iulia ea demum uenit longa possessione capi, quae ui possessa fuissent: non etiam, ex quibus ui quis deiectus fuisset. Legis autem Attinae uerba prodit Gellius lib. 17. cap. 7. Quod subreptum erit, eius rei aeterna auctoritas esto. Iulia autem & Plautia non uno tempore latae sunt: alioqui Iulia Plautia diceremus, ut Iunia Norbana, Furia Caninia, Aelia Sentia. Sed Plautia de ui, atq; item Iulia de ui, hoc caput habuerunt: de quarum utraq; diximus in libro de Legibus.

NE VLLVS ALIVS, QVAMVIS.) Sequitur III. Furtiuas res non modo a fure, sed nec ab eo qui a fure bona fide acceperit, usucapi potest. Causae constitutio: Qui mihi meum equum furtim abduxerat, eum alteri bona fide accipiente uendit. tunc is qui triennium equum possedisset, rei uindicationem instituit. Intentio: Hic equus meus est. D. Imò meus. Q. Vnde? R. Quia eum bona fide, iusto titulo, legitimo tempore possedi, & usucepi. F. At is furtiuus erat, & ea labe ac macula infectus. D. An qui rem bona fide per triennium possederit, si ea furti labe affecta sit, eam usucapere non possit. Iustinianus respondet, non posse.

*Hæres qui rem alienam, quam hæreditariam putabat: uel fructuarius, qui ancillæ partum quem suum esse credebat, bona fide accipienti uendit, usucapiendi facultatem emptori præbet. l. xxxv j. eod.*

III. Sed tamen id aliquando aliter se habet. nam si hæres rem defuncto commodatam, aut locatam, aut apud eum depositam, existimās hæreditariam esse, bona fide accipienti uendiderit, aut donauerit, aut dotis nomine dederit: quin is qui acceperit, usucapere possit, dubium nō est: quippe cum ea res in furti uitium non ceciderit: cum utiq; hæres, qui bona fide tanquam suam alienauerit, furtum non committat. Item, si is ad quem ancillæ usufructus pertinet, partū suum esse credens uendiderit, aut donauerit: furtum non committit. furtum enim sine affectu furandi non committitur. Alijs quoque modis accidere potest, ut quis sine uitio furti, rem alienam ad aliquē transferat, & efficiat ut à possessore usucapiatur.

ALITER SE HABET.) Hoc loco non satis ad suum negotium attentum Tribonianum fuisse, cum uerba ipsa nihil significantia declarant: tum Caij locus, unde hic descriptus est, ostendit in l. potest. 36. D. eod.

EXISTIMANS HÆREDITARIAM ESSE.) Enunciatio I. Non si aliena res in hæreditate reperia, bona fide ab hærede uendatur, ideo furtiuas efficitur. d. l. potest. eod. Causae constitutio: Cum apud Attulum uicini meam desposuissem, eo defuncto hæres eius hæreditariam illam esse putans, Titio bona fide uendidi. Eam ego uindico. Intentio: Hæc uicinis mea est. D. Imò mea. Q. Vnde? R. Quia bona fide, iusto titulo, non furtiuam, legitimo tempore possedi, usq; cepi. F. At hæres non iusto titulo possidebat, ut eam alienare posset. D. An qui rem erit, cuius uendendæ ius nullum uideor habuit. si eam bona fide legitimo tempore possederit, suam usu fecerit. Respondetur iocisse.

PARTVM SVVM ESSE CREDENS.) Sequitur II. Non si fructuarius iuris ignorantia partum ancillæ uendat, ideo cum furtiuam efficit. d. l. potest. eod. ipse tamen fructuarius eam usucapere non poterat, propter regulam l. nunquam. 31. D. eod. Nunquam in usucapionibus iuris error possessori prodest.

FURTVM SINE AFFECTV FVRANDI.) Sequitur III. Furtum sine furandi animo non committitur. §. placuit. infra de oblig. quæ ex del. nasc. & l. furtum. 37. D. eod.

*Qui uacuum alterius possessionem occupauit, si cui bona fide accipienti eam tradat, ei ipsius usucapiendæ facultatem præbet. l. xxxvij. & xxxvij. D. eod.*

IIII. Quod autem ad eas res quæ solo continentur, expedit, ius ita procedit: ut si quis loci uacantis possessionem propter absentiam aut negligentiam domini, aut quia sine successore decesserit, sine ui nanciscatur: quamuis ipse mala fide possideat (quia intelligit se alienū fundum occupasse, asse) tamen si alij bona fide accipienti tradiderit, poterit ei longa possessione res acquiri, qui, si eque furtiuum, neq; ui possessum acceperit. Abolita est enim quorundam ueterum sententia, existimantium etiam fundi loci uacantis furtum fieri. Et eorum utilitati, qui res soli possident, principibus constitutionibus prospicitur, ne cui longa & indubitata possessio debeat auferri.

LOCI VACANTIS POSSESSIONEM PROPTER ABSENTIAM.) Enunciatio I. Possessio propter diuinam absentiam, negligentiam uel domini, aut quia sine successore decesserit, uacua dicitur. l. 4. §. 10. eod. Quod de ea quidem cuius hæres non extat, dubium non est: sed de absentis negligentia uel possessione obscurius videtur. nam si pro derelicto habitam dicamus, quemadmodum ab omnibus hunc locum explicari uideo: quia Caius in l. qui rem. 38. D. eod. scribit, occupantem illam rem usucapere non posse, quia intelligit alienum se possidere? Enim pro derelicto rem habitam occupat, suam illam continuo, & sine ullo temporis cursu efficit. Locum igitur de nepotibus & dissolutis hominibus intelligendum putarem, quorum tanta interdum inertia est, ut agros incultos ac uacuos diuissimè relinquant.

INTELLIGIT SE ALIENVM FVNDVM.) Sequitur II. Qui uacuum alterius possessionem occupat, illam usucapere non potest. d. l. furtum. & l. seq. eod.

LONGA



**A** LONGA POSSESSIONE RES ACQVIRI.) Sequitur III. Vacua possessionis occupator illius usufructuaria facultatem, bona fide accipienti præbet. dd. ll. 37. & 38. Causæ constitutio: Qui uacuum possessionem occupat, eam mihi uendit. post decennium dominus vindicat. Intent. Hic fundus meus est. D. Imò meus. Q. Vtrius sit. R. Quia bona fide iusto titulo eum per legitimum tempus possedi. F. At uitiosus erat, quippe occupatus ab eo qui alienum esse sciebat. D. An fundus uenditus ab eo qui eum uacuum occupat, cum alienum esse sciret, usufructu non possit. Caius scribit, possit nec uitiosum esse. nam si uitio affectus esset, aut uolenta possessione aut furto contaminatus esset: at ui possessus non est. Furtum autem Massurius quidem Sabinus rerum immobilium committi existimabat: ut Gellius lib. 11. testatur: sed eius explosa sententia est, ut Caius d. l. 38. scribit.

*Res furtiua, uel ui possessa, si in domini potestatem redeat, usufructu potest. res uero fisci, non potest: nisi cum bona uacantia nondum fisco denunciata sunt. l. iij. §. iij. & l. x. vij. eod.*

**V.** Aliquando etiam furtiua uel ui possessa res usufructu potest: ueluti si in domini potestate reuersa fuerit. tunc enim uitio rei purgato, procedit eius usufructu. Res fisci nostri usufructu non potest: sed Papinianus scripsit, bonis uacantibus fisco nondum nunciatis, bonæ fidei emptorem traditam sibi rem ex his bonis usufructu posse. & ita diuus Pius, & diui Seuerus & Antoninus rescripserunt.

**VITIO REI PURGATO.)** Enunciatio I. Rei furtiue uel ui possessæ uitium, cum ea in domini potestatem redierit, purgatur. l. 4. §. 4. eod. Causæ constitutio, in qua eum qui usufructu petitor esse oportet. Fur mihi uestem surripuit, mox reddidit. Cum eam postea Titius usufructuisset, casu in meam possessionem recidit. Intentio Titij: Hæc res mea est, quippe à me usufructu capta. D. Imò mea. Q. Vtrius sit. R. Quia uitiosa fuit, nec potuit usufructu. At uitium ex eo quod ad te redierat, purgatum erat.

**B** D. An rei furtiue uitium ex eo quod ad dominum reuersa sit, purgatur. Quod Paulus multis exemplis d. l. 4. demonstrat.

**RES FISCO NOSTRI.)** Sequitur II. Res fisci usufructu non possunt. l. ubi lex. 24. D. eod.

**SED NONDUM NUNCIATIS.)** Sequitur III. Vacantia bona usufructu ab eo qui bona fide accepit, antequam fisco nunciatur, possunt. l. quamuis. 18. D. eod. Sunt autem uacantia, eadem quæ caduca dicuntur: nimirum quæ illius fuerunt, cuius hæres nullus est. ut superiore §. diximus. Hæc autem olim quidem publicabatur, sicuti Ulpianus in Instit. cap. 18. declarat: nunc uero confiscantur. sed antequam ad ea fiscus animum adiecerit, si quis ea occupans alteri uendat, usufructuendi facultatem ei præbet.

*Vitium rei, & iniustæ possessionis falsa opinio usufructuam impediunt. l. xx. vij. D. eod.*

**VI.** Nouissimè sciendum est, rem talem esse debere, ut in se non habeat uitium, ut à bonæ fidei emptore usufructu possit, uel qui ex alia iusta causa possidet. Error autem falsæ causæ usufructuam non parit: ueluti si quis, cum non emerit, emisit se existimans, possideat: uel cum ei donatum non fuerit, quasi ex donatione possideat.

**IN SE NON HABEAT VITIVM.)** Enunciatio I. Vitiosa res usufructu non potest. l. 4. D. eod. Vitium autem uel ex rei natura, uel ex accidenti nascitur. natura, ut si sacra res sit, uel homo liber; accidens, ut si fugitiuus sit seruus, uel res furto sublata, uel ui possessa.

**ERROR FALSÆ CAUSSÆ.)** Sequitur II. Non opinio iusti tituli, sed iustus titulus usufructuam parit. l. Celsus. 27. & l. pen. D. eod. l. 1. D. pro donat. l. 6. pro derelict. l. 2. & 3. pro legat. Quod tamè obscure & perplexè sic dicitur: nam hoc modo generaliter & infinite pronunciatum, falsum est. Distingui autem rem sic oportet. nam aut tradita res est, aut non est: si tradita est, idq; bona fide accipienti, opinio iusti tituli usufructuam parit: si minus, & tamen aliquo modo possessio adepta sit, non parit. ueluti, Hæres rem mihi legatam putans, bona fide accipienti, hoc est legatam quoq; existimanti tradit. Pomponius scribit, me posse usufructu. l. 4. in fi. D. pro suo. Quod legatum, inquit, non sit, ab hærede tamen perperam traditum sit, placet à legatario usufructu: quia pro suo possidet. At Paulus in l. 2. D. pro legato. Si possideam aliquam rem, quam putabam mihi legatam, cum non esset, pro legato non usufructuam. De traditione præterea quæ ex falsa stipulationis causa fit, idem scribit Pomponius in l. 3. D. pro suo. Sed Paulus in l. pen. D. de usurpat. hanc distinctionem alijs quidem in causis ualere tradit, in emptione, sed nequaquam: propterea quod in hoc contractu bona fides non solutionis tantum, sed & contractus tempore requiritur: contractus autem nullus extitit. quod idem inculcat l. 2. D. pro emptore. His positis, causæ constitutio sequatur: Octavius mihi putans mihi equum legatum à se fuisse, bona fide accipienti mihi eum tradit. ego idem putans, per triennium illum possidei. Postea ueritate cognita, Octavius eum à me repetit. Intentio: Hic equus meus est. D. Imò meus. Q. Vtrius sit. R. Quia bona fide iusto titulo, & legitimo tempore accepi. F. At non uerus fuit titulus, sed opinatus tantum. D. An titulus opinatus tantum usufructuam in legato impedit. Respondetur, nequaquam, sed duo in hac usufructu desiderari: primum, ut res tradita sit ab eo qui transferendi dominij ius habuit, non autem alia quapiam ratione, possessa: deinde, ut bona fide accipienti tradita sit, & est, existimanti sibi rem ab eo qui tradebat deberi.

*Possessio defuncti qui bona fide nitebatur, successori etiam scienti prodest: itemq; uenditoris tempus, emptori. l. xliij. & xliij. D. eod. l. xliij. de diuers. & temp.*

**VII.** Diutina possessio, quæ prodesse cœperat defuncto, & hæredi & bonorū possessori continuatur,



nuatur, licet ipse sciat prædium alienum esse. Quod si ille initium iustum non habuit, heredi & bonorum possessori, licet ignoranti, possessio non prodest. Quod nostra constitutio similiter & in usucapionibus obseruari constituit, ut tempora continuentur. Inter uenditorem quoq; & emptorem coniungi tempora, diui Seuerus & Antoninus rescripserunt.

**LICET IPSE SCIAT PRAEDIVM.)** Enunciatio I. Possessio defuncti qui rem immobilem bona fide possedit, heredi etiam mala fide possidenti prodest. l. hæres. 43. D. eodem. ubi Vlpianus ait, continuationem possessionis, heredis scientia non impediri. Rem uero immobilem diserte in enunciatione nominauimus: quia Iustinianus de diutina possessione definit loquitur, quam longi temporis plurimum appellat, & ad solas res immobiles reuocare consuevit: & paulo post nominatum de prædio se loqui ostendit. Positum igitur hoc sit, quod Iustinianus hoc loco quasi iam exploratum sumit, auctoris tempus successori prodesse. l. de accessionibus. 14. D. de diuers. & temp. quod in uniuersali quidem successore uerissimum est: in singulis prius falsum. nam defuncti possessio heredi prodest, itcirco quia defuncti & heredis personæ pro una numerantur. uideturq; solus testator possedisse: at uenditoris possessio, emptori uetusto iure non proderat. l. Pompon. 13. §. 3. D. de acq. poss. l. si ades. 32. §. 1. D. de seruit. urb. uerum ex Antonini & Scueri Iustinianiq; constitutione nunc prodest. Hoc posito, causæ constitutio sequatur: Cornelius hæres eius qui prædium bona fide quinquennium possederat, mala fide quinquennium alterum possedit. Res casu ad dominum rediit. Intentio Cornelij: Hoc prædium meum est, utpote propter temporum coniunctionem usucapitum. D. Imò meum. Q. Vtrius sit. R. Quia mala fide abs te possessum est. F. At bona fide à testatore auctore meo possessum fuerat. D. An bona defuncti fides malam heredis fidem excuset. Respondetur, excusare, propterea quod in usucapionibus ab initio bona fides exigitur: & ubi duorum personæ pro una numerantur, eam ab initio extitisse sufficit. l. hæres. 43. D. eod.

**INITIVM IVSTVM NON HABVERIT.)** Sequitur II. Mala defuncti fides, successoris quamuis bona fidei nocet. d. l. hæres. & l. cum hæres. 11. de diuers. temp. præscr. ubi lex ait: Cum hæres in ius defuncti succedit, ignorantia sua defuncti uitia non excludit. Sed queri potest, si defunctus & hæres unam tantum personam sustinent, cur bona huius fides non aequè malam illius fidem excuset, ut illius, huius? Respondetur, causam hanc esse, quia hæres defuncti, non hic illius, personam, atq; ut ita dicam, qualitatem excipit. d. l. cum hæres. ubi hæres tum in uitia, tum in uirtutes defuncti succedere dicitur.

**SIMILITER ET IN VSVCAPIONIBVS.)** Sequitur III. Possessio rei mobilis à defuncto bona fide inchoata, ex Iustiniani constitutione heredi quamuis mala fidei prodest. l. 1. C. de usucap. transf. ubi Iustinianus scribit his uerbis: Quod & in rebus mobilibus obseruandum esse censuimus, ut in omnibus iusto titulo possessionibus, antecessoris iusta detentio non interrumpatur, ex posteriore forsitan aliena rei scientia: licet ex titulo lucratiuo ea cepta est. Atq; hoc est quod idem hoc loco significat, cum ait, Similiter & in usucapionibus: uerbum usucapionis suo more ad res mobiles reuocans, & diutina possessioni quam rebus immobilibus attribuit, opponens. Veteres enim optima de causâ dissimilem iuris rationem, in rebus mobilibus atq; immobilibus esse uolebant, cum enim res mobilis ad heredem scientem peruenit, furium committitur: at res immobilis ad scientem heredem commigrans, neq; furto neq; ui possideatur. uoluntatem tamen suam Imperator pro ratione secutus, parem in utrisq; rebus iuris rationem constituit. Nonnulli autem huius loci sensum non animaduertentes, uersus aliquot non suo loco positos existimarunt.

**INTER VENDITOREM QVOQVE ET EMPTOREM.)** Sequitur IIII. Venditoris possessio emptori ad usucapionem prodest. l. id tempus. 14. D. de usurpat. & l. de accessionibus. 14. de diuers. temp. præscr. quod ius tamen ante Seueri & Antonini constitutionem non erat propterea quod, ut antè dixi, uenditoris & emptoris personæ sunt diuersæ. Par tamen ius horum successorum singularium esse uoluerunt, quod antea uniuersorum erat: nisi quod in utroq; istorum bonam fidem itcirco desiderant, quia non ut hæres defuncti, sic emptor uenditoris personam conditionemq; suscipit. d. l. id tempus. Vbi tamen Paulus hoc subiicit, quod hoc loco notandum & obseruandum est: legatarium in accessione temporis quodammodo quasi heredem esse.

**Qui à fisco, uel Cesare, uel Augusta rem alienam iusto titulo accepit, statim eam suam efficit: at dominus intra quadriennium agere cum fisco poterit. l. ij. & iij. C. de quad. præscript.**

**VIII. Ediçto diui Marci cauetur, eum qui à fisco rem alienam emit, si post uenditionem quinquennium præterierit, posse dominum rei exceptione expellere.** Constitutio autem diuæ memorie Zenonis bene prospexit ijs, qui à fisco per uenditionem, aut donationem, uel alium titulum accipiunt aliquid: ut ipsi quidem securi statim fiant, & uictores existant, siue experiantur, siue conueniantur. Aduersus autem sacratissimum ærarium usque ad quadriennium liceat intèdere, qui pro dominio uel hypotheca earum rerum quæ alienatæ sunt, putauerint sibi quasdam cõferre actiones. Nostra autem diuina constitutio, quam nuper promulgauimus, etiam de ijs quæ à nostra uel uenerabilis Augustæ domo aliquid acceperint, hæc statuit, quæ in fiscalibus alienationibus præfata Zenoniana constitutione continentur.

**QVI A FISCO REM ALIENAM EMIT.)** Enunciatio I. Marci constitutione res à fisco emptæ, quinquennio usucapiunt. l. ult. C. si aduers. fisc. Sed queri potest, utrum de mobilibus, an de immobilibus tantum, an de utrisq; Marcus senserit. Ego de immobilibus tantum arbitror, sublatamq; ab eo absentium præsentium uel differentiarum: ut si res mobilis sit, triennio usucapiatur: si immobilis, quinquennio: siue absentium res sint, siue præsentium.

**CONSTITVTIO ZENONIS BENE PROSPEXIT.)** Sequitur II. Zenoni constitutione qui à fisco rem alienam emit, statim tutus est: dominus autem agere cum fisco usq; ad quadriennium potest. l. 2. C. de quad. præscr. Mirum est autem



QVI A' NOSTRA, VEL VENERABILIS AVGVSTAE.) Sequitur III. Iustinianus quæ de fisco Zeno statuerat, eadem de sua & Augustæ suæ domo constituit. l. ult. C. cod. Ex quo intelligitur alias esse res fisci, alias sacra domus: quo uerbo eas propriè complexus est, quas modò diximus Aerarij nomine contineri: hoc est, quibus Principis patrimonium constat. Quod si ita est, exoritur dubitatio, cum Imp. Zeno diserta & nominatim hæc eadem de aerario statuerit, ut ex d. l. 2. intelligitur: quid sit quod Iustinianus de sacra domo in lege sequenti & hoc loco constituat. Ergo illud scire oportet, Iustinianum nihil noui iuris constituisse, sed id demum quod Zeno induxerat, planius & accuratius sanxisse: & hac sua repetita constitutione quod non satis certo iure obseruabatur, quasi trabali clauo confirmasse. quemadmodum uerba illa declarant: Sed scimus hoc quidem in fiscalibus alienationibus grauiter obseruari: sed non simili modo rem fuisse obseruatam circa eas res, quæ ex priuata Imperatorum substantia procedunt, &c.

TITVLVS VII.

I. **E**st & aliud genus acquisitionis, donatio. Donationum autem duo sunt genera: mortis causa, & non mortis causa. Mortis causa donatio est, quæ propter mortis fit suspicionem: cum quis ita donat, ut si quid humanitas ei contigisset, haberet is qui accepit. si autem supervixisset, is qui donavit reciperet: vel si eum donationis poenituisse, aut prior decesserit is, cui donatum sit. Hæ mortis causa donationes ad exemplum legatorum redactæ sunt per omnia. nam cum prudentibus ambiguum fuerat, utrum donationis an legati instar eam obtinere oporteret, & utriusque causæ quædam habebat insignia, & alij ad aliud genus eam retrahebant: à nobis constitutum est, ut per omnia ferè legatis connumeretur, & sic procedat, quemadmodum nostra constitutio eam formavit. Et in summa mortis causa donatio est, cum magis se quis velit habere, quam eum cui donat: magisque eum cui donat, quam heredem suum. sic & apud Homerum Telemachus donat Piræo:

Πάρου, ὃ γὰρ τ' ἰδὼν ὅπως ἔσται τὰ ἐξ ἡ γὰ,  
Εἰπὼν ἐμὲ μνηστῆρας ἀνθρώπους ἐν μεγάροις  
Λαθὲρ κτενέαντας πατρίδι παύσαι δάσονται,  
Αὐτὸν γ' ἔχουσαι σε βόλοιο· ἐπαρξάμεν ἡ τίνα τῶνδε.  
Δι' οὗτ' ἡ γὰρ ἐτόλπειτο φθονὸς καὶ οὐρα γυνοῖσιν,  
Δι' οὗτ' ἐμοὶ χέροντο φίλοι, πρὶν δ' ὀνόματι χάριν.

QVAE PROPTER MORTIS FIT VSPICIENEM.) Enunciatio l. id mortis causa donari dicitur, quod propter aliquod perspicuum mortis periculum donatur. l. i. 2. 3. 4. & 5. D. de mort. caus. donat. Nam quod mortis causa donatur, si mortis periculum abesset, non donaretur; nunquam igitur mortis causa donari dicitur, nisi cum mortis periculum eius donationis causa est efficiens. veluti si periculosa peregrinatio vel nauigatio suscipienda est, si in militiam eundem, si pestilentia grassatur. quod illa usitata verba demonstrant: Malo me habere quam te te uero, quam heredem meum. l. fenatus. 35. §. i. D. eod. & Pauli interpres lib. Sen. 2. cap. 24. Denique hæc donatio uoti quod Dijs fieri solebat, contraria est. Illa fit sub conditione, si moriar: hæc, si non moriar. Ex quo necessarium sequitur, sublato perfuncto uel periculo, tacite atque sine donationem illam irritam inanemque esse. Quod cum ita sit, proprietates huius donationis due perspicuntur: prior, ut morte donationem illam irritam inanemque esse. Altera, quod extincto periculo euanescit, ut mihi plane mirum uideatur quod quoddam mortis periculum eius causa est conficiens: altera, quod extincto periculo euanescit, ut mihi plane mirum uideatur quod quoddam mortis periculum eius causa est conficiens: altera, quod extincto periculo euanescit, ut mihi plane mirum uideatur quod quoddam mortis periculum eius causa est conficiens.

Iulianus & Paulus scribunt, mortis causa donationis speciem unam esse, cum quis nullo presentis periculi metu con-  
tinentem se malit habere, quam cum cui donat: & amore uitæ retinere potius, quam donare malle. sed illud ipsum erit quod tandem hæc donatio euanesceat semper enim mortalitatis causa permanebit. nec unquam uerum erit quod uulgò dicitur, do-  
nans se malit habere, quam cum cui donat: & amore uitæ retinere potius, quam donare malle. sed illud ipsum erit quod tandem hæc donatio euanesceat semper enim mortalitatis causa permanebit. nec unquam uerum erit quod uulgò dicitur, do-

Marcianus scribit, l. 27. eiusd. tit. ubi ita donatur, ut nullo casu reuocetur, causa donandi magis est, quam mortis causa dona-  
tio: & ideo periculum haberi debet, atque alia quaeritis inter uiuos donatio. His igitur ita disputatis, causæ constitutio sequatur:  
Septimius in Africa, in nauigaturus, Octauio scyphum argenteum ita donauit, si in hac nauigatione periret. Perijt. Hæres ab  
Octauio scyphum petijt. Intentio est: Hic scyphus meus est. D. Imò meus. Q. Virius sit. R. Quia mihi à Septimio, qui donans  
di potestatem habebat, dono datus est. F. At donatio præsentem effectum habet, nec suspendi potest: illa uero pendebat, usque-  
dum rediret necne Septimius, exploratum esset. D. An donatio, cuius effectus in mortis euentum collata est, ualeat. Iuriscons-  
ulti respondent ualere, quia non proprie donatio est. l. i. D. de donat. sed potius contractus negotium enim geritur. l. fenatus.  
§. i. D. de mort. caus.



SIN AVTEM SUPERVIXISSET.) Sequitur II. Mortis causa donatio tribus casibus est irrita: si donator saluus evasit, si cum poenituerit, si donatario supervixerit. l. si mortis. 29. & l. seq. D. eod. & l. non omnis. 19. D. si cert. petat. Item Paulus lib. Sent. 3. cap. 10. Donatio mortis causa, inquit, cessante valetudine, & sequente sanitate & poenitentia etiam res vocatur: morte enim tantummodo convalescit.

PER OMNIA FERRE LEGATIS CONNUMERETVR.) Sequitur III. Mortis causa donatio ad legatorum similitudinem per Iustiniani constitutionem fere tota reuocata est. l. ult. C. de donat. caus. mort. quod tamen a Paulo quoque connumeratur in l. Marcellus. 15. D. eod. Hæc autem de effectu tantum donationis intelligenda esse, satis ex d. l. ult. intelligi potest. Nam si cetera spectemus, primum donatio hæc ab hereditatis additione sicut legatum non pendet. l. post legatum. 5. §. pen. D. de his quæ ut indig. deinde, donatio à presente in presentem confertur. l. inter. 28. D. de mort. caus. donat. legatum uero, etiam in absentem. Præterea donatio traditur interdum ante mortem, legatum uero nequaquam. donatio à filio fieri potest: legatum non potest. l. tam is. 25. D. de mort. caus. don. Donatio in annos singulos una est: legatum, multoties repetitum. itaque illa ad hæredes pertinet: at primi anni legatum purum est, reliquorum conditionale, quod ad legatarii heredem ante diem non transit. Donatio consensus donatarii desiderat: non enim donatio sine acceptione intelligitur, ait Cicero: legatum uero nequaquam.

APVD HOMERVM TELEMACHVS DONAT PIRÆO.) Locus est Odyssei. ubi Telemachum ex peregrinatione reuersum, quam patris Ulyssis conquirendi causa susceperat, Piræus qui comes illi in ea peregrinatione fuerat, monet, ut ea dona, quibus Menelaus Telemachum affecerat, quæque secum Piræus asportarat, quasitum mittat, ancillis Telemachi se traditurum.

Donatio inter uiuos liberalitatis solius causa fit: solaque uoluntatis testatione sic perficitur, ut traditionis necessitatem afferat: publicis literis consignari, nisi quingentos aureos superet, non debeat: ab ingrato tamen repeti certis de causis possit. l. j. D. de don. l. xxxv. & pen. C. eo. l. ult. C. de reuoc. donat.

II. Aliæ autem donationes sunt, quæ sine ulla mortis cogitatione fiunt, quas inter uiuos appellamus: quæ omnino non comparantur legatis. quæ si fuerint perfectæ, temere reuocari non possunt. Perficiuntur autem, cum donator suam uoluntatem scriptis, aut sine scriptis manifestauerit. Et ad exemplum uenditionis, nostra constitutio eas etiam in se habere necessitatem traditionis uoluit: ut etiam si non tradantur, habeant plenissimum & perfectum robur, & traditionis necessitas incumbat donatori. Et cum retrò Principum dispositiones insinuari eas actis interuenientibus uolebant, si maiores fuerant ducentorum solidorum: constitutio nostra eam quantitatem usque ad quingentos solidos ampliavit, quam stare etiam sine insinuatione statuit. sed & quasdam donationes inuenit, quæ penitus insinuationem fieri minime desiderant, sed in se plenissimam habent firmitatem. Alia insuper multa ad uberiores exitum donationum inuenimus: quæ omnia ex nostris constitutionibus, quas super his exposuimus, colligenda sunt. Sciendum tamen est, quod etsi plenissimæ sint donationes: si tamen ingrati existant homines, in quos beneficium collatum est, donatoribus per nostram constitutionem, licentiam præstauimus certis ex causis, eas reuocare: ne qui suas res in alios contulerint, ab his quandam patiantur iniuriam uel iacturam, secundum enumeratos in constitutione nostra modos.

QVAS INTER VIVOS APPELLAMVS.) Enunciatio I. Donationes quæ non mortis, sed munificentie causa fiunt, inter uiuos appellantur. l. i. D. eod. & l. senatus. 35. D. de mort. caus. non quod donationes ullæ aliæ uel mortuis, uel à mortuis fiant: sed quia donationum mortis causa effectus in mortis tempore confertur. Est igitur hæc inter superiorem & hanc donationem differentia, quod illa fit propter mortis periculum, hæc sine periculo: illa fit ab eo qui se quam donatarium habere mallet, hæc ab eo qui donatarium quam se. d. l. senatus. de mort. caus. don. illa incerta & suspensa est, facileque fit irrita: hæc certa & præsens, difficillimeque conuellitur. ueluti cum Menelaus Telemachum uasis aureis & argenteis donauit, nec ullius periculi metu donauit, nec quod se habere mallet quam illum, nec sub ulla conditione qua reuocaretur donatio.

TEMERE REVOCARI NON POSSVNT.) Sequitur II. Donatio inter uiuos scriptura non indiget, solaque uoluntatis testatione facta reuocari nisi difficillime non potest. l. si quis argentum. 35. §. si autem. C. eod. Superius autem facile nullisque casibus euanescebat, quippe quæ suspensa & infirma esset, nec ulla stabilitate constaret.

AD EXEMPLVM VENDITIONIS.) Sequitur III. Donatio inter uiuos donatori tradendi necessitatem imponit. l. si quis argentum. 35. §. si autem. C. de donat. Quod autem dixit, Ad exemplum uenditionis necessitas habere, argute locutus est. Emptor enim dare cogitur, non modo tradere: at donator traditione liberatus est. contra cum traditionis uerbo latiori significatione, datio quoque contineatur: ideoque pleniori uerbo quod utriusque contra elui contineret, uti maius Antonio sic dixit: Hunc tibi equum dono do, nec tradidit: cum eum Antonius abducere uellet, obstitit. Insinatio: Debes mihi hunc equum. D. Non debeo. Q. An debeat. R. Quia ciuis Rom. ex nudo pacto non obligatur. F. At Iustinianus ex nuda donatione dari actionem iussit. D. An cum ex nudo pacto non nascatur actio, tamen propter Iustiniani constitutionem actio in donatorem deitur. Respondetur dari. d. l. si quis. §. si autem.

VSQVE AD QVINGENTOS SOLIDOS.) Sequitur IIII. Ex Iustiniani constitutione literis publicis consignari donationem, nisi quingentorum aureorum maiorem, nihil necesse est. l. penult. C. de donat. De solidis autem alio loco



**A** alio loco dictum est. Insinuari uero actis, est in acta referri, literis publicis consignari.

**NOSTRIS CONSTITUTIONIBVS.)** L. illam subtilem, 34. & quatuor insequentibus.

**SI TAMEN INGRATI EXISTANT HOMINES.)** Sequitur V. Donatum repeti ab ingrato certas ob causas potest. l. ult. C. de reuoc. don. ubi quinque quas subijciam enumerantur: ob atroces iniurias, id est contumelias: ob manus impias allatas, ob capitis periculum illatum, ob insigne damnum datum, ob non seruatas leges donationi appositus. Ad additur præterea, hoc ius reuocandæ donationis uni ei qui donauit, non etiam eius heredi permitti: nimirum quia beneficentia personalis fuit, ac proinde personæ certæ gratia, non autem in rem debetur.

Donationem quæ ante nuptias olim uocabatur, Iustinianus propter nuptias appellari, nec ante nuptias tantum: sed & constante matrimonio fieri, augeriq; posse statuit. l. ult. C. de donat. ant. nupt.

**III.** Est & aliud genus inter uiuos donationis, quod ueteribus quidem prudentibus penitus erat incognitum: postea autem à iunioribus diujs Principibus introductum est, quod ante nuptias uocabatur: & tacitam in se conditionem habebat, ut tunc ratum esset, cum matrimonium fuerat insecutum. Ideoq; ante nuptias appellabatur, quod ante matrimonium efficiebatur: & nunquam post nuptias celebratas talis donatio procedebat. Sed primus quidem diuus Iustinus, pater noster, cum augeri dotes & post nuptias fuerat permissum: si quid tale eueniret, & ante nuptias donationem augeri constante matrimonio, sua constitutione permisit. sed tamen nomen inconueniens remanebat, cum ante nuptias quidem uocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes: constituimus, ut tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias uocentur: & dotibus in hoc exæquantur, ut quemadmodum dotes constante matrimonio non solum augentur, sed etiam fiunt: ita & istæ donationes, quæ propter nuptias introductæ sunt, non solum antecedant matrimoniũ, sed eo etiam contracto & augeantur & constituantur.

**A' IUNIORIBVS DIVIS PRINCIPIBVS.)** Enunciatio I. Donatio ante nuptias à postremis Cæsarijs instituta est, totaq; ab euentu matrimonij pendebat. l. 2. C. de don. ante nupt. Est autem Donatio ante nuptias, quam eandem sponsalitiã appellamus, quæ sponsi inter se conferunt: tam enim à sponsa in sponsum, quam à sponso in sponsam exercetur. Etsi autem sponsalitiæ donationis uerbum in Pandectis, quod sciam, nusquam reperitur: tamen huius liberalitatis Iulianus mentionem facit in l. 1. D. de donat. ubi ait, rem inter sponso donatam confestim fieri accipientis: sed si hac mente donata sit, ut nuptijs non secutis res auferatur, posse repeti. Vtrum autem ea mente donata res esset, nec ne, si coniecturis certandum erat, non mediocris controuersia res erat. quod ex causæ constitutione licebit intelligi: Octauius Iulie sponsæ suæ monile aureum dedit, nec donandi causam addidit. Cum ea post alteri nupsisset, Octauius monile repetit. Intentio: Debes mihi monile meum reddere: quippe ob causam datum, causa non secuta. D. Non debeo. Q. An debeat. R. Quia nullam addidisti causam, sed amoris & beneuolentiæ causa te mihi donasse dixisti. F. At cum amoris causa spes nuptiarum esset, satis constat me sola coniugij causa tibi donasse. D. An quod sponsus sponsæ dono dat, sine ulla causæ aperta declaratione, donatũ ob nuptias intelligatur, quod antiquis iurisperitis non uidebatur: sed amoris & munificentie duntaxat. Itaq; Constantinus in l. cum ueterum, 15. C. cod. scribit, ueterum hanc fuisse sententiam, ut donationes in sponsam, etiam non secutis nuptijs, ualere: reuocariq; non possent. opinor, quod libera esse matrimonia uolebant, nec ulla munerũ acceptione obligari. complures enim, præsertim si magnũ fuisset munus, alicuius temporis matrimonij subire, quam acceptum restituere maluissent. Hoc tamen Constantinus ita correxit, ut si per donatorem, eius uel parentes matrimonij impediatur, res donata apud donatariũ permaneat: sin per donatarium, eius uel parentes, restituatur. at mortuo alterutro, quod sponsus sponsæ sine osculo donauit, uniuersum repetit: quod cum osculo, dimidia ex parte tantum: at quod sponsa sponso, utrocuq; modo totum repetit. l. si à sponso, 16. C. de don. ant. nupt.

**DIVVS IUSTINVS PATER NOSTER.)** Sequitur II. Iustinus primus constituit, ut hæc donatio etiam constante matrimonio ad augeri posset. l. si constante, 19. C. de don. ante nupt. Patrem autem Iustinum appellat, quod ab eo, ut diximus, sit adoptatus.

**INCONVENIENS NOMEN REMANEBAT.)** Falsum uidetur: res enim ex potiore sui parte nominanda est. p. or autem huius donationis pars, ipsius initium est: quæ quamuis hoc incremento post nuptias augeatur, semper tale nomen obtinet: additamentum autem accessionis.

**ANTE MATRIMONIO INITIUM ACCIPIANT.)** Sequitur III. Iustiniani lege donationis ante nuptias, propter nuptias appellata est: & constante matrimonio fieri atq; augeri potest. l. ult. C. cod. Si tamen ante nuptias constituitur, suum ac proprium & nomen & ius retinet, uocaturq; sponsalitiã largitio. At si post nuptias, à Iustiano propter nuptias appellatur: Græcè autem *ἐνὶ τῇ νύμφῃ*, propterea quod à marito uicissim in gratiã dotis tribuitur: nec simplex donatio sit, quæ alia est ea quæ inter uirum & uxorem prohibita est: sed propter dotis donationem, & ipsarum nuptiarum affectionem, ut i. scribit. Vfus autem eius duplex est: primum, quod mulieris dos est cautior: eas enim & in dominio possessioneq; sua retinet. & uindicare potest. l. ubi adhuc, C. de iur. dot. quod si res immobiles sint, eas maritus etiam uxore consensu alienare prohibetur. Nouell. 61. ut immob. ante nupt. ob eamq; causam hæc cautio, ea hypotheca, quam ob dotem maritus constituit, nullo modo prius est: cui renunciandi potestatem mulier habet. l. etiam. l. iubemus. C. ad Velleian. Secundus eius usus est, quod quemadmodum mulier sine causâ diuertens, dote sic maritus rebus donatis multatur. l. consensu. de repud. Hæc cum ita sint, tamen illud intelligendum est, neq; soluto matrimonio eas res apud mulierem manere. d. l. ult. & Nouell. 93. neq; earum fructus unquam a uxorem constante matrimonio pertinere: cum alioqui dotis fructus prorsus exinaniretur. l. pro oneribus.



ribus. C. de iur. dot. Ex quo differentia inter sponsalitiā & hanc nuptialem donationem intelligitur: quod illa soluto matrimonio mulieri relinquitur. l. i. mater. C. de don. ante nupt. hæc uero, condicatur ut facile appareat totā hanc propter nuptiis donationem nihil aliud esse, quam uel cautionem dotis, diuturniq; coniugij uel donationem sub conditione, si uel dos à marito consumpta sit, uel sine causa idem matrimonium dirimerit. Quæ cum ita se res habeat, neq; ualde magna ingenij laude propterea dignum fuisse Iustinianū putandum est, quod hanc donationē excogitavit: neq; magna uituperatione ueteres afficiendos, quod eius utilitatem non perspexerint, ut enim maximam huius donationis uim spectemus, tamen ea nullo negotio superari, aut certe exæquari poterat: si totum hoc ius illius in hypothecā partem aliquam, quæ pro dote constitueretur, cōtulissemus.

*Seruus communis, si ab uno manumittatur, non (ut iure antiquo) alteri accrescit:*

*sed ita libertatem retinet, si manumissor alteri suæ partis precium persoluat. l. j. C. de seru. commun. man.*

III. Erat olim & alius modus ciuilis acquisitionis per ius accrescendi, quod est tale. Si communem seruum habens aliquis cum Titio, solus libertatem ei imposuerit uel uindicta, uel testamento: eo casu pars eius amittebatur, & socio accrescebat. Sed cum pessimum fuerat exemplo, & libertate seruū defraudari, & ex ea humanioribus quidem dominis damnum inferri, seuioribus autem lucrum accrescere: hoc quasi inuidia plenum, pio remedio per nostram constitutionē mēderi, necessarium duximus: & inuenimus uiam, per quam & manumissor, & socius eius, & qui libertatem accepit, nostro beneficio fruantur, libertate cum effectu procedente (cuius fauore antiquos legumilatores multa etiam contra communes regulas statuisse manifestissimum est) & eo, qui eam libertatem imposuit, suæ liberalitatis stabilitate gaudente: & socio indemnitate conseruato, B  
preciumq; serui secundum partem dominij, quod nos definiuimus, accipiente.

CIVILIS ACQUISITIONIS.) Enunciatio I. Ius accrescendi ex serui communis manumissione, ciuili Rom. proprium erat. l. i. in fin. C. de commun. seru. manu. Itaq; si cuius Rom. seruū habuisset cum peregrino aliquo communē, eumq; manumississet, eius pars socio non accreuisset. quid igitur accidebat: nam reuocari libertas non poterat: aut igitur necessarium erat, ut homo partim liber, partim seruus esset: aut ut manumissio esset inutilis. At si peregrinus eo modo manumississet, quo peregrinis licebat, tum ipsius pars cui accrescebat: etsi duo ciues essent, eodem modo.

ET SOCIO ACCRESCEBAT.) Sequitur II. Olim seruus communis ab uno manumissus, totius alterius fiebat. nam ex parte liber, ex parte seruus esse non poterat.

PRECIUM QVE SERVI SECUNDVM PARTEM.) Sequitur III. Iustinianus seruū communē ab uno manumissum, ita liberum esse statuit, si manumissor precium ei suæ partis persoluerit. d. l. i. C. de seru. commun. manu.

CONTRA COMMUNES REGVLAS.) Sequitur II. Multa contra ius summum libertatum causa instituta sunt. l. generaliter. 24. §. si quis. D. de fid. libert. ubi Iulianus ait, non ignotum esse, quod multa contra iuris rigorem pro libertate sint constituta.

QVOD NOS DEFINIUIVVS.) D. l. i. §. Ne autem. & l. ult. C. de condit. infertis.

## QVIBVS ALIENARE LICET, VEL NON.

### TITVLVS VIII.

*Maritus dotale prædium siue Italicum, siue prouinciale, ne consentiente quidem uxore uel alienare uel oppignerare potest. l. i. & cum lex. C. de rei uxor. actien.*

I. Accidit aliquando, ut qui dominus sit, alienare non possit: & contra, qui dominus non sit, alienandæ rei potestatem habeat. Nam dotale prædium maritus inuita muliere per legem Iuliam prohibetur alienare: quamuis ipsius sit dotis causa ei data. quod nos, legem Iuliam, corrigentes, in meliorem statum deduximus. Cum enim lex in solis tantummodo rebus locum habebat, quæ Italicæ fuerant: & alienationes inhibebat, quæ inuita muliere fiebant: hypothecæ autem earum rerum, etiam uolente ea: utriq; remedium imposuimus, ut etiam in eas res quæ in prouinciali solo posite sunt, interdicta sit alienatio uel obligatio: & neutrum eorum neq; consentientibus mulieribus procedat, ne sexus muliebris fragilitas in perniciem substantiæ earum cōuertatur.

QVAMVIS IPSIVS SIT.) Enunciatio I. Dotale prædium, quando matrimonium constat, in mariti bonis est. l. Lucius. 21. §. 4. D. ad municip. l. si prædium. 23. C. de iur. dot. l. quamuis. 75. D. eod. itaq; uindicare id potest. l. i. dot. C. de rei uind. 149. usque adeo uerum est, ut maritus possit fundos dotales etiam inuita uxore alienare: dominumq; ipso iure transferret. Dicit aliquis, Cur igitur dos proprium uxoris patrimonium appellatur? l. deniq; 3. §. ergo. D. de nup. 50. Respondemus, dotem in uxoris quidem esse dominio, sed in bonis maritis hoc est, maritum eam pro domino constante matrimonio possideret uel, ut rem plantis exponamus, omnia prope iura in eam habere, quæ si dominus esset, haberet. Quod si, significat imp. in l. in rebus. 30. C. de iur. dot. ubi ait, rei ueritate dotem uxoris permanere: iuris autem subtilitate ad maritum pertinet. nam quod maritus ea prope omnia pro suo iure facit in rebus dotalibus, quæ quisq; in suis ac proprijs, dominus ideo appellatur: sed reuera dominus temporalis est, quasiq; usufructuarius. Quæ in re causæ constitutionem, quæ alio §. nostri l. i. fingi non potest, exponemus.



**A** ponemus. Lucullus in fundo dotali thesaurum reperit. uxor dimidium poscit. Intentio est; Dimidia pars huius thesauri mea est: lex enim inuenti thesauri partem dimidiam inuentori, partem alteram fundi domino attribuit. D. Imò meus est totus. Q. Vtrius iuris sit. R. Quia dotalis fundus mariti est. F. Quatenus scilicet dotis ac matrimonij ratio patitur. Dos autem propter onera matrimonij traditur, quæ fundus meus suis uectigalibus sustinet: thesaurus autem præter fructus ipsos est. D. An thesaurus in dotali fundo à marito repertus, pro dominio quod in eo ratione dotis obtinet, sit ipsius. Vlpianus in l. fructus. 7. §. 1. fundum. 9. D. sol. matr. respondet, partem dimidiam restituendam esse, quasi in alieno inuenti.

**ALIENATIONES INHIBEBAT.)** Sequitur II. Lex Iulia prædij dotalis alienationem inuita muliere, op pignorationem autem etiam ea uolente prohibuit. l. 4. & passim sub tit. de fund. dot. Quod enim facilius mulier concessura erat, id arctius lex prohibuit. Alienationis autem uerbo in hac lege actum omnem, per quem dominium transfertur, intelligimus: ut uenditionem, donationem, permutationem. l. 1. C. de iur. dot. & quod in toto diximus, id etiam in parte ualet: ut ne scilicet aliquid eius iuris detrahatur, puta seruitutibus imponendis: ut lult. C. de reb. al. non al. l. 5. & 6. D. de fund. dot. Sed hæc quidem lex Iulia de prædij. nam res mobiles alienandi potestas libera marito permessa est, si modò soluendo sit. l. 1. C. de ser. pig. dat. man. Porro caput hoc legis Iulie Paulus lib. Sent. 2. tit. de dotib. legi de adulterij attribuit, quam ab Augusto l. in libello de Legibus ostendimus.

**UT ETIAM EA RES.)** Sequitur III. Iustinianus prædium dotale nulla in regione uel alienari, uel oppignari, etiam ex uoluntate uxoris, permittit. l. 1. §. & cum lex. C. de rei ux. act. ubi tamen particulam NON deesse arbitraretur: ut sic legatur: ut fundum dotalem non solum hypothecæ titulo dare nec consentiente muliere maritus NON possit, sed nec alienare ne fragilitate nature sue in repentinam deducatur inopiam. Quod autem idem ait, legem Iuliam de Italico solo locum tam esse: sic intelligendum est, non quod in ea lege disertè italicum solum nominatum putemus: sed cum initio legis ex consuetudine scriptum esset. **QVI CIVES ROMANI,** & c. ciuili autem iure solæ tum regiones uterentur, quæ Italici iuris essent. l. 1. D. de censib. iccirco eam legem dixit ad eas tantum regiones pertinuisse.

*Creditor pignus quod ei datum hac lege est, ut id si pecunia sua die non soluat, uendat, iure alienat. lult. C. de iur. dom. imp.*

**II.** Contrà autem creditor pignus ex pactione, quamuis eius ea res nō sit, alienare potest. Sed hoc forsitan ideo uidetur fieri, quod uoluntate debitoris intelligitur pignus alienari: quia ab initio contractus pactus est, ut liceret creditori pignus uendere, si pecunia non soluatur. Sed ne creditores ius suum persequi impedirentur, neq; debitores temerè suarum rerum dominium amittere uiderentur: nostra constitutione consultum est, & certus modus impositus est, per quem pignorum distractio possit procedere: cuius tenore utrique parti creditorum & debitorum, satis abundè prouisum est.

**QUAMVIS EIVS EA RES NON SIT.)** Enunciatio I. Pignoris uenditio à creditore ex debitoris pacto facta, rata & firma est. l. creditor. 13. & passim sub tit. de distract. pig. ubi Paulus ait, etiam possessionem quam creditor habuit, in emptorem transferri.

**VOLUNTATE DEBITORIS.)** Sequitur II. Creditor ex pacto uendens, uoluntate debitoris uendere intelligitur. l. creditor. 8. & passim sub tit. de distract. pign. ubi Modestinus ait: Creditoris arbitrio permitti ex pignoribus si bi obligatis, quibus uelit distractis ad suum commodum peruenire.

**NOSTRA CONSTITUTIONE CONSULTVM EST.)** Sequitur III. Iustinianus antiquam uendendi pignoris rationem mutauit, nouamq; instituit. lult. C. de iur. dom. impet. Quod ille dum tam multis inanibus uerbis gloriatur, summam aliquam sue nouæ sapientie nobis tradere potuisset. Summa igitur hæc esto: Quoties nihil de pignore uendendo pactum est, ius est creditori, altero post iudicis sententiam, uel creditoris denunciationem anno, id uendere. & si emptor non extet, debitorem, ut id intra certum tempus luat, monere: si non reperiatur, tempus ei quo id facere possit, per iudicem præscribere. nam aliqui creditor à Principe facultatem pro domino possidendi petere poterit: qua tamen impetrata, biennium debitori dabitur, ut debitum cum eo quanti creditoris intererit, persoluat. quo sine solutione transacto, creditor iustus eius pignoris dominus efficietur. Tam multa autem alia sunt in ista ratione spinosa, & perplexa, ut antiquorum rationi simplici & planæ non facile aliquis hanc anteponat: nimirum, ut annua pignoris proscriptioe creditor eius dominus efficeretur, si deceptor id non lueret.

*Pupillus numos à se, sine tutore auctore, creditos, extantes quidem uindicare: bona autem fide consumptos, condicere: mala uerò, petere ut exhibeantur potest. l. xxix. si cert. pet. l. ix. de auct. tut.*

**III.** Nec admonendi sumus, neq; pupillum, neq; pupillam, ullam rem sine tutoris auctoritate alienare posse. Ideoq; si mutuam pecuniam sine tutoris auctoritate alicui dederit, non contrahit obligationem: quia pecuniam non facit accipientis. ideoq; uindicari numi possunt, sicubi exhibit possunt: si uero mala fide, ad exhibendum de his agi potest.

**ULLAM REM SINE TUTORIS AVCTORITATE.)** Enunciatio I. Pupillus rem suam alienare, nisi tutore auctore, non potest. l. obligari. 9. D. de auct. tut. & alijs locis innumeris.

**NON CONTRAHIT OBLIGATIONEM.)** Sequitur II. Ex mutui datione obligatio, nisi numi accipientis fiant, non contrahitur. l. 2. §. 2. D. si cert. pet. ubi Paulus ait, appellatam esse mutui dationem ab eo, quod de meo tuum fit: & ideo si non fiat, non nascitur obligatio.



VINDICARI NUMMI POSSUNT.) Sequitur III. Quos numos pupillus sine tutoris auctoritate credidit, eos si extant, vindicare potest. l. quod si forte. 14. in fin. D. de solut. Cum enim eos accipientis non fecerit, dominum se illorum affirmare poterit. Causse constitutio: Cum pupillus Annius decem aureos Titio credidisset, quique extarent, in rem egit. Intentio: Isti aurei mei sunt. D. Imo mei. Q. Vtrius sint. R. Quia mutuum statim a dominio creditoris in accipientis dominium transferatur. F. At mutuo dari a me sine tutore auctore non poterunt. D. An pecunia sine auctoritate tutoris a pupillo mutui nomine tradita, dominium non mutaret. Respondetur, non mutasse.

BONA FIDE CONSUMPTI SUNT.) Sequitur IIII. Pupillus numos a se sua sponte creditos, si bona fide consumpti sunt, condicere: sin mala, petere ut exhibeantur potest. d. l. quod si forte. & l. non omnis. 19. §. 1. D. si cert. pet. Ex quo intelligi potest, cum certi condictio detur ex mutuo: mutuum quod ab initio non ualuerat, propter consumptionem insequentem conualuisse. Datur autem ad exhibendum iccirco, ut post in rem agatur. l. 2. §. 3. D. ad exhibend. nam etsi qui mala fide consumpsit, pro possessore habeatur, eoque utilis in rem actio debeatur: quia tamen ad exhibendum actio directa est, utilis eam dari usum est.

Debitor pupillo ex tutoris auctoritate, iudicisque sententia solvens, liberatur: alioqui pupillo iterum petenti, siquidem is ex pecunia locupletior est, dolum obijciat: sin minus, iterum condemnabitur. at pupillus suo debitori solvere, sine tutore auctore non potest. l. xxxv. C. de admin. tut.

III. At ex contrario, omnes res pupillo & pupillae sine tutoris auctoritate recte dari possunt. *Quantum* \*Ideoque si debitor pupillo soluat, necessaria est tutoris auctoritas: alioqui si non soluerit cum auctoritate tutoris, non liberabitur. Sed hoc etiam evidentissima ratione statutum est in constitutione, quam ad Caesarienses aduocatos ex suggestione Triboniani uiri eminentissimi, quaestoris sacri palatii nostri, promulgauimus: qua dispositum est, ita licere tutori uel curatori debitorem pupillarem solvere: ut prius iudicialis sententia sine omni damno celebrata, hoc permittat. quo subsecuto, si & iudex pronunciauerit, & debitor soluerit, sequatur huiusmodi solutionem plenissima securitas. Sin autem aliter, quam disposuimus, solutio facta fuerit: pecuniam autem saluam habeat pupillus, aut ex ea locupletior sit, & adhuc eandem pecuniam summam petat: per exceptionem doli mali poterit submoueri. Quod si aut male consumpserit, aut furto amiserit: nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem soluerit. Sed ex diuerso, pupilli uel pupillae solvere sine tutoris auctoritate non possunt: quia id quod soluunt, non sit accipientis: cum scilicet nullius rei alienatio eis sine tutoris auctoritate concessa sit.

ALIOQVI NON LIBERATVR.) Enunciatio I. Debitor pupillo tutore auctore, iudicisque, iussu solvens, liberatur. l. pupillo. 15. D. de solut. & l. sancimus. 25. C. de admin. tut. nam si sine tutoris auctoritate solutio admitteretur, consequeretur obligationem a pupillo alienari posse.

AD CAESARIENSES.) Recte obseruatum est significari d. l. sancimus. C. de admin. tut. quaedam enim totidem uerbis ex ea lege in hunc §. transcripta sunt. Ergo ad Ioannem praefect. praet. scripta non est, sed ad Caesariensem aduocatum consultationem. Exemplum simile animaduertit in §. item uerborum. 9. infra de inutil. stip. & l. pen. C. de cont. stipul.

DEBITOREM PUPILLAREM SOLVERE.) Id est, absolvere & liberare ab obligatione, qua pupillo astrictus tenebatur.

SINE OMNI DAMNO.) Sine ullis in iudicium, scribarum, uiatorumque mercedes impensis.

EXCEPTIONEM DOLI MALI.) Sequitur II. Pupillus iterum, quod sibi non recte solutum est petens, si locupletatus est, doli exceptione depellitur. l. pupillo. 15. D. de solut. ult. C. pro. emp. l. 4. §. si quis. D. de dol. except. Sensus est autem, pupillum quidem sine tutore auctore obligationem suam alienare non potuisse: ob eamque causam liberatum debitorem non esse, ac proinde Praetorem pupillo postulanti actionem omnino non denegaturum. uerum, quia summum istud ius summum esset iniuria: iccirco pro suo iure atque imperio hanc summi iuris acerbiteratem ita temperaturum, ut in iudicij formula excusationem ascribat hoc modo: Si paret Mauium Annio pupillo centum dare oportere, nisi dolo malo agere Annium apparet, tum Mauium damnato. Iudex igitur a Praetore datus, de dolo a Mauius docebitur: quod scilicet eam pecuniam ex qua locupletior factus est, iniuria postulet. Marcianus autem in d. l. in pupillo. de solut. ita locupletiore factum interpretatur, quod modo pauperior non sit. id est, si necessariam sibi rem emit, quam necessario de suo erat empturus.

QVOD SI MALE CONSUMPSEIT.) Sequitur III. Qui pupillo non recte pecuniam in debita persoluit, eandem ei, si locupletior ea non est, iterum persolvere cogitur. d. l. sancimus. C. de adm. tut. Causse constitutio: Marcus pupillo cuidam decem, quae ipsi debebat, sine tutore soluit. Haec pupillus cum in alea consumpsisset, iterum petijt. Intentio: Debes mihi decem. D. Non debeo. Q. An debeat. R. Quia tibi ea persolui. F. At sine tutoris auctoritate alienare meam obligationem non potuit. D. An solutio pupillo sine tutore auctore facta debitorem non liberet. Iustinianus respondet, nisi locupletior pupillus inde fuerit, non liberari.

SOLVERE SINE TUTORIS AVCTORITATE.) Sequitur IIII. Pupillus creditori satisfacere sine tutore auctore non potest. l. non omnis. 19. §. 1. D. si cert. pet. l. quod si forte. 14. in fin. D. de solu. ubi Ulpianus addit, quod huic loco deesse uidetur. Sed si dederit nummos, non fient accipientis, uindicarique poterunt: plane si fuerint consumpti, liberabitur. quod idem traditur a Caio in l. obligari. 9. §. 2. D. de auct. tut.



T I T V L V S I X.

l. 6, C. de bon. quæ lib.

**B** quam oblationem totum parenti acquiratur. Quae enim in dote, si  
profectum est, hoc ad eum reuerti? Quod autem ex alia causa sibi filius familiam acquisiuit, huius  
usum fructum patri quidem acquirat, dominium autem apud eum remaneat: ne quod ei suis labo-  
ribus, uel prospera fortuna accesserit, hoc in alium perueniens, luctuosum ei procedat.

comparatur, animatum patrisfam. instrumentum ab Aristot. appellatur, ubi Polit. cap. 3.

**C**rat, his uerbis declarat:

de S. C. Macedon. scribit. filiosfam. in castrensi peculio ius ac uicem patrumfam. obtinere.

AL FILIO, VEL EXTRANEO DONARE.) Sequitur III. Olim quod unus e filijs adquisierat, pater in alium, etiam extraneum alienare poterat. (COVIRATUR.) Sequitur IIII. Lege Iustiniana quod ex re patris filius acqui-

m 3

Quid



*Qui filium suum emancipat, non tertiam aduentitij peculij partem, ut olim:  
sed ususfructus dimidiam adipiscitur. l. v. j. §. cum  
autem. C. de bon. quæ lib.*

II. Hoc quoque à nobis dispositum est & in ea specie, ubi parens emancipando liberum suum ex rebus quæ acquisitionem effugiebant, sibi tertiam partem retinere (si uoluerat) licentiam ex anterioribus constitutionibus habebat, quasi pro precio quodammodo emancipationis: & inhumanum quiddam accidebat, ut filius rerum suarum ex hac emancipatione dominio pro parte tertia defraudaretur: & quod honoris ei ex emancipatione additum erat, quod sui iuris effectus esset, hoc per rerum diminutionem decresceret. Ideoque statuimus, ut parens pro tertia parte dominij, quam retinere poterat, dimidiam non dominij rerum, sed ususfructus retineat. Ita etenim res intæta apud filium remanebunt, & pater ampliore summa fruetur, pro tertia dimidia potiturus.

EX REBUS QUAE ACQUISITIONEM EFFUGIEBANT.) Id est, aduentitio peculio, cui Iustini-  
niani tempore materna bona, item materni generis hereditas, nuptialia & sponsalitia lucra ascribebantur.

TERTIAM PARTEM RETINERE.) Enunciatio I. Iure constitutionum pater filium emancipans, par-  
tem aduentitij peculij tertiam sibi sumebat. l. cum oportet. 6. §. cum autem. C. de bon. quæ lib. Cuius iuris auctor Constantinus  
causam esse ait, ut filius patrem ob emancipationem remuneretur. l. i. & 2. C. Theod. de maternis bonis lib. 7. cap. 8.

DIMIDIAM NON DOMINII.) Sequitur II. Lege Iustiniani pater emancipans dimidiam partem ex us-  
usufructu peculij aduentitij retinet. d. l. cum oportet. 6. §. cum autem. C. de bon. quæ lib. In profectione ergo nihil Iustinianus in-  
nouat, solidumque illud patri emancipanti relinquit: in aduentitio uero dimidiam partem ususfructus, quem integrum antea  
patri assignarat, filio permittit.

*Seruus siue proprietatem, siue possessionem ullius rei acquirat, non sibi, sed pleno domi-  
no tum ignoranti, tum inuito acquirit: hereditatem tamen adire sine i-  
psum iussu non potest. at fructuario ea tantum acquirit, quæ  
ex re ipsius suisque operis adeptus est. l. x. D. de  
acquir. rer. domin.*

III. Item uobis acquiritur, quod serui uestri ex traditione nanciscuntur: siue quid stipulen-  
tur, siue ex donatione, uel ex legato, uel ex qualibet alia causa acquirant. Hoc enim uobis ignoran-  
tibus & inuitis obuenerit. Ipse enim seruus qui in potestate alterius est, nihil suum habere potest.  
Sed si hæres institutus sit, non alias nisi uestro iussu, hereditatem adire potest. Et si uobis iubenti-  
bus adierit, uobis hereditas acquiritur, perinde ac si uos ipsi hæres instituti essetis. Et conue-  
nienter scilicet legatum per eos uobis acquiritur. Non solum autem proprietas per eos quos in  
potestate habetis, uobis acquiritur, sed etiam possessio. Cuiuscunque enim rei possessionem ade-  
pti fuerint, id uos possidere uideamini. Vnde etiam per eos usucapio, uel longi temporis posses-  
sio uobis accedit. De ijs autem seruis, in quibus tantummodo usumfructum habetis, ita placuit:  
ut quicquid ex re uestra, uel ex operis suis acquirat, id uobis adjiciatur: quod uero extra eas caus-  
sas consecuti sunt, id ad dominum proprietatis pertineat. Itaque si is seruus hæres institutus sit, le-  
gatum uel quid ei, aut donatum fuerit, non usufructuario, sed domino proprietatis acquiritur.

EX TRADITIONE NANCISCUNTUR.) Enunciatio I. Quacunque ex causa seruus acquirit, domino  
& ignoranti & inuito acquirit. l. acquiritur. 10. & l. etiam. 32. D. de acq. rer. dom. l. seruus uetante. 62. de uerb. oblig. l. quæ  
admodum. 46. D. de iur. dot. Nam etsi obligatio inuito non acquiritur, penitendi tamen mutandique consilij potestatem ha-  
bet. Causæ constitutio: Stichus me inuito ac repugnante centum erat à Titio stipulatus: post mutato consilio Titium persequi  
instituit. Intentio: Debes mihi centum, ex serui mei stipulatione. D. Non de. 9. Q. An debeat. R. Quia inuito nihil acquiri  
tur. F. At post mutato consilio mihi acquisita est: nam tu quidem etiam me repugnante alligatus eras. D. An obligatio  
debitorem seruus allegarat, acquiri creditori ex mutatione consilij posuit. Respondetur, posse. Cum enim per alium nosse ac-  
quiritur, duo quasi gradus considerantur. unus in eius qui nobis acquirit persona, in qua initium acquisitionis: alter ex iustitia  
in qua progressus quidam numeratur. Quod igitur ad initium attinet, inuitis nobis acquiritur: sed quod ad progressum  
absolutionem, nequaquam. l. hoc iure. 19. §. 2. D. de donat. l. inuito. D. de reg. iur.

NIHIL SVVM HABERE POTEST.) Sequitur II. Seruus nihil suum habere iure civili potest.

NON ALIAS NISI VESTRO IVSSU.) Sequitur III. Seruus hæres institutus adire sine iussu domini  
non potest. d. l. 10. & l. si quis mihi. 25. §. iussu. D. de acq. hered. ubi Vlpianus ait, non satis esse si ratam domini aditionem  
habeat: sed requiri, ut iussu antecedit.

LEGATVM PER EOS ACQVIRITVR.) Sequitur IIII. Legatum seruo, domino legatum intelligi-  
tur. d. l. 10. quippe, cum testamenti factionem serui non habeant: ut posterius intelligitur.

SED ETIAM POSSESSIO.) Sequitur V. Possessio à seruo quæ sita, per dominum quæ sita intelligitur. l. i.  
§. item. de acquir. possess. & l. quod seruus. 24. cod. ubi Iulianus scribit de iusta tantum possessione id intelligi: uolentiam es-  
nim domino non acquiri. Ex hac porro partitione Iustinianus inferit, per usucapionem serui nobis acquiri, cuius causæ consti-  
tutione hanc assignamus: Cum dominus equum suum uindicaret, quem seruus Titij triennium bona fide possederat, dominus  
usucaptum



**A** usucaptum defendebat. Intent. Hic equus meus est. D. Imò meus. Q. Vtrius sit. R. Quia per serui possessionem usucaptus est. F. At usucapio est iuris civilis: ac proinde seruus qui civis non est, eius particeps esse non potest. D. An serui possessio usucapionem domino pariat. Respondetur, parere.

**PER EOS VSVCAPIO.)** Rectius apud Caium in d.l. acquirit. §. 21. Per eorum longam possessionem dominium nobis acquiritur: quo modo locum hunc emendandum putarem.

**EX RE VESTRA, VEL EX OPERIS.)** Sequitur VI. Servius usufructuario tantum ex re ipsius suisque operis acquirit. l. si serui. 21. D. de usufruct. Causse constitutio: Dum usufructum Erotis habeo, Titius eum heredem instituit. Eam hereditatem Octavius proprietarius vindicat. Intent. Hec hereditas mea est: delata enim ad servos hereditas, ipso momento dominorum est. l. placet. 79. de acq. hered. D. Imò mea. Q. Vtrius sit. R. Quia fructus omnis qui seruo incolunt manare ex eo potest, meus est, qui sum usufructuarius. F. At non ex seruo manat hic fructus, sed ex me: non enim ob servum delata hac illi fuit hereditas, sed propter me, meique contemplatione. D. An hereditas seruo cuius usufructus alienus est, delata, non tam ei, quam ipsius proprietario delata videatur. Vlpianus respondet, nisi perspicue appareat solius fructuarii contemplatione delatam fuisse, ad proprietarium pertinere. Quod idem de possessione Papinianus respondet in l. possessio. 49. D. de acquir. poss.

Qui bona fide possidetur quod ex re possessoris, suisve operis acquirit, siue possessio sit, siue proprietas, possessori acquirit. quod aliunde, si liber est, sibi: si servus, domino. at qui servum usucepit, quacunq; ex causa quaesitum sibi vindicat: fructuarius vero nunquam usucapit. l. x.

**B**

§. iij. de acquir. rer. dom. l. j.

de acqu. poss.

**III.** Idem placet & de eo qui à vobis bona fide possidetur, siue is liber sit, siue alienus servus. Quod enim placuit de usufructuario, idem placet & de bonæ fidei possessore. Itaque quod extra istas duas causas acquiritur, id vel ad ipsum pertinet, si liber est: vel ad dominum eius, si servus est. Sed bonæ fidei possessor cum usuceperit servum (quia eo modo dominus fit) ex omnibus causis per eum sibi acquirere potest. Fructuarius vero usucapere non potest: primum, quia non possidet, sed habet ius utendi fruendi: deinde, quia scit servum alienum esse. Nō solum autem proprietates per eos servos, in quibus usum fructum habetis, vel quos bona fide possidetis, aut per liberam personam, quæ bona fide vobis servit, vobis acquiritur, sed etiam possessio. Loquimur autem in utriusque persona secundum \* distinctionem, quam proximè exposuimus: id est, si quam possessionem ex re vestra, vel ex suis operis adepti fuerint.

\* definitio  
nema

**AD IPSVM PERTINET, SI LIBER EST.)** Enunc. I. Homo liber bona fide possessus, quod ex re possessoris suisve operis parat, possessori parat: quod aliunde, sibi. l. acquiritur. §. 4. de acquir. rer. dom. Nam pro cibariis & alimentis ipsius, hæc quasi merces possessori retribuitur. potest enim & maior esse sumptus, quam utilitas: & maior contra uberiorque fructus, quam impensa.

**AD DOMINVM, SI SERVVS EST.)** Sequitur II. Servus alienus bona fide possessus, quod ex re possessoris, suisve operis parat, possessori parat: quod aliunde, domino. d. l. acquiritur. Causse constitutio: Cum Epidici servum annum unum bona fide possidesset, cum dominus vindicavit: & quia pistor vel medicus erat, mihiq; ex suis operis aliquam multam pecuniam attulerat, hanc simul dominus condidit. Intentio: Debes mihi pecuniam illam unā cum seruo meo reddere. quod enim servus acquirit, ei qui pleno iure ipsius dominus est acquirit. D. Non debeo. Q. An debeat. R. Quia bonæ fidei possessor fructus suos facit, optimo iure: cum impendium in eo alendo & secum habendo fecerit. F. At non æquum est, ut ego sine ulla mea culpa fructum illum mei serui amittam. D. An fructus operarum serui bona fide possessi, ad possessorem potius ob bonam fidem, quam ad dominum ob dominij veritatem pertineant. Respondetur, ad possessorem: nimirum propter impendia bona fide in eo facta, quibus dominus interea gravatus non est.

**EX OMNIBVS CAVSSIS PER BVVM.)** Sequitur III. Bonæ fidei possessor usucapione perfecta, quæa servus acquirit, sibi vindicat.

**PRIMUM, QVIA NON POSSIDET.)** Sequitur IIII. Vsufructuarius non possidet, atq; ideo non usucapit. §. 6. d. de precar. l. neq; C. de usuf.

**SECVT ETIAM POSSESSIO.)** Sequitur V. Possessio per eos qui bona fide possidentur, iisdem quibus proprietates paratis modis. l. i. §. sed et. l. possessio. 49. D. de acq. poss.

Per extraneas personas, id est, quarum nihil interest, præter possessionem nihil nobis acquiritur: quæ si à domino tradita est, dominium: si minus, usucapiendi facultatem affert. l. j.

C. de acquir. poss. l. j.

C. hoc tit.

**V. Ex his ita apparet, per liberos homines, quos neque uestro iuri subiectos habetis, neque**



bona fide possidetis: item per alienos seruos, in quibus neq; usumfructum habetis, neq; possessio- **A**  
nem iustam, nulla ex causa uobis acquiri posse. Et hoc est quod dicitur, per extraneam personam  
nihil acquiri posse, excepto eo quod per liberam personam (ueluti per procuratorem) placet non  
solum scientibus, sed & ignorantibus uobis acquiri possessionem, secundum diui Seueri constitu-  
tionem: & per hanc possessionem etiam dominium, si dominus fuerit qui tradidit: uel usucapio-  
nem, aut longi temporis præscriptionem, si dominus non sit.

QVOS NEQVE VESTRO IVRI.) Enunc. I. Nihil nobis per extraneam personam acquiri potest. l. i. C.  
de acquir. possess. l. i. C. hoc tit. Extraneam autem personam hoc loco Iurisconsulti appellant, quæ (ut rem pinguius explicae-  
mus) uim apud nos instrumenti animati non obtinet. Nam filiusfam. & seruus iccirco nobis acquirunt, quia nos ipsorum o-  
pera quasi instrumentis utimur: uti de seruis Aristoteles libro Polit. i. scribit, quorum apud Romanos filiusfam. erant hoc in  
genere simillimi. itaq; quod illi stipulabantur, emebant, conducebant, nosmetipsi stipulari, emere, conducere uidebamur,  
quasi longa manu, ut Iurisconsulti loquuntur. At aliena persona, hoc est, quæ in nostra familia non est, nobis instrumenti  
officium præstare dici non potest. unde illa uulgata, neminem alteri sua opera parare obligationem posse. l. quæcumq; i. D.  
de oblig. & act. & l. stipulatio ista. 38. §. alteri. ii. D. de uerb. obligat. ubi Vlpianus hanc rationem affert. inuentas  
enim obligationes esse ad hoc, ut unusquisq; sibi acquirat quod sua interest: ceterum ut alij detur, nihil interest mea. Quo  
ex loco intelligitur, extraneam personam hic dici, non cuius nihil interest acquiram nec ne, ut prima specie uidetur: (nam  
hominis liberi seruile bona fide possedi nihil refert, acquiram an ne iacturam faciam: ) sed quem acquirere nostra interest.  
Idemq; tradit Paulus l. si ita stipulatus. 126. §. Chrysogonus. D. de uerb. obligat. & l. quo tutela. §. ultimo. D. de  
reg. iur.

LIBERAM PERSONAM, VELVTI PROCVRATOREM.) Sequitur II. Procurator etiam **B**  
ignoranti domino potest possessionem acquirere. l. i. C. hoc tit. l. i. C. de acqu. poss. l. solutum. ii. §. ult. D. de pign. act. Causse  
constitutio: Ebutius equum à me mandatu Titij mercatus erat. cum ex empto Titius ageret, recusabam. Intentio: Debes mihi  
equum emptum dare. D. Non debeo. Q. An debeat. R. Quia per extraneam personam acquiri tibi obligatio non potest. F.  
At procurator meus extraneus non est: mea enim interest, ut aliquid acquirat. D. An liber homo à me non possessus, sed qui  
à me procuratorem habet, extraneus sit nec ne. Respondetur, procuratorem ex earum esse personarum numero, quæ ani-  
mati instrumenti munus officiumq; præstant.

SI DOMINVS FVERIT, QVI TRADIDIT.) Sequitur III. Per adeptam à procuratore possessio-  
nem si tradens dominus fuerit, dominium: sin minus, usucapionem acquirimus. l. i. C. de acquir. possess. l. possessio. 49. D. eod.  
ubi Papinianus subtilis hoc distinguit, ut scientibus nobis, procurator usucapionem acquirat: ignorantibus uero, possessio-  
nem. Ex quo intelligi necesse est, nos alieno & corpore & animo possidere: alioqui enim usucapio non procederet, ueluti,  
Emit me sciente procurator meus uestem à non domino: per triennium possedit: mihi quesitum dominium est. Quare si ad  
dominum forte reuerterit, intentio mea erit: Hæc uestis mea est, quippe à me usucapta. D. Imò mea. Q. Vtrius sit. R. Quia  
cum possessio corporalis in usucapione requiratur, tu nunquam corpore possidisti. F. At procuratoris corpus, quasi meum sit  
animatum instrumentum, non alienum, sed meum esse uidetur. D. An cum procurator possidet, dominus ipse possidere in-  
telligatur.

Hactenus quibus modis res singulæ nostræ fiant, exposuit: deinceps  
quibus modis per uniuersitatem acquiran-  
tur, explicabit.

VI. Hactenus tantisper admonuisse sufficiat, quemadmodum singulæ res uobis acquirantur. **C**  
nam legatorum ius, quo & ipso iure singulæ res uobis acquiruntur: item fideicommissorum, ubi  
singulæ res uobis relinquuntur, opportunius inferiore loco referemus. Videamus itaque nunc,  
quibus modis per uniuersitatem res uobis acquirantur. Si cui ergo hæredes facti sitis, siue cuius  
bonorum possessionem petieritis, uel si quem adrogaueritis, uel si cuius bona libertatum conser-  
uandarum causa uobis addicta fuerint: eius res omnes ad uos transeunt. Ac prius de hæreditati-  
bus dispiciamus, quarum duplex conditio est. nam uel ex testamento, uel ab intestato ad uos per-  
tinent. Et prius est, ut de his dispiciamus, quæ ex testamento uobis obueniunt. qua in re neces-  
sarium est, initio de ordinandis testamentis exponere.

SINGVLÆ RES VOBIS ACQVIRANTVR.) Enunc. I. Superioribus acquirendi modis <sup>in</sup> uniu-  
uersæ res, sed singulæ acquiruntur. Itaq; neq; usucapi, neq; donari res uniuersæ possunt, sed singulæ duntaxat. An per em-  
ptionem quidem acquiri? cum præsertim sectores in auctionibus damnatorum bona uniuersa simul uno precio (est ait Asco-  
nius) coemerent. Sed huius rei disputatio in suum locum, hoc est sub tit. De eo cui libert. caus. reſcienda est.

QVO ET IP SO IVRE SINGVLÆ RES.) Sequitur II. Legatis & fideicommissis quibusdam non  
uniuersæ, sed singulæ res acquiruntur. Fideicommissa autem singularia significat, de quibus suo loco disputab. ur.

SI QVI ERGO HÆREDES FACTI SVNT.) Sequitur III. Quatuor modis res uniuersæ acquirun-  
tur, hæreditate, bonorum possessione, arrogatione, & libertatum conseruandarum causa additione.

QVARVM DVPLEX CONDITIO EST.) Sequitur IIII. Hæreditatem alie à testato, alie ab intes-  
tato deferuntur. l. i. D. de hæred. petit.







Institut. 20. transferemus : In testamento, inquit, quod sit per as & libram, duae res aguntur, familiae mancipatio & nuncupatio testamenti. Nuncupatur testamentum in hunc modum : Tabulas testamenti testator tenens, ita dicit : Hæc uti in his tabulis ceris'ue scripta sunt, ita do, ita lego, ita testor, itaq; uos Quirites testimonium præbitote : quæ nuncupatio & testatio uocatur.

AD IUS CIVILE REFEREBANTVR.) Sequitur V. Superiora testamentorum genera iuris civilis dicuntur, neq; testium subscriptionem requirunt. Ius autem civile nunc dicimus, non quod cum gentium iure, sed quod cum prætorio comparatur : hoc est, quod à Iureconsultis institutum est, qui formulæ & ritus quosdam solis ciuibus Rom. propriè constituerunt : ueluti emancipationem, adoptionem, stipulationem, manumissionem, testamenta : quod ius commune iuris civilis nomen suum effecit, ut Pomponius scribit l. 2. D. de orig. iur.

SEPTEM TESTIVM SIGNA.) Sequitur VI. Testamenta per consignationem testium à Prætoribus instituta sine ulla mancipatione fiebant. Septem autem omnino testes requiruntur, eorumq; signa : l. si unus. 12. C. de testam.

Hoc tempore testamenta ex civili, prætorio & constitutionum iure sic fiunt, ut à septem testibus nullo alieno interposito actû, uel eodem, uel etiam alieno annulo consignentur, subscribantur ab ijs & à testatore : hæc disq; nomen uel ab hoc solo, uel ab illis ascribitur. l. xxvij. xxix. C. de testam.

II. Sed cum paulatim tam ex usu hominum, quàm ex constitutionum emendationibus cœpit in unam consonantiam ius civile & prætorium iungi : constitutum est, ut uno eodemq; tempore (quod ius civile quodammodo exigebat) septem testibus adhibitis, & subscriptione testium (quod ex constitutionibus inuentum est) & (ex edicto prætoris) signacula testamentis imponerentur, ut hoc ius tripartitum esse uideatur : ut testes quidem & eorum præsentia uno contextu testamenti celebrandi gratia, à iure civili descendant : subscriptiones autem testatoris & testium, ex sacrarum constitutionum obseruatione adhibeantur : signacula autem, & testium numerus, ex edicto prætoris. Sed his omnibus à nostra constitutione propter testamentorum sinceritatem, ut nulla fraus adhibeatur, hoc additum est : ut per manus testatoris uel testium nomen hæredis exprimatur, & omnia secundum illius constitutionis tenorem procedant. Possunt autem omnes testes & uno annulo signare testamentum, quid enim si septem annuli una sculptura fuerint, secundum quod Papiniano uisum est : Sed & alieno quoq; annulo licet signare.

IUS CIVILE ET PRÆTORIVM IVNGI.) Enunc. I. Ius prætorium partim consuetudine, partim Principum constitutionibus sensim pro civili usurpatum est. Sic enim locum hunc interpretor, satis alioqui obscurum, iurisconsulti formulam testamenti per as & libram constituerunt. Hoc ius civile, ut diximus, appellabatur. postea edicto perpetuo cautum est, ut ius diceretur, ex ijs testamentis quæ sine mancipatione tantum à septem testibus consignata essent. Hanc formulam cum omnes passim sequerentur ac tenerent, & planè pro iure civili usurparetur, illa in desuetudinem abiit, hæc Principum constitutionibus aucta & confirmata est.

IUS CIVILE QVODAMMODO EXIGEbat.) Nam dum illa mancipatio per as & libram fiebat, breui spacio sine ulla intermissione peragebatur.

QVOD EX CONSTITUTIONIBVS INVENTVM EST.) Obscura & perplexa sententia. Sensus est, numerum testium & consignationem ex edicto, subscriptionem ex Principum constitutionibus manare : quod aperte mox demonstrat. Constitutiones autem antiquorum Caesarum intelligit. Vlpianus enim & Paulus subscriptiones suo tempore ita necessariis fuisse ostendunt, ut neq; obsignatio sine subscriptione, neq; hæc sine illa ualeret. l. ad testium. 22. §. si quis. & l. pen. D. eod. Itaq; duæ parentheses notandæ sunt, quarum prior illa includitur : (Quod ex constitutionibus inuentum est) altera hæc post particulam ET : (ex edicto prætoris.)

TRIPARTITVM ESSE VIDEATVR.) Sequitur II. Usitata testamenti scribendi formula ex iure civili, prætorio & constitutionum collecta est.

VNO CONTEXTV TESTAMENTI.) Sequitur III. Septem testium præsentia, obsignatio & subscriptio, uno perpetuoq; testamenti contextu, sine ulla intermissione requiruntur. l. cum antiquitas. C. eod. & l. hæred. 21. in fin. D. eodem. ubi Vlpianus ait : Vno contextu actus testari oportet. est autem uno contextu, nullum actum aliter in testamento intermiscere, quod si aliquid pertinens ad testamentum faciat, testamentum non uitiatur. Cum autem antiquitus controuersia plerumq; esset, utrum ad testamentum aliquid pertineret, nec ne : Iustinianus d. l. cum antiquitas. scilicet, Aliæ nos omnes actus esse, præter eos quos natura necessitas exigeret : ut cibi potusue subita propter ægrotantis inbecillitatem administratio, uel cibi reliquiarum depulsio, propter quam tantisper abscedere testes honestius uideatur. Quod de causa si sanguinis missio, cuius non tam subita solet esse necessitas, interponatur, uel clyster adhibeatur, aliæque generis eiusdem quæ natura non tam instanter exquirunt, interruptam testamenti actionem arbitrarer. Hoc autem loco causæ constitutionem asserimus : Exhæredatus filius testamentum patris oppugnare uoluit, quod interruptam iccirco eius actionem diceret : quia dum testamentum fieret, pater exanimatus esset, acetumq; illius naribus oblatum, unumq; ori inditum fuisset. Intentio : Testamentum patris iniustum est : quippe non uno tenore perpetuoq; ductu confectum. D. Imò iustum est. Q. An iustum sit. R. Quia nihil alienum à testamento institutum est, imò subsidium allatum, ut eo magis actio illa procederet. F. At non unus eius actionis contextus fuit : moui sunt enim suis sedibus testes, inter se locuti, mens testatoris abiecta & sopita, locutio adempta & amissa. D. An cum aliqua testamenti actioni non eius interrumpenda, sed promouenda potius, necessitate naturæ



**A** natura cogente interiecta sunt interruptus testamenti contextus uideatur. Iustinianus respondet, non uideri

**NOMEN HAEREDIS EXPRIMITVR.)** Sequitur IIII. Iustiniani lege nomen hæredis à testatore, uel testibus assignari oportet. l. iubemus. 29. C. cod. ubi si testator uel propter infirmitatem, uel propter imperitiam hæredis nomen non assignauerit, iubetur tamen id lingua planè nuncupare, ut testes id sua manu in subscriptionibus ascribant. Atq; hæc quidem fuit Iustiniani sapientia, quæ aliquot durauit annos. Nouella enim Const. 119. per alium quàm per testem hæredis nomen scribi permittit.

SIGNACULA AUTEM ET TESTIVM NUMERVS EX EDICTO PRAETORIS.)  
Obscurus locus. Nam si hoc verum est, quid illud est quod ex edicto Verris Cic. Verrina 3, citavit: Si de hereditate ambigitur, & tabulae testamenti ob signatae non minus multis signis quam de lege oporteat, ad me proferentur, &c. Opinor igitur legem Corneliam testamentariarum intelligi, earumque praescriptum signatorum numerum fuisse, post vero translaticum id in edictis omnibus fuisse. Sed eamque causam cum in edictum perpetuum id receptum fuisset, honorario iuri attributum fuisse.

VNO ANNULO SIGNARE TESTAMENTVM.) Sequitur V. Testes omnes & uno & alieno annulo signare possunt. l. si unus. 12. C. de testam. & l. ad testium. 22. §. 2. D. eod. Causæ constitutio: Cum aliquot testes eodem annulo testamenti tabulas obfignassent, testamentum illud aliquis oppugnavit. Intentio: Hoc testamentum iniustum est, non enim septem signis, sed uno atq; eodem obfignatum est. D. Imò iustum est. Q. An sit. R. Quia lex non septem varia signa, sed septem testium obfignationem requirit. quid enim si fortè omnes eandem imaginem velut Alexandri Magni, aut Caesaris insculptam haberent? F. At isto modo cognosci non poterit, utrum à septem an à paucioribus testibus obfignatum sit. D. An eiusdem annuli configuratio à pluribus adhibita, sic ut inter nosci non possit à pluribus nec ne facta sit, valcat. Respondetur valere: propterea quòd facile inveniri, ut multi usdem signis utantur. Nec uerò incommode hoc loco quaeretur, an obfignatio ex annulo tantum fieri olim deberet. nam hoc tempore perridicula hæc quasi videretur, quoniam annulis tam pauci utantur

**B**ferè autem ijs characteribus quæ Galli Cachetios uel Sigla nominant. nam à figillare, segler, & postea seller deductum putamus. Apud ueteres autem commodissime hoc ipsum quærebatur, ut in *Lad testium*, 22. §. signa. D. eodem. quo in loco sic legitur: Et magis est, ut tantum annulo quis posset signare, dum tamen *χαρᾶντῆρα* habeat. ubi cum negatione legendum, **VT NON TANTVM**, quinque abhinc annis existimaui, necdum eam opinionem ex animo meo deponere possum: uehementerq; esse miror, qui non de sculptura, sed figura Geometrica ipsorum annulorum locum interpretentur, si forte triangula, uel quadrata, rotundaue esset: quasi uerò signi nomine figura geometrica intelligi Latine posset: ac non potius animantis aliquidius imago significetur: ut cum Augustus Spbinge primum, deinde Alexandro magno utebatur: Mæcenis, rana: Sylla, Iugurtha se dedente: Seleucus rex, anchora: Scipio Africani superioris filius, patris imagine: Pompeius, leone qui gladium gestabat. Cum igitur signari testamentum non figura geometrica, sed imagine tantum aliqua dici posset: ac præterea Latinus ille Vlpiani sermo cuius Grammatico demonstraret, non de annuli forma, sed de annulo alioque aliquo *χαρᾶντῆρα* in sculptum habente disputari, dubium opinor nemini rem attentius perpendenti uidebitur, quin Vlpianus affirmarit non modò annulis, sed quibusuis alijs sculptis rebus & ad obsignandum idoneis, uti licere.

li quibus testamenti factio est, præter mulierem, impuberem, mutum, surdum,  
seruum, furiosum, prodigum & intestabilem, testes adhiberi te-  
stamenti possunt: eius tamen serui testimonium quili-  
ber credebatur, prodest. l. xx. & xxvj.  
D. eod. l. j. C. eod.

III. Testes autem adhiberi possunt ij, cum quibus testamenti factio est. Sed neq; mulier, neq; impubes, neq; seruus, neq; mutus, neq; surdus, neq; furiosus, neq; is cui bonis interdictum est: neque is quem leges iubent improbum intestabilemq; esse, possunt in numerum testium adhiberi. Sed cum aliquis ex testibus testamenti quidem faciendi tempore liber existimaretur, postea autem seruus apparuit: tam diuus Adrianus \* Catoni, quam postea diui Seuerus & Antoninus rescripserunt, subuenire se ex sua liberalitate testamento, ut sic habeatur, ac si, ut oportet, factum esset: cum eo tempore, quo testamentum signaretur, omnium consensu hic testis liberi loco fuerit, neq; quisquam esset qui status ei quaestionem moueret.

TESTAMENTI FACTIO EST.) Enuac. I. Regulariter ij quibus testamentorum communio est, testa-  
mentis haberi testes possunt. l. qui testamento. 20. D. cod. Sic enim antiquam locutionem interpretamur: ut testamenti fa-  
ctionem habere dicantur ij, qui & nos heredes instituere, & a nobis institui possunt. l. non minus. 31. de hered. insti. t. l. nemo.  
7. D. pro cret. Verum ipsi quidem, quibus utrunque ius & dandi scilicet & accipiendi concessum est, integram testamenti fa-  
ctionem habent: qui uero accipiendi tantum ex testamento potestatem habent, ij dimidiatam atq; imperfectam testamenti  
factionem habere dicuntur. l. filiusfam. 16. D. cod. Peregrinus ergo, qui neutram habet facultatem, adhiberi testis non potest.  
Sed & in his quae ex iure civili est, spectetur, quing. testes ciues Rom. puberes requirebantur.

NEQVE MVlier, NEQVE IMPVBES.) Sequitur 11. Mulier, impubes, servus, furiosus, mutus, sur-  
 dus, prodigus & intestabilis, testes in testamentis esse non possunt. l. i. §. 1. d. l. qui testamento. 20. & l. cum lege. 26. D. cod.  
 Nam quod ad mulieres attinet, satis constat muliere sexu alienum atq; indecorum esse, cuiuslibet se officijs inermisferre. Et  
 quanquam in d. l. qui testamento. & l. ex co. D. de testib. mulieres regulariter ad testimonium admittuntur: quod tamen an-  
 tiquo iuri contrarium videtur, de quo Gellius scribit lib. 6. cap. 7. arburor tamen equidem rem omnem attente considerari ista  
 explicari hunc mod. n. posse, ut mulieres ad testationes quae data opera fierent, non aduocarentur: veluti quae l. l. test. & ut  
 dicia testamentariae fiebant, si tamen fuisset alicuius non aduocata, sed casu testes interfuissent, ad testimonium dicenda ac testi-  
 nificandi quae



nisi quæ adulterij damnatæ fuissent potuisse. Impubes autem animi iudicio caret, nec unquam propter eam infirmitatem ad A  
 ciuiles legitimasq; actiones admitti solet: ut nec seruus propter conditionem iuris ciuilis prorsus expertem, indignamq; quæ ci  
 uium Roman. actionibus admisceatur. d. l. qui testamento. §. seruus. Secunda causa trium proximarum personarum propria  
 est: furiosi, muti & surdi: nimirum propter mentis corporisq; morbum. Nam furiosus, quid agatur ignorat. ueruntamen si  
 intermissionem habet, testis adhiberi potest. d. l. qui testamento. 4. mutus autem dicere pro testimonio quid actum sit, non po  
 test. Surdus uero, quid dicatur non intelligit, tametsi dubitari potest, quamobrem is qui testatoris linguam ac sermonem quo  
 testamentum scribitur non intelligit, potius quam surdus admittatur. d. l. qui testamento. in fin. & apud Paulum lib. Sentent.  
 3. cap. de Testamentis. Opinor, quia plurimum qui surdus, idem & mutus est: deinde, quia in testimonio dicendo interroga  
 dus est, præterea dum intelligatur, quid negotij geratur, (hoc est, cui rei testis adhibeatur, cuius testationis gratia, quoq; or  
 dine res geratur,) nihil necesse est singula percipi. nam testamentum non lectum testes obsignant. Atqui moneri hospes hic  
 potest, quid testator sit acturus: surdus uero non potest. Quæ tamen in scriptis, non etiam nuncupatis testamentis locum ha  
 bere uidentur, cum illorum testimonium fere ex tabulis ipsis constet: horum, ex testium ipsorum auditione ac sermone. Tera  
 tia causa, duorum reliquorum propria est: mores scilicet, propter quos tanquam indigni à iuris ciuilis actionibus arcantur.  
 Sed prodigum intelligimus, cui iam à Prætoribus, bonorum administratione interdictum est. l. is cui. 18. D. eod. Improbum uero  
 & interstabilem, cui propter insignem nequitiam fides abrogata est. l. cui lege. 26. D. eod.

SVBVENIRE SE EX SUA LIBERALITATE.) Sequitur III. Testamentum ob serui testimonio  
 um qui & liber habebatur, nec status patiebatur controuersiam, non uitiatur. l. 1. C. eod. Id enim Imperator ait à Caesaribus  
 pro imperio & benignitate quadam ac testamentorum favore concessum esse: ut facile uel ex uerbo SVBVENIRE ap  
 pareat, sua sponte uitiosum esse testamentum & iniustum, sed benignitate Imperatorum confirmatum. deinde, ridiculum esse  
 quod uulgo hoc ex loco notatur, communem errorem ius facere. non enim error, sed imperium potestasq; summa Caesarum B  
 hoc ius peperit: cum alioqui perse testamentum iniustum esset. Sed an idem respondendum sit, si post testamentum, & ante  
 apertas tabulas, in seruitutem reuocatus esset, dubitari potest. Id enim Adriani postremis uerbis significari uidetur, cum ait:  
 nondum quenkum eis seruis status controuersiam mouisse. At Iulianus hoc loco ad testamenti tempus id refert: ut facile in  
 eam opinionem adducar, non si post testamentum in seruitutem reuocati sint, iccirco testamentum improbandum esse. pri  
 mum, propter fauorem testamentorum: deinde, quia Casares non id secutos fuisse apparet, quod nondum status controuersi  
 am eis quisquam intenderat: cum alioqui breuis mora interuallum huc eos impulisset. quid enim si paratus erat, qui continuo  
 iudicium illis intenderet? quid ergo est? leue scilicet hoc uitium existimantur, cum omnibus alijs suis numeris ac partibus tes  
 tamentum constaret. præterea, quia Vlpianus generaliter ait, testium conditionem testamenti tempore spectandam: in l. ad  
 testium. 22. D. hoc tit. deniq; quoniam Adriani uerba non eò pertinent, quasi casus ille semper in hisce questionibus requira  
 tur: sed quod id ea in controuersia forte acciderat, de qua consultus erat.

Plures ex una familia testes alieno testamento adhiberi possunt: domesti  
 cus autem testis non admittitur. l. x. vij. D. de testib.  
 l. xx. §. ij. D. eodem.

\* utiq; IIII. Pater, nec non is qui in potestate eius est, item duo fratres, qui in eiusdem patris potesta  
 te sunt, \* utriq; testes in uno testamento fieri possunt: quia nihil nocet, ex una domo plures testes  
 alieno negotio adhiberi. In testibus autem non debet esse is, qui in potestate testatoris est. Sed &  
 si filius familiæ de castrensi peculio post missionem faciat testamentum: nec pater eius rectè adhi  
 betur testis, nè is qui in potestate eiusdem patris est: reprobatur enim in ea re domesticum  
 testimonium.

IN VNO TESTAMENTO.) Enunc. I. Vnius familia uniuersa, alterius testamento adhiberi testis potest. l.  
 pater. 17. unde locus hic descriptus est. D. de testib. cum enim eius negotium agatur nullum, nullius eorum fides in dubium uo  
 canda est. l. ad testium. 22. D. de testam.

IN POTESTATE TESTATORIS.) Sequitur II. Qui in potestate testatoris est, adhiberi testis non po  
 test. l. qui testamento. 20. D. eod. ubi Vlpianus ait: Potestatis uerbum non solum ad liberos qui sunt in potestate, referendum  
 esse: uerum etiam ad eum quem redemit ab hostibus: quamuis placeat hunc seruum non esse, sed uinculo quodam retineri d  
 nec precium soluat.

DE CASTRENSI PECULIO POST MISSIONEM.) Sequitur III. Pater filio de castrensi pec  
 culio post missionem testanti, testis esse non potest. Cuius contrarium ita perspicue Marcellus apud Vlpianum respu  
 nat, in d. l. qui testamento. ut qui eos conciliare studeat, operam ludere uidetur. nisi forte quis dicat, dimissis hoc priuilegijs concessum  
 esse, quum tamen castrense peculium nisi in dimissis ac ueteranis fere non appellatur. ut l. 1. §. 5. D. de bon. poss. §. sec. & apud  
 Paulum lib. Sentent. 3. cap. 4. Causæ igitur constitutionem hic locus desiderat: Filiosfam. post missionem de castrensi peculio  
 testanti, pater testis affuit. Testamentum oppugnatur. Intentio: Testamentum iniustum est. nam ut filius patri, sic pater filio  
 testis esse non potest. l. testis. 9. D. de testib. D. Imò iustum. Q. An iustum sit. R. Quia filiusfam. in castrensi peculio patris  
 fam. ius obtinet. l. 2. D. ad S. C. Maced. ac proinde alienus iam atq; extraneus patri uidetur. F. At cum testamentorum libera  
 potestas esse debeat, impediri & imminui parentis præsentia uidetur. D. An cum filiusfam. in castrensi peculio patrisfam. ius  
 obtineat, ne tamen testamenti libertas imminuatur, ab eius testimonio sit arcendus. Equidem si quid ueri iudicij esset, quam si  
 liusfam. in hoc peculio pro patrefam. numeretur, ut iam dictum est, ac proinde non eiusdem familie, sed iam alienus atq; ex  
 traneus: existimarem secundum Marcelli sententiam, admitti parentem posse: atq; iccirco etiam patrem in eadem potestate  
 constitutum.

IN POTESTATE EIVSDEM PATRIS EST.) Hoc est, frater testatoris, qui nondum emancipatus est.  
 DOME



**A** DOMESTICVM TESTIMONIUM.) Hoc est, unius eiusdemq; familiae. quocirca nec auius nepoti, nec nepos filio ante solutam emancipatione potestatem testis esse poterit. At si soluta iam sit, quoniam diuersae familiae factae sunt, quasiq; (ut ait Cicero) coloniae, ideo & pater & filius ad testimonium euocari poterunt. non enim iam domesticum, sed extraneum hoc testimonium intelligitur. Ob eam autem causam domestica testimonia ueluti patris & filijfam. repudiantur, quia nullus in re sua testis est idoneus: ut ait Paulus in l. nullus. 10. D. de testib. Quaecumq; autem ad eandem familiam pertinent, hoc est, quaecumq; uel per acquisitionem in eam comportantur, uel per deminutionem ab ea detrahuntur: ad eos omnes quorum ea familia communis est, communiter pertinent: ac proinde res uniuscuiusq; pro sua iurili parte tum agitur. Quapropter cum peculium castrense nihil ad eam familiam pertineat, nec mortuo patre cum hereditate paterna confundatur, sed integrum atq; illibatum suo domino reueretur: facile est intelligi, patrem filio suo de castrensi peculio testanti, familiare domesticumue testimonium non prestare: quippe, cum nec familiae nec domus res agatur.

Cum olim neq; familiae emptor, neq; quisquam ex ipsius familia ad testimonium admitteretur: Iustinianus id in herede, eiusq; familia ualere uoluit. l. xx. D. eod.

**B** V. Sed neq; haeres scriptus, neq; is qui in potestate eius est, neq; pater eius, qui eum habet in potestate, neq; fratres, qui in eiusdem patris potestate sunt, testes adhiberi possunt: quia hoc totum negotium, quod agitur testamenti ordinandi gratia, creditur hodie inter testatorem & heredem agi. Licet autem totum ius tale conturbatum fuerit, & ueteres quidem familiae emptorem, & eos qui per patriam potestatem ei coniuncti fuerant, a testamentarijs testimonijs repellabant: haeredi autem, & ijs qui per potestatem ei coniuncti fuerant, concedebant testimonia in testamentis praestare: licet ijs qui id permittebant, hoc iure minimè abuti eos debere suadebant: tamen nos eandem obseruationem corrigentes, & quod ab illis suatum est, in legis necessitatem transferentes, ad imitationem pristini familiae emptoris, merito nec haeredi qui imaginem uetustissimi familiae emptoris obtinet, neq; alijs personis, quae ei (ut dictum est) coniunctae sunt, licentiam concedimus, sibi quodammodo testimonia praestare. ideoq; nec eiusmodi ueterem constitutionem nostro codici inferi permisimus.

NEQVE HAERES SCRIPTVS.) Enunc. I. In testamentis neq; haeres, neq; quisquam ex ipsius familia testis adhiberi potest. l. qui testamento. 20. D. eod. More namq; maiorum constitutum est, ut in minimis rebus homines amplissimi testimonium de sua non dicerent: ait Cicero in ea pro Sext. Rosc. & l. nullus. 10. D. de testib.

CREDITVR HODIE.) Creditur, pro notum ac perspicuum cuiq; est, à nemine ignoratur. Hoc autem ideo addidit, ut superioris & huius temporis differentiam ostenderet. quasi diceret, olim omne negotium inter testatorem, & familiae emptorem agi solitum fuisse, quod Vlp. cap. Inst. XXII. testatur.

VETERES QUIDEM FAMILIAE EMPTOREM.) Sequitur II. Olim neq; familiae emptor, neq; quisquam ex ipsius familia testis adhiberi poterat. Cum enim sua res ageretur, contra morem maiorum id fuisset, uti modo dicebamus.

MINIME ABUTI EOS DEBERE SVADEBANT.) Sequitur III. Olim non interdicebatur haeredi testimonio, sed suadebatur, ne adesse uellet. Nam haeres instituendus, si quid futurum esset nesciebat, nihil erat periculi eum adesse, quum de sua re agi nesciret: si sciebat, tum honestius ei erat abstinere: neq; quicquam eius intererat non adesse.

**C** MERITO NEC HAEREDI.) Sequitur IIII. Iustinianus quae de familia emptore ueteres constituerant, in haeredibus ualere uoluit. Itaq; neq; haeredi, neq; cuiquam ex ipsius familia permisit, testimonium in eare dicere, quae ad se pertineret.

Legatarij & fideicom. quiq; ex eorum familia sunt, testes adhiberi testamentis possunt. l. xx. D. eodem.

**VI.** Legatarijs autem & fideicommissarijs, quia non iuris successores sunt, & alijs personis eis coniunctis testimonium non denegamus: imò in quadam nostra constitutione & hoc specialiter eis concessimus. Et multo magis ijs qui in eorum potestate sunt, uel qui eos habent in potestate, huiusmodi licentiam damus.

QVIA NON IURIS SVCCESORES SVNT.) Enunc. I. Legatarij & fideicommissarij quia iuris successores non sunt, testes adhiberi possunt. l. qui testamento. 20. D. eod. & l. si quis ita. 14. D. de reb. dub. ubi Marciianus scribit: Si quis ita scripserit, illis qui testamentum meum signauerint, haeres meus decem dato: utile legatum est. quia ipsum testamentum confirmatur testibus adhibitis. Causae constitutio: Cum Aufidius testem in suo testamento legatarium unum adhibuisset, filius testamentum oppugnare instituit. Intentio: Hoc testamentum uisum est, quippe in quo testis adhibitus sit is, cuius in eo res agebatur. l. nullus. D. de testib. D. Imò iustum est. Q. An iustum sit. R. Quia non legatarij, sed solius haeredis res in testamentis agitur. de iure namq; suo alicui deferendo testator agit: at legatarij non in ius, sed in res singulares succedunt. itaq; cum haeres ob hereditatem obligetur: legatarius tamen ob legatum non obligatur, nec unquam damnosa legata sunt. l. si hereditatem. 32. D. mandati. F. At si minus in totum, saltem ex parte legatarij res agitur in testamento: aliquid enim ei donatur. itaq; ut legatarium absurdum esset testimonium de donatione dicere, sic legatarium de legato. D. Vtrum solius haeredis, an uero etiam legatarij res agi in testamentis uideatur. Iustinianus ostendit, non agi. Testamenta enim non ad res singulas,



gulis, sed ad ius uniuersum transferendum instituta esse: eorumque propriam esse heredis institutionem, propterea, quod nec sine ea constare possunt, & ea sola præclare constant. legata uero accidentia sunt, quæ facile separari à testamentis possunt. Quocirca cum testamenti pars legatum non sit, quippe sine qua præclare constet, sed accessio quædam redundans, minimeque necessaria sit: apparet, legatarium non sibi, sed testamento & heredis institutioni, quæ testamenti quasi anima quædam est, testimonium præstare. Denique si res maiore potioreque ex parte æstimanda sunt, satis constat potiore partem in iure transferendo uersari. At in donatione dissimilis ratio est: sola enim ipsius donatarii res agitur, ob eamque solam actus ille institutus est. Sed queritur hoc loco non incommode: primum, quid de nuncupatio testamento: deinde, quid de uniuersali fideicommissario, cui testator ius suum uniuersum restitui uoluit, responderi debeat. Sed cum in eadem ratione ius idem requiratur, ualeantque hæc omnia non minus in legatario nuncupati, quam scripti testamenti, facile in eam opinionem adducor, ut non minus ad nuncupatum, quam ad scriptum testamentum legatarius adhiberi testis possit. Et similiter cum fideicommissarius in ius defuncti succedat, eum nihilo magis quam heredem ipsum admitti oportere: sed tum præsertim, cum ex uoluntatis nuncupatione aperte quid actum sit, intelligit.

QVADAM NOSTRA CONSTITVTIONE.) Non extat.

QVI IN EORVM POTESTATE SVNT.) Sequitur II. Qui legatarij per potestatem coniunctus est, testis adhiberi testamento potest: ueluti pater, filius, fraterque, qui eiusdem in patris potestate est. multo enim minor in istis, quam in illo, dubitandi causa est.

Testamenta quacunq; in materia, & quot quisq; uolet exemplis conscribi licet: sine scriptis autem fieri apud septem testes nuncupata uoluntate possunt.

l. j. de bon. poss. secund. l. xxiiij. D. eod.

VII. Nihil autem interest, utrum testamentum in tabulis, an in chartis, membranisque, uel in alia materia fiat. Sed & unum testamentum pluribus codicibus conficere quis potest, secundum obtinentem tamen obseruationem omnibus factis, quod interdum etiam necessarium est: ueluti si quis nauigaturus & secum ferre, & domi relinquere iudiciorum suorum contestationem uelit, uel propter alias innumerabiles causas, quæ humanis necessitatibus imminet. Sed hæc quidem de testamentis, quæ scriptis conficiuntur: si quis autem sine scriptis uoluerit ordinare iure civili testamentum, septem testibus adhibitis, & sua uoluntate coram eis nuncupata, sciat hoc perfectissimum testamentum iure civili, firmissimumque constitutum.

IN TABVLIS, AN IN CHARTIS.) Enunc. I. Testamenta in quauis materia ad scribendum idonea conscribi possunt. l. i. D. de bon. poss. sec. tab. Olim autem ferè in ligneis tabellis leuiter ceratis stilo, id est, præacuto ferro conscribebantur: ut notum est omnibus. itaque Prætores in edictis suis de testamenti tabulis tantummodo loquebantur. Quare ergo non incommode tum potuit, an edictum in ijs ualeret, quæ in charta, uel membranisque scripta fuissent.

PLVRIBVS CODICIBVS CONFICERE.) Sequitur II. Testamenta pluribus exemplis conscribi possunt. l. unum. 24. unde pars huius loci descripta est. D. hoc tit. Sed exempla singula uis eorundemque, testium signis atque subscriptionibus confirmanda sunt: ut non exempla iam, sed potius authentica, atque ipsæ auctoritates esse uideantur. alioqui fides in iudicijs nullam haberent. l. 2. D. de fid. inst. utrum autem exempla hæc septem testium conuentum atque præsentiam desiderent, ut coram omnibus obfignent: an uero satis sit, unum exemplar ipsum ita obfignatum esse, positisque exemplum à separatim testibus ueluti domi cuiusque obfignari, dubitari potest. Causæ constitutio: Cum isto modo testamenti exemplum habes rem, exemplar autem amissum forte fuisset, oppugnavit aliquis eius auctoritatem. Intentio: Hoc testamentum uisum est: conuentum enim præsentiamque, septem testium non habuit. D. Imò uisum est. Q. An sit. R. Quum enim exemplar siue authenticum, præsentiam aduocationemque omnium habuerit, deique testes ipsi testimonium dicere parati sint: quid attinuit simul iterum omnes aduocare, ac testari? jacentur omnes, non aliud in exemplo, quam in exemplari scriptum fuisse: exemplum legitimo testium numero subscriptum & obfignatum est. quid igitur desideras? F. At non exempla, sed authentica sola fidem iudicibus faciunt, itaque quæ legitime consignata sunt, idè ualent, quia ipsa authentica sunt. Iam uero quantam improbis hominibus ad subijcienda testamenta fenestram aperiemus, si hæc facultas deitur? D. An exemplum testamenti non ab omnibus simul, sed separatim testibus obfignatum, quamuis testes uerum illud esse affirmant, non ualeat. Et cum hoc loco Iustinianus scribat, eandem in omnibus codicibus obseruationem exquiri, respondendum putarem, non ualere: præsertim illud attigens, quod Paulus scribit in d. l. 2. D. de fid. inst. Quicumque à fisco conueniunt, non ex exemplo alicuius scripturæ, sed ex æmentico conueniendum esse: etsi contractus fides posset ostendi. Sic enim apud Paulum lib. Sentent. 5. legitur, cap. 14. cum Panodetis ITA SI corruptissime legatur.

PLVRIBVS CODICIBVS.) Ita loquitur, quasi queratur an pars testamenti uno in codice, pars in alio scribi posset. mox tamen qua de re agatur, ostendit. Legendum igitur putarem, IN PLVRIBVS CODICIBVS. Nam autem quætionem Vlpian. tractat in l. i. §. si quis. D. de bon. poss. sec. tab. qui locus superiorem nostram disputationem illustrat atque confirmat.

SINE SCRIPTIS VOLVERIT ORDINARE.) Sequitur III. Testamenta sine scriptis apud septem testes iure civili fiunt. l. i. D. de hered. instit. & l. hac consultißima. 21. §. per nuncupationem. & l. in testamentis. C. hoc tit. Civili autem iure fieri propterea dicuntur, quia Prætores de ijs nihil edixerunt. Utiles tamen ab iisdem Prætoribus bonorum possessio ex ijs conceditur, ut l. si ita scriptum. s. in fin. D. de bon. poss. sec. tab. l. ult. C. de codicill. Iustinianus autem in d. l. hac consultißima, per nuncupationem hoc testamentum appellat: quia lingua testator omnia nuncupabat, quæ alioqui perscribenda singulatum fuissent. nec ea ualere aliis uoluit, quam si septem testes simul uno eodemque tempore & lecti, testatoris uoluntatem sine scriptura facientis audierint. Iure autem civili duo testamentorum genera fuerunt, unum per æs & libram, quod scribi



**A** scribi solebat: alterum per nuncupationem. Suetonius in uita Horatii: Deceßit V. Kal. Decemb. post nonū & quinquagesimū annum hærede Augusto palam nuncupato, cum, urgente ui ualitudinis, non sufficeret ad obsignandas testamenti tabulas.

## DE MILITARI TESTAMENTO. TITVLVS XI.

*Militi, quandiu in militia est, testamentum quoquo modo facere per-  
mittitur: extra militiam uerò, communi iure ac legi-  
bus tenentur, l. i. D. eodem. l. pen.  
C. eodem.*

**I.** Suprà dicta diligens obseruatio in ordinandis testamentis militibus propter nimiam impe-  
ritiam eorum constitutionibus principalibus remissa est. Nam quamuis ij neq; legitimum nume-  
rum testium adhibuerint, neq; aliam testamentorum sollempnitatem obseruauerint: rectè nihilo-  
minus testantur, uidelicet cum in expeditionibus occupati sunt. quod meritò nostra constitutio  
introduxit. Quoquo enim modo uoluntas eorum suprema inueniatur, siue scripta, siue sine scri-  
ptura, ualet testamentum ex uoluntate eorum. Illis autem temporibus; per quæ citra expeditio-  
num necessitatem in alijs locis uel suis ædibus degunt: minimè ad uindictandum tale priuilegium  
adiuuantur. sed testari quidem, etsi filij familiarum sint, propter militiam cōceduntur: iure tamen  
**B** communi eadem obseruatione & in eorum testamentis adhibenda, quam in testamentis pagano-  
rum proximè expoluimus.

**PROPTER NIMIAM IMPERITIAM.)** Enunc. I. Milites legibus testamentorum faciendorum propter  
imperitiam soluti sunt. l. i. D. eod. ubi huiusce priuilegij primum auctorem esse iulium Cæsarem, Vlpianus scribit. Leges au-  
tem quatuor intelligimus: ut testes ad sint numero septem, ut tabulas obsignent, ut subscribant ut hac omnia uno tenore & cō-  
textu fiant. Causam autem huius priuilegij Iustinianus hoc loco scribit esse militum imperitiam. Antoninus autem in l. 3. C.  
hoc tit. militarem simplicitatem, idemq; Traianus significat in d. l. i. D. hoc tit. Ut non incommode hoc loco queri de ijs possit,  
qui iuris consuetudinibusq; forensis non imperiti, militiam sequuntur. Præterea si propter imperitiam hoc alicui concedendum  
est, quid ita non mulieribus & rusticis hominibus, multo sæpe quam ij qui militant, imperitiioribus, idem permittendum est?  
Ego non unam huius priuilegij militaris causam, sed geminam esse arbitror: ex l. i. D. de bon. poss. ex test. milit. & l. ult. D.  
hoc tit. ubi aperit Vlpian. ait, eos qui iisdem in periculis quibus ipsi milites uersantur, eodem iure uti posse. Ex quo intelligitur,  
causam huius priuilegij non paruam esse periculorum functionem. ob eamq; causam, priuilegium hoc tam peritis quam im-  
peritis, pericula pro Repub. subeuntibus, concessum arbitror: cæteris, quamuis imperitis, denegatum esse: ac proinde ipsis es-  
tiam militibus, dum extra castra in hybernis ac suis sedibus morantur.

**QVOQVO ENIM MODO VOLUNTAS EORVM.)** Sequitur II. In militum testamentis siue scri-  
ptis, siue nuncupatis, nihil præter nudam eorum uoluntatem exquiritur. l. i. D. eod. ubi mandatum Cæsaris refertur his uerbis:  
Faciant igitur testamenta quomodo uolent, faciant quomodo poterint, sufficiatq; ad bonorum suorum diuisionem faciendam  
nuda uoluntas testatoris. Idemq; traditur à Constantino in l. milites. 15. C. eod. ubi ait: Si milites sub tempus prælij aliquid in  
uagina uel clypeo, literis sanguine suo rutilantibus adnotauerint, aut in puluere gladio scripserint, id pro testamento ualere oc-  
portere. Nulli ne igitur in eorum testamento requiruntur testes? imò uerò, ut paulo pōst dicemus: & Paulus aperitè tradit in l.  
**C** Lucius. 40. D. eod. ubi ait, militibus quoquo modo uelint, & quoquo modo possint, testamentum facere concessum esse. ita ta-  
men, ut hoc legitimis probationibus ostendatur. Duobus igitur ad minimum testibus presentibus opus erit: subscriptione au-  
tem & obsignatione, unoq; tenore non erit.

**CITRA EXPEDITIONVM NECESSITATEM.)** Sequitur III. Milites dum à castris absint, com-  
munibus testamentorum legibus tenentur. l. pen. C. eod. Qua ex re intelligitur, non solum imperitiam, sed præcipue periculo-  
rum functionem, causam huic priuilegio dedisse: sublata enim causa, tolli effectum uidemus. item ut in l. ult. C. quib. non obe-  
icit. long. temp. & l. ult. C. de restit. mil. unde sumptus aliqua ex parte hic locus uidetur. Id autem dilucidius ex Vlpiani uerbis  
quæ mox subijciam, constabit. Is igitur in l. i. D. de bon. poss. ex test. milit. ita scribit: Non dubium est, quin debeant rata uolun-  
tates Te eorum, qui in hosticolo suprema iudicia sua quoquo modo ordinassent, ibidemq; diem suum obijssent. quanquam es-  
nim disjunctio conditio militum ab his personis, quas constitutiones principales separant: tamen qui in procinctu uersantur, cum  
eadem pericula experiantur, iura quoq; eadem meritò sibi uindictant. Omnes igitur omnino, qui eius sunt conditionis, ut iure  
militari testari non possint, si in hosticolo deprehendantur, & illinc decedant: quomodo uelint, & quomodo possint testas  
buntur: siue præses quis sit prouinciae, siue legatus, siue quis alius qui iure militari testari non potest.

**VEL SVIS AEDIBVS.)** Sic legitur in utraq; Codicis constitutione, quam modò citauimus. Theophilus tamen  
Sederis uertit: unde Sedibus legendum nonnulli sufficiantur. Statiua autem ea Latini appellant, quæ Theophilus sedeta (ut  
opinor) appellari uoluit. Neiram igitur lectionem repudio.

*Non qualibet militis oratio hæredem se aliquem facere dicentis, sed testatò pro-  
nunciata testamenti uim obtinet. l. xxiii. D. eod.*

**II.** Planè de testamentis militum diuus Traianus Statilio Seuero ita rescripsit: Id priuilegium, &  
quod militantibus datum est, ut quoquo modo facta ab his testamenta, rata sint: sic intelligi debet, &  
ut utiq; prius constare debeat, testamentum factum esse, quod & sine scriptura, & à non militan- &  
tibus fieri



20 tibus fieri potest. Is ergo miles, de cuius bonis apud te quæritur, si conuocatis ad hoc hominibus, A  
 20 ut uoluntatem suam testaretur, ita locutus est, ut declararet, quem uellet sibi hæredem esse, & cui  
 20 libertatem tribueret: potest uideri sine scripto hoc modo esse testatus, & uoluntas eius rata ha-  
 20 benda est. Cæterum si (ut plerumque sermonibus fieri solet) dixit alicui: EGO TE HÆ-  
 20 REDEM FACIO, aut, TIBI BONA MEA RELINQVO: non oportet hoc pro te-  
 20 stamento obseruari. Nec ullorum magis interest, quàm ipsorum quibus id priuilegium datum  
 20 est, eiusmodi exemplum non admitti. alioqui non difficulter post mortem alicuius militis testes  
 20 existerent, qui adfirmarent se audisse dicentem aliquem, relinquere se bona cui uisum sit: & per  
 20 hoc uera iudicia subuerterentur.

VTIQUE PRIUS CONSTARE DEBEAT.) Enunciatio I. Non continuò si miles hæredem se dixerit  
 aliquem relinquere, iccirco testamentum fecisse intelligitur. aliud est enim id dicere, aliud testamentum facere. l. Diuus. 24. D.  
 eod. Dicit enim id potest, etiam in magna hominum frequentia, ut in conuiuiis, & in circulis atq; congregationibus familiaris  
 bus. Testamentum autem hominum aduocationem de industria factam desiderat, qui ut ei actioni operam dent moncantur  
 ut mox dicitur.

CONVOCATIS AD HOC HOMINIBVS.) Sequitur II. Testamentum ne miles quidem sine certa  
 testium aduocatione monitorum, ut ei actioni operam dent, potest conficere. l. Diuus. 24. D. eod. Ex quo intelligitur, non om-  
 nibus prorsus legibus militare testamentum solutum esse. Contestatio enim minimum duorum hominum, hoc est denunciatio,  
 ut actionis illius testes sint, exquiritur. tametsi non tam hic testamenti ritus est, quàm natura atq; substantia. testamentum co-  
 nim testationem definimus, ut suo loco dictum est. quare non aduentitium & extrinsecus assumptum dici potest, ut subscrip-  
 ptio & obsignatio: sed insitum ac naturale propriumq; testamentorum. Causa constitutio: Miles quidam Annio familiari B  
 suo in conuiuiis dixerat, Hæredem te meum facio: cum aliquot post diebus obisset, Annii hæreditatem petebat. Intentio:  
 Hæc hæreditas mea est, quippe mihi testamento relicta. Depulsio liberorum uel fratrum: Imò mea. Q. Vtrius sit. R. Quia  
 testamentum sine contestatione & aduocatione certa factum est. F. At miles istis legibus ac ritibus non tenetur: sed satis est,  
 si nudè ac simpliciter suam uoluntatem exposuerit. D. An simplex militis oratio, hæredem se aliquem facere dicentis, si conte-  
 statione careat, testamentum esse uideatur. Respondetur, non uideri.

NON DIFFICVLTER POST MORTEM ALICVIVS.) Cuiusmodi Suetonius in Domitiano com-  
 memorat: Consciscabantur, inquit, alienissima hæreditates, uel existente uno qui diceret, audisse se ex defuncto cum uiueret,  
 hæredem sibi Cæsarem esse.

*Auditus sermonis uel amissio, militi dum in castris est, ius hoc  
 suum non adimit. l. iij. eod.*

III. Quinimò & mutus & surdus miles testamentum facere potest. Sed hætenus hoc illis à  
 principalibus constitutionibus conceditur, quatenus militantes, & in castris degunt.

TESTAMENTVM FACERE.) Enunc. I. Miles auditu, sermonis uel amissio, ius suum tamen, dum in castris est  
 rit, testandi retinebit. l. 4. D. eod. neq; enim dubium est, quin de his loquatur Imperator, qui uulnere accepto, morbo uel aliquo  
 in castris affecti, eam facultatem amiserint. Testamentum autem scriptura sola facere possunt hoc affecti incommodo: de-  
 bentq; eadem ratione homines aliquot monere, ut sibi testes sint: fortasse etiam ut subscribant. nam gestu & manuum motu  
 suam uoluntatem significare, nullo (ut opinor) modo possunt. Extra castra uero communi iure testari iubentur. l. discretis. 10.  
 C. qui test. fac. poss. quomodo? primò, ut scripto suo septem testes aduocent: deinde, ut scriptum à se testamentum uno teno-  
 re obsignandum ab his subscribendumq; curent. Quid ergo si scribere nequeant? Hic ego legendi facultatem in his omnino de-  
 sidero, ut cum alicui nutu significauit, ut hæredem & libertatem legataue quibusdam ascribat, nutu quoq; id sibi placere os-  
 tendat: curetq; id à testibus obsignandum atq; subscribendum. C

*Et ueterani post missionem, & milites dum extra castra sunt, communibus testamen-  
 torum legibus tenentur: at eorum testamenta in castris facta post annum  
 à missione ualent, & eorumq; dum institutionis conditio exti-  
 terit. l. pen. C. eod. l. xx j. & xxvj. D. eod.*

IIII. Post missionem uero ueterani, uel extra castra alij, si faciant adhuc militantes testamen-  
 tum, communi omnium ciuium Romanorum iure id facere debent. Et quòd in castris fecerint  
 testamentum, non communi iure, sed quo modo uoluerint: post missionem intra annum tantum  
 ualebit. Quid ergo si intra annum quidem decesserit, conditio autem heredi ascripta post annum  
 extiterit: an quasi militis testamentum ualeat? Et placet, ualere quasi militis.

POST MISSIONEM VERO VETERANI.) Enunc. I. Veterani, & qui extra castra sunt, militare  
 testamenti faciendi priuilegium amittunt. l. pen. C. eod. Ratio uidetur esse, quoniam à periculis iam absunt, quorum causa ius  
 illud his concessum probauimus.

POST MISSIONEM INTRA ANNUM.) Sequitur II. Testamentum in castris factum, ius suum etia  
 am post missionem anni spacio retinet: uel usque dum institutionis conditio extiterit. l. quod constituitur. n. 21. & l. testamenta.  
 26. & l. quod dicitur. 38. D. hoc tit. Causa constitutio: Mæuius in militia testamentum pro suo iure fecit, filioq; instituto Se-  
 ptimum



**A** ptimum substituit: decessit de castris, & intra annum etiam ei uiuis filius hereditatem ex testamento recte adit: sed cum ipse biennio post decessisset, eius frater excipere illam hereditatem quasi legitimam uolebat. Septimius contra suam esse contendit. Intentio Septimij: Hæc hereditas mea est, quippe qui defuncto sum substitutus. D. Imò mea. Q. Vtrius sit. R. Quia testamentum iure militari factum ultra annum à missione non ualet: uis eius ultra anni spacium non extenditur. F. At quod lex ait post annum non ualere testamentum, intelligitur, si auctor uiuat post annum. sed cum eius morte semel confirmatum sit, in omnem posteritatem ualet. D. An militare testamentum mortuo intra missionis annum auctore, in ulterius tempus ualeat. Respondetur, ualere.

*Quod testamentum ante militiam non rite factum, miles postea factus aperit & obsignat, ualet: nec militis testamentum propter insequentem sui capitis minimam deminutionem euertitur.*

*l. xx. xxij. & xxij. D. eod.*

**V.** Sed & si quis ante militiam non iure fecit testamentum, & miles factus, & in expeditione degens resignauit illud, & quædã adiecit, siue detraxit, uel alias manifesta est militis uoluntas hoc ualere uolentis: dicendum est ualere testamentum, quasi ex noua militis uoluntate. Deniq; & si in adrogationem datus fuerit miles, uel filius familiæ emancipatus est: testamentum eius quasi ex noua militis uoluntate ualet, nec uidetur capitis deminutione irritum fieri.

**B** RESIGNAVIT ILLVD, ET QVÆDAM ADIECIT.) Enunciatio I. Miles testamentum à se ante militiam non rite factum aperiens, & iterum obsignans, nouas ei uires affert. l. tribunus. 20. §. 1. D. hoc tit. ubi Iulianus ait: Nisi illud aperuerit, ac relegerit, testamentum ad priuilegia militum non pertinere: cui Paulus subscribens in l. conficiuntur. 8. §. 3. D. de codicill. ait: nisi si militiæ tempore resignauerit, uel quædam adiecerit, testamentum nisi iure communi non consistere. At Vlpian. in l. in fraudem. 15. §. 2. D. de test. milit. contra sic loquitur: Testamentum ante militiam factum à milite, si in militia decesserit, iure militari ualere, si militis uoluntas contraria non sit, Diuus Pius rescripsit. Quem locum qui non aperte cum illis superioribus pugnare fatebitur, is contentions se quàm ueritatis cupidior ostendet. Constitutum enim ius aliud quod nouum à Diuo Pio necesse est: ac proinde ius hoc antea fuisse, quod Iulianus & Paulus, adeoq; Iustinianus noster tradunt: qui tamen ab antiquis fabulis & lacunis nihil se in hisce institutionibus proditurum confirmarat. Sequitur causa constitutio: Thrasymachus antequam miles esset, testamento suo coram quatuor tantum testibus facto, Mæuium heredem instituit: post miles in castris decessit. Mæuius hereditatem petit. Intent. Hæc hereditas mea est, quippe mihi testamento militis Thrasymachi relicta. Depulsio agnati: Imò mea. Q. Vtrius sit. R. Quia testamentum non rite à Thrasymacho adhuc pagano factum est: nec priuilegium militis testamentis tributum est, sed testamentis à militibus confectis. F. At cum miles factus nunquam aliam se mentem habere ostenderit, tacite comprobasse confirmasseq; illud intelligitur. D. An cum testamenta tantum à militibus facta priuilegium habeant, si tamen à paganis facta idem postea milites non mutarint, tacite illa confirmasse intelligantur. Respondetur: non iure quidem, sed D. Pij benignitate confirmasse intelligi. Ratio aperta est: quia in testamentis non mortis, sed testamenti tempus spectatur. l. i. cui. 13. D. de testam. Cum autem Thrasymachus testamenti tempore paganus esset, non poterat eius testamentum nisi communi iure consistere. Si tamen illud resignaret, & iterum obsignaret, argumentum confirmationis id magnum esse.

**C** IN ARROGATIONEM DATVS FVERIT MILES.) Sequitur II. Minima capitis deminutio militi contingens, testamento eius ante militiam facto non nocet. l. miles. 22. & l. seq. D. eod. & l. 1. §. 5. D. de bon. poss. secund. tab. Priuilegium igitur in eo positum est, quod cum arrogatio pagani testamentum rescindat, ut infr. quib. mod. test. infr. & emancipatio castrensis peculij nomen extinguat. l. ult. in fi. C. de inoff. test. hoc tamen in militibus locum non habet: quibus permixtum est, ut testamenta ab ipsis ante arrogationem uel emancipationem facta ualeant: quod contra perspicue in paganis constitutum, legimus initio tractatus insequentis. ubi testamentum filijsfam. quamuis sui iuris factus decesserit, non ualet tamen: ob eamq; causam affingi causa constitutio non potest.

*Omnibus per Iustiniani legem de peculio quasi castrensi, testamenti communi iure faciendi potestas datur. l. ult. C. de inoff. test.*

**VI.** Sciendum tamen est, quod ad exemplum castrensis peculij tam anteriores leges, quàm principales constitutiones quibusdam quasi castrensiis dederunt peculia: & horum quibusdam permixtum erat, etiam in potestate degentibus testari. Quod nostra constitutio latius extendens, permixsit omnibus, in his tantummodo peculij testari quidem, sed iure communi. Cuius constitutionis tenore perspecto, licet nihil eorum quæ ad præfatum ius pertinent, ignorare.

**AD EXEMPLVM CASTRENSIS PECVLII.)** Enunciatio I. Quasi castrense peculium exemplo castrensis quibusdam filijsfam. permixtum est. l. 1. §. in filij. D. ad Trebell. l. 1. §. nec castrense. D. de collat. bon. l. 3. §. dari. D. de bon. poss. & l. uelut. C. de assens. l. fori. 4. C. de aduocat. & l. ult. C. de inoff. test. ubi Iustinianus constituit, ut quicquid filijsfam. industria sua in dignitatibus & administrationibus positi acquirerent, siue ab ipso Principe, siue ex publicis salarijs quasdam largitates consequantur, id omne in quasi castrensis peculij numero sibi habeant: item quicquid patroni causarum, memoriales, agentes in rebus, magistri studiorum liberalium, archiatri, & qui deniq; de publico stipendium accipiunt, sua diligentia industriaq; collegerint.



TESTARI QUIDEM, SED IVRE COMMUNI.) Sequitur II. Iustiniani lege de peculio quasi ca- A  
strensi militari iure testari non licet, communi uero omnibus permittitur. d. l. ult. C. de inoff. test. & l. ult. C. qui test. fac. poss.

QVIBVS NON EST PERMISSVM  
facere testamentum.

T I T V L V S XII.

*Testamentum à filiofam. quamuis consentiente patre factum, nec si sui iuris factus  
decesserit, ualet. à milite tamen & ueterano de castrensi peculio factum,  
ratum est: quod peculium ab intestato legitimis heredibus  
desertur: nec ijs uiuentibus in ullius alterius po-  
testatem cadit. l. 6. & 15. D. eod. l. 3.  
& 4. C. de bon. quæ lib.*

**I** N On tamen omnibus licet facere testamentum. Statim enim ij qui alieno iuri subiecti sunt, testamenti faciendi ius non habent: adeo quidem, ut quamuis parentes eis permiserint, nihil magis iure testari possint: exceptis ijs quos antea enumerauimus, & præcipue militibus qui in potestate parentum sunt, quibus de eo quod in castris acquisierunt, permittum est ex constitutionibus Principum testamentum facere. Quod quidem ius ab initio tantum militantibus datum est, tam ex auctoritate diui Augusti, quam Neruæ, necnon optimi Imperatoris Traiani: postea uero subscriptione diui Hadriani, etiam dimissis à militia, id est, ueteranis concessum est. Itaque si quidem fecerint de castrensi peculio testamentum, pertinebit hoc ad eum, quem hæredem reliquerint. si uero intestati decesserint, nullis liberis uel fratribus superstitibus: ad parentes eorum iure communi pertinebit. Ex hoc intelligere possumus, quod in castris acquisierit miles, qui in potestate patris est, neque ipsum patrem adimere posse, neque patris creditores id uendere, uel aliter inquietare, neque patre mortuo cum fratribus commune esse: sed scilicet proprium eius esse, id quod in castris acquisierit: quanquam iure ciuili omnium qui in potestate parentum sunt, peculia perinde in bonis parentum computentur, ac seruorum peculia in bonis dominorum numerantur: exceptis uidelicet ijs quæ ex sacris constitutionibus, & præcipue nostris propter diuersas causas non acquiruntur. Præter hos igitur, qui castrense peculium uel quasi castrense habent, si quis alius filiusfamiliæ testamentum fecerit, inutile est, licet suæ potestatis factus decesserit.

QVAMVIS PARENTES HIS PERMISERINT.) Enunc. I. filiofam. pagani testamentum quamuis auctore patre factum, ne si iuris quidem sui factus decesserit, ualet. l. qui in potestate. 6. D. eod. l. pen. C. eod. Cum enim nihil suum haberent, mirum non est, si testamentum facere non possent. Verum amplificatur hoc bisariam: primum, ut ne patris quidem consensu id possint: deinde, ut ne tum quidem testamenta ualeant, cum sui iuris facti decesserint. Quæri autem uideatur, cur ne patris quidem consensu possint: præsertim cum isto modo donare mortis causa possint. l. tam is. 25. D. de don. mort. caus. Ratio mihi quidem uidetur esse, quia ut Papinianus ait in l. 3. D. hoc tit. Testamenti factio, non priuati, sed publici iuris est: hoc est, non a priuato aliquo, sed à sola lege concedi potest. sic enim cum locum interpretor. Cum igitur lex XII. tab. præcisè ac definite de patribusfam. locuta sit: Paterfam. uti suæ rei legasset, ita ius esto: ac proinde de alterius quæm patrisfam. testamento ius dici uetet: de mortis causa donatione nullum omnino uerbum fecerit: sequitur, ut ex istiusmodi testamento magistratus ius dicere non liceat. præterea cum eadem lex iubeat filiofam. in patrum potestate, manu, mancipioq; esse: sequitur, ut res suas alienare iure aliquo ciuili non possint. At donatio non iuris ciuilis actio est: ut suo loco superius docuimus. itaq; per donationem non dominium, sed eius acquirendi facultas datur. quare nihil ius ciuile læditur, cum filiofam. à patre potestatis mortis causa donandi conceditur. Nam etsi legati species quædam hoc tempore dicatur, eiusq; nomine contineri: eius tamen originem non iuris ciuilis, sed gentium esse constat: sensimq; id in ciuilem gratiam à iurisconsultis interpretatione indutum esse, ne peregrinis donare mortis causa liceret. Hactenus prima amplificatio. Sequitur secunda, ut filiofam. testamentum ne ipso quidem sua in potestate mortuo confirmetur. quod iccirco aerum est, quia in testamentis non mortis, sed ipsius testatoris tempus spectamus. l. is cui. 18. cum l. seq. D. hoc tit. Quæritur, inquit, an testator non mortis, sed testamenti tempore, testamento factionem habuerit. nam si eo tempore non habuerit, nihil actum est: itaq; si furius testamentum fecerit, uel seruus, uel prodigus, quamuis sanus, liber uel frugi decesserit, nullus tamen momenti testamentum erit.

DE EO QVOD IN CASTRIS ACQVISIERVNT.) Sequitur II. filiofam. militi ueteranoque testamentum de castrensi peculio facere permittitur. l. pen. & ult. C. hoc tit. Nam ut ait Ulpian. in l. si quis. 6. in fin. D. de inoff. rupt. test. quantum ad testandum de castrensi peculio, filiofam. pro patrefamiliæ habendus est.

Hinc Iuuenalis Satyra ult.

Solis præterea testandi militibus ius  
Viuo patre datur. —

Verum hæc paulo uberius explicanda sunt, ut his quasi gradibus ad summam huiusce iuris cognitionem perueniamus. Primum igitur filiofam. de castrensi peculio testari licet: ac proinde non modo de eo quod in castris acquisierunt, ut hoc loco Iustinianus scribit, sed & de iis omnibus quæ militis beneficio adepti sunt. l. castrense. 11. D. de castrensi pecul. Secundò, non modo militantis, coq; tempore quo in castris uersantur: sed & extra castra, quandiu sacramento tenentur, uicq; milites possunt. Tertiò,



**A** Tertiò etiam dimissis, ac ueteranis, qui scilicet stipendijs confectis decesserunt. Quariò, illos omnes de castrensi tantum, & quasi castrensi peculio testari posse: de profectio, cuius solida proprietatis ad patrem spectat: & aduentitio, cuius nudus ususfructus eiusdem patris est, non posse. l. pen. C. hoc tit. & l. ult. C. de bon. quæ lib. nam etsi alienus ususfructus proprietarium de sua re statuere non impediatur, tamen satius est, inquit Imperator, iuuenilibus cupiditatibus frenum inijcere: opinor, ut parentibus debitam reuerentiam agnoscant, usque eo, ut idem statuerit, de ijs aduentitijs quorum ususfructus parentum non est: ueluti cum inuito patre delatam ad se filius hereditatem adiit, aut legatum fideiue commissum accepit.

**NULLIS LIBERIS AUT FRATRIBVS SVPERSTITIBVS.)** Sequitur III. Intestati filijsam. peculium castrense primum ad liberos, dein ad fratres, post ad patrem deferitur. l. 1. & 4. C. de bon. quæ lib. ubi ius idem in aduentitijs quoque statuitur. & l. ult. C. comm. de succ. Quod autem ait iure communi, significat non tanquam hereditatem, sed tanquam peculium deferri. l. 1. & 2. D. de pecul. cast. Et hoc ipsum est, quod Papinianus iure pristino dixit in l. filiusfamil. 14. eod. tit. ubi repudiantibus scriptis heredibus peculium ad patrem iure pristino, non autem hereditatis deferitur. adeo ut quod illis deliberantibus seruis peculiaris acquisierit, ad patrem summo iure non pertineat.

**NEQVE PATREM ADIMERE POSSE.)** Sequitur II. Castrense peculium nulla ex parte ad patris ius, potestatem, bonaque pertinet. l. ex nota. 4. D. de cast. pecul. ubi Pomponius scribit, paribus nihil ex castrensi filiorum peculio deberi. & l. 3. §. pen. D. de minoribus. ubi Pomponius castrense peculium proprium filijsamil. peculium appellat. & l. 1. §. nec castrense. 14. D. de collation. ubi Vlpianus scribit, nec castrense, nec quasi castrense peculium fratribus conferri: hoc enim precipuum esse oportere.

**QUANQVAM IVRE CIVILI.)** Sequitur V. Omnia peculia præter castrense, & quasi castrense, patrimonij paterni partem exceptis quibusdam efficiunt. l. 1. D. si à parente quis manum. l. certum. 13. C. famil. erisc. itaque patre mortuo cum hereditate paterna sic confunduntur, & à possessoribus conferuntur, ut æquabiliter inter fratres omnia distribuatur. Sed cum aduentitium peculium Iustinianus ab hac collatione antiqua exemerit. l. ult. C. de collat. & alijs nonnullis, quid attinebat ista tam perplexæ ac salebrose tradere?

**LICET SVAE POTESTATIS.)** Hoc prima partitione commodiore (ut opinor) loco explicatum est.

*Nec impuberis, nec furiosi, nec prodigi testamentum ualeat, quamuis pubes, mentis compos frugue decesserit: nisi forte eo tempore à furioso factum sit, quo furor erat intermissus. l. v. & xvij. D. eod. l. ij. D. de inoff. testam.*

**II. Præterea testamentum facere non possunt impuberes:** quia nullum eorum animi iudicium est. Item furiosi, quia mente carent, nec ad rem pertinet, si impubes, postea pubes: aut furiosus, postea compos mentis factus fuerit, & decesserit. Furiosi autem, si per id tempus fecerint testamentum, quo furor eorum intermissus est, iure testati esse uidentur, certè eo quod ante furorem fecerint testamento ualente. Nam neque testamentum rectè factum, neque ullum aliud negotium rectè gestum, postea furor interueniens perimit. Item prodigus, cui bonorum suorum administratio interdicta est, testamentum facere non potest: sed id quod ante fecerit, quam interdictio bonorum suorum ei fiat, ratum est.

**QVIA NULLVM EORVM ANIMI.)** Enunciatio I. Impuberibus, quia nullum est eorum animi iudicium, testamentum facere non licet. l. à qua etate. 5. D. hoc tit. & apud Vlp. cap. Inst. 20. Impuberes autem intelliguntur, qui nondum ætatis XIII. compleuerunt, id est, nondum ad supremum decimiquarti anni diem peruenierunt. Quæri autem potest, cum pupillorum infirma iudicia, tutorij prudentia regantur, ob eamque causam alienare ijs auctoribus res suas possint: quid ita non etiam iisdem auctoribus testamenti facultatem habeant? præsertim cum mulieres, quarum infirmissima quoque iudicia sunt, eandem semper illis auctoribus potestatem habuerint. Respondendum puto primum, ne puerulorum uita hereditatem infidels obijciatur: quia de causa nec feminis ante pubertatem testamenti facultas datur. d. l. à qua etate. Deinde, quia tutores, aliarum actionum periculum præstant, earumque rationem exacta tutela reddunt: huius uero non possunt. Tertiò, quia testamentum non aliena & precaria, sed ipsorum testatorum prudentia fieri debent, nam testamenta familijs & agnationibus iura sua detrahunt atque adimunt, ob eamque causam facultas in ipsius testatoris persona requiritur, iudicandi æstimandique, cur alieno potius, quam cognato, remoto quam proximo fortune sue tradenda sint: quæ potestas si tutoribus permitteretur, nunquam alijs quam à quibus lucrum sperarent, hereditates attribuerent. In eo igitur pupillorum & filiorum fam. similis ratio est: quod ut hi ne patribus quidem auctoribus sic illi ne tutoribus quidem suis consultoribus ac probatoribus testamenti facultatem habent.

**FVRIOSI, QVIA MENTE CARENT.)** Sequitur II. Nec furiosis quia mente carent, nec prodigis quia bonis interdictum est, testari licet. l. 2. C. de inoff. test. l. is cui bonis. 18. l. qui testamento. 20. §. 4. D. hoc tit. Ratio igitur in utroque non omnino similis est. nam etsi utriusque testamenti facultas iccirco nulla sit, quia utriusque bonorum suorum administratio adempta est: illi à lege XII. Tab. quæ agnatorum gentiliūque in furioso pecuniæque eius potestatem esse uult: huic à Prætoribus tam in furioso alius ratio repetitur, nimirum quod mentis expers sit: quia de causa suorum bonorum administratio ne, ciuilibusque actionibus ei interdictum est. Prodigio uero, ut uidemus, non cuius testamenti facultas adimitur: sed ei tantum, cui à Prætoribus dictum est, Quamdiu tu bona patria auitaque, &c. quam formulam suo loco superius exposuimus.

**QVO FVROR EORVM INTERMISSVS.)** Sequitur III. Furiosi testamentum intermissæ furoris factum ualeat. l. furiosum. 9. C. eodem. ubi Iustinianus statuit ita demum id ualere, si ante quam furor redierit, absoluatur. Sic & Paulus Sentent. 3. cap. 4.

**NEQVE VLLVM ALIVD NEGOTIVM.)** Sequitur II. Nec furor, nec bonorum interdictio succedens, negotiū ante gestū uitiat. l. is cui. 18. & l. qui testamento. 20. §. 4. D. eod. Ex quo intelligitur, prodigo non propter iudicij



prudentiaq; inopiam, sed propter Prætoris interdictum testamenti facultatem ademptam esse: fuit enim paulò ante interdictioem eadem iudicij infirmitas, uacuitasq; providentia. nam quod nonnulli putant olim lege, nunc à iudice prodigis interdictum fuisse, absurdum puto.

*Nec mutus qui eloqui nihil potest, nec surdus qui nihil exaudit: nisi eo quem Iustinianus præscripsit modo, testari potest. l. v j. D. eod. l. x. C. eod.*

III. Item surdus & mutus non semper testamentum facere possunt. Vtiq; autem de eo surdo loquimur, qui omnino non audit, non qui tardè exaudit. nam & mutus is intelligitur, qui eloqui nihil potest, non qui tardè loquitur. sæpe autem etiam literati & eruditi homines uarijs casibus, & audiendi & loquendi facultatem amittunt. Vnde nostra constitutio etiam his subuenit, ut certis casibus & modis secundum normam eius possint testari, aliaq; facere quæ eis permissa sunt. Sed si quis post testamentum factum, aduersa ualetudine, aut quolibet alio casu mutus aut surdus esse cœperit: ratum nihilominus manet eius testamentum.

DE EO SURDO LOQUIMVR.) Enunciatio I. Ei qui tardius loquitur uel exaudit, facere testamentum licet: at qui natura mutus surdus uel est, nequaquam. l. qui in potestate. 6. D. hoc tit. & l. discretis. 10. C. eod. l. pen. D. unde cogn. Cuius rei ratio est, si ius uetus spectemus, quia (ut Vlpianus cap. Instit. 20. scribit) neq; mutus uerba nuncupationis loqui, neq; surdus familiæ emptoris uerba exaudire potest. Sublatis uerò per æs & libram testamentis, hæc fuit ratio, quia neq; mutus testes accire & rogare potest, neq; surdus testimonium perhibentes audire. quod significat Paulus de cæco loquens libr. Sent. 3. cap. 3. testes autem rogandos, ut ei actioni operam darent, fuisse patet ex l. hæredes. 21. §. 2. D. de testam.

SECUNDVM NORMAM EIVS.) Sequitur II. Ei qui casu aliquo surdus mutusue factus est, uel natura surdus tantum, testari ex Iustiniani præscripto licet. l. discretis. 10. C. eod. ubi statuit, cum qui siue natura, siue casu surdus tantum est, si modo articulata suam exponere ac pronunciare uoluntatem possit, testamentum posse facere. Eum uerò qui non natura, sed casu surdus simul & mutus est, ita posse, si quidem scribere ipse suum testamentum possit, at qui surdus quidem, non tamen mutus est, ut nuncupare: qui uerò mutus, non etiam surdus, scribere ipse sua manu testamentum possit.

ADVERSA VALETVDINE, AVT QVOLIBET.) Sequitur III. Auditis sermonis uel amissio testamentum ante factum non uitiat. l. qui in potestate. 6. D. hoc tit.

*Cæcus facere testamentum, nisi eo quem Iustinus præscripsit modo, non potest. Eius uerò qui apud hostes est, testamentum, si modo ante captiuitatem factum sit, ualet: sin minus, nequaquam. l. viij. C. eod. & l. viij. D. eod.*

IIII. Cæcus autem non potest facere testamentum, nisi per obseruationem, quam lex diui Iustini patris mei introduxit. Eius qui apud hostes est, testamentum, quod ibi fecit, non ualet, quamuis redierit. sed quod, dum in ciuitate fuerat, fecit: siue redierit, ualet iure postliminij: siue illic decesserit, ualet ex lege Cornelia.

NISI PER OBSERVATIONEM.) Enunciatio I. Cæcus testamentum facere ex Iustini præscripto potest. l. hac consultißima. 8. C. hoc tit. Septem uerò sunt, quæ Iustinus Iustiniani pater adoptitiuus præscribit: Vt septem testes, & cum ijs tabularius aduocentur. Vt cæcus ijs quid facturus sit denunciaret: id est, testificetur se facere testamentum uelle. Vt hæredum nomina, & uita cuiusq; genus, unde cognosci possint, exponat. Vt quid & quantum cuiq; uim hæredum legatario relinquat, pronunciet. Vt singula tabularius in omnium conspectu ac præsentia perscribat. Vt singuli testes subscribant, & una cum tabulario consignent. Vt si tabularij facultas non sit, octauus adhibeatur, qui eius munere fungatur, testis. Quod si non omnia uno tempore memoriter pronunciare uelint, hæc idem Imperator 4. præscribit: Vt cæcus, antequam testes aduocet, ociose suam uoluntatē alicui dicet, scriptumq; castiget, ac suo arbitratu interpolet: Vt cum ad arbitrium suum perscripta fuerit, tum septem testes aduocet, unaq; tabularium qui acceptum scriptum illud in testatoris ac testium præsentia clara uoce recitet: Vt ad extremum testator hanc esse suam extremam uoluntatem cunctis audientibus pronunciet: Vt idem scriptum singuli testes, unaq; etiam tabularius & subscribat, & obsignet.

NON VALET, QVAMVIS REDIERIT.) Sequitur II. Testamentum ab eo qui in hostium potestate est, factum, quamuis redierit, non ualet. l. eius qui. 8. D. hoc tit. unde pars hæc descripta est. Causæ constitutio: Septimius ab Annibale captus, dum in eius castris est, testamentum scribit: postea reuertitur, & in ciuitate ac patria sua moritur. Hæres scriptus, hæreditatē petit. Intentio: Hæc hæreditas mea est, quippe mihi domini testamento delata. Depulsio agnati: Imò mea. Q. Vtrius sit. R. Quia testamenti factionē soli ciues Rom. habent, non aut serui. Septimius autē, quo tempore testamentum scripsit, non ciuis, sed seruus hostium erat. F. At cum postea redierit, postliminij iure omnis illius captiuitatis memoria deleta & extincta est: præsertim cum aliud nullum testamentum faciendo, suo silentio uideatur illud confirmare. Disceptatio ex cōtrariis scriptis nata est: An qui testamentum apud hostes fecit, si redierit, propter ius postliminij recte iustitatus intelligatur.

VALET IURE POSTLIMINII.) Sequitur III. Testamentum ante captiuitatem factum, si captus redierit, iure postliminij: sin minus, ex lege Cornelia ratum est. l. 1. C. de capt. & l. lege Cornelia. 12. D. hoc tit. Nam si redierit, postliminij omnem captiuitatis memoriā sic exstinguit, quasi nunquā ciuis esse desisset: eodemq; quo ij qui semper in ciuitate manserunt, loco ac numero habetur. Lex autem Cornelia statuit, eos qui apud hostes obierunt, perinde habendos esse, hoc est eorum actiones eodem numero ducendis, ac si eo ipso momento punctoq; temporis obijissent, quo capti & abducti fuerūt: quasi ciues adhuc Romani, animam exhalassent. l. in omnibus. 18. D. de capt.



A

## DE EXHÆREDATIONE LIBERORVM TITVLVS XIII.

*Testamentum quo filius fam. præteritus est, quamuis uiuo patre postea decesserit, nullius momenti est. olim uerò filia, natus uel ex filio si præteriretur, institutis hæredibus partem adimebat. item quid sit Nominatim exhæredare. l. 1. & 17. D. de inust. test. l. 7.*

*D. de lib. & postum. l. 4. C.  
de lib. præter.*

**I.** **N**on tamen ut omnimodo ualeat testamentum, sufficit hæc obseruatio, quam suprà exposui mus: sed qui filium in potestate habet, curare debet, ut eum hæredē instituat, uel exhæredē nominatim faciat. alioqui si eum silentio præterierit, inutiliter testabitur: adeo quidem, ut si uiuo patre filius mortuus sit, nemo hæres ex eo testamento existere possit: quia scilicet ab initio nō cōstitit testamentū. Sed non ita de filiabus, & alijs per uirilem sexum descendantibus liberis utriusq; sexus antiquitati fuerat obseruatum: sed si non fuerant scripti hæredes, scriptæ uel, uel exhæredati, exhæredatæ uel, testamentū quidem non infirmabatur, ius tamen accrescendi eis ad certā portionem præstabatur. sed nec nominatim eas personas exhæredare parentibus necesse erat, sed **B** licebat inter cæteros hoc facere. Nominatim autem quis exhæredari uidetur, siue ita exhæredetur, **TITIVS FILIVS MEVS EXHÆRES ESTO**: siue ita, **FILIVS MEVS EXHÆRES ESTO**, non adiecto proprio nomine, scilicet si alius filius non extet.

**VT EVM HÆREDEM INSTITVAT.** Fuit tempus, cū huius tractatus inscriptionem corrigendā exstimarem, legendūq; putarem, **DE INSTITVTIONE VEL EXHÆRED. LIB.** quam meam sententiam nonnullos tacite postea secutos animaduerti. Nunc qua de causā eam mutarim, paucis aperiam. Primum autem illud scire oportet, ius ciuile Romanorum, patris familiam, siue hereditatem ita filiosfam. attribuisse, dicasse, destinasse, ut eius etiam in uita patris, quodammodo sit dominus. l. in suis. 11. D. de lib. & post. Ex quo illud primum consequitur, filiosfam. relinqui potius, quā fieri aut institui heredes: nam si iam hæres est (qua de causā suus in iure appellatur) a patre non fit, aut instituitur. Et profecto sic se res habet, ut non a patre, sed a lege filij hæredes fiant. Veluti cum deponit aliquis magistratum, non successorem sibi facit, instituit uel, sed accipit potius, aut sibi a populo attributum relinquit. Vnde illud Ciceronis: Excerabantur sacerdotem, quod Verrem tam nequam reliquisset: Verrem enim in Prætura Sacerdoti successorem populus Rom. instituerat. Secundo autem illud hac ex re consequitur, ut soli filiosfam. proprie exhæredari dicantur. Nam etsi a Cicerone uerbi hoc quodam loco etiam ad alios transferatur, ut in Commentario uerborum iuris exposuimus: id tamen non proprie, sed abusione quadam uocabuli fieri constat: quippe cū soli filiosfam. de statu heredum, & anticipata quodammodo possessione deturbentur. Patet igitur, ut Instituenti uerbum alienorum, sic Exhæredandi suorum, id est filiorumfam. proprium esse. Vnde factum, ut & proximus tractatus **DE HÆREDIB. INSTIT.** inscribatur, in quo de filiosfam. nullum uerbum: & hic noster, **DE EXHÆRED. LIB.** in quo de alienis personis nulla mentio. Quam inscriptionem etiam Caius lib. instit. 2. retinuit, & Theophilus hoc loco. Nam etsi liberos quoq; hæredes institui sæpe legamus: tamen id partim propter emancipatos, partim etiam abusione quadam sit uocabuli. Et hac ex disputatione constat, quapropter sui hæredes non adire dicantur hæreditatem, sed ei se immiscere, uel hæredes existere: extranei non existere, sed adire. Existere namque dicitur, qui cū antea quodammodo latēret, repente post patris mortem nouus dominus apparuit.

**C** **VEL EXHÆREDEM NOMINATIM FACIAT.** Enunciatio **I.** Præteritio filiosfam. uitiat testamentum, quamuis cæteroqui ritē ordinēq; factum sit, atq; etiam præteritus patre uiuo decesserit. l. 1. & l. filio. 17. D. de inust. test. l. si filius. 7. D. de lib. & postu. Caput, inquit, testamenti est, ut paterfam. liberorum quos in sua potestate retinet, rationē potissimum habeat: & nominatim quid ijs dari, fieri placeat, exponat. alioqui nec ullius momenti testamentum erit. l. inter. 30. D. de lib. & post. & filius patris etiam inuiti familiam retinebit, nec alieno instituto cedit. Cuius rei hæc sine dubio ratio est, quia lex XII. Tab. ita filio, etiam uiuente patre, paternam familiam despondit atq; attribuit, ut etiam eo uiuente quodammodo eius dominus esse uideatur. l. in suis. 11. D. de lib. & postu. ac proinde pater non possit ei rem sibi iam destinatam ac prope modum suā, sine causā & quasi iudicio adimere, atq; in alienum & extraneū transferre. non enim tam pater filium heredem facit, quā Lex: quæ rerum omnium ac bonorum quæ ciues sui possident, domina est. Aut igitur exhæredet illum pater oportet, quæ res quasi cuiusdam iudicij & damnationis instar est, propterea quod sine causā redditione non fit exhæredatio: ac proinde quasi iudicio habito, res sua filio tanquā iniquo & immerenti aufertur: aut transferre in extraneū suam familiam non poterit. filius enim sibi suum adimi sine causā non patitur. Ex quibus facile, opinor, intellectu est, quæ de causā matris præteritio testamenti eius non uitiat. nimirum, quia lex matris bona filio non ita attribuit, ut illa patris: neq; filius, dotis matris præteritio testamenti eius non uitiat. l. 4. §. 2. D. de bon. poss. cont. tab. apertissime significat, cū ait, ideo præteritione filij terna dominus est. quod Paulus in l. 4. §. 2. D. de bon. poss. cont. tab. apertissime significat, cū ait, ideo præteritione filij non uitiari testamentū matris, quia mulier suum heredem non habet. Adeo, ut ne mater quidem exhæredare proprie dicatur: & quamuis matris præteritionem infra pro exhæredatione habendam esse legamus, id tamen improprie & abusus dicitur. nam Exhæredare, ut dixi, proprie est, suum alicui quasi iudicio auferre: filius autē matris bonorum dominus non est. Verum hæc quidem hæc tenemus. Nunc ut ad illud redeamus, præteritione filiosfam. testamentum uitiari, Iustinianus eam sententiam dupliciter amplificat: primum, quamuis cæteris in rebus ritē ac legitime testamentum sit factum: ut si uno tenore sit corā septem testibus factū, qui sua manu & subscripserint & obfignarint. deinde, quamuis præteritus ille filiosfam. ante testatorem sit mortuus, quo in loco causæ constitutionem affingemus: Valerius testamento suo filium præterijt, qui paulo post ante patrem suum testatorem



testatorem decebit. Mortuo testatore, Flavius heres institutus hereditatem petit. Intentio: Hæc hereditas mea est, quippe a Valerio mihi legitimo testamento relicta. Depulsio agnati: Imò mea. Q. Virius sit. R. Quia intestato mortuus est: testamentum enim, filijfam. præteritione uitiatur. F. At filiusfam. ante testatorem est mortuus. quid igitur iam attinet, eam esse mentionem in testamento factam, quam casus ostendit futuram fuisse superuacancam? D. An testamentum ob filij præteritionem uitiolum, eo ante patrem mortuo conualescat? Respondetur, nequaquam: propter regulam, quæ negat ea quæ initio non satis constabant, ex postfacto confirmari. Quod ut planius intelligi possit, illud tenendum est, tribus temporibus aliquem posse suum heredem esse: testamenti, mortis, & intermedio. ac propterea qui horum temporum aliquo suis existens præteritum se receperit, testamentum rumpere. quod in l. Gallus. 29. de lib. & postu. apertissime traditur: & nos in eius paraphrasi exposuimus.

AB INITIO NON CONSTITERIT TESTAMENTVM.) Sequitur II. Quæ ab initio non consistunt, ex postfacto non confirmantur. l. quod initio. 29. D. de reg. iur. cuius exemplum Rufinus profert in l. pen. eiusd. tit. ubi ait, institutionem uitiolam ex postfacto non conualescere: quæmodum superiore tract. dictum est, nec serui, nec impubes, nec prodigi testamentum ualere, quamuis postea liber, pubes, & frugi factus sit. l. si filiusfam. 19. D. quib. test. fac. item, quæmodum stipulatio rei sacræ, liberi uel hominis, quamuis illa profana, hic seruus postea efficiatur. l. inter stipulante. 84. §. rem sacram. D. de uerb. oblig. Regula uero hanc opinor esse rationem, quia ciuiles & legitime actiones suis uiribus niti, & constare, non ex incerto dubioq; futuri temporis euentu pendere debent.

IVS TAMEN ACCRESCENDI EIS AD CERTAM.) Sequitur III. Olim & filia & natus ex filio præteriti, testamentum non rumpebant, sed ius ab institutorum partibus auocandi habebant. l. 8. D. de iniust. rupt. & irr. ubi Vlpiani responsum ita perplexè scriptum est, ut intelligi à me nullo modo possit. Legendum autem sic opinor: Filia uel nepos, quia cum emancipantur, una mancipatione exeunt de potestate, testamentum non rumpunt. ut sit sensus: non tanta ac tam arcta necessitudine filiam nepotemue à iure ciuili cum patre auctore constringi, quanta filiusfam. patri, quod ex eo constat, quia hic tribus mancipationibus, illi una duntaxat liberantur: ut libro primo exposuimus. quare mirandum non esse, si ius ciuile facilius præteriri filiam nepotemue patiat, quam filium: quasi pater non tantum ijs, quam huic debeat. Paulus autem lib. Sent. 3. cap. De testam. hæc sic exponit: Filio & extraneo æquis partibus, hæredibus institutis, filia præterita accrescens tantum suo aduocabit, quantum extraneo: si uero duo sint filij instituti, suis tertiam, extraneis dimidiam tollit. Sic enim locum emendo, ubi antea legebatur, SI PRÆTERITA ACCRESCANT. Reuera enim filia eis accrescit, cum hærediti augeat numerum. Quod autem Iustinianus hoc ius accrescendi appellet, sic intelligi oportet, ut non partes ipsas spectemus, quos hæredes obtinent: in ijs enim decrescendi ius est, non accrescendi: sed ius quod filia datum est, ut scriptis hæredibus accrescat. Habere igitur ius accrescendi ait, quod ius habet hæredum numerum augendi, de quo Caus in Institut. lib. 2. cap. 3. sic scribit: Si uero filiam præterierit, non rumpit testamentum filia prætermissa, sed inter fratres suos legitimo stante testamento, suam sicut alij fratres consequitur portionem: si uero testamento extranei hæredes scripti fuerint, stante testamento filia medietatem hereditatis acquirit. Item Vlpian. Instit. cap. 22. Ex suis hæredibus filius quidem neq; hæres instituitur, neque nominatim exheredatus, non patitur ualere testamentum. reliquæ uero personæ liberorum, uelut filia, nepos, neptis, si præterita sint, ualent testamentum: & scriptis hæredibus accrescunt, suis quidem hæredibus in partem uirilem, extraneis autem in partem dimidiam. Exemplum hoc subiiciam: Si duo filij instituti sint, filia præterita, ita diuidetur, ut & illorum singuli, & hæc sola tertientem obtineant. Si duo extranei, eorum singuli quadrantem tantum, illa sola semissem consequetur. Si filius cum extraneo institutus est, ille tertientem, hic quadrantem, filia præterita quincuncem.

LICEBAT INTER CÆTEROS HOC FACERE.) Sequitur IIII. Olim filia, natumue ex filio satis erat inter cæteros exheredare, nominatim necesse non erat. l. 4. C. de lib. præter. Veluti si testator diceret: Publius filius meus hæres esto, cæteri exheredes sunt: inter cæteros filia quoq; & nepotes ex filio continebuntur. Quæret aliquis, quæ de causa, cum isto modo exheredari filius non possit? Sed responsio patet ex eo quod diximus ad tertiam enunciationem, ex l. 8. D. de iniust. rupt. & irr. test.

NOMINATIM AUTEM EXHEREDARI.) Sequitur V. Nominatim exheredari filius sola demonstratione ac definitione, quamuis nomen taceatur, potest. l. 1. 2. & 3. D. de lib. & postu. Ratio est, quia definitio nominis uim obtinet. l. certum. 6. D. si cert. pet. nec quicquam interest, utrum aliquis nomine an definitione significetur. ueluti, Ex matre, ex Seia natus, cum fortasse aliam uxorem habuisset. ex patria, Lutetia natus. ex colore, rufus, cum diuersi coloris filios haberet: ex figura corporis, maculæ: ut cæcus, claudus, mancus, gibbosus, strumosus. ex artificio, faber: ex studijs, medicus, leguleius, grammaticus: ex moribus, gladiator, latro, sicarius.

Agnatio postumi postumæue, præteriti præteritæue, testamentum rumpit: abortitio uero non rumpit. postumi autem exheredari nisi nominatim non possunt: at postumæ, si modò quid eis legetur, etiam inter cæteros possunt. l. j. ij. D. de iniust. rupt.

II. Postumi quoq; liberi, uel hæredes institui debent, uel exheredari. Et in eo par omnium conditio est: quòd & filio postumo, & quolibet ex cæteris liberis, siue fœminini sexus, siue masculini, præterito, ualet quidem testamentum, sed postea agnatione postumi siue postumæ rumpitur, & ea ratione totum infirmatur. Ideoq; si mulier, ex qua postumus aut postuma sperabatur, abortum fecerit: nihil impedimento est scriptis hæredibus ad hereditatem adeundam. Sed fœminini quidem sexus personæ, uel nominatim, uel inter cæteros exheredari solebat: dū tamen, si inter cæteros exheredarentur, aliquid eis legaretur, ne per obliuionem præteritæ esse uideretur. Masculos uero postumos. i. filios, & deinceps, placuit non aliter rectè exheredari, nisi nominatim exheredareretur, hoc scilicet modo: QVICVNQVE MIHI FILIUS GENITVS FVERIT, EXHÆRES ESTO.

AGNATIONE POSTUMI RUMPITVR.) Enunc. I. Præteritio postumi cuiuscūq; gradus sexusue sit, testamentum



**A** testamentum rumpit. l. 1. §. 3. D. de iniust. rupt. l. 1. §. 3. C. de postum. hered. Ratio est, quia Iurisconsulti iudicarunt testatorem uel ignorasse conceptum esse, uel eius oblitum fuisse: alioqui nunquam eius mentionem prætermisurum fuisse. Benigne namque & humaniter de patrum in liberos uoluntate, quoad facultas feret, sentiendum est. Quam ipsam causam esse arbitror, cur sexum in postumis non distinguant, cum in præteritis superiore capite distinguant. Siue enim filius siue filia nascatur, rumpi testamentum uolunt. quid ita? primum, quia lex non distinguit: deinde, quia præteritio filie natæ patriq; cognita argumentum quoddam est exheredationis: at nondum natæ & incognita, nequaquam. noluerunt enim de cuiusquam in suos liberos animo, sine causa, immitius suspicari.

**SI MULIER ABORTVM FECERIT.)** Sequitur II. Abortiuus postumi appellatione non continetur. l. qui mortui. 129. D. de uerb. sig. ubi Paulus scribit, eos qui mortui nascuntur, neq; natos neq; procreatos uideri. quia nunquam liberi appellari potuerunt: ob eamq; causam testamentum abortitione non rumpi constitutum est. l. 1. §. 3. C. de postum. hered. Sed queri potest, quomodo testamentum ualere dicatur, quod ex incerto futuri temporis euentu pendet? nam si uiuus edatur postumus, pro nullo habetur: sin minus, ualet. Respondemus, in testamentorum fauorem id à Iurisconsulis institutum esse, ut testamentum hoc dicerent non momenti nullius esse, ueluti cum uitio factum est: sed animante nato, euenti: mortuo edito, persistere. Lex enim de postumo solo elocuta erat: nec de uiuo mortuoue distinxerat. Iurisconsulti autem cum testamentis fuerent, & illa quoad possent tuerentur: statuerunt, inanimati corporis editionem ad legem non pertinere. quod ut uerè disputare possent, adiecerunt testamentum à postumo animante non nullius momenti effici, sed rumpi.

**FOEMININI QUIDEM SEXVS PERSONAE.)** Sequitur III. Olim postumæ non modò nominatim, sed etiam inter ceteros exheredari, si modò quid eis legaretur, poterant: postumi uerò cuiusuis gradus nominatim exheredandi erant. l. 4. in fin. C. de lib. præter. & l. 3. §. 1. D. de iniust. rupt. Quæ ex re differentia quædam insignis elucet inter natorum & postumarum exheredationem. nam illæ sine legato inter ceteros exheredari possunt, istæ non possunt: hac opinor ratione, quia natam pater nouit, nec dubitari potest quin de ea cogitauit. At eam quæ in utero est, non nouit, nec sciebat filiæ editum iri potius quam filium. quapropter benigne & elementer de testatoris mente sentiendum est: id est, quoniam mares postumi exheredari nisi nominatim non possunt, & nominatim nihil de utero dictum est: uiccirco de filia postuma nihil testatori in mentem uenisse, sed eam obliuione præterisse iudicatur. At si legato eam aliquo notauit, dici id non potest: quod utrumque colligitur etiam ex casu consimili in l. si cum in utero. 10. C. de test. milit. Quæro præterea, cur postumus minus quam postuma inter ceteros exheredari possit? & non dubito quin hæc causa sit, quod mares propter gentilitatum agnationumq; conseruationem minus à parentum hereditatibus remouendi sunt. Obseruanda porro altera differentia est inter exheredationem nepotum natorum, & postumorum. quod illi exheredari inter ceteros possunt, ut superius dictum est: isti uerò non possunt. Cuius rei ratio, quæ difficillima pleriq; uidetur esse, meo iudicio hæc est, quod de patrum erga suos liberos uoluntate semper, quoad postumus, benigne iudicamus. quocirca præteritum postumum non inter ceteros exheredatum, sed obliuione omissum interpretamur. id quod de uiuo & cognito dici, si maxime cupias, non potest. Ad hunc autem locum illa Vlpiani uerba pertinent ex Instit. cap. 22. Postumus filius nominatim exheredandus est: filia postuma, cæteraq; postumæ feminae, nominatim, uel inter ceteros: dummodo inter ceteros exheredatis aliquid legetur.

**NOMINATIM EXHAEREDARENTVR.)** Similiter Vlp. l. 3. §. 3. D. de iniust. rupt. Nominatim, inquit, exheredatus postumus uidetur: siue ita dixerit, Quicumq; mihi nasceretur: siue ita, Ex Scia: siue ita, Venter exheres esto.

Non modò filiosfam. sed & eos qui in ipsorum è familia demigrantium locum succedendo proximum patrisfam. gradum obtinebunt, nominatim uel instituere, uel exheredare necesse est. l. xij.

D. de iniust. l. testament.

**C** **III. Postumorum autem loco sunt & hi, qui in sui hæredis locum succedendo, quasi agnascendo fiunt parentibus sui hæredes.** ut ecce, si quis filium, & ex eo nepotē neptemue, in potestate habeat: quia filius gradu præcedit, is solus iura sui hæredis habet, quamuis nepos quoq; & neptis ex eo in eadem potestate sint. Sed si filius eius uiuo eo moriatur, aut qualibet alia ratione exeat de potestate eius, incipit nepos neptis'ue in eius locum succedere, & eo modo iura suorum hæredum quasi agnatione nanciscitur. Ne ergo eo modo rumpatur eius testamentum: sicut ipsum filium uel hæredem instituere, uel nominatim exheredare debet testator, ne non iure faciat testamentum: ita & nepotem neptem'ue ex filio necesse est ei uel hæredem instituere, uel exheredare: ne fortè eo uiuo, filio mortuo, succedendo in locum eius nepos neptis'ue, quasi agnatione rumpat testamentum. Idq; lege Iunia Vellea prouisum est, in qua simul exheredationis modus ad similitudinem postumorum demonstratur.

**QVASI AGNASCENDO FIUNT SVI HAEREDES.)** Enunciatio I. Qui in proximū patrisfam. locū sublato priore successurus est, postumi agnati ius, suiq; nomen hæredis obtinet. l. postumorum. 14. D. de iniust. rupt. Nam quemadmodum postumus, præter spem repente exortus est in familia, quasi nouus quidam rex ac dominus & paterfamilias: eodem modo nepos mortuo filio præter spem (sperabatur enim filius regnaturus) subito exoriatur, qui uacuum primum gradum reperiens illum occupat: seq; patrisfam. regi proximum collocat. Suis porro dicitur hæres is, qui non aliunde quæsitus est, sed in ipsa familia repertus. Quod ex contrarij appellatione intelligitur, qui alienus siue extraneus nominatur: ut facile appareat, suum hæredem ita non incommode definiri posse, qui & in patrisfam. potestate est, & in familia proximum ab eo gradum obtinet. Quare centum Priami filij, quando in eius familia manent, nec emancipantur, omnes sui hæredes eo mortuo dicuntur: nepotes uerò & pronepotes, quamuis in eiusdem potestate sint, non dicuntur: non quod alieni sint, sed quia prorsus hæredes non sunt. At cum Hector ante patrem decesserit, repente Astyanax eius filius in patris sedem inanem ac



uacuum inuadit, eamque occupat, suusque una cum patris nominatur. Quae de causa cauetur, ut non modo filij omnes, sed etiam nepos. **A** in filij demortui emancipatione loci subintrans, nominatim heres uel exheres scribatur. alioqui eius praeteritione, non minus quam postumi testamenti ruptum iri. Quae de re Vlpianus Instit. cap. 22. sic scribit: Nepotes & pronepotes ceterique masculi, uel inter ceteros tum adiectione legati sunt exheredandi: sed tutius est, nominatim eos exheredari. & id obseruatur magis.

ITA ET NEPOTEM NEPTEMVE EX FILIO.) Sequitur II. Cui siue mari, siue foeminae proximus patrisfamilias loco sublato priore debetur, is etiam heres uel exheres fieri debet. d. l. postumorum. Quod summopere notandum & obseruandum est: propterea quod nepti plus tribui hoc modo uidetur quam filiae. nam filia praeterita non rumpebat testamentum, (ut proxime dictum est) sed accrescendi ius habebat: neptis uero in patris sui gradum succedens rumpit. Quod sane mirum alicui uideri possit: praesertim si filium emancipatum ponamus. nam hoc modo filia (quae huic amita est) praeterita non rumpet testamentum: haec uero neptis ex inuiso fortasse filio, rumpet. Sed cum hanc Iurisconsulti postumae comparent, apparet opinor quid secuti sint. nimirum eandem rationem quam in natae & postumae praeteritarum differentia demonstrauimus: hoc est, clementer & benigne de patrisfamilias mente atque animo in suos liberos existimandum esse. Cum enim lex Vellea, ut mox dicemus, permittat hanc inter ceteros exheredari, dummodo aliquid ei legatur: quid significat nimirum cui nihil legatum est, eam non animo maleuolo, sed mera obliuione praeteritam fuisse. Ut facile appareat, nequaquam plus nepti quam filiae tribui: tamen si prima specie id uideatur, sed benigne statui, non iudicio, sed obliuione praeteritam eam fuisse, cui legatum nihil est. quod in filia, cuius praeteritionem nihil legatum adiuuaret, dici non potest.

LEGE IUNIA VELLEA PROVISUM EST.) Sequitur II. Lex Iunia Vellea horum exheredationem ad postumorum similitudinem instituit. l. Gallus. 29. §. nunc de lege. de lib. & postu. Eius autem legis capita duo fuerunt: quorum alterum hac uti formula testator iubebat, Filius heres esto, si filius me uiuo moriatur, tum qui uirilis sexus mihi suus heres futurus erit cum nascetur, heres esto: uel etiam, exheres esto. alterum providebat, ne si non nasceretur, sed per successionem suus aliquis existeret: tamen si ea formula uideretur praeteritis, quae nominatim de nascituro cauerat, tamen testamentum **B** ruperetur. sed hunc pro recte instituto uel exheredato haberi iubeat: quasi simpliciter dictum fuisset, Tum qui mihi suus erit. AD SIMILITUDINEM POSTUMORVM.) Nam ut Aulius formulam nepotum postumorum instituendorum uel exheredandorum tradiderat, qui tamen testamenti tempore institui non posse uidebantur, quia tum erant alieni: sic lex Vellea formulam illam tradidit, quae istos successionem suos effectos institui exheredarique uoluit. Quae de re satis copiose in Iurisconsulto nostro exposuimus.

*Emancipati praeteriti testamentum non rumpunt, sed à Praetore bonorum possessionem contra tabulas impetrant. l. j. & pass.*

*D. de bon. poss. cont. tab.*

IIII. Emancipatos liberos iure ciuili neque haeredes instituere, neque exheredare necesse est: quia non sunt sui haeredes. Sed Praetor omnes tam foeminini sexus, quam masculini, si haeredes non instituuntur, exheredari iubet: uirilis sexus nominatim, foeminini uero & inter ceteros: quia si neque haeredes instituti fuerint, neque ita ut diximus exheredati, promittit eis Praetor contra tabulas testamenti bonorum possessionem.

QUIA NON SVNT SVI HAEREDES.) Enunciatio I. Emancipati pro alienis & extraneis iure ciuili numerantur, nec sui haeredes dici possunt. §. emancipati. Infra de haered. quae ab intest. §. 2. infra de haered. qual. & diff. & l. pronuntiatum. 195. D. de uerb. sig. ubi Vlpianus ait, emancipatos suam ac propriam familiam sibi habere. Nam cum emancipati familia in qua prius erant, dimittantur, & quasi in coloniam demigrent, ius omne agnationis quod in familia patris habebant, amittunt. Itaque lege XII. Tab. intestati patri haeredes non erant: frater potius erat, aut patruus. quid ita? propter gentilitatium conseruationem, quae in emancipatis exstinguebantur. Recte igitur Vlpianus. l. sed cum patrono. 6. §. 1. D. de bon. poss. iure ciuili deficiunt liberi, qui propter capitis deminutionem, hoc est emancipationem desinunt sui haeredes esse. Item Paulus in l. tutelae. 7. D. de cap. minut. ubi ait, emancipatos desinere agnatos esse, quippe familia mutatos.

NEQUE EXHAEREDARE NECESSE EST.) Sequitur II. Emancipati praeteritis testamentum non rumpit. Ratio ex superiore pronuntiato intelligitur: quia iam pro extraneis & alienis numerantur. neque ulla ex parte ad patris familiam pertinent.

EXHAEREDARI IUBET.) Sequitur III. Praetor emancipatis praeteritis, bonorum possessionem contra tabulas attribuit. l. 1. & passim. D. de bon. poss. cont. tab. Et Vlpianus Instit. cap. 22. Mancipatos liberos cum iure ciuili neque haeredes instituere, neque exheredare necesse sit: tamen Praetor iubet, si non instituuntur haeredes, exheredari masculos omnes nominatim, foeminas uel inter ceteros: alioqui contra tabulas bonorum possessionem eis pollicetur. Haec ille. Ex quibus intelligitur, Praetorem idem prope ius emancipatis tribuere quod suis, nisi enim instituuntur, aut nominatim si mares sint, sin uero foeminae, saltem inter ceteros, exheredari iubet: aut eis bonorum defuncti possessionem contra testamentum pollicetur. l. 4. D. de bon. poss. cont. tab. Non enim Praetor haereditatem potest aliquem facere: legis ea solus potestas est, quae ciuium Rom. bonis tantumquam regina & moderatrix praest. Sed possessorem quem effecerit, in sua possessione retinebit, eique ius secundum eam possessionem dicet. Queri autem potest, quae ratio Praetorem mouerit, ut emancipatis ius illud quod eis lex XII. Tabul. abstulerat, restitueret. nam si naturae & sanguinis rationem illum secutum dicamus, immanitatis legem XII. Tab. accusabimus. Intelligendum est igitur, legem illam hoc iccirco instituisse, ut patriciae gentes atque adeo uniuersae agnationes conseruarentur. Idque ius longo admodum tempore, florente Republ. obseruatum est. Sed cum praetestate nimia Romanae familiae pessum irent, atque obsolecerent, paucique admodum essent patricij, studiumque illud priscum conseruandarum agnationum sensum extingueretur: Praetor aliquis primum id ius anno suo dixit, cuius institutum cum alijs deinde compluribus placuisset, tandem non modo translatitium, sed etiam perpetuum factum est.

Adoptiui



*Adoptiui liberi, à patre adoptiuo præteriti, eius testamentum rumpunt: sed ab eo emancipati, contra patris naturalis tabulas tantum bonorum possessionem impetrant. l. iij. D. si tab. testam. nulla extab.*

V. Adoptiui liberi, quandiu sunt in potestate patris adoptiui, eiusdem iuris habentur, cuius sunt iustis nuptijs quæsit: itaque hæredes instituendi uel exhæredandi sunt, secundum ea quæ de naturalibus exposuimus. Emancipati uerò à patre adoptiuo, neq; iure ciuili, neq; eo iure quod ad edictum Prætoris attinet, inter liberos connumerantur. Qua ratione accidit, ut ex diuerso (quod ad naturalem parentem attinet) quandiu quidem sunt in adoptiua familia, extraneorum numero habeantur: ut eos neque hæredes instituere, neque exhæredare necesse sit. cum uerò emancipati fuerint ab adoptiuo patre, tunc incipiant in ea causa esse, in qua futuri essent, si ab ipso naturali patre emancipati fuissent.

EIVSDEM IVRIS HABENTVR.) Enunciatio I. Adoptiui liberi filiorum fa. ius suorumq; nomen adipiscuntur. l. i. & passim. D. de adopt. Et copiose à nobis libro primo explicatum est.

ITAQVE HÆREDES INSTITVENDI.) Sequitur II. Adoptiuorum liberorum præteritio patris adoptiui testamentum rumpit. l. i. D. de cont. tab. l. i. §. liberos. D. si tab. test. null. extab. Cum enim sui ac filij fa. ius dignitatemq; obtineat, præteriri non magis quam qui natura filius est debet. Hinc Vlpianus l. uerum est. s. D. de in iust. rupt. uel irr. Verum est, inquit, adoptione uel arrogatione filij filia' uel testamentum rumpi: quoniam sui hæredis agnatione solet rumpi. Quem locum insignem appellare merito possumus. docet enim, quod mirum omnino est, adoptiua filia ius maius esse, quam naturalis: quippe cuius præteritio testamentum rumpat, cum huius non rumpat. Cuius rei rationem esse arbitror, ne facile à suis patrio-  
bus adoptiuis negligenterentur.

EMANCIPATI VERO A PATRE ADOPTIVO.) Sequitur III. A patre adoptiuo emancipatus nihil in eius familia iuris omnino retinet: sed naturalis familie ius quod emancipatis datur, recuperat. l. 4. D. si tab. test. Causse constitutio: Adoptatur Aemilius à Cornelio Scipione: post ab eodem emancipatur. cum testamentum Cornelius scriberet, eum præterijt. Hic bonorum possessionem contra tabulas petit, quoniam emancipatis præteritis Prætor eam promissit. Intètio: Mihi dari bonorum possessionem oportet: quippe emancipato præterito. D. Non debet. Q. An debeat. R. Quia prætor non ex adoptiua, sed ex naturali familia emancipatis eam promissit, quod ex eo constat, quia propter sanguinem & cognationem ueram ac naturalem eam promissit: scilicet emancipatio tantum incommodi liberis afferret. F. At isto modo duplici de spe, atq; ut dici solet, duabus de sellis decidero. quod à Prætoris benignitate abhorret. D. An Prætor bonorum possessionem ex naturali tantum familia emancipatis promittendo, eos qui ab utraq; emancipati sunt, utraq; spe frustretur. Respondetur, nequaquam: sed huic Aemilio datum iri bonorum possessionem aduersus naturalis patris tabulas: eodemq; iure illum habitum iri ac si simpliciter emancipatus, non autem in adoptionem datus fuisset.

QVANDI SVNT IN ADOPTIVA FAMILIA.) Sequitur IIII. Quandiu in adoptione aliquis retinetur, tandiu bonorum possessionem contra patris naturalis tabulas non impetrabit. l. 4. D. si tab. test. null. Hac scilicet ratione, quia in adoptoris familia abunde habet, unde iacturam illam naturalis hereditatis compenset: propter quam solam compensandam hæc bonorum possessio instituta fuerat.

*Iustiniani lege nulla prorsus inter liberos differentia est: sed omnes nominatim uel institui uel exhæredari debent: cuius generis, sexus gradusq; sint. l. iij. C. de lib. præter.*

VI. Sed hæc quidem uetustas introducebat. nostra uerò constitutio inter masculos & fœminas in hoc iure nihil interesse existimans: quia utraque persona in hominum procreatione simili naturæ officio fungitur, & lege antiqua duodecim Tabularum omnes similiter ad successionem ab intestato uocabantur, quod & prætores postea secuti esse uidentur: ideò simplex ac simile ius, & in filiis, & in filiabus, & in cæteris descendentibus per uirilem sexum personis nō solum iam natis, sed etiam postumis, introduxit: ut omnes siue sui, siue emancipati sint, uel hæredes instituatur, uel nominatim exhæredentur: & eundem habeant effectum circa testamenta parentum suorum infirmanda, & hereditatem auferendam, quem filij sui uel emancipati habent, siue iam nati sint, siue adhuc in utero constituti, postea nati sint.

LEGE ANTIQVA DVODECIM TABVLARVM.) Enunciatio I. Lege XII. Tab. non minus fœminæ quam mares intestatis patribus succedebant. l. lege XII. Tab. 14. C. de legit. hæred. ubi hæc eadem ipsæ uerbis exponuntur.

VT OMNES SIVE SVI, SIVE EMANCIPATI.) Sequitur II. Ex lege Iustiniani cuius generis gradus, sexus uel liberi præteriti testamentum uitiant. l. maximum. 4. C. de lib. præterit. Rationem autem consilij sui Iustinianus scribit esse naturæ legem, quæ cum muliebrem sexum æquæ ac uirilem humano generi cōseruando necessarium ostendat, utrumq; pari in hereditatibus æquandis iure esse uult. Hæc ille. Romani autem familiarum, ut dixi, antiquitatem & dignitatem spectabant. Ratione igitur ut uidemus neutra lex caruit. Vtra autem potior sit, indicare difficile est: cum satis constet, pro cuiusq; ciuitatis ratione leges esse sancientas.

Adoptiuis



*Adoptiuis Iustinianus sua lege prospexit. militum autem liberi in castris silentio  
præteriti testamentum non uitiunt: sed tacite exheredati indi-  
cantur. l. pen. C. de adopt. l. vii. D. de test. mil.*

VII. Circa adoptiuos autem certam induximus diuisionem, quæ in constitutione nostra, quam super adoptiuis tulimus, continetur. Sed si in expeditione occupatus miles testamentum faciat, & liberos suos iam natos uel postumos nominatim nō exheredauerit, sed silentio præterierit, non ignorans an habeat liberos: silentiū eius pro exheredatione nominatim facta ualere, constitutionibus principum cautum est.

CERTAM INDUXIMVS DIVISIONEM.) At meo iudicio satius fuisset rem aut leniter perstringi, aut omnino taceri. cōprehendi autem his ferè uerbis poterit, quibus Enunciatio I. constabit: Adoptatus ab alio quàm auo uel pro auo, patri naturali necessario succedit: adoptiuo uerò, uel necessario, uel uolenti: ab hisce autem adoptatus, suis hisce efficitur, patri naturali planè alienus. l. pen. C. de adopt. Qua de re satis opinor copiose in §. 2. supra de adopt. explicatum est.

IN EXPEDITIONE OCCUPATVS MILES.) Sequitur II. Miles præteriens liberos quos se habere sciebat, si modò in castris testamentum fecerit, eos exheredasse intelligitur, l. sicut. 9. cum l. seq. C. de testam. mil. & l. qui ius re. 7. D. eod.

*Quem mater auus uel maternus præterijt, quasi pro exheredato numeratur:  
querendi tamen de inofficioso potestatem habet. l. iij.  
§. ij. D. de bon. possess. cont. tab.*

VIII. Mater, uel auus maternus, necesse non habent liberos suos aut hæredes instituere, aut exheredare: sed possunt eos omittere. nam silentium matris, aut aui materni, & cæterorum per inatrem ascendentium tantum facit, quantum exheredatio patris. Neque enim matri filium filiam uel, neque auo materno nepotem neptem uel ex filia, si eam uel hæredem non instituat, exheredare necesse est: siue de iure ciuili quæramus, siue de edicto Prætoris, quo præteritis liberis contra tabulas bonorum possessionem promittit: sed aliud eis adminiculum seruatur, quod paulo post uobis manifestum fiet.

POSSVNT EOS SILENTIO OMITTERE.) Enunciatio I. Silentium matris aui uel materni, exheredationis uim obtinet. l. 4. §. 2. D. de bon. poss. cont. tab. ubi Paulus hanc affert rationem, quia mulier, suos hæredes non habet. quod idem Caius scribit in l. nulla. 13. D. de suis & legit. Hoc autem, ut superius diximus, hanc habet sententiam, quia lex nō eosdem modo materna bona filio attribuit, ut paterna. neq; filius maternæ dotis (quæ proprium ipsius matrimonium appellatur) quodammodo dominus est, item ut patris bonorum. Quare si quem alienum instituat, quod ad eam legem attinet, quæ non naturam, sed familiarum conseruationem spectat, nullam ei iniuriam facit: nō enim suus ei adimit, adeo ut nec exheredare quisdem filium propriè dicatur: quoniam, ut paulo antè ostendi, exheredare est, suam hereditatem filiosam adimere.

ALIVD EIS ADMINICVLVM.) Sequitur II. A matre auo uel materno præteriti, accusare inofficiosi testamentum possunt. l. 3. & l. filiam. 15. C. de inoffic. test. Quod enim suo more Tribonianus tacet, uerbo indicare est melius.

## DE HAEREDIBVS INSTITVENDIS.

### TITVLVS XIII.

*Hæredes institui & liberi homines & serui possunt: ac serui tum proprii,  
idq; etiam sine libertatis adiectione: tum alieni. l. 31. 48.*

*D. hoc tit. l. pen. C. de necess. ser.*

I. Hæredes instituere permissum est, tam liberos homines, quàm seruos: & tam proprios, quàm alienos. Proprios autem olim quidem secundum plurimum sententias non aliter, quàm cum libertate, rectè instituere licebat: hodie uerò etiam sine libertate, ex nostra constitutione hæredes eos instituere permissum est. Quod non per inuolutionem induximus: sed quoniam æquius erat: & Atilicino placuisse Paulus suis liberis quos tam ad Masurium Sabinum, quàm ad Plautium scripsit, refert. Proprius autem seruus etiam is intelligitur, in quo nudam proprietatē testator habet, alio usumfructum habente. Est tamen casus, in quo nec cum libertate utiliter seruus à domina hæres instituitur, ut constitutione diuorum Seueri & Antonini cauetur, cuius uerba hæc sunt: Seruum adulterio maculatum, non iure testamēto manumissum ante sententiā ab ea muliere uideri, quæ rea fuerat eiusdem criminis postulata, rationis est. Quare sequitur, ut in eundē à domina collata hæredis institutio, nullius momenti habeatur. Alienus seruus etiam is intelligitur, in quo usumfructum testator habet.

TAM LIBEROS HOMINES.) Enunciatio I. Quemlibet ciuem Ro. cum quo testamenti factio sit, licet hæresdem instituere. l. nō minus. 31. D. de hæred. instit. Idq; propter legē XII. Tab. quæ ita iubet esse ius, uti paterfamilias, suæ rei legasset.

ETIAM SINE LIBERTATE.) Sequitur II. Serui tum alieni, tum nostri, atque hi quidem ex lege Iustiniani, etiam sine libertate institui hæredes possunt. l. pen. C. de necess. ser. hæred. ubi huiusce consilij sui exemplum scribit in eo positum



**A** positum esse, quod tutela seruo delata, una etiam delata tacite libertas intelligitur: & controuersiam quandam commemorat, cuius difficultatem & perplexitatem, causam huic eius constitutioni dedisse affirmat. Eam autem pro causa constitutione ascribam; Flavius Titium heredem ex semisse fecerat, Dauum item suum seruum ex altero semisse: quem tamen alicui eodem testamento legabat. Intentio legatary: Tu seruus meus es, quippe mihi legatus. D. Non sum, sed liber potius. Q. Vtrum seruus an liber sit. R. Quia non & heres esse possum, & seruus. Heredem autem me esse constat, alioqui quis ex isto semisse heres futurus est? F. At cum diserte legatus mihi fueris, apparet omnem tibi libertatis ex hoc testamento spem precisam esse. potiusq; ex asse Titius institutus putandus est, quam uoluntas testatoris tam aperta uiolanda. D. An seruo, qui eodem testamento heres ex parte institutus, & tamen legatus alicui est, precisa spes omnis libertatis ex eo testamento consequenda uideatur.

**NON PER INNOVATIONEM.)** Neque pugnat quod supra sub tit. qui manumitt. non poss. legitur, noua humanitatis ratione. quia de ijs ibi loquitur, qui locupletes cum sint, seruos tamen suos heredes possunt relinquere. quod noue a Iustiniano institutum est.

**PROPRIVS AVTEM SERVVS.)** Sequitur III. Cuius est serui proprius, eius est seruus, etiam si nuda sit. l. recte dicimus. 25. D. de uerb. sign. Itaq; paulo inferius alienum appellat, cuius noster est ususfructus. ut igitur proprius seruus dicitur, in quo nudam proprietatem sic alienus, in quo nudum usumfr. habemus. Cum ergo quaeretur, an proprietarius aut fructuarius serui cum heredem instituere possit: respondebimus ex l. i. C. commun. de manumiss. Si solus proprietarius cum manumiserit, fore quidem ipsius libertum, sed tamen fructuarij seruum: sic, ut quae extra suas operis & rem fructuarij acquireret, sibi suisq; acquirat. sin fructuarius cum manumiserit, tum quandiu ususfructus durabit, proprietarij seruus non erit: & quae suis operis acquireret, sibi suisq; acquireret. Item cum quaeretur hereditas seruo delata utri competat, proprietario an fructuarij: respondebitur, proprietario: quia fructuarius seruo, ut adeat, imperare non potest. l. aditio. 45. §. i. & l. si quis mihi. 25. D. de acq. hered. & l. fructuario. 47. D. de acq. rer. dom.

**B** **A' DOMINA HAERES INSTITVITVR.)** Sequitur IIII. Seruus adulterio dominae inquinatus, heres ab eadem institui domina non potest. l. his uerbis. 48. §. i. D. hoc tit. ubi haec ipsa refertur constitutio, mēdose tamen, cum adulterij accusatum pro adulterio maculatum legatur. Cum enim postulauim eiusdem criminis testatorem ponat, pugnaret cum l. reos. 8. C. de adul.

*Seruus ab hero suo heres institutus, si in eadem familia permanserit, necessarius heres ac liber erit: sin ab eodem sit manumissus, uoluntarius. sin autem alienatus, domino suo iubenti hereditatem acquireret, manebitq; seruus.*

l. 7 j. §. ij. & l. xc. eod.

**II.** Seruus autem a domino suo heres institutus, si quidem in eadem causa manserit, fit ex testamento liber, heresq; necessarius. Si uero a uiuo testatore manumissus fuerit, suo arbitrio adire hereditatem potest: quia non fit heres necessarius, cum utrunq; ex domini testamento non consequatur. Quod si alienatus fuerit, iussu noui domini adire hereditatem debet: & ea ratione per eum nouus dominus fit heres. nā ipse alienatus, neq; liber, neq; heres esse potest, etiam si cum libertate heres institutus fuerit: destitisse enim a libertatis datione uidetur dominus, qui eum alienauit.

**SI QUIDEM IN EADEM CAUSSA PERMANSERIT.)** Emancipatio I. Qui in domini sui a quo institutus heres est, familia permansit, is liber & necessarius heres efficitur. §. i. infra de hered. qual. ubi necessarius ob eam causam nominari dicitur, quod uelit nolit, obire domini hereditatem cogitur. Id enim in eorum gratiam institutum fuit principio, qui cum soluendo non essent, ignominiam bonorum uenditionis in heredes suos deriuare, quam suae memorie reas seruare malebant. Dixit autem, In eadem causa, pro In eadem conditione seruitutis, & familia herili: quorum de utroq; nunc separatim est dicturus.

**C** **LIBER HAERES QVE NECESSARIVS.)** Adco, ut neutrum illi dominus separatim possit adimere: hoc est, neque libertatem solam, neque solam hereditatem. propter regulam iuris, quam Iulianus refert in l. si ita. 13. §. i. D. de lib. & postum. Notandum etiam est, quod Ulpianus scribit in l. sed si. 6. in fin. D. de hered. inst. seruum heredem institutum a se a metipso libertatem accipere.

**A' VIVO TESTATORE MANVMISSVS.)** Sequitur II. Qui seruus a domino institutus, post ab eodem manumissus est, arbitratu suo hereditatem adibit. l. sed si. 6. §. 3. D. de hered. inst. Et Ulpianus Inst. cap. xx. Alienus seruus, inquit, heres institutus, si quidem in ea causa permanserit, iussu domini debet hereditatem adire. Quod si uiuo testatore manumissus, aut alienatus a domino fuerit, aut suo arbitrio aut iussu emptoris, poterit adire hereditatem.

**CVM VTRVNQVE EX DOMINI TESTAMENTO.)** Sequitur III. Necessarius heres nō dicitur, nisi cui eodem testamento & libertas & hereditas deferatur. l. testamento. 90. D. de hered. inst. ex qua causae constitutionem eliciemus. Dauus domini testamento heres cum libertate sub conditione factus, ante conditionis euentū domini qui necatus fuerat, percussorem indicauit. Praetor ei premium libertatis persoluit. Cum postea conditio extitisset, nolletq; damnosissimam hereditatem obire, liberi agnati ne actionem instituere. Intentio: Heres necessarius es, quippe domini testamento & liber & hereditatem obire, liberi agnati ne actionem instituere. Intentio: Heres necessarius dicitur, qui eodem testamento utrunq; adipiscitur: at ego non ex heres esse iussus. D. Non sum. Q. An sit. R. Quia necessarius dicitur, qui eodem testamento utrunq; adipiscitur: at ego non ex testamento, sed a Praetore libertatem sum adeptus. F. At eodem tamen testamento tibi utrunq; relinquebatur: & quantum in domino tuo fuit, suo testamento heres & liber es. D. An qui eodem testamento heres & liber esse iussus est, si aliunde tamen libertatem adipiscatur, necessarius heres non sit. Tryphoninus respondet, non esse licere tamen ei uolenti adire.

**QVOD SI ALIENATVS FVERIT.)** Sequitur IIII. Qui a domino suo heres institutus, post ab eodē alienatus est, iubenti nouo domino hereditatem acquirit: libertatem tamen ne nominatim quidem adiectam adipiscitur. l. quoties. 9. §. seruus.



9. §. seruus. 7. & l. seruum. 50. D. hoc tit. l. seruo. 47. D. de cond. & demonst. l. Iulianus. 96. eod. l. quæsitum. 91. §. 3. 4. 5. D. de A leg. & fid. 1.

DESTITISSE A' LIBERTATIS DATIONE.) Sequitur V. Dominus seruum quem testamento manumiserat alienans, inane libertatis dationem reddit. l. seruum meum. 50. D. hoc tit. at si post eundem redemerit, ea ut ita dicam reuincit. l. uerum. 58. D. de manum. t. §.

Cuius quisque seruus in domini potestate est, eius iussu delatam sibi ab alieno hæreditatem adire debet: manumissus autem arbitrato suo adibit.

l. ij. in fin. D. de bonor. possess. sec. tab.

III. Alienus quoque seruus hæres institutus, si in eadem causa durauerit, iussu sui domini adire hæreditatem debet. Si uero alienatus fuerit ab eo, aut uiuo testatore, aut post mortem eius, antequam adeat, debet iussu noui domini adire. At si manumissus est uiuo testatore, uel mortuo, antequam adeat, suo arbitrio adire hæreditatem potest.

DEBET IVSSV NOVI DOMINI ADIRE.) Enunciatio I. Alienus seruus hæres institutus, adire nisi eius domini iussu in cuius potestate est, hæreditatis adeunda tempore non potest. l. 7. D. de hæred. instit. l. 2. in fin. D. de bon. poss. sec. tab. & l. Anistius. 62. D. de acq. hæred. ubi etiam hoc additur: Si seruus hæres institutus, post iussu domini antequam adiret, alienatus esset, nouum iussu posterioris domini, non iussu prioris exigi. Viri autem acquireret, dubitari potest: ei ne quem testator spectauit, an alteri de quo cogitauit nunguam? Causæ igitur constitutionem assignemus: Horatius Dauum Ebutij seruum, hæredem instituit: post Ebutius Dauum Aemilio uendidit. moritur Horatius. Aemilius iussu adit Dauus. Intentio Ebutij: Hæc hæreditas mea est, quippe mihi in serui mei persona delata: non enim seruorum persona a testatoribus, sed dominorum spectatur. l. non minus. 31. D. hoc tit. mihi ergo quem tum testator spectabat, delata est. l. cum aliquis. 21. C. de iur. delib. & l. aditio. 45. D. de acq. hæred. D. Imò mea. Q. Vtrius sit. R. Quia cuius domini iussu seruus hæreditatem adit, eidem hæreditatem acquirit. F. At si hoc summum ius est, saltem quia uoluntas testatorum omnino spectanda est: (constat autem Horatium mihi relinquere suam hæreditatem uoluisse) propter æquitatem delat mihi conditio: ut in casu l. penul. D. de stipul. ser. D. An cum hæreditas eius sit, cuius iussu seruus adit: tamen propter testatoris uoluntatem qui cum dominum spectauit, cuius testamenti tempore seruus erat, conditio ei cõnectenda sit.

IVSSV EIVS DOMINI.) Si modo testamenti factio hic dominus habeat, quia testamenti factio cum seruus, ex dominorum persona introducta est: ut ait Caius in l. non minus. 31. D. de hæred. inst. & l. neq. 10. C. eod. Si tamen is seruus ante aditionem uel manumissus sit, uel alienatus, & adeundi tempore uel liber, uel eius seruus reperiatur, qui iubere possit ualere institutionem, Tryphonius tradit in l. si seruus. 82. D. hoc tit.

SVO ARBITRIO ADIRE POTERIT.) Sequitur II. Qui hæreditatis adeunda tempore liber est, quamuis testamenti tempore seruus fuerit, hæres est uoluntarius.

Alienus seruus etiam post domini mortem institui hæres potest: plurimum autem seruus, eorum cuique quorum iussu alienam hæreditatem adierit, pro parte domini acquirere. l. xxx. j. l. j. & l. xiiij. D. eod.

III. Seruus autem alienus post domini mortem recte hæres instituitur: quia & cum hæreditarijs seruus est testamenti factio. Nondum enim adita hæreditas, personæ uicem sustinet, non hæredis futuri, sed defuncti: cum etiam eius qui in utero est, seruus recte hæres instituatur. Seruus autem plurimum, cum quibus testamenti factio est: ab extraneo institutus hæres, unicuique dominorum, cuius iussu adierit, pro portione domini acquirere hæreditatem.

POST DOMINI MORTEM.) Enunciatio I. Alienus seruus hæres, etiam post domini sui mortem recte instituitur. l. non minus. 31. & l. seruus hæreditarius. 52. l. eius seruum. 64. D. hoc tit. Nec ad rem pertinet, quod cum incerta persona hæres institui non potest: hoc autem incertum sit quis hæres sit futurus, incertæ personæ deferri hæreditas uidetur. nam ut ait Paulus l. debitor. 82. §. 1. de legat. secundo. in testamenti serui persona quo ad beneficentiam spectatur: quo ad capacitatem uero domini. Causæ constitutio: Titius Brotem Octauij seruum, hæredem post domini sui mortem instituit: Octauio mortuo, eiusque uxore grauida, hæres non existeret: seruus enim sine iussu adire non poterat: dominum porro nondum habebat. Agnatus ergo Tity bona occupauit. Nato postea puero, tutor hæreditatem petiit. Intentio: Hæc hæreditas pupilli mei est, quippe testamento seruo eius relicta. Depulsio possessoris: Imò mea. Q. Vtrius sit. R. Quia Titius agnatus meus institutus est mortuus, ut pote cum seruum hæreditatis incapax instituerit: hæreditas enim seruus ratione domini deferuntur. at iste dominum non habebat. F. At hæreditas iacens defuncti uicem obtinet: ac proinde si minus domini, certe ipsius hæreditatis ratione delata seruo est hæreditas. D. An cum seruus sui tantum ratione domini instituatur, qui tamen hæreditas defuncti uicem obinet, recte post domini mortem hæres institutus sit. Respondetur, esse. Idemque fere de legato Caius tradit in l. si Titio. 55. §. 1. D. de leg. & fid. 2. & hac ipsa de re Hermogenianus in l. hæreditas. 61. D. de acq. rer. dom. ubi hoc asseribit, quod ad hunc locum uel maxime pertinet: seruum adire sua sponte non posse, sed hæredis, ut ita loquar, existentiam expectandam esse.

NONDUM ADITA HÆREDITAS.) Sequitur II. Hæreditas iacens defuncti uicem obtinet. l. hæreditas. 34. & 61. D. de acq. rer. dom. ubi Hermogenianus ait, ideo hæreditati non minus quam domino per seruum hæreditarium acquiri posse, quod etiam intelligitur ex l. in eo. 33. & l. sequen. D. eod. l. cum hæreditas. C. de pos. l. nouatio. D. de nouat. l. si ante. D. de interrogat. act. alijsque locis innumeris.



**EIVS QVI IN VTERO EST SERVVS.)** Sequitur III. Servus eius qui in utero est, hæres recte instituitur. l. eius servum. 64. D. hoc tit. ubi Iavolenus ait: Eius servum qui post mortem meam natus erit, hæredem institui posse. Laabeo frequenter scribit, idq; verum esse manifesto argumento comprobatur. quia servus hæreditarius prius quam adcautur hæres dicitur, institui hæres potest: quamvis is testamenti facti tempore nullus sit. Quo in loco diversam ab hac nostra causam commemorat: nam de eo servo nunc agimus, qui testamenti tempore dominum habet, ad eundem vero hereditatis tempore non habet. Sed quæri potest, an ideo alium postumum hæredem hoc modo institui posse dicamus: quod hoc ex loco non sequitur: servum enim non hæredis futuri, sed defuncti personam sustinere, Iustinianus planissime confirmat.

**SERVVS AVTEM PLVRIVM.)** Sequitur IIII. Plurimum servus, cuique eorum quorum iussu hereditatem adierit, acquireret. l. servus communis. 67. D. de acquir. hæred. l. ult. D. de vulg. subst. l. si servus. 50. D. de leg. & fid. 1. Ex quibus locis intelligitur, communem servum alienam hereditatem adeuntem, ipsi tantum acquirere, & quibus cum testamenti factio est, & a quibus adire iussus est: hisq; non pro virili, sed pro dominica parte duntaxat. Quod idem de stipulatione Pomponius tradit in l. si communis. 37. D. de stip. ser.

Et hæredes & hereditatis sue partes quot quisque vult potest facere: neque quisquam nisi miles sit, potest ex parte tantum testatus decedere. l. xij. & l. D. eod.

**V. Et unum hominem, & plures, usq; in infinitum, quot quisq; velit, hæredes facere licet.** Hæredes plerumq; diuiditur in duodecim uncias, quæ assis appellatione continentur. Habent autem & hæ partes propria nomina, ab uncia usq; ad assem: ut puta hæc: uncia, sextans, quadrans, triens, quincunx, semis, septunx, bes, dodrans, dextans, deunx, as. Non autem utiq; semper duodecim uncias esse oportet. nam tot uncie assen efficiunt, quot testator voluerit: & si unum tantum qui ex semisse (verbi gratia) hæredem scripserit, totus as in semisse erit. Neq; enim idem ex parte testatus, & ex parte intestatus decedere potest: nisi sit miles, cuius sola voluntas in testando spectatur. Et è contrario potest quis in quantascunq; voluerit, plurimas uncias suam hereditatem diuidere.

**QVOT QVIS HÆREDES VELIT.)** Enunciatio I. Quot cuiq; testatori placet, tot sibi potest hæredes instituere. l. interdum. 13. §. 1. D. hoc tit. Quod autem usq; in infinitum, Imperator dixit, elatior dictum accipiendum est: nec enim unquam id nisi ex dementis testamento contingeret.

**IN DVODECIM VNCIAS.)** Sequitur II. Hæreditas semper in partes duodecim diuiditur: potest tamen testator, assis partium nominibus ad arbitrium suum abuti. l. interdum. 13. §. 1. & l. servus. 50. in fin. D. hoc tit. quibus in locis summatim id dicitur, quod modo significauimus. nam obscurius à Iustiniāno hic tractatur locus.

**DVODECIM VNCIAS ESSE OPORTET.)** Verbo scilicet, at re semper oportet. Itaq; Vlpianus: Partem, inquit, distribuere hereditatem in tot partes potest, quot voluerit: sed solennis assis distributio in duodecim uncias fit. deniq; si minus distribuit, potestate iuris in hoc reuoluitur. Atq; hoc illud est, quod modo diximus, licere testatori partium assis nominibus abuti, rem tamen semper ad assis rationem reuocatum iri.

**VNUM TANTVM QVIS EX SEMISSE.)** Sequitur III. Qui ex aliquot tantum uncis sine cohærede instituitur, ex toto asse institutus intelligitur. l. cohæredi. 41. in fin. D. de vulg. & pup. sub. ubi Papinianus scribit: Qui certe rei hæres instituitur, cohærede non dato, bonorum omnium hereditatem obtinet.

**EX PARTE TESTATVS, EX PARTE INTESTATVS.)** Sequitur IIII. Nunquam testamentum, nisi militaria sint, sic accipiuntur, ut ex parte valeant, ex parte non valeant. l. ius nostrum. D. de reg. iur. l. 1. C. de test. mil. Causa uidetur esse, quia si simplicem naturæ sensusq; communis rationem spectemus, probabile est cum qui semissem tantum hereditati scripto relinquit, alteri semissem agnatis suis relinquere. quapropter cum in milite hanc rationem simplicem sequamur, ita uoluntate eius interpretamur. At iuris consulti testamenta sic interpretantur, tanquam omnem suam de bonis suis uniuersis uoluntatem testatores in ipsis exposuerint: id est, quasi non de parte tantum, sed de uniuersis bonis testamentum fecerint. Causæ cōstitutionis: Licinius ex besse Titium instituit, eumq; solum hæredem fecit. Eo mortuo cum Titius uniuersam hereditatem adisset, agnatus Licinij semissem petit. Intentio: Semis istius hereditatis meus est: plus enim, quam tibi præfinitum relictum est, occupare non debes. D. Imò meus. Q. Vtrius sit. R. Quia testatores non expromunt in suis testamentis, dimidium tantum suæ mentis atq; uoluntatis, sed suam omnem omnino de uniuersis suis bonis uoluntatem. cum igitur unum à testatore factum hæredem constet, rem ipsam, remota uerbi abusione ac subtilitate spectemus. F. Ac cum præcisè ac discretè tibi certam tantum partem præfinieris, satis indicauit se de illa tantum testamentum fecisse. D. Arcum testatores omnem suam uoluntatem de cunctis suis bonis in testamentis expromant, si quis tamen certa tantum ex parte hæredem instituerit, ex parte tantum testatus uideatur. Respondetur, iure ciuili neminem ex parte tantum testatum intelligi: sed uocabulo abusum esse, partisq; appellatione totum intellexisse. Nam si hereditas ius est succedendi in ius uniuersum, ut Paulus ait: relinquitur, hæredis institutionem esse institutionem successoris in ius uniuersum. quare cum hæres aliquis instituitur, iuris uniuersi possessor ac dominus instituitur.

Si hæredes omnes indefinitis partibus instituantur, assem æqualiter diuident: si aliquot duntaxat, eas quæ supersunt partes. at qui toto asse certis attributo, indefinitè instituuntur, semissem illis adimunt. l. xij. x vij. & x vij. D. eod.

**VI. Si plures instituantur hæredes: ita demum in hoc casu partium distributio necessaria est, si nolit**



si nolit testator eos ex æquis partibus hæredes esse. satis enim constat, nullis partibus nominatis, A  
ex æquis partibus eos hæredes esse. Partibus autem in quorundam personis expressis, si quis alius  
sine parte nominatus erit, siquidem aliqua pars assis deerit, ex ea parte hæres fit. Et si plures sine  
parte scripti sunt, omnes in eandem partem concurrunt. Si uero totus as completus sit, hi qui no-  
minatim expressas partes habent, in dimidiam partem uocantur: & ille uel illi omnes in alteram di-  
midiam. Nec interest, primus, an medius, an nouissimus, sine parte hæres scriptus sit: ea enim pars  
data intelligitur, quæ uacat.

NULLIS PARTIBVS NOMINATIS.) Enunciatio I. Hæredes sine partium definitione instituti, æquis ex  
partibus instituti intelliguntur. l. quoties. 9. §. hæredes. 3. D. hoc tit. ubi Vlpianus ait: Hæredes iuris successores sunt, & si plures  
instituantur, diuidi inter eos à testatore ius oportet, quod si non fiat, omnes æqualiter hæredes sunt. Ratio est, quia si impariter  
illos succedere uoluisset, partes definisset. quis enim illius partitionem mente & animo retentâ alioquin intelligeret? Itaq; idem  
in legatis Vlpianus respondit. l. legata. 19. in fin. D. de leg. 1. In legato pluribus relicto si partes adiectæ nō sunt, æquæ seruantur.

SI QUIDEM ALIQUA PARS ASSI DEERIT.) Sequitur II. Qui cum alijs, certis ex partibus institutis, indefinitè instituuntur, quod ex asse reliquum est, æquabiliter inter se partientur. l. item quod Sabinus. 17. D. hoc tit. ubi Vlpianus ait: Si testator duos ex quadrantibus hæredes scripsit, tertium autem sine parte, hunc quod assis deest, ablaturum: id est, semissem. Videtur enim satis aperte demonstrare, se ex reliqua illum assis parte uelle succedere.

SI VERO TOTVS AS COMPLETVS SIT.) Sequitur III. Qui cum alijs quibus definitè scriptis as  
totus attributus est, hæredes indefinitè scribuntur, semissem illis detractum æqualiter inter se diuidunt. l. item quod Sabinus. 17.  
§. sed si. D. hoc tit. & l. ult. D. de bon. poss. secundum tab. ubi Paulus ait, eum qui sine parte hæres institutus est, uacantem por-  
tionem uel alium assem occupare. Exempli causa: Testator Sempronium ex dodrante, Titium ex quadrante, deinde Næuium  
indefinitè instituit. Hic semissem illis detrabet, sibiq; sumet: & si plures sint indefinitè scripti, semissem illum inter se pariter  
æquabiliterq; distribuent. Ratio duplex est: Nam qui indefinitè scriptus est, aut hæres sit oportet, aut non sit, non esse, nulla ra- B  
tio est: cum contrâ testatorem uoluisset constet. Iam uero si hæres est, aut pari aut impari ex parte succedat oportet. impari, non  
potest: quis enim partem illi suam definit: quum testatoris uoluntas obscura sit, relinquitur ergo, ut pariter cum alijs succedat:  
hoc est, ut Sempronio quincuncem, Titio unciam detrabat: & iam Sempronius trientem, Titius sextantem habeat. Atque hoc  
ipsum usuuenisse in C. Cæsaris testamento uidemus: in quo Suetonius scribit eum tres instituisse hæredes fororum nepotes, C.  
Octauium ex dodrante, & L. Pinarium, & Q. Pædium ex quadrante: reliquos in ina cera. Secunda ratio est, quia si omnes  
indefinitè instituti essent, æqualiter succederent: nunc cum quibusdam suam partem testator præfinierit, relinquitur necessa-  
rio uoluisset alios æquabiliter cum alijs partiri, & aliorum singulis pro rata parte aliquid decrefcere. Hæc cum ita se habeant,  
Vlpianus tamen alijs uerbis rem explicat, eo quem antè citauimus loco. Sed si, inquit, asse expleto, alium sine parte hæredem  
scripserit, in alium assem ueniet: quod si duos scripserit, in unum assem coniungentur. Quid enim? In duos ne asses diuidetur  
hæreditas? nequaquam. iam enim diximus, posse testatorem in quam multis uolet partes, suam hæreditatem diuidere: sem-  
per tamen rem ad assis unius rationem reuocatum iri. quare quod de altero asse Vlpianus ait, eodem redit, ac si dixisset semis-  
sem alijs detractum iri.

Pars uacans unicuique pro rata parte accrescet: exuperans, si quisque definitè sit  
institutus, cuique pro rata decrefcit: sin minus, u cuius pars indefinita  
est, quod dupondio deest, habebit. l. xij. x vij. x viij. D. eod.

VII. Videamus si pars aliqua uacet, nec tamen quisquam sine parte sit hæres institutus, quid  
iuris sit. ueluti si tres ex quartis partibus hæredes scripti sunt. Et constat, uacantem partem singu- C  
lis tacitè pro hæreditaria parte accedere: & perinde haberi, ac si ex tertijs partibus hæredes scripti  
essent. & ex diuerso, si plures in portionibus sint: tacitè singulis decrefcere: ut si (uerbi gratia) qua-  
tuor ex tertijs partibus hæredes scripti sint, perinde habeantur, ac si unusquisque ex quarta parte  
scriptus fuisset. Si plures uncia quam duodecim distributæ sint: is qui sine parte institutus est,  
quod dupondio deest, habebit. Idemq; erit, si dupondius expletus sit. quæ omnes partes ad assem  
postea reuocantur, quamuis sint plurium unciarum.

SI PARS ALIQUA VACET.) Enunciatio I. Pars aliqua post definitas omnes partes uacans, unicuiq; pro ra-  
ta parte accrescit. l. interdum. 13. §. 1. D. eod. ubi Vlpianus ait: Si testator duos ex quadrante scripserit, hæreditas eius residua ac-  
cedit, ut ex semisibus uideantur scripti. Sed si alter ex quadrante, alter ex semisse, hæredes scripti sint: qui accedit quadrans pro  
partibus hæreditarijs, eis accrescit. hoc est, ut cui semis erat relictus, is bessem: cui quadrans, is trientem habeat. Videndum est  
enim, ut quota ex parte superat aliquis in testatoris partitione, eadē ex parte superet in hac accretione. uel hoc modo: ut quam  
rationem habent inter se partes testamento definitæ, eandem in accrescendo retineant.

SI PLVRES HÆREDES SCRIPTI.) Sequitur II. Pars ea qua post definitas cuiusque partes exuperat,  
singulis pro rata portione decrefcit. dicta l. interdum. ubi Vlpianus ait: Sed si testator excefferit in diuisione duodecim un-  
cias, æqua pro rata decrefcet. ut puta me ex duodecim uncis hæredem, te ex sex scripsit, ego hæreditatis habeo bessem, tu  
trientem. Quid ita? quia quota ex parte testatoris partitione te superabam, eadem ex parte te post decretionem supero: nimi-  
rum altero tanto.

SI PLVRES VNCIAE QVAM DVODECIM.) Sequitur III. Qui post assem in alijs definitè scriptis  
superatum sine parte scriptus est, quod dupondio deest, habebit. l. Sabinus. 18. D. eod. ubi Paulus ait: Si plus asse paterfam. di-  
stribuisset, & aliquem sine parte fecisset hæredem, hunc id duntaxat habiturum, quod alteri dupondio deesset. ueluti, Titius ex  
besse.



At de dupondio,

De treffe,

8. 6.	10.	4. 6. 8.	6.
	item,		
4. 3.	5.	2. 3. 4.	3.

12.	9.	6.	9.	12.	12.	9.	3.
4.	3.	2.	3.	4.	4.	3.	1.

**B** tium gratiam operis rationem postremam ducere.

Aliquid aſſi deeſt: tum id  
quod deeſt, in eos qui indefi-  
nite inſtituti ſunt, æquabiliter  
diuiditur.

Partim definitæ,  
partim indefini-  
tæ. Si in partibus  
definitis

Nihil aſſi deest, indefinite  
 instituti, semissem alijs detra-  
 hunt, sibiq; diuidunt.

As superatus est, indefinite  
scripti, quod dupondio deest,  
habebunt.

Omnes definitæ sunt. Ac tum, si quid aſſi deſit,  
unicuique pro rata parte accreſcit: Si ſuperatus aſ  
ſi, cuiq; pro rata parte decreſcit.

C. IDEMQVE EST SI DVPONDIVS EXPLETVS SIT.) Quid tandem? utrum eum qui sine parte nominatus est, quod tripondio decrit, habiturum? At non Superatus dixit, sed Expletus. An igitur ad superiorem §. hoc referamus, ubi dictum erat, eum qui asse alijs distributo, sine parte institutus est, alium assem habiturum, siue semissem alijs detractus? At nulla ratio est, uocem IDEMQVE EST tam longo intervallo ad ea que tam longè remota & disiuncta sunt referre. neque mihi persuaderi potest, hæc eo pertinere: quia tamen alterutrum omnino necesse est, malim EXPLETVS sic accipere, quasi dixisset EXSUPERATVS. ut sit sensus is: Idem esse si dupondius superatus, ut cum as solus: nimirum ut qui sine parte nominatus est, quod tresbi complendo deest, obtineat. Cōmode tamen hoc loco queritur, ecquid in dupondio expleto tantum, ac non superato iuris sit ueluti : Titium ex asse, Mauium item ex asse testator heredem fecit, Sempronium sine parte. Vtrum dimidium utriq; auocabit, ut in asse uno expleto dictum est: unū uero tertium assem habiurus est, hoc est, re ad unum assem reuocata, trientem. Quod apertissime tradi putatur in litem. 17. in f. D. hoc tit. Cuius tamen excogitare rationem nullo modo possum. nam si asse completo, qui sine parte nominatus est, in alterum assem uocatur: resq; ad unum assem reuocata, semissem nullo modo possum. nam si asse completo, qui sine parte institutus est, non eodem modo re ad assem unum reuocata, semissem auferret: quidni dupondio completo qui sine parte institutus est, non eodem modo re ad assem unum reuocata, semissem auferret? Atq; ut uno uerbo sententiam animi mei aperiam, non TRIENTEM eo in loco, sed TRESEM scriptam opinor à Iurisconsulto fuisse, ut sit sensus: Eum qui dupondio distributo sine parte instituitur, non in alium, id est tertium assem uenior à Iurisconsulto fuisse, ut sit sensus: Eum qui dupondio distributo sine parte nominatus, in alterum, id est secundum ueniebat, nam ille tantundem turum: quem idmodum is qui asse completo sine parte nominatus, in alterum, id est secundum ueniebat, nam ille tantundem prorsus habebat, quantum superiores omnes. at si nos hic in tertium assem uocetur, tantundem duntaxat haberet, quantum aliorum uenerat, resq; ad assem unum redacta, trientem tantum obtineret. Venit igitur non ad tertium assem separatim, sed ad aliorum uteruis, resq; ad assem unum redacta, trientem tantum obtineret. Venit igitur non ad tertium assem separatim, sed ad aliorum uteruis, resq; ad assem unum redacta, trientem tantum obtineret.



*Heres & purè & sub conditione institui potest: dies autem conditione impossibilis adiecta, nullius momenti est. l. xxxiiij. D. eod. l. xx. D. de cond. instit.*

VIII. Heres & purè & sub conditione institui potest: ex certo tempore, aut ad certum tēpus non potest: ueluti POST QVINQVENNIUM QVĀM MORIAR, uel EX CALENDIS ILLIS, uel VSQVE AD CALENDAS ILLAS HAERES ESTO. Denique diem adiectum haberi pro superuacuo, placet: & perinde esse, ac si purè heres institutus esset. Impossibilis conditio in institutionibus & legatis, necnon in fideicommissis & libertatibus, pro non scripta habetur.

ET PVRE ET SVB CONDITIONE.) Enunciatio I. Heredem non modò purè, sed & sub conditione institui possumus. l. i. & passim sub tit. de cond. instit. Pura autem dicitur institutio cum condicionali cōparata: hoc est, quæ ab omni conditione pura & seiuncta est, ueluti, Titius heres esto, item, Titius heres esto, si uxorem duxerit.

EX CERTO TEMPORE, AVT AD CERTVM TEMPVS.) Sequitur II. Dies heredis institutioni adiecta nullius momenti est. l. hereditas. 34. D. hoc tit. ubi Papinianus scribit: Hereditatem ex die uel ad diem non rectè dari, sed uitio temporis sublato manere institutionem. Sed quari potest, cur hæc institutio ualeat: Titius heres esto, si uxorem ducat: hæc autem non ualeat, Titius post quinquennium heres esto. nam si Titium finito quinquennio conditionem impleat, & uxorem ducere: quid inter utramq; intererit? sed respondetur, primum sub conditione institutum, si conditio extiterit, semper ab ipsius mortis tempore heredem fuisse uideri. l. heres quando. 54. D. de acq. hered. l. si ex re. §. ult. D. de stip. ser. at institutum ex certo tempore, ante id tempus non fuisse. Deinde, tunc temporis adiectio rejicitur, quia hereditas successio est in ius: at ius non minus in dando, quàm in accipiendo est: ueluti, si æris alieni magna copia relicta est. Hæc enim sequuntur incommoda. nam siue ad quinquennium Titius heres sit, cogetur æs alienum intra illud tempus persolvere: siue post quinquennium, creditores interea quicquid reperient, distrahent, nullamq; prorsus hereditatem relinquunt. Quod si Titius ad hoc quinquennium, Mauius autem in perpetuum tempus post illud quinquennium instituatur, neuter satisfacere se creditoribus debere defendet: aut si Titius cogatur, iniuria cogitur. Quinetiam si locuples sit hereditas, testatus quis ex parte isto modo decederet, nam quid ad tempus, aut ex tempore tantum suis bonis fieri uellet, ostenderet, at ius ciuile statuit, ut testator suam uoluntatem de perpetuo tempore exponeret.

IMPOSSIBILIS CONDITIO.) Sequitur III. Impossibilis conditio quacumq; in testamēti parte adiecta sit, pro non adiecta numeratur. l. mulier. 20. D. de cond. instit. & l. ab omnibus. 104. §. 1. D. de legat. 1. Est autem impossibilis, cui natura impedimento est quò minus existat: ut aut Imp. §. si impossibilis. infra de inut. stip.

*Si plures institutioni conditiones adiectæ sint, coniunctas quidem omnes expleri oportet: disjunctas, ex parte tantum. institui autem heres etiam ignotus potest. l. v. de cond. inst. l. xv j. C. hoc tit.*

IX. Si plures conditiones institutioni adscriptæ sunt, si quidem coniunctim, ut puta SI ILLVD ET ILLVD FACTVM FVERIT: omnibus parendum est. si separatim, ueluti SI ILLVD AVT ILLVD FACTVM ERIT: cuilibet obtemperare satis est. Ij quos nunquam testator uidit, heredes institui possunt: ueluti, si fratris filios peregrinatos, ignorans qui essent, heredes instituerit: ignorantia enim testantis inutilem institutionem non facit.

SIQVIDEM CONIUNCTIM.) Enunciatio I. E' pluribus conditionibus quæ coniunctæ sunt, impleri omnes oportet: quæ disjunctæ, ex parte tantum. l. si heredi. 5. D. de cond. instit. l. si quis ita. 129. D. de uerb. oblig. l. si is qui. 13. §. cum ita. D. de reb. dub.

QVOS NVNQVAM TESTATOR VIDIT.) Sequitur II. Heredem etiam cum quem nec uidimus, nec nouimus, institui possumus. l. extraneum. 16. C. de hered. instit.

PEREGRINATOS.) Sic habent omnes quos mihi uidere licuit manuscripti libri, quibus cum Theophilus consentit. Peregri autè & peregrè dici, Charisius lib. 2. his scribit uerbis: Peregri, cum in loco est. Plautus in Persa: Quia herus peregri est. Peregrè, cum abit quis, dicimus in locum, ut Titinius in Tibicena: Vt hic legatus abit peregrè publice. Hoc etiam Iacobus Cuiacius, uir doctissimus, animaduertit & admonuit.

## DE VVLGARI SVBSTITVTIONE.

### TITVLVS XV.

*In defectum heredum institutorum alios sufficere, & unum uni, plures pluribus, plures uni, unum pluribus, ipsos uel institutos inter se substituere possumus. l. 36. D. eod.*

» I. Poteſt autē quis in testamento ſuo plures gradus heredū facere: ut puta, SI ILLE HAERES NON ERIT, ILLE HAERES ESTO: & deinceps, in quantum uelit testator, ut nouissimo loco in subsidium, uel ſeruum neceſſarium heredem instituere poſſit. Et plures in unius locum poſſunt ſubſtitui, uel unus in plurium, uel ſinguli ſingulis, uel inuicem ipſi qui hæres deſiſtituti ſunt.

PLVRES



**B** iam eum occupavit. ut omnis institutus quum hereditatem adiit substitutus proprie decernis fit. & institutus, qui agnam non nuncupatus aut scriptus est substitutus, qui successit. ita institutus in specie substitutus in re ac possessione est. Hoc cum ita se habebant, substituti tamen vocabulo sic abutimur: ut eum qui secundo tertio uel gradu in aliorum defectum designatus & institutus est substitutus dicatur. Huius autem substitutionis due species uidentur: Pupillaris & Vulgaris. Pupillaris est, quae pupillari tantum aetate fit: eaque proprie substitutio nominatur: Vulgaris, quae omni aetate. Pupillaris formula huiusmodi est: Filius meus haeres esto. si haeres erit, & antequam in suam tutelam uenerit, moriatur: Titius ei haeres esto. Vulgaris autem haec: Titius haeres esto. si non erit, Mauius esto. Atque haec quidem cum usitata & peruiulgata nostrorum consuetudine consistunt. Illud paulo alienius uidebitur, quod subscribemus, hanc usitatum diuisionem non summam, sed specialem esse: hoc est, non ad genus substitutionum, sed ad eam proprie pertinere quae fit impuberibus, quam pupillarem appellamus: ut Vulgaris tum dicatur cum eo modo facta est, quo uulgo in extraneis uti solemus: Pupillaris, quo de morte intra pupillarem aetatem contingente cauemus, quo eodem modo uidemus apud Vlpian. cap. Instit. xx. Cretionem uulgarem dici, quae uulgaris, ut ita loquar, & frequentius usitata est, cum hisce uerbis: Quibus scieris poterisq; continuam, quae & rarius fit, nec cum hisce uerbis fit. Id autem uerum esse, Vlpiani ea quae subscribemus uerba facile declarant. Sunt autem Instit. cap. 23. Liberis impuberibus in potestate manentibus, tam natis quam postumis haeredes substituere parentes possunt duplici modo: id est, aut eo quo extraneis, ut si haeredes non existerint liberi substitutis haeres fiat aut proprio iure, id est, si post mortem parentis haeredes facti intra pubertatem decesserint, substitutis haeres fiat. Harum autem quadruplex est differentia. nam Pupillaris, huic tantum aetate: Vulgaris, cuius fieri solet. illa solis filijsfam. haec cuius siue filijsfam. fit siue emancipatus siue extraneus. illa haeredem filio designat: haec testatori. illa proprie substitutio, haec proprie institutio est.

**C** ET PLVRES IN VNIVS LOCVM.) Sequitur III. Heredes substitui & singuli singulis, & plures plu-  
ribus, & plures uni, & unus pluribus, & instituti inter se possunt. l. potest. 36. D. hoc tit. Singuli singulis, Titius hæres esto: si  
Titius non erit, Mænius esto. plures pluribus, Titius & Mænius hæreses sunt: si non erunt, Seius & Flavius. plures uni, Ne-  
mus hæres esto: si non erit, Quintius & Sextius sunt. unus pluribus, Septimius & Octavius hæreses sunt: si non erunt, No-  
nius esto. Instituti inuicem, Octavius, Nonius, Decius hæreses sunt, inuicemq; substituti sunt. Horum quinque generum, si  
quod est quod difficultatem habeat, postremum mihi posissimum uidetur: sed de eo proximo §. differendi locus erit. nam quara-  
tum quidem mihi nullam dubitandi causam habere uidetur. Cum enim ita dictum est, Titius & Mænius hæreses sunt: si non  
sint, Sempronius esto: primum omnium constat illos primo amoris esse gradu: hunc autem secundo. atque ob eam causam non  
ambos tantum, sed & singulos huic in amore præferri. quod si ita est, quod ad unus illorum hæres esse poterit, huic locus nullus  
est. Deinde qui sic loquitur, si non sint, de utroque sensisse intelligitur: quasi dixisset, si non sint primi hæreses, secundus esto: uel  
si neuter sit, alius esto. ita que ut sine liberis non moritur, cui filius unus superses est: sic sine primis heredib. non decessit, cuius  
hereditatem unus ex institutis adit. atque id ipsum apertissime traditur in l. quamuis. 4. C. de impub. & al. sub. Qua de causa  
mirari satis non possum, quod scribit Iustinianus l. cum quidam. 10. sub eod. tit. dubitasse ueteres an substitutus admittendus  
esset, altero ex institutis filius mortui: cum aperte scriptum esset, si uterq; moriatur. ridiculq; uidetur interpretes qui quasi  
de re dubia decidunt, aliud esse si dixerit, si primus uel secundus moriatur. nam si utriusque mortem requirit testator, & quid  
est quod in dubium uocari possit: si alterutrius tantum, eodem modo. Nec obstat l. pen. D. de iust. test. Vbi non unus  
duobus, sed singuli singulis erant substituti: quod aperte Scæuola demonstrat, cum dicit, a sub-  
stitutis nostris. Multo minus obstat l. hæreses, 57. §. 1. D. ad Treb. Vbi  
neptis substituta non succedit in prioris demortui  
locum, sed in posterioris.

Qui disp



*Qui dispariter institutos inuicem indefinite substituit, tacite partes easdem repetisse intelligitur: ei uero substitutus qui cohæredi suo substitutus est, utriq; substitutus censetur. l. j. C. de impub. & l. xiiij. & l. xxvij. D. hoc tit.*

II. Et si ex disparibus partibus hæredes scriptos inuicem substituerit, & nullam mentionem in substitutione partium habuerit, eas uidetur in substitutione partes dedisse, quas in institutione expressit. & ita diuus Pius rescripsit. Sed si instituto hæredi, & cohæredi suo substituto alius substitutus fuerit: diui Seuerus & Antoninus sine distinctione rescripserunt, ad utranque partem substitutum admitti.

EAS VIDETVR IN SVBSTITVTIONE PARTES.) Enunciatio I. Impariter instituti si sine parte inuicem substituantur, ex iisdem quibus instituti sunt, partibus substituti intelliguntur. l. si plures. 4. D. eod. ubi Vlpianus exemplum affert huiusmodi, Si unus ex uncia, secundus ex besse, tertius ex quadrante sit institutus, repudiante tertio in nouem partes diuidetur quadrans: ut secundus octo, primus unam auferat. Eodem modo si primo tres, secundo quatuor, tertio quinque relicte sunt, & tertius repudiet, quincunx in septem diuidetur partes: & quibus quatuor secundus, tres primus auferet. Obseruandum autem est, huic questioni locum, nisi cum plures quam duo instituti sunt, non esse. nam si duo tantum instituti sunt, quod dubitetur non erit. quod enim ex asse reliquum est, habeat is qui superest oportet. Quatuor autem institutis locus questionis esse potest. ueluti primo 2. secundo 3. tertio 4. quarto 3. si quartus repudiet, quadrans eius in nouem diuidetur partes, quarum duæ primo, tres secundo, quatuor tertio attribuentur. Idemq; perspicue traditur in l. 5. & 8. in fin. D. hoc tit. Et ita D. Pius in l. 1. C. de impub. & al. subst. unde locus hic descriptus uidetur:

AD VTRANQVE PARTEM ADMITTI.) Sequitur II. Quem testator ei substituit, quem cohæredi suo substituerat, utriq; eum substituisse iudicatur. l. si Titius. 27. & l. cohæredi. 41. D. hoc tit. Causæ constitutio: Testator ita scripsit, Titius & Mæuius hæredes mei sunt. Si Mæuius hæres non erit, Titius esto. Si Titius non erit, Sempronius esto. Mortuo testatore Titius repudiat. Sempronius eius partem petit, quam Mæuius sibi accreuisse defendit. Intentio Sempronij: Hic semper meus est. D. Imò meus. Q. Vtrius sit. R. Quia ordo scripturæ demonstrat te substitutum esse Titio substituto, non autem instituto. irrita autem & inanis fuit substitutio Titij: inanis ergo tua sit necesse est. F. At cum indistincte dictum sit, si Titius hæres non sit, de utraque intelligi oportet: quasi dictum sit, siue ex institutione, siue ex substitutione hæres non sit. D. An substitutus ei qui cohæredi suo substitutus est, quia indefinite dictum est, si hæres non erit, in utrumque casum substitutus intelligatur. Respondetur id omnino iudicandum esse: præsertim cum substitutionem cohæredum non recipiendo, sed solum Titium substituendo, eiq; tertium nominatim sufficendo satis ostenderit se Mæuii spem adipiscende partis Titij præcidere. Quare hæc triplex formula, Titius & Mæuius hæredes sunt: Si Mæuius hæres non erit, Titius esto: Si Titius hæres non erit, Sempronius esto: perinde accipienda est, quasi sublata media, duabus tantum partibus constaret hoc modo, Titius & Mæuius hæredes sunt. Si Titius hæres non erit, Sempronius esto. Nam si amoris gradus hac in re consideremus, quamuis Mæuius, quam diu manet Titius, Sempronio anteponatur, tamen sublato Titio exæquatus est.

SINE DISTINCTIONE.) Hoc est, siue Titius solam institutionem, siue & institutionem & substitutionem quæ mortuo Mæuii ei competeat, repudiarit.

*Qui seruo alieno quem testator patremfam. putabat, substitutus est, quamuis domini iussu seruus adierit, in partem tamen hæreditatis uocabitur.*

*l. xl. & xl. j. de hæred. instit.*

III. Si seruum alienum quis patremfamiliæ arbitratus, hæredem scripserit: & si hæres non esset, Mæuium ei substituerit: isq; seruus iussu domini adierit hereditatem, Mæuius in partem admittitur. illa enim uerba: SI HÆRES NON ERIT, in eo quidē quem alieno iuri subiectū esse testator scit, sic accipiuntur: si neq; ipse hæres erit, neq; alium hæredem effecerit. in eo uero, quem patremfamiliæ esse arbitratur, illud significant: si hæreditatem sibi citæ, cuius iuri postea subiectus esse ceperit, non acquisierit. Idq; Tiberius Cæsar in Persona Parthenij serui sui constituit.

SVBSTITVTYS IN PARTEM ADMITTITVR.) Enunciatio I. Substitutus ei seruo quem testator patremfam. putabat, etiam illo adeunte ad partem admittitur. l. si paterfam. 40. D. de hæred. instit. Causæ constitutio: Testator Parthenium Cæsar's seruum libertum esse putans, sibi cum hæredem scripsit: eiq; Mæuium substituit. mortuo testatore Cæsar seruum suum adire iubet, sibiq; hæreditatem attribuit. Mæuius eam ad se substitutionis iure pertinere contendit: non enim seruum hæredem esse posse. Intentio est: Hæc hæreditas mea est: hæres enim Parthenius esse non potest. D. Imò mea. Q. Vtrius sit. R. Quia uoluntas testatoris impleta est, qui suam hæreditatem eius domini esse uoluit, cuius imperio institutus, si hæreditatis adeundæ tempore seruus esset, adiret. F. At hæc ita demum uoluntas testatoris fuit, si is quem instituebat, seruus post testamentum efficeretur. D. Vtrum uoluntas testatoris seruo quem liberum putabat, substituentis, ad eum tantum qui post seruus fiet, an etiam ad eum qui iam seruus est, pertinere uideatur. Respondetur: ad hunc etiam pertinere. Cuius rei rationem modò planius aliquanto exponemus. Sed quæri potest, ualeat ne institutio serui, quem testator liberum existimabat, nam si in testamentis uoluntas dominatur, quid tam contrarium uoluntati quam error? Quod si ipsa per se non ualet institutio, ridiculum est dicere institutionem propter substitutionem ualere. l. ex pupillari. 44. D. hoc tit. Intestatus ergo decesserit Sempronius, necesse est: nam si non ualet institutio, nec substitutio ualebit. Nec ad rem pertinet l. 3. C. de hæred. test. ubi de militis equitisq; testamento agitur, ob eamq; causam sola eius uoluntas exquiritur. Hanc ergo dubitationem ita magnam arbitror, ut mihi hac una ratione tolli posse uideatur: si dicamus seruum non solum, sed cum alio pluribus uel institutum fuisse: quo casu de testat



**A** de testamenti firmitate dubitandi causa non erit. nam siue excludatur, siue admittatur seruus, primus semper hæres erit: ac tantummodo controuersia relinquitur inter seruum & substitutum, quem uerum & unicum esse controuersia nostra casum, postrema Iuliani uerba apertissime ostendunt. Igitur, inquit, in hoc casu semisses scientia ut alter semis inter eum qui dominus instituit hæres fuerit, & substitutum a quis portionibus diuidatur. Neque nobis aduersatur, quod superior respo. pars nulla de cohærede mentionem faciat: primam enim eius partem à Triboniano per imprudentiam rescitam fuisse, uerba hæc legis postrema non obscurè demonstrant. Quod enim Iacobus Cuiacius uir diligens & eruditus putat, As legendum esse: Tribonianum autem A. pro Alter, S. pro semis interpretatum, adduci ut uerum credam, non possum: primum, quia neque A. fuisse notam pro Alter, legerim: deinde, quod sine causa in re tam facili & aperta, tam stupide acuum uideri uoluisse Tribonianum, non putem: præsertim cum Latine uel leuiter intelligenti dubium uideri non possit, quin si seruus solus institutus esset, uox As optime commodissimeq; conueniret.

**ILLA VERBA: SI HÆRES NON ERIT.)** Sequitur II. Verba hæc: Si hæres non erit, in seruo instituto uarie pro testatoris uera falsa ue opinione intelliguntur. l. si paterfam. 40. D. de hæred. inst. Sensus autem est: Qui seruum instituit, aut scit esse seruum, aut nescit, sed liberum existimat. si seruum esse scit, hoc significat: Si neque seruus manens suo domino, neque liber factus, sibi acquisierit. si liberum existimat, tum hoc significat: Si neque sibi, liber manens: neque seruus factus suo domino acquisierit. Horum autem duorum posterius tantum, idq; ex posteriore tantum parte ad hanc causam pertinet: posterius, quia liberum existimabat: ex posteriore, quia suo domino acquirit. In eo tantum differentia est, quod testator de futuro domino cogitauit: cum iam præsens sit dominus. Ex quo intelligitur, neque nulla ex parte, neque etiam omni ex parte domini uoluntatem impleri. Voluit enim testator eum, si hæreditatis adeunda tempore seruus esset, & iubente domino adiret, substitutum excludere: quorum quidem utrumque accidit, ac proinde substitutus excluditur. sed tamen id ita sentiebat: Si seruus fiat, & recentis domini iussu adeat: quod quia non contingit, admitti solum debere substitutum uideatur. Cum igitur utriusque rationis momenta paria quodammodo uiderentur, & neque in totum remouendus, neque in totum admittendus esset Parthenius: Iurisconsultis placuit, id quod in rerum natura est tertium sumere: nimirum ut partem hæreditatis caperet, partem substituto relinqueret. Atque hanc Iurisconsultorum sententiam inuat non mediocriter, quod legimus in l. si iam facta. 11. D. de cond. & demonst. Si iam facta sint, quæ conditionis loco ponuntur, & testator nesciat, in præsentia debentur. Cuius rei exemplum ab hoc nostro non alienum Paulus exposuit in l. Titius. 25. §. 1. D. de lib. & post. Alexander autem in d. l. 3. C. de hæred. inst. eam hac eadem in causa rationem sequitur, quam tenere uel rarissime, uel nunquam possumus. nimirum ut distinguatur testatoris uoluntas, utrum in persona nominata diserte consistere hæreditatem uoluerit, an eius esse, cui acquiri posset. nam quando tandem id constare poterit: imò uerò si certum est testatorem credidisse tunc seruum esse liberum, probabilius est eum uoluisse hæreditatem in eius persona tantum ad hærescere. quo casu, ad nostram hanc interpretationem uoluntatis recurrendum erit: ut hæc uerba, Si non erit, sic intelligamus, Si uel liber manens, repudiari uel seruus effectus, iubente domino non adierit.

**TIBERIVS CAESAR IN PERSONA PARTHENII.)** Theophilus, Pius Caesar. multi codices, Titus Caesar. Errorem ex nota mansisse constat: cum Ti. Tiberium, T. Titum significet. Placeret autem Titum legi, ut ad T. Antonium Pium auctore Theophilo referamus.

## DE PUPILLARI SUBSTITVTIONE.

### TITVLVS XVI.

*Filiosam. pater ita substituere potest: si uel hæres non erit, uel impubes decesserit.*

*& priore casu, substitutus patri fit hæres: altero, ipsi filio. cui moribus licet adusq; pubertatem hæredem attribuere. l. 1. & 2. D. eod.*

**I.** Liberis suis impuberibus, quos in potestate quis habet, non solum ita, ut supra diximus, substituere potest: id est, ut si hæres ei non extiterint, alius sit ei hæres: sed eo amplius, ut si hæres ei extiterint, & adhuc impuberes mortui fuerint, sit eis aliquis hæres: ueluti si quis dicat hoc modo: **TITIVS FILIVS MEVS HÆRES MIHI ESTO. SI VERO FILIVS MEVS HÆRES MIHI NON ERIT, SIVE HÆRES ERIT, ET PRIVS MORIATUR, QVAM IN SVAM TVTELAM VENERIT, TVNC SEIVS HÆRES ESTO.** quo casu, si quidem non extiterit hæres filius, tunc substitutus patri fit hæres: si uerò extiterit hæres filius, & ante pubertatē decesserit, ipsi filio fit hæres substitutus. nam moribus institutus est, ut cum eius ætatis filij sint, in qua ipsi sibi testamentum facere non possunt, parentes eis faciāt.

**NON SOLVM ITA, VT SVPRÀ DIXIMVS.)** Enunciatio I. Pater filiosam. hoc utroque modo rectè substituit: Si uel hæres non erit, uel impubes decesserit. l. 1. & 2. D. eod. Ac prior quidem propriè institutio est, uti superius docuimus: altera uerò substitutio. itaque paulo post ait, Mortuo ante patrem filio, nominatum, non filio, sed patri hæredem fore: post patrem uerò, & in pubertate, non patri, sed filio. Ex quo intelligi potest, quæ huiusce substitutionis comparandæ, atque in mores inducendæ, causa fuerit: nimirum, ut agnati proximi, legitimiq; hæres ab hæreditate remouerentur. Cum enim impuberes testamentum non faciunt l. 5. de qua ætate. D. de testam. is post patrem mortuis, uenturi ad successionem erant, qui proximo agnationis erant gradu. At paterfam. remouere illos uolens, suaq; bona in extraneum aliquem bene meritū transferre: uel unum aliquem ex agnatis deligere, qui solus bona sua obtineret: in suo testamento non modò sibi, sed etiam filio hæredem instituere, atq; assignare potest. quod ipsum apertissime traditur in l. si testamento. 17. C. de impub. & al. subst. ubi pupilla cui pater







**A** DVO QVODAMMODO SVNT TESTAMENTA.) Enūciatio I. Qui pupillariter substituit, quasi duo testamenta, uel certe duarum hereditatum unum testamentum facere uidetur. l. 2. §. 3. D. eod. & l. patris. 20. eod. ubi Vlpianus ait: Patris & filij testamentum pro uno haberi, etiam iure prætorio, eoq; sufficere tabulis patris esse signatas, etsi reasignate sint filij: & septem signa patris sufficere. Potius ergo unum testamentum est: hereditates due. nam etsi duobus heredes attribuantur, patri, inquam ac filio: tamen quoniam id sub disunctione & conditione fit, si filius impubes moriatur: unum potius patris testamentum appellatur: quæ uerò pars filio substitutum attribuit, eius testamenti appendix quædam & sequela. l. pen. D. quemad. test. tab. Ex quo euenit, ut quem sibi necessarium heredem pater potest facere, eundem etiam filio possit: possit etiam fratrem posthumum filio substituere: quamuis frater fratri sit postumus alienus. l. 2. §. 3. & l. sed si. 19. §. 1. D. de uulg. & pupill. quin etiam re coniuncti dicuntur, quorum alteri in paternis, alteri in pupillaribus tabulis eadem res legata est. l. planē. §. si coniunctim. De legat. & fid. lib. primo. deniq; una Falcidia in utriusq; hereditate seruatur. l. in ratione. D. ad leg. Falc. Præclare autem queritur hoc loco, utrum nihil intersit, prius ne filio an sibi testator heredem instituerit: quæ res ab Vlpiano disputatur in l. 2. §. 3. D. de uulg. & pup. Sed quoniam eius disputatio spinosa multis, nec iniuria, uidetur: remota Vlpiani auctoritate rem ipsam per se consideremus. Primum omnium satis constat, ante Iustiniani legem heredis institutioni primum in testamentis locum attribuendum fuisse: quod si legata præcederent, uitiosum testamentum fuisse. §. ante heredis. infra de legat. & l. ambiguitates. 24. C. de testament. & apud Paulum lib. Sent. 3. cap. De legatis. Quod cum ita sit, uideamus ne qui filio, quem exheredaturus est (nam de hoc solo disputari potest) prius quam sibi heredem instituit, alienis de rebus prius statuere uideatur, quam de proprijs: ac proinde morem institutumq; scribendi testamenti multo magis peruertat, quam si de suis rebus legandis statueret. Ut igitur uitiosum testamentum iudicetur, primum, uti modò diximus, filium exheredari oportet. alioqui si scriptum ita sit, Si filius impubes moriatur, Titius hæres esto: Filius hæres esto: nemo, Latina quidem lingua uel mediocriter eruditus, non uidet, idem esse quasi dictum sit, Si filius quem heredem instituo, impubes moriatur, Titius hæres esto, secundò necesse est non modò illum exheredari, uerum post testamentum ipsi scriptum, id fieri oportet. quoniam si sic dicat: Filius exhæres esto, si filius impubes, &c. uel sic, Si filius quem exheredo impubes moriatur, &c. & suas res prius administrasse intelligitur, quam alienas: sibiq; prius quam filio testamentum scripisse: & ab heredis institutione initium fecisse. cum Vlpianus in l. 1. D. de hered. inst. scribat, ab exheredatione licere testamentum incipere. Oportet igitur filio suo prius & quasi separatim (in ipsa tamen tabulis) testamentum scribat, hoc modo: Si filius impubes moriatur, Titius ci hæres esto. deinde sibi seorsum, Maius mihi hæres esto. Filius exhæres esto. Quo præpostero & peruerso modo non dubito quin testamentum, si ias antiquum spectemus, uitetur. eamq; fuisse Iuliani sententiam, nemo dubitat ex d. l. 2. §. 3. quam etiam Imperatoris rescripto comprobata & confirmata Vlpianus eodem loco testatur. neq; ijs assentior, qui IMPROBATAM respondent: duntaxat, ut paragraphi principium cum fine concilient: quorum magnam nos quidem repugnantiam ac dissensionem esse putamus, nimirum, cum initio de alieni heredis institutione, post de sui Vlpianus tractet. quod eius uerba non obscure meo iudicio demonstrant: ubi toties inculcatur, prius heredem debere sibi testatorem scribere, deinde filio. nam si de filio sensisset, nunquam ita locutus esset, sed hoc modo: Prius filium heredem scribi debere, deinde filio adscribi. Atque hoc ipsum subiecta ratio comprobatur. Constat enim (inquit) unum esse testamentum, licet due sint hereditates. hoc est, si duo testamenta essent, unum filij, alterum patris, in diuersis tabulis scriptum, totidemq; testium signis obsignatum, non noceret Regula iuris, quæ paterni testamenti initium in heredis sui institutione consumi iubet. nam in secundis tabulis quæ patris propriae sunt, id obseruatum inueniretur. At quoniam unum testamentum est, nocet hæc regula: quæ non modò alienas res, sed ne suis quidem administrari prius patitur, quam heredis institutio transacta sit. Quod autem ait, Licet due sint hereditates, fortasse dicet aliquis, etiam ad eum casum pertinere, quo filius institutus est. Nam quod impuberi obuenit, diuersum quiddam ab hereditate paterna uidetur. Sed respondemus primum eo casu quo filius exheredatus est, uerissime certissimeq; Vlpiani uerba locum habere, cum tam diuersis, uarijsq; ex fontibus hereditates profluxerint. Eo uerò casu quo institutus est, licet ei obuenire aliquid possit, tamen quia raro id accidit, nihil proprie de eo constituit: & si quando id ueniat, tamen hoc quicquid est, ita paternam in hereditatem coalescet, ut una eademq; iam hereditas numeretur. quemadmodum apertissime Iulianus tradit in l. præterea. 28. D. de reb. auct. iud. poss. adeò ut substitutus alteram adire sine altera non possit. l. sed si plures. 10. §. 3. D. de uulg. & pup. Et quamuis etiam cum aduentitia nulla re aucta est hereditas, sed eadem permansit, due tamen subtili ratione numerentur hereditates: patris scilicet, ac filij: pinguis tamen rem æstimantes, itcirco unam tantum hereditatem esse dicimus, quia filius impubes nunquam plenum perfectumq; dominium ac hereditatem habuisse uidetur, quippe qui alienæ potestati intelec; subiectus, nullam eius administrandæ potestatem habuerit.

*Si substitutio hæc pupillo periculosa est, potest testator eam in ima parte tabularum scribere, quam lino traiecto constrictam obsignabit, & ne ante pueri uel mortem uel pubertatem aperiatur, cauebit.*

*l. viij. D. test. quemad. ap.*

**IIII.** Sin autem quis ita formidolosus sit, ut timeat, ne filius suus pupillus adhuc ex eo, quo palam substitutum acceperit, post obitum eius periculo insidiarum subiaceat: uulgarem quidem substitutionem palam facere, & in primis testamenti partibus ordinare debet. illam autem substitutionem, per quam, & si heres extiterit pupillus, & intra pubertatem decesserit, substitutus uocatur: separatim in inferioribus partibus scribere, eamq; partem proprio lino, propriaq; cera consignare, & in priore parte testamenti cauere, ne inferiores tabulæ uiuo filio & adhuc impubere aperiantur. Illud palam est, non ideo minus ualere substitutione impuberis filij, quod in eisdem tabulis scripta sit, quibus sibi quisq; heredem instituisset, quamuis pupillo hoc periculosum sit.

**VT TIMEAT NE FILIUS.)** Enūciatio I. Hæc substitutio pupillis periculum à substituto creare solet: p at uulgaris



at vulgaris, non potest. Nam vulgaris in pupilli persona uno tantum casu locum habet, si patre uiuo moriatur. Itaq; periculum nullum à substituto creari pupillis solet: quippe qui se non nisi tabulis post testatoris mortem aperitis, substitutum sciet. At qui pupillariter substitutus est, id est mortuo parente, pueri custode cognoscit: & uiuo puero, eoq; facile pueri uitæ insidias struet. Vnde illud Persianum Satyra secunda:

— Pupillumue utinam quem proximus hæres,  
Impello, expungam. —

SEPARATIM IN INFERIORIBVS PARTIBVS.) Sequitur II. Periculum à substituto arceri potest, tabulis inferioribus in quibus illa scripta sit, lino traiecto constringendis, atq; obsignandis. l. pupillares, 8. D. test. quem ad. aperiant. Vbi Vlpianus huius facti exemplum profert. & l. ult. D. de fideicom. lib. Vbi Paulus testamentum edit, cuius in infima nouissimaq; parte pupillaris substitutio adscripta est. & l. ult. D. ad Trebell. ubi testator filio, si intra pubertatem decessisset, secundas tabulas fecisse dicitur, quas matri eius commendauit, aperiend. is si impubes obijisset. Vtrum autem codicem, an uolumen significet, ut in illo postrema tabellæ, in hoc prima pars gyri, qualem in membranis Tabelliones faciunt, obstringatur: non facile dixerim. utrumq; autem fieri posse, res indicat. Atq; huc illud Suetonij pertinet quod ex Nerone subscribens: Aduersis falsarios tunc primum repertum, ne tabula, nisi pertusa, ac ter lino per foramina traiecto, obsignarentur. Cautum ut in testamentis primæ duæ ceræ testatorum modo nomine inscripto uacua signaturis ostenderentur. Causa autem libro Institut. 2. cap. 4. id quod ad Iustiniani sententiam pertinet, ita scribit: Sed pupillaris substitutio ita secreta esse debet, ut ad notitiam substituti peruenire non possit, ne uitæ pupilli aliquis substitutus insidias molitur. nam in extrema pagina testamenti fieri debet, ut pars illa in qua substitutio pupillaris scripta est, quamdiu pupillus annos pubertatis egrediatur, obsignata permaneat, & prior pars testamenti, in qua hæres scriptus est, resecretur.

NON IDEO MINVS VALERE.) Sequitur III. Non si isdem in tabulis institutio & substitutio scriptæ sint, ideo minus ualeat substitutio. IN TABVLIS autem isdem, antiquè posuit, ut IN EADEM CERA: cum in eadem pagina, uel folio nunc dicamus.

Hæc substitutio fieri etiam ex hæredato filio potest: omniaq; illius aduentitia emolumenta substituto attribuuntur. superior autem omnis disputatio ad postumos etiam pertinet.  
l. j. & x. D. eod.

V. Non solum autem hæredibus institutis impuberibus liberis, ita substituere parentes possunt, ut si hæredes eis extiterint, & ante pubertatem mortui fuerint, sit eis hæres is, quem ipsi uoluerint: sed etiam ex hæredatis. Itaq; eo casu si quid pupillo ex hæreditatibus, legatis, uel donationibus propinquorum atq; amicorum adquisitum fuerit: id omne substitutum pertinebit. Quæcunque diximus de substitutione impuberum liberorum, uel hæredum institutorum uel ex hæredatorum, eadem etiam de postumis intelligimus.

SED ETIAM EXHÆREDATIS.) Enunciatio I. Substitutio etiam ex hæredato facta, ualeat: & aduentitia pupilli emolumenta complectitur. l. 1. D. eod. Vbi Modestinus scribit, substitui etiam ex hæredatis liberis posse: & tam eum quem hæredem nobis institumus, quam alterum. Item Vlpianus l. sed si plures. 10. §. 4. D. eod. Ad substitutos, inquit, pupillares pertinent, & si quæ postea pupillis obuenerint. neq; enim suis bonis testator substituit, sed impuberis: cum & ex hæredato substituere quis possit. Sed queri potest, quibus hæc substitutio uerbis concipienda sit. Non enim ijs certè, quibus hæredes filio instituto substituitur. nimirum, si hæres non erit: aut si hæres sit. Hoc igitur modo concipienda hæc erit, Filius ex hæres esto. Si filius ante moriatur, quam in suam tutelam uenerit, Titius hæres esto. Causæ constitutio: Testator filio ex hæredato Titium ita substituit, si filius impubes moriatur, Titius ei hæres esto. mortuo testatore, ac postea etiam pupillo, Titius hæreditatem petit. Possessio substituto à Prætoribus data est. Intentio est agnatorum, Nostra pecunia est, de qua is, cuius agnati sumus, testatus non est. Depulsio est: Imò nostra. quia patris testamento substitui sumus. Q. Vtrorum sit. R. Pater enim & sibi & filio testamentum scripsit, dum is pupillus esset. Quare quæ filij fuerunt, testamento patris nostra fiant necesse est. F. At lex XII. Tab. potestatem non alienæ, sed suæ rei testamento ad alium transferendæ permittit. D. An cum patri permittitur filio testamentum scribere, non tamen de re sui filij propria, & aliunde quam à patre ipsi quesita, statuere permittatur. Respondetur, permitti: quoniam qui pupillariter substituitur, non patri, sed filio hæres attribuitur. Ex quo intelligi potest quid iuris in ea controuersia statui possit, quam Cicero libro de Inuent. 2. protulit. Vbi, pupillum hæredem fecerat, eiq; pupillariter substituerat. Interea bona quædam aduentitia, hoc est aliunde quam à patre, pupillo obuenerunt. Quærebatur, eo impubere mortuo, ad quem hæc aduentitia pecunia pertineret, ad substitutum, an ad agnatos. Eiusdem modè controuersia illa est, de qua Iuolenus scribit in l. paterfam. 28. D. de reb. auet. iud. poss. Vbi pupillus cui substitutus à patre fuerat, paterna quidem hæreditate se abstinere, aduentitium autem amplectebatur. Et cum eius impuberis mortui substitutus hæres esset, quærebatur an ideo creditoribus paternis actio in istum danda esset, quod unum esset testamentum. Respondetur autem eo non dari, quia duæ sunt hæreditates, inter se dissimilissimæ, diuersissimæq; ex fontibus promanantes.

ETIAM EXHÆREDATIS.) At non etiam præteritis. nam filiorum præteritis, quemadmodum superius ex postumus, inutile & nullius momenti testamentum reddit. l. 1. D. de iniust. rupt. l. inter cetera. 30. D. de lib. & post.

ETIAM DE POSTVMIS INTELLIGIMVS.) Sequitur II. Quæ de natis iam liberis dicta sunt, eadem ad postumos etiam pertinent. l. 2. D. eod. Vbi Vlpianus ait liberis etiam postumis substitui posse. Veluti, Quicumque mihi post mortem meam nascetur, hæres esto: si uerò impubes decesserit, Titius hæres esto. Cuius rei exemplum uidemus in l. paterfam. 4. §. 6. D. hoc tit. & in causa Curiana, cuius hanc summam Quintilianus tradit libro septimo, capite sexto. Substitutus hæres erat si postumus ante tutelæ suæ annos decessisset. non est natus, propinquus bona sibi iudicabat. Causæ igitur constitutio



**A** stitutio hæc esto. Coponius testator postumum heredem instituit, eiq; si ante tutelæ suæ annos decederet, M. Curium substituit. Postumus non est natus. M. Coponius hæres legitimus ad se pertinere hereditatem contendit. Possessio substituti est. Intentio Coponij: Hæc hereditas mea est, quia non aliter substitutus est, quam si pupillus moreretur. mortuus autem non est, quippe qui nunquam est natus. D. Imò mea. Q. Vtrius sit. R. Quia uoluntas testatoris non ex uerbis ac literis, sed ex mente ipsius æstimanda est. mens autem hæc fuit, si non nasceretur sibi filius, qui pubertatem attingeret. F. At uerba testatoris mentem ostendunt, nimirum ut natus sibi filius, pupillus, alienaq; in tutela positus decederet. D. An qui postumo, si is impubes moriatur, substituit, eo etiam non nato substitutionem ualere uoluisse uideatur? Quod Centumuiuri descendente Crasso iudicarunt. Ornate, inquit Cicero in ea pro Cæcinnæ, & copiose L. Crassus homo longè eloquentissimus, paulo antè quàm nos in forum uenimus, iudicio Centumuiurali hanc sententiam defendit, & facile eum contra eum prudentissimus homo Q. Mutius diceret, probauit omnibus M. Curium, qui hæres institutus esset ita: mortuo postumo filio, cum filius non modò non mortuus, sed ne natus quidem esset, heredem esse oportere. Atque hanc ipsam controuersiam Cicero & in Bruto, & in secundo de Oratoribus, eo quem exposui modo, tractat. potest autem etiam hoc tractari modo, & paulo, uti mihi uidetur, ad iuris civilis disciplinam accommodatis: ut cum possessio Coponij agnati sit, petitio M. Curij substituti: ratio à Coponio subijciatur hæc, Quia qui pupillariter substituitur, non testatori, sed pupillo hæres attribuitur. cum autem pupillus nullus fuerit, hæres ei esse qui potest? Firmamentum Curij: At qui substituit, quocunque modo substituat, eo semper animo est, ut quicunque euentus substitutionis futurus sit, tamen substitutum malit, quàm agnatum suum sibi heredem esse. Itaque non formula uerba, sed testatoris uoluntas sequenda est. D. An cum pupillariter substituens uerbo & formula pupillo substituat, re tamen malit hereditatem suam ad substitutum, quàm ad agnatum quo poterit modo pertinere. Quæ controuersia Veri & Marci constitutione sublata est: qua cauetur, ut etiam pupillari substitutione uulgaris contineatur: id est, ut qui dicit, si hæres sit, & impubes moriatur: dicere etiam uideatur, si hæres non sit.

**B** Hæc substitutio paterni testamenti appendicula quædam est, eiusq; solius firmamento nititur. l. ij. §. j. D. eod.

**VI. Liberis autem suis testamentum nemo facere potest, nisi & sibi faciat. nam pupillare testamentum, pars & sequela est paterni testamenti: adeò, ut si patris testamentum non ualeat, nec filij quidem ualebit.**

**NISI ET SIBI FACIAT.)** Enunciatio I. Filio facere testamentum, nisi qui sibi etiam faciat, non potest. l. i. D. eodem. ubi Mæuius ait, substituere liberis patrem non posse, nisi si heredem sibi instituerit. Et simul rationem subiungit. Quia sine heredis institutione, nihil in testamento scriptum ualeat. Et Vlpianus l. 2. §. i. Quisquis impuberi testamentum facit, sibi quoq; debet facere: ceterum soli filio non poterit. Adeò autè, nisi sibi quoq; fecerit, non ualeat, ut nisi adita quoq; patris hereditas sit, pupillare testamentum euanescat.

**PARS ET SEQUELA EST PATERNI TESTAMENTI.)** Sequitur II. Pupillaris substitutio paterni testamenti appendicula quædam est. l. qui plures. 38. in fi. D. eod. ubi Paulus ait, pupillares tabulas prioris testamenti partem esse. item l. pen. D. test. quemad. aper. ubi Caius scribit, secundas tabulas eodem modo principalium tabularum partem esse, ut codicillis testamenti. Patet autem ea de re controuersiam inter ueteres fuisse. nam in l. i. D. si cui plus quàm per leg. Vlpianus duplex testamētum esse ait. Iuulenus autem in l. paterfa. 28. D. de reb. auct. iud. Me, inquit, illud maxime mouet, quod præceptoribus uis placet, unum esse testamentum.

**NEC FILII QUIDEM VALEBIT.)** Sequitur III. Pupillares tabule non suis, sed principalis testamenti uiribus nituntur. l. 2. D. eod. ubi Vlpian. ait. Si principale ruptum sit testamentum, etiam pupillare concidere. nam ut Paulus scribit in l. nihil. 129. D. de reg. iur. Cum principalis causa non consistit, ne ea quidem quæ sequuntur, locum habent. Atq; hoc quidem uerum est, nisi testamentum per bonorum possessionem contra tabulas rescindatur. nam ut ait Africanus in l. ex duobus. 34. in fi. D. de uulg. & pup. Etiam si contra patris tabulas bonorum possessio petita sit, substitutio tamen pupillaris ualida est. & legata omnibus præstanda sunt, quæ à substitutione data sunt.

Et singulis liberis, & ei tantum, qui postremus morietur, substitui potest. l. xxxv. vij. D. eod.

**VII. Vel singulis autem liberis, uel ei, qui eorum nouissimus impubes morietur, hæres substitui potest. singulis quidem, si neminem eorum intestatum decedere uoluerit: nouissimo, si ius legitimarum hereditatum integrum inter eos custodiri uelit.**

**VEL EI QUI NOVISSIMVS MORIETVR.)** Enunciatio I. Et singulis liberis, & postremò morturo tantum substitui potest. l. uel singulis. 37. D. eod. ueluti, Primus filius meus hæres esto: si impubes moriatur, Mæuius esto. Item, Secundus filius meus hæres esto: si impubes moriatur, Seius esto. Item, Tertius filius hæres esto: si impubes moriatur, Titius esto: atq; hoc quidem modo. singuli singuli substituantur: hoc autem unus singulis, Primus, secundus, tertius filij mei hæredes sunt: si qui eorum impubes morietur, ei Titius hæres esto. At postremò morturo substituitur hoc pacto: Primus, secundus, tertius filij mei hæredes sunt: ei uerò qui postremus illorum impubes morietur, Sempronius hæres esto.

**NEMINEM EORVM INTESTATVM.)** Sequitur II. Cum postremò tantum morturo substitutum est, ius legitimarum hereditatum cæteris inter se relictum intelligitur. d. l. uel singulis. & l. si pater. 25. D. eod. unde intelligi potest, duobus modis accidere, ut postremo tantum extraneus substituantur: primum, hoc casu de quo Iustinianus hoc loco scribit: nimirum cum fratres inter se substituti non sunt. nam si substituti essent, non legitimas, sed testamēto relictas hereditates adiungerentur. deinde, cum inuicem substituti sunt: quo casu non legitimi inter se, sed scripti hæredes sunt.



*Qui filio substituit, quisquis sibi hæres erit, is qua quisq; ex parte hæres extiterit, quengq; substituere intelligitur. l. v. D. eod.*

VIII. Substituitur aut impuberi aut nominatim, ueluti **TITIVS** : aut generaliter, ut **QVIS- QVIS MIHI HÆRES ERIT**. Quibus uerbis uocatur ex substitutione, impubere mortuo filio, illi qui & scripti sunt hæredes & extiterunt, & pro qua parte hæredes facti sunt.

**AUT NOMINATIM.**) Enunciatio I. Non modò nominatim, sed etiam generaliter pupillo substitui potest. l. 3. & 5. D. hoc tit. Nominatim hoc modo, *Filius hæres esto. Si impubes morietur, Curius esto. Generaliter uerò, Filius, ite Titius, Mæuius, Seius hæredes sunt. quisquis mihi hæres erit, idem filio meo, ante pubertatem morienti, hæres esto.*

**PRO QVA PARTE HÆREDES FACTI SVNT.**) Sequitur II. Hæc substitutio generaliter concepta, ad eorum quengq; qui adibunt, pro rata institutionis parte, pertinet. l. si in testamento, 5. D. de uulg. & pup. ueluti, testator ita scripsit: *Filius meus ex dodrante hæres esto: Titius ex uncia: Mæuius ex sextante: quisquis mihi hæres erit, idem filio meo ante pubertatem morienti, hæres esto.* Mortuo filio impubere, dodrans in tres partes diuidetur: quarum duæ Mæuius, tertia Titio attribuitur. Quanto enim Titium Mæuius in institutione superabat, tanto in substitutione quoq; superare debet. Idemq; tradit Vlp. l. qui liberis. 8. in fi. & l. sed si plures. 10. D. eod.

*Hanc substitutionem siue ea masculo, siue foemina facta sit, semper pubertas extinguit. nec puberibus liberis, extraneis uel substitui in certum tempus potest: fidei autem committi potest. l. vii. eod.*

IX. Masculo igitur usq; ad quatuordecim annos substitui potest: foemina uerò usq; ad duodecim annos. & si hoc tempus excesserint, substitutio euanescit. Extraneo uerò uel filio puberi hæredi instituto, ita substituere nemo potest: ut si hæres extiterit, & intra aliquod tempus decesserit, alius ei sit hæres: sed hoc solum permissum est, ut eum per fideicommissum testator obliget alij hæreditatem eius, uel totam uel pro parte restituere. quod ius quale sit, suo loco trademus.

**SVBSTITVTIO EVANESCIT.**) Enunciatio I. Pubertas siue maris siue foemina, huius substitutionis uim extinguit. l. uerbis civilibus. 7. D. eod. ubi Papinianus scribit, eum qui post pubertatis tempus filio substitutus est: neq; eo mortuo tanquam substitutum, neq; eo uiuente tanquam cohæredem admissum iri. Ratio est, quoniam hæc substitutio, patriæ potestatis pars est, quæ potestas post patris mortem ultra pubertatis tempus non extenditur. l. ex facto. 43. §. 1. D. hoc tit.

**VT EVM PER FIDEICOMMISSVM.**) Sequitur II. Extraneo puberiq; filio substitui directè non potest: at per fideicommissum potest. Itaq; neq; extraneo impuberi, hoc est, ei qui in potestate nostra non est, ita substitui potest, si impubes moriatur: neq; puberi cuiquam hoc modo, si intra uicesimum. p. u. a. tricesimumue annum moriatur: ut scilicet testator dicat, *Ille hæres esto, directis, civilibusq; uerbis: hoc est, à iuriconsultis ad substitutiones faciendas conceptis, traditisq; civilibus.* At hoc modo possemus: *Rogo te hæres, ut post mortem tuam illi meam hæreditatem restituas.* Quæ formula substitutioni in eo similis est, quod in utrunq; casum & quæ sita hæreditatis & mortis concipitur: hoc modo, *Si & hæres meus sis, & cum morieris. In eo uerò dissimilis est, quod pupillaris substitutio à solo patre, & soli filiosam. eiq; impuberi fieri potest: fideicommissaria uerò à quouis & cuius potest. Illa hæredem substitutum facit: hæc non facit, quod enim fideicommissum acquiritur, hæreditatis nomine non continetur. l. 2. in fi. D. de codicill. Illa directis uerbis fit, id est, ijs quibus rectè à testatore in substitutum beneficium confertur: sic ut gratiam substitutus non pupillo, sed testatori debeat: hæc non directè, sed interposita hæredis opera fieri solet, nam olim cui fideicommissum erat, nulla lege tenebatur itaq; non à testatore solo, sed etiam ab hærede beneficium hoc accipitur. Sed de his hæc tenus. suus enim huic tractationi locus nec ita multo post est constitutus.*

## QVIBVS MODIS TESTAMENTA INFIRMENTUR.

### TITVLVS XVII.

*Testamentum quamuis iure factum, tamen adoptione filij, quasi agnatione sui hæredis rumpitur. rumpi autem dicitur, quod cum suis uiribus constaret, euertitur. l. 1. & 8.*

*De iniust. rupt.*

I. **T**estamentum iure factum, usq; eò ualet, donec rumpatur, irritumue fiat. Rumpitur autè testamentum, cum in eodem statu manente testatore, ipsius testamenti ius uitatur. Si quis enim post factum testamentum adoptauerit sibi filium per Imperatorem, eum qui sui iuris est, aut per Prætorem secundum nostram constitutionem, eum qui in potestate parentis fuerit, testamentum eius rumpitur quasi agnatione sui hæredis.

**VSQVE EO VALET.**) Enunciatio I. Testamenta iure facta duobus euertuntur modis, cum aut rumpuntur, aut irrita constituuntur. l. 1. D. de iniust. rupt. ubi testamentorum quædam Papinianas nunquam consistere scribit, quædam ad tempus consistere. illa uel iniusta dici, ubi solennia iuris defuerunt uel nullius momenti, cum filiosam est præteritus. Hæc uerò ab initio quidem stare, quippe in quibus neurum horum uitiorum insit: sed casu aliquo aduentitio euerti: cum aut rumpuntur, aut in irritum constituuntur.



**A** IN EODEM STATV MANENTE.) Sequitur II. Testamentum rumpi dicitur, cum permanente suo in statu testatore, casu aliquo evertitur. l. 3. §. 2. D. eod. nam si statum testator mutet, capitis nimirum diminutionem passus, non ruptum, sed irritum testamentum appellatur. ut facile appareat mendum in libris Theophili esse hoc loco, ubi *ut uas* *vaut* legitur.

ADOPTAVERIT SIBI FILIVM.) Sequitur III. Adoptio filij, quasi agnatio sui hæredis, testamentum rumpit. l. uerum. §. D. eod. ubi Ulpianus ait, adoptione uel arrogatione filij filice uel testamentum rumpi: quoniam sui hæredis agnatione solet rumpi. agnasci enim adoptatum, agnationisq; iura omnia adipisci constat ex ijs quæ superius dicta sunt sub tit. de ex hæred. liber. Sed si quis hæres institutus postmodum adoptetur, uideamus an testamentum rumpat. Intentio igitur illius hæc erit: Testamentum agnatione mea ruptum est. D. Non est. Q. An sit. R. Quia tu non es præteritus, sed institutus. F. At non quo tempore suus fui. D. An qui post institutionem adoptatus est, quia non quo tempore suus fuit, est institutus, testamentum rumpat. Controuersia ex legibus contrarie scriptis: quarum prior agnatione rumpi testamentum, altera ualere iubet, cū mortis tempore institutus reperitur. Scæuola respondet, satis ei factum esse: quia & antequam adoptetur, institutio, ut in ex tranco locum habebit. l. si quem. §. 18. D. de in iust. test. cui Papinianus consentiens in l. filio. 23. D. de lib. & post. Si Titius, inquit, hæres institutus, loco nepotis adoptetur, defuncto postea filio qui pater uidebatur, nepotis successione, non rumpitur testamentum ab eo qui hæres inuenitur.

QVASI AGNATIONE SVI HAEREDIS.) Sed mirum est, cur Imperator noster non de uera natura liq; agnatione loquatur: quæ tum post testamentum, tum post mortem solet contingere. nam illam quidem sub tit. De ex hæred. liber. nulla ex parte attigit. De utraque igitur uide l. 3. §. 2. D. hoc tit. De uera, uerba Antonij subiiciam ex lib. de Orat. 1. Nunquis ex testamento, quod paterfamilias ante fecit, quam ei filius natus est, hæreditatem petit? nemo: quia constat agnascendo rumpi testamentum.

**B** Posteriore testamento quamuis nullus ex eo hæres extiterit, tamen si & iure factum est, & ex eo hæres esse potuerit, superius ita rumpitur, ut paterfamilias intestatus decessisse iudicetur. l. ij. & xv j. D. eod.

II. Posteriore quoque testamento, quod iure perfectum est, superius rumpitur: nec interest, extiteritne aliquis hæres ex eo, an non. Hoc enim solum spectatur, an aliquo casu existere potuerit. Ideoq; si quis aut noluerit hæres esse, aut uiuo testatore, aut post mortem eius, antè quam hæreditatem adiret, decesserit: aut conditione, sub qua hæres institutus est, defectus sit: in his casibus paterfamilias intestatus moritur. Nam & prius testamentum non ualet, ruptū à posteriore: & posterius æquè nullas habet uires, cū ex eo nemo hæres extiterit.

SVPERIVS RVMPITVR.) Enunciatio I. Superius testamentum à posteriore, dummodo hæres ex eo esse potuerit, rumpitur. l. 2. & l. cum in secundo. 16. D. eod. Vbi Pomponius ait, cum in secundo testamento hæredem cum qui uenit instituimus, siue purè, siue sub conditione, si tamen conditio existere potuit, licet non extiterit, superius testamentum erit ruptū. at si impossibilis sit, placet perinde esse quasi adscripta non esset.

INTESTATVS MORITVR.) Sequitur II. Is cuius ex testamento quamuis iusto nemo hæres extiterit, intestato decessisse iudicatur. §. 1. infr. De hæred. quæ ab intest. & l. si quis. 9. D. de lib. & post. Vbi Paulus hæc XII. Tab. uerba, SI INTESTATO MORITVR, ad id tempus referenda scribit, quo testamentum destituitur, non quo moritur.

**C** Superius testamentum à posteriore etiam quo certis ex rebus hæres institutus est, rumpitur: sed, si priores tabulæ ualere iussæ sunt, posterior hæres priori hæreditatem, quarta retenta restituet. l. xxix. D. ad Sen. Treb.

III. Sed & si quis priore testamento iure perfecto, posterius æquè iure fecerit: etiam si ex certis rebus in eo hæredem instituerit, superius tamen testamentum sublatū esse, diui Seuerus & Antoninus rescripserunt. cuius constitutionis uerba & hic inferi iussimus, cum aliud quoq; præterea in ea constitutione expressum sit. Imperatores Seuerus & Antoninus Cocceio Campano. Testamentum secundo loco factum, licet in eo certarum rerum hæres scriptus sit, perinde iure ualere, ac si rerum mentio facta non esset: sed & teneri hæredem scriptū, ut contentus rebus sibi datis, aut suppleta quarta ex lege Falcidia, hæreditatē restituat his, qui in priore testamento scripti fuerant, propter inserta secundo testamento fideicommissi uerba, quibus ut ualeret prius testamentum, expressum est, dubitari non oportet. Et ruptum quidem testamentum hoc modo efficitur.

ETIAM SI EX CERTIS REBVS.) Enunciatio I. Testamentum quo quis certis tantum ex rebus institutus est, ualet. l. 1. §. 4. & l. 10. D. de hæred. inst. nam perinde habebitur, ac si nominate partes non essent.

SVPERIVS TAMEN TESTAMENTVM.) Sequitur II. Prius testamentum à secundo, etiam si certarum rerum hæres institutus sit, evertitur. l. si quis. 29. D. ad Sen. Treb. Itaq; qui in posteriore ex parte institutus est, assensum habebit: at qui ex assensu in priore, nihil omnino.

PROPTER INSERTA FIDEICOMMISSI VERBA.) Sequitur III. Hæres secundo testamento, quo prius ualere iussum est, institutus, hæreditatem superiori ita restituit, ut sibi tamen quartam retineat. d. l. si quis. & l. postumus. 12. §. 1. De in iust. rupt. Causæ constitutio: Quidam testamenta duo iure fecerat, & in secundo fidei hæredis commissum, ut priores tabulæ ualercnt. eo mortuo, hæres in priore scriptus hæreditatem sibi delatam petit. Intentio: Debes mihi hæreditatem



ditatem restituere. D. Non debeo. Q. An debeat. R. Quia prius testamentum per posterius iure factum euertitur. F. At in posteriore prius ualere iussum est. D. An prius testamentum à posteriore in quo ualere prius iussum est, non euertatur. Controuersia ex contrariè scriptis nata est. nam lex uult testamentum rumpi. at posterius testamentum, id prohibet. Respondetur hunc posteriorem heredem superiori hereditatem ita restituere debere, ut tamen uel partē sibi relictam, uel quadrantem hereditatis tanquam ex lege Falcidia retineat.

EX LEGE FALCIDIÆ.) Quæ legatorum quidem causa, proprie lata est, ad fideicommissa tamē producitur. INSERTA FIDEICOMMISSI VERBA.) Testator enim fidei heredis commisit, ut priores tabulae ualerent. d. l. postumus. §. 1. de in iust. test. Atq; hæc quidem de pagani testamento. de militari autem quid iuris sit, exponit Vlpianus l. querebatur. 19. D. de test. milit.

*Testamentum deminutione capitis testatoris irritum fieri dicitur. l. 7. §. iij. D. eodem.*

IIII. Alio autem modo testamenta iure facta infirmantur: ueluti cum is, qui fecit testamentum, capite deminutus sit. quod quibus modis accidat, primo libro retulimus. Hoc autem casu irrita fieri testamenta dicuntur, cum alioqui, & quæ rumpuntur, irrita fiant: & ea, quæ statim ab initio non iure sunt, irrita sint. sed & ea, quæ iure facta sunt, & postea propter capitis deminutionem irrita fiunt, possimus nihilominus rupta dicere. Sed quia sanè commodius erat, singulas causas singulis appellationibus distinguere: ideo quædam non iure facta dicuntur, quædam iure facta rumpi, uel irrita fieri.

CAPITE DEMINUTVS SIT.) Enūciatio I. Capitis deminutio testatori contingens, eius irritum testamentum facit. l. si quis. 6. §. irritum. D. de in iust. irr. Vbi Vlp. ait irritum fieri testamentum, quoties ipsi testatori aliquid contingit: puta si ciuitatem amittat, &c. Vnde quid inter irritum factum, & ruptum testamentum intersit, facile intellectu est. nam irritum status testatoris immutatus facit: rumpit autem casus extrinsecus contingens, ut agnationis, aut testamenti posterius facti.

QVÆ RVMPVNTVR, IRRITA FIANT.) Sequitur II. Rumpi & irritum fieri, de eodem dicitur: at irritum fieri, & irritum esse, nequaquam. Rumpi enim & irrita fieri ea demum testamenta dicuntur, quæ, cum antea iure constarent, euerfa sunt. Iniusta uero uel irrita esse dicuntur, quæ nunquam constiterunt, sed infirma semper sua sponte fuerunt. l. 1. D. eodem.

SINGVLAS CAVSAS SINGVLIS APPELLATIONIBVS.) Sequitur III. Nominibus singulis res singulæ distinguendi causa nominandæ sunt. Itaq; Cicero in Partitionibus infirmationes rationis cōtinentia se causarum appellare dicit: non quia diuersæ res sunt, sed distinguendi, discernendiq; causa.

*Testamentum deminutione capitis irritum factum, si testator mortis tempore integro capite fuerit, prætor per bonorum possessionem tuetur. l. 7. §. 7. De bon. poss. secun. tab.*

V. Non tamen per omnia inutilia sunt ea testamenta, quæ ab initio iure facta, propter capitis deminutionem irrita facta sunt. nam si septem testium signis signata sunt, potest scriptus heres secundum tabulas testamenti bonorum possessionem agnoscere: si modò defunctus, & ciuis Romanus, & suæ potestatis mortis tempore fuerit. Nam si ideo irritum factum sit testamentum, quia ciuitatem, uel etiam libertatem testator amisit, aut quia in adoptionem se dedit, & mortis tempore in adoptiui patris potestate sit: non potest scriptus heres secundum tabulas, bonorum possessionem petere.

POTEST SCRIPTVS HÆRES.) Enūciatio I. Prætor eius qui & testamenti & mortis tempore integri capitis fuerit, quamuis medio tempore deminutus fuerit, testamentum tuetur. l. 1. §. exigit. D. de bon. poss. secun. tab. Vbi Vlpianus ait: Prætorē exigere, ut is, cuius bonorum possessio datur, utroq; tempore ius testamenti faciendi habuerit, & cum facit testamentum & cum moritur. Idemq; Vlpianus tradit Instit. cap. 23. his uerbis: Si septem signis testium signatum sit testamentum, licet iure civili ruptum, irritumue factum sit, Prætor scriptis heredibus iuxta tabulas bonorum possessionem dat, si testator & ciuis Romanus, & suæ potestatis cum moretur fuit. quæ bonorum possessio cum re, id est, cum effectu habetur, si nemo alius iure hæres sit. Quod ipsum Paulus aperte confirmat in l. conscribitur. 3. §. 2. D. de iur. codicill. ubi scribit iure Prætorio testamentum hoc ualere, tametsi iure civili sublatum sit: & de alienis quodammodo rebus testatus esse uideatur. Verum hoc in eius testamento qui extraneum instituerit, locum non habere Papinianus tradit. l. qui ex liberis. 2. §. 1. D. de bon. poss. sec. tab. cuius causæ constitutio hæc erit. Testator extraneum instituit: post in arrogationem se dedit, unde postea liberatus moritur. Agnatus proximus, quasi ex irrito facto per arrogationem testamento, hereditatem ab intestato petit. Intentio est: Testamentum per arrogationem irritum factum est: quia qui se arrogandum dat, cum capite fortunæ omnes alienam in familiam transfert. D. Imò ratum est. Q. Ratum sit, necne. R. Quia cum capite fortunæ omnes recuperauit. F. At non nuda uoluntate testamentum quo extraneus institutus est, si semel rumpatur, confirmari potest. D. An testamentum eius qui post arrogationem statim suum recuperauit, non tamen nuda uoluntate propter extranei institutionem confirmatur. Controuersiam contrariè scripta pepererit. Prætor medij temporis rationem non habet. Testamentum quo extraneus institutus est, si rumpatur, nuda uoluntate non confirmatur. Respondetur autem non nuda uoluntate, sed codicillis aut alijs literis confirmari posse. Cuius rei rationem sanè obscurā & reconditā, Papinianus hæc esse ait, quod non de iure testamenti maxime quærat, sed de iure personæ ipsius



**A** ipsum agnati. Opinor, quod cum per arrogationem illæ fortunæ in aliam familiam translata sint, & iure civili testamentum extinctum sit, arrogatione dissoluta, non eadem, sed aliæ iam ac diuersæ uideantur esse.

• **BONORVM POSSESSIONEM PETERE.**) Sequitur II. Bonorum possessio à Prætoribus, loco hæreditatis quæ à sola lege deferretur, datur. l. 1. De bonor. possess. & infra eod. tit. ubi hæc planius explicabuntur.

*Testamentum neq; nuda uoluntate, neq; posteriori testamento imperfecto rumpitur. l. x viij. De legat. tertio.*

**VI.** Ex eo autem solo non potest infirmari testamentum, quod postea testator id noluerit ualere: usq; adeo, ut & si quis post factum prius testamentum posterius facere cœperit, & aut mortalitate præuentus, aut quia eum eius rei pœnituit, id non perfecerit: diui Pertinacis oratione cautum sit, ne aliæ tabulæ priores iure factæ irritæ fiant, nisi sequentes iure ordinatæ & perfectæ fuerint. nam imperfectum testamentum sine dubio nullum est.

**ID NOLVERIT VALERE.**) Enunc. I. Non si testator se dicat, nolle suum testamentum ualere, iccirco testamentum rumpitur. l. 2. D. hoc tit. ubi Vlpianus ait, tunc demum prius testamentum rumpi, cum posterius ritè perfectum est. Itaq; cum multi euerendorum testamentorum modi in Pandectis, Codice & Vlpiani Institutionibus enumerentur, nusquam tamen sola uoluntate contraria, id fieri traditur: quod uel maximum documentum esse uerè potest, id ab Imperatore hoc loco tradi. nam ipse quoq; Vlpianus cum in Institut. scripsisset, Testamentum mutatione rumpi, statim intulit, id est, si postea aliud testamentum iure factum sit. Quod sanè perridiculè ab Vlpiano ascriptum fuisset, si sola pœnitentia & uoluntatis mutatione testamenta rumpi putasset: cum mutandi uerbo hæc uis subsit, ut contrariam uoluntatem significet. quemadmodum Donatus in illum Terentij locum admonuit, Non muto factum. Sed FR. Connanus uir summæ doctrinæ, acerrimq; iudicij lib. Comment. 9. cap. 7. falsum id esse disputat, moueturq; l. 1. §. 5. D. si tab. test. nullæ ext. ubi Vlpianus scribit, si hæres institutus non habeat uoluntatem, uel quia incisæ sunt tabulæ, uel quia cancellatæ, uel quia alia ratione uoluntatem testator mutauit, uoluitq; intestato decedere, dicendum est, ab intestato rem habituros eos qui bonorum possessionem acceperunt. His, inquam, uerbis, **VEL QVIA ALIA RATIONE VOLUNTATEM TESTATOR MUTAVIT**, mouetur Connanus: quasi simplicem uoluntatis mutationem solis uerbis declaratam Vlpianus significet. Ego uerò in ea sententia, quam quatuor ab hinc annis sum amplexus, adhuc permaneo, existimoq; Vlpianum eo loco de ea uoluntatis immutatione loquitur, quæ non oratione tantum, sed etiam facto demonstrata sit: quales illæ sunt, de quibus ibi loquitur. Si deletæ sint tabulæ aut in ignem profluentemue coniectæ, aut euulsa uel interpolata signa, aut linum incisum. Repugnant enim, Testamenti tabulas integras & fartas testis conseruare, & auctoritatem ipsi adiungi nolle. quod uel ex eo confirmari etiam potest, quia cum testamenta postrema uita hora facta uideantur, arg. l. cohæredi. 4. l. §. 2. D. de uulg. & pup. dicanturq; postrema, summa, ultima testatorum elogia & decreta, quamuis quis neget se testamentum factum ualere uelle, tamen, nisi tabulas deletas aut conseruat, denuò immutasse uoluntatem non iudicetur. eodemq; pertinet quod Vlpianus scribit in l. 1. §. pen. D. de bon. possess. secund. tab. Si linum quo ligatæ sunt tabulæ incisum sit, & ipse testator fecerit, non uidentur signatæ: & ideo bonorum possessio peti non potest. Atq; hæc quidem de testamenti scriptura confectis disputata sunt. De nuncupatiuis sanè aliter existimari posse crediderim, ut quibus quæq; modis res gestæ & confectæ sint, ipsæ dissoluantur modis.

**IURE ORDINATÆ ET PERFECTÆ.**) Sequitur II. Prius testamentum à posteriori, nisi iure perfectò non rescinditur. l. 2. & l. si binæ. 11. D. eod. ubi Vlpianus ait: Si binæ tabulæ proferantur, diuersis temporibus factæ, una prius, aliæ postea, utraq; tamen septem testium signis signatæ, & apertæ posteriores uacue inuentæ sint, id est, nihil scriptum habentes omnino: superius testamentum tum est ruptum, quia sequens nullum est. Idemq; traditur à Iustiniano in l. hac consultißima. 21. §. pen. C. de testam. Nusquam autem apertius quam à Pomponio in l. si iure. 18. D. de legat. 3. Vbi testator post prius testamentum iustum, alterum non iure fecerat: & quærebatur an fideicommissum prioris, in posteriore omissum, iccirco extinctum esset, quia fideicommissa nuda uoluntate infirmantur. Respondetur autem non uideri, quia superius testamentum in suo statu ac robore permansisset, neq; uel nuda uoluntate, uel altero iniusto testamento euersum esset: quod uerisimile sit testatorem ita demum uelle prius rumpi, si posterius ualeret.

**DIVI PERTINACIS ORATIONE.**) Principes scriptis orationes ad Senatum mittebant, in quas Senatus consulta fiebant: hæc modò Orationes, modò Senatus consulta, modò Leges nominantur. Itaq; Iulius Capitol. in Pertinace, ubi hac ipsa de re commemorat: Legem sanè tulit, inquit, ut testamenta priora non prius essent irrita, quam alia perfectæ essent, neue ob hoc sciscus aliquando succederet.

*Princeps neq; litis caussa, neq; nuda uoce, neq; minus solenni testamento rectè instituitur. l. pen. D. de hæred. inst. l. iij. & xx. C. de testam.*

**VII.** Eadem oratione expressit, non admissurum se hæreditatem eius, qui litis caussa Principem hæredem reliquerit: neq; tabulas non legitimè factas, in quibus ipse ob eam caussam hæres institutus erat, probaturum: neq; ex nuda uoce hæredis nomen admissurum: neq; ex ulla scriptura, cui iuris auctoritas desit, aliquid adepturum. Secundum hoc diui quoq; Seuerus & Antoninus sæpissimè rescripserunt. Licet enim (inquiunt) legibus soluti simus, attamen legibus uiuimus.

**QVI LITIS CAUSSA.**) Enunciatio I. Hæreditas Principi neq; litis caussa, neq; nuncupatione, neq; minus solenni testamento relinqui potest. l. penult. D. de hæred. instituen. ubi Paulus ait, Imperatorem litis caussa institui inuidiosum esse: nec enim calumniandi facultatem ex principali maiestate capiendam esse. Cætera sunt ex l. 3. & l. molimus. 20. C. de testam.



C. de testam. Hac etiam de re Capitolinus eodem libro sic scribit: Ipseque professus est nullius se aditurum hereditatem, quæ aut adulatione alicuius delata esset, aut lite perplexa, ut legitimi heredes & necessarii priuarentur: addiditque Senatusconsulto hæc uerba: Sanctius est patres Conscripti, inopem Rempub. obtinere, quam ad diuitiarum cumulum, per dedecorum atque discriminum uestigia peruenire.

ATTAMEN LEGIBVS VIVIMVS.) Sequitur II. Non si Princeps legibus solutus est, iccirco suorum ciuium hereditates sibi contra leges delatus amplectitur. l. 3. C. de testam. ubi Imp. ait: ex imperfecto testamento nec Imperatorem hereditatem uindicare posse. Licet enim lex Imperij solennibus iuris Imperatorem soluerit, nihil tamen tam proprium Imperij est, quam legibus uiuere. quod idem traditur l. digna. C. de legibus. & l. princeps. D. eodem. nusquam autem illustrius quam apud Paulum in l. 23. D. de legat. tertio: Ex imperfecto testamento, inquit, legata uel fideicommissa Imperatorem uindicare, inuerecundum est. decet enim tantæ maiestati, eas seruare leges, quibus ipse solutus esse uidetur.

## DE INOFFICIOSO TESTAMENTO. TITVLVS XVIII.

*Et parentum & liberorum testamenta quibus exhæredati sumus, item fratrum & sororum quibus personæ turpes, relictis nobis, instituta sunt, inofficiosi arguere possumus. l. 1. 2. 3. & 5. D. eod. l. 27. C. eod.*

I. **Q**uia plerumque parentes sine causa liberos suos uel exhæredant, uel omittunt: inductum est, ut de inofficioso testamento agere possint liberi, qui queruntur aut iniquè se exhæredatos, aut iniquè præteritos: hoc colore, quasi non sanæ mentis fuerint, cum testamentum ordinarent. Sed hoc dicitur, non quasi uerè furiosus sit, sed rectè quidem fecerit testamentum, non autem ex officio pietatis. Nam si uerè furiosus sit, nullum est testamentum. Non tantum autem liberis permissum est testamentum parentum inofficiosum accusare, uerum etiam liberorum parentibus. Soror autem & frater, turpibus personis scriptis hæredibus, ex sacris constitutionibus prælati sunt. Non ergo contra omnes hæredes agere possunt. Ultra fratres igitur & sorores cognati nullo modo aut agere possunt, aut agentes uincere.

AVT INIQVE EXHAEREDATOS, AVT INIQVE PRÆTERITOS.) Enunc. l. Actio de inofficioso liberis datur, cum aut à patre exhæredati, aut à matre præteriti sine causa fuerint. l. 1. & 2. D. eod. nihil tamen opus erat de matris præteritione ascribere: quam exhæredationis uim obtinere constat ex l. filiam. 15. C. eodem. Vt cum sit, Marcellus d. l. 3. sic scribit: Inofficiosum testamentum dicere, hoc est, allegare, quare exhæredari, uel præteriri non debuerit, non est enim, inquit Caius, consentiendum parentibus qui iniuriam suis liberis testamento inducunt. quod plerumque faciunt, malignè circa sanguinem suum inferentes iudicium, nouercalibus delinimentis instigationibusque corrupti. Huius autem uerbi De inofficioso, uim illam Marcellus esse adscribit, docere immierentem se, & indignè exhæredatum. Hæc ille. Inofficiosum autem eum dici, qui quod alteri officium debebat, prætermittit, nemo est qui nesciat. quare inofficiosum testamentum esse ille lud oportet, in quo testator officium quod alteri debebat, prætermittit. Sed quanquam hoc modo multa inofficiosa testamenta futura sunt, ueluti quibus amicis & benemerentibus nihil relinquitur, quod olim inhonestum putabatur: tamen propter excellentiam ea demum inofficiosa dicta sunt, quibus officium in liberos, parentes & fratres neglectum est. nam qui erga eos inofficiosus est, in semetipsum quodammodo inofficiosus & inhumanus uidetur. Quapropter his solis potestas permissa est petendi à Centumuiris, ut si officium uiolatum cognoscant, illud rescissum & irritum factum uelint: quod cum impetrant, illud simul impetrant, ut sibi hereditas adiudicetur, quippe cum huius iudicij exitus hic sit, ut ab instituto in exhæredatum hæreditas transferatur, qua de causa hereditatis petitio appellatur in l. si quis. 34. C. eod. l. qui repudians. 17. & l. mater. 19. D. eod. l. pen. §. sed quemadmodum. D. de bon. poss. con. tab.

QVASI NON SANÆ MENTIS.) Sequitur II. Inofficiosi testamenti rescissio, quasi sanæ mentis testator non fuerit, postulat. l. 2. & 5. D. eod. ubi Marcellus ait, rem hoc colore defendi apud iudicem, ut uideatur, ille quasi non sanæ mentis fuisse, cum testamentum iniquè ordinaret. sed hoc dicitur, non quasi uerè furiosus uel demens testatus sit, sed rectè quidem fecerit testamentum, uerum non ex officio pietatis. Nam cum lex VI testator legat, ita ius esse uelit. l. uerbis legis. D. de uerb. signifi. quo iure Centumuiro testamentum hoc rescidissent, nisi eius ipsius legis auctoritate, quæ furiosi testamenti factionem adimit? Ergo in harum contrarie scriptarum legum ambiguitate utramque ita modificauerunt, ut neque prorsus nullum hoc testamentum dicerent, quod de ferè furiosis iubetur: neque, rursus ualere omnino. sed cum iure ualeret, rectèque factum esset (ut l. 2. Marcellus scribit) tamen quasi ab eo factum qui non satis sanus esset, rescinderetur. atque hoc est quod ait Paulus in l. qui repudians. 17. in fin. D. eod. cum contra testamentum, ut inofficiosum, iudicatur, testamenti factionem habuisse defunctus non creditur. quid ita? quia cum lege naturæ filijs hereditas paterna debeatur. l. ult. D. de bon. damnat. qui naturam, humanitatemque uiolat, qui suis liberis, & quodammodo sibi ipsi iniurius est, non satis integræ mentis uidetur fuisse. In eandem sententiam Scauola scribit l. nec fideicommissa. §. 6. De legat. tertio, nihil ex eius testamento quod inofficiosum iudicatum esset, iccirco ualere, quia crederetur, quasi furiosus, testamentum facere non potuisse. Hæc cum ita sint, querendum est quo iure hæc inofficiosi actio instituta sit. nam Ulpianus in l. non putauit. 8. D. de inoff. testam. non obscure significat eam non à iure ciuili introductam fuisse: Prætorio autem iure institutam, nihil argumenti est. Videndum igitur, an potius ex Iurisperitorum auctoritate & moribus: quemadmodum ius pupillaris institutionis. l. 2. D. de uulg. & pup. quod mihi probabile uidetur: & in libello de Quartis abundè confirmatum puto.

VERVM ETIAM LIBERORVM PARENTIBVS.) Sequitur III. Non modò liberi, parentum: sed etiam







Tutor nec ob legatum pupillo petitum, patris sui testamentum oppugnare: nec ob impugnatum patris pupilli testamentum quod sibi in eo legatum est, persequi prohibetur. l. xxx. D. eod. l. xxxij. D. de his quæ ut indig.

III. Si tutor nomine pupilli, cuius tutelam gerebat, ex testamento patris sui legatum acceperit, cum nihil erat ipsi tutori relictum à patre suo: nihilominus poterit nomine suo de inofficioso patris testamento agere. Sed si econtrario pupilli nomine, cui nihil relictum fuerat, de inofficioso egerit, & superatus est: ipse quod sibi in testamento eodem legatum relictum est, non amittit.

NIHILOMINUS POTERIT NOMINE SVO.) Enunciatio I. Tutor à patre exheredatus, quamvis quod pupillo legatum est, petierit, agere tamen de inofficioso poterit. l. si pars. 10. §. 2. D. eod. Causæ constitutio: Pater filium suum tutorem pupilli cuiusdam exheredarat, & ei pupillo centum legarat. mortuo patre tutor pupilli nomine legatum exigit, post inofficiosi testamentum accusare instituit. hæres id illi licere negat, quippe quod antea ratum habuisse uideatur. Intentio: Tibi hac actione uti non licet, qui prius ratum te habere testamentum ostendisti. D. Imò licet. Q. An liceat. R. Quia non si alieno nomine legatum petij, propterea ratum habui, ratum enim habere dicitur, qui suo nomine aliquid ex testamento petit. F. Imò ratum habet is, qui quouis nomine aliquid ex testamento petit, nisi enim pro rato haberet, non peteret. D. An ratum habere testamentum dicatur is, qui quoquo nomine, siue suo siue alterius petierit. Controuersia ex scripto nata est, quid sit ratum habere testamentum. Respondetur tutorem hunc quo de agitur, non habuisse: quemadmodum simili in re traditur tutorem, qui pupillo auctor fuit ut hereditatem adiret, ex eo testamento quo exheredatus erat, non prohiberi postea suo iure uti, & inofficiosi actionem intendere. l. cum quædam. 26. C. de administ. tut. Nam, ut Caius scribit, iniquum esset, damnosum cuiq; suum officium esse. l. sed si. 7. D. test. quemad. aper.

SI Econtrario PUPILLI NOMINE.) Sequitur II. Non si tutor pupilli nomine inofficiosi testamentum arguit, iccirco illum, quod ad se attinet, inofficiosum habuisse intelligitur. l. aduersus. 30. §. 1. & l. filius. 22. D. eod. Causæ constitutio: Mæuius filium exheredarat, Sempronio centum legarat. Mæuius mortuo Sempronius pupillo tutor datus inofficiosi testamentum arguit, & uictus est. Postea legatum ipse suum petit. hæres debere negat, quod inofficiosum inhumatumq; testamentum habuerit. Intentio: Tibi ex testamento quod semel improbasti, quicquam petere non licet. D. Imò licet. Q. An liceat. R. Quia non si pupilli nomine testamentum oppugnaui, continuo ipse improbaui. improbare namq; testamentum dicitur, qui sua sponte non alieno nomine id oppugnat. F. Imò improbare testamentum dicitur, qui quouis nomine, & quauis causa id oppugnat. D. An improbare testamentum is dicatur, qui quacumq; de causa illud impugnat. Eodem ex fonte orta controuersia est, quid sit testamentum improbare. Tryphoninus in l. tutorem. 22. D. de his quæ ut indig. respondet, tutorem qui pupilli sui nomine inofficiosum testamentum dixit, non perdere sua legata, quamvis non obtinuerit: optima ratione, quia officij necessitas, & tutoris fides excusata esse debet, nec quisquam iudicium calumnia notabit tutorem, qui non suis simulationibus accusationem sub nomine pupilli instituit, sed cogente forte matre pupilli, &c.

Quadrans hereditatis siue uni, siue pluribus quouis titulo relictus hanc impedit actionem. l. xxxv. C. eod.

IIII. Igitur quartam quis debet habere, ut de inofficioso testamento agere non possit: siue iure hereditario, siue iure legati, uel fideicommissi: uel si mortis causa ei quarta donata fuerit, uel inter uiuos, in ijs tantummodo casibus, quorum nostra constitutio mentionem facit, uel alijs modis, qui constitutionibus continentur. Quod autem de quarta diximus, ita intelligendum est: ut siue unus fuerit, siue plures, quibus agere de inofficioso testamento permittitur: una quarta eis dari possit, ut ea pro rata eis distribuatur: id est, pro uirili portione quarta.

SIVE IVRE HEREDITARIO.) Enunciatio I. Quarta quouis titulo relictæ hanc actionem excludit. l. si quando. 35. §. & generaliter. & l. quoniam. 29. C. eod.

IIS TANTVMmodo CASIBVS.) Atqui totidem literis ascribi casus poterant, sub ea conditione, ut hæc inter uiuos donatio in quartam ei computetur. l. si non mortis. 25. D. eod. & l. d. si quando. C. eod.

VT EA PRO RATA EIS DISTRIBVATVR.) Sequitur II. Siue unus, siue plures liberi sint, una tantum quarta eis, quam æqualiter inter se distribuunt, attribuitur. Veluti si unus est, solus tres uncias habebit: si duo, singuli sefscunciam, hoc est, unciam cum dimidia: si tres, singuli unciam: si quatuor, singuli tres sicilicos.

## DE HEREDVM QUALITATE ET DIFFERENTIA.

### TITVLVS XIX.

*Triplex hæredum differentia traditur, & necessarius definitur is seruus, qui hereditatem quidem cum libertate accipere, non tamen quod sibi acquireret creditoribus tradere cogitur. l. i. C. de necess. ser.*

I. Hæredes autem, aut necessarij dicuntur, aut sui & necessarij, aut extranei. Necessarius hæres, est seruus hæres institutus: ideo sic appellatus, quia siue uelit, siue nolit, omnino post mortem



**A** mortē testatoris protinus liber & necessarius hæres fit. Vnde qui facultates suas suspectas habent, solent seruū suū primo, aut secundo, aut etiam ulteriore gradu hæredem instituere: ut si creditoribus satis non fiat, potius eius hæredis bona, quàm ipsius testatoris à creditoribus possideantur, & uel distrahantur, uel inter eos diuidantur. Pro hoc tamen incommodo, illud ei commodum præstatur: ut ea, quæ post mortem patroni sui sibi adquisierit, ipsi reseruentur. Et quamuis bona defuncti non sufficiant creditoribus, iterum tamen ex ea causa res eius, quas sibi adquisierit, non ueneunt.

**SIVE VELIT, SIVE NOLIT.)** Enunciatio I. Hæres necessarius dicitur, seruus à suo domino institutus, qui propter præmium libertatis hereditatem accipere cogitur. l. i. C. de necess. ser. & l. i. C. qui manum. nō poss. l. lege Cornelia. 12. D. de testam. l. s. §. sed quod Papin. D. de minorib. Idq; lege Ælia Sentia introductum fuisse superius dictum est lib. i. sub Rubr. Quib. manum. non lic. Obseruandum est autem, Non cui testamento alicuius libertas relicta est, eundem continuo necessarium hæredem dici. Nam is demum Necessarius dicitur, cui aliunde libertas non debebatur. Itaq; si quem testator ex alterius iussu manumittere debebat, cum illi necessarium hæredem non esse, Paulus scribit in l. si serua. 84. D. de hæred. instituend.

**QVI FACULTATES SVAS SVSPECTAS HABENT.)** Sequitur II. Seruorum instituendorum consuetudo ab ijs orta est, qui auctionis infamiam uerentes, eam in seruos suos deriuabant. l. i. C. qui manum. non poss.

**EA QVÆ POST MORTEM PATRONI.)** Sequitur III. Serui hæredes quod post patroni mortem non ex causa hereditaria nascuntur, sibi non creditoribus acquirunt. l. i. in fi. D. de separat. ubi Vlpianus ait, necessarium hæredem seruū cum libertate institutum impetrare posse separationem, scilicet ut si non attingerit bona patroni, in ea causa sit, ut ei quidquid postea adquisierit, separetur: sed & si quid ei à testatore debetur.

**B POST MORTEM PATRONI.)** Defuncti quidem libertus est, & Orcinus appellatur: sed tamen à semet ipso libertatem accipit. l. sed si. 6. in fi. D. de hæred. instit.

**TAMEN ITERVM EX EA CAVSSA.)** Theophilus legisse uidetur, iterum res eius, quas ex alia causa sibi adquisierit, quod non improbo.

Sui & necessarij hæredes dicuntur, liberi qui in familia proximum à patrefamilias gradum obtinent: sui, quia hereditatem tanquam suam: necessarij, quia iure antiquo retinere cogeantur. l. x. j. de lib. & post.  
l. l. vij. de acquir. hæred. .

**II. Sui autem & necessarij hæredes sunt, ueluti filius, filia, nepos, neptis uel ex filio, & deinceps ceteri liberi, qui modò in potestate morientis fuerint.** Sed ut nepos neptis uel sui hæredes sint, non sufficit eū eam uel in potestate aui mortis tempore fuisse: sed opus est, ut pater eius, uiuo patre suo, defierit suus hæres esse, aut morte interceptus, aut qualibet alia ratione liberatus potestate. tunc enim nepos, neptis uel in locum patris sui succedit. Sed sui quidem hæredes ideò appellantur, quia domestici hæredes sunt, & uiuo quoq; patre quodammodo domini existimantur. Vnde etiam si quis intestatus mortuus sit, prima causa est in successione liberorum. Necessarij uerò ideò dicuntur, quia omnino, siue uelint, siue nolint, tam ab intestato, quàm ex testamento, hæredes fiunt. Sed his prætor permittit uolentibus abstinere se ab hereditate: ut potius parentis, quàm ipsorum bona similiter à creditoribus possideantur.

**C QVI IN POTESTATE MORIENTIS.)** Enunc. I. Suus hæres, nisi qui in morientis potestate fuerit, dici non potest. l. lege Cornelia. 12. D. de testam. ubi Iulianus ait, filium eius qui apud hostes decessit, suum hæredem accipere dici non posse, quia in potestate morientis non fuit. item l. qui in aliena. 6. §. 3. D. de acqu. hæred. ubi extraneus institutus, post testatoris mortem ab exhæredato filio adoptatus, quia mortis tempore in testatoris potestate non fuit, nec suus nec necessarius est. Hoc tamen de eo accipiendum est, qui reuera hæres est, hoc est, hereditatem obtinet. constat enim ex l. Gallus. De lib. & post. Suum esse aliquem tribus temporibus posse, testamenti, mortis, & medio tempore: & si quo illorum tempore præteritus reperitur, testamentum uitari.

**IN LOCVM PATRIS SVI SVCCEDIT.)** Sequitur II. Suus non dicitur, nisi qui in potestate est, & proximum à patrefam. gradum obtinet. l. scripto. 7. si tab. test. nulla. itaq; nepos, nisi filio uel morte, uel emancipatione aliâ ratione de familia sublato, suus esse non potest. at eius sublato in locum uacuum succedit, ut in ipsius locum, pronepos, & deinceps. Papinianus autem in d. l. scripto, præclare disputat, non satis esse si quis in potestate sit, ut suus dicatur: sed requiri etiam ut proximum gradum à patrefam. obtineat. Causam enim hanc ferè constituit: Scripto hærede deliberante filius exhæredatus mortem obit, atq; ita scriptus hæres omisit hereditatem. Nepos suum se dicebat, & quia præteritus fuisset, ruptum esse testamentum. Intentio: Ego suus sum. D. Non es. Q. An sit. R. Quia nunquam proximum gradum obtinuisti. F. At ego & in potestate fui, nec me unquam in ista successione pater anteuertit. D. An nepos qui ne mortis quidem tempore proximum gradum obtinuit, si tamen nemo eum in successione anteuertit, suus dicatur. Respondetur dici.

**DOMESTICI HAEREDES SVNT.)** Sequitur III. Sui hæredes iccirco dicuntur, quia non alienam, sed iam quodammodo suam hereditatem accipiunt. l. in suis. 11. D. de lib. & post. ubi Paulus multa in hanc sententiam præclare: ut idē in l. ult. D. de bon. damnat. Quibus ex locis perspicuū est, legem XII. Tab. filijs fa. etiam uiuis patribus, paternam hereditatem addixisse, sic ut hæredes designati merito nominari possint: ac proinde mortuis parentibus nō alienam, sed propriam suamq; hereditatem adipiscantur, nam Vlp. quoq; sic loquitur in l. i. §. largius. D. de success. ed. ubi ait, & liberos parentibus, & parentes



¶ parentes liberis succedentes, penè ad propria bona uenire. Itaq; Iustinianus Domesticos hoc loco appellat, quasi uernas heredes, qui non aliunde acciti, sed domi nati sint. Et Plinius in Panegyrico, domesticos heredes extraneis opponit: illosq; ait bona, non ut aliena & speranda, sed ut sua semperq; possessa capere, quapropter non adire, sed retinere hereditatem dicuntur. in l. si patronus. 12. in fin. D. de bon. libertorum: quippe qui sine aditione ulla, ipso iure heredes sint: nec tantum heredes sint, uerumetiam eos quorum in potestate sunt, sine aditione heredes faciant: ut l. qui in aliena. 6. §. 3. D. de acqu. hered. Verum hac de re tum in Paraphrasi legis Gallus, tum sub tit. de exhered. lib. uberius explicauimus. Illud tantum adiciemus, interdum Latine suum filium dici, non ea ratione quia suum heredem dicimus, sed ut cum qui in potestate est, significemus, ut Suis & Emancipatus tanquam contraria opponantur. eoq; illa Prisciani uerba pertinent libr. 17. Discretionis quoq; causa uel abundantia, solet cum genituo possessoris addi nominatiuus possessui. ut, suus est Homeri mos: intelligitur enim, non alterius. & suus & Ciceronis filius, heres est patris constitutus, suus dicitur ad discretionem illius, qui secundum leges suus non est: id est, sub potestate patris legitimi non est. Hæc Priscianus: cuius uerba nequaquam sic accipienda sunt, quasi de suo herede, quem iurisperiti appellant, loqueretur: sed ut doceret cum ita loquimur, Filius Ciceronis suus, uel suus Ciceronis filius, hoc ad eius differentiam dici, qui iam emancipatus est. Ergo uox Suis in hac locutione ad patrem refertur: cum autem Suis heres dicimus, ad ipsum heredem. Nam eadem ratione suum patrem filij, uideo dici à Cicerone, patrem cum cuius in manu ac potestate est filius, non autem emancipatus. nam in lib. de Orat. 1. sic scribit: Quia memoria sic esset proditum: Quem pater suus, aut populus uendi disset, aut pater patratus dedisset, ei nullum esse postliminium.

SIVE VELINT, SIVE NOLINT.) Sequitur IIII. Sui iure antiquo retinere cogebantur hereditatem: à prætoribus autem abstinenti potestatem acceperunt. l. is qui putat. 15. De acquir. hered. ubi Ulpianus hoc usq; eò confirmat, ut etiam eum qui falso necessarium se putabat, repudiare non posse respondeat. Item l. conditionibus. 5. D. de cond. & demonstr. ubi Paulus ait, necessarios heredes propter patriam potestatem dici. Et si autem à moribus ea initium duxerit, ut suo loco docuimus, quia tamen lege XII. Tabul. confirmata est, iccirco eadem lege dicimus ijs retinendi necessitatem impositam fuisse: quam tamen Prætores postea remiscent, ut multis uerbis Caius docet, in l. necessarijs. 57. D. de acquir. heredit. atq; hac ex re Vlp. cap. Instit. 22. seruorum, & suorum necessitatem distinguit: Inter necessarios heredes, inquit, id est, seruos cum libertate heredes scriptos, & suos scilicet necessarios: id est, liberos qui in potestate sunt, iure civili nihil interest. (nam utriq; etiam inuiti heredes sunt) sed iure prætorio suis & necessarijs heredibus abstinerere se à parentis hereditate permittitur: necessarijs autem tantum heredibus abstinenti potestas non datur.

SED HIS PRÆTOR PERMITTIT VOLENTIBVS.) Sequitur V. Prætor suis & necessarijs heredibus abstinenti potestatem facit. d. l. necessarijs. & l. nam nec. 89. D. de legat. primo. Eodemq; illud pertinet, quod scribit Vlpian. in l. §. 3. D. si quis omissa caus. test. Qui sunt in potestate, statim heredes sunt ex testamento. nec quòd se abstinerere possunt, quicquam facit, quòd si postea misissent, ex testamento uidentur heredes, nisi si abstinuerint quidem se testamento: uerum ab intestato petierint bonorum possessionem.

QUAM EX TESTAMENTO.) Vulgati codices, hoc amplius, Ex lege duodecim Tabularum, quod tamen Theophilus ad illud refert. Prima causa est in successione liberorum. Neutrius autem magnopere incommodum uidetur. nam hoc etiam Vlpianus in Institutionibus ad ius civile nominatim retulit: quo uerbo fere in hoc disputationum genere XII. Tabulas intelligi nemo ignorat.

Extranei heredes dicuntur etiam emancipati liberi, patribus: qui uis liberi, matribus: serui post institutionem manumissi, patronis.

III. Cæteri, qui testatoris iuri subiecti non sunt, extranei heredes appellantur. Itaque liberi quoq; nostri, qui in potestate nostra non sunt, heredes à nobis instituti, extranei heredes \* uidentur. Qua de causa, & qui heredes à matre instituuntur, eodem numero sunt: quia fœminæ in potestate liberos non habent. Seruus quoq; heres à domino institutus, & post testamentum factum ab eo manumissus, eodem numero habetur.

TESTATORIS IVRI SVBIECTI NON SVNT.) Enunciatio I. Extranei heredes dicuntur, qui in potestate testatoris non sunt. Extranei enim domesticis opponuntur: quippe cum hi in testatoris familia sint, illi extra familiam.

LIBERI QVOQVE NOSTRI.) Sequitur II. Emancipati liberi heredes instituti, extraneorum numero habentur. l. tutelis. 7. D. de cap. minut. l. 6. D. de bon. poss. nam per emancipationem in aliam familiam quasi in coloniam demigrarunt. qua de re sub tit. De exhered. lib. explicatum est.

HEREDES À MATRE INSTITVNTVR.) Sequitur III. Liberi à matre instituti, quia nunquā eius in potestate fuerunt, extraneorum loco numerantur. l. pronunciatum. 195. & l. seq. D. de uerb. signific. item l. 4. §. 2. D. de bon. poss. contr. tab. ubi Paulus ait, mulieres suos heredes non habere.

POST TESTAMENTVM MANVMISSVS.) Sequitur IIII. Seruus post institutionem manumissus, extraneus heres fit. l. sed si. 6. §. 3. De hered. instit. & §. seruus. supra, De hered. instit.

Extraneus heres nisi testamenti, mortis, & aditionis tempore testamenti factionem habuerit, inutiliter institutus est: reliqui uerò temporis ratio non ducitur. l. xlvi. D. de hered. instit.

III. In extraneis heredibus illud obseruatur, ut sit cum eis testamenti factio: siue heredes \* tribus ipsi instituantur, siue hi, qui in potestate eorum sunt. & id \* duobus temporibus inspicitur: testamenti



**A** inenti quidem facti tempore, ut constiterit institutio: mortis uero testatoris, ut effectum habeat. hoc amplius, & cum adit hereditatem, esse debet cum eo testamenti factio: siue purè, siue sub conditione hæres institutus sit. nam ius hæredis eo maxime tempore inspiciendum est, quo acquirit hereditatem. Medio autem tempore inter factum testamentum, & mortem testatoris, uel conditionem institutionis existentem, mutatio iuris non nocet hæredi: quia (ut diximus) tria tempora inspici debent.

ID QVE DVOBVS TEMPORIBVS.) Sic liber Florentinus, postea tamen tria tempora inspicienda dicuntur. sed cum eadem mortis & aditionis ratio sit, nimirum ut effectum institutio accipiat, fortasse aditionis tempus sub illo mortis comprehenditur. Malim tamen omni præcisa difficultate TRIBVS temporibus legere.

DVOBVS TEMPORIBVS INSPICITVR.) Enunciatio I. Extraneum testamenti, mortis, & aditionis tempore capax hereditatis esse oportet. l. si alienum. 49. D. de hæred. instit. Nam, ut eodem loco Florentinus scribit, testamenti tempore uires sumit institutio: mortis uero, effectum. nam tum demum uim habet, cum hereditas deferatur. Quæ omnia in suo & necessario non disputantur: quia nisi utroq; tempore capax esset, suus non esset.

IUS HÆREDIS EO MAXIME TEMPORE.) Sequitur II. Ius hæredis potissimum aditionis tempore spectatur. l. non oportet. 52. D. de legat. & fid. 2. ubi Terentius ait, non oportere de conditione (hoc est, utrum capax sit an incapax) cuiusquam queri prius quam hereditas ad eum pertineat: id est, pertinere possit. quod usq; eo uerum est, ut Modestinus in l. in tempus. 62. D. de hæred. instit. scribat, in tempus capiendæ hereditatis institui hæredem posse, ueluti Titius cum capere potuerit, hæres esto. nimirum quia institutio non in præsens, sed in tempus illud quo capax erit Titius, conferunt: ex eoq; uires non ex præsentis sumit.

**B** MUTATIO IURIS NON NOCET HÆREDI.) Sequitur III. Media inter institutionem & mortem aditionemque tempora, quamuis interea testamenti factionem institutus amisit, non nocent. l. sed si. 6. §. 3. D. de hæred. instit. ubi Ulpian. ita scribit: Solemus dicere media tempora non nocere: ut puta ciuis Romanus hæres scriptus, uiuo testatore factus peregrinus, mox ad ciuitatem Romanam peruenit. media tempora non nocent. Causæ constitutio: Titius hæres scriptus sub conditione si nauis redierit, mortis testatoris tempore deportatus est, sed ante conditionis euentum restitutus est in ciuitatem: reuera nauis hereditatem petit. Intentio: Hæc hereditas mea est. Depulsio agnati: Imò mea. Q. Vtrius sit. R. Quia tu incapax mortis tempore fuisti. F. Imò incapax non fui. nam incapax dicitur, qui capere non potest id quod capi iure communi potest: at hereditas capi non poterat. D. An incapax aliquis eo tempore non sit, quo capi hereditas non potest. Conuolueris ex definitione nata est. Respondetur autem non esse. Idem etiam traditur à Terentio in l. si seruus. 82. D. de acquir. hæred. ubi ait seruum eius qui capere non poterat institutum, si aditionis tempore liber sit, adire posse: propterea quod serui personam potius quam domini testator spectabat, id est, eum hæredem habere malebat, quam dominum: quare collata uis datur institutio in id tempus, quo capere seruus poterit. Alioqui satis constat, institutionem non ualere. l. non minus. 31. D. de hæred. instit.

Testamenti factio, non modo testamenti faciendi, sed etiam capiendi ex testamento facultatem significat. l. xv j. D. de testam.

**V.** Testamenti autem factionem non solum is habere uidetur, qui testamentum facere potest: sed etiam qui ex alieno testamento uel ipse capere potest, uel alij acquirere, licet non possit facere testamentum. Et ideo furiosus & mutus, & postumus, & infans, & filiusfamilias & seruus alienus testamenti factionem habere dicuntur. Licet enim testamentum facere non possint, attamen ex testamento uel sibi, uel \* alij acquirere possunt.

**C** VEL IPSE CAPERE POTEST.) Enunciatio I. Testamenti factione ius continetur duplex: testamenti faciendi, & capiendi ex testamento. l. filiusfamilias. 16. D. de testa. ubi Pomponius scribit, & filiumfam. & seruum alienum, & surdum, testamenti factionem habere: licet enim testamentum facere non possint, attamen ex testamento, uel sibi uel alijs acquirere possunt. Vetus autem est locutio hæc, & sine dubio ex XII. Tab. manauit: in quibus tamen scriptum fuisse opinor, de ijs quibus cum testamenti factio haberetur: non qui testamenti factionem haberent.

**ET IDEO FURIOSVS.)** Si modo uel patri, uel domino hæres sit necessarius. sibi enim acquirere commodum hereditatis non potest: ut Marcellus scribit in l. furiosus. 63. D. de acquir. uel omitt. hæred.

**ET IDEO MUTVS ET POSTVMVS)** Mutus, quia mutus est, testamentum facere non potest: quod idem de surdo, furioso, infante, impubere, & filiofam. alijsq; omnibus qui in eodem genere sunt, dicitur. At postumus, non quia postumus est, testamentum facere non potest: sed quia uel infans, uel pupillus est. quare totum hoc **ET POSTVMVS**, superuacaneum arbitror: sumptumq; ex d. l. filiusfam. ubi pro **POSTVMVS** legendum **MUTVS**, dubitari meo iudicio non potest.

**LICET ENIM TESTAMENTVM FACERE.)** Sequitur II. Non si quis testamentum facere non potest, ideoque testamenti factionem non habet: illud enim species est, hoc genus.

Extraneo hæredi spacium ad deliberandum datur: quicumq; autem hereditatem amplexus erit, ab ea, nisi minor aut miles sit, liberari non potest. l. ult. C. de iur. delib. & l. ult. C. de repud. hæred.

**VI.** Extraneis autem hæredibus deliberandi potestas est de adeunda hereditate, uel nõ adeūda. Sed siue



Sed siue is cui abstinendi potestas est, immiscuerit se bonis hæreditatis: siue extraneus, cui de ad-  
eunda hæreditate deliberare licet, adierit: postea relinquendæ hæreditatis facultatem non habet,  
nisi minor sit uiginti quinque annis. Nam huius ætatis hominibus, sicut in cæteris omnibus causis,  
deceptis: ita & si temerè damnosam hæreditatem susceperint, prætor succurrit. Sciendum est ta-  
men, diuum Adrianum etiam maiori uiginti quinque annis ueniam dedisse, cum post aditam hære-  
ditatem grande æs alienum, quod aditam hæreditatis tempore latebat, emerisset. Sed hoc quidem  
diuus Adrianus cuidam speciali beneficio præstitit: diuus autem Gordianus postea in militibus  
tantummodo hoc extendit.

DELIBERANDI POTESTAS EST.) Enunc. I. Extraneis hæredibus institutis, deliberandi spaci-  
um ceditur. l. i. & passim. D. & C. de iur. delib. Iustinianus autem in l. ult. §. & hæc quidem, tempus constituit anni, si ab Impe-  
ratore sit petium: nouem mensium, si à iudicibus. Nam olim in ius dicentis potestate positum erat, quam diem præstitueret:  
ubi scribit Vlpian. l. i. D. de iur. delib. Quod tamen ita intelligendum opinor, si sine cessione institutus esset. nam qui cum cese-  
sione institutus erat, spaci-um à testatore definitum habebat, uti docet Vlp. cap. Instit. 22. quem adolescentibus hoc loco ad eum-  
dem censeo. Iustinianus autem eadem lege ult. cautionem institutis hæredibus utilissimam tradidit: nimirum ut inuentarium  
siue recensionem rerum omnium quæ defuncti mortis tempore fuerunt, conficiant: ut si creditores existant qui nomina sua  
persequantur, pro modo duntaxat earum rerum satisficiant, neque quicquam amplius exsoluere cogantur.

SIVE IS CUI ABSTINENDI.) Sequitur II. Suis & immiscere, & abstinere: extraneus & adire &  
repudiare proprie dicitur. l. impuberibus. u. l. cum bonis. 87. D. de acq. hæred. Cum enim sui in familia sint, non adeunt: sed  
extranei qui aliunde accedunt, rursus cum etiam uiuo patrefam. hæredes sint, repudiare non possunt, sed abstinere.

MINOR SIT VIGINTIQUINQUE ANNIS.) Sequitur III. Minor & miles soli damnose hæredi-  
tatis acceptione decepti in integrum restituantur. l. ait prætor. 7. §. 2. D. de minorib. l. ult. C. de repud. hæred. l. ult. C. de iur.  
delib. Nam de militibus quidem, quod Imp. Gordianus statuerat, idem Iustinianus in fin. d. l. ult. confirmauit: nimirum ut non  
ampliori summa teneantur, quam quantam in hæreditate repperint. De minore autem Vlp. d. l. ait prætor, idem respondit:  
nimirum ut si hæreditatem adit minus lucrosam, succurratur ei, ut se possit abstinere, quod Caius in l. necessarijs. 57. D. de acq.  
quir. uel omitt. hæred. sic explicat: Sed impuberibus quidem etiam si se immiscuerint hæreditati, præstat abstinendi faculta-  
tem: puberibus autem ita, si se non immiscuerint, sed tamen & puberibus minoribus annis XXV. si temerè damnosam pa-  
rentis hæreditatem appetierint, ex generali edicto, quod est De minoribus, succurrit, quum & si extranei damnosam hære-  
ditatem adierint, ex ea parte edicti, in integrum eos restituit. coq. pertinet l. impuberibus. n. eiusdem tit. In alijs aut omnib. res-  
gula hæc obseruatur, ut neque quæsitam repudiare, neque repudiatam acquirere possint. l. 3. & 4. C. de repud. uel abstin. hæred.

SICUT IN CÆTERIS OMNIBVS CAUSSIS.) Vide l. i. D. de minoribus.

DIVVS AUTEM GORDIANVS.) Sed & ueterem, inquit Iustinianus, constitutionem non ignoramus,  
quam Diuus Gordianus ad Platonem scripsit, de militibus qui per ignorantiam hæreditatem adierunt: quatenus pro ijs tan-  
tummodo rebus conueniantur, quas in hæreditate defuncti inuenerint, ipsorum autem bona à creditoribus hæreditarijs non  
inquietentur.

Lege Iustiniani necessitas spaci-um ad deliberandum petendi sublata est, si modo rerum  
hæreditariarum inuentarium ritè & modo conficiatur.

l. ult. C. de iur. delib.

VII. Sed nostra beneuolentia commune omnibus subiectis Imperio nostro hoc beneficium  
præstitit, & constitutionem tam æquissimam, quam nobilissimam scripsit: cuius tenorem si obser-  
uauerint homines, licet eis & adire hæreditatem, & in tantum teneri, quantum ualere bona hære-  
ditatis contingit: ut ex hac causa, neque deliberationis auxilium sit eis necessarium, nisi omi-  
ssa obseruatione nostræ constitutionis, & deliberandum existinauerint, & sese ueteri grauamini aditi-  
onis supponere maluerint.

COMMUNE OMNIBVS SVBIECTIS BENEFICIUM.) Beneficium hoc paucioribus uerbis ex-  
plicari poterat, quam Iustiniani beneuolentia commendata sit. Est igitur hoc, ut hæres institutus intra nonaginta dies, quibus  
se institutum scierit, si res propinqua sint, uel intra annum, si longè absint, inuentarium omnium hæreditariarum rerum, ta-  
bellarijs testibusque præsentibus conficiat: ipse manu sua id subscribat, uel à certo tabulario adhibitis testibus subscribendum  
curet, atque hoc modo pro earum rerum ratione tantum creditoribus teneatur: quartamque Falcidiam retinere possit. l. ult. C. de  
iur. delib.

IN TANTVM TENERI.) Enunc. I. Qui ritè inuentarium confecit, pro rerum hæreditariarum modo tene-  
tur tantum. l. ult. C. cod.

NEQUE DELIBERATIONIS AVXILIVM NECESSARIVM.) Sequitur II. Inuentarij con-  
fectio à deliberandi cura liberat: quam tamen, omisso illo, licet suscipere. d. l. ult. C. cod. ubi imperator constituit, ut si delibe-  
rare hæres malit, à principe annum, à magistratibus nouem mensium spaci-um impetrare possit.

Extraneus hæres potest uel factò, id est, gerendo pro hærede, uel nuda testificatione hæ-  
reditatem acquirere, quin & hac sola repudiare potest: surdus autem & mutus  
pro hærede gerendo acquirunt. l. xx. & lxxx viij. & 7. De acq. hæ.

VIII. Item extraneus hæres testamento institutus, aut ab intestato ad legitimam hæreditatem  
uocatus,



**A** uocatus, potest aut pro hærede gerendo, aut etiam nuda suscipiendæ hæreditatis hæres fieri. Pro hærede autem gerere quis uidetur, si rebus hæreditarijs tanquam hæres utatur, uel uendendo res hæreditarias, uel prædia colendo locandoue, & quoquo modo uoluntatem suam declaret, uel re, uel uerbis, uel adeunda hæreditate: dummodo sciat eum, in cuius bonis pro hærede gerit, testamentum intestatum ius obijisse, & se ei hæredem esse. Pro hærede enim gerere, est pro domino gerere. Veteres enim, Hæredes pro dominis appellabant. Sicut autem nuda uoluntate extraneus hæres fit: ita contraria destinatione statim ab hæreditate repellitur. Eum, qui surdus uel mutus natus, uel postea factus est: nihil prohibet pro hærede gerere, & adquirere sibi hæreditatem, si tamen intelligit quod agit.

**AVT PRO HÆREDE GERENDO.)** Enunc. I. Extraneus hæres non modo facto, sed & uerbis potest hæreditatem acquirere.

**TANQVAM HÆRES VTATVR.)** Sequitur II. Pro hærede gerere non dicitur, nisi qui pro eo iure quo hæres est, agit. l. pro hærede. 20. D. de acqu. hæred. ubi Vlpianus ait, eum demum pro hærede gerere, qui aliquid facit quasi hæres: neq; enim id tam facti esse, quam animi. nam hoc animo esse debere, ut uelit hæres esse. Causæ constitutio: filius dum deliberat, ædes hæreditarias ruinosas fulcit, iumenta inutilia uendidit, seruis cibaria præbuit. Creditor continuo aduolat: nomina quasi ab hærede, & ab eo qui se pro hærede gessit, exigit. Intentio: Debes mihi tantam pecuniam. D. Non debeo. Q. An debeat. R. Quia pro hærede gerere est, eo animo gerere, ut hæreditas retineatur. ego uero non eo animo feci, sed ut isti hæreditati consultum esset. F. Imò pro hærede gerere est, ea facere, quæ ad hæredis officium pertinent. D. An pro hærede gerat is, qui quæcunq; ad hæredis officium pertinent, facit. Controuersia ex scripto nascitur. Vlpianus illa eadem lege scribit, si quid pietatis aut custodiæ causa fecit, ueluti si seruos hæreditarios pauit, iumenta pauit aut distraxit, pro hærede gessisse non dicitur.

**QVOQVO MODO VOLVNTATEM SVAM DECLARAT, VEL RE VEL VERBO.)**

Sequitur III. Qui quoquo modo suam uoluntatem declarat, uel re, uel uerbo, pro hærede gerere dicitur. Quod ab omnium antiquorum scriptis, ne dicam à ueritate planè alienum est. Aliud est enim pro hærede gerere, aliud uoluntatem suam uerbo & oratione testari: illud factum solum, hoc uerba sola desiderat. Itaq; Vlp. cap. Instit. 22. Extraneus hæres, inquit, siquidem cum cretione sit hæres institutus, cernendo sit hæres: siue cretione, pro hærede gerendo. Pro hærede gerit, qui rebus hæreditarijs tanquam dominus utitur: uelut qui auctionem rerum hæreditariarum facit. Cretio est certorum dierum spacium, quod datur instituto hæredi ad deliberandum. cernere est uerba cretionis dicere ad hunc modum, Cum me Mænius hæredem instituerit, eam hæreditatem adeo, cernoq;. Neq; obstat quod ait Paulus in l. gerit. 88. D. de acqu. hæred. Gerit pro hærede, qui animo agnoscit successionem, licet nihil attingat hæreditarium. Non enim de solo animo sine facto loquitur, sed de eo qui rerum quarundam possessionem retinuit. Ergo pro hærede gestio nec solo animo, nec sola oratione contenta est: rem & factum exquirat.

**DVMmodo SCIAT EVM.)** Sequitur IIII. Pro hærede gerere non potest, nisi qui se & iure, & hoc titulo id facere intelligit. l. si is ad quem. 22. D. de acqu. hæred. ubi Paulus ait: Ut quis pro hærede gerendo obstringat se hæreditati, scire debet qua ex causa hæreditas ad eum pertineat. Causæ constitutio: Agnatus proximus scriptus hæres, antequam tabule proferrentur, cum existimaret patrem suam intestatò mortuum, animo hæredis, & pro domino fecit omnia: locauit, aluit, conduxit, uendidit, ceteraq; omnia. Creditores accurrunt, debita sua flagitant, quasi ab eo qui se pro hærede gessit. Miser admonitus statim est testamentum patrem suam decessisse: negat igitur secum agi posse. Intentio: Debes tantam pecuniam. D. Non debeo. Q. An debeat. R. Quia pro hærede gerere dicitur, qui eo iure quo hæres est utitur: at hic non eo iure utebatur quo hæres erat. F. Imò pro hærede gerere est, pro domino gerere, & dominio suo undecunq; id profectum sit, uti. D. An pro hærede gerere dicatur, qui dominio suo undecunq; id profectum sit, utitur. Controuersiam scripti definitio peperit. **C** Paulus respondet hunc pro hærede non gessisse: propterea quòd eo iure quo hæres erat, non utebatur. cum enim testamentarius esset, legitimum se putabat.

**PRO DOMINO GERERE.)** Sic Festus libro VIII. Hæres, inquit, apud antiquos pro domino ponebatur. Viriusq; Plautus auctoritatem comprobat in Menechmis, cum Menechmum peregrinum de palla loquentem facit:

Prandi, potaui: atq; abstuli

Hanc, cuius hæres nunquam erit post hunc diem.

Vnde autem hoc uerbum manarit, non facile dixerim. nam eos qui ab Herus dictum putant, syllabæ prioris ratio refellit. potius ab Hæreo ductum putarem: ut Hæres dicatur, reiecta litera pro Hærens: ut in antiquis compluribus. primum, quia proprium hoc nomen est non extraneorum, sed suorum: quod uel hinc licet intelligatur, quia hi soli exheredantur. optima ratione, cum filius suam eadem in familia & domo hæreret. Itaq; non heredare dicimus, quia suo iure filius adhærescit: sed exheredare, quasi conuellere & dimouere. Ego potius ab Hera dictum putarem, quod terram significat. Hinc hæredium Varroni, agellus, qui hæredem sequebatur: hæres autem ipso iure filius est, & plurimum relinqui solet.

**CONTRARIA DESTINATIONE DEPELLITVR.)** Sequitur V. Extraneus hæres sola oratione repudiare hæreditatem potest. l. recusari. 95. De acqu. hæred. ubi Paulus ait, Recusari hæreditatem non tantum uerbis, sed etiam re posse, & alio quouis indicio uoluntatis. & l. recusare. 6. D. ad Trebell. ubi Vlpian. ait, recusare non tantum præsentibus, sed etiam absentes, uel per epistolam posse.

**QVI SURDVS, VEL MUTVS.)** Sequitur VI. Surdus & mutus, siue natura, siue casu factus, pro hærede gerendo, acquirere hæreditatem potest. l. mutum. 5. & l. pater. 93. D. de acqu. hæred. ubi nominatim de gestione mentio fit. aditionis enim siue cretionis uerba pronunciare non possunt.



*Deinceps se de legatis explicaturum ostendit: & quid legatum, quor-  
que olim legatorum species fuerint, exponit. l. 36.*

*De legat. 2. l. 21. C. de legat.*

**I** **P**ost hæc uideamus de legatis, quæ pars iuris extra propositam quidem materiam uidetur, (nam loquimur de ijs iuris figuris, quibus per uniuersitatē res nobis acquiruntur) sed cum omnino de testamentis, deq; hæredibus, qui testamento instituuntur, locuti simus, non sine causā sequenti loco potest hæc iuris materia tractari. Legatum itaq; est donatio quædam à defuncto derelicta. Sed olim quidem erant legatorum genera quatuor: per uindicationem, per damnationem, sinendi modo, per præceptionem: & certa quædam uerba cuiq; generi legatorum adsignata erant, per quæ singula genera legatorum significabantur. Sed ex constitutionibus diuorum Principum solemnitas huiusmodi uerborum penitus sublata est.

**IIS IURIS FIGVRIS.)** Id est, modis, rationibus. Docemus quibus rationibus uniuersæ res acquirantur.

**PER VNIVERSITATEM RES NOBIS ACQVIRVNTVR.)** Enunciatio I. Nec res singula per institutionem, nec uniuersa per legatum acquiri possunt. l. si alterius. 10. D. de hæred. instit. ubi Paulus scribit, hæredem ex re certa institutum, ex uniuersis tamen institutum intelligi. item l. hæres. 37. D. de acqu. hæred. ubi Pomponius ait, hæredem non in singularum rerum dominum, sed in omne ius mortui succedere. Vniuersarum tamen rerum partitionem legari posse Vlp. cap. Instit. 24. bis docet uerbis: Sicut singula res legari possunt, ita uniuersarum quoq; summa legari potest. ut puta, Mæuius hæres meus cum Titio hæreditatem meam partitor, diuidito. quo casu dimidia pars bonorum legata uidetur. Potest autem & alia pars, uelut tertia, uel quarta legari: quæ species Partitio appellatur.

**LEGATVM EST DONATIO.)** Sequitur II. Legatum dici, nisi quod donum & merum lucrum affert, non potest. l. legatum. 36. D. de leg. & fid. 2. ubi Modestinus eodem modo scribit, Legatum esse donationem testamento relicta. Itaq; Iulianus in l. si hæreditatem. 31. D. mandat. Legatum ab hæreditate hoc differre scribit, quod illud semper merum lucrum affert, nec unquam damnosum esse potest: hæreditas autem etiam damnosam hæreditatem significat. l. hæreditatis. De uerb. sig. Florentinus autem in l. legatum. 116. D. de legat. 1. Legatum esse scribit delibationem hæreditatis, quia testator, ex eo quod uniuersum hæredis foret, alicui quid collatum uelit. Qui locus significare uidetur, Florentinum hoc Legati nomen à legendo, id est, deligendo ductum putasse: quemadmodum Varro Legatos appellatos tradit, quod publice lecti mitterentur, nam quæ delibantur & decerpuntur, leguntur. Vlp. autem Instit. cap. 24. ex eo deducere uidetur, quod legis modo, id est, imperatiue relinquatur: cui assentiri nullo modo possum.

**DONATIO A DEFUNCTO RELICTA.)** Vulgati codices hoc amplius, AB HAEREDE PRAE-  
STANDA. quod & iuris ratio, & antiquorum librorum & Theophili auctoritas abiudicant: ut Modestini locum omittam in l. legatum. 36. D. de legat. 2. Itaq; Papin. in l. legatum. 80. eod. Legatum, inquit, ita dominium rei, legatarij facit, ut hæreditas hæredis res singulis. quod eo pertinet, ut si purè res relicta sit, & legatarius non repudiauit defuncti uoluntatem: reuera dominium, quod hæreditatis fuit, ad legatarium transeat, nunquam factum hæredis.

**LEGATORVM GENERA QVATVOR.)** Sequitur III. Olim legatorum genera quatuor fuerunt. quæ omnia à Græcis imperatoribus sublata sunt. l. in legatis. 21. C. de legatis. Horum autem de unoquoq; Vlpianus cap. Instit. 24. & Caius lib. Institut. 2. & Paulus lib. Sentent. 3. subtiliter copioseq; disputant: nec ulla ratio est huc eorum disputationem transscribere.

*Iustinianus unam omnium legatorum rationem esse uoluit, atq; ut ea personali, reali, & hypothecaria actione peti possent, constituit.*

*l. prima. C. com. de leg.*

**II.** Nostra autem constitutio, quam cum magna fecimus lucubratione, defunctorum uoluntates ualidiores esse cupientes, & non uerbis, sed uoluntatibus eorum fauentes, disposuit, ut omnibus legatis una sit natura: & quibuscunq; uerbis aliquid relictum sit, liceat legatarijs id persequi: non solum per actiones personales, sed etiam per in rem, & per hypothecariam. Cuius constitutionis perpensum modum ex ipsius tenore perfectissimè accipere possibile est.

**OMNIBVS LEGATIS VNA SIT NATVRA.)** Enunc. I. Omnium legatorum quibuscunq; uerbis ea concepta sint, una ex lege Iustiniani ratio atq; natura est. l. 1. C. commun. de legat. Quin & ante Iustinianum Constantini liberi constituerant, ut neq; in legatis, neq; in fideicommissis, obseruatio uerborum esset necessaria: ita ut nihil prorsus interea sit, quis talem uoluntatem uerborum casus exceperit, aut quis loquendi usus effuderit. l. in legatis. 21. C. eod. Quam uero multiplex dissimilisq; natura illorum olim esset, ex Caio & Vlpiano studiosi facile cognoscent.

**NON SOLVM PER ACTIONES PERSONALES.)** Sequitur II. Quoduis legatum per actionem personalem, realem, & hypothecariam peti potest. l. 1. C. commun. de leg. Quatenus, inquit, liceat, legatarij res uindicare in rem actione instituenda, & insus per utilem Seruianam, id est, hypothecariam super his quæ fuerint derelicta, in res mortui præstare.

Iustiniani



B

C

SED ETIAM ALIENA RES.) Enunciatio I. Testator & suus & heredis res, & item eas, quas alienas esse scit, legare potest. l. cum scruius, 39. in fi. D. de legat. 1. ubi Vlpianus, Constat, inquit, etiam res alienas legari posse: utiq; si

SED ETIAM ALIENA RES.) Enunciatio I. Testator & suus & heredis res, & item eas, quas alienas esse scit, legare potest. l. cum scruius, 39. in fi. D. de legat. 1. ubi Vlpianus, Constat, inquit, etiam res alienas legari posse: utiq; si



parari possint, etiam si difficilis earum paratio sit. Et l. ab omnibus. 104. §. 2. eod. ubi Iulianus ait, etiam rem hostium posse legari, si aliquo casu emi possit. Et l. unum. 67. §. 6. D. de legat. 2. ubi Papin. scribit, heredem ita cogi rem alienam redimere, eiusque legatario aestimationem prestare, si testator sua esse sciebat. faciliores enim esse uoluntates, in legandis suis rebus, quam in alienis comparandis, & onerandis heredibus, cui conuenit l. si pecunia. 12. sub eodem tit. & l. cum alienam. 10. C. de legat. Causse constitutio: Testator agrum Cornelianum, quem suum filio putabat, Sempronio legauit. eo mortuo Sempronius legatum ab herede postulat. Intentio: Debes mihi agrum Cornelianum. D. Non debeo. Q. An debeat. R. Quia errantis testatoris uoluntas nulla est. F. At non in re uoluntas errauit, iccirco in beneficio conferendo errauit. omnino enim beneficium in me testator esse uoluit. quare si minus rem, saltem aestimationem debes. D. An cum res aliena propter errorem testatoris non debeat, saltem aestimatio propter certam beneficii conferendi uoluntatem debeat. Controuersiam scripti & sententiae contentio peperit. Respondetur, neque rem, neque aestimationem deberi, quia testator si sciisset rem alienam esse, forsitan eam non legasset.

SI EAM NON POTEST REDIMERE.) Sequitur II. Haeres rem alienam legatam uel redimere, uel eius aestimationem legatario prestare cogitur. l. si pecunia. 12. De legat. 2. l. non dubium. 14. in fin. & l. qui quatuor. 30. in fi. D. de legat. 3.

QUARVM COMMERCIVM NON EST.) Sequitur III. Quarum rerum commercium nullum est, earum legatum nullius momenti est. l. cum seruus. 39. in fin. De legat. primo. ubi Vlpianus scribit, furiosi esse talia legata testamentis ascribere. Sed quaeritur de iis rebus, quarum commercium quidem est, non tamen legatario. Paulus in l. mortuo. 49. §. Labeo. De legat. 2. scribit, Trebatium qui debere legatum responderat, iure a Fulcinio reprehensum. Neque obstat quod scribit Vlp. in l. fideicommissa. 11. §. si seruo. 14. D. de legat. 3. Si seruo militia legata sit, cuius est incapax, aestimationem deberi. militiae namque legato, eius aestimatio debetur. uti Paulus in d. l. mortuo, testatur nominatim. Non obstat praeterea l. filiusfam. 114. §. si quid. De legat. 1. ubi de legatario agitur, qui non iure, sed casu aliquo capere prohibetur. Si quid alicui licite fuerit relictum, inquit, uel ius aliud quod ipse quidem propter corporis sui uiuium, uel propter qualitatem relictum, uel aliam quamcumque probabilem causam habere non potuit, alius tamen hoc habere potuit: quanti solet comparari, tantam aestimationem accipiet.

LEGATARIVM PROBARE OPORTERE.) Sequitur IIII. Cum ambigitur scierit ne testator rem alienam esse an non, ad legatarium probatio pertinet. l. uerius. 21. unde hic locus descriptus est. D. de probat.

BI QVI AGIT.) Sequitur V. Probandi necessitas ei qui agit, imponitur. l. qui accusare. C. de edend.

*Haeres rem legatam, quam defunctus oppigneratam sciebat, luere cogitur: nisi ut id legatarius faceret, testator cavit. l. l. vij. De legat. primo.*

V. Sed & si rem obligatam creditori aliquis legauerit, necesse habet haeres eam luere. Et in hoc quoque casu idem placet, quod in re aliena: ut ita demum luere necesse habeat haeres, si sciebat defunctus rem obligatam esse. & ita diui Seuerus & Antoninus rescripserunt. Si tamen defunctus uoluit legatarium luere, & hoc expressit: non debet haeres eam luere.

NECESSE HABET HAERES EAM LUERE.) Enunciatio I. Rem legatam, quam oppigneratam testator sciebat, haeres luere cogitur. l. si res obligata. 57. De legat. 1. l. licet placeat. 15. D. de dot. praeleg. Causse constitutio: Cum oppigneratam rem mihi testator legasset, eamque ab herede petere, luere illam recusabat. Intentio mea: Debes eam rem luere. D. Non debeo. Q. An debeat. R. Quia qualis quaeque res legata est, talis debetur, siue libera, siue obnoxia. F. At tu mihi eam prestare debes: quare tuum est illam redimere. D. An cum talis res debeat, qualis legata est, tamen quia praestanda ab herede est, ab eodem liberanda & redimenda sit. Controuersiam contrarie scripta faciunt. Res qualis est, debetur. Res legata ab herede praestetur. Respondetur, si quidem testator obligatam sciebat, ab herede luendam esse: si nesciat, a legatario. l. praedia. 6. §. de fideicom. Eam autem scientiam probare legatarius debet. l. uerius. 21. D. de probat.

VOLVERIT LEGATARIVM LUERE.) Sequitur II. Si cautum sit ut rem legatarius luat, haeres id facere non cogitur.

*Qui legata sibi rei dominium precio adeptus est, legatum persequetur: qui gratis, nequaquam. cui uero duorum testamento legata res est, non adeptare, aestimationem: sed hanc nactus, illam petere poterit.*

l. xxxiij. & l. xxxiij. De legat. j.

VI. Si res aliena legata fuerit, & eius rei uiuo testatore legatarius dominus factus fuerit: si quidem ex causa emptionis, ex testamento actione precium consequi potest. Si uero ex causa lucratiua, ueluti ex donatione, uel ex alia simili causa, agere non potest. Nam traditum est duas lucratiuas causas in eundem hominem, & eandem rem concurrere non posse. Hac ratione, si ex duobus testamentis eadem res eidem debeat: interest, utrum rem, an aestimationem ex testamento consecutus sit. nam si rem habet, agere non potest, quia habet eam ex causa lucratiua: si aestimationem, agere potest.

SI QUIDEM EX CAUSSA EMPTIONIS.) Enunciatio I. Qui legata sibi rei dominium ex onerosa causa nactus est, petere legatum potest: qui ex lucratiua, nequaquam. l. huiusmodi. 84. §. qui seruum. De legat. 1. Causse constitutio: Cum testator mihi uestem Titij legasset, eam mihi imprudenti Titius uel dono dedit, uel uendidit: post legati certior



SI EX DVOBV TESTAMENTIS.) Sequitur III. Cui res eadem à duobus legata est, æstimationem adeptus rem petere poterit, non contrà. l. Mæuius. 66. §. 1. De legat. 2. l. plane. 34. §. 1. D. de legat. primo. ubi Vlpianus ait: Si duorum testamentis mihi eadem res legata sit, bis petere poterò: ut ex altero testamento rem consequar, ex altero æstimationem. Causæ constitutio: Titius & Mæuius rem eandem mihi legarunt: eam à Titij hærede consecutus, nunc ab illo Mæuij eandem peto. Intentio: Mihi legati nomine illius rei æstimationem debes. D. Non debeo. Q. An debeat. R. Quia bis rem eandem habere non potest. F. At testatoris tui beneficium irritum esse non debet. D. An qui rem uno ex testamento consecutus est, ne tamen alterius testamenti beneficium inane sit, æstimationem ex altero postulare possit. Controuersia ex contrariis scriptis orta est. Respondetur autem non posse, propter regulam quæ tradit, Duas causas lucratiuas, &c. Si tamen prius æstimationem à Mæuij hærede fiti adeptus, rem ab altero hærede nihilominus petet, non enim qui æstimationem habet, iccirco rem habere iudicatur, at qui rem habet, idem etiam æstimationem habere intelligitur: ex quo perspicuum est, non rem æstimatione, sed æstimationem re ipsa contineri.

VELVITI SI QVIS DICAT.) Sequitur II. Coniunctim legatum dicitur ijs, quibus una enunciatione com-



plexis eadem res legata est: disiunctim, quorum singuli singulis enunciationibus ad rem eandem uocantur. Vel sic: Coniunctim A  
legatum dicitur, qui re & uerbis coniuncti sunt: disiunctim, qui re tantum. l. triplici modo. 142. De uerb. sign. l. re coniuncti.  
89. De legat. tertio, ubi, quibus Iustinianus hoc loco scribit disiunctim legatum esse, ij re non uerbis coniuncti appellantur:  
omnino enim qui ad unam eandemque rem uno testamento uocantur, ij quacunque ratione testator sit locutus, coniun-  
cti intelliguntur.

*Is cui fundus alienus legatus est, si proprietatem mercede, usum fr. gratis  
adeptus sit, solius proprietatis aestimationem consequetur. l. lxxxij. §. ij. De legat. primo.*

IX. Si cui fundus alienus legatus fuerit, & emerit proprietatem detracto usufructu, & ususfru-  
ctus ad eum peruenerit, & postea ex testamento agat: recte eum agere, & fundum petere Iulianus  
ait: quia usufructus in petitione seruitutis locum obtinet. sed officio iudicis continetur, ut dedu-  
cto usufructu, iubeat aestimationem praestari.

FUNDVS ALIENVS LEGATVS.) Enunciatio I. Ususfructus per fructuarij mortem cum proprietate  
consolidatus, gratis ad proprietarium peruennisse intelligitur. l. non quocunq. 82. §. fundus. De legat. 1.

SERVITVTIS LOCVM OBTINET.) Sequitur II. Ususfructus gratis acquisitus ei, cui fundus legatus  
erat, peti ab eo tanquam seruitus poterit. d. l. non quocunq. & l. Maenius. 66. §. fundo. De legat. 2. ubi Papinianus scribit, usum  
fructum in iure, non in parte consistere. Causae constitutio: Is cui fundus alienus legatus erat, proprietatem mercati, post fru-  
ctuario mortuo gratis usumfructum per consolidationem adeptus est. Querebatur an ab haerede testatoris, fundi solidi aesti- B  
mationem petere posset: cum eadem res ex duabus lucratiuis causis eiusdem fieri non possit, ut proxime demonstratum est: gra-  
tis autem usumfructum consecutus esset. Intentio ipsius: Solidi fundi aestimationem mihi debes. D. Non debeo. Q. An debeat.  
R. Quia usumfructum gratis adeptus es. F. At ususfructus est seruitus: nemini autem res sua seruit, quo modo igitur usumfru-  
ctum mihi a fundo separatim obtigisse dicis? D. An proprietarius usumfructum gratis consecutus, quia tamen ususfructus ser-  
uitutis locum obtinet, petere fundi solidi aestimationem possit. Controversia ex contrarie scriptis nata est, quorum unum est,  
Gratis rem consecutus, ne petat: alterum, Ususfructus in iure, non in parte consistit. Respondetur autem aequitatem hic cum iure  
re summo contendere, nam summo iure ususfructus seruitutis numero ac loco habendus est: ac proinde si a fundo in ista con-  
trouersia separetur, ne habetur quidem a legatario: si non separetur, habetur ex onerosa causa, qua fundum adeptus est. Quia  
tamen reuera usumfructum gratis consecutus est, non aequum esse, ut iterum ab haerede cum gratuita ex causa possulet.

OFFICIO IVDICIS CONTINETVR.) Sequitur III. In bonae fidei iudicijs iudex pro officio suo ius  
summum, quod Praetor secutus est, ex aequo & bono molliet. l. 7. D. de negoc. gest. l. Lucius. 17. D. de pos. Num in hac causa  
non potest Praetor ius summum legatario postulanti denegare? quomodo enim, qui iuris ciuiliis administer & dispensator quia-  
dam est, ius suum ciui postulanti recusare? Dabit igitur postulanti Sempronio legatario actionem in hac uerba: Si patet fun-  
dum Corneliani Sempronio a Titio legatum esse, tum haeres Titij damnetur. Veruntamen quia bona petitoris fides & aequitas  
exquiritur, adiectione hac iudicium postulabit, Tanti damnetur, quantum ex bona fide dari fieri oportebit. quam adiectione  
iudex secutus, Tanti (inquit Iulianus) litem aestimabit, quantum auctori aberit: hoc est, tanti haereditatem damnabit, quantum le-  
gatus uenditori fundi persoluerit: uel quantum onus illud erit, quod cum illo fundo ad legatarium peruenerit.

*Cui res sua legata est, quamuis eam alienauerit, ei tamen nec res, nec aesti-  
matio debetur. l. xij. C. de leg. l. xl j. D. de leg. j.*

X. Sed si rem legatarij quis ei legauerit, inutile est legatum: quia quod proprium est ipsius, am- C  
plius eius fieri non potest, & licet alienauerit eam, non debetur nec ipsa res, nec aestimatio eius.

SED SI REM LEGATARIJ.) Enunciatio I. Cui res sua legata est, ei ne rei quid est aestimatio debetur. l. pro-  
prius. 13. C. de legat. Cum autem hanc particulam SED SI considero, uenio in suspicionem appendiculam hanc esse supe-  
rioris disputationis: quemadmodum in d. l. Maenius. §. fundo. ubi cum Papinianus dixisset, fundo legato, si ususfructus alienus  
sit, nihilominus ab haerede petendum esse: sic intulit, Sin autem res mea legatur mihi, legatum propter istas causas non uale-  
bit. Ut sensus sit huius loci: Si testator mihi meum fundum cuius ususfructus alienus est legauerit, non tamen legatum ualebit.  
Ususfructus enim multis in casibus dominij pars est. l. 4. D. de usufruct. ueluti, proprietarius cui a testatore aliquo res sua lega-  
ta est, ususfructus qui alterius cuiusdam est, aestimationem ab haerede postulat. I. Debes mihi ususfruct. aestimationem. D.  
Non debeo. Q. An debeat. R. Quia res tua seruire tibi non potest. Ususfructus autem est seruitus. F. At ego non usumfru. sed  
aestimationem peto. D. An proprietarius ex testamento quo usuf. rei suae sibi legatus est, tum recte agat, cum eius aestimatio-  
nem petet. Respondetur, nequaquam. quia siue separetur usuf. a fundo, seruitus est: siue non separetur, pars fundi est: res au-  
tem nostra amplius nostra fieri non potest.

LICET ALIENAVERIT EAM.) Sequitur II. Non si is cui res sua legata est, eam alienet, ideo legatum  
conualecit. l. cetera. 41. §. 1. De legat. primo. ubi Vlpianus ait, Siquidem ab initio non constituit legatum, ex post facto non con-  
ualecet, quemadmodum nec res mea legata mihi, si post testamentum factum fuerit alienata, quia uires ab initio legatum non  
habuit, quae omnia ex regula Catoniana esse scribit, cuius haec sententia est, Quod legatum si testamenti tempore testator de-  
cessisset, inutile foret id legatum quandocunq. decesserit, non ualere. Huic tamen Vlpiani opinioni ita mani-  
feste Celsus refragatur in l. 1. D. de reg. Caton. ut qui eorum scripta conciliare studeat,  
cum nihilo melius suam operam positorum putem, quam si  
quadrare circulum nitatur.

Qui rem



A

Qui rem suam, quam alienam legatarij ue putabat esse, legauit, rectè legasse indicatur.

**XI.** Si quis rem suam quasi alienam legauerit, ualet legatum: nam plus ualet quod in ueritate est, quàm quod in opinione. Sed & si legatarij esse putauit, ualere constat: quia exitum uoluntas defuncti habere potest.

**VALET LEGATVM.)** Enunciatio I. Non si rem suam quasi alienam testator leget, propterea inutile legatum est. Causse constitutio: Testator mihi fundum suum, quem meum putabat, legauit: eo mortuo cum ab hærede fundum peterẽ, respondit, inuiti e legatum esse. Intentio mea est: Fundum illum mihi iure legati debes. D. Non debeo. Q. An debeat. R. Quia testatoris errantis uoluntas certa nulla est. Itaq; dictum est paulo antè, si testator rem alienam pro sua legasset, inutile legatũ esse. §. non solum. eod. F. At iste testator ita errauit, ut bene tamen & commodè res ceciderit: quare omisso errore, rem quæ multis partibus superior est, spectemus. D. An cum ita testator errauit, ut res tamen bene & commodè ceciderit, omisso errore, res sola quæ potior est, spectanda sit. Controuersia ex scripto & uoluntate orta est. Scriptam enim aut certè apertam testatoris mentem, & de qua constabat, hæres urget ut alienam rem legatarius obtineret, uoluntatem legatarius: quasi eo animo testator fuerit, ut si suam sciuisset, multo magis legaturus eidem fuerit. Respondetur autem ualere legatum, quia error non impedit effectum rei quæ bene commodèq; cecidit.

**PLUS EST IN VERITATE, QUAM IN OPINIONE.)** Sequitur II. Vbi plus in ueritate quàm in opinione est, ueritas spectatur sola. l. 4. D. de manumiss. uind. ubi Iulianus ait: Cum dominus seruum manumittit, quamuis eum alienum esse existimet, manumissionem ualere. & ex contrario: Si se Stichus non putaret manumittentis esse, nihilominus cum libertatem consequi, plus enim in re esse, quàm in existimatione. Item l. cum qui. 18. §. 3. D. de iniur. ubi Paulus ait: Si iniuria mihi fiat ab eo qui me L. Titium putabat, præualet quod principale est: iniuriarumq; in eum actionem habebø. Item l. pen. §. qui ignorauit. D. de iur. & fact. ign. ubi Paulus ait: eum qui putauit se à non domino emere, dominum tamen efficere quia plus in re sit, quàm in existimatione. Itaq; cum alienam rem inuito domino me contrectare putarem, cum tamen dominus id uellet: quia rei ueritas fauorabilis errorem multis partibus superat, Vlpianus contra Pomponium respondit, furem me non esse. l. inter omnes. 46. in fi. D. de furt. nam etsi animo furtum fiat, quia tamen contrectatio furtiua non est, rei ueritati potius, quàm errori fauetur. ex aduerso, Cum plus in opinione est quàm in re, opinio superat. ut in l. 15. qui putat. 15. De acqu. hæred. ubi Vlpianus ait, eum qui necessarium se putat, cum sit uoluntarius, repudiare non posse: quoniam plus est in opinione, quàm in ueritate. Hoc est, quia solus animus in aditione dominatur. l. pro hærede. 20. eod. ac proinde etiam in repudiatione, quem admodum adire non dicitur, qui errat, ueluti qui ex alia causa quàm qua hæres est adiit: eodem modo repudiare non uidetur, qui errore & falsa opinione deceptus repudiat: nec res quæ à solo animo pendeat, bene cecidisse potuit. Eodemq; illud Pauli pertinet in l. in summa. 65. §. 1. D. de cond. ind. id quod ob causam datur, puta quod negotia mea adiuta ab eo putauit, licet nõ sit factum: quia donari uolui, quamuis falso mihi persuaserim, repeti non posse.

**ETSI LEGATARIJ ESSE PVTAVIT.)** Sequitur III. Non si testator rem suam legatario quæ ipsius putabat legarit, iccirco legatum inutile est. Vilem enim exitum res habuit: nec æquum est, ut error & imprudentia rei quæ bene commodèq; cecidit, effectum impediunt. Bene autem iccirco cecidit, quia nec legatarij res erat, & testatoris erat ueritati ergo fauetur magis, quàm opinioni: quippe cum in ea plus in sit, quàm in opinione. Nisi forte dicat aliquis, nullam in testatore legandi uoluntatem fuisse, sed contrariam potius, cum enim rem suam nemini legari posse intelligeret, legauit tamen: ex quo intelligitur, non illi legatum aliquid, sed eum irrisum illu sumq; uoluisse: ut si testatoris uoluntas in testamētis dominari debeat, nihil huic quicquam deberi intelligatur. Et certè ita est, ut si testatorem iuris illius non imperitum fuisse ponamus, quo constitutum est, nemini rem suam legari posse: nihil plane quod hæredi responderi possit, habeamus. sed meo iudicio bona testatoris huius uoluntatis fuit, propensiusq; in legatarij animus: neq; aliam huius responsi causam esse arbitror, quàm bonam testatoris uoluntatem, quæ felicem & utilem exitum habuit. Quod non obscure Iustinianus significat, cum ita infert: Quia exitu defuncti uoluntas habere potest, quibus ex uerbis bonum testatoris studium animumq; fuisse intelligitur. Sed quæri potest, quid si res nec testatoris nec legatarij fuisset, sed aliena prorsus, quam tamen legatarij esse testator putabat? Et si eundem testatoris animum fuisse ponamus, quia felicem exitum res habuit, idem respondendum existimarem.

Non si testator rem à se legatam postmodum alienauerit, pignoriue dederit, iccirco ademisse legatum intelligitur. l. x j. §. x j. de legat. iij. l. iij. C. de legat. l. viij. de legat. primo.

**XII.** Si rem suam legauerit testator, posteaq; eam alienauerit, Celsus existimat, si non ad imendi animo uendidit, nihilominus deberi. idemq; diui Seuerus, & Antoninus rescripserunt. Iidem rescripserunt, eum qui post testamentum factum prædia quæ legata erant, pignori dedit, ademisse legatum non uideri: & ideo legatarium cum hærede agere posse, ut prædia à creditore luantur. Si uero quis partem rei legatæ alienauerit, pars quæ non est alienata, omnino debetur: pars autem alienata ita debetur, si non ad imendi animo alienata sit.

**SI NON ADIMENDI ANIMO.)** Enunciatio I. Non si legata res à testatore alienata est, iccirco legatũ non debetur: nisi forte adimendi animo testator id fecerit. l. fideicommissa. 11. §. si rem suam. de legat. 3. l. rem legatam. 18. l. legatum. 24. de adim. & transf. quibus ex locis intelligitur, testatorem tum alienandi animũ habuisse, cum necessitate nulla impulsus rem alienauit. Causse constitutio: Testator fundum suum mihi legauit, post eundem alienauit. eo mortuo legatũ ab hærede postulo. Intentio: Fundum illum mihi nomine legati debes. D. Non debeo. Q. An debeat. R. Quia testator alienando ademisse uidetur. F. At etiam aliena rei legatum ualet. D. An testator rem legatam alienando, quia rei alienæ legatũ ualet, legatũ ademisse



ademisse non uideatur. Controuersia ex facti & uoluntatis contentione nata est, quæ ad scripti & sententiæ genus pertinet. A  
Respondetur autem, si non necessitate rei familiaris impulsus alienarit, ademisse non uideri.

**PRAEDIA LEGATA PIGNORI DEDIT.)** Sequitur II. Cui prædia legata sunt, quamuis ea testator postea pignori dederit, cum hærede tamen ut ea luat, sibiq; præstet, potest agere. l. 3. C. de legat. quippe cum oppigneratas obligatasq; res legari posse, & redemptas ab hærede legatario, præstandis esse superius §. sed & si rem, dictum sit.

**PARTEM REI LEGATAE ALIENAUERIT.)** Sequitur III. Pars rei legatæ non alienata, quamuis altera pars adimendi animo alienata sit, debetur tamen. l. si ex toto. 8. De legat. 1. Si ex toto fundo legato testator partem alienasset, reliquam duntaxat partem alienari placet, quia etiam si adiecisset aliquid ei fundo, augmentum legatario cederet, quod idem Iulianus paulo superius confirmat in l. Stichum. 6. eiusdem tit.

*Non modò creditor debitori liberationem, idq; tum in perpetuum, tum ad tempus, sed & debitor creditori debitum, siquidem plus in legato quàm in debito sit, legare potest. l. i. ij. & passim. De lib. legat.*

**XIII. Si quis debitori suo liberationem legauerit, legatum utile est: & neq; ab ipso debitore, neque ab hærede eius potest repeti, neque ab alio, qui hæredis loco est. sed & potest à debitore conueniri, ut liberet eum. potest etiam quis uel ad tempus iubere, ne hæres petat. Ex contrario, si debitor creditori suo, quod debet, legauerit: inutile est legatū, si nihil plus est in legato, quàm in debito: quia nihil amplius per legatum habet. Quod si in diem uel sub conditione debitum ei purè legauerit, utile est legatum propter representationem. Quod si uiuo testatore dies uenerit, uel conditio extiterit, Papinianus scripsit, utile esse nihilominus legatum: quia semel constitit. quod & uerum est. Non enim placuit sententia existimantium, extinctum esse legatum, quia in eam causam peruenerit, à qua incipere non potest.** B

**NEQVE AB IPSO DEBITORE.)** Enunciatio I. Liberatione legata neq; debitor, neq; ipsius hæres, qui uel locum hæredis obtinet, conueniri potest. Causæ constitutio: Creditor ita testamentum scripsit: Mauro centum quæ illi debeo, do lego: eo mortuo tamen hæres à me centum illa postulat. Intentio: Debes mihi centum. D. Non debeo. Q. An debeam. R. Quia mihi quod debebam legatum est. F. At legari non potest, nisi quod pars hæreditatis est: legatum enim est delibatio. D. An debitum ideo legari non possit, quia pecunia debita in hæreditate non est. Respondetur autem posse: quia non pecunia, sed nomen, obligatio, ius ipsum debiti legatur, quod in hæreditate est.

**POTEST A DEBITORE CONVENIRI.)** Sequitur II. Debitor cui liberatio legata est, agere cum hærede, ut se liberet, potest. l. 3. D. de lib. legat. ubi Vlp. ait, effectum huius liberationis esse, ut siue à me petatur, exceptione uti possim siue non petatur, possim agere ut lib. & t per acceptilationem.

**VEL AD TEMPVS.)** Sequitur III. Liberatio non modò in perpetuū, sed etiam ad tempus legari potest. l. non solum. 8. §. 1. eod. ubi Pomponius ait, posse hæredem damnari, ut ad certum tempus nō petat à debitore. sed sine dubio, inquit, nec liberare eum intra id tempus debet: & si debitor decesserit, ab hærede eius intra id tempus peti non poterit.

**SI NIHIL PLUS EST IN LEGATO.)** Sequitur IIII. Debitum creditori, si plus in legato est, quàm in debito, legari potest. l. legauit. 25. in fi. D. eod. ubi Paulus ait: Si debitor creditori leget, nullam utilitatem uideri, si sine quantitate leget, sed etsi id demonstraret, quod debere se confitetur, nulla utilitas est, nisi in his speciebus in quibus emolumentum debiti ampliatur. Item l. si debitor. 11. D. eod. ubi Iulianus ait: Quoties debitor creditori suo legat, ita inutile legatum est: si nihil interesset creditoris, ex testamento potius agere, quàm ex pristina obligatione. Hoc autem Paulus in l. si autem. 29. De legat. 1. sic interpretatur: Si autem, inquit, neq; modo, neq; tempore, neq; conditione, neq; loco debitum differatur, inutile est legatum. Quod idem Iustinianus hoc loco affirmat, nam si, quod ita debetur, purè legetur: ideo plus in legato est, quia uel modus, uel tempus, uel conditio, uel locus mutatus est. Idemq; traditur ab Vlpiano l. si creditori. 28. D. eod. ubi ait, legatum ualere, si creditori meo tuus aduersus eum exceptio, id quod ei debeo legem: quia remissa ei exceptio uideatur. sicut & si id quod honoraria actione debebam, legaro: quia civilem pro honoraria legauit. Papinianus etiam in l. Mauius. 66. De legat. 2. Debitor, inquit, non semper quod debet iure legat, sed ita, si plus sit in specie legati: si enim idem sub eadem conditione relinquatur, quod emolumentum legati futurum est.

**PROPTER REPRESENTATIONEM.)** Representare est, quod in diem debebas, præsens soluere. uel sic: Representare, est ante quàm aliquid debeas, soluere.

**NON ENIM PLACUIT.)** Sequitur V. Non si legatum, quod semel constitit, in eam causam peruenerit, à qua incipere non potuit, ideo inutile est. l. uerbis legati. 5. D. ad leg. Falcid. ubi huius Papiniani sententiæ uestigium est non obscurum. Quod si dies, inquit, aut conditio legatum fecerit, quamuis uiuo testatore dies uenerit, aut conditio fuerit impleta, nō tamen fiet irritum quod semel competijt. Paulus autem in l. debitor. 82. De legat. 2. aperte scribit: Si uiuo testatore annus susperueniat, dicendum erit, inutile legatum effici: quanquam ab initio constitit, in quam sententiam idem in l. pluribus. 140. De uerb. oblig. Et si placet, inquit, extinguere stipulationem, si in eum casum inciderit, à quo incipere non potest, non tamen hoc in omnibus uerum est: quam opinionem Marcello non displicuisse, uerba ipsius indicant in l. existimo. 98. eiusdem tit. Quibus ex locis eorum qui Pandectarum centones contexuerunt, diligentia & fides cognoscitur.

*Dotem uxori legare maritus, etiam quam non accepit, potest, dummodo certam in legando pecuniam exprimat. l. v j. D. de dot. præl.*

**XIII. Sed si uxori maritus dotem legauerit, ualet legatum: quia plenius est legatum, quàm de dote**



**A** de dote actio. Sed si quam non accepit dotem, legauerit: diui Seuerus & Antoninus rescripserunt, si quidem simpliciter legauerit, inutile esse legatum. si uero certa pecunia, uel certum corpus, aut instrumenta dotis in prælegando demonstrata sunt, ualere legatum.

**QVIA PLENIVS EST LEGATVM.)** Enunciatio I. Dotis legatum iccirco ualet, quia plus eo, quam dotis actione continetur. l. 1. D. de dot. præl. ubi Ulpianus commodum huius legati in representatione uersari scribit, cum annua, bima, trima die dos deberetur. Est etiam hoc commodum, quod actio dotis non plus quam quantum facere reus possit, exigit. l. etiam. 18. solut. mat. at legatum hoc sola lege Falcidia minuitur. l. 2. D. de dot. præleg.

**SI VERO CERTA PECVNIA.)** Sequitur II. Legatum dotis etiam non acceptæ tum ualet, cum certa res pecunia uel nominatim legata est. l. 6. D. cod. Causæ constitutio: Maritus qui nullam dotem acceperat, ita scripsit: Centum quæ ad me propter uxorem uenerunt, hæres ei dato: eo mortuo, uidua centum ab hærede postulat. Intentio: Centum mihi nomine legati debes. D. Non debeo. Q. An debeat. R. Quia testator ea tibi centum quæ acceperat, legauit: cum autem nihil acceperit, apparet nihil legasse. F. At non dotem ipsam, sed pro dote pecuniam legauit. D. An qui nihil acceperat, si certam pecuniam leget, quam accepisse se dicat, non dotem, sed pro ea pecuniam legasse uideatur. Controuersia ex scripto & uoluntatis contentione orta est. Respondetur autem uideri, nam ut ait Paulus in l. legauit. 25. in fi. D. de liber. legat. sic respondit: Si testator centum aureos, quos se debere dixit legauit, si quidem debet, inutile est legatum: quod si non fuit debitor, placuit uile esse legatum. certa enim nummorum quantitas similis est Stichio legato cum demonstratione falsa. idq; & diuus Pius rescripsit, certa pecunia dotis acceptæ nomine legata.

*Hæres sine cuius facto contigit, ut præstari res legata non possit, liberatus est: at cuius factum intercessit, nequaquam. l. xxv j. §. j. l. cxij. §. j. De legat. j.*

**B** **XV.** Si res legata sine facto hæredis perierit, legatario decedit. Et si seruus alienus legatus sine facto hæredis manumissus fuerit, non tenetur hæres. Si uero hæredis seruus legatus sit, & ipse eum manumiserit: teneri eum Iulianus scripsit, nec interesse, sciuerit, an ignorauerit à se legatum esse. Sed & si alij donauerit seruum, & is cui donatus est, eum manumiserit: tenetur hæres, quamuis ignorauerit à se eum legatum esse.

**SINE FACTO HÆREDIS PERIERIT.)** Enunciatio I. Hæres interitu rei legatæ, qui sine ipsius culpa contigit, liberatur. l. non amplius. 26. §. 1. l. Titia. 36. in fin. De legat. 1. l. si ex legati. 23. D. de uerb. oblig.

**SINE FACTO HÆREDIS MANVMISSVS.)** Sequitur II. Hæres alieni serui legati manumissionem liberatur. l. si hæres. 35. D. de legat. 1. l. si seruum. 91. D. de uerb. oblig. l. si mihi alienum. 92. D. de solution. ubi Pomponius ait, hanc manumissionem morti similem esse: si autem seruus decessisset, hæredem liberatum iri.

**ET IPSE EVM MANVMISERIT.)** Sequitur III. Hæres qui seruum suum legatū suæ sciens, suæ ignorans manumiserit, nihilominus tenetur. l. si quis inquilinos. 112. §. 1. De legat. 1. l. si seruum. 91. D. de uerb. obl. Causæ constitutio: Testator mihi Stichum hæredis seruum legat, hæres ignarus eum manumisit. Intentio mea: Legatū mihi relictum præstare debes. D. Non debeo. Q. An debeat. R. Quia extra commercium hominum est. F. At id facto tuo contigit, nisi enim quid fecisses, præstari adhuc posset. D. An si hæredis facto acciderit, ut res legata præstari non possit, nihilominus debeat.

**ALII DONAVERIT SERVVM.)** Sequitur IIII. Hæres qui seruum suum alicui donauerit, quamuis eum à se legatū ignoret, tamen si donatarius eum manumiserit, tenetur. d. l. si quis inquilinos. De legat. 1. Ratio eadem cum superiore est, quia facto hæredis accidit, ut extra commercium hominum res esset: tamen si non proxima, sed remota causa hoc sit.

**C** *Cui res cum accessione sua legata est, ei re perempta, non debetur accessio. non autem ut peculium serui, aut instrumentum fundi, sic natus ancilla, uel uicarius ordinarij accessio est. l. iij. §. iij. De pecul. leg. l. lxij. lxij. De legat. primo.*

**XVI.** Si quis ancillas cum suis natis legauerit: etiam si ancillæ mortuæ fuerint, partus legato cedunt. Idem est, & si ordinarij serui cum uicarijs legati fuerint: quia licet mortui sint ordinarij, tamē uicarij legato cedunt. Sed si seruus fuerit cum peculio legatus: mortuo seruo, uel manumisso, uel alienato, peculij legatum extinguitur. Idem est, si fundus instructus, uel cum instrumento legatus fuerit. Nam fundo alienato, & instrumenti legatum extinguitur.

**PARTVS LEGATO CEDVNT.)** Enunciatio I. Cui ancilla cum suis natis legata est, ei etiam ancilla mortua debentur nati. l. si ancilla. 62. cum l. seq. D. de legat. primo. ubi Paulus ait, Si ancilla cum liberis legata sit, & ancilla sola, si non sint liberi, & liberi soli, si non sit ancilla, debentur. Causæ constitutio: Testator mihi ancillam cum suis liberis legauit: ancilla mortua, liberos petebam. I. Isti pueri mei sunt. D. Non sunt. Q. An sint. R. Quia accessionis loco legati sunt: principali autem sublato, simul accessio sublata est. F. Imò principaliter & per se legati sunt. D. An qui natos cum ancilla legat, principaliter eos, & non tanquam accessionem legasse uideatur. Controuersia ex scripto & uoluntate est. Celsus autem respondet, si ancillas omnes & quod ex his natum erit, testator legauerit, una mortua, Seruius partum eius negat deberi, quia accessionis loco legatus sit. Quod falsum puto, & nec uerbis, nec uoluntati defuncti accommodata hæc sententia est. quod idem Paulus tradidit in l. 3. D. de pecul. leg.

**SI ORDINARIJ SERUI CVM VICARIIS.)** Sequitur II. Cui ordinarij cum suis uicarijs legati sunt, ei etiam, illis mortuis, uicarij debentur. l. 4. D. de pecul. legat. Cuius rei eadem quæ superioris ratio est: nimirum, quia duo legata separata



separata sunt, & vicarij æque principaliter ut ordinarij legatis Vicarios autem seruos dici qui in aliorum peculio sunt, Ordine A  
narios uero quorum in peculio illi sunt, in Commentario uerborum iuris demonstratum est.

SERVVS CVM PECVLIO LEGATVS.) Sequitur III. Cui seruus cum peculio legatus est, ei seruo mortuo, uel manumisso, uel alienato, nihil debetur. l. 1. & 2. D. eodem. ubi Caius hanc rationem affert: quia peculia locum accessionis obtinent: quæ uero accessionum locum obtinent, extinguuntur, cum principales res extinctæ fuerint. Verum illa uisuo testatore contigisse oportet. tunc enim inutile legatum peculij fit, cum seruus uiuo testatore decedit. ceterum si mortis tempore seruus uixerit, peculium legato cedit.

SI FVNDVS INSTRVCTVS VEL CVM INSTRVMENTO.) Sequitur IIII. Cui fundus instructus uel cum instrumento legatus est, ei fundo alienato nihil debetur. l. 1. D. de inst. uel inst. legat. ubi Paulus ait, siue cum instrumento fundus legatus est, siue instructus: duo legata intelligi. item fundo cum instrumento legato, alienato, instrumentum ex sententia defuncti uindicari non posse. sed idem Paulus in l. si cui, paulo post, siue ante, siue post illa à se ad Sabinum scripta, familiari redarguendi morbo correptus, ita contrarie respondit, ut qui locos illos inter se conciliare studeat Pauli cum Labeone, simultatem insitam ignorare uideatur. Quid autem inter fundi instructi, & fundi cum instrumento legatum intersit, Vlp. in l. quaesitum. 12. §. 15. D. eod. ita declarat, ut illo contineri omnia putentur, quæcunque paterfamilias, etiam præter necessaria in fundo instrumenti nomine habuit: hoc autem, ea tantum quæ necessaria sint.

Cui grex domus ue legata est, ei quicquid uel superfuerit, uel adiectum fuerit, debetur. l. xx j. xxij. De leg. j.

XVII. Si grex legatus fuerit, & postea ad unam ouem peruenerit: quod superfuerit, uindicari potest. Grege autem legato, etiam eas oues, quæ post testamentum factum gregi adijciuntur, legato cedere Iulianus ait. Est enim gregis unum corpus ex distantibus capitibus, sicut ædium unum corpus est ex coherentibus lapidibus. Aedibus denique legatis, columnas & marmora, quæ post testamentum factum adiecta sunt, legato cedere. B

QVOD SVPERFVERIT VINDICARI POTEST.) Enunciatio I. Quicquid ex grege legato superest, legatario debetur. l. si grege. 22. De legat. 1. ubi Pomponius ait, si grege legato deminutum ex eo grege pecus esset, ut uel unus bos superesset, eam uindicari posse, quamuis grex desisset esse: quemadmodum insula legata, si combusta esset, area possit uindicari. Causse constitutio: Testator mihi gregem legatis ad unum usque caput deminutus est, quod iam ab hærede peto. Intentio: Caput hoc meum est. D. Non est. Q. An sit. R. Quia non bos unus, sed grex tibi legatus est. F. At uoluntas testatoris hæc fuit, ut si minus gregem, saltem quod superesset, haberem. D. An qui gregem nominatim legat, uoluisse uideatur, ut legatarius saltem quod ex eo superesset, haberet. Controuersia ex scripto & sententia nata est. Pomponius respondet, uoluntatem hanc fuisse.

QVÆ POST TESTAMENTVM GREGI ADIICIVNTVR.) Sequitur II. Cui grex legatus est, ei etiam omnia capita quæ postea gregi adijciuntur, legata intelliguntur. l. grege. 21. & l. seq. D. de legat. 1. ubi Vlpianus ait, Grege legato, & quæ postea accedunt, ad legatarium pertinere. Ratio autem est, quia testator non illum gregem quantumtum erat, sed plane quantumtum erit cum dies legati cedit, legasse intelligitur.

EST ENIM GREGIS VNVM CORPVS.) Sequitur III. Ut ædium, sic etiam gregis unum corpus est. l. 30. D. de usurp. l. in rem. 23. De rei uin. unde intelligitur hoc tamen interesse, quod ædium corpus concretum est, & oues uel uiculi, hoc est ex coherentibus inter se partibus constans: gregis uero diunctum, quod partibus constat distantibus. ut populus, legio, collegium, senatus.

COLVMNAS ET MARMORA.) Sequitur IIII. Aedibus legatis etiam additamenta quæ post testamentum adiecta sunt, debentur. l. cætera. §. pen. D. de legat. 1. Quinetiam Vlpianus in l. seruum. 44. §. 3. eod. Si arca legata, inquit, domus imposita sit, debetur legatario. C

Cui peculium legatum est, ad eundem eius accretio decretioque pertinet. at quod, mortuo testatore ante aditionem accesserit, si seruo legatum factum est, ei cedit: sin extraneo, hæredi. l. viij. in fi. De pecul. leg.

XVIII. Si peculiū legatū fuerit, sine dubio quicquid peculio accedit, uel decedit uiuo testatore, legatarij lucro uel damno est. Quod si post mortem testatoris, ante aditam hæreditatē aliquid seruus adquisierit: Iulianus ait, si quidem ipsi manumisso peculium legatum fuerit, omne, quod ante aditam hæreditatem acquisitum est, legatario cedere: quia huiusmodi legati dies ab adita hæreditate cedit. sed si extraneo peculium legatum fuerit, non cedere ea legato, nisi ex rebus peculiaribus auctum fuerit peculium.

QVICQVID PECVLIO ACCEDIT, VEL DECEDIT.) Enunciatio I. Legato peculio omnis eius accretio decretioque, quæ quidem uiuo testatore contigit, ad legatarium pertinet. l. denique. §. ult. D. de pecul. leg. Causse constitutio: Testator Pampbili serui sui peculium, quod centum aureorum erat, mihi legauit: cum autem id multo copiosius & uberiorius factum esset, cepi uniuersum hoc ab hærede petere. Intentio: Totum hoc Pampbili peculium mihi debes. D. Imò ad centum aureos tantum. Q. Vtrum debeatur. R. Quia peculium centum aureorum duntaxat tibi legatum est. F. Imò indefinite peculium legatum est, nec summa præscripta ulla est. D. An cui peculium legatur, ei quodcunque in peculio est cum dies legati cedit, debeatur. Vlpianus respondet deberi. Ex contrario etiam si deminutum peculium est, tale debetur. cum enim legatarius ab hærede



**A** hærede summam illam quæ testamenti tempore in peculio fuit, petierit, hæresq; iccirco recusarit, quia non definita summa est, sed peculium simpliciter relictum: retulerit autem legatarius peculium tamen tantæ pecuniæ legatum fuisse: disceptatio nascetur huiusmodi, An cui peculium legatum est, ei id tantum quod in peculio, cum dies legati cedit, reperitur, debeatur.

**SI QUIDEM IPSI MANUMIS SO.)** Sequitur II. Quod hereditate iacente seruus acquirit, si peculium ei suum legatum est, sibi acquirit: si extraneo, heredi. d. l. deniq; ubi differentia istius rationem Iulianus hanc affert, quod in seruo dies legati ab adita hereditate cedit: in extraneo, à mortis tempore. hoc est, huic seruo non ante debetur legatum, quam libertatem ex testamento adeptus sit: at ante aditam hereditatem non erit liber. non igitur ante aditionem legatum ei debetur, ac proinde quicquid interea seruus acquirit, sibi acquirit: quippe cum dominum cui acquirit, hereditate iacente non habeat. Cum uero extraneo legatum est, quia seruus hereditatis seruus est, heredi futuro acquirit: eoque legatum peculium tale debetur, quale fuit mortis tempore.

**NISI EX REBUS PECULIARIBUS.)** Veluti si partu ancillarum, pecorum uel fœtu peculium auctum sit, tum enim non extrinsecus lucra eueniunt, sed ipsum ex se peculium augetur atq; amplificatur. Itaq; quod ex operis suis, uel aliunde accedit, id si alij quam ipsi peculium legatur, non debetur: inquit Iulianus. Cum enim ipsi suum peculium legatur, uerisimile est eum omne augmentum ad ipsum pertinere uoluisse, cui patrimonium manumisso futurum est.

**AB ADITA HAEREDITATE CEDIT.)** Sequitur III. Quæ legata seruis manumissis facta sunt, eorum dies ab adita hereditate cedit. l. heredis. 7. cum l. seq. D. Quando dies leg. ubi Vlpianus causam hanc affert, quod cum libertas non prius competat, quam adita hereditate, si legatum dies ante cederet, inutile legatum foret.

Non ut inter uiuos, sic in testamento manumisso seruo peculium suum donatum intelligitur. Cui uero legatum est, ueluti si rationibus relatis liber esse iussus est, ei quod pro domino impendit, non debetur. l. j.

C. de pec. eius qui lib. l. 7 j. D. de pec. leg.

**XIX.** Peculium autem, nisi legatum fuerit, manumisso non debetur: quamuis si uiuus manumiserit, sufficit, si non adimatur. & ita diui Seuerus & Antoninus rescripserunt. Idem rescripserunt, peculio legato, non uideri id relictum, ut petitionem habeat pecuniæ quam in rationes dominicas impendit. Idem rescripserunt, peculium uideri legatum, cum rationibus redditis liber esse iussus est, & ex eo reliqua inferre.

**NISI LEGATVM FVERIT.)** Enunciatio I. Non si legata seruo libertas est, ei continuo peculium quoq; legatum intelligitur. l. unica. §. sed ne circa. C. de com. ser. man. & l. 1. C. de pec. eius qui lib. mer.

**SI VIVVS MANVMISERIT.)** Sequitur II. Cui libertas inter uiuos datur, eidem tacite peculium donatum intelligitur. l. si Stichus. 53. D. de pecul. ubi Paulus ait: Si Stichus peculium cum manumitteretur, ademptum non est, uidetur concessum. Item d. l. 1. C. de pec. eius qui lib. mer. Differentia autem ratio uidetur esse, quod inter uiuos relictio, condonatio quadam tacita uidetur esse, at in testamentis, nunquam nisi manifesta de causa de testatorum liberalitate coniecturam facimus.

**VT PETITIONEM HABEAM PECVNIAE.)** Sequitur III. Legato peculij, quod in rationes dominicas seruus expendit, non continetur. l. si peculium. 6. §. sicut. 6. & l. dominus. 23. §. 1. D. de pecul. legat.

**RATIONIBVS REDDITIS LIBER ESSE IVSSVS.)** Sequitur IIII. Qui rationibus reliquisq; redditis liber esse iussus est, ei legatum peculium intelligitur. l. deniq; 8. §. interit. D. de pecul. leg. Causa constitutio: Testator seruo Pamphilo libertatem ita reliquit, si rationibus redditis reliqua persoluisse. Pamphilus cum huic conditioni paruisset, peculium etiam ab hærede petijt, quasi quod reliquis redditis in peculio superesset, testator apud eum remanere uoluisset. Intentio: Quod ex peculio superest, mihi debetur. D. Non debetur. Q. An debeatur. R. Quia nominatim tibi nihil præter libertatem legatum est. F. At qui me partem peculij inferre iussit, reliquum mihi reliquisse intelligitur. nam qui partem tantum adimit, cetera relinquere uidetur. D. An qui reliqua de peculio solui iussit, quod ex eodem supererit, legasse uideatur. Respondetur uideri. nam ut ait Neratius, qui partem excepit, non potest uideri de cæteris rebus, quæ in toto sunt sensisse. l. quæ situm. 12. §. idem respondit. 23. D. de inst. uel instit. leg.

Legatum etiam incorporalis rei ualet: ueluti, eius quod testatori aliquis debet, nisi uiuus id exegerit: ut domum hæres reficiat, ut aliquem ære alieno liberet.

l. c. 7. De legat. j. l. x j. §. x j. De leg. iij.

**XX.** Tam autem corporales res legari possunt, quam incorporales: & ideo quod defuncto debetur, potest alicui legari, ut actiones suas hæres legatario præstet: nisi exegerit uiuus testator pecuniam. nam hoc casu legatum extinguitur. Sed & tale legatum ualet: DAMNAS. ESTO HAERES MEVS DOMVM ILLIVS REFICERE: uel, ILLVM AERE ALIENO LIBERARE.

**QVAM INCORPORALES.)** Enunciatio I. Non modo res corporales, uerum etiam incorporales legari possunt. l. cætera. 41. D. de legat. 1. ubi Vlpianus ait, & corpora legari omnia, & iura & seruitutes posse. Eoque tractatus illi pertinent in Pandectis, in quibus De usu & usufructu legato, De seruitute legata disputatur. Itaq; Paulus lib. Sentent. 3. cap. 8. Si nendi modo, inquit, tam corporales, quam quæ in iure consistunt, legari possunt: & ideo debitori, id quod debet recte legatur.

**QVOD DEFVNCTO DEBETVR.)** Sequitur II. Cui testator quod sibi ab altero debebatur legauit, hæres ei præstare actionem debet. l. legat. 105. D. de legat. primo. ubi Iulianus scribit: Si legatū ita erat, quæ L. Titius mihi debet, ea hæres



ea hæres meus Cornelio dare damnas esto: nihil amplius ex hoc legato, quam actiones suas hæres præstare debet: quod idem. A  
 Vlpianus affirmat in l. si sic legatum. 75. §. 1. eod. Ex quibus locis apparet, non hic queri, an ualeat hoc legatum. Id enim extra  
 dubitationem omnem est: sed si testator damnarit hæredem ea dare, utrum hæres pecuniam ipsam, an actiones tantum debeat.  
 ueluti, Testator hæredem ea mihi dare iusserat, quæ Licinius ipsi debebat: eo mortuo pecuniam ipsam ab hærede postulo. In  
 tentio: Debes mihi tantam pecuniam præstare. D. Non debeo. Q. An debeat. R. Quia non pecunia, sed obligatio tibi legata  
 est. F. Imò mihi quod debet Licinius legatum est. D. An legato eius quod debetur non obligatio, sed ipsa pecunia legata sit.  
 Controuersia ex scripto & sententia nascitur. Respondetur autem obligationem tantum legatam esse. quod usque eo uerum  
 est: ut etiam si chirographum uel nomen tantum legatum sit, Vlpianus præstandum legatario aduersus debitorem actiones con  
 firmet. l. seruuum. 44. §. 4. De legat. primo. quinimò etiam ipse legatarius sine hæredis adiumento, suo iure, uti scilicet actione  
 agere possit. l. ex legato. 18. C. de legat.

NISI EXEGERIT VIVVS.) Sequitur III. Qui nomē quod legauerat ipsemet exigit, adimere legatum intel  
 ligitur. l. si sic legatum. 75. §. 1. de legat. primo. ubi Vlpianus ait: si uiuus exegit, extingui legatum. & l. fideicommissa. 11. §. si  
 rem suam. de legat. tertio. ubi idem distinguendum scribit, utrum adimendi animo testator id fecerit. nam si pro deposito pes  
 cuniam habuit, uel si non exegit, sed ultro à debitore oblatam accepit, adimendi animum non habuisse uideri.

DOMVM ILLIVS REIFICERE.) Sequitur IIII. Legatum ut hæres domum alicuius reficiat, eum uel alieno  
 ære liberet, ualet. l. mortuo boue. 49. in fin. de legat. secundo. Itaq; Paulus lib. Sentent. 3. cap. 8. Damnari hæres potest, ut alia  
 cui domum extruat, aut ære alieno eum liberet.

Cui genus legatum est, nisi quid aliud testator dixerit, eius  
 est electio. l. c. viij. De legat. j.

XXI. Si generaliter seruus uel res alia legetur, electio legatarij est, nisi aliud testator dixerit. B

ELECTIO LEGATARIJ EST.) Enunciatio I. Ex legato generis, nisi quid aliud cautum sit, electio legatario  
 debetur. l. si seruus. 108. §. 2. De legat. primo. ubi Africanus ait: Cum homo Titio legatus esset, quaesitum est, utrum arbitrium  
 hæredis est, quem uelit, dandi, an potius legatarij: respondi uerius dici, electionem eius esse, cui potestas sit, qua actione uti uelit:  
 id est legatarij. cui consentit Vlpianus in l. 2. D. de opt. legat. & l. si domus. 71. De legat. primo. ubi domo legata quam legata  
 rius uolet, cogendum hæredem præstare, respondit. & in l. legato. 37. De legat. primo. ubi ait, legato generaliter relicto, ueluti  
 hominis, id esse obseruandum, ne optimus uel pessimus accipiat: itaq; actorem eligi non posse. Verum huic sententiæ refra  
 gari uidetur Vlpianus. l. cum seruus. 39. §. 5. D. eod. ubi ait legato fundo Corneliano, cum duo eiusdem nominis essent, minorem  
 legatum intelligi, si maiorem legatum legatarius docere non potuerit. Item Paulus in l. 4. D. de trit. uin. & ol. ubi cum certum  
 pondus olei, non adiecta qualitate, legatum esset, liberum hæredi esse respondit, cuius uellet generis oleum legatario soluere.  
 Sed uideamus ne Africanus in d. l. si seruus. satis aperte harum rerum differentiam in legatorum genere positam esse significet.  
 ut si per uindicationem genus legatum sit, legatarij sit electio: quippe cui potestas sit, cum optimum elegerit, dicere, Hanc rem  
 meam esse aio. cuius rei testimonium uidemus non obscurum in l. Lucio. 23. De legat. secundo. At si per damnationem legatum  
 relicto est, hæredi permittatur electio. l. si is cui. 19. eod. tit. ubi utrunq; dilucide confirmatur.

Cui optio legata est, etiam eius hæredibus, si uiuus ipse non optarit, optio debetur. pluribus  
 autem uel legatarijs, uel hæredibus legatarij dissentientibus, sorte  
 qui optet, deligitur. l. ult. C. com. de legat.

XXII. Optionis legatum, id est, ubi testator ex seruis suis uel alijs rebus optare legatariū ius  
 seruat, habebat olim in se conditionem: & ideo nisi ipse legatarius uiuus optasset, ad hæredem lega  
 tum non trans mittebat. sed ex cōstitutione nostra & hoc in meliorem statum reformatū est: & data C  
 est licentia hæredi legatarij optare seruū, licet uiuus legatarius hoc non fecerit. Et diligentiore  
 tractatu habito, & hoc in nostra cōstitutione additum est, ut siue plures legatarij extiterint, quibus  
 optio relicta est, & dissentiant in corpore eligendo: siue unius legatarij plures hæredes sint, & inter  
 se circa optandum dissentiant, alio aliud corpus eligere cupiente: ne pereat legatum (quod pleriq;  
 prudentium contra beneuolentiam introducebant) fortunam esse huius optionis iudicem, & for  
 te hoc esse dirimendum, ut ad quem fors uenerit, illius sententia in optione præcellat.

HABEBAT OLIM CONDITIONEM.) Enunciatio I. Olim optionis legatum, si legatarius non optasset,  
 ad eius hæredes non transibat, sed simul cum eo extinguebatur. Nam, ut ait Imperator, tantum in se conditionem continere uis  
 debatur, si legatarius elegerit. Quod equidem cuiusmodi sit, non dispicio: cum aperte contra scriptum sit apud Paulum in l. il  
 lud aut illud. 19. D. de opt. uel el. leg. ubi Paulus ait: Si illud aut illud legatum sit, utrum elegerit legatarius: & is n. illi elegerit,  
 ad hæredem electionem transmitti. Quo tamen in loco scriptum à Paulo, NON TRANSMITTI, & negationem à  
 Triboniano sublatam facile crediderim.

HABEBAT OLIM CONDITIONEM.) Sic uterq; manuscriptus: Argentinensis autem ascriptam glos  
 sulam hanc habet, S. id est, scilicet: tacitam.

DATA EST LICENTIA HÆREDI.) Sequitur II. Lege Iustiniani, legatū optionis ad legatarij qui non  
 optauit, hæredes traducitur. ubi autem id Iustinianus cauerit, non uideo. nam in l. ult. C. com. de legat. nullum uerbum.

FORTVNAM ESSE IVDICEM.) Sequitur III. Si uel plures legatarij, uel unius hæredes in optando dissen  
 tiant, unus sorte qui optet, constituitur. l. ult. C. com. de legat. cum enim omnium nomina coniecta in urnam fuerint, tum cuius  
 nomen primum educetur, is optauit: ceteriq; illius ratam optionem habebunt.

Neque



A

Neque ijs quibus testamenti factio non est, neque  
incertis personis legari potest

**XXIII.** Legari autem illis solum potest, cum quibus testamenti factio est. Incertis uero personis, neque legata, neque fideicommissa olim relinqui concessum erat. Nam ne miles quidem incertae personae poterat relinquere, ut diuus Adrianus rescriptis. Incerta autem persona uidebatur, quam incerta opinione animo suo testator subiiciebat: ueluti si quis ita dicat, *QVICVNQVE FILIO MEO FILIAM SVAM IN MATRIMONIO \* DEDERIT, EI HAERES MEVS* \*collocauerit *ILLVM FVNDVM DATO.* Illud quoque, quod ijs relinquebatur, qui post testamentum scriptum primi consules designati erant, aequae incertae personae legari uidebatur. & denique multae aliae huiusmodi species sunt. Libertas quoque incertae personae non uidebatur posse dari: quia placebat nominatim seruos liberari. Tutor quoque certus dari debebat.

**CVM QVIBVS TESTAMENTI FACTIO EST.)** Enunciatio I. Legari ei quo cum testamenti factio non est, non potest. Cum enim legatum testamenti pars sit, Testamentum autem legis actio sit, Legis autem actio ciuium Rom. propria sit, cum peregrinis nihil commune habeat: sequitur, ut peregrinis legari non possit. l. si seruo. 101. §. 1. D. de legat. primo. l. 4. D. de his quae pro non script. l. 1. C. de hered. instit.

**INCERTIS VERO PERSONIS.)** Sequitur II. Olim incertae personae, nec legata, nec fideicommissa, ne d militibus quidem relinqui poterant. Cuius rei ratio eadem est, quae & institutionis, quam Vlpianus capite instit. 20. sic expos nit: Quoniam certum consilium debet esse testantis. Cum enim nihil aequae in testamentis exquiratur, ac mentis integritas: ac proinde dementis testamentum non ualeat: species autem quaedam amentiae uidetur esse, bona magno labore quaesita incertae personae relinquere: propterea uisum est statuendum esse, ut illiusmodi legata non ualerent.

B

**QVAM INCERTA OPINIONE.)** Sequitur III. Incerta persona uidetur, quam testator animo suo incerta opinione subijcit. Id est, quum nullis certis terminis mens & cogitatio testatoris circumscripta est. terminos autem numerus eorum efficit, quos omnes testator nouit. ueluti, Qui e cognatis meis filiam meam uxorem ducet, Qui ex nouem collegis. proximae praeturam petet. At cum finibus nullis cogitatio septa est, & tanquam in immenso atque infinito uagatur, incerta persona dicitur: ut proximae dicemus, & ab Vlpiano traditur his uerbis cap. instit. 23. Incertae personae legari non potest, ueluti: Quicumque filio meo filiam suam in matrimonio collocauerit, ei homini tot millia dato. sub certa tamen demonstratione incertae personae legari potest: ueluti, Ex cognatis meis qui nunc sunt, qui primo ad funus meum uenerit, ei haeres meus illud dato.

**LIBERTAS QVOQVE INCERTAE PERSONAE.)** Sequitur IIII. Incertae personae ne libertas quidem olim relinqui poterat. Siue quia contemni & pro nihilo haberi uidebatur ea res, quae semper in aestimabilis iudicata est: praefertim cum ante legem Iuliam Norbanam una cum libertate ciuitas legaretur: uti libro primo diximus. siue quia species quaedam amentiae uidebatur esse, rem tam preciosam temere sine ullo iudicio prodigere.

**SERuos LIBERARI.)** In utroque manuscripto, hoc amplius: Tutor quoque certus dari debebat. Argentinen sis autem ductam lineam habet, cuius initio VA extremo CAT ascriptum est. Videntur tamen ob ea quae paulo post sequen tur, non omnino spuria esse.

Ex certis personis incertae personae legatum ualeat. quod autem incertae personae  
legatum est, non condicatur. l. V. D. de reb. dub.

**XXIIII.** Sub certa uero demonstratione, id est, ex certis personis incertae personae recte le gabatur: ueluti, *EX COGNATIS MEIS QVI NVNC SVNT, SI QVIS FILIAM MEAM VXOREM DVXERIT, EI HAERES MEVS ILLAM REM DATO.* In certis autem personis legata uel fideicommissa relicta, & per errorem soluta, repeti non posse, sa cris constitutionibus cautum est.

C

**EX CERTIS PERSONIS.)** Enunciatio I. E certo personarum numero legari incertae personae olim etiam ius fuit. l. quidam. 5. D. de reb. dub. Causae constitutio. Quidam relegatus dari iussit ei qui restitutionem ei confecerat, aureos mille. Qui confecerat, eo mortuo, legatum petiit. Intentio: Debes mihi aureos mille legati nomine. D. Non debeo. Q. An debeat. R. Quia incertae personae legatum inutile est. F. At sub certa demonstratione legatum est. D. An incertae personae sub certa demonstra tione legatum ualeat. Respondetur ualere. Atque haec quidem omnium prope consentiens opinio est, illud Caij responsum ad hunc locum pertinere. Sed uideamus, ne huic legato uel fideicommissum potius uis subsit eius obligationis, quae ad restituenda, id est, rea munerationem appellatur: aut potius eius quae ex contractu innominato nascitur, Do ut facias. Praeterea mirum est hanc for mulam probatam, Qui ex cognatis, &c. illam autem improbatam, Qui consul designabitur. Quid enim si e certo candidato rum numero, puta duodecim, quos testator optime nouerat, ei qui prior Consul designaretur, centum legaretur? Quod eodem mo do de collegis dicendum est: ut si Tribunus pleb. moriens centum legaret ei ex suis collegis, id est, nouem reliquis, qui suam filiam in uxorem duceret. Exemplum igitur illud Iustiniani ad eum pertinere putarem, qui uel ante candidatorum numerum consti tutum, uel cum eos non nosset, incertissima opinione dixisset, Qui consul designabitur.

**REPETI NON POSSE.)** Sequitur II. Qui legatum aut fideicommissum incertis personis relictum imprudens soluit, non repetit. nimirum quoniam naturale debitum erat, cuius soluti condictio nulla est. Natura autem in iure deberi dice batur, quia formae testamentorum conficiendorum omnes a iure ciuili fluxerunt: id est, Iurisconsultorum Rom. ingenijs excog itatae & institutae sunt. Erat autem earum formarum haec una pars, ut tum haeredes, tum legatarij definite sic notarentur, ut incerta eorum persona non esset.



*Olim alieno postumo, nihilomagus quàm incerta personæ, legari poterat.  
sed utrunque Iustiniani constitutione correctum est.*

**XXV.** Postumo quoque alieno inutiliter antea legabatur. Est autem alienus postumus, qui natus, inter suos hæres testatori futurus non est. Ideoq; ex emancipato filio conceptus nepos, extraneus erat postumus auo. Sed nec huiusmodi species penitus est sine iusta emendatione derelicta: cum in nostro Codice constitutio posita sit, per quam & huic parti medemur, non solum in hæreditatibus, sed etiam in legatis & fideicommissis: quod euidenter ex ipsius constitutionis lectione clarescit.

**POSTUMO QVOQVE ALIENO.)** Enunciatio I. Olim alieno postumo legari ius non fuit, quippe, cum iure ciuili cum eo testamenti factio non sit, ut §. sequenti intelligitur. & quanquam iure prætorio institui potuit. §. i. infra de bon. poss. tamen prætor legatorum curam non habuit.

**EST AUTEM ALIENVS POSTVMVS.)** Sequitur II. Alienus postumus dicitur, qui si testamenti tempore natus fuisset, suis hæres non fuisset. Sic enim interpungenda hæc uerba sunt: ut post, qui natus, articuli nota ponatur; reliqua uno spiritu ad finem perducantur. nam sensus est, alienum dici postumum, qui si iam testamenti tempore natus esset, non esset futurus testatori inter suos hæredes. Horum autem alij sunt agnati, ut frater qui in matris utero est, fr. atris uel postumus. §. i. supra de legit. agnat. success. l. fr. atres. C. de inoffic. test. l. pen. D. de legat. prim. alij Cognati, de quibus in l. postumus. 6. D. de inoffic. test. ut is de quo hic agitur: qui ex emancipato filio conceptus & natus est. l. si emancipatus. 6. D. de cont. tab. Item sororis uel naturalis, uel adoptiue filius: de quo in l. si quis. 9. in fin. D. de lib. & postu. item qui ex filio in adoptionem dato conceptus est. l. i. §. si filius in adop. D. de uent. in poss. mitt. item qui caeso utero extrahitur, matri cognatus est postumus. d. l. postumus. D. de inoffic. testam. aut qui est in utero neptis ex filia, de quo in l. Titius. §. Lucius. D. de lib. & postum. Alij quoque sunt postumi planè extranei, de quibus in l. extraneo. 6. D. de uent. in poss. mitt.

**EX EMANCIPATO FILIO CONCEPTVS.)** Sequitur III. Conceptus ex filio emancipato, alienus postumus est auo. l. si emancipatus. 6. de cont. tab. Cum enim emancipati extraneorum numero sint, §. 3. supra de exhæred. lib. eodem etiam numero ipsorum liberi post emancipationem concepti sint necesse est.

**NEC HVIVSMODI SPECIES.)** Sequitur IIII. Iustiniani lege, tam incertis personis, quàm alienis postumis legare ius est. Sed ea lex in ijs quibus nunc utimur libris desideratur.

*Tutorem incertum neq; olim licuit, neq; nunc licet instituere: alienum autem postumum heredem instituere & olim licuit, & nunc licet. l. xx. De testam. tut.*

**XXVI.** Tutor autem nec per nostram constitutionem incertus dari debet: quia certo iudicio debet quis pro tutela suæ posteritati cauere. Postumus autem alienus institui & antè poterat, & nunc potest: nisi in utero eius sit, quæ iure nostro uxor esse non potest.

**INCERTVS DARI DEBET.)** Enunciatio I. Incertum tutorem neq; olim licuit, neq; per Iustiniani legem licet heredem instituere. l. tutor. 20. D. de testam. tut. Iustiniani autem constitutio Codici quo nunc utimur deest.

**POSTVMVS AUTEM ALIENVS.)** Sequitur II. Postumum alienum & ante & post Iustiniani legem, heredem institui licuit. §. i. infra de bonor. poss. ubi Iustinianus ait: Si alienus postumus hæres olim institutus fuisset, quauis hæreditatem iure ciuili adire non poterat, cum institutio non uaderet: honorario tamen iure bonorum possessor efficiebatur, uidelicet cum à Prætorè adiuuaretur. Quod igitur Imperator ait, Hæredem olim rectè fieri potuisse: non de iure XII. Tabularum ac ciuili, sed prætorio intelligendum est. Quod enim Alciatus in Parcergis hoc loco, **NON ALIENVS** emendat, ita mihi ridiculum uidetur, & homine docto indignum, ut id silentio quàm argumētis refutare sit melius, suos enim postumos non modò licebat, sed planè necessarium erat hæredes institui: ut superius demonstratum est.

**NISI IN VTERO.)** Sequitur III. Postumum ex ea quæ uxor esse non potest, institui non licet. Quod tamen cuiusmodi sit, cōiectura assequi uix possum. Nam de sorore istud interpretari nulla ratio est: cum si alienissimum instituere liceat, multo magis ex sorore nasciturum. Quidam ad uerba istud referunt antiquoniam dictum est, quæ uxor esse non potest: id est, cuiquam nuptam esse. Sed uerba illa **IN VTERO EST**: interpretationem illam excludunt. in talibus enim detestanda sunt.

*Nec error in nomine, si de persona constet, nec falsa demonstratio, nec falsa causa nisi conditionaliter adiecta sit, legatum uitiat. l. iij.*

*C. de testam. l. xvij. D. de cond. & demonstr.*

**XXVII.** Si quidem in nomine, cognomine, prænomine, agnomine legatarij testator errauerit: si de persona constat, nihilominus ualet legatum. Idemq; in hæredibus seruatur, & rectè. Nomina enim, significandorum hominum gratia reperta sunt: qui si alio quolibet modo intelligantur, nihil interest. Huic proxima est illa iuris regula, falsa demonstratio legatum non perimi. ueluti si quis ita legauerit, **STICHVM SERVVM MEVM VERNAM DO LEGO.** licet enim non uerna, sed emptus est: si tamen de seruo constat, utile est legatum. Et conuenienter, si ita demonstrauerit, **STICHVM SERVVM, QVEM A SEIO EMI,** sitq; ab alio emptus, utile est lega-



**A** est legatum, si de seruo constet. Longè magis legato falsa causa adiecta non nocet: ueluti cum quis ita dixerit, **TITIO, QVIA ME ABSENTE NEGOTIA MEA CVRAVIT, STICHVM DO LEGO.** uel ita, **TITIO, QVIA PATROCINIO EIVS CAPITALI CRIMINE LIBERATVS SVM, STICHVM DO LEGO.** Licet enim neque negotia testatoris unquam gesserit Titius, neque patrocinio eius liberatus sit: legatum tamen ualeat. Sed si conditionaliter enunciata fuerit causa, aliud iuris est: ueluti hoc modo, **TITIO, SI NEGOTIA MEA CVRAVERIT, FVNDVM DO LEGO.**

**IN NOMINE, COGNOMINE.)** Enuncatio I. Aliud est nomen, aliud cognomen, aliud prænomen, aliud agnomen. l. 4. C. de testam. qua ex lege desumptus hic locus est. nam etsi mei antiqui libri **AGNOMEN** uocem non habeant, multiq; idem de suis testentur: tamen cum illa in lege repperissem, non sum ausus tollere, præsertim cum ita Charisius scribat: Propria nomina in quatuor species diuiduntur, Prænomen, Nomen, Cognomen, Agnomen: ut Publius, Cornelius, Scipio, Africanus. Prænomen est, quod nomini præponitur, ut Publius. Nomen, quod familiae originem declarat, ut Cornelius. Cognomen, quod nomini subiungitur, ut Scipio. Agnomen, quod extrinsecus adijci solet, ut Africanus. Hæc ille. Innumera autem apud Romanos eiusmodi uidemus, ut M. Licinius Crassus Diues. M. Portius Cato Sapiens. Q. Fabius Maximus Allobrox. L. Cornelius Scipio Asiaticus. Intelligendum est autem, ueteres cognominis uocabulo etiam agnomen complexos esse: ut cum de Crasso Diuite Cicero lib. de Offic. 2. dicit: P. Crassus tum cognomine diues, tum copijs. Aut de Catone Sapiente, in libro de Senect. Cato propterea cognomen iam habebat in senectute sapientis.

**NIHILO MINVS VALET LEGATVM.)** Sequitur II. Error in aliquo nomine, si modo de persona constet, nec legatum, nec institutionem uiuat. d. l. 4. C. de testam. & l. si ita. 8. §. 2. D. de bon. poss. secum. tab. Plus enim in ueritate est, quam in opinione. Si uero de persona cui quid legatum esset, non constaret, inutile legatum esset, ueluti si testator complures res amicos eodem nomine habeat. l. in tempus. 62. §. 1. D. de hæred. instit. uel si in corpore testator errauit, & cum alteri scribere hæredem uellet, alterum scripsit. l. quoties. 9. D. eod.

**SIGNIFICANDORVM HOMINVM.)** Sequitur III. Cum alia ratione significari homo potest, nihil eum nominare necesse est. uel sic, Viri aliquis nomine, an certa demonstratione designetur, nihil interest. l. quoties. 9. §. si quis. D. de hæred. instit. ubi Ulpianus ait: Si quis nomen hæredis quidem non dixerit, sed indubitabili signo eum demonstrauerit, quod penè nihil à nomine distat, ualeat institutio. Et l. certum. 6. D. si cert. petat. ubi Papius nihil referre ait, proprio nomine res appelletur, an digito ostendatur, an uocabulis quibusdam demonstretur: quoniam mutua uice fungantur, quæ tantundem præstant.

**FALSA DEMONSTRATIONE.)** Sequitur IIII. Falsa demonstratio legatum non perimit. l. falsa. 33. D. de cond. & demonstr. Vbi Marcius hoc exemplum affert: Veluti, inquit, si fratrem dixerit, uel sororem, uel nepotem, uel quodlibet aliud. Et l. seq. ubi Florentinus ait, Nominatim alicui legetur ita, L. Titio: an per demonstrationem corporis uel artificij, uel officij, uel necessitudinis, uel affinitatis, nihil interest. nam demonstratio plerumque uice nominis fungitur. nec interest falsa an uera sit, si certum sit, quem testator demonstrauerit. Causæ constitutio: Testator qui cocus nullum Stichum nomine haberet, ita scripsit, Stichum cocus meum Licinio do lego. mortuo testatore, Licinius Stichum, qui tutor erat, petit. Intent. Debes mihi Stichum legati nomine. D. Non debeo. Q. An debeat. R. Quia legatus tibi est, qui nullus est. nullus enim in defuncti familia Stichus est cocus. F. At uoluntas testatoris fuit, ut Stichum haberem: nec ad rem pertineret, utrum cocus an tutor sit. D. An qui certum corpus legat, quanuis falsa demonstratione usus sit, uoluisse uidetur absoluta demonstratione corpus esse legatarij. Controuersia ex scripto & sententia est. Caius in l. demonstratio. 17. D. eod. ita respondet, Si ita seruus legatus sit, Stichum cocus, Stichum tutorem Titio do lego, licet neq; cocus, neq; tutor sit, ad legatarium pertinebit, si de eo sensisse testatorem conueniat. nam etsi in persona legatarij designanda aliquid erratum fuerit, constat autem cui legare uoluerit, perinde ualeat legatum, ac si nullus error interueniret.

**LONGÈ MAGIS LEGATA FALSA CAUSSA.)** Sequitur V. Falsa causa legato adiecta, nisi conditionaliter enunciata sit, non nocet. l. demonstratio. 17. §. 1. D. de cond. & demonstr. unde locus hic sumptus est. & l. cum tale. 72. §. falsam, eod. ubi Papius rationem hanc affert, quia ratio legandi legato non coheret: quippe, cum etià sine ulla causa gratuito & liberaliter legari soleat. Id tamen Papius subiicit, quod me sanè non leui scrupulo liberauit. Sed plerumq; inquit, doli exceptio locum habebit, si probetur alias legaturus non fuisse. Veluti, Existimabam Titium qui in Italia erat, negotia quædam mea quæ me absente oborta erant, curasse: cum tamen officium illud negligentissimè prætermisisset. Illum igitur tanquam optimè de me meritum legato aliquo statui ornare, eiq; centum cum hac adiectione reliqui: cui ne libellam quidem reliquissim, si negligentiam ipsius antea rescisissim. Me mortuo legatum petit. Intentio: Debes mihi centum, legati nomine. D. Non debeo. Q. An hæres debeat. R. Quia falsa causa inductus legauit, non legaturus, si uerum scisset. F. At legandi causa legato, non coheret: nam etià sine causa legari mos est. D. An legatum ob eam causam factum, sine qua legaturus testator non erat, quia tamen legandi causa legato coherere non solet, debeat. Controuersia ex scripto & sententia est: Papius respondet non deberi: quia in hac controuersia causa legato coheret.

*Hæredis seruo legatum, si purè factum est, non ualeat: si sub conditione, ita ualeat, si ea existente, seruus extra illius potestatem est. domino uero hæredis utroque modo legatum ualeat: sed iussu ipsius aduente seruo restinguitur. l. xl j. §. j. & l. xxv. & xc j. De legat. j.*

**XXVIII.** An seruo hæredis rectè legemus, quæritur. & constat purè inutiliter legari, nec quidquam proficere, si uiuo testatore de potestate hæredis exierit: quia quod inutile foret legatum, si



statim post factum testamentum decessisset testator, hoc non debet ideo ualere, quia diutius testator uixerit. Sub conditione uero recte legatur seruo, ut requiramus, an quo tempore dies legati cedit, in potestate hæredis non sit. Ex diuerso, hærede instituto seruo, quin domino recte etiam sine conditione legetur, non dubitatur. Nam & si statim post factum testamentum decesserit testator, non tamen apud eum, qui hæres sit, dies legati cedere intelligitur: cum hæreditas à legato separata sit, & possit per eum seruum alius hæres effici, si prius, quam iussu domini adeat, in alterius potestatem translatus sit: uel manumissus ipse heres efficitur, quibus casibus utile est legatum. Quod si in eadem causa permanferit, & iussu legatarij adierit, euanesceit legatum.

**PURE INVTILITER LEGARI.)** Enunciatio I. Hæredis seruo pure legatum, quamuis testatore uiuo de potestate ipsius exierit, non ualet. l. cetera. 41. §. primo. De legat. primo. Primum, quia legatum hæredi instituto non ualet. l. & quidem. 18. l. legatum. 116. §. primo. De legat. primo. qui uero seruo legat, domino legare intelligitur. l. non minus. 31. De hæred. instit. Secundo, quia nisi legatum ab initio ualeat, postea non conualescit: ut mox dicemus. Dubitandi ergo causam hoc unum afferebat, quod mortis tempore, (quo tempore purum debet legatum incipit) non officere regula uidebatur, qua die cimus, non eundem simul & hæredem & legatarum esse posse: quia duæ iam diuersæ & seueræ personæ uidebantur, cum uterque liber & ciuis Roman. esset. Sed respondetur hoc ex postfacto accidisse: legata autem illico ualere oportere, nec postea confirmari posse.

**QVOD INVTILE LEGATVM FORET.)** Sequitur II. Quod legatum moriente continuo testatore infirmum esset, postea non confirmatur. l. 1. & passim. D. de reg. Caton. Etq; fuit à Catone prodita regula: ut quemadmodum arobor nisi ut primum fata est, radices egerit, interit, nec unquam postea uim suam recuperat: sic legatum quod si testamenti facti tempore testator decessisset, inutile foret, quandocumq; ille decedat, non ualeat. Itaq; Paulus l. 29. De reg. iur. Quod ab initio, inquit, uitiosum est, non potest tractu temporis conualescere.

**SVB CONDITIONE VERO RECTE LEGATVR.)** Sequitur III. Hæredis seruo sub conditione legatum, siquidem ea existente, de potestate hæredis exierit, ualet. l. Iulianus. 86. D. de cond. & demonstr. Ratio est, quia dies legati sub conditione, non ante conditionis euentum cedit: tum demum legatum sub conditione debetur, cum extitit conditio. l. cedere. 213. De uerb. signific. At legatum pure, statim post testatoris mortem debetur. l. un. §. in nouissimo. C. de cad. toll. Cum igitur quod sub conditione legatum est, non ante conditionis euentum legatum uideatur: nihil necesse est, ipsum ante id tempus radices egisse: sed satis est, si cum existit conditio, eo in statu res sit, ut possit radices agere: potest autem hoc casu, quia non amplius una eademq; est & hæredis & legatarij persona, sed duæ diuersæ atq; distinctæ. Causæ constitutio: Testator Licinnum hæredem instituit, eiusq; seruo Dauo centum, si nauis ex Asia redierit, legauit: mortuo testatore Dauus hæres manumissus, uel in Aemilium alienatione transfert: post nauis aduenit, quo tempore diuersæ, ut uidemus, hæredis & legatarij personæ reperiuntur. Intentio igitur Dau i aduersus hæredem est: Debes mihi centum legati nomine. D. Non debeo. Q. An debeat. R. Quia si testator illico post testamentum decessisset, inutile legatum fuisset, quippe ipsi hæredi relictum: quare ex postfacto non conualuit. F. At legatum sub conditione non ante conditionis euentum uere legatum est: quippe quod non debetur, quare hoc legatum nunquam hæredi debitum est. D. An seruo hæredis sub conditione legatum non prius legati hæredi uideatur, quam conditio existens seruum in eius potestate repererit. Coniunctura ex uerbi ambiguitate nata est, utrum id demum legatum dicatur, cuius dies cedit. Respondetur autem id demum dici: quod quidem ad Catonianam regulam attinet. Atq; hoc est quod sepe sub tit. De Catoniana tractatur: eam regulam ad conditionalia legata non pertinere.

**HAEREDe INSTITVTO SERVO.)** Sequitur II. Bi cuius seruus hæres institutus est, recte & pure & sub conditione legatur. l. à filio. 25. D. de legat. primo. Hoc est, ualet quidem & constat legatum, ab initio, nec ad regulam Catonianam pertinet: sed tamen effectum non habebit, nisi dum aditur hæreditas, diuersæ legatarij hæredisq; personæ reperiatur. nam si Dauus institutus, permaneat seruus legatarij, eius iussu hæreditatem adiens, facit ut unus idemq; & hæres & legatarius sit, quippe cum ad unum eundemq; & hæreditas & legatum pertineat. At si prius quam iussu domini adeat, uel manumissus, uel alienatus sit, quia tum diuersæ personæ sunt, legatum uim effectumq; suum obtinet. ante enim dies legati cedit, quam aliquis hæres existat: id est, hæreditatem adierit. Causæ constitutio: Testator Dauum Ebutij seruum hæredem instituit, Ebutioq; centum pure legauit. mortuo testatore manumittitur Dauus. Post sua sponte ac uoluntate, utpote liber, hæreditatem adit. Ebutius legatum petit: Debes mihi centum legati nomine. D. Non debeo. Q. An debeat. R. Quia si testator statim decessisset, inutile legatum fuisset: utpote eidem relictum ad quem hæreditas pertinebat, nimirum tibi, cuius iussu adiurus eras. F. At hæreditas ante aditionis diem non acquiritur. l. un. §. in nouissimo. C. de cad. toll. quare cum hæreditas mea ante aditionem esse non potuerit, & adita non fuerit, certum est non eidem legatum & hæreditatem eodem tempore debitam fuisse. D. An legatum hæredis domino relictum, si non domini iussu aditur hæreditas, ualere possit. Controuersia ex scripti ambiguitate nascitur: an hæreditas deberi non ante dicatur, quam adita sit. Respondetur ualere legatum iccirco, quia nunquam eidem & legatum & hæreditas debita fuerit, tum enim hæreditatis dies cedit, cum adita est. Quod idem traditur à Paulo in l. à filio. 25. D. de legat. primo. ubi ait, A filio hærede patri etiam pure legari posse: quamuis die legati cedente, id est, mortuo testatore, in patris potestate sit. nam si modò aditionis tempore sui iuris sit, quia non eiusdem & legatum est, & hæreditas, iccirco legatum ualet. Idq; ipsum à Iuliano confirmatur in l. quasitum. 91. principio. & l. si post mortem. 68. D. de leg. primo. quem sequitur Marciianus in l. Iulianus. 86. D. de cond. & demonstr. eodemq; pertinet acutissima Valenti's disputatio in l. debitor. 82. §. 2. de legat. secundo.

**NON TAMEN APVD EVM QVI HAERES SIT, DIES LEGATI CEDERE INTELIGITVR.)** Subaudi, ut superiore casu, ut sit sensus, Non tamen legatum ei cedit, ac debetur qui hæres est, ut in superiore casu, uel, Non tamen eodem modo hæreditati cum legato confusio fit, ut superiore casu legati cum hæreditate contigerat. Vere tamen ut dicam, paulo alieniora uerba illa sunt, minusq; ad rationis redditionem accommodata. Videndum num Imperator QVASI hæres sit, scripserit, hoc sensu: Non tam apud eum dominum ita legatum cedit, quasi hæres sit: id est, ut cum hæreditate



**A** ditate confundatur. uel. Nam etsi statim testator decesserit, ac proinde legatum apud dominum (id est, domino) cesserit, non tamen propterea sequitur apud heredem cessisse, quid enim si seruus uel manumissus, uel ad alium translatus adierit: tum certe constabit legatum non cessisse domino, quasi heredi: sed potius ab hereditate alienissimo.

**SI IN EADEM CAUSSA PERMANERIT.)** Sequitur V. Legatū ei cuius seruus heres institutus est, si eius iussu seruus adierit, intercidit. d. l. quæsitum, 91. D. de legat. primo. cum enim idem heres reperiatur, qui legatarius, confusione iurum legatum extinguitur: hoc est quia rei & actoris iura in unum confluunt. l. plane, 34. §. si duobus. D. de leg. 1.

*Iustiniani lege non modo ante, sed etiam inter medias heredum institutiones, & legata & libertates licet relinquere. l. xxiiij. C. de testam.*

**XXIX.** Ante heredis institutionem inutiliter antea legabatur: scilicet quia testamēta uim ex institutione heredis accipiunt, & ob id ueluti caput atq; fundamentum intelligitur totius testamenti heredis institutio. Pari ratione nec libertas ante heredis institutionē dari poterat. Sed quia inciuile esse putauimus ordinem quidem scripturæ sequi (quod & ipsi antiquitati uituperandum fuerat uisum) sperni autem testatoris uoluntatem: per nostram constitutionem & hoc uitium emendauimus, ut liceat & ante heredis institutionem, & inter medias heredum institutiones legatum relinquere, & multo magis libertatem, cuius usus fauorabilior est.

**INUTILITER ANTEA LEGABATUR.)** Enunciatio I. Olim nec legata nec libertates ante heredis institutionem decernere licebat. Itaque Vlpianus cap. Institut. 24. Ante heredis institutionem, inquit, legari non potest: quoniam & potestas testamenti ab heredis institutione incipit. Et Paulus libro Sentent. 3. cap. 8. Ante heredis institutionem, inquit, legari non potest: inter medias heredum institutiones, siue alter, siue uterque adeat, potest interdum dimidium, interdum totum.

**VIM EX INSTITUTIONE HAEREDIS.)** Sequitur II. Testamentum ex heredis institutione robur ac firmamentum sumit. l. quod per manus, 10. D. de iur. codicill. ubi Papinianus ait, testamentum uires per heredum institutionem accipere.

**QVOD ET IPSI ANTIQVITATI.)** Sequitur III. Veteres maiorem uoluntatis quam ordinis scripturæ rationem ducebant. l. cum pater, 77. §. fidei tuæ. D. de legat. secundo. ubi Papinianus ait, causam iuris ac uoluntatis ab ordine scripturæ non impediri. Item l. 6. D. de solut. ubi Paulus ait, non ordinem scripturæ spectari, sed potius ex iure sumi id quod agi uidetur. Exemplum autem licet ex Pomponio cognoscere in l. si mihi, 12. §. 3. De legat. primo: & de libertate in l. si idem, 14. De legat. secundo.

**LICEAT ET ANTE HAEREDIS INSTITUTIONEM.)** Sequitur IIII. Ex constitutione Iustiniani, legare etiam ante heredum institutionem licet. l. ambiguitates, 24. C. de testam. nam Constitutio de qua hic loquitur, q̄s quibus utimur libris deest.

*Iustiniani lege, post heredis legatarij uel mortem legatum relinquere, non minus quam per fideicommissum licet. l. un. C. ut act. ab hered.*

**XXX.** Post mortem quoque heredis aut legatarij, simili modo inutiliter legabatur: ueluti si quis ita dicat, CVM HAERES MEVS MORTVVS FVERIT, DO LEGO. Item, PRIDIE, QVAM HAERES AVT LEGATARIVS MORIATVR. Sed simili modo & hoc correximus, firmitatem huiusmodi legatis ad fideicommissorum similitudinem præstātes: ne in hoc casu deterior causa legatorum, quam fideicommissorum inueniatur.

**POST MORTEM HAEREDIS AVT LEGATARIJ.)** Enunciatio I. Olim post heredis legatarij uel mortem inutiliter legabatur. Itaq; Vlpianus cap. Institut. 24. Post mortem, inquit, heredis legari non potest, ne ab heredis herede legari uideatur: quod iuris civilis ratio non patitur. primum, quia incertum est quis futurus sit: deinde, quia mandare alieo non heredi non licet. Et Paulus lib. Sent. 3. cap. 8. Post mortem heredis, inquit, legari non potest: quia nulli ab heredibus heredis relinqui potest.

**PRIDIE QVAM HAERES AVT LEGATARIVS MORIATVR.)** Non enim sciri ante mortem poterit, quis dies ille fuerit: quare ante mortem neq; debetur, neq; peti poterit. At in tempus mortis tam suæ quam heredis, legata conferri posse hoc modo, L. Titio cum morietur, do lego: aut, Heres meus cum morietur dare damnas esto, Paulus & Vlpianus iisdem locis affirmant. l. si pecunia, 12. §. 1. D. de legat. secundo.

**SIMILI MODO ET HOC CORREXIMVS.)** Sequitur II. Ex constitutione Iustiniani, etiam post heredis legatarij uel mortem, licet legatum item ut fideicommissum relinquere. l. un. C. ut actio. ab hered. Fideicommissa autem relinqui licuisse, patet ex l. filiusfam. 114. §. 3. De leg. primo. & l. si fuerit, 5. D. de leg. tertio.

*Iustiniani lege, pœnæ nomine & legari, & legatum adimi ac transferri, dum conditio nec impossibilis, nec probrosa, nec illicita sit, potest. l. un. C. de ijs quæ pœnæ no.*

**XXXI.** Pœnæ quoque nomine inutiliter antea legabatur, & adimebatur, uel transferebatur. Pœnæ autem nomine legari uidetur, quod coercendi heredis causa relinquitur. quo magis  
r 4 aliquid



aliquid faciat, aut nō faciat: ueluti si quis ita scripserit, HAERES MEVS SI FILIAM SVAM IN MATRIMONIO TITIO COLLOCAVERIT: uel ex diuerso, SI NON COLLOCAVERIT, DATO DECEM AVREOS SEIO: aut si ita scripserit, HAERES MEVS SI SERVVM STICHVM ALIENAVERIT: uel ex diuerso, SI NON ALIENAVERIT, TITIO DECEM AVREOS DATO. Et intantum hæc regula obseruabatur, ut quam plurimis principalibus constitutionibus significaretur, nec Principem quidem agnoscere, quod ei poenæ nomine legatum sit. nec ex militis quidem testamento talia legata ualebant, quamuis aliàs militum uoluntates in ordinandis testamentis ualde obseruentur. quinetiam nec libertatem poenæ nomine dari posse placebat: eo amplius nec hæredem poenæ nomine adijci posse, Sabinus existimabat: ueluti si quis ita dicat, TITIVS HAERES ESTO, SI TITIVS FILIAM SVAM IN MATRIMONIO SEIO COLLOCAVERIT, SEIUS QVOQVE HAERES ESTO. Nihil enim intererat, qua ratione Titius coereretur, utrum legati datione, an coheredis adiectione. Sed huiusmodi scrupulositas nobis non placuit: & generaliter ea, quæ relinquuntur, licet poenæ nomine fuerint relicta, uel adempta, uel in alium translata, nihil distare à cæteris legatis constituimus, uel in dando, uel in adimendo, uel in transferendo: exceptis uidelicet ijs, quæ impossibilia sunt, uel legibus interdicta, aut aliàs probrosa. Huiusmodi enim testatorum dispositiones ualere, secta meorum temporum non patitur.

INVUTILITER ANTEA LEGABATUR.) Enunciatio I. Olim poenæ nomine nec legari, nec legatū transferri, adimi uel poterat, ut Vlpianus cap. Instit. 24. ijsdem prope declarat uerbis. Rationem autem duplicem arbitror fuisse. primum, quia ius libertatis infringi uidetur: ut ait Papinianus in l. Titio. 71. §. 2. D. de cond. & demonstr. ubi scribit, Titium cui legatum quid est, si certa in ciuitate domicilium habeat, etiam si non pareat, legatum habiitum, ne ius libertatis infringatur: secundo, quia legatorum abusus iste est: cum legata non puniendi & territandi hæredis, sed beneficentia in legatarios exercendæ causa instituta sint: testator autem isto modo beneficentiam suam ex hæredis peccato suspendat: & hæredem potius multare, quam honore legatarium efficere uideatur. Theophilus autem causam hanc addit, quia legata hæc in hæredis arbitrio ac potestate sita sunt: quod lex improbat. Iulius Capitolinus scribit Antoninum Pium constituisse primum, ne poenæ causa legatum relictum ualeret.

POENAE NOMINE LEGARI VIDETVR.) Sequitur II. Poenæ nomine legatum dicitur, quod multandi hæredis causa si quid uel faciat, uel non faciat, imponitur: auctore Vlpiano cap. Institut. 24. ubi ait: Poenæ causa legatur, quod coercendi hæredis causa relinquitur, ut faciat quiddam aut non faciat, non ut legatum pertineat (id est, percipiat & obtineatur) puta hoc modo: Si filiam tuam in matrimonio Titio collocaueris, decem millia Seio dato. His enim uerbis nō iam consultum Seio, quā interdictum hæredi esse constat.

NEC PRINCIPEM QUIDEM AGNOSCERE.) Sequitur III. Olim poenæ causa etiam Principi, & a milite, uel libertatis causa legatum, uim habebat nullam. l. un. C. de ijs quos poen. nom.

NEC HAEREDEM POENAE NOMINE ADIICI.) Sequitur IIII. Olim hæredem poenæ nomine adijci propter Sabini sententiam nō licebat. Non enim tam coheredis institutio, quā hæredi interminatio posita uidebatur.

SCRVPVLOSITAS NOBIS NON PLACUIT.) Sequitur V. Ex Iustiniani constitutione, poenæ nomine legari, adimi, transferriq; potest: nisi sub impossibili, turpi, aut iniusta conditione legatum sit. d. l. un. ueluti, Nisi Rhenum ebiberit: nisi in foro saltarit: nisi meum inimicum interfecerit. uel, Nisi cibo & potu triginta dies abstinerit: nisi muliebri habitu luce palam incesserit: nisi suam amitam in uxorem duxerit.

## DE ADEPTIONE ET TRANSLATIONE LEGATORUM.

### TITVLVS XXI.

*Legatum & eodem testamento, & codicillis tum adimi, tum in alium transferri quibusuis uerbis potest. l. 1. & pass.*

*D. de adimend. & transf.*

I. **A**demptio legatorum, siue eodē testamento adimantur, siue codicillis, firma est. sed & si contrarijs uerbis fiat ademptio: ueluti si quis ita quid legauerit, DO LEGO, ita adimatur, NON DO, NON LEGO: siue non contrarijs, sed alijs quibuscunq; uerbis. Transferri quoque legatū ab alio ad alium potest: ueluti si quis ita dixerit, HOMINEM STICHVM, QVEM TITIO LEGAUI, SEIO DO LEGO: siue in eodem testamento, siue in codicillis hoc fecerit, quo casu simul & Titio adimi uidetur, & Seio dari.

ADEPTIO LEGATORVM FIRMA EST.) Enunciatio I. Ademptio legati tum in eodem testamento, tum in codicillis, quibuscunq; uerbis facta sit, ualet. l. 3. & pass. D. de adim. & transf. & l. datum. 17. C. de legat. Quin etiam Vlpian. d. l. 3. extrema scribit, non solum uerbis, sed etiam nuda uoluntate adimi legata posse. ueluti obortis capitalibus inimicis, nec unquam ante mortē reconciliata gratia. mutari enim testatoris uoluntatem usq; ad supremum uitæ momentum posse.

TRANSFERRI QVOQVE LEGATVM.) Sequitur II. Quod uni legatum est, id in alterum transferri, tum eodem testamento, tum etiam codicillis potest. l. sicut. 5. eod. ubi Caius ait: Sicut alicui adimi legatum potest, ita & ad alium transferri posse. Quod quibus fiat modis, Paulus in sequenti capite declarat.



DE LEGE FALCIDIA.

TITVLVS XXII.

*Legandi potestas quæ ex lege duodecim infinita erat, Furia primum & Voconia, postremò Falcidia lege sic imminuta est, ut plus in legata quàm dodrantem consumere non liceret. l. i. D. ad leg. Falcid.*

I. **S**uperest, ut de lege Falcidia dispiciamus, qua modus nouissimè legatis impositus est. Cum enim olim lege duodecim Tabularum libera erat legandi potestas, ut liceret uel totum patrimonium legatis erogare (quippe cum ea lege ita cautum esset, VTI LEGASSIT SVAE REI, ITA IVS ESTO) visum est hanc legandi licentiam coartare: id quod ipsorum testatorum gratia prouisum est, ob id, quod plerumque intestati moriebantur, recusantibus scriptis hæredibus pro nullo aut minimo lucro hæreditates adire. Et cum super hoc tam lex Furia, quàm lex Voconia latae sunt, quarum neutra sufficiens ad rei consummationem uidebatur, nouissimè lata est lex Falcidia, qua cautetur, ne plus legari liceret, quàm dodrantem totorum bonorum: id est, ut siue unus hæres institutus esset, siue plures, apud eum eòsue, pars quarta remaneret.

OLIM LEGE DVODECIM TAB. LIBERA ERAT.) Enunciatio I. Lege XII. Tab. patrimonium uniuersum in legata consumere licebat. l. uerbis legis. 120. De uerb. sign. Huius autem legis incommodum hoc erat, quod hæredes instituti repudiabant, nec eam hæreditatem ex qua nullum emolumentum percepturi erant, adire uolebant. Unde consequabatur, ut destituito testamento ne legatarij quidem ipsi quicquam ex suis legatis obtinerent.

IPSORVM TESTATORVM GRATIA.) Sequitur II. Quartæ Falcidiæ detractio testatorum gratia introducta est. Neque aduersatur l. potest hæres. 71. D. ad leg. Falcid. ubi Paulus scribit, eam legem hæredis causa latam esse: quia testatorum gratia potissimum lata est, ne testamenta eorum destituerentur, secundum testatores hæredum causam gratis periculum subirent. Ergo alius in testatoribus, alius in hæredibus respectus fuit.

PLERVNQVE INTESTATI MORIEBANTVR.) Sequitur III. Is cuius repudiatur, nec aditur hæreditas, intestatus decessisse dicitur. §. i. infra De hæred. quæ ab.

TAM LEX FVRIA, QVAM LEX VOCONIA.) Sequitur IIII. Legandi potestas per Furiam & Voconiam legè imminuta & præcisa est. Furiam autem C. Furius Tribunus pl. tulit. Ne cui supra mille asses legare, mortis uel causa donare liceret, si quis plures sibi legatos accepisset, quadruplum eius, quo plus quàm licebat accepisset, redderet. auctor Ulpian. cap. Institut. l. i. §. 28. Verum hæc lex hoc habebat incommodi, quod de legatarijs singulis cauebat, de cunctis non cauebat. quare si plures essent legatarij, uniuersam hæreditatem absumere poterant. Successit igitur Voconia, quam Q. Voconius Tribunus pl. tulit. Ne qui census esset, hoc est, HS centum millia in bonis haberet, plus cuiquam relinqueret, quàm ad hæredem hæredes uel perueniret. quemadmodum ex Verrina tertia intelligitur. Verum ea lex idem ferè uitium habebat. nam dum isto modo de singulis legatarijs cauet, de omnibus nõ cogitat. poterat autem accidere ut tam multi legatarij essent, atque in tam multis partes patrimonium diuideretur, ut minima pars tum legatarijs tum hæredibus relinqueretur. Falcidia igitur necessarid lata est: quæ de omnibus legatarijs generatim sanxit.

NOVISSIMA LATA EST LEX FALCIDIA.) Sequitur V. Falcidia lex ne plus dodrante in legata consumeretur, uetabat. l. i. D. hoc tit. Tulit autem P. Falcidius Tribunus pl. Augusti temporibus, quæ ut apparet non de singulis legatarijs, sed de omnibus sanxit, ut legare ita liceret, dum tamen pars quarta patrimonij penes hæredem remaneret. Quare quamuis multi legatarij constituantur, non tamen amplius eis quàm dodrantem attribuire licebit. Quæ ex re, quid inter quatuor leges, de quibus hoc loco agitur, intersit, facile est intelligi. nam lex XII. neque modum, neque finem legatis imponebat. Furia & Voconia modum quidem faciebat, finem non faciebat: Falcidia uerò & modum & finem imposuit.

*Quartam Falcidiæ non omnes tantum, uerum etiam singuli hæredes ex sua cuiusque parte retinere possunt. l. lxxvij. eod.*

II. Et cum quaesitum esset, duobus hæredibus institutis (ueluti Titio & Seio) si Titij pars aut tota exhausta sit legatis, quæ nominatim ab eo data sunt, aut supra modum onerata: à Seio uerò aut nulla relicta sint legata, aut quæ partem eius duntaxat in partem dimidiam minuant: an quia is quartam partem totius hæreditatis aut amplius habet, Titio nihil ex legatis, quæ ab eo relicta sunt, retinere liceret: placuit, ut quartam partem suæ partis saluam habeat, posse retinere. etenim in singulis hæredibus ratio legis Falcidiæ ponenda est.

PLACVIT POSSE RETINERE.) Enunciatio I. Non si quis ex hæredibus nullis legatis oneratus est, iccirco ei qui oneratus est, retinere suum quadrantem non licet. l. in singulis. 77. D. eo. Causæ constitutio: Testator centum in bonis habens, Titium & Seium ex æquis partibus hæredes instituit, à Titio autem quinquaginta legauit: à Seio uel nihil, uel minus uiginti quinque: sic ut omnino quadrans apud eum hæreditatis nomine remaneret. mortuo testatore Legatarij quinquaginta petunt à Titio. Intentio: Debes nobis quinquaginta legati nomine. D. Non debeo. Q. An debeat. R. Quia lex Falcidia ius retinendi quartam hæredibus permittit. sine igitur me huius meæ partis quadrantem retinere. F. At lex non de singulis, sed de omnibus scripta est. Ne minus, inquit, quàm quartam partem hæreditatis ex eo testamento hæredes capiant. Cohæres autem







**A** pensa, & precium seruorum manumissorum: tunc demum in reliquo ita ratio habetur, ut ex eo quarta pars apud hæredem remaneat: tres uerò partes inter legatarios distribuuntur, pro rata scilicet portione eius, quod cuique eorum legatum fuerit. Itaque si fingamus quadringentos aureos legatos esse, & patrimonij quantitatem, ex qua legata erogari oportet, quadringentorum esse: quarta pars legatarijs singulis debet detrahi. Quod si trecentos quinquaginta legatos fingamus, octaua debet detrahi. Quod si quingentos legauerit, initio quinta, deinde quarta detrahi debet. Antè enim detrahendum est, quod extra bonorum quantitatem est, deinde quod ex bonis apud hæredem remanere oportet.

**ANTE DEDUCTUR AES ALIENVM.)** Enunciatio I. Antequam summa constituatur, ex qua quarta retinenda est, æs alienum, funeris sumptus, & precia seruorum manumissorum detrahenda sunt, l. in imponenda, 6. C. hoc tit. ubi Imp. ait. In imponenda ratione legis Falcidie, omne æs alienum deducitur, etiam quod ipsi hæredi mortis tempore debitum fuerit: quamuis additione hæreditatis cõfusa sint rationes. Item l. qui fundũ, 87. §. 1. D. eod. & l. pen. D. de relig. & sumpt. fun. ubi Marcianus ait, Impensam funeris semper ex hæreditate deduci: quæ etiam omne creditum solet præcedere. De seruorum precio Paulus, l. si seruus, 33. cum seq. D. eod. leg. Falcid.

**PRO RATA SCILICET PORTIONE EIVS.)** Sequitur II. In Falcidia ratione legata dodrantem exuperantia pro rata cuiusq; ad dodrantis quantitatem reuocanda sunt, l. in quantitate, 73. §. ult. D. eod.

**ITAQUE SI FINGAMVS.)** Sequitur III. Legatis ad hæreditatis modum reuocatis, as ita distribuitur, ut dodrans legatarijs, hæredi quadrans attribuitur, d. l. in quantitate, D. eod. ubi Caius ait, optimum esse statim ab initio ita testatorem distribuere legata, ne ultra dodrantem relinquuntur. quod si excesserit quis dodrantem, illa pro rata portione per legem ipso iure minui.

**QUARTA PARS LEGATARIIS SINGVLIS.)** E sua parte, nam ei cui centum erant legata, uiginti quinq; detrahuntur: cui quadraginta, decem: cui octoginta, uiginti.

**LEGATOS FINGAMVS.)** Ab eo qui quadringentos habebat. Semper enim posita illa species retinenda est.

**OCTAUA DEBET DETRAHI.)** Octaua ex hæreditate tota, quæ quadringentorum est, efficit quinquaginta. Ergo cum ex testamento quinquaginta iam habeat, reliquum est, ut legis beneficio altera quinquaginta tantum legatarijs detrahat, ita centum quæ totius hæreditatis quarta est, obtinebit.

**SI QVINGENTOS LEGAVERIT.)** Idem ille qui quadringentos tantum habebat.

**INITIO QVINTA.)** Si unus sit legatarius, centum erunt: sin plures, unicuique pro rata, quinta pars sui legati detrahenda est: ueluti ei cui centum legata sunt, uiginti. Ratio est, quia legata omnia primum reuocanda sunt ad summam & quantitatem hæreditatis.

**DEINDE QVARTA.)** Hoc est, cum ad hæreditatis quantitatem reuocata erunt legata, tum demum ex hac summa facile erit quartam hæredi sumere: reliquum, hoc est dodrantem legatarijs relinquere.

## DE FIDEICOMMISSARIIS HÆREDITATIBVS.

### TITVLVS XXIII.

*Fideicommissa quæ olim in fide atque arbitrio hæredum posita erant, nunc suum prætorem qui de ijs ius dicat, eaq; præstari tibeat, propter Augusti auctoritatem habent.*

**C** **I.** **N**unc transeamus ad fideicommissa, sed prius est, ut de hæreditatibus fideicommissarijs uideamus. Sciendum itaque est, omnia fideicommissa primis temporibus infirma fuisse: quia nemo inuitus cogebatur præstare id, de quo rogatus erat. Quibus enim nõ poterant hæreditatem uel legata relinquere, si relinquebant, fidei committebant eorum, qui capere ex testamento poterant. Et ideo fideicommissa appellata sunt, quia nullo uinculo iuris, sed tantum pudore eorum, qui rogabantur, continebantur. Postea primus diuus Augustus semel iterumq; gratia personarum motus, uel quia per ipsius salutem rogatus quis diceretur, aut ob insignem quorundam perfidiam, iussit Consulibus auctoritatem suam interponere. Quod quia iustum uidebatur, & populare erat, paulatim conuersum est in assiduam iurisdictionem: tantusq; eorum fauor factus est, ut paulatim etiam Prætor proprius crearetur, qui de fideicõmissis ius diceret, quem fideicommissarium appellabant.

**VT DE FIDEICOMMISSARIIS HÆREDITATIBVS.)** Enunciatio I. Fideicommissorum alia singularia sunt, alia uniuersalia. Singularia sunt, quæ singularum rerum sunt: ueluti, Rogo te hæres, ui fundum illum Sempronio redditus restituas. Vniuersalia uerò, totius hæreditatis: ueluti, Peto à te, ut hæreditatem illi meam restituas.

**PRIVS EST.)** In Pandectis autem posterius est, l. 1. D. ad Trebell. ut meo iudicio inepti sint, qui ordinem in hoc animi mali notari atq; obseruari posse existiment.

**PRIMIS TEMPORIBVS INFIRMA FVISSE.)** Sequitur II. Primis temporibus fideicõmissa uim nullam habebant, sed ex hæredum fide ac beneuolentia pendebant itaq; Vlpianus cap. Inst. 25. Fideicommissum est, inquit, quod non ciuilibus uerbis, sed precatiue relinquitur: nec ex rigore iuris ciuilibus proficiscitur, sed ex uoluntate datur relinquentis.

**QVIBVS NON POTERANT HÆREDITATEM VEL LEGATA.)** Sequitur III. Fideicõmissa  
eorum



eorum caussa instituta sunt, qui capere ex testamento non poterant. Cuius rei exemplum est apud Ciceronem lib. Accus. Verr. **A** primo, ubi de P. Trebonij testamento commemorat, qui cum Aulum fratrem proscriptum haberet, eiq; cautum uellet, scripsit ut heredes iurarent, se curaturos ut ex sua cuiusque parte, ne minus dimidium ad A. Trebonium fratrem illum proscriptum perueniret. Item lib. De finib. 2. his uerbis, Memini me adesse P. Sestilio Rufo, cum is ad amicos rem ita deferret, se esse heredem Q. Fabio Gallo, cuius in testamento scriptum esset, se esse ab eo rogatum, ut omnis hereditas ad filiam perueniret. id Sestilius factum negabat. poterat autem impune: quis enim redargueret in nemo nostrum negabat. eratq; uerisimilius, hunc mentiri, cuius interesset, quam illum, qui id se rogasse scripsisset, quod debuisset rogare. Addebat etiam, se in legem Voconiam iuratum, contra eam facere non audere, nisi aliter amicis uideretur. Aderamus nos quidem adolescentes, sed & multi amplissimi uiri: quorum nemo censuit plus filiae dandum, quam posset ad eam lege Voconia peruenire. Tenuit permagnam Sestilius hereditatem: unde si secutus esset eorum sententiam, qui honesta & recta emolumentis omnibus, & commodis anteponerent, ne nummum quidem unum attigisset. Idem paulo post: Si te amicus tuus moriens rogauerit, ut hereditatem reddas suae filiae, nec usquam id scripserit, ut scripsit Fabius, nec cuiquam dixerit, quid facias? tu quidem reddes: ipse Epicurus fortasse redderet: ut Sex. Peducens Sex. F. is qui hunc nostrum reliquit, effigiem & humanitatis & probitatis suae filium, tum doctus, tum omnium uir optimus & iustissimus: cum sciret nemo eum rogatum a C. Plotio equite Rom. splendido Nursino, ultro ad mulierem uenit, eiq; nihil opinanti uiri mandatum exposuit, hereditatemq; reddidit. Fabius autem lib. 9. cap. 11. de fideicommissi caussa, quam ipse olim egerat, sic scribit: Ream tuebar, quae subiecisse dicebatur marito testamentum, & dicebatur chirographum marito expirante heredibus dedisse: & uerum erat. nam quia per leges institui uxor non poterat heres (non quia uxor, ut quidam stolide hic putauit, sed quia mulier, idq; propter legem Voconiam) id fuerat actum, ut ad eam bona per hoc tacitum fideicommissum perueniret. & caput quidem ueri facile erat, si hoc diceremus palam: sed peribat hereditas. Ita ergo fuit nobis agendum, ut iudices illud intelligerent factum, delatores non possent apprehendere ut dictum, & contigit utrumq;.

**DIVVS AVGVSTVS PRIMVS.)** Sequitur III. Augustus primus omnium fideicommissa rata esse, deq; **B** ijs ius Consules dicere iussit. §. 1. De codicill. ubi huius rei testimonium editur.

**PER IPSIVS SALVTVM.)** Hoc modo: Ut Augustum saluum atq; incolumem cupis, ita promittis. Sic Vlpianus l. non erit. §. De iureiur. Quod si exegi ut per salutem tuam iurares, & iurasti, stabitur.

**PRAETOR PROPRIVS CREARETVR.)** Sequitur V. Augusti auctoritas tantum in fideicommissis confirmandis ualuit, ut tandem praetor fideicommissarius, qui de ijs ius diceret, crearetur. l. 2. §. 17. De orig. iur. ubi Pomponius ait, Diuum Claudium duos praetores creasse, qui de fideicommissis ius dicerent. ex quibus unum Diuus Titus detraxit. Suetonius autem in Claudio, Iurisdictionem de fideicommissis, inquit, quotannis, & tantum in urbe delegari magistratibus solitam, in perpetuum, atq; etiam per prouincias potestatibus demandauit. Sed haec facile est ex Fabij uerbis explicare, qui lib. 3. cap. 6. sic scribit: No debes apud Praetorem petere fideicommissum, sed apud Consules: maior enim pratoria cognitione summa est, quae ratur an maior summa sit, &c. Quo ex loco intelligitur fideicommissorum iurisdictionem ita partitam fuisse, ut praetor usq; ad certam summam cognosceret, de maiore Consul ius diceret. Budaeus autem eum locum in Annotationibus suis proferens, ita duobus in locis interpretatus est, ut uel ea res admonere nos debeat, quantam in aliorum scriptis legendis humanitatem & facilitatem adhibere debeamus. Verum ut institutum sermonem persequamur, Vlp. cap. Instit. 25. perspicue id quod diximus confirmat. Fideicommissa, inquit, non per formulam petuntur, ut legata: sed cognitio est Romae quidem Consulum, aut Praetoris, qui fideicommissarius uocatur: in prouincijs uero, Praesidum prouinciarum. De Praetore fideicommissario Imp. l. 2. C. qui pot. in pign. habeant. Paulus l. quastum, 78. §. pen. D. de leg. tertio, & l. 4. in fi. D. Quis ad lib. prim. Vlpianus l. si cui legatum, 92. De condit. & demonst. De Praefide uero prouinciae, Imp. l. cum etiam, 5. C. de reb. cred.

*Fideicommissum ita relinqui debet, ut aliquis directis uerbis heres instituat,  
& alteri hereditatem partemue restituere uel pure, uel  
sub conditione, uel ex certo  
die rogetur.*

**II. In primis igitur sciendum est, opus esse, ut aliquis recto iure testamento heres instituat:** eiusq; fidei committatur, ut eam hereditatem alij restituat. alioqui inutile est testamentum, in quo nemo heres instituitur. Cum igitur aliquis scripserit, **LVCIVS TITIVS HAERES ESTO: poterit** adjicere, **ROGO TE LVCIVS TITI, VT CVM PRIMVM POTERIS HAEREDITATEM MEAM ADIRE, EAM CAIO SEIO REDDAS RESTITVAS.** Potest autem quisque & de parte restituenda heredem rogare: & liberum est, uel pure, uel sub conditione relinquere fideicommissum, uel ex certo die.

**VT ALIQVIS RECTO IURE.)** Enunciatio I. Ante fideicommissum directis uerbis heredem, cuius fidei committitur, institui oportet. Quod enim dixit **RECTO IURE**, opposuit fideicommittendi formulae, qua non directo, sed precario & blande quippiam relinquitur. Directa autem uerba sunt: Heres esto, Heredem esse iubeo. Verum haec quidem de fideicommissis, quae ab heredibus institutis relinquuntur. nam a legitimis etiam & ab intestato relinqui posse paulo post intelligitur.

**ALIOQVI INVTILE EST TESTAMENTVM.)** Sequitur II. Testamentum quo nullus heres instituitur, inutile est. §. ante heredis, supra De legatis, ubi diximus heredis institutionem, caput ac fundamentum esse testamenti.

**ET DE PARTE RESTITVENDA.)** Sequitur III. Fideicommissi etiam pars hereditatis, item pure, sub conditione, & ex certo die potest.



A

*Ex S.C. Trebelliano quæ actiones tum hæredi, tum in hæredem competere, eas Prætor tum fideicommissario tum in fideicommissarium transfert: quæ iccirco utiles appellantur. l. j. D. ad S.C. Trebell.*

III. Restituta autem hæreditate, is quidem, qui restituit, nihilominus hæres permanet: is uero, qui recipit hæreditatem, aliquando hæredis, aliquando legatarij loco habetur. Ex Neronis quidem temporibus, Trebellio Maximo & Annæo Seneca consulibus senatusconsultum factum est: quo cautum est, ut si hæreditas ex fideicommissi causa restituta sit, omnes actiones, quæ iure civili hæredi & in hæredem competere, ei & in eum darentur, cui ex fideicommissio restituta esset hæreditas. Post quod senatusconsultum prætor utiles actiones ei & in eum, qui recepit hæreditatem, quasi hæredi & in hæredem dare cæpit.

NIHILOMINUS HÆRES MANET.) Enunciatio I. Non si institutus hæreditatem restituat, iccirco quod ad ius attinet, hæres esse definit. l. 1. §. 1. D. ad Trebell. Quod eo pertinet, ut qui hæreditatem restituit, nihilominus & cõueniri & agere iure hæreditario possit: sed exceptione uel iurari uel remoueri possit. Vnde intelligi potest, institutum hæredem, ex S. Consulto Trebelliano tantum honorarium, id est titulum tenus & adumbratum hæredem esse reuera enim fideicommissarium hæredem esse.

ALIQUANDO HÆREDIS, ALIQUANDO LEGATARIJ.) Sequitur II. Cui ex fideicommissio hæreditas restituta est, is interdum hæredis, interdum legatarij habetur loco. Nam si uniuersale sit fideicommissum, rogatusq; sit hæres assem integrum restituere, tum hæredis obtinebit locum: sin particulare, legatarij. Nisi potius hæc sit sententia: ut si ex Trebelliano restitueretur hæreditas, fideicommissarius hæredis loco esset: sin ex Pegasiano, legatarij, ut proxime ostendit & planius Vlp. cap. Instit. 25. §. is qui rogatus.

NERONIS QUIDEM TEMPORIBVS.) Sequitur III. Trebellianum S.C. Neronis tempore, Trebellio Max. Annæo Seneca Coss. factum est. l. 1. D. ad Trebell.

OMNES ACTIONES QUÆ IURE CIVILI.) Sequitur IIII. Ex S.C. Trebell. actiones omnes quæ uel hæredi, uel in hæredem competere, ad fideicommissarium transferuntur. d. l. 1. D. eod. ubi Vlpianus hoc iccirco institutum esse tradit, ut eorum dubitatio tolleretur, qui adire hæreditatem recusare, seu metu litium, seu prætextu metus consuecunt. Paulus autem in l. quamuis. 40. D. eod. Quamuis, inquit, Senatus de his actionibus transferendis loquatur, quæ iure civili hæredi & in hæredem competunt: tamen etiam honorariæ actiones transeunt, imò & causa naturalium obligationum transit.

PRÆTOR UTILES EI ET IN EVM.) Sequitur V. Directæ actiones quæ iure civili ad hæredem pertinebant, ad fideicommissarium translata, utiles appellantur. Nam directæ sunt quæ ad eam causam propter quam instituta sunt, accommodantur. Viles, quæ ad aliam consimilem: utilitatis nimirum & æquitatis causa. Hæ uero actiones propter hæredem propriè & nominatim institutæ sunt. Quare, cum hic hæres non sit, æquitas tamè in pari causa pares actiones desideret, merito eadem illi formulæ conceduntur. Hic autem hæres iccirco non est, quia S.C. eum hæredem non fecit: sed actiones tantummodo in eum transtulit, cum alioqui possit S.C. hæredes facere. §. quos autem. infr. De bon. poss. non fecit autem propterea, quia iam alter iure civili factus locum obtinebat.

*Ex S.C. Pegasiano fideicommissum restituere rogatus, quadrantem retinere poterat: ita tamen ut hæreditatis commoda & incommoda inter eum & fideicommissarium communicarentur.*

C

IIII. Sed quia hæredes scripti, cum aut totam hæreditatem, aut penè totam plerumq; restituerogabantur, adire hæreditatem ob nullum uel minimum lucrum recusabant, atque ob id extinguiebantur fideicommissa: postea Vespasiani Augusti temporibus Pegasio & Pusione consulibus senatus censuit: ut ei, qui rogatus esset, hæreditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoq; rebus, quæ per fideicommissum relinquuntur, eadem retentio permessa est. Post hoc senatusconsultum ipse hæres deicommissum relinquebat: ille autem, qui ex fideicommissio recipiebat partem hæreditatis, leonera hæreditaria sustinebat: id est eius legatarij, cui pars bonorum legabatur. quæ species legati, Partitio uocabatur: quia cum hærede legatarius partiebatur hæreditatem. Vnde quæ solebant stipulationes inter hæredem & partiarium legatarium interponi, eadem interponebantur inter eum, qui ex fideicommissio recepit hæreditatem, & hæredem, id est, ut lucrum & damnum hæreditariu pro rata parte inter eos commune esset.

OB ID EXTINGVEBANTVR FIDEICOMMISSA.) Enunciatio I. Nisi qui hæres institutus est, adierit, fideicommissa, utpote destituto testamento, intercidunt. l. eam quam. C. de fideicom. l. si nemo. 9. D. de testam. tut. ubi Pomponius ait: Si nemo hæreditatem adierit, nihil ualere ex his quæ testamento scripta sunt.

VESPASIANI AVGVSTI TEMPORIBVS.) Sequitur II. S.C. Pegasianum Vespasiani temporibus, Pegaso & Pusione Coss. factum est.

VT EI QVI ROGATVS ESSET.) Sequitur III. Ex S.C. Pegasiano ei qui fideicommissum siue uniuersale, siue particulare restituit, quadrantem sibi retinere permittitur. Quæ ex re apparet, primum ex hoc S.C. institutum hæredem, non amplius adumbratum & honorarium tantum, sed reuera ex parte quarta hæredem esse: deinde, quod lex Falcidia est



dia est in legatis, id Pegasianum in fideicommissis existere. Nam quemadmodum haeres, à quo plus dodrante legatum est, usque A ad quadrantem integrum retinere potest, eodem modo is qui plus dodrante restituere est rogatus: siue uni, siue multis plus dodrante reddere sit rogatus, ueluti, si domum quae semissem ualeat, Titio: seruos qui trientem ualeant, Seio. tum enim duas uncias retinebit, non quo ab utroque semunciam unam detrahatur, sed ut haec uncia excedens in partes duodecim diuidatur: quarum sex Titius, quatuor Seius auferet, duae reliquae apud haerem remaneant. Atque haec quidem inter quartam Falcidiam & Pegasianam (quae uulgo Trebellianica dicitur) similitudo est. Differentia autem illa: quod in Falcidiam legata non imputantur, in Pegasianam imputantur. itaque si Testator quadringenta in bonis habens, haeredi centum, Maenio ducenta, Valerio centum leget: haeres ultra centum quae praelegati nomine retinebit, Maenio quinquaginta, Valerio uiginti quinque, quartae nomine detrahet. At si haerem cui centum legarit, roget hereditatem restituere, centum quidem illa sibi legata retinebit haeres, quartam autem eo amplius non detrahet. Cuius differentiae rationem animaduerti hanc esse, quod lex Falcidia uoluntati praesumptae testatoris subseruiat, eique consentanea sit. existimatur enim testator legatis hereditatem exhauriens errore id facere, & putare plus in hereditate esse, quam reuera sit: crediturque uoluntas eius ea fuisse, ut haeres aliquid obtineret. At S. C. Pegasianum directò uoluntati testatoris aduersatur. constat enim testatoris hanc fuisse uoluntatem, ut nihil apud haerem nisi nomen ac titulus maneret: reuera alius haeres esset. Cum igitur aliquo premio Senatusconsultum haeres allicere uoluerit aduersus testatorum uoluntatem ad hereditates adeundis: credibile est satis habuisse, si quadrans ille quoquo titulo ad haerem perueniret. Itaque Marcianus in l. in quartam. 91. D. ad leg. Falcid. siue legatum, siue fideicommissum datum sit haeredi, siue praeperere uel deducere, uel retinere iussus est, uel accepta pecunia hereditatem restituere rogatus sit, ut conditionis implende causa fideicommissum ei sit: ea omnia in quartam ei imputari scribitur in Falcidiam autem, nequaquam. Ac legem quidem Falcidiam haeredis causa latam esse nominatim Paulus scribit in l. potest haeres. 71. D. ad leg. Falcid. quartam autem Pegasianam contra testatoris sententiam esse inductam, Iulianus in l. Titia. 86. eod.

EX SINGVLIS QVOQUE REBUS.) Non quo ex una aliqua re aut pluribus, uni pluribusue per fideicommissum, intra modum tamen dodrantis, relictis semper haeres quadrantem retineat, quemadmodum nonnulli tradiderunt: ueluti, si equum alicui legarit, nec quicquam amplius in legata consumpsit, ut statim posset quadrantem precy retinere: sed si quemadmodum Theophilus docet, immensa legata sint, hoc est, dodrans singulis rebus compluribus legandis superatus sit, in eodem modo quartam detrahere liceat, quo ex fideicommissaria hereditate licet.

HAERES HAEREDITARIA ONERA SVSTINEBAT.) Sequitur IIII. Hereditate ex S. C. Pegasiano restituta, actiones quidem penes haerem manebant: sed utrinque stipulationes de commodo & incommodo pro rata participando interponebantur. Hoc est, siue quid hereditas deberet, haeres soluebat: siue quid deberetur, idem exigebat: si id inter ipsum & fideicommissarium interponebantur stipulationes, ut commoda & incommoda communicarentur. nam haeres ab illo stipulabatur, si quid à me solutum sit, eius partem redditurum spondes. & uicissim alter ab haerede, si quid exegeris, eius partem mihi daturum spondes.

ONERA HAEREDITARIA SVSTINEBAT.) Imò tam lucra quam onera. Sed onera dixit, propter iudiciorum molestias, quae suscipiendae erant haeredi nomina hereditaria persequenti.

LEGATARIJ PARTIARIJ LOCO.) Vlpianus cap. Institutionum uigesimo quarto. Sicut singulae res legari possunt, ita uniuersarum quoque summa legari potest: ut puta, Maenius haeres meus cum Titio hereditatem meam partitor, diuidito: quo casu dimidia pars bonorum legata uidetur. potest autem & alia pars, uelut tertia uel quarta legari: quae species Partitio appellatur.

QVAE SOLEBANT STIPVLATIONES.) Has paulo post Partis & pro Parte appellat. De quibus Vlp. cap. Instit. 25. Partis autem & pro parte stipulationes proprie dicuntur, quae de lucro & damno communicando solent interponi inter haerem & legatarium partiarium, id est cum quo partitus est haeres.

Si non plus dodrante fideicommissum sit, actiones ex Trebelliano in fideicommissarium transeunt: si amplius, tum haeres, si quidem sua uoluntate adierit, communia cum fideicommissario habet onera: si à Praetore coactus, omnium est expers: actionibus nimirum omnibus in alterum translatis.

V. Ergo si quidem non plus, quam dodrantem hereditatis scriptus haeres rogatus sit restituere, tunc ex Trebelliano senatusconsulto restituebatur hereditas, & in utrinque actiones hereditariae pro rata parte dabantur: in haerem quidem iure ciuili: in eum uero, qui recipiebat hereditatem, ex senatusconsulto Trebelliano tanquam in haerem. At si plus, quam dodrantem, uel etiam totam hereditatem restituere rogatus esset, locus erat Pegasiano senatusconsulto: & haeres, qui semel adierat hereditatem (si modo sua uoluntate adierat) siue retinuerat quartam partem, siue retinere noluerat, ipse uniuersa onera hereditaria sustinebat. Sed quarta quidem retenta, quasi partis & pro parte stipulationes interponebantur, tanquam inter partiarium legatarium & haerem: si uero totam hereditatem restitueret, emptae & uenditae hereditatis stipulationes interponebantur. Sed si recusabat scriptus haeres adire hereditatem, ob id, quod diceret eam sibi suspectam esse quasi damnosam: cauebatur Pegasiano senatusconsulto, ut desiderante eo, cui restituere rogatus esset, iussu Praetoris adiret, & restitueret hereditatem: perindeque ei & in eum, qui reciperet hereditatem, actiones darentur, ac iuris est, ex Trebelliano senatusconsulto, quo casu nullis stipulationibus est opus: quia simul & huic, qui restituit, securitas datur: & actiones hereditariae ei, & in eum transferuntur, qui recipit hereditatem, utroque senatusconsulto in hac specie concurrente.



**A** TVNC EX TREBELLIANO S. C.) Enunciatio I. Si solius dodrantis fideicommissum sit redditum, actio nes ex Trebelliano pro rata parte competunt. ueluti, Rogatus est haeres dodrantem Titio reddere. Eadem praestitit. postea credia tor existit cui quadraginta debentur. Ex Trebelliano in Titium actio dabitur creditori duntaxat in triginta: nam in decem reli qua directam habet actionem in heredem. Hoc autem Ulpianus cap. Inst. 25. his exponit uerbis: Is qui rogatus est alij restituere hereditatem, lege quidem Falcidia locum non habente, quoniam non plus, puta, quam dodrantem restituere rogatus est, ex Trebelliano S. C. restituitur ei & in eum dentur actiones cui restituta est hereditas.

IN HAEREDEM QUIDEM IVRE CIVILI.) Sequitur II. Hereditate restituta, quae penes heredem remanent actiones, iure civili competunt: quae in fideicommissarium, tanquam in heredem, transferuntur. Hoc est in heredem directa, in alterum utiles actiones dantur. Directae autem iuris civilis hoc loco non ideo appellantur, quod altera quae ex Trebelliano dantur civiles non sint. nam si iuris civilis partem senatusconsulta faciunt, quae ex ijs competunt actiones, eiusdem iuris sint necesse est. Quid ergo est? opinor iuris civilis nomen proprie posuit, ut saepe alias, pro formulis antiquissimis, quae primis temporibus ex Lege XII. Tab. conceptae, legis actiones dicebantur.

SI PLUS QVAM DODRANTEM.) Sequitur III. Qui amplius dodrante restituit ex hereditate quam sponte adiit, solus onera omnia sustinet: a fideicommissario tamen, ut ijs pro sua parte succedat, stipulari potest. Quod Ulpia nus cap. Inst. 25. his exponit uerbis, Lege Falcidia interueniente, quoniam plus quam dodrantem, uel etiam totam hereditatem restituere rogatus sit, ex Pegasiano S. C. restituitur: ut deducta parte quarta, ipse qui scriptus est haeres, hereditatem restituat, & in ipsum actiones conseruantur: is autem qui recepit hereditatem, legatarij partiarj loco habeatur. Tum autem comoda & incommoda hereditatis communicantur inter heredem & eum cui reliquae partes restituta sunt, interpositis stipulationibus ad exemplum partis, & pro parte stipulationum.

**B** LOCVS ERAT S. C. PEGASIANO.) Vi haeres & ius quartae retinenda haberet, & quamuis solus uel agere uel conueniri ob hereditatis iura posset, cum fideicommissario tamen per stipulationem pacisceretur, ut exitus pro rata cuiusq; portione communis esset.

SI MODO SVA VOLVNTATE.) Nam si a Praetore coactus, oneribus omnibus liber ac solutus erat: ut mox dicemus.

QVASI PARTIS ET PRO PARTE.) De quibus proxime dictum est. Nam haeres a fideicommissario sti pulabatur, Spondes te onerum hereditariorum partem pro tua uirili parte, id est, pro tua portione hereditaria subiturum. Et fideicommissarius uicissim, Spondes te mihi partem eorum quae consequeris, pro mea parte, id est, pro qua hereditatem sum adeptus, praestaturum.

EMPTAE ET VENDITAE HAEREDITATIS.) Sequitur IIII. Cum tota hereditas defuncti ro gatu restituebatur, emptae & uenditae hereditatis stipulationes interponebantur. Quae tamen quales fuerint, nusquam repe rio, nisi apud Ulpian. l. in illa. 50. D. de uerb. oblig. ubi haec ex parte emptoris profertur: Quanta pecunia ad te peruenerit, do lue malo tuo factum est, eritue quo minus peruenerit: subaudiendum autem, Tantam dari spondes? Suspiciari autem licet, haec fere contrariae stipulationis formulam fuisse: Quantam pecuniam hereditatis causa praestitero, tantam dari spondes. Deniq; id constat agi inter illos solitum quod Ulpianus scribit in l. 2. D. de hered. uel act. uend. ut neq; amplius, neq; minus iuris em ptor habeat, quam apud heredem futurum esset. Verum haec quidem ita se habent cum ex Pegasiano S. C. hereditas resti tuebatur: aut cum ex Trebelliano, nullis stipulationibus opus est: sic enim Modestinus scribit in l. qui totam. 45. D. ad Tre bell. Qui totam hereditatem restituere rogatus, quartam retinere non uult, fidumq; obsequium defuncti precibus praebere desiderat: sua sponte adire debet hereditatem, quasi ex Trebelliano eam restitutus. suaferim tamen, suspectam potius di cat hereditatem: coactusq; a Praetore restituat. hoc enim casu ex ipso Trebelliano restituere uidetur: expositoq; hereditario metu uniuersas actiones in eum transferri, qui recepit hereditatem.

**C** SI RECUSABAT SCRIPTVS HAERES.) Sequitur V. Qui quasi suspectam adire recusat, ita per Prae torem adire cogitur, ut omnium & commodorum & incommodorum sit expers. l. quia poterat. 4. D. eod. Quod Ulpianus cap. Instit. 25. ita tradit: Si haeres damnosam hereditatem dicat, cogetur a Praetore adire, & restituere totam, ita ut ei & in eum qui recipit hereditatem, actiones dentur, perinde atq; si ex Trebelliano S. C. restituta fuisset. idq; ut ita fiat, Pegasiano S. C. cautum est.

AC SI EX TREBELLIANO.) Id est, ut nec quartae commodo haeres in restitutione utatur. nam cum alieno periculo adierit hereditatem, merito omni commodo arcebitur: inquit Vlp. d. l. 4. ubi multa in eandem sententiam. Quin etiam Hermogenianus in l. nam quod. 14. §. 2. D. eod. Qui compulsus, inquit, adiit hereditatem, sicuti ceteris commodis caret, ita hoc quoq; casu careat, ne possit poenitendo quartam retinere. Iulianus autem in l. ita tamen. 27. §. 2. & §. si praecceptis, cod. scribit hunc nullum commodum ex eo testamento consecuturum, quod habiturus non esset, si haeres institutus non fuisset, aut non adisset.

NULLIS STIPVLATIONIBVS EST OPVS.) Nihil enim haeres retinuit.

VTROQVE S. C. CONCVRRENTE.) Nam ex Trebelliano transferuntur actiones, ex Pegasia no coactus adiit.

Lege Iustiniani, Pegasiani uis in Trebellianum ita transfusa est, ut haeres uel quartam, uel quod ei deest retinere, solutumue repetere possit: actiones autem pro rata communicantur. at si totam sponte coactusue restituit, om nium tum commodorum, tum incommo dum sit expers.

VI. Sed quia stipulationes ex senatusconsulto Pegasiano descendentes, & ipsi antiquitati dif flicuerunt, & quibusdam casibus captiosas eas homo excelsi ingenij Papinianus appellat, & no bis in



bis in legibus magis simplicitas, quàm difficultas placet: ideo omnibus nobis suggestis tam similitudinibus, quàm differentijs utriusq; senatusconsulti: placuit, exploso senatusconsulto Pegasiano, quod postea superuenit, omnem auctoritatem Trebelliano senatusconsulto præstare, ut ex eo fideicommissariæ hæreditates restituantur: siue habeat hæres ex uoluntate testatoris quartam, siue plus, siue minus, siue nihil penitus: ut tunc quando uel nihil, uel minus quarta apud eum remanet, liceat ei uel quartam, uel quod deest, ex nostra auctoritate retinere, uel repetere solum quartam ex Trebelliano senatusconsulto: pro rata portione, actionibus tam in hæredem, quàm in fideicommissarium competentibus. si uerò totam hæreditatem sponte restituerit, omnes hæreditariæ actiones fideicommissario, & aduersus eum competant. Sed etiam id, quod præcipuum Pegasiani senatusconsulti fuerat, ut quando recusaret hæres scriptus sibi datam hæreditatem adire, necessitas ei imponeretur totam hæreditatem uolenti fideicommissario restituere, & omnes ad eum & contra eum transferre actiones: & hoc transposuimus ad senatusconsultum Trebellianum, ut ex hoc solo necessitas heredi imponatur, si ipso nolente adire, fideicommissarius desideret restitui sibi hæreditatem, nullo nec damno, nec commodo apud hæredem remanente.

STIPULATIONES EX PEGASIANO DESCENDENTES.) Hoc est, quasi partis & pro parte. EXPLOSO S. C. PEGASIANO.) Enunciatio I. Iustiniani lege, omne Pegasiani S. C. ius in Trebellianum translatum est. Itaque nulla iam ex Pegasiano, sed ex Trebelliano omnia restitui fideicommissa dicuntur. Lex autem hæc de qua loquitur, in ijs quibus utimur libris, desideratur.

LICEAT EI VEL QUARTAM.) Sequitur II. Cui nihil, uel minus quarta relictum est, ei quartam, quod si ipsi deest retinere, solum uel repetere permittitur. l. error. 9. C. ad leg. Falcid. ubi Imp. ait: Error facti, quartæ ex causa fideicommissi non retentæ repetitionem non impedit. is autem qui sciens se posse retinere, uniuersum restituit, conditionem non habet: quin etiam si ius ignorauerit, cessat repetitio. Itaque Paulus lib. Sentent. 4. Qui totam, inquit, hæreditatem restituit, cum quartam retinere ex Pegasiano debuisset, si non retineat, repetere eam non potest: nec enim in debitum soluisse uidetur, qui plenam fidem defuncto præstare maluit. Valens autem l. si hæres. 68. in fi. D. ad Trebell. Difficile, inquit, crederis, per ignorantiam magis, non explendi fideicommissi causa hoc fecisse. sed si probaueris per errorem te quartam non retinuisse, reciperare eam poteris. Pomponius tamen in l. hæres. 21. D. eod. ait eum posse: rerum hæreditarium possessionem uel repetere, uel nancisci, & aduersus agentem doli mali exceptione uti posse eam, & debitoribus denunciare ne solueretur.

REPETERE SOLVTVM QVASI EX TREBELLIANO.) Locus ob interpunctionis uitium obscurus. Quomodo enim ex Trebelliano repeteres, quod ex eo retineri non licebat? An quod legem Falcidiam interuenire ignorabas? At etiam si ius ignoraueris, cessat repetitio, inquit Imp. d. l. error. C. ad leg. Falcid. Quare sic interpungendus est, ut hæc uerba, QVASI EX TREBELLIANO ad insequentia referantur hoc sensu: Actionibus pro rata portione quasi ex Trebelliano competentibus.

SI VERO TOTAM SPONTE RESTITVERIT.) Sequitur III. Iustiniani lege, qui sponte totam restituit, omnium onerum atque actionum est expers. Quia in re à Pegasiano discessum est, quo stipulationes emptæ & uenditæ hæreditatis hoc casu interponerentur: ut superius dictum est.

QUANDO RECUSARET ADIRE.) Sequitur IIII. Eadem lege adire recusans cogitur, & ab omnibus tum commodis tum incommodis remouetur.

*Quæ superius de hærede ex asse instituto dicta sunt, etiam ad eum qui ex parte institutus est, ualent.*

VII. Nihil autem interest, utrum aliquis ex asse hæres institutus, aut totam hæreditatem, aut pro parte restituere rogetur: an ex parte hæres institutus, aut totam eam partem, aut partem partis restituere rogetur. Nam & hoc casu eadem obseruari præcipimus, quæ in totius hæreditatis restitutione diximus.

AN EX PARTE HABRES INSTITVTVS.) Enunciatio I. Quæ Iustinianus in asis hærede statuit, ea etiam in partis hæredem conueniunt. ueluti: Tuius hæres ex besse institutus est, rogatusq; partem illam restituere, potest ex lege Iustiniani quartam, id est sextantem retinere, ut actiones pro rata participet: potest & partem totam restituendo, & adire recusando, Prætorisq; iussu adeundo, omnes ab se actiones remouere, atq; in fideicommissarium transferre.

AUT PARTEM PARTIS.) Sequitur II. Quæ de asse, eiusue parte restituenda dicta sunt, etiam in fideicommissum de parte partis reddenda conueniunt.

*Qui hæreditatem partemue ex qua institutus est præcepta re, summæue aliqua, rebûsue certis sibi legatis restituit, quamuis ea ex ue maximam hæreditatis partem contineant, ad eum tamen nulla ex parte actiones hæreditariæ pertinent: sed in solidum ad fideicommissarium transferuntur. l. xxx. §. iiij. D. eod.*

VIII. Si quis una aliqua re deducta, siue præcepta, quæ quartam continet (ueluti fundo, uel alia re) rogatus sit restituere hæreditatem: simili modo ex Trebelliano senatusconsulto restitutio fiet, perinde ac si quarta parte retenta, rogatus esset reliquam hæreditatem restituere. sed illud interest,



**A** tereft, quòd altero casu, id est, cum deducta, siue præcepta aliqua re, restituitur hæreditas, in solidum ex eo senatusconsulto actiones transferuntur: & res, quæ remanet apud hæredem, sine ullo onere hæreditario apud eum remanet, quasi ex legato ei adquisita. altero uerò casu, id est, cum quarta parte retenta rogatus est hæres restituere hæreditatem, & restituit: scinduntur actiones, & prododrante quidem transferuntur ad fideicommissarium: pro quadrante remanent apud hæredem. Quinetiam licet una re aliqua deducta, aut præcepta, restituere aliquis hæreditatem rogatus sit, in qua maxima pars hæreditatis contineatur: æquè in solidum transferuntur actiones: & secùd liberare debet is, cui restituitur hæreditas, an expediat sibi restitui. Eadè scilicet interueniunt, & si duabus pluribus uè deductis præceptis uè rebus, restituere hæreditatè rogatus sit. Sed & si certa summa deducta præceptaue, quæ quartam, uel etiam maximam partem hæreditatis continet, rogatus sit aliquis hæreditatem restituere, idem iuris est. Quæ autè diximus de eo, qui ex asse hæres institutus est, eadem transferimus & ad eum, qui ex parte hæres scriptus est.

**VNA ALIQVA RE DEDUCTA.)** Enunciatio I. Rogatus præcepta re aliqua, quæ quartam exæquet, hæreditatem restituere, omnibus hæreditariis actionibus liber ac solutus est. l. 1. §. si hæres. 8. D. eod. ubi Vlp. ait, Si hæres præcepto fundo rogatus sit hæreditatem restituere, ex Trebell. S. C. restituat hæreditatem: in fine autem, Si is, inquit, qui quadringenta in bonis habebat, trecenta legasset, & deductis centum, rogasset hæredem, ut hæreditatem Sempronio restituat, debere dici, deductis centum restituta hæreditate, legatorum actionem in fideicommissarium dari.

**ALTERO VERO CASU.)** Sequitur II. Cui quartæ retentio non in re, sed in iure posita est, ad eum pro rata parte actiones hæreditariæ pertinent. l. si legatus. 30. §. 3. D. eod. ubi Marcius ait, multum interesse, utrum aliqua pars iure hæreditario retineatur, an uerò in re uel pecunia. nam superiore casu, actiones diuiduntur inter hæredem & fideicommissarium: posteriore uerò apud fideicommissarium sunt actiones. Apparet igitur non modò ex S. consulto, sed etiam ex testamento, quasi tamen ex S. consulto, quartam relinqui posse. hoc est, cum testator quartam in iure relinquit, nò tanquam suo, sed quasi Senatusconsulti beneficio, & propter illius auctoritatem, relinquere. At cum in re illam relinquit, non ex S. consulto, sed sua sponte, & mera liberalitate eam relinquere. Causæ constitutio: Qui quadringenta in bonis habebat, rogauit hæredem ut deductis centum, hæreditatem restitueret. eo confecto, creditor cui quadraginta debebantur, à fideicommissario, triginta: ab hærede decem petit. Intentio: Debes mihi decem ex S. C. Trebelliano, quod hæreditaria onera pro rata parte diuisit. D. Non debeo. Q. An debeat. R. Quia S. C. Trebellianum transfert omnia onera in eum qui hæredis loco succedit. ego uerò hæreditatem omnem restitui: & quod deduxi, non tanquam hæres, sed tanquam legatarius possideo. F. At S. C. nihil inter ei in qui legati, aut qui hæreditatis nomine quartam obtineret, distinxit. D. An qui quartam non hæreditatis, sed legati nomine obtinet, S. C. Trebelliano teneatur. Controuersia ex scripto & sententia nata est. Respondetur autem non teneri: sed omnes in solidum actiones in fideicommissarium translata esse.

**QVASI EX LEGATO EI ACQUISITA.)** Quæ uerò legata sunt, ad legatarium sine onere ullo transferunt. Legatum enim donatio est, & semper purum ac liquidum lucrum affert. l. si hæreditatem. 32. D. mandati.

**IN QVA MAXIMA PARS HÆREDITATIS.)** Sequitur III. Quod de præceptione diximus, id etiã tum ualet, cum rei summa uè plurium uè rerum præceptio maximam hæreditatis partem continet. Causæ constitutio: Testator qui quadringenta in bonis habebat, rogauit hæredem, ut præcepto prædio quod trecentorum erat, hæreditatem Ebutio restitueret. restituit. post creditores quibus quadraginta debebantur, communiter ab utroq; suam pecuniam petunt. Intentio in hæredem: Debes tu partem istius debiti sustinere: aut pro rata præceptionis, aut saltem pro rata quartæ. D. Non debeo. Q. An debeat. R. Quia totum id quod percepi, legati nomine percepi. F. Imò quarta Pegasiana partem facit, & quod superat, in legato est. D. An qui præcipere rem iubetur, quæ maximam hæreditatis partem continet, partem eius quartæ nomine sibi habere iubeatur. Controuersia ex scripto & uoluntate nata est: An præceptionis uerbo nihil nisi legatum intelligatur. Respondetur autem, nihil contineri.

**EADEM TRANSFERIMVS ET AD EVM.)** Sequitur IIII. Quæ de eo dicta sunt, qui ex asse institutus erat, in eo etiam qui ex parte institutus est, ualet. Itaq; si testator qui quadringenta possidebat, duos hæredes ex semisse singulos instituerit, alterumq; rogauit, ut quarta retenta, hæreditatem Albino restituat: eum tribus onerum hæreditariorum partibus exonerat, quas in Albinum transfert. at si præcepta re aliqua, rogat illum restituere, nihil ei oneris relinquit, sed uniuersum in fideicommissarium conuertit.

Fideicommissum etiam is qui intestatò moriturus est, potest relinquere, fideicommissariumq; rogare, ut eandem rem uel aliam, reiue partem alteri restituat. l. §. ij. & iij. eod.

**IX. Præterea intestatus quoq; moriturus, potest rogare eum, ad quem bona sua uel legitimo iure, uel honorario pertinere intelligit: ut hæreditatem suam totam, partem uè eius, aut rem aliquam (ueluti fundum, hominem, pecuniam) alicui restituat: cum alioqui legata, nisi ex testamento, non ualeant. Eum quoq; cui aliquid restituitur, potest rogare, ut id rursum alij aut totum, aut ex parte, uel etiam aliquid aliud restituat.**

**INTESTATVS QVOQVE MORITVRVS.)** Enunciatio I. Fideicommissum etiam is qui intestatò moriturus est, potest relinquere. l. 1. §. 2. D. eod. ubi Vlpian. ait, Trebellianum locum habere. siue ex testamento quis hæres esset, siue ab intestato rogatusq; sit hæreditatem restituere. Item l. recusare. 6. §. 1. D. eod. ubi idem ait, hoc S. C. etiam ad intestatos pertinere. Itaq; Vlpian. cap. Inst. 25. Fideicommissum, inquit, relinquere possunt, qui testamentum facere possunt, licet non fecerint. nam intestatus quis moriturus, fideicommissum relinquere potest.



VEL LEGITIMO IVRE VEL HONORARIO.) Sequitur II. Non modò hæres institutus, sed & legitimus & honorarius rogari ut hæreditatem remue aliquam restituat. potest. l. 1. §. 2. D. eod. ubi Vlpianus ait, Bonorum quoq; possessores, uel alij successores ex Trebelliano restituere potuerunt hæreditatem, & d. l. recusare, ubi idem ait, hoc S. C. ad intestatos pertinere, siue legitimi, siue honorarij sint successores, sed & ad filium & ceteros necessarios hoc pertinere, ut à Prætorè compellantur, miscere se hæreditati.

LEGATA NISI EX TESTAMENTO.) Sequitur III. Legata relinqui ab intestato non possunt. l. ab exhæredat. 126. De legat. 1. Rationem autem arbitror hanc esse, quia legatum est quod legis modo, ut ait Vlp. id est, imperatio uel testamento relinquitur. Cum igitur non defunctus, sed lex agnatum hæredem faciat, placuit cum qui hæredem non facit, nihil posse pro imperio mandare, sed precibus & blandis uerbis rogare.

VT ID RURSVM ALII.) Sequitur IIII. Fideicommissarius ut eandem rem, uel aliam, reue partem restituat, rogari potest. l. 1. §. 3. D. eod. ubi Vlpianus ait, etiam in hac restitutione actiones transferri.

*Fides de fideicommissio præstando, quamuis sine scriptura & testibus data sit: adeò tamen seruanda est, ut postquam de calumnia petitor iurauerit, hæres uel iurare cogatur, uel recusans pro confesso habeatur. l. ult. C. de fideicommiss.*

X. Et quia prima fideicommissorum cunabula à fide hæredum pendent, & tam nomen, quam substantiam acceperunt: idè diuus Augustus ad necessitatem iuris eadem traxit. Nuper & nos eundem principem superare contententes, ex facto, quod Tribonianus uir excelsus exquæstor sacri palatij nostri suggessit, constitutionem fecimus: per quam disposuimus, si testator fidei hæredis sui commisit, ut uel hæreditatem, uel speciale fideicommissum restituat, & neque ex scriptura, neque ex quinque testium numero (qui in fideicommissis legitimus esse noscitur) possit res manifestari, sed uel pauciores, quam quinque, uel nemo penitus testis interuenierit: tunc siue pater hæredis, siue alius quicumq; sit, qui fidem hæredis elegerit, & ab eo restitui aliquid uoluerit: si hæres perfidia tentus adimplere fidem recusat, negando rem ita esse subsecutam: si fideicommissarius iusiurandum ei detulerit, cum prius ipse de calumnia iurauerit: necesse eum habere uel iusiurandum subire, quod nihil tale à testatore audiuerit, uel recusantem ad fideicommissi uel uniuersalis uel specialis solutionem coartari, ne depereat ultima uoluntas testatoris fidei hæredis commissa. Eadem obseruari censuimus, & si à legatario uel fideicommissario aliquid similiter relictum sit. Quòd si is, à quo relictum dicitur, confiteatur quidem aliquid à se relictum esse, sed ad legis subtilitatem decurrat, omnino soluere cogendus est.

PRIMA FIDICOMMISSORVM CUNABVLA.) Enunciatio I. Fideicommissa, & initium & nomen & substantiam ab hæredum fide acceperunt. Qua de re superius explicauimus. Argumentum autem hinc sumit Iustinianus mirifici in fideicommissa fauoris: ut quemadmodum ex fide sola hæredum initio pendebant, eodem modo sola eorum fide ac religione sine ullis testibus aut scriptura consistant. Huius autem fauoris initium Imp. Dioclet. & Max. antea maximum fecerant, ut constat ex l. & in epist. 22. C. de fideicom. ubi scribunt, & in epistola, uel libello, uel sine scriptura, imò etiam nuntiu, fideicommissum modò adhibiti testes essent, rectè relinqui.

EX QVINQVE TESTIVM NVMERO.) Sequitur II. Quinq; tantum testes in fideicommissis adhiberi satis est. l. ult. C. de codicill. ubi Imp. ait, quinq; testes uel rogatos, uel fortuito interuenientes in uno eodemq; tempore adhibendos esse. & si scriptura uoluntatis exponatur, eorum unumquemq; subscribere oportere.

CVM PRIVS DE CALVMNIA IURAVERIT.) Sequitur III. Qui fideicommissum nec testibus nec scriptura consignatum petere instituit, de calumnia iurare cogitur. d. l. ult. Hoc est, iusiurandum præstare cogitur, se non calumniandi animo, sed quòd ita se rem habere, ut ait, planè persuasum habeat: litem hanc instituere.

VEL IUSIURANDVM SVBIRE.) Sequitur IIII. Fideicommissi sine scriptura testibusue relictis uis tanta est, ut & inficiator iurare cogatur, & recusans iurare pro confesso numeretur. l. ult. C. de fideicom. Ita Rhadamantina disceptandarum controuersiarum ratio, de qua Plato lib. de Legib. 12. disputat, Iustiniano placuit: ut per solum iusiurandum celestiter negotium expediatur. Quam tamen propter hominum multorum impietatem Plato eodem loco uehementer improbat.

ET SI A LEGATARIO.) Sequitur V. Hæc constitutio etiam in ijs quæ à legatario fideiue commissario, relictæ sunt, ualet. d. l. ult. Itaq; non hæres tantum, sed & quicuius alius, cuius fidei aliquid commissum erit, iusiurandum præstare cogitur: aut si recuset, pro confesso habebitur.

AD LEGIS SVBTILITATEM RECVRRAT.) Sequitur VI. Qui fideicommissum à se relictum fatetur, sed iuris in eo solennia defuisse contendit, nihil proficit. In uulgatis codicibus legitur: Si is à quo relictum dicitur, postquam negauerit, confiteatur quidem, & c. Quod neq; in Theophili, neq; in manuscriptis meis libris, neque adeò in Iustiniani constitutione reperio. tametsi si legem secundam, & l. si ueritas. 23. C. de fideicommiss. spectamus, planè necessaria hæc adiectio est. nam Imp. retineri posse fideicommissum minus solenniter relictum aperte

affirmant: solum repeti posse negant, quibus consentit Paulus l. in testamento.

38. D. de fid. lib. In Argentinensi autem libro uideo ad marginem

ita scriptum esse: Scilicet postquam prius negauerit.



## DE SINGVLIS REBVS PER FIDEI commissum relictis.

TITVLVS XXIIII.

### *Rerum singularum fideicommissum, tum ab hærede, tum à legatario relinqui potest.*

**I. P**otest autem quis etiam singulas res per fideicommissum relinquere: ueluti fundum, argen-  
tum, hominem, uestem, pecuniam numeratam: & uel ipsum hæredem rogare, ut alicui re-  
stituatur, uel legatarium, quamuis à legatario legari non possit.

SINGVLAS RES PER FIDEICOMMISSVM.) Enunciatio I. Per fideicommissum etiam res sin-  
gula relinqui possunt. Nam, ut superius dicebamus, fideicommissorum alia uniuersalia sunt, ueluti totius hæreditatis: alia par-  
ticularia, ueluti certi corporis. Quid si pars hæreditatis relicta est? ueluti, qui quadringenta in bonis habebat, hæredem ut  
centum redderet, rogauit. Et respondemus distinguendum esse. nam si partem nominauit, ueluti dimidiam, uel tertiam, uel  
quartam, uniuersale fideicommissum est: sin quantitatem certam ac summam demonstrarit, particulare.

VBL LEGATARIVM.) Sequitur II. Non modò ab hærede, sed etiam à legatario rei singularis fideicommissi  
sum relinqui potest. l. si fuerit. §. 1. De legat. 3. ubi Vlpianus ait: Si quis non ab hærede uel legatario, sed ab hæredis uel le-  
gatarij hærede fideicommissum reliquerit, hoc ualere benignum est.

QVAMVIS A LEGATARIO.) Sequitur III. Legari à legatario non potest, at fideicommissum relinqui  
potest. Itaq; Caius lib. Instit. 2. cap. 7. Et ab ipso fideicommissario, inquit, alteri fideicommissum dimitti potest: & à legata-  
rio, licet legatum dimitti non possit, fideicommissum potest. Duas autem eiusce rei causas reperio: prior est, quia legatum  
est pura donatio, omnis oneris expers. l. si hæreditatem. 32. D. mand. res enim legando, non etià obligationes relinqui possunt.  
altera est, quia quod in unius persona statuere posset, id in duorum personas sine causa diffunderet. nam qui Titio centum le-  
gat, & ab eodem quinquaginta Mauro: potuisset, ab hærede quinquaginta Titio, & totidem Mauro recto iure legare.

*Fideicommissum rerum singularum cuiuscunq; in dominio sint, quatenus ex testamen-  
to perceptum est, debetur: rei autem alienæ æstimationem præstare  
satis est. l. x. C. de legat. l. iij. D. de legat. j.*

**II.** Potest autem non solum proprias res testator per fideicommissum relinquere: sed & hære-  
dis, aut legatarij, aut fideicommissarij, aut cuiuslibet alterius. Itaq; & legatarius & fideicommissa-  
rius non solum de ea re rogari potest, ut eam alicui restituatur, quæ ei relicta sit: sed etiam de alia, siue  
ipsius, siue aliena sit. Hoc solù obseruandum est, ne plus quisquam rogetur alicui restituere, quàm  
ipse ex testamento ceperit. nam quod amplius est, inutiliter relinquitur. Cum autem aliena res  
per fideicommissum relinquitur, necesse est ei, qui rogatus est, aut ipsam redimere & præstare, aut  
æstimationem eius soluere.

AVT CUIVSLIBET ALTERIVS.) Enunc. I. Fideicommissum rerum singularum cuiuscunq; in dominio  
illæ sint, ualeat. l. cum alienam. 10. C. de legat. l. sed si. 40. D. de legat. 1. ubi Vlpianus significare uidetur earum eam rerum si-  
deicommissum ualere, quas possidere fideicommissarius non possit. Item l. hæredum. 25. C. de fideicom.

NE PLVS QVISQVAM ROGETVR.) Sequitur II. Quod quis plus quàm ex testamento ceperit, resti-  
tuere rogatur, præstare non cogitur. l. filiusfam. 114. §. 3. De legat. 3. l. 1. §. si is qui. D. ad Trebell. ubi Iulianus ait, neminem o-  
portere plus legati nomine præstare, quàm ad eum ex hæreditate peruenierit. Sed queri potest, Quid si fidem dedisset, uel iura-  
rasset se id facturum? Et constat actionem ex nuda conuentione non nasci: si tamen iurasset, remissionem iuris iurandi à Præ-  
tore impetrandam putarem. l. quæ sub conditione. 8. D. de condit. instit. l. non dubitamus. 20. D. de condit. & demonstr. pro-  
pterea quòd ius iurandum pactionis & conuentionis uim obtinet. l. qui iurasse. §. ult. D. de iure iur.

CVM AVTEM ALIENA RES.) Sequitur III. Rogatus rem alienam præstare, uel eam redemptam, uel  
eius æstimationem præstare cogitur. d. l. sed si. De legat. 1. & latius explicatum est §. alienam. supra, De legat.

*Libertas etiam alieno seruo per fideicommissum relicta debetur: nam aut dominus,  
si quid ex testamento receperit, uendere cogitur, aut alia emendi  
facultas expectatur. l. xv j. D. de fideicommissum.  
lib. l. v j. C. eodem.*

**III.** Libertas quoq; seruo per fideicommissum dari potest, ut hæres eum rogetur manumitte-  
re, uel legatarius, uel fideicommissarius. nec interest, utrum de suo proprio seruo testator roget, an  
de eo, qui ipsius hæredis, aut legatarij, uel etiam extranei sit. Itaq; & alienus seruus redimi & ma-  
numitti debet. Quòd si dominus eum non uendat, si modò nihil ex iudicio eius, qui reliquit liber-  
tatem, perceperit: non statim extinguitur fideicommissaria libertas, sed differtur: quia possit tem-  
pore procedente, ubicunq; occasio serui redimendi fuerit, præstari libertas.

LIBERTAS SERVO PER FIDEICOMMISSVM.) Enunciatio I. Libertas etiam alienissimo seruo  
relinqui



relinqui per fideicommissum potest. l. libertates. 16. De fid. lib. ubi Licinius ait, Libertates etiam per fideicommissum dari posse: & quidem largius quam directo. nam non tantum proprijs, sed & alienis seruis per fideicommissum libertatem dari posse: ita tamen ut uulgaribus uerbis, & quibus euidenter uoluntas testatoris exprimi possit. Quibus ex uerbis intelligitur alienis seruis directo dari libertatem non posse. l. seruo. 9. C. de testam. manum. l. 2. C. de ijs qui à non dom. Rationem autem arbitror hanc esse, quia pro imperio de seruis alienis statuere nil possumus: legata autem imperatiue (ut Vlpianus loquitur) relinqui cuius notum est.

SI MODO NIHIL EX IUDICIO EIVS.) Sequitur II. Dominus serui cui per fideicommissum libertas relicta est, si modo quid ex testamento percepit, eum uendere cogitur. l. deberi. 6. C. de fideic. lib. l. sed si non seruus. 36. D. ad l. Falcid. Verum hæc tota res paulo fusijs & explicatius nobis enarranda uidetur, ne propter uariarum causarum perplexitatem, obscuritatem aliquam studiosis afferat. Primum autem illud scire oportet, ea de re tum hæredes, tum legatarios rogari posse. Quod si hæres rogatus est, tum aut de testatoris, aut de suo ipsius, aut de legatarij, aut de extranei seruo rogatus est. si de testatoris aut suo, libertas omnimodo debetur: si de legatarij, tum aut legatum agnouit, quo casu seruum quamuis pluris sit, hæredi ad manumittendum præstare cogitur. l. generaliter. 24. D. de fid. lib. aut repudiavit, quo casu non cogitur. l. deberi. 6. C. eod. Si de extranei seruo agatur, dummodo iusto eum precio comparare possit, manumittere cogitur. l. alieno. 31. §. ult. D. eod. At uero si legatarius rogatus est, si quidem legatum agnouit, omnimodo seruum suum manumittere cogitur, quamuis seruus pluris sit. d. l. generaliter: sin minus, non cogitur. Alienum uero seruum ita demum manumittere cogitur, si tanti eum emere possit, quanti est id quod ex testamento accepit. d. l. generaliter. D. eod.

NON STATIM EXTINGUITVR FIDEICOMMISSVM.) Sequitur III. Non si dominus seruum suum, cui libertas per fideicommissum relicta est, uendere recuset, continuo fideicommissum extinguitur: emendi enim opportunus expectatur. l. deberi. 6. C. de fid. lib.

*Manumissus ex fideicommissio, manumissoris fit libertus: directo, testatoris: Orcinusque appellatur: siquidem & testamenti & mortis tempore testatoris fuerit. uerba item fideicommissorum propria exponuntur.*  
l. vii. C. de fid. lib.

III. Qui autem ex fideicommissi causa manumittitur, non testatoris fit libertus, etiam si testatoris seruus sit, sed eius, qui manumittit. At is, qui directo testamento liber esse iubetur, ipsius testatoris libertus fit, qui etiam Orcinus appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directa autem libertas tunc dari uidetur, cum non ab alio seruum manumitti rogat, sed uelut ex suo testamento libertatem ei competere uult. Verba autem fideicommissorum hæc maxime in usu habentur: PETO, ROGO, VOLO, MANDO, FIDELI TVAE COMMITTO. quæ perinde singula firma sunt, atque si omnia in unum congesta essent.

NON TESTATORIS FIT LIBERTVS.) Enunciatio I. Qui ex fideicommissio manumittitur, non testatoris, sed manumissoris libertus efficitur. l. his quibus. 7. C. de fideicom. lib. ubi Imp. ait, His quibus per fideicommissum libertas supremis iudicijs relinquitur, eorum libertos effici, à quibus manumittuntur. Causæ constitutio: Testator hæredem suum rogauit, ut Stichum seruum hæreditarium manumitteret, manumissit. Stichus eum postea pro patrono non agnoscebat, sed defuncti se libertum esse aiebat. Intentio hæredis: Libertus meus es. D. Non sum. Q. An sit. R. Quia non tuo, sed testatoris beneficio libertatem sum adeptus. F. At antiquo fideicommissorum iure præstare non cogebar, sed meam uoluntatem ad illam testatoris aggregari oportebat. quare humanum & æquum est, te mihi quoque hoc tempore libertum esse. D. An æquius sit seruum ex fideicommissio manumissum, iccirco manumissoris libertum esse, quia fideicommissorum origo eam uim habuit. Controuersia ex iure & æquitate nata est. Respondetur id æquius meliusque uideri. Meam autem istam de æquitate coniecturam illud iuuat, quod ius patronatus in eo tantum acquiritur, ut sine uenia uocari in ius non possit: & tam contra tabulas quam ab intestato ad bona eius uenire possit, at non ut etiam operas ei possit imponere, uel impositas ab eo petere. l. qui ex causa. 29. D. de bon. lib.

QVI ETIAM ORCINVS APPELLATVR.) Sequitur II. Qui directo ex testamento manumittitur, Orcinus testatoris libertus efficitur. l. directus. 10. C. de testament. manum. Vbi Imp. scribunt, directis uerbis manumissos, non modo pilei adeptione, sed etiam hæreditatis additione libertatem consequi. Sic enim locum illum interpretari Latina lingua ratio cogit cum dicat, Non solum pilei impositione, sed etiam adita hæreditate. Pilei autem impositionem intelligit ex eo more cuius mentionem libro primo fecimus, ex Dionysij libro 4. nimirum cum ij serui qui à defuncto manumissi erant, pileati funus ducebant. nam eos non hæredis, sed ipsius qui efferebatur, libertos esse facile erat intelligi, sed quærebatur, an si tum aperte testamenti tabulæ non essent, post autem aperirentur, potius hæredis, quam Orci liberti dicendi essent. Et respondetur, non modo illa funebri impositione pilei, sed etiam quandoque constaret illos testamento manumissos fuisse, quod testamentum hæreditatis additione confirmaretur, Orcinos libertos appellandos esse. Vnde autem Orcinorum appellatio fluxerit, latius in Commentario uerborum iuris explicatum est.

QVI VTROQUE TEMPORE.) Sequitur III. Directa libertas accipi nisi ab eo qui testamenti & mortis tempore testatoris fuerit, non potest. l. seruitus. 35. D. de testam. manum. Vlp. tamen in l. si serui. 30. sub eod. tit. Si serui, inquit, qui apud hostes sunt, liberi esse iussi sunt, ad libertatem perueniunt: quamuis neque testamenti, neque mortis tempore testantis, sed hostium fuerint. Rationem opinor esse, quia spe saltem testatoris erant. Imperator autem l. in seruo. 9. C. de testam. manum.



**A** in eandem sententiam rescribit, alieno seruo, etiamsi heredis sit, relinqui directe libertatem non posse. Cuius rei rationem putamus esse, primum, ne dominis suos seruos adimamus: deinde, ne iure patronatus eos spoliemus, idque in nos transferamus.

**DIRECTA AVTEM LIBERTAS TVNC DARI.)** Sequitur IIII. Directa libertas dicitur, quum seruum suum testator ipse se mortuo liberum esse iubet, nec ab alio dari libertatem mandat. l. quidam. 19. D. de manu. test. ubi Iulianus ait, eum quem testator ab herede manumitti rogat, & si cum heres non manumitteret, liberum esse iusserat: quamuis eum heres manumiserit, tamen ex testamento heredem esse. Directa autem libertas in iure fideicommissaria propterea opponitur, quia directa statim ab adita hereditate solius testatoris uoluntate cedit. l. si legato. 11. §. 1. D. de manu. test. nec heredis pilei impositionem expectat. l. directis. 10. C. cod. At fideicommissaria per anfractum & obliquum, hoc est, interposita heredis opera & manumissione, transfertur. quocirca non defuncti, sed manumissoris libertas efficitur: ut superius diximus.

**VERBA AVTEM FIDEICOMMISSORVM.)** Sequitur V. Fideicommissorum propria quedam uerba sunt, quorum singulorum eadem uis est, quae cunctorum. Hinc Vlpianus cap. Institut. 15. Verba, inquit, fideicommissorum in usu ferre haec sunt, Fideicommitto, peto, uolo dari, & similia. Paulus autem lib. Sentent. 4. Fideicommittere, inquit, his uerbis possumus, Rogo, peto, uolo, mando, deprecor, cupio, iniungo, desidero quoque, & impetro. Relinquo uero & commendo nullam fideicommissi pariunt actionem. Verum haec quidem antiquis temporibus. noster autem uisus est in l. 2. C. Commun. de legat. Omne, inquit, uerbum significans testatoris legitimum sensum legare, uel fideicommittere uolentis, utile atque ualidum est: siue directis uerbis, quale est, Iubeo: siue precarijs utatur testator: quale est, Rogo, uolo, mando, fideicommitto.

## DE CODICILLIS.

### TITVLVS XXV.

*Usus codicillorum ab Augusto primum in L. Lentuli persona receptus, de Trebatij aliorumque Iurysconsultorum sententia comprobatus, propter longinquas peregrinationes, quibus commodè fieri testamenta non poterant, ab eodem Imperatore confirmatus est.*

**I.** Ante Augusti tempora constat codicillorum ius in usu non fuisse, sed primus Lucius Lentulus (ex cuius persona etiam fideicommissa coeperunt) codicillos introduxit. Nam cum decederet in Africa, scripsit codicillos testamento confirmatos, quibus ab Augusto petijt per fideicommissum, ut faceret aliquid. Et cum diuus Augustus uoluntatem eius impleffet, deinceps reliqui eius auctoritatem secuti, fideicommissa praestabant: & filia Lentuli legata, quae iure non debebat, soluit. Dicitur autem Augustus conuocasse prudentes, inter quos Trebatium quoque, cuius tunc auctoritas maxima erat, & quaesisse, an posset recipi hoc, nec abscondens à iuris ratione codicillorum usus esset: & Trebatium suauisse Augusto, quod diceret utilissimum & necessarium hoc ciuibus esse propter magnas & longas peregrinationes, quae apud ueteres fuissent: ubi si quis testamentum facere non posset, tamen codicillos posset. Post quae tempora cum & Labeo codicillos fecisset, iam nemini dubium erat, quin codicilli iure optimo admitterentur.

**C ANTE AVGVSTI TEMPORA CONSTAT.)** Enunciatio I. Ante Augusti tempora in usu ius codicillorum non erat. Codicilli autem, item ut Codices, ex tabulis cera illitis, sed multo quam illi breuioribus & paucioribus conscribebantur: eam ob causam ut facile quo cuique commodum esset, circumferri, & in sinu gestari possent. Testamenta porro in tabulis grandioribus scribebantur. quippe quae capita plerumque plurima continebant, & septem testium subscriptionem requirebant. unde etiam lineas Codices interdum implebant. l. 1. §. 3. D. secund. tabul. Cum codicilli memoriae causa parati, nonnunquam alicui rei scribendae, quae testamentum scribenti in mentem non uenerat, seruirent. nam quae praecipua & propria testamentorum erant, in ijs scribi non poterant: ueluti heredis institutio, quemadmodum paulo post dicemus.

**PRIMVS L. LENTVLVS.)** Sequitur II. A L. Lentuli persona & fideicommissorum & codicillorum usus cepit. Quis autem hic Lentulus fuerit, constare non arbitror, nisi forte Centurionem Cornelium putemus, qui ad senatum ab Augusto Consulatus ei postulandi causa missus, reiecto sagulo ostendens gladij capulum, dixit: Hic faciet, si non feceritis uos: quod Suetonius memoriae prodidit. Mortuum hunc in Africa Iustinianus tradit, & cum filiam suam, atque Augustum haeredes testamento facto instituisset, in eodem testamento ascripsisse, se si quid postea in codicillis ad testamentum pertinens scripsisset, rogare ut id ratum esset. filiam igitur atque Augustum ea legata, quae in Codicillis reliquisset, praestitisse.

**TESTAMENTO CONFIRMATOS.)** Cum in testamento ante facto scripsisset, se ab heredibus suis petere: ut si quid in codicillis suis scriberet, ratum id firmumque esse uellent.

**QVAE IVRE NON DEBEBAT.)** Quae nullo iure tenebatur praestare, quippe in testamento non scripta. nam legata non nisi in testamento relinqui posse, superius diximus. §. praeterea. De fideicommiss. haered.

**DICITVR AVTEM AVGVSTVS CONVOCASSE.)** Sequitur III. Codicillorum usus propter longinquas peregrinationes, in quibus testamenta mutari commodè non poterant, comprobatus est. Non enim de codicillis nudis hic loquitur, sed ijs qui testamento prius facto confirmati erant. pars enim & appendicula illius erant, uimque ex eo sumebant. Duae res igitur in codicillis eo tempore requirebantur: prior, ut testamento ante facto confirmati essent: altera ut extra Italiam, ubi commodè mutari testamentum non posset, fierent. Atque hoc nimirum illud est quod ait, Trebatij respondisse absonum &



absonum à iuris ratione id non fuisse. Sed res ex paruis orta inijs, postea mirandum in modum excreuit. Exemplum autem testamenti quo futuris codicillis auctoritas adiungitur, itemq; codicillorum, Marcellus edit in l. ult. D. de fideicom. lib. quam studio si me auctore perlegent.

QVAB APVD VETERES FVISSENT.) In prouincijs quàm multi ciues R. uersarentur, uel hic unus Ciceronis locus argumento est, ex Tuscul. 5. ubi sic scribit: Sin abesse à patria miserum est, plenæ miserorum prouinciæ sunt: ex quibus admodum pauci in patriam reuertantur.

TESTAMENTVM FACERE NON POSSET.) Propter ciuium R. qui ad testimonium necessarij erant penuriam. Si quid enim (ait Sabinus) post factum testamentum mutari placuit, omnia ex integro facienda sunt. l. hered. 21. §. i. D. qui testam. fac. poss.

CVM ET LABEO.) Antistius Labeo Iuriconsultus, Augusto imperante: quem Pomponius scribit Consulatum ab eo sibi oblatum recusasse: Tacitus autem lib. tertio extremo Præturam gessisse tantum: aditum enim ad Consulatum iniuria præclusum illi fuisse.

Codicilli siue ab intestato facti, siue ab eo qui postea testatus nullam eorum mentionem fecit, nisi mutata eius uoluntatem appareat, ualent. l. xv j. & v. D. eod.

II. Non tantum autem testamento facto potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant: Papinianus ait, non aliter uires habere, quàm si speciali postea uoluntate confirmentur. Sed diu Seuerus & Antoninus rescripserunt, ex ijs codicillis, qui testamentum præcedunt, posse fideicommissum peti: si appareat eum, qui postea testamentum fecit, à uoluntate, quam in codicillis expresserat, non recessisse.

SED ET INTESTATVS QVIS DECEDENS.) Enunciatio I. Per codicillos fideicommittere, etiam qui intestatus decedit, potest. l. ab intestato. 16. D. eod. ubi Paulus ait, quæ ab intestato factis codicillis relicta sunt, cum qui postea natus intestato succedit debere. Quia ex re progressus incrementumq; codicillorum apparet. nam cum primo tempore uim ex testamento ante factum sumerent, nunc tantarum auctoritas attributa est, ut suis ipsi uiribus nitantur, suaq; sponte ac per se ipsi ualeant.

SI APPAREAT EVM.) Sequitur II. Codicilli ante testamentum facti, quamuis eo non confirmentur, si tamen eandem uoluntatem retentam appareat, ualent. l. ante tabulas. 1. D. eod. ubi Papinianus ante tabulas testamenti codicillos factos non aliter ualere, quàm si testamento quod postea factum est, uel codicillis confirmentur: aut uoluntas eorum quocunq; iudicio retineatur. Quia uerba ista rescripto, de quo hic agitur, consensanea sunt, ut uel mutata Papiniani sententiam, uel illud responsum à Triboniano interpolatum appareat. quod eo magis uerum esse arbitror, quia Paulus in l. impubes scriptum erat, confirmarat, nam si sua sponte ualuisse, cur testamento manus admoisset? Vtque sit, hoc iure utimur, ut nisi retentam uoluntatem appareat, codicilli per posterius testamentum rescissi uideantur. ex quo intelligi oportet, primum, retentæ uoluntatis probationem ad fideicommissarium, cui quid in codicillis relictum est, pertinere. Deinde, codicillorum auctoritatem usq; eo creuisse, ut non iam ex testamentis uel ante uel post factis uires sumant, sed suo ipsi iure ac robore consistant. Itaq; Iulianus in l. 3. §. ult. D. hoc tit. Testamento facto, inquit, etiam si codicilli in eo confirmati non essent, uires tamen ex eo capient. Paulus autem in l. ab intestato. 16. Ad testamentum, inquit, quod quoquo tempore fecisset, pertinent codicilli, & ut manifestius dicam, intestato patrefam. mortuo, nihil desiderant codicilli: sed uicem testamenti exhibent: testamento autem facto res sequuntur eius, quod idem Imp. confirmauit in l. siue ab initio. 6. C. eod. ubi tradit codicillos & antecedenti & subsequenti testamento confirmari posse. Quin etiam Celsus in l. insequenti respondit hæc uerba: Si quid ad hoc testamentum pertinens reliquero, ualere iubeo: etiam codicillos ante scriptos comprehendere. Verum hæc quidem posterioribus, ut dixi, temporibus. Nam Traiano Imperatore quid iuris fuerit, Plinius lib. Epistol. his docet uerbis: Tu quidem pro cætera tua diligentia admones me, codicillos Aciliani, qui me ex parte instituit heredem, pro non scriptis habendos, quia non sint confirmati testamento. Sed ego propriam quandam legem mihi dixi, ut defunctorum uoluntates etiam si iure deficerentur, quasi perfectas tuerer. Constat autem codicillos istos Aciliani manu scriptos, licet ergo non sint confirmati testamento, à me tamē ut confirmati obseruabuntur. Hæc Plinius.

Hæreditas per codicillos dari adimue, nisi fideicommissi modo, non potest: institutioni autem factæ neq; conditionem, neq; directam substitutionem licet adijcere. l. ij. C. eodem.

III. Codicillis autem hæreditas, neq; dari, neq; adimi potest, ne confundatur ius testamentorum & codicillorum: & ideo nec exhæredatio scribi. Directo autem hæreditas codicillis, neq; dari, neq; adimi potest. nam per fideicommissum hæreditas codicillis iure relinquitur. Nec conditionem hæredi instituto codicillis adijcere, neq; substituere directo quis potest.

NEQVE DARI, NEQVE ADIMI POTEST.) Enunciatio I. Codicillis hæreditas directo neq; dari neq; adimi, neq; adeo exhæredatio scribi potest. l. quod per manus. 10. D. eodem. ubi Papinianus ait, Quod per manus traditum est, codicillis hæreditatem dari non posse, rationem illam habere, ne per codicillos qui ex testamento ualerent, ipsum



**A** ipsum testamentum, quod uires per institutionem heredum accipit, confirmari uiderentur. hoc est, cum codicilli iam ex testamento capiant, testamentum autem ex heredis institutione: ac proinde summa & prima causa firmitatis heredis institutio sit, absurdum ac praeposterum esset, unde inferiora suam uim sumunt, id infimo & postremo attribui. Atque is sane locus superiorum Papiniani opinionem redolere quodammodo uidetur. Huc autem Constantini rescriptum pertinet in l. si idem. 7. C. eod. ubi ait: Si idem codicilli quod testamenta possent: cur diuersum his instrumentis uocabulum mandaretur, quae uis ac potestas una sociasset? igitur specialiter codicillis instituendi ac substituendi potestas iuris auctoritate data non est. Verum haec quidem de hereditate dicta sint. Legata autem & libertates relinquere per codicillos posse, constat ex l. conficiuntur. 8. in fin. D. eod. & l. libertates. 43. D. de manum. test. quod usque, eo uerum est, ut Paulus in l. ult. scribat, Si palam haeres nuncupatus sit, legata autem in tabulis collata fuerint, ea quasi ex codicillis deberi. Praeterea tutelae quoque per codicillos & dari & adimi possunt, Vlp. in l. 3. & 8. D. de test. respondit.

**PER FIDEICOMMISSVM HAEREDITAS.)** Sequitur II. Hereditas in codicillis per fideicommissum relinquere potest. l. 2. C. eod. ubi Imp. ait, Hereditatem quidem neque dari, neque adimi codicillis posse: uerbis tamen precariis, ratum esse defunctorum uoluntates debere, quod idem traditur in l. hereditas. C. de his quibus ut indig. l. quidam. 5. §. sed cum ueteres. C. de necessar. ser. l. Scaeuola. 76. D. ad Trebellian. l. penult. in fin. D. de condit. institut. Hinc Iulianus in l. 2. in fine D. hoc tit. Hereditas, inquit, testamento inutiliter data, non potest codicillis quasi hereditas confirmari. sed ex fideicommissum potest, salua ratione legis Falcidia. Quia ex loco intelligi posse uidetur, quamobrem directum dari non possit, fideicommissum modo possit: nimirum, quia quarta hoc casu detrahatur.

**NEC CONDITIONEM HAEREDI INSTITVTO.)** Sequitur III. Heredis institutioni testamento factae conditionem per codicillos adiacere non licet. l. Diui. 6. D. eod. ubi Marcianus ait, nihil egisse matrem, quae cum pure liberos suos heredes instituerit, conditionem emancipationis codicillis adiecerit: quia conditionem heredi instituto codicillis adiacere non possit. Rationem autem Modestinus in l. pen. D. de cond. institut. his demonstrat uerbis: Heredi quem testamento pure instituit, codicillis adscripsit conditionem. quare an ei parere necesse habeat. Respondit: Hereditas codicillis neque dari neque adimi potest. porro in defectu conditionis de ademptione hereditatis cogitasse intelligitur. Id est, accirco nihil adiectio conditionis ualet, quia deficiente conditione adimere hereditatem uoluit, quod iure non potest.

**NEQUE SVBSTITVERE DIRECTO.)** Sequitur IIII. Instituto heredi substituere directo per codicillos non licet. d. l. Diui. D. eod. & l. si idem. 7. C. eod. Nam ut suo loco docuimus, substitutio nihil aliud quam institutio est, quare si instituere non licet, nec substituere licebit: quod aperte secutum Scaeuolam apparet in l. Scaeuola. 76. D. ad Trebell. ubi ait accirco inutilem esse substitutionem, quia nec dari, nec adimi codicillis hereditas possit. quae omnia de substitutione directa intelligenda esse tum hic noster, tum ille locus admonet: ubi fideicommissi modo substitutis ins Scaeuola ex benigna interpretatione concedit.

Codicillos plures, idque, sine ullis solennibus facere  
ius est. l. 7 j. D. eodem.

**IIII. Codicillos autem etiam plures quis facere potest, & nullam solennitatem ordinationis desiderant.**

**CODICILLOS ETIAM PLVRES QVIS.)** Enunciatio I. Non unus modo, sed & plures codicillos licet facere. l. Diui. 6. §. 1. D. eod. & l. 1. & 3. C. eod. ubi Imp. scribunt per posteriores codicillos, nihil de superioribus detrahi, nisi ipsi contrarij sint. Quinetiam Papin. in l. ante tabulas. 5. D. eod. codicillos codicillis insequentibus confirmari posse perspicue testatur.

**NULLAM SOLENNITATEM ORDINATIONIS.)** Sequitur II. Codicillorum confectio nullam solennitatis observationem desiderat. l. Diui. 6. §. 1. D. eod. ubi Marcianus scribit, necesse non esse ut codicilli defuncti manu uel scribantur, uel obsignentur. quinetiam licet in confirmatione codicillorum paterfam. adiecerit, ut non alios ualere uelit, quam sua manu signatos & subscriptos: tamen ualere factos ab eo codicillos, licet neque ab eo subscripti, neque manu eius signati fuerint: quia quae postea geruntur, prioribus derogant. Theodosius autem quinq; testes in codicillis requirit. l. penult. C. eodem. sed utrum rogati, an fortuito interuenerint, nihil interesse ait.



# Institutionum Iuris, D. Iustiani, Liber tertius,

Ex partitione usitata, & in scholis inueterata,  
hinc incipit.

DE HAEREDITATIBVS QVAE AB INTESTATO DEFERVNTVR.

TITVLVS XXVI.

Quot modis decessisse aliquis intestatò dicatur: item ad quos primum ex duodecim Tabulis intestatorum hereditates pertineant.

*l. prima. D. de suis & legit.*



**I**NTESTATVS decedit, qui aut omnino testamentum non fecit, aut non iure fecit: aut id, quod fecerat, ruptum irritumque factum est: aut si ex eo nemo haeres extiterit. Intestatorum autem hereditates ex lege XII. Tabularum, primum ad suos haereses pertinent. Sui autem haereses existimantur (ut & supra diximus) qui in potestate morientis fuerunt: ueluti filius filiae, nepos neptisue ex filio, pronepos proneptisue ex nepote, ex filio nato prognatus prognatae. Nec interest, utrum naturales sint liberi, an adoptiui.

**I**NTESTATVS DECEdit.) Enunc. I. Intestatus quatuor modis dicitur: testamento non facto, non iure facto, rupto irritumque facto, & ab haerede destituto. l. 1. D. de suis & legit. ubi Vlpianus ait, Intestatos proprie appellari, qui cum possunt testamentum facere, testati non sunt: sed & cum qui testamentum fecit, si cuius hereditas adita non est, uel ruptum uel irritum est testamentum, intestatum non improprie dici decessisse. Et Paulus l. intestatus. 64. D. de uerb. signific. Intestatus est, inquit, non tantum qui testamentum non fecit, sed etiam cuius ex testamento hereditas adita non est. Quae cum ista sint, perspicuum est subtilius hoc loco eam rem tractari, quam a Papiniano explicata sit in l. 1. D. de iniust. rupt. ubi Testamentum irritum fieri dicit, quando non adiur hereditas. Rursus, pinguius a Iustiniano eam partem quam a Papiniano tractari, in qua de iniusto testamento agitur, nam iniustum Papinianus ab eo quod nullius momenti est, distinguit: quod hoc loco Iustinianus praetermisit. Irriti sane nomine Tryphoninus quoque destitutum comprehendit in l. filium. 20. D. de contra tab. etq; Vlpian. cap. Instit. 23. consentit.

**EX LEGE XII. TABULARVM.)** Sequitur II. Lex XII. intestatorum hereditatem primo loco suis haeredibus attribuit. Verba autem legis haec sunt: Paterfam. uti legasset super pecunia tutelae rei suae, ita ius esto. At si intestatus moriatur, cui suus nec extabit haeres, agnatus proximus familiam habeto. quae omnia Vlpianum auctorem habent: nec proprium caput in quo de suo haerede statuatur, desiderant: cum illa uerba, CUI SVVS NEC EXTABIT HAERES, perspicue demonstrant, primum & potissimum ius suorum haeredum esse. nam ut eleganter scribit Tryphoninus in l. pen. D. de bon. lib. omnia quae nostra sunt, liberis nostris ex uoto paramus.

**SUI AVTEM HAEREDES.)** Sequitur III. Suus haeres dicitur, qui in morientis potestate est, siue naturalis siue adoptiui sit. l. 1. §. suos. D. de suis & legit. & §. 2. supra, De haered. qual. ubi haec omnia satis, ut mihi tum uisus sum, diligenter exposui.

**EX NEPOTE EX FILIO NATO.)** Ordo est, Pronepos proneptisue, prognatus prognatae ex nepote nato ex filio: hoc est, Ex nepote qui non ex filia, sed ex filio sit susceptus. nam si ex filia, iam ad cognatorum ordinem translatus esset.

Et Spuriij curijs ciuitatum dati, & qui ex contubernio quod postea coniugium factum est, nati sunt, suorum ius obtinent.

*l. x. & x j. C. de nat. lib.*

**II.** Quibus connumerari necesse est etiam eos, qui ex legitimis quidem matrimonijs non sunt progeniti, curijs tamen ciuitatum dati secundum diuinium constitutionum, quae super his positae sunt, tenorem, haeredum suorum iura nanciscuntur. Nec non eos, quos nostrae amplexae sunt constitutiones, per quas iussimus, ut si quis mulierem in suo contubernio copulauerit, non ab initio affectione maritali, eam tamen, cum qua poterat habere coniugium, & ex ea liberos sustulerit: postea uero affectione procedente, etiam nuptialia instrumenta cum ea fecerit, & filios uel filias habuerit:



**A** habuerit: nō solum eos liberos, qui post dotem editi sunt, iustos, & in potestate patris esse: sed etiā anteriores, qui & ijs, qui postea nati sunt, occasionem legitimi nominis præstiterunt. Quod obtinere censuimus, etiamsi non progeniti fuerint post dotale instrumentum confectum liberi, uel etiam nati ab hac luce fuerint subtrahiti.

**CVRIIS TAMEN CIVITATVM DATI.)** Enunciatio I. *Spurius in Decurionum ordinem allectus ius sui hæredis consequitur. l. cum quis. 10. C. de natural. lib. Qua de re lib. 1. sub tit. De nuptijs, ita copiose explicatum est, ut eadem inculcare nihil necesse sit.*

**SI QVIS MVLIEREM IN SVO CONTVBERNIO.)** Sequitur II. *Nati ex contubernio, quod in matrimonium mutatum est, quamuis nulli postea nati sint, uel in uita manserint, suorum ijs obtinent. l. nuper. 11. C. de nat. & sub tit. De nuptijs, libro primo à nobis explicatur.*

*Sui ius ijs tantum qui in testatoris familia primum ab eo gradum obtinent, & postumis qui nati eundem habituri erant, conceditur. l. iij. D. de iniust. test.*

**III.** Ita demum tamen nepos neptisue, pronepos proneptisue, suorum heredum numero sunt: si præcedēs persona desierit in potestate parentis esse: siue morte id acciderit, siue alia ratione, uelut emancipatione. Nā si per id tempus, quo quis moritur, filius in potestate eius sit: nepos ex eo, suus hæres esse non potest. Idq; & in cæteris deinceps liberorum personis dictum intelligimus. Postumi quoq; qui si uiuo parente nati essent, in potestate eius futuri forent, sui hæredes iunt.

**B** **SI PRÆCEDENS PERSONA.)** Enunciatio I. *Nepos non nisi filio, pronepos non nisi utroq; de familia sublato, sui ius adipiscitur. §. 2. supra, De hered. qual. ubi hac de re uberius disseruimus.*

**POSTUMI QVOQVE, QVI SI VIVO.)** Sequitur II. *Postumus qui patre uiuo natus in eius potestate fuisset, primumq; gradum obtinuisset, suus hæres est. l. 3. D. de iniust. rupt.*

*Ius sui & ignorantibus & furiosis conceditur. quod qui adepti sunt, continuare potius dominium, quam hæreditatem acquirere uidentur. l. lxxij. D. de acq. hered. l. x j. D. de lib. & post.*

**IIII.** Sui autem hæredes sunt etiam ignorantes. & licet furiosi sint, hæredes possunt existere: quia quibus ex causis ignorantibus nobis acquiritur, ex his causis & furiosis acquiri potest. Et statim morte parentis quasi continuatur dominium. & ideo nec tutoris auctoritate opus est pupillis, cum etiam ignorantibus adquiratur suis hæredibus hæreditas. nec curatoris assensu acquiritur furioso, sed ipso iure.

**FIVNT ETIAM IGNORANTES.)** Enunc. I. *Sui hæredes fieri tum ignorantes, tum etiam furiosi possunt. l. 1. §. 3. D. Si quis omiff. caus. test. ubi Vlp. ait, eos qui in potestate sunt, statim ex testamento hæredis esse, nec quod se abstinere possunt, quicquam aduersari. Item l. furiosus. 63. D. de acq. hered. ubi Marcellus scribit extranei hæreditatem furioso per se acquiri non posse: suum uerò & necessarium esse posse. cuius rei rationem Imperator demonstrat: quia sui non tam hæreditatem acquirere, quam dominium continuare dicuntur.*

**QVIBVS EX CAVSSIS.)** Sequitur II. *Quibus ex causis ignorantibus sanis acquiritur, ex ijs causis acquiri furiosis potest. l. si à furioso. 24. D. de oblig. & act. l. si à furioso. 12. D. Si cert. petat.*

**C** **QVASI CONTINVATVR DOMINIVM.)** Sequitur III. *Suis continuari potius dominium, quam acquiri hæreditas uidetur. l. in suis. 11. D. de lib. & post. Ob eam enim causam sui dicuntur, quod non alienarum, sed suarum quodammodo rerum hæredes uidentur esse. quod sub tit. De hered. qual. fusius explicatum est.*

**NEC TVTORIS AVCTORITATE.)** Sequitur IIII. *Hæreditas suis ipso iure sine tutoris & curatoris auctoritate acquiritur. l. in suis hæredibus. 14. D. de suis & legit. ubi Caius scribit in suis hæredibus aditionem necessariam nō esse: quia statim ipso iure hæredes existunt. item l. si fratris. 3. C. de iure delib. ubi Imp. scribit suum hæredem etiam clausis tabulis hæredem esse.*

*Sui ius ei qui ab hostibus patre mortuo reuertitur, conceditur: ei uerò cuius pater post mortem perduellionis damnatur, adimitur. l. j. §. iij. De suis & legit.*

**V.** Interdum autem, licet in potestate parentis, mortis tempore, suus hæres non fuerit, tamen suus hæres parenti efficitur: ueluti si ab hostibus quis reuersus fuerit post mortem patris sui. ius enim postliminij hoc facit. Per contrarium euenit, ut licet quis in familia defuncti sit mortis tempore, tamen si suus hæres non fiat: ueluti si post mortem suam pater iudicatus fuerit perduellionis reus, ac per hoc memoria eius damnata fuerit. suum enim hæredem habere non potest, cum fiscus ei succedat: sed potest dici ipso quidem iure suum hæredem esse, sed desinere.

**INTERDV AVTEM.)** Enunciatio I. *Ei qui ab hostibus post mortem patris reuertitur, propter postliminij ius conceditur. Quid igitur respondebimus ad l. captum. 9. C. de postlimi. ubi dilucide Imp. Diocletianus ius istud fictio-  
ni legis Cornelia attribuit: Sane aut ἀποστράφειν uidetur, aut πατάξαι uocabuli legis Corneliae hæc fuisse, utcumq;*



utrumq; sit, causse nostrae constitutio haec erit: Qui filium apud hostes habebat, ac proinde extra suam potestatem, putans illum nunquam rediturum, testamentum sine ulla eius mentione confecit. Eo mortuo filius postliminio reuertitur, testamentum propter sui praeteritionem oppugnat. Intentio: Testamentum uitiosum est. D. Imò iustum. Q. Vtrius modi sit. R. Quia mortis tempore suus non eras. suus est enim, qui in morientis potestate est. F. At postliminium ius mihi meum incolume seruauit, quasi nunquam à ciuitate abfuissem. D. An qui patre mortuo ab hostibus reuersus est, quia iure postliminii semper in ciuitate fuisse fingitur, sui ius incolume retinuerit. Controuersia ex contrariè scriptis nata est. Respondetur autem retinuisse. Quod ex contrario etiam sic non incommode disputari potest. Pater apud hostes decessit. quarebatur cum in sua potestate mortis tempore non haberet, an suus dici possum. Intentio: Suus es. D. Non sum. Q. An sit. R. Quia mortis tempore in patris potestate non fui. F. At lex Cornelia patrem ipso captiuitatis momento mortuum fingit. D. An cuius pater apud hostes mortuus est, quia lex Cornelia fingit eum in ciuitate mortuum, suus sit. Controuersia ex eodem fonte nata est. Iulianus in l. lege. 12. D. de testam. Filius eius, inquit, qui in hostium potestate decessit, inuitus hereditati obligatur: quamuis suus heres dici non possit, qui in potestate morientis non fuit.

POST MORTEM SVAM IVDICATVS PERDVELLIONIS.) Sequitur II. Filius eius qui post mortem suam perduellionis damnatur, sui ius amittit. l. 1. §. interdum. D. de suis & legit. ubi multo & commodius & planius Vlp. haec explicat. Interdum etiam ait, Filius suus heres excluditur, fisco praelato: uiputa si perduellionis fuerit damnatus pater post mortem suam. hoc quo? ut nec iura sepulcrorum hic filius habeat. Quo ex loco intelligimus, eum qui sui ius amittebat, non modò patrimonium, sed etiam ius sacrorum gentilitiorum ac sepulcrorum familiarium amisisse.

POST MORTEM SVAM.) Sequitur III. Perduellionis crimen morte non extinguitur, sed mortui memoria damnari solet. l. ult. D. ad leg. maiest. Quid autem inter maiestatis & perduellionis crimen interfuerit, alio loco demonstrauimus.

CVM FISCVS EI SVCCEDAT.) Sequitur IIII. Fiscus mortuo perduellionis damnato succedit. d. l. 1. De suis. & l. ult. de maiest.

*E' suis si quis suus esse desierit, eius in locum inferior succedit suus: ac proinde siue pari siue impari gradu sint, quibus hereditas debetur, ea non in capita, sed in stirpes diuidetur. l. ij. & ij. C. de suis & legit.*

VI. Cum filius filiàue, & ex altero filio nepos neptisue existunt, pariter ad hereditatem aui uocantur: nec qui gradu proximior est, ulteriorem excludit. Aequum enim esse uidetur, nepotes nepotesque in patris sui locum succedere. Pari ratione, & si nepos neptisue sit ex filio, & ex nepote pronepos proneptisue, simul uocantur. Et quia placuit nepotes neptisue, item pronepotes proneptisue in parentis sui locum succedere: conueniens esse uisum est, non in capita, sed in stirpes hereditatem diuidi: ut filius partem dimidiam hereditatis habeat, & ex altero filio duo pluresue nepotes alteram dimidiam. Item, si ex duobus filiis nepotes neptisue existant, ex altero unus fortè aut duo, ex altero tres aut quatuor: ad unum aut duos dimidia pars pertineat, ad tres uel ad quatuor altera dimidia.

PARITER AD HAEREDITATEM AVI VOCANTVR.) Enunciatio I. Nepos neptisue ex filio demortuo, una cum filio superstiti ad hereditatem aui aequa ex parte admittitur. l. 3. C. de suis & legit. ubi imp. hoc dilucide de lege XII. Tabularum cautum fuisse scribit, opinor in hanc sententiam: Si quis ex suis heredibus maribus suis heres esse desierit, liberi eius & ceteri in locum suorum sui heredes succedunt: ac tum hereditas non in capita, sed in stirpes diuiditur. Idemq; de XII. tab. Iustinianus infra, §. ult. testatur. Qua ex re intelligi uolumus, duo quodammodo genera esse suorum: alios enim natura, alios successione, suos existere: ut fortasse non incommode alios naturales, alios succedaneos appellare possimus. natura, solos filios: successione, posteriores, qui in superiorum locum uacuum subeunt. Et quoniam Suiatatis illud ab intestato succedendi attributum erat, aequum fuit ad hereditatem eos qui eam adepti erant, una cum altero uocari. Itaq; Vlpianus l. 1. §. si filius. D. de suis & legit. Si filius, inquit, suus heres esse desijt, in eiusdem partem succedunt omnes nepotes, neptisue ex eo nati, qui in potestate sunt, quod naturali aequitate contingit. At dissimilis ratio est in propinquis, nam fratris filius in patris sui demortui locum non succedit, ut patru demortui cum patruo superstiti patrimonium partiatur. l. 3. C. de legit. heredit. nimirum quia successio à lege non in agnatis, sed in ijs qui sui esse possunt, instituta est.

PARI RATIONE ET SI NEPOS.) Sequitur II. Pronepos proneptisue ex nepote demortuo, una cum nepote neptisue ex filio aequis ex partibus succedit. l. 1. §. liberos. D. de coniung. cum emanc. ubi de Praetoria possessione Vlp. loquens: Planè si sint ex emancipato nepos, & ex nepote eius alio pronepos: dicendum erit, utrumq; ei iungi: ambo enim, in suorum locum successerunt.

NON IN CAPITA, SED IN STIRPES.) Sequitur III. Cum in parentis demortui locum succeditur, non in capita, sed in stirpes hereditas diuiditur. l. 3. C. de suis & legit. In capita autem diuidi dicitur hereditas, quae tot in partes quot succedentium capita sunt (id est, personae) diuiditur: ut singulis personis singulae partes attribuantur. In stirpes uerò, cum tot in partes diuiditur, quot suorum naturalium capita, ex quibus succedanei extant, succedere. Causa constituitur: Mæuius duos filios suscepit: quorum alter uiuit, alter duobus relictis liberis decessit. idem Mæuius intestato moritur: de cuius hereditate portienda nunc ambigitur. Intentio nepotum: Hereditas in tres partes diuidenda est, ut suum quisq; trientem auferat. quippe cum sui simus, & lex aequaliter inter suos diuidi iubet hereditatem. D. Imò in duas tantum. Q. Quot in partes diuidenda sit. R. Quia non plus habere iuris debetis, quam is cuius in locum successistis. F. At cum sui simus, non alieno beneficio, sed nostro iure hereditatem petimus: hoc est, non tanquam succedanei, sed tanquam naturales seu natini, hereditatem petimus. D. An eadem suorum succedaneorum ratio habenda sit, quae naturalium. Controuersia ex scripto & sententia nascitur: an lex



**A** an lex quæ iubet hereditatem inter suos æquis ex partibus distribui, de quibus suis intelligenda sit: tam succedaneis, quam naturalibus. Respondetur autem, nequaquam: quia tametsi sui sint, tamen non natura, sed casu: & ut Dialectici loquuntur *κατὰ φύσιν*, id est, per accidens sui sunt, absurdum autem esset plus ijs qui successerunt, quam ei cuius in locum successerunt, iuris tribui.

**ITEM SI EX DVOBVS FILIIS.)** Sequitur IIII. Aui hereditas inter nepotes ex duobus filiis non in capita, sed in stirpes diuiditur. l. 2. C. de suis & legit. ubi Impp. scribunt, nepotes ex diuersis filiis uarij numeri auo succedentes, ab intestato, non pro uirilibus partibus, sed ex stirpibus succedere. quod idem tradit Paulus ex Papiniano in l. Papinianus. 8. §. quoniam. D. de inoff. test. Causæ constitutio: Quintius duos filios habuit: primus tres liberos suscepit, alter unum tantum: utroq; filio demortuo Quintius ipse nepotibus superstitis decessit. De aui hereditate inter se nepotes ambigunt. Intentio trium nepotum: Hereditas in partes quatuor diuidenda est, ut suum quisq; quadrantem auferat. quippe cum sui simus, & lex inter suos partes fieri æquales iubeat. D. Imò in duas tantum. Q. Quot in partes diuidenda sit. R. Quia non plus habere iuris possumus, quam ij quorum in locum successimus. F. At cum sui simus, nulla successionis habenda ratio est: nostro enim iure, nō alieno, nec parentum nostrorum beneficio, sed propter nostram suitatem, hereditatem petimus. D. An qui successionē suus est, quia suo ac proprio iure (nimirum quia reuera suus est) hereditatem petit, eodem loco ac numero, quo qui natura suus est, haberi debeat. Controversia ex scripto & sententia manauit. Respondetur autem nequaquam. quia reuera ius sui, non in se primum, sed in suo patre constituit: ac proinde cum per successionem illud adeptus sit, absurdum esse plus ei quam patri suo iuris attribui. Ex quo intelligi debet, quod quasi mysterium quoddam hac in re uidetur, simulatq; filij alicui nati sunt, statim eius hereditatem ipso iure ita inter illos distribui, ut postea plures in partes secari non possit: & quamuis illis de familia sublatis nepotes succedentes sui efficiantur, tamen non tam proprie suos esse, nec tantam uim ipsorum suitatis esse, ut hereditatem diuidere in partes possit. Quæ cum ita sint, nemini obsecrum esse potest, cur in fratrum duorum liberis aliter sit constitutum. ut aputa duos fratres habui: unus ex his unum filium, alter duos reliquit. hereditas mea in tres partes diuidetur: inquit Vlp. l. 2. §. 1. D. de suis & legit. nimirum quia non successionis iure, sed suo proprio hereditatem petunt: quippe cum lex in agnatis successionem non instituerit. itaq; fratris filius cum fratre defuncti ad hereditatem non admittitur: ut superius dicebamus ex l. 3. C. de legit. hered. Cum igitur suo in loco graduq; patruelis permanferint, improbari non potest, si plus eis tribuatur iuris quam ijs quorum in locum non successerunt. plures enim personæ sunt: nec ius suum ex patrum persona uel gradu mutantur, sed ex sua ipsorum agnatione, atq; ut ita loquamur, ex suis ipsorum personis sumunt.

Tum demum suus ne aliquis sit, queritur, cum intestatò patremfam. decessisse  
constat: potest enim qui mortis tempore non erat, suus hæres  
effici. l. j. De suis & legit.

**VII.** Cum autem queritur, an quis suus hæres existere possit: eo tempore querendum est, quo certum est aliquem sine testamento decessisse, quod accidit & destituto testamento. Hac ratione, si filius exheredatus fuerit, & extraneus hæres institutus, & filio mortuo postea certum fuerit hæredem institutum ex testamento non fieri hæredem; aut quia noluit esse hæres, aut quia non potuit, nepos auo suus hæres existet: quia quo tempore certum est intestatū decessisse patrem familiās, solus inuenitur nepos. & hoc certum est. Et licet post mortem aui natus sit, tamen auo uiuo conceptus, mortuo patre eius, posteaq; deserto aui testamento, suus hæres efficitur. Planè si & cōceptus & natus fuerit post mortem aui, mortuo patre suo, desertoq; postea aui testamento, suus hæres auo non existet: quia nullo iure cognationis patrē sui patris attingit. Sed nec ille est inter liberos aui, quæ filius emancipatus adoptauit. Hi autem, cū non sint \* sui (quantum ad hereditatē) \* uacat  
**C** liberi: neq; bonorum possessionem petere possunt, quasi proximi cognati. Hæc de suis hereditibus.

**EO TEMPORE QUÆRENDVM EST.)** Enunciatio I. Suus nec ne aliquis sit, non mortis tempore, sed ubi patremfam. intestatò mortuum esse certum est, exquiri debet. l. 1. §. sciendum. D. de suis & legit. & l. ult. D. de cond. instit. ubi Papinianus ait: Filium post cuius mortem patris testamentum destituitur, non uideri nepotibus substitutis obstitisse. quem admodum si exheredato eodem filio, nepotes, cum filius moreretur, hæredes fuissent instituti.

**HAC RATIONE SI FILIUS.)** Sequitur II. Qui nepos auo moriente suus non erat, si post exheredati filij mortem extraneum institutum hæredem non esse contingat, suus efficitur. l. 1. §. sciendum. D. de suis & legit. ubi Vlp. ait, nepotes & deinceps interdum etiam si parentes eos mortis tempore præcesserunt, tamen posse suos hæredes existere, quamuis successio in suis hereditibus non sit. quod ita procedit, si paterfam. testamento facto decesserit, exheredato filio, mox deliberante hærede instituto filius decessit, postea deinde repudiavit hæres institutus. nepos poterit suus hæres esse, cui Papinianus cōsentit in l. ult. in fin. D. de cond. instit. Causæ constitutio: Paterfam. extraneum instituit, filium ex quo nepotem habebat, exheredauit. mortuo testatore, dum institutus deliberat, filius moritur. post institutus repudiat. Ita patremfam. intestatò decessisse constituit, quippe destituto ab hærede testamento. ac proinde nepos primum gradum obtinens, suus efficitur. Intentio: Suus sum. D. Non es. Q. An sit. R. Quia suus dicitur qui primum morientis in familia gradum obtinet. tu uerò mortis tempore gradum illum non obtinebas, quippe à filio anticipatum. F. Imò suus dicitur, qui quo tempore, neminem alium hæredem esse constat, suus existit. nam & apud ut Iulianus loquitur, mortis tempore suus fuisse uidetur. D. An suus dicatur, non detur autem, suum dici. nimirum, quia tum demum querendum est suus sit aliquis nec ne, cum interesse potest: hoc est, cum delatam hereditatem apparet, cum deliberante instituto, cui ante eum alij non est delata hereditas, non fuisse autem filio delatam hereditatem apparet, cum deliberante instituto decesserit,



decesserit. atq; his Papinianus consentit in l. scripto. 7. Si tabul. testament. null. exhib.

TAMEN AVO VIVO CONCEPTVS.) Sequitur III. Nepos auo mortuo natus, si modò eo uiuo sit conceptus, deserto post patris mortem testamento, suus hæres existit. l. si quis. 6. §. 1. D. de in iust. rupt. ubi Vlpianus ait, nepotem posse suum effici, si quidem mortis aui tempore fuit in utero. ceterum si postea conceptus est, Marcellus scribit, neq; ut suum, neq; ut nepotem, aut cognatum ad hæreditatem uel ad bonorum possessionem admitti.

PLANE SI ET CONCEPTVS.) Sequitur IIII. Post aui mortem & conceptus & natus, ne cognatus quidem auo, nedum suus dici potest. d. l. si quis. 6. §. 1. D. eod. ubi Vlpianus, Si postea, inquit, conceptus sit, neq; ut suus, neq; ut nepos, aut agnatus ad hæreditatem uel ad bonorum possessionem admitti potest. Et Iulianus in litem Prætor. 8. D. de suis & legit. Item Prætor, inquit, edicto suo, proximitatis nomine, bonorum possessionem pollicetur his, qui defuncti mortis tempore cognati fuerint. nam quod in consuetudine nepotes cognati appellantur, etiam eorum post quorum mortem concepti sunt, nō propriè, sed per abusionem uel potius ad adoptionem accidit.

SED NEC ILLE EST INTER LIBEROS AVI.) Sequitur V. Is quem emancipatus filius adoptauit, inter aui liberos non numeratur. l. quem filius. 26. D. de adopt. ubi Iulianus ita scribit: Quem filius meus emancipatus adoptauerit, is nepos meus non erit. Et ratio quidem apparet, quia per emancipationem mihi tum suus, tum agnatus esse desijt. sed alienissimo loco mihi positum hoc fuisse uidetur. Vicunq; sit, sensus hic est, Si paterfam. cuius filius emancipatus aliquem adoptauit, emancipato mortuo, intestatus decedat, adoptiuus ille non potest, uel tanquam suus, uel tanquam inter liberos hæreditatem petere.

CVM NON SINT, QVANTVM AD HÆREDITATEM, LIBERI.) Sequitur VI. Nec auo mortuo concepti, nec ab emancipato adoptati bonorum possessionem quasi cognati postulare possunt. l. Titius. 6. D. de suis & legit. ubi Iulianus ait: Qui post mortem, inquit, aui sui concipitur, is neq; legitimam hæreditatem eius, tanquam suus hæres, neq; bonorum possessionem tanquam cognatus accipere potest: quia lex XII. Tab. eum uocat ad hæreditatem, qui moriente eo, de cuius bonis queritur, in rerum natura fuerit.

*Emancipati & suitatis & agnationis iure à lege XII. Tab. spoliantur: Prætor tamen  
ijs bonorum possessionem siue soli sint, siue cum suis concurrant,  
concedit. l. iij. Si tab. testam. null.*

VIII. Emancipati autem liberi, iurè ciuili nihil iuris habent (neq; enim sui hæredes sunt, qui prætor in potestate parentis esse desierunt) neq; ullo alio iurè (\* per legem duodecim Tabularum) uocantur. sed Prætor naturali æquitate motus, dat eis bonorum possessionem VNDE LIBERI, perinde ac si in potestate parentis tempore mortis fuissent: siue soli sint, siue cum suis hæredibus concurrant. Itaq; duobus liberis extantibus, emancipato uno, & eo, qui tempore mortis in potestate fuerit: sanè quidem is, qui in potestate fuit, solus iure ciuili hæres est, & solus suus hæres. sed cum emancipatus beneficio Prætoris in partem admittitur, euenit, ut suus hæres pro parte hæres fiat.

IVRE CIVILI NIHIL IURIS HABEAT.) Enunciatio I. Emancipatio & sui hæredis, & agnationis ius admittit. l. capitis. 11. D. de suis & legit. ubi Pomponius ait, Capitis deminutione perire legitimam hæreditatem, quæ lege XII. Tab. ueniunt: quoniam definit suus hæres uel agnatus rectè dici. quod idem Paulus confirmat in l. tutelæ. 7. D. de cap. minut. ubi ait emancipatos agnatos esse desinere, quippe familia mutatos. Verum hæc libro primo multo uberius.

PER LEGEM XII. TAB.) Totū hoc ex glossa sumptum putarem, in qua nō PER, sed potius PRÆTER scriptum fuisset. Cum enim modò dixerit, iure ciuili nihil iuris habent, quid esset quoddam aliud ius per Legem XII. Tab. nominaret? Si tamen retinenda hæc sunt, PRÆTER legendum putarem: ut sit sensus, Nullo alio iure ciuili post XII. Tab. libris constituto.

SED PRÆTOR NATURALI AEQVITATE.) Sequitur II. Emancipati siue soli sint, siue cum suis concurrant, bonorum possessionem à Prætoris impetrare possunt. l. ult. C. de suis & legit. ubi Iustin. ait, Prætoris filios emancipatos licet subtili iure capite deminuti fuerant, attamen in patris successionem sine ulla deminutione uocare. & l. 4. D. si tabul. test. ubi Paulus ait, liberos etiam capite deminutos per edictum Prætoris ad bonorum possessionem suorum parentum uocari. Item l. sed cum. 6. §. 1. D. de bon. poss. ubi idem ait: Quamuis iure ciuili deficiant liberi, qui propter capitis deminutionem desierunt sui hæredes esse: Prætor tamen propter æquitatem, eorum capitis deminutionem rescindere. Bonorum autem possessionem intelligimus, eam quæ VNDE LIBERI appellatur. quam non modò emancipatis, sed etiam suis hæredibus dari solere idem Iustinianus affirmat sub tit. De bon. poss. §. sunt autem.

*Qui emancipati sese arrogandos extraneo dederunt, si patre uiuo sui iuris fiant,  
ad eius admittuntur bona: sin mortuo, ab utriusq; bonis  
excluduntur. l. iij. si tab. test.*

IX. Athi qui emancipati à parente in adoptionem se dederunt, non admittuntur ad bona naturalis patris quasi liberi: si modò, cum is moreretur, in adoptiua familia fuerint. Nam uiuo eo emancipati ab adoptiuo patre, perinde admittuntur ad bona naturalis patris, ac si emancipati ab ipso essent, nec unquam in adoptiua familia fuissent. Et conuenienter, quod ad adoptiuum patrem pertinet, extraneorum loco esse incipiunt. Post mortem uerò naturalis patris emancipati ab adoptiuo patre: & quantum ad hunc adoptiuum, æquè extraneorum loco fiunt: & quantum ad naturalis



**A** **ralis patris bona pertinet, nihilo magis liberorum gradum nanciscuntur.** Quod ideo sic placuit, quia iniquum erat, esse in potestate patris adoptiui, ad quos bona naturalis patris pertinerent, utrum ad liberos eius, an ad adgnatos.

**NON ADMITTUNTUR AD BONA.)** Enunc. I. Emancipatus dum in arrogatione est, ad naturalis patris bona non admittitur. Ratio manifesta est, quia cum ei satis in adoptiua familia consultum sit, in qua iura tum suitis, tum agnationis adeptus est, nihil ei auxilio Prætoris opus fuit. nam si in adoptionem à patre datos spectemus, satis constat plerumque, ideo id fieri, ut cæterorum qui in potestate retinentur, partes sint maiores.

**NAM VIVO EO EMANCIPATI.)** Sequitur II. Emancipatus ab arrogatione, in quam sese dederat, ad naturalis patris postea morientis bona sic admittitur, quasi arrogatus nunquam fuisset. l. 4. D. Si tabul. test. ubi Paulus ait: Si naturales emancipati & adoptati, iterum emancipati sint, habere ius naturale liberorum. Quod de Prætoris beneficio intellegendum est: qui cum omni spe destitutos naturales filios uideat: hoc est, & naturalis & adoptiui patris hereditate exclusos, æquitatem naturæq; ius amplexus, eos agnatis omnibus anteposuit.

**QVOD AD ADOPTIVVM PATREM PERTINET.)** Sequitur III. Ab arrogatione emancipatus adoptiuo patri extranei loco est. l. 1. §. 3. D. Si tab. test. ubi Vlp. ait, adoptiuos hætenus admitti, si fuerint in potestate. cæterum si sui iuris fuerint, ad bonorum possessionem non inuitantur: quia adoptionis iura dissoluta sunt emancipatione. quod ipsum Paulus in l. 4. confirmat, ubi ait, adoptiuos liberorum nomen post emancipationem admittere. nam ut ait Papin. in l. 13. D. de adopt. in omni fere iure finita patris adoptiui potestate, nullum ex pristino retinetur uestigium.

**NIHILO MAGIS LIBERORVM GRADVM NANCISCUNTUR.)** Sequitur IIII. Ab arrogatione post patris naturalis mortem emancipatus liberorum gradum in eius bonis non obtinet. l. pen. C. de adopt. ubi Iustin. ait, nullam spem ei remanere, neq; contra patris naturalis uoluntatem, quia mortis eius tempore in aliena fuerat familia constitutus: nec contra adoptiuum patrem, quia per emancipationem eius familia exemptus est. Rationem etiam hoc loco Iustinianus affert, ne in adoptatoris potestate sit, utri ad intestati hereditatem ueniant: liberine, an agnati: uel potius, ne in adoptatoris potestate sit, quesitam agnatis hereditatem adimere. nam post patris mortem, agnati hereditatem amplexi erant. quod si adoptator istam illis hereditatem uelit adimere, hanc habebit rationem, ut filium adoptatium emancipet: interdum non malo animo, sed data opera, ut aliorum hereditatem in eum deriuat.

*A patre naturali emancipati, à Prætoris ad eius bonorum possessionem admittuntur:  
ab adoptiuo uerò, nequaquam. l. iij. D. si tab. test. null.*

**X. Minus ergo iuris habent adoptiui filij, quàm naturales.** Namq; naturales emancipati, beneficio Prætoris gradum liberorum retinent, licet iure ciuili perdant: adoptiui uerò emancipati, & iure ciuili perdunt gradum liberorum, & à Prætoris non adiuuantur, & rectè. naturalia enim iura ciuilis ratio perimere nō potest: nec quia desinunt sui hæredes esse, possunt desinere filij filięue, aut nepotes neptesue esse. adoptiui uerò emancipati, extraneorum loco incipiunt esse: quia ius nomenq; filij filięue, quod per adoptionem consecuti sunt, alia ciuili ratione, id est, emancipatione perdunt.

**NATURALES EMANCIPATI BENEFICIO PRÆTORIS.)** Enunciatio I. Naturales emancipati liberorum gradum, quem iure ciuili amiserant, Prætoris beneficio recuperant. l. 4. D. si tab. test. null. & l. ult. C. de leg. git. hered. ubi scribitur, liberos capite deminutos per edictum Prætoris ad bonorum possessionem uocari suorum parentum: nisi si adoptiui fuerint. hos enim etiam liberorum nomen amittere post emancipationem, sed si naturales emancipati & adoptati, iterum emancipati sint, habere ius naturale liberorum.

**ADOPTIVI VERO EMANCIPATI.)** Sequitur II. Emancipati ex adoptione, quicquid in adoptiua familia iuris habuerunt, amittunt: nec Prætoris auxilio adiuuantur. l. 4. D. Si tab. test. & l. in omni. De adopt. & proxime dictum est.

**NATURALIA ENIM IURA.)** Sequitur III. Iuris ciuilis instituta, alijs eiusdem iuris institutis extingui possunt: at naturalia iura perimi ciuili instituto non possunt. §. ult. supra, De legit. agnat. tut. ubi copiose istud explicatum est.

*Præteritis liberis, siue sui, siue emancipati sint, contra tabulas naturalis patris  
bonorum possessio conceditur: at contra patris adoptiui tabulas, si ab eo emancipati sunt, non datur.  
l. j. D. de cont. tab.*

**XI. Eadem hæc obseruantur, & in ea bonorum possessione, quam contra tabulas testamenti parentis liberis præteritis, id est, neq; hæredibus institutis, neq; ut oportet ex hæredatis, Prætor pollicetur.** Nam eos quidem, qui in potestate parentis mortis tempore fuerint, & emancipatos uocat Prætor ad eandem bonorum possessionem: eos uerò, qui in adoptiua familia fuerint per hoc tempus, quo naturalis parens moreretur, repellit. Item adoptiuos liberos emancipatos ab adoptiuo patre, sicut ab intestato, ita longè minus contra tabulas testamenti ad bona eius non admittit: quia desinunt numero liberorum esse.

**QVAM CONTRA TABVLAS TESTAMENTI.)** Enunciatio I. Prætor liberis naturalibus præteritis, siue sui, siue emancipati sint, contra tabulas bonorum possessionem decernit. l. 1. D. de bon. poss. contr. tabul. ubi Vlp. ait,  
t 3 Ad contra



Ad contra tabulas bonorum possessionem admitti liberos, siue naturales siue adoptiui, ac proinde sui sint: si neq; instituti neq; exheredati sunt. Vide intelligi debet, quamuis sui præteritione testamentum vitietur, nulliusq; momenti iure civili sit. l. 1. D. de iniust. rupt. test. licere tamen suis hæredibus hoc Prætoris auxilio, quod emancipatorum gratia comparatum erat, uti.

NEQVE VT OPORTET EXHAEREDATIS.) Nam qui iustose exheredantur, præteritorum loco habentur. l. 8. §. non quauis. D. cont. tab.

QVI IN ADOPTIVA FAMILIA FVERINT.) Sequitur II. Possessio contra tabulas, ijs qui, dum pater naturalis moritur, in adoptiua familia sunt, non datur. l. pen. C. de adopt. non longe ab initio, ubi Iustin. ait, Post patris naturalis obitum, emancipatos contra eius uoluntatem iccirco bonorum possessionem non habituros, quia mortis eius tempore in aliena familia fuerint. Ratio autem aperta est, quia suum patrem habent, cui sui hæredes iure civili sunt.

LONGE MINVS CONTRA TABVLAS.) Sequitur III. Hæc possessio ei qui emancipatus ab adoptione est, contra patris adoptiui tabulas non datur. d. l. pen. C. de adopt. ubi Iustin. ait, eum qui ab adoptiuo patre emancipatus est, iccirco bonorum possessionem contra eius uoluntatem non habiurum, quia per emancipationem eius ex familia exemptus est. quod Vlp. planius interpretatur in l. 1. §. 4. D. de cont. tab. ubi ait eos iccirco non admitti, quia ut quis admitti possit, eum ex liberis esse oportet. quod ipsum etiam inculcat in l. 3. §. 2. sub eod. tit.

DESINUNT IN NUMERO LIBERORVM EIVS ESSE.) Sequitur IIII. A patre adoptiuo emancipatus, in numero liberorum eius esse definit. d. l. 1. §. 3. D. de cont. tab. ubi Vlp. ait: hunc quasi filium ex liberis non esse, cum iura adoptionis emancipatione finita sint.

*Qui in adoptiua familia sunt, ab eaque post patris mortem emancipati ordine cognatorum ad eius bonorum possessionem admittuntur.*

*l. j. & l. iij. D. si tab. test.*

XII. Admonendi tamen sumus, eos, qui in adoptiua familia sunt, quæ post mortem naturalis parentis ab adoptiuo patre emancipati fuerint: intestato parente naturali mortuo, licet ea parte edicti, qua liberi ad bonorum possessionem uocantur, non admittantur: alia tamen parte uocari, scilicet qua cognati defuncti uocantur. Ex qua parte ita admittuntur, si neq; sui hæredes liberi, neq; emancipati obstitent, neq; adgnatus quidem ullus interueniat. Antè enim Prætor liberos uocat tam suos hæredes, quam emancipatos: deinde legitimos hæredes, dehinc proximos cognatos.

LICET EA PARTE EDICTI.) Enunciatio I. Qui in adoptiua familia, post uel patris mortem ab ea emancipatus est, ad eius bonorum possessionem, unde liberi, non admittitur. l. 4. D. si tab. testam. null. & paulo antè suo loco explicatum est.

QVA COGNATI DEFUNCTI VOCANTVR.) Sequitur II. Ei qui in adoptiua familia est, uel ab ea post patris mortem emancipatus, possessio cognatorum ordine conceditur. Nam, ut ait Vlpian. in l. 1. D. unde cognati, in adoptionem dati, omnia cognationis iura in familia naturali retinet: iustatis autem & agnationis amittit. quare mirum non est, si & liberorum & agnatorum gradum Prætor ei anteponat: cum neq; liberorum neq; agnatorum nomen, nedum iura retineant.

SI NEQVE SVI HAEREDES.) Sequitur III. Prætor ad bonorum possessionem primò suos & emancipatos, post agnatos, dein cognatos admittit. l. 1. D. quis ord. in bon. poss. l. 1. D. si tab. test.

*Lege Iustiniani, extraneo in adoptionem datus nihil iuris, nec in familia naturali perdit, nec in adoptiua præter successionem ab intestato acquirit: a quo uero proauo datus, antiqua omnia adoptionis iura consequitur.*

*l. penult. C. de adopt.*

XIII. Sed ea omnia antiquitati quidem placuerunt: aliquam autem emendationem à nostra constitutione acceperunt, quam super ijs personis composuimus, quæ à patribus suis naturalibus in adoptionem alijs dantur. Inuenimus etenim nonnullos casus, in quibus filij & naturalium parentum successionem propter adoptionem amittebant: & adoptione facile per emancipationem soluta, ad neutrius patris successionem uocabantur. Hoc solito more corrigentes, constitutionem scripsimus, per quam definimus, quando parens naturalis filium suum adoptandum alij dederit, integra omnia iura ita seruari, atque si in patris naturalis potestate permansisset: nec penitus adoptio fuisset subsecuta, nisi in hoc tantummodo casu, ut possit ab intestato ad patris adoptiui uenire successionem. Testamento autem ab eo facto, neq; iure civili, neq; prætorio, ex hæreditate eius aliquid persequi potest, neq; contra tabulas bonorum possessione agnita, neq; inofficiosi querela instituta: cum nec necessitas patri adoptiuo imponatur, uel hæredem eum instituere, uel exheredatum eum facere, utpote nullo uinculo naturali copulatum, neq; si ex Sabiniano senatusconsulto ex tribus maribus fuerit adoptatus. Nam & in eiusmodi casu, neque quarta ei seruatur, neque ulla actio ad eius perfectionem ei competit. Nostra autem constitutione exceptus est is, quem parens naturalis adoptandum susceperit. Utroq; enim iure tam naturali, quam legitimo in hanc personam concurrente: pristina iura tali adoptioni seruauimus, quemadmodum si paterfamilias sese dederit



**A** sese dederit adrogandum. quæ specialiter & singulatim ex præfatæ constitutionis tenore possunt colligi.

QUANDO PARENS NATURALIS.) Enunciatio I. Extraneo in adoptionem datus, lege Iustiniani nihil iuris, uel in familia naturali amittit, uel in adoptiua præter intestati successionem adipiscitur. l. pen. C. de adopt. Quod libro primo magis idoneo, ut opinor, loco explicatum est.

TESTAMENTO AVTEM AB EO FACTO.) Sequitur II. Lege Iustiniani, adoptatus filius, nisi ab auctore materno adoptatus sit, & præteriri & exheredari potest: nec à Prætoribus adiuvatur. d. l. pen. §. sed ne articulum. ubi Imp. ait, se licetiam dare adoptatori extraneo, nihil ei filio ex testamento relinquere: sed quicquid ei reliquerit, hoc liberalitatis sit, non legitimo uinculo astrictum. Quod igitur Iustinianus hoc loco ait: NEQVE IVRE CIVILI, NEQVE PRÆTORIO, sic accipiendum est, ex ipsius Iustiniani constitutione.

EX S. C. SABINIANO EX TRIBVS MARIBVS ADOPTATVS.) Sequitur III. Ex Sabiniano S. C. qui è tribus maribus adoptatus erat, ei quartam bonorum arrogatoris partem relinqui oportebat. d. l. pen. §. quæ autem. Videtur autem locus hic Theophili sententiam confirmare, qui Sabiniani S. C. uim hanc fuisse tradit, ut qui unum è tribus filiis alterius adoptaret, ei non minus quam quadrantem hereditatis suæ relinquere cogeretur. At Fr. Commanus ex tribus maribus, contra Latine lingue consuetudinem sic interpretatur. Supra tres mares: quod mihi per absurdum uidetur. Quæret aliquis, quid ita non idem iuris constitutum est in eo, qui unicus patri cum esset, datus in adoptionem est. Respondeo primum, quia Senatûs non tam fauere patribus uoluit, qui cum unum duosue tantum filios haberent, quibus nihil est iucundius, eos ex sua familia quodammodo relegarent, quam ijs qui tribus aut pluribus onerati unum aliquem amico concedebant. deinde, propter ius trium liberorum, quod magnas patri naturali commoditates afferebat. Hoc igitur ius singulare fuit eorum qui tres liberos mares haberent. Alterum præterea Iustinianus commemorat in l. ult. C. de decurionib. ut si quem decurionem haberet, cumq; B senatui maximo, hoc est Romano, sociaret, (id est allegendum curaret) ei curiæ liberationem pareret.

NAM ET IN EIVSMODI CASV.) Sequitur IIII. Senatus consultum Sabinianum Iustiniani constitutione sublatum est. d. l. pen. §. quæ autem.

QUEMADMODVM SI PATERFA.) Sequitur V. Qui paterfam. sese arrogandum dedit, antiqua omnia adoptionis iura Iustiniani permissu consequitur. d. l. pen. §. ubi autem.

*Lege Iustiniani, ad intestatorum hereditates non minus qui ex muliebri, quam qui ex uirili sexu prognati sunt, sine ulla tertiæ quartæ uel deductione, diuisione in stirpes facta uocantur. l. ult. C. de suis & legitimis.*

XIIII. Item uetustas ex masculis progenitos plus diligens, solos nepotes uel neptes, qui quæ uel ex uirili sexu descendunt, ad suorum uocabant successionem, & iuri adgnatorum eos anteponebat: nepotes autem, qui ex filiabus nati sunt, & pronepotes ex neptibus, cognatorum loco numerans, post adgnatorum lineam eos uocabat, tam in aui uel proau materno, quam in auiæ uel proauæ, siue paternæ siue maternæ successionem. Diui autem Principes non passi sunt talem contra naturam iniuriam sine competentem emendatione relinquere: sed cum nepotis & pronepotis nomen commune sit utrisque, tam qui ex masculis, quam qui ex fœminis descendunt: ideo eundem gradum & ordinem successionis eis donauerunt. Sed ut amplius aliquid sit eis, qui non solum naturæ, sed etiam ueteris iuris suffragijs muniuntur: portionem nepotum, uel neptum, uel deinceps (de quibus supra diximus) paulo minuendam esse existimauerunt: ut minus tertia parte acciperent, quam mater eorum uel auiæ fuerat acceptura, uel pater eorum, uel auus paternus, siue maternus, quando fœmina mortua sit, cuius de hereditate agitur: ijsq; (licet soli sint) adeuntibus, adgnatos minimè uocabant. Et quemadmodum lex duodecim Tabularum filio mortuo nepotes uel neptes, pronepotes uel proneptes in locum patris sui ad successionem aui uocat: ita & principalis dispositio in locum matris suæ, uel auiæ, eos cum iam designata partis tertiæ deminutione uocat. Sed nos, cum adhuc dubitatio maneret inter adgnatos & memoratos nepotes, quartam partem substantiæ defuncti adgnatis sibi uindicantibus ex cuiusdam constitutionis auctoritate: memoratam quidem constitutionem à nostro Codice segregauimus, neque inferi eam ex Theodosiano codice in eo concessimus. Nostra autem constitutione promulgata, toti iuri eius derogatum est: & sanximus, talibus nepotibus ex filia, uel pronepotibus ex nepte, & deinceps, superstitibus, adgnatos nullam partem mortui successionis sibi uindicare: ne hi, qui ex transuersa linea ueniunt, potiores ijs habeantur, qui recto iure descendunt. Quam constitutionem nostram obtinere secundum sui uigorem & tempora, & nunc sancimus: ita tamen, ut quemadmodum inter filios, & nepotes ex filio antiquitas statuit, non in capita, sed in stirpes diuidi hereditatem: si inter filios, & nepotes ex filia, distributionem fieri iubeamus, uel inter omnes nepotes & neptes, & inter pronepotes & proneptes, & alias deinceps personas: ut utraq; progenies, matris uel patris, auiæ uel aui, portionem sine ulla deminutione consequatur: ut si fortè unus uel duo ex una parte, ex altera tres aut quatuor extent: unus aut duo dimidiam, alteri tres aut quatuor alteram dimidiam hereditatis habeant.

NEPOTES AVTEM QVI EX FILIABVS.) Enunciatio I. Olim soli ex uirili sexu nepotes neptes uel suorum



suorum in ordinem admitterentur: ex muliebri uero, in ordinem cognatorum. Dictum est enim superius, nepotes ex filio demortuo in eius locum gradumque succedere, & cum superstiti filio aui hereditatem parti. Ius hoc nepotibus ex filia iccirco non tribuebatur, primum quia gentes & familiae, quarum conseruandarum causa, multa iure ciuili instituta sunt, in feminarum persona intereunt: & ut ait Vlpianus in l. pronuntiatio. 195. in fi. D. de uerb. sign. mulier familiae suae & caput & finis est. deinde quia ius sui habere non poterant in ea familia, unde mater eorum demigrans in alteram ita familiam innupserat, ut eis simul cum anima suauitatem in hac noua familia traderet, ac proinde sui ius duabus in familijs habere non poterant.

**DIVI AVTEM PRINCIPES.)** Sequitur II. Imperatores ius suorum heredum ex femina prognatis ita tribuerunt, ut tamen triente minus quam illa consequerentur. l. si defunctus. 9. C. de suis & legit. quae ex Theodosiani codicis libro 5. descripta est. & l. m. 19. C. de collat. ueluti, Cicero filium & filiam habuit, ea duos liberos ex Furio marito suscepit. moritur, dein Cicero ipse intestatus decessit, iure ciuili, hi Furij duo cum auunculo Tullio, non succedebant. At Imperatores eis succedendi ius tribuerunt, non tamen aequaliter ut semissem scilicet hereditatis auferant. sed quia, plus aliquanto iuris illi Tullio qui gentem retinebat, quam illis deberi uidebatur, semissem horum quem ipsorum mater habitura erat, tres in partes diuiserunt, quarum tertia, hoc est sextantem illi Tullio, duas reliquas, id est, quatuor uncias his Furijs attribuerunt.

**TALEM CONTRA NATURAM INIURIAM FIERI.)** Sed uideamus ne non admodum contra naturam id sit, primum, quia suam habent isti nepotes familiam, in qua & suauitatis & agnationis iura consecuti sunt. Vt nulla plane uideatur eis iniuria fieri: si ius duabus in familijs regnandi eis denegetur, deinde, gentium & familiarum dignitati & propagationi consulere, si contra naturam est, quid de diuinis legibus respondebimus, quas tam accurate de ea causae ex Moisaicis legibus intelligi potest?

**CVM NEPOTIS ET PRONEPOTIS NOMEN.)** Non modò igitur haec tertia deductio tum fiebat, cum unus defuncti filius supererat, cum quo ex altera filia prognati succedere uolebant: sed etiam tum, cum omnes uel nepotes uel pronepotes erant, ueluti, Lælius ex filio filiaque demortui nepotes habens, intestato moritur, ad eius hereditatem omnes illi nepotes ita uocabantur, ut qui ex filia essent, tertia minus haberent, quam eorum mater habitura fuisset.

**EVNDEM GRADVM ET ORDINEM SVCCESIONIS.)** Vt ius sui non minus quam ex filio prognati consequerentur.

**VT AMPLIUS ALIQUID SIT EIS.)** Vt non aequaliter hereditate intestati partiantur, sed bessem gentiles auferant, alij tantum quadrantem.

**NON SOLVM NATURAE.)** At nunc magnam contra naturam iniuriam appellauit.

**VETERIS IURIS SVFFRAGIIS.)** Aut de maris hereditate ambigebatur, aut de feminae. Si de maris, iuuabantur suffragijs XII. Tabularum, quae prognatis ex filio, quia gentiles erant, solis hereditatem attribuebant, prognatos ex filia iccirco repellebant, quia gentis familiaque alterius erant. Sin de mulieris hereditate ageretur, iuuabantur quidem primi gradus liberi Orficiano S. consilio aduersus nepotes ex defuncto filio, nam illud S. C. solos primi gradus liberos admittere ad hereditatem, nepotes non admittere.

**QVAM MATER EORVM.)** Si ambigeretur de aui hereditate partienda inter filium superstitem, & demortuae filiae liberos, nam hi quadrantem, illi bessem aufererebant, propter suffragia legis XII. Tab. quae hos nepotes repellebat, solum filium admittere.

**VEL AVIA.)** Si ambigeretur de hereditate proauia diuidenda inter filium superstitem, nepotem uel ex eo, pronepotem uel ex eo, & pronepotem ex filia, neptem uel ex filio, propter eiusdem legis suffragationem & fauorem, quae hunc repellebat, illum solum admittere. Animaduertendum est igitur cum de aui proauiae hereditate agitur, semper inter posteros ex uirili sexu & posteros ex muliebri sexu ita diuidi hereditatem, ut illi bessem, hi quadrantem duntaxat auferant, siue pari, siue impari gradu sint.

**VEL PATER EORVM.)** Si hereditas auiae diuidenda sit, inter filium superstitem, & nepotem ex filio demortuo. Idque propter S. C. Orficianum, quo soli primi gradus liberi ad matris hereditatem admitterentur, nepotes excluderentur. Suffragium enim superstes ille filius habebat huius S. consilij, nepos ex demortuo non habebat, ex quo intelligi debet, si hereditas inter nepotes & neptes diuidenda esset, nequaquam istam tertiam deducendam esse: quia ueteris nullius iuris suffragijs alij magis alijs adiuantur, aequè enim omnes nepotes ab Orficiano S. C. repelluntur.

**VEL AVVS PATERNVS.)** Si hereditas proauiae diuidenda esset inter filium eius superstitem & pronepotem ex altero filio demortuo, qui iam auus paternus dicitur, nam cum S. C. Orficianum solum filium admittat, pronepotem hunc respiciat, nulla huic fiet iniuria, si ita admittatur, ut trientem eius partis, quam auus suus paternus habiturus fuisset, illi suo patruo magno concedat. Quid ergo si haec hereditas inter nepotem ex illo filio, & pronepotem ex altero filio, uel (ut Latine loquamur) inter Titium & propiorum sobrinorum diuidenda sit? eodem modo illa tertia deductio facienda est: Hoc à Iustiniano praetermissum esse ualde miror. Responderem autem equidem, ut superiore casu, nimirum non admitti: & causam hanc asserrem, quod aperte Iustinianus tradit hanc tertiae deductionem iccirco fieri, quia iuris ueteris suffragatio & fauor quidam id postulat, at hoc casu nullum antiquum ius est, quod nepotibus illis, id est, propioribus sobrinis suffragetur, nam siue Legè XII. spe. Etemus, liberos omnes à matrum hereditatibus excluderebat: sin Orficianum S. C. quia nepotes sunt, excluduntur. Quod eodem modo iudicandum est, si inter pronepotes ab utroque latere & pari gradu diuidenda esset hereditas.

**SIVE MATERNVS.)** Si proauiae diuidenda sit hereditas inter filium eius superstitem, & pronepotem natum ex nepte, nata ex filio demortuo: qui iam maternus auus nominatur.

**QVANDO FEMINA MORTVA SIT.)** Cuius hereditatem S. C. Orficianum primi gradus liberis solis attribuit: quae causa iusta iustitia est, ad tertiam nepotibus detrahendam, iustum inquam iustum est, & humanum, eos qui peccati excluduntur, sic admittere: ut tertiam ijs qui soli ante admitterentur, concederent. Verum haec ita Iustinianus tradit, ut qui S. C. Orficianum ignorant, enigmata eum loqui putent.

**IN LOCVM MATRIS SVAE, VEL AVIAE.)** Si de maris, id est, aui proauiae hereditate partienda quaeratur, quod si de feminae successione agatur, tum hoc amplius addendum erit, **IN LOCVM PATRIS BORVM, VEL AVI PATERNI, SIVE MATERNI.**







FRATRES PATRUELES, ID EST, QVI EX DVOBVS FRATRIBVS.) Sequitur V. A  
Qui duobus ex fratribus procreati sunt, patruales & consobrini appellantur. l. 1. §. quarto gradu. & l. ult. §. 4. gradu. D. de gradib. Id autem commodius infra sub tit. De gradibus explicari poterit.

QVI POST MORTEM PATRIS NASCUNTUR.) Sequitur VI. Iura consanguinitatis etiam qui post patris mortem nati sunt, nanciscuntur. l. 1. §. in fi. D. de suis & legit. ubi Vlpianus ait, eos qui nunquam in potestate fuerunt, fore consanguineos: ut puta qui post captiuitatem patris nascuntur, uel qui post mortem, cui subscribit Hermogenianus l. ult. D. unde legit.

NON TAMEN OMNIBVS SIMVL AGNATIS.) Sequitur VII. Non omnibus agnatis, sed qui propinquiore gradu sunt, intestati hereditas deferitur. l. 2. D. de suis & legit. quod tamen hoc loco inepte inculcatur, cum infra §. proximus, opportunius explicetur.

PER ADOPTIONEM QVOQVE AGNATIONIS IUS CONSISTIT.) Sequitur VIII. Ius agnationis etiam per adoptionem acquiritur. l. 2. §. 2. D. eod. ubi Vlp. ait, parui referre, agnatus hic natiuitate an adoptione sit quaesitus, nam qui adoptatur, isdē sit agnatus, quibus pater ipsius fuit: & legitimā eorum hereditatē habebit, uel ipse eius.

QVIN IMPROPRIE CONSANGVINEI APPELLENTVR.) Sequitur IX. Adoptatus naturalī filio improprie consanguineus appellatur. l. qui in adoptionem. 23. D. de adopt. ubi Paulus ait, adoptionem non ius sanguinis, sed ius agnationis afferre. Non enim si ius consanguinitatis adoptiuus acquirit, iccirco consanguinitatem acquirit: aliud est enim consanguinitas, aliud ius consanguinitatis. ut, aliud est, ius habere trium liberorum, aliud tres liberos. quod ex l. si is, qui. 44. D. de adopt. & l. 1. in fi. D. de suis & legit. aperte confirmatur. quare cum Vlp. in l. 2. §. si sit. 13. & Paulus l. si quis. 7. D. ad Trebell. consanguineos appellant, etiam per adoptionem quaesitos, abuti eos uocabulo, ut fieri consuevit, credendū est. Nonnullis tamen in libris uideo impressum, HI PROPRIE. quod (ut opinor) falsum est.

AGNATOS INTER TVOS ESSE NON DVBITATVR.) Sequitur X. Quem sibi agnatus meus, quocunque is gradu sit, adoptauit, mihi agnatus efficitur. l. 2. §. 2. D. de suis & legit. Sic autem corrigendum hūc locum esse, ubi antea legebatur AGNATVS inter suos heredes esse non dubitatur, iam pridem in obseruat. docuimus, nam uox HAEREDES ab antiquis omnibus abest codicibus: & Agnatos in accusandi casu in isdem legitur. TVOS igitur pro SVOS tantummodo reposuimus.

Iustiniani lege, intestatorum hereditates agnatis foeminis, æque ac maribus, exemplo xij.

Tab. deferuntur: cum antea solæ sorores, iure ciuili remotiores, Prætoris beneficio, cognatorum ordine succederent. l. pen. & ult. C. de legit. hered.

II. Cæterum inter masculos quidem agnationis iure hereditas, etiam si longissimo gradu sint, ultro citroq; capitur. Quod ad foeminas uerò attinet: ita placebat, ut ipsæ cōsanguinitatis iure tantum capiant hereditatem, si sorores sint: ulterius non capiant. masculi autem ad earum hereditates (etiam si longissimo gradu sint) admittantur. Qua de causa fratris tui aut patrui tui filia, uel amita tua hereditas ad te pertinebat: tua uerò ad illas non pertinebat. Quod ideo ita constitutum erat, quia commodius uidebatur ita iura constitui, ut plerunque hereditates ad masculos confluerent. Sed quia sanè iniquum erat, in uniuersum eas quasi extraneas repelli: Prætor eas ad bonorū possessionem admittit ea parte, qua proximitatis nomine bonorum possessionem pollicetur. ex qua parte ita scilicet admittuntur, si neque agnatus ullus, neq; proximior cognatus interueniat. Et hæc quidem lex duodecim Tabularum nullo modo introduxit: sed simplicitatem legibus amictam amplexa, simili modo omnes agnatos, siue masculos, siue foeminas, cuiuscunque gradus, ad similitudinem suorum inuicem ad successionem uocabat. Media autem iuris prudentia, quæ erat quidem lege duodecim Tabularum iunior, Imperiali autem dispositione anterior: subtilitate quadam excogitata, præfatam differentiam inducebat, & penitus eas à successione agnatorum repellabat, omni alia successione incognita: donec Prætores paulatim asperitatē iuris ciuilis corrigerent, siue quod deerat, adimplentes, humano proposito alium ordinem suis edictis addiderunt: & cognationis linea proximitatis nomine introducta, per bonorum possessionem eas adiuuabant, & pollicebantur his bonorum possessionem, quæ VNDE COGNATI appellatur. Nos uerò legem duodecim Tabularum sequentes, & eius uestigia in hac parte conseruantes: laudamus quidem Prætores suæ humanitatis, non tamen eos in plenum huic causæ mederi inuenimus. Quare etenim uno eodemq; gradu naturali concurrente, & agnationis titulis, tam in masculis, quam in foeminis æqua lance constitutis: masculis quidem dabatur ad successionem uenire omniū agnatorum, ex agnatis autem mulieribus nulli penitus, nisi soli sorori, ad agnatorum successionem patebat aditus: Ideo nos in plenum omnia reducentes, & ad ius duodecim Tabularum eandem dispositionem exæquant: nostra constitutione sancimus, omnes legitimas personas, id est, per uirilem sexum descendentes (siue masculini generis, siue foeminini sint) simili modo ad iura successionis legitimæ ab intestato uocari secundum sui gradus prærogatiuam: nec ideo excludendas, quia consanguinitatis iura, sicut germanæ, non habent.

ETIAM SI LONGISSIMO GRADU SINT.) Enunciatio I. Mares & ad marium, & ad foeminarum hereditatem, quamuis longissime disiuncti sint, ex intestato succedunt. l. pen. C. de legit. hered. ubi Iustinianus ita scribit: Cum enim



**A** Cum enim & ad ipsarum mulierum successionem masculi iure agnationis uocantur, quis patiatur earum quidem hereditatem ad eos legitimo iure deferri, ipsis uero nec inuicem sibi, nec masculis eodem iure posse succedere: sed propter hoc solum puniri, quod feminae natae sunt: & patris uitio (si hoc uitium est) prolem innocentem grauari?

**CONSANGVINITATIS IVRE TANTVM.)** Sequitur II. Lege Voconia, feminae ultra consanguinitatis gradum ad legitimam hereditatem non admittuntur, auctore Vlpiano capite Institutionum 26. & Paulo libr. 4. cap. 8. ubi sic scribit: Feminae ad hereditates legitimis ultra consanguineis successiones non admittuntur: idque iure civili, uel Voconia rogatione uidetur effectum. ubi tamen pro VEL, uidendum an legi potius deberet, ID EST. quod notarum errore facile accidere potuit. Sensus est autem, sororem fratri sororisc legitimam, ut ait Vlpianus, heredem esse: amitam uero fratris filio, non esse.

**COMMODIVS VIDEBATVR ITA IVRA CONSTITVI.)** Sequitur III. Olim iura commodius constitui uidebantur, si hereditates ad masculos plurimum peruenirent. primum, quia familiarum antiquitatem conseruabant: deinde, quia Rempub. domi & militiae administrabant.

**PRAETOR EAS AD BONORVM POSSESSIONEM ADMITTIT.)** Sequitur IIII. Praetor feminas secundo gradu remotiores ad bonorum successionem in ordinem proximorum admittit.

**SIMILI MODO OMNES AGNATOS.)** Sequitur V. Lex XII. Tab. feminis aequae ac maribus, quocumque gradu essent, agnatorum hereditatem deferrebat. l. pen. & ult. C. de legit. hered.

**MEDIA AVTEM IURISPRVDENTIA.)** Ita locutus est, cum Voconia dicere uellet, non enim Iuris prudentum consilij ac responsis id factum est: sed legibus quae Romae post XII. Tabulis latae sunt: Voconia scilicet, ut paulo ante diximus.

**PENITVS EAS A SVCCESIONE AGNATORVM EXPELLEBAT.)** Sequitur VI. Leges post XII. Tab. perlate feminas ab agnatorum hereditatibus prorsus excluderant. l. pen. & ult. C. de legit. hered.

**PRAETORES PAVLATIM ASPERITATEM.)** Sequitur VII. Praetores ad intestatorum hereditates feminas cognatorum in ordinem admittebant. quod iam superius dictum, hoc loco sine causa, ut mihi uidetur, ac temere inculcatur.

**QVARE ETENIM VNO BODEM QVE GRADV.)** Voconius respondisset, primum, quia gentibus & familijs interitum afferebant. ut l. pronuntiatio. De uerb. sig. Ita autem constituta Respub. erat, ut maxima gentium conseruandarum ratio haberetur, propter auspicia, & sacra, & quosdam magistratus: deinde, quia propter rei militaris causam, multo maior uirorum quam mulierum ratio habenda est. postremo etiam propter insolentiam mulierum locupletum.

**NOSTRA CONSTITVTIONE SANCIMVS.)** Sequitur VIII. Lege Iustiniani feminis agnatis idem iuris quod maribus exemplo legis XII. Tab. attributum est. l. pen. & ult. C. de legit. hered.

*Iustiniani lege, auunculi hereditas non minus uterinae consanguineaeque sororis, quam fratris liberis, diuisione in stirpes facta, defertur.*

**III. Hoc etiam addendum nostrae constitutioni existimauius, ut transferatur unus tantummodo gradus a iure cognationis in legitimam successionem: ut non solum fratris filius & filia (secundum quod iam definiuimus) ad successionem patris sui uocentur: sed etiam germanae consanguineae, uel sororis uterinae filius & filia soli, & non deinceps personae una cum his ad iura auunculi sui perueniant: & mortuo eo, qui patruus quidem est sui fratris filijs, auunculus autem sororis suae soboli, simili modo ab utroque latere succedant: tanquam si omnes ex masculis descendentes, legitimo iure ueniant, scilicet ubi frater & soror superstitibus non sunt. His etenim personis praecedentibus, & successionem admittentibus: caeteri gradus remanent penitus semoti, uidelicet hereditate non in stirpes, sed in capita diuidenda.**

**SED ETIAM GERMANAE CONSANGVINEAE.)** Enunciatio I. Sororis uterinae, consanguineae uel liberi, ad hereditatem auunculi una cum fratris liberis Iustiniani lege admittuntur: cum fratre uero sorore uel defuncti, non admittuntur. Lex autem ea Iustiniani, in ijs quibus utimur libris, desideratur.

**NON IN STIRPES, SED IN CAPITA.)** Sequitur II. Haec constitutio non in stirpes, sed in capita diuidi hereditatem iubet. Quod cuiusmodi sit, superius docuimus.

*Si paterfam. intestato moritur, qui proximus agnatorum gradus est: aut, si etiam unicus est, ad hereditatem admittitur. l. ij. D. de suis & legit.*

**IIII. Si plures sint gradus agnatorum, aperte lex XII. Tab. proximum uocat. Itaque si (uerbi gratia) sint defuncti frater, & alterius fratris filius, aut patruus, frater potior habetur. Et quamuis singulari numero usa lex proximum uocet: tamen dubium non est, quin si plures sint eiusdem gradus, omnes admittantur. Nam & proprie proximus ex pluribus gradibus intelligitur: & tamen non dubium est, quin licet unus sit gradus agnatorum, pertineat ad eos hereditas.**

**LEX XII. TAB. PROXIMVM VOCAT.)** Enunciatio I. E pluribus agnatorum gradibus proximus solus lege XII. Tab. admittitur. l. 2. §. 1. D. de suis & leg. ubi Vlp. ait, hanc hereditatem proximo agnato, id est, ei quem nemo antecedit, deferri: & si plures sint eiusdem gradus, omnibus.

**FRATER POTIOR HABETVR.)** Sequitur II. Vbi de agnatorum hereditatibus agitur, liberi in parentum locum non succedunt. l. 3. C. de legit. hered. Causae constitutio: Tres erant fratres. Primus relictis liberis decessit, post secundus



secundus intestatò moritur. de ipsius hereditate inter primi liberos & tertium superstitem ambigitur. **Intentio liberorum primi est:** Hereditas inter nos communis est: ut tu partem, nos item partem eius auferamus. D. Imò solida mea est. Q. Virum fratris tota propria sit, an etiam fratris liberorum communis. R. Quia lex proximo agnato intestati hereditatem desert. F. At altera lex successionem instituit: ut scilicet, cum aliquis è suis suis esse desijt, insequentes in eius locum succedant. nos igitur hac ex lege in parentis nostri gradum successimus. Disceptatio ex contrariè scriptis nata uidetur: uerius tamen ex scripti & non scripti iuris contentione fluxit, An eodem modo successio in agnatis, ut in suis admittenda sit. Respondetur ex d.l.3. C. de legit. hered. nequaquam: quia lex proximum gradum admittens, perspicue remotiorem excludit. Ex quo ipso facilis ad insequentem questionem uia nobis ostenditur: utrum scilicet in stirpes, an in capita propinquorum hereditates diuidenda sint. ueluti, Tres erant fratres. Primus superstitibus duobus liberis decessit, secundus autem quatuor. tertius intestatò moritur. Intentio quatuor istorum est: Hereditas patru in capita diuidenda est, ut suum quisque sextantem auferat. D. Imò in stirpes: ut nos duo semissem, nos quatuor alterum semissem auferatis. Q. Quomodo diuidenda sit. R. Quia non amplius habere debemus, quam habituri erant ij, per quos ad hereditatem peruenimus: hoc est, parentes nostri, qui hanc hereditatem in duos semisses partiti erant. F. At nos non ex ipsorum persona, & successionem in ipsorum gradum, sed ex iure nostro, nimirum quia agnati sumus, hanc hereditatem petimus. nos autem in parentum nostrorum locum non successisse, uel ex eo constat, quia, ut modò dicemus, si patruum aliquem superstitem haberemus, is nos omnes excluderet, solusq; hanc hereditatem sibi haberet. Disceptatio ex contrariè scriptis nata est: quorum alterum uetat successorem plus iuris habere, quam priorem: alteru agnatos suo proprio, non successionis iure ad hereditatem admittit. An agnati, qui per patrem ad hereditatem perueniunt, non successionis, sed suo proprio iure admittantur. Respondetur admittunturq; patris in locum successisse. quòd quam uerum sit, ex fratre apparet: qui tamen si fratri per patrem sit agnatus, ac proinde ad fratris hereditatem per patrem perueniat, suo tamen iure, nò quia patris in locum successit, hereditatem adipiscitur. Atq; hoc est, quod Vlpianus ait in l.2. de suis & legit. Hæc hereditas proximo agnato defertur: ut si plures sint eiusdem gradus, omnibus in capita scilicet. ut puta duos fratres habui, uel duos patruos. unus ex his unum filium, alius duos reliquit. hereditas mea in tres partes diuidetur, quod idem significatur in fin. l.1. D. si pars heredit. & aperte his uerbis ab eodem Vlpiano confirmatur cap. Institut. 26. Agnatorum hereditates diuiduntur in capita. ueluti si sit fratris filius, & alterius fratris duo pluresue liberi: quotquot sunt ab utraque parte personæ, tot sunt portiones, ut singuli singulas capiant.

**SI PLURES SINT EIVSDEM GRADVS.)** Sequitur III. Agnati qui eiusdem gradus sunt, omnes simul æquabiliter admittuntur. l.2. §.1. D. de suis & legit. ubi Vlpianus ait, Si plures sint eiusdem gradus, in capita diuidendam hereditatem, ut singuli singulas partes auferant.

**LICET VNVS SIT GRADVS AGNATORVM.)** Sequitur IIII. Lex quæ proximo gradui hereditatem attribuit, etiam cum unus gradus est, de eo intelligenda est. d.l.2. §.2. ubi Vlp. ait, non interesse, unus solus sit, an ex duobus prior, pluribusue, an duo pluresue ab eodem gradu uenientes, qui uel ceteros antecedant, uel soli sint. quia is est proximus, quem nemo antecedit: & is ultimus, quem nemo sequitur. & interdum idem primus, postremusq; qui solus occurrit. quod idem confirmat Vlpian. in l.1. §. proximus. D. unde cogn. Licinius l. proximi. 155. D. de uerb. sig. Pompon. l. in uulgari. 162. D. eo. ut.

Nullo testamento facto, proximus ex mortis tempore spectatur: facto uero  
tum demum, cum destitutum esse testamentum consti-  
terit. l. ij. D. de suis & legit.

**V. Proximus autem, siquidem nullo testamento facto quisquam decesserit, per hoc tempus requiritur, quo mortuus est is, cuius de hereditate queritur.** Quòd si facto testamento quisquæ decesserit, per hoc tempus requiritur, quo certum esse cœperit, nullum ex testamento heredem extitutum. tunc enim proprie quisq; intestatus decessisse intelligitur. Quod quidem aliquando longo tempore declaratur. In quo spacio temporis sæpe accidit, ut proximior mortuo, proximus esse incipiat, qui moriente testatore non erat proximus.

**SI QUIDEM NVLLO TESTAMENTO FACTO.)** Enunciatio I. Si testamentum factum nullum est, proximus intelligitur, qui morienti est proximus. l.2. §.4. & 5. D. de suis & legit.

**QVOD SI FACTO TESTAMENTO.)** Sequitur II. Si testamentum factum est, proximus accipitur, qui tum proximus est, cum ex testamento non futurum heredem constat. d.l.2. §.4. & 5. D. eo. ubi Vlpianus ait, Proximum non eum querimus, qui tunc fuit, cum moreretur paterfam. sed eum qui tunc fuit, cum intestatus decessisse certum est. secundum quæ, etsi suus erat qui præcedebat: uel consanguineus, si nemo eorum cum repudiatur hereditas, uiuit: proximum eum accipimus, qui tunc cum repudiatur hereditas, primus est. Itaq; ulteriorem agnatum interdum admittimus: ut puta fecit quis testamentum cum haberet patruum, & patru filium: deliberante herede scripto patruus decessit. mox heres institutus repudiavit hereditatem, patru filius admittitur. Causa constituit: Sempronius cum fratrem & patruum haberet, testamentum fecit: & Lelium heredem instituit, deliberante Lelio, frater moritur: mox Lelius repudiatur patruus hereditatem petit. Intentio: Hæc hereditas mea est. D. Non est. Q. An sit. R. Quia proximus dicitur is, qui primum mortis tempore gradum obtinebat. F. Imò proximus est is, qui cum intestatus dici aliquis potest, proximo inuenitur gradu. Prius enim intestatò decessisse aliquem oportet, quam quis sit proximus, queratur. D. Vtrum mortis tempore, an cum eum intestatò decessisse certum est, proximus dicatur. Controuersia ex uerbi Proximus ambiguitate nata est. Vlpianus autem respondet, cum demum dici proximum, qui testamenti destituit tempore, proximo inuenitur gradu.

**TVM ENIM PROPRIE QVISQVE.)** Sequitur III. Non ante intestatus aliquis decessisse intelligitur, quam cum destitutum esse testamentum constiterit. d.l.2. D. de suis & legit. Quod aut ait, TVM PROPRIE, de eo intelligendum est, qui testamentum fecit, qui non ante proprie dici potest intestatò decessisse, quam heredem non extitutum constiterit.



**A** constituitur. alioqui certum est, quod ait Vlp. in l. i. D. de suis & legit. intestatos proprie appellari, qui cum possent testamentum facere, testati non sunt, sed & cum qui testamentum fecit, si hereditas eius adita non est, uel ruptum uel irritum est testamentum, intestatum non improprie dici decessisse.

*Lege Iustiniani, in agnatorum hereditatibus successio permittitur: cum olim ad tutelam tantum ex lege XII. Tab. permitteretur à Prætoribus, ita ut ordine cognatorum accederent. l. ij. De suis & leg.*

**VI.** Placebat autem in eo genere, percipiendarum hereditatum successionem non esse: id est, ut quamuis proximus, qui secundum ea quæ diximus, uocatur ad hereditatem, aut spreuerit hereditatem, aut antequam adeat decesserit: nihilo magis legitimo iure sequentes admittantur. Quod iterum Prætores imperfecto iure corrigentes, non in totum sine adminiculo relinquebant: sed ex cognatorum ordine eos uocabant, utpote agnationis iure eis recluso. Sed nos nihil perfectissimo iuri deesse cupientes, nostra constitutione sancimus, quam de iure patronatus humanitate suggerente protulimus, successionem in agnatorum hereditatibus non esse eis denegandam: cum satis absurdum erat, quod cognatis à Prætoribus apertum est, hoc agnatis esse reclusum: maxime cum in onere quidem tutelarum & primo gradu deficiente, sequens succedit: & quod in onere obtinebat, non erat in lucro permissum.

**IN EO GENERE SVCCESIONEM NON ESSE.)** Enunciatio I. In agnatorum hereditatibus antiquo iure successio non admittitur. l. ij. D. de suis & legit. ubi Vlpian. ait: Si sunt consanguinei, & non adierint hereditatem, legitimis hereditas non deferretur. Et cap. Instit. 26. Quod si, inquit, nemo eorum adierit, ad insequentem gradum hereditas non transmittitur: quoniam in legitimis hereditatibus successio non est. Item Paulus lib. Sent. 4. In hereditate, inquit, legitima successioni, locus non est. & ideo fratre decedente, antequam adeat uel repudiet hereditatem, fratris filius admitti non potest: quia **OMISSA SVCCESIO PROXIMIORI DEFERTVR.** Vbi uidendum ne **EMISSA** potius legendum sit: ut sit sensus, ideo successio non admitti, quia semel emissæ, id est in medio posita hereditas, proximo gradui à lege offertur atque obicitur: insequenti uero nequaquam. Hoc uero ex causæ constitutione multo dilucidius constabit. Flavius cum fratrem & patruum haberet, intestato decessit: eius hereditatem iacentem atque in medio positam, sibi quædam lege oblatam frater aspernat. si scis eam quasi rem nullius occupat. Intentio patris: Hæc hereditas mea est. D. Imò mea. Q. Vtrius sit. R. Quia lex proximo agnato, eius soli, non etiam remotiori eam attribuit: tu uero proximus non es. F. Imò proximus agnatus, qui priore non adueniente proximus reperitur. Respondetur, nequaquam. Sed queritur: Ad quem igitur ea pertinebat hereditas? Caduca & uacans dicebatur, meo quædam iudicio stante Republica publicabatur, & à Quæstoribus in aerarium referebatur. oppressa uero Repub. redigi in fiscum cæpta est: ut constat ex l. i. D. de success. ed. Successionem autem hanc à **Lege XII. Tabularum** prohibitam Theophilus hoc loco perspicue confirmat, sed (ut opinor) nominatim aliquid ea de re lex cauit: uerum cum dixisset, Agnatus proximus familiam habeto, Iustinianus superius ostendit in §. 4. hanc successionem illo uerbo **PROXIMVS**, exclusam esse.

**EX COGNATORVM ORDINE EOS VOCABANT.)** Sequitur II. Prætor olim agnatorum successionem in cognatorum ordine admittere. l. i. D. de success. ed. Veluti, consanguineus antequam adiret, decessit: patris iure civili non admittitur, sed à fisco hereditas uindicatur. At Prætor eum ad bonorum possessionem inuitat, non quasi agnatum, (extincta enim legitima hereditas uidetur) sed quasi cognatum: quippe qui reuera cognatus sit. quinetiam fratrem tanquam agnatum repudiantem, quasi cognatum admittit: ut eodem loco Vlpianus testatur.

**NOSTRA CONSTITVTIO.)** Desideratur, in ijs quidem qui sunt impressi, codicibus. **SANCIMVS SVCCESIONEM IN AGNATORVM HAEREDITATIBVS.)** Sequitur III. **Lege Iustiniani** successio agnatis, non minus quam cognatis, conceditur. hoc est, ut remotiores agnati in locum non capiendum, iam non tanquam cognati succedant, quod iure Prætorio fiebat sed tanquam agnati. Hæc igitur inter Prætoris & Iustiniani beneficium differentia est, quod cum lex dilucide uetaret posteriores agnatos admitti, Prætor aduersari legi aperte non poterat. oblique igitur legis asperitatem leniebat: eosque non tanquam agnatos, sed ut cognatos admittere. Imperator uero legem pro imperio abrogauit, & aperte agnatorum successionem permisit.

**MAXIME CVM IN ONERE TVTELARVM.)** Sequitur IIII. In agnatorum tutelis suscipiendis antiquo iure succedebatur. l. 3. §. pen. D. de legit. tut. ubi Vlpianus ait, non tantum morte, uerum etiam capitis deminutione successionem in tutela legitima admittendam esse, quare si proximior capite deminutus est, qui post eum est, succedit in tutelæ administratione.

*Lege Iustiniani, pater ad emancipati filij hereditatem omnimodo uocatur: cum olim non nisi fiducia contracta ad eam admitteretur. l. ult. C. de emancip. lib.*

**VII.** Ad legitimam successionem nihilominus uocatur etiam parens, qui contracta fiducia filium uel filiam, nepotem uel neptem, ac deinceps emancipat. quod ex nostra constitutione omnimodo inducitur, ut emancipationes liberorum semper uideantur quasi contracta fiducia fieri: cum apud antiquos non aliter hoc obtinebat, nisi specialiter contracta fiducia parens manumississet.



QVI CONTRACTA FIDUCIA.) Enunciatio I. Olim pater ad emancipati filij hereditatem, si contracta fiducia fuisset, admittebatur. l. 2. C. ad Tertull. ubi Impp. auiunt: In successione filij uel filia communis, sine liberis & fratribus & sororibus morientis, pater manumissor, quia ei sit uetus ius seruatum, matri praefertur. Vnde intelligimus patrem manumissorem, heredem esse legitimum sui filij, uia tamen ut liberis, fratribus & sororibus postponatur: quoniam (ut Papinianus ait) non sic parentibus liberorum, ut liberis parentum debetur hereditas. parentes ad bona liberorum ratio miserationis admittit, liberos naturae simul & parentum commune uotum. l. scripto. 7. D. si tab. testament. Hoc idem etiam Modestinus docet in l. si ad patrem. 10. D. de suis & legit. ubi ait, ad patrem manumissorem filij intestati legitimam hereditatem pertinere, at non manumissori bonorum possessionem competere: quemadmodum Caius lib. Instit. primo testatur. Est autem fiducia, contractus quo fidem alterius secuti, rem ei aliquam simulandi tantum causa mancipamus. inde ducta appellatione, quod nulla alia re, quam fide ac probitate emptoris facti, eam uenditionem interponimus. unde fiduciarius emptor ille recte appellabitur: quem admodum haeres fiduciarius dicitur, cuius fidei suam hereditatem testator ad tempus tantum credit. Hoc cum ita sit, illud tam scire oportet, olim formulam emancipationis hanc fuisse, ut pater filium suum alicui dicis causa uenderet, ab eoq; numeros aliquot acciperet; ac tum emptor hominem illum sibi uenditum manumitteret. quod cum iterum ac tertio factum esset, eueniebat, ut ex lege Romuli filius & patris potestate exiret: is autem qui eum manumiserat, patronus eius efficeretur: ac proinde patronatus iure, ipsius intestati mortui, quasi liberti, haeres esset. Cautio igitur a Iurisconsultis inuenta est haec, ut post duas uenditiones, totidemq; manumissiones, pater ita iam tertio filium uenderet, ut sibi uicissim ab emptore reuenderetur: ac tum cum ipse manumitteret, ut eius intestato morientis haeres esset. quo demum casu contracta fiducia dicebatur, quia uicissim a patre accepta fuerat, quasi uliro citroq; facta. Contrahendi enim uerbum reciprocationem in se quandam habere, testis est Vlpianus in l. Labco. 19. D. de uerb. sign. Differunt igitur fiduciam contrahere, & fiduciam interponere. nam fiducia interponitur, cum semel tantum atq; ab uno accipitur. ueluti, inquit Boethius: Si quis tempus dubium timens, amico potentiori fundum maceperit: ut ei cum tempus suspectum praeterierit, reddat. uel cum pater ille filium suum emptori adumbrato uendit, confisus ab eo suum filium continuò manumissum iri: uel cum testator suam hereditatem alicui ad tempus credit, confisus illam ab eo alteri nominato restitutum iri. At contrahi fiducia dicitur, cum uicissim ac mutuo interponitur. ueluti cum post tertiam uenditionem adumbratus emptor, ita patri suum filium reuendit, ut eum pater continuò manumittat. ut l. 2. §. obijciunt. D. ad Tertullianum. nam si contrahere fiduciam nihil amplius esset, quam interponere: semper contrahenda fiducia emancipatio celebrata fuisset. nunc Iustinianus aperte testatur, emancipationes non contracta fiducia fieri posse: & si facta olim fuisset, patrem filio suo intestato successurum non fuisse. Nonnulli autem fiduciam interpretantur, legem reuendendi uenditioni adhibitam. a quibus iccirco dissentio: primum, quia fiducia non pactum, sed uerus principalisq; contractus est. deinde, quia ista ratione nunquam emancipatio non contracta fiducia facta fuisset.

SEMPER VIDEANTUR QVASI CONTRACTA.) Sequitur II. Iustiniani lege, pater ad emancipati filij hereditatem quamuis contracta fiducia non fuerit, admittitur. l. ult. C. de emanc. lib. ubi Iustinianus statuit, emancipationem sola testatione apud idoneum iudicem magistratumue recte fieri. & quamuis abrogata fiducia loco testandum patri uidebatur, se iura successionis legitimae retinere, id tamen necesse non esse: sed tacite integra illi ea iura referuari.

## DE SENATVSCONSULTO TERTVLLIANO.

TITVLVS XXVIII.

*Tertulliano S. C. mater ingenua, quamuis filiasam. ius trium liberorum habens, libertina quatuor, ad liberorum intestatorum hereditatem admittitur: uetere iure tum xij. Tab. tum praetorio, tum Claudij Caesaris sublato. l. 2. & p. §um. D. eod.*

I. L Ex duodecim Tabularum ita stricto iure utebatur, & praeponebat masculorum progeniem: & eos, qui per foeminini sexus necessitudinem sibi iunguntur, adeò expellebat, ut ne quidem inter matrem & filium filiamue ultro citroq; hereditatis capiendae ius daretur: nisi quòd Praetores ex proximitate cognatorum eas personas ad successionem, bonorum possessione VNDE COGNATI accommodata, uocabant. Sed haec iuris angustiae postea emendatae sunt. Et primus quidem diuus Claudius matri ad solatium liberorum amissorum, legitimam eorum detulit hereditatem. Postea autem senatusconsulto Tertulliano, quod diui Adriani temporibus factum est, plenissime de tristi successione matri, non etiam auiar deferenda cautum est: ut mater ingenua trium liberorum ius habens, libertina quatuor, ad bona filiorum filiarumue admittatur intestato mortuo rum, licet in potestate parentis sit: ut scilicet cum alieno iuri subiecta est, iussu eius adeat hereditatem, cuius iuri subiecta est.

INTER MATREM ET FILIUM, FILIAMVE.) Enunciatio I. Lege XII. Tab. neq; mater liberis, neq; liberi matri succedebant. nam quo iure inter se successissent, cum neq; suorum, neq; agnatorum numerum obtinerent: suos enim haeredes matrem non habere, patet ex l. nulla. 13. D. de suis & legit. Idq; Vlpianus cap. Instit. 26. l. 1. is confirmat uerbis: Ad liberos matris intestatae hereditas ex Lege XII. Tabularum non pertinebat: quia foemina suos haeredes non habent. Et paulo post, Intestati filij hereditas ad matrem ex Lege XII. Tab. non pertinet. Matri ergo agnati ipsius succedebant: aut si mater familias esset, hoc est, in manu iuri, suus illi haeres maritus erat: quemadmodum ex Gellio, Boethio, & Vlpiano alibi docuitur.



**A** mus. Filij autem agnati succedebant: qui quod gentis familiaeque uetustatem conseruabant, matri praeferebantur, quae facile in alteram familiam enubebat.

**PRABTORES EX PROXIMITATE COGNATORVM.)** Sequitur II. Praetorio iure matres et liberi inuicem ad bonorum possessionem ordine cognatorum admittebantur. l. 2. D. Vnde cogn. ubi Caius ait, praetorem naturali aequitate adductum fuisse, ut ijs quos sanguinis ratio ad hereditatem uocaret, licet iure civili destituerentur, bonorum possessionem concederet.

**PRIMVS QUIDEM DIVS CLAVDIVS.)** Sequitur III. Primus Claudius Caesar matri legitimam liberorum amissorum hereditatem attribuit. Amisos autem, opinor, Iustinianus significat eos qui in bello amissi sunt. Cuius tamen rei mentionem nusquam reperio. Nam quod Suetonius ius quatuor liberorum scribit a Claudio datum feminis quae com meatum iuuarent, nihil ad hunc locum pertinet.

**SENATVS CONSVLTO TERTVLLIANO.)** Sequitur IIII. S. C. Tertullianum matri ingenuae ius trium liberorum habenti, libertinae quatuor, quamuis in patris potestate sit, liberorum intestatorum hereditatem defert. l. 2. D. eod. ubi Vlp. ait, matrem siue ingenua sit, siue libertina, Tertullianum commodum habituram. Paulus autem lib. Senten. 4. rem sic explicat, Matres tam ingenuae, quam libertinae, ciues Romanae, ut ius liberorum consecuta uideantur, ter et quater peperisse sufficit, dummodo uiuos, et pleni temporis pariant. Libertina, ut ius liberorum consequi possit, quater eam peperisse, ut ingenuam sufficit. Item, ius liberorum mater habet, quae tres filios aut habet, aut habuit, aut neque habet neque habuit, habet, cui supersunt, habuit, quae amisit, neque habet, neque habuit, quae beneficio Principis ius liberorum consecuta est.

**NON ETIAM AVIAE.)** Sequitur V. Nepotis intestati bona auiae per S. C. Tertullianum non deferantur. d. l. 2. **IN POTESTATE PARENTIS.)** Sequitur VI. Nuptiae filiae a patris potestate illam non liberant. l. 5. C. de condit. insert. l. filiae licet. 12. C. de collat. Qua de re in libro De dotibus copiose differuimus.

**B**

Filio mortuo, sui filia uero, liberi praeferruntur matri. utrius mortuo, pater, (non etiam auus) item consanguineus, siue solus sit, siue cum eo soror, eidem praeferruntur: at consanguinea sola pariter cum matre succedit. l. ij. D. eodem.

II. Praeferruntur autem matri liberi defuncti, qui sui sunt, quiaue suorum loco sunt, siue primi gradus, siue ulterioris. Sed et filiae suae mortuae filius uel filia praepositur ex constitutionibus matri defunctae, id est, auiae suae. Pater uero utriusque, non etiam auus et proauus matri antepositur, scilicet cum inter eos solos de hereditate agitur. Frater autem consanguineus tam filij quam filiae excluderat matrem: soror autem consanguinea pariter cum matre admittebatur. Sed si fuerant frater et soror consanguinei, et mater liberis honorata, frater quidem matrem excluderat: communis autem erat hereditas ex aequis partibus, fratribus et sororibus.

**LIBERI DEFUNCTI, QUI SUI SUNT.)** Enunciatio I. Filio mortuo, qui sui, suorum uero loco sunt, praeferruntur matri. l. 2. §. liberi. D. eod. ubi Vlp. ait, Liberos defuncti, suos quidem matri eius obstaturos, siue uirilis, siue muliebris sint sexus: siue naturales, siue adoptiui, siue in potestate, siue emancipati, nam emancipatos Iustinianus significat, cum ait, suorum uero loco sint, ut superius explicatum est. Quid igitur de liberis in adoptionem datis existimandum est? qui neque sui, neque suorum loco sunt, sed D. Pius decreuit, cessare S. C. Tertullianum, et simul esse admittendus ad bonorum possessionem, unde proximis cognati, matrem et filiam quae in adoptionem data fuerat. d. l. 2. §. sed si quis.

**SED ET FILIAE SVAE MORTVAE.)** Sequitur II. Filia sua mortua eius liberi, matri ex constitutione iure praeferruntur. l. 4. C. de S. C. Orfic. ubi Impp. ita scribunt: Quoties de emancipati filij filiae uel successione tractatur, filijs ex his genitis deferatur intacta pro solidis successione: neque ulla defuncti defunctae uel patri matriue concedatur intestata successione hereditas. Item in l. si matre. 11. C. de suis et legit. ubi sic scribit: Si matre superstiti filius uel filia, qui quae uel moritur, filios dereliquerit, omnimodo patri suo matriue suae ipso iure succedant, quod sine dubio et de pronepotibus obseruandum esse censuimus. Dixit autem SVAE, ut sui iuris, suaeque potestatis eam esse demonstraret, ut apud Persium:

Vindicta postquam meus a Praetore recessi.

Et apud Ciceronem lib. de Repub. 3. Est enim genus iniustae seruitutis: cum ij sunt alterius qui sui possunt esse. Nam superius Imperator de nepotibus natis ex filio filiae familiae locutus erat, nunc illud eo amplius adiecit, ut intelligatur, auiam excludi non tantum a nepotibus qui ex filia sunt, nati sunt, uerum etiam ab ijs quos mater familiae procreauit.

**PATER VERO VTRIVSQVE.)** Sequitur III. Siue filius siue filia decesserit, pater, non etiam auus proauusque, matri antefertur. l. 2. §. obijcitur. D. eod. ubi Vlpianus ait: Obijcitur matri pater in utroque, bonis, tam filij quam filiae, siue haeres, siue bonorum possessor existat, sed neque auus, neque proauus matri obijciunt, quamuis fiduciam contraxerint: pater autem tantum naturalis, non etiam adoptiuus matri nocet, uerius est enim, cum pater esse desierit, a matre eum excludi, quod ipsum Modestinus confirmat in l. si ad patrem. 10. D. de suis et legit. Zonaras autem lib. 11. Antonini Pij institutum istud esse scribit: τὸ τοῦ πατρὸς ἐκδοῦν τὴν κληρονομίαν τῇ μητρὶ, καὶ τὸ τοῦ μητρὸς ἐκδοῦν τὴν κληρονομίαν τῷ πατρὶ. Id est, Huius fertur institutum esse, ut liberorum intestato morientium parentes haeredes existerent: item, ut qui, cum liberos non haberent, testamentum faceret, legitimam partem suis parentibus relinquerent.

**FRATER CONSANGVINEVS TAM FILII, QUAM FILIAE.)** Sequitur IIII. Consanguineus siue solus sit, siue soror cum eo, defuncti matrem excludit. l. si quis. 7. D. eod. ubi Paulus ait: Si quis intestatus decesserit relicta matre, et fratre consanguineo uel sorore, quamuis per arrogationem quaesitis: eadem iura in persona matris seruauit, quae et naturalibus extantibus liberis.



**SOROR AVTEM CONSANGVINEA.)** Sequitur V. *Consanguinea sola matrem non excludit, sed pariter una cum matre succedit. l. 2. §. si sit consanguinea. D. cod. ubi Vlpia. ait: Si sit consanguinea soror defuncti, sit & mater: si consanguinea uelit habere hereditatem, matrem ex S. C. una cum ea uenire placet. & l. in successione. 9. C. de legit. hered. ubi imp. scribit, In successione intestata sororem, quam auam uel auum maternum, habere potiorum non ambigitur.*

*Lege Iustiniani, legitima liberorum hereditas, eaq; solida, matri cuius conceditur. ita tamen ut si sorores aliqua sint, semissem auferant: sin fratres, aut soli, aut cum sororibus, tum in capita diuidatur hereditas. l. ij. C. de iur. lib. l. ult. C. ad Terryll.*

**III.** Sed nos cōstitutione, quā in Codice nostro nomine decorato posuimus, matri subueniendum esse existimauimus, respicientes ad naturam, & puerperium & periculum, & sæpe mortē ex hoc casu matribus illatam. Ideoq; impium esse credidimus, casum fortuitum in eius admitti detrimentum. si enim ingenua ter, uel libertina quater nō peperit: immerito defraudabatur successione suorum liberorum. quid enim peccauit, si non plures, sed paucos peperit? Et dedimus ius legitimum plenum matribus, siue ingenuis, siue libertinis, & si non ter enixæ fuerint uel quater, sed eum tantum uel eam, qui quæuē morte intercepti sunt, ut & sic uocentur ad liberorum suorum legitimam successione. Sed cū antea constitutiones iura legitimæ successione perferentes, partim matrem adiuuabant, partim eam prægrauabant, nec in solidum eam uocabant, sed in quibusdam casibus tertiam ei partem abstrahentes, certis legitimis dabant personis, in alijs autem contrarium faciebant: nobis uisum est recta & simplici uia matrem omnibus personis legitimis anteponi, & sine ulla deminutione filiorum suorum successione accipere: excepta fratris & sororis persona, siue consanguinei sint, siue sola cognationis iura habentes: ut quemadmodum eam toti alij ordini legitimo præposuimus, ita omnes fratres & sorores, siue legitimi sint, siue nō, ad capiendas hereditates simul uocemus: ita tamen, ut si quidem solæ sorores agnatæ uel cognatæ, & mater defuncti uel defunctæ supersint: dimidiam quidem mater, alteram uero dimidiam partem omnes sorores habeant. Si uero matre superstitē & fratre uel fratribus solis, uel etiam cum sororibus, siue legitima, siue sola cognationis iura habentibus, intestatus quis uel intestata moriatur, in capita distribuatur eius hereditas.

**QVID ENIM PECCAVIT.)** Tertullianum causam eandem, quam Poppæa lex habuit: nimirū ut ciues Rom. hoc priuilegio ad liberorum educationem inuitarentur. multi enim uel uxores non ducebant, uel quod natum erat, tolli iubeant. non modò igitur patribus, sed etiam matribus ius liberorum datum est: ut hoc præmio proposito, in studio liberorū educationum, etiam contra uirorum uoluntatem, continerentur. At Iustinianus cuius mulieri, etiam quæ unius tantum mater esset, idem priuilegium propter partus pericula & dolorem concessit. quod cū ita sit, argumentari licebit: Si unius matri propter semel toleratos cruciatus aliquid concedendum est, quanto magis ei quæ sæpius eos pertulit? Non fortunam igitur Senatus, sed ciuitatis propagationem, liberorumq; educationem spectauit.

**DEDIMVS IVS LEGITIMVM PLENVM MATRIBVS.)** Enunciatio I. Iustinianus legitimā liberorum hereditatem matribus siue ingenuis, siue libertinis, siue unum siue plures liberos peperissent, attribuit. l. 2. C. de iur. lib. & l. ult. C. hoc tit. Prima igitur inter legem Iustiniani & Senatusconsultum differentia est hæc: quod Senatus in ingenuis tres liberos, in libertinis quatuor exquirebat: Imperator autem cuius matri sine ullo generis liberorumue discrimine, succedendi ius concessit.

**ANTEA CONSTITVTIONES LEGITIMAE SVCCESIONIS.)** Sequitur II. Olim constitutiones matri intestatis liberis succedenti trientem auferabant, eumq; agnatis attribuebant. Nimirum in solatium legitimæ successione, quam lex duodecim Tabularum eis assignarat, Tertullianum autem ademerat. Hæc autem constitutiones relatas uidemus in Codice Theodosiani lib. 5. sub tit. de legit. heredib. l. 1. 2. & penult. ex quibus, quæ ad hunc locum pertinebunt, cuius expromere licebit.

**OMNIBVS PERSONIS LEGITIMIS ANTEPONI.)** Sequitur III. Iustiniani lege, ius agnatorum, quo partem hereditatis matri quibusdam casibus detrahebant, ademptum est. l. ult. C. de iur. lib. ubi Iustinianus ait, illā iniuriam quæ contra matrem defuncti uel defunctæ præteritis fiebat temporibus, propter iustitiæ rationem abrogari.

**EXCEPTA FRATRIS ET SORORIS PERSONA.)** Sequitur IIII. Iustinianus fratres sororesq; omnes agnatis omnibus anteposuit. l. ult. C. hoc tit. Atque hæc secunda inter S. consultum & Iustiniani legem differentia est. nam Senatus consanguineos & consanguineas tantum: Imperator etiam uterinos agnatis omnibus anteposuit. Senatus autem causam hanc habebat, quod illi gentiles & agnati erant, familiaq; uetustatem conseruabant.

**SI QVIDEM SOLÆ SORORES AGNATÆ.)** Sequitur V. Si solæ sint sorores, matri semissem auferunt: sin fratres aut soli, aut cum sororibus, in capita diuiditur hereditas. d. l. ult. C. cod. Quæ ex re tertia inter Senatusconsultum & Iustiniani legem differentia patet. nam Senatus fratres, siue soli, siue cum sororibus essent, matri omnino præferrebat: si soli essent, assem totum obtinebant: sin cum sororibus, in capita cum ijs, exclusa matre, hereditatem diuidebant. At Imperator matrem in partem, siue soli fratres, siue cum sororibus essent, uocauit: ut inter omnes adhibita & concurrente matre in capita diuidatur hereditas, totq; partes fiant, quot succedentium personæ reperientur.



A

*Mater quæ liberis tutores non postulat, ab eorum impuberum hereditate excluditur: Tertullianum autem etiam in matre, quæ uulgo concepit, ualet. l. ij. §. xv. D. de suis & legit.*

III. Sed quemadmodum nos matribus prospeximus, ita eos oportet suæ soboli consulere: sci-  
turis eis, quod si tutores liberis non petierint, uel in locum remoti, uel excusati intra annum petere  
neglexerint: ab eorum impuberum morientium successione merito repellentur. Licet autem uulgo  
quæsitus sit filius, filiaue: potest tamen ad bona eius mater ex Tertulliano senatusconsulto admitti.

SI TUTORES LIBERIS NON PETIERINT.) Enuncatio I. Quæ suis liberis intra annum tutores non  
postulat, ab eorum impuberum hereditate excludit. l. 2. §. si mater. D. eod. ubi Vlp. ait: Si mater non petierit tutores idoneos filijs  
suis, uel prioribus excusatis, reiectis uel non confestim aliorum nomina ediderit, ius non habere uindicandorum sibi bonorum  
intestatorum filiorum. Et multa in hanc sententiam, quæ tamen Constantini lege ita temperata sunt, ut si puer ille, cui tutorem  
mater non petijt, postea pubes factus decedat, mater ab eius hereditate non arceatur. l. 3. C. hoc tit.

LICET VULGO QVÆSITVS SIT.) Sequitur II. Hoc Senatusconsultum etiam in matre quæ uulgo  
concepit, locum obtinet. l. 2. in princip. D. eod. Vbi Vlpianus ait nihil interesse, utrum iuste procreati, an uulgo quæsi liberi  
fuerint. & paulo post, si mulier sit famosa, eam ad legitimam liberorum hereditatem admitti: cuius rei rationem idem expo-  
nit in l. si spurius. 4. D. unde cog. nimirum quia mater uocatur, ut cognata, cognatio autem ex sola matre contrahitur: cum &  
consanguinitatis & agnationis iura ex patre solo oriuntur.

B

## DE SENATVSCONSVLTO ORFICIANO.

### TITVLVS XXIX.

*Liberi quamuis in potestate sint, ex Orficiano S. C. matri intestatæ succedunt:  
nepotes uerò, ex Imp. constitutionibus. l. i. D. Und. cog.*

I. **P**ER contrarium autem fit, ut liberi ad bona matrum intestatarum admittantur ex senatuscon-  
sulto Orficiano, quod Orficio & Rufo consulibus effectum est, diui Marci temporibus: & data  
est tam filio quam filia, legitima hereditas, etiam si alieno iuri subiecti sint: & præferuntur consan-  
guineis & agnatis defunctæ matris. Sed cum ex hoc senatusconsulto nepotes & neptes ad auiæ suc-  
cessionem legitimo iure non uocarentur: postea hoc constitutionibus principalibus emendatum  
est, ut ad similitudinem filiorum filiarumque & nepotes & neptes uocentur.

AD BONA MATRVM INTESTATARVM.) Enuncatio I. Ex Orficiano S. C. filius & filia, quamuis  
patris in potestate sint, ad bona matris intestatæ ante consanguineos uocantur. l. 1. & pen. D. eod. ubi Caius scribit, diu Mar-  
ci oratione cautum esse, ut matris intestatæ hereditas ad liberos, tametsi in aliena potestate erunt, pertineat. Vlpianus autem  
in l. prima, nihil interesse ait, utrum ingenua, an libertina mater sit.

ORFICIO ET RVFO COSS.) Imperantibus M. Aurelio & Cōmodo: quorum in imperio notantur hi Con-  
sules, anno ab V. C. CCIO. XXX. Velius Rufus, Cornelius Scipio Orfitus. Caius autem in d. l. pen. scribit, oratione Marci  
Imperatoris id factum esse. moris enim fuit illis temporibus, ut ex Imperatorum orationibus in curia uel recitatis, uel pronun-  
ciatis, quasi in eorum sententiam senatusconsulta fierent.

VT AD SIMILITVDINEM FILIORVM.) Sequitur II. Ex Imp. constitutionibus nepotes & ne-  
ptes ad auiæ intestatæ successionem admittuntur. l. si defunctus. 4. De legit. heredib. in Cod. Theodos. ubi sancitur, ut nepotes  
quidem auiæ tam paternæ quam maternæ intestatæ succedant, ita tamen, ut si agnati extant, qui præferri nepotibus possint, in  
quandam Falcidiam & dodrantem nepotes iure succedant. Quod eodem modo ualere iubent, si auiæ nepotes præterierit, aut  
exheredarit, & nepotes inofficiosi iudicio eius testamentum resciderint. Huius autem trientis detractionem sustulit postea  
Iustinianus, Nouella const. 17. & 118.

*Hoc Senatusconsultum etiam ad emancipatos uulgo, quæ-  
sitos liberos pertinet. l. j. D. eod.*

II. Sciendum autem est, huiusmodi successiones quæ ex Tertulliano & Orficiano deferun-  
tur, capitis deminutione non perimi: propter illam regulam, qua nouæ hereditates legitimæ capi-  
tis deminutione non pereunt, sed illæ solæ quæ ex lege duodecim Tabularum deferuntur. Nouis-  
simè sciendum est, etiam illos liberos qui uulgo quæsi sunt, ad matris hereditatem ex hoc Sena-  
tusconsulto admitti.

HVIYSMODI SVCCESIONES.) Enunciatio I. Nec Tertulliani, nec Orficiani S. C. successiones, per emā-  
cipationem amittuntur. l. 1. §. capitis. D. hoc tit. ubi Vlpianus ait, Capitis minutionem saluo statu contingentem liberis, ad legiti-  
mam hereditatem nihil nocere. proinde, siue quis ante delatam, siue post delatam capite minuatur, ad legitimam hereditatem  
admittitur: nisi magna capitis deminutio interueniat: uel quæ ciuitatem adimit, ut puta si deportetur. sic enim locum illum  
restituendum arbitror.

PROPTER ILLAM REGVLAM, QVA NOVAE.) Sequitur II. Emancipatio non nouarum legum,

u 3

sed XII.



sed XII. tantum Tabularum hereditates exunguit. l. 1. §. capitis. D. hoc tit. ubi Vlpianus ait, capitis minutionem minimam huius S. C. successioni nihil obesse. Veterem enim solam hereditatem, quae lege duodecim Tab. deferretur, capitis minutione perimimus uel ex lege, uel ex senatusconsultis delatis, non perimi. In quam sententiam Paulus l. tutelae. 7. D. de cap. minut. Sed legitimae, inquit, tutelae ex duodecim Tabulis interuertuntur eadem ratione, quae hereditates exinde legitimae: quia agnatis deferuntur, qui desinunt esse familia mutati. ex nouis autem legibus hereditates et tutelae plerumque sic deferuntur, ut personae naturaliter designantur. ut ecce, deserunt hereditatem senatusconsultum matri et filio. His subscribit Pomponius in l. capitis. 11. D. de suis et legit.

ETIAM ILLOS QUI VVLGO QVAESITI SVNT.) Sequitur III. Hoc S. C. etiam ad uulgo quæsitos liberos pertinet. l. 1. §. 2. D. hoc tit. ubi Vlpian. ait, etiam uulgo quæsitos liberos ad matris legitimam hereditatem admitti. Spurius tamen matri, quae illustris sit, non succedere, si modo extitit ex iustis nuptijs procreati, imp. scribit in l. pen. C. de S. C. Orficiano.

*Destituto à quibusdam testamento, pars eorum reliquis accrescit. l. ix. D. de suis et legit.*

III. Si ex pluribus legitimis heredibus quidam omiserint hereditatem, uel mortem, uel alia causa impediti fuerint, quo minus adeant: reliquis, qui adierint, accrescit illorum portio: & licet ante decesserint, quam accresceret, ad heredes tamen eorum pertinet.

RELIQVIS QUI ADIERINT, ACCRESCIT.) Enunciatio I. Pars eorum qui non adierunt, ceteris liberis accrescit. l. 1. §. si nemo. D. hoc tit. ubi Vlpian. ait, si ex duobus filiis extantibus alter adierit, alter matris hereditatem recipit, illi huius portionem accrescere.

LICET ANTE DECESSERINT.) Sequitur II. Pars eorum qui ante accretionem quæsitam decesserunt, ad eorum heredes transmittitur. l. si ex pluribus. 9. D. de suis et legit. unde sumptus hic locus est: intelligitur, ius accrescendi ad heredes transmitti, quod etiam traditur in l. 3. 4. et 5. D. de bon. poss. et l. hac scriptura. 26. §. 1. D. de cond. et demost. et l. 1. §. his ita. C. de ead. tollend.

## DE SVCCESIONE COGNATORVM.

### TITVLVS XXX.

*Post suos et agnatos, qui uel ius eorum obtinent, à Prætorè agnati emancipati admittuntur: ab Anastasio uero, emancipati fratres et sorores reliquis agnatis omnibus anteponuntur. l. 1. D. und. cog. l. ult. C. de legit. hered.*

I. Post suos heredes, eosque, quos inter suos heredes Prætor & Constitutiones uocant, & post legitimos (quorum numero sunt agnati, & hi, quos in locum agnatorum tam supradicta senatusconsulta, quam nostra erexit constitutio) proximos cognatos Prætor uocat, qua parte naturalis cognatio spectatur. nam agnati capite deminuti, quique ex his progeniti sunt, ex Lege duodecim tabularum inter legitimos non habentur, sed à Prætorè tertio ordine uocantur: exceptis solis tantummodo fratre & sorore emancipatis, non etiam liberis eorum, quos lex Anastasiana cum fratribus integri iuris constitutis, uocat quidem ad legitimam fratris hereditatem, siue sororis: non æquis tamen partibus, sed cum aliqua deminutione, quam facile est ex ipsius constitutionis uerbis colligere. Alijs uero agnatis inferioris gradus, licet capitis deminutione passi non sunt, tamen anteposit eos, & proculdubio cognatis.

QVO NUMERO SVNT AGNATI.) Enunciatio I. Legitimorum numero non modo agnati sunt, sed etiam quibus idem ius S. consulta, Iustiniani quoque leges attribuunt. l. 2. et 3. D. und. leg. ubi Vlpianus ait, Bonorum possessionem unde legitimi, ad eos omnes pertinere, qui heredes esse potuerunt, siue lex XII. Tabul. eos heredes faciat, siue alia lex, Senatus uel consultum. denique matrem quae ex Tertulliano uenit, item qui ex Orficiano ad legitimam hereditatem admittitur, ea possessione uti posse. In eodem etiam numero ex sorore geniti habebuntur, quibus Iustinianus idem ius concessit. §. hoc etiam. De legit. agn. success.

QVA PARTE NATVRALIS COGNATIO SPECTATVR.) Sequitur II. Post suos et legitimos, Prætor eos qui per emancipationem agnati esse desierunt, admittit. l. legitimi. 5. D. und. cog. ubi Pomponius ait, Legitimis capite minutis non dari bonorum possessionem iure heredis legitimi, sed gradu cognatorum à Prætorè uocari. item in l. 1. D. unde legit. ubi Vlp. scribit, Legitimum heredem si capite deminutus est, à bonorum possessione, unde legitimi summoneri: quoniam, ut Cicero in Topicis demonstrat, Qui capite deminuti sunt, gentiles esse desierunt.

EX LEGE XII. TAB. INTER LEGITIMOS NON HABENTVR.) Sequitur III. Lex emancipatos, ex hisque gentios agnatorum in numero non habet. l. legitimi. 5. D. und. cog. et l. capitis. 2. D. de suis et legit. ubi Pomponius ait, capitis deminutione, perire legitimas hereditates, quae ex lege XII. Tabularum ueniunt, siue uiuo aliquo siue antequam adeatur hereditas eius, capitis minutio intercessit: quoniam desinit suis heres, uel agnatus recte dici. cui Paulus subscribit in l. tutelae. 7. D. de cap. minut. et Iulianus l. 1. D. und. legit.

QVOS LEX ANASTASIANA CVM FRATRIBVS.) Sequitur IIII. Anastasius emancipatum fratrem



**A** fratrem aut sororem unā cum integris ita uocat, ut integri singuli duplo plus quam emancipati accipiant. l. 4. C. de legit. tut. la. & l. ult. C. de legit. hered.

ALIIS VERO AGNATIS INFERIORIS GRADVS.) Sequitur V. Anastasius emancipatum fratrem aut sororem omnibus inferioris gradus agnatis cognatisq; anteposit. l. 4. C. de legit. tut. & l. ult. C. de legit. hered.

*Per fœminam cognati post suos & legitimos, à Prætore admittuntur, eoq; in numero liberi ex adoptiua familia ad naturalis patris hæreditatem uocantur. l. j. D. und. cogn.*

**II.** Hôs etiam, qui per fœminini sexus personas ex transuerso cognatione iunguntur, tertio gradu, proximitatis nomine Prætore ad succensionem uocat. Liberi quoque, qui in adoptiua familia sunt, ad naturalium parentum hæreditatem hoc eodem gradu uocantur.

TERTIO GRADU PROXIMITATIS NOMINE.) Enunciatio I. Qui per muliebrem sexum cognati sunt, tertio gradu à Prætore admittuntur. l. 1. & 2. D. und. cogn. ubi Vlpian. & Caius scribunt, Prætorem naturali ratione adductum, omnibus cognatis promittere bonorum possessionem, qui iure ciuili ad succensionem admitti non poterant. cognatos autem dici, quasi ex una muliere natos, quippe qui ex ea commune nascendi initium habuerint. Sic enim locum illum legendum arbitror, ut VNA legatur, in genere fœmineo.

QVI IN ADOPTIVA FAMILIA SVNT.) Sequitur II. Adoptiui liberi ad naturalium parentum hæreditatem cognatorum ordine admittuntur. l. 1. §. 3. D. und. cogn. ubi Vlpianus scribit, eum qui in adoptionem datus est, in familia naturalis patris, iura cognationis naturalis retinere.

**B**

*Vulgò quæsi neque consanguineorum, neque agnatorum, sed cognatorum ordine ad bonorum possessionem admittuntur. l. iij. und. cogn.*

**III.** Vulgò quæsitos, nullos habere agnatos, manifestum est: cum agnatio à patre sit, cognatio à matre. hi autem nullum patrem habere intelliguntur. Eadem ratione ne inter se quidem possunt uideri consanguinei esse: quia consanguinitatis ius, species est agnationis. Tantum ergo cognati sunt sibi, sicut ex matre cognati sunt. Itaq; omnibus istis ex ea parte competit bonorum possessio, qua proximitatis nomine cognati uocantur.

NULLOS HABERE AGNATOS.) Enunciatio I. Vulgò quæsi agnatos non habent. l. 4. D. und. cogn.

CUM AGNATIO A PATRE SIT.) Sequitur II. Agnatio ex patre, cognatio ex matre acquiritur. d. l. 4. D. und. cogn.

NVLLVM PATREM HABERE.) Sequitur III. Vulgò quæsi nullum habere patrem intelliguntur. l. uulgo quæsi. 23. D. de stat. hom.

CONSANGVINEI ESSE.) Sequitur IIII. Vulgò quæsi, non consanguinei, sed cognati tum inter se, tum matris dicuntur esse. d. l. 4. D. und. cogn. & l. 2. ubi Caius ait, uulgò quæsitos liberos, matris: & matrem talium liberorum, item ipsos fratres inter se ex hac parte bonorum possessionem posse petere, quia sunt inuicem sibi cognati; adeo ut prægnas quoq; si manumissa pepererit, & is qui natus est, matri, & mater ipsi, & inter se quoque qui nascuntur, cognati sint.

CONSANGVINITATIS IVS SPECIES EST AGNATIONIS.) Sequitur V. Consanguinitatis ius, agnationis est species, qua de re superius initio capitis De legit. agn. success. quantum res fuit, explicatum est.

**C** OMNIBVS ISTIS EX EA PARTE.) Sequitur VI. Vulgò quæsitis, eorumq; matribus, Prætore cognatorum ordine, bonorum possessionem defert. d. l. 2. D. und. cognati.

*Agnati etiam ex decimo, cognati ex septimo tantum gradu ad bonorum possessionem admittuntur. l. ix. unde cogn.*

**IIII.** Hoc loco & illud necessariò admonendi sumus, agnationis quidem iure admitti aliquem ad hæreditatem, & si decimo gradu sit, siue de lege duodecim Tabularum quæramus, siue de edicto, quo Prætore legitimis hæredibus daturum se bonorum possessionem pollicetur. Proximitatis uerò nomine ijs solis Prætore promittit bonorum possessionem, qui usque ad sextum gradum cognationis sunt, & ex septimo, sobrino sobrinaq; nato natæue.

ETSI DECIMO GRADU SIT.) Enunciatio I. Agnationis iure, etiam qui decimo gradu est, tum à lege, tum à Prætore admittitur. l. pen. D. und. cogn.

VSQVE AD SEXTVM GRADVM.) Sequitur II. Cognatis Prætore, non nisi qui sexto gradu sunt, & præterea sobrino sobrina uenatis possessionem defert. l. 1. §. 2. & l. pen. D. und. cogn. ubi Vlpianus ait, Bonorum possessionem unde cognati cognatorum gradus sex completi, & ex septimo duas personas, sobrino & sobrina natam & natam. Huius autem differentie rationem excogitare difficile est, tamen si agnatos, qui familie nomen conseruant, digniores esse cognatis nemo non uidet.



*Ordo supra Titij caput directus, parentes eius continet: sub eodem subiectus, liberos: à lateribus agnatos cognatosq; complectitur. l. i. D. eod.*

**I. Hoc loco necessarium est exponere, quemadmodum gradus cognationis numerentur. Quia in re in primis admonendi sumus cognationē aliam infrā numerari, aliam ex trāsuerso, quæ etiam à latere dicitur. Superior cognatio est parentum, inferior liberorum, ex transuerso fratrum sororumue, & eorum, qui quæue ex his generantur: & conuenienter patrui, amitæ, auunculi, materteræ. Et superior quidē & inferior cognatio à primo gradu incipit. at ea, quæ ex transuerso numeratur, à secundo.**

**ALIAM SVPRÀ NVMERARI.)** Enunciatio I. Gradus superioris ordinis ita numerandi sunt, ut per eos ascendatur: inferioris, ut descendatur: obliquorum, ut primum ascendatur, post descendatur. l. penul. D. eod. ubi Paulus ait, stemmata cognationum directo limite in duas lineas separari: quarum altera superior, altera inferior: ex superiore autem, & secundo gradu transuersa lineæ pendent. Cum superiore in inferioreq; nominat, ad imaginem eius, cuius de cognatione quæritur, respicit: quem nos uerbi causa, **TITIVM TITIAM** nominabimus, demonstratq; cum figura cognationis effigenda est, primum illam imaginem constituendam: dein supra ipsius caput, parentum ordinem collocandum: tertio sub ipsius pedibus, liberos disponendos. Obseruandum autem imprimis est, quod Iustinianus hoc loco tradit, cognationem parentum supra numerari: hoc est, ordinem illum superiorem ascensui tantummodo seruire, ut Titius sic dicat: Ego à patre genitus sum, pater ab auo, auus à proauo: itaq; deinceps ad superiores ascendendo progrediatur, rursus liberorum cognationem infrā numerari: hoc est descendum tantum modò præstare. ut Titius sic dicat, Ego filium genui, filius nepotem, nepos pronepotem, & sic deinceps. Quod autem Paulus scribit, Ex superiore & secundo gradu transuersus lineas pendere, corruptum puto: legendumq; uel **PER SINGVLOS GRADVS**, uel tale quippiam. Vtunque sit, transuersorum ordinum gradus ita numerandi sunt, ut primum ad eos unde pendent, Titius ascendat: tum autem in eos descendat atque delabatur: quod paulo post planius explicabitur.

**SVPERIOR COGNATIO EST PARENTVM.)** Sequitur II. Ordo superior, parentes: inferior, liberos: transuersus, agnatos cognatosq; complectitur. l. i. D. eod. Cum autem parentes, liberos, cognatosq; nominamus, semper parentes, liberos & cognatos eius intelligamus, cuius imagunculam in figura uidemus: id est eius, cuius de cognatione queritur. Quod cum Azo & alij non attendissent, in errores uarios inducti, miras in hunc locum tenebras induxerunt. ueluti cum patrem, cuius nomen supra Titij caput uidemus, ad filium qui sub illo subiectus est referunt. non animaduertentes patrem, non illius qui filius hic appellatur, patrem esse, sed Titij. uicissimq; filium, non illius patris esse filium, sed Titij.

**ET SVPERIOR QVIDEM.)** Sequitur III. Superior inferiorq; cognatio, à primo: lateralis uerò, à secundo gradu incipit. id. l. i. D. eod. hoc est, directi ordinis primum habent gradum: obliqui uerò, non habent, sed qui princeps in ijs est, is secundus est. Ratio perspicua est, quia gradus nihil aliud est, quam procreatio. in directis autem ordinibus dicimus, Titius ab ista proxima superiori persona genitus est: uel proximum illum inferiorem procreauit. à latere uerò nō potest, sed, ut proximi gradus personam capiamus, tamen sic dicemus, Titius à patre est genitus, ecce unum gradum: rursus is pater fratrem Titij genuit, ecce alteram generationem, ac proinde alterum gradum.

*Qui primo, secundo, tertioq; gradu sint: item quis patruus, auunculus, amita, matertera dicatur. l. ult. eod.*

**II. Primo gradu est suprā pater, mater: infrā, filius, filia. Secundo suprā, auus, auia: infrā, nepos, neptis: ex transuerso, frater, soror. Tertio suprā, proauus, proauia: infrā, pronepos, proneptis: ex transuerso, fratris sororisq; filius, filia: & conuenienter patruus, amita, auunculus, matertera. Patruus, est frater patris, qui Græcè πατὴρ uocatur. Auunculus, est frater matris, qui apud Græcos propriè ἀντρίω appellatur: & uterque promiscuè θείω dicitur. Amita, est patris soror, Matertera uerò, matris soror: utraque θεία, uel apud quosdam τείω appellatur.**

**SVPRÀ PATER MATER.)** Enunciatio I. Pater & mater in linea superiore, filius & filia in inferiore primum gradum obtinent. l. ult. D. eod. ubi Paulus sic loquitur: Primo gradu cognationis sunt, sursum uersum duo, pater & mater. deorsum uersum duo, filius & filia: qui tamen & plures esse possunt. Quod etsi meridie ipsa clarius uidetur, obscurū tamen Azoni, interpretum nostrorum principi, fuisse, scripta eius demonstrant: cum toties confirmat, patrem & filium gradum unum efficere, unoq; atque eodem gradu, figuram scilicet atque imagunculam illam Titij prætermittens: quæ si interponatur, facile nos ab omni erroris periculo uindicabit. Quare dabunt nobis, ut spero, ueniam eruditi uiri, si dum hebetioribus ac tardioribus, quibus hoc in libro operam addixi, paululum inseruio, repuerascere quodammodo uidear. Figuram igitur primum, ad primi gradus cognitionem, sic effingemus:

Pater



A

Pater.	Mater.
--------	--------



Filius. Filia.

**B** SECUNDO GRADU SUPRA AVVS AVIA.) Sequitur II. Secundum gradum supra quidem avus avia, infra nepos neptis, à latere frater & soror obtinent. l. ult. §. 6. cod. ubi personæ omnes singulatim enumerantur, siue per virilem, siue per muliebrem sanguinem Titio coniuncti sint. Figura autem hæc esto :

	Auus.	Avia.	
	Pater.	Mater.	
Consanguinei.	Titius.	Titia.	Vterini.
	Filius.	Filia.	
	Nepos.	Neptis.	

Quia in figura Titius ita gradus obire singulos poterit. Ego à patre sum genitus : hic primus est gradus. pater ab avo : hic secundus est. secundo igitur à me avus gradu distinctus est. rursus : Ego filium genui : ecce unum gradum. filius nepotem genuit : ecce item alterum. secundo igitur à me nepos gradu discrepat. postremo, Ego sum à patre genitus : ecce unum gradum. pater fratrem meum alterum suum genuit : ecce gradus duos. ex quo consequitur, duobus à me gradibus fratrem abesse : qui duo gradus, ut videmus, sic ineuntur, ut ad priorem ascendatur, ad secundum descendatur. quam viam nobis sanguinis linea, quæ animo cogitationeq; nobis effingenda est, demonstrat. ex quo intelligimus, quamobrem obliqui & transversi gradus istiusmodi appellantur. non enim quia transversi sint, sed quia via quam Titius persequitur, obliqua & sinuosa est.

TERTIO GRADU SUPRA PROAVVS.) Sequitur III. Tertium gradum supra quidem proavus, infra à pronepos, à latere fratris filius, patruus, avunculus, amita, materteraq; obtinent. l. i. & ult. cod. Figura autem hæc esto :

C

	Proavus.	
	Auus.	
Patruus.	Pater.	Avunculus.
Amita.		Matertera.
Consanguinei.	TITIVS.	Vterini.
Filius.	Filius.	Vterina & consanguinea filius.
	Nepos.	
	Pronepos.	

Quoniam autem præter patruum avunculiq; gradus, omnes alios proxime declaravimus, eius solius assequendi rationem docebimus. Titius igitur ita dicat oportet : Ego à patre sum genitus, primusq; hic gradus est. pater autem ab avo, secundusq; hic gradus est. avus autem avum genuit, vel ex altero latere maternus avus avunculum. ex quo primum intelligitur, patruum atq; avunculum à me tribus distidere gradibus. deinde iter à Titio ad patruum anfractum atq; obliquum esse, quia primus & secundus gradus sursum, tertius in obliquum collocatus est.

PATRVVS EST FRATER PATRIS.) Sequitur IIII. Frater patris, patruus : matris, avunculus appellatur. soror patris, amita : matris, matertera vocatur. d. l. ult. Fest. lib. i. Avunculus matris meæ frater, traxit appellationē ab eo quod æquē




æque tertius à me ut auus est: sed non eiusdem iuris. Ideoq; uocabuli facta deminutione, siue auunculus appellatur, quod auis lo- cum obtinet, & proximitate tueatur sororis filiam. Amita patris mei soror: quia similiter tertia à me sit. atq; auia uideri pos- test, dicta ex eo, quod ab antiquioribus auia sit uocitata. siue Amita dicta est, quia à patre meo amata est. nam plus sorores à fratribus, quam fratres diligunt solent. uidelicet propter dissimilitudinem personarum: quæ ideo minus habent dissensionis, quo minus æmulationis. Item lib. XI. Matertera, matris soror, quasi mater altera.

Quæ personæ quarto gradu sint: item qui consobrini, amitini, pa- truelesq; dicantur. l. j. & ult. eod.

III. Quarto gradu supra, abauus, abauia: infra, abnepos, abneptis: ex tranverso, fratris soror- risq; nepos, neptisue: & conuenienter patruus magnus, amita magna: id est, aui frater & soror: ite auunculus magnus, & matertera magna: id est, auia frater & soror. item consobrini, consobrini: id est, qui quæritur ex sororibus aut fratribus progenerantur. Sed quidam recte consobrinos eos proprie dici putant, qui ex duabus sororibus progenerantur, quasi consororinos: eos uero qui ex duobus fratribus progenerantur, proprie fratres patruales uocari. Si autem ex duobus fratribus filia nascuntur, sorores patruales appellari. At eos qui ex fratre & sorore progenerantur, amitinos proprie dici putant. Itaq; amitæ tuæ filij, consobrinum te appellant, tu illos amitinos.

QUARTO GRADU SUPRA ABAVVS.) Enunciatio I. Quartum gradum supra, abauus, infra abne- pos, à latere fratris sororisq; nepos, item patruus & auunculus magni, amita & matertera magna obtinent. l. i. et ult. D. eod. Figura igitur ita paulatim amplificabitur, ut iam quartum gradum usquequaq; amplectatur.



ID EST, AVI FRATER ET SOROR.) Sequitur II. Aui frater, patruus magnus: soror, amita ma- gna: auiæ frater, auunculus magnus: soror, matertera magna nominatur. l. i. & ult. D. eod. ubi Paulus ait, eam quæ patri meo uel matri meæ matertera est, mihi magnam materteram uocari. ex quo licet Festi locum ex undecimo lib. emendare, ubi sic legitur: Matertera patris & matris, mihi magna mater est. Corrigendum est enim, Mihi magna matertera est.

RECTE CONSOBRINOS EOS PROPRIE DICI PUTANT.) Sequitur III. Qui duobus ex fratribus nascuntur, patruales: qui duabus ex sororibus, consobrini: ex fratre & sorore, amitini inter se nominantur. l. ult. §. 4. D. eod. ubi Paulus ait, hos omnes à plerisque, uelut à Trebatio, generali nomine Consobrinos appellari. Nonius autem in ex- tremo sic scribit: Amitini, fratrum matris & feminae filij: patruales, marium fratrum filij: consobrini, ex duabus editi sororibus, quasi consororini. Quod autem Paulus illa l. ult. §. 8. scribit, sororum fratrumq; meorum nepotes neptesq; Consobrinos esse: obscurum uidetur. nam illi non consobrini, sed sobrini appellantur. Respondetur autem, Paulum ita sensisse, ut qui inter se Sobrini sunt, leui abusione dici inuicem possint Consobrini. ueluti, si qui inter se fratres sunt, se Confratres appellarent.

AMITAE TVAE FILII.) Hoc ex loco differentia inter patruales, amitinos, & consobrinos elicietur. nam Pa- trueles pauciores duobus esse non possunt: ex fratribus scilicet duobus nati. Amitini autem inter se duo esse ne- queunt: quem enim amitinum Titius nominat, is Titium consobrinum suum uocat.

at Consobrini siue ex auunculo, siue ex matertera duo esse possunt.

itaq; poterit Titius consobrinus appellari,

patruelis debeat, amitinus

non poterit.



*Quæ personæ quintum usquequaq; gradum occupent: item qui propius sobrino dicantur. l. ult. eod.*

III. Quinto gradu suprà adauus, adauia: infrà adnepos, adneptis: ex transuerso fratris sororisq; pronepos, proneptis: & conuenienter propatruus, proamita, id est, proaui frater & soror: & proauunculus & promatertera, id est, proauia frater & soror. Item fratris patruelis, uel sororis patruelis, consobrini & consobrinae, amitini & amitinæ filius filia: propior sobrino, propior sobrina. hi sunt patroi magni, amita magnæ, auunculi magni, materteræ magnæ filius filia.

QVINTO GRADU SVPRÀ ADAVVS.) Enunc. I. Quintum gradum adauus, adnepos, fratris pronepos, propatruus, propius sobrino, patruiq; magni filius obtinent. l. 1. & ult. eod. Cognationis autem figuram hoc loco, ne cui forte putida hæc nostra diligentia uideatur, omitemus.

PROPIVS SOBRINO, PROPIVS SOBRINA.) Sequitur II. Propius sobrino sobrina dicuntur, patroi, auunculi, amita, materteræ magnorum magnarumq; filij. l. ult. §. quinto gradu. D. eod. ubi Paulus Massurium scripsisse testatur, quem quis appellat propiorem sobrino, qui est patris matrisue consobrinus, ab eo consobrini filium nominabit. Festus autem lib. 14. Propius sobrino mihi est consobrini mei filius, & patris mei consobrinus.

*Quæ personæ sexto in gradu sint: item qui Sobrini appellantur. l. ult. eod.*

V. Sexto gradu sunt, suprà tritauus, tritauia: infrà trinepos, trineptis: ex transuerso fratris sororisq; abnepos, abneptis: & conuenienter abpatruus, abamita, id est, abauui frater & soror: abauunculus, abmatertera, id est, abauia frater & soror. Item fratris patruelis, sororis patruelis, consobrini, consobrinae, amitini, amitinæ nepos, neptis. Item propatroi, proamita, proauunculi, promaterteræ filius, filia: item sobrini, sobrinae, id est, qui quæu ex fratribus uel sororibus, patruelibus uel consobrinis uel amitinis progenantur.

SEXTO GRADU SVPRÀ TRITAVVS.) Enunc. I. Tritauus, trinepos, fratris abnepos, abpatruus, consobrinorum nepos, sobrinus propatroi; filius sextum gradum obtinent. l. 3. & ult. D. eod. Locum autem hunc Iustiniani, qui alijs in omnibus tum antiquis, tum impressis libris corruptissime legitur, restituere conati sumus. nam ea prætermittere quæ manuscriptis à libris absunt, quia partem maximam harum personarum continent, nulla ratio est. præterea constat, legis 3. D. de gradib. principium fœdissime deprauatum esse: nosq; id annis superioribus in Observationibus nostris planum fecimus. & omnino sic se res habet, ut personæ omnes hoc in sexto gradu non minus quam in cæteris enumerandæ sint. In restituendo uero, Caji ordinem in d. l. 3. secuti sumus: unde locum hunc descriptum esse, facile intellectu est.

ITEM SOBRINI SOBRINAE.) Sequitur II. Qui ex patruelibus, amitinis, consobrinis nascuntur, Sobrini inter se appellantur. l. ult. eod. Quæ tamen enunciatio paulo incautius à Iustiniano tradita est. existimare namq; aliquis posset, patruelis fratris filium sobrinum dici Titio: quod falsum est. sensit enim Imperator, Sobrinos dici eos qui ex duobus patruelibus, ex amitino & consobrino, ex duobus item consobrinis nati sunt: quæ res à Caio in l. 3. multo dilucidius, nostra tamen emendatione seruata, demonstrata est. Festus lib. 17. Sobrinus est, ut ait Aelius Gallus, patris mei consobrini filius, & matris mee consobrinae filius.

*Reliquos gradus singularum personarum adiectione multiplicari, omnemq; hanc graduum ineundorum rationem facilius ex ipsa figura intelligi.*

VI. Hactenus ostendisse sufficiat, quemadmodum gradus cognationis numerentur. Nanque ex his palàm est intelligere, quemadmodum ulteriores quoq; gradus numerare debeamus: quippe semper generata persona gradum adiciat, ut longè facilius sit respondere, quoto quisq; gradu sit, quàm propria cognationis appellatione quenquam denotare. Agnationis quoque gradus eodem modo numerantur. Sed cum magis ueritas oculata fide, quàm per aures animis hominum insigatur: ideo necessarium duximus, post narrationem graduum, eos etiam præsentis libro inscribi, quatenus possunt & auribus, & oculorum inspectione adolescentes perfectissimam graduum doctrinam adipisci.

SEMPER GENERATA PERSONA.) Enunciatio I. Generata quæq; persona gradum adicit. hoc est, uti quæq; persona generatur, ita gradus adicitur. uel hoc modo: Quantum generationum numerus, tantundem graduum numerus excreuit: quippe cum gradus, ut superius dicebamus, nihil aliud sit quàm generatio. Gradus autem, inquit Paulus, dicti sunt à similitudine scalarum, locorumue procluium, quos ita ingredimur, ut à proximo in proximum, id est, in eum qui quasi ex eo nascitur, transeamus. Quauis igitur quæstione proposita, continuò uidendum & considerandum erit, quot inter utramque personam generationes extiterint: & ex earum numero graduum quoq; numerus constituendus.

AGNATIONIS QVOQVE GRADVS.) Sequitur II. Agnationis gradus ultra sextum ita numerandi sunt, ut quæq; generatio gradum unum constituat. Sic enim locum hunc interpretor: non quasi dixerit, agnationis gradus eodem modo, ut illos cognationis numerari. superius enim non minus agnatorum quàm cognatorum mentionem fecit. Sed cum cognationis gradus ultra sextum non numerentur, quia Prætor remotiori bonorum possessionem non attribuit, hoc significat, Agnationis gradus ea quam modò dixit ratione crescere, nimirum ut quæq; persona generatur,

SED




SED CVM MAGIS VERITAS OCVLATA FIDE.) Sequitur III. Rei cuiusq; cognitio certius ex oculorum sensu, quam aurium percipitur. quod Horatius in arte Poetica his uersibus confirmat:

Segnius irritant animos demissa per aurem,

Quam quæ sunt oculis commissa fidelibus. —

Cuius rei rationem Aristoteles in libro *πρὸς ἀποδιδόσκειν* hanc exposuit: nimirum quia *ὁ ὤψις* noster *αἰτῶν*, inquit, *αὐτὸν ἢ παρὰ οὐκ ἐκείνους*: id est, aspectus per se ac ui sua, nulliusq; alterius opera percipit: auditis uero aliena opera, nimirum quia discipline oratione traduntur, quæ ex hominibus constat: nominum autem unumquodq; nota & signum est. Eodemq; pertinet quod Candaules Gygem de nuda sua uxore ei ostendenda alloquens: apud Herodot. lib. 1. *ὅρα γὰρ*, inquit, *τυγχάνεις* *αὐτὴν* *ὅταν ἴδῃς* *τὴν* *ἐκείνην*.

FIGVRA GRADVVM COGNATIONIS.





**A** Iustiniani lege nati ex seruis, si manumissi manumissus parentibus superstites sint, ius idem  
tum in illorum, tum in fratrum sororumq; omnium intestatorum heredi-  
tatibus obtinent, quod ij qui ex iustis nuptijs suscepti  
sunt. l. j. C. de iur. patron.

**VII.** Illud certum est, ad seruiles cognationes illam partem edicti, qua proximitatis nomine bonorum possessio permittitur, non pertinere: nam nec ulla antiqua lege talis cognatio computabatur. Sed nostra constitutione, quam pro iure patronatus fecimus (quod ius usque ad nostra tempora satis obscurum, atq; nube plenum, & undiq; confusum fuerat) & hoc humanitate suggerente concessimus, ut si quis in seruii constitutus consortio, liberum uel liberos habuerit, siue ex libera, siue ex seruili conditionis muliere: uel contra serua mulier ex libero uel seruo habuerit liberos cuiuscunque sexus: & ad libertatem his peruenientibus, ij qui ex seruii uentre nati sunt, libertatem meruerint: uel dum mulieres liberae erant, ipsi in seruitute eos habuerint, & postea ad libertatem peruenierint: ut hi omnes ad successionem patris uel matris ueniant, patronatus iure in hac parte sopito. Hos enim liberos non solum in suorum parentum successionem, sed etiam alterum in alterius successionem mutuam uocauimus: ex illa lege specialiter eos uocantes, siue soli inueniantur, qui in seruitute nati, & postea manumissi sunt: siue una cum alijs, qui post libertatem parentum concepti sunt: siue ex eodem patre, & eadem matre, siue ex alijs qualicunque copulatione nati sunt: ad similitudinem eorum qui ex iustis nuptijs procreati sunt.

**B** ILLAM PARTEM EDICTI.) Enunciatio I. Pars edicti qua proximitatis nomine bonorum possessionem promittit, ad seruiles cognationes non pertinet. l. i. §. i. D. und. cog. ubi Vlpian. ait: Edictum quo bonorum possessio cognatis defertur, pertinere ad cognationes non seruiles, nec enim facile uilam seruilem esse cognationem.

NEC VLLA ANTIQVA LEGE.) Sequitur II. Seruili cognationis nulla antiqua lege ratio habebatur. l. ult. §. i. D. de grad. ubi Paulus ita scribit: Non parcinus nominibus cognatorum etiam in seruis, itaq; parentes & filios fratresq; etiam seruorum dicimus: sed ad leges, seruiles cognationes non pertinent.

QVAM PRO IURE PATRONATVS FECIMVS.) In ijs autem codicibus qui nunc in manibus nostris sunt, deest.

IN SERVILI CONSTITVTVS CONSORTIO.) Hoc est, coniugio: si eo uerbo uti licuisset. Contubernium enim, & Consortium potius dicitur.

LIBERVV VEL LIBEROS.) Nihil erat necesse uerbo uti non Latino. nam, non sine liberis esse dicitur, qui unum habet. l. non est. 148. D. de uerb. signific.

AD LIBERTATEM HIS PERVENIENTIBVS.) Parentibus, uel patre scilicet, uel matre.

IPSI IN SERVITVTE.) Patres scilicet.

VT HI OMNES AD SVCCESIONEM PATRIS.) Sequitur III. Iustiniani lege, nati ex seruis ancillisue, si parentibus manumissi ipsi quoq; manumissi sint superstites, eis intestatis succedent. l. i. C. de iur. patro. qua, ut dixi, desideratur. Sententiam tamen sic exquiremus. nam aut liber ex ancilla, aut seruus ex libera, aut seruus ex serua filium suscepit. natus ex libero & ancilla, si cum matre manumittatur, ei intestata succedet: non modo si solus sit, sed & cum alijs post libertatem natis. Natus ex seruo & libera, modo non proprius seruus is fuerit, patri manumisso succedit eodem modo ab intestato: etiam cum ijs qui post ipsius libertatem uulgo quesiti fuerint. Natus autem ex seruo & ancilla, patri eodem modo succedet. matri uero, non Iustiniani, sed Orficiani S. C. beneficio succedet: ut suo loco dictum est.

**C** PATRONATVS IURE IN HAC PARTE SOPITO.) Sequitur IIII. Olim ex seruis nati, quamuis una cum illis manumitterentur, ab illorum tamen hereditate per eorum patronos excluderantur.

ALTERVM IN ALTERIVS SVCCESIONEM MVTVAM.) Sequitur V. Iustiniani lege, manumissi fratres & sorores inter se succedunt, siue soli sint, siue alij post libertatem nati sint. Hoc est, non modo qui in seruitute nati, postea manumissi sunt, inter se ab intestato succedunt, sed etiam, si qui alij post parentis uel alterutrius uel utriusq; libertatem nascuntur: ius illud succedendi habebunt, uicissimq; hic illis. quod nunc subtilius interpretatur.

SIVE EX EODEM PATRE.) Locum hunc sic edidimus, manuscripti libri auctoritatem sententiamq; ipsam secuti: cum antea corruptissime legeretur, SIVE EX EODEM PATRE, SIVE EX EADEM MATRE, SIVE EX ALIIS NVPTIIS AD SIMILITVDINEM, &c. Theophilus etiam locum eodem modo interpretatur. Quod si locum ita legeremus, siue ex eodem patre, siue ex eadem matre, (ut in impressis) uel (ut quibusdam uidebatur) siue ex eodem patre, uel ex eadem matre: quid illud erit quod subiicitur, siue ex alijs? Alijs enim intelligit, uel matrem uel patrem. nam ALIIS NVPTIIS, absurdum est: cum illos ab ijs qui ex iustis nuptijs nati sunt excludi, exploratum sit.

Ius hereditatis ab intestato capiendae prius ex ordinis a lege praescripti, tum ex graduum ratione aestimatur. l. vij. & ix. C. de legit. hered.

**VIII.** Repetitis itaq; omnibus quae iam tradidimus, apparet, non semper eos qui parem gradum cognationis obtinent, pariter uocari, eoq; amplius, ne eum quidem qui proximior sit cognatus, semper potiore esse. Cum enim prima causa sit suorum heredum, quosq; inter suos heredes iam enumerauimus: adparet, pronepotem uel abnepotem defuncti potiore esse, quam fratrem aut



rem aut patrem matremque defuncti: cum alioqui pater quidem & mater (ut supra quoque tradidimus) primum gradum cognationis obtineant, frater uero secundum, pronepos autem tertio gradu sit cognationis, & abnepos quarto. Nec interest in potestate morientis fuerit, an non, quod uel emancipatus, uel ex emancipato, aut ex foeminino sexu propagatus est.

NON SEMPER EOS QUI PAREM.) Enunciatio I. Non si quis pari gradu cognationis est, ideo parum alijs ius obtinet. l. patruo. 7. C. de leg. hered. Causa constitutio: L. alius, patruo & matertera superstitibus relictis, intestato decessit. Cum heredi. atis partem forte matertera teneret, lege patruus agere instituit. Intentio: Hereditas L. alij tota mea est. D. Imo ex aequis partibus inter nos diuidenda est. Q. Vtrum ad patruum as, an ad materteram semis pertineat. R. Quia pari gradu defunctum contingebam, atq; tu. F. At meus ordo, quocumq; gradu sit, tuum antecedit. Disceptatio ex contrarie scriptis orta est: An qui ordine prior est, alterius ordinis aliquem, parem gradum obtinentem, excludat. Impp. in d. l. patruo, sic respondent: Patruo ac matertera tertio constitutis gradu, non pariter intestati successio deferitur: sed patris frater agnationis iure sorori matris antepositur.

EOQUE AMPLIUS, NE EVM QUIDEM.) Sequitur II. Non si quis propiore gradu est, continuo alijs omnibus praefertur. l. in successione. 9. C. de legit. hered. ubi Impp. scribunt: in successione intestata, sororem, quam quidem, uel auum maternum, haberi potiore non ambigitur.

CUM ENIM PRIMA CAUSSA SIT SVORVM.) Sequitur III. Ordo ab intestato succedendi triplex est: primus suorum, alter agnatorum, tertius cognatorum. l. 1. & 2. D. de suis & legit. & l. ad intestati. 5. C. de legit. hered. ubi Impp. aiunt, Ad intestati successionem agnationis, quam proximitatis iure uenientes, haberi potiores certum est.

APPARET PRONEPOTEM VEL ABNEPOTEM.) Causa constitutio: Flavius intestato decessit, relictis matre & abnepote superstitibus. Inter eos de illius hereditate ambigitur. Intentio abnepotis: Haec hereditas mea est. D. Imo mea. Q. Vtrum sit. R. Quia te gradu antecedo. primo enim gradu sum, tu uero quarto. F. At ordine sum prior, quippe suis. D. An qui ordine prior est, quamuis sit gradu remotior, ei qui gradu prior est antepositur. Controversia ex contrarie scriptis nata est: quorum alterum proximum gradu, alterum ordinem inuitabat. Impp. autem in l. si matre. 11. C. ad Tertull. scribunt, abnepotem uniuersam hereditatem habiturum, & matrem excludendum.

Graduum cognationis ratio tum demum habetur, cum neq; sui, neq; agnati integro capite ulli sunt: fratres tamen & sorores, quamuis deminuto capite, ceteris agnatis praeferruntur. l. 7. l. vij. & l. pen. C. de legit. heredib.

IX. Amotis quoq; suis heredibus, quosq; inter suos haeredes uocari diximus: agnatus, qui integrum ius habet agnationis, etiam si longissimo gradu sit, plerumq; potior habetur, quam proximior cognatus. Nam patruus nepos uel pronepos auunculo uel matertera praefertur. Toties igitur dicimus aut potiore haberi eum qui proximiorum gradum cognationis obtinet, aut pariter uocari eos qui cognati sunt, quoties neq; suorum haeredum, quiq; inter suos haeredes sunt, neque agnationis iure aliquis praeferrí debeat secundum ea, quae tradidimus: exceptis fratre & sorore emancipatis, qui ad successionem fratrum uel sororum uocantur: qui etsi capite deminuti sunt, tamen praeferruntur ceteris ulterioris gradus agnatis.

AMOTIS QVOQUE SVIS HAEREDIBVS.) Enunciatio I. Suis deficientibus agnati capitis integri, cognatis quamuis propinquioribus praeferruntur. l. ad intestati. 5. & l. seq. C. de legit. hered. in quibus ordo traditur primus suorum, deinde legitimorum, qui cognatis proximitatis nomine uenientibus anteponuntur. Diximus autem integri capitis agnatos, ut emancipatos excluderemus. nam ut scribit Pomponius in l. legitimis. 5. D. und. cog. Legitimis capite deminutis non datur bonorum possessio iure heredis legitimi: quia non eadem causa eorum est, quae liberorum: sed gradu cognatorum rursus uocantur.

TOTIES IGITUR DICIMVS.) Sequitur II. Tum demum graduum cognationis ratio habetur, cum neq; sui, neq; agnati, integro capite ulli sunt. §. 1. supra, De succ. cogn.

EXCEPTIS FRATRE ET SORORE EMANCIPATIS.) Sequitur III. Fratres & sorores quauis emancipati fuerint, ulterioris tamen gradus agnatis praeferruntur. §. 1. supra, De succ. cog. l. 4. C. de legit. tut. l. ult. C. de legit. hered. Idq; Anastasij constitutione institutum esse supra suo loco demonstratum est.

## DE SVCCESIONE LIBERTORVM. TITVLVS XXXII.

Lege xij. Tab. patronus ad liberti hereditatem, nisi cum intestato, ac sine suis heredibus decessisset, non uocabatur. l. 3. D. de suis & legit.

I. Nunc de libertorum bonis uideamus. Olim itaq; licebat liberti patronum suum impune testamento praeterire: nam ita demum lex XII. Tabul. ad hereditatem liberti uocabat patronum, si intestatus mortuus esset libertus, nullo suo haerede relicto. Itaq; intestato quoq; mortuo liberti, si is suum haerem reliquisset, patrono nihil in bonis eius iuris erat. Et si quidem ex naturalibus liberis aliquem suum haerem reliquisset, nulla uidebatur querela. si uero adoptiuus filius fuisset, aperte iniquum erat, nihil iuris patrono superesse.

LICEBAT



ITA DEMUM LEX DVODECIM TAB.) Sequitur II. Lege XII. Tab. intestati liberti hereditas ita demum patrono defertur, si suus heres illi non extet. l. 3. D. de suis & legit. ubi Ulpianus ait, Intestato liberto mortuo, primum suis deferri hereditatem uerum est. Si hi non fuerint, tunc patrono. item in Institut. cap. 27. Libertorum intestatorum hereditas primum ad suos heredes pertinet: deinde ad eos quorum liberti sunt, ueluti patronum, patronam, liberosq; patroni. Et rursus cap. 29. Cuius Romani liberti hereditatem lex Duodecim tab. patrono defert, si intestato sine suo herede liberatus decesserit. Ideoq; siue testamento facto decedat, licet suus heres ei non sit: seu intestato, & suus heres ei sit, quamuis non naturalis, sed uxor, puta quæ in manu fuit, uel adoptiuus filius: lex patrono nihil præstat. Verba autem hæc edemus: Patronus liberti intestato mortui, si ei suus nec extabit heres, familiam habeto. Quoniam autem suus est etiam qui adoptatus est, ideo circò de adoptiuo deinceps loquitur.

APERTE INIQUIVM ERAT.) Sequitur III. Patronum à naturali filio excludi, nulla iniuria est: ab adoptiuo uero, contrà. Sed queri potest, cur potius patrono quàm fratri, aut patruo, aut patri matriue ipsi, reliquisq; agnatis atq; etiam cognatis iniuria fieri uideatur: qui omnes à filio adoptiuo ab hæreditate ingenui excluduntur? Nam si dicamus, iniquum esse, alienum aliquem, quia in familiam ascitus est, uniuersam hæreditatem obtinere: patroni uero, à quo beneficium inestimabile acceptum est, nullam haberi rationem: referri potest, maius à patre & matre qui uitam dederunt, beneficium acceptum esse. Fortassis igitur ita non incommode respondebimus, si dicamus liberorum hæreditatem natura parentibus non deberi, sed miseratione duntaxat. l. scripto. 7. D. si tab. testam. null. patronis uero iccirco hanc hæreditatem deferri, quod alioqui durissimus suis liberis in libertate præstanda condiciones imponerent: uti scribit Vlpianus in l. i. D. de bon. lib.

II. Qua de causa postea Prætoris edicto hæc iuris iniquitas emendata est. siue enim faciebat testamentum libertus: iubebatur ita testari, ut patrono partem dimidiam bonorum suorum relinqueret. & si aut nihil, aut minus parte dimidia reliquerat, dabatur patrono contra tabulas testamenti partis dimidiæ bonorum possessio. Siue intestatus moriebatur, suo hærede relicto filio adoptiuo: dabatur æquè patrono contra hunc suum hæredem, partis dimidiæ bonorum possessio. Prodesse autem liberto solebant ad excludendum patronum naturales liberi, non solum quos in potestate mortis tempore habebat, sed etiam emancipati, & in adoptionem dati: si modò ex aliqua parte scripti hæredes erant, aut præteriti contra tabulas bonorum possessionem ex edicto petierant, nam exhæredati, nullo modo repellabant patronum.

AVT MINVS PARTE DIMIDIA.) Sic Vlp. in l. 3. §. toties. D. de bon. lib. Toties ad bonorum possessionem contra tabulas inuitatur patronus, quoties non est haeres ex debita portione institutus.

contra tabulas inuitatum patronus, quoties non est hæres ex debita portione institutus.

**SIVE INTESTATVS MORIEBATVR.)** Sequitur II. Eadem possessio contra suum hæredem filium intestati liberti adoptiui, patrono delata est. §. 3. infra. De bon. poss. Qua ex re primum consensio, deinde differentia inter Legem & Edictum apparet. in hoc enim inter se consentiunt, quod liberti intestato mortuo, patronum ab ipsius hereditate excludunt, si filius naturalis suus hæres existat. hoc autem differunt, quod si suus hæres sit adoptiuus, illa patronum usquequaque excludit, edictum uero, eum dimidia ex parte admittit.

**DE BONIS LIBERTI CONSERVANT.)** Sequitur III. Libertorum liberi naturales

PRODESSE AUTEM LIBERTO SOLEBANT.) Sequitur III. Libertorum liberi naturales, quamvis emancipati, aut in adoptionem dati, nisi vel paterno vel suo indicio ab hereditate alieni sint, patronos excludunt. Sen



sus autem est, si libertus liberos naturales habens testamentum fecerit, uno tantum casu patrono locum fore, nimirum si liberis exheredati sint. neque refert, utrum sui heredes, an emancipati fuerint. nam praeteriti, si sui sint, testamentum utiunt: si emancipati, bonorum possessionem, uti superius dictum est, postulant.

BT IN ADOPTIONEM DATI: SI MODO.) Sequitur IIII. Liberi in adoptionem dati, si quidem aliqua ex parte instituti sint, aut contra tab. possessionem obtineant, patronum excludunt.

Lege Papia, patronus eius qui HS centum millium rem habebat, si is minus tribus liberis reliquisset, siue testatus, siue intestatus decessisset, uirilem partem obtinebat.

III. Postea lege Papia adaueta sunt iura patronorum, qui locupletiores libertos habebat. Cautum est enim, ut ex bonis eius qui sestertium centum patrimonium reliquerat, & pauciores quam tres liberos habebat, siue is testamento facto, siue intestatus mortuus erat, uirilis pars patrono deberetur. Itaque cum unum quidem filium filiamue heredem reliquerat libertus, perinde pars dimidia debebatur patrono, ac si is sine ullo filio filiaue \* intestatus decessisset. cum uero duos duasue heredes reliquerat, tertia pars debebatur patrono. si tres reliquerat, repellebatur patronus.

QVI LOCUPLETIORES LIBERTOS HABEBANT.) Enunciatio I. Lex Papia de locupletioribus tantum libertis lata est. Locupletiores autem eos interpretatur, qui HS centum millium rem habebant, ut patet ex l. liberti. 26. D. de bon. lib. Sic Hermogenianus in l. nonnulli. 10. D. de accusat. pauperiores eos appellat, qui minus quinquaginta aureis in bonis habent.

EX BONIS EIUS QVI HS.) Sequitur II. Lege Papia cautum est, ut patronus liberti centenarii testato intestatoque mortui, uirilem in eius hereditate partem obtineret, si modo is pauciores quam tres liberos reliquisset. d. l. liberti. ubi Africanus scribit, censum hunc aestimari ex mortis tempore, cum etiam ipso die mortis dies alicuius legati cessit. Qua igitur in re uetera legis duodecim, & edicti praetoris iura, cum lege Papia consentiant, & in qua rursus differant, facile intellectu est. nam si tres liberos libertus reliquit, siue testato siue intestato decessit, patronus omnium consensione excluditur. sin unum tantum aut duos, tum antiquo iure depellebatur: lege uero Papia uirilem obtinebat partem. Pars autem uirilis dicitur, ea pars quam unusquisque eorum qui in eo numero sunt auferet: nimirum ut aequaliter hereditas diuidatur. ac proinde, si unus sit filius, semissem patronus auferet: sin duo, tridentem.

SINE FILIO FILIAUE INTESTATVS DECESSISSET.) At si hoc accidat, ut libertus intestatus & sine liberis decedat, nullum alium heredem habere poterit, quam patronum. Agnatos enim libertus non habet. Itaque nullo non iure assem patronus obtinebit: quemadmodum constat ex superioribus. & l. 3. D. de suis & legit. Quare sententiam eorum probo, qui TESTATVS hoc loco reponunt. Theophilus autem non recte utrumque praetermiserat.

Institiani lege patronus in bonis liberti non centenarii testati, ius habet nullum: intestati ius antiquum. at in bonis centenarii sine liberis ac testamento mortui, ius antiquum: testato mortui, si uel liberos non habeat, uel eos exheredarit, tridentem purum liquidumque auferet.

III. Sed nostra constitutio, quam pro omni natione, Graeca lingua compendioso tractatu habito, composuimus, ita huiusmodi causam definiuit: ut si quidem libertus uel liberta minores centenariis sint, id est, minus \* centum aureis habeant substantiam (sic enim legis Papiae summam interpretati sumus, ut pro \* mille sestertiis unus aureus computetur) nullum locum habeat patronus in eorum successione, si tamen testamentum fecerint. Sin autem intestati decesserint, nullo liberorum relicto: tunc patronatus ius (quod erat ex lege XII. tabularum) integrum seruauimus. Cum uero maiores centenariis sint, si heredes uel bonorum possessores liberos habeant, siue unum, siue plures, cuiuscunque sexus uel gradus: ad eos successiones parentum deduximus, omnibus patronis una cum sua progenie semotis. Sin autem sine liberis decesserint, si quidem intestati, ad omnem hereditatem patronos patronasque uocauimus. si uero testamentum quidem fecerint, patronos autem aut patronas praeterierint, cum nullos liberos haberent, uel habentes eos exheredauerint, uel mater siue auus maternus eos praeterierint, ita ut non possint argui in officiosa eorum testamenta: tunc ex nostra constitutione per bonorum possessionem contra tabulas, non diuidiam (ut antea) sed tertiam partem bonorum liberti consequantur: uel quod deest eis, constitutione nostra repleatur, si quando minus tertia parte bonorum suorum libertus uel liberta eis reliquerit: ita sine onere, ut nec liberis liberti libertaeue ex ea parte legata uel fideicommissa praestentur, sed ad cohæredes eorum hoc onus redundet.

PRO OMNI NATIONE GRAECAE LINGVAE.) Antiqui libri, PRO omnium natione. Nam hoc tempore, ut cum maxime, Graeca linguae usus disseminatus erat: Latina uero in Italia uulgaris erat, in Graecia non multis, ipsi scilicet qui uel ex Italia consuetudine, uel ex libris didicerant. Iam autem constitutionem De iure patronatus intercidisse, superiore capite dictum est.



**A** SI QUIDEM LIBERTI, VEL LIBERTÆ MINORES CENTENARIIS.) Enunc. I. Iustitiani lege, patronus in liberti non centenarij testatō mortui hereditate, ius habet nullum. l. i. C. de iur. pat. quæ, ut dixi, desideratur. Quia in re cum lege Papia Iustinianus consentit.

MINORES CENTENARIIS SINT.) Asconius censos dici hos affirmat, ubi Voconiam legem interpretatur, quæ censos uctabat filios heredes instituere: hoc est, ait, qui HS centum millia possiderent. Hoc autem uerbo utitur etiam Vlp. in l. si libertus. 16. D. de iur. patron.

ID EST, MINVS CENTVM AVREIS.) Locum hunc deprauatum esse, iam pridem docuimus: cum plausum faceremus, Aureum ueterum omnium auctoritate centum sestertios ex æquasse. nam quod Suetonius Othonem scribit ex cubanti cohorti diuidere solitum, quoties cæna principem acciperet, uiritim unum aureum: Tacitus idem commemorans, cenatenos sestertios nominat. Ex quo perspicue intelligitur, tantundem esse, habere rem centum millium sestertiū, & mille aureorum. quod cum ita sit, patet ubi MILLE legitur, CENTVM, & uicissim ubi hoc legitur, illud reponendum esse: hoc modo, Si minores centenarij sint, id est, minus mille aureis habeant substantiam: sic enim legis Papie summam interpretati sumus, ut pro centum sestertijs unus aureus computaretur. Cum enim centum sestertij aureum efficiant: centum quoque sestertiorum millia, mille aureos iustissime consiciunt. Tribonianum autem Dionis & aliorum Græcorum peruiolatam usitatamque secutum æstimationem, probabile est. Neque Budæi & aliorum me coniectura mouet, qui existimant Iustiniani ætate eas suas facultatesque hominum imminutas, & hoc loco ad sui seculi rationem reuocatas esse. quid enim ad Africani scriptum responderebunt, qui in l. liberto. 26. D. de bon. lib. ubi legem Papiam tractabat, de centum aureis loquitur? præterea non contraxisse se legis Papie summam Iustinianus dicit, sed interpretatum esse: ut scilicet χιλίς χρυσός, id est, mille aureos diceret, pro centum HS millibus.

**B** SIN AVTEM INTESTATI DECESSERINT.) Sequitur II. Iustiniani lege, liberto non centenarij, intestatō mortuo, ius patronatus lege XII. institutum integrum seruatur. nimirum ut si libertus suum heredem nullum reliquisset, eius hereditatem uniuersam patronus occuparet. quemadmodum initio huius capituli demonstrauimus. Atque hac quidem in re Iustinianus cum superiori antiquo iure consentit.

CVM VERO MAIORES CENTENARIIS SINT.) Sequitur III. Eadem lege liberi centenarij, siue heredes, siue bon. possessores sint, patronum eiusque liberos excludunt. Quia in re legi quidem XII. Tab. editōque prætoris Iustinianus astipulatur: Papie uero, quæ patronum nisi tribus liberis superstitibus non repellebat, aduersatur. nam Iustinianus discretè adijcit, siue unum, siue plures.

SIN AVTEM SINE LIBERIS DECESSERINT.) Sequitur IIII. Eadem lege patronus centenarij intestatō ac sine liberis mortui ex asse est hæres. Quia in re iura omnia superiora Iustin. est secutus. Sed quæro, utrum de liberis adoptiuis etiam Iustin. sensit, an de naturalibus tantum? quam quidem magni momenti questionem esse, intelligitur nec ita nullo post sub tit. De bon. poss. nam prætor si adoptiui essent liberi, dimidiæ partis bonorum possessionem patrono dabat: Iustinianus autem illam sustulit. prætermitti sane hoc à Triboniano non debuit. Sed, cum sub eod. tit. §. cumque, antea, differentiam omnem se Iustinianus profiteatur inter ingenuorum & libertorum hereditates sustulisse, facile adducor ad credendum, etiam ab adoptiuis liberis patronos Iustiniani lege excludi.

SI VERO TESTAMENTVM QUIDEM.) Sequitur V. Eadem lege patronus in centenarij testamento præteritus, si liberi uel nulli sint, uel heredes bonorumque possessores non sint, trientem purum liquidumque auferunt. In quo tum legem XII. tum Prætoris editum immutat. nam illa liberam testamenti faciendi potestatem permittebat: hic trientem iubet patrono attribui. Prætor uero semissem relinquere iubebat, hic trientem duntaxat.

VEL MATER SIVE AVVS MATERNVS.) Sequitur VI. Matris autem materni testamentum ob liberorum præteritionem non utitur. §. ult. supra, De exhered. lib. & l. 4. D. de bon. poss. cont. tab. Eorum namque præteritio pro exheredatione habetur. Quapropter si liberos præterierint, quia per inofficiosi querelam eueriti eorum testamenta non possint, patronus trientem illum suum ex eorum bonis auferet.

**C** NON DIMIDIAM, VT ANTEA.) Ex prætoris edito, ut in §. 2. dictum est. ITA SINE ONERE, VT NEC LIBERIS LIBERTI.) Veluti Chrysogonus Syllæ libertus testamentum fecit, in eo patronum suum præterijt: liberis autem suis, quos nominatim exheredauit, legata quædam aspersit. Patronus trientem petit. quærebatur, utrum hic triens ex tota hereditate sumendus esset: an prius legata, fideicommissaue liberis relicta decerpenda? Et respondetur, iure quidem antiquo detrahenda fuisse. l. 4. D. de cond. & demonstr. l. i. D. de legat. præst. At Iustinianus purum, omni onere liberum trientem illum esse uoluit, neque ullis legatis imminui: coheredes autem omnes illud solos suscipere.

Lege Iustiniani ad libertorum successionem & patroni, & eorum liberi, cognatiq. ad quintum usque gradum ita uocantur, ut inter liberos & cognatos proximiores præferantur, hereditasq. in capita diuidatur. l. j. De iur. patr.

V. Multis alijs casibus à nobis in præfata constitutione congregatis, quos necessarios esse ad huiusmodi dispositionem iuris perspeximus: ut tam patroni patronæque, quam liberi eorum, nec non qui ex transuerso latere ueniunt, usque ad quintum gradum ad successionem libertorum uocentur: sicut ex ea constitutione intelligendum est, ut si eiusdem patroni uel patronæ, uel duorum uel duarum pluriumque liberi sint: qui proximior est, ad liberti seu libertæ uocetur successione, & in capita, non in stirpes diuidatur successio. eodem modo & in ijs qui ex transuerso latere ueniunt, seruando. Penè enim consonantia iura ingenuitatis & libertinitatis in successione. fecimus.

TAM PATRONI PATRONÆQUE.) Enunciatio I. Lege Iustiniani tam patroni & patronæ, quam



eorum liberi, cognatiq; ad quintum usq; gradum ad libertorum successionem uocantur. l. i. C. de iure patronatus. quæ, ut sæpe iam dixi, desideratur. Huc autem illud pertinet, quod ait Terentius in liqueritur. 38. D. de bon. lib. Si filius liberti omiserit patris sui hereditatem, hoc patrono proficiet. Apparet autem, quæ inter ingenuorum & libertorum successionem differentia sit: quam Iustinianus sub tit. de bon. poss. §. cumq; antea, reliquam esse scribit. nam illis agnati ad decimum, cognati ad septimum usq; gradum succedunt: his uero ad quintum gradum duntaxat. Vtrum autem hoc lege XII. Tab. an Iustiniani constitutione sit institutum, non facile dix. r. m. Agnatos enim lege XII. Tab. admissos fuisse, patet ex l. 3. D. de suis & leg. ubi Vlp. sic scribit: Vtiq; ex lege XII. Tab. ad legitimam hereditatem is qui in utero fuit admittitur, si fuerit editus. inde solet reuocari in sequentes sibi agnatos, quibus præfertur si fuerit editus. inde & partem facit his, qui pari gradu sunt: ut puta, frater unus est, & uteris: uel patroni filius, uetus natus, & qui in utero est. Quo in loco agere Vlpianum de legitima patronorum hereditate, nemini dubium est. Planius autem hoc explicat in l. patrono. 17. D. de bon. lib. Liberto, inquit, sine liberis mortuo, in primis patronus & patrona bonorum possessionem accipere possunt, & quidem simul. sed & si patrono & patrona defunctis, proximi sunt aliqui, simul admittantur.

ET SI EIVSDEM PATRONI VEL PATRONÆ.) Sequitur II. Si unius plurimue patronorum plures liberi diuersis gradibus sint, qui proximior est, præfertur: hereditasq; in capita diuiditur. Veluti, Sylla filium superstitem reliquit, & ex altero filio demortuo nepotem. Chrysogonus moritur intestatò ac sine liberis. hereditas eius ad solum Syllæ filium, quia gradu prior est, pertinebit. Ex quo altera inter ingenuorum & libertorum successionem patet differentia. nam in illorum hereditatibus capiendis liberi posteriorum graduum, in demortui filij locum gradumq; succedebant, sic ut nepotes aucto una cum filio succederent. uerum ob eam causam hoc constitutum à Iustiniano est, quia hi tanquam agnati cognatiq; succedunt: ius uero illud suorum heredum erat proprium. Præterea Iustinianus scribit, hereditatem libertorum inter illos patroni liberos in capita diuidi. ueluti, Tullius ex uno filio duos habebat nepotes: ex altero, quatuor. Tyrone liberto mortuo, in tot partes eius diuidetur hereditas, quot sunt personæ succedentium: nimirum in sex, ut suum quisq; sextantem auferat. ex quo tertia cognoscitur differentia. nam inter liberos ingenuorum in stirpes semper diuisio fiebat, sed intelligendum est, hoc casu non tanquam suos, sed tanquam agnatos succedere, ut paulo antè dicebamus. Atq; hæc quidem hæcenus. Quid autem noui iuris hac in re Iustinianus instituerit, non uideo. nam Iulianus in l. si libertus. 23. §. i. D. de bon. lib. ita scribit: Si libertus intestatò decesserit, relictis patroni filio & ex altero filio duobus nepotibus, nepotes non admittentur quando u filius esset: quia proximum quemq; ad hereditatem liberti uocari manifestum est. sin autem ex duobus patronis alter unum filium, alter duos reliquisset: dixi, iuriles inter eos partes fieri. Item Vlp. cap. insit. 27. Ad liberos, inquit, patronorum, hereditas defuncti pertinet, ut in capita, non in stirpes diuidatur.

ET IN IIS QVI EX TRANSVERSO LATERE VENIUNT.) Sequitur III. E cognatis similiter qui gradu proximior est præfertur, hereditasq; in capita diuiditur. Veluti, Pompeius decessit fratre & patre superstitibus relictis. Si Demetrius ipsius libertus intestatò moriatur, solus Pompeij frater qui secundo gradu est, succedet: patruusq; qui tertium gradum obinet, excludet. At si pari gradu cognati sint, ueluti si duo fratres Pompeij mortui sunt, quorum unus duos, alter quatuor liberos reliquit: hereditas in capita, hoc est, tot in partes diuidetur, quot succedentium personæ sunt: nimirum in sex, ut sextantem quisq; suum auferat.

PENE ENIM CONSONANTIA IVRA.) Sequitur IIII. Ius in libertorum successionebus idem ferè, quod in illis ingenuorum Iustinianus constituit. §. cumq; antea, infra, De bon. poss. ubi ait, se ad similitudinem successionis ingenuorum, libertinorum successiones rede gisse. Ferè autem dixit, propter eas differentias, quas proxime suis locis enumerauimus.

Ex Iustiniani constitutione, abrogato iure legis Iuniae, S. C. Largiani, Traiani q; edicti, libertorum omnium una eademq; conditio est, ut omnes æquabiliter ciuitate Rom. fruantur. l. j. C. de Lat. lib. toll.

VI. Sed hæc de ijs libertinis hodie dicenda sunt, qui in ciuitatem Romanam peruenerunt, cum nec sint alij liberti: simul & Dedititij & Latinis sublati, cum Latinorum legitimæ successiones nullæ penitus erant, quia licet ut liberi uitam suam peragebant, attamen ipso ultimo spiritu simul animam atq; libertatem amittebant, & quasi seruorum, bona eorum iure quodammodo peculij ex lege Iunia manumissores detinebant. Postea uero senatusconsulto Largiano cautum fuerat, ut liberi manumissoris non nominatim exhereditati facti, extraneis hereditibus eorum in bonis Latinorum præponerentur. Quibus etiam superuenit diui Traiani edictum, quod eundem hominem, si inuito uel ignorante patrono ad ciuitatem Romanam uenire ex beneficio Principis festinaret, faciebat quidem uiuum ciuem Romanum, Latinum uero morientem. Sed nostra constitutione propter huiusmodi conditionum uices, & alias difficultates, cum ipsis Latinis etiam legem Iuniam, & senatusconsultum Largianum, & edictum diui Traiani, in perpetuum deleri censuimus, ut omnes liberti ciuitate Romana fruantur: & mirabili modo quibusdam adiectionibus ipsas uias quæ in Latinitatem ducebant, ad ciuitatem Romanam capiendam transposuimus.

QVI IN CIVITATEM ROM. PERVENERUNT.) Enumeratio I. Iustiniani constitutio de libertis ciuibus Rom. intelligenda est. Hoc autem ob eam causam admonet, quod ab Augusti ætate semper tria libertorum genera fuerant: ut mox docebit. Intestatorum autem hereditates nullæ legitimæ nisi ciuium Rom. erant. Itaq; accipiendum est quod ait Vlp. in l. 3. D. de suis & legit. Intestatò liberto sine suis heredibus mortuo, patrono defertur hereditas. Libertum accipere debemus cum, quem ex seruitute ad ciuitatem Rom. perduxit.

CVM NEC SINT ALII LIBERTI.) Sequitur II. Hodie liberti nulli Latini, aut dedititij sunt: sed omnes una eademq; conditione, ciues Romani. l. i. C. de Lat. lib. toll. l. i. C. de dedit. lib. toll. Quæ de re suo loco, hoc est, lib. i. sub tit. De libertinis explicatum abundè est.



**A** **LATINORVM LEGITIMAE SVCCESIONES.)** Sequitur III. Lege Iunia, legitima Latinorum intestatorum hereditates erant nullae, sed eorum bona quasi peculia ad patronos redibant. Legitimas autem hereditates intelligit, quales erant libertorum ciuium Rom. quorum intestatorum hereditas ad patronum lege XII. Tab. redibat, eoq; legitima vocabatur. At Latini intestati dici non poterant: cum ij demum intestati dicantur, qui testati esse possunt. Latinos autem testamentum facere non potuisse, eo intelligitur, quod testamenti factio iuris est ciuilis: Latini autem ciues Rom. non erant. quoniam igitur iure bona eorum ad patronos redibant: iure peculij, ex quo intelligitur quod Iustinian. insert, eos tanquam liberos uixisse, at quasi seruos hac ex uita decessisse.

**SENATVSCONSULTO LARGIANO CAVTVM FVERAT.)** Sequitur IIII. Largiano Senatusconsulto patronorum liberi non nominatim exheredati, extraneis heredibus in libertorum bonis praeferebantur. Veluti, M. Antonius liberis superstitibus decessit. Hipparchus eius libertus testamentum fecit, sibiq; extraneos quosdam heredes fecit. Senatus statuit, ut haec hereditas institutis heredibus adimeretur, liberisq; Antonij tribueretur, si modo à patre exheredes facti non essent. nam si essent, paterno iudicio indigni omni emolumento uidebantur, quod patris causa undecumq; manare poterat. l. si patronus. 12. §. pen. D. de bon. lib. Quinetiam Iulianus ait, eum qui ab auctore suo exheredatus est, à bonis libertorum eius summoueri: à patris uero sui libertorum bonis non excludi. quod si à patre sit exheredatus, ab auctore non sit, non solum à libertorum paternorum bonis, uerum etiam ab auctore quoq; excludi debere: quia per patrem auctores liberos consequitur. quod si pater eius sit ab auctore exheredatus, ipse non sit: posse nepotem auctorum libertorum contra tabulas bonorum possessionem petere. l. si ex patrono. 10. D. eod. cui subscribit Africanus l. i. §. 27. & Terentius in l. queritur. 38. eod. illud autem etiam animaduertendum ac notandum est, quod Vlpianus ait: si quis non mala mente parentis exheredatus sit, sed alia ex causa, exheredationem ipsi non nocere. ueluti si furoris causa sit exheredatus: uel quod impubes esset, haeres autem ei restituere sit rogatus. l. si patronus. 12. §. 2. eod. cui Paulus asipulatur in l. Paulus. 47. §. eod. Quinetiam Terentius existimat si pater exheredato filio ita cavit, ut ius in libertum saluum ei esset: nihil ei ad hanc rem exheredationem nocere. l. si pater. 40. eod.

**B** **SVPERVENIT DIVI TRAIANI EDICTVM.)** Sequitur V. Traiani edicto is qui inuito ignorantiae patrono ciuitatem Romanam beneficio Principis adeptus erat, Latini exitum faciebant. hoc est, ut eorum heredes soli patroni essent.

**SED NOSTRA CONSTITVTIONE.)** Sequitur VI. Iustiniani lege, superiori omni iure abrogato, libertorum omnium una eademq; conditio extitit, ut omnes ciues Rom. essent. d. l. i. C. de Lat. lib. toll.

## DE ASSIGNATIONE LIBERTORVM.

### TITVLVS XXXIII.

*Licet patronis uni è suis liberis ita libertum libertam'ue aliquam assignare, ut ei soli hereditas eius debeatur: ad quam tamen, isto sine liberis mortuo, reliqui admittantur, l. i. D. eodem.*

**I.** **IN** summa (quod ad bona libertorum attinet) admonendi sumus, censuisse senatum, ut quauis ad omnes patroni liberos, qui eiusdem gradus sunt, aequaliter bona libertorum pertineant: tamen liceret parati, uni ex liberis assignare libertum, ut post mortem eius solus is patronus habeatur, cui assignatus est: & ceteri liberi, qui ipsi quoq; ad eadem bona, nulla assignatione interueniente pariter admitterentur, nihil iuris in his bonis habeant: sed ita demum pristinum ius recipiant, si is cui assignatus est, decesserit, nullis liberis relictis. Nec tantum libertum, sed etiam libertam: & non tantum filio, nepotiae, sed etiam filiae neptiae assignare permittitur.

**LICERE PARENTI, VNI EX LIBERIS.)** Enunciatio I. Patrono uni ex suis liberis libertum suum assignare ius est, ut ad eum solum eius redeat hereditas. l. i. D. eod. ubi Vlpianus Senatusconsultum edit, quo patribus iam potestus permittitur, si duos pluresue liberos iustis nuptijs quæsitos in potestate habeant, de libertis libertae sua significandi, cuius ex liberis suis cum libertum eamue libertam esse uelint: caueturq; ut is eam, quandoq; is qui eam eamue manumisit inter uos uel testamento, in ciuitate esse desisset, solus ei patronus solae patrona esset, perinde atq; si ab eo eam libertatem consecutus consecutae esset. Haec autem significatio, assignatio dicitur. nam ut Paulus scribit, Assignare libertum, hoc est, testificari cuius ex liberis libertum esse uoluit. l. 107. D. de uerb. sig. Itaq; assignari libertus dicitur, qui à patre alicui ex liberis quasi peculiaris ac proprius attribuitur, ut post mortem patris is solus filius patronus ei sit.

**ITA DEMVM PRISTINVM IVS RECIPIANT.)** Sequitur II. Eo cui libertus assignatus est, sine liberis mortuo, fratres eius ius pristinum recipiunt. l. i. D. eod. ubi Vlpianus Senatusconsulti extrema haec uerba profert, Vtiq; si ex liberis quis in ciuitate esse desisset, neq; ei liberi ulli essent, ceteris eius liberis qui manumisit, perinde omnia iura seruatur, ac si nihil de eo libertis eamue liberta is parens significasset. Quinetiam Modestinus tam arcte ius illud ceterorum liberorum reatineri scribit, ut liberi patroni, quanquam & ipsi in plerisq; causis manumissoris iure censentur, tamen paternum libertum liberis suis assignare non possint: etiam si eis à parente fuerit assignatus. l. liberi. 8. D. eod.

**NEC TANTVM LIBERTVM.)** Sequitur III. Assignari tam liberta quam libertus potest, idq; non minus filiae neptiae, quam filio uel nepoti. d. l. i. & l. 3. §. 1. D. eod. ubi Vlp. ait, posse etiam nepoti assignari, & praeferrì filio nepotem assignatoris. Quia ex re differentia inter legem & senatusconsultum intelligitur. nam illa ijs demum qui sui heredes erant, ius patronatus legitimamq; hereditatem attribuebat. Senatus autem generaliter locutus est, si qui liberos in potestate haberet.



*Assignandi potestas ei demum qui plures in potestate liberos habeat, permittitur: nam emancipatione ius illud amittitur. assignatio autem fieri quibuscunque uerbis potest. l. j. & vij. D. eodem.*

II. Datur autem hæc assignandi facultas ei, qui duos plures uel liberos in potestate habebit, ut eis quos in potestate habet, assignare libertum libertamue liceat. Vnde quærebatur, si eum cui assignauit, postea emancipauerit: num euanescat assignatio. Sed placuit, euanescere: quod & Iuliano & alijs plerisque uisum est. Nec interest, testamento quis assignet, an sine testamento: sed etiam quibuscunque uerbis patronis hoc permittitur facere, ex ipso senatusconsulto, quod Claudianis temporibus factum est, Suellio Rufo & Osterio Scapula Consulibus.

QVI DVOS PLVRES VE LIBEROS.) Enunciatio I. Potestas assignandi ei tantum qui plures in sua potestate liberos habeat permittitur. l. i. D. eod. Nam lex XII. Tab. ius patronatus parentibus mortuis, ijs demum liberis tribuebat qui sui hæredes erant. & rursus, si sui deessent, agnatis. in familia namque finibus retinere ius hoc uoluit. Sensumque hunc huius loci esse arbitror. Nam dubitare an is demum assignare possit, qui plures liberos habeat, nulla ratio est: cum satis constet, assignare aliud nihil esse, quam ius patronatus ad plures pertinens, uni proprie ac peculiariter attribuere, in eumque solum contrahere. Quia ex re senatusconsulti cum lege consensio intelligitur, quemadmodum enim lex à iure patronatus emancipationem excludit eodem modo senatus eosdem ab illo eodem iure contracto remouet. Familiae namque ius illud proprium esse oportet, unde nata illa subobscura questio est, quam Modest. tract. in l. utrum. 9. D. eod. Vtrum is qui plures habet liberos, quorum unus emancipatus sit, possit assignando libertum uni qui in sua potestate sit, ei in eodem iure illum emancipatum coniungere: ut in illo liberto communiter ius patronatus habeant. Et respondet, singulariter quidem assignari emancipato non posse: communiter autem & coniunctim cum filiofam. posse, ut quod per se assequi non posset, coniunctionis beneficio posset. ut in casu l. ult. D. de lib. & post. Verum illud occorrebat, quod suo sine liberis mortuo, ius illud patronatus uniuersum ad solum emancipatum, ac proinde extra familiam migrabat. Respondet igitur Modestinus, ita demum coniungi emancipatum posse, si præter cum duo in potestate sint, ut uno mortuo ad alterum ius patronatus reuertatur.

SBD PLACUIT EVANESCERE.) Sequitur II. Is cui libertus assignatus est, ius assignationis per emancipationem amittit. l. i. in fi. D. eod. Causse constitutio: Qui duos in potestate liberos habebat, libertum suum primogenito assignauit: post eundem emancipat. dein moritur ipse, & aliquanto post libertus. De huius hereditate inter eum qui mansit in familia, & hunc emancipatum oritur controuersia. Intentio secundi filij: ius patronatus meum est. D. Imò meum. Q. Vtrius sit. R. Quia Senatusconsultum ijs demum ius assignationis concessit, qui in potestate essent. F. At mihi ius illud quo tempore in potestate manebam acquisitum est: & idem Senatuscons. (ut in l. scribitur) tum denique, ius illud adimit, cum is cui assignatum est, in ciuitate esse desijt: Ego uero non in ciuitate, sed in familia tantum esse desijt. Disceptatio ex contrariis scriptis orta est: quorum alterum initio, alterum in extremo Senatusconsulti positum est: An cum ijs tantum qui in potestate sunt, assignari liceat: tamen quia senatus ius illud ijs tantum adimit, qui in ciuitate esse desierint, emancipatione adimatur. Iulianus respondit, amitti. cuius rei ratio meo iudicio hæc est, quia senatus legi XII. Tab. non aduersatur, sed ei seruit, & quoad potest assentatur. Itaque: quemadmodum lege ius patronatus ad eos tantum qui in potestate erant, redibat: senatusconsulto iisdem solis assignari permittitur, eodem modo sicuti lege ius patronatus per emancipationem amittitur: ita senatusconsulto ius patronatus contra eum & assignatum per eandem rationem extinguitur.

NEC INTEREST AN TESTAMENTO.) Sequitur III. Patronus quibuscunque uerbis etiam sine testamento assignare libertum potest. l. assignare. 7. D. eod. ubi Scauola scribit, assignari & pure, & sub conditione, & per epistolam, uel testationem uel chirographum posse, quia assignatio liberti neque quasi legatum, neque quasi fideicommissum percipitur. Et l. i. §. i. ubi Vlp. ait, assignare aliquem posse quibuscunque uerbis uel nudo, uel testamento, uel codicillis, uel literis. Quod, C. opinor, Vlpianus ex uerbo SIGNIFICASSET, quod in Senatuscons. usurpatur, suspicatus est.

## DE BONORVM POSSESSIONIBVS.

### TITVLVS XXXIIII.

*Bonorum possessio à Prætore iuris ueteris tum emendandi, tum confirmandi causa instituta est: eaque non tantum ab intestato, sed etiam ex testamento defertur. l. 6. D. de bon. possess.*

I. **I**us bonorum possessionis introductum est à Prætore emendandi ueteris iuris gratia. Nec solum in intestatorum hereditatibus uetus ius eo modo Prætore emendauit, sicut supra dictum est: sed in eorum quoque, qui testamento facto decesserint. Nam si alienus postumus hæres fuerit institutus: quamuis hereditate iure ciuili adire non poterat, cum institutio non ualebat: honorario tamen iure bonorum possessor efficiebatur, uidelicet cum à Prætore adiuuabatur. sed & is à nostra constitutione hodie rectè hæres instituitur, quasi & iure ciuili non incognitus. Aliquando tamen, neque emendandi, neque impugnandi ueteris iuris, sed magis confirmandi gratia Prætore pollicetur bonorum possessionem. Nam illis quoque, qui rectè testamento facto hæredes instituti sunt, dat secundum tabulas bonorum possessionem. Item ab intestato suos hæredes & agnatos ad bonorum possessionem uocat. Sed & remota quoque bonorum possessione, ad eos pertinet hereditas iure ciuili.

E M E N A



**A** EMENDANDI VETERIS IVRIS GRATIA.) Enunciatio I. Ius bonorum possessionis Prætor emendandi veteris iuris causa introducta. l. sed cum. 6. §. 1. D. de bon. poss. ubi Paulus ait, bonorum possessionis beneficium esse multiplex. quasdam enim bonorum possessiones competere contra voluntatem, quasdam secundum voluntatem defunctorum: nec non ab intestato habentibus ius legitimum, uel non habentibus propter capitis deminutionem. quamvis enim iure civili deficiant liberi, qui propter capitis deminutionem defierunt sui heredes esse: propter æquitatem tamen rescindit eorum capitis deminutionem Prætor. Item l. ult. C. de suis & leg. ubi Imp. ait, Prætor liberis emancipatis qui iure civili ab intestati patris hereditate arcebantur, bonorum possessionem unde liberi concedere. item supra De hered. intest. §. ite uetustis: ubi Prætor contra legem Voconiam natis ex feminis bonorum possessionem unde cognati deferre dicitur. item §. ceteri, supra De leg. agn. succ. ubi Prætor fœminis secundo gradu remotioribus bon. possessionem unde cognati contra iuris civilis asperitatem defert.

**NEC SOLVM IN INTESTATORVM.)** Sequitur II. Prætor non solum in intestatorum, sed & in eorum qui testamentum fecerunt hereditatibus, ius antiquum emendauit.

**SI ALIENVS POSTVMVS.)** Alienus postumus non tam proprie dicitur, quam postumus non suus. hoc est, is qui si natus testamenti tempore fuisset, sui heredis locum non habuisset, quippe ab alio iam obfessum atq; occupatum. §. postum. mo. 25. supra De legat. ubi hæc planius explicauimus.

**HÆREDITATEM IVRE CIVILI ADIRE NON POTERAT.)** Sequitur III. Iure civili alienus postumus hæres inutiliter instituitur: non quò nominatim id lex XII. Tab. uetaret: nam si uetasset, bonorum possessio non daretur, ut scribit Vlp. in l. non est. 12. De bon. poss. itaq; interpretor, quod Iustinianus ait IVRE CIVILI: non, ut Theophilus, lege XII. Tab. ius enim civile cum alibi per sepe, tum etiam apud Ciceronem lib. Off. 3. legi XII. Tab. opponitur, ubi de uitio prædiorum quod in uendendo dictum est, disputatur.

**HONORARIO TAMEN IVRE.)** Sequitur IIII. Alieno postumo heredi instituto Prætor bonorum possessionem defert. l. uerum est. 3. D. de bon. poss. sec. tab. ubi Paulus ita scribit: Verum est, omnem postumum qui moriente testatore in utero fuerit, si natus sit, bonorum possessionem petere posse. Emendat igitur in eo Prætor ius civile, hoc est, iurisconsultorum placita: qui inter incertas personas alienos omnes & postumos numerarant. ut diximus, supra De legat. §. postumo. Cum autem postumorum alij agnati sint, alij cognati, alij planè extranei, ut illo loco docuimus: Prætor ita illos inuat, ut agnatis quidem & cognatis det bon. possess. & secundum tab. & Unde legitimi, & Unde agnati: prorsus autem extraneos non inuat nisi institutos, tum enim ijs bonorum possess. secund. tab. decernit.

**A NOSTRA CONSTITUTIONE RECTE INSTITVITVR.)** Sequitur V. Iustiniani constitutione alienus postumus hæres utiliter instituitur. §. postumo. De legat. nam lex Codicis, Græcè ut opinor scripta, intercidit.

**SED MAGIS CONFIRMANDI GRATIA.)** Sequitur VI. Bonorum possessio etiam confirmandi ueteris iuris causa instituta est. nam ut ait Marcianus, ius honorarium uia uox est iuris civilis.

**ILLIS QVOQVE QVI RECTE.)** Sequitur VII. Prætor heredibus rectè utiliterq; institutis bonorum possessionem secundum tabulas decernit. l. 1. & pass. D. de bon. poss. sec. tab. Est autem bonorum possessio secundum tabulas, ea quam Prætor testamenti tabulis ac scripturam sequens, eiq; obtemperans institutis heredibus largitur. Itaq; uerba edicti Verrini hæc fuerunt: Si de hereditate ambigitur, & tabulæ testamenti obsignatæ non minus multis signis, quam e lege oporteat, ad me proferentur: secundum tabulas, testamenti potissimum hereditatem dabo. In hac autem possessione duo à petitore desiderantur, primum, ut is cuius bonorum possessio datur, utroq; tempore ius testamenti faciendi habuerit, & cum facit testamentum, & cum moritur. l. 1. D. eod. deinde, ut septem testium signis tabulas obsignatas proferat. l. 2. C. eod. aut saltem eas extitisse doceat. l. 1. §. 2. D. eod. A Prætor autem hæc requiruntur: primum, ut nemo sit eorum quibus contra tabulas competit, aut nemo petere uelit. deinde, ut eam primo gradu scriptis heredibus deferat. mox illis non contentis, sequentibus non solum substitutis, uerum substitui quoq; substitutis. postremo, ut pro qua quisq; parte hæres scriptus est, pro ea bonorum det possessionem. l. 2. D. eod.

**C SVOS HÆREDES ET AGNATOS.)** Sequitur VIII. Suis & agnatis, quibus ab intestato hereditas debetur, Prætor bonorum possessionem decernit. l. 1. & 2. D. de suis & legit. & l. 1. & pass. D. unde legit. & l. 1. D. ut ex legibus. Quibus ex locis constat, Prætoris edictum in hanc fuisse sententiam conscriptum: Si tabulæ testamenti nullæ extabunt, eum quem ei heredem esse oporteret, si intestatus mortuus esset, ita ei possessionem dabo. hoc est, primò suis, dein consanguineis, tum agnatis cæteris. Suos autem, inquit Vlp. accipere debemus. filios, filias, siue naturales, siue adoptiuos. item, Non solum autem naturales, uerum etiam adoptiuos quoq; iura consanguinitatis habebunt. item, Parum autem refert, agnatus hic natiuitate an adoptione sit quæsitus. l. 1. & 2. D. de suis & legit.

**SED ET REMOTA QVOQVE.)** Id est, Quamuis etiam sine bonorum possessione: quod sub tit. de hered. intestatorum explicatum est.

Quibus Prætor sua sponte bonorum possessionem dedit, ij non heredes, sed bonorum possessores appellantur, heredumq; locum obtinent. idq; Prætor ad ius percipiendarum hereditatum amplificandum instituit.

II. Quos autem solus uocat Prætor ad hereditatem, hæres quidem ipso iure nō fiunt: nam Prætor heredem facere non potest. per legem enim tantum, uel legi similem iuris constitutionem heredes fiunt: ueluti per senatusconsulta & constitutiones principales. sed cum eis Prætor dat bonorum possessionem, loco heredum constituuntur, & uocantur bonorum possessores. Adhuc autem & alios complures gradus Prætor fecit in bonorum possessionibus dandis, dum id agebat, ne quis sine successore moreretur. Nam angustissimis finibus constitutum per legem XII. Tab. ius percipiendarum hereditatum, Prætor ex bono & æquo dilatauit.

PRÆTOR



**PRAETOR HAEREDEM FACERE NON POTEST.)** Enunciatio I. Haerem facit aut lex, aut **A**  
**S. C. aut constitutio.** Praetor uero non facit. Ac ratio quidem cur hoc de lege dicamus, est haec: quia lex à populo iubebatur, qui non modò bonorum, sed etiam corporis cuiusq; cuius dominus erat. Cum itaq; lex omnium humanarum rerum domina sit, ut ex Chrysippo Marcianus scribit in l. 2. D. de legib. sequitur, in eius potestate fuisse, eorum dominos constituere. unde uetus illud dominum, Ex iure Quiritium: in l. 1. D. de rei uindic. & apud antiquos scriptores. De senatusconsultis autem & constitutionibus, haec causa est: quia populi potestate lege Regia in Principes translata, omnia, in unius potestate ac moderatio ne uerti ceperunt. itaque cum ipsorum arbitratu Senatusconsulta fiebant, quae Orationes iccirco dicebantur: tum etiam Constitutiones, quae, ut suo loco dictum est, legis uim obinent. Praetor autem iccirco dominia rerum dare, non poterat, quia legis tantum, iurisq; civilis minister ac dispensator quidam erat: & ut supra ex Marciano dicebamus, Ius honorarium quasi uia uox est iuris civilis.

**LOCO HAEREDVM CONSTITVNTVR.)** Sequitur II. Quibus Praetor bonorum possessione dedit, non haeredes, sed bonorum possessores appellantur, haeredumq; locum obtinent. l. 1. & 2. D. de bon. poss. ubi Vlp. ait, Bonorum possessionem admissam, commoda & incommoda hereditaria, itemq; dominium rerum, quae in his bonis sunt, tribue re in omnibus enim uice haeredum, bonorum possessores haberi.

**ANGUSTISSIMIS FINIBVS CONSTITVTVM.)** Sequitur III. Ius percipiendarum hereditatu à lege XII. Tab. angustissimis finibus circumscriptum fuit. §. emancipati, supra, De intest. haered. ubi didicimus, è liberis eos solos ad patris intestati hereditatem lege XII. Tab. admissos, qui in eius mortis potestate fuerint: emancipatos autè exclus di. & §. item uetustis. eod. ubi Iustin. docuit, natos ex filiabus ad aut materni hereditatem nò admitti. & §. placebat. De leg. ag. succ. ubi in agnatorum hereditatibus lege XII. Tab. successio non admittitur. & §. 1. De succ. cogn. unde constat, omnes eos qui per mulierem sexum cognati sunt, ab eadem hereditate excludi. Patet etiam ex Orficiano & Tertyll. S. consultis, ea dem lege neq; matrem liberis, neq; hos illi haeredes esse potuisse. **B**

**PRAETOR EX BONO ET AEQVO DILATAUIT.)** Sequitur IIII. Bonorum possessio à Praetore ad ius percipiendarum hereditatum amplificandum instituta est. l. sed cum. 6. §. 1. D. de bon. poss. ubi secus aequitatem Praetor dicitur. Lex enim XII. Tab. gentium familiarumq; conseruationem solam spectasse uidetur. cauet enim perpetuo, ut ad eam gentem pecunia redeat, in qua persona defuncta manserat. At Praetor sanguinis ac naturae rationem habuit maiorem. quod eius institutum quam sit aequitati consentaneum, Mosi, Platonis, aliorumq; leges declarant.

*Bonorum possessiones ex testamento duae sunt: contra tabulas, & secundum tab. ab intestato aut octo: unde liberi, unde legitimi, unde decem personae: unde cognati qui ex familia, unde patroni, eorumq; liberi & parentes: unde uir & uxor, unde cognati manumissoris.*

**III. Sunt autem bonorum possessiones ex testamento quidem haec.** Prima, quae praeteritis liberis datur, uocaturq; **CONTRA TABULAS.** Secunda, quam omnibus iure scriptis haeredibus Praetor pollicetur, ideoq; uocatur **SECUNDVM TABULAS.** Et cum de testamentis prius locutus est, ad intestatos transitum fecit. Et primo loco suis haeredibus, & ijs qui ex edicto praetoris inter suos connumerantur, dat bonorum possessionem, quae uocatur **VNDE LIBERI.** Secundo, legitimis haeredibus. Tertio, decem personis, quas extraneo manumissori praeferebat. sunt autem decem personae haec: pater, mater, auus, auia, tam paterni, quam materni. item filius, filia, nepos, neptis, tam ex filio quam ex filia: frater, soror, siue consanguinei, siue uterini. Quarto, cognatis proximis. Quinto, **TVM QVI EX FAMILIA.** Sexto, patrono & patrone, liberisq; eorum, & **C** parentibus. Septimo, uiro & uxori. Octauo, cognatis manumissoris.

**EX TESTAMENTO QUIDEM HAE.)** Enunciatio I. Ex testamento duae bonorum possessiones dantur: una praeteritis liberis, contra tabulas: altera omnibus iure scriptis haeredibus, secundum tabulas. l. 1. & pass. D. de bon. poss. contra tab. ubi Vlpianus ait, Vocari ad contra tab. liberos eo iure, eoq; ordine, quo uocantur ad successionem ex iure ciuili. Locum autem habet haec possessio, cum paterfam. testamentum quidem fecit, sed in eo liberos emancipatos, qui sui gradum, si in potestate mansissent, obtinuissent: praeterijt. hoc est, neq; haeredes instituit, neq; nominatim exheredauit. non putauit enim Praetor exheredatione notatos & remotos ad contra tabulas bonorum possessionem admittendos, sicuti nec iure ciuili testamentum parentum turbant, ait Vlp. in l. non putauit. 8. D. eod. Eo uero haec pertinet bonorum possessio, ut testamentum rescindatur, & ad causam intestati reducat. Insigne autem illud est, quod uulgo de hac possessione dicebatur, auctore Tryphonino in l. quod uulgo. 19. D. eod. nimirum hanc possessionem contra lignum dari: cuius haec sententia est, quod ea non contra haeredes, sed contra tabulas ipsas ligneas, ceraq; oblitis, id est, ipsam scripturam datur: nam etiam si nemo ex scriptis hereditatem obeat, hanc tamen possessionem concedendam esse. Atq; haec quidem de bonorum possess. contra tabulas. nam de illa secundum tabulas paulo ante dictum est.

**ET PRIMO LOCO SVIS HAEREDIBVS.)** Sequitur II. Ab intestato prima bonorum possessio unde liberi uocatur, & liberis tam emancipatis quam suis conceditur. l. 1. D. quis ordo in bonor. ubi Modestinus ait, intestati patris liberis bonorum possessionem dari, non tantum his qui in potestate parentis usq; in mortis tempus fuerunt, sed emancipatis. Item l. 1. §. sed uidendum, De success. edict. & §. emancipati, supra De intest. haered. Itaq; Vlpianus cap. Inst. 28. Liberi, inquit, bonorum possessio datur, tam his qui in potestate usq; in mortis tempus fuerunt, quam emancipatis. Quamuis enim (ut ait Paulus) iure ciuili deminutionem Praetor. l. sed cum. 6. §. 1. D. bon. poss.

**SECUNDO LEGITIMIS HAEREDIB.)** Sequitur III. Secunda bon. poss. ab intestato unde legitimi dicitur,



**A** dicitur, agnatisq; conceditur. l. 1. & pass. D. unde legit. nam ut ait Modest. in l. 5. D. eod. quamdiu spes est suum heredem alia quem defuncto existere, tandiu agnatis locus non est. Agnatos autem intelligimus, primum qui capite deminuti non sunt. nam (ut ait Vlp. in d. l. 1.) legitimus heredem, si capite deminutus esset, ab hac bonorum possessione summoueri palam est. quod idem Iustinianus supra confirmauit, sub tit. De success. cogn. & Pomponius comprobat in l. legitimi. 5. D. unde cogn. quibus ex locis illud etiam intelligi uolo, uicissim eos quoq; qui capitis integri sunt, ad emancipatorum agnatorum possessionem non admitti, sed ordine cognatorum tantum. Secundo intelligendum, quotiescunq; uel lex uel senatus defert hereditatem, ex hac parte eam peti oportere, ob eamq; causam non ad eos tantum quibus Lex XII. hereditatem defert, hanc partem pertinere, uerum etiam ad eos omnes quibus alia lex, senatus' uel consultum; ueluti Tertullianum, aut Orficianum intestati hereditate attribuit. l. 2. & 3. D. unde legit. Ad hunc igitur numerum etiam pater manumissor aggregandus est, quem filij sui legitimus heredes esse, supra in si. tractatus De leg. ag. succ. dictum est.

TERTIO DECEM PERSONIS.) Sequitur IIII. Tertia bon. possessio ab intestato Vnde decem perso-  
næ uocatur, & decem personis quæ manumissori extraneo præferuntur, conceditur. l. si ad patrem. 10. D. de suis & legit. ubi  
Mod. ait, ad patrem manumissorem filij intestati legitimam hæreditatem peruenire: non manumissori uerò bonorum posses-  
sionem competere. cum enim legitimus hæres filio emancipato pater non sit, bonorum possessione unde legitimi uti nō possunt.  
Quod ut intelligamus, meminisse oportet, quod aliquoties iam diximus, olim cum emancipatio fieret, emptorem quendam ima-  
ginarium dici causa adhiberi solitum fuisse, cui pater naturalis suum filium ter uenderet: & quoties eum emeret, toties ma-  
numitteret. cum igitur ad extremum eum manumississet, ius patronatus in eum adipisceretur, ut eius intestatō mortui legitimus  
hæres fieret. Hoc ex iure ciuili. Verum Prætor iniquum esse ratus, alienisimum hominem propter unius horulæ operam da-  
tam, istius emancipati hæreditatem auferre, & propinquis eius omnibus anteponi, statuit decem ei personas præferre, filium  
& filiam, nepotem ac neptem (quod idem in libertorum successionibus fiebat) item fratrem, sororem: postremò patrem, ma-  
trem, auum, auiam. hunc enim conseruandum esse ordinem, non quem hoc loco Iustinianus sequitur, apparet ex l. 2. C. ad Ter-  
till. his uerbis: In successione filij uel filię communis, sine liberis & fratribus & sororibus morientis, pater manumissor matri  
præferitur. Sic enim argumentari licet: Si frater & soror patri manumissori præferuntur, quanto magis nō manumissori? Sed  
queret aliquis, quomodo tertio loco numeratur hæc bonorum possessio, quæ liberis & fratribus defertur, cum primus & se-  
cundus locus ijs sit attributus? Et uulgo respondetur, non possessionum, sed edicti ordinem secutum esse Imperatorem. quasi ue-  
rò Prætor in edicto non possessionum ordinem sit secutus. Dicendum igitur, primam hanc non numerari, quia cum liberis fra-  
tres etiam nominantur, secundo uerò loco ideo non adscribi, quia is agnatorum præprius est. hic uerò de quo agimus, capita  
diminutus est: stirpe ergo redibat ad eos hæreditas, non agnatio.

QVARTO, COGNATIS PROXIMIS.) Sequitur V. Quarta bon. possessio ab intestato cognatis proxima datur. & Vnde cognati appellantur. l. i. & paf. D. unde cogn. ubi Vlp. ait, hanc bonorū possessionem nudam habere Praetoris indulgentiam, neq. ex iure civili originem habere. eos enim hic inuitari, qui iure civili ad successionem admitti non possunt id est, cognatos. in quibus agnati emancipati, quibus Vnde legitimi non competit, continentur. Nam ut ait Pomponius, legitimis capite deminutis non datur bon. possessio iure haeredis legitimi: quia non eadem causa est quae liberorum, sed gradus cognatorum rursus uocantur. quod idem supra dictum est sub tit. de success. cogn.

QVINTO, QVI EX FAMILIA.) Sequitur VI. Quinta bon. possessio ab intestato ijs qui ex familia sunt, conceditur. Hanc aut bonorum possessionem qui intellexerit, inueni adhuc neminem, nam quod Theophilus, quem alij omnes secuti sunt, familiam intelligit patroni agnatos, qui, si neq; patronus, neq; patroni liberi extent, ad bon. possessionem inuitentur: absurdum esse, proxima bon. possessio declarabit, ex qua patroni liberi ac parentes uocantur. Ridiculum enim esset, agnatorum successionem illi liberorum antepone. Nisi forte eos audiamus, qui scribunt, in hoc ordine non spectari ordinem qui in dandis bon. possessionibus seruabatur, sed ordinem edicti, quo bonorum possessiones propositae sunt. quasi uero tam absurde ac praepostere Praetoris edictum compositum fuisset. Sed rem ipsam indicari satis est. Familiam igitur interpretamur, non patroni, sed liberti ipsius: hoc est, liberos tam naturales quam adoptiuos. & hoc addimus: Familiae nomen iccirco usurpatum esse, quia uxor eius qui in manum ipsius conuenerat, & mater familiae dicebatur, comprehendi oportuit. Mæ aut huiusce sententiae auctorem laudo Vlpianum, qui cap. Instit. 29. sic scribit: Cuius Rom. liberti hereditatem lex XII. Tab. patrono defert, si intestato sine suo herede libertus decesserit. ideoq; si intestato decedat, & suus heres ei sit, quamuis non naturalis, sed uxor, puta quae in manum fuit, uel adoptiuus filius, lex patrono nihil praestat. Hæc Vlpianus. Cuius ex uerbis intelligimus, nō TANQVAM ex familia uocandam hanc possessionem esse: cum reuera familia sit, & libertus cuius Rom. familiam habeat, sed uel, ut in Tigurino libro, QVI EX FAMILIA, uel, ut in Argentinensi, TVM QVI EX FAMILIA. ut sit, Vnde qui ex familia. Adnotandum etiam hoc loco est, quod eodem loco Vlp. docet, ex edicto Praetoris: Si libertus intestato decesserit, & uxorem forte in manū, uel adoptiuum filium, non aut naturalem reliquerit, partis mediae bonorum possessionem contra eos heredes patrono dari. Quibus ex uerbis intelligi potest, si quis quaerat, quorsum hæc possessio pertineat, cum isti qui sunt sui heredes, uti possent ea Vnde liberi, quid responderi debeat. nimirum, quia dimidia tantum partis possessionem per hanc quintam adoptiui postulant: cum illa bona uniuersa naturalibus liberis attribuit.

SEXTO, PATRONO PATRONAE QVE.) Sequitur VII. Sexta bon. possessio ab intest. patrono, patronae, liberis, parentibusq; illorū conceditur. Itaq; Vlpianus cap. Instit. 28. Datur, inquit, bon. possessio patrono, patronae, liberisue patroni, patronae ue. Et cap. in seq. Liberi patroni uirilis sexus eadem iura in bonis libertorum parentum suorum habēt, quae & ipse patronus. De agnatis autem Vlpianus in l. patrono. 17. D. de bon. liber. ita scribit: Liberto sine liberis mortuo, in primis patronus & patrona bonorum possessionem accipere possunt, & quidem simul. sed & si patrono & patronae defunctis proximi sunt aliqui, simul admittuntur. Sed uideo scrupulum, quem alij, ut apparet, non animaduertunt: tamen si non omnino meo iudicio contemnendus est. Cum patronis eorumq; liberis deferre ac nominatim lex XII. intestati liberti hereditatem attribuat, ac proinde legitimi heredes dicantur, propterea q; ijs bonorum possessio unde legitimi deferatur: lege 2. §. 1. D. unde legit. quid est quod separatim hoc loco ijs propria quaedam bonorum possessio assignetur, quae Unde patronus appellatur? Sed respondemus, duas patrono bonorum possessiones competere: unam, quasi ex Legge duodecim Tabularum,



cum sine suis heredibus libertus decessisset: hoc est, unde legitimi alteram, cum suum heredem non naturalem reliquisset, hoc est, uel filium adoptiuium, uel uxorem matremfam. quæ tota Prætoris ex beneficio profecta est, qui dimidiam bonorum partem patronis attribuit, cum lex XII. Tab. nihil ei prorsus hoc casu relinqueret. §. 2. supra, De success. lib. Habet igitur illa locum, si nulli prorsus sui heredes extant: hæc uero, cum extant quidem, sed non naturales.

SEPTIMO, VIRO ET VXORI.) Sequitur VIII. Septima bon. possessio ab intest. Unde uir & uxor uocatur, eisq; attribuitur. l. 1. D. unde uir & uxor. & l. 1. C. eod. ubi Impp. auiunt, Maritum & uxorem ab intestato inuicem sibi in solidum pro antiquo iure succedere, quoties deficit omnis parentum, liberorumue seu propinquorum legitima uel naturalis successio, fisco excluso. Quod quidem de his uxoribus duntaxat accipiendum est, quæ Matrone uocabantur, nec in uiri manum conuenerant: ac propterea inter se ab intestato non succedebant. nam per manum cōuentionem & uir uxori, & uicissim hæc illi sua hæres efficiebatur: quemadmodum ex Ciceronis Orat. pro Flacco, Topicis eiusdem, Dionys. Halicarnass. lib. 2. Vlpiano cap. 22. & 29. Gellio & Boetio, in obseruationibus nostris docuimus: ac proinde bonorum possessionem unde liberi obtinebant. Ad hanc autem possessionem duo necessaria esse, Vlpian. d. l. 1. testatur. primum, ut iustum sit matrimonium: deinde, ut usq; ad mortis tempus durauerit.

OCTAVO, COGNATIS MANUMISSORIS.) Sequitur IX. Octaua bon. possessio ab intest. cognatis manumissoris conceditur: hoc est, patroni cognatis, quorum ius quoddam singulare fuisse, Iustinianus non obscure significat supra de success. lib. §. pen. & Vlpian. cap. Instit. 1. & 28. ubi ait, per legem Furiam his plus mille asses legari licuisse.

Iustiniani instituto, quatuor primæ bonorum possessiones receptæ sunt: & sexta, in quinta sublata locum restituta. l. ult. C. de emancip.

IIII. Sed eas quidem Prætoria introduxit iurisdictio: à nobis tamen nihil incuriosum prætermissum est, sed nostris constitutionibus omnia corrigentes, contra tabulas quidem, & secundum tabulas, bonorum possessiones admisimus, utpote necessarias: necnon ab intestato VNDE LIBERI & VNDE LEGITIMI bonorum possessiones. Quæ autem in Prætoris edicto quinto loco posita fuerat, id est, VNDE DECEM PERSONÆ: eam pio proposito, & compendio sermone superuacua ostendimus. Cum enim præfata bonorum possessio decem personas præponebat extraneo manumissori: nostra constitutio, quam de emancipatione liberorum fecimus, omnibus parentibus, eisdemq; manumissoribus contracta fiducia manumissionem facere dedit, ut ipsa manumissio eorum hoc in se habeat priuilegium, & superuacua fiat prædicta bonorum possessio. Sublata igitur præfata quinta bonorum possessio, in gradum eius sextam antea bonorum possessionem induximus: & quintam fecimus, quæ prætor proximis cognatis pollicetur.

PRAETORIA INTRODVXIT IVRISDICTIO.) Hoc est, Prætor, qui ius dicebat. Quod me monere propemodum pudet, eorum nugæ legentem, qui hoc in loco iurisdictionis uerbum improprie usurpari disputant: quasi iurisdictiois uocabulo decreta non intelligantur. Imò uero ius dicere Prætor urbanus dicitur, & cum in iure addicit, & cum ius dicit, hoc est, Iudicem recuperatorisue dat, & cum decernit: ueluti cum bonorum dat possessiones, cum in possessionem mittit, cum possidere iubet, quemadmodum Verrina 3. demonstratum à nobis est.

NIHIL INCURIOSVM.) Nihil intentatum, nihil in quo curam attentionemq; animi aliquam in uitis corrigendis adhibuerimus.

CONTRA TABULAS QUIDEM, ET SECVNDVM.) Enunciatio I. Iustinianus has bon. possessiones contra tabulas, secundum tab. unde liberi, & unde legitimi comprobauit. quippe quarum usus (ut hoc loco scribit) necessarius est. Liberis enim testamento præteritis, per contra tab. succurrendum est. Porro scriptis heredibus ius suum à Præatore reddendum est. Est enim Prætor iuris civilis minister, & tanquam dispensator. Quid uero si paterfam. intestatò decesserit? nonne Prætor suum debet imperium interponere, & ius liberis agnatisq; per legem XII. Tab. quasi suum reddere?

QVINTO LOCO POSITA FVERAT.) Sequitur II. Usus possessionis unde decem personæ, propter legem Iustiniani quæ fiducia contracta fieri emancipationes omnes uoluit, sublatus est. Legem autem intelligit ult. C. de lib. emancip. de qua sub tit. De legit. agn. succ. quia satis, ut uidetur, copiose explicatum est, hoc loco nihil attinet pluribus uerbis differere: ne actum, ut dicitur, agamus.

EXTRANEQ MANUMISSORI.) Patri fiduciario, cui dicis caussa liberum caput mancipabatur, præferebat autem, cum emancipatio contracta fiducia facta non erat: ob eamq; causam manumissor, quasi patronatus iure, huic à se manumisso intestatò ac sine liberis defuncto succedebat. l. 2. C. ad Tertyll. l. 1. si ad patrem. 10. D. de suis & legit.

EISDEM QVE MANUMISSORIBVS.) Semel enim testatione in iure facta, filius de manu potestatisq; patris dimittebatur, omni alio ritu sublato. l. ult. C. de emancip. lib.

SUPERVACVA FIAT.) Nam si ei tum demum locus erat, cum contracta fiducia non esset, nunc autem contracta fiducia emancipationes omnes fiunt: relinquatur, eius nullum prorsus usum relictum esse.

IN GRADVM EIVS SEXTAM.) Sequitur III. Possessio unde cognati in quinta sublata locum atq; ordinem ex Iustiniani instituto successit. Nam hæc quoq; à Iustiniano tanquam necessaria, conseruata est. Cum enim legis auxilio cognati destituantur, ratio postulat, ut his Prætor ius ipsis propter sanguinis & naturæ rationem quæsitum reddat.

Iustiniani instituto septima, octaua, & decima bon. possessiones sublatae sunt, & sextam tantum ordinariæ in usum receptæ: quarum illa, unde uir & uxor, postremum locum obtinet.

V. Cumq; antea fuerat septimo loco bonorum possessio TVM QVI EX FAMILIA, & octauo



**A** octauo **VNDE PATRONI PATRONAE QVE LIBERI ET PARENTES EORVM:** utranq; per constitutionem nostram, quam de iure patronatus fecimus, penitus euacuauimus. Cum enim ad similitudinem successionis ingenuorum, libertinorum successiones posuerimus, quas usq; ad quintum gradum tantummodo coartauimus, ut sit aliqua inter ingenuos & libertinos differentia: sufficit eis tam contra tabulas bonorū possessio, quam **VNDE LEGITIMI, & VNDE COGNATI:** ex quibus possunt sua iura vindicare, omni scrupulositate & inextricabili errore istarum duarum bonorum possessionum resoluta. Aliam uerò bonorū possessionem, quæ **VNDE VIR ET VXOR** appellatur, & nono loco inter ueteres bonorū possessiones posita fuerat, & in suo uigore seruauimus, & altiore loco, id est, sexto eam posuimus: decima quoq; ueteri bonorum possessione, quæ erat **VNDE COGNATI MANUMISSORIS**, propter causas enarratas merito sublata: ut sex tantummodo bonorum possessiones ordinariæ permaneant, suo uigore pollentes.

**VTRAMQVE PENITVS EVACUAVIMVS.)** Enunciatio I. Septima & octaua bonorum possessiones per legem Iustiniani de iure patronatus ex usu sublatae sunt. Septimam enim quæ familiae liberti deferabatur, hoc est, suis heredibus, siue filij naturales aut adoptiui essent, siue etiam materfamilias esset, post legem Iustiniani qua libertinorum ingenuorumq; differentia in hereditatibus sublata est, superuacaneam esse apparet. possunt enim illi eam bonorum possessionem petere, quæ competit suis heredibus ingenuorum: nimirum, Vnde liberi. At olim ante Iustiniani legem non poterant. Prætor enim dimidiæ duntaxat bonorum partis possessionem ijs dabat: alterius dimidiæ, patronis. §. 2. supra, De success. lib. Octauam autem bon. possessionem, quæ patrono eiusq; liberis deferabatur, eadem ex causa intercidisse constat. dabatur enim tum, cum libertus filium adoptiuum tantum reliquisset: ut patronus ei dimidiam bonorum partem adimeret. quod ius à Iustiniano cum penitus sublatum sit, sequitur etiam, eam bonorum possessionem quæ huc pertinebat, sublata esse.

**B** **AD SIMILITVDINEM SVCCSSIONIS INGENVORVM.)** Sequitur II. Iustiniani lege, libertorum successiones ad similitudinem ingenuorum, præter graduum numerum redactæ sunt. l. i. De iure patro. quæ in Codice Græcè scripta intercidit, quemadmodum proximo cap. De success. lib. docuimus. Voluit autem ea lege Iustinianus, liberos liberti, cuiuscunq; gradus essent, patronum penitus excludere, eosq; solos hereditatem uniuersam obtinere. quod cum ita sit, ut liberi libertorum possessione Vnde liberi, quæ ingenuorum liberis competit, sine controuersia iam uti possunt, ut solidam hereditatem auferant: & patronus Prætoriam illam possessionem, qua semissem postulabat, amisit: quoniam uniuersam hereditatem etiam adoptiui liberi per Iustiniani constitutionem auferunt.

**SUFFICIT EIS TAM CONTRA TABVLAS.)** Sequitur III. Patronis tres bonorum possessiones Iustiniani lege relictæ sunt, contra tabulas, unde legitimi, & unde cognati. Nam contra tabulas quidem postulabunt, cum in testamento libertorum præteriti fuerint, qui liberti nullos liberos haberent, uel eos exheredauissent, ut tertiam partem bonorū liberti consequantur. §. sed nostra, supra, De success. lib. Vnde legitimi uerò postulare poterunt, cum intestato ac sine ullis liberis tum naturalibus, tum (ut modò dicebamus) adoptiuis liberti decesserint. Vnde cognati uerò, cum neq; patroni, neq; eorum liberi, sed cognati soli supersunt, quibus usq; ad quintum gradum liberti hereditas conceditur.

**OMNI SCRVPVLOSITATE ISTARVM DVARVM.)** Qui ex familia, & unde liberi patroni. Magnas enim controuersias fuisse probabile est, in bonorum partitione, quam prætor inter suos heredes non naturales, & patronum instituerat. Dimidiæ namque partis bonorum possessionem illis dabat, ut dictum est: huic uerò, eiusue liberis, alterius dimidiæ.

**QVAE VNDE VIR ET VXOR APPELLATVR.)** Sequitur IIII. Possessio unde uir & uxor, quæ olim nonum locum obtinebat, à Iustiniano sexto loco posita, & confirmata est l. i. D. unde uir & ux. Necessaria enim hæc ob eam causam fuit: quia cum matresfamilias iam nullæ sint, id est matrimonia per manuum conuentionem non fiant, nullo prorsus iure superiorum possessionum succedere inter se poterant.

**C** **DECIMA QVOQVE BON. POSSESSIONE.)** Sequitur V. Decima possessio unde cog. manumissoris, propter ius patronatus à Iustiniano immutatum, tota sublata est. hoc est, in eam quæ unde cognati dicitur, & antea ob solas ingenuorum hereditates concedebatur, transmissa. ita tamen, ut usq; ad quintum gradum duntaxat competeret. cum qua ex parte ob ingenuorum hereditates datur, ad sextum & septimum usq; gradum deferatur. §. pen. supra, De success. lib.

**SEX ORDINARIÆ PERMANEANT.)** Sequitur VI. Instituto Iustiniani, sex tantum ordinariæ bon. possessiones relictæ sunt. Nam cum decem essent, quatuor sustulit: unde decem personæ, qui ex familia, unde liberi patroni, & unde cognati manumissoris. Ordinarias autem has iccirco appellat, quia ordine deferuntur. l. i. D. quis ord. in bon. poss. ubi Ulpiani uerba Triboniani arbitrio circumcisa hæc leguntur. Intestati hi gradus uocantur: primum sui heredes, secundo legitimi, tertio proximi cognati, deinde uir & uxor. hæc igitur ordinariæ sunt: cum insequens, quæ ex legibus appellatur, extraordinarium quoddam, ut modò dicemus, subsidium sit.

*Possessio quæ ex legibus, postrema est, & extra ordinem ijs datur, quibus nouo iure delata est. l. j. D. ut ex legib.*

**VI.** Septima eas secuta, quam optima ratione Prætores introduxerunt. Nouissimè enim promittitur edicto ijs etiam bonorum possessio, quibus ut detur, lege, uel senatusconsulto, uel constitutione comprehensum est: quam neq; bonorum possessionibus quæ ab intestato ueniunt, neq; ijs quæ ex testamento sunt, Prætor stabili iure connumerauit: sed quasi ultimum & extraordinarium auxilium (prout res exegit) accommodauit, scilicet ijs qui ex legibus, senatusconsultis, constitutionibusue principum, ex nouo iure, uel ex testamento, uel ab intestato ueniunt.

QVIBVS



QVIBVS VT DETVR.) Enunciatio I. Vltima bonorum possessio est, quæ ut detur, lege, S. consulto, uel constitutione comprehensum est. l. i. ut ex legib. ubi Vlpian. edicti uerba hæc prodit, Vti me quaq; lege, S. consulto, bonorum possessionem dare oportebit, ita dabo. Et hoc est, meo iudicio, quod Paulus significat in l. sed cum. 6. in fin. D. de bon. poss. legum quoq; tuendarum causa dari à Pratore bonorum possessionem.

QVASI VLTIMUM ET EXTRAORDINARIUM.) Sequitur II. Hæc possessio ijs qui ex nouo iure, uel ex testamento, uel ab intestato ueniunt, quasi ultimum & extraord. auxilium deferitur. d. l. i. ubi Vlpianus non obscure significat, quamobrem extraordinarium subsidium hoc dicatur, cum ita scribit: Nunquam bonorum possessio quæ ex alia parte edicti agnita est, impedit istam bonorum possessionem. quinetiam Imperator hoc loco satis id aperte ostendit, cum ait, illam neq; in ordinem earum quæ ab intestato, neq; inter eas quæ ex testamento deferuntur, aggregari posse. modò enim ex testamento, modò ex intestato à lege senatusue consulto deferitur.

Petendis bon. possessionibus anni spacium parentibus & liberis præfinitum est, agnatis & cognatis dierum centum: sic ut ius petendi omissum continuò uel eiusdem gradus personis accrescat, uel insequentibus acquiratur.

VII. Cum igitur plures species successioneum Prator introduxisset, easq; per ordinem disposuisset, & in unaquaque specie successioneis sæpe plures extent dispari gradu personæ: ne actiones creditorum differrentur, sed haberent quos conuenirent: & ne faciliè in possessionem bonorum defuncti mitterentur, & eo modo sibi consulere: ideo petendæ bonorum possessioni certum tempus præfinit. Liberis itaque & parentibus, tam naturalibus quàm adoptiuis, in petenda bonorum possessione anni spacium, cæteris autem agnatis uel cognatis centum utilium dierum dedit. Et si intra hoc tempus aliquis bonorum possessionem non petierit, eiusdem gradus personis adcrefcit: uel si nemo sit, deinceps cæteris bonorum possessionem perinde ex successorio edicto pollicetur, ac si is qui præcedebat, ex eo numero non esset. Si quis itaq; delatam sibi bonorū possessionem repudiauierit: non quousque tempus bonorum possessioni præfinitum excefferit extatur, sed statim cæteri ex eodem edicto admittuntur.

EASQVE PER ORDINEM DISPOSUISSET.) Enunciatio I. Prator ordine bonorum possessiones disposuit, successionemq; inter eas admisit. l. i. D. de success. ed. Sunt enim edicti quod successorium ex potissima parte nominatur, duo capita. priori Prator denunciat, se inter eos quibus bonorum possessiones deferuntur, successionem permissurū: nimirum ut in locum eorum qui postulationem omiserunt, sequentes succedere subireq; possint. Intelligendum autem est, duplicem hic successionem intelligi: unam ordinem, alteram graduum. Ordinem dicitur, cum ordo personarum uniuersus, cui potissimum possessio deferrebat, illam omisit: ueluti, liberorum, aut legitimorum, aut cognatorum. hos enim ordines Vlpianus enumerat in l. i. D. quis ord. in bon. poss. eaq; successio De capite in caput appellatur. l. 5. C. qui admitt. ad bon. poss. Liberis igitur omnibus omittentibus, ad agnatos res redit: & his rursus omnibus eam aspernatis, ad cognatos: postremum etiam ad uirum & uxorem. Graduum autem successio dicitur, cum primo eorum graduum qui in ordine aliquo sunt, omittente, insequens admittitur: plures enim in eo ordine unoquoq; reperiuntur gradus, præterquam in illo uiri & uxoris. nam in ordine liberorum sunt filij, nepotes, pronepotes, & c. in ordine agnatorum, frater, patruus, patruelis: in ordine cognatorum, uetus, auunculus, consobrinus. Bonorum igitur possessio non modò singulis ordinibus, uerum etiam singulis cuiusq; ordinis gradibus deferitur: nec ante ad ordinem sequentem deuoluitur, quàm prædictum per singulos gradus decurrerit, quæ successio, De gradu in gradum uulgo nominatur.

NE ACTIONES CREDITORVM DIFFERRENTVR.) Sequitur II. Tempus à Pratore iccirco præfinitum est, ne actiones creditorum differrentur, & faciliè in bonorum defuncti possessionem mitterentur. l. i. D. de success. ed. ubi Vlpianus ait, edictum success. iccirco propositum esse, ne bona hæreditaria uacua sine domino diutius iacerent, & creditoribus longior mora fieret: ut maturius possint creditores scire, utrum habeant, cum quo congregiantur, an uerò bona uacantia fisco sint delata, an potius ad possessionem bonorum procedere debeant quasi sine successore defuncto. Atq; his quidem ex uerbis altera edicti successorij pars quæ fuerit, intelligitur.

LIBERIS ITAQVE ET PARENTIBVS.) Sequitur III. Spacium possessionis petendæ liberis & parentibus tum naturalibus tum adoptiuis, anni præfinitum est: agnatis & cognatis, dierum centum. l. i. §. largius. D. de success. ed. ubi Vlpianus ait, largius tempus parentibus liberisq; petendæ bonorum possessioni tribui, in honorem sanguinis: quia arandi non erant, qui penè ad propria bona ueniunt. ideoq; annum illis præstitutum esse: scilicet ita moderate, ut neq; ipsi urgeantur ad bonorum possessionis petitionem, neq; bona diu iacerent. At paulo supra de agnatis cognatisq; loquens: Quod dicimus, inquit, intra dies centum bonorum possessionem peti posse, ita intelligendum est, ut & ipso die centesimo bonorum possessio peti possit.

EIVSDEM GRADVS PERSONIS ACCRESCIT.) Sequitur IIII. Ius eius qui possessionis petitionem omisit, aut ijs qui eiusdem gradus sunt accrescit: aut si nemo est, insequenti datur. l. 3. in fi. D. de bon. poss. ubi Vlpianus ait, in bonorum possessione ius esse accrescendi: proinde si plures sint quibus bonorum possessio competit, quorum unus admisit bonorum possessionem, cæteri non admisserunt: ueluti quod speruerint ius suum, aut tempore bonorum possessionis finito exclusi sunt, aut ante mortui sunt quàm petierunt bonorum possessionem, ei qui admisit accrescent etiam hæc portiones, quæ cæteris competere. si petissent bonorum possessionem. Causæ constitutio, Edictum hoc fuerat: Si cui primū possessionem deferrebat, omittat, tum insequenti succedere liceat. Sempronius duobus fratribus superstitibus relictis, intestatò deceffit, prior bonorum possessionem amplexus est, alter eam omisit, patruus partem bonorum dimidiam fortè possidebat: hoc est, habebat frater



**A** frater illam deposcit. Intentio: Mihi omnium bonorum possessio debetur. D. Imò mihi partis dimidiæ debetur. Q. Vtrum illi tota, an huic ex parte debeat. R. Quia Prætor, eo cui primum deferrebat, omittente, insequenti successione permittit. F. At Prætor non de persona, sed de gradu sensit. Disceptatio ex scripto & sententia nascitur. Prætoris edictum de gradu tantum intelligi debeat. Iustinianus in l. meminimus. C. de legit. hered. Successionis ius, inquit, etiam hac in parte seruatur: ut si qui ex secundo gradu uocati renunciauerint hereditati, & noluerint eam adire, nullusq; alius sit in secundo gradu qui succedere ei potest, & uult: tunc ij quos presenti lege enumerauimus, ex tertio gradu in locum recusantium succedant. Perspicuum est igitur quid inter edicti Prætorij successionē & ius accrescendi intersit. nam illa inter eos qui disparis ordinis & gradus sunt, locum obtinet: hoc inter eos tantum qui eiusdem gradus sunt, quod eo magis obseruandum est, quia ius accrescendi ad heredem migrat, bonorum possessio nequaquam. l. si pluribus. D. de suis & legit. l. 3. §. acquirere. De bon. poss.

**NON QVOVSQVE TEMPVS BONORVM POSSESSIONI.)** Sequitur V. Vt primum quis delatam sibi possessionem repudiavit, continuo ceteri admittuntur. l. 1. §. 4. D. de success. ed. ubi Vlp. ait: Quibus ex edicto possessio dari potest, si quis eorum aut dari sibi noluerit, aut in duobus statutis non admisit, tunc ceteris bonorum possessio perinde competit, ac si prior ex eo numero non fuerit. Causæ constitutio: Sempronius fratre & patruo superstitibus relictis intestato decessit. eius bonorum possessio intra dies centum fratri superstiti competit. is eam nonagesimo die repudiat. patruus, cui successio permittebatur, cuiq; centum dies præsistuti erant, existimans ducentos dies concedi, centum scilicet fratri, & sibi alios centum, non festinauit petere possessionem, sed primo & centesimo deniq; die post repudiatam à fratre possessionem, ad Prætorem uenit, possessionemq; postulat. Ibi Fiscus contradicit, tempus exactum esse ostendens. Intentio fisci: Exclusus es tempore. D. Non sum. Q. An sit. R. Quia centeni dies qui tum fratri tum mihi dabantur, non sunt utriq; nostrum exacti. F. At centeni cuiusq; dies ab eo tempore cedere incipiunt, quo bonorum possessio deferretur: id est, cœpit competere. delata autem tibi est ex eo tempore, quo à fratre repudiata est. Disceptatio ex contrariè scriptis nata est, quorum alterum centenos dies cuiq; personæ dabat, alterum in omittentis locum insequentem statim succedere iubebat. An centeni dies qui succedenti dantur, ex eo tempore cedere incipiant, quo illi possessio deferretur, competereq; incipit.

*Dies omnes hic utiles numerantur, bonorumq; possessio quoquo modo rectè admittitur. l. ij. D. quis ordo in bon. l. ult. C. qui admit.*

**VIII.** In petenda autem bonorum possessione dies utiles singuli considerantur. Sed bene anteriores Principes & huic causæ prouiderunt, ne quis pro petenda bonorum possessione curet: sed quocunque modo admittentis eam indicium intra statuta tempora ostenderit, plenum habeat eorum beneficium.

**DIES VTILES SINGVLI CONSIDERANTVR.)** Enūciatio I. In possessione petenda singuli dies utiles computantur. l. 2. D. quis ord. in bon. ubi Vlpianus ait, Utile tempus est bonorum possessionum admittendarum, ita autem utile tempus est, ut singuli dies in eo utiles sint: scilicet, ut per singulos dies & scierit, & potuerit admittere. ceterum quacumq; die nescierit, aut non potuerit, nulla dubitatio est quin dies ei non cedat. Quibus ex uerbis intelligimus, utiles dies hoc in negotio intelligi, quibus quis delatam sibi possessionem sciuit, eamq; à Prætore postulare potuit. Non enim semper Prætoris copia est. Quinetiam intelligendum est, dupliciter Prætorem sui copiam facere: interdum pro tribunali, interdum extra tribunal, eo loco ubi salua maiestate imperij sui, saluoq; more maiorum ius dicit. l. pen. D. de iust. & iur. quo tempore De plano ius dicere Prætor in libris nostris dicitur: quasi cui opponatur. De superiore loco, tribunal enim editum excelsumq; fuisse, nemo nescit. Quibus autem diebus pro tribunali in eburnea curulisella sedebat, ij dies sessionum appellantur à nostris in l. 2. & pass. D. quis ord. in bon. poss. iam uero possessionum alie causæ cognitionem requirebant, alie non requirebant: illæ Decretales, hæ uero Edictales uocabantur: illæ pro tribunali dabantur, hæ uero etiam de plano dari poterant. Huiusmodi septē illæ sūt, quas adhuc enumerauimus: quæ quia edicto deferrebantur, causæ cognitionem, utpote quarum perspicua esset causa, non requirebant: eoq; de plano dari poterant. Illius generis sūt Carboniana, Ventris in possessionem mittendi, eius qui captiui fuerit, uel nomine mittendus est: quorum causa cognoscenda erat. & quia non nisi pro tribunali decreta interponebantur, sessionem Prætoris omnino requirebant.

**QVOCVNQVE MODO ADMITTENTIS.)** Sequitur II. Ex principum constitutionibus bonorum possessio quocunque modo rectè petitur. l. ult. C. qui admitt. ad bon. poss. ubi Constantinus scribit, se uerborum inanum captiones excludere, & decernere, ut apud quemlibet iudicem, uel etiam apud Duumuiros qualiscunq; testatio amplectens de hereditatis ostendatur.

## DE ACQUISITIONE PER ARROGATIONEM.

TITVLVS XXXV.

*Iustiniani lege, qui patremfamil. arrogat, usumfructum earum omnium rerum quas aliunde quàm ex re patris quasiuit, sublato iure antiquo adipiscitur.*

**I.** Et alterius generis per uniuersitatem successio, quæ neque lege duodecim Tabularum, neque Prætoris edicto, sed eo iure quod consensu receptum est, introducta est. Ecce enim, cum paterfam. sese in adrogationem dat, omnes res eius corporales & incorporales, quæque ei debite sunt, adrogatori antea quidem pleno iure acquirebantur: exceptis ijs quæ per capitis deminutionem



nem pereunt, quales sunt operarum obligationes, & ius agnationis. usus etenim & usufructus, licet his antea connumerabantur, attamen capitis deminutione minima eos tolli prohibuit nostra constitutio. nunc autem ius eandem acquisitionem, quæ per adrogationem fiebat, coartauimus ad similitudinem naturalium parentum. Nihil enim aliud, nisi tantummodo usufructus, tam naturalibus patribus, quam adoptiuis, per filios familiâs acquiritur in ijs rebus, quæ extrinsecus filijs obueniunt, dominio eis integro seruato.

EO IVRE QVOD CONSENSV RECEPTVM EST.) Enunciatio I. Acquisitio per arrogationem solo consensu instituta est. Quod tamen obscurum alicui uideri posset: cum satis constet, filios factos, nihil proprium habere potuisse, eos autem qui arrogabantur, tam iure legem, filios factos esse, quam si ex patre ac matre facti nati essent. Vnde ratiocinari licet, ex legis potius sententia quam moribus & consuetudine ius illud institutum esse: quemadmodum tutela patronorum & parentum legitima nominatur, nam si patria potestas in arrogato queritur, consentaneum est, etiam in ipsius bona & fortunas queri.

ANTEA PLENO IVRE ACQVIREBANTVR.) Sequitur II. Olim bona, nominaque arrogati omnia, præter ea quæ capitis deminutione pereunt, arrogatori pleno iure querebantur. l. qui ex liberis. 11. §. 2. D. de bon. possess. sec. tab. ubi Papinianus ait, eum qui se arrogandum dederat, cum capite fortunâs quoque suas in familiam & domum alienam transulisse. & l. si paterfamilias. 15. D. de adopt. ubi Vlp. ait: Si paterfamilias adoptatus sit, omnia quæ eius fuerunt, & acquiri possunt, tacito iure ad eum qui adoptauit, transire. hoc amplius etiam, liberos eius quos in potestate habet, eum sequi. Excipiuntur autem ea quæ minima capitis deminutione intereunt, ueluti agnationis iura. Emancipatum enim & sui hæredis & agnationis iura perdere, dictum est superius multis locis, ex l. capitis. 11. D. de suis & legit. & l. 4. in fi. D. de gradib. Quod autem de operarum obligatione adiectum est, non tam facile intellectu est. Opera igitur libertorum de quibus loquimur, aut officiales, aut artificiales dicuntur. illæ in humanitatis officio quibusque rebus præstando, hæ uero certa in arte, ueluti pingendi, fabricandi, medendi, positæ sunt: ut in Commentario uerborum iuris exposui. Itaque artificiales, & à quouis cuius patroni iussu præstari possunt: ueluti ut nauim domumue libertus ædificet, ab alteroue non minus perito ædificandam curet. illæ uero & à solo liberto, & soli patrono nauari possunt: ut ei præstet sit, quibusque rebus inferuiat, solatium afferat, comitem se adiungat. Hinc Vlpian. in l. fabriles. 6. D. de op. lib. Fabriles, inquit, operæ cateraque, quæ quasi in pecuniâ præstatione consistunt, ad hæredem transeunt: officiales uero non transeunt. Hæc cum ita sint, queramus iam, Claudio in Fonteij familiam arrogato, an eius libertorum obligatio propter arrogationem extincta sit? Intentio Claudij uel Fonteij potius hæc erit: Debes nobis operas. D. Non debeo. Q. An debeat. R. Quia Claudius capite deminutus, in seruitutemque redactus, & quasi mortuus est, itaque et usum & usufructum quasi mortuus amisit. F. Imò ius patronatus extinctum non est. nam & tuus hæres erit, l. si libertus. 23. & l. patroni. 39. D. de op. lib. Et sine Prætoris permissu in ius eum non uocabis. l. sed si. 10. §. 2. D. de in ius uoc. Disceptatio ex contrariis scriptis nata est: An ideo per emancipationem operarum obligatio non extinguatur, quia ius patronatus reitinetur. Equidem quod ad me attinet, existimare ius patronatus per emancipationem, quasi per mortem civilem extinctum esse. uerum etiam ex æquo & bono placuisse iuriconsultis, & ius succedendi & honoris obsequium ac reuerentiâ patrono referuari. Aequius enim uisum est, patronum, quamuis alienam in potestatem redactum, quam si suum succedere: cum libertus nec liberos nec agnatos illos habeat. Reuerentiam autem semper retinendam esse, uel sola humanitatis ratio declarat.

QVALES SVNT OPERARVM OBLIGATIONES.) Sequitur III. Operarum obligationes & agnationum iura capitis deminutione intereunt. l. ut iurifurandi. 7. in fin. & l. operæ. 9. D. de op. lib. & §. ult. supra. De legit. agnat. tut.

VSVS ETENIM ET VSVSFRVCTVS.) Sequitur IIII. Olim usus & usufructus minima capitis deminutione peribant. Qua de re suo loco à nobis explicatum est.

PROHIBVIT NOSTRA CONSTITVTIO.) Sequitur V. Iustiniani lege, nec usus, nec usufructus emancipatione amittitur. l. pen. & l. ult. C. de usufr.

NISI TANTVM MODO VSVSFRVCTVS.) Sequitur VI. Instituto Iustiniani, arrogator solū usufructum bonorum aduentitiorum eius quem arrogauit, adipiscitur. l. cum oportet. C. de bon. quæ lib. Et lib. 1. si quis id explicatum est.

Arrogator mortui apud se arrogati bonorum, nisi certæ personæ extent, plenus dominus efficitur. illius autem uiuentis aut creditoribus satisfacere, aut ut in bona eiusdem mittantur, pati cogitur. l. ult. C. commun. de success.

II. Mortuo autem filio adrogato in adoptiua familia, etiam dominium rerum eius ad adrogatorem pertransit: nisi supersint aliæ personæ, quæ ex constitutione nostra patrem in ijs quæ acquiri non possunt, antecedant. Sed ex diuerso, pro eo quod is debuit, qui se in adoptionem dedit, ipso quidem iure adrogator non tenetur, sed nomine filij cōuenitur: & si noluerit eum defendere, permittitur creditoribus per competentes nostros magistratus, bona, quæ eius cum usufructu futura fuissent, si se aliendi iuri non subiecisset, possidere, & legitimo modo ea disponere.

ETIAM DOMINIVM RERV M EIVS.) Enunciatio I. Arrogato in adoptiua familia mortuo, nisi certæ personæ supersint, arrogator bonorum ipsius plenus dominus efficitur. l. ult. C. commun. de success. ubi hæ personæ enunciantur: liberi huius filij, & fratres, scilicet cum de bonis maternis agitur, & ijs quæ per nuptiarum causam acquisita sunt. Iustiniani autem constitutio, Græcè ut uerisimile est, scripta, intercidit.

IPSO QVIDEM IVRE.) Sequitur II. Arrogator eorum causâ quæ arrogatus debebat, non suo, sed ipsius nomine conueniri potest. Suo enim nomine personalibus actionibus tenentur ipsi soli, qui contraxerunt. arrogator autem non conueniatur.



**A** traxerat. At ex contrario agi in arrogatum, qui iam filiusfam, factus erat, non poterat: nisi de peculio, quod fortasse uel nulum, uel perexiguum erat. Quare ex æquo & bono institutum est, ut arrogati nomine aduersus arrogatorem ageretur. **PERMITTITUR CREDITORIBVS.**) Sequitur III. Creditoribus arrogati, quem arrogator non defendit, bonorum possessio à magistratibus addicitur. Quod ob eam causam institutum est, ne in creditorum fraudem fieri arrogationes possent.

**DE EO CUI LIBERTATIS CAUSSA**

bona addicuntur.

**TITVLVS XXXVI.**

**Cui hæres non extat, eius bona cuius qui se æs alienum soluturum caueat, libertatum conseruandarum causâ addicuntur: ut etiam seruorum manumittendorum, si consentiant, patronus efficiatur. quod si fiscus uacantem hæreditatem occupet, libertates præstabit. l. ult. C. de test. man. l. 2. & 4. D. de fid. lib.**

**I.** **A** Ccessit nouus casus successionis ex constitutione diui Marci. Nam si ij qui libertatem acceperunt à domino in testamento, ex quo non aditur hæreditas, uelint bona sibi addici libertatum conseruandarum causâ, audiuntur. Et ita diui Marci rescripto ad Pompilium Rufum continetur. uerba rescripti ita se habent: Si Verginio Valenti, qui testamento suo libertatem quibusdam adscripsit, nemine successore ab intestato existente, in ea causâ bona eius esse cœperunt, ut uenire debeant, cuius de ea re notio est, aditus, rationem desiderij tui habebit, ut libertatum tam earum quæ directò, quàm earum quæ per speciem fideicommissi relictæ sunt, tuendarum gratia addicantur tibi si idonee creditoribus caueris de solido, quod cuique debetur, soluendo. Et ij quidem quibus directâ libertas data est, perinde liberi erunt, ac si hæreditas adita esset. Ij autem quos hæres manumittere rogatus est, à te libertatem consequentur: ita autem, si non alia conditione uelis tibi bona addici, quàm ut ij etiam qui directò libertatem acceperunt, tui liberti fiant. Nam huic etiam uoluntati tuæ, si ij quorum de statu agitur, consentiant, auctoritatem nostrâ accommodamus. Et ne huius rescriptionis nostræ emolumentum alia ratione irritum fiat, si fiscus bona agnoscere uoluerit, & ij qui rebus nostris attendunt, sciant commodo pecuniario præferendam esse libertatis causam: & ita bona cogenda, ut libertas ijs salua sit, qui eam adipisci potuerunt, ac si hæreditas ex testamento adita esset.

**EX CONSTITVTIONE D. MARCI.)** Enunciatio I. Ius bonorum additionis à D. Marco institutum est. l. si hæreditas. 6. & l. ult. C. de test. manum. Ex quo constat, quatuor rerum per auersionem acquirendarum modos, quatuor uarijs ex fontibus manasse. nam hæreditas ex XII. Tabulis, bonorum possessio à Prætoribus, arrogatio ex populi consensu, additio ex Principis rescripto sumpta est.

**QVI LIBERTATEM ACCEPERVNT A DOMINO.)** Sequitur II. Ius additionis nō solum ad extraneos, sed etiam ad eos seruos qui testamento manumissi sunt, pertinet. l. ult. C. de manum. test. ubi Iustinianus testatur, hoc rescriptum & ad quemlibet extraneum, & ad unum ex seruis qui & ipse libert ut donatus est, & pro sua periclitatur conditione, extendi. quod ipsum confirmat Vlp. in l. 2. D. de fid. lib. ubi ait hoc rescripto iuberi, ut libertas competat seruo, eiq; bona addicantur. uerum autem id ex ipsius rescripti uerbis, an ex sententia constitutum sit, equidem affirmare non possum: tantum dico, scriptum rescripti quod hoc loco Iustinianus edit, nihil istius disertè continere. quæ res Theophilo in ipsius Rescripti interpretatione errandi causam præbuit.

**AD POMPILIVM RVFVM.)** Ex rescripti uerbis apparet, hunc extraneum aliquem fuisse, non unum e seruis testamento manumissis.

**TESTAMENTO LIBERTATEM ASCRIPSIT.)** Sequitur III. Hoc rescriptum nisi libertates dadasint, locum non habet. Etenim libertatum conseruandarum causâ potissimum institutum est.

**NEMINE SUCCESSORE AB INTESTATO.)** Sequitur IIII. Huic rescripto, nisi cum nec ex testamento, nec ab intestato quisquam hæres est, locus non datur. l. ult. C. de test. manum. ubi Iustinianus ait, hoc rescriptum ad eum casum pertinere, quo nemo hæreditatem adire uult, eo quod suspecta esse uideatur. Neq; enim satis est hæreditatem ab hærede instituto repudiatam esse. tum enim agnatis aut cognatis hæreditas tanquam ab intestato deferitur: ac proinde cum testamento in potissima parte, hoc est, in hæredis institutione, nihil ualeat, nec in libertatum legatis ualebit. l. 2. C. eod. & licet eam quam. C. de fid. ubi hæreditate non adita, libertates non deberi traditur.

**TAM BARVM QUAE DIRECTO.)** Sequitur V. Hoc rescriptum tam ad directas, quàm ad fideicommissarias libertates pertinet. d. l. ult. C. eo. ubi Iustinianus ait, huic rescripto etiam in ijs hæreditatibus locum esse, quæ sine scriptis per fideicommissum relictæ sunt.

**SI IDONEE CREDITORIBVS CAVERIS.)** Sequitur VI. Cui additio datur, creditoribus idonee cauere cogitur de solido quod cuique debetur, soluendo. l. 2. & l. 4. §. addio. D. de fid. lib. ubi Vlpianus ait, ita demum addici bona, si creditoribus idonee cautum fuerit, de solido quod cuique debetur. Idonee autem non sic accipiendum esse, satisfactò, aut



pignoribus datis: sed si ei fides habita fuerit promittenti sine satisfatione, idonee tantum uideri: officioq; iudicis curandum, ut unus ex omnibus creetur, cui omnium nomine caueatur. De solido autem, id est tum de sorte, tum de usuris.

ET II QUIDEM QVIBVS DIRECTO.) Sequitur VII. Quibus directo libertas delata est, nisi consensu ipsorum bona sic addita sint, ut liberti postulantis essent, Orcini liberti efficiuntur. l. 4. §. bi qui. D. cod. ubi Vlpian. ait: Qui directam libertatem accipient, Orcini erunt liberti: nisi forte ij qui addici sibi bona desiderant, ita uelint addici, ut etiam si directam libertatem acceperunt, ipsius liberti fiant.

II AVTEM QVOS HAERES.) Sequitur VIII. Quibus per fideicommissum libertas delata est, liberti manumissoris sunt. l. 4. §. si qui. D. cod. ubi Vlp. ait: Si qui fideicommissam libertatem acceperunt, non statim ubi addita bona sunt, liberos esse: sed fideicommissam libertatem posse consequi, hoc est, manumittendos esse ab eo cui addita bona sunt.

ITA AVTEM SI.) Id est: ita autem Orcini erunt liberti, perinde ac si adita hereditas fuisset. nam haec eorum uerba pertinent.

COMMODO PECUNIARIO PRAEFERENDAM.) Sequitur IX. Libertatis causa fisci commodo praeferenda est.

ET ITA BONA COGENDA.) Id est: in fiscum redigenda.

UT LIBERTAS EIS SALVA SIT.) Sequitur X. Fiscus hereditatem nomine additionem petente adiens, libertates praestat. d. l. 4. §. cod. ubi Vlpian. ait: Eadem constitutione prospectum, ut si fiscus bona admisit, quae libertates competant, ergo siue iacent bona fisco spernente, siue agnouerit, constitutionem locum habere. ceterum si alia ratione agnoscat, cessare debere constitutionem.

Hoc rescripto & libertatibus & famae defuncti consulitur: ualeatq; non modo cum testamento, sed & cum ab intestato libertas per codicillos relicta est. l. ij. & iij. eod.

II. Hoc rescripto subuentum est & libertatibus, & defunctis, ne bona eorum a creditoribus possideantur & uaneant. Certè si fuerint hac de causa bona addita, cessat bonorum uenditio: existit enim defuncti defensor, & quidem idoneus, qui de solido creditoribus cauet. In primis hoc rescriptum toties locum habet, quoties testamento libertates datae sunt. Quid ergo si quis intestatus decedens, codicillis libertates dederit, neque adita sit ab intestato hereditas? fauor constitutionis debebit locum habere? Certè si testatus decesserit, & codicillis dederit libertatem: competere eam, nemini dubium est.

ET LIBERTATIBVS, ET DEFUNCTIS.) Enunciatio I. Hoc rescripto & libertates conseruantur, & ne bona defuncti distrabantur prospicitur. l. si hereditas. 6. C. de test. man. id quod superius demonstratum est.

DEFENSOR, ET QUIDEM IDONEVS.) Sequitur II. Quoties alicuius defensor idoneus existit, eius bona creditoribus non addicuntur. Quia de re etiam in oratione pro Quintio Tullius disputat.

QVOTIES TESTAMENTO LIBERTATES DATAE SVNT.) Sequitur III. Huic rescripto cum testamento libertates datae sunt, praecipue locus est. d. l. 6. & l. ult. C. eod.

FAVOR CONSTITUTIONIS DEBEBIT LOCVM HABERE.) Sequitur IIII. Hoc rescriptum etiam ad libertates codicillis & ab intestato datas, pertinet. l. 2. D. eod. ubi Vlp. ait: Si quis intestatus decedens codicillis libertates dedit, neque adita sit ab intestato hereditas, fauorem constitutionis diui Marci debere locum habere, ut hoc casu: quae iubet, libertatem competere seruo, & bona ei addici, si idonei creditoribus cauerit de solido, quod cuique debetur, soluendo. Causae constitutio: Decessit aliquis intestatus, relictis codicillis, in quibus seruis aliquot libertatem dabat. Unus illorum addici sibi bona postulat, fiscus negat ei deberi. Intentio: Bona mihi addicenda sunt. D. Non sunt. Q. An sint. R. Quia rescriptum de bonis eius qui testamentum scripsit, loquitur. F. At eadem codicillorum quae testamenti hoc in genere causa est. Valeat igitur aequitas, quae in pari causa paria iura desiderat. Disceptatio ex iuris scripti & non scripti contentione nata est, An quod de libertatibus testamento delatis scriptum est, etiam in his quae codicillis relictae sunt ualeat. Respondetur, ualere.

Bona tum demum addicenda sunt, cum heredem constat fore neminem. eo tamen qui repudiarat, restituto, ratae libertates manent. l. iij. D. eod.

III. Tunc constitutioni locum esse uerba ostendunt, cum nemo successor ab intestato existat. Ergo quandiu incertum sit utrum existat, an non, cessabit constitutio. Si uero certum esse coeperit, neminem extare, tunc erit constitutioni locus. Si is qui in integrum restitui potest, abstinuerit hereditate, quamuis potest in integrum restitui, potest admitti constitutio, & additio bonorum fieri. Quid ergo, si post additionem libertatum conseruandarum causa factam, in integrum sit restitutus? Vtique non erit dicendum reuocari libertates: quia semel competierunt.

ERGO QVANDIV INCERTVM ERIT.) Enunciatio I. Rescriptum non ante, quam neminem heredem fore constiterit, locum obtinet. l. 4. D. eod. unde locus hic ad uerbum exscriptus est. Idque rescripti uerba perspicue ostendunt: Nemine successore ab intestato existente, in ea causa bona eius esse coeperunt, &c.

ET BONORVM ADDICTIO FIERI.) Sequitur II. Non si is qui se abstinuit, in integrum restitui potest, ideo bonorum additio differtur. l. 4. §. 1. D. eod. ubi Vlpianus ita scribit: Si is qui in integrum restitui potest, abstinuerit se hereditatem, quandiu potest in integrum restitui, existimamus constitutionem cessare, quia non est certum ab intestato neminem



**A** neminem successorem extare? Est tamen uerius, admittendam constitutionem. Quid ergo, si post additionem libertatum conseruandarum causa factam, in integrum sit restitutus? utique non erit dicendum, reuocari libertates quae semel competierunt. Causae constitutio: Adolefcens scriptus hereditatem repudiavit. uerum ob imperitiam aetatis, incertum est an restitutio nem in integrum postulaturus sit. interea seruis unus additionem postulat. Intentio: Mihi addicenda bona sunt. D. Non sunt. Q. Sint nec ne addicenda. R. Quia nondum certum est, ab intestato neminem successorem fore. F. At benignius est, nec tam diu libertates differri, nec etiam creditores diu cunctari. Disceptatio ex iuris aequitatisque contentione nascitur: An cum interea de successore non constet, tamen istis de causis aequum sit bona addici. Respondetur, aequum esse.

NON ERIT DICENDVM REVOCARI LIBERTATES.) Sequitur III. Eo qui abstinerat in integrum restituito, datae tamen ab eo cui addicta bona fuerant, libertates ratae sunt. d. l. 4. §. 1. unde hic locus sumptus est. Causae constitutio: Adolefcens, de quo modo dicebamus, post additionem factam, libertatesque tribuit, in integrum restituitur, hereditatemque recipit, nunc libertates reuocare, suosque liberos omnes efficere contendit, & ius patronatus in eos acquirere. Intentio: Libertates reuocandae sunt, ut isti a me manumittantur, meique fiant liberi. Depulsio eius cui facta erat additio: Non sunt. Q. An sint. R. Quia recte atque ordine illi a me manumissi sunt: utpote cui iure addicta bona fuerant. F. At rescriptum ita ratus libertates habet, si nemo haeres extiterit. Disceptatio ex contrarie scriptis nata est: An cum ab eo cui iure addicta bona fuerant, libertates datae sint, quia tamen haeres extitit, irritae faciendae sint. Respondetur, nequaquam opinor, propter aequitatem & causam libertatum gratiosam ac fauorabilem. Eodemque modo uidemus uicissim in casu contrario, cum adolefcens aduersus additionem restituitur, ratus tamen libertates manere. l. 3. C. de test. manum. l. sciendum. 32. D. cod. l. cum quasi. 30. §. idem dicendum. D. de fideicom. lib. ubi Vlpian. ait, Libertum Orcinum fore, non eius qui fideicommissam libertatem debebat.

**B** Libertatibus etiam inter uiuos uel mortis causa datis, recte fit additio. ius autem eius a Iustiano multo uberius factum est. l. ult. C. de test. manum.

III. Haec constitutio libertatum tuendarum causa introducta est. Ergo si libertates nullae sunt datae, cessat haec constitutio. Quid ergo si uiuus dederit libertates, uel mortis causa: & ne de hoc quaeratur, utrum in fraudem creditorum, an non factum sit, idcirco uelint sibi addici bona: an audiendi sint? Et magis est, ut audiri debeant, etsi deficiant uerba constitutionis. Sed cum multas diuisiones eiusmodi constitutioni deesse perspeximus, lata est a nobis plenissima constitutio, in qua multae species collatae sunt, quibus ius huiusmodi successione plenissimum est effectum, quas ex ipsa lectione constitutionis potest quis cognoscere.

ERGO SI LIBERTATES NULLAE SINT.) Enunciatio I. Huius rescripti, nisi cum testamento libertates relictae sunt, usus est nullus, ad quod principio fere huius capitis dictum est.

SI VIVVS DEDERIT LIBERTATEM, VEL MORTIS CAUSSA.) Sequitur II. Quibus uel inter uiuos, uel mortis causa libertates datae sunt, ipsae bona recte addicuntur. Causae constitutio: Flauius a re alieno obstrictus, aliquot seruos inter uiuos uel mortis causa manumisit. Cum unus ex ipsis addici sibi bona postulet, creditores obstricti bant, quod in suam fraudem datas libertates dicerent. Intentio serui: Mihi bona sunt addicenda. D. Non sunt. Q. An sint. R. Quia rescriptum de libertatibus loquitur, quae testamento datae sunt. istae autem inter uiuos, aut mortis causa sunt datae. F. At par utriusque causae ratio est: & utroque modo datae sint, par similisque fauor est. Disceptatio ex iuris scripti & non scripti contentione nata est: An eadem libertatum isto modo, quae testamento datarum, ratio sit. Respondetur, esse.

**C** ETSI DEFICIENT VERBA CONSTITUTIONIS.) Quo casu alteram ex his duabus nasci contrauerfiam, oportet: iuris scilicet cum aequitate, iuris scripti, & non scripti.

LATA EST A NOBIS CONSTITUTIO.) Sequitur III. Lege Iustiniani, ius additionis bonorum a D. Marco institutum multum amplificatum est. l. ult. C. de testam. manum. Amplificationem autem quatuor his uerbis complentemur. I. Ius postulandi annum esto. II. Si plures simul satisfactio postulent, ipsae bona simul addicuntur. III. Eius qui plus se praestaturum satis dabit, potissimum ius esto. IIII. Qui plus quam alter cui addicta bona sunt, intra annum offeret, altero libertatem suam retinente, bona obtincto.

DE SVCCESIONIBVS SVBLATIS, QVAE fiebant per bonorum uenditiones, & ex Senatusconsulto Claudiano.

TITVLVS XXXVII.

Obsoleta simul cum iudicijs ordinarijs bonorum emptione, hoc iure creditoribus bonorum possessio solo iudicis officio attribuitur. l. 29. Ex quibus causis in possess.

**I.** Erant ante praedictam successionem olim & aliae per uniuersitatem successiones: qualis fuerat bonorum emptio, quae de bonis debitoris uendendis per multas ambages fuerat introducta: & tunc locum habebat, quando iudicia ordinaria in usu fuerant. sed cum extraordinarijs iudicijs postea usata est: ideo cum ipsis ordinarijs iudicijs etiam bonorum uenditiones expirauerunt, & tantummodo creditoribus



creditoribus datur officio iudicis bona possidere: & prout utile eis uisum est, ea disponere. quod ex latoribus Digestorum libris perfectius apparebit.

ANTE PRAEDICTAM SVCCESIONEM.) A' D. Marco institutam. Erant sane longe antea, cum stante Rep. uel maxime usurparetur.

QVALIS FVERAT BONORVM EMPTIO.) Significat igitur alius etiam nonnullus fuisse. hanc enim exempli tantum loco proponit. Et profecto ita est, ut illa quoque ratio fuerit res uniuersae acquirendi, cum alicuius publico iudicio in litis aestimationem damnati bona omnia sectoribus in auctione uenderentur, qui, ut ait Asconius, spem lucri sui secuti, bona condemnatorum semel auctionabantur, & semel pecuniam erario inferebant, ac postea pro compendio suo singulas quasque res pecunia populo uenditabant. Itaque coniunctam utramque apud Varronem reperio, qui lib. De re rust. 2. cap. 10. mos acquirendi legitimi dominij enumerans ita scribit: Tum uero cum in bonis, sectione uel cuius publice uenit, nam eo loco utramque bonorum emptionem significari puto.

QVAE DE BONIS DEBITORIS VENDENDIS.) Enunciatio I. Olim in bonis debitoris uendendis, unus bonorum emptor constituebatur, qui semel uniuersa coemeret. l. Aufidius. 29. D. quib. ex causis. in poss. ubi Paulus ait, uenditis debitoris bonis, emptorem bonorum non esse dominum earum statuarum quae publice debitori posita fuissent. Quo ex loco perspicuum est, non plures illius debitoris bonorum emptores fuisse, sed unum tantum: quem nominatim bonorum emptorem appellat. Eodemque pertinet quod ait Caius in l. cum bona. 16. cod. tit. cum bona debitoris ueneunt, praeferrunt creditorem cognato & extraneo: inter creditores autem eum, cui maior pecunia debebitur. Nam praeferrunt intelligo, ad uniuersalem bonorum emptionem, atque hoc eodem modo rescriptum illud interpretor ex l. Imperatores. 60. D. de pact. Si creditores parati sint partem ex bonis, licet ab extraneo, consequi, rationem habendam prius necessariorum personarum: hoc est, si non unus aliquis ex creditoribus, sed extraneus uelit uniuersa bona coemere, uelutique creditores cum eo de parte sua decidere, cognati, affines, clientes, liberti praeferrunt alienis. Aut igitur unus ex creditoribus emebat, aut extraneus: cum emisset, tum omnia bus satisfaciebat in solidum, reliquum sibi habebat. quod si diffidebat, ne paria facere posset, tum antequam emeret, cum creditoribus decidebat: itaque ad emptionem accedebat. Eoque pertinet l. 4. C. de bon. auet. iud. ubi Imppp. scribunt, unum aliquem creditoribus cogi non posse, debitoris omnia bona suscipere: satis ceteris eius creditoribus facturum. Item illud Africani l. 208. D. de uerb. signific. Bonorum appellatio, sicuti hereditatis, uniuersitatem quandam ac uis successionis, & non singulas res res demonstrat.

QVANDO IVDICIA ORDINARIA.) Sequitur II. Bonorum emptio quo tempore ordinaria iudicia uigebant, usurpabatur. l. cum unus. 12. D. de reb. auet. iud. ubi Paulus ait, cum creditorem qui bonorum debitoris possessionem a Praetore postulauit, aliquid ex ordine fecisset. Ordinaria igitur iudicia, Iustinianus appellat antiqua: non quod sic olim dicebantur, sed quia Romanorum iudiciorum ritu formulisque, a Graecis & Constantinopolitanis Imperatoribus sublatis, cum antiqua significarent, & in quibus ordo antiquus usurpabatur, ordinaria ea nominabant. Itaque pro hisce uerbis, Quando ordinaria iudicia in usu fuerant: planius & explicatius ita dixisset, Quando ueterum iudiciorum ordo seruabatur. Veruntamen imitari Tribonianus uoluit etiam hac in re fortasse ueterum consuetudinem, qui cum aliquid non ordine usitato iudiciorum fieret, extra ordinem id fieri dicebant. ut cum extra ordinem quaestio de caede Clodij decreta est: aut cum a Praetore non iudicium dabatur, sed causa ipsa cognoscebatur: ueluti in fideicommissis, & si quae sunt alia quae non habent, inquit Vlpianus, ius ordinarij executionem. l. pecuniae. 178. D. de uerb. signific. Itaque sublata Pauli, id est, Alexandri tempore Quaestionum publicarum forma, ordo, inquit, exercendorum publicorum capitalium in usu esse desijt: durante tamen poena legum. l. ordo. 8. D. de pub. iud. Sublata igitur etiam Iustiniani tempore Praetoris urbani iurisdictione, reque ad Graecorum institutum reuocata, ordo antiquus qui ad Constantinum usque permanerat, & in Pandectis memoratur, sublatus est. Eum autem ex Oratione Ciceronis pro Quintio intelligimus hunc fuisse, primum ut nemine idoneo defensore debitoris existente, creditores a Praetore bonorum possessionem postularent. deinde, ut ea bona dies XXX. possiderent. tertio, ut ea proscriberent, auctionisque magistrum unum aliquem facerent, qui rerum omnium uendendarum negotium susciperet. Hunc in Pandectis uideo Curatorem bonorum appellari: ut in l. cuius. 9. D. de curat. furios. ubi Neratius ita scribit: Cuius bonis distrabendis curatores facere senatus permittit, eius bona a creditoribus uendere non permittit: quamuis creditores post id beneficium bona uendere mallet. sicut enim integra re potestas ipsorum est, utrum uelint eligendi: ita cum alterum elegerint, altero abstinere debent. Et l. ult. D. de cur. bon. dand. Si debitor foro cesserit, & creditores elegerint unum per quem bona distrabantur, mox extiterit alius qui se creditorem dicat, bona debitoris una cum curatore uendere poterit.

Huc autem illa pertinent ex Philippica XI. Videte etiam P. Decij auctionem, clarissimi iuri, qui maiorum suorum exempla persequens, pro alieno se are deuouit emptori. item: Nam quid ego de Trebellio dicam? quem ultra uidentur furiae debitorum. iudicis enim tabularum nouarum nouam tabulam uidimus. Intelligit autem tabulam bonorum eius, auctione uenditorum. item: Quid dicam de Apulo Domitio? cuius bona modo proscripta uidimus: tanta Procuratorum est negligencia. Item illud ex Orat. pro Quintio: Cui magistri sunt, & domini constituuntur: qui qua lege & qua conditione pereat, pronunciant, de quo homine Praecons uox praedicat, & precium conficit, huic acerbissimum uiuio uiuentique funus ducitur: si finis id habendum sit, quod non amici conueniunt, ad exequis cobonestandus: sed bonorum emptores, ut caruifices, ad reliquias uita lacerandas & distrabendas.

EXTRAORDINARIIS IVDICIIS POSTERITAS VSA EST.) Ita locutus est, pro, ueterem iudiciorum ordinem non obseruauit. Erat enim etiam his Constantinopolitanis iudicijs ordo quidam & ritus, sed non idem qui Romanis.

CVM IPSIS ORDINARIIS IVDICIIS.) Sequitur III. Bonorum emptiones una cum iudicijs ordinarijs ex usu sublatae sunt.

CREDITORIBVS DATVR OFFICIO IVDICIS BONA POSSIDERE.) Sequitur IIII. Hoc tempore sine bonorum uenditione, creditoribus bonorum possessio iudicis officio datur. l. cum proponas. 9. C. de bon. auet. iud. ubi Imppp. aiunt, creditorem latitantis debitoris bonorum possessionem impetrare posse, & tempore transacto, etiam uenditionem



**A** ditionem eorum à competenti iudice postulare. quod idem traditur in l. 6. eiusdem tit. ubi cum debitor communis sine successore decessisset, non dominij rerum vindicatione, sed possessione bonorum, itemq; uenditione omnibus creditoribus consulendum traditur. Sed uere ut dicam, non satis equidem intelligo quid illud sit quod hac in re immutatum Iustinianus scribit. Nam siue possessionem, siue bonorum emptionem uni attribuendam spectemus, ius hoc in Pandectis celebratum esse paulo ante docuimus. Quinetiam etsi quædam in bonorum possessione Iustinianus immutauit, in l. ult. C. illo tit. quid ita tamen non uni alicui uniuersa bona semel emere eodem modo licebit, quo antiquitus solebat?

*Iustiniani lege S. C. Claud. sublatum est, quo mulier, quæ seruo se alieno iunxerat, in domini potestatem cum fortunis omnibus redigebatur.*

*l. j. C. de S. C. Claud.*

**II.** Erat & ex senatusconsulto Claudiano miserabilis per uniuersitatem adquisitio: cum libera mulier seruili amore bacchata, ipsam libertatem per senatusconsultum amittebat, & cum libertate substantiam. quod indignum nostris temporibus esse existimantes, & à nostrâ ciuitate deleri, & non inferi nostris Digestis concessimus.

**LIBERA MULIER SERVILI AMORE BACCHATA.)** Enunciatio I. Claudiano S. C. mulier quæ seruo se alieno iunxerat, domino serui cum bonis suis omnibus addicebatur. l. 1. C. de S. C. Claud. toll. ubi Iustin. ait, denunciationibus sententiâq; iudicum opus fuisse. Vlpianus autem cap. Instit. 11. Maxima capitis deminutio, inquit, dicitur, per quam ciuitas & libertas amittitur. ueluti, cum mulier alieno seruo se iunxerit denunciante domino, & ancilla facta fuerit ex S. C. Claudiano. De hoc porro S. C. pluribus in appendice Commentarij uerborum iuris explicauimus. Nunc illud adiciemus, fuisse hoc adiudicationis genus illius simile, de qua Cicero in Diuinatione commemorat: cum Agonidem mulierem Siculam, quæ se & sua Erycinæ Veneris esse dixisset, à Cæcilio similiter damnatam fuisse narrat. Iste, inquit, in possessionem bonorum mulieris mittit, ipsam Veneri in seruitutem adiudicat: deinde bona uendit, pecuniam redigit. Ita dum pauca mancipia Veneris nomine Agonis ac religione retinere uult, fortunas omnes libertatemq; suam istius iniuria perdidit.

**A NOSTRA CIVITATE DELERI.)** Sequitur II. S. C. Claudianum à Iustiniano sublatum, atque in Pandectis referri prohibitum est. d. l. unic. C. de S. C. Claud. ubi, si quid tale uel seruus uel adscriptitijs fecerit, domino potestatem permittit in eum seruum animaduertendi, ut eum à mulieris consuetudine retrahat: & ni hac potestate utatur, non in ipse discessurum denunciat.

FINIS LIBRI SECVNDI

# Institutionum Iuris, D. Iustini- niani, Liber tertius.

## DE OBLIGATIONIBVS. TITVLVS I.

**O**bligationis definitio, eiusq; summa & prima diuisio: ut  
alia sint ciuiles, alia honoraria.



**N**UNC transeamus ad obligationes. Obligatio, est iuris uinculum, quo necessitate adstringimur alicuius rei soluendæ, secundum nostræ ciuitatis iura. Omnium autem obligationum summa diuisio in duo genera diducitur. namque aut Ciuiles sunt, aut Prætorix. Ciuiles sunt, quæ aut legibus constitutæ, aut certè iure Ciuili comprobatae sunt. Prætorix sunt, quas Prætor ex sua iurisdictione constituit, quæ etiam Honorariæ uocantur.

**NUNC TRANSEAMVS AD OBLIGATIONES.)** Harum, ut ante dixi, Institutionum tripartita tractatio est. nam primo loco de personis litigatorum: secundo, de litium controuersiarumq; materia: tertio de litigandi disceptandiq; formulis, differitur. Litium autem materia duplex est: aut enim propter res instituntur: aut propter obligationes. sed quoniam immensa secundi libri magnitudo futura erat, si quæ ad utraq; pertinent, unum in uolumen collata fuissent: propterea commodius uisum est, in tertium librum hanc de obligationib. disputationem reycere. Nunc igitur ad obligationes transeamus. Videtur autem obligationis uerbum ex antiqua Nexus formula deductum. Nexus autem est, quodcumq; per æs & libram geritur: auctoribus Manilio & Mutio apud Varr. libro De ling. Lat. 4. Aelio Gallo apud Festum, & Cicerone lib. de Oratore III.

**OBLIGATIO, EST IVRIS VINCVLVM.)** Enunc. I. Obligatio ex iure uim suam sumit. l. sub hac. 8. D. de oblig. & act. ubi Pomponius ait, sub hac conditione SI VOLAM, nullam fieri obligationem. pro non dicto enim esse, quod dare, nisi uelis, cogi non possis. Ergo ex iure, non ex hominū ipsorum facto & uoluntate concipitur obligatio: quippe quæ libertatem ciuis Ro. imminuit. uidetur enim is qui obligatus est, in eius cui obligatus est, potestate quadam esse. l. qui testam.

mento. 20.



mento. 20. §. 1. D. de testam. ubi Vlp. ait, eum qui ab hostibus redemptus est, in redemptoris esse potestate. quamvis, inquit, placeat hunc servum non esse: sed iunculo quodam retineri, donec precium soluat. Cum igitur sola lex libertatem possit immiscuere, sequitur, solam legem obligationi vim attribuere posse. Itaque ante Augusti legem heredes, quorum quid erat fideicommissum, nullo iuris iunculo tenebantur, inquit Iustin. §. 1. De fideicommiss. hered. non magis quam qui contractum imaginariū usurpabant: uti scribit Modestinus in l. contractus. §. 4. D. de oblig. & act. Hinc Papinianus in l. obligationes. 27. D. eod. Obligationes, inquit, quæ non propriis iuribus consistunt, neque officio iudicis, neque Prætoris imperio, neque legis potestate confirmantur.

QVO NECESSITATE REI SOLVENDÆ.) Sequitur II. Obligationes rei alicuius solvendæ necessitatem imponunt. l. 3. D. de oblig. ubi Paulus ait, obligationum substantiam non in eo consistere, ut aliquod corpus nostrum faciat: sed ut alium nobis obstringat, ad dandum aliquid, vel faciendum, vel præstandum. Rem autem solui hoc loco generaliter dixit, cum omnem omnino liberationis adipiscendæ modum intelligat. nam ut ait Paulus in l. 54. D. de solut. Solutionis verbum pertinet ad omnem liberationem quoquo modo factam: magisque ad substantiam obligationis refertur, quam ad nummorum solutionem.

SECUNDVM NOSTRÆ CIVITATIS IVRA.) Sequitur III. Necessitas rei solvendæ ex iuris civilis instituto intelligenda est. l. 1. §. 1. D. eod. multa enim deberi videntur, atque adeo vere debentur, quorum tamen iure civili nulla exactio est. veluti, si seruo vel pupillo, sine tutoris auctoritate aliquid creditum est. Itaque Vlpian. in d. l. servus, scribit servos ex contractu civiliter non obligari, sed naturaliter & obligare & obligari.

SVMMA DIVISIO IN DVO GENERA.) Sequitur IIII. Obligationum prima & summa divisio ex duplici iuris ratione bipartita est. l. 1. §. 3. D. de pecun. constit. Duo namque iura sunt, quæ vim ac robur obligationibus dediderunt: Civile & Prætorium. Civili autem iure leges, plebiscita, Senatusconsulta, Principum placita, Iurisconsultorum responsa intelligimus.

AVT LEGIBVS CONSTITVTÆ, AVT CERTE IVRE CIVILI.) Sequitur V. Civiles obligationes dicuntur, quas vel leges instituerunt, vel ius civile comprobavit. Legum autem appellatione etiam plebiscita, Senatusconsulta, & Principum placita comprehenduntur: veluti, cum lex duodecim Tabularum heredem legatariis obligat: plebiscitum Aquilianum, damnum iniuria inferentem, ei cui intulit: Senatusconsultum Pegasianum, eum qui quartam accepit, creditoribus hereditariis: D. Marci rescriptum, cum cui addicta bona sunt, ipsi creditoribus. Iuris vero civilis comprobationem intelligo, populi Rom. consensum, obligationum formas à Iurisconsultis proditis usu & consuetudine comprobantis. Cuius rei paulo ante illustre vidimus exemplum in acquisitione omnium arrogati fortunarum: quam Iustinianus eo iure quod consensu receptum est, introductam scribit: itemque in stipulationibus, quæ non ulla lege, aut Senatusconsulto, aut principum rescripto, instituta est, sed à Iurisconsultis in usum consuetudinemque inducuntur, consensu populi comprobata & confirmata est. Similiter autem Iustinianus infra scribit, actionum alias ex legitimis & civilibus causis nasci, alias ex edicto Prætoris.

PRAETOR EX SVA IVRISDICTIONE CONSTITVIT.) Sequitur VI. Prætorie obligationes sunt, quas Prætor edicto suo instituit. l. obligamur. 52. D. de oblig. ubi Modestinus ait, iure honorario nos obligari, ex his quæ edicto perpetuo vel magistratu fieri præcipiuntur, vel utantur. Iurisdictionem enim suo more pro universo Prætoris munere officioque posuit, cuius pars edictum est: cum propriè iurisdictionis sit, edicti executio & administratio. veluti, cum Prætor bonorum possessorem creditoribus omnibus hereditariis obligat: cum eum qui pecuniam constituit, ei cui constituit astringit, aut ei qui sibi debere iuravit eum de quo iuratum est. Alioquin ex iurisdictione Prætoris obligationem non nasci, superius docuimus ex l. obligationes. 27. D. de oblig. ubi Papin. ait, obligationes quæ non propriis iuribus consistunt, Prætoris imperio non confirmari.

## Secunda obligationum divisio quadripartita, & primæ partis subdivisio. l. j. De obligat. & act.

II. Sequens divisio in quatuor species diducitur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de ijs quæ ex contractu sunt, dispiciamus. Harum æquæ quatuor sunt species. Aut enim re contrahuntur, aut verbis, aut literis, aut consensu. de quibus singulis dispiciamus.

AVT ENIM EX CONTRACTV.) Enunciatio I. Secunda obligationum divisio ex quadruplici facti ratione quadripartita est. l. 1. D. de oblig. & act. quatuor enim modis in obligationum laqueos incidimus: contrahendo, quasi contrahendo, delinquendo, & quasi delinquendo. Itaque quod in d. l. 1. Caius scribit, Obligationes aut ex contractu nascuntur, aut ex maleficio, aut proprio quodam iure ex variis causarum figuris: sic intelligo, ex iure quodam à puro contractu puroque maleficio secreto, per seque ac proprie constante, ex variis causis quæ neque contractus neque maleficia sunt, sed illorum affines. Differt igitur hæc divisio ab illa superiore, quod illa unde vis obligationum nata sit, demonstrat: nimirum vel ex lege, vel ex edicto: hæc vero, quid agendo in obligationis laqueum incidamus ostendit. nam superior illa obligationum causam efficiens tem, hæc earundem materiam indicat.

AEQVE QVATVOR SVNT SPECIES.) Sequitur II. Obligationum quæ ex contractu nascuntur, divisio ex quadruplici formarum ratione quadripartita est. l. 1. D. de obligat. & act. ubi tamen Caius, siue potius Tribonianus, nomina siue literis iccirco prætermittit, quod illæ in usu esse desierant: ut suo loco docebimus. Formæ tamen siue modi res contrahendi quatuor sunt: quarum duæ iuris gentium sunt, nimirum re & consensu: duæ iuris civilis, verbis & nominibus. sunt enim hi Iurisconsultorum ingenij & consilio instituti,

atque in populi consuetudinem usumque  
introducunt.

QVIBVS



A

QVIBVS MODIS RE CONTRAHITUR obligatio.

TITVLVS II.

*Mutuum est, contractus quo rerum quæ pondere, numero, mensura constant, usus ita conceditur: ut postea non eadem, sed aliæ generis eiusdem reddantur. l. 2. Si cert. pet. l. 1. D. de obligat.*

**R**E contrahitur obligatio, ueluti mutui datione. Mutui autem datio in ijs rebus cõsistit, quæ pondere, numero, mensura uel constant: ueluti uino, oleo, frumento, pecunia numerata, ære, argento, auro: quas res aut numerando, aut metiendo, aut adpendendo in hoc damus, ut accipientium fiant: & quandoque nobis non eadem res, sed aliæ eiusdem naturæ & qualitatis reddantur. Vnde etiam mutuum appellatum est, quia ita à me tibi datur, ut ex meo tuum fiat: & ex eo contra-

ctu nascitur actio, quæ uocatur condictio. VELVTI MUTVI DATIONE.) Enunciatio I. Obligatio ex mutuo, nisi re tradita acceptaq; non contrahitur. l. 1. D. de obligat. & act. Sic enim Caij uerba interpretor, cum inquit, Re contrahi obligationem mutui datione. Quod ex aliorum contractuum comparatione planius intelligitur. nam emptio, conductio, mandatum, societas, eiusmodi sunt, ut sola nudaq; conuentione inter se ciues obligentur: quamuis res nulla intercefferit. At mutui obligatio ex rei traditione acceptio-

**B** neq; nascitur. non enim si quis mihi sic dicat, Tibi ego ex decem aureorum mutuatione sum obligatus, & ego consentiam, ideo circò ulla re astrictus est. Dari enim accipi q; decem opus est. Causæ constitutio: Decem alicui credidi: conuenitq; inter nos, ut undecim debeat. Intentio mea: Undecim te mihi dare oportet. D. Non oportet. Q. An oporteat. R. Quia non plures quàm decem abs te accepi. F. At conuenit inter nos ut undecim deberes. Controuersia ex contrariè scriptis nata est: quorum alterum obligationem ex mutuo non nisi quatenus accepta res est, nasci permittit: alterum ait contractus formam ex conuentione accipere. Disceptatio igitur est: An cum obligatio ex mutuo non nisi quatenus datum est nascatur, tamen propter conuentionem in maiorem summam concipi possit. Vlpianus ex Proculi sententia respondet, Nequaquam. l. rogasti. 11. §. 1. D. de reb. cred. & Paulus l. si tibi. 17. D. de pact. ubi ait: Si tibi decem dem, & paciscar ut mihi uiginti debeantur, non nascitur obligatio ultra decem: Re enim non potest obligatio contrahi, nisi quatenus datum sit. Item l. cum ultra. 9. C. de non num. pec. ubi Imp. ait, neminem ultra id quod accepit, re obligari posse. Item l. qui pecuniam. 30. D. de reb. cred. ubi Paulus ait: Qui pecuniam creditam accepturus spondit creditori fuuro, in potestate habet ne accipiendo se ei obstringat.

IN IIS REBUS CONSISTIT.) Sequitur II. Mutuum earum duntaxat rerum consistit, quæ pondere, numero, mensura constant. d. l. 1. & l. 2. D. si cert. pet. ubi Paulus hanc subijcit rationem: Quoniam eorum datione possumus in creditum ire, quia in genere suo functionem recipiunt per solutionem magis quàm per speciem. Sensus est: Mutuum earum tantum rerum est, quarum functio siue solutio non fit in specie, hoc est, in indiuiduo, sed in genere. Solæ autem res quæ pondere, &c. constant, in suo genere functionem recipiunt. Ergo earum tantum rerum mutuum est. Assumptio probatur ex eo, quia rerum illarum usus sine consumptione & interitu speciei nullus est. Ex quo efficitur, usum earum concedi non posse, nisi abusus etiam concedatur.

VT ACCIPIENTIVM FIANT, ET QVANDOQVE.) Sequitur III. Quæ mutuo dantur, cõdantur ut accipientis fiant. d. l. 1. & d. l. 2. Cuius rei ratio reddita est: quia nisi hac lege darentur, usus illarum planè esset nullus. Itaq; Vlp. in l. qui sic. 55. D. de solut. numos qui sic dantur ut recipiantur, non alienari respondit.

**C** NON EADEM RES, SED ALIÆ.) Sequitur IIII. Mutuum fit, non isdem, sed alijs eiusdem generis rebus reddendis. dd. l. 1. & 2. Mutuum enim fieri dicitur, cum par pro pari redditur. At si res eadem redderetur, primum usus eius fuisset nullus. deinde non mutuum fieri, hoc est, non dari, sed restitui res diceretur. tum autem mutuum fit, cum par fuerit: ut si quis danti det uicissim, mutuum faciat: si quis ei qui dedit restituat, nequaquam. aliud enim dare est, aliud restituere.

VT EX MEO TVVM FIAT.) Sequitur V. Mutuum dictum est, quod ex meo tuum fit. Quid igitur, si de tuo meum fiat? Verum ita pet. ubi Paulus ait, appellatam esse mutui dationem ab eo, quod de meo tuum fit. l. 2. §. 3. D. si cert. ludere Iurisconsultis placuit in quorundam uerborum notatione, ut in Testamentum, Sacellum, & alijs non paucis. Varro autem lib. De ling. Lat. 4. Si datur, inquit, quod reddatur, mutuum: quod Siculi *μῶτρον*. Ita scribit Siphron, *μῶτρον ἀλλήλων*. Verè autem sic se res habet, ut mutuum in eius persona propriè sit, qui reddit. Plautus in Curcullione:

Eam uolt meretricem facere, ea me deperit.

Ego autem cum illa uolo facere mutuum.

P. A. Quid ita? P. H. Quia proprium facio: amo pariter simul.

Cicero Q. Metellio: Quod autem ita scribis, pro mutuo inter nos animo: quid tu existimes esse in amicitia mutuum, nescio. equidem hoc arbitror, cum par uoluntas accipitur & redditur.

ACTIO QVAB VOCATVR CONDUCTIO.) Sequitur VI. Actio quæ ex mutuo nascitur, Condictio appellatur. Eius autem formulam inferius exponit: SI PATERET Horatium Valerio centum aureos mutuo dedisse, neq; ea Valerius reddat, tum Valerius damnetur.

Qui indebitum ab imprudente accepit, conductione obligatur: pupillus tamen neq; hoc modo, neq; ex mutuo sine tutore auctore obligatur. l. 7. §. 7. De oblig. & act.

II. Is quoque qui non debitum accepit ab eo qui per errorem soluit, re obligatur: daturq; agenti



agenti contra eum propter repetitionem condictionis actio. Nam perinde ei condici potest, SI PARET EVM DARE OPORTERE, ac si mutuum accepisset. Vnde pupillus, si ei sine tutoris auctoritate indebitum per errorem datum est, non tenebitur indebiti condictione, non magis quam mutui datione. Sed hæc species obligationis non uidetur ex contractu consistere: cum is qui soluendi animo dat, magis uoluerit negotium distrahere, quam contrahere.

AB EO QVI PER ERROREM SOLVIT.) Enunciatio I. Qui indebitum per errorem soluentis accepit, re obligatur. l. 5. §. is quoq. D. de obligat. ubi Caius scribit, hunc ita obligari, quasi ex mutui datione. Duo igitur ad hanc obligationem concipiendam necessaria sunt: primum, ut res per errorem & ab imprudente data sit. l. 1. D. de cond. ind. ubi Ulpianus ait, eum qui indebitum ignorans soluit, posse repetere: eum uero qui sciens se non debere soluit, repetitionem non habere. adeo ut Pomponius scribat, quod quis sciens indebitum dedit hac mente ut postea repeteret, repetere non posse. l. quod quis. 50. D. eod. Alterum est, ut res accepta sit: quo uerbo rem non suam, sed alienam accipiendam esse significamus. nam, ut Iulianus ait: Si in area tua ædificassem, & tu ades posuideres, condictio locum non habebit: quia nullum negotium inter nos contraheretur. nam is qui non debitam pecuniam soluerit, hoc ipso aliquid negotij gerit.

PROPTER REPETITIONEM CONDICTIONIS ACTIO.) Sequitur II. Propter indebiti soluti repetitionem actio condictionis nascitur. d. l. 5. ubi Caius ait, hunc eadem actione teneri, qua debitores creditoribus. Obseruandum est autem quod Papinianus scribit in l. hæc condictio. 66. sub eod. tit. condictionem hanc ex bono & æquo introductam esse: ut quod alterius apud alterum sine causa deprehenditur, reuocetur. Quod eius dictum ex causæ constitutione intelligitur. Qui per errorem indebitum soluerat, condictionem à Prætoribus postulabat. Intentio: Debetur mihi condictio. D. Non debetur. Q. An debeatur. R. Quia formula condictionis ob eas tantum obligationes instituta est, quæ data opera quæsitæ & expetitæ sunt. In hoc autem negotio non obligatio, sed dissolutio quærebatur. F. Attamen æquitas postulat, ut hoc quoq. casu permittatur. Disceptatio ex iuris æquitatisq. contentione nascitur: An æquum & bonum sit, eam ad hoc negotium admitti.

SI APPARET EVM DARE OPORTERE.) Sequitur III. Formula condictionis hæc est: Si apparet eum dare oportere. Prætor igitur recuperatores in hæc uerba dabat, SI PATERET Quintium Sextio centum quæ non debebat imprudentem dedisse, neq. Sextius ea restituat, tum Sextius damnetur.

VNDE PUPILLVS, SI EI.) Sequitur IIII. Pupillus indebitum sine tutoris auctoritate accipiens, non obligatur. l. obligari. 43. D. de oblig. & act. Eiusq. rei ratio hæc est: quia si obligaretur, obligaretur ad dandum, hoc est, ab alienandum. At cum ab alienare sine tutoris auctoritate non possit, quippe qui rerum suarum ius non habeat, sequitur, ne ab alienandum quidem obligari sine eodem auctore posse. Atq. hoc ipsum est, quod uerbum illud significat VNDE PUPILLVS. nam cum dixisset actionis formulam de dando concipi, sequebatur, necessario ea uti aduersus pupillum non liceo. Itaq. Caius in l. obligari. 9. D. de auct. tut. ait, pupillum credendo alicui sine tutoris auctoritate obligare sibi cum non posset, quia sine tutoris auctoritate nihil alienare potest.

NON MAGIS QVAM MVTVI DATIONE.) Sequitur V. Pupillus mutuum sine tutoris auctoritate accipiens, non obligatur. l. pupillus. 59. D. de oblig. & act. ubi Licinius ait, Pupillum mutuum pecuniam accipiendo ne iure quidem naturali obligari.

NON VIDETVR EX CONTRACTV CONSISTERE.) Sequitur VI. Obligatio in debitum accipientis, non tam ex contractu, quam ex distrahere uolentis facto proficiscitur. d. l. si quis. §. is quoq. ubi Caius iccirco hanc obligationem multo commodius, meliusq. quam hoc loco Iustinianus collocat, nimirum in earum ordine quæ quasi ex contractu nascuntur. Nam ceteræ obligationes ex ijs negotijs nascuntur, quæ obligandi alterius animo suscipiuntur. Cum enim mutuo do centum Ebutio, propterea negotium istud suscipio, ut Ebutius mihi obligetur: at enim eidem centum iccirco adnumero, quod illi à me ea deberi existimem: non obligandi illum animo, sed memet liberandi causa, negotium istud suscipio. Gestum tamen hoc casu negotium Iulianus affirmat in l. si in area. 33. D. de cond. ind. Nam is, ait, qui non debitam pecuniam soluerit, hoc ipso aliquid negotij gerit.

*Commodatum, est contractus quo gratis alicuius rei usus ita conceditur, ut accipiens summam in ea ipsa reddenda diligentiam præstare debeat. l. j. De obligat.*

III. Item is, cui res aliqua utenda datur, id est, commodatur, re obligatur, & tenetur commodati actione. Sed is, ab eo qui mutuum accepit, longè distat. namq. non ita ei res datur, ut eius fiat: & ob id de ea re ipsa restituenda tenetur. Et is quidem qui mutuum accepit, si quolibet fortuito casu amiserit quod accepit: ueluti incendio, ruina, naufragio, aut latronum hostiumue incurfu: nihilominus obligatus remanet. At is qui utendum accepit, sanè quidem \* exactam diligentiam custodiendæ rei præstare iubetur: nec sufficit ei tantam diligentiam adhibuisse, quantam in suis rebus adhibere solitus est: si modò alius diligentior poterat eam rem custodire. sed propter maiorem uim, maiorisue casus non tenetur: si modò non ipsius culpa is casus interuenit, alioqui si id quod tibi domi commodatum est, peregrè tecum ferre malueris, & uel incurfu hostium prædonumue, uel naufragio amiseris: dubium non est, quin de restituenda ea re tenearis. Commodata autem res tunc propriè intelligitur, si nulla mercede accepta uel constituta, res tibi utenda data est. alioqui mercede interueniente, locatus tibi usus rei uidetur. Gratuitum enim debet esse commodatum.

VTENDA



**VTENDA DATVR, ID EST COMMODATVR.)** Enunciatio I. Utendum dare & commodare idem sunt. l. 1. D. commod. ubi Vlp. ait placere Labconi, inter commodatum & utendum d. itum tantum interesse, quantum inter genus & speciem. Commodari enim rem mobilem, non etiam soli: utendam dari etiam soli. sed apparere commodatam rem etiam eam dici, quæ soli est: adeo ut habitatio commodari possit. Vtunq; sit, prima inter mutuum & commodatum differentia notanda est, quod mutuum earum rerum est, quæ pondere, numero, mensuræ constant: commodatum uero, aliarum rerum omnium præter illas.

**RE OBLIGATVR, ET TENETVR COMMODATI.)** Sequitur II. Ex commodato nisi tradita acceptaq; re, non nascitur obligatio. l. 1. D. de obligat. & act. Causæ constitutio: Cum equum meum commodato Titius à me petisset, concessi: nec tamen ei tradidi. Is equus neglectus à me, morbum aliquem contraxit: ago cum Titio commodati. Intentio mea: Equum meum te mihi dare oportet. D. Non oportet. Q. An oporteat. R. Quia nec mihi traditus, nec à me acceptus est. F. At conuenit inter nos, ut eo tibi uti liceret. Disceptatio e contrariè scriptis oritur, An cui ex conuentione uti equo licuit, si eo usus non sit, commodati actione teneatur. Respondetur, non teneri.

**ET TENETVR COMMODATI.)** In hæc uerba, SI PATERET Octauium equum Septimio commodasse, neq; Septimius eum restituat, tum quantum ex ea re Septimium Octauio dare facere oportet ex fide bona, tanti Septimius damnetur.

**NON ITA RES DATVR, VT EIVS FIAT.)** Sequitur III. Res non eo commodatur, ut accipientis fiat: sed ut eadem ipsa reddatur. l. rei commodatæ. 8. & 9. D. eod. ubi Pomp. & Vlp. scribunt, Rei commodatæ proprietatem retineri: neminem enim commodando eius rem facere, cui commodat. Atq; hæc quidem secunda inter mutuum & commodatum differentia est: quod in illo res fit accipientis, in hoc uero nequaquam. Ratio est, quia nemo ijs rebus in quibus mutuum consistit, uti, nisi qui eas consumat, potest. Harum uero usus separari à substantia potest. nam ut ait Vlp. non potest commodari id quod usu consumitur, nisi forte ad pompam, uel ostentationem quis accipiat. l. 3. in fin. D. eod.

**QVI MUTVVM ACCEPIT, SI FORTVITO CASV.)** Sequitur IIII. Qui mutuum accepit, fortuito rei interitu non liberatur. l. incendium. 11. C. si cert. pet. ubi Imp. ait, debitorem propter incendium ære alieno non liberari. Causæ constitutio: Mæuius mihi mille aureos mutuo dederat. cum eos in arca mea condidissem, fortuito incendio, quod ædibus meis contigit, perierunt. Intentio ipsius: Mille aureos te mihi dare oportet. D. Non oportet. Q. An oporteat. R. Quia numi quos mihi dederas casu fortuito perierunt. F. At ego non illos eosdem repeto, sed alios eiusdem generis. Disceptatio ex contrariè scriptis nascitur: quorum alterum, speciei interitu debitorem liberari tradit: alterum pecuniam non in specie, sed in genere functionem recipere. An cum mutuo dati numi perierint, tamen quia non iidem, sed alij debentur, debitor nihilo minus teneatur. Respondetur, teneri. Vnde tertia inter mutuum & commodatum differentia intelligitur: quod qui mutuum accepit, fortuito rei interitu non liberatur: commodatarius liberatur.

**EXACTAM DILIGENTIAM CVSTODIENDÆ REI.)** Sequitur V. Commodatarius non casum, sed culpam etiam leuissimam præstat. l. 1. C. commod. l. 5. §. quod uero. & l. in rebus. 18. D. eod. ubi Caius scribit, in rebus commodatis talem diligentiam præstandam esse, qualem quisq; diligentissimus paterfam. suis rebus adhibet. ita ut tantum eos casus non præstet, quibus resisti non possit: ueluti mortis seruiorum, quæ sine dolo & culpa eius accidunt, latronum hostiumue incurfus, piratarum insidias, naufragium, incendium. Itaque Vlpianus ait, eum qui rem commodatam accepit, si in eam rem usus est in quam accepit, nihil præstare, si eam in nulla parte culpa sua deteriore fecit. nam si culpa fecit deteriorem, teneri. l. cum qui. 10. eod. eiusq; rei exemplum in l. ult. Pomponius protulit. Si commodauero tibi equum, inquit, quo uteris usq; ad certum locum, si nulla culpa tua interueniente in ipso itinere deterior equus factus sit, non teneris commodati. nam ego in culpa ero, qui in tam longum iter commodavi, qui eum laborem sustinere non potuit.

**EXACTAM DILIGENTIAM.)** Argentinensis codex aperte EXACTISSIMAM scriptum habet. quam uerissimam scripturam esse, patet tum ex l. 1. D. de obligat. & actionibus. tum ex eo quod in fine huius §. mediocris diligentia exacta appellatur: cum in commodatario & leuissima culpa reprehendatur, & quam accuratissima diligentia desideretur: ut apparet ex l. contractus. D. de reg. iur. Sed opere precium esse arbitror, hac tota de re breuiter hoc loco differere. magnum enim errorem uideo in scholis uerari quorundam hominum, idem esse culpam & negligentiam existimantium: cum attentius rem omnem perpendenti facile intellectu sit, quemadmodum diligentia & negligentia contraria sunt, & ex eo genere contrariorum quæ priuantia nominantur: eodem modo, ut laus diligentia est consequens, sic etiam culpam negligentia consequentem esse. Quod cum ita sit, sequitur etiam illud, quamuis diligentia triplex sit, minima, mediocris, & summa: uti paulo post docebimus: tamen omnem negligentiam quamuis diligentia excludi: quemadmodum omnem cæcitatem quouis aspectu. & ut non dicimus cæcitatem aliam esse paruam, aliam maiorem, aliam summam: quoniam in priuatione neq; summissio, neq; elatio est: sic in iure ciuili non aliam negligentiam minimam facimus, aliam mediocrem, aliam summam: sed ubi cunq; ulla quamuis minima diligentia est, inde abesse negligentiam affirmamus. quæ de causa Vlpian. in l. 1. D. Si mensor fals. mod. dix. mensorem qui minimam aliquam negligentiam adhibuit, extra omnem culpam ponit. Verum hæc paulo dilucidius explicanda sunt. Minima igitur diligentia in iure dicitur ea, quam quis suis in reb. adhibet. l. si constanter. 24. §. si marinus. D. sol. mat. & l. hæredes. 25. §. non tantum. D. famil. ercisc. l. quod Nerua. 32. D. depos. ubi Cels. ait: Si quis non ad eum modum quem hominum natura desiderat, diligens est, nisi tamen ad suum modum curam in deposito præstat, fraude non caret. nec enim salua fide minorem in ijs quam in suis rebus diligentiam præstabit. Ex quibus duo patere arbitror, primum eum qui minimam diligentiam debet, tantam debere, quantam in suis rebus adhibet. deinde illud, minimæ diligentia aduersari eregia onæ summam negligentia. propterea quod, ut qui summe fuit negligens, ne minimam quidem diligentiam adhibuit: sic qui ne minime quidem fuit diligens, summa usus sit negligentia necesse est. Ex quo illud consequitur, quoniam minimæ diligentia summa negligentia opponitur, non autem minima, uel mediocris: nullius à nobis in iure ciuili negligentia fieri mentionem, præterquam illius unius, quam uel summam, uel magnam, uel maximam appellamus. Quod hinc etiam licebit intelligi, quia qui uel minimam diligentiam adhibuit, eum nullam omnino negligentiam adhibuisse constat: non magis quam qui uel minimam uidet, nullo modo cæcus appellatur. Sequitur nunc ut illud explicemus: Quamuis unica & singularis negligentia species à nobis



cies à nobis ponatur : tamen culpa, quæ ipsius est (ut antea docuimus) consequens, tres à nobis species constitui : Latam, (quæ & Latior & Grauior & Latissima nonnunquam appellatur) leuem, & leuissimam. Lata dicitur, quæ minimæ diligentia est (ut Latini Dialectici loquuntur) repugnans : ut Græci, *μαχημην* : quippe quæ summæ diligentia, cui minima diligentia opponitur, sit consequens. Itaq; qui minimam diligentiam debebat, eam si non adhibuit, in culpa lata esse dicitur : quæ doli sit minima est. quod & Celsus in d. l. quod Nerua, demonstrat : ubi ait, eū qui minimam diligentiam non adhibet, fraude non carere. Atq; hoc nimirum illud est, quod ait Paulus in l. 22. 6. De uerb. signific. Magna negligentia, culpa est. magna culpa, doli est. Quod sic accipio, sicuti antea dicebamus, ut minima negligentia pro nulla numeretur : sed magna negligentia duntaxat quæ siue summa, siue mediocris, siue minima diligentia prætermittitur sit, culpa est : magna autem culpa, doli speciem habeat : ut l. 1. D. si mens fals. & l. si fideiusor. 29. D. mandati : ubi Vlp. ait, dissolutam negligentiam prope dolum esse. itemq; l. 1. §. is quoq; 3. De oblig. & act. & l. quasitum. 8. §. 3. D. de precar. ubi idem scribit, eum qui precario rogauit, nullius culpe nomine teneri, nisi eius quæ dolo proxima est : quod nemo non uidet ad latissimam culpam & minimam diligentiam pertinere. & item in l. 22. 3. De uerb. sig. lata culpa est, non intelligere id quod omnes intelligunt : ueluti, meum frumentum aut uinum apud te depositum, corrumpi, nisi illud interdum moueatur, hoc repleatur. Si tamen ne hanc quidem diligentiam in tuo adhiberes, extra culpam esses. quoniam, ut Iustinianus ait, qui negligenti amico rem custodiendam tradit, non ei, sed suæ facilitati id imputare debet. §. pen. infra eod. Item si cum tibi mandassem, ut mihi certum hominem emereres, & tu gratia ductus, passus sis alium emere. Vlp. in l. si procurator. 8. in fi. D. mand. scribit hanc latam esse culpam : aut cum fideiusor pro debitore soluisset, neq; eum cum posset certiore redderet. l. si fideiusor. 29. D. eodem. Hactenus de lata culpa differuimus, nunc ad leuem ueniendum est. Culpa leuis dicitur, cum is qui mediuam diligentiam debebat, non eam præstitit, sed minimam duntaxat. l. mulier. 22. §. 3. D. ad Trebell. ubi Vlpianus apertissime leuem culpam scribit esse consuetam cuiusque suis in rebus negligentiam. Itaq; intelligendus est idem in l. cum res. 47. §. 3. D. de legat. primo. Item Caius in l. quod sæpe. 35. §. 4. D. de cont. empt. ubi ait talem custodiam à uenditore desiderari, qualem bonus paterfamilias. suis rebus adhibet. & l. ea igitur. 14. & l. eleganter. 24. §. ult. D. de pignorat. act. Nam creditor in pignore mediuam diligentiam debet : non autem exactissimam, ait Iustinianus §. ult. infra hoc tit. hoc est, non qualem diligentissimus aliquis, & unus est multis, sed qualem magna pars patrumfamilias. adhibere consueuit. Itaq; sic seruos aut mulos onerare, ut debilitentur, (dum tamen doli absit) Vlpianus illo in loco leuem culpam appellat. Similiter Paulus in l. si putator. 31. D. ad legem Aquil. eum qui cum in priuato putaret arborem, & ramum deiceret, hominem occiderit, culpam teneri : culpam autem esse, quod cum à diligenti prouideri potuisset, non esset prouisum. Quare leuissima culpa est, cum is qui summam diligentiam debebat, non eam præstitit, sed mediuam tantum. Summa autem diligentia est, quam diligentissimus quisq; & maxime frugalis atq; industrius paterfamilias. rebus suis adhibet, de qua scribitur in l. socius. 72. D. pro socio. l. in lege. 44. ad leg. Aquil. & l. in rebus. 18. D. commod. sed præcipue in l. si merces. 25. §. qui columnam. D. locat. ubi ait tum abesse culpam, si omnia facta sunt, quæ diligentissimus quisq; obseruaturus fuisset. item l. 1. §. is quoq; D. de oblig. & act. ubi Caius scribit, commodatarium exactissimam diligentiam commodatæ rei debere : nec sufficere, si talem diligentiam adhibeat, quam suis rebus adhibet, si alius diligentior custodire potuerit. cui consentit Paulus in l. 3. D. de peric. & comm. rei uend.

NON IPSIUS CULPA CASVS INTERVENIT.) Sequitur VI. Commodatarius casum qui sua culpa contigit, præstat. l. in rebus. 18. D. eod. unde hic locus exscriptus est. Causæ constitutio : Septimius quod se amicos ad cenam inuitaturum diceret, commodatorem meum à me argentum accepit. At is postridie illud secum peregre deportauit : in itinere latrones ei argentum eripuerunt. Intentio mea : Argentum te mihi reddere oportet. D. Non oportet. Q. An oporteat. R. Quia in commodato casus fortuitus non præstat. F. At is casus tua culpa contigit. Disceptatio ex contrariis scriptis nascitur : An casus qui commodatarii culpa contigit, præstari debeat. nam in hac controuersia simul & casus & culpa interueniant. Respondetur, debere.

SI NULLA MERCEDE ACCEPTA.) Sequitur VII. Commodatum contrahi nisi grauitò non potest. l. in commodato. 17. §. 3. D. eod. ubi Paulus officium & beneficium hoc appellat.

LOCATVS TIBI VSVS REI.) Sequitur VIII. Commodatum cum primum merces adhibetur, locatio efficitur. l. si ut certo. 5. §. nunc uidentum. D. eod. ubi Vlp. ait : Si rem tibi dedi, ut creditori tuo dares pignori, si quidem grauitò concessi, fore commodati actionem : sin merces interuenit, locatio.

*Depositum, est contractus quo res aliqua ea lege apud alterum deponitur,  
ut is dolum tantum & latam in ea ipsa reddenda culpam præstare debeat. l. prima.  
D. de obligat.*

IIII Præterea & is apud quem res aliqua deponitur, re obligatur, actione depositi de eare & quam accepit restituenda tenetur. Sed is ex eo solo tenetur, si quid dolo commiserit. culpæ autem nomine, id est, desidie ac negligentia non tenetur. Itaq; securus est, qui parum diligenter custoditam rem furto amisit : quia qui negligenti amico rem custodiendam tradit, suæ facilitati id imputare debet.

RE OBLIGATUR, TENETVR QVE ACTIONE DEPOSITI.) Enunciatio I. Ex deposito non nisi re accepta nascitur obligatio. l. 1. De obligat. ueluti, Merces meas quæ in portu erant, rogauit te, ut domi tuæ depositas haberes : interea noctu eas fures auerterunt. Intentio mea : Merces te meas mihi dare oportet. D. Non oportet. Q. An oporteat. R. Quia neq; mihi abs te tradita, neq; à me recepta sunt. F. At inter nos conuenit, ut eas tuis in ædibus depositas haberes. Disceptatio ex contrariis scriptis : An qui conuenit, ut res apud se aliqua deposita esset, antequam deponatur, obligetur. Respondetur,



**A** spondetur, non obligari. non enim ex nudo consensu hanc nasci obligationem, sed ex rei traditione. nam (ut ait Vlp.) depositum est, quod alicui custodiendum datum est. dictum ex eo quod ponitur. prepositio enim DE auget depositum: ut ostendat totum fidei eius commissum, quod ad custodiam rei pertinet.

**ACTIONE DEPOSITI.)** In hac uerba: Si apparet Nonium merces apud Decium suas deposuisse, neque eas Decius restituat, tum quantum ex ea re dare Nonio Decium ex fide bona oportet, tanti Decius damnetur.

**DE EA RE QUAM ACCEPIT.)** Sequitur II. Depositarius de ea ipsa re quam accepit, restituenda tenetur. l. 1. De obligat. nam ut ait Florentinus in l. licet. 17. D. de pos. rei deposita proprietate apud deponentem manet. Causae constitutio: Deposui centum numos apud Octauium, ea lege ut tantundem mihi certo tempore redderet: ij casu apud illum perierunt. Intentio mea: Centum te mihi dare oportet. D. Non oportet. Q. An oporteat. R. Quia casu perierunt, quem depositarius non praestat. F. At hoc non depositum fuit, sed mutuum: quandoquidem non idem ipsum, sed tantundem in obligatione sit. Disceptatio ex ambiguitate uerbi nata est: An depositum non sit, si non ipsum, sed tantundem in obligatione sit. Papinianus in l. Lucius. 24. D. de pos. Depositum actio, inquit, locum habet, si id actum est, ut corpora numerorum eadem redderentur. nam si, ut tantundem solueretur, conuenit, egreditur ea res depositi notissimos terminos.

**EX EO SOLO, SI QUID DOLO.)** Sequitur III. Depositarius non culpa, sed doli tantum nomine obligatur. l. 1. D. de obligat. & l. si sine dolo. 20. D. de pos. Rationem superius exposuimus. quoniam is contractus eius solius gratia fit, qui deponit. At si conuenit, inquit Vlp. ut in deposito culpa praestetur, rata est conuentio: contractus enim legem ex conuentione accipiunt. Dolum autem praestandum non esse, non admittitur. nam hac conuentio contra bonam fidem, contraque bonos mores est. l. 1. §. si conuenit. D. de pos. Sape tamen euenit, ut res deposita uel numi periculo sint eius apud quem deponuntur. ut puta si hoc nominatim conuenit, sed etsi se quis deposito obtulit, periculo se alligasse: ita tamen ut non solum dolum, sed etiam culpam & custodiam praestet: non tamen casus fortuitos. d. l. 1. §. saepe euenit. Quod autem de culpa in

**B** Enunciatione diximus, de leui & leuissima intelligendum est. latam enim culpam praestandam Imp. scribit in l. 1. C. eod. nam & si quis, inquit Celsus, non ad eum modum quem hominum natura desiderat, diligens est, nisi tamen ad suum modum curam in deposito praestat, fraude non caret: nec enim salua fide minorem ijs, quam suis rebus, diligentiam praestabit. l. quod Nerua. 32. D. eod.

**NON EI, SED SVAE FACILITATI.)** Sequitur IIII. Qui rem apud amicum negligentem deponit, non ipsi debet suam negligentiam, sed sibi suam facilitatem uitio uertere.

*Pignus, est contractus quo res aliqua creditori ea lege obligatur, ut in illa ipsa, cum primum ei satisfactum erit, reddenda, dolum & leuem culpam praestet. l. j. D. de obligat.*

**V.** Creditor quoque qui pignus accepit, re obligatur: quia & ipse de ea ipsa re, quam accepit, restituenda, tenetur actione pigneraticia. Sed quia pignus utriusque gratia datur, & debitoris, quo magis pecunia ei credatur, & creditoris, quo magis ei in tuto sit creditum: placuit sufficere, si ad eam rem custodiendam exactam diligentiam adhibeat: quam si praestiterit, & aliquo fortuito casu eam rem amiserit: securum esse, nec impediri creditum petere.

**QVI PIGNVS ACCEPIT, RE OBLIGATUR.)** Enunciatio I. Ex pignore creditor nisi re tradita acceptaque non obligatur. l. 1. D. de obligat. Causae constitutio: Vinum quod in aliena cella, uel frumentum quod in horreo alieno conditum habebam, tibi pignori opposui, nec tamen clauis tibi tradidi: aliquanto post negligentia corruptum est. Cum tibi satisfactum esset crediti nomine, cepti pignus abs te meum repetere. Intentio: Frumentum te mihi meum incorruptum dare oportet. D. Non oportet. Q. An oporteat. R. Quia pignus abs te non accepi. F. At pignus nudo consensu contrahitur. Disceptatio ex contrarie scriptis: An cum pignus acceptum non sit, quia tamen solo consensu contrahitur, creditorem obliget. Respondetur, nequaquam. Nam cum Vlpianus ait in l. 1. D. de pig. act. pignus contrahi non sola traditione, sed etiam nuda conuentione, quamuis traditum non sit: non eo scribit, quasi creditor ex eo astringatur: sed quia res ipsa creditori obligetur. Hoc igitur inter illud Vlpiani & hoc Iustiniani scriptum interest, quod Vlpianus de rei obligatione, Iustinianus de creditoris obligatione ac uinculo loquitur. Ut illud appareat, hunc locum de rerum mobilium oppigneratione, potius quam de immobilium obligatione accipiendum esse. nam, ut ait Vlpianus in l. si rem. 9. D. eod. pignus proprie dicimus, quod ad creditorem transit: hypothecam, cum non transit, nec possessio ad creditorem. Et Caius l. plebs. 238. D. de uerb. signifi. Pignus, inquit, appellatum a pugno: quia res quae pignori dantur, manu traduntur. unde etiam uideri potest uerum esse quod quidam putant, pignus proprie rei mobilis constitui. Potest etiam altera causae constitutio fingi ex l. qui ratiario. 30. De pig. act. Qui ratiarius crediderat, cum ad diem non solueretur, ratem in flumine sua auctoritate detinuit: postea flumen creuit, & ratem abstulit. Intentio ratiarii: Ratem mihi debes reddere. D. Non debeo. Q. An debeat. R. Quia creditor in pignore uim maiorem non praestat. F. At hoc pignus non est: quia me ignorante, tu tua auctoritate ratem detinuisti. Disceptatio ex contrarie scriptis: An cum uis maior in pignore non praestetur, tamen quia tradita res non fuerat, creditor prestare plus debeat, quam si ex pignore obligatus esset. Alfenus respondet, debere.

**DE EA IPSA RE QUAM ACCEPIT.)** Sequitur II. Actione pigneraticia res ipsa quae pignori data est, repetitur. l. 1. §. creditor. D. de oblig. & act. nam, ut ait Florentinus in l. cum & sortis. 35. D. de pig. act. pignoris proprietate ad creditorem non transit, sed possessio duntaxat. Atque hoc quidem ita est, nisi forte quod pignori datum est, eiusmodi fuerit, ut eius tantum obtinendi causa paratum fuerit quod restituitur. ueluti si nomen pignori dederit, & creditor corpus illud accepit: perit a meo debitore cuius illud erat nomen. ut in l. si conuenerit. 18. D. eod. ubi Paulus ait: Si conuenerit ut nomen debitoris mei pignori tibi sit, tuenda est a Praetore hac conuentio, ut si nomen illud corporis alicuius fuerit, id quod acceperis tibi pignoris loco sit futurum.

**ACTIONE PIGNERATICIA.)** In hac uerba, SI PARET Ebutium Licinio suos scyphos pignori dedisse, Licinioque



Licinioq; satisfactum eo nomine fuisse, neq; tamen eos Licinius restituat, tum quantum ex ea re dare Licinium Ebutio ex fide bona oportebit, tanti Licinius damnetur. l. pignoratitia. 10. C. de pign. act. & l. ult. C. de luit. pign.

VTIVSQUE GRATIA.) Sequitur III. Pignus tā eius qui dat, quā eius qui accipit, gratia contrahitur. l. 5. §. 2. D. commod. & l. cōtractus. 23. D. de reg. iur. nā & facilius ei qui oppignerat, pecunia creditur: & ei qui accipit, cautur.

EXACTAM DILIGENTIAM ADHIBEAT.) Sequitur IIII. Qui pignus accipit, dolum tantum & leuem culpam præstat, casum uerò nequaquam. l. si cum uenderet. 13. D. de pign. act. ubi Vlp. sic scribit: Venit, inquit, in hac actione & dolus & culpa, ut in commodato uenit & custodia, uis maior non uenit. ea igitur, insert Paulus, quæ diligens paterfamilias in suis rebus præstare solet, à creditore exiguntur. Item l. eleganter. 24. §. ult. cod. ubi idem scribit, in pignoratitio iudicio uenire, & si res pignori data male tractauit creditor, uel seruos debilitauit. Planè si pro maleficijs suis coercuit, uel uinxit, uel obtulit præfecturæ, uel præfidi, dicendum est pignoratitia creditorem non teneri. quare si prostituit ancillam, uel aliud improbatum facere coegit, illicò pignus ancillæ soluitur. Fortuitum autem casum & uim maiorem à creditore non præstari, patet ex l. 4. §. 6. 7. 8. C. de pign. act.

EXACTAM DILIGENTIAM.) Cui, ut antè diximus, leuis culpa opponitur. nam de leuissima non teneri creditorem, uel hinc licet intelligatur, quòd non ipsius solius gratia hic contractus usurpatur.

## DE VERBORVM OBLIGATIONE.

### TITVLVS III.

*Ex uerborum obligatione, si res certa stipulata sit, certi condictio: si incerta, ex stipulatu actio nascitur: quæ à stipulo, id est, firmo nomen sumpsit. l. i. De oblig. & act.*

I. **V**erbis obligatio contrahitur ex interrogatione & responsione, cum quid dari fieriue nobis stipulamur. ex qua duæ proficiscuntur actiones, tam condictio, si certa sit stipulatio: quā ex stipulatu, si incerta, quæ hoc nomine utitur, quia stipulum apud ueteres firmum appellabatur, fortè à \* stipite descendens.

EX INTERROGATIONE ET RESPONSIONE.) Enunc. I. Verbis obligatio, nisi interrogatio ac responsio de aliquo dando faciendoue interuenerit, non contrahitur. l. i. §. uerbis. D. de oblig. & act. & l. i. D. de uerb. oblig. ubi Vlp. ait, stipulationem non posse confici, nisi utroq; loquente. & ideo neq; mutum, neq; surdum, neq; infantem posse stipulationem contrahere: nec absentes quidem, quoniam exaudire inuicem debent. Apparet igitur inter hunc contractum & ceteros differentia, quòd alij aut nudo consensu, aut rei traditione, aut nominum percriptione fiunt: neq; certam habent formulam quæ lingua pronuncietur: hic uerò totus nuncupatiuus est, certaq; uerborum solennium conceptione constat. Adde ut ibidem Vlp. scribat, cum qui stipulanti annuit, nec ciuilitè nec naturaliter obligari. Præterea, quòd obligatio ex stipulatione non contrahitur, nisi ut interrogatio concepta est, ita sequatur responsio. l. obligamur. 52. D. de oblig. & act. at si in locando, conducendo, emendo, uendendo ad interrogatum quis non responderit: si tamen consentitur in id quod responsum est, ualet quod actum est. quia hi contractus, non tam uerbis quā consensu confirmantur. quæ uerba sunt Pauli in l. si stipulor. 35. D. de uerb. oblig. Simul etiam intelligitur, quāobrem hanc obligationem Iurisconsulti uerbis contrahi dicant: cum omnis alia obligatio & uerbis contrahi possit, & plerumq; contrahatur à loquentibus, & uerba inter se commutantibus. nō enim quæ uis uerba hic intelligimus, sed solennia dumtaxat, & ea quæ certis syllabis ac formula circumscripta fuerant à Iurisconsultis, qui propterea libellos earum formularum conscripserant: quos Actiones appellari, & uulgi manibus teri solitas, docuimus in Comment. uerb. Iuris. Iam uerò illud intelligi oportet, Stipulationes scribi ferè solitas fuisse, quod uel ex hoc Plauti loco in Mite glorioso perspicitur: Miles, habes tabellas? Parasiti. Vis rogare? habeo & stylum. Eamq; consuetudinem licet in multis Pandectarum locis animaduertere. ut in l. iurisperitum. 7. §. quod ferè. D. de pact. & l. uno. 18. D. de acceptilat. Licebat etiam sine scriptura stipulationem cōtrahere, adhibitis nimirum testibus. Cicero pro Comædo: Stipulatus es tibi? quo die? quo tempore? quo præsentè? quis spondisse me dicit? nemo. Item: Hæc pecunia necesse est aut datā, aut expensā lata, aut stipulata sit. datam non esse, Fannius confitetur. expensam latam non esse, codices Fannij confirmant: stipulatam non esse, taciturnitas testium concedit. Verum hæc quidem ita se habent. Nunc illud quærendum est, quoniam Iustinianus hoc loco scribit, uerbis obligationem contrahi ex interrogatione & responsione: an ita hoc accipiendum sit, quasi quicumq; interrogatus respondet, daturum facturumue se, ex eo solo sit obligatus. Quod absurdum cruditis quibusdam uidetur, inepiè, ut argumento duplici doceamus. Primum, quia Vlp. in l. 2. §. 2. D. de dol. excep. scribit, eum qui sine causa stipulatus litem contestatur, doli exceptione repelli. Ex quo perspicuum est, obligationem ipso iure nasci. Deinde Plautus in Pseudolo lenonem inducit, falsa & inani fiducia fretum atq; exultantem, Simonem senem coegisse, ut ab sese XX minas stipularetur, si Pseudolus ab eo mulierem abduceret: & quum abducta esset, coactum lenonem argentum seni numerare. Sed melius est ipsius uerba subscribere, ex quibus stipulationis quoq; formula qualis fuerit, intelligitur:

Ballio leno: Minè uiginti sanæ ac saluæ sunt tibi  
Hodie, quas abs te inde est instipulatus Pseudolus.  
s. Velim quidem herclè. s. Roga me uiginti minas,  
Si illic hodie illa sit potitus muliere,  
Siue eam tuo gnato hodie, ut promisit, dabit.  
Rogato obsecro, herclè gestio promittere,  
Omnibus modis tibi esse rem ut saluam scias:  
Atq; etiam habeto mulierem dono tibi.  
s. Nullum periculum est, quod sciam, stipularier.

Vt conce-



**A** Vt concepisti uerba, uiginti minas dabin?

S. Dabuntur. — Et aliquanto post:

**B.** — Id ipsum est, emorior Simo.

S. Hercule haud te sinam emoriri, nisi argentum mihi redditur,

Viginti minæ. **H.** Atq; etiam mihi aliæ uiginti minæ.

**B.** Auferetur id præmium à me, quod promisi per iocum?

**S.** De improbis uiris auferri præmium & prædam decet.

**TAM CONDUCTIO CERTI.)** Sequitur II. Ex stipulatione rei certæ, certi conductio: ex incertæ, ex stipulatu actio nascitur. l. si quis. 24. D. si cert. pet. ubi Vlpian. ait: Si quis certum stipulatus fuerit, ex stipulatu actionem non habet: sed illa conducticia actione id persequi debet, per quam certum petitur. Itē l. 4. D. de usur. ubi idem scribit: Si stipulatus sis rem dari, uacuantq; possessionem tradi, fructus postea captos, actione incerti ex stipulatu, propter inferiora uerba te consecuturum. Certum autem, inquit Caius, quod ex ipsa pronuntiatione apparet, quid, quale, quantumq; sit. ueluti, aurei decem, fundus Tusculanus, ubi autem non apparet, quid, quale, quantumq; sit in stipulatione, incertam esse stipulationem. ueluti, si quis fundum, hominem, iumentum stipulatus sit: l. stipulationum. 74. cum l. seq. D. de uerb. oblig. Formulam igitur utriusq; iudicij uariam esse oportebit. Certæ quidem stipulationis in hunc modum: SI PATERET Aurelium Licinio stipulanti centum spondidisse, tum Aurelius centum Licinio dare damnas esto. Incertæ uero: SI PATERET Aemilium Cornelio stipulanti hominem spondidisse, tum quantum ex eo stipulatu Cornelio Aemilium dare facere oportebit, tanti Aemilius damnetur.

**QVAE HOC NOMINE UTITVR.)** Insolens locutio, cuius tamen similem apud Ciceronem reperio, in ea pro Postumo: Id autem facere non poterat nisi Diæcetes (hoc enim nomine utitur) qui à Rege esset constitutus.

**QVIA STIPVLVM APVD VETERES FIRMVVM.)** Sequitur III. Stipulatus à stipulo, quo uerbo firmum ueteres significabant, deducitur. Paulus lib. 5. cap. 8. Obligationum firmandarū gratia stipulationes inductæ sunt, quæ quadam uerborum solennitate concipiuntur. Stipulum enim ueteres firmum appellarunt. At Varro lib. de ling. 4. Hoc ipsum stipendium ab stipe dictum, quoddas quoq; stipem dicebant. Nam quod asses libræ pondo erant: qui acceperant maiorem numerum, non in arca ponebant, sed in aliqua cella stipabant, id est, componebant, quo minus loci occuparet, à stipando stipem dicere cœperunt. Stipare à σάβην fortasse Græco uocabulo. Id apparet, quod ut aliis, tum institutum etiam nunc, dijs tum thesauris asses dant, stipem dicunt: & qui pecuniam alligat, stipulari & restipulari. Vtrius autem uerborum sententia sit, satis equidem constituere non possum. tamen si cum stipulatio nullam aliam ob causam à Iurisconsultis instituta sit, nisi ut aliarum obligationum firmitas esset. l. 1. D. de præst. stipul. & arctioribus uinculis pactorum conuentorumq; fides asstringeretur: non leuior meo quidem iudicio apud nos, his quidem in rebus debet esse nostrorum Iurisconsultorum auctoritatis, quam illa Varronis: præsertim cum stipulationes non semper de stipe danda, sed etiam de opere faciendo interponi soleant.

**FORTE A STIPITE DESCENDENS.)** Legendum opinor, A σιπῖτις: hoc est, denso & spisso.

Leonis lege solennes stipulationum formulæ sublatae sunt: cautumq; ut quibusuis aptis idoneisq; uerbis conciperentur. l. x. C. de cont. stip.

**II. In hac re olim talia uerba tradita fuerunt: SPONDES? SPONDEO. PROMITTIS? PROMITTO. FIDEIPROMITTIS? FIDEIPROMITTO. FIDEIUIBES? FIDEIUIBEO. DABIS? DABO. FACIES? FACIAM.** Vtrum autem Latina, an Græca, uel qualibet alia lingua stipulatio concipiatur, nihil interest: scilicet si uterq; stipulantium intellectum eius linguae habeat: nec necesse est eadem lingua utrumq; uti, sed sufficit congruenter ad interrogatum respondere. Quinetiam duo Græci Latina lingua obligationem contrahere possunt. Sed hæc solennia uerba olim quidem in usu fuerunt: postea autem Leonina constitutio lata est, quæ solennitate uerborum sublata, sensum & consonantem intellectum ab utraq; parte solum desiderat, licet quibuscunq; uerbis expressus est.

**IN HAC RE OLIM TALIA.)** Enunciatio I. Olim certa stipulationum uerba formulæq; usurpabantur. l. 5. §. stipulatio. D. de uerbo. obliga. ubi Pompon. ait, Stipulationem esse uerborum conceptionem, quibus is qui interrogatur, daturum facturumue se quod interrogatus est, responderit. Vnde intelligi debet, non quæuis uerba uim asstringendæ obligationis habuisse: sed ea demum quæ solennia essent, & cum à Iurisconsultis ad eam rem concepta & parata, tum à populo in usum consuetudinemq; recepta.

**FIDEIPROMITTIS? FIDEIPROMITTO.)** Hæc à Tigurino absunt. Video tamen nec ab Argentinenſi, nec à Theophili libro abesse. Paulus etiam hanc eandem uocem usurpat libro Sententiarum primo, sub tit. De minorib. Quæ de causâ retinenda hæc uerba putauimus.

**VTRVM AVTEM LATINA, AN GRÆCA.)** Sequitur II. Qua lingua stipulationes concipiuntur, si modo contrahentes inter se intelligant, nihil interest. l. 1. §. eod. D. hoc tit. ubi Vlp. ait, quauis lingua stipulationem rectè fieri, ita tamen ut uterq; alterius linguam intelligat, siue per se, siue per uerum interpretem. Atq; hæc quidem Græcorum Iurisconsultorum disputationes fuerunt, posteaquam Græciæ magna pars ciuitate donata est. stante autem Repub. ciuem neminem nisi Latine linguae peritum fuisse, Ciceronis pro Archia oratio argumento esse potest: coactumq; in rebus contrahendis, forensibusq; omnibus actionibus solennibus uti formulis.

**EADEM LINGVA VTRVNQVE.)** Sequitur III. Stipulatio etiam duabus linguis, quin & à Græcis res & Latinis uerbis concipitur. d. l. 1. §. eadē. ubi Vlp. ait: Eadē an alia lingua respondeatur, nihil interest. proinde si quis Latine interrogauerit, respondeatur ei Græcè, dummodo congruenter respondeatur, obligatio constituta est. idemq; per contrarium.



LEONINA CONSTITVTIO LATA EST.) Sequitur IIII. Leonis instituto, stipulationum formulis sublati quorumuis uerborum opportunitas recepta est. l. omnes. 10. C. de cont. stip. ubi ipse ait: Omnes stipulationes, etiam si non solennibus uel directis, sed quibuscunq; uerbis consensu contrahentium constitutæ sunt, uel legibus cognitæ, suam habere firmitatem. Quod cum ita sit, haud scio an ullū fere aliud nunc sit contractus genus, quàm stipulationis. Quod tamen à ueterum Iurisperitorum instituto ualde alienum esse, facile cuius sua sponte intelligit.

Stipulatio pura præsentem actionem parit: in diem facta, non ante diei præstitutæ finem: ad tempus autem concepta obligatio perpetua est, sed pacti exceptione infirmatur. l. xliij. & l. l. v. j. D. eod.

III. Omnis stipulatio, aut purè, aut in diem, aut sub conditione fit. Purè: ueluti, QVINQVE AVREOS DARE SPONDES? Idq; confestim peti potest. In diem: cum adiecto die, quo pecunia soluatur, stipulatio fit: ueluti, DECEM AVREOS PRIMIS CALENDIS MARTIIS DARE SPONDES? Id autem quod in diem stipulamur, statim quidem debetur: sed peti prius quàm dies uenerit, non potest. ac ne eo quidem ipso die, in quem stipulatio facta est, peti potest: quia totus is dies arbitrio solventis tribui debet. Neque enim certum est eo die, in quem promissum est, datum non esse, priusquam is præterierit. At si ita stipuleris, DECEM AVREOS ANNVOS, QVOAD VIVAM, DARE SPONDES? & purè facta obligatio intelligitur, & perpetuatur: quia ad tempus deberi non potest: sed hæres petendo, pacti exceptione submouebitur.

AVT PVRE, AVT IN DIEM.) Enunciatio I. Stipulationes aut purè, aut in diem, aut sub conditione capiuntur. l. creditor. 10. D. de uerb. signific. Quam tripartitam diuisionem uerissimam esse, uel hinc licet intelligamus: quia quod dari nobis expetimus, aut in præsentia dari petimus, aut posterius. si posterius, aut in diem certam, ut Calendis Ianuarij: aut incertam, quæ conditio appellatur, ut ait Vlp. l. talis. 30. D. de legat. primo.

PVRE, VELVTI QVINQVE AVREOS.) Sequitur II. Stipulatio pura est, quæ sine diei conditionisue adiectione concepta est. Pura enim & mera in iure appellatur ea, quæ adiectione non habent eam quam ea quibus opponitur habent. ueluti, Purum iudicium dicitur, quod exceptionem non habet: & Merum imperium, quod à Iurisdictione separatum est.

CONFESTIM PETI POTEST.) Sequitur III. Stipulatio purè concepta confestim actionem parit. l. eum qui Calendis. 41. §. 1. D. eod. ubi Vlp. ait: Quoties in obligationibus dies non ponitur, præsentis die pecuniam deberi. Item l. in omnibus. 14. D. de regul. iur. ubi Pomponius ait, in omnibus obligationibus in quibus dies non ponitur, præsentis die debetur. Item l. pecunie. 213. D. de uerb. signific. ubi Vlp. ait, cum purè quis stipulatus est, diem & cecisse & uenisse: id est, & incepisse deberi pecuniam, & eum diem quo peti pecunia possit uenisse. Quod tamen ita intelligendum est, ut tantum spacium præterierit, quo traditio fieri possit: inquit Imp. §. ult. infra, de mutil. stipul.

IN DIEM, CVM ADIECTO DIE.) Sequitur IIII. Stipulatio in diem concepta dicitur, cum dies quo pecunia soluatur, adiectus est. l. obligationum fere. 44. D. de oblig. & act. ubi Paulus ait, diem duobus modis in stipulatione adijci. nam uel ex die incipere obligationem, uel conferri in diem. ex die, uelut, Cal. Martij dare spondes? cuius natura hæc est, ut ante diem non exigatur. Ad diem autem, ueluti, Vsq; ad Cal. dare spondes? de qua proximè differemus.

STATIM QUIDEM DEBETVR.) Hoc est, statim nexus atq; obligatus est debitor: statim agi in ius & iur. culo, illo suo rapi ad Prætores etiam ante diem potest: sed à Prætores per exceptionem adiuvabitur. Non potest igitur obijci, cum obligatio sit qualitas: qualitas autem diem non recipiat, ut non potest dici albus, qui nondum albus est, sed aliquando futurus est: quomodo dici obligatus potest debitor, à quo exigi non potest. non enim in diem differri obligationem dicimus, sed præsentem esse: continuoq; nexum promissorem esse, uerum à Prætores per exceptionem adiuari. Atq; hoc est quod Paulus ait, in l. centesimis. 46. De uerb. oblig. Centesimis Calendis dari utiliter stipulamur: quia præsens obligatio est, in diem autem dilata solutio.

AT NE EO QUIDEM IPSO DIE.) Sequitur V. In diem promissum statim quidem debetur: sed peti nisi sua die præterita, non potest. l. cedere. 213. De uerb. signific. ubi Vlp. ait, quando in diem quis stipulatus est, cecisse diem, sed nondum uenisse. Et l. eum qui Calendis. 41. §. 1. D. de uerb. oblig. ubi ait idem, diem in stipulatione adiectū efficere, ne præsentis die pecunia debeatur. atq; hinc intelligi, diei adiectionem pro reo esse, non pro stipulatore: totum enim medium tempus ad soluendum liberum promissori relinquitur, ait Vlp. in l. stipulatio ista. 38. §. inter. eod. Et ut ait Papin. peti non debet, quod intra tempus comprehensum solui potest. l. liber homo. 118. D. eod. Causæ constitutio: Cum à Valerio centum Cal. Martij stipulatus essem, Calendæq; uenissent, centum ab eo petere institui. Intentio: Centum te mihi ex stipulatu dare iam oportet. D. Non oportet. Q. An oportet it. R. Quia non hac hora, sed Calendis me tibi daturum promisi. Calendæ autem hac hora non terminantur. F. At Calendis se daturum promittere, est qualibet Calendarum hora se daturum promittere. Disceptatio exscripti ambiguitate nascitur: An promittere se Calendis daturum, sit promittere se, quia stipulator uolet Calendarum hora daturum. Vlpianus respondet, Nequaquam, sed potius quia hora promissor uolet: quia diei adiectionem non in stipulatoris, sed in promissoris gratiam fieri. Itaq; qui hoc anno, inquit Pomponius, aut hoc mense dari stipulatus est, nisi omnibus partibus præteriti anni uel mensis non reuertetur petet. Quod etiam Venuleius confirmat in l. eum qui. 138. D. eod.

QVOAD VIVAM DARE SPONDES.) Sequitur VI. Stipulatio pensionis annuæ in uitæ tempus concepta & pura & perpetua est, sed eius actio pacti exceptione excluditur. l. obligationū fere. 44. D. de oblig. & act. ubi Paulus ait, stipulationem ad diem hoc modo concipi: Vsq; ad Calendis dare spondes? placere aut, ad tempus obligationem constitui non posse, non magis quàm legatum. nam quod alicui deberi cepit, certis modis definit deberi. planè post tempus stipulator, uel pacti conuenit, uel doli mali exceptione submoueri poterit. Item l. eum qui ita. 56. §. qui ita. D. eod. ubi Iulianus ait, eum qui ita stipulatus



**A** ita stipulatus est, Decem quoad uiuam dari spondes? confestim recte decem petere; sed hæredem eius exceptione pacti conuerti summouendum esse, nam stipulatorem id egisse, ne hæres eius peteret, quemadmodum is qui usq; in Calendis dari stipulatur, potest quidem etiam post Calendas petere, sed exceptione pacti submouetur. Causæ constitutio: Cum in annos uitæ meæ singulos aureos centenos stipulatus essem, semperq; exegissem, me mortuo hæres meus petere pensionem perrexit. Intentio: Dea bes mihi ex stipulatu centum. D. Non debeo. Q. An debeat. R. Quia tempus stipulationi appositum exactum est. F. At ciuili obligatio terminari tempore non potuit. Disceptatio ex contrariis scriptis, hoc est, ex pacto conuenito et lege: An ciuili obligatio terminari temporis adiectione non possit. Respondetur, nequaquam. Ratio autem exposita est à Paulo in d. l. obligationum: quia quod iure ciuili deberi cepit, non potest nisi ijs ipsis modis qui ab eodem iure instituti sunt, desinere deberi. At si tempore à contrahentibus præfinito desineret, priuatorum hominum arbitrio uoluntateq; desineret. Itaq; nec adoptio, nec hæredis institutio, neq; cretio, neq; acceptilatio, nec emancipatio, neq; in iure cessio, tutorisue datio, nec mancipatio, nec alia denique legis actiones, quæ legitimi actus dicuntur, diem aut conditionem recipiunt. l. actus legitimi. D. de reg. iur. Mirari autem satis non possum, quid ijs in mentem ueniat, qui legatorum dissimilem esse rationem disputant ex l. si Stichum. 16. D. de uerb. obligat. ubi sic Pomponius scribit: Stipulatio huiusmodi in annos singulos, una est, et incerta, et perpetua, non quemadmodum simile legatum morte legatarij finiretur. An non enim aliud est stipulari in annos singulos, aliud uero in annos singulos quoad uiuam? Ille sibi hæredibusq; suis stipulatur: hic sibi duntaxat. Qui uero legatario decem reliquit in annos singulos, non dubitatur quin de solo legatario, eiusq; uitæ annis singulis cogitaret. Itaq; similem esse legati et stipulationis rationem, si nominatim ad tempus concipiuntur, Paulus in d. l. obligationum, apertissime confirmat. Legatum enim, cum pars sit testamenti factionis, legis quædam actio est, aut certe appendix. Itaq; quemadmodum promissor stipulationis ad tempus obligari non potest: sic nec hæres legatario ad diem obligatus esse poterit. Tamen utriusq; summi iuris remissio quædam à Præatore concedatur.

**B** AD TEMPVS NON POTEST DEBERI.) Sequitur VI. Obligatio constitui ad tempus non potest. d. l. obligationum. D. de uerb. oblig. Verum hæc enunciatio de ciuilibus tantum, non etiam naturalibus obligationibus intelligenda est, nam ex mutuo, deposito, commodato, conducto, cæterisque similibus ad tempus obligatio constituitur. Lex enim eas obligationes quas non instituit, arbitrio contrahentium permisit: suas uero, nequaquam. Itaq; nulla, ut antea dicebamus, qualitates in iure ciuili præfinitionem temporis recipiunt: non enim potest quisquam hæres esse ad tempus, aut filius aut seruus, ac proinde stipulatio quæ iuris ciuili est, constitui ad tempus non potest, ne scilicet in hominis priuati potestate sit, uim legis certis finibus ad arbitrium suum circumscribere, sed necesse est quo iure quæq; res contracta est, eodem iure, hoc est ijs rationibus quæ ab eodem iure institutæ sunt, dissolui.

PACTI EXCEPTIONE SUBMOUEBITVR.) Hoc est, Dabit quidem Prætor ex ea obligatione iudicium, quomodo enim is qui iuris ciuili minister quidam est ac dispensator, ius suum ciuibus denegaret? sed quia summum istud ius, summa iniuria est, exceptionem adijcet, hoc modo: SI PATERET Mauium Antonio decem aureos annuos spondisse, nisi conuentum fuerit ut quoad Antonius uiueret, eos daret, tum Mauius damnetur.

*Obligatio in incerti casus euentum collata, sub conditione facta stipulatio dicitur: ex qua ante casus euentum deberi tantum speratur, eaq; spes ad hæredem transmittitur. l. lxxij. de uerb. signific.*

**III.** Sub conditione stipulatio fit, cum in aliquem casum differtur obligatio: ut si aliquid factum fuerit, uel non fuerit, stipulatio committatur: ueluti, SI TITIVS CONSVL FACTVS FVERIT, QVINQVE AVREOS DARE SPONDES? Si quis ista stipuletur, SI IN CAPITULVM NON ASCENDERO, DARE SPONDES? perinde erit, ac si stipulatus esset, cum morietur, sibi dari. Ex conditionali stipulatione tantum spes est debitum iri: eamq; ipsam spem in hæredem transmittimus, si priusquam conditio existat, mors nobis contigerit.

**C** CVM IN ALIQVEM CASVM DIFFERTVR.) Enunc. l. Stipulatio conditionalis dicitur, cum in incertis casus euentu obligatio confertur. l. conditionales. 64. De uerb. sig. Dixi aut Incerti casus euentu, ut conditionem certam excluderem, hoc est, quæ omnimodo exitura est. nam qui sub illa conditione stipulatur, pure stipulari uidetur: uti scribit Paulus in l. si pupillus. §. 1. D. de nouat. l. in illa stipulatione, si Cal. D. de uerb. obl. Sed cum qualitates conditionem non recipiant, quid est quod nunc disputemus sub conditione fieri stipulationes posse? Respondetur aut, aliud esse stipulationem, aliud obligationem. Obligatio quidem conditionem non recipit, quia sub conditione qualitas non imponitur: aut enim obligatus est aliquis, aut liber, medium omnino nullum est, ut non potest aliquis sub conditione adoptatus, uel emancipatus esse. Stipulatio uero quæ denunciatio quædam est future obligationis, recte sub conditione concipitur. Itaq; sub conditione quidem institui aliquis hæres potest: at hæres esse sub conditione non potest, nam instituere hæredem, ut suo loco diximus, est parare, conciliare, quærere. Ut igitur non sola institutione, sic non sola stipulatione qualitas imponitur, ut enim institutio, sic etiam stipulatio, præparatio tantum et meditatio de imponenda qualitate et obligatione quædam est. Sed tamen hoc loco etiam atq; etiam uidendum est, ne quo errore labamur. Etenim si ante conditionis euentum obligatio nulla est, illud efficitur, ut si antea promissor moriatur, hæres eius existente conditione obligatus non sit, quod contra tamen in emptione placuisse Paulus testatur l. necessario. 8. D. de peric. et commo. rei uend. Distingendum igitur putarem: utrum stipulatio, an bonæ fidei contractus esset. Et cum summo iure uerum sit, negariq; non possit, quin ante conditionis euentum nata non sit obligatio: tamen propter æquitatem quæ in bonæ fidei contractibus dominatur, de summo iure deflexum est: constitutumq; ut contracta iam in præteritum obligatio uideatur: mirum propter obligationem alterius, quæ sola esse non potest, cum existit huiusmodi contractibus non simplex, sed reciproca nascatur obligatio: nec uenditor obligatus emptori esse possit, quin hic illi uicissim sit obligatus.

COMMITTATVR STIPVLATIO.) Sequitur II. Existente conditione sub qua stipulatio facta est, committi stipulatio dicitur. l. qui Roma. 122. §. Agerius. D. de uerb. obl. Sed de hac locutione in Cōment. uerb. iuris abunde explicatū est.



**SI IN CAPITOLIVM NON ASCENDERO.)** Sequitur III. Qui dari sibi stipulatur, si quid non fecerit, sibi cum morietur, dari stipulatus intelligitur. l. ita stipulatus. 115. D. de verb. oblig. ubi Papinianus ait, Si ita stipulatus fuero, Si in Capitolium non ascenderis, uel Alexandriam non ieris, centum dari spondes, non statim committi stipulationem, quamvis Capitolium ascendere, uel Alexandriam peruenire potueris, sed cum certum esse ceperit, te Capitolium ascendere, uel Alexandriam ire non posse. Causae constitutio: Qui stipulatus erat centum, si Pamphilum sibi promissor non daret, aliquam multis post diebus agere ex stipulatu instituit. Intentio: Debes mihi centum. D. Non debeat. Q. An debeat. R. Quia nondum est tempus quo constet me non dedisse. possum enim cras aut postredie dare. F. At sententia haec fuit, ut nisi tum dedisses, cum tibi dandi facultas esset, centum dares. Controversiam ex scripti & sententiae contentione nasci Papinianus tradit in d. l. ita stipulatus. Disceptatio est, an qui centum promissit, si quid non fecerit, sensisse uideatur, se si id cum possit non fecerit, centum debiturum. Id quod Sabinus existimabat, qui mentem uoluntatemque contrahentium spectabat, quae uidetur haec fuisse, ut promissore moram faciente committatur stipulatio. Papiniano tamen aliter uisum est, stipulationis uerba consideranti, quae obligationem omnem in eum casum conferunt, quo certum erit promissorem id non fecisse. In eandem sententiam Pomponius scribit in l. ueluti. 27. D. eod. Si stipulatus hoc modo fuero, si intra biennium Capitolium non ascenderis, dari non nisi praeterito biennio recte petam. quod ipsum Celsus confirmat in l. quicquid. 99. §. 1. eod.

**TANTVM SPES EST DEBITVM IRI.)** Sequitur IIII. Ex conditionalis stipulatione ante conditionis euentum non debetur, sed tantum debitum iri speratur. d. l. conditionales. Cuius rei ratio perspicua est. nam si contracta esset obligatio, & postea conditio deficeret, nihilominus obligatio permaneret. Atque hoc nimirum illud est, quod paulo ante dicebamus, promissorem nondum obligatum esse, sed tunc demum fore, cum is casus in quem obligatio collata est, eueniret. Itaque Vlpianus in l. credere. 213. De verb. sig. Vbi quis, inquit, sub conditione stipulatus fuerit, neque cessit, neque uenit dies, pendente adhuc conditione. Neque obstat quod idem scribit in l. is cui. 42. D. de ob. & act. cum qui sub conditione stipulatus est, interea creditorem esse. hoc enim eo casu intelligendum est, quo conditio commissa est: ut nimirum superiore tempore semper creditor fuisse uideatur. Vt cumque sit, uidemus quantum inter stipulationem in diem & conditionalem intersit, nam illa praesentem obligationem parit: haec uero in conditionis euentum differt. Cuius rei hic usus est, quod qui in diem debet, ante diem solutum repetere quasi indebitum non possit. l. in diem. D. de cond. indeb. qui uero sub conditione debet, possit. l. sub conditione, cum duabus l. seq. D. eod.

**SPem IN HAEREDem TRANSMITTIMVS.)** Sequitur V. Spes conditionalis stipulationis, stipulatore ante conditionis euentum mortuo, ad haereditatem transmittitur. l. si quis, si Titius. 57. De verb. obl. Vbi Iulianus ex contrario disputat, Si quis, si Titius Consul factus erit, decem dari sponderit: quamuis pendente conditione promissor moriatur, relinquere haereditatem obligatum. Vtrum autem de conditione fortuita tantum, an etiam arbitraria id sit intelligendum, uideo ab eruditis uiris quaesitum esse: hoc est, An facultas implendae conditionis ad haereditatem transmittatur, nam quod ad fortuitam attinet, Iuliani auctoritas perspicua est. Quod autem ad eam attinet quae in potestate nostra posita est, distinguendum arbitror, nam si ea persona promissoris propria est, eiusque adhaerescit, dubitari non potest, quin ad haereditatem transmitti non possit: ueluti, Si Consul fi. is, Si ouans uel triumphans Capitolium ascendas, Si uxorem ducas, Si filium emancipes. Itaque Papinianus in l. ult. D. de cond. institut. Seruium respondisse tradit. Sin autem ita potest ab haerede impleri, ut stipulatoris non intersit, contra puto. ueluti, Si decem Titio dederis, nam eodem loco Papinianus, eam conditionem & per alium, & per haereditatem impleri posse, praeterea cum Imperator hoc loco indefinite sit locutus, & in l. ueteris. C. de contr. & committ. stip. scribatur, omnes stipulationes ad haereditatem transire: probabile est, id ad istas quoque conditionales pertinere.

Qui certo dari loco stipulatur, adeo spacium eo perueniendi dedisse intelligitur, ut si spacium praeciderit, nihil egisse indicetur. l. lxxij. eodem.

**V. Loca etiam inseri stipulationi solent, ueluti, CARTHAGINE DARE SPONDES.** Quae stipulatio licet pure fieri uideatur, tamen re ipsa habet tempus adiectum, quo promissor utatur ad pecuniam Carthagine dandam. Et ideo si quis Romae ita stipuletur, HODIE CARTHAGINE DARE SPONDES: inutilis erit stipulatio, cum impossibilis sit repromissio.

**LOCA ETIAM INSERI.)** Hoc eo adiectum est, ut significet recte tripartitam illam diuisionem fuisse. nam etsi noua haec forma uideatur esse, cum locus adiectus est, tamen hanc speciem sub stipulationibus in diem factis comprehendendi. quod Vlpianus in l. 2. §. 4. D. de eo quod cert. loc. perspicue tradit ex Iuliani sententia, existimantis huic stipulationi tacite diem inesse.

**RE IPSA HABET TEMPVS ADIECTVM.)** Enunciatio I. Stipulatio certo loco dandi, tacite spacium ad locum perueniendi complectitur. l. interdum. 73. D. de verb. oblig. ubi Paulus ait: Interdum pura stipulatio ex re ipsa dilationem capit, sic qui Carthagine dari stipulatur, cum Romae sit, tacite tempus completi uideatur, quo perueniri Carthaginem potest. Et l. Continuus. 137. §. cum ita. D. eod. ubi Venuleius temporis spacium boni uiri arbitrio aestimandum scribit. Causae constitutio: Qui cum esset Venetius, stipulatus erat sibi Lugduni centum dari, ac neque diem neque conditionem adiecerat, postredie agere ex stipulatu instituit. Intentio: Centum te mihi ex stipulatu dare hodie oportet. D. Non oportet. Q. An oporteat. R. Quia perueniri Lugdunum tam breui spacio non potuit. F. At stipulatio pure concepta praesentem obligationem habet. Disceptatio ex scripti & sententiae contentione est: An qui pure dari sibi eo in loco stipulatur, quo perueniri eodem die non possit, tacite spacium eo perueniendi complexus esse uideatur. Respondetur, uideri. nam si scriptum quidem consideretur, puram esse stipulationem: sin mentem & sententiam, in diem conceptam esse. sic Vlp. l. eum qui Calendis. 41. §. 1. D. eod. Quoties in obligationibus dies non ponitur, praesenti die pecunia debetur: nisi si locus adiectus efficit, ne praesenti die pecunia debeatur. Item l. 2. §. 4. D. de eo quod cert. loc. ubi Vlp. sic scribit: Qui ita stipulatur, Ephesi decem dari, si ante diem quam Ephesum peruenire possit, agat, perperam ante diem agit, quia & Iulianus putat, diem tacite huic stipulationi inesse.

INUTILIS



**A** INVUTILIS ERIT STIPVLATIO.) Sequitur II. Qui eo loco dari stipulatur quo praesentia die peruenire non possit, inutiliter stipulatur. l. 2. §. 4. D. de eo quod cert. loco. ubi Vlpianus ait, cum qui Romae stipulatur, hodie Carthagine dari, inutiliter stipulari. Item l. pluribus. 140. §. si inter. D. eod. ubi Paulus ait: Si inter eos qui Romae sunt, talis fiat stipulatio, Hodie Carthagine dare spondes? quidam putant non semper uideri impossibilem causam stipulatione contineri: quia posset contingere, ut tam stipulator quam promissor, ante aliquod tempus suo quisque dispensatori notum fecerit, in eum diem futuram stipulationem, ac demandasset promissor quidem suo dispensatori ut daret stipulator autem suo, ut acciperet. quod si ita factum fuerit, poterit ualere stipulatio.

Rei praesentis praeteritaue conditio, si uera est, praesentem obligationem efficit: si falsa, stipulationem extinguit. l. c. D. eod.

**VI.** Conditiones, quae ad praesens uel praeteritum tempus referuntur, aut statim infirmant obligationem, aut omnino non differunt: ueluti, SI TITIVS CONSVL FVIT, uel SI MAELIVS VIVIT, DARE SPONDES? Nam si ea ita non sunt, nihil ualet stipulatio. si autem ita se habent, statim ualet. Quae enim per rerum naturam certa sunt, non morantur obligationem, licet apud nos incerta sint.

**AVT STATIM INFIRMANT OBLIGATIONEM.)** Planius dixisset, Eneruat stipulationem. nam obligatio plane nulla nascitur.

**SI EA ITA NON SVNT.)** Enunciatio I. Conditio ad praesens praeteritumue tempus relata, si uera est, praesentem obligationem parit: si minus, stipulationem eneruat. l. conditio. 100. D. eod. ubi Modestinus ait, conditionem in praeteritum non tantum in praesens tempus relata. statim aut perimere obligationem, aut omnino non differre. nam ut ait Papinianus l. 37. D. si cert. pet. cum ad praesens tempus conditio confertur, stipulatio non suspenditur. & si conditio uera sit, stipulatio tenet: quamvis tenere contrahentes conditionem ignorent. ueluti, si rex Parthorum uiuit, centum millia dare spondes? Ea dem sunt & cum in praeteritum conditio confertur. Causae constitutio: Qui stipulatus erat centum, si rex Parthorum uiucret, postmodum antequam compertum illud esset, agere ex stipulatu cepit. Intentio: Debes mihi ex stipulatu centum. D. Non debeo. Q. An debeat. R. Quia stipulatio sub conditione, antequam conditionis ueritas explorata sit, non obligat. F. At huius conditionis ueritas in rerum natura certa & explorata est, quamvis hominum natura incerta sit. itaque haec adiectio pro conditione haberi non debet. D. Vtrum stipulationes sub conditione praesentis praeteritaue rei conceptae, pro puris, an pro sub conditione, uel in diem conceptis habendae sint? Controuersia ex scripti & sententiae contentione est: An illae adiectioes quae conditionis figuram habent, uim etiam eiusdem habeant, quibus uerbis utitur Proculus in l. Cornelius. 69. D. de hered. instit. Respondetur, nequaquam. Non enim placuit instar habere conditionis sermonem, qui non ad futurum, sed ad praesens tempus refertur: etiam si contrahentes rei ueritatem ignorent: ait Papinianus l. si ita. 120. D. de uerb. oblig. Sed nec tamen meo iudicio pro puris illae stipulationes habendae sunt: uerum pro stipulationibus in diem conceptis. nimirum, ut ea dies expectetur, quae die certum & exploratum esse poterit, regem Parthorum uiuere.

**PER RERV NATVRAM SVNT CERTA.)** Sequitur II. Non si quod in rerum natura certum est, nobis incertum sit, ideo differtur obligatio. l. respiciendum. 38. D. si cert. pet. ubi cum Papinianus dixisset, conditiones rei praeteritaue uel praesentis obligationem non differre, Scacola subiicit respiciendum enim esse, an quantum in natura hominum sit, possit sciri eam debitum iri.

Et fieri, & non fieri aliquid etiam una conceptione recte stipulamur: poena autem, ut quanti intersit appareat, utrique casui subijcienda est. l. lxx j. & cxxx vij. eodem.

**VII.** Non solum res in stipulatum deduci possunt, sed etiam facta: ut si stipulemur aliquid fieri, uel non fieri. & in huiusmodi stipulationibus optimum erit poenam subijcere, ne quantitas stipulationis in incerto sit, ac necesse sit auctori probare, quod eius intersit. Itaque si quis, ut fiat aliquid, stipuletur: ita adijci poena debet, SI ITA FACTVM NON ERIT, TVNC POENAE NOMINE DECEM AVREOS DARE SPONDES? Sed si quaedam fieri, quaedam non fieri, una eademque conceptione stipuletur quis, clausula huiusmodi erit adijcienda: SI ADVERSVS EA FACTVM ERIT, SIVE QVID ITA FACTVM NON ERIT: TVNC POENAE NOMINE DECEM AVREOS DARE SPONDES?

**SED ETIAM FACTA.)** Enunciatio I. Et fieri, & non fieri aliquid, stipulari recte possumus. l. 2. D. eod. ueluti, Nauim aedificari, fossam fodiri: uel amplius non agi. Per te non fieri, quo minus mihi per fundum tuum ire agere liceat. per te non fieri, quo minus mihi hominem Brotem habere liceat.

**OPTIMVM ERIT POENAM SVBIICERE.)** Sequitur II. In stipulationibus facti, ut quanti intersit constet, poena subijcienda est. l. ult. D. de stipul. praet. ubi Venuleius ait: in eiusmodi stipulationibus, quae quanti res est promissionem habent, commodius est certam summam comprehendere: quoniam plerumque difficilis probatio est, quanti cuiusque intersit, & ad exiguam summam deducitur. Ac in facti quidem stipulationibus ideo id opus est, quia ex his non certi codictio, sed ex stipulatu actio in id quod interest nascitur: Quicquid te mihi ex stipulatu dare facere oportet. nam ut ait Vlpianus in l. ubi autem. 75. §. qui id quod. D. eod. Qui id quod in faciendo, aut non faciendo stipulatur, incertum stipulari uidetur.

**DECEM AVREOS DARE SPONDES?)** Nihil affirmo: tantum dico dubitari posse, an post haec uerba talo quiddam



quiddam desideretur: At si ne quid fiat ita: Si aduersus id factum erit, decem spondes? Video enim docendi rationem id expectare, præstitumque ab Vlpiano & Venuleio fuisse in l. cum quid. 71. & l. continuus. 137. in fin. D. eod. quibus locis nos monent, cum principalis stipulatio interposita est, ut quid fiat: penam esse stipulandam, ni fiat: & uictissim, si illa ne fiat, hanc si fiat concipi conformarique oportere.

CLAVSVLA EIVSMODI ERIT SVBIIICIENDA.) Sequitur III. Vbi simul quædam fieri, quædam non fieri stipulamur, pœna in utrumque casum subiicienda est. l. continuus. 137. §. penult. D. eodem. ubi Venuleius ait: cum alia fieri, alia non fieri coniuncte stipulamur, ita pœna comprehendenda est, Si non feceris, siue quid aduersus ea feceris. Cum enim & aientibus & negantibus uerbis concepta stipulatio sit, priori parti pœna negantibus uerbis, posteriori aientibus subiicienda est.

## DE DVOBVS REIS, STIPVLANDI & promittendi.

### TITVLVS IIII.

*Et stipulandi & promittendi rei fieri plures possunt: cum scilicet ad plurium de eadem re stipulationes semel respondetur, aut plures coniunctim interrogati, separatim respondent. l. 2. & 3. eod.*

I. ET stipulandi & promittendi duo plures uel rei fieri possunt. Stipulandi ita, si post omnium interrogationem promissor respondeat, SPONDEO: ut puta, cum duobus separatim stipulantibus ita promissor respondeat, VTRIQUE VESTRVM DARE SPONDEO. Nam si prius Titio sponderit, deinde alij interroganti spondeat: alia atque alia erit obligatio, nec creduntur duo rei stipulandi esse. Duo plures uel rei promittendi ita fiunt, MAEVI QVINQVE AVREOS DARE SPONDES? & SEI EOSDEM QVINQVE AVREOS DARE SPONDES? si respondeant singuli separatim, SPONDEO.

DVO PLVRESVE REI FIERI POSSVNT.) Enunciatio I. Non unus tantum, sed etiam plures tamen stipulandi, tum promittendi fieri rei possunt. l. 1. & pass. D. eod. ubi Modestus ait, cum qui stipulatur, rei stipulandi dicitur: qui promittit, reum promittendi. Festus ex libris Galli Aelii Iurisci. Reus est, qui cum altero litem contestatam habet, siue is egit, siue cum eo actum est. Reus stipulando est idem qui stipulator. Reus promittendo est, qui suo nomine alteri quid promissit.

SI POST OMNIUM INTERROGATIONEM.) Sequitur II. Plures rei stipulandi fiunt, cum post plurium interrogationem simul omnibus respondetur. l. 4. D. eod. nam una responsio ad plurium interrogationes facta, stipulatores rei unus in stipulatione deductæ socios & consortes facit: quippe cum una atque eadem utrique simul promissa sit, ueluti si Quintius a me sic stipuletur, Decem dare spondes? deinde Sextius, Eosdem decem aureos dare spondes? nam si respondeat, Spondeo: socios illos unus eiusdemque summæ in solidum efficio.

ALIA ATQUE ALIA ERIT OBLIGATIO.) Sequitur III. Cum ad plurium interrogationes singulatim ac scorsim respondetur, tot sunt obligationes, quot stipulantium personæ. Nam cum stipulatio ex interrogatione & responsione constat, sequitur ut tot sint obligationes ex stipulatione conceptæ, quot stipulationes numerari poterunt. Ex quo intelligitur, communem responsionem correos, id est, rei eiusdem socios facere: cum singulæ responsiones singulis interrogationibus reddita, & res & reos separent.

SI RESPONDEANT SINGVLI SEPARATIM.) Sequitur IIII. Plures promittendi rei sic fiunt, si coniunctim interrogati separatim respondeant. l. 1. & 4. D. eod. Nam unica stipulatio cui plures respondent, unus eiusdemque rei obligatos promissores efficit. Itaque siue ita interrogati, SPONDETIS? respondeant, SPONDEO, aut SPONDEMVS? siue ita interrogati, SPONDES? respondissent, SPONDEMVS: recte obligatur, ut ait Paulus d. l. 4. eod. ueluti, Sempronius decem aureos dare spondes? Fannius eosdem decem dabis? Item, Sempronius & Fannius decem aureos spondetis? nam siue ad superiorem, siue ad posteriorem interrogationem uterque respondeat, Spondeo, uel Spondemus, duo unus eiusdemque rei promittendæ correi facti sunt.

*Ex istis stipulationibus solidum & singulis, & à singulis debetur: uniusque solutione omnis extinguatur obligatio. pure autem obligatus, ante ceteros qui aliter adstricti sunt, recte conuenitur. l. iiij. & vij. eod.*

II. Ex huiusmodi obligationibus, & stipulantibus solidum singulis debetur, & promittentes singuli in solidum tenentur. In utraque enim obligatione una res uertitur: & uel alter debitum accipiendo, uel alter soluendo, omnium perimit obligationem, & omnes liberat. Ex duobus reis promittendi, alius pure alius in diem, uel sub conditione obligari potest: nec impedimento erit dies aut conditio, quo minus ab eo qui pure obligatus est, petatur.

ET STIPVLANTIBVS SOLIDVM SINGVLIS.) Enunciatio I. Vbi plures stipulandi rei sunt, singulis in solidum debetur, & uno accipiente omnium extinguatur obligatio. l. 2. D. eodem. ubi Iauolenus ait: Cum duo eandem pecuniam stipulati sunt, ipso iure singulis in solidum deberi: ideoque petitione, acceptilatione unius obligationem soluitur.



**A** Quod idem traditur in l. 1. & 2. C. eod. Causse constitutio: Cum duo à me centum stipulati essent, egoq; una responsione me illis obligassem: Mæuius à me illa centum petere instituit. Intentio: Debes mihi centum. D. Non deb eo; sed quinquaginta tantum. Q. Vtrum centum an quinquaginta debeat. R. Quia non tibi soli, sed uobis duobus centum promisi. F. At cum duobus simul respondiisti, utrius te in solidum obligasti. Disceptatio ex scripto & sententia nascitur: An qui duobus simul eandem pecuniam promisit, utrius eorum promississe intelligatur. Ex eodem fonte contraria causse constitutio deducitur. nam si uni centum solui, & alter postmodum à me quinquaginta peteret, egoq; denegarem, ratio à me subiceretur hac: Quia utrius uestrum centum promisi. quare cum ille iam abstulerit, nihil potes à me petere. F. At cum centum nobis duobus promiseris, singulis quinquagenos promississe intelligeris. Disceptatio est: An qui centum duobus una stipulatione interposita promisit, singulis quinquagenos promississe uideatur. Respondetur, nequaquam: propterea quod una stipulatio non duas separatas obligationes duarum summarum, sed unicam duntaxat unius eiusdemq; rei aut summæ peperit.

**SINGVLI IN SOLIDVM TENENTVR.)** Sequitur II. Vbi plures promittendi rei sunt, singuli in solidum tenentur: & unius solutione correi omnes liberantur. l. 2. C. eod. l. 2. & l. 3. D. eod. ubi Vlpian. ait, ubi duo rei facti sunt, posse uel ab uno eorum solidum peti. hoc enim duorum reorum proprium esse, ut unusquisque eorum in solidum sit obligatus, possitq; ab alterutro peti. quin & partes, etiam à singulis peti posse. utiq; enim cum una sit obligatio, unam etiam summam esse: ut siue unus soluatur, omnes liberentur: siue soluatur ab altero, liberatio contingat.

**ALIVS PVRE, ALIVS IN DIEM.)** Sequitur III. E duobus promittendi reis unus pure, aliter alius astringi potest. l. ex duobus. 7. D. eod. unde hic fluxit locus.

**NEC IMPEDIMENTO ERIT DIES.)** Sequitur IIII. Pure obligatus, quamuis aliter correi obligati sint, statim conueniri potest. d. l. 7. eod. Causse constitutio: Qui stipulatus erat à Mænio & Lælio, Mæui centum dare spondes? & tu Læli eadem centum dabis, si naui ex Asia uenerit: cum demersa naui esset, agere cum Mænio instituit. Intentio: Centum te mihi dare oportet. D. Non oportet. Q. An oporteat. R. Quia defecit conditio, quæ cum stipulationi communi appposita sit, mihi æque ut socio prodesse debet. F. At non communis obligatio est, sed una pure, altera sub conditione contracta est. Disceptatio ex contrarie scriptis: An ex una eademq; stipulatione diuersæ obligationes nasci possint. Et respondetur, posse.

## DE STIPVLATIONE SERVORVM. TITVLVS V.

*Stipulari etiam seruis licet, dominoq; atq; etiam hæreditati iacenti  
acquiritur obligatio. l. 1. & 35. eod.*

**I.** **S**eruus ex persona domini ius stipulandi habet. Sed & hæreditas in plerisq; personæ defuncti uicem sustinet. ideoq; quod seruus hæreditarius ante aditam hæreditatem stipulatur: acquirit hæreditati, ac per hoc etiam hæredi postea facto acquiritur.

**IUS STIPVLANDI HABET.)** Enunciatio I. Seruis ex dominorū persona stipulandi ius est. l. 1. D. hoc tit. Quod tamen absurdum uideri potest: cum satis constet stipulationem iuris esse ciuilem. Respondendum igitur, in stipulatione seruus non personam ipsius, sed illam domini considerari, quasi cuius personam ac partes seruus pro eo tempore sustineat. Itaq; cū seruus stipulationis obligationem in alienationis uel manumissionis tempus contulisset, Pomponius tamen respondit, præsentī domino eam acquiri. l. ult. D. hoc tit. quoniam scilicet stipulatio ciuilis actio quedam est, hoc est ciuium Rom. propria.

**HÆREDITAS IN PLERISQVE.)** Sequitur II. Hæreditas plerumq; personam defuncti sustinet. l. hæreditas. 61. De acq. rer. dom. & l. mortuo. 22. D. de fideiuss. Vbi iurisc. scribunt, hæreditatem usq; eo pro domino haberi, ut hæreditati quoq; ut domino per seruū hæreditarium acquiratur. Verum hac de re uberius alibi, & cōmodiore loco exposuimus.

**QVOD SERVVS HÆREDITARIVS.)** Sequitur III. Quod hæreditate iacente seruus hæreditarius stipulatur, hæreditati, ac proinde futuro hæredi acquirit. l. seruus. 35. D. eod. ubi Modest. ait, seruū hæreditarium & hæredi futuro & hæreditati recte stipulari. quod tamen sic intelligendum est, si modò coniunctim utriq; stipuletur. nam ut ait Paulus in l. seruus. 16. D. eod. seruus hæreditarius futuro hæredi nominatim dari stipulatus, nihil agit: quia stipulationis tempore hæres dominus eius non fuit. In stipulationibus autem contrahendi tempus spectari, nemini ignotum est. Ad hunc porro locum id pertinet, quod ait Paulus l. interdum. 73. D. de uerb. obl. si seruus hæreditarius stipulatus sit, nullam uim habitura stipulatio est, nisi hæreditas adita sit. quasi conditionem hanc tacite subiectam habeat.

*Seruus dari sibi, domino, conferuo, uel impersonaliter stipulatus, soli domino acquirit: filiusfa. autem, patri: at factum stipulatus, sibi soli acquirit.*

*l. xv. eod. l. xxxviij. De uerb. oblig.*

**II.** Siue autem domino, siue sibi, siue conferuo suo, siue impersonaliter seruus stipuletur: domino acquirit. Idem iuris est & in liberis, qui in potestate patris sunt, ex quibus causis acquirere possunt. Sed cum factum in stipulatione continebitur, omnimodo persona stipulantis continebitur: ueluti si seruus stipuletur, ut sibi iure agere liceat. ipse enim tantum prohiberi non debet, non etiam dominus eius.

**SIVE DOMINO, SIVE SIBI.)** Enunciatio I. Seruus, domino, sibi, conferuo, indefinite stipulans, soli domino acquirit. l. siue mihi. 15. D. eod. ubi Florentinus ait: Siue mihi, siue sibi, siue conferuo suo, siue impersonaliter dari seruus meus stipuletur, mihi acquirere.



IN LIBERIS QVI IN POTESTATE.) Sequitur II. Filijfam. ex ijs causis quibus patri acquirit, stipulantis eadem quæ serui ratio est. l. quodcumq. 45. de verb. oblig. ubi Vlp. ait, quodcumq. stipulatur is qui in alterius potestate est, pro eo habetur ac si ipse esset stipulatus. Et in extremo, Filius patri dari stipulari uidetur, etsi hoc non adiciat.

CVM FACTVM IN STIPVLATIONE.) Sequitur III. Seruus factum in stipulatum deducens, non domino, sed sibi soli acquirit. l. stipulatio ista. 38. §. Si qui. D. de verb. oblig. ubi Vlpianus ait, seruos ea quæ facti sunt stipulantes, sibi, non domino acquirere: ob eamq. causam stipulantes ea facta quæ iuris sunt, id est, quibus ius continetur, nihil agere. quia ius illis acquiri non possit. Causæ constitutio: Is cuius seruus stipulatus erat ut sibi aditus ad domini fundum per uicini domum præberetur, uti ipse hoc iure uoluit, quasi sibi ex serui stipulatione quesito. I. Debes mihi aditum per tuam domum præbere. D. Non debeo. Q. An debeat. R. Quia non si seruo tuo me id facturum promisi, continuo tibi promisi, aliud est enim seruo tuo facere, aliud tibi. mihi placet serui tui persona, tua uero displicet. quid enim si seruo gracili, qui herum uentriosum habet, equum meum locarim? F. At seruus sibi stipulans, domino stipulari intelligitur. l. 1. D. de stip. ser. Disceptatio ex contrariis scriptis, An qui seruo facturum se aliquid promittit, idem se domino facturum promittat. Et respondetur, nequaquam. quoniam ut ait Paulus in l. qui hæredi. 44. D. de condit. & demonstr. quæ facti sunt, non transeunt ad dominum. atque ideo, neque qui domino dare iussus est, seruo dando liberatur: neque qui seruo dare iussus est, dando domino recte soluit. Neque nobis aduersatur quod superius dicebamus, seruum stipulantes non sibi, sed domino ius acquirere. non enim pro suo iure seruus ibit, aget uel per fundum alienum, sed pro iure domini: ut non tam seruus eundi agendi ius habeat, quam dominus illum transmittendi.

Seruus communis stipulans, singulis dominis pro dominij parte acquirit: nisi forte uel unius iussu, aut nomine, uel quod uni acquiri non possit, stipulatus fuerit. l. v. vj. eodem.

III. Seruus communis stipulando, unicuique dominorum pro portione dominij acquirit: nisi iussu unius eorum, aut nominatim alicui eorum stipulatus est. tunc enim soli ei acquiritur. Quod seruus communis stipulatur, si alteri ex dominis acquiri non potest, solidum alteri acquiritur. ueluti si res, quam dari stipulatus est, unius domini sit.

UNICUIQUE DOMINORVM, PRO PORTIONE.) Enunciatio I. Quod seruus communis sua sponte stipulatur, cuique domino pro parte dominij acquirit. l. seruus. 5. D. eod. ubi Vlpianus ait, Seruum communem sic omnium esse, non quasi singulorum totum: sed pro paribus utique, indiuisis, ut intellectu magis partes habeant, quam corpore: & ideo si quid stipulatur, uel quaqua alia ratione acquirat, omnibus acquirere pro parte qua dominium in eo habent. Causæ constitutio: Seruus erat ex bese Titij, ex triente Mauij. Is à Fannio duodecim aureos stipulatus est. quærebatur an ex æquis partibus obligationem dominis acquisisset. Finge Titium suam partem ei remisisse. agit iam Mauius, & sex ab eo postulat. Intentior: Sex te mihi aureos dare oportet. D. Imò quatuor tantum. Q. Virum sex an quatuor debeat. R. Quia eatenus tantum tibi acquirit, quatenus est tuus. F. At cum pro indiuiso meus sit, mihi etiam pro indiuiso acquirit. Disceptatio ex contrariis nascitur, An seruus plurium ex partibus imparibus, quia pro indiuiso singulorum est, etiam singulis pro indiuiso acquirat. Respondetur, nequaquam: quia partes huiusmodi non pondere, numero, uel mensura, sed solo animo atque intelligentia sunt.

NISI IUSSU VNIVS EORVM.) Sequitur II. Quod seruus communis unius iussu uel uni nominatim stipulatur, ei soli acquirit. d. l. 5. ubi Vlp. ait, Licere seruo communi & nominatim, alicui ex dominis stipulari. sed si non nominatim domino stipuletur, sed iussu unius dominorum: hoc iure utimur, ut soli ei acquirat, cuius iussu stipulatus est. proinde & si quatuor forte dominos habuerit, & duorum iussu stipulatus sit, his solis acquirat, qui iusserunt: magisque est, ut non æqualiter, sed pro parte dominica totum eis acquiratur. Idem puto, & si nominatim eis stipulatus esse proponatur. nam & si omnium iussu stipulatus sit, uel omnibus nominatim, non dubitarem omnibus pro dominicis cum portionibus, non pro uiribus acquirere.

ALTERI EX DOMINIS ACQVIRI NON POTEST.) Sequitur III. Quod seruus communis stipulatur, si uni acquirere non potest, alteri in solidum acquirit. l. proinde. 7. eod. ubi Vlp. ait, Interdum etiam si neque iussu, neque nominatim alteri ex dominis seruus stipuletur, ei tamen soli acquirat: ut puta, si quid forte stipuletur, quod alteri acquiri non potest. ueluti, seruitutem ad fundum Cornelianum stipulatus est, qui fundus Sempronij erat, alterius ex dominis: ei soli acquirit. Idemque Pomponius confirmat in l. si communis. 17. D. eod.

## DE DIVISIONE STIPVLATIONVM.

### TITVLVS VI.

Diuisio stipulationum in prætorias, iudiciales, communes & conventionales: item, qualis cuiusque descriptio sit. l. 5.

De uerborum obligat.

- » I. Stipulationum aliæ sunt iudiciales, aliæ prætorie, aliæ conventionales, aliæ communes tam  
 » prætorie quam iudiciales. Iudiciales sunt duntaxat, quæ à mero iudicis officio proficiuntur: ueluti de dolo cautio, uel de persequendo seruo, qui in fuga est, restituendæque precio. Prætorie sunt, quæ à mero prætoris officio proficiuntur: ueluti damni infecti, uel legatorum. Prætorias autem



**A** **RIAS** autem stipulationes sic exaudiri oportet, ut in his contineantur etiam ædilitiæ. nam & hæc à iurisdictione ueniunt. Conuentionales sunt, quæ ex conuentione utriusq; partis concipiuntur: hoc est, neq; iussu iudicis, neq; iussu Prætoris, sed ex conuentione contrahentium: quarum totidem genera sunt, quot (penè dixerim) rerum contrahendarum. Communes sunt stipulationes, ueluti rem saluam fore pupilli: nam & Prætor iubet rem saluam fore pupillo cauere: & interdum iudex, si aliter hæc res expediri non potest: uel de rato stipulatio.

**ALIAE SVNT IUDICIALES, ALIAE PRÆTORIAE.)** Enunciatio I. Stipulationum alia ex reorum uoluntate, alia ex Prætoris, aut iudicis, aut utriusq; auctoritate interponuntur. l. stipulationum. §. D. de uerb. oblig. unde hic locus exscriptus est. Diuisio igitur hæc tertia stipulationum est, quæ meo iudicio non quadripartita est, ne speciem in genere numeremus, sed bipartita tantum: nimirum ut alias dicamus esse conuentionales, alias iudiciales: harum autem alias Prætorias, iudiciales alias, nonnullas etiam communes. De singulis igitur uideamus.

**QVAE A MERO IUDICIS OFFICIO.)** Sequitur II. Iudiciales stipulationes dicuntur, quæ nunquam nisi apud iudicem recuperatoris uel à Prætoris datos interponuntur. d. l. stipulationum. Nam merum iudicis officium appellat, quod totum à Prætoris iurisdictione disiectum & separatum est. sic enim se res habet, ut nunquam huiusmodi stipulationes apud Prætorem, sed tantum apud iudicem interponantur.

**DE DOLO CAUTIO.)** Hic, opinor, Aquiliana formula de dolo malo significatur: ea scilicet, quæ ad iudicia pertinebat. nam cum petita iudicio res est, uertiturq; petitor ne quid dolo malo possessor interea committat, apud iudicem postulare potest ab eo ut sibi repromittat se nihil in ea re dolo malo facturum. hoc modo: Spondes ab ea re qua de agitur dolum malum abesse, ab futurum esse? Spondeo. Sed quæri potest, quid ita non etiam apud Prætorem hæc stipulatio fieret? Respondendum, meo iudicio: quia tum demum interponitur, cum iudex causa cognita restitui rem ante sententiam iuberet. Moris enim fuisse, ut restituta re, is unde petebatur absolueretur, infra suo loco demonstrabimus.

**QVAE A MERO PRÆTORIS OFFICIO.)** Sequitur III. Prætorias stipulationes dicebantur, quæ nunquam nisi apud Prætorem interponebantur. d. l. §. Nam merum Prætoris officium modò dicit, quod à iudicis officio totum disiectum ac segregatum est: quoniam huiusmodi stipulationes apud iudicem nunquam interponebantur. quod modò ab exemplis intelligitur. Earum autem certam fuisse formulam edicto propositam, patet ex l. in conuentionalibus. §. 2. D. de uerb. oblig. ubi Vlp. ait, Prætorias stipulationes legem accipere de mente Prætoris, qui eas proposuit. neq; in ijs immutare quicquam licere, uel addere, uel detrabere. Formulas autem etiam in edictis comprehendere solitas, patet ex Verrina §.

**VELVTI DAMNI INFECTI.)** Vicini ædes ruinam damnumq; parti alicui mearum minuantur. cum ego in ius ad Prætorem uoco, postuloq; ab eo, ut mihi repromittat, se, quod damni ab ædibus suis acciderit, mihi resarciturum. hac formula: Quod damnum mihi ab ædibus tuis acciderit, præstare spondes? spondeo. l. i. & pass. D. de damn. inf. Hanc stipulationem apud Prætorem solum interponi posse apparet, cum ob eam rem iudicium detur nullum.

**VEL LEGATORVM.)** Testator mihi seruos suos legat. ego de malitia hæredis diffidens, eum in ius uoco, ibiq; à Prætoris postulo, ut ille mihi caueat, se legatum mihi ad diem præstaturum, dolumq; malum ab futurum. l. i. D. ut non legat. hac formula: Quod mihi ab te legatum est, id te mihi ad diem daturum, dolumq; malum ab futurum spondes? spondeo. Hanc stipulationem apud solum Prætorem interponi solitam ex eo constat, quia iudicium propter hanc causam non detur.

**IN HIS ETIAM CONTINEANTVR AEDILITIAE.)** Sequitur IIII. Prætoriarum stipulationum nomine etiam ædilitiæ stipulationes intelliguntur. d. l. §. Cuius pronuntiati quæ sententia sit, equidem assequi coniectura non possum: nisi fortè intelligi hoc Pomponius uoluit, Aedilitiarum stipulationum eandem quam Prætoriarum rationem esse: hoc est, ut apud eos solos, non etiam iudices à se datos certæ stipulationes interponantur. Prætorijs autem stipulationibus Aedilitias aut Tribunitias contineri, nemo planè Latineq; dixerit.

**A IURISDICTIONE VENIUNT.)** Sequitur V. Aedilitiæ stipulationes ab ijs qui iurisdictionem habent, profectæ sunt. d. l. §. iurisdictionem enim ædiles habuisse nemo ignorat. Sed quod in alijs libris legiitur, **A IURISDICTIONE PRÆTORIS VENIUNT**, absurdum est: neq; tantum Pandectarum ex quibus locus hic sumptus est, uerum etiam duorum manuscriptorum codicum auctoritate Theophilicè interpretacione abiudicatur.

**EX CONVENTIONE VTRIVSQUE PARTIS.)** Sequitur VI. Conuentionales stipulationes dicuntur, quæ neq; Prætoris, neq; iudicis auctoritate, sed ipsorum reorum sponte & uoluntate interponuntur. d. l. §. ubi cum scriptum esset conuentionales esse, quæ ex conuentione reorum sunt: Tribonianus hoc loco immutauit, Vtriusq; partis. Differre præterea Conuentionales à Prætorijs eo, quod conuentionalium forma contrahentium arbitrio fingitur, Prætoriarum uerò ex edicto Prætoris certa est, patet ex l. conuentionalium. §. 2. D. de uerb. oblig.

**QVOT RERVM CONTRAHENDARVM.)** Nam & mutui, & depositi, & commodati, & empti, & locati nomine stipulationes interponuntur: deniq; nullum geri negotium, cuius confirmandi causa stipulatio adhiberi non soleat, multis ex locis facile intellectu est.

**COMMVNES SVNT, VELVTI REM SALVAM FORE.)** Sequitur VII. Communes stipulationes dicuntur, quæ modò apud Prætorem, modò apud iudicem interponuntur. d. l. §. cuiusmodi esse dicitur stipulatio Rem pupilli ratam fore. nam si à pupillo seruòue ipsius, aut publico proponatur, apud Prætorem proponitur. l. 2. D. rem pup. sal. fore. & §. 3. supra, De Attil. tut. sin uerò tutor debitorem pupilli conuenerit, iudiciumq; acceperit, eoq; rem perduxerit, ut aut sola uere debitor, aut damnationem pati cogatur: poterit debitor solutionem offerendo, à iudice petere ut tutorem iubeat stipulanti sibi rem pupilli saluam fore, promittere. Eiusmodi duplæ stipulationem esse, Pomponius eodem loco affirmat. eam enim interdum ab iudice, interdum ab ædilis edicto proficisci constat. Hoc autem loco admonendi sumus, Prætorias stipulationes, de quibus dicimus, ita rursus diuidi, ut cum omnes ad cautionem & securitatem stipulatori præstandam pertineant: tamen alia ad iudicij accepti securitatem, alia uerò ad aliam, alia deniq; ad utranque pertineant. Quæ ad iudicij securitatem pertinent, iudiciales nominantur: non quòd apud iudicem interponantur, ut illæ de quibus superius differuimus: sed quòd ad iudicij con-



firmandum, rationemque habendum interponuntur: ueluti iudicium solui, Opus nouum restitui. Quæ ad alias cautiones pertinet, A  
communi ac generali uerbo Cautionales dictæ sunt: ut damni infecti, legatorum, rem pupilli saluam fore. nam illæ omnes ni-  
hil ad exitum iudicii præstandum faciunt. Quæ uero tum ad aliam, tum ad iudicalem securitatem pertinent, Communes dictæ  
sunt: quia non propriè ad alterutrum, sed communiter ad utrumque commodum institutæ sunt. qualis est ea quæ iudicio sistendi  
caussa interponitur. nam etsi non exitum iudicii spectet, ad iudicium tamen pertinet. Itaque interpretor. l. i. D. de Prætor. stipul.  
ut omnes hæc quas Vlpianus enumerat, apud Prætores interponantur: (quamuis non apud eum solum, ut ex ea Rem pup. sal-  
fore apparet) sed aliæ ad iudicium pertineant, aliæ uero non pertineant. Quod autem idem stipulationem rem ratam haberi  
cautionalibus adscribit, malè meo iudicio studijs discentium consiluit: cum satis constet eam ad iudicium, atque adeo ad iudicii  
exitum ac securitatem maxima ex parte pertinere. Nonnunquam autem etiam altera eius est opportunitas: quod Vlpianus do-  
cet in l. interdum. 10. D. Rem rat. hab. ubi sic scribit: Interdum ex conuentione stipulatio rem ratam haberi interponi solet: ut  
puta si quid procurator aut uendat, aut locet, aut si ei soluatur. quod enim tutiore loco sit qui contrahit, de rato solet stipulari.  
Veruntamen res ex maiore parte æstimandas esse constat.

## DE INUTILIBVS STIPVLATIONIBVS.

## TITVLVS VII.

*Rerum omnium præterquam earum quarum commercium uel omni-  
bus, uel stipulatori negatum est, ualet stipulatio. l. 83.*

## §. 2. De uerb. obligat.

I. O Mnis res quæ dominio nostro subijcitur, in stipulationem deduci potest: siue mobilis sit, B  
siue soli. At si quis rem quæ in rerum natura non est, aut esse non potest, dari stipulatus fue-  
rit: ueluti Stichum, qui mortuus sit, quem uiuere credebatur: aut hippocentaurum, qui esse non pos-  
sit: inutilis erit stipulatio. Idem iuris est, si rem sacram, aut religiosam, quam humani iuris esse cre-  
debat: uel publicam, quæ usibus populi perpetuò exposita sit, ut forum, uel theatrum: uel libe-  
rum hominem, quem seruum esse credebatur, uel cuius commercium non habuerit: uel rem suam  
dari quis stipuletur.

QVÆ DOMINIO NOSTRO SVBIICITVR.) Enuntiatio I. Quicquid in nostrum dominium ca-  
dit, siue mobile, siue immobile sit, deduci in stipulationem potest. Cum enim acquirendarum rerum causa stipulationes institutæ  
sint, consentaneum est, ut ad omnes quoque omnium rerum acquirendarum modos accommodari possint. Quinetiam non mo-  
dò res in stipulationem deduci posse, uerum etiam facta, superius docuimus ex l. stipulationum. D. de uerb. oblig.

QVÆ IN RERVM NATVRA NON EST.) Sequitur II. Stipulatio earum rerum quæ in rerum na-  
tura nec sunt, nec esse possunt, nullius momenti est. l. si stipuler. 35. D. de uerb. oblig. ubi Paulus ait: Si stipuler ut id fiat, quod na-  
tura fieri non concedit, non magis obligatio consistit: quam cum stipulor, ut id detur, quod dari non potest. Quod mortui ho-  
minis exemplo Vlp. confirmat in l. si homo. 69. eod. & Caius l. i. §. si id quod. De oblig. & act. Si id quod dari stipulemur, in-  
quit, tale sit, ut dari non possit, naturali ratione inutilem esse stipulationem. Vcluti, si de homine libero, uel iam mortuo, uel adie-  
bus deustis facta sit stipulatio inter eos qui ignorauerunt eum hominem liberum esse, uel mortuum esse, uel ades deustas esse.

HIPPOCENTAVRVM, QVI ESSE NON POSSIT.) Plinius tamen libro 7. cap. 3. Claudius Cæ-  
sar, inquit, scribit, Hippocentaurum in Thessalia natum, eodem die interisse: & nos principatu eius allatum illi ex Aegypto  
in melle uidimus. Hoc autem ut uerum sit, tamen quia portenta & monstra hæc sunt, etiam naturæ peccato quodam genita, C  
eorum ratio nulla ducitur.

SI REM SACRAM AVT RELIGIOSAM.) Sequitur III. Neque sacra, neque publica, neque suæ rei, ne-  
que liberi hominis stipulatio ulla est. l. inter stipulantem. 83. §. sacram. De uerb. oblig. & l. i. §. si id quod. De oblig. & act.  
nam cum stipulatio ad abalienationem pertineat, earum autem rerum abalienatio nulla sit: relinquatur, earum rerum stipula-  
torem esse nullam: ad abalienationem autem pertinere ex eo constat, quia de dando dominio interponitur. Itaque si stipulatio  
interponatur, in qua non rem dari, sed factum aliquod stipulamur, ualebit. l. stipulatio ista. 38. in fi. D. eod. ubi Vlp. ait, ædem  
sacram, uel locum religiosum ædificari stipulari possumus.

VEL LIBERVH HOMINEM.) Sic Modestinus in l. liber homo. 103. De uerb. oblig. Liber homo, inquit, in  
stipulationem deduci non potest: quia nec dari oportere intendi, nec æstimatio eius præstari potest. non magis quam si quis  
dari stipulatus fuerit mortuum hominem, aut fundum hostium.

CVIVS COMMERCIVM NON HABVERIT.) Sequitur IIII. Qui rem cuius ipse commercium nõ  
habet, stipulatur, nihil agit. l. multum interest. 34. D. eod. ubi Vlp. ait, multum interesse, utrum ego stipuler rem, cuius commer-  
cium habere non possim: an quis promittat. Si stipuler rem cuius commercium non habeo, inutilem esse stipulationem: si quis  
promittat, cuius non commercium habet, ipsi nocere, non mihi. ueluti, Qui in prouincia cum potestate aut legatione est, nihil  
præter mancipium in demortui locum potest emere: quemadmodum Cicero Verrina 6. testatur. Simile quiddam de ijs qui of-  
ficium gerunt, Marcianus scribit in l. non licet. 46. & Modest. l. qui officij. 62. De cont. empt.

VEL REM SVAM DARI QVIS STIPVLATVR.) Sic Caius l. i. D. de obligat. & act. Nec minus,  
inquit, inutilis est stipulatio, si quis rem suam, ignorans suam esse, stipulatus fuerit. Idem Vlp. l. nemo. 82. D. de uerb. oblig. ne-  
minem rem suam stipulari posse, sed precium rei suæ posse: quippe cum aliud res, aliud precium sit. l. qui uas. §. ult. de furt. l. si  
alij. D. de usuf. Et hoc quidem, ut dixi, quoniam de dominio dando per stipulationem agimus: dari autem nobis quod nostrum  
est, non possit. §. sic itaq. infra de act. Itaque stipulari posse rem nobis nostram restitui, aut tradi, Vlpianus eodem loco affir-  
mat: tum enim non de dominio agimus, sed de possessione.



*Quæ res stipulari natura sua non potest, eius stipulatione mutata quidem ea natura conualefcit. quin etiam illa natura superueniens, ualidam stipulationem extinguit. l. lxxij. de uerb. oblig.*

**II.** Nec in pendenti erit stipulatio ob id, quod publica res in priuatum deduci, & ex libero leruus fieri potest, & commercium adipisci stipulator potest, & res sua stipulatoris esse definire potest: sed protinus inutilis est. Item contra, licet ab initio utiliter res in stipulatum deducta sit: si tamen postea in aliquam earum causam, de quibus supra dictum est, sine facto promissoris deuenierit: extinguitur stipulatio. At nec statim ab initio talis stipulatio ualebit, **LVCIVM TITIVM, CVM SERVVS ERIT, DARE, SPONDES?** & similia: quia quæ natura sui dominio nostro exempta sunt, in obligationem deduci nullo modo possunt.

**NEC IN PENDENTI ERIT STIPULATIO.** Enunciatio I. Rei commercio exemptæ stipulatio adeo nulla est, ut ne sublata quidem ea qualitate conualefcit. l. inter stipulantem. 83. D. de uerb. oblig. Vbi Paulus ratione hæc exponit, quia de his rebus negotium recte gerimus, quæ subijci usibus dominioq; nostro statim possunt. Verum quid si futuros fructus stipulemur? Vera igitur hæc esse ratio uidetur, quia non eadem, sed alia prorsus species uidetur: ut eodem loco Vlpian. significat. Itaq; promissor quasi interitu rei liberatus uidetur. deinde quia pure & in diem stipulationes præsentem ab alienandi obligationem habent, rerum autem huiusmodi ab alienatio, ut ante dicebamus, nulla est. Quamobrem eleganter hoc loco queri posset, ecquid sub conditione stipulatio facta ualeret. ueluti, Spondes hominem liberum mihi dari, si seruus efficiatur: uel hoc modo: Si naus ex Asia uenerit, & existente conditione seruus reperietur. Causæ constitutio: Stipulatus hominem liberum sub conditione, si seruus erit, cum aliquanto post eum in seruitutem redactum cerneret, agere ex stipulatu instituit. Intentio: Hinc te mihi hominem dare oportet. D. Non oportet. Q. An oporteat. R. Quia liberi hominis stipulatio nulla est. F. Ea re quidem, quod obligatio de eo ab alienando concipi non potest, at obligatio in id tempus collata est, quo concipi potuit. Disceptatio ex scripti & sententiæ contentione nascitur: An lex quæ ait liberi hominis stipulationem non ualere, ita intelligenda sit, nisi eius dandi obligatio in id tempus quo dari poterit, conferatur. Nam quod attinet ad rem nostram, quæ in istarum ordinem ac numerum aggregatur, Marcellus in l. existimo. 98. & Pomponius in l. si rem. 31. D. de uerb. oblig. ualere illiusmodi stipulationem affirmant. Attamen aliarum rerum disimilem esse rationem arbitror. nam siquidem ita stipulemur, Lælium cum seruus erit, dare spondes: primum ominus causa detestabilis existimanda stipulatio est: quod Vlp. in d. l. inter stipulantem, non obscure significat, cum ait: Casum aduersamq; fortunam spectari hominis liberi, neq; ciuile neq; naturale est. Quod etiã in sacris publicisq; rebus ualere arbitror. Huc accedit, quod (ut eodem loco Vlp. innuit) mutata species, non autem eadem permansisse uidetur. Sin uero ita stipulatio concepta sit, Lælium dare spondes, si naus uenerit: & naui appellente, seruus reperitur: isdem de causis improbanda est. nam etsi omen pronunciatum non est, at cogitatum est, constat enim alio nullo casu nascituram obligationem, quam liberi hominis, uel rei sacræ publicæ calamitate oborta. Et omnino sic se res habet, ut rei mutata natura, extincta species ipsa uideatur: quod in rei meæ stipulatione dici non potest. Eius enim dominus mutatur: conditio uero & natura & qualitas, statusq; permanet.

**SINE FACTO PROMISSORIS DEVENERIT.** Sequitur II. Stipulatio rei promericalis, ipsius qualitate sine promissoris facto mutata, restinguitur. d. l. inter stipulantem. 83. D. eod. ubi Paulus ait, cum quis rem profanam aut Stichum dari promissit, liberatur: si sine facto eius, res sacra esse cæperit, aut Stichus ad libertatem peruenerit. Et l. is qui. 51. eod. Causæ constitutio: Cum Stichum dare promississem, accidit ut is ad libertatem perueniret. Stipulator agit. Intentio est: Stichum mihi te dare oportet. D. Non oportet. Q. An oporteat. R. Quia dari non potest. F. At eius æstimatio dari potest, quam ego mihi in rei defectum stipulatus sum. Disceptatio ex scripto & sententiæ est: An qui speciem stipulatus est, uideatur eius natura mutata ipsam æstimationem stipulatus. Et respondetur, nequaquam. quoniam, ut ait Vlpianus, in stipulationibus cum queritur quid actum sit, uerba contra stipulatorem interpretanda sunt. l. stipulatio ista. 38. §. in stip. D. eod.

**SINE FACTO PROMISSORIS.** Sic Vlp. l. is qui. 51. D. eod. Is qui seruum promissit, perducto eo ad libertatem, ex stipulatu actione non tenetur, sufficit enim si dolo culpæ careat. Cui astipulatur Pomponius in l. si mihi. 92. & Paulus l. cui res. 98. §. aream. D. de solut.

**TITIVM, CVM SERVVS ERIT.** Sequitur III. Quarum rerum commercium nullum est, earum debitas conferri per stipulationem in futurum tempus non potest. d. l. inter stipulantem. Ratione autem superius exposui: primum, propter omen: deinde, quia species mutata natura extinguitur.

**QVIA QVÆ NATVRA SVI.** Sequitur IIII. Quæ natura sui dominio nostro exempta sunt, deduci in stipulationem non possunt. d. l. inter stipulantem. Dixit autem natura sui, ad earum rerum differentiam quæ propter personæ conditionem in commercio non sunt: de quibus superius diximus. Rationem autem Enunciationis esse docuimus, quia stipulatio earum tantum rerum est, quarum ab alienatio est.

*Qui daturum facturumue alium promittit, alteriue quàm ei cuius in manu est stipulatur, nihil agit. At qui se stipulanti aut alteri daturum spondet, rectè obligatur: alteriq; etiam repugnante stipulatore, soluens, liberatur. l. xxxvij. & l. ult. De uerb. oblig. l. x. xj. xij. l. ix. D. de solut.*

**III.** Si quis alium daturum facturumue quid sponderit, non obligabitur: ueluti si spondeat Titium quinque aureos daturum. Quod si effecturum se ut Titius daret, sponderit, obligatur. Si quis



quis alij, quàm ei cuius iuri subiectus sit, stipuletur, nihil agit. Planè solutio etiam in extranei per-  
sona conferri potest: ueluti si quis ita stipuletur, MIHI AVT SEIO DARE SPONDES:  
ut obligatio quidem stipulatori adquiratur, solui tamen Seio, etiam inuito eo, rectè possit, ut libe-  
ratio ipso iure contingat: sed ille aduersus Seium habeat mandati actionem.

ALIVM DATVRVM FACTVRVMVE.) Enunciatio I. Qui daturum facturumue alium promittit, non  
obligatur. l. inter stipulantem. 83. D. de uerb. oblig. ubi Paulus ait, inter stipulantem & promittentem negotium contrahi itaq;  
alium pro alio promittentem daturum facturumue esse, non obligari. nam. de se quemq; promittere oportere. Idemq; tradit  
Vlp. l. stipulatio ista. 38. D. cod. & Paulus in l. sicut reus. 65. D. de fideiuss: Rationem autem in tertio pronunciato aperiemus.  
nunc illa contenti crimus, neminem eius qui in sua potestate non sit, posse factum promittere.

QVOD SI EFFECTVRVM SE.) Sequitur II. Qui se, ut stipulanti Titius det decem, effecturum promit-  
tit, in decem obligatur. l. si haeres. 73. D. de legat. 1. ubi Caius scribit: Si haeres iussus sit facere, ut Lucius centum habeat, cogens  
est haeres centum dare: quia nemo facere potest ut ego habeam centum, nisi mihi dederit. Neq; nobis aduersatur, quod sus-  
perius diximus, neminem posse factum alienum promittere. nam hac stipulatione non tam alienum, quàm ipsius promissoris  
factum comprehenditur: quippe cum se obliget ad persiciendum, ut stipulatori solvatur. Quid ergo si quis stipulatus ita sit, Cen-  
tum mihi te curaturum spondes? Ego Latinae linguae consuetudinem respiciens, sine cunctatione responderem, idem esse. Te-  
rentius in Phormione: Datumne argentum est? Curavi illic. Cic. ad Q. Fratrem: Redemptori tuo dimidium pecuniae curavi.  
Idem in Quintiana: Cum aris alieni aliquantulum esset relictum, quibus nominibus pecuniam Romae curari oporteret, auctio-  
nem se facturum proscrit. Video tamen Labconem, auctorem imprimis bonum, aliter respondisse, in l. ult. de reb. credit. ubi  
ait: Cum decem curari stipulatus sis, ideo non posse te decem dari oportere intendere: quia etiam reum locupletiore dando,  
promissor liberari possit. Sed uidemus ne aliter Labco, Celsusq; illius leg. is auctor, scripserint. nam Vlp. in l. illa stipulatio. 67.  
De uerb. oblig. ubi locum illum Celsi ex lib. Digestorum sexto citans scribit, Labconem de hac stipulatione locutum esse, Spon-  
des te curaturum mihi decem dari: ut aliud uideatur esse, Spondes te mihi decem curaturum: aliud, Spondes te curaturum mi-  
hi dari decem? nisi forte dicamus, superiorem stipulationem aduersus stipulatorem interpretandam esse, ex regula l. stipula-  
tio. 38. D. codem.

QVAM EI CVIVS IVRI.) Sequitur III. Qui alteri quàm ei cuius in manu est stipulatur, nihil agit. l. stipula-  
tio ista. 38. §. alteri. D. cod. ubi Vlp. rationem hanc exponit: inuentus enim huiusmodi obligationes esse ad hoc, ut unusquisque  
sibi acquirat, quod sua interest. ceterum ut alij deat, nihil inter. Si mea hoc est, quia nulla nascitur obligatio, nisi cum obli-  
gantis interest: (his enim civile non patitur, inaniter & temere ciuium fortuna mutari) non interest autem nostra, ut alieno  
qui ad nos nihil pertinet, deat: consequens est, ut alteri dari stipulatus, promissorem non obliget, praesertim cum alienus alieo  
no acquirere non possit. Planius aut utriusq; pronunciati & primi scilicet & tertij rationem, sic aperiemus, illa enim inter se  
reciprocantur. Nam ut nemo pro altero stipulari, sic uicissim nemo pro altero spondere potest. Stipulari siquidem & Spon-  
dere inter se referuntur. Ratio igitur utriusq; est haec: quia stipulatio iccirco instituta est, ut ciues Rom. certam inter se forma-  
lam ac ritum haberent, quo quod inter se negotij gefissent, oec ac lingua sua palem testibus audientibus pronunciaret. Itaq;  
ut nemo testamentum pro altero facere potest: sic neq; stipulari aut astipulari aliquid pro altero potest. de facto enim & ne-  
gotio quisq; suo testetur necesse est. quod Vlp. in l. 1. de uerb. oblig. his declarat uerbis: Stipulatio non potest confici, nisi utro-  
que loquente. Itaq; cum mulier infanti filio suo stipulata esset dotem reddi, si ea constante matrimonio decederet: Vlpianus re-  
spondit, inutile esse stipulationem. l. mulier. 70. D. cod. Altera ratio est, quia obligationes iccirco institutae sunt, ut alter in al-  
terum uinculum inijceret, sibiq; eum adstrictum ac uinctum haberet: non autem, ut alieno ius illud quaereret, quod Paulus con-  
firmat in l. quaecumq;. 11. D. de oblig. & act. Quaecumq;, inquit, cum ex nostro contractu originem trahunt, nisi ex nostra per-  
sona obligationis initium sumant, inanem actum nostrum efficiunt, & ideo neq; stipulari, neq; emere, uendere, contrahere,  
ut alter suo nomine rectè agat, possumus.

EI CVIVS IVRI SVBIECTVS SIT.) Nam & seruus & filius fa. non ex sua, sed ex domini patriq; per-  
sona stipulantur. Itaq; & filius fa. pars quaedam sui patris, & seruus animatus sui domini instrumentum ab Aristot. appellatur.

SOLVTIO ETIAM IN EXTRANEAM PERSONAM.) Sequitur IIII. Qui se uel stipulanti  
uel alteri daturum spondet, rectè obligatur. l. ult. §. 1. D. cod. ubi Caius hoc amplius respondit: Si ita stipulatus fuero, Mil. i aut  
Titio? & tu mihi daturum te respondeas: secundi in omnium opinione ad interrogatum te respondere: quia constat mihi so-  
li acquiri obligationem, Titio autem rectè soluitur. Hac igitur inter hanc stipulationem & superiorem differentia est, quod  
in hac soli stipulatori obligatio acquiritur: quamuis facultas soluendi alteri permittatur in illa, soli alteri, cui stipulatio fiebat,  
obligatio querebatur. In hac extranea persona promissoris gratia adijciitur, ut ei soluere liceat. l. si mihi. 23. D. de fideiuss. in  
illa, non promissoris, sed sui ipsius causa, ea persona nominatur.

ETIAM INVITO EO.) Sequitur V. Ei qui in disiunctiua stipulatione adiectus est, etiam inuito stipulatore  
rectè soluitur. l. si stipulatus. 10. & seq. D. de solut. ubi Vlp. ait: Et si stipulator prohibeat me Titio soluere, soluendo tamen li-  
berabor: quia certam conditionem habuit stipulatio, quam immutare non potuit stipulator. Item l. fideiussor. 16. D. de fideiuss.  
& l. uerò. 12. l. si ita stipulatus. 59. D. de solut. ubi Vlp. ait: Et si stipulator prohibeat me adiecto soluere, me tamen soluendo li-  
beratum iri: quia certam conditionem habuit stipulatio, quam immutare stipulator non potuit. Idq; usque adeo uerum esse, ut  
si ita stipulatus sim, Mihi aut Titio dare spondes? & debitor constituerit se mihi soluturum, quamuis mihi competat de consti-  
tuta actio, possit tamen adiecto soluere. dum enim adiecto soluitur, mihi solui uidetur. Quin etiam Celsus in l. cum decem. 71. D.  
cod. Cum decem, inquit, mihi aut Titio dari stipulatus, quinq; accipiam, reliquum promissor rectè Titio dabit.

LIBERATIO IPSO. IVRE CONTINGAT.) Sequitur VI. Qui in disiunctiua stipulatione adiecto  
soluit, ipso iure liberatur. d. l. uerò. & l. si ita. 59. D. de solut.

HABEAT MANDATI ACTIONE M.) Sequitur VII. Qui sibi aut alteri dari stipulatus est, si illi alteri  
sit solutum, aduersus eum mandati actionem habet. l. Iulianus. 131. §. 1. D. de uerb. oblig. quippe cum ei tanquam procuratori  
suo solui mandarit,



**Quod quis sibi & alteri dari stipulatur, eius dimidiam tantum partem sibi acquirit: nisi forte seruo filiove famul. suo stipulatus id fuerit.**  
l. xxxviii. l. v. j. & cx. eodem.

**III.** Quod si quis sibi, & alij, cuius iuri subiectus non sit, dari decem aureos stipulatus est: ualebit quidem stipulatio. sed utrum totum debeatur quod in stipulationem deductum est, an uero pars dimidia, dubitatum est. sed placuit, non plus quam dimidiam partem ei adquiri. Ei uero qui iuri tuo subiectus est, si stipulatus sis, tibi adquiris: quia uox tua tanquam filij sit. sicuti & filij uox, tanquam tua intelligitur, in ijs rebus quæ tibi adquiri possunt.

**VALET QUIDEM STIPULATIO.** Enunciatio I. Qui sibi & alteri cuius in manu non est, dari stipulatur, recte stipulatus intelligitur. l. stipulatio ista. 38. & l. si mihi. 110. D. de uerb. oblig.

**NON PLUS QUAM DIMIDIAM PARTEM.** Sequitur II. Qui sibi & extraneo dari stipulatur, sibi dimidiam tantum partem acquirit. l. si mihi & Titio. 110. D. eod. ubi Pomponius ait: Si mihi & Titio, in cuius potestate non sim, stipuler decem: non tota decem, sed sola quinq; mihi debentur. pars enim aliena deducitur, ut quod extraneo inutiliter stipulatus sum, non augeat meam partem. item l. stipulatio ista. 38. §. cum qui. & l. eum qui ita. 56. eod. Causæ constitutionis: Qui centum sibi & Mæuio dari stipulatus erat, certi conditione agere cum eo cepit. Intentio: Centum te mihi dare oportet. D. Non centum, sed quinquaginta tantum. Q. Vtrum centum, an quinquaginta. R. Quia quod Mæuio inutiliter stipulatus est, deduci oportet. F. At mihi simpliciter ac pro indiuiso centum sum stipulatus: neq; distinxi, ut mihi quinquaginta, Mæuio quinquaginta dares. uel sic: At mihi soli quæ sita obligatio est. Mæuius pro solutione tantum adiectus est: ut in superiore formula, Mihi aut Mæuio. Disceptatio ex scripti & non scripti contentione nascitur: An qui stipulatur sibi & alteri, eodem iure habendus sit, quo qui sibi aut alteri stipulatur. Respondetur autem, nequaquam: & hoc inter utranq; formulam interesse, quod per illam alterutri tantum stipulor: per hanc, utriq;. Sed quæri potest, quid si res quæ diuidi non possit, in stipulationem deducta sit? Ut equus, annulus, patera? Ac de fundi quidem uenditione uideo Iauoleni responsum in l. fundus ille. D. de contr. empt. ubi totius fundi constare emptionem affirmat. Tamen si autem inter emptionem & stipulationem magna differentia sit, tamen cum diuidi res non potest, non dimidium æstimationis, sed speciem ipsam censere deberi. quod enim hic de pecunia dictum est, idcirco ualet, quia facile diuisionem recipit. l. qui decem. 9. D. de solut.

**QUI IVRI TVO SUBIECTVS EST.** Sequitur III. Stipulans ei qui iuri suo subiectus est, sibi ipsi stipulari intelligitur. l. dominus. 39. D. de uerb. oblig. ubi Paulus ait: Dominus seruo stipulando, sibi acquirit: sed & pater filio, secundum quod leges permittunt. Item l. 2. de contr. stipul. l. quod dicitur. 130. D. de uerb. oblig. ubi Paulus ait: Quod dicitur patrem filio utiliter stipulari, quasi sibi illi stipuletur, hoc in his uerum est, quæ iuris sunt, quæq; acquiri patri possunt. alioqui si factum conferatur in personam filij, inutilis erit stipulatio. Vlpianus autem in l. eum qui ita. 56. §. qui sibi. D. eod. Quod si, inquit, soli filio suo, qui in potestate tua sit, dari quis stipulatus sit, non recte filio suo soluetur, quia filij persona obligationi magis quam solutioni applicatur.

**VOX TUA TANQUAM FILII SIT.** Sequitur IIII. Et patris uox, uox filij, & uicissim uox huius in ijs rebus quæ illi acquiri possunt, uox illius esse iudicatur. Quod tamen de filijs fam. intelligendum esse constat, emancipati enim planè alienorum atq; extraneorū loco numerantur. §. 3. suprâ, De exhered. lib. Itaq; cū pater stipulatus esset soluto matrimonio filia suæ dotem ipsius fratri emancipato reddi, Diocletianus rescripsit, stipulationem esse nullā. l. si genero. 26. C. de iur. dot.

**Qui aliter quam ut interrogatus est, respondet, non obligatur: at, qui simpliciter promittere se responder, ad omnia quæ interrogatus est, respondisse intelligitur.** l. j. §. ij. eodem.

**V.** Præterea inutilis est stipulatio, si quis ad ea quæ interrogatus fuerit, non respondeat: uel ut si quis decem aureos à te dari stipuletur, tu quinq; promittas, uel contra: aut si ille purè stipuletur, tu sub conditione promittas, uel contra: si modò scilicet id exprimas. id est, si cui sub conditione uel in diem stipulanti, tu respondeas, **PRÆSENTI DIE SPONDEO.** Nam si hoc solum respondeas, **PROMITTO:** breuiter uideris in eandem diem uel conditionem spondidisse. Neq; enim necesse est in respondendo eadem omnia repeti, quæ stipulator expresse.

**AD EA QUAE INTERROGATUS FVERIT.** Enunciatio I. Cum ad ea quæ interrogantur, non respondetur, stipulatio nulla est. l. i. §. si quis. D. de uerb. oblig. Huius enim solennitatis hoc proprium est, ut stipulator quæ dicenda sunt, pronunciet, quasiq; uerba præeat: promissor autem non nouum quiddam proponat, sed ad id quod propositū est, stipulatoris uerba subsequens, respondeat. Nam obligatio quæ inde quæritur, neq; ex interrogatione, neq; responsione sola contrahitur, sed coniunctim ex utraq;. At si cum aliter responsum est, quam interrogatum, obligatio nasceretur, necessario sequeretur ex altera tantum parte obligationem nasci.

**TV QVINQVE PROMITTAS, VEL CONTRA.** Sequitur II. Qui decem stipulanti quinq; promittit, aut ex contrario, non obligatur. Quod idem Caius lib. Instit. 2. cap. 9. confirmat. Si creditor, inquit, decem solidos debitori intet, & debitor quinq; promittat, hoc ordine integrum debitum uacillare cognoscitur. At Vlpianus in l. i. §. si stipulanti, de uerb. obl. Si stipulanti, inquit, mihi decem, tu uiginti respondeas: non esse contractam obligationem nisi in decem, constat. ex cōtrario quoq; si me uiginti interrogante, tu decem respondeas: obligatio nisi in decem non erit cōtracta. licet enim oportet cōgruere summā, attamen manifestissimum est, uiginti & decem inesse. Hæc Vlpianus, cuius uerba ita perspicue iustitiani uerbis aduersantur, ut qui eorum concilianorum causa subaudiendam hoc loco exceptionem dicunt, Nisi in minorem summam: dum nimium Vlpiani æstimationis studiosi sunt, suæ ipsorum obliuisci uideantur: neq; animaduertant id lingue



Latine rationem ferre nullo modo posse. Causse constitutio: Qui stipulanti x sponderat xx, conuentus iudicio, decem solvere recusabat. Intentio: Decem debes. D. Non debeo. Q. An debeat. R. Quia cum aliter quam ut stipulatum est responderetur, stipulatio nulla est. F. At in maiore summa minor inest. itaq; qui maiorem summam stipulatur, minorem etiam stipulatus intelligitur. & uicissim qui maiorem summam promittit, minorem etiam promississe iudicatur. Disceptatio ex uerbo & sententia nascitur, An qui maiorem summam stipulatur aut promittit, etiam minorem stipulatus esse, aut spondisse uideatur. Ego, si ueram & strictam iuris rationem spectare uolumus, Iustiniani & Cuij sententiam amplecterer, & responderem, non uideri primum quia certum est, aliud esse decem promittere, aliud uiginti. nec usquequaq; uerum est, minorem summam in maiore contineri. Alio qui sequeretur in hac formula, Viginti dare spondes? duas, atq; adeo tot esse stipulationes, quot numi. contra l. scire debemus. 29. & similes. D. de uerb. oblig. Nam qui stipulanti Stichum aut Dauum, promittit Dauum, idcirco recte obligatur, quia uidetur ad unam ex duabus stipulationibus respondisse. l. inter stipulantem. 83. §. 2. eod. At qui stipulatur uiginti, non duas summis decem & decem, duabus stipulationibus, sed unam tantum summam stipulatione una complexus uidetur. Quare si stipulanti uiginti, promittens decem obligaretur, consequens esset, idem quod de pluribus rebus dicere: uideri nimirum, ad unam ex duabus stipulationibus respondisse. quod absurdum est, cum & una summa sit, & nihilo magis in duas quam in undecim obligationes stipulatio diuidi possit. At si quis stipularetur decem & quinq;, duae stipulationes essent. tot enim stipulationes sunt, quot summae. l. scire debemus. 29. eod. Eamq; disputationem illud magnopere confirmat, quod infra proximo capite dicemus, eum qui pro debitore decem, fideiubet quindecim, non modo non in quindecim, sed ne in decem quidem obligari propterea quod aliud in fideiussoris, aliud in rei principalis obligatione esse non potest. ex quo intelligitur, aliud esse decem, aliud quindecim: nec stipulationem esse diuidendam. Præterea cum superius dictum sit, stipulationes nihil aliud esse quam firamenta superiorum pactiōum, satis constat, oportere prius pactum & conuentum fuisse, quæ de re & summa obligatio contraheretur, quam pronuncietur stipulatio. Quod cum ita sit, constat etiam necesse esse, stipulationem antecedenti pactiōi omni ex parte respondere. ne (quemadmodum antea diximus) ex una tantum stipulationis parte contrahatur obligatio. Atq; hæc quidem ita ex summo ac directo iure disputata sunt. Sed uideamus, ne melius æquius sit, quod Vlp. scribit in l. quoties. 80. De uerb. oblig. Quoties in stipulationibus ambigua oratio est, commodissimum est id accipi, quo res de qua agitur, in tuto sit. cui Iulianus & Paulus consentiunt in l. quoties. 12. & l. ubi. 21. D. de reb. dub.

TV SVB CONDITIONE PROMITTAS.) Sequitur III. Qui pure stipulanti, sub conditione, uel in diem promittit, aut ex contrario: nihil agere iudicatur. d. l. 1. §. 3. ubi Vlp. ita scribit, Si quis simpliciter interrogatus, responderit, Si illud factum erit, dabo: non obligari eum constat. aut si ita interrogatus, Intra Calendis quint. ut responderit, Dabo Idibus: æque non obligatur. non enim sic respondit, ut interrogatus est. & uersa uice, si interrogatus fuerit sub conditione, responderit pure: dicendum erit, eum non obligari. Eius autem rei ratio est, quia cum tres stipulationum formæ diuersæ sint, pura, in diem, & conditionalis: qui pure stipulanti sub conditione promittit, is aliud promittit quam quod rogatus est. Res enim aliæ ex diuersis ac dissimilibus formis nominantur.

BREVITER VIDETVR IN EANDEM DIEM.) Sequitur IIII. Qui uerbo hoc uno Spondeo, respondet, respondisse ad omnia interrogata intelligitur. Nam, ut stipulator uerba concepit, ita respondisse intelligitur: quasi uerba stipulator præuerit. Idq; Cicero in ea pro Cæcina significat his uerbis: Si quis quod spondu (qua in re uerbo se uno obligauit) id non facit: maturo iudicio, sine ulla religione iudicis condemnatur.

NEQVE ENIM NECESSE EST.) Sequitur V. In respondendo uerba stipulationis iterare omnia nihil attinet. l. quæ extrinsecus. 65. D. eod. ubi Florentinus ait: Si in rei quæ promittitur, aut personæ appellatione uarietur, non obesse placet. nam stipulanti denarios eiusdem quætitatis aureos spondendo, obligaberis. & seruo stipulanti, Lucio domino suo, si Titio, qui idem sit, daturum te spondeas, obligaberis.

Ab ijs qui in manu nostra sunt, quorumue ipsi in manu sumus, non recte stipulamur.  
extraneo uero alligari filiusfam. potest. Seruus autem, mutus, surdus,  
furiosus, stipulationibus interdicuntur. l. xiiij. l. xxxix.  
& l. j. §. ult. De oblig. & act.

VI. Item inutilis est stipulatio, si uel ab eo stipuleris, qui tuo iuri subiectus est, uel si is à te stipuletur. Sed seruus qui dem non solum domino suo obligari non potest, sed ne quidem ulli alij: filij uero familiarum alijs obligari possunt. Mutus neq; stipulari, neq; promittere posse, palam est, quod & in surdo receptum est: quia & is qui stipulatur, uerba promittentis: & is qui promittit, uerba stipulantis audire debet. unde apparet, non de eo nos loqui qui tardius exaudit: sed de eo, qui omnino non exaudit. Furiosus nullum negotium gerere potest: quia non intelligit quod agit.

VEL AB EO STIPVLERIS.) Enunciatio I. Ab eo qui in potestate nostra est, cuiusue in potestate ipsi sumus, stipulari non possumus. Nam cum acquirendarum rerum causa stipulatio instituta sit, acquirere autem neq; pater à filiofam. neq; hic ab illo possit, sequitur, inutilem inter illos stipulationem esse. quæ de causa nullum inter illos iudicium dari constat: ex l. act. 7. De oblig. & act. & l. lis nulla. D. de iudic. Quod tamen de filijsfam. intelligendum est: quoniam emancipatorum stipulationem ualere, & ex ea patres obligari, nemo nescit. ex l. 4. C. de pact. conuent.

NEC SOLVM DOMINO SVO.) Sequitur II. Seruus neq; domino suo, neq; ulli alteri obligari potest. l. serui. 14. D. de oblig. & act. ubi Vlp. ait. seruos ex contractibus ciuilitur quidem non obligari: sed naturaliter & obligari & obligare posse. Quæ de re alio loco uberius explicatum est.

FILIIFAM. ALIIS OBLIGARI POSSVNT.) Sequitur III. Filijsfam. alij quam patri obligari per stipulationem possunt. l. filiusfam. 39. D. de oblig. & act. ubi Cains ait, filiumfam. ex omnibus causis tanquam patremfam. obligari: & ob id agi cum eo tanquam cum patrefam. posse. quod idem ipse tradit in l. si seruus. 14. §. 1. De uerb. obli. & Paulus in l. cum



**A** cum filiis. 49. eod. unde illud etiam intelligitur, quod Vlp. ait in l. si quis. 44. D. de pecul. cum qui cum filiofam. contrahit, duos habere debitorum: filium in solidum, & patrem duntaxat de peculio.

**MVTVM NEQVE STIPVLARI.)** Sequitur IIII. Stipulationem interponere neq; mutus neq; surdus potest. l. 1. De uerb. oblig. & l. 1. in fi. De oblig. & act. ubi Caius ait, mutum nihil pertinere ad obligationem uerborum, natura manifestum esse. sed & de surdo idem dici: quia etiam si loqui possit, siue promittat, uerba stipulantis exaudire debere: siue stipuletur, debere exaudire uerba promittentis. unde apparet, non de eo nos loqui qui tardius exaudit, sed qui omnino non exaudit. Sed occurrit illa dubitatio: Quid si mutus & surdus scribant? ille, Centum dare spondes? hic, Spondeo. Nam Paulus ait, non minus ualere quod scriptura, quam quod uocibus lingua figuratis significatur. l. non figura. 38. D. de oblig. & act. Respondetur ergo, stipulationem esse uerborum obligationem, non autem scripturae: & ritum à Romanis Iurisconsultis institutum, ut lingua uerba nuncupentur, non autem ut scribantur. Quod autem Paulus scribit, generaliter ad contractus omnes pertinet: & cum ad stipulationem refertur, ad eam duntaxat pertinet, quæ posteaquam lingua nuncupata est, in tabulis relata & per scripta est.

**FVRIOSVS NVLLVM NEGOCIVM.)** Sequitur V. Furiosus gerere omnino nullum negotium potest. l. 1. D. de oblig. & act. & l. in negocijs. 5. D. de reg. iur. præsertim autem in l. si à reo. 70. §. 3. D. de fideiuss. ubi Paulus scribit, si à furioso stipulatus fueris, non posse te fideiussorem accipere: quia non solum ipsa stipulatio nulla intercessisset, sed ne negotium quidem ullum gestum intelligeretur. Ratio uero perspicua est ex l. furiosi. 40. De reg. iur. ubi Pomponius ait, furiosi nullam esse uoluntatem.

*Pupillus pubertati infantiæque proximus, sine tutore auctore obligare potest: obligari uero ipse non potest. impubes autem filiusfam. ne patre quidem auctore obligari potest. l. j. De oblig. & act. l. ult. De uerb. oblig.*

**B**

**VII. Pupillus omne negotium recte gerit:** ita tamen, ut sicubi tutoris auctoritas necessaria sit, adhibeatur tutor. ueluti si ipse obligetur: nam alium sibi obligare etiam sine tutoris auctoritate potest. Sed quod diximus de pupillis, utiq; de ijs uerum est, qui iam aliquem intellectum habent. nam infans, & qui infanti proximus est, non multum à furioso distat: quia huius ætatis pupilli nullum intellectum habent. Sed in proximis infanti, propter utilitatem eorum benignior iuris interpretatio facta est: ut idem iuris habeant, quod pubertati proximi. Sed qui in potestate parentis est impubes, ne auctore quidem patre obligatur.

**PVPILLVS OMNE NEGOCIVM.)** Enunciatio I. Pupillus tutore auctore gerere quoduis negotium potest. l. in negocijs. 5. D. de reg. iur. ubi Paulus etiam de eo pupillo nominatim loquitur, qui quod agitur non intelligit. Cuius rei ratio hæc est, quoniam in eo negotio gerendo, non tam ipsius pupilli, quam tutoris persona consideratur. Vox igitur & uerba pupilli sunt, iudicium uero & consilium tutoris.

**VELUTI SI IPSE OBLIGETVR.)** Sequitur II. Pupillus obligare alterum sine tutore auctore potest, at ipse obligari non potest. l. obligari. 9. D. de auct. tut. ubi Caius ait, Obligari ex omni contractu pupillum sine tutoris auctoritate non posse: acquirere autem sibi stipulando, & per traditionem accipiendo, etiam sine tutoris auctoritate posse. Et l. obligari. 43. D. de oblig. & act. l. neq; tutoris. 7. C. de cont. stip. l. 1. C. de inut. stip. Ratio est, quia pupillorum ætas fauore, & auxilio digna uisa est, ut suis quidem rationibus & commodis per se ipsi ac sine alterius adiumento consulere possent: obligari uero, in quo periculum uersatur, sine tutoris qui periculum omne suscepit, auctoritate non possent.

**C**

**IAM HABEAT ALIQVEM INTELLECTVM.)** Sequitur III. Pupillus infans ne auctore quidem tutore gerere negotium potest. l. 1. D. de oblig. et act. Est autem infans, non qui fari non potest, sed qui quid loquatur, non intelligit: hoc est, qui septimum annum nondum egressus est. l. si infanti. 18. C. de iur. delib. l. 1. §. sufficit. D. de adrain. tut. Tametsi ergo pupillus, quid agatur non intelligat: tamen si quod loquitur intelligat, auctore tutore obligari non potest. si non intelligat, quia mentis est nullius, quæ in gerendo negotio requiritur, non maior eius quam qui fari omnino non potest ratio ducitur. Tantundem est igitur infantem esse, & quod loquitur non intelligere. Illud autem hoc loco admonendi sumus, olim lege Letoria cautum fuisse, ne minores uiginti quinque annis stipulatione obligarentur: quemadmodum Priscianus lib. 8. ex Suetonio testatur. Quod tamen abrogatum fuisse, testis est Paulus l. obligari. 43. D. de obligat. & act. ubi ait, obligari posse patremfam. suæ potestatis, puberem, compotem mentis. Et Modestinus l. puberes. 101. D. eodem. ubi ait, puberes sine curatoribus suis posse ex contractu obligari.

**NON MVLTVM A' FVRIOSO.)** Sequitur IIII. Infans, infantiæque proximus, neq; intellectum habere, neq; multum à furioso distare iudicantur. l. 1. D. de oblig. & act. Itaq; Paulus l. 5. D. de reg. iur. eorum differentiam ita tractat, quasi ad eam cognoscendam monitore opus sit. In negocijs contrahendis, inquit, alia causa habita est furiosorum, alia eorum qui fari possunt: quamuis actum rei non intelligerent. nam furiosus nullum negotium contrahere potest: pupillus omnia tutore auctore agere potest.

**IN PROXIMIS INFANTIAE.)** Sequitur V. Infantiæ proximi cum de acquirenda obligatione agitur, ex æquo & bono eodem quo pubertati proximi iure censentur. l. 1. D. de oblig. & act. ubi Caius ait, Furioso proximum esse, qui eius ætatis est, ut nondum intelligat quid agatur. Sed quod ad hunc, benignius acceptum esse. nam qui loqui potest, creditur & stipulari & promittere recte posse. Et l. seruum. 6. D. Rem pup. sal. for. ubi Caius ait, seruum pupilli ita necessario stipulari, si pupillus abest, aut fari non potest. nam si præsens sit, & fari potest, etiam si eius ætatis erit, ut non intelligat, quid agat: tamen propter utilitatem receptum est, recte eum stipulari. Sed queritur, quis infantiæ proximus dicatur. Ego septem annos qui inter infantiam & pubertatem inter sunt, sic diuiderem, ut tres proximos & dimidiatum infantiæ uicinitati, reliquos



pubertatis attribuerem: & qui intra decimum annum sex menses uiueret, is proximus infantiae: qui superasset, pubertati uicinus iudicaretur.

NE AVCTORE QUIDEM PATRE.) Sequitur VI. Filiusfam. impubes ne auctore quidem patre obligari potest. l. ult. D. de uerb. oblig. ubi Caius scribit, pupillum, licet ex quo fari coepit, recte stipulari possit: tamen si in parentis potestate est, ne auctore quidem patre obligari. Queret igitur aliquis, cur tutore auctore potest, patre non potest? & respondetur, quia tutor ob rem male gestam tenetur, pater non tenetur. Itaq; si sine patre auctore obligari uelit, curator ei quo auctore obligetur, creandus erit. l. ult. §. sin autem. C. de bon. quæ lib. Ex ijs sanè bonis quæ aduentitia sunt, patre tutore obligari impuberem posse, ueluti si delatam sibi hereditatem adeat, patet ex d. l. ult. & l. si infans. 18. C. de iur. delib.

*Qui sub conditione impossibili stipulatur, nihil agit: qui uerò, si quid impossibile non fiat, stipulatur, purè stipulatus intelligitur. l. vij. eod.*

VIII. Si impossibilis conditio obligationibus adijciatur: nihil ualet stipulatio. Impossibilis autem conditio habetur, cui natura impedimento est, quo minus existat: ueluti si quis ita dixerit, SI DIGITO COELVM TETIGERO, DARE SPONDES? At si ita stipuletur, SI DIGITO COELVM NON ATTIGERO, DARE SPONDES? purè facta obligatio intelligitur: ideoq; statim peti potest.

NIHIL VALET STIPVLATIO.) Enunciatio I. Stipulatio sub impossibili conditione concepta, nullius momenti est. l. 1. §. si id quod. D. de oblig. & act. item in l. non solum. 31. D. eod. ubi Marcianus ait, non solum stipulationes impossibili conditione applicatas nullius esse momenti: sed etiam ceteros quoq; contractus. quia in ea re quæ ex duorum pluriumque consensu agitur, omnium uoluntas spectetur: quorum proculdubio in huiusmodi actu talis cogitatio est, ut nihil agi existiment appposita ea conditione quam sciunt esse impossibilem. Item l. si stipuler. 35. eod.

CVI NATVRA IMPEDIMENTO EST.) Sequitur II. Impossibilis conditio dicitur, quæ in eum casum concepta est, cuius euentus natura prohibetur. l. si stipuler. 35. & l. continuus. 137. §. cum quis. D. eod. quibus ex locis illud hoc amplius intelligitur, Impossibile non id tantum dici, quod natura, uerum etiam quod lex fieri uetat. quoniam ea quoq; non posse facere dicimur, quæ iure non possumus. l. filius. D. de condit. inst.

SI DIGITO COELVM NON ATTIGERO.) Sequitur III. Stipulatus dari si quod impossibile est non fiat, purè stipulatus intelligitur. l. in illa. 8. & l. impossibilis. 7. D. de uerb. oblig. ubi Vlp. ait: Si talis conditio inferatur stipulationi, si intra Calend. digito caelum non tetigeris, si in caelum non ascenderis? stipulationem esse utilem, & præsentem pecuniam creditam continere. nimirum quia istiusmodi adiectiones conditionum non uim, sed figuram tantum obtineant. Nam, ut ait Vlp. l. si pupillus. 9. D. de nouat. qui sub conditione stipulatur, quæ omnimodò extatura est, purè uidetur stipulari. Et profectò ita est, ut quæ conditiones affirmando adiectæ impossibiles sunt, eadem insciando adiectæ, necessaria reperiuntur. Causse constitutio: Qui stipulanti decem, si uicinum montem aliò non transferret, promiserat: aliquanto post à stipulatore in ius uocatus est. intentio: Debes mihi decem. D. Non debeo. Q. An debeat. R. Quia non paruisti conditioni, quippe qui ne potuisti quidem, parere enim conditioni dicitur is, qui quod in ipsius erat potestate, uel fecit, uel non fecit. Hoc uerò neq; potuisti, neq; non potuisti facere. Vt enim est eius nolle, qui potest & uelles: sic etiam eius est non facere, qui potest facere. F. Imò parui conditioni: quia parere conditioni est, id facere aut non facere, quod in conditionem deductum est. Disceptatio ex scripti ambiguitate nascitur: An parere conditioni nihil aliud sit, quam id uel facere, uel non facere, quod in conditionem deductum est. Simillima ratio est defensionis Ebutij: ut Cicero in Orat. pro Cæcina testatur. Prator enim iusserat, ut unde Cæcina deiectus esset, eò restitueretur. Ebutius restituisse se defendebat: id est, imperio Pratoris paruisse, quamuis reuera non restituisset: sed quia Prator non aliter restituui iusserat, nisi si deiecisset.

*Stipulatio inter absentes non contrahitur: sed scriptura quæ factam stipulationem testatur, contradici non potest, nisi toto illo die quo ea facta dicitur, abfuisse alterutrum probetur. l. penult. C. de contr. stipul.*

IX. Rem uerborum obligatio inter absentes concepta, inutilis est. Sed cum hoc materiam litium contentiosis hominibus præstabat, fortè post tempus tales allegationes opponentibus, & non præsentibus fuisse uel se uel aduersarios suos contendentibus: ideo nostra constitutio propter celeritatem dirimendarum litium introducta est, quam ad Cæsarienses aduocatos scripsimus: per quam disposuimus, tales scripturas, quæ præstò esse partes indicant, omnino esse credendas: nisi is qui talibus utitur, improbis allegationibus, manifestissimis probationibus uel per scripturam, uel per testes idoneos adprobauerit, in ipso toto die, quo conficiebatur instrumentum, sese uel aduersarium suum in alijs locis fuisse.

INTER ABSENTES CONCEPTA.) Enunciatio I. Verborum obligatio concipi inter absentes non potest. l. 1. D. de uerb. oblig. ubi Vlp. ait, stipulationem non posse confici, nisi utroq; loquente: & ideo ab absente contrahi non posse, quoniam ex audire inuicem debent. quod idem traditur in l. 3. C. de cont. stipul. & l. 3. C. de inutilib. stipul. Id autem intelligi sic debet, ut Vlpian. in d. l. 1. confirmat, ut præsentia tum in interrogatione tum in responsione desideretur. itaq; qui præsens interrogauit, si antequam responderetur discessit, inutilem efficere stipulationem. si uerò præsens interrogauit, & antequam responderetur discessit, & reuerso responsum est, obligare: interuallum enim medium non uitare obligationem. Quod tamen sic accipi debere, nisi quod ab instituto negotio alienum ceptum sit, Venuleius docet in l. continuus. 137. D. de uerb. oblig.



**A** uerb. oblig. & Iulianus in l. 6. in fi. D. de duob. reis stipul. Sed huic sententiæ qua dicimus inter absentes contrahi stipulationem non posse, aduersari uidetur epistola quam Paulus profert in l. ea quæ. 57. D. de donat. int. uir. & uxor. qua continetur sponso uiro absenti ab uxore absente missa. Respondemus autem, iudicandum esse epistolam illam cautionem esse stipulationis inter presentes factæ: propter l. Titia. 13. 4. §. 2. D. de uerb. oblig. ubi Paulus ait, cum Septitius literis suis præstatum se cauerit pecuniam, si inter presentes id actum esset, intelligendum etiam à parte Titij præcessisse uerba stipulationis. Vlpianus autem in d. l. 1. rationem exponit, qua obligatio inter absentes per stipulationem contrahi possit: Si quis, inquit, uult stipulari, per seruum præsentem stipuletur, & acquirere ei ex stipulatu actionem. Item si quis obligari uult, iubeat, & erit QVOD IVSSV obligatus.

AD CAESARIENSES.) Vide quæ notauimus sup. ad §. ult. Quib. alien. lic.

SCRIPTURAM QVÆ PRÆSTO ESSE.) Sequitur II. Iustiniani instituto scriptura quæ præsentibus abfuisse reos testatur, nisi totum illum diem abfuisse alterutrum probetur, rata & firma est. l. penult. C. de cont. & commu. stipul. Cuius uim esse hanc apparet, ut si proferatur instrumentum stipulationis, in quo scriptum sit utrumque reum adfuisse, neget autem promissor id uerum esse, non imponatur stipulatori necessitas probandi illum adfuisse, sed inficiator ipse cogatur probare, uel se, uel aduersarium totum illum diem, quo stipulatio facta dicitur, ab ea ciuitate in qua facta dicatur, abfuisse.

Lege Iustiniani, stipulationes huiusmodi, post mortem meam uel tuam, pridie quam moriar, uel quam moriaris, quas antiqui repudiabant, comprobata & receptæ sunt. l. x. j. C. de commit. stip. l. j. C. ut act. ab hered.

**B** X. Post mortem suam dari sibi nemo stipulari poterat, non magis quam post eius mortem à quo stipulabatur. Ac ne is qui in alicuius potestate est, post mortem eius stipulari poterat: quia patris uel domini uoce loqui uideretur. Sed & si quis ita stipuletur, PRIDIE QVAM MORIAR, uel PRIDIE QVAM MORIERIS, DARE SPONDES? inutilis erat stipulatio. Sed cum (ut iam dictum est) ex consensu contrahentium stipulationes ualeant: placuit nobis, etiam in hunc iuris articulum necessariam inducere emendationem: ut siue post mortem, siue pridie quam morietur stipulator, siue promissor, stipulatio concepta sit, ualeat stipulatio.

POST MORTEM SVAM DARI.) Enunciatio I. Olim nec post suam, nec post promissoris mortem, sibi dari quicquam stipulari poterat. l. scrupulosam. ii. C. de commit. stip. Ratio meo iudicio triplex est. primum, quoniam impossibile est quencquam post mortem suam dare, aut cuiquam post mortem suam dari. deinde quia stipulationes sunt ritus & formulae solennes institutæ acquirendi causa inter uiuos, non autem post mortem: cuius causa Testamenta instituta sunt. Neque ad rem pertinet quod pacisci licet, ut post mortem detur. quæ pactio mortis causa donatio appellatur. nam ut suo loco diximus, species quædam testamenti uidetur esse hæc: ideoque legato æquiparatur. Tertia causa est, quia, quemadmodum paulo ante dicebamus, neque alteri dari, neque alterum daturum stipulari possumus. Qui uero sic stipulatur, is uel heredi suo dare, uel heredem alterius daturum stipulatur. qui heredes, stipulationis tempore alieni & extranei sunt: quamuis post mortem, id est, cum uerè sint heredes, defuncti personam sustineant. In stipulationibus autem contractus tempus spectari, superius non uno loco dictum est. Causæ constitutio: Cum Titius à Mæuio ita stipulatus esset, Centum post tuam mortem dare spondes? mortuo Mæuio agere cum ipsius herede instituit. Intentio: Debes mihi ex stipulatu centum. D. Non debeo. Q. An debeat. R. Quia promittens alterum daturum, non obligatur. Ego uero contractus tempore, quod in stipulationibus obseruatur, extraneus eram promissori. F. At hæres & defunctus eadem persona censentur. Disceptatio ex uerbi Extranei ambiguitate nascitur. Dicendus ne sit Extraneus, qui tempore quidem contractus erat extraneus, post mortem uero (quod in tempus obligatio collata est) promissoris personam sustinet. Respondetur, dicendum: quoniam non eius temporis in quod relicta obligatio est, sed eius quo concepta stipulatio est, ratio ducitur. l. seruus. 16. D. de stip. ser. ubi Paulus ait, seruum hereditarium heredi futuro idcirco nominatim stipulari non posse, quia stipulationis tempore hæres dominus eius non fuit. Ex quibus illud etiam disputari potest, si quis filijs filiabus uel suis post suam mortem dari stipuletur, recte propterea stipulatum uideri, quia contractus tempore aliena persona non sit. Adeo ut quamuis heredes non sint, ualeat tamen obligatio. l. quodcumque. 45. D. de uerb. oblig. ubi Vlp. ait, si hæres filia non sit, utilem ei actionem dandam.

QVI IN ALICVIUS POTESTATE EST.) Sequitur II. Olim qui alterius in manu erat, inutiliter dari post ipsius mortem stipulabatur. Ratio eadem est, quæ superior: quia obligatio confertur in id tempus, quo pater dominus uel qui obligare, nexumque facere possit, non extabit, personas enim diuis extare oportet, & nec tentis, & eius qui necitur.

PATRIS VEL DOMINI VOCE.) Sequitur III. Filiusfam. seruus uel stipulans, patris dominique uoce loqui intelligitur. Cum enim stipulatio civilis actio sit, id est, ciuium Rom. propria, constat seruum, nisi domini personam sustineat, ad eam accedere actionem non posse. Filius autem familia cum in patris manu ac ditione sit, acquirere sibi proprie obligationem non potest: quare cum aut hic aut ille stipulatur, non tanquam sua, sed hic tanquam patris, ille tanquam domini uoce ac lingua stipulari indicatur.

PRIDIE QVAM MORIAR.) Sequitur IIII. Stipulatio bis concepta uerbis, Pridie quam moriar, aut pridie quam morieris, olim inutilis habebatur. Ratio hæc est, quia cum hæc stipulatio in eum diem concepta sit, qui nunquam nisi post mortem meam certus est, uel ipsa & effectu in tempus morte posterius, ac proinde in heredis personam concepta iudicatur. Itaque cum nunquam certum sit deberi nisi post mortem, quia nunquam certum est quis ille dies fuerit, nisi post mortem apparet illam stipulationem non aliam uim habere, quam si quis stipulatus esset, sibi post suam mortem dari.

VT IAM DICTVM EST.) Hoc dictum est quidem sub §. 2. supra, De uerb. oblig. Sed uideamus, ne si id amittamus, nulla prorsus inter pacta cõuenta & stipulationes differentia sit: cum satis cõstet, stipulationem ritus & solennis cuiusdam formula



formule causſa inſtitutam eſſe: quemadmodum mancipatio per *as* & *libram*, manumiſſio per uindictam, & cetera quæ ſunt generis eiſdem. ut qui formulam ſolemennem tollat, rem ipſam omnino, quæ nihil aliud quam formula eſt, tollat.

PLACVIT NOBIS ETIAM IN HVNC.) Sequitur V. Iuſtiniani inſtituto, ſuperiores omnes formulæ accirco comprobatæ ſunt, quia ſtipulationes omnes ex conſenſu ualent. l. ſcrupuloſum. 11. C. de cont. ſtip. & l. un. C. ut actiones ab hæred. ubi Iuſtinianus ſtatuit, tum obligationes, tum actiones, & ab hæredibus, & aduerſus hæredes poſſe initium capere.

Præpoſteræ ſtipulationes Iuſtiniani lege comprobatæ ſunt. At in tempus mortis alterutrius rei, poſt uæ alieni mortem conceptæ perpetuò ualuerunt: quem autem promiſiſſe ſcriptum eſt, eundem ſtipulanti promiſiſſe exiſtimatur.

l. xxv. C. de teſtam. l. xl. v. D. de uerb. oblig.

XI. Item ſi quis ita ſtipulatus erat, SI NAVIS EX ASIA VENERIT, HODIE DARE SPONDES? inutilis erat ſtipulatio, quia præpoſterè concepta eſt. Sed cùm Leo inclytæ recordationis in dotibus eandem ſtipulationem, quæ præpoſtera nuncupatur, non eſſe reiſciendam exiſtimauerit: nobis placuit, & huic perfectum robur accommodare, ut non ſolum in dotibus, ſed etiam in omnibus ualeat huiusmodi conceptio ſtipulationis. Ita autem concepta ſtipulatio, ueluti ſi Titius dicat, CVM MORIAR, DARE SPONDES? uel, CVM MORIERIS: & apud ueteres utilis erat, & nunc ualet. Item poſt mortem alterius rectè ſtipulamur. Si ſcriptum in inſtrumento fuerit, promiſiſſe aliquem: perinde habetur, atq; ſi interrogatione præcedente reſponſum ſit.

SI NAVIS CRAS EX ASIA VENERIT.) Enunciatio I. Olim ſtipulatio quæ obligationem ante conditionis euentum conſtituebat, præpoſtera inutilisq; habebatur. Etenim ſic ſtipulatur, Si nauis cras uenerit, hodie dare ſpondes? repugnantia ſtipulatur, cùm ſimul & purè & ſub conditione ſtipuletur. nam poſteriore parte obligationem & præſentem & certam eſſe uult: priore uerò, incertam & in futurum tempus collatam. Diſſimilis uerò huiusce ſtipulationis ratio eſt: Si Titius Conſul factus fuerit, tunc ex hac die in annos ſingulos dari ſpondes? l. huiusmodi. 64. D. de uerb. oblig. Nam, ut Africanus oſtendit, non præſens certaq; obligatio concipitur, ſed tota in incertum futuri temporis euentum conſertur: ut tum demum naſcatur, cùm conditio extiterit. Duplex igitur huiusce iuris ratio eſt: prior, quia cùm in conditionali ſtipulatione obligatio ex conditionis euentu pendeat, neq; prius nata ſit, ut ſuperius diximus. §. 3. De uerb. oblig. hic præpoſterè filiam ante ſuam matrem naſci poſtulat. Altera, quia ſi conditio deficeret, abſurdum & ridiculum eſſet obligationem extiſſe.

IN DOTIBVS BANDEM STIPVLATIONEM.) Sequitur II. Præpoſteræ ſtipulationes in dotibus, Leonis inſtituto comprobatæ ſunt. l. præpoſteri. 25. C. de teſtam. ubi Iuſtinianus ſcribit, Leonem in dotalibus inſtrumentis præpoſterarum ſtipulationum reprehentionem ſuſtulſiſſe. ueluti, ſi qua mulier dicat: Si ſine liberis deceſſero, dotem mihi cùm moriar dare ſpondes? Hæc ſtipulatio accirco præpoſtera dicitur, quia cùm & in diem & ſub conditione ſimul concepta ſit, tamen & ſolutio in diem, qui conditionis euentum antecedit, conſertur: & quatenus in diem eſt, præſentem habet obligationem: quatenus ſub conditione eſt, ſuſpenſam atq; incertam: ut ſuperius docuimus. §. omnis. De uerb. oblig. Sed cùm ſententia bona ſit, neq; aliter ea ſententia deducta in ſtipulationem potuerit, improbari Leonis conſilium non poteſt, qui quod alioſ ter concipi non potuerit, ualere potius quam inutiliter contractum eſſe uoluerit.

NOBIS PLACVIT ET HVIC PERFECTVM.) Sequitur III. Iuſtiniani imperio ſtipulationes præpoſteræ in uſum inductæ receptæq; ſunt. d. l. præpoſteri: ubi Iuſtinianus, Leonis exemplum imitatus, omnes iſtius generis ſtipulationes ita probari ſtatuit, quaſi uel in diem, uel ſub conditione tantum conceptæ fuiſſent: ac propterea exactio uſq; ad diei conditionis ſue euentum differatur. Quæ tamen conſtitutio an ita facile hominum uituperationem effugere poſſit, ut illa Leonis, difficile mihi eſt ad iudicandum: quippe, cùm ille quod in uno caſu æquitas flagitabat, neceſſitati conceſſerit: hic omnibus ſtipulationum formulis abutendi licentiam ſummam, contra ſuperiorum omnium Iuris conſultorū inſtituta permiſerit.

CVM MORAR DARE SPONDES.) Sequitur IIII. Hæc formula, Cùm moriar, cùm morieris, poſt illius mortem dari, nunquam improbatæ ſunt. l. quodcumq;. 45. D. de uerb. oblig. ubi Paulus ait: Sicuti cùm morietur quis ſtipulari poteſt, ita etiam hi qui ſubieſti ſunt alienæ poteſtati, cùm morientur ſtipulari poſſunt. Item, ſi ita quis ſtipulatus ſit, poſt mortem filie mee mihi dari? utiliter erit ſtipulatus. Item: non ſolum ita ſtipulari poſſumus cùm morieris, ſed etiam ſi morieris. nam ſicuti inter hæc nihil intereſt, cùm ueneris, aut ſi ueneris: ita nec ibi intereſt, ſi morieris, & cùm morieris. Ex quib. uerbis ſuſpicari poſſumus, duplicem eſſe cauſſam, cur hæc ſtipulatio cùm moriar comprobata ſit: cùm illa poſt mortem improbat olim fuerit. primum, quia extranea perſona in ſtipulationem non deducitur, ut in illiusmodi formulis: neq; debitio in tempus morte poſterior, ſed in uitæ tempus conſertur. quoniam in iure ciuili momentum moriendi, non morti, ſed uitæ attrahitur: ut uel ex eo intelligitur, quod nemo poſt mortem ſuam hæres aut legatarius inſtitui poteſt: cùm morietur autem, poteſt. l. extraneum. 9. C. de hæred. inſtit. l. hæres meus. 79. D. de cond. & demonſt. Deinde, quoniam iſtiusmodi actiones figuram potius, quam uim poteſtatemq; conditionis habent. Nam, ut ait Vlp. l. ſi pupillus. 9. D. de nouat. qui ſub conditione ſtipulatur, quæ omnimodò extatura eſt, purè uidetur ſtipulari. quod Vlpianus confirmat in l. nam ſi. 17. cum l. ſequi. D. de cond. in deb. Hinc Vlpianus, cùm mulier ſtipulata eſſet dotis partem cùm moreretur, ei reddi cui rogaret, reſpondit ualere: quia non in alienam perſonam, ſed in ſe ipſam obligationem contuliſſet. l. 4. C. de cont. ſtipul. Eodemq; illud pertinet quod ſcribit Caius in l. hæreditarium. 7. D. de reb. auct. iud. poſſ. Hæreditarium *as* alienum intelligi etiam id, de quo cum defuncto agi non poteſt: ueluti, quod ſi cùm moreretur, daturum ſe promiſiſſet.

PERINDE HABETVR ATQVE SI.) Sequitur V. Quem promiſiſſe ſcriptum eſt, eundem ſtipulanti promiſiſſe exiſtimatur: auctore Paulo lib. Sent. §. tit. De uerb. oblig. unde ad uerbum hic locus ſcriptus eſt. Idemq; traditur in l. 1. C. de cōtra. ſtip. ubi Impp. aiunt: Si res inter præſentes geſta ſit, credendum eſſe, præcedentem ſtipulationem uocè ſpōdentis ſubſecutæ



**A** subsecutam esse, quod etiam confirmatur à Paulo in l. Titia, 30. §. pen. De uerb. oblig. Verùm hoc ita accipiendum est, cum probari contrarium non potest. l. iuris gentium. §. quod fere. D. de pact.

Quot res in stipulationem deducuntur, tot stipulationes numerantur. itaq, qui de certis respondet, de ijs tantum: qui uerò indefinitè, de omnibus obligatur. l. xxix. lxxxvj. De uerb. obligat.

**XII.** Quoties plures res una stipulatione comprehenduntur, si quidem promissor simpliciter respondeat, DARE SPONDEO: propter omnes tenetur. Si uerò unam ex his, uel quasdam daturum se spondeat: obligatio in ijs, pro quibus sponderit, contrahitur. Ex pluribus enim stipulationibus una, uel quædam uidentur esse perfectæ: singulas enim res stipulari, \* & ad singulas \* non respondere debemus.

**VNA STIPVLATIONE.)** Id est, una uerborum conceptione: ueluti, Stichum, Pamphilum, Erotem & Dauum dare spondes?

**SIMPLICITER RESPONDEAT, DARE SPONDEO.)** Enunciatio I. Qui plures res stipulanti respondet Dabo, propter omnes obligatur. Quasi enim stipulator uerba præiicit, ita promissor respondere uidetur: ac si diceret, Ut concepisti uerba, ita promitto. Itaq, Liuius formulam deditiois Collatinorum hanc libro 1. commemorat: Deditisne uos populum Collatinum, urbem, agròs, aquam, terminos, delubra, utensilia, diuina humanaq; omnia in meam populq; Romanam ditionem? Deditimus. Sed & Paulus in l. Titia, 134. in fi. D. de uerb. oblig. Quoties, inquit, pluribus specialiter pactis stipulatio una omnibus subijcitur: quamuis una interrogatio & responsum unum subijciatur: tamen perinde haberi, ac si singulæ species in stipulationem deductæ fuissent.

**VNAM EX HIS, VEL QVASDAM.)** Sequitur II. Qui plures res stipulanti, certis se daturum spondet, de ijs tantum obligatur. l. inter stipulantem. 83. §. 2. De uerb. oblig. ubi Paulus ait: Si ego plures res stipuler, Stichum puta & Pamphilum: licet unum sponderis, teneri te: quia uideris ad unam ex duabus stipulationibus respondisse. Ratio autem: perspicua est, quia cum singulæ res enumeratæ sunt, tot sunt stipulationes, quot res. l. quod dicitur. 86. De uerb. oblig.

**QVAEDAM VIDENTUR ESSE PERFECTÆ.)** Sequitur III. Cum plures res in stipulatum deducuntur, tot sunt stipulationes quot res. l. scire debemus. 29. & l. quod dicitur. 86. D. de uerb. oblig. ubi Vlp. ait, quod dicitur tot stipulationes esse quot res, ibi locum habet, ubi res exprimuntur stipulatione: cæterum, si non fuerint expressæ, una est stipulatio. Itaq, si quis illud & illud stipulatus sit, tot stipulationes sunt, quot corpora. Quinetiam cum singulis rebus nominatis, generalis subijcitur stipulatio: Ea omnia quæ suprà scripta sunt, dare spondes? quamuis una interrogatio, unaq; responsio sit, constat tot esse stipulationes, quot capita rerum recensita sunt. l. Titia. 134. §. ult. & l. pluribus. 149. eod.

**SINGVLAS ENIM RES STIPVLARI.)** Hoc quorsum pertineat, coniectura assequi non possum. Inter prætes subaudiendum aiunt, Si uelis ad omnia obligari. quam glossam & ad librum Argentinensem adscriptam, & ab Accursio positam esse uideo: eamq; sententiam Theophilus, ut in tenebris, quod primum reperit, arripuit. Verùm ego Latine linguæ rationem habeo: cui, si tales appendiculus subaudiuimus adiungamus, nihil certi superesse poterit. Videamus ergo, ne sic legendum sit: SINGVLAS ENIM RES STIPVLARI, NON AD SINGVLAS RESPONDERE DEBEMUS. quæ sententia utriq; superiorum enunciationum aptissime & conuenientissime respondet. nam siue ad singularum rerum stipulationem uno uerbo respondeamus, siue ad quarundam tantum respondeamus, rectè obligamur. neq; necesse est ad singulas respondere. nam siue ad uniuersas generatim respondeas, Promitto, siue ad quasdam tantum respondeas, Illas promitto: contrahitur obligatio. Neq; nobis aduersatur quod superius diximus, licet plures res sine singularum enumeratione ac recensione stipulari: ac proinde non debere nos res singulas stipulari. Nam hæc Iustiniani uerba ad huius §. sententiam contrahenda sunt: in quo perspicuè est, illum ijs de rebus disserere, quæ discrete & diuersæ sunt, neq; uno generali nomine comprehenduntur. quod cum ita sit, sequitur etiam illud, ut singulæ res stipulari debeant. Quod enim uulgò dicitur, posse sine singularum rerum enumeratione stipulationem concipi, Vlp. in l. scire debemus. 29. De uerb. oblig. perspicuè demonstrat ad eas pertinere, quæ totius nomine comprehenduntur. ueluti ad familiam Titij, quæ seruos omnes complectitur, ad gregem, ad lecticarios, ad quadrigas, symphoniacos, & alia quæ sunt in eodem genere.

Stipulatio ut alteri detur, nisi poena subijciatur, nullius momenti est. At poena subiecta, non quid intersit, sed quæ stipulationis quantitas conditioq; sit, spectatur. l. xxxvij. D. eod.

**XIII.** Alteri stipulari (ut suprà dictum est) nemo potest: cum nihil interest sua. Inuentæ enim sunt huiusmodi stipulationes ad hoc, ut unusquisq; adquirat sibi, quod sua interest. cæterum si alij detur: nihil interest stipulatoris. Planè si quis uelit hoc facere, poenam stipulari conueniet: ut nisi ita factum sit, ut est comprehensum, committatur poenæ stipulatio etiam ei, cuius nihil interest. Poenam enim cum stipulatur quis, non illud inspicitur, quod intersit eius, sed quæ sit quantitas conditioq; stipulationis. Ergo si quis ita stipuletur TITIO DARI: nihil agit. sed si adiecerit poenam, NISI DEDERIS, TOT AVREOS DARE SPONDES: tunc committitur stipulatio.

**ALTERI STIPVLARI NEMO POTEST.)** Enunciatio I. Alieni ut detur, stipulatio non rectè concipitur. l. Stipulatio ista. 38. §. alteri. D. de uerb. oblig. l. 3. C. de inut. stipul. Etq; de re suprà §. si quis, dictum copiose est. Nam quæ agere is cuius in personam datio collata est, non poterit: quippe cui promissor obligatus non sit. Stipulator uerò nec certi conditione



conditione agere poterit, quia incertum in stipulationem deductum est. id est, quanti sua intererit non dari alieno nec incerti ex stipulatu, quicquid te mihi ex stipulatu dare facere oportet: quia nihil ipsius interest.

INVENTAE SVNT ENIM.) Sequitur II. Stipulatio iccirco instituta est, ut sibi quisque quod sua interest accquirat. d. §. alteri. Idque superius in §. si quis, explicauimus.

POENAM STIPVLARI CONVENIET.) Sequitur III. Qui stipulari uult ut alteri detur, poenam subiiciendo cauere sibi poterit. d. §. alteri. tum enim non prioris quidem stipulatoris ius confirmabit: cum ea quae iure non probantur, priuatorum opera confirmari non possint. ac propterea nulla actione, quemadmodum paulo antea dicebamus, uti stipulator ex illa priore stipulatione poterit. Quid ergo est? ex posteriori stipulatione, in quam certam summam deduxit, certi conditione agere poterit, poenamque ex stipulatione commissam petere. Ut facile appareat, non satis cauere sibi stipulatorem uideri, cum poenam stipulatur: nisi tantam poenam stipuletur, ut malit promissor priori satisfacere, quam poenam subire.

NON ILLVD INSPICITVR QVID INTERSIT.) Sequitur IIII. Poena stipulationi subiecta, non quid intersit, sed quae sit quantitas conditioque stipulationis, spectatur. d. §. alteri. Id est, stipulator agens non ex stipulatu actionem instituit, per quam quanti sua intersit petat: quoniam etiam si nihil ipsius interesset, datum non esse, poenam tamen petere poterit. Verum certi conditionem intendit, in quo iudicio quaeretur tantum, quae sit quantitas, conditioque stipulationis: hoc est, an tantum poenae nomine stipulatum sit, quantum petitur: est enim iudicium directum, asperum, simplex. deinde an Octauio centum spondidisse, ni quinquaginta Licinio daret, neque ea quinquaginta Mauius Licinio dederit, tum Mauius damnatur. Hoc in iudicio, duo tantum probare Licinium actorem oportebit, de quibus ambigitur: et tantam pecuniam in stipulatu deductam esse, et conditionem stipulationis commissam.

SED QVAE SIT QVANTITAS IN CONDITIONE.) Florentin. codex, Quae sit quantitas conditioque. Quod sine dubio rectum est. non enim quaeritur duntaxat quanta summa poenae nomine stipulata sit, sed quae fuerit ratio, forma, conditio stipulationis: et cum conditionalis fuerit, utrum extiterit conditio, nec ne.

Stipulari alteri, dum tamen stipulatoris intersit, licet: alieni autem facti promissor, nisi subiecta poena sit, non obligatur. l.

xxxviij. De uerb. oblig.

XIIII. Sed & si quis stipuletur alij, cum eius interesset, placuit stipulationem ualere. Nam si is qui pupilli tutelam administrare coeperat, cesserit administratione cotutori suo, & stipuletur rem pupilli saluam fore: quoniam interest stipulatoris fieri, quod stipulatus est (cum obligatus futurus sit pupillo, si male res cesserit) tenet obligatio. Ergo & si quis procuratori suo dari stipulatus sit, habebit uires stipulatio. Et si creditori suo quis stipulatus sit: quod sua interest, ne forte uel poena committatur, uel praedia distrahantur, quae pignori data erant, ualet stipulatio. Versa uice, qui alium facturum promissit, uidetur in ea esse causa, ut non teneatur, nisi poenam ipse promiserit.

CVM EIVS INTERESSET.) Enunciatio I. Qui alteri, cum sua intersit, stipulatur, recte stipulatur. l. stipulatio ista. 38. §. si stipuler. D. de uerb. oblig. Ratio perspicua et facilis est: quia tum sibi, non alteri obligationem et actionem quaerit. l. liber homo. 118. §. ult. D. eod. Non igitur promissorem stipulator alligat, ut cum uinctum et constrictum alteri tradat: quod non est ius fieri. l. quaecumque. 11. D. de oblig. et act. sed ut eum sibi adstrictum usque eo retineat, dum alterutri satisfacens se liberet, obligationemque dissoluat.

TUTELAM ADMINISTRARE.) Sequitur II. Qui tutelae administrationem cotutori cedit, recte ab eo rem pupilli saluam fore stipulatur. d. §. si stipuler. ubi Marcellus significat, iccirco hanc ualere stipulationem, obligatio nemque parere, quia stipulator non alienam, sed suam ipsius rem agit: quippe qui periculum ac exitum illius administrationis praestet.

INTEREST STIPVLATORIS FIERI.) Sequitur III. Qui tutelae administrationem cotutori cedit, si male res geratur, pupillo nihilominus obligatus manet. l. 3. §. 1. D. de admin. tut.

PROCVRATORI SVO DARI.) Sequitur IIII. Qui procuratori suo dari stipulatur, utiliter stipulatur. d. l. stipulatio ista. 38. §. si stipuler. Causae constitutio: Cum Lugdunensis cuius Luteciae procuratorem haberet, stipulatus a Mauius est, ut quia Luteciam profisceretur, illi centum adnumeraret. neglexit Mauius. Cum ex stipulatu conuentus teneri se negaret, hanc rationem afferebat, Quia non recte alieno dari stipulatus es. F. At non alienus est, qui procurator est. Disceptatio ex scripti ambiguitate nascitur: Vtrum procurator in stipulationibus alienus, an idem esse uideatur. Et respondetur, non alienum, sed quasi alterum eundem esse.

SI CREDITORI SVO QVIS.) Sequitur V. Qui creditori suo dari stipulatur, recte stipulatur. d. l. stipulatio.

QVI ALTERVM FACTVRVM.) Sequitur VI. Qui alterum facturum promissit, nisi poenam subiecerit, non obligatur. d. l. stipulatio ista. 38. in princ. Quamobrem autem alieni facti promissio sit inutilis, superius sub §. alteri. explicatum est. sed cum poenae stipulatio adijcitur, tum promissor factum magis suum, quam alienum promittit: quippe cum iam ipsius intersit.

Qui rem alienam in eum casum quo sua futura est, aliamue rem quam de qua promissor sensit, turpemue ob causam stipulatur, nihil egisse indicatur. l. xxxviij. l. cxxxviij. l. xxxvj. eod.

XV. Item nemo rem, suam futuram, in eum casum quo sua sit, utiliter stipulatur. Si de alia re stipula-



**A** stipulator senserit, de alia promissor: perinde nulla contrahitur obligatio, ac si ad interrogatum responsum non esset, ueluti, si hominem Stichum à te quis stipulatus fuerit, tu de Pamphilo senseris, quem Stichum uocari credideris. Quod turpi ex causa promissum est: ueluti, si quis homicidium uel sacrilegium se facturum promittat, non ualeat.

IN EVM CASVM QVO SVA SIT.) Enunciatio I. Rem alienam in eum casum quo nostra futura est, stipulari non possumus. l. nemo. 87. De uerb. oblig. Ratio est, quia tum agere ut nobis detur, non licebit. Causa constitutio: Cum testator mihi Dauum suum legasset, si naui ex Asia ueniret: ego illum à Sempronio sub eadem conditione mihi dari stipulatus sum. Appulsa naui, actionem in Sempronium institui. Intentio: Dauum te mihi dare oportet. D. Non oportet. Q. An oporteat. R. Quia res tua dari tibi non potest. F. At contractus tempore (quod in stipulationibus spectari saepe diximus) mea non erat. Disceptatio ex contrariis scriptis nascitur: An qui rem tempore contractus alienam in eum casum quo sua erit stipulatur, utiliter stipuletur. Respondetur, nequaquam: propter regulam quæ ait, nihil interesse fiat ne aliquid tempore prohibito, an conferatur in tempus prohibitum. l. quod sponse. 4. C. de donat. ant. nupt.

DE ALIA RE STIPULATOR SENSERIT.) Sequitur II. Cum alia de restipulator, de alia promissor cogitauit, stipulatio nulla est. l. continuus. 137. §. 1. D. eod. ubi Venuleius ait: Si hominem stipulatus sum, & ego de alio sensero, tu de alio: nihil acti erit. nam stipulatio ex utriusque consensu perficitur. idemque Paulus confirmat l. inter stipulantem. 83. §. 1. eo. nam, ut ait lauolentus: In omnibus rebus quæ dominium transferunt, concurrat oportet affectus ex utraque parte contrahentium: nisi enim utriusque animus consentit, perducitur ad effectum id quod inchoatur non potest. l. in omnibus. 55. D. de oblig. & act. Atque hæc quidem de errore, qui in ipso corpore, atque, ut Dialectici loquuntur, indiuiduo commissus est, intelligi oportet: nam error in nomine aut materia cum in corpore consensus est, non nocet. itaque, si in nomine seruit, inquit Vlpianus, quem stipularemur dari, erratum fuisset, cum de corpore constitisset, ualeat stipulatio. l. si in nomine. 321. eod. Rursus si id quod aurum putabam, cum æs esset, stipulatus de te fuero, teneberis mihi huius æris nomine, quoniam in corpore consenserimus: sed si me sciens fefelleris, & adiecta fuerit hæc clausula, Dolum abesse, de dolo agam. l. si id quod. 22. D. eod.

TURPI EX CAUSSA PROMISSVM.) Sequitur III. Turpi de causa promissum nullam obligationem parit. l. generaliter. 26. D. eod. ubi Vlpianus ait, generaliter notum esse, turpes stipulationes nullius esse momenti: ueluti si quis homicidium, uel sacrilegium promittat se facturum. item l. 4. C. de inutilib. stip. ubi Imp. scribit, non tantum ea quæ aperte flagitiosa sunt, sed etiam quæ bonis moribus aduersantur, deduci in stipulationem non posse: ueluti, si de futura successione contraheretur. Papinianus autem in l. si flagitij. 123. eod. non modo flagitij admittendi, uerum etiam admitti causa nihil stipulari posse scribit, ueluti, si hominem interfeceris: flagitij enim remuneratio bonis moribus aduersatur. l. si à reo. §. ult. D. de fideiuss.

Conditione post stipulatoris promissorisue mortem existente, & heredi & in heredem agere permittitur: qui uero anno mensue certo dari stipulatus est, petere nisi post id tempus non potest. ut qui pure stipulatus est, ante exactum tradendi spacium, non recte petit.

l. lviij. l. xliij. De uerborum obligationi.

**XVI.** Cum quis sub aliqua conditione stipulatus fuerit, licet ante conditionem decesserit: postea existente conditione hæres eius agere potest. Idem est & ex promissoris parte. Qui hoc anno, aut hoc mense dari stipulatus est: nisi omnibus partibus anni uel mensis præteritis, non recte petet. Si fundum dari stipuleris, uel hominem, non poteris continuo agere, nisi tantum spacium præterierit, quo traditio fieri possit.

EXISTENTE CONDITIONE, HAERES.) Enunciatio I. Hæres eius qui sub conditione stipulatus, ante conditionem decessit, existente conditione potest agere. Dubitandi causam afferebat, quod propter euentum conditionis, quæ post stipulatoris mortem demum existit, collata uideretur obligatio in extraneam personam: perinde ac si stipulatus quis esset: Spondes te daturum heredi meo centum, si naui ex Asia uenerit? Extraneum autem heredem uidere, quoniam in stipulationibus contractus tempus spectatur: quo tempore erat extraneus. Respondetur autem, quia conditionis euentus non est in tempus morte posterius collatus, sed eius fruendæ facultatem sibi potissimum stipulator peperit: propterea non tam hæredi, quam sibi ipsi consuluisse uideri. Atque hinc etiam intelligi potest, quamobrem hunc in locum ista disputatio coniecta sit, quæ prima specie ad tractatum de inutilibus stipulationibus pertinere non uidetur.

IDEM EST ET EX PROMISSORIS PARTE.) Sequitur II. Hæres promissoris qui ante conditionis euentum decessit, existente conditione conueniri potest. l. si quis. 57. D. eod. ubi Iulianus ait: Si quis, si Titus Consul factus erit, decem dari sponderit, quamuis pendente conditione promissor moriatur, relinqui heredem obligatum. Causa constitutio: Cornelius à Lælio centum stipulatus erat, si Fulvia Mæuio nuberet. ante nuptias moritur Cornelius: ips contra ætis, hæres ipsius actionem in Lælium instituit. Intentio: Centum te mihi dare oportet. D. Non oportet. Q. An oporteat. R. Quia stipulatio ut alteri detur, nulla est. tu uero stipulationis tempore alienus eras: quasi Cornelius stipulatus esset post mortem suam dari. F. At non omnino ac definite in tempus morte posterius collata obligatio est: denique non in diem, sed sub conditione quæ uiuo stipulatore contingere potuit, concepta stipulatio est. Disceptatio ex scripto & sententia est: An stipulatus in eum casum, qui forte post ipsius mortem accidit, quia tamen is eo uiuo accidere poterat, non in tempus morte sua posterius conuulisse obligationem uidebatur. Respondetur, non uideri.

QVI HOC ANNO.) Hac de re sub §. 3. supra, de uerborum obligationi, explicatum est. neque facile excogitare possum,



possum, quomodo ad hanc de inutilibus stipulationibus disputationem pertineat.

HOC ANNO, AUT HOC MENSE.) Sequitur III. Qui anno uel mense certo dari stipulatus est, nisi omni eo tempore exacto, non recte petet. l. qui hoc anno. 42. D. eod. nam quae in stipulationibus ambigua sunt, aduersus stipulatorem interpretari solemus. l. stipulatio ista. 38. eod. Causse constitutio: Qui stipulatus erat sibi dari nundinis Lugdunensibus, primo uel secundo earum die agere instituit. Intentio: Centum te mihi dare oportet. D. Non oportet. Q. An oporteat. R. Quia dare nundinis Lugdunensibus, est, etiam extremo earum tempore dare. F. At cum stipulatus sum nundinis dari, probabile est me de quouis earum tempore sensisse. Disceptatio ex scripto & sententia nascitur, An qui nundinis dari stipulatur, de quouis earum tempore intellexisse uideatur. Et respondetur, quoties ex stipulationibus tales oriuntur controuersiae, sententiam semper aduersus stipulatorem accipi.

NON POTERIS CONTINUO AGERE.) Sequitur IIII. Pure stipulatus, ante tempus quo commodum satisfieri poterit, agere non potest. l. quod dicitur. 105. D. de solut. ubi Paulus ait, quod dicitur debere statim solui, cum aliquo temperamento intelligendum esse. nec enim creditorem cum sacco adire debere. Sic igitur illud accipiendum est, quod huc pertinet, Papinianus commemorat in l. liber homo. 118. D. eod. Qui decem sibi hodie dari stipulatus est, posse uel eadem die petere, nec uideri praematurius agere, non finito stipulationis die, quod in alijs temporibus iuris est. nam peti non debet, quod intra tempus praefinitum solui potest. in proposito enim diem non differendae actioni insertum uideri, sed quo praesens ostendatur esse responsum.

## DE FIDEIVSSORIBVS. TITVLVS VIII.

*In omnibus obligationibus quocumque uel modo uel iure contractae sint,  
quo melius creditori caueatur, adhiberi fideiussor  
potest. l. 1. §. 3. D. de obligat. l. 1.*

6. 7. 8. eodem.

**I.** Pro eo qui promittit, solent alij obligari, qui fideiussores appellantur: quos homines accipere solent, dum curant, ut diligentius sibi cautum sit. In omnibus autem obligationibus adsumi possunt: id est, siue re, siue uerbis, siue literis, siue consensu contractae fuerint. Ac ne illud quidem interest, utrum civilis an naturalis sit obligatio, cui adijciatur fideiussor: adeo quidem, ut pro seruo quoque obligetur, siue extraneus sit qui fideiussorem a seruo accipiat, siue ipse dominus in id quod sibi naturaliter debetur.

QVI FIDEIVSORES APPELLANTVR.) Enunciatio I. Qui pro reo promittendi fidem suam astrigit, fideiussor appellatur. l. 1. §. 3. D. de oblig. & act. ubi Caius scribit, aut proprio nomine quemque obligari, aut alieno. qui autem alieno nomine obligatur, fideiussorem uocari, & plerumque ab eo quem proprio nomine obligamus alios accipi, qui eadem obligatione teneantur: dum curamus, ut quod in obligationem deducimus, tutius nobis debeat. Fideiussor enim dicitur, qui fide ac periculo suo suadet, ut id quo de agitur, fiat: quoniam eius euentum praestat. ut l. Lucius. 24. D. eo. Peto des ei nummos dero, fide tua esse iubet? Mille modios tritici fide tua esse iubet? Si reus quadraginta non soluerit, fide tua esse iubet? Subauditur perpetuo, isti credita. Nam iubere, pro uelle, suadere, cupere, hic usurpatur: ut ueteres in his locutionibus annotarunt, Iubeo te saluere, Iubeo te bono animo esse. Fideiussorem autem ueteres Sponsorem appellabant, uti etiam nominantur in l. fideiussores. 68. D. eod. Varro: Spondet, qui dicit sua sponte, spondeo. Spondet etiam sponsor, qui idem ut faciat obligatur. Itaque a Cicerone perpetuo appellatur. ut uetus formula haec fuisse uideatur, Centum quae mihi Caius debet, eadem mihi dare spondes? Spondeo. nunc autem ita concipitur: Centum a me Titio tua fide credita esse iubet? Iubeo. Quid igitur si quis hoc modo stipuletur, Si Titius centum quae mihi debet non dederit, eadem mihi te dare spondes? Verum hanc formulam in fideiussionibus usurpari non solitam, patet ex eo, quod istis uerbis fideiussor non nisi penuria rei principalis conueniri posset: cum etiam ante reum principalem recte cum eo agi constet. l. iure nostro. 5. C. eodem. praeterea in illa formula tacite ac si ipsa illa subauditur, Titium daturum spondes? etsi non dederit, &c. Hermogenian. autem in l. sicut reus. 65. D. eod. Sicut reus principalis, inquit, non alias quam si de sua persona promittat, obligatur: ita fideiussores non alias tenentur, quam si se quid duros uel facturos promittant: quia factum alienum inutiliter promittitur. Aliud autem est fide sua iubere, aliud fide sua promittere. Fide sua reus principalis promittit, cum ipse sua sponte spondet. Ut medicus apud Plautum in Menachmis: Sanum futurum mea ego id promitto fide. Fide aliena promittit, cum fideiussorem, aut praedem aut uadem praebet. At fide sua iubet, qui auctor ac suasor est, ut alteri quid credatur. unde fideiussorem Donatus definit, auctorem credendi. Ergo fideiussor & fide sua iubet, & fide sua non aliena, promittit. at reus & sua & aliena fide promittit.

DILIGENTIVS SIBI CAUTVM SIT.) Sequitur II. Fideiussor idcirco accipitur, ut melius ac certius stipulatori cautum sit. d. l. 1. §. 3. D. de oblig. & act. & l. fideiussor. 16. §. 2. D. eod. ubi Iulianus ait, fideiussores tunc accipi, quoties aliqua obligatio est: siue illa civilis sit, siue naturalis. nam stipulatione, qui contractus omnium est & firmissimus & certissimus, fideiussio contrahitur: estque species uerborum obligationis. Constat igitur, hanc stipulationem non propterea contrahi, ut per se ac sua sponte constet, sponsoremque sine alia causa constringat: uerum ut aliam obligationem confirmet. Quare si nulla subest obligatio, fideiussio non constat. l. si quis. 56. D. eod. ubi Paulus ait, si quis pro eo qui liberius non esset, & opes liberatus est, fideiussorem dederit, fideiussor non tenetur: quoniam erroris fideiussio nulla est.

IN OMNIBVS AVTEM OBLIGATIONIBVS.) Sequitur III. Quocumque modo contracta obligatio sit,



**A** gatio sit, ei adhiberi fideiussor potest. l. 8. §. 1. D. eod. ubi Vlpianus ait, fideiussorē adhiberi omni obligationi siue re, siue uerbis, siue consensu. Et l. si quis. 56. D. eod. ubi Papin. ait, etiam pro furti actione fideiussorem accipi posse. item pro eo qui in legem Aquiliam commisit.

**VTRVM CIVILIS AN NATURALIS SIT.)** Sequitur IIII. Tam naturali quam ciuili obligationi adhiberi fideiussor potest. l. 1. D. eod. ubi Vlpianus ait, omni obligationi fideiussorem accedere posse. Et l. 6. ac 7. eod. ubi traditur, etiam ob naturalem obligationem adhiberi fideiussorem posse. quod enim solutum repeti non potest, conueniens est huius naturalis obligationis fideiussorem accipi posse. Et l. fideiussor. 16. ubi Vlp. ait, fideiussorem accipi posse, quoties est aliqua obligatio ciuilis, uel naturalis, cui applicetur. naturales autem obligationes non eo solo aestimari, si actio aliqua earum nomine competit: uerum etiam cum soluta pecunia repeti non potest. Sed de naturalibus obligationibus in Commentario uerborum iuris fufius explicatum est.

**PRO SERVO QVOQUE OBLIGETVR.)** Sequitur V. Fideiuberi etiam pro seruo licet, siue cum ex tranco, siue cum domino, ex debitis naturalib. ei res sit. l. cum fideiussor. 35. D. eodem. ubi Paulus ait: Cum fideiussor sit aliquis pro seruo, in solidum tenetur, etiam si nihil in peculio sit. Et l. si a reo. 70. §. adeo. D. eod. ubi Caius scribit, adeo a seruo posse fideiussorem accipi, ut ipse quoque dominus in id quod sibi debetur, fideiussorem ab eo recte accipiat. quem fideiussorem etiam ab eo ipso seruo interrogari, nihil impedit.

*Fideiussio non ipsum modò sponso rem, uerum etiam eius heredem obligat: re-  
Etq; tum ante, tum post stipulationem adhiberi potest.*

*l. iij. §. v j. D. eodem.*

**B** II. Fideiussor non tantum ipse obligatur, sed etiam heredem obligatum relinquit. Fideiussor & præcedere obligationem, & sequi potest.

**HAEREDEM RELINQVIT OBLIGATVM.)** Enunciatio I. Ex fideiussione non modò qui sponso dit, sed etiam hæres ipsius astringitur. l. 4. eod. ubi Vlp. ait, fideiussorem & ipsum obligari, & heredem obligatum relinqui, cum rei locum obtineat. Causæ constitutio: Cum fide Titij centum Aemilio credidissim, neq; meum ab Aemilio recipere potuissim, mortuo Titio cepi cum ipsius hærede agere. Intentio: Centum mihi debes. D. Non debeo. Q. An debeat. R. Quia non mea, sed aliena, hoc est, defuncti fide credidisti. defunctus autem aliena, id est, mea fide, iubere credi non potuit. F. At ille non tua, sed sua ipsius fide id iussit, conceptaq; in ipsius persona obligatio est: cuius tu, item ut reliqui iuris uniuersi es successor. Disceptatio ex contrariè scriptis nascitur: an hæres fideiussoris, cum fideiussor ipsius fide promittere non potuerit, quia tamen obligationum omnium successor est, ex fideiussione teneatur.

**ET PRÆCEDERE OBLIGATIONEM.)** Sequitur II. Fideiussio & sequi & antecedere obligationem potest. l. stipulatus sum. 6. D. eod. ubi Vlp. ait: Stipulatus sum a reo, nec accepi fideiussorem: postea uolo adijcere fideiussorem. si adiecero, fideiussor obligatur. Item: Adhiberi autem fideiussor tam futura quam præcedenti obligationi potest. Causæ autem constitutio esse hæc posset, ut ratio qua fideiussor debere se negaret, hæc esset: Quia iubere fieri non potui, quod iam erat factum. Firmamentum autem ex Philippica II. At inter suasorem & probatorem facti quid interest?

*Singuli fideiussores in solidum quidem obligantur: sed Adriani beneficio, si litis contestata tempore omnes soluendo sint, pro uirili tantum tenentur: sin minus, onus ipsius suscipiunt confideiussores. Ei uerò qui solidum soluerit, non succurritur. l. iij. x j. xxij. C. eod.*

*l. xxv j. §. xxxix. D. eod.*

**C** III. Si plures sint fideiussores: quotquot erunt numero, singuli in solidum tenentur. Itaque liberum est creditori, à quo uelit solidum petere. Sed ex epistola diui Adriani compellitur creditor à singulis, qui modò soluendo sint litis contestata tempore, partes petere. Ideoque si quis ex fideiussoribus eo tempore soluendo non sit, hoc cæteros onerat. Sed & si ab uno fideiussore creditor totum consecutus fuerit: huius solius detrimentum erit, si is pro quo fideiussit, soluendo non sit: & sibi imputare debet, cum potuerit adiuuari ex epistola diui Adriani: & desiderare, ut pro parte in se detur actio.

**SINGVLI IN SOLIDVM TENENTVR.)** Enunciatio I. Vbi plures fideiussorunt, singuli in solidum obligantur. l. 3. §. l. reos. 23. C. eod. ubi Impp. scribunt etiam si in obligatione adiectum non sit, ut singuli in solidum teneantur, eos tamen in solidum teneri. Ratio uerò perspicua est, quia sunt correi promittendi: quorum hanc esse conditionem, ut singuli in solidum teneantur, superius suo loco demonstraui.

**EX EPISTOLA DIUI ADRIANI.)** Casares postremis ferè temporibus magistratibus eorum sententiam de grauib. quibusdam negocijs petentibus respondere solebant. Hæc rescripta Epistola uocabantur: ut l. lib. sub tit. de iure natur. docuimus. Talem aliquam epistolam hanc fuisse, probabile est. ut mirum uideatur, apud Paulum lib. Sent. i. ita scriptum esse: inter fideiussores ex edicto Prætoris, si soluendo sint, licet singuli in solidum teneantur, obligatio diuidetur.

**LITIS CONTESTATAE TEMPORE.)** Sequitur II. Adriani instituto cum omnes sponsores litis contestata tempore soluendo sint, singuli pro uirili tantum parte conueniuntur: l. inter. 26. D. eod. ubi Caius scribit, inter fideiussores non ipso iure diuidi obligationem ex epistola D. Adriani: quod idem scribit Papin. l. si testamento. 49. §. 1. D. eod. Quam obrem in solidum quidem creditori postulanti dabitur actio: sed cum exceptione, SI NON & alij soluendo sint, ut ait Paulus in l. si contendat. 28. eod.



HOC CAETEROS ONERAT.) Sequitur III. Vno ē fideiussoribus litis contestata tempore facultatibus la pso, ceteris pars illius accrescit. l. inter. 26. eod. ubi Caius scribit, si quis fideiussorum ante exactam a se partem sine hārede decesserit, uel ad inopiam peruenierit, pars eius ad ceterorum onus respicit.

SIBI IMPVTARE DEBET.) Sequitur IIII. Qui ē fideiussoribus solidum creditori soluerit, actionem aduersus alios, quasi beneficium Adriani repudiari, non habet. l. cum alter. 11. C. eod. & l. ut fideiussor. 39. D. eod. ubi Modestinus ait, si ex duobus fideiussoribus eiusdem quantitatis cum alter electus a creditore totum exsoluet, nec ei cessat actiones alter nec a creditore, nec a confideiussore conuenietur. nam qui, cum posset, epistolae beneficio uti noluit, indignus qui eo postmodum uti possit uidetur.

*Graviorem fideiussoris obligationem quam illam rei principalis esse, non licet: at leuiorem, licet. l. viij. & xxxij. eod.*

IIII. Fideiussores ita obligari non possunt, ut plus debeant, quam debet is pro quo obligantur. Nam eorum obligatio, accessio est principalis obligationis: nec plus in accessione potest esse, quam in principali re. At ex diuerso, ut minus debeant, obligari possunt. Itaque si reus decem aureos promiserit, fideiussor in quinque recte obligatur: contra uero obligari non potest. Item si ille pure promiserit, fideiussor sub conditione promittere potest: contra uero non potest. Non solum enim in quantitate, sed etiam in tempore minus aut plus intelligitur. Plus est enim, statim aliquid dare: minus est, post tempus dare.

VT PLUS DEBEANT, QVAM DEBET IS.) Enunciatio I. Fideiussores ut plus quam reus principalis debeant, obligari non possunt. l. Si qui. 34. & l. Grace. 8. §. illud. D. eod. ubi Vlp. ait: hoc commune esse in uniuersis qui pro alijs obligantur, quod si fuerint in diuorem causam adhibiti, placuit eos omnino non obligari. Itaque si reus sub conditione sit acceptus, fideiussor pure non obligabitur. Obseruandum igitur, cum qui pro debitore decem, fideiussor quindecim, non modo non in quindecim, sed ne in decem quidem obligari. Causae constitutio: Flavius stipulatus a Mauius, an quindecim fide sua credita esse Titio iuberet, cui tamen decem tantum crediderat: egit postea cum illo in quindecim. Mauius recusabat. R. Quia non aliud iubere, id est, comprobare potui creditum esse Titio, quam quod reuera creditum est. non enim aliam in rem, quam quae credita est, fideiussor obligari potest. l. si ita. 42. D. eod. F. At tuam ego obligationem non ad illius obligationem refero, sed per se ac suis uiribus aestimo. Vel sic, At tu non sub conditione, si tantum illi credidi, sed pure ac simpliciter obligatus es. quasi iusseris me tantum tibi in tabulis meas expensum ferre: neque quid cum alio, sed tantummodo quid tecum actum sit, considerari oporteat. Disceptatio ex scripto & sententia est: An qui certam summam alicui sua fide creditam esse, pure ac simpliciter iubet, tacite conditionem comprehendisse uideatur, si tantum reo creditum sit. Respondetur, uideri: propter regulam uulgatam, qua dicimus, obscuritatem contra stipulatorem interpretandam esse.

ACCESSIO EST PRINCIPALIS OBLIGATIONIS.) Sequitur II. Sponsorum obligatio, principalis obligationis accessio est. l. Si qui. 34. D. eod. quapropter lauolen. in l. si ita. 42. eod. ait, in aliam rem quam quae credita est, fideiussorem obligari non posse. Ut facile appareat, sine reo principali huiusmodi obligationem non consistere. Veluti si cum ego nihil unquam Titio credidissem, stipulor tamen a Mauius, Centum a me Titio tua fide credita esse iubet: nihil agitur: non enim haec instituta formula est, ut per se constet, suisque uiribus nitatur: sed, uti superius dictum est, ut aliam obligationem arctius certiusque astringat. Itaque si mihi aut Titio decem stipulatus fuero, Marcianus ait, Titium accipere fideiussorem non posse. quia non obligationis, sed solutionis tantum causa acceptus sit. l. si mihi. 23. D. eod. Et l. si Stichum. 38. eod. ubi Marcianus ait, si ei a quo tibi erat sub conditione legatum, cum ab eo fideiussorem accepisses, haeres extiteris, non poteris habere fideiussorem obligatum: quia nec reus est, pro quo debeat: sed nec res ulla, quae possit deberi. Atque haec quidem haec tenus. Nunc illud adscribendum uidetur, cum fideiussio accessionis locum obtineat, aequissimum uideri, quod a Iustiniano constitutum est, ut priore loco in principalem debitorem agatur: cum tamen olim sponsores nihilo tardius appellari possent. Nouell. 4. Quod etiam epistola Ciceronis ad Atticum lib. 16. demonstrat, eo loco quem & subscribam, & arbitrato meo, saluo cuiusque iudicio interpretabor. De summa autem agi prorsus uehementer & seuerè uolo. etsi sponsores appellare, uidetur habere quandam diuinitatem: tamen, hoc quale sit, consideres uelim. possumus enim, ut sponsores appellentur, procuratorem introducere. quo facto non sum nescius, sponsos liberari: sed & illi turpe arbitror, eo nomine quod satisfactò debeat, procuratores eius non dissoluere: & nostrae grauitatis, ius nostrum sine summa ipsius ignominia persequi. Quorum uerborum hanc opinor esse sententiam. Volo summo iure Dolobellam persequi: id est, simulatque dies eius pecunia uenerit, agere, neque uel illius absentis aduentum expectare, uel cum idoneos sponsos habeat, aduersus procuratorem ipsius agere, qui non tam paratus ad soluendum erit, & litigare malet: uel cum secundum nos iudicatum erit, diem ei soluendi unicum prorogare. Quamquam si sponsos appellemus, uerecundius egisse uidebimur. nunquam enim illi litem contestarentur, quippe qui paratam condemnationem uideant: itaque statim dissoluerent. quod Dolabella honori esset, honestos uiros ipsius nomine pecuniam soluisset. At si cum procuratoribus dissoluimus, ut honesti uiros qui pro eo fideiusserant, liberentur. Velim tamen hoc quale sit consideres. subest enim non nihil difficultatis. nam si procuratores appellemus, & litem contestentur, liberantur sponsos: propterea quod olim, ubi duarum actionum erat optio, unius electione altera perimebatur. Possumus ergo, ut sponsos appellentur, id est, etiam si in ius uocentur, eius tamen procuratorem introducere: id est, ad defendendum, suscipiendumque iudicium admittere, nam illi nunquam litem contestabuntur: sed huic, si uolet, negotium omne permittent. qui si litem contestetur, turpe futurum est Dolabellae primum tales habere procuratores, qui quod satisfactò debeat, non soluant: deinde cogi procuratorem damnatum iudicatum facere, & calumniose tamen iudicium suscepisse.

NE PLUS IN ACCESSIONE.) Sequitur III. In accessione amplius esse, quam in re principali, non potest.

VT ML



**A** VT MINVS DEBERET.) Sequitur IIII. Fideiussor ut minus quam reus principalis debeat, obligari potest. l. Græcè. 8. §. illud etiam. l. bi qui. 34. D. eod. ubi Paulus ait, eos qui acceptionis loco promittunt, in leuiorem causam accipi posse. Itaq; si a reo mihi stipulatus sum, a fideiussore mihi aut Titio: meliorem causam esse fideiussoris, ualereq; id quod actum est. Item accepto reo pure, ipse ex die uel sub conditione accipi potest.

NON SOLVM IN QVANTITATE.) Sequitur V. Plus non modò ex quantitate, sed etiam ex tempore estimatur. l. si cui. 12. D. de uerb. signifi. §. plus autem. infra, De act. l. solidum. 85. De solut. Rationem Vlp. ostendit in l. 1. §. 1. D. de edend. Dies, inquit, solutionis, sicuti summa, pars est obligationis: quippe cum diei adiectio pro reo sit, non pro stipulatore. l. eum qui. §. 1. D. de uerb. oblig.

Fideiussor, eius quod soluit nomine mandati actionem habet. & cum fideiussisse aliquem scriptum est, ritè omnia transacta intelliguntur. l. x.  
D. mandat. l. xxx. De uerb. oblig.

V. Si quid autem fideiussor pro reo soluerit, eius recuperandi causa habet cum eo mandati iudicium. Græcè fideiussor plerunq; ita accipitur, τῆς ὑποτίθεται καὶ ὁμῶς, λέγω, δέλω, siue βόλομαι. sed & si quis dixerit, pro eo erit, ac si dixerit λέγω. In stipulationibus fideiussorum sciendum est, hoc generaliter accipi: ut quodcumq; scriptum sit, quasi actum, uideatur etiam actum. Ideoque constat, si quis scripserit se fideiussisse, uideri omnia sollemniter acta.

**B** HABET MANDATI ACTIONEM.) Enunciatio I. Fideiussor eius nomine quod pro reo soluit, mandati cum eo actionem habet. l. idemq;. 10. §. fideiussores. D. mandat. ubi Vlp. ait: Fideiussores & mandatores, etsi sine iudicio soluerint, mandati actionem habere. nam, ut ait Paulus in l. cum is qui. 36. D. de fideiuss. non si creditor a fideiussore suum accepit, iccirco rei principalis obligatio extincta est: non enim in solutum accipit, sed quodammodo nomen debitoris uendit: ideoq; adhuc suas actiones habet.

GRÆCÈ ETIAM FIDEIVSSOR.) Sequitur II. Vtrum καὶ ὁμῶς, an λέγω, uel βέλω, aut βόλομαι, uel ὅμι, fideiussor dicat, nihil interest. l. Græcè. 8. D. eod. unde hic locus descriptus, sic à me hoc in libro propter Florentini, Tigurini & Argentinensis codicis, itemq; Theophili auctoritatem restitutus est.

SCRIPTVM SIT, QVASI ACTVM.) Sequitur III. Quodcumq; in fideiussorum obligationibus scriptum est, quasi actum, uidetur etiam actum. l. sciendum. 30. D. de uerb. oblig.

VIDERI OMNIA SOLLEMNITER ACTA.) Sequitur IIII. Cum fideiussisse aliquem scriptum est, omnia ritè confecta iudicantur. d. l. sciendum. 30. D. de uerb. oblig. Sollemniter autem acta omnia intelligimus, sine quibus fideiussio non constat: nimirum ut adhibita stipulatio sit, quia sine uerbis fideiussio nulla est. l. 5. §. satisfactio. eod. item ut præsens uterq; fuerit, tā creditor quam fideiussor: quoniam inter absentes non contrahitur hæc obligatio. l. 1. C. de cont. stip.

## DE LITERARVM OBLIGATIONIBVS. TITVLVS IX.

Obligatio quæ nominibus olim fiebat, obsoleuit. hodie uerò etiam scriptura contrahitur. nam exceptio non numeratæ pecuniæ, instituto Iustiniани biennij finibus circumscribitur. l. 14. C. de non num. pecun.

**C** I. Olim scriptura fiebat obligatio, quæ nominibus fieri dicebatur, quæ nomina hodie non sunt in usu. Planè si quis debere se scripserit, quod ei numeratum non est: de pecunia minimè numerata, post multum temporis exceptionem opponere non potest: hoc enim sæpissimè constitutum est. Sic fit, ut & hodie, dum quæri non potest, scriptura obligetur: & ex ea nascatur condictio, cessante scilicet uerborum obligatione. Multum autem tempus in hac exceptione, antea quidem ex principalibus constitutionibus usq; ad quinquennium procedebat. sed ne creditores diutius possint suis pecunijs forsitan defraudari: per constitutionem nostram tempus coarctatum est, ut ultra biennij metas huiusmodi exceptio minimè extendatur.

NOMINIBVS FIERI DICEBATVR.) Enunciatio I. Obligatio quæ quondam nominibus fieri dicebatur, scriptura fiebat. l. non figura. 38. D. de oblig. ubi Paulus ait, non minus ualere quod scriptura, quam quod uocibus lingua figuratis (id est stipulatione) significatur. Quod ut intelligamus illud scire oportet, Romæ moris fuisse, ut unusquisq; paterfamilias tabulas domi haberet, in quibus quicquid per singulos dies aut acciperet aut expenderet, ordine perscriberet. Cicero in ea pro Cluentio: Confecit tabulas diligentissime. hæc autem res habet hoc certè, ut nihil possit neq; additum, neq; detractum de re familiari latere. De earum tabularum fide Censores quinto quodq; anno iusiurandum à ciuibus exigebant: uti Dionysius Hal. lib. 4. testatur. Deinde illud obseruandum est, Nomina dici consueisse articulos debitorum, quemadmodum Asconius Verrina 3. testatur. Hinc illud Verrina IV. Inspiciebamus Syracusis à Carpinatio confectas tabulas societatis, quæ significabant multis nominibus eos homines uersuram à Carpinatio fecisse, qui pecuniam Verri dedissent. Item Verrina 7. Pecuniam sibi esse in nominibus, numeratam in præsentia non habere. Item pro Quintio: Moritur C. Quintius, qui tibi, ut ait, certis nominibus grandem pecuniam debuit. In eadem: Cum æris alieni aliquantum esset relictum, quibus nominibus pecuniam Romæ curari oporteret. Item: A me nominis eius, quod inficiatus esset, diem petiuit. Quæ cum ita sint, illud postremo animaduertendum



tendum est. Nomina facere nihil aliud esse, quam in tabulis referre aliquid alicui deberi: quod tum fiebat, cum pecunia prae-  
sens non numerabatur. Cuius rei testimonio sunt haec ueterum scriptorum loca. Seneca lib. de benef. 3. Ille per plurimum tabu-  
lus nomina interpositis pacarijs facit. Cicero lib. Offic. 3. Emit homo cupidus & locuples tanti, quanti uoluit Pythius, & emit  
instructos. nomina facit, negotium conficit. Idem libro Epistol. ad Attic. 4. epist. ult. Haec pactio non uerbis, sed nominibus  
& per scriptionibus multorum tabulis cum esse facta diceretur, prolata a Memmio est. Vlpianus l. 4. D. de pecul. Si uero no-  
mina ita fecerit dominus, ut quasi debitorem se seruo faceret, cum reuera debitor non esset, non obligatur. re enim, non uer-  
bis peculium augendum est. Pomponius l. 1. D. de annuis leg. Cum in annos singulos quid legatum sit, neq; adscriptum quo lo-  
co detur, quocumq; loco petetur, dari debet: sicuti si ex stipulatu, aut nomine facto petatur. Extat etiam apud Sceuolam facis  
endi nominis mentio. l. Thais. 41. in fin. D. de fideicom. lib. & alibi nonnullis locis. In quibus Tribonianum allucinatum, nec  
satis emisitjs suis oculis usum fuisse, uerisimile est. cum in alijs locis eam uocem expunxerit: ut in l. 1. D. de nouat. l. grege. D.  
de fideiuss. l. 1. D. de oblig. & act. Atq; haec quidem haecenus. ex quibus intelligi potest, Nominibus contractam obligatio-  
nem dici consueuisse, cum in tabulis scriptum erat aliquem alicui certam pecuniam debere, quod, ut ex Seneca & Cicerone do-  
cuimus, non tantum in creditoris, uerum etiam in aliorum quorundam tabulis fieri solebat: quae tabulae iccirco in iudicium in-  
terdum afferebantur. Cicero pro Q. Roscio: Solent fere dicere, qui per tabulis hominis honesti pecuniam expensam tute-  
runt: Ego ne talem uirum corrumpere potui, ut mea causa falsum in codicem referret? Ex hac obligatione illa nata erat con-  
trouersia, de qua Cicero Dolabella scribit lib. epist. fam. 9: Nisi forte (inquit) scire uis me inter Niciam nostrum & Vidium  
iudicem esse. profert alter (ut opinor) duobus uersculis expensum Niciae: alter Aristarchus hos obtraxit. (hoc est, falsos esse  
defendit.) ego tanquam criticus antiquus, iudicaturus sum, utrum sint & ueris, an & ἀγροῦ βλάπτειν. id est, Vtrum sint ueri,  
& ipsius poetae: (alludit enim ad Aristarchi consuetudinem) an uero falsi & suppositiij atq; interiecti. Et quoniam omnia  
persequimur, non praetereundum est ne illud quidem, tum demum huius obligationis uim fuisse uel maximam, cum a reo tabu-  
le obsignarentur. Cic. Tuscul. 5. Tu quidem tabellis obsignatis agis mecum, & testificaris quid scripserim. Plautus in Milite  
glorioso: Videtur tempus esse, ut eamus ad forum: ut in tabellis, quas consignauimus hic, latronibus ego dinumerem stipendium.  
Cicer. Verrina 3. Alij numos numerabant, alij tabulas obsignabant. Tabularum tamen obsignatio non hac una in re, sed in  
omnibus testificationibus adhiberi solebat. Qua de re in Quintianae commentarijs, uberius.

HODIE NON SVNT IN VSU.) Sequitur II. Iustiniani tempore, in usu nomina non erant. quippe &  
Roma euerfa, & Romanis omnibus, eorumq; institutis ac moribus sublatis. Constantinopoli autem & tota Graecia syngra-  
phis utebantur: hoc est, cautionibus utriusq; contrahentis manu subscriptis, atq; obsignatis.

POST MVLTVM TEMPORIS.) Sequitur III. Qui se quod non debet, debere scripserit, pecuniae non nu-  
meratae exceptionem post quinquennium non habet. l. 1. De cauta & non num. pec. in Codice Gregoriano, ubi Imp. ait: Ex  
cautione non numeratae pecuniae non anni, sed quinquennij spacio querelam deficere, nuper censuimus. Sic enim meo iudicio  
restituendus is locus est. Qua ex lege licet coniecturam facere, antea unius anni spacio tempus illud circumscriptum fuisse. Vt  
cumq; sit, illud constat, iuris fuisse, ut ei qui se pecuniam accepisse cauerat, neq; tamen acceperat, liceret intra quinquennium  
apud magistratum testari, falsam & inanem eam cautionem esse, neq; unquam numeratam eam pecuniam fuisse. quod si  
facere praetermisset, tum si exacto quinquennio ex chirographo conueniretur, exceptione non numeratae pecuniae uti non  
potuisset.

DVM QVERI NON POTEST.) Testari apud magistratum, pecuniam numeratam non fuisse. Hanc au-  
tem querelam per conditionem suae cautionis fieri, Imperator scribit in l. si quasi. 7. C. de non num. pec.

SIC FIT VT ET HODIE.) Sequitur IIII. Propter amissionem huius exceptionis, obligatio perscripta  
etiam hoc tempore contrahitur. Dixit autem Obligatio, pro efficax obligatio. nam etiam ante quinquennium constabat  
obligatio: quo enim alio iure agi potuisset? sed quia exceptione perimebatur, idcirco tum demum proprie nasci dicimus obli-  
gationem, cum exceptione labefactari non potest.

EX EA NASCITVR OBLIGATIO.) Sequitur V. Cautio non numeratae pecuniae, post quinquennium, C  
etiam si stipulatio non adiecta sit, certi conditionem parit.

VLTRA BIENNII METAS.) Sequitur VI. Iustiniani instituto, exceptio non numeratae pecuniae, biennio  
praescribitur. l. in contractibus. 14. C. eod.

## DE OBLIGATIONIBVS EX CONSENSV.

### TITVLVS X.

Ex empto, conducto, mandato, societate, obligatio solo nudoq; consensu,  
ac proinde etiam inter absentes contrahitur.

l. 2. D. de obligat.

I. C Onsensu fiunt obligationes in emptionibus, uenditionibus, locationibus, conductionibus,  
societatibus, mandatis. Ideo autem istis modis obligatio dicitur consensu contrahi: quia ne-  
que scriptura, neq; praesentia omnimodo opus est. at nec dari quicquam necesse est, ut substantiam  
capiat obligatio: sed sufficit eos qui negotia gerunt, consentire. unde inter absentes quoque talia  
negotia contrahuntur: ueluti per epistolam, uel per nuncium. Item in his contractibus alter alteri  
obligatur in id, quod alterum alteri ex bono & aequo praestare oportet: cum alioqui in uerborum  
obligationibus alius stipuletur, alius promittat.

IN EMPTIONIBVS, LOCATIONIBVS.) Enunciatio I. Empti, conducti, mandati, & societatis ob-  
ligatio solo consensu contrahitur. l. 2. D. de oblig. & act. l. 1. in fi. de cont. empt. l. 1. D. locat. l. 1. D. mandati. Dicimus autem solo  
consensu



**A** consensu obligationem contrahi, quia neque rei traditionem, neque certam uerborum formulam, neque nominum confectionem desiderat: quemadmodum mox dicemus. Verum hæc quidem de cæteris contractibus ex utriusque contrahentis parte ita se habent. quod autem ad mandatum attinet, dissimilis ratio est: quoniam mandatarius quidem nudo consensu, mandator uero non nisi re uel gesta, uel geri cæpta obligatur: ut suo loco constabit.

**QVIA NEQVE SCRIPTURA.)** Sequitur II. Obligationes quæ consensu fiunt, sola conuentione, sine rei traditione, sine literis, sine stipulatione contrahuntur. d. l. 2. & l. 4. D. de pign. quæ inculcatur in l. 4. D. de fid. inst.

**NEQVE PRÆSENTIA OMNIMODO OPVS EST.)** Sic Tribonianus reposuit, cum ita Caius scripsisset: Neque uerborum, neque scripturæ ulla proprietas desideratur. Melius multo, meo iudicio.

**INTER ABSENTES QVOQVE.)** Sequitur III. Obligatio quæ consensu constat, etiam inter absentes recte contrahitur. d. l. 2. & l. in quibuscumque. 48. D. de oblig. & act. in quibuscumque negotijs sermone opus non est, sufficiente consensu, his etiam surdus interuenire potest: quia potest intelligere & consentire: ueluti, in locationibus, conductionibus, emptionibus, & cæteris.

**ALTERVM ALTERI EX BONO ET AEQVO.)** Sequitur IIII. In hisce obligationibus, non ex uerborum pactione, sed ex æquo & bono contrahentes obligantur. d. l. 2. Hoc est, non datur certi conditio ex natura contractus: sed his uerbis agitur, Quantum æquius melius sit dari: uel, Quicquid te mihi ex bona fide dare facere oportet. Iudex autem a Pretore datus non ad certam summam ac formulam astringitur: sed quod æquius & melius sibi uidetur, tanti reum condemnat. Itaque Pomponius in l. 6. D. de cont. empt. in emptis, inquit, & uenditis potius id quod actum, quam id quod dictum sit, sequendum est. Cuius rei rationem sub tit. De actionib. §. actionum autem, explicauimus.

**CVM ALIOQVI IN VERBORVM.)** Sequitur V. Ex stipulationibus obligatio catenus tantum nascitur, quatenus lingua nuncupatum est. l. quicquid. 99. D. de uerb. oblig. ubi Celsus ait, quicquid astringendæ obligationis causa est, id nisi palam uerbis exprimitur, omissum intelligendum est: ac fere secundum promissorem interpretatur: quia stipulatori liberum fuit uerbum late concipere, nec rursus promissor ferendus est, si eius intererit de cæcis potius uasis forte, aut hominibus actum fuisse.

## DE EMPTIONE ET VENDITIONE. TITVLVS XI.

*Quæ scriptura emptiones fiunt, eæ constituto pretio statim, etiam ante arram datam, contractæ intelliguntur. l. i. & 35. D. eodem.*

**I.** Emptio & uenditio contrahitur, simulatque de pretio conuenerit: quamuis nondum pretium numeratum sit, ac ne arra quidem data fuerit. Nam quod arræ nomine datur, argumentum est emptionis & uenditionis contractæ. Sed hoc quidem de emptionibus & uenditionibus, quæ sine scriptura consistunt, obtinere oportet. nam nihil à nobis in huiusmodi emptionibus & uenditionibus innouatum est.

**EMPTIO ET VENDITIO CONTRAHITVR.)** Emptio & uenditio est contractus bonæ fidei, inter quos iure ciuili licet, nudo consensu factus, de re certa, certo pretio, in perpetuum, domini iure obtinenda. Ita ratio hæc rerum acquirendarum à mancipatione discernitur: quæ non contractus est, sed actus, ut uulgo loquimur, siue Legis actio. Rursus à locatione distinguitur, quia res conductæ neque iure domini, neque in perpetuum obtineatur.

**SIMVLATQVE DE PRETIO CONVENERIT.)** Enunciatio I. Ut primum de pretio conuenit, quæ uis ne arra quidem data sit, emptio quæ sine scriptura fit, contractæ intelligitur. l. i. in fi. D. de cont. empt. ubi Paulus ait, emptionem esse iuris gentium, & ideo consensu peragi, & inter absentes contrahi posse, & per nuncium, & per epistolam. Cuius loci non ea sententia est, quasi omnes iuris gentium contractus solo consensu constent: nam & mutuum, & depositum, & permutatio iuris gentium sunt, sed quod nihil à iure ciuili institutum desiderant: hoc est, neque solennem uerborum formulam, neque nominum confectionem. Omnino igitur sic se res habet, ut, si inter quos de re certa certo pretio emenda conuenerit, obligatio uirumque nascatur: astrictusque sit tam emptor uenditori, ad pretium soluendum: quam uenditor emptori, ad rei possessionem tradendam: quamuis neque ille rem, neque hic pretium acceperit.

**QVOD ARRAB NOMINE DATVR.)** Sequitur II. Quod arræ causa datur, contractam emptionem arguit. l. quod sæpe. 35. D. de cont. empt. ubi Caius scribit, quod sæpe arræ nomine in emptionibus datur, non eo pertinere, quasi sine arra conuentio nihil proficiat: sed ut euidentius probari possit conuenisse de pretio. Est autem Arra, prærogatiua pretij sub tempore persoluenti. nam pretij & solutionis pars est. Varro lib. de ling. Lat. 5. Arrabo sic dicta, ut reliquum reddatur, hoc uerbum à Græco ἀρραβών. Arræ autem dandæ consuetudinem ex eo tempore ductam Plinius significat, quo graui ære populus utebatur. nam in lib. 33. cap. 50. sic scribit: Celebratior quidem usus cum fauore cæpisse debet. argumento est consuetudo uulgi, ad sponsones etiamnum annulo exiliente tracta ab eo tempore, quo nondum erat arra uelocior: ut planè affirmare possumus, numos antea, mox cæpisse annulos. Hæc ille. Videmus etiam eius consuetudinis uestigium apud Vlp. in l. 5. §. item si. D. de inst. act. ubi Institor qui oleum uendiderat, annulum arræ nomine acceperat. Ego, si quid mei iudicij est, arræ consuetudinem ex mancipationibus ductam putarem: in quibus moris erat, ut manceps ære libram contingeret, cum Libripens dixisset, Raudusculo libram ferito: hoc est, ære paruo, idque Raudusculum arræ nomine uenditori traditum fuisse. Ut non sine causa dubitare aliquis potuisset, cum olim mancipatio (quæ solennis fuit inter ciues Rom. emendi uendendique formula) non nisi æreo numulo tradito fieret: quomodo sine arra contrahi emptio posset? Sed respondetur, Mancipationem iuris ciuilem esse, Emptionem uero iuris gentium. Mancipationem rei dominium transferre, uenditionem non transferre, illam rei translationem efficere: hanc, obligationem ac ius tantum, quæ res incorporalis est, parere.



ARGUMENTVM EST.) Ex contrarijs scilicet. Cum enim solutio & obligatio contraria sint, argui licet ex priuantibus, hoc modo: si solutio fit, contractam esse obligationem necesse est. Priuatio enim rem affuisse arguit. Solutionis autem pars & initium est, arræ datio.

NIHIL NOBIS IN HUIUSMODI.) Sequitur III. In emptionibus sine scriptura contrahendis, noui nihil à Iustiniano inductum est. l. contractus. 16. C. de fid. instr.

*Contractus emptionis quam per scripturam fieri conuenit, tum demum perfectus est, cum aut à contrahentibus scriptus subscriptusue, aut à tabellione perscriptus, partibusq; recitatus est. datas autem arras emptor consilium mutans, amittit, uenditor duplicatas reddit. l. x. v. j. C. de fid. instr.*

II. In ijs autem quæ scriptura conficiuntur, non aliter perfectam esse uenditionem & emptionem constituimus, nisi & instrumenta emptionis fuerint conscripta, uel manu propria contrahentium: uel ab alio quidem scripta, à contrahentibus autem subscripta: & si per tabellionem fiunt, nisi & completiones acceperint, & fuerint partibus absoluta. Donec enim aliquid deest ex his, & pœnitentiæ locus est, & potest emptor uel uenditor sine pœna recedere ab emptione & uenditione. Ita tamen impune eis recedere cōcedimus, nisi iam arrarum nomine aliquid fuerit datum. hoc enim subsecuto, siue in scriptis, siue sine scriptis uenditio celebrata est: is qui recusat adimplere contractum, si quidem est emptor, perdit quod dedit: si uerò uenditor, duplum restituere compellitur, licet super arris nihil expressum est.

NIISI ET INSTRUMENTA EMPTIONIS.) Enunciatio I. Iustiniani instituto, uenditiones quas per scripturam fieri conuenit, nisi perscripto ritè instrumento, fieri non possunt. l. contractus. 16. C. de fid. instrum. ubi Iustinianus statuit, quoties placuit negotium scriptura confici, non aliter rem pro perfecta numerandam, nisi instrumenta in mundum recepta, subscriptionibusq; partium confirmata, & si per tabellionem conscribantur, etiam ab ipso completa, & postremo à partibus absoluta sint.

VEL AB ALIQUO QUIDEM SCRIPTA.) Sequitur II. In suo negotio utrum aliquis scribat, an alterius scripturæ subscribat, nihil interest. l. 1. D. quod iussu: ubi dominus serui chirographo subscribens, obligatur. & l. fideiusor. 26. §. pater. D. de pign. ubi filius subscribens patri certam domum oppigneranti, obligatur. At in l. Caius. 39. D. de pign. act. qui alieno testamento subscribit, non propterea obligatur. Et in l. Titia. 34. §. Lucia. D. de legat. 2. Fideicommissarius qui diuisioni rei sibi relicte, ab hæredibus factæ interfuit, eiq; subscripsit, sibi non præiudicat. Item l. Titius. 8. D. de rescind. uend. ubi procurator hæredem se à domino institutum ignorans, uenditioniq; per seruum hæreditarium factæ subscribens, sibi non præiudicat: nimirum quoniam alienum negotium fuerat.

ET COMPLETIONES ACCEPERINT.) Sequitur III. Emptionis instrumentum à tabellione factum, nisi & perfectum, & partibus assentientibus recitatum sit, non ualet. d. l. contractus. 16. C. de fid. instr.

SINE POENA RECEDERE.) Sequitur IIII. Ante perfectum emptionis instrumentum impune ab emptionis conuentione, nisi iam arra data sit, disceditur. d. l. contractus. & l. 6. in fin. D. de contr. empt. ubi Pomp. ait, abiri tota emptione posse, si nondum impleta sint, quæ utrinq; præstari debuerunt. Item l. nihil. 35. D. de reg. iur. ubi Vlpia. ait, nihil esse tam naturale, quam eo genere quidq; dissoluere, quo colligatum est: ideoq; uerborum obligationem uerbis tolli, nudi consensus obligationem contrario consensu dissolui.

EMPTOR PERDIT QVOD DEDIT.) Sequitur V. Quocunque modo fiat emptio, emptor consilium mutans, arris datas amittit, uenditor duplicatas reddit. d. l. contractus. In quo etiam illud scire oportet, negotio per pactionem dissoluto, arram empti actione reuocari: perfecto & impleto, conditione causa dati recuperari. l. ex empto. 11. §. is qui. D. de act. empt. l. 2. C. quando lic. ab empt. Sed quæri potest, in emptionibus quæ sine scriptis fiunt, utrum emptor solius arræ iactura possit suam obligationem dissoluere: an uerò etiam quanti uenditoris interest, præstare teneatur? ut l. Iulian. 13. §. ex uendito. D. de act. emp. Res igitur ita distinguenda & explicanda est. nam si quidem ipse solus renunciaret, & arram amitteret, & insuper id quod pluris intererit præstabit. Sin utriusq; consensu dissoluatur negotium, tum empti actione arra recipitur. sin autem negotium & perficitur & impletur, tum arra per conditionem causa dati recuperatur.

LICET SUPER ARRIS.) Id est, licet non sit nominatim adiectum quid de iisdem arris, nõ perducto ad finem contractu, fieri placeat. Sic enim Iustinianus ibidem interpretatur.

*Emptio sine certo constitutoq; pretio nulla est: quod si alterius in arbitrium conferatur, Iustiniani lege tum ualebit, cum ille pretium definierit. quod idem etiam ad conductiones pertinet. l. ult. C. de contrahenda emptione.*

III. Pretium autem constitui oportet: nam nulla emptio sine pretio esse potest. Sed & certum esse pretium debet. alioqui si inter aliquos ita conuenerit, ut quanti Titius rem æstimauerit, tanti sit empti: inter ueteres satis abundeq; hoc dubitabatur, constaret ne uenditio, an non. Sed nostra decisio ita hoc instituit, ut quoties sic composita sit uenditio, QVANTI ILLE AESTIMAUERIT, sub hac conditione stare contractus: ut si quidem ille qui nominatus est, pretium defini-



**A** nuerit, tunc omnimodo secundum eius æstimationem & pretium persoluatur, & res tradatur, ut uenditio ad effectum perducatur: emptore quidem ex empto actione, uenditore autem ex uenditio agente. Sin autem ille qui nominatus est, uel noluerit, uel non potuerit pretium definire: tunc pro nihilo esse uenditionem, quasi nullo pretio statuto. Quod ius cum in uenditionibus nobis placuit: non est absurdum & in locationibus & in conductionibus trahere:

**NULLA EMPTIO SINE PRETIO.)** Enunciatio I. Emptio contrahi sine pretij constitutione non potest. l. empti. 9. C. de cont. empt. & l. 2. D. eod. ubi Vlp. ait, sine pretio nullam uenditionem esse. non autem pretij numerationem, sed conventionem perficere sine scriptis habitam emptionem. ubi uerba hæc, **SINE SCRIPTIS HABITAM**, Tribonianum olere uidentur. Item l. pacta. 72. eod. ubi Paulus ait, emptionis substantiam ex pretio consistere. usq; eo, ut si ceteris omnibus integris manentibus, de augendo uel diminuendo pretio rursus conuenerit, recessum à priori contractu, & non ua emptio intercessisse uideatur. Quibus ex uerbis apparet, materiam emptionis & causam sine qua non, esse pretium, nimium ex parte emptoris: ex parte uero uenditoris, rem ipsam.

**CERTVM ESSE PRETIVM DEBET.)** Sequitur II. Incertitudo pretij contractum emptionis uitiat. l. quod sepe. 35. §. 1. D. eod. ubi Caius scribit, imperfectum esse negotium, cum emere uolenti, sic uenditor dicit, Quanti uelis, Quanti æquum putaueris, Quanti æstimaueris, habebis emptum. Est autem pretium certum, cuius quantitas expressa & definita est. quantitas autem in publica & recepta æstimatione uersatur. l. 1. D. eod. Itaq; in pretij certitudine constituenda, sola quantitas dominatur: in quantitate, publicis ciuitatis usus. Quinetiam certum pretium dicitur, quod & si nobis incertum est, re tamen ipsa & ueritate certum est. l. hæc uenditio. 7. in fi. D. eod. ubi Vlp. ait, Si quis ita emerit, Est mihi fundus emptus centum, & quanto pluris eum uendidero, ualet uenditio, & statim impletur. Habet enim certum pretium centum.

**B** **NOSTRA CONSTITVTIO ITA HOC CONSTITVIT.)** Sequitur III. Constitutio pretij in extranei arbitrium collata, ex Iustiniani instituto uenditionem conditionalem efficit, ut illo demum arbitrate constare possit. l. ult. C. de cont. empt. ubi dubitandi causas utraq; ex parte exponit: cum alijs in personæ certæ arbitrium collatam pretij definitionem dicerent, ac proinde incertum esse pretium: quoniam ignorabatur utrum inter contrahentes conuenire posset, alijs non in personæ certæ, sed in boni uiri arbitrium rem omnem reiectam disputabant: eoq; si minus re ac pronunciatione certum, ui tamen ac potestate certum exploratumq; esse. Verum id ex causæ constitutione planius intelligitur. Cum inter me & Licinium conuenisset de ipsius equo mihi tanti uendendo, quanti à Titio æstimatus esset, Titiusq; cum minoris multo quam Licinius sperabat, æstimasset, rem infectam haberi uolebat. Cum emptionem contractam, eumq; mihi obligatum intenderem, recusabat: hanc asserens causam, quia de pretio nondum consensimus. nam Consentire de pretio est, idem utrumque nostrum de certa definitaq; summa sentire. Firmamentum: At quemadmodum in societate, partium constitutio in personam certam collata, in arbitrium boni uiri collata uidetur. l. societatem. 76. D. pro socio: sic etiam in emptione quæ parem cum societate naturæ habet, pretij constitutio certæ personæ commissæ, bono uiro commissæ intelligenda est. Dici ergo incertum pretium, de quo inter nos conuenit, non potest. nam etsi nobis quidem incertum sit, re tamen uera certissimum & uerissimum est. id enim demum uerum ac iustum pretium est, non quanti quisq; rem suam æstimat, sed quod boni uiri arbitratu constituitur. Itaq; Varro prescripti & non scripti cõtentione nascebatur: An ut in societate, sic etiam in emptione quantitatis definitio certæ personæ commissæ, boni uiri arbitrio commissæ uideatur.

**ET IN LOCATIONIBVS.)** Sequitur IIII. Lex Iustiniani de pretij constitutione in extraneum collata, non tantum ad emptiones ualet, uerum etiam ad conductiones pertinet. d. l. ult. Idemq; ante Iustinianum Caius responderat in l. si merces. 25. D. locati.

**C** **Sublata Sabinianorum & Proculianorum controuersia, si corpus cum quantitate commutetur, emptio & uenditio est: sin corpus cum corpore, uel quantitas cum quantitate, permutatio. l. j. D. eod.**

**IIII.** Item pretium in numerata pecunia consistere debet. Nam in cæteris rebus an pretium esse posset, ueluti an homo, aut fundus, aut toga alterius rei pretium esse posset, ualde querebatur. Sabinus & Celsus etiam in alia re putant pretium posse consistere. unde illud est quod uulgò dicebatur: permutatione rerum emptionem & uenditionem contrahi, eamq; speciem emptionis & uenditionis uetustissimam esse. argumentoq; utebantur, Græco poeta Homero, qui aliquam partem exercitus Achiuorum uinum sibi comparasse ait, permutatis quibusdam rebus, his uerbis:

οὐθὺν ἄρ' οἰνίσοντο ἡερηνόμωντες Ἀχαιοί,  
ἄλλοι μὲν χαλκῷ, ἄλλοι δ' αἰθῶνι σιδέρεω,  
ἄλλοι δὲ ῥίνοισι, ἄλλοι δ' αὐτοῖσι βόεσσιν,  
ἄλλοι δ' αὖθρ' ἀπόδεσσι. —

Diuersæ scholæ auctores contrā sentiebant: aliudq; esse existimabant permutationem rerum, aliud emptionem & uenditionem. alioqui non posse rem expediri, permutatis rebus, quæ uideatur res uenisse, & quæ pretij nomine data esse. nam utranque uideri & uenisse, & pretij nomine datam esse, rationem non pati. Sed Proculi sententia, dicentis permutationem propriam esse speciem contractus à uenditione separatam, meritò præualuit: cum & ipse alijs Homericis uersibus adiuuabatur, & ualidioribus rationibus argumentabatur: quod & anteriores diui Principes admiserunt, & in nostris Digestis latius significatur.



IN NVMERATA PECVNIA CONSISTERE.) Enunciatio I. Pretium consistere, nisi in pecunia numerata, non potest. l. i. D. eod. Itaq; cum inter Timotheum & Callimachum conuenisset, ut hic pro certo frumenti numero illi certum olei pondus daret, & post frumentum acceptum, oleum tamen non daret, Imp. rescripsit, non ex emptio agere Timotheum posse: sed rem traditam quasi causa non secuta condicere. l. pen. C. de rer. permut.

SABINVS ET CASSIVS ETIAM IN ALIA RE.) Sequitur II. Sabinus & Cassius pretium etiam alia in re quam in pecunia numerata constituiebant. l. i. D. de contrahend. emp. Hoc autem argumento utebantur: Si emptio & uenditio ante numos excogitatos usurpabatur, nihil obesse debet, quo minus etiam post eosdem repertos sine ijs consistat. Assumptionem ex Homero probabant, qui *οὐκ ἔστιν ἐμπόριον* dixit, & *πρότερον*: ex quo intelligi potest, uerba *οὐκ ἔστιν ἐμπόριον* & *πρότερον* signato ere uetustiora fuisse. nam Homeri tempore signatum aes non fuisse, Plinius libro trigessimotertio, capite primo declarat. Quantum, inquit, feliciore aeo, cum res ipsae permutabantur inter se, sicut & Troianis temporibus factitatum, Homero teste, credi conuenit. Ita enim (ut opinor) commercia uictus gratia inuenta, alios corijs boum, alios ferro captiuusq; rebus factitasse tradit: quanquam & ipse miratus aurum, estimationes rerum ita fecit, ut centum boum arma aurea permutasse Glaucum diceret, cum Diomedis armis nouem boum. Sed quæret aliquis: Fuitne igitur omnis permutatio, emptio & uenditio: minime nam & permutatio & emptio semper fuisse. Quo igitur argumento emptionem à permutatione discernebat? Non est mihi quidem dubium, quin id Sabinus exposuerit. Quamobrem quod in hoc genere spectatum præcipue fuisse putamus, aperiendum est. Quum utriusq; similis est animus, id est, aut neuter cupit suam rem alienare, sed alter alterius rei cupiditate adductus est ad alienandum: aut uterque cupit alienare, nullius certæ rei cupiditate inductus, Permutationem puto Sabinianis fuisse uisusq; esse argumento ex eo, quod scribit Homerus permutasse Glaucum arma sua aurea cum aereis Diomedis. Quum autem alter alienandæ suæ rei desiderio tenetur, alter nullo plane, sed coactus, quod aliter rem alterius consequi non possit, rem suam alteri tradit, tum emptionem & uenditionem fuisse: ut cum Græci boues & mancipia pro uino dabant, non libenter carebant ijs rebus, sed coacti, quod uino indigerent. Eodemq; ut opinor, modo distingui poterit hodie quoque in America & alijs nouis insulis, emptionis contractus à permutatione: quum satis constet, re ipsa ut appellationes, sic negotia ipsa dissimilia ac diuersa existere. Atq; hæc quidem iam olim mea fuit coniectura & cogitatio: quam postea confirmari posse animaduerti ex l. i. C. hoc tit. ubi Gordianus ait: Si cum patruus tuus uenalem possessionem haberet, pater tuus pretij nomine, licet non taxata quantitate, aliam possessionem dedit: idq; quod comparauit, non iniuria iudicis, nec patris tui culpa euictus est: ad exemplum ex emptio actionis non immerito id quod tua interest, si in patris iura successisti, consequi desideras. At enim si cum uenalis possessio non esset, permutatio facta esset: idq; quod ab aduersario præslium est, euictum est: quod datum est, si hic elegeris, cum ratione restitui postulas. Hæc ille. Adde etiam hoc amplius: Si post pretium iam constitutum res aliqua uel pro pretio toto, uel pro eius parte soluatur, quia non tanquam corpus, sed tanquam quantitas datur, emptionem contrahi. uel luti, si pacto inter nos conuenito, ut tibi centum aureos pro equo darem, post placuerit ut in locum centum, uel quinquaginta aureorum, pateram meam acciperes: emptio uidetur esse: Si uero post permutationem constitutam, pecunia uel in totum, uel ex parte in locum rei succedat, permutatio uidetur iccirco, quia ut in superiore casu res pretij locum obtinebat, sic hoc casu pretium rei locum obtinet: nec pecunia datur quasi quantitas, sed quasi corpus.

NON POSSE REM EXPEDIRI.) Intelligi, dijudicari.

QVAE VIDEATUR RES VAENISSE.) Sequitur III. Proculiani nisi alia in re merx, in alia pretium constaret, emptionem esse negabant. d. l. i. & l. i. D. de rerum permutat. ex qua lege quinque inter emptionem & permutationem differentias elicere possumus. I. In emptione res pro numis datur: in permutatione res pro re, uel numus pro numo: uel ut certius loquamur, pretium pro pretio, ut equus cum boue, uel coronatus Gallicus cum Italico, uel Hispaniensis florenus autem cum tallero Germanico. II. In emptione ex sola conuentione nascitur obligatio: in permutatione ex rei traditione tantum. III. In illa uenditor tenetur tantum ad possessionem præstandam: in hac rei dominium transfertur. IIII. Illa, rei alienæ traditione potest consistere: hæc uero, nequaquam. V. Ex illa uenditor una tenetur actione, nimirum eius quod interest: in hac, qui rem accepit, duabus tenetur actionibus: aut conditione, aut præscriptis uerbis in factum, qua quicquid ex bona fide dari fieri oportebit, postulabitur.

MERITO PRAEVALUIT.) Sequitur IIII. Proculi sententia aliud emptionem, aliud permutationem statuentis, recepta & probata est. d. l. i. D. de contrahend. emptio. Causse igitur constitutionem fingemus, ex qua intelligetur utrius partis argumenta firmiora sint: Cum inter Mæuium & Titium conuenisset, ut pro annulo suo, meam illi pateram daret: rem: antequam quidquam traditum fuisset, consilium mutauit. Cum actionem in illum instituissem, sponsonem feci, ni emptio contracta non esset. Intentio: Contracta emptio nulla est. Depulsio: Imò contracta est. Quæstio, An sit. R. Quoniam ante numum excogitatum, *οὐκ ἔστιν ἐμπόριον* & *πρότερον* Homerus dixit, quæ uerba emptionis & uenditionis propria sunt. F. Imò *οὐκ ἔστιν ἐμπόριον* & *πρότερον*, illis temporibus erat, quocunq; modo rem parare & querere: post autem reperta commutatione quantitatis cum corpore, generalis eorum uerborum usus ad hanc propriam & specialem significationem restrictus & reuocatus est. Itaque quocunq; uerbo negotium hoc appelles licet, negotia certè ipsa inter se dissimillima & maxime differentia sunt. Disceptatio ex uerbi ambiguitate nascitur: An Homeri temporibus *οὐκ ἔστιν ἐμπόριον* & *πρότερον* significabant, quoquo modo parare & querere. nunc uero, etsi ad rem nouam accommodata sint, non tamen iccirco existimandum, ubicunq; uerbum illud usurpatum est, ibi rem eandem fuisse. apparet sanè, non res ad uerba, sed contra uerba ad res aptanda & accommodanda esse: uerba quidem eadem esse, sed res esse diuersas. ut hodie tormenta bellica dicuntur, & præla impressoria, quæ tamen antiquorum nihil simile habent. Atque hæc quidem ita se habent. nunc illud insuper intelligendum est, ueteres Mutandi uerbum sæpenumerò pro uendere usurpasse: quemadmodum Græci *ἀλλάττειν*. Hinc Columella libro septimo, capite nono

In suburbanis regionibus lactans porcus ære mutandus est. Catullus: Crede Pollioni fratri, qui tua fur-

ta uel talento mutari uelit. Id est, redimi. Sic Plato in fine libri de Legi-

bis octauo, *ἀλλάττειν δὲ νόμισμα τι χρυσίου, ἢ ἀργύρου,*

*χρυσίου νόμισμα.*

Emptione



A

*Emptione contracta rei uendita, tum periculum quod sine uenditoris dolo culpaue contigit, tum emolumentum ad emptorem, quamuis nondum rem acceperit, spectat. l. xxxv. eodem. l. viij. De peric. & comm. l. xij. De action. empt.*

V. Cum autem emptio & uenditio contracta sit (quod effici diximus, simulatque de precio conuenerit cum sine scriptura res agitur: ) periculum rei uendita statim ad emptorem pertinet, tametsi adhuc ea res emptori tradita non sit. Itaque si homo mortuus sit, uel aliqua parte corporis laesus fuerit, aut aedes tota uel aliqua ex parte incendio, consumpta fuerint, aut fundus ui fluminis totus uel aliqua ex parte ablati sit, siue etiam inundatione aquae aut arboribus turbine deiectis longè minor aut deterior esse coeperit: emptoris damnum est, cui necesse est, licet rem non fuerit nactus, pretium soluere. Quicquid enim sine dolo & culpa uenditoris accidit, in eo uenditor securus est. Sed & si post emptionem fundo aliquid per alluuiionem accesserit, ad emptoris commodum pertinet. Nam & commodum eius esse debet, cuius periculum est.

SIMVLATQVE DE PRETIO.) Enunciatio I. Emptio quae sine scriptura fit, ut primum de pretio conuenit, contracta intelligitur. l. i. D. de cont. empt. Et superius explicatum est.

STATIM AD EMPTOREM PERTINET.) Sequitur II. Contracta emptione, rei uendita periculum etiam ante traditionem ad emptorem spectat. l. quod saepe. 35. D. eodem. & l. necessario. 8. D. de peric. & comm. & l. cum emptor. 5. in fin. D. de rescind. uend. ubi Iulianus ait, homine mortuo perinde habendam esse uenditionem, ac si traditus fuisset. utpote cum uenditor liberetur, & homo emptori pereat. Causae constitutio: Sempronius mihi suas aedes pretio à me accepto uendiderat. antequam eis traderet, incendio fortuito conflagrarunt. Capi ergo cum eo sic agere, ut mihi uel quanti mea intererat praestaret, uel meam pecuniam redderet. Ille neutrum se debere defendebat. Ratio, quoniam nulla mea culpa commissa est. Is autem, quod alterius interest praestare cogitur, qui culpam admisit. Pecuniam autem propterea non reddo, quia nihil abs te non mihi debitum accepi. F. At res tua mihi perire non potest. tuam uero domum semper usque ad traditionem fuisse, proximo §. discemus. Disceptatio ex contrariis scriptis: An perempta re uendita, quamuis uenditor nihil nisi culpa praestet, tamen quia res adhuc ipsius erat, periculum eius sustinere debeat. Et respondetur, nequaquam. Venditoris enim obligatio non hac una in re positam esse, ut dolum & culpam in dando praestet, rei uero interitum, quamuis adhuc sua sit, iccirco ad illum non pertinere, quia non ad illud corpus dandum, sed ad id quod propter suam culpam emptoris intererit, praestandum, obligatus est. l. i. D. de act. empt. Verum haec quidem ita se habent, si modo, quemadmodum ante dicebamus, culpa uenditoris nulla est. At uero cum aedilis emptos lectos, quos in uia publica inuenerat, concidisset, quamuis ij traditi emptori non essent, Alfeianus respondit, damnum ad uenditorem pertinere. l. quod si nequam. 14. D. de peric. & com.

NECESSE EST PRETIUM SOLVERE.) Sequitur III. Emptor pretium rei uendita, quae sine uenditoris dolo culpaue etiam ante traditionem perijt, praestare cogitur. l. quod saepe. 35. §. si res. D. eodem. ubi Caus scribit: Si res uendita per fortium perierit, & nihil inter eos de custodia conuenerit, talis custodia desideranda est à uenditore, qualem bonus paterfamilias suis rebus adhibet: quam si praestiterit, & tamen rem perdidit, securus esse debet. Dolum autem malum à se abesse, praestare uenditor debet: qui non tantum in eo est, qui fallendi causa obscure loquitur: sed etiam qui insidiosè, obscure dissimulat: inquit Florentinus. l. ea quae. 43. in fin. D. eodem. Causae constitutio: Cum eadem illa domus incensa esset, pretium à me uenditor poposcit. Recusabam, illa utens ratione: Quoniam abs te nihil ex contractu accepi. Tu uero firmamentum opposuisti: At in hoc contractu obligatio non ex rei traditione, sed ex nudo consensu nascitur. Disceptatio igitur ex contrariis scriptis nata est: An cum obligatio in emptione ex nudo consensu nascatur, emptor etiam rei peremptae, & quam nunquam accepturus est, pretium debeat. Fingi etiam potest hoc modo, ut ratio sit: Quia cum tu mihi uicissim sis obligatus, iniquum est, te à me meum officium, antequam tu tuo satisfeceris, exigere. Firmamentum: At in me quo minus meo satisfaciam, culpa nulla est. Mihi enim non culpa, sed casus satisfaciendi facultatem ademit. Tibi uero non facultas, sed uoluntas deest: inuitum uero te coget obligatio. Disceptationem contrariis scripta faciunt: An cum iniquum sit, uenditorem quicquid ab emptore, nisi prius ipse suo munere sanctus sit, petere: tamen si nulla sua culpa, sed casu satisfaciendi facultatem amisit, libere retur? Vlpianus respondet, liberari.

ALIQUID PER ALLUVIONEM ACCESSERIT.) Sequitur IIII. Quod emptae rei per alluuiionem etiam ante traditionem accessit, totum emptori acquiritur. l. Iulianus. 13. §. si Titius. D. de act. empt. & l. id quod. 7. D. de peric. & comm. ubi Paulus ait, id quod post emptionem fundo accessit per alluuiionem, uel perijt, ad emptoris commodum in commodumque pertinet. nam etsi totus ager post emptionem flumine occupatus esset, periculum esset emptoris: sic igitur & commodum eius esse debet. Huiusce rei autem causa non in ipsius contractus atque obligationis natura & proprietate, sed in aequo & bono posita est. Ut ab exemplo intelligatur. Nam cum emptione agri cuiusdam, qui quatuor crati iugerum, contracta, nonnihil alluuiione fluminis accessione factum agro fuisset, incrementumque illud peterem, recusabat aduersarius, hanc asserens rationem, Quia tibi istud non uendidi. Hoc igitur firmamento sum usus, At cum eluuiionis damnum, si quod accidisset, sustinere debuisssem, aequum est alluuiionis commodum ad me pertinere. Disceptatio igitur ex iuris scripti & non scripti conuentione nascitur. An cum res certa definitaque uendita sit, tamen iccirco incrementum alluuiionis ad emptorem pertineret, quia damnum eluuiionis ad eundem pertineret. Respondetur, pertinere.

COMMODOM EIVS ESSE DEBET.) Sequitur V. Aequum est, commodum eius esse, cuius est incommodum. l. natura. de condict. indeb. l. secundum. D. de reg. iur.

Si rei



*Sires uendita ante traditionem amittitur, siquidem eius custodiam uenditor suscepit, & periculum, & quanti emptoris interest, præstabit: sin minus, suas emptori actiones concedet. l. xxxv. D. eod.*

VI. Quod si fugerit homo, qui uenijt, aut subreptus fuerit, ita ut neq; dolus, neq; culpa uenditoris interuenerit, animaduertendum erit, an custodiam eius usq; ad traditionem uenditor suscepit. Sanè enim si suscepit, ad ipsius periculum is casus pertinet: si non suscepit, securus est. Idem & in cæteris animalibus, cæterisq; rebus intelligimus. Vtiq; tamen uindicatione rei & conductionem exhibere debet emptori: quia sanè qui nondum rem emptori tradidit, adhuc ipse dominus est. Idem etiam est de furti & damni iniuria actione.

SANE ENIM SI SVSCEPERIT.) Enunciatio I. Venditor rei custodiam suscipiens, periculum ipsius præstat. l. quod sepe. 35. §. si res. D. eo. Causæ constitutio: Vestem quam mihi Titius uendidit, cuiusq; ipse custodiã recepit, fur abstulit. cum Titium persequeretur, negabat se quicquam mihi eo nomine debere. Ratio: Quia rei uenditæ periculum ad emptorem spectat. F. At tu ipsius custodiam recepisti. Disceptationem contrariè scripta efficiunt: An cum rei uenditæ periculum ad emptorem pertineat, tamen quia uenditor ipsius custodiam suscepit, præstare id cogatur.

VINDICATIONEM REI ET CONDICTIONEM.) Sequitur II. Re uendita ante traditionem amissa, uenditor suis emptori actiones cedere cogitur. d. l. quod sepe. 35. §. si res. Et l. cum qui emit. 14. D. de furt. ubi Vlpian. sic scribit, cum qui emit, si non tradita est ei res, furti actionem non habere, sed adhuc uenditoris esse hanc actionem, Celsus scripsit mandare eum plane oportebit emptori furti actionem, & conductionem, & uindicationem: & si quid ex his actionibus fuerit consecutus, id præstare eum emptori oportebit, quæ sententia uera est, ita & Iulianus: Et sanè periculum rei ad emptorem pertinet, dummodo custodiam uenditor ante traditionem præstet.

ADHVC IPSE DOMINVS EST.) Sequitur III. Venditor rei uenditæ dominum usq; ad traditionem retinet. l. ex empto. 11. D. de act. empt. & d. l. cum qui emit. & l. si uendidero. 80. D. de furt. l. si ager. 50. D. de rei uindic. l. sicut. 8. §. si debitor. D. Quib. pign. tacit. cont. Non tantum autem usq; ad traditionem, uerum etiam usq; ad satisfactionem rei dominum à uenditore retinetur. l. quod uendidi. 19. D. eod. Et à nobis explicatum id est sub §. uenditæ. supra. De res. diuis. Vt mihi permittitur uideatur, quod Varro lib. de re Rust. 11. cap. 11. sic scribit: Nec cum id factum est (id est stipulationes emptionis interpositæ) tamen grex domini non mutauit, nisi sit es adnumeratum. nec non emptor potest ex emptio uendito illum damnare, si non tradet, quamuis non soluerit nummos: ut ille emptorem simili iudicio, si non reddit precium. Hæc ille, quæ si ætatis illius iurisconsultis probata erant, dicendum est, nondum ita subtiliter & enucleatè rem istam illis temporibus explicatam fuisse.

*Emptio & purè & sub conditione rectè contrahitur. l. vii. eodem.*

VII. Emptio tam sub conditione, quam purè contrahi potest. Sub conditione, ueluti, SI STICHVS INTRA CERTVM DIEM TIBI PLACVERIT, ERIT TIBI EMPTVS AVREIS TOT.

TAM SVB CONDITIONE.) Enunciatio I. Non tantum purè, sed etiam sub conditione uenditio contrahitur. l. hæc uenditio. 7. D. eod. ubi Vlp. ait, conditionales uenditiones tunc perfici, cum impleta fuerit conditio. Causæ constitutio: Cum mihi domum tuam uendidisses sub conditione, si naui ex Asia ueniret: appulsa naui, agere tecum institui. Cum te mihi obligatum negares, causam hanc attulisti. R. Quia certam ac præsentem contrahentium uoluntatem esse oportet, non autem ex incerto euentu pendere. Consensus enim est, certa ac præsens, ac non suspensa utriusq; de eadem re uoluntas. F. At nec etiam obligatio ante conditionis euentum nascitur: quemadmodum sub tit. De oblig. dictum est. Disceptatio ex scripto & sententia nascitur: Vtrum lex quæ iubet consensum in emptione adhiberi, præsentem in ipso pacto conuenito uoluntatem requirat: an uero satis habeat, si ad obligationis tempus referatur. Quæ cum ita sint, neq; summo iure ac æquæ obligatio ex contractu conditionali ante conditionis euentum nascitur: tamen illud scire oportet, in hisce contractibus, in quibus æquitas & bona fides dominantur, plerumq; natam ipso contractus tempore obligationem iudicari, tantum propter æquum & bonum. nam si quid pendente conditione acciderit, pleriq; iurisconsultis placuisse Paulus ait, periculum emptoris esse: sed & si uenditor uel emptor decesserit, existente conditione obligatos heredes esse: quasi, inquit, iam contracta emptione in præteritum. l. necessario. 8. D. de peric. & com.

INTRA CERTAM DIEM TIBI PLACVERIT.) Sequitur II. Venditio sub conditione, si res intra certam diem placuerit, rectè contrahitur. Causæ constitutio: Octavius mihi equum suum ita uendidit, si intra biduum quo ego illum experiri possem, placeret. post biduum placuit, at ille consilium mutarat. Itaq; cum ut eum mihi traderet postulasset, recusauit, causamq; hanc attulit. Quoniam uenditio in emptoris uoluntatem collata, nulla est. l. hæc conditio. 7. D. eod. Fir. At longe aliud est, si uoles: aliud, si res tibi placuerit. illic differtur obligatio: hic præsens contrahitur, sed tamen sub conditione, si res placuerit. Disceptatio ex uerbo & sententia nascitur, utrum hæc uerba, si res placuerit, præsentem & certam, an arbitriariam obligationem efficiant. Sed aptissime hoc loco quæri posset, si forte moreretur apud emptorem equus, utrum pro tradito habendus est, necne, ut ipsi emptori periret? Quod mihi quidem propter æquitatem & bonam fidem quæ in hoc contractu dominatur, iudicandum uidetur. bonæ nanque fidei aduersatur, redire emptorem: & dicere, Equus est mortuus, displicebat.

SI TIBI PLACVERIT.) Inter has formulas, Si tibi placuerit, emptæ res esto: & si tibi displicuerit, inempta eo flos illud interest, quod in illa, sub conditione emptio contrahitur, ut modò diximus: in hac, sub conditione contracta emptio dissoluitur. l. 3. D. eod.

Qui rem



A

*Qui rem commercio exemptam emit, si sciens, nihil agit: si ignorans, scientem uenditorem quanti sua interest, adstringit. l. iij.*

*v. vj. & l. xxxiiij. D. eod.*

VIII. Loca sacra uel religiosa, item publica (ueluti forum, basilicam) frustra quis sciens emit. quæ tamen si pro profanis uel priuatis deceptus à uenditore quis emerit, habebit actionem ex empto, quod non habere ei liceat, ut consequatur quod sua interest, cum deceptum non esse. Idem iuris est, si hominem liberum pro seruo emerit.

FRVSTRA QVIS SCIENS EMIT.) Enunciatio I. Qui sciens rem commercio exemptam emit, nihil agere intelligitur. l. si in emptione. 34. §. 1. D. eod. ubi Paulus ait, omnium rerum quis quis habere, uel possidere, uel persequi potest, uenditio recte fit. quis uero natura uel gentium ius uel mores ciuitatis commercio exemerunt, earum nulla uenditio est. Item l. 6. & l. liberi. 70. D. eod. ubi Celsus ait, hominem liberum emi à sciente non posse nec cuiuscunque rei sciatur alienationem non esse rei sacre, religiose, publicæ. Ratio autem non eadem est, quæ in stipulatione: nimirum quia dari res non potest. non enim ad rem dandam uenditor obligatur. l. si ita. 25. D. eod. sed quia æquitas & bona fides quæ in hisce contractibus dominantur, ab istis emptionibus abhorrent. Quid autem, si quis liberum hominem, cum seruus erit, uendat? Sed omnis causa talis emptio detestabilis iudicatur. Atque hoc est quod ait Paulus d. l. si emptione: nefas esse tales casus expectare.

HABEBIT ACTIONEM EX EMPTO.) Sequitur II. Qui rem commercio exemptam imprudens & à uenditore inductus emit, uenditorem quanti sua interest obligatum habet. l. 4. 5. 6. & l. qui officij. 62. D. eod. ubi Modestianus ait, cum qui nesciens loca sacra uel religiosa, uel publica pro priuatis comparauit, licet emptio non teneat, ex empto tamen aduersus uenditorem experietur: ut consequatur quod interfuit eius, ne deciperetur. Huiusce autem rei causam esse arbitror, non obligationis ueritatem, hoc est ius summum: sed bonam fidem, quæ, ut diximus, in hoc contractu dominatur, ut in hac controversia iuris cum æquitate contentio appareat: quoniam nihil tam contrarium æquitati & bonæ fidei est, quam alterum in fraudem inducere, atque ex alterius inscitia prædari. Ratio quoque altera existimari potest: nimirum quoniam in emptionibus rerum non earum corpus, sed utilitas spectatur. non enim ad corpus earum dandum, sed ad utilitatem quæ nobis abest præstandam, uenditor obligatur. l. 1. D. de act. empt. & l. si ita. 25. D. de cont. empt. ubi Vlp. ait, cum qui uendit, non necesse habere fundum emptoris facere. Quocirca si quis ita disputet, Cum rei natura propter scientiam aut ignorantiam emptoris non mutetur, quomodo potest ignoranti esse uendibilis, scienti autem non esse? Sed respondetur, non tam rem ipsam, quam ipsius utilitatem uendi, quod uel ex eo intelligitur, quia rei alienæ uenditio ualet, quæ tamen præstari non possit. l. rem alienam. 28. cod. rei uero suæ emptio neque scienti, neque ignoranti prodest. l. suæ rei. 16. cod. nimirum quia rei meæ utilitatem emere non possum, cum iam mea sit. Rei uero meæ, inquit Paulus, emptio tunc ualet, cum ab initio agitur ut possessionem emam, quam forte uenditor habuit. l. si in emptione. 34. D. eod.

## DE LOCATIONE ET CONDVCTIONE.

### TITVLVS XII.

*Locatio & conductio mercede constituta statim contrahitur. At si extraneo permittitur, illo demum statuente negotium ualebit: si autem contrahentes ipsi eius definitionem aliud in tempus differant, præscriptis uerbis agetur.*

*l. 25. D. eodem.*

C

I. Locatio & conductio proxima est emptioni & uenditioni, iisdemque iuris regulis consistunt. Nam ut emptio & uenditio ita contrahitur, si de pretio conuenerit: sic etiam locatio & conductio ita contrahi intelligitur, si merces constituta sit. & competit locatori quidem locati actio: conductori uero, conducti. Et quæ supra diximus, si alieno arbitrio pretium promissum fuerit, eadem & de locatione & conductione dicta esse intelligimus, si alieno arbitrio merces permessa fuerit. Quæ de causa si fulloni polienda curandæue, aut sarcinatori sarcienda uestimenta quis dederit, nulla statim mercede constituta, sed postea tantum daturus, quantum inter eos conuenerit: non propriè locatio & conductio contrahi intelligitur, sed eo nomine & actio præscriptis uerbis datur.

LOCATIO ET CONDVCTIO PROXIMA EST.) Locatio & conductio est contractus bonæ fidei, de re aliqua certa mercede uel faciendâ, uel ad tempus utendâ, inter quos iure civili licet, factus.

IISDEMQUE IURIS REGULIS CONSISTVNT.) Enunciatio I. Locatio & conductio iisdem iuris regulis finibusque continentur. l. 2. D. eod. nam ut uenditor & emptor rei commercium habere debent, sic locator & conductor: ut res certa, certumque pretium, sic res opusue certum, item certa merces hic exquiritur: quemadmodum consensus utriusque in emendo, sic in conducendo certam utriusque uoluntatem interuenire oportet. denique ut illic, ita etiam hic ex bona fide omnia exquiruntur.

SI MERCES CONSTITVTA SIT.) Sequitur II. Ut primum de mercede conuenit, locatio & conductio contracta intelligitur, actioque utriusque nascitur. l. 1. D. eod. ubi Paulus ait, locationem & conductionem, cum naturalis sit, & omnium gentium, non uerbis, sed consensu contrahi. Cuius loci interpretationem initio superioris capitis exposuimus. Imp.

autem



autem in l. contractus. 24. C. eod. statuit, scripturam in hoc contractu necessariam non esse. Eodem uero illud pertinet quod A scribit Paulus in l. qui operas. 38. D. eod. Qui operas suos locauit, totius temporis mercedem accipere debet, si per eum non stetit, quo minus operis praeestet. Aduocati quoque, si per eos non steterit, quo minus causas agant, honoraria reddere non debent. Eodem praeterea illud spectat, quod Vlp. ait, in l. item quaritur. 13. in fin. & l. seq. D. eod. Taciturnitate utriusque partis colonum in annum inceptum reconduxisse uideri: inquilinum autem, prout habitauerit, quod etiam Imp. confirmat in l. legem. 16. C. eod. Atque hoc quidem non natura, sed iure contractus: hoc est, non propria & insita ui contractus ipsius, sed ex eo iure quod ei leges attribuunt, nascitur. Hoc enim non summo iure, sed ex aequitate constituitur. Consensum enim cum nominamus, certam & minime dubiam uoluntatem intelligimus, itaque, si decem tibi locum fundum, tu autem existimes quinque te conducere, nihil agitur, sed & si ego minoris me locare sensero, tu pluris te conducere, utique non pluris erit conductio, quam quanti ego putavi, uti scribit Pomp. in l. si decem. 52. D. eod.

ALIENO ARBITRIO MERCES PERMISSA.) Sequitur III. Mercede in alterius arbitrium collata, si is eam definiat, ratus est contractus: si minus, nullus. l. si merces. 25. D. eod. ubi Caius scribit, mercede in personae indefinitae arbitrium collata, non ualere conductionem: in definita, ita demum ualere, si mercedem definiat. Quod ipsum superiore capite, §. 2. dictum est: ubi docuimus causam hanc esse, quia uerum pretium cuiusque rei, ueraque merces cuiusque operis illa est, quam uiri boni arbitrati statui oportet, qui uero certa personae arbitrio eam permittit, de boni uiri arbitrio sensisse iudicatur.

QUANTVM INTER EOS CONVENERIT.) Sequitur IIII. Mercede non aliter constituta, quam uti postmodum conuenierit, non locati, sed praescriptis uerbis actio conceditur. l. si tibi polienda. 22. D. de praescript. uerb. ubi Caius scribit, si tibi polienda sarcinendaue uestimenta dederim, siquidem gratis hanc operam te suscipiente, mandati est obligatio: si uero mercede data, aut constituta, locationis conductionisque negotium geritur, quod si neque gratis hanc operam susceperis, neque protinus aut data aut constituta sit merces, sed eo animo negotium gestum fuerit, ut postea tantum mercedis nomine daretur, quantum inter nos statutum sit, placet quasi de nouo negotio in factum dandum esse iudicium, id est praescriptis uerbis. B Quod ut intelligamus, illud scire oportet, olim Iuriconsultorum opera certis communium litium & causarum actiones ac formulas constitutas fuisse easque Praetores in suis edictis proponere consueuisse, ueluti, empti, locati, pro socio, quod si qua forte nasceretur inusitata controuersia, tum litigatores uel suo Marte, uel Iuriconsulti alicuius opera suae actionis formulam certis uerbis, secundum pactum inter ipsos conuentum, concipiebant: in eaque uerba & sponsonem faciebant, & iudicium a Praetore postulabant. Praetor in ea ipsa uerba iudices recuperatoresue dabat: SI PARET Mauium fulloni polienda sua uestimenta ea mercede, de qua inter ipsos postea conueniret, dedisse, neque Mauius fulloni a quo effectum opus accepit, satisfaciatur, tum Mauius damnetur. Haec actio ideo praescriptis uerbis appellatur, quia Praetor hanc formulam non ex edicto suo sumebat: sed litigatores uerba ei praescriberant, secundum quae iudicium dari postulabant. Eadem actiones, etiam in factum appellantur, quia ex facto ipso, & pro ratione nouae conuentionis uerba concipiebantur: denique factum ipsum exponebatur. Datur ergo ex hac conuentione non locati conductique formula, quia non propria locatio est: sed tamen quia parum admodum a locatione differt, ius omne quod locationis proprium est, in ea obseruatur: formula tantum ipsius actionis mutatur, aut potius noua concipitur. Differt autem haec conuentio a contractu locationis eo tantum, quod in hoc merces ipso contractus tempore definitur: in illa, ipsius definitio in futurum tempus rejicitur.

Cum utrinque res utenda fruendaue sine aliqua mercede datur, non locatio & conductio est, sed contractus innominatus, ex quo praescriptis uerbis agitur. l. x. vii. D. de praescript. uerb.

II. Praeterea sicut uulgo querebatur, an permutatis rebus emptio & uenditio contraheretur: ita quaeri solebat de locatione & conductione, si forte rem aliquam tibi utendam siue fruendam quis dederit, & inuicem a te aliam utendam siue fruendam acceperit. Et placuit, non esse locatio- C nem & conductionem, sed proprium genus esse contractus, ueluti, si cum unum boue quis haberet, & uicinus eius unum, placuerit inter eos, ut per denos dies inuicem boues commodarent, ut opus facerent, & apud alterum bos perierit: neque locati, uel conducti, neque commodati competit actio: quia non fuit commodatum gratuitum, uerum praescriptis uerbis agendum est.

ITA QVAERI SOLEBAT.) Enunciatio I. Olim dubitatum est, an locatio & conductio sine pecunia numerata, tantum ex officio mutuo consisteret. l. si conuenierit. 23. D. com. diuid. ubi Vlp. sic ait: Quae enim locatio est, cum merces non intercesserit? Etenim si originem spectemus quam in emptione ueteres urgebant, constat ante signandi aris institutum: locatio non fuisse. Et omnino sic se res habet, ut conuentio haec ad regulam locationis & conductionis dirigenda sit, & ad bonum & aequum exigenda. Tantum igitur illud ambigi potuit, an huic causae locati & conducti formula conuenire posset: cum illa ob eas conuentiones instituta esset, quibus nominatim merces pecuniaria & numaria constituta fuerat. Hinc Vlpianus: Si quis, inquit, conduxerit numo uno, conductio nulla est: quia & hoc donationis instar inducit. l. si quis. 46. D. eod.

PROPRIVM GENVS ESSE CONTRACTVS.) Sequitur II. Cum ultro citroque res utenda fruendaue traditur, non locati & conducti formula, sed praescriptis uerbis agitur. l. si gratuitam. 17. §. si cum. D. de praescript. uerb. unde sumptus hic locus est. Idemque traditur ab Vlp. in l. i. §. si quis seruum. D. de pos. ubi ait: Si quis seruum custodiendum pistrinario dederit, & conuenierit ut eius serui operae pro custodia pensarentur, quasi genus locati & conducti interuenire: sed quia pecunia non datur, praescriptis uerbis datur actio. Causae constitutio: Cum bos meus apud uicinum leuissima ipsius culpa esset mortuus, actionem in illum institui, quanti res esset postulavi. Cum ille recusaret, causam hanc afferebat, quia leuissima culpa in locatione praestaretur: hic autem locatio non esset, quippe non pecuniaria mercede constituta. Ego firmamento contra hoc utebar. At pars huius contractus & locationis ratio est. Disceptatio ex iuris scripti & non scripti contentione nascitur: An cum hic contractus proprie non sit locatio, tamen quoniam ei par maxime, & prope geminus est, ideo eadem in hoc quae in illo praestationes debeatur. Et respondetur, deberi. Valeat enim aequitas, ait Cicero, quae in pari causa paria iura desiderat.

PRAE



**A** **PRAESCRIPTIS VERBIS AGENDVM.)** Hoc modo: SI PARERET Titium ita cum Sextio conuenisse, ut alternis temporibus alter alterius boue uteretur, bosq; Titij culpa Sextij cum apud ipsum esset, interierit, neq; eo nomine Titio Sextius satisfecerit, tum Sextius ex aequo & bono damnetur.

**NON FVIT COMMODATVM GRATVITVM.)** Sequitur III. Commodatum esse nisi gratuitum non potest. l. in commodato. 17. §. 3. D. commod. ubi Paulus officium & beneficium hoc appellat. Item l. si ut certo. 5. §. nunc uidendum. D. eod. & §. 3. suprà, De oblig. quæ re contrah.

*Cum ea lege prædium utendum datur, ut quandiu merces solvatur, ad dominum non redeat:*

*Zenonis instituto proprius contractus instituitur, qui Emphyteusis dicitur: ex quo, nisi aliud cautum sit, rei totius interitus ad dominum pertinet, partis uero ad colonum. l. j. C. de iur. emphyteut.*

**III. Ad eò autem familiaritatem aliquam inter se uidentur habere emptio & uenditio, item locatio & conductio: ut in quibusdam causis quæri soleat, utrum emptio & uenditio contrahatur, an locatio & conductio. ut ecce de prædijs, quæ perpetuo quibusdam fruenda traduntur: id est, ut quandiu pensio siue redditus pro his domino præstetur, neque ipsi conductori, neq; hæredi eius, cuius conductor hæresue eius id prædium uendiderit, aut donauerit, aut dotis nomine dederit, alio uel quocumq; modo alienauerit, auferre liceat. Sed \* talis contractus, quia inter ueteres dubitabatur, & à quibusdam locatio, à quibusdam uenditio existimabatur: lex Zenoniana lata est, quæ emphyteusis contractus propriam statuit naturam, neq; ad locationem, neq; ad uenditionem inclinantem, sed suis pactionibus fulciendam: & si quidem aliquid pactum fuerit, hoc ita obtinere, ac si natura talis esset contractus. sin autem nihil de periculo rei fuerit pactum: tunc si quidem totius rei interitus accesserit, ad dominum super hoc redundare periculum: sin autem particularis, ad emphyteuticarium huiusmodi damnum uenire. quo iure utimur.**

\* tali contractui

**ALIQUAM FAMILIARITATEM.)** Enunciatio I. Locatio usq; eò gemina & similis est uenditionis, ut inter se interdum interuolui uix possint. l. 2. D. eod. Itaq; non modò plerumq; conductiones olim redemptiones dicebantur, uerum etiam res ipsæ conductæ in bonis conductorum esse, bonaq; ipsorum conductorum dicebantur: quemadmodum in Verrinæ 3. Commentarijs demonstrauimus. Hinc Caius l. 19. & 20. D. de act. empt. Veteres, inquit, in emptione uenditioneq; appellationibus promiscue utebantur: idem est & in locatione & conductione. Quæ uerba ad tit. De publicanis pertinent, ut legis inscriptio demonstrat. Itaq; intelligenda sunt, quasi dixisset, ueteres in publicorum ac uectigalium traditionibus, quam nos locationem & conductionem uocamus, sæpe uenditionem & redemptionem appellasse. Hinc illud Verrinæ 3. Vbi consuetudo Censorum in bonis (prædijs, prædijsq;) uendendis id est, elocandis. Hinc Publicani, redemptores uulgo dicebantur. Eius tamen rei ratio in consuetudine populi Rom. posita est. moris enim fuit, ut Censores hasta posita in foro, ex rostris, publicorum & uectigalium conductiones auctione eis qui pluris licerentur, traderent. itaq; qui conducebant, Mancipes dicebantur. quod institutum etiam in operibus publicis, interdum etiam in priuatis seruabatur: ut qui minoris opus faciendum liceretur atq; suscipere, ei addiceretur: quod ex eadem oratione Verrinæ 2. & Rabonio licet intelligi.

**LEX ZENONIANA LATA EST.)** Sequitur II. Dare fruendum agrum ea lege, ut quandiu merces solvatur, nunquam ad dominum reuertatur, nec locatio, nec uenditio est: sed Zenonis lege, Emphyteusis appellatur. l. 1. C. de iure emphyt. ubi Zeno ait: Ius emphyteuticarium neq; conductionis neq; alienationis esse titulis adijciendum: sed hoc ius tertium esse, ab utriusq; memoratorum contractuum societate separatam, conceptionemq; ac definitionem habere propriam. Huius autem originem contractus uocabulum ipsum demonstrat. nam ἐμψυτὸν conferere est: ut facile appareat, tum illum usuruari ceptum, cum agri deserti atq; inculti, non facile colonum reperiebant, qui cum impendium magnum in illorum cultura & confectione, atq; ut nunc loquimur, melioratione fecissent, ab ijs discedere cogerentur. Institutum igitur, ut nò ad tempus, sed in perpetuum, uel certe ad tempus longissimum, illi agri locarentur, ea lege, ut quandiu merces solueretur, tandiu, uel certe usq; ad longissimum illud tempus retinerentur. Ex quo facile intellectu est, quid ab emptione, quid item à conductione contractus hic differat. nam cum omnium sex sint partes, in duabus quidem personarum, & rei tradendæ ratione, nihil à superioribus differt. In mercede autem locationi quidem similis est: emptioni uero dissimilis, in qua non pluribus & incertis summis, sed una & certa pretium persoluitur. In consensu autem à locatione hoc differt, quòd illic res ad tempus, hic uero in perpetuum traditur: à uenditione uero, quòd per eam res semel tradita purè alienatur: hic uero sub conditione, si merces perpetuo solvatur. In iure rursus ab utroq; ita discrepat, quòd in locatione, rei periculum ad solum locatorem pertinet: in uenditione, ad solum emptorem: hic uero permixtè ad utrumq; pertinet. nam si res tota intereat, periculum ad dominum spectat: sin ex parte tantum, ad colonum. Ridiculum est autem existimare, genus hoc contractus primum à Zenone excogitatum fuisse. nam populi Romani institutum est iam inde, ex quo Italiam subegit. quod Plutarchus in Gracchorum uita his testatur uerbis: ῥωμαῖοι τὴν ἐμψυτῶν χάρις, ὅτε ἐπετίμοντο πολέμῳ, τὴν μὲν ἐπίπρασιν, τὴν δὲ ποιήσασιν ἀμύσσειν, ἐδίδοσαν νέμεσθαι τοῖς ἀντιπάλαι καὶ ἀπορίαι τὴν πολιτείαν, ἀποφορὰν οὐ πολλὰν εἰς τὸ ἀμύσειον τελεσιμ. Id est, Romani finitimorum agrum bello captum partim uendebant, partim publicabant, eumq; tenuibus ciuibz fruendum dabant: qui tributum non magnum in aerarium referrent. Appianus etiam hac de re libro De bellis ciuilibz primo, his uerbis: ῥωμαῖοι τὴν ἰταλίαν πολέμῳ πατὶ μόρῃ χειρῶν, γὰρ μὲν ἐλάμβανον, καὶ πόλεις ἐνόησαν, καὶ εἰς τὰς πρόπορς ὥσας ἔλθον, ῥέχον ἀπὸ σφῶν λιπέλεγον, καὶ τὰς μὲν αὐτὴν φρεσίαν ἐπὶ γῆν, τὴν δὲ γῆν τὴν ἀπορῆν ἐπὶ σφίσι ἐνάστοι γιγνομένης, τὴν μὲν βεργασίαν αὐτῶν τοῖς οἰκιστάσι ἐπιδίδον, καὶ ἐπίπρασιν, καὶ δέμας, τὴν δὲ ἀργὸν ἐν τῷ πολέμῳ



τῷ τε ὄρει, ἢ ἀπὸ καὶ μάστιγα ἐπὶ τὸν ὄρει, ἐν ἀγαθόντες πωροχολὸν διαλαχῆν ἐπὶ τὸν ὄρει. ἐν τῷ δὲ τῷ ἐπὶ τῷ ὄρει. Id est, Romani cum Italiam sensim subigerent, agri partem occupabant; & uel urbes quod colonis deducerent, ibi condebant; uel in iam conditas, colonos ex plebe sortito ductos educebant; quod quidem institutum illorum eo pertinebat, ut his tanquam propugnaculis ac praesidijs uterentur. Agros autem bello partos, sibi; in perpetuum reſeruat, eos quidem qui culti erant, colonis continuo diuidebant, uendebant, elocabant; eos uero qui propter bellum inculti ac deserti erant, quorum magna erat copia, quia nondum illis uocabat in sorte mittere, auctionabantur, eis; addicebant, qui colere uellent; uectigali imposito, minutarum quidem frugum decuma, reliquorum fructuum quinta. Hec Appianus. quod etiam illud Siculi Flacci pertinet: Vt uero Romani omnium gentium potiti sunt, agros ex hoste captos in uictoris populum partiti sunt; alios uero agros uendiderunt. Itē: Postquam ergo maiores regiones ex hoste captae uacare ceperunt, alios agros diuiserunt, assignauerunt; acti (legendum puto ALII) ita remanserunt, ut tamen praetoria essent; id est, quorum uectigal ad aerarium pertinet. Et paulo post id exponit, unde Feudorum originem intelligere possumus: Horum ergo agrorum nullum aes, nulla forma, quae PUBLICAE FIDEI possessoribus testimonium reddat. Hygenus etiam nonnulla quae ad hunc locum pertinent, his scribit uerbis: Vectigales agri sunt obligati, quidam Reipubl. populi Rom. quidam coloniarii aut municipiorum, aut ciuitatum aliquarum, qui & ipsi plerique ad populum Rom. pertinentes, ex hoste capti, partiti; ac diuisi sunt per centurias, ut assignarentur militibus quorum uirtute capti erant, amplius quam destinatio moliquam uero militum exigebat numerus, qui superfuerant agri uectigalibus subiecti sunt, alij per annos, alij uero mancipibus ementibus, id est, conducentibus in annos centenos. Et quoniam huiusque prouecti sumus, placet etiam inſigne quoddam aliud contractus genus ad hunc locum magnopere pertinens adſcribere, quod in libro Liiij. 41. reperio his uerbis: Cum Consules in prouincias proficisci uellent, priuati frequentes, quibus ex pecunia quam M. Valerius & M. Claudius Coſ. mutuum dederat, tertia pensio debebatur, eo anno adierunt senatus; quia Consules cum ad nouum bellum, quod magna classe magnisque exercitiis gerendum esset, uix aerarium sufficeret, negauerant esse unde ijs in praesentia solueretur. Senatus querentes eos non sustinuit; si in Punicum bellum pecunia data, in Macedonicum quoque bellum uti Respub. uellet, alijs ex alijs orientibus bellis, quid aliud quam publicam pro beneficio tanquam ob noxam suam pecuniam fore? Cum & priuati aequum postularent, nec tamen soluendo aere alieno Respublica esset; quod medium inter aequum & utile erat, decreuerunt, ut quoniam magna pars eorum agros uulgo uenales esse diceret, & sibi met emptis opus esse; agri publici, qui intra quinquagesimum lapidem esset, copia ijs fieret. Consules agrum aestimatos, & in iugera asses uectigales, testandi causa publicum agrum esse, imposituros: ut si quis cum soluere posset populus, pecuniam habere quam agrum mallet, restitueret agrum populo. Latī eam conditione priuati acceperunt. Tricenus tributis is ager, quia pro tertia parte pecuniae datus erat, appellatus.

DE PRAEDIIS, QVAE PERPETVŌ.) Hinc Emphyteutae ius, ius perpetuum appellatur in l. 1. 2. & 3. C. de locat. praed. ciuil. & l. 1. C. de off. comit. sac. palat. Et Emphyteusis, perpetua conductio dicitur. à Gordiano Imp. l. uiam. 10. C. locat. Potest tamen esse & temporarium, ut paulo ante dicebamus. idque Vlp. confirmat in l. ult. D. si ag. uectigal. dum tamen modicum non sit. nam decem aut uiginti annos praesumere nulla ratio est; cum tam exiguo spatio colonus fructum ex arborum consuetudine non magnum facere possit; nisi forte arborum tantum negotium esset, id est, ut spinis, uepribus, alijsque sublati ager coleretur, sationesque frumentariae fierent. Tempus igitur fere uitae hominis spatium intelligendum putarem, quod centum annis definitur. l. an ususfr. 56. D. de ususfr. Nam cum Emphyteutae ius alienandi, in rem agendi, seruitutem imponendi, opus nouum nunciandi, interdicens uti possidetis concedatur; absurdum esset credere, ei qui sex septemue annorum possessio nem haberet, tantum iuris permitteri.

ALIQUID PACTVM FVERIT.) Sequitur III. Emphyteusi contracta, nisi quid aliud cautum sit, rei totius interitus ad dominum pertinet, partis uero ad colonum. l. 1. C. de iur. Emphyt. item l. 2. ubi Iustin. statuit, ut quaecumque leges pactae in contrahendo scriptae, comprehensae fuerint, ea ualeant; quod si nihil aliud cautum sit, tum si Emphyteuta triennium integrum pendere mercedem cessarit, adimi ei ius suum possit. Item l. 3. ubi idem statuit, ut si nulla contraria lex pacta sit, Emphyteuta ius suum alienare non possit, nisi prius illud domino obtulerit eodem pretio, quod alius offerat.

*Cum artifex constituto pretio quid efficit, si quidem ex sua materia, uenditio: sin ex eius qui insit, conductio contracta intelligitur. l. ij. eod.*

*l. xx. & lxv. De contrah. empt.*

III. Item quaeritur, si cum aurifice Titius conuenerit, ut is ex auro suo certi ponderis certaeque formae annulos ei faceret, & acciperet (uerbi gratia) decem aureos: utrum emptio & uenditio, an locatio & conductio contrahi uideatur? Cassius ait, materiae quidem emptionem & uenditionem contrahi, operae autem locationem & conductionem. Sed placuit, tantum emptionem & uenditionem contrahi. Quod si suum aurum Titius dederit, mercede pro opera constituta: dubium non est, quin locatio & conductio sit.

CASSIUS AIT MATERIAE QUIDEM.) Enunciatio I. Cum artifex constituto pretio ex sua materia rem efficit, Cassij sententia materiae quidem emptio, operis uero conductio contrahitur. Nam cum operarum emptio dici non possit, locatio ea ex parte dicatur necesse est. Rursus cum materia non locetur, sed in perpetuum ab alienetur, uenditio ab ea parte uocanda uidetur. Causae constitutio: Cum mihi tecum conuenisset, ut ex marmore tuo mihi statuam efficeret, eaque effecta, sed nondum tradita fuisset, furto sublata est. Pretium à me constitutum postulas: quoniam, ut superius dictum est, rei uenditiae periculum ad emptorem, etiam ante traditionem spectat. Ego recusabam, atque hac utebar ratione, quia emptio est non facti & operarum, sed rei certa comparatio. Ego uero factum & operas tuas conduxī. F. At tu non tantum operis conduxisti, sed etiam materiam à me comparasti: res autem ex potiore sui parte aestimanda est. cum igitur abs te nihil, à me omnia profecta sint, meae partis ratio potissimum habenda est. Disceptatio ex contrarie scriptis, An cum hic contractus & emptionis & conductionis



**A** conductionis sit particeps, quia tamen potiore ex parte res aestimanda sunt, emptio tantum appellari debeat.

**TANTVM EMPTIONEM CONTRAHI.)** Sequitur II. Repudiata Casij sententia, cum ex sua materia rem artifex efficit, emptio tantum & uenditio contracta iudicatur. l. 2. D. eod. ubi Caius scribit, unum esse negotium, idemque Sabinum sensisse Pomponius scribit in l. Sabinus. 20. D. de cont. empt. ubi ait, eum respondisse, si qua rem nobis fieri uelimus, ueluti statuam, uel uas aliquod, seu uestem, ut nihil aliud quam pecuniam daremus, emptionem uideri: nec ullam locationem esse, ubi corpus ipsum non detur ab eo cui id fieret. quod idem praeterea confirmat in l. scribit. 34. D. de aur. & arg. Et in eandem sententiam Iuolenus scribit in l. conuenit. 65. D. eod. si conuenit mihi tecum, ut certum numerum tegularum mihi dares certo pretio: si quidem ex tuo fundo, emptionem esse: toties enim emptionem esse, quoties materia in qua aliquid praestatur, & immutatur, & alienatur. Verum aduersari Paulus uidetur in l. item si. 22. D. locat. ubi ait: Cum insulam aedificandam loco, ut sua impensa conductor omnia faciat, proprietatem quidem eorum ad me transfert, & tamen locatio est. locat enim artifex operam suam, id est, faciendi necessitatem. Huic autem obiectioni responderi facile est ex d. l. Sabinus. ubi ait: hanc causam illius esse propterea dissimilem, quia substantia hoc casu a me profisciscitur: quippe, cum area aedium pars sit potissima. l. qui res. 98. §. aream. D. de solut.

**QVIN LOCATIO ET CONDUCTIO SIT.)** Sequitur III. Cum artifex aliena ex materia constituta mercede rem efficit, locatio tantum & conductio contracta iudicatur. l. 2. D. eod. & l. conuenit. 65. D. de cont. empt. ubi Iuolenus scribit, toties conductionem rei alterius esse, quoties materia in qua aliquid praestatur, in eodem statu eiusdem manet. Causae constitutio: L. Pisoni cum in Hispania Praetor esset, nescio quo pacto dum armis exercetur, annulus aureus quem habebat, fractus est & comminutus. Cum uellet sibi annulum facere, aurificem iussit uocari in foro, ad sellam, proximè tribunal, & ei palam appendit aurum. hominem in foro iubet sellam ponere, & facere annulum omnibus praesentibus. Cum factus esset annulus, & is cuiusdam alteri placuisset, eum illi quam optime uendidit. Locator uindicat. Intentio: Meus est hic annulus. Depulsio aurificis, qui pro emptore propugnauit: Imò meus. Q. Vtrius sit. R. Quia species quaeque illius est, qui eam effecit. l. item Pomponius. 5. D. de rei uindic. Ego tibi alterum ex altero auro efficere sum paratus. at hic meus est. aliud est enim aurum, aliud annulus: ut multis uerbis docuimus in §. cum ex aliena. De rer. diuis. F. At ego tuas operas ut in mea re operareris, conduxisti, meoque iussu ac mandatu in ea elaborasti. Disceptatio ex contrariè scriptis: An, cum effectoris species quaeque sit, ea tamen quae ab eo facta est, qui operis suas locauit, ut in materia sibi tradita operetur, non sit. Et respondetur, non esse. Quae cum ita sint, queri potest, utrum redemptionis annonae praestandae qua ueteres utebantur, emptio an conductio dicenda sit. Evident quod ad publicanos attinet, conductionem iccirco esse puto, quia ex fundo populi Rom. uectigalia colligebant, operasque in eo dabant. At si qui precio accepto receperunt, se certum frumenti numerum praestatueros, quoniam & rem & operas praestant, emptio ac uenditio uidetur. Locus tamen quem ex Verrina 4. subiiciam, aduersari uidetur: At uero praclarum diem reposuisti, Verrea ut agerent, & ut ad eum diem quae sacris epulisque opus essent in complures annos locarentur. Sed respondebitur, ueteres promiscue contractum hunc, tum emptionem tum locationem appellasse. Verum ad l. si hi qui. 14. C. locat. quid respondimus? Si hi qui a uobis redemerant frumentum & hordecum annonae inferendum, accepta pecunia fidem fefellerant: ex locato agere cum eis potestis. Cuius sine loci repugnantia eiusmodi est, ut qua illam ratione dissimulemus, non dissimiamus: nisi forte hoc dicamus, non ex contractus natura, sed ad antiquorum consuetudinem ac similitudinem id rescriptum fuisse.

In hoc contractu quae praetermissa sunt, ex aequo & bono suppleuntur, & leuissima culpa praestatur. conductore autem ante tempus defuncto, haeres in ius ipsius succedit. l. xxv. D. eodem. l. ij. l. x. vij. C. eodem.

**C** V. Conductor omnia secundum legem conductionis facere debet: & si quid in lege praetermissum fuerit, id ex bono & aequo praestare. Qui pro usu aut uestimentorum, aut argenti, aut iumentorum, mercedem aut dedit, aut promissit: ab eo custodia talis desideratur, qualem diligentissimus paterfamilias suis rebus adhibet. quam si praestiterit, & aliquo casu fortuito eam rem amiserit, de restituenda ea non tenebitur. Mortuo conductore intra tempora conductionis, haeres eius eodem iure in conductione succedit.

**SECVNDVM LEGEM CONDUCTIONIS.)** Enunciatio I. Quae leges nominatim in hoc contractu pactae sunt, ea potissimum obseruantur. l. si merces. 25. §. conductor. D. eod. ubi Caius scribit, conductorem omnia secundum legem conductionis facere debere: cum enim sit bonae fidei iudicium, nihil magis bonae fidei congruit, quam id praestari, quod inter contrahentes actum est: ut ait Vlp. in l. ex empto. 11. D. de act. empt. eodemque pertinet l. circa. 19. C. locat. Itaque cum fundus ita locatus esset, ut etiam si quid ui maiore accidisset, praestaretur, Iulianus pacto standum esse respondit. l. si quis. 9. §. iudicamus. D. locat. Praeterea, cum in locatione conuenisset, ut inquilinus ignem ne haberet, si habuerit, tenebitur, etiam si fortuitus casus admisit incendium: quia non debuit ignem habere. aliud est enim ignem innocentem habere: permittit enim habere, sed innoxium ignem. Idemque fere traditur in l. uideamus. 11. §. ult. D. eod.

**LEGEM CONDUCTIONIS.)** Lex pro contractus forma, id est actionibus & conditionibus, quae contrae-

tui formam dant: ut in Comment. uerb. iur. docuimus.

**EX BONO ET AEQVO PRAESTARE.)** Sequitur II. Quod in hoc contractu praetermissum est, id ex aequo & bono suppleri debet. l. 2. & l. praes. 17. C. eod. ubi Impp. scribunt conductorem qui moram in mercede soluenda interposuit, usuras etiam de quibus mentio nulla unquam facta est, debere. Item in l. si in lege. 24. D. eod. ubi Paulus ait, si in lege locationis comprehensum sit, ut arbitratu domini opus approbetur, perinde habetur, ac si iuri boni arbitrium comprehensum fuisset: idemque seruatur, si alterius cuiuslibet arbitrium comprehensum sit. nam fides bona exigit, ut arbitrium tale praestetur, quale uiro bono conuenit. Haec ille. Praetor igitur non in uerba conuentionis, ut in stipulationibus, iudicium dabit: sed potestatem



*iudici permittit, ex æquo & bono djudicandi, æstimandiq; quid alterum alteri dare facere ex hoc contractu oporteat. Itaq; A  
ætor non certam summam iudicio petere, sed hac formula uti debet: Quicquid te mihi ex bona fide dare facere oportet. Ob  
eamq; causam plerq; in hisce iudicijs controuersie ex iuris & æquitatis contentione nascuntur. ueluti, cum agros flumen uia  
cinum inundaasset, summamq; uastitatem effecisset, petebat colonus ut sibi merces eius anni remitteretur. Intentio: Mercedem  
(quam tibi fortè representau) debes restituere. D. Non debeo. Q. An debeat. R. Quia legi contractus standum est. F. At  
æquum non est, ut ego & fructuum omnium, & præterea mercedis iacturam faciam. Disceptatio ex iuris æquitasq; cõten  
tione nascitur: An cum legibus in contrahendo pactis stari debeat, tamen propter æquitatis rationem remitti aliquid opor  
teat. Vlpianus in l. ex conducto. 15. §. 1. respondet, calamitatem uis maioris inter colonum & dominum ita partiendam esse, ut  
ille impendij, hic mercedis iacturam ferret. non autem frugum tenuitatem, sed ingentem uastitatem & calamitatem, mercedis  
remissionem mereri.*

CVSTODIA TALIS DESIDERATVR.) Sequitur III. Conductor leuissimam culpam præstat, casum  
uero non præstat. l. si merces. 25. §. pen. D. eod. ubi Caius scribit, culpam abesse si omnia facta sint, quæ diligentissimus quisque  
obseruaturus fuisset. Quibus uerbis significare uidetur, culpam leuissimam hoc iudicio præstari. cum tamen ex l. contractus.  
D. de reg. iur. 29. l. 3. §. 1. D. naut. caup. constet, in locato leuem tantum culpam redargui. Distinguendum igitur, utrum rei loca-  
tio facta sit, an operis. nam illo casu leuem tantum, hoc uero etiam leuissimam præstari. ut in d. l. si merces, ubi de columna  
deportanda commemorat. Item in l. item: queritur. 13. §. si gemma, eod. alijsq; innumeris: ubi tradiur, in operis faciendi loca-  
tione imperitiam culpa ascribi.

HAERES EIVS EODEM IVRE.) Sequitur IIII. Conductore ante praestitutum tempus defuncto, haeres eius eodem iure succedit. l. uiam. 10. C. cod. ubi Gordianus ait, siue perpetua conductio sit, eam ad haeredes transmitti: siue temporalis, intra tempora locationis haeredi quoque onus contractus incumbere. Itaque Vlpianus in l. sed addes. 19. §. pen. D. eod. ex conducto actionem, inquit, etiam ad haeredes transire certum est. Quod idem in locatoris haerede dicendum est: quoniam haeredes personam defunctorum sustinent nec quisquam est (ait Cicero) qui ad vicem defuncti propius accedat, quam haeres. Causa constitutio: Qui fundum in plures annos colendum locarat, decessit: & cum fundum legauit. Legatarius cogi uolebat colonum, ut cum fundum coleret. Intentio est: Debes fundum usque ad praestitutum tempus colere. D. Non debeo. Q. An debeat. R. Quia non tibi, sed haeredi sum obligatus, quoniam autem haeredis non interest, constat obligationem interire: cum obligationes ex eo quod interest pendant. Legatarii autem non in ius, sed in rem defuncti succedunt. F. At legatarius una cum re, ius etiam ipsius rei adipiscitur. Disceptatio ex scripto & sententia nascitur. An cum legatario & res & iura eius debeantur, ideo ius locationis quod personale est, eidem debeatur. Et respondetur, nequaquam. non enim rei, sed personae hoc ius atque obligationem deberi. l. qui fundum. 32. D. eod. ubi Iulianus ait, quod si colonus uellet colere, & a legatario prohiberetur, cum haerede actionem habiturum: & hoc detrimentum ad haerem pertinere.

D E S O C I E T A T E.

T I T V L V S      X I I I .

*Societas tum omnium bonorum, tum unius negotiationis recte contra-*  
*bitur: partes autem, si definitæ sunt, ita seruan-*  
*tur: sin minus, æquabiles intelligun-*  
*tur. l. 5. §. 7. D. eod.*

I. Societatem coire solemus aut totorum bonorum, quam Græci specialiter *horreiarum* appellant: aut unius alicuius negotiationis, ueluti mancipiorum uendendorum emendorumq; , aut olei, aut uini, aut frumenti emendi uendendiq; . Et quidem si nihil de partibus lucri & dampni nominatum conuenerit, æquales scilicet partes & in lucro & in damno spectantur. Quòd si expressæ fuerint partes: hæc seruari debent. Nec enim unquam dubium fuit, quin ualeat conuentio, si duo inter se pacti sint, ut ad unum quidem duæ partes & lucri & damni pertineant, ad alium tertia.

AVT TOTORVM BONORVM.) Enunciatio I. Societas tum omnium bonorum, tum etiam partis alicuius rei. Et contrahitur. l. 5. D. eod. ubi Vlp. ait, societates contrahi siue uniuersorum bonorum, siue negotiationis alicuius, siue uectigalis, siue etiam rei unius in uniuersali societate, omnes res quae coeuntium sunt, continuo communione turniturque. & hereditas, & legata, & quod donatum est, aut quaqua ratione acquisitum, communione acquiritur. l. 1. 2. & 3. D. eod. De particulari aut societate, ueluti negotiationis, exemplum est in Oratione pro Quintio, in qua C. Quintius cum Sex. Natio societatem coierat de ijs rebus quae in Gallia compararentur. item in Verrinis, de publicanis, quorum alij decumatum, alij portorium, alij scripturae, siue passuorum uectigalia redemerant. Rei uero certa societatem Fannius & Roscius coierant, nimirum Panurgi serui.

AEQVALES SCILICET PARTES.) Sequitur II. Partibus non definitis, ex aequo contracta societas intelligitur. I. si non fuerint. 29. D. eod. ubi Vlp. ait, si non fuerint partes societati adiectae, aequus eas esse intelligi. sed quæro, utrumne cum utrisq; par impendium est, ut si uterq; centum aureos impendit: an uero etiam cum alter plus altero insumpsit ueluti si alter ducetos, alter centum duntaxat impenderit. Nam primo casu æquitas summa est, ut ubi par impendium est, inde par fructus colligatur. At cum impar expensæ ratio est, impar quoq; accepti ratio uidetur esse oportere. nam ut ait Aristot. lib. Pol. 3. cap. 6. ὅτι ἐστὶ δίκαιον ἵσον μετέχειν τῶν κοινῶν μέρων, τὸν ἑκάστῳ ἕκαστα μέρος μὲν τῶ κοινῷ παρὰ τὸ λοιπὸν παρὰ, ὅτι τὸς ἑκάστῳ, ὅτι τῶν ἑκάστῳ. Non æquum est, inquit, ē centum minis tantundem eum percipere qui minam unam contulit, quantum ille qui reliquum omne impendit: siue sortem, siue accessionem spectemus. Id autem à Triboniano prætermisum esse, nisi tam multa longe grauiora & maiora prætermissa essent, mirari hoc loco possemus. Quæri autem hac eadem ratione poterit: Si quis



**A** Si quis pecuniam quidem non maiorem contulerit, operam uero præter pecuniam impenderit, indefinitis partibus utrumne pares lucri & damni partes, an uero pro impendij proportionem debeatur: cum in impendio et pecunia & opera numeretur? Quod mea sententia potius existimandum est, propter eas causas quas posterius cognoscemus.

QVO'D SI EXPRESSAE FVERINT.) Sequitur III. Quæ partes in contrahenda societate definitæ sunt, quamuis sint inæquales, si tamen & in lucro & in damno æquales sint, seruari debent. l. quid enim. 80. D. eod. ubi Paulus scribit, conueniens esse boni uiri arbitrio, ut non utiq; ex æquis partibus socij simus: ueluti, si alter plus operæ, industriæ, gratiæ, pecuniæ in societatem conferat. Veluti, cum uterq; nostrum mille aureos impenderet, conuenit inter nos, ut siue lucrum siue damnum ex negotiatione contingeret, eius ego bessem auferrem, tu trientem. Hæc pactio ob eam causam ualebit, quoniam æquum est, ad quem maius periculum pertinet, ad eundem etiam maius emolumentum pertinere. Et si æquitas in societate maxime quaeritur, ubi maior æqualitas est, quam ubi par damni & emolumentum ratio est? ueluti, ut si duodecim lucrifacti sint, ego bessem amittam, tu trientem.

*Lex in societate, ut unus duas lucri partes, unam damni ferat: item, ut alter pecuniam, alter operam solum præstet: item, ut unus damni expers sit, ualeat. quæ pars autem de altero tantum definita est, eadem ad alteram quoq; pertinet. l. xxix. xxx. eod.*

**B** II. De illa sanè conuentione quaesitum est, si Titius & Seius inter se pacti sint, ut ad Titium lucri duæ partes pertineant, damni tertia: ad Seium duæ partes damni, lucri tertia: an rata debeat haberi conuentio? Quintus Mutius contra naturam societatis talem pactionem esse existimauit, & ob id non esse ratam habendam. Seruius Sulpitius (cuius sententia præualuit) contra sensit: quia sæpe quorundam ita preciosa est opera in societate, ut eos iustum sit conditione meliore in societatem admitti. Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit: quia sæpe opera alicuius pro pecunia ualeat. Et adeo contra Quinti Mutij sententiam obtinuit, ut illud quoq; constiterit posse conuenire, ut quis lucri partem ferat, de damno non teneatur. quod & ipsum Seruius conuenienter \* sibi existimauit. Quod tamen ita intelligi oportet, ut si in alia re lucrum, in alia damnum illatum sit: compensatione facta, solum quod superest, intelligatur \* lucro esse. Illud expeditum est, si in una causa pars fuerit expressa: ueluti in solo lucro, uel in solo damno: in altera uero omissa: in eo quoque quod prætermisum est, eandem partem seruari.

**C** MUTIVS CONTRA NATURAM.) Enunciatio I. Lex ut lucri duæ partes, damni una tantum ad unum socij pertineat, Mutio non placuit. l. Mutius. 30. D. eod. ubi Paulus ait, Mutium scripsisse, non posse societatem coiri, ut aliam damni, aliam lucri partem socij ferat. ueluti, si inter nos qui par impendium in societatem contulimus conueniat, ut ex asse lucri bessem, tu trientem: contra ex asse damni ego trientem, tu bessem percipias. Nam cum æquitas in societate maxime quaeritur, ubi par impendium est, ibi parem & damni et emolumentum rationem esse oportet. Atq; hæc quidem ita se habent. Quod si quis uerba Mutij quæ Paulus refert, pro generali regula sumeret, magnopere falleretur. non enim usquequaq; uera est, sed sæpe falsa: ut mox probabimus. Itaq; Seruius ne illa generaliter sumeretur, monuit. Quod autem Paulus subiunxit, miram profecto disputationem complectitur. Sic enim Mutij uerba fingit Seruium accepisse, quasi de singulis damnis aut lucris quæ per annum, puta, contigissent, locus esset: cum id nemo, nisi rerum omnium imperitisimus, faceret. ut si in eorum negotiatione, decem i in seruatorum, quindecim i in pecorum quinq; lucri facta essent: in uestibus autem, quatuor: in pellibus, sex perisissent: quis tam nullo ingenio est, ut statuat per singulos tam lucri quam damni articulos bessem & trientem numerandum: ac non potius, ut ab omnibus uel pueris fieri consuevit, uniuscuiusq; subducta initaq; ratione, uidendum quæ reliqui summa fiat: & cum in lucro superesse uideat, uiginti: ea uiginti ad assem reuocata ita partiatur, ut alteri bessem, alteri trientem attribuat. cuius rei exemplum extat apud Iulianum in l. Meuius. 52. §. 2. D. Fam. ercisc. Neq; igitur Mutius ita sensit, neque Seruius ita illum sensisse putauit. Sed cum Mutius generalibus illis quæ Paulus commemorat, uerbis usus esset: (quæ tamen quemadmodum intelligenda sine calumnia sint, Iustinianus ostendit) Seruius monuit non usquequaq; ueram illam regulam esse: nonnunquam enim accidere, ut alia possit pars esse in lucro, alia uero in damno: ut si septuncem lucri, damni semissem, quincuncem paciscatur.

**SER. SULPITIUS CONTRA SENSIT.)** Sequitur II. Impares lucri damniq; partes uni ex socij attribui, Seruio non displicuit. Hoc autem ut intelligamus, duæ regulæ notandæ sunt. I. In societate parem esse debere fructus & impendij rationem: hoc est, ut qui plus minusue contulerit, plus minusue auferat. II. In societate parem esse oportere damni & lucri rationem. ueluti, ut qui bessem lucri percipit, idem bessem damni percipiat: ac uicissim qui trientem lucri percipit, idem lucri trientem tantum percipiat. Hæc cum ita sint, sequitur, eum qui non maius quam alter impendium facit, non maiorem sibi pacisci fructus partem posse: ueluti, cum in sorte centum essent, qui quinquaginta tantum, hoc est, aquam cum altero partem impendit, non potest sibi lucri bessem pacisci, sed semissem tantum. Neq; ad rem pertinet, quod præter pecuniam opera interdum impendatur: tum enim non par impendium est. opera enim æstimata impendium auget. itaq; si quis quinquaginta impendat, & præterea operam cuius æstimatio uiginti efficiat, non par, sed maius impendium, hoc est, septuaginta contulisse iudicabitur. Quoniam igitur fructus impendio per æqua proportionem respondere oportet, hic qui septuaginta impendisse iudicatur, septuncem uel ex pacto, uel sine pacto auferre debet. Rursus qui bessem in sortem impenderit, iure lucri quoq; bessem auferet. Quod cum ita sit, deinceps in eas quaestiones, ad quas uiam hanc præmittimus, ingrediamur. Quæro primum, an qui non maius fecit impendium, maius emolumentum, ueluti bessem lucri, pacisci possit? Et quidem si primam regulam



regulam spectemus, quæ uultu lucrum partem respondere parti impendij; uidebitur non posse: sed si secundam simul spectemus, respondebimus ita demum posse, si modo parem & damni & lucrum partem sibi paciscatur. Tum enim quia damni pars ad eum pertinet, facile patiemur, eatenus lucrum ad aliquem pertinere, quatenus damnum pertinet. Atque hoc est, quod modo Iustinianus dixit, nunquam dubium fuisse, quin ualeret conuentio, si duo inter se pacti sint ut ad unum quidem duæ partes & lucrum & damni pertineant, ad alium tertia. Quid ergo si ex pari impendio lucrum quidem bessem, damni uero trientem tantum sibi pacisceretur? Et constat, utriusque regulæ hoc aduersari. atque idipsum est, meo iudicio, quod Q. Mutium priore loco respondisse paulo ante dicebamus. Hactenus de pari impendio dictum sit. proximum est, ut de impari dispendio disquiramus. Quæro igitur, qui maius fecit impendium, potest ne maiorem sibi lucrum, minorem uero damni partem pacisci? Et hoc meo iudicio alterum est, quod Q. Mutius his uerbis significauit: Si Titius & Seius inter se pacti sunt, ut ad Titium lucrum duæ partes pertineant, damni tertia: ad hunc duæ partes damni, lucrum tertia: contra naturam societatis talem esse pactiōem, nimirum propter regulam secundam, quæ parem detrimenti & commodi rationem esse iubet. Quid igitur reprehendit Sulpitius? Nihil omnino, mea quidem sententia: sed ne Mutij responsum in specie, ad genus infinitamque questionem rapiatur, admonere uoluit, non semper iniquum esse, ut qui maius fecit impendium, idem aliam lucrum, aliam uero damni partem paciscatur. Quid enim si qui septuncem in societatem contulisset, septuncem quidem lucrum, semissem uero damni sibi paciscatur? Si hanc pactiōem improbemus, sequitur hoc, plus illud quod in societatem contulit, quod prodesse sibi oportuit, ipsi magnopere obesse. Etenim si non plus quam alter contulisset, nihilo plus damni quam semissem sensisset. Iniquum est igitur, quod res illi prodesse debuit, ex ea re detrimentum illi comparari. Age, plusculum etiam audeamus. Quæro igitur, quid si quincuncem sibi damni paciscatur tantum, cum septuncem lucrum sibi depactus sit? Ego ualere hanc etiam pactiōem opinor, propter hanc rationem: quia non iniquum est te parem facere iacturam in damno, quam ego faciebam in lucro. Nam si ex duabus uncis supra tuum quincuncem insumptis, unam tantum plus quam ex impendio æquabili percipio: non iniquum est, te qui minus duabus uncis quam ego impendisti, unam plus quam si æquale impendium fuisset, amittere. Etenim si quinquaginta tantum contulisses, sex in lucro habuisses, nunc cum septuaginta contulerim, ac proinde duas partes amplius te impenderim, unam tantum in lucro pro illis duabus partibus obtineo. Non est igitur quod querare, si tu qui ex pari impendio perdidisses sex, unam amplius amittas. Quod eodem modo statuendum arbitror in eo, qui cum bessem contulisset, septuncem sibi lucrum pactus est, damni uero semissem. quippe qui cum alterum duabus partibus in sorte superet, in lucro tamen una tantum parte nunc uincat. Sed melius est, huius totius disputationis quasi tabulam quandam ob oculos proponere.

### Exemplum de septunce, & quincunce.

Titius impendit	70	Seius	50
In sorte	120	In sorte	120
In lucro	12	In damno	12
Sors effecta	132	Reliqua	108

### Si nihil pactum est nominatim, tum ex natura contractus

Titius auferet	77	Titius auferet	63
Seius	55	Seius	45

### Si pactum est, ut Titius septuncem lucrum, quincuncem damni ferat:

Titius auferet	77	Titius auferet	75
Seius	53	Seius	43

### Si pactum est, ut Titius septuncem lucrum, damni semissem ferat:

Titius auferet	77	Titius	76
Seius	53	Seius	44

Exemplum



## Exemplum de besse, & triente.

Titius impendit	80	Seius	40
In sorte	120	In sorte	120
In lucro	12	In damno	12
In soluendo	132	In reliquo	108

Si nihil nominatim pactum est, tum ex natura contractus

Titius auferet	88	Titius auferet	72
Seius	44	Seius	36

Si pactum est, ut Titius lucri septuncem, damni semissem auferat

Titius	87	Titius	74
Seius	45	Seius	34

CONTRA SENSIT.) Obscure, ut opinor, Iustinianus loquutus est. non enim mihi uerisimile est, aliter Sulpitium sensisse: cum satis constet iniquissimam eam pactionem esse. Quid ergo est? cum Mutius ita Paulo teste scripisset, non posse aliam lucri, aliam damni partem depasci: si generaliter id sumatur, contra sensit. possunt enim eiusmodi partes esse, ut non sit iniqua pactio: quemadmodum paulo ante docuimus. At si in ea specie sumatur, quam modo Iustinianus exposuit, de besse lucri, triente uero damni, iniquissima & improbißima pactio est.

QVIA SAEPE QVORVNDAM.) Hæc ratio prorsus nihil ad rem facit. Nam si præter æqualem pecuniarum opera infumitur, maius impendium est. At nos antea probauimus, siue par, siue impar impendium fuerit, iniquam hanc pactionem esse.

IVSTVM SIT CONDITIONE MELIORE.) Sequitur III. Quorum opera in societate præstantior est, eos meliore conditione esse conuenit. l. si non fuerint. 29. D. eod. ubi Vlp. ait: Si placuerit, ut quis duas partes uel tres habeat, alius unam, ualeat: si modò aliquid plus contulit societati, uel pecuniæ, uel operæ, cuiuscunque alterius causæ. Et l. 6. eod. ubi Pomp. ait, si societatem mecum coieris, ut partes societatis constitueres, ad boni uiri arbitrium ea res redigenda est: & conueniens est uiri boni arbitrio, ut non utiq; ex æquis partibus socij simus: ueluti si alter plus operæ, industriæ, pecuniæ in societatem collaturus sit.

ALTER PECVNIAM CONFERAT.) Sequitur IIII. Societas ita contracta, ut alter pecuniam, alter operas præstet, non improbat. l. 1. C. eod. Huiusq; societatis exemplum Ciceronis oratio pro Q. Roscio suppeditat: ubi C. Farnius seruum suum Panurgum Q. Roscij communem fecerat ea lege, ut eum Roscius arte bistronica institueret, quæstusq; inter eos communis esset.

OPERA ALICVIUS PRO PECVNIA VALET.) Sequitur V. In societate sæpe unius opera tantum, quantum alterius pecunia ualet. l. 5. D. eod. ubi Vlp. ait, societatem coiri posse, & ualere etiam inter eos, qui non sunt æquis facultatibus: cum plerunq; pauperior opera suppleat, quantum ei per comparisonem patrimonij deest. Eodem illud pertinet quod ait Vlp. in l. cum duobus. 52. §. 1. D. eod. Si in cocunda societate artem operamue pollicitus est alter, ueluti, cum pecus in commune pascendum, aut agrum politori damus in commune quærendis fructibus, nimirum ibi etiam culpa præstanda est. precium enim operæ artisue est uelamentum: hoc est, precium quod artifex, operarijsue accipit, uelat atq; abscondit ipsius artem: facit, ut nulla eius ratio ducatur. Legendum enim opinor, ARTISVE: ut paulo ante, ARTEM OPERAMVE.

DE DAMNO NON TENEATUR.) Sequitur VI. Lex, ut unus e socijs damni sit expers, lucri uero partis cept, non improbat. l. si non fuerint. 29. D. eod. ubi Vlp. ait, ita coiri societatem posse, ut nullius partem damni alter sentiat, lucrum uero commune sit: quod ita demum ualebit, si tanti sit opera, quanti damnum est. plerunq; enim tanti est industria socij, ut plus societati conferat, quam pecunia. Item, si solus nauiget, si solus peregrinetur, pericula subeat solus. Ex quibus Cassij, Sabini, & Vlpiani uerbis confirmo, nihil hæc contra Q. Mutij sententiam facere: neque ad rem pertinere, quod Imper. ait, CONTRA QV. MUTIJ SENTENTIAM OBTINUIT. Testatur enim Vlp. hanc pactionem tum deo munum admitti, cum tanti est plus illud quod impenditur, quanti est damnum: ueluti, si sexaginta uterq; nostrum impendit, ego uero insuper operam artenuæ meam, cuius æstimatio uiginti sit aurcorum, ac proinde octoginta impendisse iudicet: placet etiam si damnum acceptum est, dummodo non sit pluris uiginti, pactionem ualere: ut id damnum ad me non pertineat.

Quod



Quod tamen cautè & pedetentim accipiendum esse, Vlpiani uerba significant: qui non obscure indicat, hoc ita demum ualere, cum ego ex lucro non maiorem fructum quam tu percipio, quamuis maius impendium, propter artem operamq; meam fecerim. qua in re utriusq; regula, quas superius tradidimus, æquitas elucet. nam cum ego septuaginta uel octoginta impendisse iudicet, ac proinde propter priorem regulam septuncem uel bessem ex lucro percipere debeam: tamen semissem tantum accipio. cum igitur in lucro damnum istud perpetiar, secunda regula postulat, ut alia in re damnum istud resarciam. ex quo apparet, non tam exuperationis eius quam in impendio facio habendam esse rationem, quam eius damni quod oborto lucro sustineo. ueluti, si meum impendium propter meam operam æstimetur besse, tuum uero triente, & ex sorte mille ducentorum aureorum lucrum factum sit centum uiginti, octoginta quidem ad me redire oporteret, ad te uero quadraginta tantum. nunc autem nibilo plus quam tu accipio, nimirum sexaginta: ac proinde uiginti mihi pereunt in lucro. quapropter si damnum uiginti tantum aureorum sit, quis inquam hanc pactionem iudicabit, ut eius nulla pars ad me pertineat? Rursus, si septingentis aureis meum impendium æstimetur, tuum quingentis, & centum uiginti lucrifacti sint, septuaginta quidem ad me pertinere oporteret: ego tamen sexaginta tantum capio, ac proinde decem mihi pereunt. æquum est igitur, ut si damnum aliquod non maius decem aureis euenerit, ego nullam eius partem sustineam. Qua in specie uidenus, non exuperationis eius quam in impendio feci rationem haberi: alioqui etiam si uiginti perissent, nihil amitterem: sed modus eius damni quod ego in lucro perpetior, spectatur, & pro eius proportionem compensatio in damno mihi conceditur.

QVOD TAMEN ITA INTELLIGI OPORTET.) Sequitur VII. Lucrum in societate dicitur, quod deductis omnibus damnis superest. l. Mutius. 30. D. eod. Verum hoc, ut opinor, leuiter admonere satis est: existimare autem id Mutium non uidisse, aut magnopere cauendum iudicasse, hominis est (nihil nunc acerbius dicatur) ex suo ingenio Mutium aut Seruium existimantis.

EANDEM PARTEM SERVARI.) Sequitur VIII. Quæ pars in lucro damnòue tantum definita est, eadem in altero definita intelligitur. Qua in re summa sanè nobis æquitas ostenditur: Mutiusq; sententia confirmatur, cuius earegula est, quam secundo loco protuli: nimirum, parem tum lucri tum damni rationem esse oportere.

*Societas non ante renunciationem dissoluitur: qua tamen malitiosè facta, lucrum captatum communicatur, & quod societati obuenerit, totum ei cui renunciatum est acquiritur. l. lxxij. lxv. xiiij. eod.*

III. Manet autem societas eò usq; donec in eodem consensu perseverauerint. At cum aliquis renunciauerit societati, soluitur societas. Sed planè si quis callidè in hoc renunciauerit societati, ut obueniens aliquod lucrum solus habeat: ueluti si totorum bonorum socius, cum ab aliquo hæres esset relictus, in hoc renunciauerit societati, ut hæreditatè solus lucrifaceret, cogitur hoc lucrū communicare. Si quid uero aliud lucrifaciat, quod non captauerit: ad ipsum solū pertinet. Ei uero cui renunciatum est, quicquid omnino post renunciatam societatem acquiritur, soli conceditur.

DONEC IN EODEM CONSENSU.) Enunciatio I. Quando consensus durat, tandiu societas permanet: solo enim dissenso dirimitur. l. itaq; 64. D. eod. ubi Celsus ait, cum separatim socij agere ceperint, ut unusquisq; eorum sibi negotietur, ius societatis dissoluitur. Veluti si typographi aliquot, qui antea communibus sumptibus libros imprimendos curabant, postea singuli domi suæ sibi imprimere ceperint, communemq; impendium facere desierint, tum enim tacitè renunciasse societati intelliguntur. Atq; hoc idem traditur in l. tandiu. 5. C. hoc tit.

CVM ALIQUIS RENUNCIAUERIT SOCIETATI.) Sequitur II. Societas unius alicuius renunciatione dissoluitur. l. 4. & l. uerum est. 63. in fi. D. eod. ubi Vlp. ait, uoluntate contraria distrabi societatem, cum societati renunciatum est: hoc est, nunciatum reliquis, ut res suas sibi habeant atq; agant.

COGITVR HOC LVCRVM COMMUNICARE.) Sequitur III. Qui auarè & malitiosè societati renunciat, lucrum ista ratione captatum communicare cogitur: non captatum autem, solus obtinet. l. si conuenerit. 14. & l. actione. 65. §. 2. D. eod. ubi Vlp. ait, eum qui intempestiuè societati renunciat, à se quidem socios suos liberare, se autem ab illis non liberare. ueluti si dolo malo renunciatio facta sit, ut si cum omnium bonorum societatem inissemus, deinde cum obuissset uni hæreditas, propter hoc renunciauit. ideoq; si quidem damnum attulit hæreditas, hoc ad eum qui renunciauit, pertinebit commodum autem communicare cogitur actione pro socio. quòd si quid post renunciationem adquisierit, non erit communicandum: quia nec dolo admixtus est in eo. Item aliquanto post, Labeo ait: Si renunciauerit societati unus ex socijs, eo tempore quo interfuit socij non dirimi societatem, committere eum in pro socio actionib; nam si emimus mancipia in ita societate, deinde renuncies mihi eo tempore quo uendere mancipia non expedit: hoc casu quia deteriores causas meas facis, teneri te pro socio iudico. Proculus hoc ita uerum esse, si societatis non interfuit, dirimi societatem: semper enim non id quod prius tibi interest unius ex socijs, seruari solet, sed quod societati expedit. Causæ constitutio: Cum unus è socijs admonitus esset, si bi opimam ab aliquo hæreditatem relictam esse, nuncium socijs mittit, sibi non esse in animo diutius in societate permanere. Cum hæreditatem adisset, actione pro socio ceteri agere ceperunt. Intentio: Hæc hæreditas communis est. D. Non est. Q. Vtrum propria illius, an communis societatis esse debeat. R. Quia renunciatione societas extinguatur. F. At non bona fide, sed dolo malo renunciatio facta est. Disceptatio ex iuris æquitateq; contentione nascitur, An cum renunciatione societas dirimatur, qui tamen malitiosè renunciat, non liberetur. Vlpianus respondet, non liberari: nam (ut ait Paulus l. sed & socius. 17. D. eod.) societatis intempestiua renunciatio ipso iure in æstimationem uenit.

EI VERO CUI RENUNCIATVM EST.) Sequitur IIII. Quicquid renunciatione dolo facta lucri obuenerit, id ei soli cui renunciatum est, obuenerit. l. actione. 65. §. 1. D. eod. ubi Cassius ait, cum qui renunciauerit societati, à se quidem liberare socios suos, se uero ab illis non liberare. ex quo intelligi debet, si quid detrimenti acciderit, eius partem ad eum quoq; pertinere.



**Societas unius morte, nisi aliter cautum sit: item negotio cuius societas coierat, absoluto: bonorum præterea unius uel publicatione, uel cessione, dissoluitur. Quod si post cessionem eadem uoluntas manet, noua societas contracta indicatur. l. iij. lxij. lxv. §. morte. & seq. D. eod.**

**IIII. Soluitur etiam societas & in morte socij: quia qui societatem contrahit, certam personam sibi eligit. Sed & si consensu plurium societas coita sit, morte unius socij soluitur, & si plures supersint: nisi in coeunda societate aliter conuenerit. Item, si alicuius rei contracta societas sit, & finis negotio impositus est, finitur societas. Publicatione quoq; distrahi societatem, manifestum est: scilicet si uniuersa bona socij publicentur. nam cum in eius locum alius succedat, pro mortuo habetur. Item, si quis ex socijs mole debiti prægrauatus, bonis suis cesserit, & ideo propter publica aut priuata debita substantia eius uæneat, soluitur societas. sed hoc casu, si adhuc consentiant in societatem, noua uidetur incipere societas.**

**ET IN MORTE SOCIJ.)** Enunciatio I. Societas morte unius socij extinguitur. l. 4. & luerum est. 63. in fin. ubi Vlp. cum dixisset solui societatem hominum interitu: Intereunt autem homines, inquit, maxima & media capitis diminutione, aut morte. Hinc illud eiusdem in l. cum duobus. 52. §. 7. societatem non posse ultra mortem porrigi. Hinc Pompon. l. adeo. 59. Adeo, inquit, morte socij soluitur societas ut nec ab initio pacisci possimus, ut hæres etiam succedat societati.

**CERTAM PERSONAM SIBI ELIGIT.)** Sequitur II. Qui societatem contrahit, personam certam delatum habuisse intelligitur. l. qui admittitur. 19. D. eod. ubi Vlp. ait, cum qui admittitur socius, ei tantum socium esse qui admisit. cum enim societas consensu contrahatur, socius mihi esse non potest, quem ego socium non delegi: nam socij mei socius, socius meus non est. Hinc idem in l. nemo. 35. D. eod. Nemo, inquit, potest societatem hæredi suo sic parere, ut ipse hæres socius sit.

**NISI IN COEUNDA SOCIETATE.)** Sequitur III. Lex, ne morte unius plurium societas dissoluatur, ualet. l. actione. 65. §. morte. D. eod. unde hic locus exscriptus est.

**ET FINIS NEGOTIO IMPOSITVS.)** Sequitur IIII. Negotio cuius societas coierat absoluto, societas extinguitur. l. actione. 65. §. 3. eod. ubi Paulus ait: Si alicuius rei societas sit, & finis negotio impositus, finire societatem.

**PUBLICATIONE QVOQVE DISTRAHI.)** Sequitur V. Bonorum omnium unius socij publicatio societatem extinguit. d. l. actione. §. publicatione, unde sumptus hic locus est. neq; enim rei eius quæ iam publicata sit, quisquam socius est, inquit Vlp. l. uerum est. 63. in fin.

**PRO MORTVO HABETVR.)** Sequitur VI. Cuius bona publicantur, quia eius in locum alter succedit, pro mortuo numeratur. d. l. actione.

**BONIS SVIS CESSERIT.)** Sequitur VII. Vno socij bonis suis cedente, societas dirimitur. d. l. actione, in princ. ubi Paulus ait, bonis unius socij à creditoribus uenditis dirimi societatem.

**NOVA VIDETVR INCIPERE SOCIETAS.)** Sequitur VIII. Si cessione ab uno facta consensus in societatem permaneat, noua contrahi societas existimatur. Cum enim ea quæ in superiore societate habebat creditoribus cesserit, sequitur ut noua societas ex nouis bonis coiri uideatur: id est, ex his bonis quæ post cessionem acquirit. Eum enim qui cesserit, posse tamen sibi postmodum acquirere constat: ex l. 5. D. de cess. bon.

**In societate dolus & culpa leuis præstatur tantum: hoc est, ea diligentia quam quisq; suis rebus adhibere solet. l. ij. l. lxxij. eod.**

**V. Socius socio utrum eo nomine tantum teneatur pro socio actione, si quid dolo commiserit, sicut is qui deponi apud se passus est: an etiam culpæ, id est, desidie atq; negligentie nomine, quæ situm est. præualuit tamen etiam culpæ nomine teneri eum. Culpa autem non ad exactissimam diligentiam dirigenda est. sufficit enim talem diligentiam in communibus rebus adhibere socium, qualem suis rebus adhibere solet. Nam qui parum diligentem socium sibi adsumit, de se queri, id est, sibi hoc imputare debet.**

**ETIAM CVLPÆ NOMINE TENERI.)** Enunciatio I. Socj inter se non dolum tantum, sed etiam culpam præstant. l. cum duobus. 52. §. 1. D. eod. ubi Celsus ait, uenire in hoc iudicium bonam fidem: & hoc amplius, socios inter se dolum & culpam præstare. quod usq; eo uerum est, ut etiam Paulus & Vlpianus scribant, non si pleriq; in rebus unius industria societas locupletata est, iccirco quod eius negligentia certis in rebus peruenit, ad eius periculum non pertinere. l. non ob eam. 25. & l. seq. eod.

**NON AD EXACTISSIMAM DILIGENTIAM.)** Sequitur II. Culpa in societate non leuissima, sed leuis tantum præstatur. l. socius. 72. eod. cuius uerba hic translata sunt. De culpa autem lata, leui, & leuissima, sub tit. Quibus mod. re cont. copiose explicauimus.

**QVALEM SVIS REBVS.)** Sequitur III. A socijs non maior in reb. communibus, quam quantam rebus suis adhibent, diligentia requiritur. d. l. socius.

**DE SE QVERI, ID EST, SIBI HOC.)** Sequitur IIII. Qui negligentem socium assumit, solus suæ temeritatis culpam sustinet. d. l. socius. Eiusq; rei ratio perspicua est. Aut enim illum norat, aut non norat. si norat, stultus erat qui cum homine negligente societatem contraherat. si non norat, æque stultus, qui cum ignoto.

DE MAN.



## DE MANDATO.

## TITVLVS XIII.

*Mandatum siue mandantis siue mandatarij, siue alieni tantum, siue coniunctim plurium causa fiat, ualet. At si mandatarij solius, nequaquam. cuiusq; autem exempla ordine proferuntur. l. 2. l. 6. l. 22.*

*D. eodem.*

**I. Mandatum contrahitur quinque modis:** siue sua tantum gratia aliquis tibi mandet, siue sua & tua, siue aliena tantum, siue sua & aliena, siue tua & aliena. At si tua tantum gratia mandatum sit: superuacuum est mandatum: & ob id nulla ex eo obligatio, nec mandati inter uos actio nascitur. Mandantis tantum gratia interuenit mandatum: ueluti si quis tibi mandet, ut negocia eius gereres, uel ut fundum ei emereres, uel ut pro eo sponderes. Tua gratia & mandantis: ueluti si mandet tibi, ut pecuniam sub usuris crederes ei, qui in rem ipsius mutuaretur: aut si uolente te agere cum eo ex fideiussoria causa, mandet tibi, ut cum reo agas, periculo mandantis: uel ut ipsius periculo stipuleris ab eo, quem tibi deleget in id quod tibi debuerat. Aliena autem causa interuenit mandatum: ueluti si tibi aliquis mandet, ut Titij negocia gereres, uel ut Titio fundum emereres, uel ut pro Titio sponderes. Sua & aliena: ueluti si de communibus suis & Titij negocijs gerendis tibi mandet, uel ut sibi & Titio fundum emereres, uel ut pro eo Titio sponderes. Tua & aliena: ueluti si tibi mandet, ut Titio sub usuris crederes: quia si ut sine usuris crederes, aliena tantum gratia intercedit mandatum.

CONTRAHITVR QVINQVE MODIS.) Enunciatio I. Mandatum uel mandantis, uel mandatarij, uel alieni tantum, uel coniunctim plurium causa recte interponitur. l. 2. D. eod. Mandatum autem, est contractus bonae fidei, de eo quod fieri sine mercede ulla conuenit, periculo mandatoris exequendo, inter quos iure civili licet factus. Mandare namque est, negotium dare: sed cum SINE MERCEDE addidimus, a locatione illum distinximus. Conuenisse autem, hoc est, non modo datum, uerum etiam ab eo cui datur receptum esse oportet, prius enim non nascitur obligatio.

SUPERVACVVM EST MANDATVM.) Sequitur II. Mandatum quod solius mandatarij causa sit, nullam obligationem parit. l. 2. eod. Item l. si remunerandi. 6. §. 4. D. eod. ubi Vlp. ait: Si tibi mandauero quod tua intererat, nulla erit mandati actio, nisi mea quoque interfuit. Cuius rei ratio perspicua est, nimirum quia non potest ex his contractibus nasci una ex parte obligatio, quin simul etiam ex altera nascatur. at si tibi mandem ut tibi aliquid emas, etiam si mandatum negligas, mihi tamen non es obligatus.

VT PRO EO SPONDERES.) Apud Caium, Fideiuberes: quod a Triboniano correctum est. nam Spondere dicebant ueteres, pro fideiubere. & Sponditores dicebantur, qui nunc fideiussores: ut superius suo loco dictum est.

IN REM IPSIVS MUTVARETVR.) In rem ipsius mandatoris.

VOLENTE TE AGERE CVM EO.) Sequitur III. Fideiussor etiam ante reum principalem conueniri potest. l. 3. & 5. C. de fideiuss. id quod alio loco ante dictum est. Hoc autem mandatum ideo in rem utriusque esse dicitur, quod & ego iudicio liberor: & tu ex cautione indicatum solui, omnesque litis sumptus tibi restitui, me obligatum habes. Hac enim uis huius mandati atque horum uerborum est, PERICVLO MANDANTIS. quippe, cum absque hoc mandato suis sumptibus aduersus inane reum principalem creditor litigasset.

IPSIVS PERICVLO STIPVLERIS AB EO.) Prodest enim hoc mandatori, qui a creditore liberatur: mandatario uero, quia duos iam obligatos habet: delegatum, a quo stipulatus est: & mandantem, qui cum suo periculo stipulari iusserit, fideiussorem se, sine stipulatione tamen, interposuit. Atque hoc ipsum est quod ait Paulus in l. Si mandauero. 22. §. 2. eod. Interdum, ait, euenit, ut meum negotium geram, & tamen utilem habeam mandati actionem. ueluti cum debitor meus periculo suo debitorem suum mihi delegat, aut cum rogatu fideiussoris cum reo experior. nam quamuis debitum meum persequar, nihilominus & illius negotium gero. Igitur quod minus seruauero, consequar mandati actionem. Item l. si mandatum. 45. §. ult. ubi Paulus ait: Quod mihi debebas, a debitore stipulatus sum periculo tuo, posse me agere tecum mandati, in id quod minus ab illo seruare potero: quamuis id mandatum ad tuam rem pertineat. & merito: tum enim liberatur is qui debitorem delegat, si nomen eius creditor secutus est: non cum periculo debitoris ab eo stipulatur.

ALIENA AVTEM TANTVM CAVSSA.) Vocem TANTVM neque Caius, neque uetus liber habet: tollendamque propterea censui, quia nisi aliquatenus mandantis interesset, obligatio non nasceretur. Interest autem non propter ipsum mandatum principaliter, sed propter accipientis causam. Itaque locum illum Vlp. accipio in l. si remunerandi. 6. §. 4. eod. Si tibi mandauero quod mea non intererat, ueluti ut pro Seio interuenias, uel ut Titio credas, erit mihi tecum mandati actio, & ego tibi sum obligatus. Nam mea non interesse, sic intelligo: quasi additum esset, principaliter. Mandati enim actio (uti scribit Vlp. in l. si procuratorem. 8. §. 5.) tunc competit, cum coepit interesse eius qui mandauit: ceterum si nihil interest, cessat mandati actio: & eatenus competit, quatenus interest.

PRO TITIO SPONDERES.) Apud Caium, fideiuberes: item ut paulo ante diximus. Propterea autem reo etiam mandatum contrahi dicitur, quoniam mandantis propter alieni illius commodum, interest id fieri: nam si ab eo mandatum acceperat, ipsius intererat: ac proinde tum sua, tum aliena gratia mandabat. Quod igitur principale est, in hoc negotio spectatur.



**A** SIBI ET TITIO FVNDVM EMERES.) Tum enim & mandantis per se ac sua sponte, & Titij etiam interest.

**VT TITIO SVB VSVRIS CREDERES.)** Nam & tua interest propter quæstum usurarum, & Titij propter usum tuæ pecuniæ. quin etiam mandatoris interest, cum alioqui ei mandatarius non obligatur. obligationes enim ex eo quod interest animantur, viresq; accipiunt. l. qui fundum. 32. D. locat. Itaq; Vlpianus in l. si procuratorem. 8. §. 2. D. eod. Si quis, ait, mandauerit alicui negocia gerenda eius qui ipse sibi mandauerat, habebit mandati actionem: quia & ipse tenetur. Quæ ex re intelligi potest, quamobrem Caius sextum hunc modum non addiderit, tua, sua, & aliena, nunquam enim aliena gratia mandatum, ipsum mandatarium astringit, nisi mandantis aliquatenus interfit: cum actione mandati nihil aliud petatur, nisi quod te mihi ex bona fide dare facere oportet ex mandato. Sed ita duorum tantum gratia fieri mandatum hoc dicitur, quoniam eorum præcipue interest. quod si æque mandantis uel alieni interesset, ueluti si tibi mandarem, ut pecuniam sub usuris crederes Titio socio meo, negociaq; communia gerenti: existimarem, sextum hunc mandati esse modum, & trium personarum gratia fieri.

**ALIENA TANTVM GRATIA.)** Subaudiendum, principaliter. mea enim causa uel propterea interest, quod ista ratione in eo ab illo gratiam: illumq; mihi hoc officio astringo, cum ei pecuniam, eamq; gratulam reperio.

*Quod mandatarij solius in rem est, quasi merum esset consilium, nullam obligationem parit. At qui credi alicui pecuniam mandat, cum absq; eo creditum non fuisset, obligatur. l. ij. & vj. D. eod.*

**B** II. Tua gratia interuenit mandatum: ueluti si tibi mandet, ut pecunias tuas in emptiones potius prædiorum colloques, quam fœneres: uel ex diuerso, ut pecunias tuas fœneres potius, quam in emptiones prædiorum colloques. Cuius generis mandatum magis consilium est, quam mandatum. & ob id non est obligatorium: quia nemo ex consilio mandati obligatur, etiam si non expedit ei cui datur: cum liberum cuiq; sit, apud se explorare, an expediat consilium. Itaq; si ociosam pecuniam domi te habentem hortatus fuerit aliquis, ut rem aliquam emeress, uel eam crederes: quamuis non expediat tibi eam emisse, uel credidisse, non tamen tibi mandati tenetur. Et adeo hæc ita sunt, ut quæsitum sit, an mandati teneatur, qui mandauit tibi, ut pecuniam Titio fœnerares. sed obtinuit Sabini sententia, obligatorium esse in hoc casu mandatum: quia non aliter Titio credidisses, quam si tibi mandatum esset.

**MAGIS CONSILIUM EST QUAM MANDATVM.)** Enunciatio I. Mandatum quod mandatarij solius in rem est, potius consilium, quam mandatum appellatur. l. 2. in fi. D. eodem. Differt autem mandatum à consilio. primum, quod mandatum pars quædam imperij est, aut potius uoluntatis, ut quid fiat. Consilium ab imperio prorsus alienum est, nec ullam uoluntatis ipsius significationem habet. itaq; rem consultoris arbitrio permittit: nec, utrum fiat, nec ne, laborat. Imperium autem illud iccirco societas humani generis comprobauit, quoniam ad mandatorem periculum omne pertinet, nulla ex parte ad mandatarium. Atqui non quisquam periculum eius rei in se recipere iudicatur, quæ ad se nulla ex parte pertinet: ac proinde quam fieri nihil eius interest. Quod igitur solius mandatarij in rem est, quoniam eius periculum mandator in se non recipere iudicatur, iccirco non est obligatorium.

**NEMO EX CONSILIO MANDATI OBLIGATUR.)** Sequitur II. Ex consilio, quamuis in rem mandatarij non sit, mandator non obligatur. l. 2. in fin. & l. consilij. D. de reg. iur. ubi Vlpianus ait, Consilij non fraudulenti nullam esse obligationem. Propterea autem ex consilio non obligatur, quia qui amico dat consilium, sui consilij periculum non subit. Atq; ideo neq; iubet, neq; urget ut id fiat: quippe cuius nihil plane interfit, sed consultoris arbitrio uoluntatiq; permittit.

**OCIOSAM PECVNIAM.)** Ociosa pecunia dicitur à iurisconsultis, quæ in arca iacet, nullum suo domino fructum afferens: eiq; respondet Occupata, nam occupare pecuniam alicui, est fœnori apud eum collocare, & quasi exercere, ne ocio & inertia languescat. Vide plura in Comment. de uerb. iur.

**NON ALITER TITIO CREDIDISSES.)** Sequitur III. Qui mandato alterius pecuniam alicui credidit, cum alioqui crediturus non esset, illum sibi obligatum habet. l. si remunerandi. 6. §. 4. D. eod. ubi Vlp. ait: Si non esset facturus nisi ego mandassem, etsi mea non interfuit, tamen erit mandati actio. Causæ constitutio: Cum Titius pecuniam numeratam apud se haberet, suasi ei, ut Mæuius industrio & nauo homini, ueruntamen haud ita bene ad rem gerendam instructo, mille aureos crederet quibus ille mercaturam facere posset. Res male Mæuius successit, mandati mecum agit Titius. Intentio: Mihi ex mandato teneris. D. Non teneor. Q. An teneor. R. Quia non mandatum illud, sed tantummodò consilium fuit. Mandare namq; est, suo periculo fieri aliquid iubere: me uero periculum in me non recepisse, uel ex eo intelligi potest, quod mea nihil interfuit, utrum illi crederes nec ne. F. At cum ego alioqui facturus istud non fuisset, æquum est te quasi uere mandasses teneri. Disceptatio iuris & æquitatis: An qui suasi alicui quod sua non intererat, quia tamen alioqui facturus id alter non erat, ex æquo & bono teneatur.

*Ex mandato rei quæ bonis moribus aduersatur, nulla nascitur obligatio. l. vj. eod.*

III. Illud quoq; mandatum non est obligatorium, quod contra bonos mores est: ueluti si Titius de furto, aut de damno faciendo, aut de iniuria facienda mandet tibi. licet enim pœnam istius facti nomine præstiteris, non tamen ullam habes aduersus Titium actionem.

D QVOD



QVOD CONTRA BONOS MORES EST.) Enunciatio I. Ex mandato quod contra bonos mores est, non nascitur obligatio. l. si remunerandi. 6. §. 3. D. eod. ubi Vlp. ait, rei turpis nullum esse mandatum: & ideo hac actione non agi. Item l. si uero. 12. 8. 7. ubi ait: Si adolescens luxuriosus mandet tibi, ut pro meretrice fideiubeas, idq; tu sciens mandatum susceperis, non habebis mandati actionem: quia simile est quasi perdituro sciens credideris. Sed etsi ulterius directo mandauerit tibi, ut meretrici pecuniam credas, non obligabitur mandati: quasi aduersus bonam fidem mandatum sit. Item l. 6. §. 7. D. & l. si contra. 20. C. eod. ubi traditur, procuratorem qui litis euentum redemit, mandati agere non posse.

LICET POENAM ISTIVS FACTI NOMINE.) Sequitur II. Non si qui turpe mandatum obijt, poenam tulit, iccirco in mandatore agere poterit. l. si mandauero. 22. §. 6. eod. ubi Paulus ait, eum qui ad eam sacram spoliandam, hominem uulnerandum, aut occidendum, mandatum suscepit, nihil mandati iudicio consequi posse, propter turpitudinem mandati.

*Qui maiorem in obeundo mandato summam, quam quæ præstituta fuerat impendit, quatenus sibi mandatum est, mandati agit: qui uero minorem, quatenus impenderit. l. ij. iij. v. eod.*

IIII. Is qui exequitur mandatum, non debet excedere fines mandati. ut ecce si quis usque ad centum aureos mandauerit tibi, ut fundum emeris, uel ut pro Titio sponderes: neq; pluris emere debes, neq; in ampliorem pecuniam fideiubere: alioqui non habebis cum eo mandati actionem. adeo quidem, ut Sabino & Celsio placuerit, etiam si usq; ad centum aureos cum eo agere uelis, inutiliter te acturum. Diuersæ scholæ auctores rectè usq; ad centum aureos te acturum existimant. quæ sententia sanè benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorum fundus emeretur, is utiq; mandasse intelligitur, ut minoris (si possit) emeretur.

NON DEBET EXCEDERE FINES.) Enunciatio I. Mandatum ita obeundum est, ut nihil amplius, quam quod mandatum est, fiat. l. diligenter. 5. D. eod. ubi Paulus ait, diligenter fines mandati custodiendos esse. cum enim qui excessit, aliud quid fecisse uideri.

RECTE VSQVE AD CENTVM AVREOS.) Sequitur II. Qui plus impendit, quam quantum sibi mandatum fuerat, usq; ad summam sibi præscriptam, actionem ex æquo & bono habebit: l. 3. & 4. D. eod. ubi Paulus ait, Si precium statui, tuq; pluris emisisti, quidam negauerunt te habere mandati actionem: etiam si paratus esses id quod excedit remittere. namq; iniquum esse, non esse mihi cum illo actionem, si nolit: ille uero, si uelit, mecum esse. Sed Proculus rectè, cum usq; ad precium statutum acturum existimat. Item in l. 5. ubi Paulus ait, eum qui excessit, aliud quid facere uideri. Itaq; si mandauero tibi, ut domum Seianam centum emeris, tuq; Titianam emeris longè maioris precij, centum tamen, aut etiam minoris, non uideris impleuisse mandatum. Item si mandauero tibi, ut fundum meum centum uenderes, tuq; eum nonaginta uendideris, & petam fundum: non obstat mihi exceptio, nisi & reliquum mihi quod deest mandati meo, præstes, & indemnem me per omnia conferues. Causæ constitutio: Cum Titio mandassem, ut mihi domum Seianam emeret mille aureis, isq; mille & centum emisset: pecuniam à me repetebat. ego recusabam, hanc afferens causam: Quoniam aliud tibi mandavi, & aliud fecisti: aliud enim est mille, aliud mille & centum aureis domum emere. F. At æquum & bonum est, eam saltem quam præscripsisti summam mihi restituui. Disceptatio ex iuris & æquitatis contentione nascitur, An qui plus rem emit quam sibi mandatum esset, quamuis aliud egerit, tamen ex æquo & bono præscriptam summam recipere debeat. Caius in l. potest. 41. eodem. Potest, inquit, & ab una duntaxat parte mandati iudicium dari. nam si is qui suscepit mandatum, egressus id fuerit, ipsi quidè mandati iudicium non competit: at ei qui mandauerit, aduersus eum competit. Iulianus in l. rogatus. 33. eod. Rogatus, inquit, ut fideiuberet, si in minorem summam se obligauit, rectè teneatur: si in maiorem, responsum est, cum qui maiorem summam quam rogatus erat, fideiussisset, hæcenus mandati actionem habere, quatenus rogatus esset: quia id fecisset quod mandatum ei est. nam usq; ad eam summam, in quam rogatus erat, fidem eius spectasse uidetur qui rogauit.

HABEBIS SCILICET CVM EO.) Sequitur III. Qui minoris quam sibi sit mandatum, emit, actionem in eam summam habebit. l. diligenter. 5. in fi. D. eod. ubi Paulus ait, meliorem causam mandantis fieri posse, si cum tibi mandassem ut Stichum decem emeris, tu eum minoris emeris, uel tantundem ut aliud quicquam seruo accederet. utroq; enim casu, aut non ultra precium, aut intra precium fecisti.

VTIQVE MANDASSE INTELLIGITVR.) Sequitur IIII. Qui certa summam rem sibi emi mandat, etiam minoris sibi eam emi mandasse intelligitur.

*Et reuocatio & mors alterius re integra contingens, mandatum extinguit. At qui extinctum illud iusta ex causa ignorans exequitur, ex æquo & bono actione adiunatur. l. xxvj. xxvj. l. vij. eodem.*

V. Rectè quoq; mandatum contractum, si dum adhuc integra res sit, reuocatum fuerit, euanescit. Item, si adhuc integro mandato mors alterutrius interueniat: id est, uel eius qui mandauerit, uel illius qui mandatum suscepit, soluitur mandatum. Sed utilitatis causa receptum est, si eo mortuo, qui tibi mandauerat, tu ignorans eum decessisse, executus fueris mandatum, posse te agere mandati actione: alioqui iusta & probabilis ignorantia tibi damnum adferret. Et huic simile est,



**A** mile est, quod placuit, si debitores manumisso dispensatore Titij, per ignorantiam liberto soluerint, liberari eos. cum aliqui stricta iuris ratione non possent liberari: quia alij soluissent, quam cui soluere debuissent.

**DVM ADHVC INTEGRA RES SIT.)** Enunc. I. Mandatum re integra reuocatum ipso iure extinguitur. l. si mandassem. 15. D. mandati. Neq; aduersatur quod Imp. scribunt, in l. sicut. 5. C. de acti. & oblig. sicut initio libera potestis unicuiq; est habendi uel non habendi contractus, ita renunciare semel constituta obligationi aduersario non consentiente nemo potest. neq; enim prius obligatio in mandante constituta est, quam impletum sit mandatum, uel saltem impleri coeptum. Ex quo intelligi debet, uerum esse quod superius diximus mandati contractum ex parte quidem mandatarij obligationem nudo consensu parere: ex parte uero mandantis, negotio gerendo.

**MORS ALTERVTRIVS INTERVENERIT.)** Sequitur II. Mors uel mandantis uel mandatarij adhuc integra re contingens, mandatum extinguit. l. mandatum. 15. C. eod. l. inter caussas. 26. D. eod. ubi Paulus ait: Inter caussas omittendi mandati, etiam mortem mandatoris esse. Et l. si quis. 27. §. 3. eod. ubi Caius scribit, morte quoq; eius cui mandatum est, si is integro adhuc mandato decesserit, soluitur mandatum: & ob id haeres eius, licet executus fuerit mandatum, non habet mandati actionem. Sed queri potest, quid si haeres mandatarij & mandatum fuisse sciat, & nullo suo magno labore obiare mandatum possit? ueluti, mandauit Titio, fratre suo praesente, ut centum aureos, quos illi numeravi, creditori meo dissolueret. Titius simulatq; eo peruenit, ubi meus erat creditor, mortuus est. Eius frater negotium illud meum neglexit. Ita poena sub qua debebam, commissa est. Respondetur, fratrem cui mandatum non fuit, mandati conueniri non posse. quoniam mandatum originem ex officio trahit, inquit Paulus in l. 1. D. eod. nemo uero cuiquam officium neq; sibi mandatum, neq; a se susceptum praestare cogitur.

**POSSE TE AGERE MANDATI.)** Sequitur III. Qui mandatorem mortuum ignorans eius mandatum exequitur, ex aequo & bono mandati actionem habet. d. l. inter. ubi Paulus ait: Si mandatum per ignorantiam impletum est, competere actionem utilitatis causa. Quapropter si quis debitori suo mandauerit, ut Titio solueret, & debitor mortuo eo, cum id ignoraret, soluerit, liberari eum oportere. Item l. si praecedentem. 58. ubi idem scribit: Si praecedente mandato Titium defenderis, quamuis mortuo eo, cum hoc ignorares, ego puto mandati actionem aduersus haeredem Titij competere: quia mandatum morte mandatoris, non etiam mandati actio soluitur. quod si sine mandato defensionem suscepisti, negotium quodammodo defuncti gerere institueris: & quemadmodum si illum liberaasses, competeret tibi negotiorum gestorum actio, ita potest dici & haeredem eius eadem actione teneri. Causae constitutio: Titius mihi mandaratum, ut ei fundum emerem: cum is me infans mortuus esset, fundum emi: ago aduersus haeredes. Intentio: Mandati mihi obligatus es. D. Non sum. Q. An sit. R. Quia mandatum morte mandantis extinguitur. F. At aequum est, ut quod bona fide & bono animo inductus iusta ignorantia feci, mihi fraudi non sit. Disceptatio ex iuris & aequitatis contentione nascitur. Paulus enim in d. l. inter. respondet utilitatis causa, id est, contra iuris summam rationem id receptum esse. Quod eodem modo de iuris ignorantia Papinianus tradit in l. mandatum. 57. D. eod. ubi ait, mandatum distrabendorum seruorum defuncto qui mandatum suscepit, intercidisse. quoniam tamen haeres eius errore lapsi, non animo furandi, sed exequendi quod defunctus suae curae fecerat, seruos uendiderant, eos ab emptoribus usucaptos uideri placuit. Hinc Paulus in l. uli. D. de solut. Bi qui mandatu meo, inquit, post mortem meam stipulatus est, recte soluitur: quia talis est lex obligationis. ideoq; etiam inuito me recte ei soluitur. Bi autem cui iussu debitorem meum post mortem soluere, non recte soluitur: quia mandatum morte dissoluitur.

**IUSTA ET PROBABILIS IGNORANTIA.)** Sequitur IIII. Iusta & probabilis ignorantia fraudi esse non debet. d. l. inter.

**PER IGNORANTIAM LIBERTO SOLVERINT.)** Sequitur V. Debitores dispensatori creditoris quem manumissum ignorabant soluentes, ex aequo & bono liberantur. l. dispensatori. 51. D. de solut. ubi Paulus ait: Dispensatori qui ignorante debitore remotus est ab actu, recte soluitur. ex uoluntate enim domini ei soluitur: quam si nescit mutam qui soluit, liberatur. Hoc ut intelligamus, duo scire oportet. primum, dispensatorem dici seruum, domini pecuniae administratione praefectum. deinde, qui seruum dispensatorem creat, eum suis debitoribus mandare, ut ei pecuniam persoluant. Causae constitutio: Decem Titio debebam. is cum seruum Decianem pecuniarum suarum dispensationi, id est, administrationi praefectum haberet, infans me illum manumissit. Ego cum illum adhuc dispensatorem esse crederem, decem ei persolui: cum liberationem a Titio peterem, recusabat. R. Quoniam aliter quam cui debebas, soluisti. F. At aequum est, me propter iustam ignorantiam liberari. Disceptatio eodem ex fonte: An qui alteri quam cui debebat, soluit, si ei cuius mandatum adhuc durare iusta ex causa credebatur, soluit, ex aequo & bono liberetur. Iulianus l. qui hominem. 4. D. de solut. ubi si Titium, inquit, omnibus meis negocijs praeposueram, deinde uetueram cum ignorantibus debitoribus administrare negocia mea, debitores ei soluendo liberabuntur. nam is qui omnibus negocijs suis aliquem proponit, intelligitur etiam debitoribus mandare, ut procuratori soluant.

*Mandatum non suscipere cuiq; liberum est. At susceptum nisi tempestiue renuncietur, aut excusatio iusta subest, obligationem parit. Recte autem & in diem & sub conditione interponitur. l. xxij. & l. j. eod.*

**VI.** Mandatum non suscipere, cuilibet liberum est: susceptum autem consummandum est, aut quamprimum renunciandum, ut per semetipsum, aut per alium eandem rem mandator exequatur. Nam nisi ita renunciatur, ut integra causa mandatori referretur eandem rem explicandi, nihilominus mandati actio locum habet: nisi iusta causa intercesserit, aut non renunciandi, aut in tempestiue renunciandi. Mandatum & in diem differri, & sub conditione fieri potest.



**CVILIBET LIBERV M EST.)** Enunciatio I. Mandatum non suscipere, liberum cuique est: l. si mandauero. 22. in fi. D. eod. Itaque, nisi nominatim ac diserte receptum fuerit, obligationem non parit. ubi autem fides data est, nisi praestetur, actio in id quod interest conceditur. Qua de re locus est in Ciceronis Orat. pro Sexto Roscio, quem propter elegantiam, & ut lectoris fastidium leuemus, subscribemus. In priuatis rebus si qui rem mandatam non modo maliciosius gessisset sui quaestus aut commodi causa, uerum etiam negligentius: cum maiores summum admisisset dedecus existimabant. itaque mandati constitutum est iudicium, non minus turpe quam furti: credo propterea, quod quibus in rebus ipsi interesse non possumus, in his operæ nostræ uicaria fides amicorum supponitur: quam qui lædit, oppugnat omnium commune praesidium, & quantum in ipso est, disturbat uitæ societatem. non enim possumus omnia per nos agere: alius in alia est re magis utilis: ideo amicitia comparantur, ut commune commodum mutuis officijs gubernetur.

**AVT QVAMPRIMV M RENVNCIANDVM.)** Sequitur II. Mandatum semel susceptum, nisi quamprimum ac re integra renuncietur, obligat. d. l. si mandauero. 22. in fi. D. eod. ubi Paulus ait: Si is cui mandatum est, ut alio quid mercaretur, mercatus non sit, neque renunciauerit se non empturum, idque sua, non alterius culpa fecerit, mandati actione teneri cum conuenit. Hoc amplius tenebitur, si eo tempore per fraudem renunciauerit, cum iam recte emere non posset. Item l. Si quis. 27. §. 2. D. eod. ubi Caius scribit, cum qui mandatum suscepit, si potest id explere, deferere mandatum officium non debere. alioquin quanti mandatoris interfit, damnari. si uero intelligit explere se id officium non posse, id ipsum cum primum poterit, debet mandatori renunciare: ut is si uelit, alterius opera utatur. quod si cum possit renunciare, cessauerit: quanti mandatoris interfit, tenebitur. si aliqua ex causa non poterit nunciare, securus erit.

**NISI IUSTA CAUSSA INTERCESSERIT.)** Sequitur III. Iusta uel non renuncianadi, uel intempestiue renuncianadi causa excusationem habet. l. sane. 23. & seq. eod. ubi Iurisc. scribunt, si uoletudinis aduersa, uel capitalium inimicitarum, seu ob inanes rerum actiones, seu ob aliam iustam causam excusationes alleget, audiendum esse.

**ET IN DIEM DIFFERRI.)** Sequitur IIII. Mandatum & in diem & sub conditione recte interponitur. B l. 1. eod.

*In mandatum cadere merces non potest. itaque mercede adhibita, non mandati, sed locati & conducti datur actio. l. pen. De praescript. uerb.*

**VII. In summa sciendum est, mandatum, nisi gratuitum sit, in aliam formam negotij cadere.** Nam mercede constituta, incipit locatio & conductio esse. Et (ut generaliter dicamus) quibus casibus sine mercede suscepto officio, mandati aut depositi contrahitur negotium: ijs casibus interueniente mercede, locatio & conductio contrahi intelligitur. Et ideo, si fulloni polienda curandae uestimenta quis dederit, aut sarcinatori sarcienda, nulla mercede constituta neque promissa, mandati competit actio.

**MANDATVM NISI GRATVITVM SIT.)** Enunciatio I. Mandatum contrahi, nisi gratuitum, non potest. l. 1. D. eod. ubi Vlp. ait, mandatum, nisi gratuitum, nullum esse. nam originem ex officio atque amicitia contrahere. contrariam autem esse officio mercedem. interueniente ergo pecunia, rem ad locationem & conductionem potius respicere. Item Lita. ut. 36. §. 1. eod. Ob eamque causam Papin. in l. salarium. 7. eod. scribit, procuratorem cui salarium constitutum est, non mandati formula, sed extra ordinem illud petiturum.

**QVIBVS CASIBVS SINE MERCEDE.)** Sequitur II. Vbi mercede non constituta mandati depositiue actio est, ibi mercede interposita, locati conductiue agitur. l. si tibi. 22. D. de praescript. uerb. ubi Caius sic scribit: Si tibi polienda sarciendaue uestimenta dederim, siquidem gratis hanc operam te suscipiente, mandati est obligatio: si uero mercede data aut constituta, locationis conductionisque negotium geritur.

**SI FULLONI POLIENDA CVRANDA VE.)** Sequitur III. Qui opus faciendum neque constituta, neque promissa mercede dedit, mandati actionem habet. C

## DE OBLIGATIONIBVS QVASI EX contractu.

### TITVLVS XV.

Post genera contractuum enumerata, dispiciamus etiam de ijs obligationibus, quæ non proprie quidem nasci ex contractu intelliguntur: sed tamen quia non ex maleficio substantiam capiunt, quasi ex contractu nasci uidentur.

**QVASI EX CONTRACTV NASCI.)** Id est, cum neque ex contractu, neque ex delicto proprie nascantur, quia neque contractum est, neque delictum ullum commissum: tamen ad contractus similitudinem propius accedunt. nam ut in contractibus, sic etiam in hisce actibus rei priuata negotium geritur. Verum hoc interest, quod in contractibus conuentio interuenit: & uoluntus utriusque non modo concurrit, uerum etiam negotio causam dedit: in his, aut certe plerisque earum, unius solius factum tum ipse, tum etiam alter tacite obligatur. Duabus autem de causis quasi contractus dicitur: primum, quoniam etsi non re ac ueritate, at certe tacite ac praesumpte, id est, ipso iure contraxisse uidentur. praesumitur enim ac iudicatur negotiorum gestor, eo animo negotium gerere, ut ex dolo & culpa obligetur: uicissimque etiam dominus eo animo esse iudicatur, ut libenter se negotiorum gestori obligatum uelit, si quid suo nomine impenderit. quare nasci dicitur hæc obligatio, quasi ex contractu: id est, non ex uero contractu, sed ex tacito ac praesumpto. Altera causa est, quia exitus iudicij ex istis obligationibus eiusmodi est, qui solet earum actionum esse, quæ ex ueris contractibus nascuntur: alter enim alteri dare aut facere damnamatur.

Qui nec



**A** *Qui negocium absentis sua sponte ac sine mandato gessit, ita obligatur, ut etiam leuissimam quamq; culpam præstet: uicissimq; dominum etiam ignorantem ex bono & æquo astringit. l. v. De oblig. & act. l. ij.*

& vj. De nego. gest.

**I.** Igitur cum quis negocia absentis gesserit, ultrò citroq; inter eos nascuntur actiones, quæ appellantur negotiorum gestorum. sed domino quidem rei gestæ aduersus eum qui gessit, directæ competit actio: negotiorum autem gestori, contraria: quas ex nullo contractu propriè nasci manifestum est: quippe ita nascuntur istæ actiones, si sine mandato quisque alienis negocijs gerendis se obtulerit. ex qua causâ ij quorum negocia gesta fuerint, etiam ignorantes obligantur. Idq; utilitatis causâ receptum est, ne absentium, qui subita festinatione coacti, nulli demandata negotiorum suorum administratione, peregrè profecti essent, defererentur negocia: quæ sanè nemo curaturus esset, si de eo quod quis impendisset, nullam habiturus esset actionem. Sicut autem is qui utiliter gessit negocia, habet obligatum dominum negotiorum: ita & contrà iste quoq; tenetur, ut administrationis rationem reddat. quo casu ad exactissimam quisq; diligentiam compellitur reddere rationem: nec sufficit talem diligentiam adhibere, qualem suis rebus adhibere solet: si modò alius diligentior eo, commodius administraturus esset negocia.

**VLTRÒ CITROQVE INTER EOS.)** Enunciatio I. Ex negotio absentis gesto, ultrò citroq; obligatio actioq; nascitur. l. 5. D. de oblig. & act. & l. 2. D. de nego. gest.

**DIRECTA COMPETIT ACTIO.)** Sequitur II. Eius actio cuius negocia gesta sunt, directæ: eius uerò qui gessit, contraria dicitur. d. l. 5. Directæ autem actiones in iure dicuntur eæ formulæ, quæ ad ipsam causam propter quam institutæ sunt, accommodantur. Contrariæ uerò, quæ ad contrariam partem. Nam primis temporibus earum rerum quæ plurimum in usu essent actiones ac formulæ à Iurisconsultis conceptæ fuerunt: ueluti deponentis in depositarium, mandantis in mandatarium, commodantis in commodatarium, pupilli in tutorem. His uerò aduersus illos non erant, quippe cum id raro accideret, ut depositarius, aut commodatarius aliquid in rem alienam impenderent: tutor autem & mandatarius ferè aliena negocia de alieno administrant. Post igitur cum usu longo perspectum est, his etiam dandas actiones esse, eadem illæ formulæ datæ sunt: quæ quia contrariam ad partem accommodabantur, contrariæ nominatæ sunt. Eadem ratio fuit negotiorum gestorum. Nam aduersus eum qui sua sponte absentis negocia gessit, actionis certa formula instituta est: quæ quoties conceditur, directæ nominatur. at cum interdum negotiorum gestor de suo quid impendat, æquum est illi formulam eandem concedi, quæ tum contraria appellatur.

**SI SINE MANDATO QVISQVE.)** Sequitur III. Hæc actio cum sine mandato absentis negocia gesta sunt, usurpatur. d. l. 5. ubi Caius scribit: Si quis absentis negocia gesserit, si quidem ex mandato, ex contractu nasci inter eos mandati actiones: quibus inuicem experiri possint de eo, quod alterum alteri ex bona fide præstare oportet. si uerò sine mandato, negotiorum gestor inuicem experiri posse, de eo quod ex bona fide alterum alteri præstare oporteret.

**ETIAM IGNORANTES OBLIGANTVR.)** Sequitur IIII. Obligatio qua negotiorum dominus astringitur, etiam in ignorantem cadit. l. 2. D. de nego. gest. ubi Caius scribit: Si quis absentis negocia gessit, licet ignorantis: tamen quicquid utiliter in rem eius impenderit, uel etiam ipse se in rem absentis alicui obligauerit, eo nomine actionem habere.

**UTILITATIS CAUSSA RECEPTVM.)** Sequitur V. Hæc actio utilitatis absentium causâ instituta est. d. l. 5. ubi Caius scribit, idè ita receptum fuisse, quia plerunq; homines eo animo peregrè proficiscuntur, quasi statim redituri, nec ob id ulli curam suorum negotiorum mandant. deinde nouis causis interuenientibus, ex necessitate diutius absunt, quorum negocia desperire iniquum erat. quæ sanè desperirent, si uel is qui obtulisset se negocijs gerendis, nullam habiturus esset actionem de eo quod uiliter de suo impendisset: uel is cuius gesta essent, aduersus eum qui inuassisset negocia eius, nullo iure agere possset.

**AD EXACTISSIMAM DILIGENTIAM.)** Sequitur VI. Qui negocium absentis gerit, si modò sine ipso alius gesturus erat, etiam leuissimam culpam præstare cogitur. l. tutori. 20. C. eod. & l. si pupilli. 6. C. uideamus. eod. ubi Iulianus ait: Si negotiorum gestor quædam prætermisit, & eius contemplatione alius ad hæc non accessit, etsi uir diligens quod ab eo exigimus, etiam ea gesturus fuit: negotiorum gestorum etiam propter ea quæ non gessit, teneri. Item l. si negocia. 11. D. eod. ubi Pomp. ait, negotiorum gestorem & dolum & culpam præstare debere. Quibus ex locis intelligitur, non per se leuissimam culpam hoc iudicio multari, sed tum demum cum aliter diligentior se obtulit.

*Ex tutelæ administratione & tutor pupillo, & uicissim hic illi de eo quod tutor præstitit, tenetur: iudiciumq; sic datur, quasi contractum inter eos negocium fuisset. l. v. D. de obligat. & act.*

**II.** Tutores quoq; qui tutelæ iudicio tenentur, non propriè ex contractu obligati intelliguntur. (nullum enim negocium inter tutorem & pupillum contrahitur) sed quia sanè non ex maleficio tenentur, quasi ex contractu teneri uidentur. Et hoc autem casu mutæ sunt actiones. Non tantum enim pupillus cum tutore habet tutelæ actionem: sed & ex contrario tutor cum pupillo habet contrariam tutelæ, si uel impenderit aliquid in rem pupilli, uel pro eo fuerit obligatus, aut rem suam creditoribus eius obligauerit.



INTER TUTOREM ET PUPILLVM.) Enunciatio I. Inter tutorem & pupillum contrahi nullum A  
negocium potest. l. 5. §. tutela. D. de oblig. & act. & l. pupillus. §. D. de auct. tut.

QVASI EX CONTRACTV TENERI.) Sequitur II. Tutela iudicium non ex contractu nascitur: sed  
perinde quasi contractum esset, conceditur. d. l. 5. & l. 1. D. de cont. tut. act. ubi Vlpian. ait: Quamquam sine tutoris auctoritate  
pupilli non obligentur, nec in rem suam tutor obligare pupillum possit: attamen receptum esse, ut tutori suo pupillus sine tuto-  
ris auctoritate civiliter obligetur, ex administratione scilicet.

HABET CONTRARIAM TUTELAE.) Sequitur III. Ex tutela gesta, tutor directa, pupillus uero con-  
traria actione de eo quod tutor praestiterit tenetur. d. l. 5. Nam actio tutelae primum in tutore tantum instituta est. at cum in-  
terdum eueniret, ut aliquid tutor de suo in rem pupilli impenderit, quae pupilli causa erat instituta formula, ea contrariam ad  
partem accommodata est. Itaq; Vlpianus in l. 1. D. de cont. tut. act. Contrariam, inquit, tutelae actionem Praetor proposuit, in-  
duxitq; in usum, ut facilius tutores ad administrationem accederent, scientes pupillum quoq; sibi obligatum fore ex sua admi-  
nistratone.

Qui ob causam rei sine societate communis obligatus est, item haeres legatorum nomine,  
non ex contractu, sed quasi ex contractu iudicium patitur. l. ij. & l. iij.

D. comm. diuid. l. v. De oblig. & act.

III. Item si inter aliquos communis res sit sine societate, ueluti quod pariter eis legata dona-  
tione esset: & alter eorum alteri ideo teneatur communi diuidendo iudicio, quod solus fructus ex  
ea re perceperit, aut quod socius eius solus in eam rem necessarias impensas fecerit: non intelli-  
gitur proprie ex contractu obligatus esse: quippe nihil inter se contraxerunt. sed quia ex maleficio B  
non tenetur: quasi ex contractu teneri uidetur. Idem iuris est de eo, qui cohæredi suo familiae er-  
ciscundae iudicio ex his causis obligatus est. Haeres quoq; legatorum nomine non proprie ex co-  
tractu obligatus intelligitur (neq; enim cum hærede, neq; cum defuncto, ullum negocium lega-  
tarius gessisse proprie dici potest) & tamen quia ex maleficio non est obligatus, quasi ex contra-  
ctu debere intelligitur.

COMMUNI DIUIDENDO IUDICIO.) Enunciatio I. Qui ob causam rei sine societate communis ob-  
ligatur, communi diuidendo iudicio tenetur. l. 2. & 3. D. comm. diuid. ubi Vlp. ait, huic actioni locum esse, ubi quid rei communis  
nomine aut abest alicui sociorum, aut ad eum peruenit ex re communi. quæ uerba cum hoc Iustiniani loco conueniunt. Sed  
queret aliquis, hæcne principalis huius iudicii causa sit. & respondemus, Nequaquam. nam iudicium communi diuiden-  
do est, quod inter eos redditur, qui rem quam alia atq; ex hereditaria causa communem habent, diuidi, simulq; quod alterum  
alteri ex bono & aequo præstare oportet, dari fieri postulant. Ex quo intelligitur, principem huiusce iudicii causam esse, di-  
uisionem: aut potius suæ cuiusq; partis demonstrationem. Quæ ex parte realis potius quam personalis hæc actio est: quippe  
quæ non dari nobis quod alterius est, sed quod nostrum est demonstrari petimus. At uero quæ ex parte petimus, Quicquid ex  
bona fide alterum nobis dare facere oportet, tum personalis actio est, non ad diuisionem, sed ad præstationes pertinet. Quod  
cum ita sit, illud etiam cõsequitur, ut hæc actio tum demum quasi ex contractu nata uideatur, cum eius exitus eiusmodi est, qui  
solet earum esse quæ uerè ex contractu nascuntur: nimirum cum alterum alteri dare facere oportet. Vbi autem hoc demum  
intenditur, ut quæ cuiusq; res sint demonstretur, difficile sane dictu est, eam quasi ex contractu natam esse. Quamquam uideo  
ancipitem hoc casu disputandi rationem. Dare enim oportet his iudicijs aut propter causam litis contestatione priorem atq;  
antiquiorem: ueluti, cum uel alteruter, uel uterq; rem communem attingit: id est, uel fructus percepit, uel sumptus in eam fe-  
cit: quem casum perspicuum est hoc loco ab Imperatore intelligi. aut propter causam ex ipso arbitrio ac sententiæ pronun-  
ciatione natam: ueluti, cum arbiter rem totam ei adiudicat, quem propterea certam pecuniæ summam dare oportet. Qui ca-  
sus haud scio an ad hanc disputationem pertinere possit. primum, quoniam hic de ijs obligationibus differitur, quæ iudicium  
anteceperunt, eiq; causam dederunt: deinde, quoniam ista ratione finium quoq; regundorum iudicium in hunc ordinem res  
ferri oporteret: quod tamen constat hoc loco non sine causa prætermisum fuisse: & hoc à reliquis duobus differre, quod in  
illis & gestum aliquid dicitur, & in re communi gestum: hic uero neq; quicquam gestum dicitur, nisi forte quod delicti spe-  
cie habeat: ueluti, si moti sint termini, quo casu ex delicto nascitur obligatio, neq; res communis fuit. præterea in illis res quæ  
nondum cuiusquam propriae sunt adiudicantur, sed quæ adhuc sunt communes: hic uero res quæ unius tantum propria est ad-  
iudicatur. l. 2. D. fin. regund.

QVASI EX CONTRACTV TENERI.) Sequitur II. Is cui ob rem sine societate communem aliquid  
abest, in alterum quasi ex contractu actionem habebit. l. hæredes. 25. §. non tantum. 13. D. fam. ercisc. Nam is cuius partem  
fructuū alter percepit, quæ impensis in rem communem fecit, nihil cum altero negocij contraxit: uerum perinde iudicium  
hoc habebit, ac si contraxisset. Quid ergo, si res ex societate communis esset? pro socio actio ex contractu competeret. Siue  
autem ob has causas, siue propter diuisionem rerum communium, quæ prima & præcipua huiusce iudicii ratio est, hoc iudi-  
cium reddatur: semper quasi ex contractu redditur.

COHÆREDI SVO FAMILIAE ERCISCUNDÆ.) Sequitur III. Familiae erciscundæ iudicium,  
non ex contractu, sed quasi ex contractu iisdem in causis redditur. l. hæredes. 25. §. 13. D. fam. ercisc. ubi Paulus ait, cohæredem  
cum cohærede non contrahere, sed incidere in societatem. Causas autem significat, cum alter ex cohæredibus uel solus fructus  
percepit, uel solus necessarias impensas in rem hereditariam fecit. Tum enim satis constat, nihil inter eos negocij data opera  
gestum esse, ut inter se obligarentur. At huiusce iudicii eadem quæ superioris ratio est. sic enim definitur: Iudicium familiae er-  
ciscundæ est, quod inter cohæredes ideo redditur, ut & hereditas diuidatur, & quod eo nomine alterum alteri dare facere o-  
portebit, præstetur. Quæ igitur ex parte diuisio postulatur, ea ex parte in rem actio est: alia uero ex parte personalis actio est,  
aduersus



**A** aduersus eum qui nobis ad dandum faciendumque perinde obligatus est, ac si conuentum pactumque inter nos fuisset, ut nobis obligatus esset.

**HAERES QVOQUE LEGATORVM NOMINE.)** Sequitur IIII. Haeres legatorum nomine, perinde quasi pacto conuenito obligatus esset, testamenti actione tenetur. l. 5. §. 2. De oblig. & act. unde hic fere locus descriptus est. Certum est enim, heredem nihil cum legatario, quem nunquam fortasse uiderat, contraxisse: sed cum hereditatem amplectitur, tacite cum eo contrahere, seseque ei obligare iudicatur.

*Qui pecuniam indebitam ab imprudente oblatam accipit, certi condictione, non ex contractu, sed quasi ex contractu, obligatur. l.*

*v. De obligat. & act.*

**IIII.** Item is, cui quis per errorem non debitum soluit, quasi ex contractu debere uidetur. Adeo enim non intelligitur proprie ex contractu obligatus esse, ut si certiore rationem sequamur, magis (ut supra diximus) ex distractu, quam ex contractu possit dici obligatus esse. Nam qui soluendi animo pecuniam dat, in hoc dare uidetur, ut distrahat potius negotium, quam contrahat. Sed tamen perinde is qui accipit, obligatur, ac si mutuum ei daretur: & ideo condictione tenetur.

**PER ERROREM NON DEBITVM SOLVIT.)** Enunciatio I. Qui solutum ab imprudente indebitum accipit, quasi ex contractu obligatus intelligitur. l. 5. §. is quoque. D. de obligat. & act. nam etiam si bona fide accipiat, sibi eam debitam existimans, ac proinde consentire in obligationem dici non possit: cum nihil magis contrarium sit consensui quam error, tamen & qui soluit, existimatur eo animo esse, ut si indebita est, eum sibi ad reddendum obliget: & qui accipit, sic accipere, ut nihil alienum iniuria retineat.

**MAGIS EX DISTRACTV.)** Sequitur II. Indebitum ab imprudente accipiens, potius ex distractu, quam ex contractu obligatur. d. l. 5. Et profecto ita est, ut nulla sit harum omnium obligationum, quae tantopere à contractu aliena sit. nam in alijs, scientia est in alterutro: scit enim negotiorum gestor se obligari, scit tutor, scit qui fructus ex re communis percipit, scit qui hereditatem amplectitur, scit qui sumptus in rem communem facit, se alterum obligare. At hoc casu nonnunquam usufructus, ut neuter sciat. nam qui soluit, omnino nunquam id intelligit, qui accipit, si bona fide accipit, ab animo contrahenda obligationis est alienissimus.

**VT SVpra DIXIMVS.)** §. 2. Quib. mod. re cont. oblig.

**AC SI MUTVVM EI DARETVR.)** Sequitur III. Qui indebitum per errorem oblatum accipit, certi condictione non minus quam ex mutuo obligatur. d. l. 5. Et hac de re superius suo loco dictum est.

*Indebitum per errorem solutum ex ijs causis, ex quibus inficiando lis crescit, non repetitur. ueluti, ex lege Iustiniiani, legatorum quæ religionis causa relicta sunt. l. iij. C. de cond. indeb.*

**V.** Ex quibusdam tamen causis repeti non potest, quod per errorem non debitum solutum sit. sic namque definierunt ueteres, ex quibus causis inficiando lis crescit, ex ijs causis non debitum solutum, repeti non posse: ueluti ex lege Aquilia, item ex legato. Quod ueteres quidem in ijs legatis locum habere uoluerunt, quæ certa constituta, per damnationem cuique legata fuerant. nostra autem constitutio, cum unam naturam omnibus legatis & fideicommissis indulsit, huiusmodi augmentum in omnibus legatis & fideicommissis extendi uoluit: sed non omnibus legatarijs hoc præbuit, sed tantummodo in ijs legatis & fideicommissis, quæ sacrosanctis ecclesijs, & cæteris uenerabilibus locis, quæ religionis uel pietatis intuitu honorantur, relicta sunt: quæ si indebita soluantur, non repetuntur.

**EX QVIBVS CAVSSIS INFICIANDO.)** Enunciatio I. Quibus ex causis inficiando lis crescit, ex ijs indebitum solutum non condicatur. l. 4. C. de cond. ind. ubi Impp. aiunt, ea quæ per inficiationem in lite crescunt, ab ignorantia etiam indebita soluta repeti non posse. sed & si ratio indebitæ pecuniæ ex eadem causa interponatur, conditioni locum non esse. Cuius rei ratio perobscura plerisque, & perdifficilis uidetur. neque sanè iniuria. Quid enim iniquius est, quam si, cum legatum nihil esset, putarem autem centum per damnationem legata fuisse, centum alicui soluerim, & illum retinere quod alienum est, & me quod meum est iniuria perdere tantum hoc nomine, quia si legatum fuisset, & inficiatus essem, in duplum ire. Similiter quid iniquius est, quam si, cum seruum tuum non uulnerassem, uulnerasse autem me putarem, decem eo nomine dedero, iccirco me illa perdere, quia si reuera uulnerassem, & postea inficiatus fuisset, dupli damnerer? Mihi tamen attentè hac de re cogitanti in mentem ueniebat, regulam hanc non ita generaliter accipiendam. Se, ut quod indebitum esse dicitur, tum de facto, tum de iure intelligeretur: sed de iure tantum. hoc est, ut reuera factum id esset, quamobrem deberi uideretur, sed tamen subtilitate iuris non deberetur. ueluti, ut quod de legato per damnationem diximus, factum esset, id est, & legatum, & per damnationem legatum fuisset, sed tamen subtili ratione iuris non deberetur. ueluti, quia plus dodrante legatum esset. Statuerunt igitur Iurisconsulti, huius indebiti soluti conditionem iccirco denegandam esse, quasi propter inficiationis periculum, & ambiguitatem controuersia quodammodo transactum fuisset. ut satius esse uideatur simplum illud solutum non repetere, quam inficiando, id est, rem in controuersia ponendo, periculum duplicationis incurrere. Hoc igitur in hac regula subaudiendum est, ut non de facto quaeratur, quippe quod perspicuum sit, sed de iure. cuius rei duo argumenta extant. primum, quia non simpliciter de legato questio proposita est, sed de legato per damnationem: cui questioni locus esse non posset, nisi reuera testator aliquid per damnationis formulam legasset. deinde, quia legatum incertæ personæ relictum, antiquo ciuili iure non obligat.



obligabat heredem. Quia tamen relictum esse constabat, si per errorem solutum esset, non repetebatur. §. incertis. *supra De legat.* ut interdum aliqua ex parte debitum naturale subesse uideatur. Similem igitur in casu legis Aquiliae rationem esse oportet. ueluti, si de facto, id est, damno dato constaret: sed utrum iniuria datum esset necne, quaereretur. ut in casu l. ult. & passim. D. ad leg. Aquil. Quoniam enim periculum esse potest, ne si res in controuersiam reuocetur, dupli sit actio: Iurisconsulti satius esse duxerunt, omnem illius periculi occasionem ista ratione praecidere: cum tamen iccirco queri is qui soluit, non possit. quippe, cum temeritati suae adscribere debeat, quod re non satis perpensa & considerata soluerit.

VELVTI EX LEGE AQUILIA.) Sequitur II. In legis Aquiliae iudicio propter inficiationem litis aestimatio duplicatur. l. 4. C. de leg. Ag. ubi Impp. aiunt, contra negantem ex lege Aquilia, si damnum per iniuriam dedisse probetur, dupli condemnationem procedere. Et l. inde Neratius. 23. §. haec actio. D. eod.

EX LEGATO.) Item ex miserabili deposito, id est, quod naufragij, ruinae, incendij causa factum esset. l. 1. D. de pos.

PER DAMNATIONEM CUIQUE LEGATA.) Sequitur III. In legatis per damnationem relictis, olim litis aestimatio ex inficiatione crescebat: auctore Paulo lib. Sent. 1. cap. 18. Ratio autem uidetur esse, quoniam ea legata tantum testatorum uoluntate atque contentione relinquuntur, quanta alia nulla est: itaque haeredem qui testatori tam uehementer aliquid imperanti, malitiose non paruit, & legatarium eo legato fraudare conatur, poena dignum leges iudicarunt. Eadem ex causa, hoc est, propter tantam testatoris uoluntatem, leges statuerunt, si forte legatarius iure ciuili destitueretur, ueluti quod non satis solenne testamentum fuisset, ac proinde summo iure legatum illud non deberetur, si tamen per errorem solutum esset, non repeteretur.

VNAM NATVRAM OMNIBVS.) Sequitur IIII. Iustiniani instituto una atque eadem natura legatis fideicommissisq. omnibus attributa est. l. 2. C. commu. de leg. & hoc suo loco planius explicatum est.

SED TANTVMmodo IN IIS LEGATIS.) Sequitur V. Iustiniani lege ea demum indebita legata soluta non condicuntur, quae religionis causa relictasunt. Lex autem Graecae, ut credi par est, scripta intercidit.

### PER QVAS PERSONAS NOBIS obligatio adquiratur.

#### TITVLVS XVI.

Obligatio etiam per seruum filiumq. fam. recte acquiritur: sed per hunc  
quaesita, solum usumfructum sui commodi patri ex Iustini-  
aniani praescripto agenti, attribuit. l.  
6. C. de bon. qua. lib.

I. **E**xpositis generibus obligationum, quae ex contractu, uel quasi ex contractu nascuntur: admonendi sumus, acquiri nobis non solum per nosmetipsos, sed per eas quoque personas quae in nostra potestate sunt, ueluti per seruos & filios nostros: ut tamen, quod per seruos quidem nostros nobis acquiritur, totum nostrum fiat: quod autem per liberos, quos in potestate habemus, ex obligatione fuerit acquisitum, hoc diuidatur secundum imaginem rerum proprietatis & ususfructus, quam nostra decreuit constitutio: ut quod ab actione commodum perueniat, huius usum fructum quidem habeat pater, proprietatem autem filio seruetur, scilicet patre actionem mouere secundum Nouellae nostrae constitutionis diuisionem.

QVOD PER SERVOS QVIDEM.) Enunciatio I. Obligatio etiam per seruum acquiri potest, eiusque ius integrum ac solidum ad dominum pertinet. l. 1. & pass. D. de stipul. ser. Quemadmodum enim res omnes opera & ministerio seruorum nostrorum acquirere possumus, sic etiam obligationes.

VSVSFRVCTVM QVIDEM HABEAT.) Sequitur II. Obligatio per filiumfam. quaesita, sui commodi proprietatem ipsi, usumfructum uero patri attribuit. l. cum oportet. 6. C. de bon. qua. lib. ubi Iustinianus ea omnia quae peculij aduentitij nomine continentur, ita partiti sunt, ut eorum ususfructus patri, proprietatem uero filio deberetur. Sed profectio, castrensis, & quasi castrensis dissimilis ratio est: quemadmodum supra lib. 2. docuimus, sub tit. Per quas person. unde summatim illud intelligitur, ex castrensi & quasi castrensi peculio filiumfam. pleno iure sibi actiones acquirere: ex profectio, pleano item iure patri: ex aduentitio uero, patri usumfructum, sibi meram proprietatem.

SECVDVM NOVELLAE NOSTRAE.) Sequitur III. Ex obligatione per filiumfam. quaesita, pater actionem instituere ex praescripto Iustiniani debet. l. ult. §. & filius. & §. ubi autem. C. de bon. qua. lib. ubi statuit, ut si pater aduentitium filij peculium repudiet, filius patris consensu & agat & defendat, sin agnoscat, ipse suis quidem sumptibus, filij uero consensu litiget: nisi uel tenera aetate sit, uel longè absit.

Per liberos homines, seruosq. alienos bona fide possessos: item per seruos in quibus  
usum usum uel fructum habemus, tum ex ipsorum operibus, tum  
ex re nostra obligatio acquiri potest. l. x. D. de  
acquirend. rer. domin.

II. Item per liberos homines, & alienos seruos, quos bona fide possidemus, acquiritur nobis: sed tantum ex duabus causis, id est, si quid ex operibus suis, uel ex re nostra adquirat. Per eum quoque seruum, in quo usumfructum uel usum habemus, similiter ex duabus istis causis nobis acquiritur.



**A** **PER LIBEROS HOMINES.)** Enunciatio I. Obligatio etiam per liberos homines seruusq; alienos bona fidei possessori, tum ex suis operis, tum ex re ipsius acquiritur. l. acquiritur. 10. §. 4. D. de acq. rer. dom. Et lib. 2. pluribus uerbis hoc explicauimus.

**TANTVM EX DVABVS CAVSSIS.)** Sequitur II. Quod liber homo, seruusue alterius bona fidei possessoris, aliunde quam ex operis suis, aut re possessoris acquirit, ille sibi, hic uero domino acquirit. d. l. acquiritur. Visum enim est, satis possessori fore ad sumptus tolerandos quibus eos aluit, si quæ ipsi suo labore peperissent, haberet: aduentitia autem lucra, & quæ aliunde manarent, iniquum existimatum est ei permitti.

**PER EVM QVOQVE SERVVM.)** Sequitur III. Seruus obligationes usufructuario ex suis operis, aut re ipsius tantum acquirit. d. l. acquiritur. Rationem superius exposuimus, quia usufructus emolumenta, ipsius persona, reuue in qua usufructus est, finibus terminantur. Hereditas autem ceteraq; aduentitia commoda externa sunt, & aliunde quam ex ipsa re uel persona manant.

*Quod seruus communis indefinite acquirit, dominis omnibus pro rata dominij acquirit.*

*quod uero unius nomine diserte uel stipulatus est, uel per traditionem accipit, uniusue iussu acquisiuit, ei soli debetur. l. 7. D. de*

*stip. ser. l. ult. C. per quas persf.*

**III. Communem seruum pro dominica parte dominis adquirere certum est: excepto eo, quod nominatim uni stipulando, aut per traditionem accipiendo, illi soli acquirit: ueluti cum ita stipulatur, TITIO DOMINO MEO DARE SPONDES?** Sed si domini unius iussu seruus fuerit stipulatus, licet antea dubitabatur: tamen post nostram decisionem res expedita est, ut ille tantum adquirat, qui hoc ei facere iussit, ut supra dictum est.

**PRO DOMINICA PARTE.)** Enunciatio I. Obligatio indefinite à communi seruo quasita, singulis dominis pro rata dominij parte acquiritur. l. 5. & 7. D. de stip. ser. Idq; superius sub eod. tit. explicatum est.

**NOMINATIM VNI STIPVLANDO.)** Sequitur II. Seruus communis uni nominatim stipulando, uel per traditionem accipiendo, illi soli acquirit. d. l. 5. D. de stip. ser. Dixit aut, **PER TRADITIONEM ACCIPIENDO**, quia traditio rei dominium non transfert, sed causam dominij duntaxat, id est usucapicendi facultatem. Quod igitur per traditionem seruus accipit, dominus possidet, tractuq; temporis acquirit.

**DOMINI VNIVS IVSSV.)** Sequitur III. Seruus communis unius iussu stipulatus, ex lege Iustiniani ei soli acquirit. l. ult. C. per quas person. Sed hæc sane negligenter à Triboniano & oscitanter traduntur. Bipartita enim Iustiniani constitutio illa est. nam primo loco eum casum explicat, quo seruus ab uno iussus, alteri tamen nominatim stipulatur: qui casus solus à Iustiniano definitus est. Post uero, casum eum tractat quem Theophilus hoc loco intelligit, de seruo communi, qui ab uno domino iussus, indefinite tamen atq; impersonaliter stipulatur. quem casum apud ueteres ius certum habuisse, Iustinianus indicat. neq; meo iudicio magna in eo dubitandi causa unquam fuit: cum iussus domini, nominationis uim obtineat. Quare cum hoc loco Iustinianus aperte ostendat se casum illum significare, qui ius usq; ad sua tempora dubium atq; obscurum habuit, neq; Theophilo assentiri possum, qui casum alterum intellexit: neq; Triboniani negligentiae concedere, qui duorum uerborum parsimonia locum hunc exiliter ac ieiune descripsit.

## QVIBVS MODIS OBLIGATIO TOLLITVR.

### TITVLVS XVII.

*Tum eius quæ debetur rei, tum etiam (dummodo creditor consentiat) alterius solutione, quamuis ab alio etiam inuito debitore facta sit, dissoluitur obligatio. quin & rei fideiussores uel solutione utraque obligatio extinguitur.*

**I. Tollitur autem omnis obligatio solutione eius quod debetur: uel si quis, consentiente creditore, aliud pro alio soluerit. Nec interest, quis soluat, utrum ipse qui debet, an alius pro eo. liberatur enim & alio solvente: siue sciente debitore, siue ignorante, uel inuito solutio fiat. Item si reus soluerit: etiam ij qui pro eo interuenerunt, liberantur. Idem ex contrario contingit, si fideiussores soluerit: non enim ipse solus liberatur, sed etiam reus.**

**SOLUTIONE EIVS QVOD DEBETVR.)** Enunciatio I. Eius rei quæ debetur solutione, omnis dissoluitur obligatio. l. prout. 80. D. de solut. Quæ in re duo notanda & obseruanda sunt: primum, solutionis uerbo hic ueram tantum & solidam solutionem intelligi, quam nos naturalem, hoc est, ut pinguius loquamur, materialem & essentialem appellamus. l. pen. D. de solut. cum alioqui Solutionis uerbum pertineat ad omnem liberationem quoquo modo factam: magisq; ad substantiam obligationis referatur, quam ad numerorum solutionem. l. solutionis. 54. D. eod. l. solutionis. 176. D. de uerb. oblig. Secundo illud intelligi oportet, cum sub hoc titulo passim dicimus, enumerari modos quibus tollitur, soluitur, perimitur, extinguitur obligatio: de ijs agi modis, per quos ipso iure sic extinguitur obligatio, ut Pratori dare iudicium ex contractu non liceat. Cuius rei quis usus sit, ex tit. De exceptionibus cognoscemus.

CONA







**A** pro parte recte soluitur: ita in partem debiti acceptilatio fieri potest. Est autem prodita stipulatio, quæ uulgò Aquiliana appellatur, per quam contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renouat omnes obligationes, & à Gallo Aquilio ita composita est: Quicquid te mihi ex quacunque causa dare facere oportet, oportebitue, præsens in diem ue, quarumq; rerum mihi tecum actio, quæq; aduersus te petitio, uel aduersus te persecutio est eritue, quòd ue tu meum habes, tenes, possides, doloue malo fecisti quo minus possideas: quanti quæque earum rerum res erit, tantam pecuniam dari stipulatus est Aulus Agerius, sponndit Numerius Nigidius. quod Numerius Nigidius Aulo Agerio sponndit, id haberetne à se acceptum Numerius Nigidius Aulum Agerium rogauit. Aulus Agerius Numerio Nigidio acceptum fecit.

**PER ACCEPTILATIONEM TOLLITVR.)** Enunciatio I. Acceptilatio, legitimus est dissoluendæ obligationis modus. l. pen. D. de solut. & l. i. & pass. D. de acceptil.

**IMAGINARIA SOLVTIO.)** Sequitur II. Acceptilatio non naturalis, sed imaginaria dissoluendæ obligationis ratio est. l. pen. D. de solut. nam in uera & naturali solutione debitor aliquid re ipsa & actu (ut uulgò loquimur) præstat: hic uerò nihil præstat, sed perinde quasi præstiterit, liberatur.

**GRÆCE POTEST ACCEPTILATIO FIERI.)** Sequitur III. Acceptilatio etiam Græcis uerbis fieri potest. l. an inutilis. 8. in fi. D. de acceptil. ubi Vlp. ait, acceptilationem esse iuris gentium, & ideo Græce posse acceptum fieri, dummodò sic fiat, ut Latinis uerbis solet, & c. Dubitandi causam afferebat, quòd acceptilatio formula est, hoc est certorum uerborum & quasi sollemnium conceptio, cuius syllabas & literas omnes seruari moris est. Sed hoc loco duo quæri possunt. Primum, quid illud sit, quod ait, acceptilationem ideo Græce fieri posse, quia iuris gentium est. quid? stipulatio cuius iuris est? nemo negat, esse ciuilem. Græce tamen eam posse fieri, superius dictum est. Secundò, cur acceptilationem dicat esse iuris gentium: cum acceptilatio nihil aliud quam stipulatio sit, quæ ciuilem esse constat, & à Iuriconsultis Ro. ciuium Ro. causa, ita ut alia omnes legis actiones, instituta sit. Respondendum igitur, Acceptilationem uerè iuris ciuilem esse, suamq; certa & propria formula constare: sed utilitatis causa constitutam esse, ut contra iuris ciuilem regulas & cum peregrinis, & peregrina lingua concipi possit. Atq; hoc nimirum illud est, quod Vlp. his significat uerbis: Hoc iure utimur ut iuris gentium sit acceptilatio.

**QVAB EX VERBIS CONSISTVNT.)** Sequitur IIII. Acceptilatio ad eas tantum obligationes pertinet, quæ uerbis contractæ sunt. l. an inutilis. 8. §. 2. D. de acceptil. ubi Vlp. ait, acceptum ferri non posse, nisi quod uerbis colligatum est. acceptilatio enim uerborum obligationem tollit, quia & ipsa uerbis fit. neq; enim potest uerbis tolli, quod non uerbis contractum est. Quod cum ita sit, uidetur potius acceptilatio uel acceptifactio dici posse, quippe cum ita rogemus: Quod tibi acceptum promisi, habes ne acceptum? ex l. 6. uel. (ex l. 7.) Accepta facis decem?

**QVOD ALIA EX CAUSSA DEBETVR.)** Sequitur V. Obligatio aliter quam per stipulationem contracta, ita per acceptilationem dissolui potest, si prius in stipulationem commutata sit. l. prout quicq; 8. D. de solut. l. 4. & 5. D. de transact. Nam per stipulationem nouatio fit: & quæ consensu uel re contracta erat obligatio, ea iam uerbis constat, ac propterea recte uerbis dissoluitur. Sed quæro, an ad obligationem quæ nominibus constat, etiam hæc pertineant: hoc est, an per acceptilationem Aquilianam, quæ stipulatione constat, obligatio nominibus contracta dissolui possit? Non equidem arbitror. Primum, quia nomina in stipulationem nouari nihil attinebat: quemadmodum paulo post dicemus. non enim minus firma nominibus, quam stipulatione, contrahitur obligatio.

**PRO PARTE RECTE SOLUITVR.)** Sequitur VI. Quod debetur, recte pro parte soluitur. l. stipulatus. 9. §. 1. D. de solut. ubi Vlp. ait, cum qui decem debet partem soluendo in parte obligationis liberari, & reliqua quinque sola in obligatione remanere.

**ITA IN PARTEM DEBITI.)** Sequitur VII. In partem debiti recte acceptilatio interponitur. l. pars. 9. & l. seq. Itaq; non illius formula uerbis omnibus quæ posterius subiiciuntur, utendum erit: sed hoc modo, Quicquid te mihi ex illa causa, & c. Vlp. tamen in l. 13. D. eod. scribit, si id quod in acceptilationem deductum est, diuisionem non recipiat, acceptilatio in partem nullius erit momenti. Deniq; cum qui accepto facit, uel totum, uel partem eius quod stipulatus est, debere accepto facere, quare ubi partes non sunt, nullius momenti acceptilationem esse. Veluti si quis domum stipulatus accepto ferret cæmentum, uel fenestras, uel parietem, uel diatam.

**QVAB VVLGO AQUILIANA APPELLATVR.)** A C. Aquilio Gallo, iuriconsulto nobili, cuius in formulis concipiendis singularis quædam exstitit sapientia: ut constat ex ea de dolo malo, quam Cicero euerriculum malitiarum omnium appellat: & ex ea de postumo non suo hærede instituendo.

**IN STIPVLATVM DEDVCATVR.)** Itaq; genus aliud obligationis in uerborum obligationem commutatur: quæ Nouatio uulgò dicitur, de qua mox dicemus.

**RENOVAT OMNES OBLIGATIONES.)** Sequitur VIII. Aquiliana formula cuiusq; generis obligationes in stipulationem deduci, renouariq; possunt. l. & uno. 18. D. eod. Quicquid enim quacunque ex causa debetur, in uerborum obligationem conuertitur: ut postquam creditor omnes debitoris obligationes in illam commutauit, tum debitor una stipulatione omnes illas extinguat. itaq; quo contracta modo fuerat obligatio, eodem dissoluatur. Atq; hæc illa Modestini definitio referenda est: Acceptilatio est liberatio per mutuam interrogationem, qua utriusq; contingit ab eodem nexu absolutio. Nam hæc ad Aquilianam formulam duntaxat pertinet.

**EX QVACVNQVE CAUSSA.)** Siue ex contractu, uel quasi contractu, siue ex maleficio, uel quasi maleficio. Etiamne si nominibus contracta sit obligatio? Ego, quia uniuersalem aliquam multarum obligationum nouationem hic fieri uideo, sic arbitror.

**DARE FACERE.)** Notum est, obligationum alias in dando, alias in faciendo consistere. Quod utriusq; genus hac formula ita comprehenditur, ut tamen coniuncta etiam pro disiunctis accipi possint: & satis sit alterutrum probari. l. sepe. 53. De uerb. sign.



**OPORTET, OPORTEBIT'VE.)** An futuras obligationes intelligit? nequaquam: sed ad illud respicit, **EX A**  
**QVACVNQVE CAVSSA.** ut priore uerbo præsens debitum, posteriore & præsens & in diem comprehendatur. l.  
 si stipulatus. 76. §. 1. l. si a colono. 89. l. cum stipulamur. 125. 46. D. de legat. 2. l. uerbū oportebit. 8. D. de uerb. sig. Vt sit sensus:  
 Quicquid ex præterita causa te mihi dare facere oportet, oportebit'ue.

**PRÆSENS IN DIEM'VE.)** Id est, uel in præsentia, uel in posterum. ut facile appareat & quæ sub conditio-  
 ne debentur, postremo uerbo comprehendi: quoniam ea quoq; tolli per acceptilationem possunt. l. quod in diem. 12. D. de ac-  
 cept. l. sub conditione. 16. D. de solut.

**ACTIO, PETITIO, PERSECUTIO.)** Actio in personam infertur, petitio in rem, persecutio in rem uel in  
 personam rei persequendæ causa: inquit Papin. in l. actio. 28. D. de oblig. & act. Vlp. autem l. pecunie. 178. D. de uerb. sign.  
 Actionis uerbum, inquit, & generale & speciale est. nam omnis actio dicitur, siue in personam, siue in rem sit petitio. Sed ple-  
 runq; actiones personales solemus dicere. Petitionis autem uerbo in rem actiones significari uidentur: persecutionis uerbo ex-  
 traordinarius persecutiones puto contineri.

**EST, ERIT'VE.)** Ex causa præterita ut proxime dicebamus.

**QVOD'VE TV MECVM.)** Hæc non tam necessitatis, quam cautionis & diligentia sunt. Id enim suum cuiusq;  
 est, quod uindicare potest: ut ait Vlp. l. quintus. 27. §. 1. D. de aur. & arg. leg.

**HABES, TENES, POSSIDES.)** Habere, ut opinor, ad res incorporales: Tenere, ad corporales: Possidere, ad  
 utraq; pertinet. Item habere ad ius, tenere ad factum, possidere ad utrumq; arg. l. possessio. 49. §. 1. D. de acquir. poss. tamen  
 raro hæc proprietates obseruatur. l. 2. §. quod autem. D. unde ui. & de ui arm. l. 2. §. hoc interdictum. D. ne quid in loco pub. l. sti-  
 pulatio ista. 38. D. de uerb. obli. l. habere. 138. D. de uerb. sign. l. 3. D. de acq. poss.

**DOLO'VE MALO FECISTI.)** Etenim parum esse conditionem oportet eius qui quid possideat, uel habeat:  
 atq; eius cuius dolo malo factum sit, quo minus haberet uel possideret: inquit Vlp. in d. l. 2. §. hoc interdictum. D. ne quid in lo- **B**  
 co pub. Nunc sumpta est regula iuris l. 150. cui altera conuenit in l. ad ea. 157. §. 1. de reg. iur.

**QVOD NUMERIVS NIGIDIVS.)** Sic legitur in Florentinis, alijsq; nonnullis libris. Vulgo tamē hic locus sic  
 scriptus est: Item ex diuerso Numerius Nigidius interrogauit Aulum Agerium, Quicquid tibi hodierno die per Aquilianā sti-  
 pulationem spondidi, id omne habesne acceptum? Spondidit Aulus Agerius, Habeo, acceptumq; tuli. Quam si quis Aquilius for-  
 mulam esse putet, uehementer errat, mea quidem sententia: quasi uerō tam ineptus Aquilius fuerit, ut suum nomen in publicam  
 formulam insertum uoluerit. Neq; in re perspicua pluribus utendum est uerbis.

Cum id quod nobis ab aliquo debetur, ab altero nouandi animo stipulamur, quamuis  
 posterior obligatio nulla sit, prior tamen extinguitur. à nostro uerō de-  
 bitore, nisi noui quid asseramus, stipulando nouare non  
 possumus. l. j. & pass. D. de nouat.

**III. Præterea nouatione tollitur obligatio:** ueluti si id quod tu Scio debebas, à Titio dari  
 stipulatus sis. Nam interuentu nouæ personæ, noua nascitur obligatio: & prima tollitur, translata  
 in posteriorem: adeo ut interdum, licet posterior stipulatio inutilis sit, tamen prima nouationis iu-  
 re tollatur: ueluti si id quod tu Titio debeas, à pupillo sine tutoris auctoritate stipulatus fuerit:  
 quo casu res amittitur. nam & prior debitor liberatur, & posterior obligatio nulla est. Non idem  
 iuris est, si à seruo quis fuerit stipulatus. nam tunc prior perinde obligatus manet, ac si postea nul-  
 lus stipulatus fuisset. Sed si eadem persona sit, à qua postea stipuleris: ita demū nouatio fit, si quid **C**  
 in posteriore stipulatione noui sit: forte si conditio, aut dies, aut fideiussor adijciatur, aut detraha-  
 tur. Quod autem diximus, si conditio adijciatur, nouationem fieri: sic intelligi oportet, ut ita dica-  
 mus factam nouationem, si conditio extiterit. alioqui si defecerit, durat prior obligatio.

**NOVATIONE TOLLITVR OBLIGATIO.)** Enunciatio I. Nouatio legitimus est tollendæ obliga-  
 tionis modus. l. 1. D. de nouat. ubi Vlpianus ait, nouationem esse prioris debiti in aliam obligationem uel ciuilem, uel naturalem,  
 transfusionem atq; translationem. hoc est, cum ex præcedenti causa ita noua constituitur, ut prior perimatur. nouatio enim à  
 nouo nomen accepit, & à noua obligatione. Sed quod scribit, ueterem obligationem in nouam etiam naturalem commutari,  
 dubitandi causam asserre posset, cum satis constet, nouationem fieri per stipulationem, quæ ciuilis obligatio est. Ergo ex fine  
 legis respondendum est, ciuili quidem ratione, id est, stipulatione obligationem nouari, sed non semper uim ac neruos iuris ci-  
 uilis obtinere: quemadmodum nec omnis stipulatio ciuilis obligationem parit. ueluti si à pupillo sine tutoris auctoritate stipu-  
 latus sis: tum enim sola naturalis concipitur obligatio: ut ibidem Vlpianus scribit. Porro autem. non tantum ueterem obliga-  
 tionem nouatio extinguit, uerum etiam omnes ei adiunctas conditiones. Itaq; & cursus usurarum cohibetur, & hypothecæ  
 ac pignora liberantur. l. nouatione. 18. & l. emptor. 27. D. eod. Præterea nec pœna ex priore obligatione committi amplius  
 potest. l. si creditor. 15. eod. & mora ante, in eo quod promissum est præstando commissa, purgatur. l. quoties. 14. eod. Sed exis-  
 tit hoc loco questio non contemnenda. nam cum ea sola ratione dissolui obligationes possint, quæ contractæ sunt, uti modò su-  
 periore §. dicebamus: quomodo nouatio quæ per stipulationem fit, potest alio quam uerborum modo contractas obligatio-  
 nes extinguere? Intelligendum est igitur, & magnopere animaduertendum hoc non simpliciter & absolute, sed ui quadam  
 adiunctæ necessitatis fieri. quia non aliter opus suum efficere nouatio posset, nisi in ueteri obligatione, quasi subiecta mate-  
 ria, uersaretur. Ergo non dissoluendæ obligationis causa instituta est, sed efficiendæ. uerum quia non simpliciter efficiendæ,  
 sed ex uetere aliqua efficiendæ & concipiendæ introducta est, propterea non absolute illam dissoluit, sed ea tanquam mate-  
 ria utitur. Illud tertio loco intelligendum est, propterea nouationem institutam esse, quod stipulatio multo certior & cautior  
 est obli-



**A** est obligandi ratio, quam ulla cuiusvis alterius generis. singula enim nominatim & uti lingua nuncupata erant, cauplex autem, quemadmodum posterius discemus, nouatio est. prima, cum unius personae obligatio in alterius personae obligationem nouatur. altera, cum alterius generis obligatio in uerborum obligationem nouatur. tertia, cum uerborum obligatio in alteram formam ita commutatur, ut ei uel adiciatur, uel detrahatur. Illud, inquit Vlpianus, non interest, qualis praecessit obligatio: utrum naturalis, an civilis, an honoraria: & utrum uerbis, an re, an consensu: dummodo sequens obligatio uel naturaliter teneat, uel civiliter. Item in l. 2. Omnes res transire in nouationem possunt. quodcumque enim siue uerbis contractum est, siue non uerbis, nouari potest, & transire in uerborum obligationem ex quacumque obligatione. Denique hoc loco notandum & obseruandum est, literarum obligationem non nominari. Cuius rei causam inquiri: neque ullam tamen reperio. Stipulationem enim multo certiore ea fuisse, uel ex eo constat, quod uel testibus praesentibus uel per scripturam fiebat. Suspicionem igitur meam ueterem retinco, Tribonianum foro suo seruientem, uerbum illud, more institutoque suo deieuisse.

**INTERVENTU NOVAE PERSONAE.)** Sequitur II. Cum id quod nobis ab altero debetur, ab altero stipulamur, prior extinguitur obligatio. l. si Stichum. 8. §. ult. D. eod. ubi Vlpianus ait, quod ego debeo, si alius promittat, liberare me posse. quinetiam Caius in l. ult. D. eod. scribit, nihil ob stare, quo minus plurimum obligationes in unam commutentur, ueluti si ita stipulemur: Quod Titium & Seium mihi dare facere oportet, id dari spondes? Licet enim ex diuersis causis singuli fuerant obligati, utrique tamen nouationis iure liberantur: cum utriusque obligatio in unius personam, a qua nunc stipulemur, confluat.

**LICET POSTERIOR INUTILIS SIT.)** Sequitur III. Prior obligatio per nouationem quamuis posterior inutilis sit, extinguitur. l. si Titius. 48. in fi. D. de fideiuss. ubi Papinianus ait, si minor dolo creditoris inductus, alienam in se obligationem nouandi causa suscepit, & inanem hanc esse obligationem, & ueterem extingui. Cuius rei ratio non obscura est. Nam etsi nouatio non tam extinguenda obligationis, quam nouae concipiendae causa constituta sit, ac propterea saepe non extinguitur superior, nisi alia exorta sit, ut posterius docebimus: tamen respondemus, id non nouationis, sed nouare uolentis uitio factum esse: qui dolo malo utens, huic actioni impedimentum attulit.

**POSTERIOR OBLIGATIO NULLA EST.)** Sequitur IIII. Qui a pupillo sine tutoris auctoritate stipulatus est, nullam obligationem acquirit. l. nouare. 20. D. eod. ubi Paulus ait, pupillum sine tutoris auctoritate nouare non posse, ex quo contingit, ut & liberetur creditor, neque tamen noua obligatio nascatur. Sed occurreret a quibusdam, & obijcietur, nouationem non tam ea de causa institutam esse, ut obligationes tollantur, quam ut rediuiuae aliae nascantur, ac propterea iniquum esse, nouatione ueterem obligationem extingui. Respondemus ergo, similiter, ut in questione superiore, non nouationis uicio id fieri: quae per se ac natura sua idonea est ad obligationem concipiendam. qua de causa etiam ea nascitur hoc casu obligatio, quae nasci potest in pupillum sine tutore promittentem, nimirum naturalis. l. i. in fi. D. eo. l. pupillus. D. de auct. tut. sed uicio stipulantis id accidere, qui tam stultus fuerit, ut sibi pupillum sine tutoris auctoritate obligare uoluerit. Causae constitutio: Cum Octauius a pupillo Titio sine tutore auctore stipulatus esset, id quod sibi Mauius debebat, neque pupillus uocari in ius posset, in Mauium regredi instituit: quasi nihil actum fuisset, cum noua nulla exorta esset actio. Intuitio Mauij: Nouatio facta est. D. Non est. Q. An facta sit. R. Quia nouatio est effectio nouae obligationis ex uetere, siue commutatio ueteris obligationis in nouam. At hic nulla noua exorta est. F. At hoc non nouationis, sed tuo solius uicio factum est. quare pro eo habenda est, ac si reuera exorta esset obligatio. arg. l. in omnibus. 39. D. de reg. iur. Disceptatio ex contrariis scriptis nascitur, an cum nouatio nouae obligationis efficiendae causa instituta sit, tamen si stipulantis uicio & culpa eius effectus impediatur, pro sua etiam aduersus ipsum iudicanda sit. Respondetur, pro facta numerandam aduersus ipsum esse. quoniam in omnibus causis pro facto accipitur id, quod per alium impedimenti sit quo minus fiat: ut in regula traditum est.

**SI A SERVO QVIS.)** Sequitur V. Qui quod alter debet, a seruo nouandi causa stipulatur, nec ius uetus tollit, nec nouum inducit. Cuius dissimilitudinis ratio haec est, quoniam subesse personam oportet nouationis capacem: uti patet ex fine l. quo res. 14. D. de nouat. Itaque, tamen si seruus naturaliter aequi ut pupillus obligetur. l. naturaliter. 13. D. de cod. indeb. **C** tamen quia civilis obligationis, cuius concipiendae causa nouatio instituta est, capax non est: ideo quasi materia & causa sine qua non, deficiat, ita nihil actum esse iudicatur.

**IN POSTERIORE STIPULATIONE NOVI SIT.)** Sequitur VI. Qui a suo ipso debitore nouandi animo stipulatur, nisi noui quid asserat, nihil agit. l. 6. & 7. D. eod. nam alioqui Penelopes tela, ut in uetere proverbio est, retexti, & actum agi uideretur.

**SI CONDITIO ADIICIATUR.)** Sequitur VII. Conditio in nouando adiecta, si quidem extiterit, nouationem confirmat: sin minus, nihil actum intelligitur. l. quoties. 14. D. eod. ubi Vlp. ait, quoties quod pure debetur, nouandi causa sub conditione promittitur, non statim fit nouatio: sed tunc demum, cum conditio extiterit, & ideo, si forte Stichus fuerit in obligatione, & pendente conditione decesserit: ne nouatio continget, quia non subest res eo tempore quo conditio impletur. Sed si quod sub conditione debetur, pure quis nouandi causa stipuletur, ne nunc quidem statim nouat: licet pura stipulatio aliquid egisse uideatur, sed tunc nouabit, cum extiterit conditio, etenim existens conditio primam stipulationem committit, commissamque in secundam transfert. Idemque traditur in l. si Stichum. 8. §. 1. l. nouatio. 24. l. si non. 31. D. eod.

*Iustiniani lege, non modo animus ac uoluntas, ut olim, ad nouandum exquiritur: uerum etiam diserta, nominatimque testata conuentio. alioqui nec prior obligatio tollitur, & ei posterior accedit. l. ult. C. de nouat.*

**IIII.** Sed cum hoc quidem inter ueteres constabat, tunc fieri nouationem, cum nouandi animo in secundam obligationem itum fuerat: per hoc autem dubium erat, quando nouandi animo uideretur hoc fieri, & quasdam de hoc praesumptiones alij in alijs casibus introducebant: ideo no



stra processit constitutio, quæ apertissimè definiuit, tunc solùm nouationem fieri. quoties hoc A  
ipsi inter contrahentes expressum fuerit, quòd propter nouationem prioris obligationis con-  
uerunt. alioqui & manere pristinam obligationem, & secundam ei accedere: ut maneat ex uo-  
raque causa obligatio secundum nostræ constitutionis definitionem, quam licet ex ipsius lectio-  
ne apertius cognoscere.

CVM NOVANDI ANIMO.) Enunciatio I. Olim nouatio, nisi nouandi animus adesset, contrahi non pote-  
rat. l. 2. eod. ubi Vlp. ait, nouationem ita demum fieri, si hoc agatur, ut nouetur obligatio: ceterum si non hoc agatur, duas fo-  
re obligationes. quod iam idem traditur in l. si Stichum. 8. §. 1. & 2. & l. fundum. 28. D. eod. l. duo societatem. 71. D. pro soc.  
ob eamq; causam, quoties de absente per nouationem liberando agatur, addi solet absentis liberandi nouandiq; causa stipu-  
latum esse. l. per iusiurandum. 13. §. pen. D. de acceptil.

TVNC SOLVM NOVATIONEM.) Sequitur II. Iustiniani instituto, nisi nominatim conuenerit ut fie-  
ret nouatio, & prior obligatio manet, & ei posterior accedit. l. ult. C. eod. ubi statuit, nisi stipulantes remiserint priorem obli-  
gationem, & hoc expresserint, & secundam magis pro anteriori elegerint, nihil penitus prioris cautelæ innouari. deniq; uo-  
luntate tantum, non lege nouandum. & si non uerbis exprimat, ut sine nouatione causa procedat.

*Quæ nudo consensu obligationes constant, eadem nudo consensu distrahi,  
dissoluiq; possunt. l. lxxx. D. de solut.*

V. Hoc amplius, eæ obligationes, quæ consensu contrahuntur, contraria uoluntate dissoluun-  
tur. Nam si Titius & Seius inter se consenserint, ut fundum Tusculanum emptum Seius haberet B  
centum aureis: deinde re nondum secuta, id est, neq; pretio solutio, neq; fundo tradito, placuerit  
inter eos ut discederetur ab ea emptione & uenditione: inuicem liberantur. Idem est & in condu-  
ctione & locatione, & in omnibus contractibus, qui ex consensu descendunt, sicut iam dictum est.

CONTRARIA VOLVNTATE DISSOLVUNTUR.) Enunciatio I. Obligationes quæ nudo con-  
sensu contrahuntur, nudo consensu dissolui possunt. l. prout. 80. D. de solut. l. ab emptione. 58. D. de pact. l. 1. C. quand. lic. ab  
empt. nam, ut ait Vlp. in l. 35. D. de reg. iur. nihil tam naturale est, quam eo genere quicq; dissolui, quo colligatum est.

RE NONDVM SECVTA.) Sequitur II. In obligationibus quæ nudo consensu constant, res in integro dici-  
tur esse, cum nulla dum traditio facta est. d. l. 1. C. quando lic. ubi imp. ait, post traditionem interpositam, nudam uoluntatem  
non resolueret emptionem: nisi uel pretium acceptum, uel res accepta reddatur. In lege autem secunda hæc ascri-  
bit, ut si arræ nomine aurum datum sit, hoc solùm recuperetur: sin uerò pars pretij  
dissoluta sit, res non integra iudicetur.



# Institutionum Iuris, D. Iustiani, Liber quartus,

Ex usitata partitione, & recepta in scholis consuetudine hinc incipit.

DE OBLIGATIONIBVS, QVAE EX DELICTO NASCUNTUR.

TITVLVS XVIII.

*Transitio ad obligationes quae priuatis ex delictis nascuntur: quarum omnium contrahendarum modus est unus: res scilicet, quae in furto, rapina, damno & iniuria uersatur. l. iij. D. de oblig. & act.*



V'M expositum sit superiore libro de obligationibus ex contractu, & quasi ex contractu: sequitur, ut de obligationibus ex maleficio, & quasi ex maleficio dispiciamus. Sed illae quidem (ut suo loco tradidimus) in quatuor genera diuiduntur, haec uero unius generis sunt: nam omnes ex re nascuntur, id est, ex ipso maleficio: ueluti ex furto, aut rapina, aut damno, aut iniuria.

SUPERIORE LIBRO.) Hac non Triboniani, sed eius ueteris Iurisconsulti unde descriptus hic locus est, uerba esse, qui uis uel mediocriter in genere Tribonianici sermonis uersatus, facile intelligit. Quare uti hoc argumento ad confirmandam uulgatam horum librorum partitionem, nulla ratio est, non enim omnis partitio ad quemuis ordinem recte accommodatur. Itaque praecleara haec potuit esse partitio in eius libris, unde descripta haec uerba sunt, ueluti si de Obligationibus scripturus, priori libro de iis quae ex contractu, posteriore de iis quae ex delicto nascuntur, disputaret: aut si alio quouis modo instituta esset disputatio, quemadmodum a Caio factum esse, index legis quartae, D. de oblig. & act. demonstrat, unde si haec uerba sumpta essent, tamen ad librum tertium pertinere, nemo non uidet.

IN QVATVOR GENERA DIVIDVNTVR.) Enunciatio I. Obligationum quae ex contractu nascuntur, diuisio quadripartita est. l. i. D. de oblig. & act. nam & re, & uerbis, & literis, & sine his, nudo consensu recte contrahuntur. Id quod superius suo loco dictum est.

HAE VERO VNIVS GENERIS SVNT.) Sequitur II. Quae ex maleficio nascuntur obligationes, omnes uno ex genere, id est, ex re nascuntur. l. 4. de oblig. & act. ubi Caius scribit, ex maleficio nasci obligationes, ueluti ex furto, ex damno, ex rapina, ex iniuria: quae omnia unius generis sunt. nam haec re tantum consistunt, id est, ipso maleficio: cum alioquin ex contractu obligationes non tantum re consistant, sed etiam uerbis & consensu. Cum igitur genus unum Iustinianus dicit, genus unum illorum quatuor de quibus modo dicebamus, intelligit. Re igitur & furtum & rapina, & damnum & iniuria fiunt: solo animo & uoluntate non fiunt. nam de furto quidem sic scribit Vlp. l. Si quis. 52. §. 13. Neque uerbo, inquit, neque scriptura quis furtum facit, hoc enim iure utimur, ut furtum sine contrectatione non fiat. quare & opem ferre, uel consilium dare tunc nocet, cum secuta contrectatio est. Item Paulus in l. cum as. 20. eod. Cum as pignori datur, etiam si aurum esse dicatur, furtum non fit. At enim uerbis iniuria fit: ueluti contumelia, & conuicio: fit etiam literis, ueluti famosis libellis. Ita est, sed cum de uerborum aut literarum obligationibus loquimur, non quae uerbis, aut quasuis literas intelligimus: nam plerumque & emptio & societas & mandatum aut uerbis, ut colloquutione, aut literis, nimirum epistolis fiunt: nec tamen uerborum aut literarum parere obligationem dicuntur. quid ergo est? Docuimus antea, uerborum nomine sollennia uerba, id est, stipulationes literarum uero, sollennes literas, id est, tabularum nomina intelligi. Atque hoc eos latuisse, qui Iurisconsultorum aetatis nostrae principes nominati sunt, turpe sane, hominibusque doctis indignum uideri possit.

VEL VTI FURTO, AUT RAPINA.) Sequitur III. Priuata maleficia quatuor sunt generum, furtum, rapina, damnum, & iniuria. d. l. 4. de oblig. & act. Nullum enim est aliud de quo priuatum iudicium constituatur. Et hanc inter publica & priuata delicta differentiam esse, pluribus uerbis in Comment. de uerb. Iur. exposuimus.

Definitio furti, eiusque notatio quadruplex. l. j. D. de furt.

II. Furtum est contrectatio rei fraudulosa, lucri faciendi gratia, uel ipsius rei, uel etiam usus eius, possessionisue: quod lege naturali prohibitum est admittere. Furtum autem uel a furuo, id est, nigro







**A** minus, neq; possessor quisquam est: efficitur, hereditarie rei furtum non fieri, nec enim furtum fit (inquit Vlpianus) nisi sit cui fiat. l. falsum. 43. §. 4. D. de furt.

**LEGE NATURALI PROHIBITVM EST.)** Sequitur VII. Furtum naturali lege prohibitum est. d. l. i. & l. probum. De uerb. sig. ubi Vlp. ait, furtum, sicut adulterium natura turpe & flagitiosum esse. Quod cuiusmodi sit, Asconius in Verrinam 3. his declarat uerbis: Maleficia sponte, & non disputatione Iuriscultorum, sed naturali interpretatione fugienda sunt: ut ueneficium, parricidium, & cætera, quæ etiam nullo prohibente uitanda sunt. Quibus uerbis significat, alia quædam esse quæ per se, ut eo loco Cicero scribit, & sua sponte turpia non sunt, sed ea tantum de causa, quia communi ciuium consensu atq; instituto prohibita sunt, ueluti, ne quis priuatus pecuniam faciat, ne quis adoptiuam filiam aut sororem in uxorem ducat: necne Senator eam quæ ludicram artem exercuerit. Item paulo post, sub tit. ad legem Aquiliam, multa commemorantur, quæ non natura, sed Iuriscultorum disputationibus delicta nominantur. Hoc autem loco, appendiculam istâ ad definitionem ipsam pertinere arbitror, atq; ad differentiis contræctionum notandas: nimirum ut res quæ hostium sunt, discernamus, quas si audulenter lucrificandi animo contræctamus, neq; tamen furtum committimus.

**VEL A FVRVO, ID EST NIGRO.)** Sequitur VIII. Furti notatio est quadruplex, uel enim à furuo, uel à fraude, uel à ferendo, uel à Græco uerbo φῦρ deducitur. d. l. i. Hinc Nonius: Fures, inquit, significantiam habent à furuo, quod Romani ueteres atrum appellauerunt: & quod per obscuras atq; atras noctes opportuna sit eius mali effectio, eo dictos fures. Varro rerum diuinarum lib. 14. Furem ex eo dictum, quod furuum atrum appellauerint, & fures per obscuras noctes atq; atras facilius furentur. Homerus, λέων ἄνδρα κλέπτειν ἀνέμω. Gellius lib. 1. cap. 18. Varro, inquit, in libro primo de ratione uocabulorum, dicit Furem ex eo dictum, quod ueteres Romani furuum atrum appellauerint: & fures per noctem, quæ atra sit, facilius furentur. Nonne uidetur Varro de fure errasse? nam quod à Græcis nunc λῆστος dicitur, antiquiore Græca lingua φῦρ est dictum: hinc per affinitatem literarum, quæ φῦρ Græcè est, Latine fur. Sed ea res fugerit: ne tunc Varronis memoriam, an contra aptius & coherentius putarit, furem à Furuo, id est nigro, appellari: in hac re de uiro tam excellentis doctrinæ non meum iudicium est. Hæc Gellius. Seruus etiam in lib. Aeneid. 7. Fures, inquit, ideo dicti sunt, quod furuo, id est nigro tempore furta committunt.

*Furti diuisio bipartita, ut aliud manifestum sit, nimirum cum res in manibus furis antequam destinatum in locum ferretur, deprehensa est: aliud nec manifestum. l. ij. & seq. D. de furt.*

**III.** Furtorum autem genera duo sunt: manifestum, & nec manifestum. Nam cõceptum & oblatum, species potius actionis sunt furto cohærentes, quàm genera furtorum, sicut inferius apparebit. Manifestus fur est, quem Græci ἰν' αὐτοφώρῳ appellant: nec solum is qui in ipso furto deprehenditur, sed etiam is qui in eo loco deprehenditur, quo furtum fit: ueluti qui domi furtum fecit, & nondum egressus ianuam deprehensus fuerit: & qui in oliueto oliuarum, aut in uineto uuarum furtum fecit, quandiu in eo oliueto aut uineto deprehensus fuerit. Imò ulterius furtum manifestum extendendum est, quandiu eam rem fur tenens uisus uel deprehensus fuerit: siue in publico, siue in priuato, uel à domino, uel ab alio, antequam eò peruenerit, quò deferre uel deponere rem destinasset. Sed si pertulit quò destinauit, tametsi deprehendatur cum re furtiua, nō est manifestus fur. Nec manifestum furtum quid sit, ex ijs quæ diximus, intelligitur. nam quod manifestum non est, id scilicet nec manifestum est.

**C** **MANIFESTVM ET NEC MANIFESTVM.)** Enunciatio I. Furti diuisio bipartita est, in manifestum & nec manifestum. l. 2. eod. Aut enim deprehensa res est in furis manibus, antequam destinatum in locum deferretur, aut non est: neq; medium quicquam inueniri potest. Sed exoritur dubitatio ex l. uulgaris. 21. D. eod. ubi si quis armarium, quod tollere non poterat, aperuerit, & omnes res quæ in eo erant contræctauerit, atq; ita discesserit: deinde reuersus unam ex his abstulerit, & antequam se reciperet quò destinauerat, deprehensus fuerit: eiusdem rei & manifestus, & nec manifestus fur esse dicitur. Item, qui segete luce secat, & contræctat: eius quod secat manifestus & nec manifestus fur est. Respondendum igitur, eiusdem quidem rei posse utrumq; committi furtum, sed non eodem tempore, eademq; actione. nam cum dolo malo cõtræctauit, nec manifestus: cum abstulit ac deprehensus est, manifestus furti se alligauit. Verè igitur bipartita diuisio est.

**SPECIES POTIVS ACTIONIS.)** Sequitur II. Concepti & oblati furti appellatio, non furti, sed actionis ac formulæ potius species quædâ est. Ac de oblata quidem constat: cum oblatio, id est, depositio rei furtiue apud ignorantem, furtum non sit. De concepto etiam res obscura non est: quia sæpe concipi apud alium quàm furem res potest: & si apud furem concipiatur, furtum nec manifestum est. Deniq; id ex ea specie planissime intelligitur, qua ope, consilio, furtum factum esse dicitur. constat enim, non tam furti, quàm actionis speciem ac formulam illam fuisse: ut posterius apparebit.

**QVEM GRAECI ἰν' αὐτοφώρῳ.)** Quod in ipso quidē furto, proprie significat: sed tamen alias omnes ad res transfertur. Itaq; rem Heschius sic explicat: ἰν' αὐτοφώρῳ ἄνδρ' ὁ φανερῶς ληστεύων, καὶ αὐτὸν ἑρπύλλων, ἢ ἰν' αὐτῷ τῷ κλέμει τὴν ὑπὸ τοῦ κλέπτου αὐτοῦ. Qui manifeste deprehensus, pænæ obnoxius est: aut in ipso furto inuentus est, cum rem adhuc in manibus haberet.

**NON SOLVM IS QVI IN IPSO FVRTO.)** Sequitur III. Manifestus fur dicitur, qui uel in actu, uel in loco ipso, uel antequam in destinatum locum rem deportarit, deprehenditur. l. 3. 4. & 5. D. eod. Vbi etiam illud ascribitur, quod diligenter obseruandum est, quò destinauerit quis auferre, sic accipiendum esse: quò destinauerit, eo die manere cum eo furto. Item Gellius lib. 11. cap. 18. Manifestum, inquit Masurius, furtum est, quod deprehenditur dum sit, faciendi finis est, cum perlatum est quò ferri cõperat. Causse constitutio: Qui uestem domi meæ furatus erat, eamq; per semitas quasdam urbis tenebrosas certum in locum deportabat, fortè à me deprehensus est. Intentio mea: Fur manifestus es, quippe in actione ipsa



deprehensus. D. Non sum. Q. An sit. R. Quia actio furandi est, tantisper dum res suo ex loco, id est eo ubi dominus eam collo-  
 carat, mouetur. F. Imò actio furandi est, quandiu res suo loco sublata in alium transfertur. Disceptatio ex scripti ambiguitate nascitur: An actio furandi intelligatur, usque dum alium in locum res deferatur. Masurius respondet, faciendi finem non prius esse, quam res destinatum in locum perlata sit. Itaque Paulus lib. Sent. 2. Manifestus fur est, inquit, qui in faciendo deprehensus est, uel antequam ad eum locum quo destinauerat perueniret.

VISVS VEL DEPREHENSVS FVERIT.) Sequitur IIII. Non modò prehensio, sed etiam uisio, neque ea tantum domini, sed etiam alieni furem manifestum facit. Intelligendum est tamen, testibus opus esse, qui furem cum re, antequam propositum in locum peruenisset, conspexerint: quos uel dominus, uel quiuvis alius nominatim testatus sit, quid uiderint, ac scierint, utque id meminerint. ueluti si solus, uel cum sua tantum familia dominus esset, & furem prehensum eo usque tenuerit, dum uicini clamore euocati testes adessent.

TAMETSI DEPREHENDATUR CVM RE.) Sequitur V. Post rem destinatum in locum perlata, fur manifestus non dicitur, quamuis cum ipsa re deprehendatur. l. 5. in fin. D. cod. Rationem autem superius exposuimus, quia tum furandi actio finem habuit. Itaque Paulus lib. Senten. 2. Nec manifestus fur est, inquit, qui in faciendo quidem deprehensus non est, sed eum furem fuisse negari non potest. Itaque Leno ille in Plauti Pcenulo, qui seruum alienum cum philippeis trecentis domum suam abduxerat, tametsi domi suae statim cum marsupio deprehendatur, fur manifestus non erat: uexaturque, ridiculus à poeta, cum Agorastoclem sic loquentem facit:

Age, omitte actutum, furcifer, marsupium:

Manifeste fur es. mihi quæso hercle operam date,

Dum me uideatis seruum ab hoc abducere.

Etenim cum dolo malo rem alienam non contrectasset, ne fur quidem erat.

NEC MANIFESTVM FVRTVM.) Sequitur VI. Nec manifestum furtum ex manifesti, tanquam contra-  
 rium ex contrarij sui definitione intelligitur. l. 8. D. cod. ut nec manifestus fur dicitur, qui in ipsa actione, id est, antequam destinatum in locum rem pertulisset, non deprehenditur. Videtur autem moris fuisse, ut quæ quis furem esse sciret, eum testibus presentibus interrogaret, nunquid illa res apud illum esset, aut nunquid eam contrectasset: si negaret, res testibus ipsidem presentibus comperiebatur. Sic Agorastocles in eadem, aduocatus, id est testes, alloquens:

Si exierit leno, censetis hominem interrogem:

Meus seruus si apud eum uenerit, nec ne?

Exemplò denegabit, iuratus quidem.

Homo furti se altringet. — Item aliquanto post:

Ag. Hoc age sis leno, seruum esse audiui meum

Apud te. L. Apud me: nunquam factum reperies.

Ag. Mentire, nam ad te uenit, aurumque attulit.

Memento te istuc aduocati. — Item aliquanto post:

Ag. Negasne apud te esse aurum, nec seruum meum?

L. Nego, & negando si quid refert, aio.

Olim quatuor furti actiones fuerunt: concepti, oblati, prohibiti, non exhibiti: quæ nunc obsoleuerunt. itaque quicumque rem furtiuam sciens receperit, ac celauerit, nec manifesti furti actione obligatur.

IIII. Conceptum furtum dicitur, cum apud aliquem testibus presentibus furtiua res quaesita & inuenta sit: nam in eum propria actio constituta est, quamuis fur non sit, quæ appellatur concepti. Oblatum furtum dicitur, cum res furtiua ab aliquo tibi oblata sit, eaque apud te concepta sit: utique si ea mente tibi data fuerit, ut apud te potius, quam apud eum qui dederit, conciperetur. nam tibi, apud quem concepta sit, propria aduersus eum qui obtulit, quamuis fur non sit, constituta est actio, quæ appellatur oblatus. Est etiam prohibiti furti actio aduersus eum qui furtum quærere testibus presentibus uolentem prohibuerit. Præterea pœna constituitur edicto Prætoris per actionem furti non exhibiti, aduersus eum qui furtiuam rem apud se quaesitam & inuentam non exhibuit. Sed hæ actiones, scilicet concepti & oblatus, & furti prohibiti, nec non furti non exhibiti, in desuetudinem abierunt. Cum enim requisitio rei furtiue hodie secundum ueterem obseruationem non fiat: merito ex consequentia etiam præfatæ actiones ab usu communi recesserunt: cum manifestissimum sit, quod omnes qui scientes rem furtiuam susceperint & celauerint, furti nec manifesti obnoxij sunt.

FVRTIVA RES QVAESITA ET INVENTA.) Enunciatio I. Is apud quem testibus adhibitis res quaesita & inuenta est, quamuis fur non sit, concepti furti actione tenetur. Itaque Paulus lib. Sent. 2. Concepti, inquit, actione is tenetur, apud quem furtum quaesitum & inuentum est. Item, Concepti is agere potest, qui rem concepti & inuenit. Gellius autem lib. 11. cap. 18. ea furtiva quæ per lancem liciumque concepta essent, perinde ac si manifesta forent duodecim tabulis uindicta scribit, post uero, tripli pœnam ordinario iure constitutam.

OBLATVM FVRTVM.) Sequitur II. Is apud quem deprehensa res est, aduersus eum (quamuis fur ille non fuerit) qui ne apud se reperiretur deposuit, oblatus furti actionem habet. Hinc Paulus: Oblatus actione is tenetur, qui rem furtiuam alij obtulit, ne apud se inueniretur. Item, Oblatus is agere potest, penes quem res concepta & inuenta est. Huius autem actionis uim in triplum esse, Gellius eodem loco testatur.



**A** EST ETIAM PROHIBITI FVRTI.) Sequitur III. Qui furtum apud se testibus praesentibus inuestigare prohibet, prohibiti actione tenetur.

FVRTI NON EXHIBITI.) Sequitur IIII. Qui rem furtiuam apud se inuentam non exhibet, poenali furti non exhibiti actione tenetur.

IN DESVETVDINEM ABIERVNT.) Sequitur V. Quatuor superiores actiones Iustiniani tempore obsoleuerant:

**REQUISITIO REI FVRTIVAE.)** Sequitur VI. Antiqua furtivae rei inuestigandae ratio Iustiniani tempore sublata erat. Gellius etiam id de suo tempore affirmat lib. 16. cap. 10. ubi furtorum quaestiones cum lance et licio appellat. de quibus quid olim suspicatus sum, exponam. Dioscorides igitur de lapide Aetite loquens (quem ego lapide aliquo in locis uidi) sic scribit: *ἐστὶ γὰρ λίαν ἐλαγχρῶν, εἰ ἐπιθεῖν τὴν εἰς τὸν περὶ σφοδρόμυλον ἀφ' ὅρου, ὃ καὶ κλέψας ἐν αὐτῷ διωκθεὶς καὶ ἀσθενέοντα παρὰ τὸν ὄντι ἡ σφοδρόμυλος ὁ ἀεὶ τὴν τοῖς ἐδέρμασι, κλέψας ἐλαγχρῶν γινέσθαι. ὃ καὶ διωκθεὶς ὁ καὶ ἀπὸ τῶν τῶν σφοδρόμυλων αὐτῶν.* Furem quoque Aetites deprehendit, si quis in pane conditum offerat: fur enim mansum deuorare non poterit. quin etiam concoctus, furem coarguit: quippe decocta cum eo, deuorare non poterit. Eius autem rei rationem opinabar esse, quod cum metu affectis fauces angustentur, tum etiam pulvis Aetitis deuorandi difficultatem affert. Iam uero quo maior adhiberetur terror, religionem quoque interpositam putabam: ut sacerdos licio amictus, panem Aetite lapide conditum in lance ceteromonia causa deferens, ei qui furti suspectus erat, deuorandum offerret. Reperio etiam apud Solinum, fontes esse in Sardinia permultos, quorum aquae oculis medentur, et coarguendis ualent furibus. nam quisquis sacramento raptum negat, luminis aquis attrectat: ubi perurium non est, cernit clarius: si perfidia abnuat, detegitur facinus cecitate, et captus oculis admisum tenebris fatetur. Atque haec quidem ita se habent. Anno uero superiori apud Platonem libro de Legib. 12. locum hunc offendit, cuius lectione facile ad mutandam sententiam sum adductus. *φωρᾶν δὲ αὐτῷ ἐθέλει τις παρὰ ὁτιῶν, γυνὸς ἢ χιτοῦν τὰ τε σκευὰ σφύρα καὶ τὰ ἀσπίδα φωρᾶν.* id est: Si quis furtum apud quempiam uelit quaerere, is hoc faciat aut nudus, aut lictum habens, et discinctus, ac iuratus deos legum custodes se reperendi spe sic furtum inuestigare. aliter autem domum ei suam prebeat, ut in obsignatis et non obsignatis locis furtum quaerat. Quibus ex uerbis intelligitur, quis licij usus esset. mirificeque congruit quod Festus lib. 10. scribit: Lance, inquit, et licio dicebatur apud antiquos: quia qui furtum ibat quaerere in aliena domo, licio cinctus intrabat: lancemque ante oculos tenebat, propter matrum fam. aut uirginum praesentiam. non iniuriarum: cum uiri nudi aspectus, quamuis licio tectus, ruborem uerecundis et pudicis mulieribus afferat.

**FVRTI NEC MANIFESTI OBNOXII.)** Sequitur VII. Quicumque rem furtiuam sciens recipit, celatque, nec manifesti furti actione tenetur. l. eos. 14. C. de furt. ubi Impp. aiunt, eos qui a seruo furtim ablata scientes susceperint, non tantum de susceptis, sed etiam poenali furti actione conueniri posse. Obseruandum autem est quod Vlp. ait in l. uulgari. 21. eo. ubi casus quosdam commemorat, quibus simul et manifestum et nec manifestum furtum admittitur. Si quis, inquit, armarium quod tollere non poterat, aperuerit, et omnes res quae in eo erant, contrectauerit, atque ita discesserit: deinde reuersus unam ex his abstulerit, et antequam se reciperet, quod destinauerat, deprehensus fuerit: eiusdem rei et manifestus, et nec manifestus fur erit. sed et qui segetem luce fecat et contrectat, eius quod fecat, manifestus, et nec manifestus fur est.

*Manifestus fur, quadrupli: nec manifestus, dupli, siue liber, siue seruus sit, tenetur. l. 50. D. de furt.*

**V. Poena manifesti furti, quadrupli est, tam ex serui quam ex liberi persona: nec manifesti, dupli.**

**QVADRVPLI EST.)** Enunciatio I. Furi manifesti, quadrupli: nec manifesti, dupli poena constituta est. l. in furti. 50. D. eod. ubi Vlp. ait: in furti actione non quod interest quadruplabitur, uel duplabitur, sed rei uerum precium. Hoc autem loco intelligendum est, actionem manifesti quidem furti totam esse praetoriam, nec manifesti civilem. Etenim lege duodecim Tabularum manifesti furi poena haec erat constituta, ut si noctu furtum faceret, uel interdum telo se defenderet, cum domino cum clamore testificanti occidere liceret. si neque noctu neque telo se defendens prebenderetur, uirgis caesus ei cui furtum fecisset addiceretur. serui autem uerberibus affecti de saxo deicerentur, impuberes uero Praetoris arbitratu uerberarentur. Haec Gellius lib. 11. cap. 18. et Caius in l. si pignore. 54. D. de furt. et l. 4. D. ad leg. Aquil. quamquam Vlpianus in l. seq. etiam illud addit, si cum dominus furem posset apprehendere, maluit occidere, et Aquilia et Cornelia lege teneri. quod animaduersione sane dignum est. Verum illa quidem lex duodecim Tabularum ante leges Portias et Sempronias obseruata est. at cum ijs legibus uirga a ciuium Rom. corporibus remota essent, uerisimile est translatitiam quadrupli poenam constitutam fuisse, quae in edicto quoque perpetuum relata est, ut postea scribit Imp. S. 1. de per. et temp. act. Haec de manifesti. Nec manifesti autem furibus, dupli poenam non Praetoris edicto, sed legibus antiquissimis impositam fuisse, Cato in procemio libri De re Rust. demonstrat. Maiores, inquit, nostri sic habuerunt, et ita in legibus posuerunt, furem dupli damnari, foeneratorem quadrupli. Leges autem XII. Tab. intelligi, patet ex eo quod Gellius eodem loco, postquam de Decemuiris locutus est, interiectis aliis quibusdam, tandem sic inuoluit: Alijs deinde furtis omnibus quae nec manifesta appellantur, poenam imposuerunt dupli. Constat praeterea ex Plauto in Penulo his uerbis,

Vbi is detulerit, tu eo quaesitum seruum aduentes tuum,  
Cum pecunia. Ille negabit, Milphionem quaeri censebit tuum.  
Adduplicabit omne furtum: leno addicetur tibi. Et in extremis:  
Duplum pro furto mihi opus est.—  
Leno, Perij hercle. Ag. Imò haud multo post in ius ueneris?



L. Quin egomet tibi me addico: quid Prætoris opus est?  
Verum obsecro te, ut liceat simplum soluere.  
Trecentos Philippos. credo corradi potest.  
Cras auctionem faciam. A G. Tantisper quidem,  
Ut sis apud me in lignea custodia.

Quibus ex uerbis patet, furti nec manifesti pœnam fuisse, non tantum ut duplum solueretur, sed ut interea fur addictus ac nexus seruiret. At in manifesto furto longè aliam additionem interpretor, nimirum ut damnatus cum omni sua familia, bonisq; omnibus ei cui damnatus esset, in perpetuam seruitutem addiceretur. Quæri autem poterit, quomobrem tanta semper inter manifesti & nec manifesti furti pœnam differentia fuerit: cum interdum qui nec manifestus est, multo grauius quam aliter peccarit? Sed causam esse arbitror, quia nunquam ita certum est, furem eum esse qui deprehensus non est, atq; illum qui deprehensus est. Dubijs autem in rebus semper leniores mitioresq; leges esse consueuerunt. Obseruandum autem est quod ait Vlpian. in l. ult. D. eod. suo tempore furti nomine plerumq; criminaliter agi solitum: non ideo tamen minus, si quis uelit, ciuili ter agere posse. quod sic interpretor, nō ut possit utroq; iudicio agere, & apud Præfectum uigilum pœnam criminalem, apud Præto rem pecuniariam postulare: sed ut alterius electione altera tollatur. Vnde quæsitum est, an qui criminaliter egit, neq; tamen à magistratu obtinere potuit ut in furem animaduertetur, acerbior emine in eum sententiam pronunciaret, quam uti sim plium, id est, rem furtiuam redderet: postmodū actionē furti à Præto re petere possit, ut pœnam pecuniariā exigat & Iulian. in l. interdum. 56. negat id posse. nam eo ipso quod fur ad Præfectum uigilum eductus, in maioris pœnæ periculum uocatus est, pœnam pecuniariam consumptam esse. Atq; hoc meum de Iuliani responso, perplexa sanè & obscura & salebrosa oratione scripto, iudicium est: quod ij, ut spero, qui iudiciorum antiquorum consuetudinem norunt, comprobabunt. non quod is qui tam graui iudicio est usus, omnem magistratui pro arbitrio suo statuendi potestatem permiscrit: (quo nihil absurdius dici potest: quia criminibus pœna quæ lege nulla definita est, arbitrio magistratus permittitur. Verum hæc quidem hætenus. Illud non prætermittendum est, pœnam duodecim Tabularum à Platonis lege non abhorre, qui libro nono sic scribit: *κλέπῃ δὲ ἐαυτὲ μέγα, ἐαυτὲ συμφορὴν κλέπῃ τις, εἰς αὐτὸ νόμος νέσθω, καὶ μία διὸς τιμωρία ἔστω παρὰ τοὺς νόμους. ὁ μὲν γὰρ κλαπὼν δὴν ἑαυτὸν διπλάσιον πῶτόν ἐκτίσται, ἐὰν ὅφλῃ τις τὸ τοιαύτου δίνῃ, καὶ ἰκανὸν ἔστω τὸν ἀλλὸν ὅστις ἀποτίσται, ὑποβῆναι κέρως. ἐὰν δὲ μὴ, δεδεδόται, ἕως αὐτὸς ἐκτίσῃ ἢ πείσῃ τὸν παταδινασόμενον.* Id est: De furto, siue magnum, siue paruum furatus quis sit, lex multa que una omnibus imponitur, ut rem furtiuam & alia rum tantum reddat is, qui eo iudicio damnatus iudicatum facere possit: qui non possit, nexus addicatur ei cui damnatus erit, dum aut soluat, aut satisfaciat. Item, satis longo intervallo: *ὅντις ποῶρα εἰς οἰκίαν εἰσόντα ἐπὶ κλοπῇ χειμάτωρ, ἐὰν ἰδὼν ἤβῃν τις, καὶ θάψῃς ἔστω.* Id est: Qui furem noctu domum furandi caussa ingredientem interfecerit, extra culpam esto.

Furtum non amouenda tantum, sed etiam contrectanda re inuito domino committitur.

Itaq; quod cui seruandum datum est, si id usus est: siue quod utendum acceperit, ad aliam rem atq; accepit usus est, furti se obligauit.

l. liij. lxv j. xl. lxxv j. D. eod.

VI. Furtum autem fit, non solum cum quis intercipiendi caussa rem alienam amouet: sed generaliter, cum quis alienam rem inuito domino contrectat. Itaque siue creditor pignore, siue is apud quem res deposita est, ea re utatur: siue is qui rem utendam accepit, in aliū usum eam transferat, quam cuius gratia ei data est, furtum committit: ueluti, si quis argentum utendum acceperit, quasi amicos ad cœnam inuitaturus, & id peregrè secum tulerit: aut si quis equum gestandi caussa commodatum sibi, longius aliquò duxerit: quod ueteres scripserunt de eo, qui in aciem equum perduxisset.

CVM QVIS INTERCIPIENDI.) Enunciatio I. Furtum non tantum amouendo, uerum etiam contrectando inuito domino, admittitur. l. si pignore. 54. eodem. ubi Caius scribit, eum qui quod utendum accepit, ipse alij commodauerit, furti obligari: indeq; apparere furtum fieri, & si quis usum alienæ rei in suum lucrum conuertat. Item l. si is. 7. C. eod. ubi imp. ait, eum qui pecuniam sibi ad alterum deferendam datam, parua quantitate numerata in usus suos conuertit, furtum fecisse.

SIVE CREDITOR PIGNORE.) Sequitur II. Creditor pignore, depositarius re deposita utens, furtum admittit. d. l. si creditor. 54. eod. & l. si is qui. 66. ubi Paulus ait: Si is qui rem pignori dedit, uendiderit eam: quamuis dominus sit, furtum facit, siue eam tradiderat creditori, siue speciali pactione tantum obligauerat. Et l. seq. ubi Celsus ait, inficiando depositum nemo facit furtum. nec enim furtum est ipsa inficiatio, licet propè furtum est. sed si possessionem eius apiscatur interuertendi caussa, facit furtum. nec refert in digito habeat anulum, an dactylothea: quem cum deposito teneret, habere pro suo destinauerit. Causæ constitutio: Deposuit aliquis apud me suas uestes: ips ego sine ipsius permisso, & cum id me ipso inuito facere crederem, utor. Hoc cum ille rescisset, actionem furti aduersus me instituit. Intentio: Aio te mihi furtum fecisse. D. Non feci. Q. An fecerit. R. Quia furtum est contrectatio rei alienæ lucri faciendi caussa. F. Imò furtum est contrectatio lucris faciendi caussa: uel rem ipsam, uel ipsius usum. Disceptatio ex uerbi ambiguitate nascitur.

PEREGRE SECVM TVLERIT.) Mirum profectò est, ob tam leue peccatum, tam atrox iudicium dari. nam in ueste, aut equo qui corrumpitur, dissimilis ratio est. at scyphi non corrumpuntur: & omnino pono eos corruptos non esse, tandiu retentos, quandiu permillum erat: rus tamen ad suburbanum prædium deportatos, cum usus eorum præscriptus intra urbem fuisset. Quæro igitur, cum in hac actione qua usus lucris factus dicitur, æstimatio ex eo quod interfuit, fieri debeat quantum



**A** quantum ipsius domini interesse dicemus? Ego istis casibus, si quid mei iudicij esset, nunquam furti actionem concederem: sed tum demum, cum domini interfuisset: ueluti, si diutius essent scyphi retenti, & ipsi interea dominus eguisset: uel in periculosum locum deportati fuissent.

**EQVVM GESTANDI CAVSSA.)** Iurisconsulti gestationis uerbo eam intelligunt, quæ uoletudinis tantum & animi causa in amœno & propinquo rure suscipitur.

**IN ALIUM VSUM EAM TRANSFERAT.)** Sequitur III. Commodatarius alio quam quo conuenit modo re commodata utens, furti se alligat. l. qui iumenta. 40. eod. ubi Paulus ait: Qui iumenta sibi commodata longius duxerit, alienaue re inuito domino usus sit, furtum facit. Et l. qui re. 76. eod. ubi Pomp. ait, qui re sibi commodata, uel apud se deposita usus est aliter atq; accepit, si existimauit se non inuito domino id facere: furti non tenetur. sed nec depositi ullo modo tenebitur. commodati an teneatur, in culpa æstimatio critid est, an non debuerit existimare id dominum permissurum. In eandem sententiam Gellius lib. 7. cap. 15. Labeo, inquit, in libro de XII. Tabulis secundo, acriter & seuera iudicia de furtis habita esse apud ueteres, scripsit. Idq; Brutum solitum dicere, furti damnatum esse, qui iumentum aliorum duxerat, quam quod utendum acceperat. Item qui longius produxerat, quam quem in locum petierat. Itaq; Q. Scauola in librorum, quos de iure ciuili composuit, sextodecimo, uerba hæc posuit: Quod cui seruandum datum est, si id usus est, siue quod utendum acceperit, ad aliam rem atq; accepit usus est, furti se obligauit. Item Valerius Maximus libro 8. cap. 2. Nullus sermo eo etiam iudicio manauit, in quo quidam furti damnatus est, quod equo, cuius usus illi usque Ariciam commodatus fuerat, ulteriore eius municipij clino uectus esset. Quid aliud hoc loci quam uerecundiam illius seculi laudemus, in quo tam minuti a pudore excessus puniebantur?

**B** Qui commodato aliter quam uti conuenerat utitur, siue uolente, siue inuito domino id se facere falso arbitretur, furti non tenetur.  
l. xlj j. liij. eodem.

**VII.** Placuit tamen, eos qui rebus commodatis aliter uterentur, quam utendas acceperint, ita furtum committere, si se intelligant id inuito domino facere: eumq; si intellexisset, non permissurum. at si permissurum credant, extra crimen uideri, optima sanè distinctione: quia furtum sine affectu furandi non committitur. Sed & si credat aliquis inuito domino se rem commodatam sibi contrectare, domino autem uolente id fiat: dicitur furtum non fieri.

**SI SE INTELLIGANT ID INVITO.)** Enunciatio I. Qui re commodata secus atq; uti conuenit, utitur, si se id putat uoluntate domini facere, furti non tenetur. l. inter omnes. 46. §. recte. D. eod. ubi Vlp. ait, eum qui putauit se domini uoluntate rem attingere, non esse furem: quid enim dolo facit, qui putat dominum consensurum fuisse: siue id falso, siue uere putet. is ergo solus est fur, qui inuito domino id se facere sciuit. Item Caius l. si pignore. 54. Eum qui quid utendum accepit, si ipse alij commodauerit, furti obligari responsum est. ex quo satis apparet, furtum fieri, & si quis usum alienæ rei in suum lucrum conuertat, nec mouere quem debet, quasi nihil lucri sui gratia faciat. Species enim lucri est, ex alieno largiri, & beneficij debitorem sibi acquirere. Causa constitutio: Commodatarius putans se non inuito, sed lubente domino id facere, aliter quam uti conuenerat, rebus commodatis usus est. Intentio domini, qui molestissimè id tulit: Furtum commisisti. D. Non commisi. Q. An commisit. R. Quia contrectatio fraudulenta est, quæ fraudandi animo ac dolo malo suscepta est. Ego uerò non fraude, nec dolo malo id feci: sed existimans tua uoluntate id me facere. F. Imò contrectatio fraudulenta est, qua dominus inuitus re sua, usum ipsius fraudatur. Disceptatio ex scripto nata est, An contrectatio fraudulosa hoc uel illo modo definienda sit. Respondetur, illo potius. Sabinus autem apud Gell. lib. 11. cap. ult. Qui, inquit, alienam rem attrectauit, cum id se inuito domino facere, iudicare deberet, furti tenetur.

**C** **SINE AFFECTU FURANDI.)** Sequitur II. Furtum sine furandi animo non committitur. d. l. inter omnes. D. de furt.

**SED ET SI CREDAT ALIQUIS.)** Sequitur III. Qui rem sibi commodatam uolente domino contrectat, quamuis inuito domino id se putet facere, furti non tenetur. d. l. inter omnes. ubi Vlp. ait: Si ego me, inuito domino facere putarem, cum dominus uellet, Pomponius ait, furtum me facere. Verum est tamè, ut cum ego uelim eum uti, licet ignoret, ne furti sit obligatus. Causa constitutio: Qui inuito, ut putabat, re tamen uera lubente domino, rem ipsius contrectarat, furti accersitur. Intentio: Furtum commisisti. D. Non commisi. Q. An commisit. R. Quia contrectatio fraudulenta est, ea quæ fraude & dolo malo suscepta est. F. Imò ea est, quæ re ac ueritate, non autem opinione falsa, dominus fraudatur. Disceptatio ex eodem fonte: Vira uerior definitio sit.

Qui seruum suum, cui furandi consilium aliquis dederat, iubet rem suam quasi furtim ad illum deferre, ut eum in furto deprehendat, ex lege Iustiniani,  
& furti & serui corrupti aduersus eum agere poterit. l. xx. C. de furt.

**VIII.** Vnde illud quæsitum est, cum Titius seruum Mæuij sollicitauerit, ut quasdam res domino surriperet, & ad eum perferret, & seruus id ad Mæuium pertulerit: (Mæuius autem dum uult Titium in ipso delicto deprehendere, permiserit seruo quasdam res ad eum perferre:) utrum furti, an serui corrupti iudicio teneatur Titius, an neutro? Et cum nobis super hac dubitatione suggestum est, & antiquorum prudentium super hoc altercationes perspeximus, quibusdam neque furti,



furti, neq; serui corrupti actionem præstantibus, quibusdam furti tantummodo: nos huiusmodi **A**  
calliditati obuiam euntes, per nostram decisionem sanximus, non solum furti actionem, sed & ser-  
ui corrupti contra eum dari. Licet enim is seruus deterior à sollicitatore minimè factus est, & ideo  
non concurrant regulæ, quæ serui corrupti actionem introducerent: tamen consilium corruptoris  
ad perniciem probitatis serui introductum est, ut sit ei pœnalis actio imposita, tanquam si re ipsa  
fuisset seruus corruptus: ne ex huiusmodi impunitate & in alium seruum, qui facile posset corrup-  
pi, tale facinus à quibusdam perpetretur.

NON SOLVM FVRTI ACTIONEM.) Enunciatio I. Qui seruum suum rem suam, quasi surreptam suas  
fori furti deferri iussit, & furti & serui corrupti actionem habet. l. si quis. 20. C. de furt. ubi Iustinianus id propter æquitatis  
rationem aduersus omnes iuris civilis regulas constituit. nam nec furtum uolenti domino factum est, nec serui animus corru-  
ptus persuasusq; est. Videtur tamen Imperator, ut dixi, æquitatis habuisse rationem, ut ex causæ constitutione intelligemus.  
Intentio domini: Teneris mihi furti. Depulsio: Non teneor. Quæstio: An teneatur. Ratio: Quia non est fraudulenta, & ino-  
uito domino facta contrectatio. nemo autem fraudat eos qui sciunt & consentiunt: inquit Vlpianus in l. quod autem. 6. §. 5. D.  
quæ in fraud. credit. Firmamentum: At æquum est tamen, conatum istum puniri. Disceptatio ex iuris æquitatisq; contentio-  
ne nascitur: An fur qui in plagas sibi à domino positas incidit, ac proinde non fraudulenter contrectauit, tamen propter æ-  
quitatis rationem pœna dignus sit. Sanè Vlpianus in l. Neratius. 11. D. de seru. corrupt. cum seruus persuasus corruptusq; fu-  
isset, furtum quæ domino fecisset, respondit utramque actionem, & furti scilicet & serui corrupti, competere. Quamuis,  
inquit, rerum subtractarum nomine serui corrupti competat actio, tamen & furti agere possumus: ope enim consilio solli-  
citoris uidentur res abesse. nec sufficiet alterutra actione egisse: quia altera alteram non minuit. Idem & in eo qui ser-  
uum recepit, & celauit, & deteriore fecit, Iulianus scribit: sunt enim diuersa maleficia furis, & eius qui deteriore ser-  
uum facit. **B**

NON CONCVRRANT REGVLÆ.) Sequitur II. Serui corrupti actio, nisi reuera seruus corruptus sit,  
non datur. l. 1. D. de seru. corrupt. ubi Prætoris edictum refertur, quod aduersus eos tantum compositum est, qui seruo aliquid  
dolo malo persuaserint. Aliud enim est Suadere, aliud Persuadere.

TANTVM CONSILIVM CORRVPTORIS.) Sequitur III. Hoc casu solum consilium & conatus,  
etiam sine effectu puniuntur. d. l. si quis. in fin. Sed cum serui corrupti actione id quod interest petatur, hic autem nihil interfit,  
cum seruus corruptus non sit: quæro, quid hoc iudicio postulabitur? Et respondendum est, tantundem postulari, quantum de-  
beretur, si reuera corruptus seruus fuisset. quoniam Imp. ait: Tanquam si re ipsa, &c.

Quibus casibus & liberi hominis, & rei propria furtum ad-  
mittatur. l. xiiij. & l. xij. eod.

IX. Interdum etiam liberorum hominum furtum fit: ueluti si quis liberorum nostrorum, qui  
in potestate nostra sunt, surreptus fuerit. Aliquando autem etiam suæ rei furtum quis committit:  
ueluti si debitor rem, quam creditori pignoris causa dedit, subtraxerit.

SI QVIS LIBERORVM NOSTRORVM.) Enunciatio I. Qui filium suum, surripit, furti actione tene-  
tur. l. eum qui. 14. §. Si filius. eod. ubi Vlp. ait: Si filius suum, surreptus sit, patrem furti actionem habere. Cuius rei ratio ex ci-  
uili Quiritium iure sumenda est, qui suos liberos in manu, potestate ac diuisione sua habebant, qua de causâ adiecta ea clausula  
uindicari poterant: inquit Pomponius in l. 1. D. de rei uindic. Itaq; Paulus in l. mater. 38. scribit, matrem filij surrepti nomine  
furti actionem non habere: quippe quæ in sua potestate illum non habeat. Sed quæri potest, quid illud sit quod infert, Libe-  
rarum personarum nomine licet furti condictio sit, conditionem tamen nusquam esse? Nam etsi ratio uideatur esse hæc, quia **C**  
dari nobis non potest quod iam nostrum est: tamen hæc ratio in alijs quoq; furtis omnibus ualet, uti scribit Imperator in §. sic  
itaq; infr. De actionibus. Præterea si necessario cogimur uerbum DARE in conditione furtiua interpretari pro præsta-  
re, restituere, reddere, ut illo §. docuimus: quid obstat, quo minus etiam hoc casu illo abuti uerbo in odium furum posimus? Vi-  
deamus ergo, ecquid hæc ratio conueniat, quia liberi nostri non simpliciter & absolute in dominio nostro sint, sed, ut uulgus  
ait, secundum quid: id est, ut Pompon. scribit, Ex iure Quiritium. qua de causâ idem necessarium esse ait, hoc in uindicationis  
formula nominatim addi. Vnde intelligimus, quamobrem condictionis formula uti hac in re non posimus: nimirum quod  
nulla ita concepta est, ut dici possit, Aio te mihi ex iure Quiritium dare facere oportere. Superest autem difficilior multo no-  
tus, quem tamen dissoluere conabimur. nam cum in actione furti æstimatio rei furtiue multiplicetur, liberi autem hominis æ-  
stimatio nulla sit. l. 1. D. de his qui deiec. quæri potest, qualis huius actionis summa futura sit: neq; enim dicere possumus, id mul-  
tiplicandum esse, quod patris intererit. nam etiam si nihil interfuerit, furti tamen actionem dari certum est: dummodo inter-  
esse potuerit. Videamus ergo, an hæc actio in earum numerum ascribenda sit, de quibus sub §. præterea. infr. de actionib. dis-  
seruimus: quæ cum ex maleficio uel quasi maleficio nascentur, certam tamen ac definitam summam in iudicium non asserunt:  
sed id demum postulant, quod iudici æquum bonumq; esse uidebitur. cuiusmodi est actio iniuriarum, de qua Iustinianus infr. d.  
sic loquitur: Prætores permittēbant ipsis qui iniuriam passi sunt, eam æstimare: ut iudex uel tanti reum condemnnet, quanti in-  
iuriam passus æstimauerit: uel minoris, prout ei uisum fuerit. Probabile est igitur, patri, qui priuato furti iudicio, quam publi-  
co legis Fabiæ de plagiarijs uti maluerit, permitti hanc iniuriam pecuniariam æstimare: ita tamen, ut iudicis æquitati de easta  
tuenda potestatem omnem liberam relinquat.

VELVTI SI DEBITOR REM.) Sequitur II. Debitor rem suam oppigneratam creditori surriprens, furti  
tum admittit. l. in actione. 19. §. 1. eod. ubi Vlp. ait, eum qui rem pignori dat, eamq; subripit, furti actione teneri. furtum autē,  
rei pignorate dominum non tantum tunc facere uideri, cum possidenti siue tenenti creditori aufert: uerum & si eo tempore  
abstulerit, quo non possidebat. ut puta si rem pignoratam uendidit. nam & hic furtum cum facere constat. Item l. itaque. 12.  
§. sed &



**A** §. sed & si. l. si debitor. 39. eod. ubi Papin. ait, si debitor pignus surripuit, quod actione furti soluit, nullo modo recipere. Causse constitutio: Debitor qui scyphum argenteum pignori suo creditori dederat, eum postea surripuit. Creditor eum furti accusat. Intentio: Fur es. D. Non sum. Q. An sit. R. Quia furtum est contrectatio rei aliena. Scyphus autem meus est. F. Imo furtum est cuiusvis rei contrectatio, lucrificandi causa eius quod alienum in ea est: siue possessio, ut in pignore: siue, proprietate ipsa. Disceptatio ex uerbo nascitur. Indeque intelligitur, & uocem ALIENAE non sine causa in definitione nostra praetermissam esse, & cum a Paulo adiecta est in lib. Sent. 2. ubi furem definit, eum qui dolo malo rem alienam contrectauit: eum non tam quod generaliter, quam quod plerumque & magna ex parte uerum est, spectasse.

*Qui opem consilium furto faciendo dederit, furti alligatur. qui uero per lasciuiam furandi causam non malo animo praeberit, consilium tantum dederit, nequaquam. l. 50. 52. D. eodem.*

**X.** Interdum quoque furti tenetur, qui ipse furtum non fecit: qualis est is, cuius ope consilio furtum factum est. In quo numero est, qui tibi nummos excussit, ut alius eos raperet: aut tibi obstitit, ut alius rem tuam exciperet: aut oues tuas uel boues fugauerit, ut alius eas exciperet. Et hoc ueteres scripserunt de eo qui panno rubro fugauit armentum. Sed si quid eorum per lasciuiam, & non data opera, ut furtum admitteretur, factum est: in factum actio dari debet. At ubi ope Meuij Titius furtum fecerit: ambo furti tenentur. Ope consilio eius quoque furtum admitti uidetur, qui scalas forte fenestris supponit: aut ipsas fenestras uel ostium effringit, ut alius furtum faceret: quiue feramenta ad effringendum, aut scalas, ut fenestris supponerentur, commodauerit, sciens cuius rei gratia commodauerit. Certè qui nullam opem ad furtum faciendum adhibuit, sed tantum consilium dedit, atque hortatus est ad furtum faciendum, non tenetur furti.

**CVIUS OPE CONSILIO.)** Enunciatio I. Is cuius ope consilio furtum factum est, furti quoque obligatur. l. in furti. 50. eod. ubi Vlp. ait, consilium dare uideri eum, qui persuadet & impellit atque instruit consilio ad furtum faciendum. opem ferre eum, qui ministerium atque adiumentum ad surripandas res praebet. Sed quod hoc loco traditur, Furti teneri etiam eum qui furtum non fecit, considerate exaudiendum est, ne quid absurdi intelligatur. non enim furti actio isto casu conceditur, sed species quaedam alia formulae ad id quod factum est accommodata: Ope consilio tuo furtum aio factum esse: quem admodum Cicero lib. De natur. deor. 3. testatur. Non tam igitur furti tenetur, quam specie quadam actionis ad furtiuam causam pertinentis.

**QVI. PANNO RVBRO FVGAVIT.)** Sic Vlp. in l. in furti. 50. Cum eo qui pannum rubrum ostendit, fugauitque pecus, ut in fures incideret, si quidem dolo malo fecit, furti actio est. Terrentur enim tauri rubri coloris aspectu: ut Seneca lib. de Ira 2. testatur. & ad eam rem alludens Cicero lib. De diuinat. 2. Tu uero, inquit, quid habes, quare putes, si paulo ante cor fuerit in tauro opimo, subito id in ipsa immolatione interisse? an, quod aspexit uestitu purpureo exordem Casa rem, ipse corde priuatus est? Iocus est praclarus, quem hoc ex loco intellexi. querit enim, an taurus is, cuius cor non est inuentum in sacrificio, conspecta Caesaris purpura sic expauerit, & terrore exanimatus sit, ut cor amitteret.

**PER LASCIVIAM, ET NON DATA OPERA.)** Sequitur II. Qui per lasciuiam furandi causam alicui praebeat, non furti, sed in factum actione conuenitur. d. l. in furti. 50. in fi. de furt. ubi Vlp. ait, cum eo qui pannum rubrum ostenderit, si non furti faciendi causa: hoc fecit, dandam esse in factum actionem: quia non debet tam perniciosus ludus impunitus esse. Item l. si quis. 52. §. si quis. eod. ubi idem ait, Si quis de manu alicuius nummos aureos uel argenteos, uel aliam rem excusserit, ita furti teneri, si ideo fecit ut alius tolleretur, isque sustulerit. Item in l. si seruus. 27. §. si quis. D. ad leg. Aquil. ubi idem scribit: Si quis de manu mihi nummos excussisset, Sabinus existimat damni iniuriae esse actionem, si ita perierint, ne ad aliquem peruenirent: puta si in flumen, uel in mare, uel in elocam ceciderunt. quod si ad aliquem peruenerunt, ope consilio furtum factum agendum. Item in l. qui seruo. 36. D. de furt. ubi idem ait, eum qui seruo fugam persuaferit, ut ab alio surripiatur, furti teneri: quasi ope consilio eius furtum factum sit. Causse constitutio: Cum Titius lasciuiam quadam & petulantia gestiens mihi nummos sorte in manu numeranti eos sic excussisset, ut alius, praeter opinionem tamen Titij, surriperet, agere aduersus eum institui. Intentio: Ope tua furtum mihi factum est. D. Non ope mea. Q. An ope ipsius. R. Quia ope alicuius furtum fieri dicitur, cum dolo malo & data opera ut furtum fieret, aliquid factum est. at meus dolus nullus intercessit. F. Imo ope alterius furtum fit, cum occasio furti faciendi, & causa sine qua non, ab illo quocumque modo oblata est. Disceptatio ex scripti ambiguitate nascitur: utro modo ope alterius furtum factum intelligatur. Sed respondetur, nunquam ope alterius furtum factum dici, nisi simul consilium affuerit. Qua de re Paulus in l. saepe. 53. D. de uerb. significat. sic scribit: Item dubitatum illa uerba, OPE CONSILIO, quemadmodum accipienda sunt: sententiae coniungentium, aut separantium. sed uerius est, quod & Labeo ait, separatim accipienda: quia aliud factum est eius qui ope, aliud eius qui consilio furtum facit. sic enim alij condici potest, alij non potest. Et sane post ueterum auctoritatem eo peruentum est, ut nemo ope uideatur fecisse, nisi & consilium malignum habuerit: nec consilium habuisse noceat, nisi & factum secutum fuerit. Quibus tamen aduersari Caius uideatur in l. pignore. 54. §. pen. De furt. ubi sic scribit: Qui feramenta sciens commodauerit ad effringendum ostium, uel armarium: uel scalam sciens commodauerit ad ascendendum: licet nullum eius consilium principaliter ad furtum faciendum interuenierit, tamen furti actione tenetur. Respondendum igitur, consilium duplex hoc loco intelligendum esse: furti participandi, & furti adiuvandi duntaxat. Ut Caius ex utroque nasci hanc actionem significet, si quis opem alterutro consilio dederit: Paulus autem de eo casu loquatur, quo utrumque consilium abfuerat.

**AT VBI OPE MAE VII.)** Sequitur III. Cum alter alterius ope furtum admisit, uterque furti obligatus est. d. l. si quis. 52. D. eodem. quod etiam sic intelligendum est, ut si is qui opem consilium dederit, furtum participarit, furti actione



actione teneatur: sin minus, hac formula duntaxat, Ope consilio tuo furtum aio factum esse.

QVI SCALAS FENESTRIS SVPOSUIT.) Sequitur IIII. Qui furti faciendi causa scalas alteri supposuit, ostium uel effregit, opem simul & consilium dedisse intelligitur. l. pignore. 54. §. pen. ubi Caius hoc amplius scribit, eum qui ferramenta sciens commodauerit, ad effringendum ostium uel armarium: uel scalam sciens commodauerit ad ascendendum: licet nullum eius consilium principaliter ad furtum faciendum interuenerit, tamen furti actione teneri. Disceptatio autem ex ambiguitate uerbi nasceretur: An consilium in hac actione intelligatur, siue adiuuandi tantum, siue etiam participi pando furti animus intercesserit.

SED TANTVM CONSILIVM DEDIT.) Sequitur V. Qui furandi consilium dedit, siquidem opem non tulerit, furti non obligatur. Quod tamen obscurius à Iustiano dictum uidetur, quasi hanc haberet sententiam, eum qui adhortatus est, si modò opem non tulerit, furti non teneri, etiam si furtum factum sit. cum tamen Paulus in d. l. saepe. De uerb. signific. aperte scribat, separatim hæc esse accipienda. Videamus igitur, ne hunc locum de eo duntaxat casu intelligi oporteat, quo consilium quidem datum, sed tamen furtum secutum non est. quemadmodum ibidem Paulus ait, non nocere consilium habuisse, nisi & factum secutum fuerit. & Vlp. in l. si quis. 52. §. neque uerbis. D. eod. ubi ait, & opem ferre, & consilium dare tunc demum nocere, cum secuta contrectatio est.

Ob furtum à filiofam. seruoue factum, nec patri, nec domino furti iudicium datur,  
nisi fortè aduersus eum, cuius ope consilio furtum factum  
probat. l. x. v. j. x. vij. xxx. v. j. eod.

XI. Hi qui in parentum uel dominorum potestate sunt, si rem eis surripiunt, furtum quidem faciunt, & res in furtiuam causam cadit (nec ob id ab ullo ufucapi potest, antequàm in domini potestatem reuertatur) sed furti actio non nascitur: quia nec ex alia ulla causa potest inter eos actio nasci. Si uerò ope consilio alterius furtum factum fuerit: quia utiq; furtum committitur, conuenienter ille furti tenetur: quia uerum est, ope consilio eius furtum factum esse.

FVRTVM QUIDEM FACIUNT.) Enunciatio I. Quam rem quis ei cuius in potestate est surripuit, is eam furtiuam efficit. l. serui. 17. D. de furt.

ANTEQVAM IN DOMINI POTESTATEM.) Sequitur II. Furtiua res priusquam in domini potestatem reuertatur, ufucapi non potest. l. quamuis. 84. eod. Et lib. 2. idoneo loco dictum est.

FVRTI ACTIO NON NASCITVR.) Sequitur III. Ob furtum à filiofam. seruoue patri dominoue factum, hæc actio non conceditur. l. ne cum filio. 16. & l. seq. D. eod. ubi Paulus ait: Ne cum filiofamil. pater furti agere possit, non iuris constitutionem, sed naturam rei impedimento esse. quòd non magis cum his quos in potestate habemus, quàm nobiscum ipsi agere possumus. Et l. insequ. ubi Vlpianus ait, seruos & filios nostros furtum quidem nobis facere, ipsos autem furti non teneri. neq; enim qui potest in furem statuere, necesse habere in furem litigare. Paulus autem in l. si libertus. 89. eod. scribit, similem esse rationem, si libertus patrono, uel cliens, uel mercenarius ei qui eum conduxit, furtum fecerit: furti enim actio non nasci.

NEC EX ALIA CAUSSA.) Sequitur IIII. Inter patrem & filiumfam. item dominum & seruum nulla de re iudicium datur. l. lis nulla. D. de iudic. & alibi per saepe. Causam autem ex l. serui. 17. D. de furt. modò exposuimus.

SI VERO OPE CONSILIO.) Sequitur V. Is cuius ope consilio furtum patri dominoue factum est, furti actione tenetur. l. qui seruo. 36. §. 1. eod. ubi Vlp. ait, eum qui filio, uel seruo, uel uxori opem fert, furtum facientibus, furti teneri, quamuis ipsi furti actione non conueniantur. & l. si quis uxori. 52. eod. ubi idem ait: Si quis uxori res mariti subtrahenti opem consiliumue accomodauerit, furti tenebitur: sed etsi furtum cum ea fecit, tenebitur furti, cum ipsa non teneatur. Ipsa quoq; si opem furi tulit, furti non tenebitur, sed rerum amotarum.

QVIA VERVM EST, OPE CONSILIO.) Id est, quia negari non potest, quin actoris intentio uera sit, quæ his proponetur uerbis: Ope consilio tuo furtum aio factum esse. nam & furtum reuera factum est, & illius ope consilio factum est.

Actio furti alteri quàm cuius interest, quamuis dominus is sit, non datur. itaq;  
surrepto pignore, etiam aduersus dominum, si ipse surripuit, creditor actionem habebit.  
l. x. & xij. eod.

XII. Furti autem actio ei competit, cuius interest rem saluam esse, licet dominus non sit. Itaq; nec domino aliter competit, quàm si eius inter sit rem non perire. Vnde constat, creditorem de pignore surrepto furti agere posse, etiam si idoneum debitorem habeat: quia expedit ei pignori potius incumbere, quàm in personam agere. adeò quidem, ut quamuis ipse debitor eam rem surriperit, nihilominus creditori competat actio furti.

CVIVS INTEREST REM SALVAM ESSE.) Enunc. I. Actio furti ei cuius interest, quàmuis dominus non sit, conceditur. l. 10. & 12. D. eod. ubi Vlp. ait, cuius interest non surripi, eum furti actionem habere. itaq; fullonem qui curanda poliendæue uestimenta accepit, semper agere. præstare enim custodiam debere. Et l. eum qui. 14. ubi ait, colonos habere furti actionem, quamuis domini non sint: quia interest eorum. Et §. qualis. ubi ait, omnibus quorum periculo res aliene sunt,



**A** sunt, hanc actionem dari: ueluti commodati, locati, pignorisue accepti. Obseruandum tamen est quod Vlp. ait in l. eum qui. 14. §. an pater: Non cuiuscunque intererit rem non perire, furti actionem habere: sed qui ob eam rem tenetur, quod ea res culpa eius perierit. Itaque nec eum qui pro eo cui commodata res est, fideiussit: nec patrem cuius filio commodata res est, furti actionem habiturum. Obseruandum praeterea quod Caius scribit in l. interdum. 49. interdum accidere, ut non habeat furti actionem is cuius interest rem saluam esse. ut ecce creditor ob rem debitoris subreptam furti agere non potest, etsi aliunde creditum seruari non possit. Loquimur autem scilicet de ea re, quae pignoris iure obligata non sit. Item rei dotalis nomine, quae periculo mulieris est, non mulier furti actionem habet, sed maritus. Obseruandum denique est, quod Paulus ait in l. fullo. 82. eo. quam multorum interest rem ablatam non esse, tam multis furti actionem dari. Frugibus, inquit, ex fundo surreptis, tam coloris quam dominus furti agere potest: quia utriusque interest rem persequi.

**NEC DOMINO ALITER COMPETIT.)** Sequitur II. Furti actione domino quidem, nisi eius interdicta sit, datur. l. itaque. 12. D. eod.

**ETIAMSI IDONEVM DEBITOREM.)** Sequitur III. In furem pignoris creditori, quamuis idoneum debitorem habeat, furti actio conceditur. d. l. itaque. Sed utrum (inquit Vlp.) semper creditoris interest: an ita demum, si debitor soluendo non est? et putat Pomp. semper eius interesse pignus habere. Et l. creditoris. 15. eod. ubi Paulus ait, creditorem cuius pignus surreptum est, non tantum quatenus ipse interest, sed omnino in solidum furti agere posse. nam pigneraticia actione id quod debitum excedit, domino restituet. Exiunt tamen dubitandi causae complures, quae rem possunt subdificilem efficere. Primum, quia reliquae duae actiones, nimirum uindicatio et condictio furtiua soli domino competunt. l. 1. D. de cond. furt. Itaque ex comparatione parium, uidebatur ad eum quoque haec pertinere. Praeterea non uidebatur interesse creditoris rem esse surreptam: cum re per dominum a fure exacta, liber sit ab actione pigneraticia. Denique cum illa multa dupli aut quadrupli, a iure instituta sit in eorum gratiam, et ad ulciscendum eorum dolorem quibus facta iniuria est, non uidebatur creditori ea multa deberi, qui, re a domino recuperata, nullum ex furto damnum accipiebat. Respondendum igitur, haec paria non esse: quia condictio et uindicatio rem, actio poenam persequitur. l. si pro fure. 7. §. 1. D. de cond. furt. Praeterea duabus de causis iniuriam et damnum non domino, sed creditori acceptum ferri. primum, quia nec semper fur cognoscitur: et, ut cognoscatur, non semper soluendo est: et, ut soluendo sit, tamen salua semper competit aduersus creditorem pigneraticia. unde intelligitur, non incertos casus, sed rei certam naturam spectandam esse. Altera causa est, quia creditor pignus amittens, cautionem sui nominis amittit. poena autem a fure exacta in locum eius cautionis succedit: quoniam in solutum imputatur debitori, ut modo dicemus ex l. si pignore. 22. D. de pig. act. quapropter aequum est damnum illud cautionis haec ratione sarciri. tamen si negari certe non possit, quin haec furti poena lucro potius debitoris quam creditoris cedat. Causae constitutio: Cum Titio decem aureos credidisset, scyphum mihi pignori dedit. Eum scyphum Mauius surripuit. Quarebatur, uter nostrum in illum furti actionem haberet. Intentio Titij: Mihi enim furtum fecit. D. Imo mihi. Q. Vtri furtum fecerit. R. Quia ei furtum sit, cuius res aufertur: mea autem res est. F. Imo furtum ei sit, cui utilitas quam ex re habebat, aufertur: et ut Iurisconsulti dicunt, ei cuius interest. Disceptatio ex scripti ambiguitate nascitur, utri furtum fiat, eius cuius res surrepta est, an cuius interest. Respondetur, ei cuius interest. Nam ei soli iniuria fit, qui furtio facto laeditur. debitor autem iccirco non laeditur, quia incolumem pigneraticiam actionem habet, ad pignus, soluta pecunia, repetendum. at creditor cautionem suam amittens, damno afficiebatur. Denique ut ex §. ult. cap. in seq. intelligitur, utrumque in his actionibus spectatur, cui furtum factum uel uis illata sit, et cui damnum illatum sit.

**EXPEDIT EI PIGNORI POTIVS.)** Sequitur IIII. Creditori satis est incumbere pignori, quam in personam agere. l. plus cautionis. 25. D. de reg. iur. ubi Pomponius ait, plus cautionis in rem esse, quam in personam. Sed exoritur haec quaestio. nam haec ita dicuntur, quasi creditor ista ratione pignus recuperaret, cum tamen satis constet, actionem furti non rem, sed poenam solam exigi: ut ex postremo §. discimus. Rei uero persequendae causa condictio furtiua instituta est: quia creditor agere non potest, sed incerti tantum. l. et ideo. 12. in fi. D. de cond. furt. et l. si pignore. 12. D. de pig. act. Sane difficilis nodus hic est, quem tamen explicare conabimur: animaduertimus enim Iustinianum subtilissime hoc loco significare, poenam per actionem furti exactam, adeo in locum pignoris succedere, ut etiam in debiti partem imputetur. ut hoc modo ratiocinetur: Pignus succedit in locum pecuniae creditae, et uicem eius tantisper sustinet. Poena exacta succedit etiam in locum, imputaturque in partem pecuniae creditae: ac proinde uim eandem quam pignus obtinet: quare qui poenam exigit, pignori incumbere uidetur. Assumptionem autem Vlpianus confirmat in d. l. si pignore. ubi sic scribit: Si pignore subrepto furti egerit creditor, totum quicquid percepit, debito eum imputare Papinianus confitetur. et est uerum, etiam si culpa creditoris furtum factum sit: multo magis hoc erit dicendum in eo, quod ex condictione consecutus est. Quae cum ita sint, subsequitur altera quaestio non minus difficilis: quam obrem lucrum istud dupli uel quadrupli furi exactum potius commodatario et depositario, qui custodiam praestat, itemque fulloni attulerit quam creditori. Suspicio autem hanc in commodatario causam esse, quod dominus rem suam commodans, fructum omnem qui re sua salua et incolumi percipi potest, commodatario largitur: in depositario uero, quia pro suo officio, quod magno suo periculo humaniter praestat, si quid ista ratione fortuita et extraordinaria lucri exoritur, ius ciuile et naturalis aequitas ei cedere uoluit. In fullone autem et sarcinatores, quia lucrum istud fortuitum uidetur in mercedis partem attribuendum esse. At in creditore pigneraticio uitanda omnis usurae suspicio fuit. Qua tamen de re doctioris alicuius, ocio abundantis, sententiam audire, quam meam hoc loco exponere maluisse.

**EAM REM SVRRIPVERIT.)** Sequitur V. Creditor etiam aduersus debitorem qui pignus surripuit, furti actionem habet. l. itaque. 12. eod. ubi Vlp. ait: Si res pignori data sit, creditori furti actionem etiam contra ipsum dominum dari. Et l. in actione. 19. §. 1. ubi ait: Qui rem pignori dat, eamque subripuit, furti actione tenetur. furtum autem rei pigneratae dominus non tantum tunc facere uidetur, cum possidenti siue tenenti creditori aufert: uerum et si eo tempore abstulerit, quo non possidebat. ut puta si rem pigneratam uendidit. nam et hic furtum eum facere constat. et ita Iulianus scripsit. Quina etiam Vlp. in l. eum qui. 14. §. 1. scribit, emptorem qui nondum soluto precio rem cuius custodiam uenditor praestabat, surripuit, furti obligari. Attamen inter hunc et superiorem casum hoc interest, quod poena a debitore per furti actionem exacta, debito non imputatur, ab alio exacta imputatur. d. l. si pignore. 22. D. de pig. act.



*Alienis uestibus fulloni sartorine subreptis, furti iudicium, siquidem in solidum soluendo sint, ipsis datur: sin minus, domino. quin & bonæ fidei emptori, cui furto res ablata est, hæc actio conceditur. l. xij. l. xc. eod.*

**XIII.** Item si fullo polienda curandæ, aut sarcinator sarcienda uestimenta certa mercede acceperit, eaq; furto amiserit: ipse furti habet actionem, non dominus: quia domini nihil interest eam rem non perire, cum iudicio locati à fullone aut sarcinatore rem suam persequi possit. Sed & bonæ fidei emptori subrepta re, quam emerit, quamvis dominus non sit, omnino competit furti actio, quemadmodum & creditori. Fulloni uerò & sarcinatori non aliter furti actionem competere placuit, quam si soluendo sint: hoc est, si domino rei æstimationem solvere possint. Nam si soluendo non sint: tunc quia ab eis suum dominus consequi non possit, ipsi domino furti competit actio: quia hoc casu ipsius interest rem saluam esse. Idem est, & si in parte soluendo sit fullo aut sarcinator.

**IPSE FURTI HABET ACTIONEM.)** Enunciatio I. Cum uestes alienæ fulloni sartorine subreptæ sunt, non domino, sed ipsi furti competit actio. l. itaq; 12. & l. fullo. 90. eod. ubi iurisconsulti aiunt, fullonem qui actione locati ad hæc tenetur, furti actionem habiturum. at si à domino actione locati liberatus est: furem ab eo absolui debere. quoniam furti eatenus habet actionem, quatenus eius interest. quippe, cum (ut superius dicebamus) multa hæc instituta sit ulciscendi eius doloris causa, cui iniuria damnum quæ factum est. Damnum autem fulloni, qui locati actione solutus est, nullum impendet.

**IUDICIO LOCATI A FULLONE.)** Sequitur II. Locati actione & fullo & sartor ad rem integram domino præstandam tenentur. d. l. fullo. Et superius suo loco dictum est.

**BONÆ FIDEI EMPTORI.)** Sequitur III. Hoc iudicium bonæ fidei emptori, cui res subrepta est, conceditur. d. l. itaq; ubi Vlp. ait, malæ fidei possessori furti actionem non dari: quamvis intersit eius rem non surripere. quippe cum periculo eius res sit, sed nemo ex improbitate sua actionem consequitur. & ideo soli bonæ fidei possessori, non etiam malæ fidei, furti actio datur. Causæ constitutio: Cum Titius rem meam bona fide emptam possideret, furto ei sublata est. Postea certior factus sum, eam rem meam esse. Contendebamus, utri nostrum fructus illi dupli uel quadrupli à fure extorquendus, deberetur. Intentio illius: Mibi furtum factum est. D. Imò mibi. Q. Vtri factum sit. R. Quia cum nec tua res sit, nec eius periculum præstes, ut fullo & sarcinator: iniuria tibi facta nulla est. F. At furtum non tantum rei, sed etiam possessionis fit. mea autem erat possessio: cuius multiplex erat utilitas. nam & eius fructus percipiebam, & eius usucapio mihi procedebat. Disceptatio ex contrariis scriptis: An non ei tantum furtum fiat, ad quem rei periculum pertinet, uerum etiam ei ad quem possessio. Respondetur, furtum ab auferendo dictum esse: possessionem autem æquè auferri & adimi ut proprietatem. Itaq; Iauolennus in l. furtiuam. 74. D. cod. Furtiuam, inquit, ancillam bona fide duorum aureorum emptam cum possiderem, subripuit mihi Atinius, cum quo & ego & dominus furii agimus. quæro, quanta æstimatio pro utroq; fieri debet. respondit, emptori duplo quanti eius interest, æstimari debet: domino autem duplo quanti ea mulier fuerit. nec nos mouere debet, quod duobus pena furti præstabitur: quippe cum eiusdem rei nomine præstetur, emptori eius possessionis, domino ipsius proprietatis causa præstanda est.

**SI SOLVENDO NON SINT.)** Sequitur IIII. Hæc actio nec fulloni, nec sartori, nisi omnino soluendo sint, non datur. d. l. itaq; ubi Vlp. ait: Si fullo soluendo non est, ad dominum actionem redire. nam qui non habet quod perdat, eius periculo nihil est. Causæ constitutio: Cum fulloni qui soluendo non erat, mea uestis subrepta esset, contendebat uterq; nostrum, ut sibi actio furti concederetur. Intentio mea: Mibi furtum factum est. D. Imò mibi. Q. Vtri factum sit. Ratio illius: Quia locati actionem habes, qua me damnum hoc sarcire compelles. F. At inanis mea actio futura est. utrum autem nulla, an inanis actio sit, nihil interest. Disceptatio ex contrariis scriptis nascitur.

**SI IN PARTE SOLVENDO FVERIT.)** Sequitur V. Cum fullo sartorine soluendo non est, domino aduersus furem actio conceditur. nam (ut ait Iauolennus in l. soluendo. 114. De uerb. sig.) soluendo esse nemo intelligitur, nisi qui solidum potest soluere. Ut mirari magnopere aliquis possit, quod Imp. in l. ult. C. de furt. scribit, dubitatum fuisse apud ueteres, si ex parte soluendo sit is qui rem utendam accepit, ut possit non in totum, sed particularem solutionem ei facere: an hæc furti actionem, uel non: mirari inquam aliquis id possit, & suspicari Tribonianum oratorie ibi locutum esse, & ut inuenta institutaq; sua in uulgo probaret, antiquorum dissensione odiosius exaggerasse.

Iustiniani lege, cum res commodata subrepta est, si dominus id sciat, utrum uolet, uel furem uel commodatarium persequi poterit. & si unum eligat, regredi ad alterum non potest. sin autem ignarus furti, commodatarius conuenerit, potest antequam suum recuperet, re comperta sese in furem conuvertere. at, si suum iam abstulit, fur soli commodatario reseruatur.

l. ult. C. de furt.

**XIIII.** Quæ de fullone & sarcinatore diximus, eadem & ad eum cui commodata res est, trāsf. ferenda ueteres existimabant. Nam ut fullo mercedem accipiendo, custodiam præstat: ita is quoq; qui commodatum utendum accepit, similiter necesse habet custodiam præstare. Sed nostra providentia etiam hoc in nostris decisionibus emendauit, ut in domini uoluntate sit: siue commodati actionem



**A** actionem aduersus eum qui rem commodatam accepit, mouere desiderat: siue furti aduersus eum qui rem subripuit: & alterutra earum electa, dominum non posse ex pœnitentia ad alteram uenire actionem. Sed si quidem furem elegerit, illum qui rem utendam accepit, penitus liberari. sin autem commodator ueniat aduersus eum qui rem utendam accepit: ipsi quidem nullo modo competere posse aduersus furem furti actionem. eum autem qui pro re commodata conuenitur, posse aduersus furem furti habere actionem: ita tamen, si dominus sciens rem esse surreptam, aduersus eum cui res commodata fuerit, perueniat. sin autem nescius & dubitans rem non esse apud eum, commodati actionem instituerit, postea autem re comperta uoluerit remittere quidem commodati actionem, ad furti autem actionem peruenire: tunc licentia ei conceditur & aduersus furem uenire, obstaculo nullo ei opponendo: quoniam incertus constitutus, mouit aduersus eum qui rem utendam accepit, commodati actionem: nisi domino ab eo satisfactum fuerit. tunc etenim omnimodo furem à domino quidem furti actione liberari: suppositum autem esse ei, qui pro re sibi commodata domino satisfecit: cum manifestissimum sit, etiam si ab initio dominus actionem commodati instituerit, ignarus rem esse surreptam: postea autem hoc ei cognito, aduersus furem transferit: omnimodò liberari eum qui rem commodatam acceperit, quencunq; causæ exitum dominus aduersus furem habuerit: eadem definitione obtinente, siue in parte, siue in solidum soluendo sit is qui rem commodatam acceperit.

**EADEM ET AD EVM CVI COMMODATA.)** Enunciatio I. Surrepta re commodata, ueteres commodatario, qui soluendo esset, non autem domino, furti actionem dabant. l. eum qui. 14. §. si res. D. eod. & l. ult. C. eodem. **B** nam cum actione commodati cogatur domino rem suam præstare, ac propterea domini nihil interfit rem surreptam non esse, eius autem solius interfit: dubitari meo iudicio non debet, ei soli furti actionem concedendam esse. Neq; satis intelligere possum, quid sit quod Iustin. in illa lege scribat, iam penè concessum id fuisse scriptumq; opinor ab illo fuisse, **BENE CONCESSVM.** uideo enim id ubiq; pro confesso & explorato in Pandectis tradi. ut l. si ut certo. 5. in fin. cum dd. ll. sequ. ubi Iurisconsulti aiunt: Si duobus eadem res commodata sit, quia uterq; in solidum tenetur, utriq; furti actionem dari: ita tamen, ut alterutro agente, alterius actio contra furem tollatur. unde queritur, si alter furti egerit, an ipse solus debeat commodati conueniri? & ait Celsus: Si alter conueniatur, qui furti non egit, & paratus sit periculo suo conueniri, alterum qui furti agendo lucrum sensit, ex re commodata debere eum audiri & absolui. Obseruandum autem est, quod Ulpianus ait in l. eum qui. 14. §. qualis. D. de furt. omnibus quorum periculo res alienæ sunt, ueluti commodati, uel locati, pignoris accepti, si hæ surreptæ sint omnibus furti actiones competere: conditionem autem ei demum, qui dominium habet.

**NECESSE HABET CVSTODIAM PRAESTARE.)** Sequitur II. Rei custodiam eandem & fullo & commodatarius præstant. §. item is. suprà. De oblig. re contrah. ubi planius hoc explicatum est.

**IN NOSTRIS DECISIONIBVS EMENDAVIT.)** Post priorem Codicis editionem, leges quinquaginta scriptæ ab Imperatore sunt: quibus maximas quasq; ueterum Iurisconsultorum controuersias, non tanquam honorarius arbiter, sed tanquam Imperator, & cui pro ratione uoluntas esset, disceptauit: quas iccirco Decisiones nominauit. In his illa fuit quam diximus l. ult. De furt. Mirum est autem Tribonianum hoc loco scribere, superiorem illam ueterum regulam emendatam esse. non enim illa quæ dubitationis nihil habuit: sed controuersia quædam altera decisa & dirempta est. An si furti tempore soluendo esset commodatarius, post uero fortunis deminutus sit, aut contra, migrare & transire actio modò ad hunc, modò ad illum pro facultatum ratione debeat.

**VT IN DOMINI VOLVNTATE SIT.)** Sequitur III. Surrepta re commodata, dominus ex lege Iustiniani, uel furem uel commodatarium persequi potest: utrumq; non potest. d. l. ult. ubi statuit, optionem quidem dari domino utriusq; actionis, sed una optata, mutare consilium & redire ad alteram non posse. Quod iccirco constitutum à Iustiniano uidetur, ne, si forte commodatarij facultates mutarentur, transferenda furti actio diceretur. nunc igitur & inquirendi spatium habet dominus in commodatarij facultates: & incerta illa transferendæ actionis ratio ad certam & perspicuam regulam reuocata est.

**SI DOMINVS SCIENS REM ESSE SVRREPTAM.)** Sequitur IIII. Cum dominus rem esse sublatam sciens, commodatarium persequitur, huic aduersus furem actio conceditur. d. l. ult. æquissima sanè, nec tamen à Iustiniano excogitata ratione. cum enim commodatarius commodati actione cogatur rem, aut litis æstimationem domino præstare, ratio postulat, ut damnum illud sibi à fure illatum, ab ipso fure resarciat. Hoc tamen ab Imperatore constitutum est, ut qui cum optionem utriusq; habeat, alterum eligit, alterum aspernari & alijs concedere uideatur.

**SIN AVTEM NESCIVS.)** Sequitur V. Dominus qui rem surreptam ignorans commodatarium persequitur, re comperta, nisi iam suum abstulerit, furem adoriri poterit. d. l. ult. Quæ sanè constitutio ius non satis æquabile sancire uideretur, propter creditoris, fullonis & commodatarij dissimilem in æquitate simillima rationem. nisi hoc modo remedium illi quod antea diximus incommodo repertum esset: nimirum, ut si commodatarij facultates mutarentur, transferri tamen iudicia non deberent. Sed existat aliquis qui dicat, tamen hoc quoq; casu iudicium transfertur, & alterum quod institutum erat deferitur. Queret etiam illud: Quid tibi domine Imperator in mentem uenit, tantam in rerum commodatarum rationibus adhibere diligentiam: locatarum autem rationem omnino habere nullam? quid enim statuemus, si fullonis facultates mutentur, cum furti tempore locuples, post egens, aut contra, illo tempore inops, post soluendo sit factus? Sed reprimi, qui sic disputabit, uerbo uno poterit: Lex est, ratio querenda non est. Cætera igitur uideamus.

**NISI DOMINO AB EO SATISFACTVM SIT.)** Sequitur VI. Cum dominus litis æstimationem à commodatario exegit, agere in furem non potest. d. l. ult. Alioqui enim noua controuersia inter dominum & commodatarium exoriretur, cum hic quod iam soluisset, recipere recusaret. illi autem proditum nullum sit actionis genus, quo in hac



controuersia uti possit. Præterea nulla ratio est, commodatarium cogere pecuniam illam recipere, quam fortasse longo iam ante tempore domino persoluit: dum furem, aduersus quem actionem instituatur, non reperit: sed longo intervallo comperit, a quo res illa surrepta sit.

SIVE IN PARTE, SIVE IN SOLIDVM.) Sequitur VII. Hæc omnia siue ex parte, siue in solidum soluendo sit commodatarius, seruantur. d. l. ult. Hoc est, non distinguitur, utrum soluendo sit commodatarius, nec ne: & si soluendo est, utrum in totum, an ex parte. nam utroque modo, semper datur optio domino uel furem, uel commodatarium persequendi: & si furtum factum ignorans commodatarium adortus sit, potest re comperta illo dimisso, in furem uini suam conuvertere.

*Surrepta re deposita, quia depositarij qui custodiam non præstat, nihil interest, non ipsi, sed domino, furti actio conceditur. l. xiiij. eod.*

XV. Sed is apud quem res deposita est, custodiam non præstat: sed tantum in eo obnoxius est, si quid ipse dolo malo fecerit. qua de causa, si res ei surrepta fuerit: quia restituendæ eius rei nomine depositi non tenetur, nec ob id eius interest rem saluam esse, furti agere non potest: sed furti actio domino competit.

CUSTODIAM NON PRÆSTAT.) Enunciatio I. Depositarius non custodiam, sed fidem duntaxat præstare cogitur. §. præterea. Quibus mod. re cont. ob. ubi copiose istud explicatum est.

FURTI ACTIO DOMINO COMPETIT.) Sequitur II. Aduersus furem rei depositæ, non depositario, sed domino persecutio conceditur. l. cum qui. 14. §. is autem. D. eod. ubi Vlpian. ait: cum apud quem res deposita est, cum dolum duntaxat præstat, merito furti actionem non habere. quid enim eius interest, si dolo careat? quod si dolo fecit, iam quidem periculum ipsius est, sed non debet ex dolo suo furti querere actionem. Cum autem huiusce rei ratio reddatur, quoniam custodiam depositarius non præstat: queri potest, ipsi casibus quibus eam præstat, nunquid ei furti actio concedenda sit. Et respondetur, concedi: ut l. 2. §. & generaliter. D. ubi bon. rapt. Causæ autem constitutio hæc erit: Lex est, furti actio ei datur, cui furtum factum erit. Cum arcam meam apud Mæuium deposuissem, eamque fur quidam surripuisset, quærebatur, utri furtum factum esset. Intentio mea: Furtum mihi factum est. D. Imò mihi. Q. Vtri factum sit. R. Quia furtum ei fieri dicitur, cui res quam habebat, aut tenebat, aut possidebat, surrepta est. F. Imò furtum ei fit, cui non tam res quam rei utilitas adempta est. Disceptatio ex ambiguo scripto nascitur. Respondetur autem: In furto, quod ab auferendo dictum est, non tam factum eius qui auferit, quam damnum eius cui auferitur, considerari. Depositarium autem qui rei custodiam non recepit, nullo damno ex furto rei affici: eoque furti actionem ad eum non pertinere.

*Impubes nisi pubertati proximus sit, furti non damnatur. l. xxxij. eodem.*

XVI. In summa, sciendum est, quæsitum esse, an impubes rem alienam amouendo, furtum faciat? Et placuit, quia furtum ex affectu consistit: ita demum obligari eo crimine impuberem, si proximus pubertati sit, & ob id intelligat se delinquere.

FURTVM EX AFFECTV FVRANDI.) Enunciatio I. Furtum ex affectu furandi consistit. l. uerum est. 39. D. de furt. ubi Vlp. insigniter scribit, non factum, sed faciendi causam spectari. Causa autem faciendi, est auaritia, ut ex definitione constat: in qua dictum est, furtum esse contrectationem rei lucrificandi causa. Auaritia autem in eiusmodi actum ferè non cadit.

SI PROXIMVS PUBERTATI SIT.) Sequitur II. Aduersus impuberem, nisi pubertati proximus sit, furti iudicium non datur. l. impubere. 23. D. eod. ubi Vlp. ait, impuberem furtum facere posse, si iam doli capax sit. & l. pupillum. 3. D. de reg. iur. ubi Caius scribit, pupillum qui proximus pubertati sit, capacem esse & furandi, & iniuriæ faciendæ. quod idem traditur in l. sed etsi. 5. §. & ideo. D. ad leg. Aquil. l. excipiuntur. 14. D. ad Silan. Gellius autem lib. 11. cap. 18. scribit, lege XII. Tab. constitutum fuisse, ut impuberes qui furtum fecissent, arbitratu Prætoris uirgis caderentur, noxamque a se factam sarcirent. Qua de causa quis in delictis pubertati proximus dicendus sit, opinor iudicis arbitrio ac prudentiæ æstimatione esse, neque tam facile quam in contractibus definiendum.

*Præter furti actionem qua pœna tantum exigitur, ipsius rei uindicatio aduersus eum tantum qui possidet, condictio aduersus solum furem eiusque heredem conceditur.*

XVII. Furti actio, siue dupli, siue quadrupli, tantum ad pœnæ persecutionem pertinet. Nam ipsius rei persecutionem extrinsecus habet dominus, quam aut uindicando, aut condicendo potest auferre. Sed rei uindicatio quidem aduersus possessorem est: siue fur ipse possidet, siue alius quilibet. condictio autem aduersus furem ipsum, heredemue eius, licet non possideat, competit.

TANTVM AD POENÆ PERSECUTIONEM.) Enunciatio I. Quadruplum duplumue quod furti iudicio exigitur, totum in pœna est. l. si pignore. 54. §. 3. eod. & l. 7. D. de cond. furt. Ea namque Furti actio proprie appellatur, quod nunquam nisi in furem instituatur. cum uindicatio & condictio, in furem non tanquam furem, sed quasi quemuis alium instituuntur, tametsi uerius id in uindicatione, quam in conductione dicatur. nam formulam quandam propriam eius fuisse, uerisimile est.



**A** IPSIVS REI PERSECUTIONEM.) Sequitur II. Res furtiva, non furti actione, sed vindicatione aut conditione recuperatur. d. l. si pignore. ubi Caius scribit, cum furti actio ad poenae persecutionem pertineat, conditio uero & vindicatio ad rei recuperationem: apparet recepta re nihilominus saluam esse furti actionem, vindicationem uero & conditionem tolli. sicut ex diuerso post solutam dupli aut quadrupli poenam, salua est vindicatio & conditio. Et l. 7. D. de cond. furt. ubi Vlp. sic scribit: Furti actio poenam petit legitimam, conditio rem ipsam: ea res facit ut neq; furti actio per conditionem, neq; conditio per furti actionem consumatur. is itaq; cui furtum factum est, habet actionem furti, & conditionem, & vindicationem. habet & ad exhibendum actionem.

**ADVERSVS POSSESSOREM EST.)** Sequitur III. Rei furtivae vindicatio aduersus eum tantum qui possidet, conceditur. l. actionum. 25. D. de oblig. & act.

**CONDUCTIO AVTEM ADVERSVS.)** Sequitur IIII. Rei furtivae conductio aduersus solum furem eiusus haredem quamuis non possideat, conceditur. l. 5. & 7. De conduct. furt. ubi Paulus & Vlpian. scribunt, ea conductio nunquam quenquam praeter furem, aut ipsius haredem, teneri. Conductio rei furtivae (inquit Vlp.) quia rei habet persecutio nem, haredem quoq; furis obligat. Quibus uerbis significat, tametsi actiones ex maleficijs descendentes in haredem non denatur. l. pupillum. & l. sicuti. D. de reg. iur. haec autem conductio ex illo fonte proflexerit. l. si ambo. 10. §. quoties. D. de compen sat. tamen quia non poenae, sed rei persecutionem continet, aduersus haredem dari.

## DE VI BONORVM RAPTORVM. TITVLVS XIX.

**Ereptor praeter furti actionem, propria quadam actione à Praetore insti-  
tuta tenetur, quae ui bonorum raptorum appellatur, & intra annum  
quadrupli est: post annum, simpli: siue deprehendatur, siue  
secus. In quadruplo tamen inest & sim-  
plum. l. 1. & 2. D.  
eodem.**

**I.** **Q**ui res alienas rapit, tenetur quidem etiam furti (quis enim magis alienam rem inuito do-  
mino contrectat, quam qui ui rapit: ideoq; recte dictum est, eum improbum furem esse)  
sed tamen propriam actionem eius delicti nomine Praetor introduxit, quae appellatur ui bonorum  
raptorum: & est intra annum quadrupli, post annum uero simpli. quae actio utilis est, etiam si quis  
unam rem, licet minimam, rapuerit. Quadruplum autem non totum poena est, & extra poenam rei  
persecutio, sicut in actione furti manifesti diximus. sed in quadruplo inest & rei persecutio: ut poe-  
na tripli sit, siue comprehendatur raptor in ipso delicto, siue non. Ridiculum enim esset, leuioris  
conditionis esse eum qui ui rapit, quam qui clam amouet.

**TENETVR ETIAM FVRTI.)** Enunciatio I. Qui res alienas rapit, etiam furti actione tenetur. l. 2. §. penul.  
D. eod. ubi Vlp. ait, rerum raptarum nomine furti etiam agi posse. Vira autem actione teneatur, meo iudicio non magnopere  
dubitandum est. nam si probari rapina possit, & (ut quidam loquuntur) manifestus raptor sit, furti manifesti actionem com-  
petere, dubitari mea quidem sententia non potest: sin minus, nec manifesti. Neq; satis mirari possum, quid is omnibus (quo-  
rum libros mihi legisse contigit) interpretibus in mentem uenerit, ut dicerent, solam furti nec manifesti actionem aduersus ra-  
**C**ptorem dari: propter eos Pandectarum locos, in quibus mentio fit de furti nec manifesti actione, quae aduersus raptorem da-  
tur: cum tamen nusquam legatur, alteram concedi. quid enim? an, qui furtum latenter & occulte fecerit, si deprehendatur,  
manifesti tenebitur: qui uero uim coactis hominibus adhibuisse, remq; alienam rapuisse conuincetur (quod multo grauius &  
atrocius est) nec manifesti tantum arguetur? At Vlpianus in l. 2. §. si in re. D. eod. Non minima, inquit, differentia est, inter  
eum qui clam facit, & eum qui rapit. cum ille celet suum delictum, hic publicet, & crimen etiam publicum admittat. An igitur  
eum qui palam & multis inspectantibus ui rapuit, meliore esse conditione oportet, quam eum qui digitulo timide ac la-  
tenter rem contrectauit? Imò uero dicimus, licere aetori, si nolit eum tanquam raptorem postulare, at tanquam furem ma-  
nifestum persequi. Dicit aliquis. Atqui Paulus in l. 1. D. eod. scribit, aduersus manifestarium ereptorem nec manifesti furti ac-  
tionem dari. nam ui bonorum raptorum actio nunquam nisi in eum qui uim fecisse probari potest, ac proinde manifestarius  
est, conceditur. At Paulus scribit licere contra raptorem prius nec manifesti furti agere: deinde uero ui bonorum raptorum.  
ex quo efficitur, ereptorem manifestarium nec manifesti furti actione teneri. Respondeo, locum quidem illum docere, mani-  
festarium ereptorem nec manifesti furti actione teneri: sed non docere, illa tantum teneri. Quamobrem igitur nec manifesti  
furti datur actio? quia si uim passus malit dolorem suum ulcisci, & triplum tantum auferre, quam quadruplum exigere: po-  
terit duobus turpissimis iudicijs ereptorem damnare, primum furti, deinde rapinae, atq; ita tamen triplum auferre. At si mani-  
festi furti ageret, rapinae agere postea non posset.

**IMPROBVM FVREM ESSE.)** Sequitur II. Ereptor, fur improbus appellatur. l. 2. §. ceterum. D. eod. ubi  
Vlpian. ait, Iulianum scribere, eum qui ui rapit, furem improbiorem esse. item in l. si te. C. de infantibus. Obseruandum igitur  
tur, duas furti species esse, quarum altera sui generis nomine contenta est: altera rapina uel ereptio, uel improbus furtum ap-  
pellatur. quo uerbo apertum & impudens furtum designatur. siquidem improbus à Latinis proprie dicitur, qui pudorem o-  
mnem deposuit. unde illa antiqua, ut improbus & intestabilis aliquis haberetur. Vt cumq; sit, sex hasce inter furtum & ra-  
pinam differentias animaduerti. **I.** Furtum latenter & clanculum fit: rapina impudenter & ui. **II.** Furtum aliud est  
manifestum, aliud nec manifestum: rapina non nisi manifesta. **III.** Furti poena non una est, sed modò quadrupli, modò  
dupli:



dupli: rapinae poena una est tripli. IIII. Furti actio solam poenam sine re ipsa persequitur: rapinae uero simul & rem A  
& poenam. V. Furti actio manifesti, praetoria est: nec manifesti, civilis. rapinae actio tota honoraria est. VI. Furti  
actio perpetua est: rapinae uero, annua.

PROPRIAM ACTIONEM EIVS DELICTI.) Sequitur III. Ereptor non modo furti, sed etiam al-  
tera actione huius propria criminis, quam Praetor instituit, tenetur. l. 2. D. eod. Quod ut intelligamus, illud scire oportet: Ere-  
ptionem olim per annos amplius quingentos inter crimina publicorum iudiciorum numeratam fuisse: neque unquam uel XII.  
Tabulis, uel alia ulla lege, uel Praetoris edicto iudicium ullum priuatum de ea nominatim constitutum fuisse. Itaque lex de ui po-  
strema extat, Iulia, qua poena ui priuata constituta est infamia, & tertiae partis bonorum amissio. l. 1. D. ad leg. iul. de ui priu.  
nam cum lesa esset Respub. publicum etiam constitui iudicium oportuit. Praetorem autem urbanum edicere, insue ijs de rebus  
dicere, nihil attinet. Lex est, inquit Cicero, poena est: quid ad eum qui ius dicit? Secundum, illud sciendum est, ereptores etiam  
furti actione, ut paulo ante docuimus, teneri: sed non quasi ereptores, hoc est, non quatenus uis admissa est: uerum quasi fures,  
& quatenus rem alienam dolo malo contrectarunt. Tertiū: Praetorem quendam ad extremum repertum esse, cui placuerit  
hoc flagitium certa & propria notare actione: primum, ut maiore ignominia damnatus afficeretur: deinde ut hoc iudicio  
damnatus, repente & quasi ipso iure lege Iulia, publicoq; iudicio reus esset: quo, sine alio testimonio sola, illa sententia dam-  
nari posset. Non tamen hoc Praetor ita constituit, quasi uel publicum iudicium, atq; accusationem, uel furti actionem tolleret.  
neque enim in ullius Praetoris potestate positum id fuit, tametsi utrumq; priuatum iudicium, & furti scilicet & rapinae, cum tri-  
pli poena exacta est, daturus non sit: quemadmodum intelligitur ex l. 1. D. eodem. & l. si quis. 88. D. de furt. Verum ei cui uim  
passo potestas permittitur, utro iudicio uelit agere, furti aut rapinae: ut cum furti egerit, siquidem manifesti, rapinae agere  
non possit: si uero nec manifesti, possit, ita tamen, ut ne tripli poenam excedat. Sin autem bonorum raptorum egerit, neutra  
furti actione uti possit. d. l. si quis. & l. 1. D. de ui bon. rapt.

INTRA ANNUM QVADRVPLI.) Sequitur IIII. Rapinae actio intra annum quadrupli, post annum B  
simplici est. d. l. 1. Ratio perspicua est: quoniam a Praetore est instituta. Praetoris autem edictum erat annuum. Et quanquam per-  
petuum postea edictum factum est, uetus tamen illud ius retentum est, ut infr. sub tit. De perpet. & temp. act. exponemus.

VNAM REM, ETIAM MINIMAM.) Sequitur V. Haec actio etiam ob rapinam in re minima factam  
conceditur. d. l. 2. §. uel cuius. non enim rei, & pecuniariae estimationis, sed uis ac facti ratio ducitur. Itaque ut aliquanto post  
Vlpianus scribit, Si quis interesse sua uel modice docebit, debet habere ui bonorum raptorum actionem.

IN QVADRVPLIO INEST ET REI PERSECVTIO.) Sequitur VI. Rapinae actio in quadru-  
plum, triplum poene, simplex rei nomine persequitur. §. ex maleficijs. infr. De actionibus. ex quo intelligi potest, hanc actio-  
nem mixtam esse: quippe qua uno iudicio simul & rem & poenam exigat. Sed quaeri potest, an hoc uerum sit in creditore,  
commodatario, & alijs, quibus haec actio conceditur, tametsi domini non sint. Dubitandi causa est, furti conditio, quae soli  
domino datur. l. 1. D. de cond. indeb. eoq; creditori cui pignus surreptum est, non fortuita, sed incerti datur conditio. l. & idem.  
12. in fi. D. eod. Ego respondendum arbitror, etiam in illis hoc uerum esse, nisi si fortuita actione dominus utatur. nam cum mi-  
xta sit, nihil impedimento est, quo minus res uno atq; eodem iudicio repetatur: cum non proprie & principaliter eius causa  
iudicium instituitur.

SIVE COMPREHENDATUR RAPTOR.) Sequitur VII. Raptor siue comprehendatur, siue non, C  
par eademq; poena constituta est. Sed quaero, quid sit comprehendere? uideo enim qui putent, idem esse quod manum injicere,  
atq; in carcerem oborto collo rapere, inepte: ut cuius, medio critere haec obseruanti, patebit. Comprehendere igitur, siue de-  
prehendere est, testibus praesentibus arguere, conuincere, testificari. Itaque fur manifestus dicitur, qui testum praesentia ita tea-  
netur, ut inficiari factum non possit. Quod cum ita sit, uenio in opinionem, ui bonorum rapt. actionem, nunquam nisi in eum  
cuius uis testibus tenetur, dari. ac proinde uidendum esse, ne non satis intelligenter uulgo sic loquamur, cum raptores alios ma-  
nifestos, alios nec manifestos dicimus. cum satis constet, nec manifestum raptorem nihilo magis dici posse, quam manifestum  
conuiciatorem. aut enim testibus id probatur, ac tum raptor & conuiciator uere dicitur: aut non probatur, quo casu nec ra-  
pinae neq; conuicij dari potest actio. Fur autem nec manifestus dicitur, qui non aliunde quam ex eo quod res apud illum res-  
perta est, conuinci furti potest. Itaque Vlpiani uerba interpretor in l. si uendidero. 80. §. 2. D. de furt. Cum raptor omnimodo  
furtum facit, manifestus fur existimandus est: id est, siue testibus teneatur, siue non teneatur, quia tamen dominum latere non  
potuit, propter dominum manifestus est. sed quia probari facti qualitas non potest, neq; ui bon. raptorum, neq; furti manife-  
sti actione postulari potest: sed solo furti, nec manifesti iudicio. quia nulla ratione alia probari potest rem auertisse, quam  
quod ea penes illum comperta est.

RIDICVLVM ENIM EST.) Sequitur VIII. Ereptorem leuiore multari poena, quam furem per absurdum  
est. Sed tamen multa occurrunt, quae dubitationem pariant. primum, quod triplo tantum ereptores multantur: fures uero ma-  
nifesti quadruplo. deinde, quod furti poena perpetua est: rapinae uero, annua. Theophilus autem, quem alij uulgo sequuntur,  
genus ipsum spectandum putat: & quoniam in rapina non distinguitur, utrum manifestus nec ne sit, sed generaliter raptor  
tripli damnatur: cum in furto, modo quadrupli, modo dupli poena sit: aut grauiorem, aut certe non leuiorem poenam hanc es-  
se contendit. Primum, ut haec uera esse concedamus, quid ad hoc respondebitur, quod fur in perpetuum poena tenetur, raptor  
post annum omni poena liber ac solutus est? Deinde semper illud uerum manere, manifestum ereptorem, fure manifesto le-  
uius puniri. nam illud omitto, quod nondum exploratum est, neminem raptorum bonorum actione pulsari posse, nisi qui de-  
prehensus sit, & ut ipse loquitur, raptor sit manifestus. Alij rationem hanc asserunt, quia raptor non modo rapinae, uerum  
etiam furti nec manifesti actione teneatur. Sed nihil ad rem hoc pertinere, constat ex eo, quod Paulus ait in l. 1. utraq; hac a-  
ctione triplum duntaxat auferri. Omnis igitur huiusce rei ratio cognitioq; in historiae obseruatione posita est. nam Rapinae,  
non priuatum delictum, sed publicum crimen est. l. 2. D. eod. itaq; per annos quingentos eius publicum iudicium lege constitu-  
tum fuit, item ut caeterorum omnium criminum capitalium. sed tamen quatenus fur erat, licebat uim passo aduersus eum furti  
agere: usq; dum Praetor aliquis inuentus est, qui facinus hoc certa propriaq; actione notaret: non ut alias actiones tolleret,  
sed ut hunc quasi cumulum superioribus iudicij poenisq; adhiberet. Exemplo res erit illustrior. Praetor quidam repertus est,  
qui edixit



**A** qui edixit se dupli iudicium daturum aduersus eos publicanos, qui quempiam fraudassent. l. i. D. de public. & uict. Vlp. eo loco quærit, quorsum id prætorum facere attinuerit, cum & furti, & rapinæ, & damni iudicia uetera constituta sint? Respon- det autem, e re fuisse, specialiter aduersus publicanos hoc iudicium constituere: id est, utile fuisse, facinus hoc publicanorum pro- prio quodam certioq; iudicio notare, ut publicani non modò tanquam fures, uerùm etiam tanquam publicani fures punirentur. At enim iudicio isto dupli tantum pœna constituta est, & tamen ibidem Vlp. ait, absurdum esse, meliorem esse publicanos rum quàm aliorum furum conditionem. Quæ quidem obiectio huic nostræ par, ac planè simillima est, qua igitur ille respon- sione in simili negotio utitur, eadem etiam hoc casu licebit uti, primum licere damnum passo furti agere, præterea e re fuisse, certo proprioq; iudicio facinus hoc notare, & quodammodo insignire. Simillima etiam ratio est eius actionis, quam Prætor aduersus nautas, caupones, stabularios instituit. Itaq; Vlpianus in l. 3. D. eod. titulo, scribit Pomponiū mirari solitum, cur ho- noraria actio sit inducta, cum sint ciuiles nisi forte, inquit, ideo ut innotesceret Prætor curam agere reprimendæ improbita- tis hoc genus hominum.

Olim hac actione fraudulentus creptor tenebatur tantum. At Imperatorum instituto, nis & in mobilibus, & in immobilibus rebus facta sic punitur, ut ereptor rem suam rapiens amittat, alienam uerò restituat, eiusq; æstimationem præstet. l. ij. D. eodem. l. vij. C. unde ui.

**II.** Quia tamen ita competit hæc actio, si dolo malo quis rapuerit, qui aliquo errore ductus, rem suam esse existimans & imprudens iuris, eo animo rapuerit, quasi domino liceat rem suam e- tiam per uim auferre possessoribus, absolui debet. Cui scilicet conueniens est, nec furti teneri eū, qui eodem hoc animo rapuit. Sed ne dum talia excogitantur, inueniatur uia, per quam raptores impunè suam exerceant auaritiam: melius Diualibus constitutionibus pro hac parte prospectum est, ut nemini liceat ui rapere uel rem mobilem, uel se mouentē, licet suam eandem rem existimet. sed si quis contra statuta fecerit: rei quidem suæ dominio cadere. sin autem aliena res sit: post resti- tutionem eius, etiam æstimationem eiusdem rei præstare. Quod non solum in mobilibus rebus, quæ rapi possunt, constitutiones obtinere consuerunt: sed etiam in inuasionibus, quæ circa res so- li fiunt, ut ex hac causa ab omni rapina homines abstineant.

SI DOLO MALO QVIS RAPVERIT.) Enunciatio I. Olim hac actione nemo nisi qui dolo malo ra- piisset, tenebatur. l. 2. §. hac actione. D. eod. ubi Vlp. ait, hac actione eum demum teneri, qui dolum malum adhibuit: quippe cum in edicto scriptum sit, SI CUI DOLO MALO, &c.

ALIQUO ERRORE DVCTVS.) Sequitur II. Qui rem suam possessori per uim eripuit, siquidem id sibi licere crediderit, olim hac actione non tenebatur. d. l. 2. ubi Vlp. ait: Si quis rem suam rapuit, ui quidem onorum raptorum non teneri: sed aliter multari. Sed etsi quis fugitiuum suum quem bona fide aliquis possidebat, rapuit, æque hac actione non tenebitur: quia rem suam auferit. at si rem sibi obligatam, tenebitur.

ABSOLVI DEBET.) Dabiturne ergo à Prætorum iudicium hoc, ut post reus à iudice absoluitur? non opinor. nam absoluedi uerbum sic interpretor, quasi dixisset, iudicio isto solutus esse debet: quemadmodum solutum legibus dicimus, quem leges non tenent.

NEC FURTI TENERI EVM.) Sequitur III. Qui rem alienam, quam suam putabat, eripuit, furti nō tea- netur. nam in definitione dictum est, Furtum esse contræstationem fraudulentam lucrificandi causa.

**C** REI SVÆ DOMINIO CADERE.) Sequitur IIII. Ex Imperatorum instituto, qui rem suam per uim e- ripuit, eius dominio multatur. l. si quis. 7. C. unde ui. quæ uulgo ad hunc accommodatur locum: cum tamen (nisi me animus fal- lit) ijs de rebus loquatur, quæ litigiosæ, & in controuersiam adductæ, ante iudicialis arbitrij aduentum eripiuntur.

SIN AVTEM ALIENA RES SIT.) Sequitur V. Qui rem alienam eripit, Impp. legibus & rem, & eius æstimationem restituere cogitur. d. l. si quis.

SED ETIAM IN INVASIONIBVS.) Sequitur VI. Qui uim in prædijs inuadendis fecit, eadem qua qui rem mobilem eripuit, tenetur pœna.

Hæc actio etiam ob rem quæ tantum ex bonis est, conceditur, ut quod interfuit exigatur: & generatim, ubi furti actio propter facinus occultum, ibi rapinæ actio propter apertum, conceditur. l. ij. D. eodem.

**III.** Sanè in hac actione non utiq; \* expectatur, rem in bonis actoris esse. nam siue in bonis sit, siue non sit: si tamen ex bonis sit, locum hæc actio habebit. Quare siue locata, siue com- modata, siue etiam pignorata, siue deposita sit res apud Titium, sic ut intersit eius eam non auferri (ueluti si in re deposita culpam quoq; promissit) siue bona fide possideat: siue usumfructum quis habeat in ea, uel quod aliud ius, ut intersit eius non rapi: dicendum est, ei competere hanc actionem, non ut dominium accipiat: sed illud solum, quod ex bonis eius qui rapinam passus est, id est, quod ex sub- stantia eius ablatum esse proponatur. Et generaliter dicendum est, ex quibus causis furti actio competit in re clām facta, ex eisdem causis omnes habere hanc actionem.

REM IN BONIS ACTORIS ESSE.) Enunc. I. Hæc actio, siue in bonis, siue ex bonis res sit, cōceditur. l. 2. §. in hac actione. 17. D. eo. unde hic locus descriptus est. Quid aut hoc sit, breuiter aperiendū est. Res igitur quas possidemus,



aut iure Quiritium nostræ sunt, aut in bonis, aut ex bonis nostris sunt. Iure Quiritium nostræ sunt, quæ iure aliquo civili nobis acquisitæ sunt: nempe mancipatione, in iure cessione, uel usucapione. In bonis sunt, quæ iure aliquo non civili, sed gentium ita nobis acquisitæ sunt, ut eas alienare possimus: ueluti emptione, donatione, &c. itaq; Modestinus: In bonis, inquit, nostris rem habere intelligimur, quoties possidentes, exceptionem amittentes, actionem ad eam recuperandam habemus. l. in bonis, 52. D. de acq. rer. dom. Eoq; illud pertinet quod ait Vlp. in l. bonorum, 49. D. de uerb. sign. cum ait, bonorum appellationem quamdam esse naturalem: naturaliter autem bona ex eo dici, quod beent, id est, beatos faciant: beare autem est prodesse. Sic Paulus in l. 2. in fi. D. si ex nox. caus. & l. electio, 26. in fi. D. de noxal. act. seruum qui Prætoris iussu ab actore ductus est, in ipsius bonis esse. Sic Vlp. in l. metum, 9. §. licet. D. Quod met. caus. rem quam quis metu coactus tradidit, in eius tamen bonis permanere scribit. Sic idem in l. Iulianus, 10. D. de curat. fur. scribit, eos quibus per Prætores bonis interdictum est, nihil transferre posse ad aliquem: quia in bonis non habeant, cum eius diminutio sit interdicta. Ex bonis autem nostris ea res dicuntur esse, quarum non dominium civili aut naturali iure nostrum factum est: sed uel quarum periculum ad nos pertinet, quasq; saluas & incolumes præstare debemus. ueluti res nobis locata, commodata, oppignerata, deposita, item ex quibus emolumentum percipimus, quas bona fide possidemus, quarum usumfructum habemus, quarum superficies nostra est. Etenim Vlpianus in d. l. bonorum. De uerb. signif. hac postrema in bonis esse affirmat. Sed *ἡ ἀρχὴ τοῦ δικαίου*, ut sæpe alias, & minus proprie hoc loco locutus est.

SIVE COMMODATA.) Causæ constitutio: Cum Titius equum, quem mihi Mæuius commodarat, eripuisset, querebatur utri nostrum, domino an mihi, danda esset actio. Intentio mea: Actio mea est. D. Imò mea. Q. Vtrius sit. R. Quia ui bonorum raptorum actio est, quæ propter sua bona erepta conceditur: at illa non tua, sed mea bona sunt. F. Imò est actio ad eas res repetendas, quæ uel ex bonis uel in bonis sunt: equus autem ex meis bonis erat. Disceptatio ex scripto est, utra dea finitio uerior sit.

SI IN RE DEPOSITA CVLPAM QVOQVE.) Sequitur II. Depositario, qui culpam in re deposita promissit, hæc actio in ereptorem datur. l. 2. §. & generaliter. D. eod. ubi Vlp. ait: Si in re deposita culpam quoq; repromissit, uel pretium depositionis, non quasi mercedem accepi, hæc actionem mihi dandam esse. Quod cum ita sit, perspicuum est eam rem cuius custodiam non suscepit: quoniam neq; fructum ex ea percepit, neq; eius periculum præstat, neq; in bonis, neq; ex bonis eius esse, ac proinde hac actione uti non posse, in qua de bonis ui ereptis agitur. Causæ constitutio: Cum amicus meus apud me argentea uasa deponeret, recepi eorum in me custodiam. ea uiolentus aliquis mihi eripuit. cum illum persequi in animo haberem, dominus ipse agere uoluit. Intentio mea: Actio mihi danda est. D. Imò mihi. Q. Vtri danda sit. R. Quia res deposita neq; in bonis, neq; ex bonis depositarij est. F. At propter pactum in deposito conuentum ex bonis meis est. Disceptatio ex contrarij scriptis nascitur. Respondetur autem, ex bonis esse: quoniam eius periculum præstat, teneturq; depositi actione illam domino saluam atq; incolumem restituere.

EX QVIBVS CAUSSIS FVRTI.) Sequitur III. Ex quibus causis in re clam surrepta furti competit actio, ex ijsdem in re ui raptâ hæc actio conceditur. d. l. 2. §. & generaliter. D. eod.

## DE LEGE AQVILIA. TITVLVS XX.

*Legis Aquiliæ primo capite, iudicium damni iniuria dati constitutum est: quo qui hominem pecudem ue iniuria occiderit, quanti ea res eo anno plurimi fuerit, tanti damnatur. l. 2. D. eod.  
& l. 65. De legat. 3.*

I. Damni iniuriæ actio constituitur per legem Aquiliam: cuius primo capite cautum est, ut si quis alienum hominem, alienamue quadrupedem, quæ pecudum numero sit, iniuria occiderit: quanti ea res in eo anno plurimi fuerit, tantum domino dare damnetur. Quod autem non præci- se de quadrupede, sed de ea tantum, quæ de numero pecudum est, cauetur: eo pertinet, ut neq; de feris bestiis, neq; de canibus cautum esse intelligamus: sed de ijs tantum quæ gregatim proprie pasci dicuntur: quales sunt equi, muli, asini, oues, boues, capræ. De suisbus quoq; idem placuit. nam & sues pecudum appellatione continentur: quia & hi gregatim pascuntur. Sic deniq; & Homerus in Odyssæa ait, sicut Ælius Martianus in suis Institutionibus refert:

*Δίχ' ὅτ' ἄνδρες ὄντας ἀνδρῶν καὶ δὲ νέμονται  
παρ' ἡγόαντες ὡς τε καὶ ἐπὶ τῇ ἡλίῳ ἀπέθον.*

CONSTITVITVR PER LEGEM AQVILIAM.) Enunciatio I. Damni iniuria dati iudicium per legem Aquiliam constitutum est. l. 1. D. eod. ubi Vlp. ait, Legem Aquiliam esse plebiscitum: cum eam Aquilius Tribunus plebis rogauerit. Verum quis ille Aquilius fuerit, & quo tempore legem tulerit, constare non arbitror.

DAMNI INIURIAE ACTIO.) Præcise, pro damni iniuria dati. Cicero pro Q. Roscio: Lite contestata, iudicio damni iniuria constituto. Item: Cum lis contestata cum Flauio damni iniuria esset. Haud scio tamen an posteriores Iurisconsulti, Græci homines, damnum iniuriæ dixerint in genitiuo pro ex iniuria: ut cum dicimus, damnum incendiij, uel naufragij, pro ex incendio, uel naufragio. Sed queri potest, quæ nam inter furtum & damnum iniuria datum differentia sit, cum furari aut rapere nemo, nisi damnum iniuria inferendo, possit. Respondetur, differentiam esse duplicem. prior est, quia hoc loco ea damna intelligimus, quæ proprium nomen non habent. Furtum autem & rapina suum habent nomen. altera, quia illa sine dolo malo & fraude fieri non possunt. hæc autem etiam optimo animo ac studio afferuntur, cum culpa adfuit: ut paulo post intelligatur.



**A** ALIENVM HOMINEM ALIENAMVE QVADRV.) Sequitur II. In lege Aquilia seruis quæ drupedes exequantur. l. 2. §. 1. D. eod. ubi Caus hoc ipsum notat. haud tamen, ut prima specie uidetur, admodum notatu atque obseruatu dignum, nam cum serui non minus quàm pecudes nostro in patrimonio sint, ubi de patrimonij damno, hoc est, de diminutione agebatur, parem in utrisq; iuris rationem institutam oportuit. tam enim opes nostræ unius serui morte deminuantur, quàm equi: minus etiam serui alicuius uilis, quàm equi generosi. Ita est: siquidem solius animantis præsentem æstimationem spectemus. At si præteriti temporis æstimationem non modò notatione, uerum etiam admiratione dignum uideatur, non grauius in eum qui consultò frangi seruum occiderit, quàm in eum qui pecudem uilissimam interfecerit, consultum esse.

QVÆ PECVDVM NUMERO SIT.) Sequitur III. Primum legis caput ad eas tantum quadrupedes, quæ pecudum numero sunt, pertinet. d. l. 2. cuius in principio iam pridem ita legendum admonui, QVADRVPEDEMVE PECVDEM: cū omnibus in libris VEL PECVDEM, mendose, ut hic locus demonstrat, legatur. Itaq; glossam optimam Accursius hanc ascribere coactus est, VEL, pro id est. Propterea autem hoc primo capite de pecudibus tantum agitur, quòd animalia preciosiora completi hoc principio uoluit: id est, magis ad rei familiaris rationem utilia, atq; fructuosa.

INIURIA OCCIDERIT.) Sequitur IIII. Primum legis caput ad damnum solum ex cede datu pertinet. d. l. 2. nam principio de maioribus damnis constituendum fuit: posterius autem de uulneribus & alijs detrimentis cauetur.

QVANTI PLVRIMI FVERIT.) Sequitur V. Primo capite, qui hominem pecudemue iniuria occiderit, quanti ea res eo anno plurimi fecerit, damnatur. d. l. 2. Quæ de re posterius idoneo loco explicabimus.

NON PRÆCISE.) Græci ἀπλῶς, Latini omnino. Præcisè autem, & concisè Cicroni est, deminutè, non plene atq; integrè. Non præcisè igitur, pro non simpliciter, non indefinite.

GREGATIM PASCi DICVNTVR.) Sequitur VI. Pecudum nomine eæ proprie intelliguntur, quæ gregatim pascuntur. d. l. 2. §. 1. hoc est, in grege pastoris imperio subiecto. Itaq; Caus eodem loco bestias à pecudibus distinguit: negatq; urfos, leones, pantheras, hac appellatione contineri.

**B** NAM ET SVES PECVDVM.) Sequitur VII. Sues earum pecudum numero sunt quæ pasci gregatim solent. d. l. 2. §. 1. ubi tamen Caus hac de re quasitum & dubitatum scribit. itemq; in l. legatis. 65. §. 4. de legat. 3. ubi uersus idè proferuntur. Cuius rei causam demiror à nostris hominibus non proferri: mihi autem hæc fuisse uidetur, quia tametsi gregatim pascuntur, ut alia, tamen non ut cætera, gramine & uiridibus pabulis commodè aluntur, sed (uti Varro & Columella scribunt) maxime glande, faba, ordeo, & cætero frumento indigent: & si rure sint, tamen caducis arborum baccis, aut esæ fossis lumbricis, & radiculis potius quàm gramine uescuntur. Verum quoniam aliqua ex parte reliquarum modo pascuntur, Labconi, Marciano, Caio & alijs usum est, in hunc quoq; numerum aggregandos esse. Quam ad rem probandam, cur magno opere Homericorum uersuum auctoritate opus fuerit, dubitari posseticum: sues gregatim pasci, suumq; siue subulcum, siue porculatorem habere, nemo ignoret: locus autem Homeri de glande & aquis lutojis loquatur, non de gramine. Verum utcumque sit, Homeri locus ex libro Odys. 13. sumptus est: ubi Minerva Ulysses in patriam ex longo errore reductum monet, ne res et à domum ad uxorem & procos introcat: sed prius ad Eumæum subulcum adeat, à quo de rebus omnibus interca edoceatur, dum ipsa Telemachum filium reducat:

Ἀνδρὲς δὲ πρῶτα τινος οὐβότῳ ἐσσαφινέσθῃ,  
ὅς τοι ὕμῳ ἐπίσθῃ, ὁ μὲν δὲ τοι ὕπνια οἶδε,  
πῶ δὲ τὰ σὸν φίλει, καὶ ἐχέφρονά τι λυγρόπειαν.  
ἄλλας τόν γε σύεος πῆλημον, αἱ δὲ νέμονται  
πᾶρ λόρανθ' ἐπέσθῃ, ἐπὶ τε λυγρὴν ἀρεθόσθῃ·  
ἐσθσαι βάλανον μιν οἶνεα, καὶ μέλαν ὕδωρ  
πίνεσθαι, τὰ δ' ὕεος τρέφει τε βάλαν ἀποϊφύ.

**C** Ipse uerò primum ad subulcum ito,  
Qui tuarum suum est custos, simul tua causa cupit,  
Filiumq; tuum amat, prudentemq; Penelopen.  
Hunc inuenies suibus assidentem, quæ pascunt  
Propter Coracis saxum, ad fontem Arethusam:  
Vescentes glande grata, & nigram aquam  
Bibentes, quæ suibus alunt floridam pinguedinem.

MARCIVS IN INSTITVT.) Libro septimo Instit. ut constat ex inscriptione, d. l. legatis. 65. D. de legat. 3.

Qui uel iure, uel casu, sine culpa tamen occidit, hac lege non tenetur. Culpa autem est ibi iaculari, ubi uel nulli, uel soli se milites ex consuetudine exercent: indè uerum sine proclamatione projicere, ubi publica uicinalis uia est. l. vii. & l. xxx j. D. eodem.

II. Iniuria autem occidere intelligitur, qui nullo iure occidit. Itaque qui latronem occiderit, non tenetur: utique si aliter periculum effugere non potest. Ac ne is quidem hac lege tenetur, qui casu occidit: si modò culpa eius nulla inueniatur. nam alioqui non minus ex dolo, quàm ex culpa quisque hac lege tenetur. Itaque si quis dum iaculis ludit, uel exercitatur, transeuntem seruum tuum traiecerit, distinguitur. Nam si id à milite in eo campo, ubi solitum est exercitari, admisum est: nulla culpa eius intelligitur. si alius tale quid admiserit, culpæ reus est. Idem iuris est de milite, si in alio loco, quàm qui exercendis militibus destinatus est, id admiserit. Item si putator ex arbore



ex arbore deiecto ramo, seruum tuum transeuntem occiderit: si prope uiam publicam, aut uicina-  
lem id factum est, neque proclamauit, ut casus euitari posset, culpæ reus est: sed si proclamauit, nec  
ille curauit cauere: extra culpam est putator. Æquè extra culpam esse intelligitur, si seorsum à uia  
fortè, uel in medio fundo cædebat, licet non proclamauit: quia eo loco cædebat, quo nulli extra-  
neo ius fuerat uersandi.

QVI NVLLO IURE OCCIDIT.) Enunciatio I. Iniuria occidere est, nullo iure occidere. l. 5. §. 1. D. eod.  
ubi Vlp. ait, Iniuriam hic accipi pro culpa & damno iniuria dato, etiam ab eo qui nocere noluit. eoq; nec furiosum, nec infan-  
tem, impuberemue infantie proximum ob damnum datum hoc iudicio teneri. non quò dolus malus in eos non cadat (iniuria  
enim hic etiam sine dolo intelligitur) sed quia cauere non potuerunt, cum cautio pars quedam considerationis sit: considera-  
tio autem in furiosis & infanti proximis nulla sit. Quare ut rem in pauca conferam, iniuria in hac lege est, non cauere, quod  
caueri & debuit & potuit. itaq; medicus imperitus, tametsi non dolo, sed optimo animo utens imperitè uenam secuerit, iniur-  
ia damnum dedisse dicitur, quia satis cauisse non uideatur. Obseruandum etiam quod Vlp. scribit in l. si quis. 49. D. eod. quod  
dicitur damnum iniuria datum Aquilia persequi, sic esse accipiendum, ut uideatur damnum iniuria datum, quod cum damno  
iniuriam attulerit: nisi magna ui cogente fuerit factum. ut Celsus scribit circa eum qui incendij arcendi gratia ædes intercidit.  
nam hic scribit, cessare legis Aquiliæ actionem. iusto enim metu ductus ne ad se ignis perueniret, uicinas ædes intercidit: & si  
ue peruenit ignis, siue ante extinctus est, existimat legis Aquiliæ actionem cessare.

QVI LATRONEM OCCIDERIT.) Sequitur II. Latronem ita demum occidere ius est, si uitari pericu-  
lum aliter non potest. l. 4. & 5. D. eod. ubi Caius & Vlp. scribunt, naturali ratione permitti aduersus alieni serui aggressoris  
uim sese defendere. ac propterea, si metu quis mortis furem occiderit, hac lege non teneri. sin autem, cum posset apprehende-  
re, maluit occidere, magis esse, ut iniuria fecisse dicatur. Item l. scientiam. 45. eod. ubi Paulus ait: Qui cum aliter ueri se nò pos-  
sent, damnum dederint (sic enim legendum arbitror) innoxij sunt: uim enim ui defendere, omnes leges omniaq; iura permit-  
tunt. illum enim qui uim infert, ferire concedi: & hoc, si uendi duntaxat, non etiam ulciscendi causa factum sit. Item l. qui oca-  
cidit. 30. D. hoc tit. ubi Paulus ait, eum qui occidit adulterum deprehensum seruum alienum, hac lege non teneri. Item l. si ex  
plagis. 52. §. 1. D. ad l. Aquil. ubi Alfennius sic scribit: Tabernarius in semita noctu supra lapidem lucernā posuerat. quidam præ-  
teriens eam sustulerat: tabernarius eum consecutus, lucernam reposcebat, & fugientem retinebat: ille flagello quod in manu  
habebat, in quo dolon (sic enim legendum puto, non dolor) inerat, uerberare tabernarium coeperat, ut se mitteret. ex eo maio-  
re rixa facta, tabernarius ei qui lucernam sustulerat, oculum effoderat, consulebat, num damnum iniuria non uideretur dedisse,  
quoniam prior flagello percussus esset. respondi, nisi data opera effodisset oculum, non uideri damnum iniuria fecisse: culpam  
enim penes eum qui prior flagello percussus refidere. sed si ab eo non prior uapulasset, sed cum ei lucernam eripere uellet, rixa  
tus esset, tabernarij culpa factum uideri.

SI MODO CVLPA EIVS.) Sequitur III. Qui casu, sine culpa tamen occidit, hac lege non tenetur. Causa  
constitutio: Sutor qui meum seruulum docebat, quod grauius in opere faciundo peccasset, forma calcei caput eius petere cœ-  
pit: & casu, cum puer caput obuertisset, tempus eius attigit, puerumq; occidit. Intentio: Meus seruus tua culpa periit. D. Imò  
sua. Q. Virius culpa perierit. R. Quia culpa est non cauere, quod cauere potuit ac debuit. ego uerò cauere non potui, quo mi-  
nus cum alteram capitis partem peterem, illam obuerneret. F. Imò cauere potuisti, ne id accideret: alterum scilicet, quam cac-  
put, membrum feriens. Disceptatio ex uerbo constat: An culpa sit, non præuidere, posse aliquid facile præter opinionem acci-  
dere. Obseruanda igitur hoc loco est Iurisconsultorum acuta quædam & sagax in disputando subtilitas: qui medium aliquod  
inter iustum & iniustum reppererunt. Iustum enim est, quod ius legesq; præscribunt. Iniustum contra, quod uetant. Quæro iam,  
utrumne prætereuntem seruum interfici à milite leges iubeant, an uetenti Planius dico, Vtrumne prætereuntem seruum trans-  
figere iaculo iustum sit: nemo sanè id dixerit. at ex contrario, ne iniustum quidem est. nam quod iniustum est, poenam meretur:  
quippe cuius uel dolus uel culpa causa sit. Est igitur, ut ante dixi, cædes ista neq; iusta, neq; iniusta: sed ita tamen inter utrumq;  
interiecta, ut quoniam magis ab iniusto remota est, ad ius accedere quodam modo uideatur: propterea quòd ius non tantum  
id est quod leges iubent, sed etiam quod non uetant. Contra finge medicum imperitè uenam secuisse, potionem uel obliuisc: u-  
trum iustum an iniustum fuisse seruum eum occidi existimamus? Iustum quidem non esse constat. at ne iniustum quidem pro-  
priè ac uerè dici potest: cum iniustum non sit, cum qui medicinam exercet, optimo animo potionem agrotanti, quamuis non  
opportunitatem, offerre. sed quoniam à iure longissime remotum est, propiusq; ad iniustum accedit, quia non est ius cuiquam ara-  
tem facititare quam ignoret, propterea iniuria datum damnum hic dicimus.

NON NIMIS EX DOLO QVAM EX CVLPA.) Sequitur IIII. Hac lege non minus qui culpa,  
quàm qui dolo interfecit, tenetur. Sic enim locum hunc intelligendum esse apparet, ubi Nimis pro Magis positum est. Culpam  
autem non modò latam, uerum etiam leuissimam hac lege coerceri, Vlpianus testis est in l. 44. D. eod. Itaque Paulus in l. seq.  
scribit, Si meum seruum, cum liberum putares occideris, te lege Aquilia teneri.

A MILITE IN EO CAMPO.) Sequitur V. Qui miles, dum consueto in loco exercetur, transeuntem ser-  
uum occidit, nò tenetur: qui uerò in alio, tenetur. l. item si. 9. in fi. ubi Vlp. ait, si cum alij in campo iacularentur, seruus per eum  
locum transierit, Aquiliam cessare: quia non debuit per campum iaculatorium iter intempestiue facere. qui tamen data opera  
in eum iaculatus est, utiq; Aquilia teneri.

SI ALIUS TALE QVID.) Sequitur VI. Qui paganus in loco militum exercitationi constituto iaculans, ser-  
uum occidit, tenetur. Causa constitutio: Studio sus aliquis in eum locum, ubi milites exercendi causa fistulis ferreis uti consue-  
uerunt, fistulam quandam experiundi causa detulit. Ibi dum fortè seruulus aliquis adestet, occisus est: siue quia studiosum non  
uiderat, siue quia uiderat quidem, sed cum ab illo ludi genere alienum esse seiret, sibi non cauerat. Lege Aquilia studiosus pos-  
tulatur. Intentio: Tua culpa seruus meus interijt. D. Imò sua. Q. Virius. R. Quia culpa eius sit, non cauere sibi eo in loco ubi  
tale periculum uersari solet. F. Imò culpa eius non fuit, non cauere sibi eo loco, ubi neminem à quo talia pericula nascuntur ui-  
derat. Disceptatio eodem ex fonte nascitur.

SI PROPE VIAM PVBLICAM.) Sequitur VII. Qui ramum ex arbore secundum uiam publicam deo-  
ijcit, nisi



**A**git, nisi proclamauerit, damnum præstat. l. si putator. 31. D. eod. ubi Paulus sic scribit: SI PUTATOR ex arbore ramum cum deiceret, uel machinarius hominem prætereuntem occidit: ita tenetur, si is in publicum decidat, nec ille proclamauit, ut casus eius euitari possit, sed Mutius etiam dixit: Si in priuato idem accidisset, posse de culpa agi, culpam autem esse, quod cum diligenter provideri poterit, non esset prouisum: aut uim denunciatum esset, cum periculum euitari non possit. Secundum quam rationem non multum refert, per publicum, an per priuatum iter fieret: cum plerumque per priuata loca uulgo iter fiat. Quod si nullum iter erit, dolum duntaxat præstare debet, ne immittat in eum quem uiderit transcurrentem. nam culpa ab eo exigenda non est, cum diuinare non potuerit, an per eum locum aliquis transiturus sit.

SI SEORSUM A VIA.) Sequitur VIII. Qui seorsum a uia ramum ex arbore deiecit, quamuis non proclamauerit, extra culpam est. d. l. si putator. ubi tamen Mutius ait, hanc actionem locum habituram, si cautum id non esset, quod a cauetiore provideri potuisset: aut tum denunciatum esset, cum euitari periculum non posset. at si nullum illac iter esset, dolum duntaxat præstandum esse, ne immittat in eum quem uiderit transcurrentem. nam culpa ab eo exigenda non est, cum diuinare non potuerit, an per eum locum aliquis transiturus sit.

*Qui susceptam serui curationem deseruit, uel imperitè medicinam adhibuit: item qui e-*  
*quum quo uehebatur regere, mulasue quas agebat, uel ob imperitiam, uel*  
*ob infirmitatem, cum alius id potuisset, non potuit, lege*  
*Aquila tenetur. l. viij. eod.*

III. Præterea si medicus, qui seruum tuum secuit, dereliquerit curationem eius, & ob id mortuus fuerit seruus: culpæ reus erit. Imperitia quoque culpæ adnumeratur: ueluti si medicus ideo seruum tuum occiderit, quod eum male secuerit, aut perperam ei medicamentum dederit. Impetum quoque mularum, quas mulio propter imperitiam retinere non potuit, si seruus tuus oppressus fuerit: culpæ reus est inulio. Sed & si propter infirmitatem eas retinere non potuerit, cum alius firmior eas retinere potuisset, æque culpæ tenetur. Eadem placuerunt de eo quoque, qui cum equo uehere-  
**B**tur, impetum eius aut propter infirmitatem, aut propter imperitiam suam retinere non potuerit.

DERELIQUERIT CURATIONEM.) Enunciatio I. Qui medicus susceptam serui curationem deseruit, damnum præstare cogitur. l. idem iuris. 8. eodem. quippe cum susceptam serui curationem deserere, nihil aliud sit, quam mortis causam asserre.

IMPERITIA CULPÆ ANNVMERATUR.) Sequitur II. Imperitia peccatum, culpæ attribuitur. l. imperitia. D. de reg. iur. & l. si quis domum. 9. §. Celsus. D. locat. itaq; Vlp. in l. si seruus. 27. §. si calicem, eod. tit. sic scribit: Si calicem diatretum faciendum dedisti, siquidem imperitia fregit, damni iniuria tenebitur. & ideo plerumque artifices conuenire solent, cum eiusmodi materiæ dantur, non periculo suo se facere. Quod cum ita sit, sequitur, ut in lege Aquilia æque puniatur culpa, ut dolus: optimi animi imprudentia, ut malitiosissime mentis improbitas.

QVIA MALE SECVERIT.) Sequitur III. Medicus ob sectionem, medicinamue imperitè oblatam, hac actione tenetur. l. qua actione. 7. in fi. & l. seq. D. eod. Causæ constitutio: Medicus cui seruuli mei curationem commiseram, ar-  
**C**tis imperitia & errore ductus, ueniam ei, cum id minime oporteret, secuit, seruus interijt. Intentio mea: Damnum iniuria mihi dedisti. D. Non dedi. Q. An dederit. R. Quia damnum iniuria dare est, uel dolo malo, uel negligentia & incuria sua damni causam asserre. ego uero quoad eius facere potui, & studiosissime & accuratissime tuum seruum curavi. F. Imò iniuria est non cauere ac providere, quod alius cauere potuisset. Disceptatio ex scripto nata est. Iurisconsulti statuunt, iniuria damnum à medico datum esse, qui non satis cauit. Sed o mihi carissimi & optatissimi Iurisconsulti, qui de medicis tam diligenter inquiritis, nunquāne uos uerbum istud CAVERE, quod totum uestrum esse uultis, in quo uestra omnis sapientia & laus posita est, monuit, ut de officio uestro nomibilibus cogitare? Venit enim aliquis iuris ac negotiorum imperitus, homo rusticanus, bonus agricola, aut pecuarius, is cum ad uos de lite quam uicinus ei suis intenderat, retulisset, consilium hoc à uobis abstulit, ut ne aduersario cederet, sed, quo ad posset, & presenti iudicio persequendo, & à sententia prouocando resisteret. Itemque auctoritatem uestram secutus, dum lites sectatur, damnum perpeffus est maximum. Quæro, utrūne illi actionem hanc detis, an non? Dignissima profecto res est, de qua uos paululum deliberetis. eoque magis, quia paulo post sub tit. De obligat. quæ quasi ex delicto nascuntur, traditis, iudicem qui per imperitiam male iudicauit, non ex delicto, sed quasi ex delicto teneri. Quod etiam Caius scribit in l. 5. §. si iudex. D. de obligat. & act. Vnde disputari sic posset: Si in pari causa paria iura statuenda sunt, pariter de omnium artificum imperitia iudicandum: neque magis id quod à medico, quam id quod à iudice per imperitiam peccatum est, delicto ascribendum esse. Nam superius quatuor priuata delicta enumerauimus: furtum, rapinam, damnum iniuria datum, & iniuriam. Constat autem, si dolus malus in iudice interuenerit, priuatum delictum censeri, & iniuriarum actionem dari. l. 1. D. de iniur. & §. 1. infra. De iniur. Similiter si dolo malo medicus peccauerit, fatendum est, priuatum delictum appellandum hoc esse, & ad legem Aquiliam referendum. Quod igitur in utriusque dolo pariter ualuit, pariter etiam in utriusque pari culpa ualeat. Neque enim ulla ratio est dicere, pluris faciendam esse hominis necem, quam bonorum amissionem. Primum, quia ueteres (ut Vlpianus notat) seruos quadrupedibus æquiparabant. l. 2. D. ad leg. Aquil. qua de causa lex illa non grauius punit præstantissimi serui cædem, quam uilissimæ & abiectissimæ pecudis. Deinde, quia lex illa non tantum in medicos qui homines curant, sed etiam in eos qui hippiatricam & alia medicinæ genera exercent, ualeat. At si quis cum equi medicinam suscepisset, cum artis imperitia interfecerit, priuato delicto astrictus, quanti plurimi damnetur. Denique lex illa de damno dato lata est, & uti damnum resarciatur cauet. Constat autem plerumque multo maiora detrimenta inferri à iudicibus male sententiam pronunciantibus, quam à medicis seruulum male curantibus. Nam ille in fundo mille aureorum, hic in seruulo uiginti aureorum peccabit. Videamus ergo ne à delicto culpa distinguenda sit: & quod imperitia tum à medico, tum à iudice peccatum est, per actionem in factum, quasi ex delicto obligati essent, petendum esse uideatur.

De quo



De quo tamen eruditorum uirorum sententiam iudiciumque expectabo. Quamquam quod ad superiorem illam questionem **A** de Iurisconsultis attinet, fortasse non male aliquis sic responderet, distinguendum esse utrum à iudicibus, an ab alijs Iurisconsultis illius opinio damnata sit. si tantum à iudice, actionem non dari: quia tam potest iudex, quam Iurisconsultus, imperitia & errore labi. sin à Iurisconsultis, querendum etiam, utrum an à quibusdam tantum, ut alij etiam reperiantur, qui contrariam sententiam defendant: an à plerisque omnibus. si à quibusdam tantum, res ipsa consultorem omni culpa liberat. sin ab omnibus, ut aperta & perspicua sit illius imperitia, existimarem equidem non Aquilia quidem lege illum teneri, sed actione in factum coercendum esse. Quam eandem in medicorum causis, examinandis diligentiam adhiberi oportet, ne quod ui morbi contigit, ipsorum imperitiæ & culpæ assignetur. Itaque Plato libro de Legibus nono: *ἰατρῶν τι περὶ πάντων, αὐτὸ ὁ θοράκιστος ὢν ἢ αὐτῶν ἀνόντων πλεονεξία, λαθαρῶς ἔγωγε λέγω νόμον:* Si quis cum à medico curaretur, præter ipsius uoluntatem moriatur, medicus ex lege purus & extra culpam esto.

**IMPETV QVOQVE MVLARVM.)** Sequitur IIII. Mulio cuius ob imperitiam seruus alienus impetu mulorum obtritus est, hac tenetur actione. l. idem iuris. 8. eod.

**CVM ALIIS FIRMIOR.)** Sequitur V. Mulier non ob imperitiam tantum, sed etiam ob infirmitatem, si quidem alius cohibere mulos potuisset, tenetur. d. l. 8. ubi Caius scribit, iniquum non esse, si infirmitas annumeretur culpæ: cum affectare quisque non debeat, in quo non intelligit, uel intelligere debet, infirmitatem suam alij periculosam futuram. Causæ constitutio: Quidam mulos clitellarios, qui ualentissimi esse solent, ducebant, cum illi ad equam obuiam adhinnurent, atque accurrerent, propter infirmitatem eorum impetum retinere non potuit. Seruulus qui equa illa uehebatur, obtritus atque oppressus est. Intentio domini in mulionem: Damnum iniuria dedisti. D. Non dedi. Q. An dederit. R. Quia cauere & retinere propter infirmitatem non potui. F. At culpa est, id munus suscipere, cui fungendo par esse non possis. Disceptatio semper ex culpæ definitione nascitur. Mulis autem uti in uetustis Romanos consueuisse, patet ex l. si ex plagis. 52. D. eod. & ex Varronis uerbis quæ ex lib. de re Rust. 2. cap. 8. subiiciam: In grege, inquit, mulorum parando, spectanda ætas & forma. **B** alterum ut uetustis sufferre labores possint: alterum ut oculos aspectu delectare queant. hisce enim binis coniunctis, omnia uehicularia in uis ducuntur.

**QVI CVM EQVO. VEHERETVR.)** Sequitur VI. Qui equi quo uehitur impetum propter imperitiam aut infirmitatem retinere non potest, damnum præstare cogitur. d. l. idem iuris. 8.

Hæc actio non quanti tunc res est cum damnum datur, sed quanti plurimi eo anno fuerit, exigit: eoq; tanquam pœnalis in hæredes non datur.

**IIII. His autem uerbis legis, QVANTI ID EO IN ANNO PLVRIMI FVERIT,** illa sententia exprimitur: ut si quis hominem tuum qui hodie claudus, aut mancus, aut luscus erit, occiderit, qui in eo anno integer, aut pretiosus fuerit: non tanti teneatur, quanti hodie erit, sed quanti in eo anno plurimi fuerit. Qua ratione creditum est pœnalem esse huius legis actionem: quia nō solum tanti quisque obligatur, quantum damni dederit, sed aliquando longè pluris. Ideoq; constat, in hæredem eam actionem non transire: quæ transitura fuisset, si ultra damnum nunquam lis æstimeretur.

**QVANTI IN EO ANNO PLVRIMI.)** Enunciatio I. Damnosus non quanti res tum erat, sed quanti eo anno plurimi fuerat, tenetur. l. ait lex. 21. & l. ita uulneratus. 51. & l. inde Neratius. 23. §. 3. eod. ubi Iurisconsulti scribunt, æstimationem hominis occisi ad id tempus referri, quo plurimi eo anno fuit, repetitis ex die uulneris trecentis sexagintaquinque diebus. annum enim retrorsus numerari, ex quo quis occisus est. & ideo, etsi pretioso pictori pollex fuerit præcisus, & intra annum quo præcideretur fuerit occisus, posse eum Aquilia agere: pretioq; eo æstimandum, quanti fuit prius quam artem cum pollice amisset. Quod cum ita sit, sequitur ut hac lege nulla pœna constituta sit, si quo tempore animal plurimi est, interficiatur: sed tum demum, cum depretiatum est. nam si seruus integerrimus & pretiosissimus occidatur, solam eius æstimationem intersector præstat. sin uero mancus & mutilatus, tum præter præsentem ipsius æstimationem, pœnæ nomine, superioris temporis æstimatio præstanda erit. Eamq; solam huius legis pœnam esse, ex fine huius §. apparet: ubi disertè traditur, nullam sœpè penumero pœnam esse, nimirum cum eo tempore animal occisum est, quo plurimi pretij fuit. Qua de causa mirabilem huiusce legis rationem esse, nemo non uidet. primum, quia cum damnum iniuria datum sit delictum, & inter priuata quatuor delicta numeretur. l. 1. D. de priuato. delict. requiri uidebatur, ut certa semper sicut in alijs, & definita pœna singulis delictis esset. At cum animal integerrimum interfectum est, sola ipsius æstimatio sine ulla pœna præstat. Præterea absurdum uidetur, ut qui integerrimum occidit, non puniatur. Deniq; ut tanti corruptus, quanti integer æstimetur. Videamus ergo, ne hæc Aquiliæ sententia fuerit: ut illa uerba **QVANTI PLVRIMI,** non ad ipsius corporis rationem, sed ad communem rerum eiusdem generis æstimationem pertineant, nimirum quanti plurimi eo anno huius uel illius generis animalia communiter æstimabantur. nam cum leges superiores eum qui damnum iniuria dederat, sic damnaissent, ut rei æstimationem uel simplicem uel duplicatam præstaret: ubi autem ad rem æstimandam uentum erat, ibi nouæ controuersie nascebantur, Aquilius summam illius anni æstimationem spectari uoluit, cum Plato rem iudicium arbitrio æstimandam relinquat. Quod autem ad illud alterum attinet, interdum nullam huic delicto pœnam constitui, nimirum cum animal integerrimum occisum est: respondemus, Aquilium maluisse generaliter & uniuerse in hoc delicto genus pœnam statuere, quam in singula delicta: ut cum tam grauis pœna esset proposita, maior à ciuibz cautio adhiberetur. Atq; hæc quidem ita se habent. Plato uero lib. de Legib. 9. statuit, ut si quis seruum alienum interfecerit, duplum domino reddat, interfecti autem serui æstimatio iudicibus permittatur. Demosthenes autem in Oratione contra Midiam, legem Atheniensium hanc profert: *πεπρωτο μὲν, inquit, οἱ περὶ τὸ βλάβης ἔστι νόμος, πάντες, αὐτὸ μὲν ἐν ἑνὶ βλάβῃ, διπλόν: αὐτὸ δ' ἄνω, ἀπὸ τοῦ βλάβῃ ἡλεσθέντων ἐν τινει.* Id est, primum quidem, hoc de damno



**A** de damno dato leges omnes, si quidem sponte & consulto quis damnum dederit, duplum: sin per imprudentiam, simpliciter, quanti res est, prestare iubent.

**POENALEM ESSE ACTIONEM.**) Sequitur II. Hæc actio ea ex parte poenalis est, quæ præsentis rei æstimatione exuperat. Nam simplicem æstimationem rei præstare, nihil est poenæ. Poena aut (uti modò dicebamus) non singulis factis, sed generaliter in uniuersum genus huiusce delicti constituta est. Quod cum ita sit, sequitur, ut etiam eo casu quo poenalis actio non esset, nimirum cum preciosissimum animal interfectum esset, tamen in heredem interfectoris danda non sit.

**IN HAEREDEM NON TRANSIRE.)** Sequitur III. Hæc actio quia poenalis est, in heredem non conceditur. d. l. inde Neratius. §. 6. ubi Vlp. ait, hanc actionem & heredi & cæteris successoribus dari, sed in heredem uel ceteros non dari, cum sit poenalis: nisi forte ex damno hæres locupletior sit factus. Causæ constitutio: Cum Titius meum seruum eo tempore occidisset, quo pretiosissimus erat, antequam Aquilia cum eo egisset, mortuus est. Intentio aduersus heredem: Aquilia lege mihi teneris. D. Non teneor. Q. An teneatur. R. Quia illius actio generaliter poenalis est. F. At hoc casu poenalis non est. Disceptatio ex contrariis scriptis nascitur: An quo casu poenalis non est, eo casu in heredem danda sit. Respondetur, legem non ex uno aliquo casu, sed generaliter & uniuersè spectandam esse.

*Non occisi tantum animantis, sed etiam eius damni quod propter eius interitum accidit, ratio in litis æstimatione ducitur. l.*

*xx j. xxij. xxij. eodem.*

**V.** Illud non ex uerbis legis, sed ex interpretatione placuit: non solum perempti corporis æstimationem habendam esse secundum ea quæ diximus: sed eo amplius, quicquid præterea perempto corpore, damni uobis illatum fuerit, ueluti si seruum tuum heredem ab aliquo institutum, antè quis occiderit, quàm is iussu tuo hereditatem adierit. nam hereditatis quoque amissæ rationem esse habendam constat. Item si ex pari mularum unam, uel ex quadrigis equorum unum quis occiderit, uel ex comædis unus seruus occisus fuerit: non solum occisi sit æstimatio, sed eo amplius id quoque computatur, quanti depretiati sunt, qui supersunt.

**NON EX VERBIS, SED EX INTERPRETATIONE.)** Quod Iurisconsultorum munus atque officium fuit, ut non modò uerborum uim ac proprietatem, sed etiam legis latoris mentem ac sententiam notarent. Tamen si non tam ex scripto ac sententia nasci uideretur hæc controuersia, quàm ex scripti ambiguitate, ut mox constabit.

**QUICQUID PRÆTEREA DAMNI.)** Enunciatio I. Non animantis tantum occisi, sed etiam damni cuius causa cades fuit, æstimatio initur. l. ait lex. 21. D. eod. ubi Vlp. querit, utrum corpus eius solum æstimemus, quanti fuerit cum occideretur, an potius quanti interfuit nostra non esse occisum? & respondet, eius quod interest æstimationem fieri. Item l. inde Neratius. 23. §. 4. ubi idem generaliter scribit, omnia commoda quæ intra annum quo interfectus est, pretiosiores seruum facerent, hæc ad æstimationem eius accedere. Obseruandum tamen est, quod Paulus scribit in l. si seruum. 33. si seruum meum occidisti, non affectiones æstimandus esse, ueluti si filium tuum naturalem quis occiderit, quem tu magno emptum uelles, sed quanti omnibus ualeret. pretia enim rerum non ex affectione, nec utilitate singulorum, sed communiter fungi.

**SI SERVVM TVVM HAEREDEM.)** Sequitur II. Si seruus hæres institutus, antequam adeat, occidatur, etiam in æstimationem hereditatis uocatur. l. inde Neratius. 23. eod. Causæ constitutio: Cum Titius seruum meum Pamphilum heredem instituisset, antequam is iussu meo hereditatem adiret, a Mæuius interfectus est. Intentio mea in Mæuium: Dedit mihi illius hereditatis damnum. D. Non dedi. Q. An dederit. R. Quia dare damnum est, de patrimonio diminuere & detrabere, unde damnum a diminuendo dictum est. l. 1. D. de damn. inf. F. Imò dare damnum est, quocumque modo damni causam afferre, uel efficiantem uel adiuantem. Disceptatio ex scripti ambiguitate nascitur: An dare damnum sit, quocumque modo damni causam præbere.

**QUANTI DEPRETIATI SUNT.)** Sequitur III. Vno ex ijs qui usum coniuncti, non singuli præstabant, occiso, damni totius æstimatio habetur. l. proinde. 22. eod. ubi Paulus ait causis corpori coherentibus æstimari, si quis ex comædis, aut symphoniis, aut gemellis, aut quadriga, aut ex pari mularum unum uel unam occiderit: non solum enim perempti corporis æstimationem faciendam esse, sed & eius rationem haberi debere, quo cætera corpora depretiata sunt.

*Interfecto seruo, non hoc tantum, sed & legis Corneliæ publicum iudicium conceditur.*

*Secundum autem legis caput obsoleuit. l. xxij. eod.*

**VI.** Liberum autem ei, cuius seruus occisus fuerit, & priuato iudicio legis Aquiliæ damnum persequi, & capitalis criminis eum reum facere. Caput secundum legis Aquiliæ in usu non est.

**ET IUDICIO PRIVATO.)** Enunciatio I. Cades serui non tantum Aquilia, sed & Cornelia lege uindicatur. l. inde Neratius. 23. §. Si dolo, eod. ubi Vlp. ait: Si dolo seruus occisus sit, & lege Cornelia agere dominum posse constat: & si lege Aquilia egerit, præiudicium fieri Corneliæ non debet. Item l. 3. C. eod. ubi Imp. sic scribit: Ex morte ancillæ quam cæsam conquestus es, tam legis Aquiliæ damni sarcindi gratia actionem, quàm criminalem accusationem aduersus obnoxium competere tibi posse, non ambigitur.

**CAPITALIS CRIMINIS REVM.)** Sequitur II. Dolo malo seruum occidere, capitale crimen est. l. 1. D. ad leg. Cornel. ubi Marcianus scribit, qui hominem occiderit, puniri: non habita differentia, cuius conditionis hominem interemerit. Diligenter autem notandum est quod ait DOLO MALO. nam si culpa etiam lata id fecerit, aliud iuris est. Itaque Paulus in l. 7. D. eod. in lege Cornelia, inquit, dolo pro facto accipitur. nec in hac lege culpa lata pro dolo accipitur. quare si quis alto se præcipitauerit, & super alium uenerit, eumque occiderit: aut putator ex arbore, cum ramum deiceret, non proclamauerit, & prætereuntem occiderit: ad huius legis coercionem non pertinet.



CAPVT SECVNDVM LEGIS.) Sequitur III. Huius legis secundum caput obsoletum est. l. si seruus. A  
27. §. 4. D. eodem.

*Tertio capite seruorum pecudumq; uulnera, cæterorum animantium cædes, detri-  
menta q; quibusuis in rebus quoquo modo facta, uindican-  
tur. l. xxvij. §. iij. eodem.*

VII. Capite tertio de omni cætero damno cauetur. Itaq; si quis seruum, uel eam quadrupedẽ quæ pecudum numero est, uulnerauerit: siue eam quadrupedem quæ pecudum numero non est, ueluti canem, aut feram bestiam uulnerauerit, aut occiderit: hoc capite actio constituitur. In cæteris quoq; omnibus animalibus, item in omnibus rebus quæ anima carent, damnum iniuria datum hac parte uindicitur. Si quid enim uisum, aut fractum, aut ruptum fuerit: actio ex hoc capite constituitur. quanquam poterit sola rupti appellatio in omnes istas causas sufficere. Ruptum enim intelligitur, quod quoquo modo corruptum est. Vnde non solum fracta, aut uisa, sed etiam scissa, & collisa, & effusa, & quoquo modo perempta atq; deteriora facta, hoc capite continentur. Denique responsum est, si quis in alienum uinum aut oleum, id miscuerit, quo naturalis bonitas uini aut olei corrumperetur: hac parte legis Aquiliæ eum teneri.

DE OMNI CÆTERO DAMNO.) Enunciatio I. Tertio capite seruorum & pecudum uulnera, reliqua-  
rum bestiarum occisiones in iudicium uocantur. l. si seruus. 27. D. eod. ubi Vlp. ait, Si quis non occiderit hominem uel pecudẽ, sed uiserit, fregerit, ruperit, sine dubio ex hoc capite agendum esse, proinde si facem seruo meo obieceris, & eum adusseris, te-  
neberis mihi. item si arbutum meum, uel uillam meam incenderis, Aquiliæ actionem habebis. Item l. quem admodum. 29. §. hac  
actione. ubi idem ait, hac actione ex hoc legis capite de omnibus animalibus læsis, quæ pecudes non sunt, agendum esse: ut puta  
de cane, sed & de apro, & leone, cæterisq; feris, & auibus idem esse dicendum.

QVAE ANIMA CARENT.) Sequitur II. Damnum in rebus omnibus tum animatis tum inanimatis datum,  
hoc capite uindicitur. d. l. si seruus.

VSTVM, FRACTVM, AVT RVPTVM.) Sequitur III. Lex damnum omne quod urendo, frangendo,  
rumpendo fit, hoc capite completitur. d. l. si seruus. §. inquit lex. ubi Vlp. ait, ferẽ omnes ueteres RVMPENDI uerbum sic  
intellexisse, quasi dictum esset Corrumpendi.

RVPTVM ENIM INTELLIGITVR.) Sequitur IIII. Rupti appellatione quodcumq; quoquo modo de-  
terioris factum est, continetur. d. §. inquit lex. & §. cum eo. ubi Vlp. ait, Celsum non negare, quin fractum & uisum contineat-  
ur corrupti appellatione: sed non esse nouum, ut lex specialiter quibusdam enumeratis, generale subijciat uerbum quo specia-  
lia completatur. Itaq; rupisse etiam accipiendum eum, qui uulnerauerit, uel uirgis, uel loris, uel pugnis ceciderit, uel telo, uel  
quo alio, ut scinderet alicui corpus, uel tumorem fecerit. Item si quis uestimenta sciderit, uel inquinauerit.

SI QVIS IN ALIENVM VINVM.) Sequitur V. Quod in alienum uinum oleumue iniectum, deterius id  
fecit, hoc tertio capite uindicitur. d. l. si seruus. §. cum eo plane. ubi Vlp. ait, cum eo qui uinum spurcauit, uel effudit, uel acetum  
fecit, uel alio modo uitiauit, agi posse Aquiliæ: quia etiam effusum, & acetum factum corrupti appellatione contineatur. Item  
cum eo qui milium uel frumentum meum effuderit in flumen, aut qui frumento arenam uel aliud quid immiscuit, ut difficilis  
separatio sit. Causæ constitutio: Cum auriga uel nauta, cui uehendum uinum meum dederam, aquam in illud infudisset, age-  
re cum illo lege Aquiliæ institui. Intentio: Lege Aquiliæ mihi teneris. D. Non teneor. Q. An teneatur. R. Quia lex de ijs cõ-  
uet, qui fregerint, uiserint, ruperint. Ego uero neq; fregi, neq; uisi, neq; rupi. aliud enim est aquam infundere, aliud rumpere.  
F. Imò rumpere est, quoquo modo quid corrumpere. Disceptatio ex uerbi ambiguitate nascitur, An rumpendi uerbo hac lege  
quæuis corrumpendi ratio contineatur.

*Tertio capite, damnum duntaxat dolo culpæue datum ita uindicitur, ut quanti  
plurimi diebus xxx. proximis res fuerit, tanti lis æstime-  
tur. l. xxix. in fin. eodem.*

VIII. Illud palam est, sicut ex primo capite ita demum quisque tenetur, si dolo aut culpa eius  
homo, aut quadrupes occisus occisusue fuerit: ita ex hoc capite de dolo aut culpa, & de cætero da-  
mno queng; teneri. Ex hoc tamen capite, non quanti in eo anno, sed quanti in diebus triginta pro-  
ximis res fuerit, obligatur is qui damnum dederit. At nec PLVRIMI quidem uerbum adijcitur.  
Sed Sabino rectè placuit, perinde habendam æstimationem, ac si etiam hac parte PLVRIMI uer-  
bum adiectum fuisset. nam plebem Romanam quæ Aquilio Tribuno rogante hanc legem \* tulit,  
contentam fuisse, quòd prima parte eo uerbo \* usa esset.

\* iussit,  
\* usus

SI DOLO AVT CVLPA EIVS.) Enunciatio I. Hoc capite damnum nisi dolo culpæue datum non uindi-  
catur. l. qui occidit. 30. §. ult. D. eod. ubi Paulus ait: In hac quoq; actione quæ ex hoc capitulo oritur, dolum & culpam puniri.  
id eoq; si quis in stipulam suam uel spinam, comburendæ eius causa, ignem immiserit, & ulterius euagatus & progressus ignis  
alienam segetem uel uincam læserit, requiramus, num imperitia eius aut negligentia id accidit. nam si die uentoso id fecit, cul-  
pæ reus est: nam & qui occasionem præstat, damnum fecisse uidetur. In eodem crimine est & qui non obseruauit ne ignis lon-  
gius procederet. At si omnia quæ oportuit obseruauit, uel subita uis uenti longius ignem produxit, caret culpa.

QVANTI IN DIEBV XXX.) Sequitur II. Hoc capite, quanti diebus triginta proximis res fuerit, tanti  
lis æstimatur. l. si seruus. 27. §. 4. D. eod.



**A** AC SI ETIAM HAC PARTE.) Sequitur III. Vox PLVRIMI primo capite posita, tertio capite tacite repetita intelligitur. l. quemadmodum. 29. in fi. D. eod. Quod tamen nonnihil dubitationis continebat: cum nec quicquam legum scripto uel addendum, uel detrahendum sit: & in ancipiti interpretatione legis, ea quæ mollior & benignior est, delibenda sit. l. benignius. 18. D. de legib. & sen. hæc autem acerbior uidetur, quippe quæ ad pœnam pertinet. Ex contrario sententiæ ratio postulare uidebatur, ut illa uox in primo capite posita, in tertio tacite repetita intelligeretur. alioqui nec ullam pœnam hoc capite statui: & semper obscurum fore de quo pretio uox QVANTI intelligenda sit, si plura & uaria fuerint. Causse igitur constitutio hæc esto: Cum in urbe maritima essemus, ubi uini erat inopia, repente appulsa est nauis onusta uino, cuius dolium aureis octo uenditum est, paulo post altera quoque appulsa est, cuius unum cum uilius esset, mihi ex eo dolium unum sex aureis comparavi. aliquanto post tertia nauis appulsa est, cuius unum etiam uilius erat: nimirum quatuor aureorum. Quærebatur, cum tu meum unum dolo culpæ effudisses, quemadmodum litis æstimatio incunda esset. Intentio mea est: Lex te octo aureos dare iubet: nimirum quanti plurimi triginta hisce diebus fuit. D. Imò quatuor, uel ad summum sex. Q. Vtram summam lex dare iubeat. R. Quia uerba hæc QVANTI res erit in diebus triginta proximis non præcise ad summam æstimationem restringi debent: sed æque ad alia pretia, ut ad id quod summum est, accommodari possunt. F. At par utriusque causpit ratio in pœna huic delicti generi statuenda demonstrat, legislatorem uoluisse uocem Plurimi repetitam intelligi. Disceptatio ex scripto & sententiæ est: An propter paritatem rationis tacite repetita intelligenda sit.

AQVILIO TRIBVNO ROGANTE.) Sic libri ueteres, cum in uulgatis INTERROGANTE corrupte legatur: siue id scriptoris uitio factum sit, siue potius Triboniani: qui cum Rogari leges apud Romanos legisset, id ex Græcorum consuetudine interpretatus est: qui (ut Cicero pro Flacco, & pro Sextio testatur) concionem interrogare solebant.

HANC LEGEM TVLIT.) Vel turpe Triboniani peccatum fateri oportet, uel LEGEM IVSSIT corrigendum est, & mox, EO VERBO VSVS ESSET.

**B** Cum corpore damnum datum est, directæ: cum corpori at non corpore, utilis: cum autem neque corpori neque corpore nocitum est, in factum actio conceditur. l. vi. l. ix. eod.

IX. Cæterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum qui alio modo damnum dederit, utiles actiones dari solent: ueluti si quis hominem alienum aut pecus ita incluserit, ut fame necaretur: aut iumentum ita uehementer egerit, ut rumperetur: aut pecus in tantum exagitauerit, ut præcipitaretur: aut si quis alieno seruo persuaferit, ut in arborem ascenderet, uel in puteum descenderet: & is ascendendo uel descendendo, aut mortuus, aut aliqua parte corporis læsus fuerit: utilis actio in eum datur. Sed si quis alienum seruum aut de ponte, aut de ripa in flumē deiecerit, & is suffocatus fuerit: eo quod proiecit, corpore suo damnum dedisse, non difficulter intelligi potest: ideoque ipsa lege Aquilia tenetur. Sed si non corpore damnum fuerit datum, neque corpus læsum fuerit, sed alio modo alicui damnum contigerit: cum non sufficiat neque directæ, neque utilis Aquilia: placuit eum qui obnoxius fuerit, in factum actione teneri. ueluti si quis misericordia ductus, alienum seruum compeditum soluerit, ut fugeret.

ITA DEMVM DIRECTAM.) Enunciatio I. Directæ legis huius actio, cum damnum corpore datum est, conceditur. Directæ autem actio dicitur ea formula actionis, quæ primum à iuriconsultis, ut ex hac lege agi liceret, concepta & constituta est. quæ cuiusmodi fuerit, exiimare difficile est: nisi quod OCCIDENDI uerbum in ea usurpatum fuisse, apparet ex l. ita uulneratus, 51. D. eod. fortasse in hanc ferre sententiam: Aio te seruum meum iniuria occidisse. At enim cum demum Aquilia lege teneri uisum esse, qui adhibita ui & quasi manu causam mortis præbuisse: tracta uidelicet interpretatione uocis à cædendo, & à cæde.

VTILES ACTIONES DARI.) Sequitur II. Cum aliter quam corpore damnum datum est, utilis actio conceditur. l. qua actione. 7. §. 3. & litem si. 9. §. 1. & 2. D. eod. ubi tamen hæc actio in factum appellatur: nimirum quia non illa formula directæ uti possumus, sed quod factum est præscriptis uerbis narramus. Causse constitutio: Cum seruum meum sic inclusisses, ut is fame perierit, agere directæ formula aduersus te uolebam. Intentio: Seruum meum iniuria occidisti. D. Non occidi. Q. An occideris. R. Quia occidere est, adhibita ui, & quasi manu causam mortis præbere. à cædendo enim (ut modo dicebamus) uerbum illud deductum est. F. Imò occidere dicitur etiam, qui quoquo modo mortis causam præbuit. Disceptatio ex definitione uerbi nascitur: An occidisse dicatur, non is tantum qui manu cæcidit, uerum etiam is qui quoquo modo mortis causa fuit. Respondetur, non proprie occidisse uideri, sed tamen æquitatem & utilitatem postulare, ut actio ex hac lege concedatur. Hinc Vlp. in litem si. 9. D. eod. Si obstetrix, inquit, medicamentum dederit, & inde mulier perierit, ab eo distinguit, ut si quidem suis manibus supposuit, uideatur occidisse: sin uerò dedit, ut sibi mulier offerret, in factum actionem damnam. quæ sententia uera est. magis enim morbi causam præbuit, quam occidit. Quinctiam Plato libro de Legibus nono, εἰ δὲ αὐτὸς χεὶρ πλὴν, inquit, ἀνὼν δὲ ἀποντέειν τὴν ἐτόρ & ἐτόρρον, εἴτε ὅς ἐαυτὸ σώματι ψιλλῷ, εἴτε ὀργαλῷ, ἢ βέλαι, ἢ πῶματι & ἢ οἴτῳ δόσει, ἢ πυρὸς ἢ χειμῶν & προσβολῇ, ἢ γόρῃσει πινούματι & αὐτὸς ὅς ἐαυτὸ σώματι, ἢ δὲ ἐτόρρον σώματι, πᾶν τὸς ἐγὼ πλὴν ὡς αὐτὸς χεῖρ. id est: Si quis manu quidem sua, non sponte tamen alterum interfecerit, siue solo suo corpore, siue instrumento siue telo, siue potu, siue cibo, siue igni, siue frigore, siue suffocatione, siue id suo, siue alieno corpore fecerit, eodem planè iure habeatur, quo is qui manu sua cædem fecerit.

DE PONTE AUT RIPA.) Sequitur III. Qui seruum in flumen deiecerit, directæ legis actione tenetur. l. qua actione. 7. §. pen. D. eod. ubi Vlp. sic scribit: Sed si quis de ponte aliquē præcipitauit, Celsus ait, siue ipse ictu perierit, aut cōiunuo submersus est, aut lassatus ui fluminis uictus perierit, lege Aquilia teneri: quemadmodum si quis puerum saxo illisisset.



IN FACTVM ACTIONE.) Sequitur V. Cum neque corpore, neque corpori damnum datum est, nec dire-  
cta, nec utilis, sed in factum actio conceditur. l. 1. & eleganter. 7. §. idem Labeo. D. de dol. mal. ubi Labeo ait: Si seruum  
meum compeditum ut fugeret, solueris, si quidem non misericordia ductus fecisti, furti te teneri: sin misericordia, in fa-  
ctum te teneri debere.

DE INIURIIS.  
TITVLVS XXI.

*Iniuriæ uerbo generali quicquid non iure fit intelligitur. Eius  
tres sunt species: contumelia, culpa, iniusti-  
tia. l. 1. D. de iniur.*

**I. Generaliter iniuria dicitur, omne quod non iure fit. specialiter, aliàs contumelia, quæ à con-  
temnendo dicta est, quam Græci *βέβη* appellat: aliàs culpa, quam Græci *ἀδίκημα* dicunt, sicut  
in lege Aquilia damnum iniuria accipitur: aliàs iniquitas & iniustitia, quam Græci *ἀδικία* uocant.  
\*iniuria cum cum enim Prætor uel iudex non iure contra quem pronunciat, \*iniuriam accepisse dicitur.  
affecisse.**

QVOD NON IURE FIT.) Enunciatio I. Quicquid iure non fit, generali uerbo Iniuria uocatur. l. 1. D. de ino-  
iur. ubi Vlp. ait, Iniuriam ex eo dictam esse, quod non iure fiat, omne enim quod non iure fiat, dici iniuria fieri. Id autem Ari-  
stot. lib. Ethic. 5. tum *ἀδίκημα*, tum *ἀδίκημα* appellat. Locus aut extat insignis in Paradoxis, in quo Iniuriarum uerbum pro pec-  
catis & sceleribus perspicue usurpatur. Quocumq; aspexisti, ut furia sic tuæ tibi occurrunt iniuria, quæ te respirare nō sinūt. B

SPECIALITER ALIAS CONTUMELIA.) Sequitur II. Iniuriæ tres sunt species: contumelia, culpa,  
iniustitia. d. l. 1. Quæ de re unusquisq; pro suo arbitratu existimare poterit. nam quod ad me quidem attinet, sic statuo: Iniuriæ  
apud Iurisconsultos bipartitam esse diuisionem, ut alia bonis inferatur, alia dignitati. ac de ea quidem quæ bonis inferitur, su-  
periore capite De lege Aquilia, copiose disputatum est. eam uero quæ dignitati & existimationi inferitur, Iurisconsulti in hūc  
tractatum reiecerunt: recteq; meo iudicio, ab auctore librorum ad Herennium sic definitur: Iniuria est, quæ aut pulsatione  
corpus, aut conuicio aures, aut turpitudine uitam alicuius uiolat. Ut uidelicet triplex iniuriæ, de qua lex Cornelia lata est, spe-  
cies reperiatur: una quæ corpori, altera quæ auribus, tertia quæ uitæ alicuius inferitur. quæ tamen omnes species uno Contume-  
lie uocabulo comprehenduntur. in quo sanè adhibenda diligentia est. nam etsi iniuriam in bonis ab ea seiungamus quæ di-  
gnitati inferitur, plerumq; tamen utraq; in idem facinus incurrit: ueluti si quis in domini contumeliam alieno seruo nasum auri-  
culasue amputet, tum enim iniuria cum contumelia mixta est. quod significat Pacuius in Peribœa apud Nonium, Patior fa-  
cile iniuriam, inquit, si est uacua à contumelia. Verum hæc quidem ita se habent, ex quibus illa intelligi uolumus, quæ Aristot.  
lib. Ethic. 5. *καταφρονήσις* & *ἀδίκημα* nomine complectitur: nimirum delicta tum priuata, tum publica, à Iurisconsultis  
sub hoc iniuriæ uocabulo non comprehendi, tametsi Seruius in illud Virgilij,

— Cum Turni iniuria matrem

Admonuit, —

scribat, eo loco iniuriam esse *ἀδίκημα*, id est, iniustitiam. indeq; esse apud Comicos iniurium, qui audet aliquid contra ora-  
dinem iuris.

SICUT IN LEGE AQUILIA.) Sequitur III. In lege Aquilia, iniuriæ uerbo culpa intelligitur. d. l. 1. ubi  
Vlp. hoc idem scribit, sed uideamus, ne satis plene hoc dicatur: cum satis constet, iniuriæ uerbo in lege Aquilia non modò culpā,  
sed multo magis dolum malum contineri.

PRÆTOR VEL IUDEX.) Sequitur IIII. Cum iniuste prætor decernit, iudexue iudicat, reus accepisse in-  
iuriam dicitur. l. 1. initio, & l. nec magistratibus. 32. cum l. seq. D. eod. Itaq; Cicero in Quintiana sic loquitur: Dolabella præ-  
tor iniuriam facere fortissimè perseuerat: aut satis dare, aut sponsonem iubet facere. Intelligendum est tamen quod Paulus no-  
tat in l. pen. D. de iust. & iur. Prætorem quoq; ius reddere dici, etiam cum iniquè decernit: relatione scilicet facta non ad id  
quod ita Prætor fecit, sed ad illud quod Prætorem facere cōuenit. Verum illud potius querendum est, an hoc genus iniuriæ ad  
nostram hanc disputationem pertineat. quod certè difficile dictu est, nisi eo solo casu quo Prætor iudexue in alterius contume-  
liam id fecisset. nam Vlpian. in d. l. nec magistratibus, sic scribit: Si quid per iniuriam fecerit magistratus, tametsi ubi dolo ma-  
lo iudex perperam pronunciauit, uix est ut non etiam in contumeliam id fecisse uideatur. Itaq; Plato libro De legibus octauo,  
*ἐὰν δὲ τις, inquit, τῶν ἀρχόντων δὸνῃ μὲν ἀδίκως γνώμης λέγειν τοὺς ἡμῶν, τῶν δὲ πλεονέκτων ἐπὶ δίκῃ ἐστὼς βλά-  
φου, τὰ δ' αὐτῶν ἀρχόντων ἀδυνήμῃα, εἰς τὰ λοιπὰ ἀναστῆναι ἐπαράγειν ἢ βλάπτειν ἐπὶ δίκῃ ἐγγλημάτων.*  
Id est: Si quis à magistratibus probeatur iniquè sententiam pronuntiando damnum alicui dedisse, dupli actione teneatur, de-  
niq; ius esto, cuiq; publico iudicio iniuriæ ab ijs qui in magistratu sunt illatæ, persequi.

INIURIAM ACCEPISSE.) Vel subaudiendum est, Tum contra quem pronunciatum est: uel, quod uerisima-  
lius uidetur, legendum INIURIA eum affecisse. Quod autem in d. l. 1. scriptu ita est, INIURIAM, QVASI NON  
IURIAM, stolidum & Vlpiano indignum, atq; ex interiecta glossa irrepsisse arbitror.

*Quoquo modo dignitas existimatioq; alterius lædatur, siue re, siue uerbo,  
siue scripto, siue alia ratione, iniuriarum actio aduersus  
auctorem conceditur. l. 1. v. eod.*

II. Iniuria autem committitur, non solum cum quis pulsatus, aut pugno uel fustibus cesus, uel  
etiam uerberatus erit: sed &, si cui conuicium factum fuerit, siue cuius bona quasi debitoris qui  
nihil



**A** nihil deberet, possessa fuerint, ab eo qui intelligebat nihil eum sibi debere: uel si quis ad infamiam alicuius libellum, aut carmen scripserit, cōposuerit, ediderit, doloue malo fecerit quo quid eorum fieret: siue quis matrem familiars, aut prætexitatum prætexitatūue adfectatus fuerit: siue cuius pudicitia attentata esse dicetur: & deniq; alijs pluribus modis admitti iniuriam, manifestum est.

**NON SOLVM CVM QVIS PVL SATVS.)** Enunciatio I. Iniuriarum actio tum ex pulsatione, tum ex uerberatione nascitur. l. 5. D. de iniur. Locus autem hic alijs in libris corruptissime legitur, Cum quis pugno pulsatus aut fustibus caesus, nam O filius inter pulsationem & uerberationem hoc interesse scribit, quod uerberare est, cum dolore caderet pulsare, sine dolore. l. 5. §. 1. D. eod. Recte igitur, CVM QVIS pulsatus, aut pugno uel fustibus caesus, uel uerberatus: quæ admodum Tigurino in libro scriptum est. Tametsi si quis Latine lingue consuetudinem spectet, non perpetuo hæc differentia obseruatur, quemadmodum uel ex illo Vergily intelligitur:

Hic quibus inuisi fratres, dum uita manebat,  
Pulsatusue parens, & fraus inuexa clienti.

Item ex illo Verrina 7. Videtis pendere alios ex arbore, pulsari autem alios & uerberari. Item Verrina 4. Si quis cum pulasset, edixit sese iudicium iniuriarum non daturum. Item Verrina 7. Sex lictores circumstant ualentissimi, & ad pulsandos uerberandosq; homines exercitissimi. Quare uideamus ne hæc uerior sit differentia, ut Verberare, proprium sit uirgarum & flagrorum: pulsare autem generalius sit, & ad quoduis teli genus pertineat: siue gladijs, siue lapidibus, siue hæc quis usus esse dicetur.

**SI CUI CONVICIUM FACTVM.)** Sequitur II. Ex conuicio alicui factum, iniuriarum actio nascitur. l. item apud. 15. §. 1. D. eod. ubi Vlpianus ait, Conuicium dici uel à concitatione: uel à conuentu, hoc est à collatione uocum. cum enim in unum complures uoces conferuntur, conuicium appellari, quasi conuocium. Ex quibus uerbis intelligitur, Conuicium dici, siue plarium uoces, siue unius tantum plures & crebra uoces contumeliose in aliquem mutantur. siquidem Vlpianus eodem loco ratiocinatur, non omne maledictum conuicium esse, sed id solum quod cum uociferatione dictum est: siue unus, siue plures dixerint. quod enim in cœtu dictum est, conuicium esse: quod autem non in cœtu, nec uociferatione dicitur, conuicium non proprie dici, sed infamandi causa dictum. ut eunq; sit, Conuicium à pluribus uocibus dictum Vlpianus notat: quod etiam Cicero in Oratione pro Sextio confirmare uidetur, cum ita scribit: Sedebat exanimatus, & is qui antea cantorum conuicio conciones celebrare suas solebat, cantorum ipsorum uocibus eiciebatur. Loquitur de P. Claudio, quem ait celebrasse suas conciones acclamatione suorum gregalium: qui, cum ille ad populum Tribunus uerba faceret, acclamare & tanquã ac cinere solebant, Præclare, eleganter, diuine. Nam hæc consuetudinem, quæ nota omnibus est, ibi significari facile crediderim: tametsi uir doctissimus aliter hunc locum interpretetur. ut eunq; sit, idem Cicero in oratione pro Cælio, conuicium definit maledictionem petulantius iactatam.

**BONA QVASI DEBITORIS.)** Sequitur III. Qui alterius quasi sui debitoris bonorum possessionem impetrauit, iniuriarum tenetur. l. item apud. 15. §. si quis. 25. D. eod. ubi Vlpianus hoc amplius scribit: Si quis non debitorem, quasi debitorem appellauerit iniuriæ faciendæ causa, eum iniuriarum teneri. Similiter si iniuriæ faciendæ causa, Seia domi absentis debitoris signasset, sine auctoritate eius qui concedendi ius, potestate uel habuit: iniuriarum actionem intendi posse, Moesti nus respondit in l. si iniuriæ. 20. D. eod.

**LIBELLVM AVT CARMEN.)** Sequitur IIII. Ob scriptum famam alienam ledens, iniuriarum actio nascitur. l. 5. §. si quis librum. ubi Vlp. ait, eum qui id fecisse damnatus erit, intestabilem ex lege Cornelia esse iuberi. cum tamen lex XII. Tab. id capite sanxisset, ut ex his Ciceronis uerbis è libro de Repub. 4. sumptis, Augustinus lib. de Ciuitate Dei 2. demonstrat: Nostræ, inquit, contra XII. Tabulæ, cum per paucas res capite sanxissent, in his hæc quoq; sancientiam putauerunt, si quis actitauisset, siue carmen condidisset, quod infamiam faceret, flagitiumue alteri. Præclare, iudicijs enim ac magistratuum disceptationibus legitimis propositam uitam, non poetarum ingenijs, habere debemus: nec probum audire, nisi ea lege, ut respondere liceat, & iudicio defendere. Hinc illud Trebatij apud Horatium:

Si mala condiderit in quem quis carmina, ius est,  
Iudiciumq;.

**MATREM FAM. AVT PRÆTEXTATVM.)** Sequitur V. Qui matremfam. prætexitatūue aut prætexitatam affectatur, iniuriarum tenetur. d. l. item apud. 15. §. aliud est. 15. D. eod. ubi Vlp. ait, affectari eum qui tacitus frequenter sequitur: assiduam enim frequentiam quasi præbere nonnullam infamiam. Quibus uerbis meo iudicio significat, affectationem propterea turpem esse, quia uideatur quis quasi sortum in destinatum locum sectari.

**PVDICITIA ATTENTATA.)** Sequitur VI. Qui alienam pudicitiam attentat, iniuriarum tenetur. d. l. item apud. §. aliud est. Vnde intelligere possumus, Prætorem appellandi uerbo usum esse: cum ait, appellare dici eum qui sermone pudicitiam attentauit. Item l. sed est quæstionis. 9. §. ult. D. eod. ubi Vlpianus hoc amplius scribit: Si quis tam feminam, quam masculum, siue ingenuos siue libertinos, impudicos facere attentauerit, iniuriarum teneri. sed & si seruus pudicitia attentata sit, iniuriarum actionem locum habere. Attentari autem pudicitiam dici, cum id agitur, ut ex pudico impudicus fiat.

Ob iniuriam liberis quos in potestate habemus, uxoriue, aut nuri nostræ, cuius uir nostra in potestate est, factam, hæc actio conceditur.

l. j. §. ij. & §. ult. & l. ij. eod.

**III.** Patitur autem quis iniuriam non solum per semetipsum, sed etiam per liberos suos, quos in potestate habet. item per uxorem suam: id enim magis præualuit. Itaq; si filiæ alicuius, quæ Titio nupta est, iniuriam feceris: non solum filiæ nomine tecum iniuriarum agi potest, sed etiam patris & mariti nomine. Contrà autem, si uiro iniuria facta sit, uxor iniuriarum agere non potest.



fendi enim uxores à uiris, non uiros ab uxoribus, æquum est. Sed & focer nurus nomine, cuius A  
uir in eius potestate est, iniuriarum agere potest.

QVOS IN POTESTATE HABET.) Enunciatio I. Ob iniuriam liberis quos in potestate habemus, uxore nostra factam, nobis datur hæc actio. l. pater. 41. D. eod. ubi Neratius ait, patrem cuius filio facta est iniuria, non esse impediendum, quo minus duobus iudicijs & suam iniuriam persequatur, & filij. Item l. 2. C. eod. ubi Imp. scribit, propter iniuriam filie nuptæ illatam, & marito & patri iniuriarum actionem competere. l. 1. §. 2. D. eod. ubi Vlp. hanc assert ratio nem: spectare enim ad nos iniuriam, quæ ipsi fit qui uel potestati nostræ, uel affectui subiecti sunt. Et hoc amplius ait, Vsq; adeo iniuriam quæ sit liberis nostris, nostrum pudorem pertingere, ut etiam si uolentem filium quis uendiderit, patri suo quidē nomine competat iniuriarum actio: filij uero nomine non competat, quia nulla iniuria est, quæ in uolentem fiat. Itaq; Paulus in l. si quis. 26. D. eod. Si quis, ait, filium meum ludibrio habeat, licet consentientem: tamen ego iniuriam uideor accipere. ueluti si in popinam duxerit illum, si aleam luserit. Sed hoc utrunq; tunc locum habere potest, quoties ille qui suadet, animum iniuriæ faciendæ habet. Hæc ille. Ut unq; autem se res habeat, illud intelligendum est, patri tum demum actionem dari, cum is ex co iure agere uult, quod ex Prætoris edicto nascitur. At cum ex lege Cornelia actio competit, Vlp. in l. 5. §. 3. scribit, inter omnes constare non dari patri actionem ex iniuria filiosam, illata: sed patri quidem iniuriarum actionem Prætoriam competere, filio uero ex lege Cornelia. Vnde notandum est, ex uno eodemq; facto duplici ex iure actionem concedi.

ID ENIM MAGIS PRÆVALUIT.) Quibus uerbis significat, atq; adeo aperte ostendit, hæc de re dubitatum fuisse. Causam autem dubitandi hanc fuisse arbitror, quia si filiasam erat, patri actio dabatur: sin minus, ipsi, cui directo actio competebat. Valuisse tamen alia ex parte hoc argumentum, quod cum eas quæ in mariti manum conuenerant, quia in potestate ipsius erant, ab ipso defendi oportebat: tum æquitatis & amicitie ratio postulabat, ut uxorū honos à uiris defendere retur, quia eadem persona uidentur: & unius coniugis pudor, alterius pudor esse iudicatur.

SI FILIÆ ALICUIVS.) Sequitur II. Iniuria filiasam, nuptæ facta, etiam à uiro, patreq; ipsius uindicatur. B  
d. l. 1. §. ult. ubi Neratius ait, ex una iniuria interdum tribus oriri iniuriarum actionem, neq; unius actionem per alium confusam. ut puta uxori meæ per alium iniuria facta est: & mihi & patri eius, & ipsi iniuriarum actio incipiet competere. Vlp. aut in l. non solum. 11. §. 4. D. eod. hanc rationem ascribit: maritus enim, uxore sua iniuriam passa, suo nomine iniuriarum agere uidetur. Itaq; idem in l. item apud. 15. §. sponsum quoq; D. eod. scribit, sponsum quoq; ad iniuriarum actionem admittendum esse. Et enim spectare ad contumeliam eius, iniuriam, quæcunq; sponsæ eius fit. De uxore autem, Paulus in l. cum qui. 18. §. 2. D. eod. Si, inquit, nupta filiasam, iniuriam acceperit, & uir & pater iniuriarum agant: Pomponius recte putat, tanti patri condemnandum esse reum, quanti condemnatur si ea uidua esset: uiro tanti, quanti condemnaretur, si ea in nullius potestate esset: quod sua cuiusq; iniuria propriam æstimationem haberet. & ideo si nupta in nullius potestate sit, non ideo minus eam iniuriarum agere posse, quod & uir in suo nomine agat.

SED ETIAM PATRIS.) Sequitur III. Nuptæ filie patriam potestatem non extinguunt. d. §. ult. & nos hæc de re sub tit. De patria pot. differuimus.

CONTRA AVTEM SI VIRO.) Sequitur IIII. Vxor iniuriam uiro factam persequi non potest. l. 2. eod. unde hic locus descriptus est. Causa autem uidetur esse hæc: quia uxores uirorum, non uiri uxorum dignitatem participant. Itaq; qui mulieris dignitatem uiolat, simul mariti dignitatem: quæ in ea inest, uiolare intelligitur: at non contra.

DEFENDI ENIM VXORES.) Sequitur V. Non uirum ab uxore, sed hanc ab illo defendi rectum est. d. l. 2. illam enim cum ingenij infirmitas, tum etiam pudor, lires sectari, & cum forensibus operis uersari uideat.

SOCER NVRVS NOMINE.) Sequitur VI. Socer nurus nomine, cuius uir eius in potestate est, agere iniuriarum potest. d. l. 1. §. 2. propterea autem uirum in potestate patris esse oportet, quia per ipsius personam hæc actio patri acquiritur. qui si sui iuris esset, non patri, sed ipsi soli actio quæreretur. Quod cum ita sit, apparet ex una hac iniuria quatuor actiones nasci: unam ipsi mulieri, alteram ipsius marito, tertiam patri, quartam socero.

Ob iniuriam seruo ad contumeliam domini impositam, hæc actio conceditur: ob leuem tamen iniuriam non datur. At communi seruo iniuria affecto, pro dignitate dominorum eis datur actio, quæ non fructuario, sed proprietario tantum conceditur. l. x. v. D. eod.

IIII. Seruis autem ipsis quidem nulla iniuria fieri intelligitur, sed domino per eos fieri uidetur, non tamen iisdem modis, quibus etiam per liberos & uxores: sed ita, cum quid atrocius commissum fuerit, & quod aperte ad contumeliam domini respicit: ueluti si quis alienum seruum atrociter uerberauerit, & in hunc casum actio proponitur. At si quis seruo conuicium fecerit, uel pugno eum percusserit: nulla in eum actio domino competit. Si communi seruo iniuria facta sit: æquum est, non pro ea parte qua dominus quisque est, æstimationem iniuriæ fieri: sed ex dominorum persona, quia ipsis fit iniuria. Quod si ususfructus in seruo Titij est, proprietas Mæuij, magis Mæuij iniuria fieri intelligitur.

NULLA INIURIA FIERI.) Enunciatio I. Ob iniuriam seruo proprie factam, hæc actio non conceditur. Cuius rei ratio meo iudicio hæc est, quia iniuria est quæ cuiuspiam dignitatem imminuit. seruorum autem nulla est dignitas: qua de causa nullum caput habere dicuntur. l. 3. D. de caput. minut.

SED DOMINO PER EOS.) Sequitur II. Ex iniuria, seruo ad contumeliam domini facta, hæc actio conceditur. l. item apud. 15. §. si quis. 27. D. de iniur. ubi Vlp. sic scribit: Si quis sic fecit iniuriam seruo, ut domino saceret: uide dominum iniuriarum agere posse suo nomine. si uero non ad suggillationem domini id fecit: ipsi seruo facta iniuria, multa à Præatore relinqui non debuit: maxime si uerberibus uel questionibus fieret. hanc enim & seruum sentire palam est. Hæc autem usque



**A** adeo uera sunt, ut idem aliquanto post scribat, si quis seruum meum uerberasset, quem alterius esse sic putabat, ut si meum scisset, uerberaturus non fuisset, iniuriarum actionem non competere.

**ALIENVM SERVVM ATROCITER VERBERAVERIT.)** Sequitur III. Qui seruum alienum atrocius uerberat, in domini fecisse contumeliam iudicatur. quod mihi certe magis arriat, quam illud quod Vlpianus eodem loco scribit, si quis atrocius seruum uerberarit, non debere inultum a Praetore factam seruo iniuriam relinquere. hanc enim et seruum sentire, palam esse. Verum utique sit, intelligendum est, his casibus duas actiones competere: unam ex lege Aquilia, alteram de iniurijs. Inter quas quae differentia sit, Vlpianus exponit in l. Praetor. 7. §. 1. D. eod. ubi sic scribit: Quid ergo de lege Aquilia dicimus? nam et ea actio principaliter hoc continet: hominem occisum, non principaliter. nam ibi principaliter de damno agitur, quod domino datum est. at in actione iniuriarum, de ipsa caede uel ueneno, ut uindicetur, non ut damnum sarcitur. Sed et in eandem sententiam sic scribit, in l. item apud. 15. §. si quis. 33. Si quis seruo uerberato iniuriarum egerit, deinde postea damni iniuriae agat: Labeo scribit, eandem rem non esse. quia altera actio ad damnum pertineret, culpa datum, altera ad contumeliam.

**AT SI QVIS SERVO.)** Sequitur IIII. Ob conuicium seruo factum, pugnumque impactum, non datur haec actio. l. item apud. 15. §. 30. D. eod. ubi Vlp. ait, Praetorem non ex omni causa serui nomine iniuriarum actionem promittere. nam si leuiter percussus sit, uel maledictum ei leuiter, non daturum actionem. Cuius rei fortasse haec ratio est, quoniam tum non domini, sed serui solius persona petita esse iudicatur. At cum atrociter accedit, id quod modum superat, pertinere ad domini personam uidetur.

**NON PRO EA PARTE QVA DOMINVS.)** Sequitur V. Ob iniuriam communi seruo factam, dominis pro dignitatis ipsorum ratione datur haec actio. Cuius rei ratio mihi aequissima uidetur. quia quod in disiunctis ualet, etiam in conuinctis ualere par est. denique si, ubi maior est dignitas, ibi maior iniuria inferitur, iniquum esset in duobus impari dignitate praeditis parem iniuriam interpretari. quod si alterius iniuria maior est, maiorem quoque statui poenam oportet. Haec cum ita sint, tamen Paulus in l. 16. ita scribit: Sed non esse aequum, pro maiore parte quam pro qua dominus est, damnationem fieri, Pedius ait. et ideo officio iudicis portiones aestimandae sunt. Quae sententia quemaadmodum cum hoc loco concilianda sit, ingeniosi uiri quibus in hoc genere difficile nihil est, nullo negotio excogitabunt. Interea *ὁ δὲ πρὸς τὴν ἀντιθέσιν, καὶ ἀντιθέσιν*.

**QVOD SI VSVSERVCTVS.)** Sequitur VI. Ob iniuriam ei seruo cuius alienus est ususfructus factam, proprietario haec actio conceditur. l. item apud. 15. §. 34. D. eod. ubi Vlp. sic scribit: Si ususfructum in seruo habeam, tu proprietate, usque uerberatus sit, iniuriarum actio magis proprietario, quam mihi competit. Cuius rei rationem hanc esse arbitror, quia huiusmodi quaestus extraordinarius, qui ex serui uerberatione contingit, ususfructus nomine non recte comprehenditur. siquidem ususfructus appellatione is demum quaestus continetur, qui usitatus est, et ex seruis communiter percipi solet.

Ob iniuriam homini libero bona fide possesso, in contumeliam possessoris factam, utriusque datur actio: at seruo alieno, possessori duntaxat. l. xv. §. xxxv. eod.

**V. Sed si libero homini qui tibi bona fide seruit, iniuria facta sit: nulla tibi actio dabitur, sed suo nomine is periri poterit: nisi in contumeliam tuam pulsatus sit. tunc enim competit et tibi iniuriarum actio. Idem ergo est et in seruo alieno, bona fide tibi seruiente: ut toties admittatur iniuriarum actio, quoties in tuam contumeliam iniuria ei facta sit.**

**NULLA TIBI ACTIO DABITVR.)** Enunciatio I. Persecutio iniuriae homini libero, bona fide seruienti facta, ipsi soli conceditur. l. item apud. 15. §. 35. nam iccirco fieri seruis iniuria non dicitur, quia eripi eis dignitas non potest. at cum liberis hominibus directo, et propter ipsos solos contumelia facta est, quia recte cecidit res, et reuera dignitas illorum imminuta est, aequum est illis ipsis actionem dari.

**COMPETIT ET TIBI INIURIARVM.)** Sequitur II. Cum libero bona fide seruienti facta in possessoris contumeliam iniuria est, utriusque datur actio. d. l. item apud. 15. §. 35. D. eod. neque enim alterutrius tantum dignitas imminuta est, sed possessori: quoniam is fuit animus iniuriam inferentis libero homini, quia recte res cecidit: hoc est, quia capax iniuriae fuit, cum seruis (ut superius dicebamus) inferri iniuria non possit. Causae constitutio: Cum hominem liberum bona fide possiderem, eum Titius in meam contumeliam uerberauit. Posteaquam iniuriarum in Titium egissem, eumque damnaassem, coepit liber homo ipse quoque eandem actionem postulare. Intentio: Iniuria mihi quoque facta est. D. Non est facta. Q. An facta sit. R. Quia facere iniuriam, est dolo malo et de industria dignitatem alicuius ledere. at ego non te, sed solum possessorem petebam. quia de causa si quis hominem liberum consideret, dum putat seruum suum: in ea causa est, ne iniuriarum teneatur. et si cum seruo meo pugnum ducere uellem, in proximo te stantem inuitus percussero: iniuriarum non teneor. l. 3. et 4. D. eod. F. Imo iniuriam facere, est ita de industria dignitatem alicuius ledere, ut si casu etiam alterius dignitas laesa sit, duplex iniuria numeretur. Disceptatio ex definitione scripti nascitur: An iniuriam facere, sit alicuius dignitatem etiam per imprudenter uiolare, dummodo alterius dignitas petita sit. Nam utrumque concurrere oportet: ut patet ex d. l. 3. et 4. ubi de seruo quaeritur, cuius nulla est dignitas. Bodemque illud pertinet, quod scribit Paulus in l. eum qui. 18. §. 3. eod. Si iniuria mihi fiat ab eo cui sum ignotus, aut si quis putet me L. Titium esse, cum sim C. Seius: praeualeat quod principale est, iniuriam eum mihi facere uelle. nam certus ego sum, licet ille putet me alium esse, quam sim.

**ET IN SERVO ALIENO.)** Sequitur III. Vltio iniuria alieno seruo bona fide possesso, in possessoris contumeliam facta, soli possessori permittitur. d. §. item si. 35. nam iniuria seruo illata, quatenus seruo facta est, non uindicatur, sed quatenus domino facta est. Quare quoniam hoc casu dominus petitus non est, sed possessor solus, aequum est ei soli iniuriarum actionem permitti, cui soli facta intelligitur.



*Talionis & pecuniaria pœnale lege XII. constituta obsoleuit: successitq; Prætor: ut iniuriam passus, litem æstimet: æstimationem iudex arbitrio suo pro dignitatis personæq; ratione statuatur.*

*l. xv. §. xxx. j. eod.*

VI. Pœna autem iniuriarum ex lege duodecim Tabularum propter membrum quidem ruptum talio erat: propter os uero fractum numariæ pœnæ erant constitutæ, quasi in magna ueterum paupertate. Sed postea Prætores permittebant ipsis qui iniuriam passi sunt, eam æstimare: ut iudex uel tanti reum condemneret, quanti iniuriam passus æstimauerit: uel minoris, prout uisum fuerit. Sed pœna quidem iniuriæ, quæ ex lege duodecim Tabularum introducta est, in desuetudinem abiit: quam autem Prætores introduxerunt (quæ etiam honoraria appellatur) in iudicijs frequenter. Nam secundum gradum dignitatis, uitæq; honestatem, crescit aut minuitur æstimatione iniuriæ. qui gradus condemnationis & in seruili persona non immerito seruatur: ut aliud in seruo auctore, aliud in medijs actus homine, aliud in uilissimo uel compedito constituatur.

PROPTER MEMBRVM QUIDEM.) Enunciatio I. Lex duodecim, ob membrum ruptum talionis: ob os fractum, pecuniariam pœnam constituit. Auctor Gellius libro uigesimo, capite primo, apud quem legis uerba sic restituit: **SI INIURIAM ALTERI FAXIT, VIGINTI QVINQVE AERIS POENA SVNT. SI MEMBRVM RVPIT, NISI CVM EO FACIT, TALIO ESTO. SI OS FREGIT \*\* AERIS SVNT.** De quibus singulatim explicandum est. Nam illa tantum tria capita apud Gellium reperio, quæ Paulus lib. Sent. 5. cap. 6. sic complexus est: **Lex XII. Tabularum de famosis carminibus, membrum ruptis, & osibus fractis constitutum est.** Primum autem caput ad cæteras omnes iniurias pertinere, quæ extra membri osiue ruptionem essent, uel hinc licet intelligatur, quod Q. Labeo scribit, L. Neratium hominem insigniter improbum fuisse: qui pro delectamento haberet, os hominis liberi manus suæ palma uerberare: eum secutum seruulum, erumenam asium plenam portitantem: & quemcunq; depalmauerat, numerari statim secundum duodecim Tabulas quinque & uiginti asses iubebat. Positum igitur hoc sit, iniuriæ nomine in primo capite contumeliam omnem quæ uerberatione, pulsatione fieret, comprehensam esse. Sequitur secundum: quod apud Gellium mendose legi, eoq; modo quo prodidimus castigandum, nemo qui Festum in uoce Talio legerit, nisi plane cæcus sit, non uidebit. Itaq; ante quadriennium scriptam hanc habeo in Gellio meo correctiunculam, quam idem Gellius paulo post his confirmat uerbis: Præsertim cum habebas facultatem paciscendi, & non necesse sit pati talionem, nisi eam tu elegeris. Item: Nolo hoc ignores, hanc quoq; ipsam talionem ad æstimationem iudicis redigi necessariò solitam. nam si reus, qui de pacisci noluerat, iudici talionem imperanti non parebat, æstimata lite, iudex hominem pecuniæ damnabat. atq; ita si reo & pactio grauis, & acerba talio uisa fuerat, seueritas legis ad pecuniæ multam redibat. Hæc ille. ex quibus triplicem membri rupti pœnam ex lege XII. fuisse constat, aut pactiorem, aut talionem, aut multam. Deinceps ad tertium accedamus: cuius uerborum partem, tum ex eodem auctore, tum ex Iustiniano restituisse conati sumus. Nam uterq; pecuniariam hoc casu pœnam fuisse testatur. Quod iniuriæ factas (inquit Gellius) quinque & uiginti assibus sanxerunt, non omnes omnino ære isto pauco diluerunt: sed iniuriæ atrociore, ut de osse fracto, non liberis modo, uerum etiam seruis factas, impensiore damno uindicauerunt. Verum quæ summa illa fuerit, neq; Gellius, neq; alius quod sciam, exponit. Nonnulli autem querunt, cum frangi prope nullum sine osse membrum possit, quomodo fracti osis iniuria ab illa membri rupti secernitur? Quasi uero unumquodq; os, membrum constituat: & capitis, quod membrum unum numeratur, non ossa sint & plura & uaria. Itaq; membra ab ossibus Plautus in Menæchmis distinguit: Ita mihi imperas, ut ego huius membra atq; ossa atq; artua comminuam illo scipione. Hæc igitur huiusce legis sententia est, ut osis cuiusvis quod uel in capite uel alio in membro sit fractio, hac legis parte uindicetur. Quæ cum ita sint, illud etiam perspicuum esse arbitror, locum illum ex Catonis originibus, quem Priscianus lib. 6. profert: Si quis membrum rupit, aut os fregit, talione proximus cognatus ulciscitor: (sic enim legendum uidetur) hunc inquam locum potius ad gentis alicuius instituta, de quibus in eo libro Cato disputabat, quam ad leges XII. referendum esse: quoniam neq; osi fracto talio constituta erat, neq; proximus cognatus iniuriam ulcisceretur.

MAGNA VETERVM PAUPER TATE.) Sequitur II. Duodecim Tabularum tempore, propter rei numariæ penuriam, exiguae multæ constituebantur. Nam eo tempore late sunt, quo populus Rom. nondum magnam Italiæ partem obtinens, agriq; colendi studio contentus, supremam multam habebat duorum ouium, bouum uero triginta, uti scribit Gellius lib. 11. cap. 1. & Plinius lib. 18. cap. 3. Et ut genio meo paululum in hoc diuerticulo indulgeam, ipsorum tunc manibus imperatorum colebantur agri, gaudente terra uomere laureato, & triumphali aratore: siue illi eadem cura uomera tractabant, qua bella: eademq; diligentia arma disponebant, qua castra: siue honestis manibus omnia latius proueniunt, quoniam & curiosius sunt. Serentem inuenerunt dati honores Serranum, unde cognomen. Aranti quatuor sua iugera in Vaticano Cincinato uiator attulit dictaturam, & quidem (ut traditur) nudo plenoq; pulueris etiamnum ore. C. Furius Cresinus & seruitute liberatus, cum in paruo admodum agello largiores multo fructus perciperet, quam ex amplissimis uicinitatibus, in inuidia magna erat, ceu fruges alienas pelliceret ueneficijs. Quamobrem à Sp. Albino cumuli die dicta, metuens damnationem, cum in suffragium tribus oporteret ire, instrumentum rusticum omne in forum attulit, & adduxit filiam ualidam, atq; (ut ait Piso) bene curatam ac uestitam, ferramenta egregie facta, graues ligones, uomeres ponderosos, boues saturos. Postea dixit: Ueneficia mea, Quirites, hæc sunt: nec possum uobis ostendere, aut in forum adducere lucubrationes meas uigilijsq; & sudores, omnium sententijs absolutus. Itaq; est profectò: opera, non impensa, cultura constat. Sed ohe, iam satis est: nunc ad pistrinum nostrum redeamus.

SED POSTREMO PRAETORES.) Sequitur III. Iniuriarum pœna Prætorum instituto prius ei cui facta est, deinde iudicis arbitrio æstimanda permittitur. Hinc Gellius eodem loco, Prætores, inquit, hanc abolere, & re



**A** & relinqui censuerunt, iniurijsq; æstimandis Recuperatores se daturos edixerunt.

IN DESVETVDINEM ABIIT.) Sequitur IIII. Iniuriarum pœna, lege XII. instituta, ex usu sublata est.

HONORARIA APPELLATVR.) Sequitur V. Pœna Prætorum edicto instituta, Honoraria uocatur. nam (ut libro primo dictum est) magistratus à Latinis Honos appellabatur. Solus autem ex omnibus magistratibus Prætor ius constituebat. Vnde ius honorarium appellatum est.

IN IVDICIIS FREQVENTATVR.) Sequitur VI. Prætoria iniuriarum pœna sola Iustiniani tempore usurpabatur.

ET IN SERVILI PERSONA.) Sequitur VII. Iniuriarum æstimatio pro personæ ratione etiam in seruis elationem summisionemq; accipit. litem apud. l. 5. §. Prætor. 31. D. eod. ubi Vlpianus ait, multum interesse qualis seruus sit, bonæ frugi, ordinarius, dispensator: an uero uulgaris, uel mediastinus, an qualis qualis. & quid si compeditus, uel male notus, uel notæ extremæ: habebit igitur Prætor rationem tam iniuriæ, quæ admissa dicitur, quam personæ serui in quem admissa dicitur. & sic aut permittet, aut denegabit actionem.

IN SERVO ACTORE.) Seruus actor idem dicitur, qui dispensator, qui pecunijs domini credendis & exigendis præest. Itaq; pro eo qui maximi precij est, uulgo numeratur. At medijs actus homo dicitur, qui neq; magnæ procuratori, neq; etiam infimo ministerio præfectus est.

Lege Cornelia, in eum qui alterum pulsauit, uerberauit uel domum uel ipsius ui introijt, iniuriarum actio conceditur. l. 7. eod.

**B** VII. Sed & lex Cornelia de iniurijs loquitur, & iniuriarum actionem introduxit, quæ competit ob eam rem, quod se pulsatum quis, uerberatum uel domum uel suam ui introitam esse dicat. Domum autem accipimus, siue in propria domo quis habitet, siue in conductâ, uel gratis, siue hospitio receptus sit.

INIURIARVM ACTIONEM INTRODUXIT.) Enunciatio I. Qui pulsatus uerberatus uel, cuius uel domus ui introita est, ex lege Cornelia iniuriarum actionem habet. l. 5. D. eod. ubi Otilius differentiam illam inter pulsationem & uerberationem notat, quam superius explicauimus. uidetur autem hanc legem eo tempore L. Cornelius Sylla tulisse, cum Rempub. constitueret, bello ciuili & cædium impunitate ac proscriptioe iactatam.

DOMVM AVTEM ACCIPIMVS.) Sequitur II. In lege Cornelia, domus nomine etiam conductâ, & precaria, & hospitalis intelligitur. d. l. 5. §. 2. eod. unde hæc descripta sunt. Causæ autem constitutio hæc erit: Cum Titius uel domum, quam mercede, utpote conductam, habitabam, introisset, actionem ex lege Cornelia petere institui. Intentio: Actio mihi ex lege Cornelia competit. D. Non competit. Q. An competat. R. Quia lex his uerbis scripta est, DOMVM VELSVM INTROITAM. non est autem domus tua, sed conductâ. Itaq; si qua competeret actio, potius proprietario quam tibi deberetur. F. At mens legislatoris ea fuit, ut non dominum, cui iniuria non fit, sed eum qui domum inhabitat, spectaret. Disceptatio ex scripto & sententia nascitur, An cum lex Cornelia de domo sua diserte scripta sit, tamen etiam de quavis domo, quam quis inhabitet, intelligenda sit. Vlp. ait, de ijs omnibus intelligendam, in quibus quis non momenti causa inhabitaret, licet ibi domicilium non habeat.

In æstimandis iniurijs facti, loci, personæ, membri ratio conditioq; perpenditur.

Virum autem iniuriam passus paterfam. aut filiusfam. sit, nullius momenti est. l. 7. §. 1. & l. 7. §. 2. eod.

**C**

VIII. Atrox iniuria æstimatur uel ex facto: ueluti si quis ab aliquo uulneratus sit, uel fustibus cæsus. uel ex loco: ueluti si cui in theatro, uel in foro, uel in conspectu Prætoris iniuria facta sit. uel ex persona: ueluti si magistratus iniuriam passus fuerit, uel si senatori ab humili persona iniuria facta sit, aut parenti patrono uel fiat à liberis uel libertis. Aliter enim senatoris & parentis patroniq; aliter extranei & humilis personæ iniuria æstimatur. Nonnunquam & locus uulneris atrocem iniuriam facit: ueluti si in oculo quis percussus sit. Parui autem refert, utrum patrifamiliâs, an filiofamiliâs talis iniuria facta sit. nam & hæc atrox æstimabitur.

ÆSTIMATVR VEL EX FACTO.) Enunciatio I. In æstimanda iniuria factum primo loco perpenditur. l. Prætor. 7. §. ult. & l. sequ. eod. ubi Vlpianus & Paulus aiunt, Atrocem iniuriam accipi, quasi contumeliosiores & maiorem. Re autem atrocem iniuriam haberi, ut puta si uulnus illatum sit, uel os alicui percussum: uulneris enim magnitudinem atrocitatem facere.

VEL EX LOCO.) Sequitur II. Loci ratio ubi iniuria facta est, ipsius æstimationem auget. d. l. Prætor. ubi idem ait, multum interesse, utrum in solitudine, an in Prætoris conspectu iniuria facta sit: quia atrocior est, quæ in conspectu fiat, nimirum quia contempta magistratus populi Rom. maiestas esse uideatur. Quin etiam idem Vlp. in l. sequ. scribit: Si quis in theatro, uel in foro quem cedat, quamquam non atrociter, atrocem tamen iniuriam facere.

VEL EX PERSONA.) Sequitur III. Personæ dignitas cui facta iniuria est, in ipsius æstimatione perpenditur. d. l. Prætor. & l. 4. C. eod. ubi Imp. scribunt, atrocem fieri iniuriam ei qui in sacerdotio est, eiusq; habitum atq; ornamenta gestat. Quod quidē Demosthenes non prætermisit, in ea quam aduersus Midiam dixit, cum ab eo cæsus esset in mala, quo tēpore ludorum Bacchi curator erat. ἀλλὰ μὲν, inquit, ἀγὼς γὰρ ἐστὶν τοῖς τοῖς, ὅτι ἀνυποδόνους, φνοίη, ὁδὸς γὰρ: ἀλλὰ καὶ ὁ γὰρ νοῖος, ὁ γὰρ ὁ γὰρ.



καὶ ὑποβ' ἀπαύτων ἐστ' ὁ λόγος. ἢ γὰρ εἰς Δημοδοκὸν ὄντα μετ' ἐλθὼν μόνον τὰντων τῶν ἡμῶν, ἀλλὰ καὶ εἰς  
 χορηγὸν ὑμέτερον. id est: Iam uero, quod ad illud attinet, Demostheni, inquit, facta iniuria est: æqua & communis &  
 ad omnes pertinens responsio parata est. Neque enim me ille ut Demosthenem tantum eo die uexauit, sed ut ædilem uestrum. Et  
 paulo post: ἔτι τοῖνυν καὶ ἐμὲ εἰ μὴ ἄλλαις πρὶν ἡμῶν ἡδὴ καὶ πρὶν τῶν μετὰ τὴν ἐμὴν ἰδίαν καὶ διὰ  
 τὴν πρὸς αὐτῷ διδόναι: εἰ δὲ χορηγὸν ὄντα ὑμέτερον, ἰσομελὴς ὄντος, παρ' ὅσα ἡδὴ καὶ ὑβρί-  
 νεται, Δημοκλῆς ὄντος καὶ τιμωρίας δίναι ἐστὶ τυγχάνειν. ἀλλὰ γὰρ τῷ Δημοδοκῷ, καὶ ὁ χορηγὸς ὑβρί-  
 ζετο: τὸ δ' ἐστὶ τῆς πόλεως ὄνομα: καὶ τοὶ τὰνταῖς ταῖς ἡμέραις, αἷς οὖν ἐώσιν οἱ νόμοι. id est: Sic igitur,  
 si me Midias alijs quibusdam diebus cum priuatus essem iniuria affecisset, par esset eum priuatim pœnas luere. Sin autem omni-  
 bus me contumelijs istis uexatum ab eo constat, cum festo die uester ædilis eram, par est ut publica offensione ac pœna teneaa-  
 tur: simul enim cum Demosthene, etiam ædilem iniuria afficiebat. hoc uero publicum nomen est. Præterea hoc ἡς diebus ada-  
 misit, quibus per leges non licebat.

ET LOCUS VULNERIS.) Sequitur IIII. Locus uulneris in æstimatione iniuriæ nonnunquam attenditur.  
 d. l. Prætor.

PARVI AVTEM REFERT.) Sequitur V. Vtrum iniuriam passus pater an filiusfam. sit, nihil ad iniuriæ æ-  
 stimationem interest. l. sed est quæstionis. 9. §. 1. D. eod. Cuius rei rationem hanc esse arbitror, quia patris aut filijfam. nomen,  
 non est nomen dignitatis: Iniuria autem dignitati soli ac semper inferitur.

*Iniuriarum iudicium & ciuile ad litis æstimationem, & criminale ad pœnam extraor-  
 dinariam ita constitutum est, ut illustres persone persequi suas iniurias  
 etiam per procuratores possint. l. ult. C. eod.*

IX. In summa igitur sciendum est, de omni iniuria, eum qui passus est, posse uel criminaliter a-  
 gere, uel ciuilitè. Et si quidem ciuilitè agitur: æstimatione facta, quemadmodum dictum est, pœ-  
 na imponitur. Sin autem criminaliter, officio iudicis extraordinaria pœna reo irrogatur: hoc ui-  
 delicet obseruando, quod Zenoniana constitutio introduxit, ut uiri illustres, quiq; super eos sunt,  
 & per procuratores, possint actionem iniuriarum criminaliter uel persequi uel suscipere, secundū  
 eius tenorem, qui ex ipsa manifestius apparet.

VEL CRIMINALITER AGERE.) Enunciatio I. Iniuriarum nomine non modò ciuilitè, uerum etiam cri-  
 minaliter agitur. l. constitutionibus. 37. D. eod. ubi Marciannus ait, etiam ex lege Cornelia iniuriarum actionem ciuilitè moue-  
 ri posse, condemnatione æstimatione iudicis faciendā. Tamen si ergo iniuriarum causa non publici iudicij, sed priuati quere-  
 lam continet, uti scribunt Imp. in l. 7. C. eod. tamen extraordinarium iudicium criminale constituitur.

ÆSTIMATIONE FACTA.) Sequitur II. Ciuili iniuriarum iudicio lis arbitrio iudicis æstimatur. d. l. con-  
 stitutionibus.

OFFICIO IUDICIS EXTRAORDINARIA POENA.) Sequitur III. Criminali iniuriarum iuo-  
 dicio extraordinaria pœna iudicis officio constituitur. l. ult. C. eod. Ordinaria autem pœna dicitur, quæ certa lege nominatim  
 ac disertè certo crimini constituta est. Cum autem nulla lege iudicium hoc criminale constitutum sit, sequitur pœnam esse ex-  
 traordinariam: Quapropter officio iudicis (ut Imp. ait) eius arbitrium permittitur. Extra ordinem autem damnari, Caius in  
 l. qui iniuriarum. 43. D. eod. interpretatur, exilio aut relegatione affici, aut ordine moueri. Item Hermogen. in l. ult. De iniur.  
 De iniuria, inquit, nunc extra ordinem ex causa & persona statui solet. & serui quidem flagellis cæsi, dominis restituntur.  
 liberi uero humilioris quidem loci, fustibus subijciuntur: cæteri autem uel exilio temporali, uel interdictione certæ rei cocr-  
 centur.

ZENONIANA CONSTITVTIO.) Sequitur IIII. Zenonis instituto, illustres & superillustres persequi  
 criminaliter suas iniurias etiam per procuratores possunt. l. ult. C. eod. ubi is Imp. statuit, ut non modò iudicium aduersus alios  
 criminaliter per procuratorem intendere, uerum etiam ab alijs institutum suscipere possint. Quod autem ad ciuilem actionem  
 pertinet, Vlpianus in l. non solum. 11. §. 2. D. eod. Agere quis iniuriarum, inquit, & per se, & per alium potest: ut puta procu-  
 ratorem, tutorem, ceterosq; qui pro alijs solent interuenire. Sed de criminali iudicio, aliter uulgò constitutum est: ut patet ex  
 l. pen. D. de pub. iudic. ubi Papinianus ait, ad crimen publici iudicij persequendum frustra procuratorem interuenire: multoq;  
 magis ad defendendum. Qui sint autem illustres & superillustres, in Commentario uerborum iuris, sub uoce Dignitatum ex-  
 posuimus.

*Non modò qui iniuriam facit, sed & qui faciendam curauit, hac tenetur actione:  
 quæ actio dissimulatione sic extinguitur, ut restitui  
 postea non possit. l. x j.*

X. Non solum autem is iniuriarum tenetur qui fecit iniuriam, id est, qui percussit: uerum ille  
 quoq; tenetur qui dolo fecit, uel qui curauit, ut cuius mala pugno percuteretur. Hæc actio dissi-  
 mulatione aboletur: & ideo si quis iniuriam dereliquerit, hoc est, statim passus, ad animum suum  
 non reuocauerit: postea ex pœnitentia remissam iniuriam non poterit recolare.

QUI FECIT INIURIAM.) Enunciatio I. Non modò qui percussit, sed & qui percutiendum curauit, hoc iuo-  
 dicio tenetur. l. non solum. 11. D. eod. ex cuius principio hæc ad uerbum descripta sunt. Itaq; §. 3. Vlpianus ita scribit: Si man-  
 datu meo facta sit alicui iniuria, pleriq; aiunt, tam me qui mandauit, quam eum qui suscepit, iniuriarum teneri.

DISSI.



**A** DISSIMVLATIONE ABOLETVR.) Sequitur II. Iniuriarum actio dissimulatione extinguitur. d. l. non solum. §. 1. ubi Vlpian. scribit, iniuriarum actionem ex bono & æquo esse, & dissimulatione aboleri. Cuius rei ratio fortasse est hæc, quia cum dissimulatio, condonatio quædam iniuriæ esse videatur: turpe esset repeti quod senel condonatum est, eamq; interpretationem, tum humanitatis, tum etiam communis pacis & ocij ratio postulat. Qua de causa Leno in Adelpis Terentij, cum ab adolescente Aescbino uerberatus esset, prosecutionem tamen in Cyprum paratam haberet: ac dubitaret, utrum mercatum maximo suo detrimento relinqueret, & suam iniuriam persequeretur, an uero actionem in suum reditum differret, sic inquit:

Ni eò ad mercatum uenio, damnum maximum est.  
Nunc si hoc omittam, ubi illinc rediero, actum agam.  
Nihil est, refrixerit res. nunc demum uenis?  
Cur passus ubi eras? ut sit satius perdere  
Quàm aut hic nunc manere tamdiu, aut tum persequi.

Quinetiam ex eadem Comœdia hoc animaduerti, in iudicio iniuriarum moris fuisse, ut interdum qui iniuriam se fecisse fatebatur, ita multam cuitaret, si honorem, ut nunc loquimur, actori restitueret. Sannio:

Ego leno sum. at ita ut usquam fuit fide quisquam optima.  
Tu quod te posterius purges, nolle hanc iniuriam mihi  
Factam esse, huius non faciam. crede hoc, ego meum ius persequar.  
Neq; tu uerbis solues unquam, quod re mihi malefeceris.  
Noui ego uestra hæc, nollem factum: dabitur iusiurandum, esse te  
Indignum iniuria hæc indignis cum egomet sim acceptus modis.

**B** NON REVOCAYERIT.) Sequitur III. Qui iniuriam passus dissimulat, eius posterius actionem petere non potest. d. l. non solum.

## DE OBLIGATIONIBVS QVÆ QVASI ex delicto nascuntur.

### TITVLVS XXII.

*Qui male per imprudentiam iudicando litem suam fecit, quasi ex delicto obligatus, arbitraria pœna multatur. l. 5. §. 4. D. de oblig. & act. l. ult. D. de extraord. cognit.*

**I.** Si iudex litem suam fecerit, non propriè ex maleficio obligatus uidetur. sed quia neq; ex maleficio, neq; ex contractu obligatus est, & utiq; peccasse aliquid intelligitur, licet per imprudentiam: ideo uidetur quasi ex maleficio teneri: & in quantum de ea re æquum religioni iudicantis uidebitur, pœnam sustinebit.

**C** LITEM SVAM FECERIT.) Litem suam facere iudex male iudicando propterea dicitur, quia causam eius secundum quem male pronunciauit, suscipere cogitur, eamq; quasi suam defendere. Cicero lib. de Orat. 2. Quid si cum pro altero dicas, litem tuam facias, &c. Id autem tum dolo malo, tum etiam per imprudentiam accidit. Vlp. in l. filiusfam. 15. D. de iudic. Iudex, inquit, tunc litem suam facere intelligitur, cum dolo malo in fraudem legis sententiam dicit. Dolo malo uidetur hoc facere, si euident arguatur eius uel gratia, uel inimicitia, uel etiam sordes.

LICET PER IMPRVDENTIAM.) Enunciatio I. Iudex male per imprudentiam iudicando, litem suam facit. l. 5. §. si iudex. D. de oblig. & act. l. ult. D. de extraord. cognit. unde ad uerbum hic locus descriptus est.

QVASI EX MALEFICIO TENERI.) Sequitur II. Qui litem suam facit, quasi ex delicto obligatus intelligitur. d. l. 5. nam Imprudentia, species est culpæ: culpa autem pars quædam delicti est. quare cum hæc causa longissime à contractu abesset, & quoniam culpa tota est, potiusq; ad partem quandam delicti accederet, responsum est, iudicem quasi ex delicto astrictum esse: hoc est, Prætozem in factum actionem aduersus eum daturum, perinde quasi obligatus ex delicto fuisset. Quid igitur cum dolo malo litem suam fecit? & superius dictum est iniuriarum actione teneri. Qua ex re intelligitur primum, culpam à delicto eo distingui, quod in hoc dolo est, in illa non est. Deinde has obligationes iccirco quasi ex delicto natas dici, quia pœna damnato sic imponitur, ut si deliquisset: cum tamen eius factum propriè delictum appellari non possit. Quod cum ita sit, queri hoc loco debet, de medico qui per imperitiam & culpam seruum interfecit, utrumne hoc illius factum ad priuatorum delictorum ordinem referri possit? Qua de re quid nostri iudicij esset, superius sub tit. de lege Aquilia significauimus.

QVANTVM DE EA RE AEQVVM.) Sequitur III. Iudicis litem suam facientis arbitraria, iudicantisq; potestati permessa multa est. d. l. 5. Nam cum dolo malo nihil commiserit, sed per imperitiam lapsus errore sit, arbitrio iudicantis permittendum est, æstimare, & multam ad damni illati rationem accommodare. Quod si largitione uel gratia inductus perperam iudicasset, Imperator Constantinus in l. 2. C. de pœn. iudic. statuit, ut & sumptus litis restituat, & in litis æstimationem damnetur. Quinetiam si pecuniam acceperit, lege Iulia repetundarum teneri constat, ex l. 3. & 4. D. ad leg. Iul. repet.

Is cuius ex



Is cuius ex coenaculo deiectum effusumue aliquid alicui nocuit, si damnum dedit, duplum: si liberum occidit, 50. aureos: si læsit tantum, quantum iudex arbitrabitur, præstabit. At qui in uia positum suspensumue id habet, cuius nocere casus possit, decem aureis multatur. d. l. v.

¶ l. j. & pass. D. de his qui deiecer. uel effud.

II. Item is ex cuius coenaculo, uel proprio ipsius, uel conducto, uel in quo gratis habitabat, deiectum effusumue aliquid est, ita ut alicui noceretur: quasi ex maleficio obligatus intelligitur. Ideo autem non proprie ex maleficio obligatus intelligitur: quia plerumque ob alterius culpam tenetur, aut serui, aut liberi. Cui similis est is qui ea parte, qua uulgo iter fieri solet, id positum aut suspensum habet quod potest (si ceciderit) alicui nocere: quo casu poena decem aureorum constituta est. De eo uero quod deiectum effusumue est, dupli, quanti damnum datum sit, constituta est actio. Ob hominem uero liberum occisum, quinquaginta aureorum poena constituitur. Si uero uiuat, nocitumque ei esse dicatur: quantum ob eam rem æquum iudici uidetur, actio datur. Iudex autem computare debet mercedes medicis præstitas, cæteraque impendia, quæ in curatione facta sunt: præterea operarum quibus caruit, aut cariturus est ob id quod inutilis est factus.

EX CVIVS COENACVLO.) Coenaculum, pars est domus superior: ut in Commentario uerborum iuris exposuimus.

DEIECTVM EFFVSVMVE ALIQVID.) Enunciatio I. Is cuius ex coenaculo deiectum quid alicui nocuit, quasi ex delicto obligatus est. l. 5. §. is quoque. D. de oblig. & act. unde ad uerbum hic locus descriptus est. Item l. 1. D. de his qui deiec. uel effud. ubi Prætoris edictum refertur: & eius hæc ratio ab Vlpiano traditur: Publice enim utile esse, sine metu & periculo per itinera commeari.

VEL PROPRIO IPSIVS, VEL CONDVCTO.) Sequitur II. Vtrum coenaculum proprium, aut conductum, aut grauitudo concessum sit, nihil interest. d. l. 5. & d. l. 1. ubi etiam Vlpianus ait, hanc in factum actionem in eum dari qui inhabitat, cum quid deieceretur uel effunderetur: non in dominum ædium: culpam enim penes eum esse. præterea, hospitem hac actione non teneri: quia ibi non habitat, sed tantisper hospitatur. uerum illum teneri, qui hospitem receperit.

PLERVNQVE OB ALTERIVS CVLPAM.) Sequitur III. Hæc obligatio quoniam plerumque aliter ex culpa nascitur, iccirco quasi ex delicto contracta intelligitur. d. l. 5. quod tamen non ita intelligendum arbitror, quasi si dominus ipse effudisset, ex delicto teneretur: si modo per imprudentiam, ac non consulto & de industria id fecisset. Nam si sua sponte deiecisset, uel iniuriarum, uel ex lege Aquilia teneretur. At si per imprudentiam, quoniam etiam culpa lege Aquilia coercetur, existimarem equidem ante hoc Prætoris edictum iuris fuisse, ut legis Aquiliæ actio permetteretur. Sed quoniam Prætor hoc edictum conscribens, id quod plerumque usuueniebat spectauit, atque ad id suum edictum accommodauit, benignius est etiam in dominum imprudentia lapsum hanc solam actionem dari.

POSITVM AVT SVSPENSVM.) Sequitur IIII. Qui in uia positum suspensumue id habet, cuius nocere casus possit quasi ex delicto in decem aureos obligatur. l. 1. D. de his qui deiec. ubi Vlpianus ait, nihil referre, utrum publicus locus sit, an uero priuatus: dummodo per eum uulgo iter fiat. Quia iter facientibus prospicitur, non uis publicis studetur. Item m. l. §. supra. eod. ubi idem scribit, positum habere etiam eum recte uideri, qui ipse quidem non posuit, uerum ab alio positum patitur, quare si seruus posuerit, dominus autem positum patitur, non noxali iudicio dominum, sed suo nomine teneri.

DEIECTVM EFFVSVMVE EST.) Sequitur V. Cuius ex coenaculo deiectum quid est, is damni dati duplum præstare cogitur. d. l. 1. quod optima ratione constitutum est: quia paterfam. eorum quos in domum suam recepit, culpam præstare debet: eosque quid officij communis ratio postulet, admonere.

OB HOMINEM VERO LIBERVM.) Sequitur VI. Cuius ex coenaculo deiectum quid, hominem liberum occidit, is quinquaginta aureis: si læsit tantum, iudicis arbitrio multatur. d. l. 1. ubi Vlpianus ait: Si homo liber perijt, damni æstimationem in duplum iccirco non fieri, quia in homine libero nulla corporis æstimatio fieri potest. Quæ de causa popularis hæc actio dicitur, quia & cuius conceditur, & ei cui concessa est hæc pecunia attribuitur. l. 5. §. hæc autem. D. eod. & l. 1. si cui. l. 2. D. de uerb. signific.

SI VERO VIVAT.) Descriptus trans ex Prætoris edicto in d. l. 1.

IVDEX AVTEM COMPVTARE.) Sequitur VII. In hac litis æstimatione curationis sumptus & operarum amissio computatur. l. ult. D. de his qui deiecerunt. Cum enim huius damni causam deiector attulerit, æquum est ut id quoque in rationem inducatur.

Ex superioribus tribus filijsfam. quasi maleficijs, non in patrem, sed in ipsum, iudicium conceditur. d. l. v. & d. l. j.

III. Si filius familiæ seorsum à patre habitauerit, & quid ex coenaculo eius deiectum effusumue fuerit, siue quid positum suspensumue habuerit, cuius casus periculosus est: Iuliano placuit, in patrem nullam esse actionem, sed cum ipso filio agendum esse. Quod & in filio familiæ iudice obseruandum est, qui litem suam fecerit.

SEORSVM



**A** SEORSVM A PATRE.) Quod & insolitum, & reprehensioni obnoxium fuisse, locus in orat. pro Calio demonstrat. Reprehendistis, inquit, a patre quod semigrarit. quod quidem in hac etate. minime reprehendendum est. qui cum ex Reipub. causa esset mihi quidem molestam, sibi tamen gloriosam uictoriam consecutus, & per etatem magistratus petere posset, non modo permittente patre, sed etiam suadente, ab eo semigravit: & cum domus patris a foro longe abesset, quo facilius & nostras obire domos, & ipse a suis coli posset, conduxit in palatio non magno domum.

**EX COENACULO EIVS DEIECTVM.)** Enunciatio I. Ob deiectum effusumque quid ex filijsfam. seorsum habitantis coenaculo, non in patrem, sed in ipsum datur actio. d. l. 5. De oblig. unde hac totidem uerbis descripta sunt, ubi & Iuliani mentio eadem sit quae hoc loco. Item d. l. 1. §. si filius. ubi Vlp. ait, iccirco in patrem de peculio actionem non dari, quia illa actio ob eas obligationes instituta est, quae ex contractu nascuntur: hoc autem casu non ex contractu, sed quasi ex maleficio filijsfam. obligatus est. Causae igitur constitutio haec erit: Cum filijsfam. seorsim habitaret, & ex eius aedibus deiectum quid esset, querebatur num qua actio hoc casu dari posset. Intentio eius in quem quid effusum erat: Actio de peculio in ipsum filium mihi competit. D. Non competit. Q. An competat. R. Quia illa non aduersus filiosfam. sed aduersus patresfam. ob filiorum contractus instituta est. F. Attamen ne culpa haec impunita sit, aequitatis ratio postulat, ut aduersus ipsum filium concedatur. Disceptatio ex iuris aequitatisque contentione nascitur: An cum proprie aduersus patres instituta sit, tamen aequitatis causa in filiumfam. concedenda sit.

**SIVE QUID POSITVM.)** Sequitur II. Ob id positum suspensumque ex filijsfam. domicilio, cuius casus periculosus est, iudicium in ipsum solum dabitur. d. l. 5.

**ET IN FILIOFAM. IVDICE.)** Sequitur III. Si filijsfam. litem suam fecerit, non pater, sed ipse iudicio tenebitur. l. ult. D. de extraord. cognit. Cuius rei ratio eadem est quam superius dicebamus: quoniam actio de peculio tum de munus in patrem datur, cum filius ex contractu obligatus est. hic autem ex quasi delicto tenebatur, quippe qui temere & imprudenter sententiam pronuntiaret. quae ipsius culpa quia nulla alia ratione coerceri poterat, iccirco institutum est, ut aduersus ipsum in factum actione agi liceat.

Nautae, caupones, stabularij, ex operariorum suorum damno, quasi ex delicto obligantur. Danturque superioribus omnibus de causis in factum actiones, etiam heredi: at non in heredem. d. l. 7. in fin.  
C. l. j. & pass. naut. caup.

**IIII.** Item exercitor naui aut cauponae aut stabuli de \* dolo aut furto, quod in naui aut caupona aut stabulo factum erit, quasi ex maleficio teneri uidetur: si modo ipsius nullum est maleficio, sed alicuius eorum, quorum opera nauem aut cauponam aut stabulum exercet. Cum enim neque ex maleficio, neque ex contractu sit aduersus eum constituta hic actio, & aliquatenus culpe reus est, quod opera malorum hominum uteretur: ideo quasi ex maleficio teneri uidetur. In his autem casibus in factum actio competit, quae heredi quidem datur, aduersus heredem autem non competit.

**EORVM QVORVM OPERA.)** Enunciatio I. Nautae, caupones, stabularij, ex culpa eorum quorum operantur, quasi ex delicto obligantur. l. 5. in fi. D. de oblig. & act. unde hic locus descriptus est. nam si ipsi deliquissent, propria & directa actione tenerentur. at nunc tum etiam tenentur, cum illorum culpa nulla est: uti scribit Vlp. in l. 3. D. naut. caup. stab. hoc est, alia nulla praeterquam quod improborum hominum opera usi sunt: ut posterius dicemus.

**DE DAMNO AUT FURTO.)** Sic correximus, Florentini codicis auctoritatem secuti, & sententiam legum quintae. D. naut. caup. ubi Caius sic scribit: Quaecumque de furto diximus, eadem & de damno debent intelligi. non enim dubitare oportet, quin is qui saluum fore recepit, non solum a furto, sed etiam a damno recipere uideatur.

**OPERA MALORVM HOMINVM.)** Sequitur II. Vti malorum hominum opera culpa species quaedam est. l. ult. D. naut. caup. ubi Vlp. ait, non immerito exercitorem factum suorum hominum praestare, cum ipse eos suo periculo adhibuerit. Quod enim Cicero Verrina quarta de ijs qui cum imperio in prouincijs proficiscuntur, scribit, in hoc quoque genere uerissimum est: Si innocentes existimari uolumus, non solum nos abstinentes, sed etiam nostros comites praestare debemus.

**IN FACTVM ACTIO.)** Sequitur III. Superioribus omnibus casibus, in factum actio conceditur. l. 3. §. 1. D. naut. caup. l. ult. D. de extraord. cognit. l. 5. D. de oblig. & act. Propterea aut in factum actio est, quoniam certa aliqua formula casus isti omnes comprehendi nullo modo potuerunt. Itaque libertatem Praetor permisit auctori, arbitrio suo rem omnem uti gesta esset, narrandi: qua de causa in factum actiones appellari, multis locis docuimus.

**HAEREDI QUIDEM DATVR.)** Sequitur IIII. Ex superioribus causis heredi quidem datur actio, in heredem uero non datur. l. 5. §. haec autem. in fin. D. de his qui deiec. uel effud. nimirum quia poenalis omnibus hisce casibus actio est. Poenales autem actiones sub tit. de perpet. & temp. act. propterea diximus in heredes non dari, quoniam non aequum est heredem ex defuncti delicto minime locupletatum, poenam ab eo debita sustinere.



# Institutionum Iuris, D. Iustini- niani, Liber quartus.

## DE ACTIONIBVS. TITVLVS I.

*Actionis definitio, eiusdemq; summa & bipartita diuisio, ut alia in personam sit, aduersus eos qui ex contractu delictoue obligati sunt: alia in rem, aduersus eos quibus nullo iure obligatis rei alicuius controuersia mouetur. l. 51. & 25. De oblig. & act.*



**S**UPEREST, ut de actionibus loquamur: Actio autem nihil aliud est, quàm ius persequendi in iudicio quod sibi debetur. Omnium autem actionum, quibus inter aliquos apud iudices arbitrosue, de quacunque re quaeritur, summa diuisio in duo genera diducitur: aut enim in rem sunt, aut in personam. Namque agit unusquisque, aut cum eo qui obligatus ei est, uel ex contractu, uel ex maleficio: quo casu prodita sunt actiones in personam, per quas intendit aduersarium ei dare, aut facere oportere, & alijs quibusdam modis. Aut cum eo agit, qui nullo iure ei obligatus est, mouet tamen illi de aliqua re controuersiam: quo casu prodita actiones in rem sunt: ueluti si rem corporalem possideat quis, quam Titius suam esse assernet: possessor autem dominum eius se esse dicat: nam si Titius suam esse intendat, in rem actio est.

**SUPEREST.)** Hoc esse libri quarti principium debere, superius in argumento demonstrauimus. Mirum est autem Iustinianum in l. ult. C. de praescript. long. temp. ita scribere: Ideo nostri maiores subtilissimo animo & diuino quodam modo tu ad actiones & earum iura peruenerunt, ut incorporales constituta possint ubicunque ius suum & effectum corporalem extendere. Quid enim si seruitutem nobis deberi intendamus? an actio incorporalis instituitur, ut corporalis effectus consequatur?

**IUS PERSEQUENDI IN IUDICIO.)** Enunciatio I. Ius persequendi iudicio quod sibi debetur, actio dicitur. In nihil aliud, si. D. de oblig. & act. l. 6. in fin. D. de negoc. gest. ubi Iulianus ait, cum qui actionem non habet, facultatem iudicio aliquem conueniendi non habere. Quod ut planius intelligi possit, alius paulo rem omnem, & ut dicitur, a capite repetendam existimamus. Actio cum ab agendo dicta sit, generali significatione, quicquid omnino agi solet, complectitur. Itaque & histronum, & oratorum, & fabrorum actionem dicere solemus. Verum in Iurisperitorum scriptis facile est intelligi, ad eas actiones contractam hanc esse significationem, quae ad ius pertinerent: hoc est, ad eos ritus qui a Iurisperitis excogitati sunt: ueluti nexum, emancipationem, manumissionem per uindictam, cessionem in iure, testamentum per aes & libram, & si qui sunt generis eiusdem. Porro cum illa omnia certa uerborum conceptione fierent, tandem consuetudine loquendi res eo perducta est, ut Actio uulgo pro formula & conceptione uerborum diceretur. Cuius rei satis multa in Commentario uerborum iuris exempla protulimus. Quia uero inter iuris actiones illa principem facile locum obtinet, quae pertinet ad iudicium instituendum, (tum enim ciuis Romani qui inuitus rapitur, ius ac libertas imminui quodammodo uidetur) propterea factum est, ut actionis uerbo simpliciter prolato, formula persequendi aliquem iudicio intelligeretur. Ea uero duplex est: nam & eius qui ad iudicium prouocat, postulatio: id est, qui recuperatores a Praetore postulat, qui de lite sua cognoscant, proprie Actio dicitur: & rursus Praetoris formula iudicium dantis, Actio appellatur. Vtriusque autem exempla proferemus. Cicero in oratione pro Caelina: Actio est in auctorem praesentem: Quando te in iure conspicio, &c. Idem libro de natura Deorum tertio: Inde illa actio, Ope consilioque tuo furtum a me factum esse. Et profecto ita est: ut Agere proprie sit, de aliquo apud alterum queri, & ut ueteres loquebantur, postulare. siquidem postulare apud alterum solemus, ex postulare apud illum ipsum de quo querimus, ut Donatus scribit. Tamen si plus esse Agere, quam Querere, locus hic ex oratione pro Caelio demonstrat: A quo quaeram, si prodierit, primum, cur statim nihil egerit: deinde, si id queri quam agere maluerit, cur productus a uobis potius quam ipse per se? Idem in ea pro Caelina: Si te hodie domum tuam redeuntem armati homines aditu prohibuerint, quero quid acturus sis? Item: Quid ergo est? impune feci: nam quid agis mecum ex iure ciuili ac praetorio, non habes. Item: Si tu solus prohibitis & a tuis aedibus ut atque armis perterritus sis? utrum hanc actionem habebis, qua nos usi sumus, an aliam quaeramus? Item: Huiusce rei uos statuistis, nullam esse actionem, nulli experiundi ius constitutum? Item: Quid negligentius maioribus nostris dici potest, qui tanta rei praetermiserint actionem? Sed innumera sunt eiusmodi exempla, ex quibus intelligitur, actionem proprie & principaliter eius esse qui ad iudicium prouocat: & apud Praetorem bis utitur uerbis, Aio te mihi dare



**A** mibi dare facere oportere. Hanc rem ex iure Quiritium meam esse aio: & si qua sint in eodem genere. Ea q. significatione, actionis uerbum hoc loco definiendum esse, patet ex diuisione proxima: qua ea sola diuiditur actio, quae apud Praetorem usurpatur: ut mox docebimus. Qua de causa definiendi non incommode sic poterit, ut dicatur esse formula conceptione uerborum, quibus iudicium à Praetore certa de causa postulat. Iam uero formulam, qua Praetor in dando iudicio utebatur, actionem appellari, quis ignorat? ueluti cum sic loquitur, **L. OCTAVIUS IUDEX ESTO.** Si pateret fundum Capeanatem P. Seruilius esse, neq. is fundus ei à Sempronio restitueretur, tum Sempronius damnetur: quam formulam Cicero Verriana quarta commemorat, in qua eadem oratione sic scribit: Edixit sese iudicium iniuriarum non daturum: ipsi autem nullius actionem rei sese daturum. Sed multo planius Cornificius libro ad Heren. 1. Hæc partitio legitimæ constitutionis, his de causis raro uenit in iudicium, quod in priuata actione prætoria exceptiones fiunt, & causa cadit is, qui non quemadmodum oportet egerit. Cicero etiam lib. de arte Rhet. 2. Nam & Prætoris exceptionibus, inquit, multe excluduntur actiones. Verum hæc quidem hæcenus: quæ iccirco à nobis pluribus uerbis disputata sunt, ut intelligeremus Iustinian. aut potius Celsum, à quo hæc sumpta sunt, suam hanc definitionem ad posteriorem istam significationem accommodasse: cum ait, Actionem esse ius persequendi iudicio quod sibi debetur. Ius enim cum dixit, potestatem intellexit à Præatore datam, causam suam apud recuperatores agendi. l. 2. C. de formul. sublat. Tamen si dubitari posset, quamobrem actionem, quæ formula est, dixisset esse ius: quod ab illo pinguius factum esse arbitror hæc de causa, ut simul extraordinarias actiones comprehenderet: quæ proprie Persecutiones appellantur. l. pecuniæ. 178. D. de uerb. signifi. nam in illis formularum conceptio non obseruatur, inquit ibi dem Vlpianus, & in l. actio. D. de negoc. gest. Constat autem postremis temporibus omnia fere iudicia extraordinaria fuisse. §. ult. infra, de interd. l. 1. C. de formul. sublat. ut, etiam si Celsus ita scripsisset, quemadmodum uerissime definiendi actio potuit, Actio est formula iuris sui recuperatorio iudicio persequendi, ab eo qui legis actionem habet, data: tamen debuerit Iustinianus temporis sui rationem ducere. Porro autem quoniam ius est multiplex: siquidem Vusufructus est, ius utendi fruendi:

**B** Via est, ius cundi ambulandi: Actus, ius agendi: propterea in definitione additum est **PERSEQUENDI.** nam si quidem personalis actio est, semper obligatam personam insequitur, donec id quod contendit assequatur: sin uero in rem, perpetuò rem ipsam insequatur, cuiuscunq. in manum uel possessionem peruenerit: & quantumuis sæpe possessor mutetur. l. actionum. D. de obligat. & act. & l. penult. C. eod. Sed quæri potest, cum bonorum possessio sit ius persequendi. l. 3. D. de bonor. possess. ecquid inter utramq. differentia sit. Et respondetur hoc præcipue interesse, quod bonorum possessio non magis est ius, quam obligatio: hoc est, non magis in agendo, quam in patiendo consistit. siquidem & commoda & incommoda omnia complectitur. l. 1. 2. & 3. D. eod. itaq. bonorum possessor, non minus à creditoribus conueniri, quam debitores conuenire poterat. Actio uero in agendi tantum potestate consistit: nec ullam obligationem adiunctam habet. Præterea bonorum possessio non decernit iudicium recuperatorium: imò potestatem tantum permittit, illud postmodum à Præatore postulandi: ut in persequendis quidem rebus, bonorum possessio sine actione inutilis sit: actio uero iudicium recuperatorium adiunctum habet. Iam uero quoniam ius persequendi est multiplex, ut persequendi hostem, seruum fugitiuum, debitorem qui foro cecit, iccirco additum est **IN IUDICIO.** ut intelligamus actiones in iure quidem à Præatore dari, in iudicio uero apud recuperatores exerceri. nam in iure, & in iudicio, sic differunt, ut illud ad Præatorem, hoc ad Recuperatores pertineat. Cicero libro de arte Rhetorica secundo, Translationes in iure plerumque uersantur. Ibi enim & exceptiones postulantur, & certo quodam modo agendi potestas datur: & omnis conceptio priuatorum iudiciorum constituitur: quæ autem in ipsis iudiciis rariis incidunt, eiusmodi sunt, ut per se minus firmitudinis habeant. Quibus ex uerbis, locus similis Cornificij libro ad Heren. 1. corrigendus est: ubi sic legitur: Hæc parte constitutionis Græci in iudicijs, nos in iure ciuili plerumque utimur. Tollenam enim uocem **CIVILI,** & ille Ciceronis locus similissimus, & qui paulo post apud Cornificium sequitur, demonstrant. Dabat igitur recuperatores Prætor, apud quos ita causam uterq. suam exponebat, ut tandem secundum eum cuius causa probabilior uideretur, lis daretur. Superest in definitione nostra, **QVOD SIBI DEBETVR:** quæ clausula mihi certe, ut uerè dicam, non omnino satisfacit, uideturq. hoc amplius addendum, **SVVMVE EST.** Cum satis constet, neq. quod nostrum est, deberi nobis: neq. quod nobis debetur, nostrum esse. Itaq. cum paterfamilias suum argentum uxori legasset, responsum est, id quod ei debebatur, non contingi. l. Q. Mutius. 27. §. 2. & l. scribit. 34. D. de aur. & argent. Vt ex aduerso facilis ratiocinatio sit, si quod sibi debebatur, legasset: nequaquam id quod suum fuisset, contineri potuisse. Vehementerq. sum equidem eos admittatus, qui rem quam per uindicationem nostram esse intendimus, æque nobis ut pecuniam, deberi affirmant: nam quod Vlpianus scribit in l. pecuniæ. 178. de uerb. signifi. uerbum **Debit omnem omnino actionem comprehendere:** quis non uidet ad ea quæ continuo subiecta sunt, contrahendum esse? Siue, inquit, ciuilis, siue honoraria, siue fideicommissaria fuerit persecutio. Cum igitur plus sit actio quam ius persequendi quod sibi debetur, apparet ueram definitionem non esse, quippe quæ non omnia quæ inuoluta erant, euoluat.

**PERSEQUENDI IUDICIO.)** Sequitur II. Actiones non in iure, sed in iudicio exercentur. d. l. nihil aliud. Ius autem locus dicitur, in quo ius redditur: appellatione collata ab eo quod fit, in eo ubi fit. l. penult. D. de iust. & iur. nō enim Prætores, sed priuatos homines ab illis constitutos, priuatas causas disceptasse, testimonia sunt apud ueteres auctores innumera, ex quib. unum ex Verrina 4. edidisse contentus ero: Dubium nemini est, quin omnes omnium pecunie positæ sint in eorum potestate qui iudicia dant, & eorum qui iudicant: quin nemo nostrum possit ædes suas, nemo fundum, nemo bona patria obtinere, si, cum hæc à quopiam uestrum petita sunt, Prætor improbus cui nemo intercedere possit, det quem uelit iudicem: iudex nequam & leuis, quod Prætor iusserit, iudicet: si uero illud quoq. accedet, ut Prætor in ea uerba iudicium det, ut uel Octauius Balbus iudex, homo & iuris & officij peritissimus, non possit aliter iudicare.

**QVOD SIBI DEBETVR.)** Sequitur III. Actio non eius quod alijs, sed eius quod nobis ipsis debetur, persequendi causa instituta est. §. 1. infra, de ijs per quos ag. poss. ubi Iustinianus ait, olim alterius nomine agi non licuisse. Et quamquam nunc procuratorio nomine agi liceat, tamen satis constat, tunc non quasi alieno, sed quasi suo ac proprio nomine agi, si quidem procurator dicitur à Cicerone omnium rerum alterius quidam quasi penè dominus: hoc est, alieni iuris uicarius. Hinc illa formula, siue actio in auctorem presentem: Quando te in iure conspicio, postulo an ne sis auctor. Porro autem intellegendum est, hæc adiectiuncula remoueri ab hac definitione tum publicas, tum populares actiones: nam in utriusque penam



Reipublica debitam persequimur: in illis quidem maiorem & acerbiores, in his uero minorem. At his actionibus priuatis A  
id tantum quod cuique priuatum ac proprie debetur persequimur.

APUD IUDICES ARBITROSQUE.) Sequitur IIII. Actiones tum apud iudices, tum apud arbitros exercentur. l. a Dico Pio. 15. D. de re iudicata. ubi Vlp. ait, rescriptum esse, ut magistratus populi Romani iudicium, uel arbitrorum a se datorum sententiam exequantur. Differt autem iudex ab arbitro duabus potissimum de causis: quod hic ex compromisso sumitur, ille sine compromisso: huic Prætor formulam iudicii præscribit, illi summam totius negotij potestatem permittit. itaque iudex est ciuis Romanus priuatus, cui Prætor ex reorum consensu distrabenda ex formulæ præscripto controuersia potestatem dedit. Arbitrator uero, ciuis Romanus, ex compromisso a litigatoribus sumptus, cui Prætor negotij arbitrio suo disceptandi potestatem fecit. Reliquas differentias in Commentarium uerborum Iuris retulimus.

IN DVO GENERA DIDVCVNTVR.) Sequitur V. Actionum summa diuisio bipartita est, ut alia in rem sint, alia in personam. l. actionum. 25. D. de oblig. & act. ubi Vlp. sic scribit: Actionum genera sunt duo: in rem, quæ dicitur uindictio: & in personam, quæ condictio appellatur. Sed mirum est, & Vlpianum & Iustinianum mixtarum mentionem hoc loco prætermisisse, de quibus postea tractatur in §. quædam. ubi tres actiones commemorantur, quæ partim in rem sunt, partim in personam. Cur autem in rem actiones & in personam appellentur, breuiter considerandum est. eius autem rei duplex ratio uidetur esse. primum, quia in illis rem certam, & (ut dialectici loquuntur) indiuiduum aliquod petimus: ueluti fundum Tusculanum, aut seruum Pamphilum: in his, non laboramus unde & quæ ex parte sui patrimonij nobis reus satisfaciatur. generatim enim & uniuersè tantum postulamus ut aliquid nobis aut det, aut faciat: ex quo intelligi debet, genus in his, in illis indiuiduum peti. altera ratio est, quia genus quoddam loquendi Iurisconsultorum proprium est, ut in rem ea concepta dicantur, quæ absolute ac sine personæ ullius notatione scripta sunt. Id quod hoc quoque in genere obseruatur. nam in actionibus huius formula nullius personæ nomen adscriptum est: ueluti, Fundus, qui est in agro, qui Sabinus uocatur, meus est: cum ego ex iure Quiritium meum esse aio. At in alterius, ascriptum est. Dicit enim solet, Aio te mihi dare facere oportere. B

NAMQUE AGIT VNVSQVISQUE.) Sequitur VI. In personam actiones aduersus eos qui ex contractu delictoue obligati sunt, conceduntur. d. l. actionum. ubi Vlp. ait, in personam actionem esse, quæ cum eo agimus, qui obligatus est nobis ad faciendum aliquid, uel dandum: & semper aduersus eundem locum habere. Quibus ex uerbis intelligi potest, in personam actiones eius uocari, quibus non rem unam & certam ab aduersario petimus: sed ab eo postulamus, ut alicunde & quæ uolet ex parte sui patrimonij nobis satisfaciatur.

QVI EI OBLIGATVS EST.) & in τὸ πρῶτον, subaudiendum est. interdum enim etiam in personam agimus cum eo, qui nullo iure nobis obligatus est: ut cum ad exhibendum agimus. nam, ut ait Vlpian. actio illa personalis est, & tamen ei competit, qui in rem acturus est, qualicumque actione. l. 3. D. ad exhib. item cum agimus, ut ab obligatione liberemur. l. 1. D. de cond. sin. causis.

EX CONTRACTV, VEL EX MALEFICIO.) Quibus in uerbis subaudiendum est, Quasi ex contractu, & Quasi ex maleficio.

PROFITAE SVNT.) A Iurisconsultis, qui legitimarum omnium actionum formulæ conscribunt.

ACTIONES IN PERSONAM.) Quibus & qui ad iudicium prouocarent, in iure apud Prætorem uterentur. Nam alioqui priuatorum iudiciorum conceptiones omnes sunt personales: quemadmodum superius dicebamus.

PER QVAS INTENDIT.) Hoc uerbum per se satis constare posse nesciebam, credebamque: CONTENTUM fuisse certius. Sed postea locum hunc in ea pro Quintio animaduerti: Sibi enim nuper edidit socium, quem, quomodo nunc intendit, ne in uiuorum quidem numero tum demonstrat fuisse. Alioqui coniuncte Litem, Controuersiam, Actionem, Iudicium intendere, uulgo dicimus translatione, ut scribit Donatus, a uenatoribus sumpta, qui retia intendunt ad feras capiendas.

DARE AUT FACERE OPORTERE.) Sequitur VII. Finis actionis in personam est, ut aliquid nobis uel detur, uel fiat. l. actionum. 25. D. de oblig. & act. quod etiam ex uetere formula, quam Imp. his uerbis significat, facile est C  
intelligi: Aio te mihi dare facere oportere. Quod tamen ita intelligendum arbitror, ut ad solas actiones quæ ex contractu oriuntur, referamus. Stipulationes enim sic diuiduntur, ut alia in dando, alia in faciendo consistant. l. 2. D. de uerb. oblig. Quorum uerborum prius quidem dominij translationem significat. l. ubi autem. 75. §. ult. eod. alterum uero factum simplex: ut nā uem edificari, rem tradi. l. si rem tradi. 28. eod. Sed si ex delicto nascatur actio, non fieri, sed dari nobis postulamus: uti superiore libro demonstratum est. Existit autem hoc loco dubitatio quadam, cui operæ precium est satisfacere. Nam cum Dandi uerbum, ut modò dicebamus, dominij translationem significet, quod idem traditur in §. sic itaque. infra eod. qui uero rem commodat, aut deponit, aut oppignerat, dominus maneat: quomodo per actionem commodati, depositi, pignoratitiam intendere poterit, dari sibi oportere? Sed facilis huic obiectioni responsio est: nam illarum actionum formula non ita concipitur, ut rem certam repetamus: neque enim dicimus illam aut illam rem nobis dari oportere, sed hoc modo: QVICQVID TE MIHI Commodati nomine dare facere oportet ex fide bona: quibus uerbis summam iudici potestatem facimus, arbitratus uero de tota controuersia statuendi. Difficilior aliquanto hæc quæstio uidebitur: nam cum istis de causis certi conductione agi liceat. l. 4. & 6. D. de reb. cred. ea uero actio rem certam postulet, uti nomen ipsum indicat: quomodo rem illam certam quæ nostra est, dari nobis oportere intendemus? Quare facile in hanc sententiam adducor, ut credam, non Dandi, sed Tradendi, aut Restituendi, aut Reddendi uerbum, his casibus in eius conductionis formula usurpandum esse. Atque hoc illud esse, quod Iustinianus significat his uerbis, ET ALIIS QVIBVS DAM MODIS.

ET ALIIS QVIBVS DAM MODIS.) Sequitur VIII. Actio in personam, non semper dandi aut faciendi, sed & alijs quibusdam uerbis concipitur. Quæ de re sub enunciatione proxima differuimus.

NVLLO IURE EI OBLIGATVS EST.) Sequitur IX. Ex causa obligationis agi in rem non potest. nam obligatio uel in dando, uel in faciendo consistit. In rem autem actio non factum hominis, sed rei possessionem petit. Itaque Paulus in l. 3. D. de oblig. & act. Obligationum substantia, inquit, non in eo consistit, ut aliquod corpus nostrum, uel seruientem nostram faciat: sed ut alium nobis obstringat ad dandum aliquid, uel faciendum, uel præstandum.

ALIQUA



**A** ALIQUA DE RE CONTROVERSIAM.) Sequitur X. Actiones in rem ad mouendam aliqua de re controuersiam institutæ sunt. l. actionum. 25. D. de oblig. & act. ubi Vlpian. ait, in rem actionem esse, per quam rem nostram quæ ab alio possidetur petimus: & semper aduersus eum esse qui rem possidet. Vt non incommode hoc modo definiri posse uideatur, Formula per quam rem aliquam ab alterius possessione in dominium nostrum uindicamus. Quod cum ita sit, perspicuum est, In rem actionis causam esse à parte quidem actoris, dominium: à parte uero rei, possessionem. Nam, ut ait Paulus, In rem actio competit ei qui aut iure gentium, aut iure ciuili dominium acquisit. l. in rem actio. 23. D. de rei uind. ex aduerso autem Furius in l. ult. eiusd. tractat. In rem, inquit, actionem pati non compellimur: quia licet alicui dicere se non possidere. Itaque Caius in l. qui petitorio. 36. D. cod. Qui petitorio, inquit, iudicio utitur, ne frustra experiatur, requirere debet an is cum quo instituat actionem, possessor sit, uel dolo desit possidere.

DOMINVM SE ESSE DICAT.) Hoc ex antiquis formulis. Cum enim actor uindicasset rem suam esse ex iure Quiritium, tum possessor contra uindicabat: ut Boetius in Topica Ciceronis ex Caji Institutionibus demonstrat.

*Actiones in rem ad petendam, & seruitutem, & libertatem prædiorum, tum urbanorum tum rusticorum, institutæ sunt. Sed in libertate petenda, negantibus uerbis concipiuntur, quod fieri corporalibus in rebus non solet. ij. l. si seruit. uindic. l. j. uti possid.*

**B** II. Aequè si agat quis, ius sibi esse fundo fortè uel ædibus utendi fruendi, uel per fundum uicini eundi agendi, uel ex fundo uicini aquam ducendi: in rem actio est. Eiusdem generis est actio de iure prædiorum urbanorum: ueluti, si quis agat ius sibi esse altius ædes suas tollendi, prospiciendæ uel proijciendæ aliquid, uel immittendi tignum in uicini ædes. Contrà quoq; de usufructu, & de seruitutibus prædiorum rusticorum. item prædiorum urbanorum, inuicem proditæ sunt actiones: ut si, quis intendat ius non esse aduersario utendi fruendi, eundi agendi, aquam uicini ducendi, item altius tollendi, prospiciendi, proijciendi, immittendi: istæ quoq; actiones in rem sunt, sed negatiuæ. Quod genus actionis in controuersijs rerum corporalium proditum non est. Nam in his is agit qui non possidet: ei uero qui possidet, non est actio prodita, per quam neget rem actoris esse. Sanè \* uno casu qui possidet, nihilominus actoris partes obtinet, sicut in latoribus Digesto. \* illo rum libris opportunius apparebit.

IUS SIBI ESSE FVNDI.) Enunciatio I. Per actionem in rem peti seruitus tam personalis, quàm realis potest. l. 2. D. si seruit. uind. ubi Vlp. ait, de seruitutibus in rem actiones competere nobis ad exemplum earum, quæ ad usumfructum pertinent. Itaq; usumfructum hoc loco Iustinianus nominat, quæ personalis est seruitus: præterea iter, actum, & aqua ductum, quæ reales seruitutes appellantur. Et quemadmodum superiore §. docuerat ad res corporales, hanc actionem pertinere, similiter hoc loco demonstrat eandem ad res incorporeales uindicandas accommodatam esse. Dubitare namq; aliquis posset, cum seruitutes per pactiones & stipulationes constituuntur. §. ult. supra, De seruitutib. utrum aduersus eum, à quo stipulatus sum, per te non fieri quominus fundo tuo uti frui possim, sic agere possim, ut dicam, Usumfructum tui fundi meum esse aio: cum superius dictum sit, propter obligationis causam hanc actionem nunquam permitti. Sed facilis huic obiectioni responsio est. Nam ex illis obligationibus seruitutes non transferuntur. l. obligationum. D. de oblig. & act. ob eamq; causam personalis actio eo nomine competit. Constituuntur autem seruitutes, uel per traditionem, uel per patientiam, inquit Vlp. in l. si ego. 11. §. 1. D. de Publician. Quod posteaquam factum est, rei uindicatio competit. unde Vlp. in l. sicut. 8. §. 3. D. si seruit. uind. recte scribit, per sententiam non deberi seruitutem constitui, sed quæ est declarari.

VTENDI FRVENDI.) Iudicij ergo formula hæc erit: SI PARET usumfructum fundi Semproniani esse L. Titij, neq; Sempronius eum uti frui sinat, tum Sempronius damnetur.

EVNDI AGENDI.) SI PATERET ius eundi agendi per fundum Mæuij esse L. Titij, neq; Mæuius eum ire agere sinat, tum Mæuius damnetur.

DE IVRE PRÆDIOIVM VRBANORVM.) Sequitur II. In rem actiones, tam ad urbanorū quàm ad rusticorum prædiorum uindicandas seruitutes dantur. Quid autem inter urbana & rustica prædia intersit, libro secundo demonstratum est.

ALTIVS AEDES SVAS TOLLENDI.) Sequitur III. Ius ædes suas tollendi, nonnunquam per in rem actionem petendum est. Sed quæri uideo, cum ipso iure liceat ædificium suum in immensum attollere. l. cum eo. 9. & l. cuius. 24. D. de seruit. urb. Si attollam, & meo iure utar, uicinus autem prohibeat, utrius tandem est agere? meum ne, ut ille me iure meo uti patiatur: an uero ipsius ut ne id faciam, quod mihi iure communi licet? & satis constat, uicini esse actione experiri, utrum ius prohibendi habeat, nec ne. Quid ergo illud est, quod modò dicebamus, ius ædes suas tollendi nonnunquam per in rem actionem petendum esse? Et respondetur, tum id faciendum esse, cum antea fuit seruitus, quæ postea remissa est. cuius rei exemplum est in l. si domus. 21. D. de seruit. urb. & l. si mihi. 20. D. de seruit. rust. Vbi casus exponuntur, quibus is qui seruitutem habebat in ædes uicini ne altius tolleret, postea ius altius tollendi ei concesserat: extat etiam exemplum in fin. l. 4. D. de usur. pat. ubi Paulus loquitur de eo, qui cum seruitutem deberet altius non tollendi, tamen per legitimum usucapiendi tempus, altius ædificatum habuerat: itaq; libertatem usuceperat. Sed nullum planius est, quàm illud Vlpiani in l. 4. §. competit. D. si seruit. uind. & item Africani in l. si priusquam. 15. D. de nou. op. nunt. Quibus omnibus ex locis illud intelligi uolumus, non seruitutem his casibus uindicari, sed libertatem: ob eamq; causam iudicium his concipiendum esse uerbis, SI PATERET Titium ius altius tollendi, propter amissam, remissam uicini à Mæuij seruitutem habere. aut, ut in dict. l. 4. §. competit. si seruit.



uind. **SI PATERET** Titium habere ius aliis tollendi uersus aedes C. Seij, neq; Seius eum sinat alius tollere, tum Seius damnatur. Quod eo diligentius admonemus, quoniam ex uerbis dict. l. 4. facile obijci error posset, ut existimaretur, negantibus uerbis concipiendum esse iudicium: cum ita Vlpianus scribat: Competit autem de seruitute actio domino adificij, negantibus se uicino debere. Nam hoc loco Iustinianus admonet, semper aientibus uerbis eam libertatem esse uindicandam: **NI** ius aliis tollendi habeam, **SI** pateret illum ius habere. Quæ quanquam ita se habeant, illud tamen in primis intelligendum est, dissimilem esse istius actionis, quæ libertatis uindicatur, & superiorum quibus seruitus petitur, rationem. Nam in superioribus qui ad iudicium prouocabat, idem sponsonem faciebat. Veluti, si me contendam habere ius fundo tuo fruendi, neq; tamen me uti frui sinas, uocabo te in ius, dicamq; apud Prætorem, ius utendi tuo fundo meum esse: sponsonemq; faciam, **NI** meum sit. At in hoc negotio, si alius tollere instituiam, in ius me ad Prætorem uocabis, tuumq; erit negantibus uerbis ita dicere, **Nio** tibi non esse ius propter seruitutem quam habeo: de qua seruitute planum Prætori fiet summam. Tum meum erit remissam esse seruitutem contendere, sponsonemq; in ea uerba facere, **NI** meum ius sit. Prætor autem iudicium concipiet, **SI** pateret Sempronij ius esse.

**PROSPICIENDI VE.)** Prospicere est aduersum uidere, inquit Nonius. Itaq; prospectus seruitutem debere dicitur, cui non licet id facere, quod alterius gratiorem & liberiorem prospectum impedit. l. Inter seruitutes. 15. D. de seruit. urb. Formula igitur hæc erit, **SI** pateret Sempronio ius esse prospiciendi inuito Titio, neq; Titius eum prospicere patiatur.

**PROIICIENDI ALIQUID, VEL IMMITTENDI.)** Inter proiectum & immisum hoc interesse Laobeo ait, quod proiectum esset id quod ita proucheretur, ut nusquam requiesceret: qualia Mæniana & suggrunda essent. Immisum autem, quod ita fieret, ut aliquo loco requiesceret: ueluti tigna, trabes quæ requiescerent. l. malum. 242. D. de uerb. signifi.

**CONTRA QVOQUE DE VSVFRUCTU.)** Sequitur III. Actio in rem etiam ad personalem aut realem seruitutem alteri denegandam conceditur. l. 2. D. de seruit. uind. Nam de personali quidem, exemplum in usufructu traditur: quod pertinet totus tractatus, Si usufr. petatur, uel ad aliquem pertinere negetur: præsertim autem l. 5. ibid. ubi Vlp. ait, negatiuam actionem competere domino, aduersus fructuarium: nimirum ut sic dicat, Nego tibi esse ius meo fundo utendi fruendi inuito me. Quod tamen mirum alicui uidebitur. Nam cum omnia prædia existimentur libera nisi seruitus probetur, si quis fundo meo uti uolet, quamobrem agerem aduersus eum, non ei esse ius utendi fruendi fundo meo inuito me? quod eodem modo de reliquis ferè omnibus infra scriptis seruitutibus intelligendum est. Respondemus autem, istiusmodi actiones locum non habere, nisi cum omnino præsumitur, ac iudicatur subesse seruitus. Veluti in l. si is. 11. §. usufr. D. de pignori. ubi, cum reuera usufructus deberetur fructuario, quærebatur tamen, an inuito proprietario creditor, cui pignori datus erat, uti frui posset. Ut si acile appareat, istas actiones non tam ad seruitutem quam ad libertatem uindicandam pertinere.

**ITEM ALIIS TOLLENDI.)** Qui solis casus hic enumeratur, in quo negatoria actio ad seruitutem uindicandam pertineat. Cum enim intendo ius non esse uicino aliis tollendi, hoc significo, eius aedes mihi seruitutem illam debere. Atq; hoc est, quod ait Vlp. in fi. l. 4. D. si seruit. uind. Si cui omnino aliis tollere non liceat, aduersus eum recte agetur, ius ei non esse tollere.

**SED NEGATIVE.)** Sequitur IIII. Per in rem actiones negatiue conceptas, & seruitutem & libertatem uindicare possumus, eaq; tum negatiue appellantur. d. l. 5. si usufr. pet. Appellantur etiam plerumq; Negatorie. Formula igitur hæc erit, Nego tibi ius esse uti frui, inuito me: **NI** ius tibi non sit uti frui: Si pateret Titio ius non esse utendi fruendi.

**PRODITVM NON EST.)** Sequitur V. In rerum corporalium controuersis, in rem actiones nunquam negantibus uerbis concipiuntur. Ratio manifesta est: quoniam nullus earum usus esset, quippe cum nihil actori proficiat, rem possessoris non esse. Nam si Seruilius domum aliquam possideat, Titius autem sic agat, Nego illam domum tuam esse: etiam si conuincat domum Seruili non esse, damnetq; Seruilius, non tamen iccirco domum obtinebit: propter regulam quæ ait, In pari iure meliorem esse causam possessoris. l. 5. D. si usufr. pet. ubi præclare Vlpianus inquit, de suo, non de alieno iure quicq; agere oportere.

**NAM IN HIS IS AGIT, QVI NON POSSIDET.)** Sequitur VI. In rem corporalem actio, semper ab eo qui non possidet, instituitur. Vehementer autem dubitare me fateor, quid hoc loco Iustinianus significet: nam communis quidem rationandi consuetudo, cogit nos hoc subaudire: Negatoria uero semper possessori datur, ut hæc sit argumentatio: Negatoria semper datur possessori. In controuersis rerum corporalium semper agit is qui non possidet. Quare in istis controuersis non est prodita actio negatoria. At illa propositio falsa est: tam enim ei qui non possidet, quam ei qui possidet, negatoria conceditur, quod aperte traditur in l. 6. §. 1. l. 8. §. 3. D. si seruit. uind. item l. 5. §. ult. D. si usufr. petat. & alijs locis innumeris: ueluti, Proiectum quid habet uicinus meus in meis aedes, ac propterea possessor est. Si per iudicem cogi eum uelim id tollere, ego ipse qui possessor non sum, agere negatoria debebo. l. quemadmodum. 29. §. 1. D. ad leg. Aquil. Peto igitur ab eorum ruditioribus, ut hanc Iustiniani rationationem ad eam argumentationis formam, si possint, reuocent, ex qua melior & eertior aliqua sententia eliciatur. nam quod ad me attinet, tentauit sæpe, alios etiam artifices meliores adhibui, sed nihil remedij. Quod autem ad confessoriam attinet, reperio etiam illam æque possessori, ut non possessori dari, d. l. sicut. 8. §. 3. D. si seruit. uind. l. si priusquam. 15. D. de oper. nou. nunciat.

**IS QVI POSSIDET.)** Hoc loco duo sunt, quæ conquire facili non possum. Prius est, quo monemur, possessori non dari actionem, quasi uero anus ulla tam excors inueniri possit, quæ hac de re dubitet: aut non furiosus iudicaretur is, qui quam rem possideret, ea de re aduersus obrectatorem aliquem, actionem postulare. nam cuius tandem rei, aut quæ in uerba iudicium postulare? Itaq; præclare Vlp. l. 1. D. uti possidet. Actio, inquit, nunquam possessori datur. nam ei sufficit, quod possidet. Alterum est, quod nominatim traditur, Aduersus actorem actionem non dari. Quo haud scio an absurdius quicquam dici possit. Dum hic hæreo, duo mihi in mentem uenerunt: quorum alterum uetus est, & à me ante annos decem expositum: corrigendum esse, **BI VERO QVI NON POSSIDET**, non est actio prodita, per quam neget rem alterius esse, nisi forte **AVCTORIS** legamus, hoc est, eius qui in ius uocatus, auctorem se ac defensorem fore ostendit. Cic. pro Cæcina: Actio est in auctorem præsentem: Quando te in iure conspicio, postulo an ne sis auctor. Nam argumentum hoc erit, quamuis non admodum firmum: Qui non possidet rem corporalem, negantibus uerbis concipere actionem non potest: ut dicat, Nego hanc



**A** Nego hanc rem tuam esse. nam ut alterius possessionem labefactet, sibi tamen nihil prodest. At in rerum corporalium contro-  
uersijs semper agit is qui non possidet. Quare nunquam in istis controuersijs negatoria actionis usus est. Alterum praterea de  
quo suspicabar, hoc erat: ut de formulis undiciarum hunc locum intelligeremus, hoc modo: Nam in his is uindicat qui nō possi-  
det. Ei uero qui possidet, non est formula prodita, per quam hoc dicat, At ego tuam esse nego: sed hac potius, At ego contra uin-  
diciis postulo. nam Boetius in Topic. Cicero ex Institut. Caji scribit, eum qui in ius uocatus erat, contra uindicasse: quod infra sub  
§. sic itaq;, docebimus nihil aliud significare, quam uindicis siue possessionem rei postulare.

**SANE VNO CASV.)** Atqui torquere illud est, non docere. similiterq; facere Iustinianus uidetur, cum ait in Pan-  
dectarum quinquaginta libris quodam loco casum hunc latere: ac si quis magna & densa in sylua lepusculum esse diceret, ne-  
que locum ubi is esset demonstraret. at Imperator dux nobis esse, digitumq; ad latebram intendere debuit. Quare legendum  
hoc loco arbitrari, **SANE ILLO CASV:** ut superiore casum significaret, quo rerum incorporalium nomine  
negatoria conceditur. nam illo sane casu is qui possidet, nihilominus sponsonem facere, & actoris partes obire cogitur, pro-  
bareq; aduersarium ius aliquod seruitutis non habere. l. uti frui. §. ult. D. si usus fruct. petat. ubi dilucide Vlpianus ait, negato-  
riam istis casibus possessori competere, & l. & si forte. 6. §. 1. D. si seruit. uind. ubi idem scribit, in his seruitutibus possessorem  
eundem esse, & petitem.

Superiores actiones legibus, iureq; civili constituta sunt: deinceps eas  
quæ ex prætoris edicto natae sunt, exponit. l. xxv.  
de obligat. & act.

**B** III. Sed istæ quidem actiones, quarum mentionem habuimus, & si quæ sunt similes, ex legiti-  
mis & civilibus causis descendunt. Aliæ autem sunt, quas Prætor ex sua iurisdictione compara-  
tas habet, tam in rem quam in personam: quas & ipsas necessarium est exemplis ostendere. Ut ec-  
ce, plerumq; ita permittit Prætor in rem agere, ut uel actor dicat, se quasi uiucepisse, quod non u-  
luceperit: uel ex diuerso possessorem dicat aduersarium suum non uiucepisse, quod uiuceperit.

**EX LEGITIMIS ET CIVILIBVS.)** Enunciatio I. Superiores in rem actiones, legibus iureq; civili con-  
paratae sunt, hoc est, uel ex legibus duodecim Tabularum, ijsq; formulis quæ Legis actiones dictæ sunt: uel iurisco-  
nultorum ingenijs excogitatae, & ad illarum rationem accommodatae. Superiorum exemplum in confessorijs actionibus apparet. Al-  
terarum, ut opinor, in negatorijs: quæ meo iudicio rebus exigentibus à iurisco-  
nultis, ad illarum similitudinem instituta sunt.

**EX SUA IURISDICTIONE COMPARATAS.)** Sequitur II. Prætorum edictis actiones & in  
personam, & in rem instituta sunt. Nam præter civiles actiones, innumerae sunt ab ipsis prætoribus earum rerum instituta,  
de quibus iure civili nihil cautum fuerat. Sed uideamus, ne multo & plenius, & commodius Imperator sic scripsisset: Actioni  
aliæ sunt civiles, aliæ honorarie: quemadmodum scripsit Vlp. in l. actionum. 25. in fi. D. de obligat. & act. ut scilicet harum no-  
mine etiam Aedilitiæ continentur: de quibus sub titulo de Aedil. edict. & Si quadrup. paup. planius explicatur.

**PLERVNQVE ITA PERMITTIT.)** Sequitur III. Vtrique Publiciana actio in rem est. §. præterea.  
infra hoc titulo.

**DICAT SE QVASI VSVCEPISSE.)** Hoc ne ipse quidem Tribonianus, ut opinor, unquam intellexit. nam  
neq; cum uerbis, neq; cum sententia Publicianæ actionis ullo modo conuenit, ut mox intelligitur.

**NON VSVCEPISSE.)** Tantundem hic dicimus: neque uerbis, neque sententiæ rescissoriæ actionis hoc con-  
uenire. **POSSESSOREM** autem, non ut in alijs, **POSSESSOR**, legendum esse, & uerum librorum aucto-  
ritas, & res ipsa conuincit.

**C** Qui rem alienam sibi bona fide accipienti iusta de causa traditam accepit, si eam  
ante perfectam usucapionem amiserit, Publiciana actione, quasi  
usucaptam uindicare poterit. l. j. & pass.

D. de Publician.

**IIII.** Namq; si cui ex iusta causa, res \* aliqua tradita fuerit (ueluti ex causa emptionis, aut \* aliena  
donationis, aut dotis, aut legatorum) & necdum eius rei dominus effectus est: si eius rei possessio  
nem casu amiserit, nullam habet in rem directam actionem, ad eam persequendam: quippe ita pro-  
ditæ sunt iure civili actiones, ut quis dominium suum uindictet. sed quia sanè durum erat eo casu  
deficere actionem, inuenta est à Prætore actio, in qua dicit is qui possessionem amisit, eam rem se  
usu cepisse, quam usu non cepit, & ita uindicat suam esse. Quæ actio Publiciana appellatur, quo-  
niam primùm à Publicio Prætore in edicto proposita est.

**SI CUI EX IUSTA CAUSSA.)** Enunciatio I. Nactus rem quacumq; ex iusta causa, actionem hanc habea-  
re poterit. l. quæcumq;. 13. D. eod. ubi Caius scribit: Quæcumq; sunt iustæ causæ acquirendarum rerum, si ex his causis nactus  
res, amiserimus, dabitur nobis earum rerum persequendarum gratia hæc actio.

**RES ALIQUA TRADITA.)** Theophilus legisse uidetur, Res aliena: itaq; scripsisse Tribonianum arbitror. sen-  
sisse, quidem non dubito. Rem tamen omnem ex animi mei sententia patefaciam. Huius autem actionis causam referendam  
arbitror ad eas res, quæ non Quiritium, sed gentium diuitatibus iure acquisita fuerant: quales omnes istæ sunt, quæ hoc loco  
commemorantur. Veluti emptio & uenditio, quæ sine libra & nexu facta est: donatio, dos, legatum, cetera complura.  
Quæ de causa uidemus possessiones illas ad usucapionem pertinentes, Pro empto, pro donato, pro dote, pro legato, ante



tractatum De usucapionibus in Pandectis explicari: & in Codice, tractatum De nudo iure Quiritium tollendo; cum qui est **A**  
 De usucapionibus antecedere. Exempli causa, legauit mihi aliquis pateram, ac proinde iure gentium tantum eius eram dominus. Si eam usucapiam, iuris Quiritium dominium adipiscor. ac proinde si casu eam rem amiserō, dicere potero H. R. E. I. Q. M. E. A. nunc uero antequam usuceperim, non possum. quæ sanè magna fuit iuris civilis ætate. Sed tamen ita erat: itaq; traditur à Cicerone in ea pro Cæcinnâ, his uerbis: Quid enim refert ædes, aut fundum relictum à patre, aut aliqua ratione habere bene partum, si incertum sit, cum non omnia iure mancipij tua sint, ea possisne retinere? si parum sit communium ius, ut perueniat ad me fundus, testamento alterius fieri potest: ut retineam quod meum factum sit, sine iure civili non potest. (nondum scilicet Publiciana prolata fuerat.) Fundus à patre relinqui potest. (ut meus sit iure gentium) ac usucapio fundi, hoc est, finis solitudinis, ac periculi litium, non à patre relinquitur, sed à legibus. Tum enim iure Quiritium meus est, cum eum biennium possedi. Quo ex loco perspicuum esse arbitror, in iudicijs ordinarijs, in quibus formularum usus erat, ut Paulus scribit: uerum fuisse quod paulo ante dicebamus: eum qui iure gentium tantum dominus erat, formula uindicationis uti non potuisse. quod tamen posterioribus temporibus obsoletum fuisse idem testatur in l. 23. D. de rei uind. ubi sic scribit: In rem actio competit ei, qui aut iure gentium, aut iure civili dominium acquisiuit. Nimirum eum illa clausula **EX IURE QUIRITIVM**, non addebatur: quam etiam addi perpetuò non solitam, patet ex l. 1. D. eodem. tametsi antiquitus adderetur, ut patet ex illo Ciceronis exemplo nobili, Verrina quarta: & Boetio in Topica Ciceronis. Vtunque sit, cum ita ius civile constitutum esset, tandem inuentus est Prætor quidam Publicius, qui edictum proposuit, **SI QVIS** id quod cum traditum ex iusta causa, & nondum usucaptum petet, iudicium dabo. (sic enim scripsisse Publicium arbitror.) Vt iudicium aetori in hæc uerba daret, **SI PATERET** rem qua de agitur, iusta ex causa traditam Octauio fuisse. neq; ea illi restitueretur. tum Septimius damnetur. Erat etiam in edicto caput de bonæ fidei emptore alienæ rei, ut ex multis legibus apparet: sed cum ad Iustiniani iuris rationem à Triboniano & cæteris omnia circunciderentur, & adaptarentur, tum reiectis alijs, ea tantum quæ de hoc solo usucapionis casu scripta fuerant, retenta sunt: & in edicti contextum uerba hæc adscripta, **B**  
**NON A DOMINO.** l. 1. D. eod.

**TRADITA FVERIT.**) Nam traditam fuisse necesse est. l. sed etsi. 7. §. Publiciana. D. eod. ubi Vlpianus ait, ut Publiciana competat, hæc debere concurrere: ut & bona fide quis emerit, & ei res empta eo nomine sit tradita. ceterum ante traditionem, quamuis bonæ fidei quis emptor sit, experiri Publiciana non posse. Si quis tamen rem apud se depositam, uel sibi commodatam emerit, uel pignori sibi datam, pro tradita erit accipienda, si post emptionem apud eum remansit. Sed etsi præcessit traditio emptionem, idem ait dicendum. l. siue autem. 39. §. 1. eod.

**NEC DVM EIVS REI DOMINVS.**) Sequitur II. Traditio quamuis iusta ex causa facta, dominium tamen non transfert. l. 1. D. eod. & l. si ab eo. 18. D. de pignoribus. ubi Paulus ait, eum cui Publiciana competit, dominium non habere. Item l. traditionibus. C. de pact. ubi Imperator ait: Traditionibus & usucapionibus dominia rerum transferri. id est, non solis traditionibus, nisi usucapio eis confirmauerit. Quanquam si ueterem consuetudinem iuris Quiritium spectemus, alia eius legis interpretatio querenda sit: quam nos, ut speramus, in Commentario uerborum iuris exposuimus. Hoc autem de rebus quæ mancipij sunt, intelligendum est.

**IN REM DIRECTAM ACTIONEM.**) Id est, Veram illam & antiquam actionis formulam, H. R. ex iure Quiritium M. E. A. nam cum usucapio absoluta non esset, Quiritarius dominus (ut Theophilus loquitur) non erat.

**IURE CIVILI ACTIONES.**) Sequitur III. Directæ actiones sunt, quæ iure civili constituta sunt. Quod quemadmodum intelligi debeat, in Commentario uerborum iuris exposuimus.

**DOMINIVM SVVM VINDICET.**) Non tantum: uerum etiam dominium Quiritarium. Ita enim prodizæ sunt, ut actor dicat, H. R. ex iure Quiritium M. E. A. quod ex Cuij Institut. Boetius docuit, & ex Iudicij formula, quam Cicero Verrina quarta protulit, cuius perspicuum est.

**DVRVM ERAT EO CASV.**) Id uerò multo dilucidius ijs in causis patet, de quibus superius ex oratione pro Cæcinnâ dicebamus. Patet tamen etiam in usucapione: cum ei qui bona fide rem emit (de hoc enim solo Prætor edixerat) adliuæ iusta de causa rem adeptus est (quod Iurisconsultorum additamentum fuisse arbitror) quiuis possessor antefertur: quæuis iusta ratione nulla possessionem illam adeptus sit. nam dominum ipsum, si fortè possessionem nactus esset, huic anteferre, nihil est incommodi. Quæ de causa ne in eum quidem Publiciana conceditur. l. penult. & ult. D. eod.

**DEFICERE ACTIONEM.**) Nam petitor dicere non poterat, eam rem suam esse. Sed queri non absurde poterit, cum petitor possessori denunciabit, uel in foro, uel apud Prætores, se iudicio uelle rem illam persequi, (semper enim eo usq; suam esse rem illam existimauit) possessor autem deceptum illum esse dicet, quia sui auctoris non erat: & quoniam in pari iure potior est causa possessoris, propterea se illi præferendum esse: quid dicemus? an non furto se possessor alligabit? nunquid ipse qui rem alienam ab aduersario retineri non uult, ipse inuito domino eandem contrahet? Aut igitur negligere id dominum, aut rem domino carere, aut deniq; subesse quiddam aliud oportet: quod cruditor aliquis excogitare poterit.

**EAM REM SE VSVCEPISSE.**) Hoc quid sit, non modò fateor, uerum etiam profiteor, me non intelligere: planeq; mihi persuadeo, totum esse falsum, & nugatorium, atq; à Triboniano non satis ad negotium suum attento, hunc in locum adscriptum. Etenim, ut potissimam huius edicti causam relinquamus, & hanc solam usucapionem excutiamus, tamen stultissimum esset existimare, Prætores iudicium daturum, **SI PATERET** rem usucaptam esse: ac non potius more institutoq; omnium ad edicti sui rationem: **SI PATERET** eam rem, qua de agitur Cn. Flauio iusta ex causa bona fide accipiente traditam fuisse: neq; possessor dominus sit, tum eam Cn. Flauio restituere damnetur. Ego, si meum fuisset, sic maluissem: in qua dicit is qui possessionem amisit, eam rem sibi bona fide iusta ex causa accipienti traditam fuisse, neq; dominum possessor rem esse, ac proinde suam causam potiorē esse.

**QVAM VSV NON CEPIT.**) Nam (ut ait Paulus, in fi. l. cum sponsus. 12. eod.) etiam is qui momento possedit, rectè hac actione experitur.



**A** Is cuius res ab eo qui reipublicæ causa abfuit, quæ apud hostes fuit, usucapta est, beneficio Prætoris potest intra annum quàm ille redierit, rem suam quæsi non usucaptam vindicare.  
l. j. Ex quib. caus. ma.

**V.** Rursus ex diuerso, si quis, cum reipublicæ causa abesset, uel in hostium potestate esset, rem eius qui in ciuitate esset, usuceperit: permittitur domino si possessor reipublicæ causa abesse desierit, tunc intra annum rescissa usucapione eam petere: id est, ita petere, ut dicat possessorem usu non cepisse, & ob id suam rem esse. Quod genus actionis quibusdam & alijs simili æquitate motus Prætor accomodat: sicut ex latiore Digestorum, seu Pandectarum uolumine intelligere licet.

**REIPVB. CAUSSA ABESSET.)** Enunciatio I. Qui uel Reipub. causa abest, uel in hostium potestate est, potest per subiectis sibi personis usucapere. l. si quis pro emptore. 15. l. iusto. 44. §. ult. D. de usurpat. l. in bello. 12. §. facti. & l. pen. D. de capt. & possim. reuer. l. ait Prætor. 23. §. 1. & 3. D. ex quib. caus. maior. ubi Iuriscons. scribunt, eos qui apud hostes sunt, per se quidem usucapionem nec inchoare, nec perficere posse, per subiectis autem personas ita posse, dum ex re peculiari possideant. Vnde intelligi debet, Publicianam hanc, quatenus ad eum qui apud hostes fuit, pertinet, hys tantum in rebus locum habere, quæ peculiare fuerunt: quod cum adeo necessarium esset admonere, demiror hoc loco à Iustiano prætermisum esse.

**REIPVB. CAUSSA ABESSE.)** Vel apud hostes esse.

**B** **INTRA ANNUM RESCISSA.)** Sequitur II. Intra annum quo usucaptor reuersus est, licet domino rem suam, rescissa usucapione petere. l. 1. in fi. D. ex quib. caus. & l. in honorarijs. 35. D. de oblig. & act. ubi Paulus ait, Publicianam cum rescissa usucapione redditur, anno finire: quia contra ius civile datur. Sed quod ait, **RESCISSA USUCAPIONE**, sic intelligo, non quasi iudicium eius rescindendi causa detur: sed ut ipsa, & eo ipso quod Prætor actorem in integrum restituit, eiq; iudicium in ea uerba dat, quæ mox proferemus. Nam si usucapio constaret ac ualeret, iudicium non daretur. Sic igitur appellatur Rescissoria, ut ea quæ Restitutoria dicitur sub tit. ad S. C. Velleianum. nam cum mulier interuenit, creditor suam amisit actionem, ac propterea debet eam à Præatore postulare. l. si mulier. 16. in fi. & l. quamuis. 8. §. Marcellus. Eoq; Caius in l. aliquando. 13. §. 1. nouam eam appellat. Ex his autem intelligi potest, quamobrem Paulus in d. l. in honorarijs. De oblig. & act. hanc actionem dicat contra ius civile dari. nam ius civile usucapionem introduxit: Prætor autem eam per restitutionem in integrum rescindit. Sed exoritur illa dubitatio, cur Prætor contra ius civile hanc actionem instituerit? Et respondetur, propter æquum & bonum. Quod ut intelligatur, illud scire oportet, hanc actionem nunquam à Præatore datam fuisse, nisi cum is qui in urbe manserat, omnem diligentiam adhibuerat, ut absentis defensorem aliquem nancisceretur, quæ in ius uocaret, itaq; usucapionem interromperet, nemo uero repertus fuisset. Hæc enim restitutio (inquit Vlp. in l. item ait Prætor. 21. §. 2. D. ex quib. caus.) locum habet, si qui usucapiebant absentes, non defendebantur, & ita si nemo eorum erat defensor. nam si fuit procurator, cum habueris quem conueni. is, non debet inquietari. Caterum si non existerat defensor, æquissimum erat subueniri. Paulus: Ergo sciendum est, non aliter hoc edictum locum habere, quam si amici eius interrogati fuerint, an defendant: aut si nemo sit qui interrogari potest. Ita enim absens defendi non uidetur, si actor ultro interpellat, nec quisquam defensionem se offerat: & testatione completi oportet. Sicut igitur damno eos affici non uult, ita lucrum facere non patitur.

**ALICUI TRADIDERIT.)** Generali uerbo est usus, ne diceret Alicui tradidit. Nā ut ait Vlp. in l. 1. D. cod. Quodcuq; fraudis causa factū est, qualecuq; fuerit, reuocatur: ut siue re alienauerit, siue acceptatione, uel pacto aliquæ liberauerit, uel etiā pignora: item si quæ alium in fraudem creditoris præponat, uel ei præbeat exceptionem, &c. palam est edictū locū habere.

**C** **VSU NON CEPISSE.)** Ego ne hoc quidem intelligere possum. Primum, quia ridiculum esset usucaptam negare & liquidò mentiri. Deinde, quia non ita concipiebantur iudicia, sed hys ipsis quibus edictum constabat uerbis. Edicti autem uerba patent in d. l. 1. D. ex quib. caus. ex quibus iudicium ad uerbum sic concipio, SI PATERET eam rem qua de agitur, à possessore Reipub. causa absente, per statutum tempus possessam esse, cum interea petitor eius nomine agere, cum conaretur, non potuerit: tum si ea res petitori non restitueretur, possessor damnetur.

**QUIBUSDAM ET ALIIS.)** Sequitur III. Hoc genus rescissoriæ actionis, etiam alijs quibusdam ex causis, à Præatore cõceditur. d. l. 1. in fi. ubi hæc uerba sunt, **ITEM SI QUA ALIA MIHI IUSTA CAUSSA ESSE VIDEBITVR.** Similes autem causas Vlpianus enumerat in l. sed etsi. 26. §. ult. & l. seq. D. ex quib. caus.

**MOTVS PRÆTOR.)** Publicius. nam hanc quoq; Publicianam Paulus appellat d. l. in honorarijs. De oblig. & act.

Creditorum quorum in fraudem bona sua debitor abalienauit, Prætoris beneficio possunt bonorum possessione impetrata, eas res quasi nunquam à debitor traditas, vindicare. l. j. & pass. D. quæ in fraudem cred.

**VI.** Item, si quis in fraudem creditorum rem suam alicui tradiderit, bonis eius à creditoribus ex Præsidis sententia possessis, permittitur ipsis creditoribus rescissa traditione eam rem petere: id est, dicere eam rem traditam non esse, & ob id in bonis debitoris mansisse.

**IN FRAUDEM CREDITORVM.)** Enunciatio I. Pauliana actio creditoribus, quorum in fraudem res alienate sunt, cõceditur. l. 1. & l. quod ait. 6. §. 4. & alibi sepe. D. quæ in fraud. cred. quibus ex locis intelligi debet, fraudem hoc casu ab utraq; parte cõcurrere oportere: hoc est, tam ex parte tradentis, quam ex parte accipientis. Hoc edictū (inquit Vlpianus) cum coarctet, qui sciens debitorem in fraudem creditorum hoc facere, suscepit quod in fraudem creditorum fiebat. quare si quid



si quid in fraudem creditorum factum sit, si tamen is qui cepit, ignorauit, cessare uidentur uerba edicti. Item in l. ait Prætor. 10. §. 3. Quod ait Prætor SCIENTE, sic accipimus, te conscio & fraudem participante: non enim si simpliciter scit illum creditores habere, hoc sufficit ad contendendum teneri eum in factum actione: sed si particeps fraudis est. Animaduersione autem dignum est, quod ait Imp. in l. 5. C. de reuoc. quæ in fraud. si aduersus eum agatur, qui ex onerosa causa accepit, probandum esse, communem fraudem fuisse: in eum eo qui ex causa lucratiua, non esse: quoniam utroque modo tenetur.

A CREDITORIBVS POSSESSIS.) Obscure dictum: pro Impetrata bonorum possessione: nihil enim, aut non satis in bonis repererunt.

PERMITTITVR IPSIS.) Sequitur II. Hæc actio post bonorum possessionem impetratam, inanemque reperitam, concedi solet. d. l. 1. eod. & l. 5. C. de reuoc. quæ in fraud. ubi Imperator ait, hanc actionem competere, cum bona possessa sunt & distracta, nec satis repertum est in illis, unde creditoribus satisfieri possit.

EX SENTENTIA PRÆSIDIS.) Apparet prouinciale hoc Paulianum edictum fuisse: sed in urbe post edictum perpetuum constitutum, illud ualuisse.

RESCISSA TRADITIONE.) Sic intelligo, ut proximo §. dictum est. nimirum tacite, ut ipsa restitutionis in integrum, & iudicij constituti, traditionem rescindi. & perinde rem uindicari, ac si à debitore tradita nunquam fuisset, atque in ipsius possessione perpetuo mansisset. Nam (ut ait Vlpianus in l. prima. D. Quæ in fraud. creditor.) Prætor reuocat ea quæ in fraudem creditorum alienata sunt. Et Paulus in l. uideamus. 38. §. 3. D. de usur. In hac actione, inquit, Prætor id agit, ut perinde sint omnia, atque si nihil alienatum esset. Item in l. ait Prætor. 10. §. præterea. D. quæ in fraud. Generaliter, inquit, sciendum est, ex hac actione restitutionem fieri oportere in pristinum statum: siue res fuerunt, siue obligationes, ut perinde omnia reuocentur, ac si liberatio facta non esset. Item l. 14. Hæc in factum actione non solum dominia reuocantur, uerum etiam actiones restaurantur. Quæ cum ita sint, facile intellectu est, hanc actionem acque ut superiorem contra ius civile dari: quippe cum id rescindatur, quod iure civili ratum erat. Nam etiam si emero à debitore sciens creditorem fraudari, dominium transfer-  
tur. l. si sciens. 26. D. de contr. empt.

DICERE TRADITAM NON ESSE.) Non disertè, ac nominatim: sed cum irrita & pro nulla habeatur traditio, eam nihili putare, ac rem quasi nunquam traditam, & adhuc in debitoris possessione positam, uindicare. SI PATERET eam rem qua de agitur, à Meuiò, cum in ipsius bonis esset, in creditorum suorum fraudem traditam fuisse, neque eos bonorum possessione à me impetrata, aliunde suum seruare posset: nisi eam rem possessor restituat, damnetur. Due res igitur erant actoribus probandæ: & rem illam qua de agitur, in bonis debitoris fuisse: & sic in fraudem creditorum alienatam esse, ut euentus consilio responderit. l. 2. C. de reuoc. his quæ in fraud. ubi Imperator ait, rem non reuocari, nisi bonis debitoris non sufficientibus, in fraudem creditorum rem traditam fuisse, probatum erit. Nam (ut ait Vlp. in l. ait Prætor. 10. D. eod.) ita demum reuocatur quod fraudandorum creditorum causa factum est, si euentum fraus habuit.

ET OB ID IN BONIS.) Sequitur III. Hæc actione res tradita, perinde quasi tradita nunquam fuissent, postulantur. d. l. uideamus, de usur. Sed queri uideo, cuius generis hæc actio sit: utrum in rem, an in personam? Cum enim paulo post Imperator in §. in personam, transire se dicat ad personales actiones, significare uidetur eatenus se in rem actiones exposuisse. Rursus uideo Vlpianum aperte scribentem in l. 1. §. hæc actio. D. si quid in fraudem patr. Paulianam actionem, quæ huius maxime genuina ac plane similis est, in personam esse. Quintetiam Imp. in §. præterea, infra co. tit. cum arbitrarias in rem actiones enumeraret, Publicianam & Seruianam nominauit: hanc uero Paulianam silentio prætermittens, suspicandi nobis ansam præbuit, eam ex illo genere non esse. Et profecto ita est, ut eam nec in rem, nec in personam esse arbitrer. In rem, quia non uindicamus, ut in actionibus superioribus: nec dicimus, Hanc rem meam esse aio: sed hoc modo, Hanc rem in bonis debitoris mei esse aio: quorum bonorum possessio mihi à Præatore data est. In personam, tum quia nulla subest obligatio, tum quia rei persona non nominatur. Quoniam igitur noua formula concipitur, in qua factum memoratur, propterea in factum appellatur. l. hæc in factum. D. eod. l. penul. C. de reuoc. quæ in fraud. Sed quoniam interdum datur, cum non modo creditor in bonorum possessionem missus est, sed etiam possidere iussus est, propterea ad in rem actiones accedit. Dominium enim rerum per secundum decretum tradi à Præatore quodammodo uidetur. l. si finita. 15. §. si quis autem. D. de damno inf. Et quoniam omnia persequimur, addi etiam hoc licebit, queri posse, an ueteres huiusce rei nomine actionem non haberent: quod mihi quidem per absurdum uidetur. Sed ad casus istiusmodi, in quibus fraus ueriebatur, de dolo malo formula pertinebat: cuius rei testimonio est locus Epistolæ Ciceronis primæ ad Atticum, quem subscribit: Cæcilius auunculus tuus, à P. Vario cum magna pecunia fraudaretur, agere cepit cum eius fratre Caninio Satyro, de his rebus quas cum dolo malo mancipio accepisse de Vario diceret.

Seruiana & quasi Seruiana actiones Prætoris sunt: quarum illa, domino res coloni sibi oppignoratæ: hæc creditori cuius sua pignora persequenti conceditur. Item quid inter pignus

& hypothecam intersit. l. lxv j. D. de euct. l. j. C. de prec. l. cxxxvij. de uerborum signific. l. v. de pignorib.

VII. Item Seruiana, & quasi Seruiana (quæ etiam hypothecaria uocatur) ex ipsius Prætoris iurisdictione substantiam capiunt. Seruiana autem experitur quis de rebus coloni quæ pignoris iure, pro mercedibus fundi ei tenentur. Quasi Seruiana autem est, qua creditores pignora, hypothecæ sue persequuntur. Inter pignus autem & hypothecam (quantum ad actionem hypothecariam attinet) nihil interest. Nam de quæ re inter creditorem & debitorem conuenierit, ut sit pro debito obligata: utraque hac appellatione continetur, sed in alijs differentia est. Nam pignoris appellatione eam propriè rem contineri dicimus, quæ simul etiam traditur creditori, maxime si mobilis sit. Ad eam quæ sine traditione, nuda conuentione tenetur, propriè hypothecæ appellatione contineri dicimus.



**A** **SERVIANA ET QVASI.)** Enunciatio I. Seruiana & quasi Seruiana, ex Prætoris iurisdictione substantiam capiunt. l. si tibi. 17. §. 2. De pact. ubi Paulus ait, honorario iure actionem ex pacto nasci. Quod de Seruiana quidem facile intellectum est, quam à Prætoris Seruio institutam constat. Sed cum hypothecaria, siue quasi Seruiana, à Iurisconsultis ad instar illius composita & introducta sit, (unde etiam formula hypothecaria uulgo nominatur) dubitari potest, utrum potius civilis quam honoraria dicenda sit: nisi potius existimandum sit, eas quæ à Iurisconsultis ad instar Prætoriarum institutæ sunt, quoniam initium & causam à Prætoris acceperunt, merito ad earum quoque numerum aggregari.

**HYPOTHECARIA VOCATUR.)** Sequitur II. Actio quasi Seruiana, uulgo hypothecaria uocatur. l. 3. D. ad exhibend.

**DE REBUS COLONI.)** Sequitur III. Seruiana actio persequendis coloni rebus pro mercede obligatis, domino conceditur. l. si cum uenditor. 66. D. de cuiet. ubi Papinianus ait, hanc Seruianam in rem esse, & nudam possessionem ad uocare. Finge colonum, quis res in prædium meum induxerat, mihiq; pro mercede oppignerarat, alteri tradidisse: sic ut iam unde meum seruicium, nihil reperiam: iure civili uindicare res illas non possum, quippe quæ nullo iure mea sint. Agere de dolo malo, cum dolo res alienata non sit, multo minus. Prætor igitur edixit isto modo: **QVOD A** colonis mercedis causa oppigneratum, ad alterum peruenit, eius rei creditoribus actionem dabo. Quare ad edictum suum accommodata formula, iudicium hoc dabit: **SI PATREBET** rem qua de agitur, à colono pro mercede oppigneratam esse, eiusq; cum pignus conuentum est, propriam fuisse, neq; possessor uel pecuniam debitam creditori soluat, uel ei rem cedat, tum possessor damnetur. Hanc enim illius actionis formulam esse patet ex l. 2. C. si unus ex heredibus: & ex Ciceronis epistola, de qua postea commemorabimus. Itemq; ex l. Paulus. 12. D. quib. modis pig. uel hypothec. ubi Paulus ait, eos qui pignoris iure rem persequuntur, à uindicatione rei eos remoueri solere. si qualiscunq; possessor offerre uellet: neq; enim debet quæri de iure possessoris, cum ius petitoris remoueat soluto pignore. Hoc igitur inter Paulianam, & Seruianam interest, quod illa ob res in fraudem creditorum alienatis datur, hæc etiam sine fraudatione conceditur: illa post impetratam bonorum possessionem: hæc etiam sine possessione conceditur: illa, etiam sine ulla conuentione pignoris, hæc nunquam nisi pignore contracto datur: illa & proprietatem & possessionem, hæc solam possessionem auocat. d. l. si cum uenditor. 66. D. de cuietionib. In illa rescinditur traditio: in hac nihil rescinditur, sed tantum possessio (ut Papinianus ibidem scribit) auocatur. illa locum habet tum demum, cum aliunde creditor suum seruare non potest: hæc etiam cum potest. l. 19. D. qui pot. in pign. hab. Illa nunquam nisi aduersus alienos possessiones res datur: hæc etiam aduersus dominum ipsum, si possidet. l. si quis. 36. De nox. action. Præterea cum hæc actio pignoris persequendi causa instituta sit, eoq; pignoratitia nominetur, in l. 3. §. 1. D. ad exhib. l. Titius. 9. D. quib. mod. pign. fac. l. rem aliena. 41. D. de pig. act. scire tamen oportet, eam quæ uulgo nomen hoc suum effecit, longe ab ista discrepare: nam illa debitori aduersus creditorem datur, pignus suum soluta pecunia repetenti. l. si rem. 9. §. omnis. D. eod. §. ult. supra, Quibus modis re contra obligatum creditorem, hæc aduersus extraneum possessorem conceditur. illa est bonæ fidei, hæc uero arbitraria.

**PIGNORIS IURE TENENTVR.)** Siquidem expressa de pignore conuentionio intercesserit, nam cum fructus prædij rustici tacite obligati domino fundi intelligantur, ac proinde satis cautum illi sit ab ipsis fructibus. l. in prædij. 7. D. in quibus caus. nihil opus fuit illi cautionem ex supellectilis tacito pignore querere. Itaq; constat, eam sine expressa & nuncupata conuentione non obligari. l. 4. D. eod. At in urbanis prædij dissimilis ratio est: cum enim aliunde domino cautum non sit, æquum est, res inuectas & illatas ipso iure ac tacite ipsi obligari. d. l. 4. & l. certi iuris est. 5. C. locat.

**CREDITORES PIGNORA.)** Sequitur III. Quasi Seruiana creditoribus omnibus ad pignora hypothecæ ue persequendus conceditur. l. pignoris. 17. D. de pignorib. ubi Ulpianus ait, pignoris persequutionem in rem parere actionem creditori. & l. si fundus. 16. §. 3. eod. ubi Marcianus scribit, in hac actione uindicare pignus, & queri an rem possideat is, cum quo actum est. Nam si non possideat, nec dolo fecerit quo minus possideret, absolui debet: si uero possideat, & aut pecuniam soluat, aut rem restituat, æque absolendus est: si uero neutrum horum faciat, condemnatio sequetur. Finge mihi Sempronij, mille aureos à me mutuo accipientem, domum suam oppignerasse, post eandem alienasse: iure civili uindicare illam non possum, quippe quæ nullo iure mea sit. Rursus uti posse Seruiana non uideor: cum ea nominatim de coloni rebus instituta sit. Sed adiuvamur aurea regula: Valeat æquitas, quæ in pari causa paria iura desiderat. In Seruiana res nulla, præter illas coloni, appellatur. Mens igitur, & sententia, & æquitas iuris, non uerba ponderentur. Dabitur ergo iudicium his uerbis: **SI PATREBET** eam rem qua de agitur, petitoris esse, debitorisq; fuisse cum illam oppigneraret, neq; possessor, uel pecuniam soluat, uel re ipsa cedat, possessor damnetur. Quæ ex re differentia inter Seruianam, & quasi Seruianam intelligitur. Næ illa propriè propter solius coloni res instituta est: hæc, ad cuiusuis debitoris res persequendus pertinet. Illa solas eas res quæ in fundum inductæ & illatæ sunt, persequitur, ac propterea rerum tantummodo mobilium est. l. certi iuris. 5. C. locat. hæc tum ad pignora, tum ad hypothecæ pertinet: id est, tum ad mobilia, tum ad immobilia. illa ex conuentione pignoris expressa conceditur, cum ips de robis agitur, quæ in fundum inuectæ illatæ sunt: hæc etiam si nulla nunquam oppigneratio expressa sit. Tacita enim intercessisse intelligitur. d. l. certi iuris. & l. eo iure. 4. D. in quib. caus. pign. Illa Prætoris in edicto nominatim comprehensa est, suamq; ab ipso Prætoris Seruio formulam habet: hæc à Iurisconsulto quopiam, homine priuato, ad illius instar composita, atq; in usum introducta est, sicuti uidemus apud Venuleium in l. 11. D. quæ in fraud. cred. Cassium actionem quandam ultra Prætoriam introduxisse. Itaq; tametsi formula hypothecaria uulgo nominetur, tamen persepe etiam Seruiana, interdum etiam utilis Seruiana appellatur. ut l. 1. C. de precar. l. 3. D. de pignorib. l. si creditor. 8. D. de pign. act. uerum hæc hæcenus. Illud potius considerandum est, ei qui hac utitur actione, duo probanda esse: & rem sibi oppigneratam fuisse, & cum oppignerata est, in bonis debitoris fuisse. l. & quæ nondum. 15. §. 1. D. de pignorib. nam usq; eo de proprietate iudicatur in hac actione, ut si creditor rem euicerit à possessore, possit is qui pignori dedit, aduersus illum rem postea uindictam rei iudicatæ exceptionem opponere. l. pen. §. 1. D. de except. rei iud.

**QVANTVM AD ACTIONEM.)** Sequitur IIII. Inter pignus & hypothecam quantum ad hanc actionem attinet, nihil interest. l. 5. in fin. D. de pignoribus. ubi Marcianus scribit, inter pignus & hypothecam tantum nominis sonum differre. quod sic accipiendum est, ut de sono ipso intelligatur, cum aliter sonet pignus, aliter hypotheca: non autem de ui soni.



ui soni. non enim aliud sonant, sed unum atq; idem, id est, uterq; sonus unam eandemq; rem significat. Cicero libr. de Offic. 3. **A**  
 Honestate igitur dirigenda utilitas est, & quidem sic, ut hæc duo uerba inter se discrepent, sed tamen unum sonare uideantur:  
 id est significare. Quemadmodum ergo duæ tubæ unum ueluti classicum sonare possunt, cum tamen sono differant: sic alijs  
 in rebus pignus & hypotheca unum sonant, nimirum rem pro debito obligatam, (ut mox Imperator dicit) diuerso tamen  
 & discrepante sono.

**VTRAQVE HAC APPELLATIONE CONTINETVR.)** Sunt qui ACTIONE restituendum  
 putentia quibus uehementer dissentio. Nam uox **VTRAQVE** in casu sexto est, & sensus est apertissimus: Quæcūq; res sit,  
 siue mobilis, siue immobilis, siue tradita, siue non tradita, quæ pro debito obligata sit, ea res utroq; hoc nomine contineri & des  
 signari solet. Theophilus autem uerbum pro uerbo, suo more non expressit: sententiam arbitratu suo secutus est.

**QVAE SIMVL TRADITVR.)** Sequitur V. Pignus proprie traditione fit: maxime si rei mobilis contraba  
 tur. l. plebs. 238. D. de uerb. sign. ubi Caius scribit: Pignus appellatum esse a pugno, quia res quæ pignori dantur, manu tradun  
 tur. Vnde etiam uideri posse uerum esse, quod quidam putant, pignus proprie rei mobilis constitui. Item l. si rem. 9. §. 2. D. de  
 pign. act. ubi Vlp. ait, proprie pignus dici, quod ad creditorem transit, hypothecam cum non transit nec possessio ad credito  
 rem. Verum hæc docendi causa, & ut suis quæq; res uocabulis demonstretur, a Iurisconsultis tradita sunt: cum alioqui frequen  
 tissime pignus etiam de rebus immobilibus ab illis ipsis Græcis Iurisconsultis usurpetur. ut l. si necessarius. 8. De pign. act. l. 1.  
 & alibi frequentissime. D. de pignorib.

**NUDA CONVENTIONE TENETVR.)** Sequitur VI. Hypotheca proprie dicitur eius rei, quæ nuda  
 conuentione obligatur, & rei est immobilis. d. l. si rem. & l. 1. D. de pign. act. l. 4. D. de pignorib. & eadem lege repetita in l.  
 4. D. de fid. instr. ubi Iurisconsulti scribunt, contrahi hypothecam per pactum conuenti, cum quis paciscatur, ut res eius pro  
 pter aliquam causam sint hypothecæ nomine obligatæ. Cicero etiam lib. Epist. fam. 13. hypothecæ hoc eodem modo appele  
 lat: non quæ creditori traditæ sunt, sed nuda conuentione obligatæ. Præterea, inquit, Philotes Alabandensis hypothecæ Clu  
 uio dedit: hæc commissæ sunt. Velim cures, ut aut de hypothecis decedat, easq; procuratoribus Cluuij tradat, aut pecuniam solu  
 uat. Hinc formula hypothecaria dicitur formula pacti, quo de pignore obligando conueniebat. l. 3. 4. 11. & alibi persæpe.  
 D. de pignoribus. **B**

Prætoris edicto, etiam in personam actiones institutæ sunt, de pecunia constituta, rece  
 ptitia (quæ tota tamen Iustiniani imperio, in illam translata est) de pe  
 culio, de iureiurando, aliæq; complures. l. j. & pass. D.  
 de const. pec. l. ij. C. eodem.

**VIII. In personam quoq; actiones ex sua iurisdictione propositas habet Prætor:** ueluti de pe  
 cunia constituta, cui similis uidebatur receptitia: sed ex nostra constitutione (cum etsi quid ple  
 nius habebat, hoc in actionem pecuniæ constitutæ transfusum est) ea quasi superuacua, iussa est  
 cum sua auctoritate à nostris legibus recedere. Item, Prætor proposuit actionem de peculio seruor  
 um filiorumq; familiarum: ut eam, ex qua quæritur an actor iurauerit, & alias complures.

**DE PECVNIA CONSTITVT A.)** Enunciatio I. Actio de pecunia constituta, in personam est, & Præto  
 ris edicto introducta. l. 1. D. de pec. const. Idq; paulo post commodiore loco demonstrabitur. Est autem Constitutuere, creditori  
 sine stipulatione promittere, se pecuniam, uel à se, uel ab altero debitam certa die soluturum: quod in ijs nominibus quæ in diem  
 sunt, fieri consuevit. ueluti si tibi annua, bima, trima die pecuniam deberem, & constituam me annua die persoluturum: nam  
 (ut ait Vlp. in l. 3. D. eod.) propter has potissimum pecunias quæ nondum peti possunt, constituta sunt inducta.

**SIMILIS VIDEBATVR RECEPTITIA.)** Sequitur II. Actionis constitutitiæ olim similis erat rece  
 ptitia. l. 2. C. eod. Vnde intelligimus receptitiam actionem propter argentarios institutam fuisse, & hoc à constitutitia discre  
 passe, quod illa contra solos argentarios, hæc contra omnes qui constituisent: illa in quibusuis rebus, hæc in ijs tantum quæ  
 pondere, numero, mensura constant, locum habebat. Recipere ergo dicebatur argentarius, qui quod alicui expensum tulerat,  
 sine stipulatione promittebat se certa die soluturum. Cuius consuetudinis etiam mentio fit in l. 6. §. ratio. D. de edendo. Moris  
 autem fuisse, ut argentarij ciuium Rom. pecuniam penes se haberent, multis locis docuimus. Quare si roganti alicui, ut pecuniã  
 quæ collocata apud ipsos fuerat, redderent, diem aliquam constituerent, qua id se facturos recipere, Receptitia actione teno  
 bantur: quam solennibus uerbis compositam fuisse Iustinianus in d. l. 2. testatur.

**TRANSFVSVM EST.)** Sequitur III. Actio receptitia in constitutoriam imperio Iustiniani translata est. l. 2.  
 C. de const. pec. ubi Iustinianus statuit: ut liceat omnibus constituere, non solum res quæ pondere, numero, mensura consistunt,  
 sed etiam alias omnes, siue mobiles, siue immobiles, siue sese mouentes, siue instrumenta, uel alias quascumq; res, quas in stipula  
 tionem possint homines deducere. Item ut liceat pro debito pure, uel in diem, uel sub conditione constitui.

**DE PECVLIO SERVORVM.)** Sequitur IIII. Actiones de peculio, ac iureiurando in personam sunt, &  
 ex Prætoris edicto manant. l. 1. D. de pecul. l. 1. D. de iureiur.

**ET ALIAS COMPLVRBS.)** Veluti exercitoriam, institoriam, tributoriam, quod iussu, depositi quatuor de  
 causis, &c.

Aduersus eum qui se suo alteriusue nomine soluturum constituit, constitutoria  
 datur actio: at si stipulatio adhibita est, ex stipulatu dabi  
 tur. l. j. & pass. D. de const. pec.

**IX. De constituta autem pecunia cum omnibus agitur, quicunque pro se, uel pro alio solu  
 ros se**



**A** ros se constituerint: nulla scilicet stipulatione interposita. nam alioqui si stipulanti promiserint, iure civili tenentur.

**PRO SE, VEL PRO ALIO.)** Enunciatio I. Siue pro se, siue pro alio aliquis constituerit, prætorio iure obligatur. l. eum qui. §. 2. eod. ubi Vlpianus ait: Et te, id quod ego debeo constituentem teneri: & quod tibi debetur, si mihi constituitur deberi. Quamobrem autem hæc obligatio Prætoria sit, non difficile intellectu est. Constat enim ciues Rom. ius civile sic habuisse constitutum, ut ex nudo pacto, sine stipulatione non obligarentur. Quapropter ex nudis hisce constitutis nulla prodita fuerat actio. Hoc igitur edicto Prætor æquitati naturali fauens, (ut ait Vlpianus) constituta ex consensu facta custodit: quoniam graue est fidem fallere. Ut autem hæc actio daretur, necesse erat, id quod constituebatur, deberi. l. hæc tenus. 11. D. eod. & l. 1. ubi Vlpianus ait, debitum quacumq; ex causa posse constitui: id est, ex quocumq; contractu, siue certi, siue incerti. Debitum autem, uel natura sufficiebat, uel etiam iure honorario. Item in l. 5. §. 2. Quod exigimus, inquit, ut sit debitum quod constituitur, in rem exactum est: non utiq; ut is cui constituitur, creditor sit. Nam ei quod ego debeo, tu constituendo teneberis, & quod tibi debetur, si mihi constituitur, debetur. Formulam autem iudicij Vlp. exponit in l. 16. 17. 18. D. eod. **SI APPAREBAT** Mæuium Titio pecuniam constituisse, eamq; pecuniam cum constituebatur, debitam fuisse, neq; Mæuius aut soluat, aut faciat id quod constituit: ac per actorem non steterit, quo minus fieret quod constitutum est, tum Mæuius damnetur. Nunc priusquam ad aliam actionem transcamus, non incommodum uidetur, duo Pauli responsa quæ pugnare inter se uidentur, conciliare. Nam cum in l. 8. D. hoc tit. planissime dixisset, eum qui mihi aut Titio stipulanti sponderat, ac postea soli stipulatori constituerat, si Titio soluisset, nihilominus alteri teneri: tamen in l. si ita stipulatus. §. 9. D. de solut. ita respondit, si ita stipulatus, Mihi aut Titio dare spondes? & debitor constituerit, se mihi soluturum: quamuis mihi competat de constituto actio, potest adhuc adiecto soluere. Nam, ut opinor, hæc ita accipienda sunt, ut ipso iure non liberetur, sed per exceptionem: quemadmodum uideamus Caium in l. ult. §. ult. D. de uerb. obligationibus scribere, cum mihi aut Titio stipulor, si Titio ea res soluta sit, quæ in eius personam designata fuit, licet ipso iure promissor non liberetur, per exceptionem tamen defendi. Eodemq; pertinet Pauli responsum in l. penult. D. de const. pec. Si quis duobus pecuniam constituerit, tibi aut Titio, etsi stricto iure propria actione pecunie constitutæ manet obligatus, etiamsi Titio soluerit: tamen per exceptionem adiuuatur.

**ALIOQVI SI STIPVLANTI.)** Sequitur II. Ex constituto per stipulationem factum, non hæc, sed civilis actio conceditur. Nam etsi quibuscumq; uerbis constitui possit, ut ait Vlpianus in l. qui autem. 14. D. eod. tamen ubi stipulationis formula interposita est, satis constat civilem esse obligationem: ac propterea civilem actionem nasci. Quamquam hoc loco accurata quadam & diligenti animaduersione opus est: nam si prius ex stipulatione pecunia debebatur, & postea constitutum per stipulationem factum sit, non aliud dicendum erit, quam quod superius sub tit. Quibus mod. oblig. solu. dicebamus: eum qui à suo ipso debitore nouandi animo stipulatur, nisi noui quid afferat, nihil agere. quapropter opus est, ut superioris stipulationis formula mutetur. sin autem aut natura, aut iure prætorio debebatur, commodissima stipulatio est, quæ obligationi confirmat. Sed queri uideo, an si solum constitutum factum sit, pristina obligatio extinguatur. Nam si quidem naturalis fuit obligatio, constituti utilitas manifesta est: sin autem civilis, siquidem eius modus non immutetur, constitutum magnam utilitatem non habet: si mutetur, ueluti si sub conditione, uel in diem debitum pure constituatur, dubitari potest, an priori actione uti non liceret, sed cum nouum non sit, ut duæ obligationes in eiusdem persona, de eadem re concurrant. l. non est nouum. De oblig. & act. l. hæres. §. non est nouum. D. de fideiuss. Vlp. respondit, non modò non extingui priorem obligationem, uerum etiam quod uis actum sit constitutitia, nisi tamen solutio facta sit, agi ex ea posse. l. item illa. 18. §. uetus. D. de const. pecun.

*Aduersus patres dominosue, ex contractu filiorum familiâs, seruorumq; actio prætoria, quatenus in peculio est, conceditur. l. j. & pass. De pecul.*

**C** X. Actiones autem de peculio, ideo aduersus patrem dominumue comparauit Prætor: quia licet ex contractu filiorum, seruorumue ipso iure non teneantur: æquum tamen est peculio tenus (quod ueluti patrimonium est filiorum filiarumq; familiâs, item seruorum) condemnari eos.

**ADVERSVS PATREM DOMINVMVE.)** Enunciatio I. Ex filijsfam. seruitue contractu, prætoria actio de peculio aduersus patrem, dominumue conceditur. l. 1. & pass. D. de pecul. sed cum peculium aliud sit Castrense, aliud Aduentitium, aliud Profectitium, quemadmodum in Commentario uerborum iuris explicauimus: uidendum est, utrû de omnibus, & si non de omnibus, de quo istud intelligi oporteat. Nam de castrensi quidem intelligi non posse, uel ex eo constat. quod patresfam. in eo ius habent nullum. l. 3. C. de Cast. pecul. & filijsfam. patrumfam. locum ac ius, cum de eo agitur, obtineant. l. 3. D. ad Macedon. & l. ex castrensi. 18. in fi. D. de cast. pecul. ubi Marcianus ait, cum hoc peculium à patris bonis separatur, defensionis necessitas patri non imponendam. quod eodem modo de quasi Castrensi peculio intelligendum est, cum nec in eo pater ius ullum habeat. l. cum multa. C. de bon. quæ lib. Aduentitium autem eiusmodi est, ut cum ex Iustiniani constitutione, solus eius ususfructus ad patrem pertineat, is eius nomine non nisi tanquam legitimus administrator conueniri possit. l. cum opus. l. fi. C. de bon. quæ lib. Relinquitur ergo ut ad Profectitium peculium solum hæc actio pertineat: hoc est, ad illud quod opera & industria sua non parauit, sed ex patris liberalitate accepit. Nam cum illud in patris potestate sit, si filio eius administrationem permittat, tacite & ui ipsa demonstrat, se, quatenus in peculio est, obligari uelle. Cum enim ad ipsum emolumentum pertineat, æquum est eum ex ipsius causa obligari: etiamsi cum eo contrahi prohibuerit. l. si quis. 29. eod. quod si sine dolo malo administrationem ademerit, non tenebitur. l. in summa. 21. D. eod. Formula igitur hæc erit, **SI PATERET** filium (seruumue) Cornelij Nigidio ex causa peculij, cuius administrationem habebat, centum debere: idq; peculium ex eo locupletatum esse, neq; Cornelius Nigidio ex eo peculio satisfaciatur, tum Cornelius damnetur.

**LICET EX CONTRACTV FILIORVM.)** Sequitur II. Neq; pater ex filij, neq; dominus ex serui contractu civili iure obligatur. l. 1. C. ne fil. pro patre. & l. penult. C. quod cum eo qui. Nam (ut ait Vlpianus in l. tam ex contracti



bus. 57. D. de iudic.) tam ex contractibus, quam ex delictis in filiumfam. competit actio. & Caius l. 39. D. de oblig. & act. F. l. iusfamilias ex omnibus causis tanquam paterfamilias obligatur. & ob id agi cum eo, tanquam cum paterfam. potest. Cum igitur ius civile filiosfam. obligaret: nisi forte pecuniam mutuo acciperent (propter legem Letoriam, & S. C. Macedonianum) uidebatur aduersus patrem dari actionem non oportere. Nam siquidem liberi deliquerant, olim noxalis actio dabatur: sin contraxerant, neq; soluendo essent, & iudicatum non facerent, nexi addicebantur. Verum hæc quidem de filijsfam. nam seruatorum alia ratio est, qui ex contractibus suis non nisi naturaliter obligantur. l. serui. 14. l. obligari. 43. D. eod.

AEQVVM TAMEN EST.) Sequitur III. Actio de peculio ex bono & aequo introducta est. nam cum ad patrem & dominum emolumentum illorum contractuum pertineat, ac propterea peculium profectitium cum hereditate paterfamilias confundatur. l. 1. D. si a par. quis. æquum est eorum onus, quatenus contrahendi causa, id est, peculium ferre poterit, ad eosdem pertinere. l. natura. D. de condic. indeb. nam (ut ait Vlpianus in l. 1. D. eod.) ita datur in patrem aut dominum hæc actio, si locupletius peculium factum est. Præterea parentes cogebantur pati suos filios nexos addici creditoribus, si iudicatum facere non possent. Eodem accedit quod neq; pater, neq; dominus hac actione soluere cogitur, nisi postquam id deduxerint, quod sibi naturaliter debetur. l. penul. C. quod cum eo, & c. l. sed si. 9. §. 2. D. hoc tit. ubi Vlpia. ait: Peculium deducto quod domino debetur, computandum esse, quia præuenisse dominus, & cum seruo egisse uideatur item & si quid his debeat qui sunt in eius potestate.

PATRIMONIUM EST FILIORVM.) Sequitur IIII. Peculium quasi quoddam filiorum & seruatorum patrimonium est. l. si ex duobus. 32. D. illo tit. ubi Vlpianus ait, eum qui cum seruo contrahit, uniuersum peculium eius, quod ubicunq; est, ueluti patrimonium intueri. Patrimonium autem per alluionem dixit, cum patrimonium proprie in paterfamilias ponatur, pro quibusuis eius fortunis: siue illæ relictæ, siue quasitæ sint. Sic dos quasi patrimonium filiarum esse dicitur in l. 3. D. de minoribus.

*Aduersus eum cuius postulatu petitor eam summam quam petebat, deberi sibi iurauit, Prætor datur actio. l. v. & ix. D. de iureiur.*

XI. Item si quis postulante aduersario iurauerit, deberi sibi pecuniam quam peteret, neque ei soluatur: iustissimè accomodat ei talem actionem, per quam non illud quæritur, an ei pecunia debeat, sed an iurauerit.

DEBERI SIBI PECVNIAM.) Enunciatio I. Is cuius postulatu actor deberi sibi pecuniam curauit, prætorio iura obligatus est. l. nam posteaquam. 9. D. de iureiur. ubi Vlpia. ait, actorem iureiurando dato, actionem adquirere. & l. qui iurasse. 26. in fi. ubi Paulus ait, iusiurandum ex conuentione proficisci. Nam qui actori iusiurandum deferret, si actor conditionem accipiat, quasi quodam modo contraxisse cum eo uidetur. Etenim (ut scribit Vlpia. in l. 1. D. quar. rer. except. non det.) qui aduersario iusiurandi deferret, eum de causa sua iudicet facit. quod Aristot. lib. Rhetor. ad Theodect. 1. his confirmat uerbis: *εἰς τὸ δίκαιον, ὅτι οὐ γὰρ τὸ τίς τις εἰσφέρειται, ἀλλ' ὅτι δόξῃ αὐτοῦ ἀλλοτρίῳ λέγειν. αὐτοῦ γὰρ γὰρ δίκαιον, ὅτι ἐκείνου* neq; Vlp. Aequum igitur Prætor arbitratus est, reum ex hoc iureiurando sic obligari, ut non amplius in dubium uocetur, uerumne illud sit quod iurauit, an non, sed utrum iurauerit, necne: quasi cum actore ita conuenisset, ut si sibi deberi iuraret, debere se faceret. Quod Prætoris edictum ad Reipub. Rom. rationem, & populi Rom. religionem accommodatum est: quæ tanta fuit, ut quæri de periurio cuiusquam in iudicio non liceret. l. 3. & pass. D. eod. l. aduersus. 15. D. de except. Nam (ut ait Cic.) nullum uinculum ad stringendam fidem iureiurando maiores artius esse uoluerunt. Itaq; Polybius lib. de Repub. 6. Rom. religionem & integritatem in iureiurando conseruando, maiorem in modum collaudat, eosq; Græcis anteposit, quibus si quid creditum sit, quamuis multis cautionibus ac testibus interpositis, tamen ludus est fidem fallere, & debitam pecuniam abiurare: cum apud Romanos raro id uisueniat.

AN EI PECVNIA DEBEATUR.) Nam ea quæstio & controuersia per iusiurandum decisa est. l. 1. & 2. D. de iureiur. ubi etiam Paulus ait, iusiurandum maiorem habere vim, quam rem indicatam.

SED AN IURAVERIT.) Sequitur II. Hoc iudicio, non debeaturne pecunia, sed iuratumne sit eam deberi, exquiritur. d. l. 9. ubi Vlp. ait, in hac actione hoc solum quæri, an iurauerit dari sibi oportere; uel cum iurare paratus esset, iusiurandum ei remissum sit. Item l. 5. ubi idem scribit: Dato iureiurando, non aliud quæri quam an iuratum sit: remissa quæstione an debeat: quasi satis probatum sit iureiurando. Quod usque adeo uerum est, ut Paulus l. in duobus. 28. in fi. scribat: Si ambo iureiurando uicissim delato iurarint, alter se debere, alter se non debere: posteriorum causam iusiurandi potiorum haberi, nec tamen præiudicium alterius periurio fieri: quia non quæretur, an dare eum oporteat, sed an actor iurauerit. Itaq; idem in l. eum qui. 30. dici posse ait, hoc iudicio non principalem causam exerceri, sed iusiurandum actoris conseruari. Quod cum ita sit, sequitur etiam ut illud concludatur, ubi iuratum esse constat, hanc actionem non dari: sed paratam executionem esse. Apparet etiam ex ijs quæ diximus, non quoduis iusiurandum a Prætoribus comprobari, sed illud demum quod ab aduersario, uel iudice delatum est: nam (ut ait Vlp. in l. 3.) si quis iurauerit, nemine ei iusiurandum deferente, Prætor id iusiurandum non tuebatur. Sibi enim iurauit: alioquin facillimus quisq; ad iusiurandum decurrens, nemine sibi deferente iusiurandum, conuictus actio num se liberabit. Formula igitur actionis hæc erit: SI PATERET Octauium, Septimio deferente, iurasse sibi dari oportere, neq; ei satisfiat, tum Septimius damnetur. Sed illud obscurius est, de quo iureiurando hic agamus: utrum de eo quod Prætor iudexue detulit, an quod ipsi inter se litigatores, uel in iudicio, uel extra iudicium detulerunt. Prætor enim deferre soleat, patet ex l. iusiurandum. 34. §. ait Prætor. D. eod. Et quidem neq; de Prætorio, neq; de iudiciali agi, uel hinc licet intelligatur, quod ibidem Vlpianus ait, Prætorum coacturum reum, ut soluat: iudicem uero, cumdem cōdemnaturum. nam (ut ait Caius in l. admonendi. 31.) solent sæpe iudices in dubijs causis ex actō iureiurando, secundum eum iudicare qui iurauerit. Relinquatur ergo, ut ad conuentionale iusiurandum hæc actio pertineat: quod extra iudicium, uel ante contestatam, uel post contestatam litem delatum & acceptum est. Præsertim cum hæc actio, ut iam ante dictum est, propter quendam quasi contractum & conuentionem partium instituta sit.



**A** Ex edicto Prætoris etiam pœnales actiones instituta sunt, in albi corruptorem, in eum qui patrem patronumue in ius sine uenia uocauit, in eum qui uocatum in ius ui exemit, eximendumue dolo malo curauit. l. vii. de iurisdic. l. iiii. & pass. De in ius uoc. l. j. & pass. D. ne quis eum.

**XII.** Pœnales quoque actiones Prætor bene multas, ex sua iurisdictione introduxit: ueluti aduersus eum qui quid ex albo eius corrupisset: & in eum qui patronum uel parentem in ius uocasset, cum id non impetrasset: item aduersus eum qui ui exemerit eum, qui in ius uocaretur, cuiusue dolo alius exemerit, & alias innumerabiles.

**POENALES QVOQUE ACTIONES.)** Enunciatio I. Prætor etiam pœnales actiones edicto suo constituit. Hæc autem actionum Prætoriarum species, pars est superioris partis proxima: qua personales Prætorias constituimus. Tantum ab illis hoc differunt: quod illæ aduersus eos qui ex quasi contractu, hæc uero aduersus eos qui ex delicto obligati sunt, conceduntur. Species enim delicti est, album corrumpere, parentem aut patronum in ius, sine uenia contra Prætoris edictum uocare, in ius uocatum eripere.

**EX ALBO EIVS CORRUPISSET.)** Sequitur II. In eum qui Prætoris album corrumpit, pœnalis à Præatore actio constituta est. l. 7. D. de iurisdic. ubi Vlp. ait: Si quis id quod iurisdictionis perpetuæ causa, non quod prout res incidit, in albo, uel in charta, uel alia materia propositum erit, dolo malo corruerit: dari in eum quinquaginta (sic enim legendum est) aureorum iudicium. Est autem Album, tabula in qua Prætor edictum suum perscripsit, palam, ut cuique legendi potestas sit, proposita. Sed intelligendum est, duo edictorum genera fuisse: unum perpetuum, id est annuum, & per uniuersum Prætoris imperium (quod annuum erat) permanens: alterum, paucorum dierum, ueluti citatorium, peremptorium: de quibus in l. peremptorium, & ll. seq. D. de iudic. Vlpianus autem in d. l. 7. demonstrat hanc actionem ad illud superius, id est, perpetuum edictum pertinere: opinor, quia popularis hæc actio constituta est, quæ tum datur, cum totius Reipub. interest. cum uero illa temporalia & breuia edicta corrupta sunt, unius duntaxat actoris interest, ac propterea non publica, sed priuata actione uti debet. Popularem enim esse hanc actionem, Vlpianus ibid. affirmat: id est, quæ non uni alicui quasi propriè læsa & iniuria affecto, sed cuius ex populo quasi uniuersa Rep. læsa conceditur. Quod cum ita sit, uideamus ne huic disputationi locus sub hoc tractatu non satis commodè sit attributus: in quo priuata actiones explicantur: id est, quibus id quisque quod sibi debetur, persequitur: quemadmodum in definitione dictum est, cum per actiones populares non quod nobis, sed quod Reip. debetur, persequamur. Ideoque non Recuperatores dabat Prætor, & formulam usitatam, SI PATERET, sed uel Prætor ipse cum consilio, uel Centumuirum iudicium istud exercebant. Quæri autem potest, cum actio Aquiliana ob res corruptas datur, an non hoc casu satis esse potuisset? Respondemus, nequaquam: quoniam illa priuati damni refarciendi, hæc iniuriæ publicæ causa instituta est.

**PATRONVM VEL PARENTEM.)** Sequitur III. In eum qui parentem patronumue in ius sine uenia uocauit, pœnalis à Præatore actio constituta est. l. 4. & pass. D. de in ius uoc. unde intelligimus, id quod de patre Iustinianus hoc loco dixit, non modò ad omnes maiores, uerum etiam ad parentes non legitimos pertinere, quod uero de patrono, idem etiam de ipsius parentibus & liberis Prætoris edixisse. Præterea sciendum est, quod de liberis hoc loco dicitur, id de solis emancipatis accipiendum esse: cum inter filiumfam. & patrem his institui non possit. l. lis nulla. D. de iudic. l. ult. C. de in ius uoc. Porro ne illud quidem prætermittendum est, causam huius edicti fuisse Reipub. Romanæ consuetudinem, in qua uocatio in ius, uis quedam erat: ut alibi docuimus. Nam si uocatus ire recusaret, ob torto collo ducebatur. Lædi autem ista actione pietatem, quæ patri etiam ab emancipatis debetur, nemo non uidet. Quod cum ita sit, dubitari posset, an his moribus, quibus per uiatores aliam quem in ius uocamus, magnoperè hoc edictum esset necessarium. Verum utcumque sit, hæc actio Prætorica est: est & in personam, & ex quodam quasi delicto nata, & pœnalis, si quidem quinquaginta aureorum multa est. l. 1. & penulti. & ulu. D. eodem. Priuata præterea, non popularis. Solus enim pater aut patronus læsus est: quare priuatum dabitur iudicium: SI PATERET M. Hortensium Quintum patrem suum, in ius sine mea uenia uocasse, tum M. Hortensius patri suo quinquaginta aureos dare damnetur.

**QVI VI EXEMERIT EVM.)** Sequitur IIII. In eum qui uocatum in ius ui exemerit, pœnale à Præatore iudicium constitutum est. l. 1. & pass. D. ne quis eum. Pœna autem longè alia est, quàm superiorum: nam neque definita est, & admodum magna esse potest. Litis enim æstimationem cogitur exemptor soluere: quemadmodum Vlpianus his uerbis docet in l. penult. eod. In eum autem qui ui exemit, in factum iudicium datur: quo non id continetur quod in ueritate est, sed quanti ea res est ab actore æstimata, de qua controuersia est. Hoc enim additum est, ut appareat, etiam si calumniator quis sit, tamen hanc pœnam eum persequi. Quibus uerbis non significatur actorem in litem iuraturum, ut uulgò existimatur, sed eam rem æstimaturum, quam petebat: ut exemptor, etiam si res non deberetur, tamen eius æstimationem soluat. Eiusmodi ferè pœnam, in eum per quem factum erit, quo minus quis in iudicio sistat, à Præatore constitutam Iulianus docet in l. 3. D. eodem tit. Formula igitur huius nostræ actionis hæc erit: SI PATERET L. Titium, cum in ius à Sempronio uocatus esset, ui à C. Seio exemptum ita esse, ut in ius non perduceretur, tum quanti ea res à Sempronio æstimabitur, de qua controuersia erat, tanti C. Seius damnetur.

*Præiudiciales actiones in rem sunt: de libertate, de libertinitate, de partu agnoscendo: quarum prima civilis, reliquæ prætorie sunt.*

**XIII.** Præiudiciales actiones in rem esse uidentur: quales sunt per quas quæritur, an aliquis liber, an libertus sit, uel de partu agnoscendo. Ex quib. ferè una illa legitimam causam habet, per quam quæritur, an aliquis liber sit. Cæteræ ex ipsius Prætoris iurisdictione substantiam capiunt.







**A** uerberibus affecisset, Curio assertorem ei comparauit. dein, quum appareret eum exitum iudicij illius futurum, ut is liber iudicaretur quem Metellus uerberibus affectum a se negare non poterat: inter Metellum & Curionem facta pactio est, ut neque arbitrium de libertate urgeret in Metellum Curio, neque Metellus perstaret in accusatione Curionis. Hæc Aſconius, qui nomen natum hanc de causa liberali cognitionem, modo iudicium, modo arbitrium appellat: tamen si uerè præiudicium hoc esset. Similis ratio est eius causæ quam Vlpianus commemorat in l. penult. D. de noxal. action. Si ad libertatem proclamauerit is, cuius nomine noxale iudicium susceptum est, sustineri debet id iudicium, quoad de statu eius iudicetur. & sic, si quidem seruus fuerit pronunciatus, noxale iudicium exercebitur: si liber, inutile uidebitur. Quæ quanquam ita se habeant, tamen hoc uerum est, quod scribit Vlpianus in l. ult. D. si ingenuus esse dic. etiam si causa alia nulla interuenerit, id est, alia controuersia nulla instituta sit, quoties de libertate aut ingenuitate alicuius agitur, præiudicium reddi. Quod autem Theophilus scripsit, præiudicium esse formulam ex sola intentione constantem: uerum est id quidem, sed ab ipso, ut opinor, non satis intellectum. Nam his actionibus uerum est non intendi, aliquem dare, aut restituere oportere: sed simpliciter postulari, ut aliquis liber, aut seruus, filius, aut non filius pronunciatur: hæc enim fortasse formula utebantur. Hunc ego hominem ex iure Quiritium liberum esse aio, eumq; liberali assero causâ manu: uel sic, Hunc ego hominem seruum esse, meumq; ex iure Quiritium mancipium esse aio. Item, Hunc ego hominem, cum apud me iustam seruitutem seruaret, a me manumissum, meumq; libertum esse aio. Quod autem Theophilus illud ita interpretatur, quasi is qui ad libertatem proclamaret, præcisè diceret, SI APPARET me liberum esse, neque adderet, Condemna eum iudex, ridiculum, & longiore reprehensione indignum est. nam ut illa præfatio ne usus esset, tamen hoc addere debuisset, TV M me liberum esse pronunciato. Hæc enim sententiæ ratio fuit, ut aliquis seruus, liber, ingenuus, aut libertus uideri esse pronunciaretur: sicuti superius docuimus ex l. diui. 27. D. de liberal. causâ: facit l. circa. 14. D. de probat. l. adoptium. 8. D. de in ius uocand. Atq; hæc quidem hæcenus. Deinceps autem uidendum est, in istiusmodi controuersijs quis actor, quis item reus appellari debeat, quod Vlpianus apertè definit in l. generaliter. 12. D. de except. Generaliter, inquit, in præiudicij is actoris partes sustinet, qui habet intentionem secundum id quod intendit. Qui locus, si hoc modo ab Vlpiano scriptus est, hanc habet, ut opinor, sententiam: Eum, cuius postulatu iudicium in ea uerba constitutum est, quibus in intentione est usus, actorem esse: quasi diceret, eum qui habet intentatum institutumq; iudicium in ea uerba, quibus apud Prætorem iudicium postulauit. Sponsio enim, aut Sacramentum in certa uerba fiebat: Ni meus sis seruus: Ni ego sim liber: Ni meus sis libertus: Ni ego sim ingenuus: Ni hic filius tuus sit. Idq; Vlpianus his declarat uerbis in l. 14. D. de probat. Circa eum qui se ex libertinitate ingenuum dicat, referendum est, quis actoris partibus fungatur. & si quidem in possessione libertinitatis fuit, sine dubio ipsum oportebit ingenuitatis causam agere: docereq; se ingenuum esse. sin uerò in possessione ingenuitatis sit, & libertinus esse dicatur, scilicet eius qui ei controuersiam mouet, hoc probare debet qui eum dicit libertum suum. quid enim interest, seruum suum quis, an libertum contendat? Si quis autem fiducia ingenuitatis suæ, ultrò in se suscipiat probationes, ad hoc ut sententiam ferat quod pro ingenuitate facientem, hoc est, ingenuum se esse ut pronunciatur: an obtemperare ei debeat, tractari potest. Et non ab re esse opinor, morem ei geri probanti se ingenuum, & sententiam secundum se dandâ, cum nulla captio intercedat iuris. Item l. 18. D. eodem. Quoties operæ quasi à libertis petuntur, probationes ab eo qui se patronum dicit, exiguntur. Et ideo Iulianus scripsit, licet in præiudicio possessor patronus esse uideatur, uerum partibus actoris non libertum fungi debere: sed eum qui se patronum esse contendit. Et l. 8. eodem. Si filius in potestate patris esse neget, Prætor cognoscit, ut prius doceat filius. quia & pro pietate quam patri debet præstare, hoc statuendum est, & quia si liberum esse quodammodo contendit. ideo enim & qui ad libertatem proclamat, prior docere iubetur. Superest ut illud adiciamus, nequaquam existimandum esse, his solas tres præiudiciales actiones esse. Video enim primum in l. 1. D. de rei uind. Vlpianum scribere, Si liberis personis quæ in nostra potestate sunt, petere uelimus, præiudicio agendum esse: ut hæc formula esse uideatur, Aio hunc filium meum esse: uel sic, Aio hunc ex iure Quiritium filium meum esse. nihil enim impedit, quo minus hanc quoque clausulam, perinde ut in rei uindicatione, adscribamus. Præterea idem in l. 3. D. de lib. agnosc. apertè ait, si dubitetur an aliqua mulier uxor fuerit, locum esse præiudicio. Quamobrem haud scio an generaliter affirmare possimus, quoties de statu personæ alicuius agebatur, toties præiudicium reddi solitum fuisse: de quo tamen eruditiores considerare poterunt. Nunc ad Iustinianum nostrum reuertamur.

**C** AN ALIQUIS LIBER.) Sequitur II. Præiudicialis actio in qua de libertate alicuius ambigitur, in rem est. Quod tamen obscurum alicui uideri possit: cum actiones in rem propter res priuatas, id est, quæ in hominum commercio sunt, institutæ sint: nimirum ut quis dominum eius se esse dicat. l. actionum. 25. D. de oblig. & act. & §. 1. supra eod. Caput autè actiois Rom. siue status hominis, non priuata, sed publica res est, & extra patrimonium commerciumq; hominum posita. Causa autem liberalis hæc uocatur, quæ duplex est, aut enim è seruitute in libertatem: aut contrà è libertate in seruitutem aliquis una dicatur. Illa olim à quouis institui poterat, qui se assertorem aut uindicem profiteretur: his uerbis utebatur, Hunc ego hominem liberali assero causâ manu. Cuius rei apud Plautum & Terentium exempla sunt. Huius autem actionis hæc erat, in fauorem libertatis, instituta ratio. primum ut iudiciæ secundum libertatem dicerentur: id est, ut interea in possessione libertatis esset is, cuius de libertate agebatur: quem admodum ex historia Virginie notum est omnibus, & l. lite. 14. C. de lib. causâ. l. ordinata. 24. & alibi sepe. D. eod. Deinde tribus semper actionibus hoc iudicium exercebatur. nam si assertor uinceretur, ad alteram & item alteram assertionem ueniebatur: sicuti patet ex l. 2. C. de assert. toll. unde Assertiones secundæ, in quibus præiudicia uersari Fabius scribit, libro 5. cap. 2. & lib. 2. cap. 1. Eoq; is Ciceronis locus insignis pertinet, quem superius ex Oratiois pro Domo sua retulimus, ubi hoc solo casu rem iudicatam referri licere scribit. Altera uerò liberalis actio ab ijs instituebatur, qui se dominos alicuius esse contendebant: & his fortasse uerbis utebantur: Hunc ego hominem seruum esse, meumq; ex iure Quiritium mancipium esse aio. Vtrum autem hæc actio popularis sit, dubitari potest: cum ferè non ea quisquam utatur, nisi qui se dominum intendit. Sed certè eam priuata rei dici non possit, quippe cum de libertate agatur, probabilis est, ut ex hac quoq; parte popularis existimetur: quasi non tantum dominus: sed etiam quiuis alius pro suo in Reipublico studio, cum qui se liberum ementur uocare in ius possit, præsertim cum olim de ciuitate hic ageretur: quoniam, ante legem Acliam Sentiam, qui liberi, ijdem etiam ciues erant: ut libro primo docuimus.

VEL AN LIBERTVS.) Sequitur III. Præiudicialis actio, qua utrum ingenuus an libertus quis sit, quaritur,



in rem esse uidetur. De quo priusquam explicemus, breuiter qualis huius actionis natura sit, exponendum uidetur. Hæc actio **A**  
 duplex est: tam enim à patrono in libertum, quam ab hoc uicissim in illum intenditur. uti patet ex l. Circa. 14. D. de probat.  
 quæ tamen cum l. quoties. 18. pugnare quodammodo uidetur. ubi Vlpianus sic scribit: Quoties operæ quasi à liberto petuntur,  
 probationes ab eo qui se patronum dicit exiguntur. licet enim in præiudicio possessor patronus esse uideatur: tamen partibus  
 actoris non libertus fungi debet, sed is qui se patronum esse contendit. Sed hæc ad iudicandum facillima sunt. posterius enim  
 Vlp. de patroni actione loquitur: qui ius patronatus petens, actoris partes obtinere merito dicitur. Vbi uero ius ingenuitatis  
 ab altero petitur, consentaneum est, eum probationis onus sustinere. Itaque, alter eiusdem locus intelligendus est in l. ult. D. si  
 quis ingen. esse dic. Quoties (inquit) de hoc contenditur, an quis libertus sit: siue operæ petantur, siue obsequiū desideretur, siue  
 etiam famosa actio intendatur, siue in ius uocetur, siue quis se patronum dicit: siue nulla causa interueniat, redditur præiudicium.  
 Sed & quoties quis libertinum quidem se confitetur, liberum autem C. Seij se negat: idem præiudicium datur. Redditur  
 autem alterutro desiderante: sed actoris partibus semper qui se patronum dicit fungitur: probareque libertum suum neces-  
 se habet, aut si non probet, uincitur. Hæc cum ita sint, deinceps uidendum illud est, quod Iustinianus scribit, Hanc actionem uis-  
 deri in rem esse. nam cum de re priuata, & quæ in hominum commercio sit, non agatur, quomodo in rem actio dici potest?  
 Sed respondetur iccirco Iustinianum non præcisè dixisse in rem esse, sed uideri duntaxat. non enim intenditur aliquem dare,  
 aut facere oportere, sed agitur de re, hoc est uel de iure patronatus, uel de iure ingenuitatis: quod quia constituto iudicio peti-  
 tur, in rem esse hæc actio quasi quodammodo procul aspicienti Triboniano uidetur. Formula igitur eius qui ad ingenuitatem  
 proclamat, hæc erit: Aio me ex iure Quiritium ingenuum esse, neque unquam iustam seruitutem seruuisse. Eius autem qui se  
 patronum contendit, hæc erit: Hunc ego hominem à me, cum mihi iustam seruitutem seruiret, manumissum, meumque li-  
 bertum esse aio.

DE PARTV AGNOSCENDO.) Sequitur IIII. Præiudicialis actio de partu agnoscendo, in rem esse ui-  
 detur. Sed cum huius actionis hæc uis sit, ut quis partum suum agnoscat, atque alati ac proinde qui ea utitur, intendat aduersa **B**  
 rium dare facere oportere: consentaneum est, ut in personam hæc actio potius esse uideatur. Verum intelligendum est, huius  
 actionis formulam hanc non esse, ut pater damnetur agnoscere uel alere: uerum ut mulier pronuncietur, ex aliquo prægnans  
 fuisse, uel non fuisse. l. i. in fin. D. de lib. agnosc. ubi Vlpianus ita scribit, Quæ causa si fuerit acta apud Iudicem & pronun-  
 ciauerit, cum de hoc agatur, quod ex eo prægnans fuerit nec ne, in ea causa esse, ut agnosci debeat, siue filius non fuit, siue fuit,  
 esse suum. Præterea idem in l. 3. scribit hanc actionem locum habere non modò si soluto, uerum etiam si constante matrimo-  
 nio partus editus fuerit: aut etiam si marito mortuo, mulier eum pariat, qui in aui potestatem recasurus est. nam si auius partum  
 non agnoscat, præiudicio cum eo utendum esse.

LEGITIMAM CAUSSAM HABET.) Sequitur V. E' Præiudicialibus actionibus, prima quæ liberalem  
 causam continet, ciuilibus reliquæ, prætorie sunt. Quod tamen obscurum ac difficile uidetur. nam, ut de prima primum dispu-  
 temus, uidemus per integrum tractatum De lib. causa, Prætoris edictum commemorari: & omnium prope legum inscriptio-  
 nes ad illud accommodatas esse. Verum, ut opinor, ita res intelligenda est, ut liberalis causæ iudicium primum lege duodecimi  
 Tabularum fundatum & constitutum fuerit: post uero longo interuallo Prætor in edicto perpetuo nonnulla instituerit, quæ  
 quoniam accessionis locum obtinent, propterea principaliter ad eius edictum hæc actio referri non debet: quinimò uidetur  
 Prætor in edicto illud demum instituisse, ut si quis liber, sciens, dolo malo, uendi se pro seruo passus sit ei qui eum seruum puta-  
 bat: tum emptori detur in illum actio: in duplum eius, quod emptionis causa præstiterit. l. recte. Sime. 14. cum aliquot insequen-  
 tibus. D. eodem. Atque hæc quidem de liberali præiudicio. nam quod ad ingenuitatis causam attinet, eam totam opinor esse præ-  
 toriam: ex titulo edicti perpetui, SI INGENVVS ESSE DICATVR. Nam ante edictum, opinor liberalis  
 causæ partem, hanc actionem fuisse, quippe cum de libertate quoque hic agatur: si minus ex toto, certe tamen ex parte: Prætor  
 rem uero peculiarem & propriam huic controuersie actionem accommodasse: quemadmodum uidemus sub titulo Nauticæ,  
 caup. stab. De public. & uetig. alijsque, nonnullis. Superest, ut de partu agnoscendo uideamus. nam cum senatusconsulta me-  
 morentur sub tit. De lib. agnosc. à quibus instituta uidetur hæc actio, non mediocriter dubitari poterit, quæ de causa eam Im-  
 perator prætoriam esse dixerit: nisi fortè eodem modo responderi possit, ut superius diximus: Prætoris quidem edicto suo  
 iam pridem hoc præiudicium instituisse: postea uero senatusconsulta de agnoscendis liberis, ascendis parentibus, patronis, libera-  
 tis, itemque de partu subiecto, esse facta: propter quam causam interdum hoc quoque præiudicium exerceatur. Sed cum antiquior  
 eius origo sit ex Prætoris edicto, propterea non Ciuilibus, sed Honoraria potius appellata est. **C**

Res uindicari sic non potest, ut actor dari sibi eam oportere intendat. odio tamen fu-  
 ris etiam in eum hæc formula recipiendæ rei causa, conceditur.

l. j. & pass. D. de cond. furt.

XIIII. Sic itaque discretis actionibus, certum est, non posse actorem, suam rem ita ab aliquo pe-  
 tere, SI PARET EVM DARE OPORTERE. Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut eius fiat. Nec res, quæ iam actoris  
 est, magis eius fieri potest. Planè odio furum, quo magis pluribus actionibus teneantur, effectum  
 est, ut extra pœnam dupli aut quadrupli, rei recipiendæ nomine, hæc etiam actione teneantur,  
 SI PARET EOS DARE OPORTERE: quamuis sit aduersus eos etiam hæc in rem a-  
 ctio, per quam rem suam quis esse petit.

SI PARET EVM DARE.) Enunciatio I. Qui rem suam petit, eam sibi dari oportere, intendere non potest.  
 quæ quidem disputatio propter formularum causam instituitur: ut intelligamus, quibus uerbis uti eos oporteat, qui iudicio  
 experiri uolunt. Nam (ut ait Cicero libro de Inuent. secundo) ita ius ciuile habemus constitutum, ut causa cadat is, qui non  
 quemad-



**A** quemadmodum oportet, egerit. Quae de causa (ut idem scribit in ea pro Comedo) sunt iura, sunt formulae de omnibus rebus constitutae, ne quis aut in genere iniuria, aut in ratione actionis errare possit. Expressae sunt ex uniuscuiusque damno, dolore, incommodo, calamitate, iniuria, publicae à Praetore formulae, ad quas priuatae accommodantur. Cum autem in rem agendum esset, haec in usu fuit formula: Fundus qui est in agro qui Sabinus uocatur, meus est. Eum ego ex iure Quiritium meum esse aio. Quam actionem in Orat. pro Murana Cicero commemorat. Quod si in personam agendum esset, Iustinianus supra hanc in usu esse formulam ostendit: Aio te mihi dare facere oportere. Nunc illa quaestio profertur, an qui rem petiturus est, uti his uerbis possit: & dicere, Aio te mihi fundum Sabinum, qui meus est, dare oportere: ut **DARE** dixerit, quasi cedere, uel restituere. nam & dare pignus dicimus eum qui dominium eius non transfert: & dare rem commodatò, uel precariò: item utendum dare. Plautus in Trinumo: Nam beneficium homini proprium quod datur, proprium erit: quod datum utendum est, id repetendi copia est, quando uelis. Et in eandem sententiam Dare pro Tradere dixit Ouidius, illo uulgato uersu libro de Arte amandi primo:

**Multa rogant tradenda sibi, data reddere nolunt.**

Haec cum ita sint, respondemus tamen, Dandi uerbum apud Iurisconsultos proprie sic accipi, ut dominij translationem dumtaxat significet: quemadmodum mox demonstrabimus. ob eamque causam in re sua petenda usurpari hoc uerbum non posse. Sed haec quidem de formulis: quae qui considerabit, & simul Iustiniani legem attendet, qua lege formulae omnes sublatae sunt, institutumque ut quibusuis commodis & congruentibus uerbis concipere actiones liceat, dubitare poterit, quorsum ista pertineant? Haec enim de formulis disputari, uerba illa demonstrant, **SI APPARET**, &c. nunquid igitur is qui rem suam petens, dicit eam sibi dari oportere, causam amittet? quid uero si Latine pinguis loqueretur, & Dare pro restituere forte dixisset? cum interdum accidat, ut etiam Dari pro fieri usurpetur, uelut in l. stipulatus. 4. D. de usur. Apparet igitur haec & a ueteribus Iurisconsultis esse scripta, & ad illorum temporum rationem referenda esse, quibus in usu formulae fuerunt.

**B** **DARI CUIQVAM.**) Sequitur II. Qui sibi dari postulat, id postulat, ut quod suum non est, suum fiat. l. Vbi autem. 75. in fin. D. de uerb. obligat. ubi Vlp. ait, hanc stipulationem, Fundum Tusculan. dari, continere, ut dominium omnimodo efficiatur stipulatoris, quoquo modo. Itaque Paulus in l. 167. D. de reg. iur. scribit non uideri data, quae eo tempore quo dantur, accipientis non sunt.

**MAGIS EIVS FIERI.**) Sequitur III. Quod alicuius est, eius amplius fieri non potest. §. Sed si rem. 5. De legat. ubi Iustinianus ait, id quod proprium est alicuius, amplius eius fieri non posse: dominium enim non nisi una ex causa posse contingere. quod idem traditur in l. non ut ex pluribus. D. de reg. iur. Quapropter Vlp. in l. scire debemus. 129. D. de uerb. oblig. cum quaereretur, an haec stipulatio furi facta ualeret, Hominem dare spondes? respondit, non ualere. quod idem traditur in l. nemo. 82. eod.

**FVRES ETIAM HAC ACTIONE.**) Sequitur IIII. Odio furum institutum est, ut etiam agi liceat, eos dare oportere. l. 1. & pass. D. de condict. furt. item l. ult. D. usufruct. quemad. cau. ubi Vlp. ait, proditum fuisse, neminem rem suam, nisi furi posse condicere. & institutum est à Praetore, ut ex legum inscriptionibus apparet. Itaque proprium nomen haec habet actio, uocaturque Condictio furtiua. Nam meo iudicio, civili iure si quis cum fure sic egisset, causam perdidisset. quod quia periniquum Praetori uisum est, propterea hanc actionem odio furum, uti Iustinianus scribit, instituit: quo pluribus actio nibus tenerentur. Nam & ad exhibendum, & rei uindicatione, & penali actione antea tenebantur. l. si pro fure. 7. D. eod. Quamuis autem opportunitates hoc Praetoris institutum attulerit, operae precium est cognoscere. nam quod quidam scribunt in rei uindicatione necessariam dominij probationem fuisse, quae plerumque difficilis esse solet. l. in rem. D. de rei uindicat. l. cum res. C. de probat. hic autem necessariam non esse: uideamus ne satis caute dicatur. cum Vlp. in l. 1. D. hoc tit. disertè scribat, hanc actionem soli domino permitti. Quod autem alij putant, eius utilitatem in eo positam esse, quod in uindicationibus rei interitu possessores liberantur, hic uero fures non liberantur: nihilo consideratius dictum uideatur. cum satis constet, rei uindicationem ex mora perpetuari. litem si. 15. D. de rei uindic. Fures autem semper moram facere uideri. l. in re. 8. in fine. D. de condict. furt. Omnino igitur sic se res habet, ut eo commodior sit haec actio, quam uindictio, quod uindictio locum nisi aduersus possessorem non habet. l. actionum. 25. D. de obligat. & act. qua de causa Furius scribit in l. ult. D. de rei uindic. neminem compelli in rem actionem pati: quia licet alicui dicere se non possidere. In hac uero conditione nihil opus est possessionem probare: nam, ut ait Imp. in §. ult. supra, de obligat. & delict. Condictio aduersus furem ipsum, haeredemue eius, licet non possideat, competit. quod magno creditoris commodò constitutum est. Praeterea in rei uindicatione nulla furti mentio fit: hic uero certum est commemorari furtum, cuius solius causa haec actio conceditur: unde aliqua macula furi relinquitur. nam etsi cesset ignominia in condictionibus, quamuis ex famosis causis pendeant. l. cessat. 36. D. de obligat. & act. tamen fieri non potest, ut furti damnatum infamia non sequatur: ut scribit Marcel. in l. non poterit. D. de furt. Quid enim (ut Cicero Verrina quarta scribit) turpius ingenuo, quid minus libero dignum, quam in conuentu maximo cogi à magistratu furtum reddere? Atque haec quidem ita se habent. Superest, ut uideamus quo sensu uerbum **DANDI** in hac actione accipi oporteat. nam quomodo dominij translationem designaret, cum ea res sit actoris? neque enim (quemadmodum de senatusconsulto quodam scribitur, quod ad pecuniae usumfructum pertinet) Praetor rerum naturam immutare potuit, nec efficere, ut quod semel meum esset, iterum meum efficeretur. Videamus igitur ne **DARE** in hac actione nihil aliud significet, quam praestare, restituere, reddere.

**SI APPARET EOS DARE.**) Formulam actionis hanc opinor fuisse: Aio scyphum, quem tu mihi nuper furto abstulisti, meum esse: teque illum mihi dare oportere. Iudicij uero hanc: **SI APPARET** scyphum quo de agitur, quemque Sempronius furto abstulisse dicitur, esse Mauij, tum Mauius illum Sempronio dare damnetur. Nam dominij mentio non esse faciendam ex l. 1. D. de condict. furt. plane intelligitur.

**QVAMVIS SIT ADVERSUS EOS.**) Sequitur V. Aduersus fures etiam in rem actio conceditur. l. si pro fure. 7. D. de condict. furt. & supra dictum est. §. ult. de oblig. quae ex delict.







IN PER



IN PERSONAM VERO.) Sequitur II. In personam actiones proprie Conditiones appellantur. I. actio A  
 num. 25. D. de obligat. & act. Qua de re paulo copiosius atq; uberius differendum uidetur. Condicere igitur est simul dicere:  
 nam Festus lib. 3. Condictum interpretatur, simul dictum. Ergo condicere, est diem locumq; communi consensu constituere,  
 quo quid fiat. Hinc Condicere alicui cenam Cic. & Sueton. dixerunt, non pro inuitare ad cenam, quod admodum uulgò placere  
 iudeo: sed pro indicere cenam, & denunciare se affuturum. Crassus (inquit ille, ad Lentulum scribens) ut quasi testata P.  
 Ro. esset nostra gratia, penè à meis laribus, in prouinciam est profectus. Nam cum mihi condixisset, cenauit apud me in mei  
 generi Craspedis hortis. Suetonius in Tiberio: Sext. Claudio libidinoso, ac prodigo seni cenam ea lege condixit, ne quid ex  
 consuetudine immutaret aut demeret. Sed in libris Iurisconsultorum condictio est (ut ibidem Festus scribit) in diem certum  
 eius rei qua de agitur, denunciatio. Moris enim fuisse, ut iudicio à Præatore constituto diem ex suo commodo litigatores sume-  
 rent, quo in iudicium uenirent: uetera illa demonstrant apud Plautum in Curculione, & Gellium lib. 16. cap. 3. Si status con-  
 dictus die cum hoste. Sed multo planius locus ille in Orat. pro Comedo rem omnem explicat: Quid enim factum est? ue-  
 nisti domum ultro Roscij: quod temere commississes, in iudicium ut denunciare, rogesti ut ignosceret: te affuturum negasti:  
 deberi tibi ex societate nihil clamasti. Quo in loco denunciare dixit Cicero, quod Iustinianus hoc loco Condicere. Sed hoc  
 nemo neq; planius, neq; elegantius exponit Asconio, qui Verrina 3. sic scribit: Comperendinatio est, ab utrisq; litigatoribus,  
 inuicem sibi denunciatio in perendinum diem. namq; cum in rem aliquam agerent litigatores, & pœna se sacramenti pete-  
 rent, poscebant iudicem. qui dabatur post tertium diem (sic enim legendum puto, non Trigesimum) quo dato, deinde inter se  
 in perendinum diem, ut ad iudicium uenirent, renunciabant. Hæc Asconius. Eodemq; notæ illæ pertinent apud Valerium Pro-  
 bum, I. D. T. S. P. In diem tertium, siue perendinum. quam formulam in Muræiana Cicero exagitat. Eodem etiam illud Ma-  
 crobij lib. 1. cap. 16. pertinet: Comperendini dies dicuntur, quibus uadimonium licet dicere. Stati, qui iudicij causa, cum per-  
 egrino instituuntur. Quibus ex uerbis difficile dictum est, non alios fuisse dies, quibus cum ciuib; alios quibus cum peregrinis  
 iure ageretur. Sed hoc alijs. Nunc illud admonendum est, istis siue denunciations, siue conditiones, siue comperendinatio- B  
 nes, omnibus in iudicijs fieri consueuisse: siue in rem essent, siue in personam. Quod cum ita sit, quæri poterit, quamobrem so-  
 læ in personam actiones hoc nomine appellantur. Et meo quidem iudicio causa hæc est, quod in rem actiones (quoniam al-  
 terutrum posse forem necessariò desiderant, ut ait Iustinianus in §. 4. de interd. & c.) suum ac proprium nomen Vindiciarum  
 scilicet siue Vindicationis habeant: ut appareat, non datæ opera hoc nomen in personam actionibus attributum, sed potius  
 relictum fuisse. Verum hæc quidem hætenus. Nunc, quoniam de denunciationibus locuti sumus, & Vadimonium denuncia-  
 tio quædam erat, operæ precium est cognoscere, quid inter Vadimonium & Conditionem intersit. Quod ut planius intelligi  
 possit, rem omnem ordine quantum instituti nostri ratio postulat, aperiemus. V. sponfor erat sistendi aliquem iudicio siue pu-  
 blico, siue priuato. Sed de priuatis iudicijs differamus. Varro lib. de ling. Lat. 5. V. s, inquit, appellatus, qui pro altero uadimo-  
 nium promittebat. Consuetudo erat, cum reus parum esset idoneus inceptis rebus, ut pro se alterum daret. Acron in lib. Serm.  
 1. Sat. 1. ubi uersum hunc interpretatur:

Ille datis Vadibus qui iure extractus in urbem est:

Vadibus, inquit, id est, sponforibus, à Vadimonio: quod promittit is qui ad iudicium prouocatur, certo die affuturum. Vades  
 ideo dicti, quod qui eos dederit, uadendi habet potestatem. Et Porphyrio, Vades, inquit, sponfores dici notum est: quod  
 qui eos dederit, uadere, id est, discedere interim liceat. Quæ quanquam propter dissimilem syllabarum quantitatem, dubita-  
 tionis aliquid habeant, illud tamen demonstrant, morem hunc ueteribus fuisse, ut qui litem uellet intendere, aduersario denun-  
 ciaret, ut in ius ueniret. Si nollet, uel eum cogeret, uel sponforem acciperet fore, ut constituto die se siseret. Illa autem denun-  
 ciatio, Vadatio dicebatur. Nam & qui denunciabat, & cui denunciabatur, uadari dicebatur. Cicero in Quintiana: Vadari  
 uis? promittit: in ius uocari? sequitur. Horatius Serm. 1. Satyra nona:

Ventum erat ad Vestæ, quarta iam parte diei  
 Præterita: & casu tunc respondere uadato,  
 Debebat. — C

Tanta uero uadimonij uis erat, ut qui obire illud neglexisset, interdum litem amitteret: ut apud Horatium eodem loco:

— Tunc respondere uadato,  
 Debebat: quod ni fecisset, perdere litem.

Itemq; apud Suetonium in Caligula: Comprehendit, inquit, meritoria uehicula: adeò, ut litigatorum pleriq; quod occur-  
 rere absentes ad uadimonium non possent, causa caderent. Interdum bona eius decreto Prætoris possidebantur, ut postea uen-  
 derentur: quemadmodum ex oratione Quintiana facile cuius intelletu est: quod tum, opinor, obseruabatur, cum magnæ ali-  
 cuius rei erat controuersia. Licebat etiam ei qui aduersarium uadatus erat, si eum latitare animaduertisset, adhibitis atq; an-  
 testatis testibus, in ius rapere: ut ex eodem Horatij loco apparet:

— Casu uenit obuius illi  
 Aduersarius. & quò tu turpissime? magna  
 Exclamat uoce, & licet antestari? ego uerò  
 Oppono auriculam: rapit in ius. clamor utrinq;.

Utrum autem uadandi potestas à Præatore impetranda esset, dubitari potest: propter illos Plauti uersus in Aulularia:  
 Pulmentum pridem ei eripuit miluius.  
 Homo ad Prætozem plorabundus deuenit:  
 Infit ibi postulare, plorans, eiulans,  
 Ut liceret miluium uadari.

Contrà tamen uocari in ius licuisse sine Prætoris uenia, uel ex eo licet intelligatur, quod edicto Prætoris cauetur, ne pa-  
 rentem aut patronum in ius sine sua uenia uocare liceat. Quapropter apud Plautum in Persa, leno ex tempore in ius  
 uocatur:

s. Age,



A

S. Age, ambula in ius leno. D. Quid me in ius uocas?

S. Illic dicam apud Prætores: Sed ego in ius uoco.

Et paulo post:

D. Sine dicam.

S. Nolo.

D. Audi.

s. Sum furdus:ambula:

Sequere hac.

Videamus igitur, ne uel in maioribus causis, uel cum ab urbe reus abesset, uadandi facultas impetranda esset: alijs casibus non esset. Legem enim, & ut opinor, XII. Tab. fuisse, ut in ius eas, cum uoceris, Cornii lib. ad Heren. 2. testatur. Rursus in eundem d. Praetore postulandam eam fuisse, coniecturam facio ex eo, quod nonnunquam: promissa uadimonia differri ab eo leguntur: nonnunquam ab ipsis litigatoribus. Iuuenalis Satyra 3.

Si magna Aftyrij cecidit domus, horrida mater,  
Pullati proceres, differt uadimonia Prætor.

Plinius præterea lib. 7. cap. 53. scribit, Bæbium repentinò mortuum, cum iudex uadimonium differri iubeat. Cicero in Quintiana: Qui quo tempore malè agere cœpit, in uadimonijs differendis tempus omne consumpsit: qui postea quoq; uadimonium missum fecerit. Item: Se iam neq; uadari amplius, neq; uadimonium promittere. Si quid agere secum uelit Quintius, non recusare. Hic cum rem Gallicanam cuperet reuiscere, hominem in præsentia non uadatur. Ita sine uadimonio disceditur. Utinam sit, deinceps uidendum est, quo in loco uadimonia obirentur. Et primum satis constat in iure ad Prætorem obiri plebunq; solita: quod ex infra scriptis licebit intelligere. A. Gellius lib. 7. Scipio, quum oppidum quoddam in Hispania obsideret, & ius in castris sedens diceret, quispiam interrogauit ex more, in quem diem locumq; uadimonium promitti iuberet. Et Scipio manum ad ipsam oppidi arcem protendens, Perende, inquit, sese sistant illo in loco. Valerius lib. 3. oppidum Badiam nominat, sed in posterum diem uadimonium factum dicit, & in eadem oppidi promissum. In quo mendum esse bicor, pro Arcem. Idem autem de L. Sylla scribit Florus in Epitome libri 86. Linius libro 33. Prætores quorum iurisdictio erat, tribunalia ad piscinam publicam posuerunt: eò uadimonia fieri iusserunt: ibiq; eo anno ius dictum est. Videamus tamen ne non semper ad tribunal Prætoris obirentur, sed in locum aliquem in foro: unde una ire ad Prætorem possent. nam Cicero in Quintiana, ubi naruat Næuium testificari se uadimonium obisse, Quintium uerò deseruisse, non in iure id illum facere scribit, sed ad Sextiũ cuiusdam tabulam: qui, ut opinor, scriptum faciebat. eòq; apud illum plerumq; fieri testationes solebant. Ipse, inquit, suos amicos interrogat, ut ad tabulam Sextiam sibi adsint, hora secunda postridie. Veniunt frequentes: testificatur ille P. Quintium non stetisse, & se stetisse. Tabule maxime signis hominum nobilium consignantur, disceditur. Rursus in eadem Oratione, alio loco: Ad uadimonium non uenerat, ut ais, is qui cum tibi affinitas, societas, omnes deniq; necessitudines intercedebant. Illicône ad Prætorem ire conuenit? Neq; sanè mihi dissimile ueri uideretur, si quis diceret, uadimonia eo loco tum obiri solita, cum illud fieret de quo loquitur Vlpianus in l. i. D. de edendo. nimirum cum is qui acturus est, producit aduersarium suum ad Prætoris album, & formulam actionis qua uti statuit, demonstrat. Id enim antequàm in ius iretur, fieri solitum, uel ex ipsa re existimare licet, uel ex eo quòd ille tractatus de edendo, tractatum de postulando antecedit. Sed hac de re plus satis. Nunc, ut ad propositam quæstionem reuertamur, non difficile esse arbitror, cuius intelligere, quid inter uadimonium, & condictiõnem intersit. Uadimonium enim, prima denunciatio est futuræ & nondum exortæ controuersie: & ante iudicium acceptum, litemq; contestatam fiebat. Condictiõ uerò, denunciatio est committendi iudicij, & post acceptum iudicium litemq; contestatam fiebat. denique Vadari, est quasi bellum per Feciales indicare: condicere uerò, diem prælij committendi constituere.

NULLA ENIM HOC TEMPORE.) Sequitur III. Justiniani tempore, sollemnes ad iudicium denunciations obsoleuerant. l. si quis. 6. C. Theod. De denunc. uel edit. ubi Impp. Arcad. Honor. & Theod. statuunt, ut si quis actionem instituat, is omnis denunciationum ambagibus, earumq; intervallis, statim in ipso iudicio rem causamq; suam exponat.

C

*Actio<sup>3</sup>num tertia diu<sup>3</sup>sio: ut alie rem, alie poenam, alie utrunq<sup>3</sup> persequantur: res autem per  
eas petatur, quæ uel in rem sunt, uel in personam ex contractu natæ: nisi forte  
ob id quod tumultus, incendiū, ruinæ, naufragij causa depo-  
situm est, in duplum agatur. l. xxx j. De oblig.  
l. j. C. depos.*

**XVI.** Sequens illa diuifio est, quòd quædam actiones rei persequendæ gratiâ comparatæ sunt, quædam poenæ persequendæ, quædam mistæ sunt. Rei persequendæ causa comparatæ sunt omnes in rem actiones. Earum uerò actionum quæ in personam sunt, eæ quidem quæ ex contractu nascuntur, ferè omnes rei persequendæ causa comparatæ uidentur: ueluti quibus mutuam pecuniam, uel in stipulatum deductam petit actor: item commodati, depositi, mandati, pro socio, ex empto, uendito, locato, conducto. Planè si depositi agatur eo nomine, quòd tumultus, incendij, ruinae, naufragij causa depositum sit, in duplum actionem Prætor reddit, si modò cum ipso apud què depositum sit, aut cum hærede eius de dolo ipsius agatur: quo casu mista est actio.

REI PERSEQVENDAE CAVSSA.) Enunciatio I. Actionum alie rei, alie pœnæ, alie utriusq; persequenda causa comparata sunt. Rei uerò nomine continetur hoc loco quicquid est extra pœnam legitimam; id est, iure aliquo uel cetera causa comparata sunt. Rei uerò nomine, eam duntaxat, quæ iure constituta est. Itaq; si pœna quæ in iure, uel prætorio definitam, atq; constitutam; pœnæ uerò nomine, eam duntaxat, quæ iure constituta est. Itaq; si pœna quæ in stipulationem deducta est, petatur; ueluti, Si aliter fiat, centum dabis? de quo agitur in l. 45. D. de uerb. obligat. uel, Si die supra scripta non solus, tunc pœnæ nomine intra dies 30. denarios singulos dabis? quæ formula commemoratur in l. lecta. 40. D. de reb. cred. rei nomine pœna illa conuentionalis hoc loco continetur. At cum lex iubet, ut fur dupli damnetur, duplum illud non rei, sed pœnæ nomine comprehenditur.

OMNES



OMNES IN REM ACTIONES.) Sequitur II. Nulla in rem actiones, pœnæ omnes rei solius persequendæ causa comparata sunt. l. in honorarijs. 35. D. de oblig. & act. ubi Paulus ait: Illas actiones rei persequutionem continere, quibus persequimur, quod ex patrimonio nobis abest. Abesse autem illud intelligitur, non modò quod olim fuit, & hoc tempore abest: sed etiam illud omne quod aduersarij culpa ad nos non peruenit. Itaq; cum id quod interest persequimur (quod æque in lucro amisso, ac damno illato uersatur. l. i. C. de sentent. quæ pro eo quod int.) rem quæ patrimonio nostro, propter aduersarij culpam deest, persequi dicimus. Pœnam autem per actionem in rem idèò nunquam persequimur, quia nunquam nisi ob delicti causam debetur. Ex delictis autem actiones, omnes sunt personales, reales uerò nullæ, quemadmodum superius demonstratum est.

QVAB EX CONTRACTV NASCVNTVR.) Sequitur III. Omnes fere ex contractu actiones rei solius persequendæ causa dantur. Nam (ut ait Vlp. in l. actionum. 25. D. de oblig. & act.) ex contractu actio est, quoties quis sui lucri causa, cum aliquo contrahit: ueluti emendo, uendendo, locando, & ceteris similibus. Itaq; siue re, siue uerbis, siue literis, siue nudo consensu contracta obligatio sit, quæcumq; ex ea datur actio, rei cuius causa obligatio contracta est, persequendæ causa conceditur. Quid igitur si pœnam quæ nobis ex stipulatione debetur, persequamur? ueluti si stipulati sumus denarios singulos, singulis Calendis usuræ nomine? Sed superius docuimus hanc pœnam Rei nomine contineri: & solam hoc loco pœnam appellari eam, quæ legibus constituta est. Quid tamen dicemus de dupla, aut tripla, quam is qui rem emit, si ei euicta, id est, iudicio adempta res est, ab emptore postulat? Nam etsi in stipulationem deducatur, & nisi stipulata sit, non debeat. l. 60. D. de euict. tamen cum edicto Aedilium instituta sit, uideri posset ad alterum pœnæ genus pertinere. Sed cum solius legis ui, ac sine stipulatione non debeat, existimarem rei nomine pœnam illam completendam esse. Ex quibus intelligi debet, pœnæ nomine eam demum accipiendam esse, quæ solius legis ui, & sine ulla stipulationis opera debetur.

FERE OMNES REI PERSEQVENDAE.) Fere dixit, propter depositi actionem de qua mox dicemus. Quod autem ad Redhibitoriam actionem attinet, falsum est quod quidam scribunt, eam in hoc genere numerandam esse. Nam siue dupla petatur, stipulationis opera, non solius legis ui, id accidit: siue, quanto minoris agatur, non pœna, sed rei uel totius, uel partis persequendæ nomine actio instituatur. Sanè dissimilis ratio est illius legis duodecim, ut si quid uenditor in prædio uendendo inficiatus esset, dupli pœnam subiret: quemadmodum Cic. scribit in lib. de Offic. 3. nam cum ipso iure pœna debeatur, mixta potius actio uideri debet.

LOCATO CONDVCTO.) Verbis usus est multis, neq; tamen omnia dixit. Satis igitur fuisset ita dicere, siue re, siue uerbis, siue literis, siue consensu factus esset. In eodem autem etiam genere iudicati actio numeratur: quam Vlp. in fil. miles. 6. de re iudic. rei persequutionem continere scribit.

TVMULTVS, INCENDII.) Sequitur IIII. In eum qui tumultus, incendij, ruinæ, naufragij causa depositum inficiatus erit, eius hæredem fraudulentum, actio in duplum à Prætoribus conceditur. l. i. D. de pos. ubi Prætoris edictum his extat uerbis: Quod neq; tumultus, neq; incendij, neq; ruinæ, neq; naufragij causa depositum sit, in simplum: carum autem rerum quæ supra comprehensæ sunt, in ipsum, in duplum: in hæredem eius, quod dolo malo eius factum esse dicetur, qui mortuus sit, in simplum: quod ipse, in duplum iudicium dabo. Cuius edicti ratio perspicua est. Aequum enim Prætor existimauit esse, tam indignam fraudatoris perfidiam, certo aliquo iudicio pœnâq; coerceri. Nam cum extante necessitate deposuerit, creasit (inquit Vlp.) perfidiæ crimen: & publica utilitate coercendum est uindicandæ Reip. causa. Duplex igitur huius edicti ratio uidetur esse: prior, quoniam alijs casibus spaciū deliberandi datur, cui res committenda sit: hic uerò calamitas nullum ad deliberandum tempus permittit. Altera, quod alijs in casibus perfidia nihil eximium habet, præter ceteras: hæc uerò singularis est, & maiore aliquo odio digna: quod ubi misericordia opus fuit, ibi crudelitas adhibita est, & calamitas calamitati adiecta. Diximus autem IN EVM QVI INFICIATVS ERIT: quoniam hæc in duplum actio, non nisi aduersus eum qui inficiatus est, conceditur: ut paulo post sub §. sed furti quidem constabit. Quod cum ita sit, iudicij formulam hanc meo iudicio non omnino incommode concipiemus: SI PATERET L. Titium, cum propter incendij periculum res suas exportaret, eam rem qua de agitur, apud C. Mæuium deposuisse, Mæuium autem inficiatum id esse: tum Mæuius in duplum damnetur. Quæ ex formula intelligi debet, actori duarum rerum probationem incumbere: nimirum ob causam incendij depositam eam rem fuisse, & Mæuium inficiatum illud esse. In duplo autem simplum contineri, & paulo post planius intelligitur: neq; hoc loco difficile existimatum est, cum Iustinianus dicat hanc actionem mixtam esse. Nam & rem quæ simpli est, & pœnam quæ alterum tantum continet, persequitur.

Actiões ex maleficijs, quædam pœnam tantum persequuntur, ut furti: quædam rem, ut furti condictio: quædam utraq; ut rapinæ, damni iniuria, & in hæredem, qui pjs locus legatus usq; dum in ius uocaretur, soluere distulit.

XVII. Ex maleficijs uerò proditæ actiones, aliæ tantum pœnæ persequendæ causa comparatæ sunt, aliæ rei, aliæ tam pœnæ quàm rei persequendæ, & ob id mixtæ sunt. Pœnam tantum persequitur quis actione furti. Siue enim manifesti agatur, quadrupli, siue nec manifesti, dupli: de sola pœna agitur. Nam ipsam rem propria actione persequitur quis, id est, suam esse petens: siue fur ipse eam rem possideat, siue alius quilibet. Eo amplius, aduersus furem etiam condictio est rei. Vi autem bonorum raptorum actio, mixta est: quia in quadruplo rei persecutio continetur: pœna autem tripli est. Sed & legis Aquiliæ actio damni iniuria mixta est, non solum si aduersus inficiantem in duplum agatur, sed interdum & si in simplum quisq; agat: ueluti, si quis hominem claudum aut luscum occiderit, qui in eo anno integer & magni precij fuerit: tanti enim damnatur, quanti is homo eo in anno plurimi & maximi precij fuerit, secundum iam traditam diuisionem. Item mixta est actio



**A** actio contra eos, qui relictæ sacrosanctis ecclesijs, uel alijs uenerabilibus locis, legati uel fideicommissi nomine, dare distulerunt, usque adeo ut etiam in iudicium uocarentur. Tunc enim & ipsam rem uel pecuniam quæ relictæ est, dare compelluntur, & alterum tantum pro pœna: & ideo in duplum eius fit condemnatio.

EX MALEFICIIS VERO.) Enunciatio I. Actiones ex maleficijs tum rei, tum pœna, tum utriusque persœquenda causa dantur. Nam rei solius causa comparatam esse conditionem furtiuam, eamq; ex maleficio nasci, nemo ignorat. Itaque uoces istius ALIAB REI, quæ alijs in libris desiderantur, restituere ex duobus antiquis codicibus non dubitauimus.

**ACTIONE FVRTI.)** Sequitur II. Furti actio, siue manifesti, siue nec manifesti sit, solam pœnam persequitur. l. si pro fure. 7. §. 1. D. de condict. furti. & l. si pignore. 54. D. de furt. ubi Caius ita scribit: Cum furti actio ad pœnam persecutionem pertineat, conditio uero et uindictio ad rei recuperationem, apparet recepta re, nihilominus saluam esse furti actionem: uindicationem uero & conditionem tolli. Formula igitur hæc erit, SI PATERET Sempronium furto centum aureos Mauius abstulisse, eundemq; Sempronium manifestò deprehensum esse, tum is in aureos quadringentos damnetur.

**IPSAM REM PROPRIA ACTIONE.)** Sequitur III. Furtiua res non furti, sed in rem actione, aut conditione repetitur. dict. l. si pignore. ubi Caius scribit rem ipsam uel uindicatione, uel conditione recuperari: ac proinde post solutam dupli, aut quadrupli pœnam, utrinq; saluam esse. Quod idem traditur in l. ancillæ. C. de cond. furt. & lult. C. de no. cal. Quantum autem inter utranq; intersit, superius sub §. sic itaq; satis exposuimus. Inde q; intelligi potuit, formulam rei uindicationis rei furtiue, nihil omnino à cæteris differre: neq; in ea furti mentionem interponendam esse: cum, ut mox dicemus, nõ modò aduersus ipsum furem, sed etiam aduersus quemlibet alium possessorem detur.

**SIVE ALIUS QUILIBET.)** Sequitur IIII. Rei furtiue uindictio, tum in furem, tum in alium quemuis conceditur. §. ult. supra, de oblig. quæ ex delict. Nihil enim (ut modò dicebamus) ab alterius rei uindicatione discrepat: sed rem ipsam ab eius qui detinet possessione uindicat.

**VI AUTEM BONORVM RAPTORVM.)** Sequitur V. Rapina actio simul rem & pœnam persequitur. §. 1. supra, Vi bono. rapt. ubi Iustinianus ait: Rapinæ actionem in quadruplum, triplum pœnæ, simplum rei nomine persequi, nam in quadruplo inesse & rei persecutionem. Sed quæri potest, cum ereptor fure multo improbius sit & sceleration, an non etiam conditio ereptæ rei causa concedatur. Ego uero sententiam meam ueterem retineo, ut ereptionis nomine, non modò hæc, quæ ui bonorum raptorum appellatur, uerum etiam omnes quæ aduersus furem competunt, concedantur. Eiusq; rei auctorem habeo Vlp. in l. 2. §. pen. D. eod. ubi ait rerum raptarum nomine etiam furti, uel damni iniuria, uel conditione agi posse: uel certe singulis res uindictari posse. item in l. siue manifestus. 10. §. 1. D. de condict. furt. ubi ait, ei quoq; qui ui bonorum raptorum tenetur, condici posse. Sed hæc quidem omnes actiones, ut paulo antè docuimus, meræ sunt. Nam aut pœnam solam, aut rem solam persequuntur. Verum hæc Vi bonorum raptorum mixta est, quippe quæ rem simul cum pœna persequatur. Quæ de causa formula eius hæc concipi poterit, SI PATERET Flauium Cornelio ui rem qua de agitur eripuisse, tum Flauius in quadruplum eius rei damnetur. Vnde intelligi debet, quamobrem hæc actio mixta nominetur: nimirum quoniam uno atq; eodem iudicio, & rem simul, & pœnam exigit: neque enim propria actio ulla Vi bonorum raptorum prodita est, quæ rem aut pœnam separatim persequi liceat. Sed si dominus rem solam uelit exigere, aut rei uindicatione, quæ uulgaris est, aut conditione furtiua, quæ facti huius quod furtum esse constat, propria est, agere debet.

**LEGIS AQUILIAE ACTIO.)** Sequitur VI. Actio damni iniuria mixta est, & pœnam simul cum ipsa re persequitur. l. 2. & pass. D. ad leg. Aquil. Quæ de re superius suo loco copiose disseruimus. sub tit. ad leg. Aquil. Plerunq; autem accidit, ut res tum demum cum damnum datum est, sit plurimi: neq; unquam antea pluris fuerit. quo casu non mixta, sed simplex in rem erit hæc actio. Apparet ergo non semper mixtam esse hanc actionem, sed interdum in rem tantum, interdum etiam in pœnam esse.

**C ADVERSUS INFICIENTEM.)** Sequitur VII. Actio Aquiliana aduersus inficientem in duplum datur. l. inde Neratius. 23. §. dolo. D. ad leg. Aquil. & l. item ueniunt. §. cum prædiximus. D. de petit. hered. & l. doli. 5. §. 2. D. de seru. corrupt. ubi Iurisc. aiunt, hanc actionem aduersus confitentem esse simpli, aduersus inficientem dupli. Quamobrem hæc formula constituitur, SI PARET Lucilium Erotem Octauij seruum interfecisse, factumq; illud inficiatum esse: tum Lucilius in duplum quanti ea res eo anno plurimi fuerit, damnetur. Vnde intelligi debet, duo actori in hoc iudicio probanda esse: damnum à reo datum, & tamen eum id ab se factum inficiatum esse.

**QUANTI PLVRIMI FVERIT.)** Sequitur VIII. Qui hominem iniuria occidit, quanti is eo anno plurimi fuerit, tanti damnetur. l. inde Neratius. 23. §. 3. D. eod. Sed hæc de re, in qua spinosæ multæ quæstiones latent, suo loco diligenter & accurate disputauimus.

**RELICTA SACROSANCTIS ECCLESIIS.)** Sequitur IX. Hæres qui legatum pijs locis, usque dum in ius uocaretur, soluere distulit, dupli tenetur. §. Sed furti. infra eod. ubi Iustinianus id adscribit, quod hoc loco prætermissum ab illo fuisse, uehementer miror: nimirum hanc actionem æquæ ut illam Aquilianam inficiatione crescere. Duobus igitur casibus mixta est hæc actio: primum si reus inficiatus erit: deinde si tamdiu soluere distulerit, dum in ius uocaretur.

Actiones familiæ erciscundæ, communi diuidundo, finibus regundis, utriusq; actionis, in rem scilicet & personam, naturam participant: eoq; mixtæ appellantur. l. j. famil. ercisc. fin. regund. commun. diuid.

**XVIII.** Quædam actiones mistam causam obtinere uidentur, tam in rem, quàm in personam: qualis est familiæ erciscundæ actio, quæ competit cohæredibus de diuidenda hæreditate. Item  
K communi



communi diuidundo, quæ actio inter eos redditur, inter quos aliquid commune est, ut diuidatur. **A**  
Item finium regundorum, quæ inter eos agitur, qui confines agros habent. In quibus tribus iudicijs permittitur iudici rem alicui ex litigatoribus ex bono & æquo adiudicare: & si unius pars prægrauare uidebitur, eum inuicem certa pecunia alteri condemnare.

**FAMILIÆ ERCSICVNDÆ.)** Enunciatio I. Familiæ erciscundæ actio tum realis, tum personalis actionis naturam proprietatemque participat. Item Labeo. 21. D. fam. ercisc. ubi Vlp. ait, hoc iudicium ex duobus constare: rebus, & præstationibus, quæ sunt personales actiones. Nam idcirco inter cohæredes datur, ut & hereditas diuidatur, & quod eo nomine alterum alteri præstare oportebit, præstetur. Dubitari tamen potest, quomodo in rem dici possit hæc actio: cum actionis in rem proprietatis hæc sit, ut & ei qui non possidet, detur: & aduersus eum qui possidet, intendatur. quemadmodum abunde superius docuimus. Atqui constat hanc actionem ab eo plerumque intendi qui possidet, & in eum non intendi qui possidet. l. 1. & pass. D. eod. Sed respondemus, in istis actionibus utrumque & actorem & reum esse. l. inter cohæredes. 44. §. 4. D. eod. l. actio. nis. 37. D. de oblig. & act. cum innumeris similibus. Ob eamque causam eos ita hoc iudicium instituere, quasi & uterque & neuter possideret. Vnde intelligi debet, cum dicimus istas actiones aliqua ex parte reales esse, non eam proprietatem actionis in rem spectari, quæ possessio in alterutro requiritur: sed quæ rei suæ dominium postulat. Duplex enim est actionis in rem proprietas, una quæ rei dominium asseritur: altera quæ possessio alterius aufertur. Ab hac familiæ erciscundæ iudicium non participat: ab illa uero idcirco participat, quia rei suæ dominium postulat. Et tamen etiam hac in parte nonnihil differentie est, quod actio in rem certæ & definitæ rei dominium persequitur: hæc uero incertæ & indefinitæ. Nam quæ cuique hereditas attribuentæ sint, in arbitrio iudicis positum est, ut posterius intelligemus. Iam uero quod ad personalis actionis proprietatem attinet, cuius hæc actio particeps esse dicitur, res non usque adeo perplexa est. Nam cum singule res singulis adiudicari debeant: sæpe autem accidat, ut unius pars præponderet: consequitur, ut alterum alteri condemnare oporteat: hunc in pecuniam, alterum in partem rei suæ. Quod eodem modo intelligendum est, de eo cohærede qui solus fructus hereditarios fundi communis perceperit, aut rem hereditariam corruperit, aut consumpserit. Formula igitur hæc erit: **L. OCTAVIVS** iudex esto: itaque familiam erciscitor, ut quid cuique ex heredibus ex bono & æquo adiudicari, quidque alterum alteri ex fide bona dare facere oporteat, arbitretur. **B**

**ITEM COMMVNI DIVIDVNDV.)** Sequitur II. In actione communi diuidundo, simul & in rem & in personam agitur. l. 4. D. communi diuidund. ubi Vlp. ait, sicut ipsius rei diuisio uenit in communi diuidundo iudicium, ita etiam præstationes uenire. Et l. 1. ubi Paulus ait, hoc iudicium idcirco necessarium fuisse, quod pro socio actio magis ad personales inuicem præstationes pertineat, quam ad communium rerum diuisionem: & recte. Nam hoc iudicium inter eos redditur, qui rem quam alia, atque ex hereditatis causa communem habent, diuidi, simulque quod alterum alteri ex bono & æquo præstare oporteat, dari fieri postulant. Quæ uero in actione superiore diximus, eadem etiam in hac intelligenda sunt. Nam cit reale iudicium, antequam sit constitutum uter possessor sit, institui non possit. §. retinendæ. De interdicit. hoc uero iudicio res est, inquit Sænuola, agatur siue neuter possideat, siue alter sociorum fundum non possideat. l. pen. D. eod. quæri posset, quomodo dicatur hoc iudicium actionis in rem esse particeps? Respondendum enim est, non eatenus esse particeps, quatenus possessio nem spectamus: sed quatenus nos dominos asserimus, reique nostræ domini pronuntiari postulamus. Quantum autem ad personalis actionis participationem attinet, expedita ratio est. Quia si res commode diuidatur, partes eius sic adiudicantur, ut si unius pars prægrauet, is uicissim alteri certa pecunie damnetur. Sin minus, tota uni adiudicanda est: & is inuicem alteri tantæ pecunie condemnandus. §. eod. de offic. iud. Formula igitur hæc erit: **C. CAECILIUS** iudex esto: itaque res communes diuidito, ut quid cuique ex æquo & bono adiudicari, quidque alterum alteri ex fide bona dare facere oporteat, arbitretur.

**FINIVM REGVNDORVM.)** Sequitur III. Finium regundorum actio simul & in rem & in personam instituta est. l. 1. D. finium regund. ubi Paulus ait, hanc actionem in personam esse: licet pro rei uindicatione sit. Nam eatenus in personam est, quatenus id quod nostrum non est, nobis adiudicatur. Veluti si fines ita regendi sint, ut pars quædam ex agro confinis detrahenda sit, quæ mihi attribuat. l. 2. 3. & 4. D. eod. Eatenus autem in rem est, quatenus dominium meum assero: postuloque, ut quid meum sit, ab arbitro pronuntietur. Formula igitur hæc erit: **L. ACILIVS** iudex esto: itaque fines duorum agrorum, de quibus agitur, regito, ut quid cuique adiudicari, quidque alterum alteri eo nomine dare facere oporteat, arbitretur. Nam illa uerba **EX FIDE BONA** propterea relinquimus, quia nullo casu intelligi potest fides à confinibus data fuisse: quemadmodum posterius docebimus, sub §. actionum. infra eod. ubi propterea bonæ fidei hanc actionem esse negabimus. **C**

**PERMITTITVR IVDICI.)** Sequitur IIII. Mixtorum iudiciorum arbitrio ius est uni rem adiudicare, alteri uero certam ab eo pecuniam attribuere. l. 2. D. fin. regund. l. Mæuius. 52. D. fam. ercisc. l. 1. D. commu. diuid. Cuius rei ratio est hæc, quia plerumque res sunt eiusmodi, ut aut uix, aut ne uix quidem diuidi distinguique possint. Itaque necesse est arbitrum interdum partem, interdum etiam rem totam uni attribuere: uti patet ex l. si familiæ. 55. D. fam. ercisc. Quæ de causa litigatores neque suam esse, neque sibi dari oportere rem certam intendunt. Sed totius rei arbitrium iudici permittunt, ut pro suo arbitratu statuatur, & cuius quæque res esse debeat, & quid quemque cuique dare facere ex æquo & bono oporteat. Vnde intelligi potest, quapropter in istis iudicijs uterque & reus & actor esse dicatur: ac proinde uterque utrumque calumniæ iniurandum præstet: id est, & non calumniæ causa litem intendere, & non calumniæ causa inficias ire. l. 2. & l. inter. 44. D. famil. erciscun. l. iudicium. 10. D. fin. reg. l. 2. D. commun. diuid. l. actionis. 37. D. de oblig. & act. Nam perinde quasi neuter possideret, neuter certum sibi deberi contenderet: ita rei totius arbitrium ac facultatem iudici permittunt.

Actio quarta diuisio, ad eam summam quæ per unam quamque petitur, pertinens. Item quibus actionibus simplum, quibus item duplum exigatur.

**XIX.** Omnes autem actiones, uel in simplum conceptæ sunt, uel in duplum, uel in triplum uel in



**A** uel in quadruplum. Vtlerius autem nulla actio extenditur. In simplum agitur: ueluti ex stipulatione, ex mutui datione, ex empto, uendito, locato, conducto, mandato, & denique ex alijs pluribus causis. in duplum agimus: ueluti furti nec manifesti, damni iniuria, ex lege Aquilia, depositi ex quibusdam causis. Item serui corrupti: quæ competit in eum, cuius hortatu consilioque seruus alienus fugerit, aut contumax aduersus dominum factus est, aut luxuriosius uiuere cœperit, aut denique quolibet modo deterior factus sit. In qua actione earum etiam rerum quas fugiendo seruus abstulerit, æstimatio deducitur. Item ex legato quod uenerabilibus locis relictum est, secundum ea quæ supra diximus.

**VEL IN SIMPLVM CONCEPTAE SVNT.)** Enunciatio I. Nulla actione amplius quam quadruplum persequi possumus: id est, nulla extat actio quæ plus quadruplo, quam quanti principalis res est exigi permittat. Tamen si fuisse olim Prætorum edictis maiores interdum multis constitutas, non dubium est. Nam C. Verrem iudicium in octuplum aduersus Decumanos qui plus ab aratoribus exegissent, constituisse, Cicero libro Accusationis tertio testatur. Quadrupli autem nomine, non quæuis æstimatio litis, aut multa legis intelligitur: sed tantum ea summa, quæ nominatim & definitur a lege usque ad quadruplum multiplicata est. Interdum enim litis æstimatio multo maior est, ut si quis sciens uitiosum tigris aut pecus morbosum uendiderit. Nam omnia detrimenta quæ ex ea emptione emptor traxerit, ei præstabit. l. iulianus. 13. D. de act. empt. Atque hoc quidem exemplum ad litis æstimationem pertinet: illud ad legis pœnam refertur, de quo scribitur in l. 3. in fine. D. de incend. naufrag. & ruin. ut si quis ex naufragio clauos, uel unum ex his abstulerit, omnium rerum nomine teneatur.

**VELVTI EX STIPVLATIONE.)** Sequitur II. Ex omnibus contractibus in simplum duntaxat agitur: siue re, siue uerbis, siue literis, siue nullo consensu consent. Simplum autem appellamus, qualiscunque summa sit, dummodo a lege nominatim ac discretè duplicata non sit. Quod ob eam causam dicitur, quia nonnunquam cum in id quod interest agimus, multo plus quam quanti uerè res erat, propter quam lis exorta est, exigimus. Ergo simpli nomine, rem omnem intelligimus quam lex non geminauit, quantumuis per se atque ex litis æstimatione multiplicetur. Velut in eo casu, de quo modò dicebamus: Si quis uel pecus morbosum uel tignum uitiosum, uel seruum furem sciens uendiderit. Nam etsi uenditor damnum omne præstare cogitur, quod centuplo fortasse precium rei uenditæ superabit: tamen quoniam lex non certa quantitate litis æstimationem multiplicauit, propterea simplum duntaxat hac actione contineri dicitur. Verum id ex Aquilianæ actionis ratione multo planius intelligitur. Nam eo casu quo qui damnum dederit, inficiatus fuerit, duplum nominatim a lege constitutum est. Quod autem extra casum inficiarum lex quanti plurimi æstimationem imponit, tamen si decuplo plus fuerit, simplum tamen appellabitur.

**IN DVPLVM AGIMVS.)** Sequitur III. Actione nec manifesti furti, damni iniuria, miserabilis depositi, serui corrupti, per legatim duplum persequimur. l. in furti. 50. D. de furti. l. 5. §. 5. D. de ser. corrupt. l. item ueniunt. 20. §. 4. D. de pe. tit. hered. & l. 1. D. de posui. l. 1. D. de ser. corrup. Sed hoc loco mirum est, prætermisum à Triboniano fuisse, quod cum momenti sit maximi, dum tribus uerbis absolui potuit: inter has quinque actiones hoc interesse, quod duplum prima, totum est extra rem: reliquarum uerò, rem ipsam completitur. Nam (ut ait Paul. in l. ut tantum. 14. §. 4. D. de ser. cor.) in hac actione extra rem duplum est: id enim quod damni datum est, duplicatur. Illud etiam animaduersione dignum est, quod scribit Vlp. in l. doli. 5. §. 2. D. de ser. corrupt. actionem legis Aquiliæ ab actione de seruo corrupto eò differre, quod hæc etiam aduersus confitentem in duplum est: Aquilia autem inficiantem duntaxat coercet.

**DEPOSITI EX QVIBVSDAM CAVSSIS.)** Ex quatuor causis quas proximo §. enumerauimus incendij, ruinæ, tumultus, naufragij. Sunt autem & aliæ actiones quibus duplum exigimus. Veluti si quis cum se liberum sciret, dolo malo passus sit se uenundari. Nam in duplum eius quod emptori eo nomine abest, damnabitur. l. reestime. 14. cum duabus sequentibus. D. de liber. caus. Item actio de tutela rationibus distrabendis. l. testatores. 55. D. administ. tutel. Item actio empti, si de agri modo uenditor mentitur: uti Paulus scribit lib. Sentent. 1. cap. 18. & lib. 2. cap. 17. ait, si ea quæ lingua nuncupata erant, emptor aut uenditor inficiaretur: ut Cic. lib. Offic. 3. testatur. Item actio iudicati, si quis iudicatum negaret: ut ibidem Paulus scribit.

**QVOLIBET MODO DETERIOR.)** Sequitur IIII. Serui corrupti actione qui seruum alienum quoquo modo deteriore fecit, tenetur. l. 1. D. de seru. corrupt. ubi Vlp. ait, hanc actionem à Præatore constitutam esse, non modò aduersus eum qui seruum è bono malum reddiderit, sed etiam in eum, qui malum seruum deteriore effecerit. Memorabile autem est quod Paulus scribit in l. ut tantum. 14. eod. si filius filiauefam. corrupti sint, utilem hanc actionem competere, officio iudicis æstimandam quanti interest nostra, liberorum nostrorum animos non corrumpi. Formula autem directæ actionis hæc erit, SI PARET L. Titium Dauo L. Septimij seruo persuasisse aliquid dolo malo, quo eum deteriore faceret, tum L. Titius in duplum quanti ea res erit, damnetur. Hæc enim edicti uerba sunt, ex quibus manifestè constat Persuadendi uerbum in effectu accipiendum esse: aliud est enim suadere, aliud persuadere. Qua de causa partes actoris erunt, probare non modò L. Titium malum consilium Dauo dedisse, sed etiam sic ei persuasisse, ut corrumpere. Vnde actio de seruo corrupto appellatur. Sed Iustin. in l. si quis. 20. C. de furt. pro imperio aliud statuit, nimirum ut etiam conatus & uoluntas nuda puniatur: quemadmodum superius dictum est §. Vnde illud. De oblig. quæ ex delict.

**EARVM ETIAM RERVVM.)** Sequitur V. In serui corrupti actionem rerum quas secum seruus abstulit, æstimatio deducitur. l. in hoc. 10. D. eodem. ubi Paulus ait, in hoc iudicium etiam rerum æstimationem uenire, quas secum seruus abstulit: quia omne damnum duplatur. Vlpianus autem lege insequentem scribit, furti etiam agi posse: opem enim & consilio sollicitatoris uideri res abesse. Nec sufficere alterutra actione egisse, quia altera alteram non minuit: hoc amplius, & conditionis nomine teneri. quamuis enim conditione hominem, pœnam autem furti actione consecutus sit: tamen & quod interest debet consequi, actione serui corrupti.



*Iustiniani instituto, qui in libello conuentionis plus sibi quàm debetur complexus est, ut ex eo sportulæ uiatoris maiores soluantur, tripli damnatur.*

XX. Tripli uerò agimus, cùm quidam maiorem uera æstimationis quantitatem in libello conuentionis inseruit: ut ex hac caussa uiatores, id est, executores litium, ampliorem summam sportularum nomine exigent. tunc enim damnum id, quod propter eam passus fuerit reus, in triplum ab actore consequitur: & in hoc triplo & etiam simplum, in quo damnum passus est, connumeratur. Quod nostra constitutio introduxit, quæ in nostro Codice fulget: ex qua dubio procul est, Ex lege condictionem emanare.

CVM QUIDAM MAIOREM.) Enunciatio I. Cuius dolo factum est, ut plus debito uiatores exigent, ex lege Iustiniani triplo multatur. Lex autem illa Græcè, ut credi par est, scripta, iniuria temporum intercidit.

MAIOREM VERA ABÆSTIMATIONIS QVANTITATEM.) Sic uetus codex: ut sensus sit, Quantitatem æstimationis maiorem uera. Abæstimationem autem intelligo eius rei factiue quod indicio petitur. Nam cùm ex modo litis æstimationis sportulæ soluerentur, actor in libello conuentionis, litem æstimare iuebatur. ueluti si domum quam petit, & quæ septingentorum aureorum est, mille aureis æstimet.

VT EX CAUSSA VIATORES.) Sequitur II. Viatores pro modo summæ petitæ sportulæ modò maiores, modò minores exigebant. Quod equidem concoquere uix possum: tamen si uideam huiusce loci hanc esse sententiam. Quid enim argumenti res habet, aut rationis, uiatoribus mercedem constituere, non ex laboris & operæ ratione, sed ex quantitate, quæ in controuersiam adducta est? Quod enim is qui princeps Iuriconsultorum nominatus est, existimat, hoc loco Viatorum nomine non Apparitores intelligi, sed eos qui causas instruunt, qui uulgò Commissarij appellantur, id est eiusmodi, ut pleræque illius omnia. Nam & uiatores & litium executores dicuntur apparitores, qui quempiam in ius uocant, & iudicium exigunt. Merces autem illorum, sportula uocatur: ut planè constat ex l. omnes. 31. §. executoribus. C. de episc. & cler. & in l. in sacris. 12. C. de proxi. sacror. scriu. lult. C. de fructib.

BT IN HOC TRIPLO SIMPLVM.) Sequitur III. In duplo actionis de maioribus sportulis simplum continetur.

EX QVA PROCVL DVBIQ.) Hunc locum ante annos nouem ita correximus ex ingenio: nunc etiam contra Tigurini, aliorumque librorum auctoritatem, in eadem sententia permanemus. Condicticium autem pro condictionem dici, loci in Pandectis complures documento sunt. Ex lege autem conditio dicitur actio in personam, quæ nouis legibus, aut S. consultiis, aut constitutionibus Principum instituta sit. l. 1. D. de cond. ex leg.

EX LEGE CONDICTIONIAM.) Sequitur IIII. Actio quæ ob maiores sportulas exactas datur, conditio ex lege appellatur. Formula autem illius hæc erit: SI PARET L. Octauium maiorem uera æstimationis quantitatem in libello conuentionis dolo malo inseruisse, quo C. Septimius quem in ius uocabat, uiatori ampliorem summam sportulæ nomine penderet: tum L. Octauius tripli damnatur.

*Qui manifesto furto, per metum, calumniæ caussa: item qui uiatores contra Iustiniani legem à reis pecuniam exegerint, quadrupli damnantur.*

XXI. Quadrupli autem agitur, ueluti furti manifesti, item de eo quod metus caussa factum sit, deque ea pecunia quæ in hoc data sit, ut is cui datur calumniæ caussa negotium alicui faceret, uel nō faceret. Item Condicticia ex lege quæ ex nostra constitutione oritur, quadrupli condemnationem imponens ijs executoribus litium, qui contra nostræ cōstitutionis normam à reis quicquam exegerint.

VELVTI FURTI MANIFESTI.) Enunciatio I. Actione furti manifesti, quod metus caussa, calumniæ, in uiatores, quadruplum exigitur. Idem autem hic repeto, quod paulo ante dixi, mirandum esse, quod istæ actiones sic conuocantur, quasi nihil inter ipsas intersit. Cùm illud magnopere intersit, quod quadruplum primæ, totum præter rem ipsam expetatur: cæterarum uerò, rem ipsam completatur. Mirum etiam est obliuione prætermisam à Triboniano Vi bon. rapt. actionem fuisse, de qua tamen istorum trium similitudine admoneri facile potuisset.

DE EO QVOD METVS CAUSSA.) Actio quod metus caussa, est actio prætoria in personam, per quam is à quo terrore & minis res aliqua extorta est, & rem, & si reus iussu iudicis eam non restituat, triplum præterea consequitur. l. item si. 14. D. de eo quod met. cau. ubi Vlpianus ait: Si quis non restituat, in quadruplum in eum iudicium à prætore polliceri. Quadruplandum autem omne, quodcumque restitui oportebit. item quanti ea res est, id est, cum fructibus & caussa. Et §. Quatenus: ubi ait, In quadruplo ita simplum inesse, ut in condemnatione quadrupli res quidem omni modo contineatur, & eius restitutio fiat: pœnæ autem usque ad triplum. Formula autem hæc erit: SI PATERET L. Septimium terrore ac minis rem qua de agitur, à Sextio extorsisse, neque eam cùm à iudice iubebitur, illi restituat: tum in quadruplum quanti ea res erit damnatur.

CALVMNIAE CAUSSA.) Sequitur II. Quadrupli damnatur, non modò qui ut faceret, sed etiam qui ut ne faceret calumniam, pecuniam accepit. l. 1. D. de calumniat. ubi Vlp. ait, in eum qui ut calumniæ caussa negotium faceret, uel non faceret, pecuniam accepisse diceretur, intra annum in quadruplum eius pecuniæ, quam accepisse diceretur: post annum simpli in factum actionem dari. Item l. 3. ubi sic idem scribit: Si igitur accepit, ut negotium faceret, siue fecit, siue non fecit, & qui accepit ne faceret, & si fecit tenetur. Dabitur autem hæc actio non ei qui pecuniam præbuit, ut negotium quis pateretur, turpiter enim fecit, inquit ibidem Vlpian. sed ei dabitur petitio, propter quem datum est, ut calumnia ei fiat. Quare si quis & à te pecu-



**A** à te pecuniam accepit, ut mihi negocium faceret, & à me ne mihi faceret: duobus iudicijs mihi tenebitur. Formula autem huius actionis hæc erit, SI PARET & Ebutium calumniæ causâ pecuniam accepisse, uti C. Flavio negocium faceret aut non faceret.

EX NOSTRA CONSTITVTIONE.) Hoc quoq; ex coniectura emendatum à nobis decem ab hinc annis, contra ueterum librorum auctoritatem retinuimus. Abs est autem illa constitutio ab ijs qui extant Codicibus. Actionis tamen formulam huiusmodi fere fuisse arbitramur: SI PATERET C. Attilium, plus quàm quantum ex lege licuit, sportus hæ causâ à L. Sempronio dolo malo accepisse: tum in quadruplum quanti ea res erit, damnetur.

*Nec manifesti furti & serui corrupti actiones natura sua dupli sunt: Damni uerò iniuria & miserabilis depositi ex inficiatione: p̄j uerò legati tum ex inficiatione, tum ex mora soluendi, in duplum crescit.*

**XXII.** Sed furti quidem nec manifesti actio & serui corrupti, à cæteris de quibus locuti sumus, eò differunt, quòd hæ actiones omnino dupli sunt. at illæ, id est, damni iniuria ex lege Aquilia, & de dolo interdum depositi, inficiatione duplicantur: in confitentem autem in simplum dantur. Sed illa quæ de ijs competit, quæ relictæ uenerabilibus locis sunt: non solum inficiatione duplicatur, sed etiam si distulerit relictæ solutionem usquequò iussu magistratuum conueniatur. In confitentem uerò, & antequàm iussu magistratuum conueniatur, soluentem, simpli redditur.

**B** OMNINO DVPLI SVNT.) Enunciatio I. Nec manifesti furti, seruiq; corrupti actiones non casu, sed natura sua in duplum concipiuntur. l. si pro fure. 7. D. de condict. furt. & §. 2. infra, de pœn. tem. litig. & l. 5. §. 2. D. de seruo corrupto. Ac de furti quidem actione superius abundè explicatum est. De altera Vlp. d. l. 5. sic scribit: Hæc actio etiam aduersus fatentem in duplum est: quamuis Aquilia inficiantem duntaxat coerceat.

AT ILLÆ, ID EST DAMNI INIURIA.) Sequitur II. Damni iniuria & miserabilis depositi actiones, in inficiantem dupli, in confitentem simpli sunt. d. l. 5. §. 2. de ser. corrupt. & §. 2. infra, de pœn. tem. liti.

SED ETIAM SI DISTVLERIT.) Sequitur III. Piorum legatorum actio, non modò in inficiantem, sed & in eum quem in ius uocare oportuit, dupli est. Quod non sine causâ constitutum uidetur, quia tam diuturna cunctatio, fraudatio quædam est pauperum, qui interea & re sua & eius usu ac fructu priuantur. Quod autem posterius ait, in confitentem & antequàm iussu magistratuum conueniatur, soluentem, simpli hæc actionem reddi, non ita facile est ad intelligendum. Non enim uideo quomodo in soluentem actio redderetur. Præterea si redditur actio, necesse est magistratuum antea iussisse, ut hæres conueniatur: at conuenio facit, ut dupli actio reddatur. Videamus igitur, an alia ratione Triboniani scriptum adiuuare possimus: & uerbum SOLVENTEM sic interpretari, Soluere non recusantem, sed iusta aliqua de causâ impeditum: ueluti quòd hæreditas nondum diuisa sit, aut adita, aut uel obscura, uel in diem, uel sub conditione legatum esse dicatur.

*Reus iudicij quod metus causâ, reus ante condemnationem restituens, absoluitur. At in cæteris quadrupli iudicijs, reus omnimodò condemnatur.*

**XXIII.** Item actio de eo quod metus causâ factum sit, à cæteris, de quibus simul locuti sumus, eò differt, quòd eius natura tacitè continetur, ut qui iudicis iussu ipsam rem auctori restituat, absoluitur, quod in cæteris casib. non est ita, sed omnimodò quisq; in quadruplum condemnatur: quod est & in furti manifesti actione.

**C** EIVS NATVRA CONTINETVR.) Enunciatio I. Actione quod metus causâ conuentus, rem iudicis iussa restituens absoluitur. l. item si. 14. §. 1. D. quod metus causâ. ubi Vlp. ita scribit: Si quis non restituat, in quadruplum in eum iudicium Prætor pollicetur. Satis clementer cum reo Prætor egit, ut daret ei restituendi facultatem, si uult pœnam euitare. item: Hæc actio cum arbitraria sit, habet reus licentiam usq; ad sententiam ab arbitro datam restitutionem rei facere, quia non statim quadrupli est actio, sed si res non restituatur, quod si non fecerit, iure meritoq; quadrupli cõdennationem patietur. Quam ob causâ superius dicebamus in huius actionis formula illam clausulam adijciendam esse, NEQVE REVS iussu iudicis rem restituat. Verum hæc de re in Arbitrariarum explicatione fusius differemus.

OMNIMODO QVISQVE IN QVADRVPLVM.) Sequitur II. Potestas reum restituentem absolui, neq; in furti, neq; in calumniæ, neq; in uiatorum actione permittitur. §. 2. infra, de pœn. tem. litig. Ratio est, quia facultas hæc tantum in ijs actionibus conceditur, quæ arbitrariæ propterea nominantur: ut suo loco docebimus.

*Actionum quinta diuisio: ut aliæ sint bonæ fidei, quarum hic nouendecim enumerantur, in quibus Iustiniani imperio, hæreditatis petitio est: aliæ stricti iudicij. l. ult. C. de petit. hered.*

**XXIII.** Actionum autem quædam bonæ fidei sunt, quædam stricti iuris. Bonæ fidei sunt hæ: ex empto, uendito, locato, conducto, mandato, pro socio, negotiorum gestorum, tutelæ, familiæ ereiscundæ, communi diuidundo, depositi, commodati, pignoratitia, præscriptis uerbis, quæ de æstimate proponitur, & ea quæ ex permutatione competit, & hæreditatis petitio. Quamuis enim usq; adhuc incertum erat, inter bonæ fidei iudicia cõnumeranda hæreditatis petitio esset, an non: nostra tamen constitutio aperte eam esse bonæ fidei disposuit.



QVAEDAM BONAE FIDEI.) Enunciatio I. Actionum alia bonae fidei, alia stricti iuris appellantur. EST A  
autem genus hoc dicendi Iurisconsultorum proprium: qui actiones bonae fidei praecise appellant, cum plene sic dicamus, Actio-  
nes quarum in formulis addi solet, Quicquid ex fide bona dari fieri oportet. Stricti uero iudicii, cum apertius sic loquamur,  
Actiones quibus iudex datus ad certam formulam astringitur. Quod ut intelligamus, praemunitio quadam utendum est. Fi-  
des est (ut ait Cicero lib. de Offic. 1.) dictorum conuentorumque constantia & ueritas: inde dicta, quod fiat quod dictum est.  
Quod cum ita sit, sequitur ut bona fides dicatur, cum id quod dictum ac promissum est, bene ac recte fit. Vnde illud Augusti  
apud Suetonium, qui populo promissum congiarium reposcenti, Bonae fidei se esse respondit. Sic Plautus in Mostell.

TR. De uicino hoc proximo tuus emit aedes filius.

TE. Bona fide?

TR. Siquidem es argentum redditurus, tum bona:  
Si redditurus non es, non erit bona.

Ex quibus intelligi potest, Actiones bonae fidei eas demum proprie appellari, quibus postulatur, ut fides data, bene atque uti  
par est, seruetur. Nam (ut ait Vlp. in l. ex empto. 2. de actio. empt.) Nihil magis bonae fidei congruit, quam id praestari, quod  
inter contrahentes actum est. Quod idem tradit Iuolenus in l. cum uenderem. 21. D. locat. Exemplum certissimum est in actio-  
nibus empti, uenditi, locati, conducti, & pro socio. In quibus constitutum est, ut actores, non certam summam petant, sed hoc  
tantum postulent, quod patebit aduersarium sibi dare facere oportere ex fide bona. Cuius formula magna & admirabilis  
quaedam uis est. Nam, ut ait Triphonus in l. bona fides. 31. D. de pos. Bona fides quae in contractibus exigitur, aequitatem sum-  
mam desiderat. Itaque cum nihil tam contrarium sit bonae fidei, quam dolus malus, perspicuum est, quicquid dolo commissum  
est, huius actionis uic ac bonitate quadam uindictari: hoc est, etiam si nominatim eius rei mentio ab Actore nulla facta sit. Hanc  
enim uim ac proprietatem habet haec actio natura sua, ut iudex ad eam sumptus, summam habeat potestatem cognoscendi, an  
quod a litigatoribus factum aut dictum est, bonae fidei consentaneum sit, dammandique aut alterum, aut utrumque, in id quod bonae  
fidei ratio postulare uidebitur. Atque hoc illud est, quod paulo ante dicebamus, formulam harum actionum ita concipi, ut  
non certum quid petatur, sed tantum quantum ex bona fide dari fieri oportebit. Nam quoties certum quiddam in controuersia  
deducebatur, moris erat ut actor conceptis uerbis sponcione certae pecuniae aduersarium prouocaret, ni iure illud postu-  
laret. Prator autem in ea ipsa uerba, quibus concepta erat sponcio, iudicium concipiebat: Si pateret ita esse, ut sponcio facta  
esset, tum reus damnaretur. Brant autem praeterea controuersiarum genera quaedam, quibus non certum quid petebatur, sed  
illud demum quod iudex sumptus ex aequo & bono arbitraretur. Quapropter nec sponcio in illis fiebat, nec Prator certum  
aliquid in formula iudicii definiebat: sed iudici dato potestatem faciebat statuendi de controuersia ex bono & aequo, & tan-  
ti reum dammandi, quantum ex fide bona illum dare facere oporteret. Qua de causa iudicia haec sapienter appellabantur Arbitra-  
ria: & iudices in ijs dati, Arbitri: quoniam arbiter is est, ut ait Festus, qui totius rei arbitrium ac potestatem habet. Itaque Se-  
neca lib. de Clemen. 2. ad hanc differentiam alludens: Clementia, inquit, liberum arbitrium habet, nec sub formula, sed ex  
aquo & bono iudicat. Sponcionem autem in illis non fieri solitam, Cicero in ea pro Qu. Roscio his demonstrat uerbis: Eum-  
dem tu arbitrum & iudicem sumebas? Eadem & infinitam largitionem remittebas, & eundem in angustissimam formu-  
lam sponcionis concludebas? Boetius autem in Topica Ciceronis rem planius exponit: In his, inquit, iudicijs, in quibus ad-  
ditur, ut iudices ex bona fide iudicent: id est, ubi ita iudices dantur, ut non strictis inter litigantes stipulationibus, sed bonam fi-  
dem querant, plurimum cassarum usus est. Hinc illa Calpurnij aduersus Claudium notissima ex libro de Offic. 3. formula:

QVICQUID SIBI DARE FACERE OPORTERET EX FIDE BONA. Qua ex  
re summa inter strictus, & bonae fidei actiones differentia intelligi debet: cum in illis ita certa definita summa petatur, ut si  
plus teruncio uno petitum sit, condemnatio parata sit. In his uero certa summa nulla nominetur, sed prudentiae iudicis commit-  
tatur, quantum alterum alteri dare facere oporteat. Sequitur altera, quod in bonae fidei actionibus, semper iuris quaestio uer-  
satur, facti uero nunquam: in alijs & facti & iuris. Nam si facti quaestio in illis esset, sponcio necessario fieret: ac proinde  
certa summa in iudicio uerteretur. Qua ex re facile intellectu est, quamobrem Q. Scauola Pontifex Max. dicere soleret, ma-  
gni esse iudicis de istis controuersijs cognoscere. Cicero autem in Topicis plurimum in ijs usum esse Iurisconsultorum. Nam ubi  
de facto quaestio est, cuius mediocri duntaxat intelligentia praeditus sumi iudex potest. Itaque rure nonnunquam accersiri sole-  
re iudices, Fabius testatur. Vbi uero de iure contenditur, tum magno iudice, id est, (ut Cicero interpretatur) magno Iuriscon-  
sulto, & in iure diu multumque uersato, est opus. Sed locum utrumque subscribemus. Ergo Cicero libro de Offic. tertio sic scribit:  
Quintus quidem Scauola Pont. Max. summam uim esse dicebat in omnibus ijs arbitrijs, in quibus ageretur ex fide bona:  
fideique bonae nomen existimabat manare latissime, idque uersari in tutelis, societatibus, fiducijs, mandatis, rebus emptis, uendi-  
tis, conductis, locatis: quibus uita societas continetur. in his magni esse iudicis statuere, praesertim cum in plerisque essent iudi-  
cia contraria, quid quaque cuique praestare oporteret. Idem in Topic. In omnibus igitur ijs iudicijs, in quibus Ex fide bona  
est additum, plurimum eorum usus est. Vbi uero etiam, ut inter bonos bene agere oportet, in primis; in arbitrio rei uxoriae,  
in quo est Quid aequius melius, parati esse debent. Illi enim dolum malum, illi fidem bonam, illi aequum bonum, illi quid socium  
socio, quid cum qui negotia aliena curasset: ei cuius ea negotia fuissent, quid cum qui mandasset, eum cui mandatum esset,  
alterum alteri praestare oporteret: quid uirum uxori, quid uxorem uiro, tradiderunt. Nam BORVM. VSVS EST  
restituendum esse, locus perspicue demonstrat: neque uel Boetio, uel usitata lectioni assentior, ut ad causas ea uerba perti-  
neant. Sequitur tertia differentia: Quod in actionibus bonae fidei, non tam quid in contrahendo dictum ac pronuncia-  
tum sit, spectatur, quam quid officij siue bonae fidei ratio ab utroque postulet: in alijs uero id unum quod lingua nuncius-  
patum est, exquiritur. Nam Paulus in lege 7. D. de negocijs gestis. Tantundem, ait, in bonae fidei iudicijs officium iudicis  
ualet, quantum in stipulatione nominatim eius rei facta interrogatio. Et Pomponius in lege 6. D. de contr. empt. In em-  
ptis, inquit, & uenditis potius id quod actum, quam id quod dictum sit, sequendum est. Item Papinianus in lege Lucius.  
17. D. de pos. Est constitutum (inquit) in bonae fidei iudicijs, ut tantundem possit officium arbitri, quantum stipulatio.  
Et Vlpianus in lege quod si nolit. 31. §. quia assidua. 17. D. de adil. edict. Ea quae sunt moris & consuetudinis in bonae fidei  
iudicijs ueniunt, quamuis expressa non sint. At cum de stipulatione agitur, Celsus in l. quicquid. 99. D. de uerborum obligat.  
ita scribit



EX EMPTO, VENDITO.) Sequitur II. Omnes actiones quæ ex contractibus nudo consensu factis oriuntur, bonæ fidei sunt, empti, uenditi, locati, conducti, pro socio, & mandati. l. 1. l. ex empto. 11. D. de act. empt. l. cum uenderē. 21. D. locat. l. præses. C. de locat. l. cum duobus. 52. §. 1. pro socio. l. 1. 2. 5. & 6. D. de oblig. & act. Quamobrem quoties actionibus istis agitur, neque certum aliquid nominatim in iudicium deducitur, neque sponso certa in uerba concipietur, neque Prætor iudicem a se datum de re certa ac definita statuere iubebit; sed id duntaxat postulabitur, ut tanti damnatio fiat, quantum alterum alteri ex bono & æquo dare facere oportebit. Sed exoritur illa quaestio, Non igitur poterit uenditor, ab emptore domum, de qua inter eos conuenit, nominatim petere? quid uerò si uenditor neget se uendidisse? an non licebit emptori sponsonem facere certæ pecuniæ, ni domum illam emerit à L. Titio? Verum huic dubitationi superius propeximus, ubi dicebamus quotiescūque de facto ambigitur, tum stricti iudicii actionē exerceri: fit enim certæ pecuniæ sponso, ni res uendita, aut locata, aut mandata sit; neque iudici ullius alterius rei potestas datur, nisi ut de facto cognoscat, & alterutrum sponsonem aut sacramentum iustum esse pronunciet. Quapropter etiamsi rem fuisse uenditam cognoscat, non tamen ad rem tradendam L. Titium damnabit: sed cum rem factam uideri pronunciarit, exitus huiusce iudicii hic erit, ut uictor pecuniam in qua sponso facta est, auferat. Atque hæc quidem ita se habent. Quod autem ad illam quaestionem attinet, An non poterit emptor rem emptam nominatim petere si uelit, aut uenditor certam pretij summam? Respondemus, posse: sed non actione ex empto: uerum ea quæ certi condictioni appellatur. l. certi. 9. D. de rebus cred. Itaque Ulpianus in l. 4. eiusdem tit. scribit, rem pignori datam pecunia soluta condictioni appellatur. l. certi. 9. D. de rebus cred. Itaque Ulpianus in l. 4. eiusdem tit. scribit, rem pignori datam pecunia soluta condici posse: cum tamen eo nomine pignoratitia comparata sit, quæ inter bonæ fidei actiones hoc loco numeratur. Sequitur altera quaestio. Nam quod empti, uenditi, locati, conducti, & pro socio actiones bonæ fidei esse dicimus: perspicue consensum est cum eo quod superius docuimus, his actiones eo pertinere, ut fides data bene & ratione seruetur. Tam enim emptor uenditori, quam hic uicissim illi fidem datam conductor locatori, quam locator illi: quod idem in sociis manifestum est. Sed uideamus ne in mandato ratio dissimilis sit. Nam ab eo quidem qui mandatum recipit, fides mandatori datur: eoque recte bonæ fidei actio aduersus eum concedetur. Verum is qui mandat persepe fidem non dat nominatim, neque quicquam promittit. Hoc ad iudicandum persfacile est. Constat enim cum qui mandat, si minus disertè ac nominatim, tacite tamen ac ni ipsa fidem dare, se indemnem mandatarium præstaturum: & ei non minus obligari, quam hunc ipsi. Verum hoc differentia est.



quod hic disertè, ille tacite fidem dat: eoq; directæ actio aduersus hunc, aduersus illum autem contraria competit. Vtrinq; autem bonæ fidei esse, perspicue Cicero in Topicis testatur, & Caius in l. 5. D. de oblig. & act.

NEGOCIORVM GESTORVM.) Sequitur III. Hæ quasi ex contractibus actiones, negotiorum gestorum, tutela, familia erciscunda, communi diuidendo, bonæ fidei sunt. l. 5. D. de oblig. & act. l. in bonæ fidei. 13. de usur. Sed de singulis ordine uideamus. Ac negotiorum quidem gestorum actio duplex est, directæ & contraria: quarum utraq; bonæ fidei esse Cicero in Officijs & Topicis aperit demonstrat: & Caius in dict. l. 6. de oblig. & act. Verum illa mouere nos posset obiectio, si quis quereretur, quæ ratione bonam fidem alter ab altero exigeret, cum neuter alteri fidem dederit. Negocia enim sine mandato sponte atq; ultro administrata sunt, plerumq; etiam ignorantis. l. tertia, D. de negocijs gestis. Respondetur enim, fidem à neutro disertè ac nominatim datam fuisse: sed tamen præsumi datam, & haberi pro eo ac si data fuisset: quia & qui absentis negocia suscepit, promittere uidetur se diligenter, & ex animi sententia gesturum: & is cuius negocia sunt, promittere intelligitur, se gestorem indemnem præstaturum. Quæ de causa nasci illa mutua obligatio, quasi ex contractu dicitur: quia sic inter se obligantur, quasi contraxissent, fidemq; inuicem dedissent. Quod autem ad Tutelæ actionem attinet, quæ similiter duplex est (nam directæ in tutorem, contraria in pupillum datur) non dubito quin utraq; bonæ fidei sit. Nam tutorem quidem fidem dedisse, fore ut pupillum bona ratione tueretur, manifestum est. Pupillus autem quamuis nominatim fidem non dederit, neq; se tutorem obligare possit, tamen à iure ciuili pro eo habetur, ac si dedisset. Sed in mixtis iudicijs ratio multo difficilior est. Quid enim si mihi & Titio, quem fortasse uiuere antea nesciebam, aut hereditas relicta, aut res aliqua communiter legata sit, & cum neuter nostrum quicquam adhuc attigisset, tamen uel alteruter, uel uterq; aut familiam, aut rem communem diuidi postulet? quomodo præsumeretur fidem inuicem dedisse? Sed respondetur, hæc iudicia bifariam exerceri, nimirum aut inter eos quorum neuter rem attigit, aut inter eos, quorum alteruter uel uterq; attigit. Attingere autem appello, uel emolumentum percepisse, uel sumptus fecisse. Ac si quidem neuter attigit, profecto difficile dictu est, ea bonæ fidei esse. Nam siue actores spectemus, certum est eos nulla ratione uideri fidem dedisse: siue arbitri potestatem consideremus, ea quidem summa est, & liberrima: sed nihil ad bonam fidem à litigatoribus exigendam. Constat enim tum deum bonam fidem exigi, cum aliquid dari fieri oportet. Hoc autem casu nihil omnino est, quod dari oportere dici possit. Sin autem uel alteruter, uel uterq; rem attigit, quia uel sumptus in rem communem fecit, ut in sacris telis, in cultura, in alenda familia: uel fructus aut mercedes percepit, tum uero quoniam debetur aliquid, ius ciuile præsumit alterum alteri fidem dedisse, ut in re communi bona ratione, ac sine dolo malo uersentur: ac proinde bonæ fidei actio nascetur. Quid igitur de Finium regundorum iudicio dicemus, quod à Iustiniano in hunc ordinem ascriptum non est? Sed cum illa iuris fictio de fide tacite, & ut Greci dicunt, τῇ ἀναύσει data, nulla ratione huic negotio conuenire possit, uerisimile non est bonæ fidei clausulam in hoc iudicio includi solere. Quæ de causa, nec libro superiore inter ea iudicia relictum est, quæ ex quasi contractu nascebantur, nec ad rem pertinet, quod exitus huiusce iudicij similis est superiorum: quippe cum cum cui pars agri adiudicata est, damnari ad pecuniam dandam oporteat. Non enim quod ex adiudicationibus, sed quod ex causis iudicium antecedentibus dari oportet, spectamus: quemadmodum sub eodem tit. demonstrauimus.

DEPOSITI, COMMODATI.) Sequitur IIII. Actiones depositi, commodati, pignoratitia, quas obligationes re contracte pariunt, bonæ fidei sunt. l. 1. §. hanc autem. D. de pos. l. 3. §. in hac. D. de commod. l. si autem. 7. D. de pignorat. act. Est autem unaquæq; harum actionum duplex: directæ nimirum & contraria. Nam directæ deponenti, commodanti & oppigneranti datur: contraria uero ei cui commissæ, commodatæ, oppigneratæ res est. Ac in directæ quidem quamobrem bonæ fidei mentio interponatur, facile intellectu est. Constat enim eos qui rem receperunt, fidem dare, se rem rectè ac bona fide reddituros. In contraria autem, ratio ex ijs quæ superius dicta sunt, intelligitur. Nam etsi alij nominatim non dederint, tacite tamen & ui ipsa dedisse iudicantur. Quare cum utriusq; obligatio nascatur, cum utrumque inuicem dare facere oporteat, æquum est, ut non tam quid nominatim conuenierit, quam quid officij ac bonæ fidei ratio postulet, consideretur.

PRAESCRIPTIS VERBIS QUAE DE AESTIMATO.) Sequitur V. Præscriptis uerbis actiones, item aestimatoria, & quæ ex rerum permutatione competit, bonæ fidei sunt. l. 1. D. de aestimat. l. 1. D. de rer. permut. l. 2. C. eod. Sic enim hunc locum interpretor, ac distingo, ut Præscriptis uerbis actiones ab Aestimatoria & Permutatoria distinguantur: quasi ab ijs quæ singulari aliquo nomine appellari possint, cum alia tres non possint: Do ut facias: facio ut facias: facio ut des. Quod autem ad Aestimatoriam attinet, ea describi non incommode poterit hoc modo, ut dicatur esse Actio personalis, aduersus eum comparata, qui rem alterius aestimatam ea lege uendendam accepit, ut aut rem ipsam incorruptam, aut aestimationem referret. dict. l. 1. de aestimat. ubi Vlp. ait, esse negocium ciuile gestum, & quidem bonæ fidei: ac proinde omnia ea locum hic habere, quæ in bonæ fidei iudicijs obseruantur. Formula ergo huiusce iudicij hæc erit, SI PATERET Octauium à Septimio rem qua de agitur, aestimatam uendendam accepisse, neq; is aut rem incorruptam, aut aestimationem reddiderit, tum quantum illum ex bona fide dare facere oportebit, tanti damnetur. Nam cum is qui rem accepit, nominatim fidem detis uero qui rem tradit, tacite obligetur ad accipientem indemnem præstandum, ac proinde utriusque inter sit negotiorum non ad conuentionis formulam, sed potius ad æqui & boni rationem exquiri: consentaneum est, ut iudici constituto liberum totius rei arbitrium permittatur. Actio uero de permutatione, est actio in personam aduersus eum instituta, qui, cum pepigisset ut res sua cum alterius re commutaretur, postquam rem alterius accepit, suam non præstat. dict. l. 1. D. de rer. permut. Vnde intelligi debet, cum ambo contrahentes dēt fidem inter se nominatim, ac naturaliter inuicem obligentur, ob eamq; causam utriusq; inter sit, non ex uerbis, quibus in paciscendo usi sunt, sed ex officij & æquitatis ratione rem aestimari, formulam iudicij in hanc sententiam concipiendam esse: SI PATERET inter Quintium & Sextium conuenisse, ut res suas inuicem commutarent, Quintus autem re Sextij accepta suam non præstet: tum quantum illum ex fide bona dare facere oportebit, tanti damnetur. Sed hac in re dubitatio quædam exoritur. Nam cum ex permutatione non nascatur obligatio, nisi re tradita, sicuti Paulus docet in l. 1. D. de rer. permut. ac proinde ex una tantum parte obligatio contrahatur: (is enim solus qui accepit obstringitur) hæc actio bonæ fidei esse non uidetur: cum superius docuerimus, eas demum esse actiones bonæ fidei, quæ ultro citroq; competunt: nimirum ut par utriusq; ratio sit. Huic autem obiectioni sic respondemus. Etsi hæc actio non nisi aduersus ala



**A** uersus alterutrum ex contrahentibus concedatur: nimirum aduersus eum qui accipiendo obligatus est: tamen quia non semper unus accipiendo obligatur, sed tam potest Titius quam Mæuius accipere, ac propterea utriusque æquè interest ex bona fide agere utriusque rationem esse, siue Titius, siue Mæuius obligetur: ut interea naturalem obligationem taceam, quam ante rei traditionem intercedere certum est. Sequitur ut de contractu, Do ut facias, breuiter explicemus: de quo non finit nos dubitare Vlpianus in l. 2. D. de precar. ubi ait, precarij nomine, præter interdictum etiam præscriptis uerbis dari actionem, quæ ex bona fide oritur. Significat enim non commodati actionem dari, sed præscriptis uerbis, quasi ad commodati naturam is contractus pertineret. Simillima ratio est, cum de eiusmodi facto negotium contractum est, quod locari non possit: ueluti si tibi uiginti dem, ut seruum tuum manumittas. Nam si locari factum posset, locatio et conductio diceretur. Huius autem negotij actionem esse bonæ fidei, patet ex eo, quia et fides utriusque datur, et quamuis ex pactione ante rem aut datam aut factam, nõ nisi naturalis obligatio nascatur: tamen quoniam uni æquè ut alteri accidere potest, ut ciuilitèr obligetur, ideo utriusque interest pactiõnem non ex uerbis, sed ex bonæ fidei ratione ponderari. Formula igitur hæc erit, SI PATERET Flauium ita cum Numerio conuenisse, ut si uiginti Numerio daret, Numerius seruum suum Stichum manumitteret, neque Numerius accipiens uiginti suum seruum manumittat: tum quantum ex bona fide dare facere Numerium oportebit, tanti damnetur. Quod autem ad contractum Facio ut facias, pertinet: eandem planè rationem esse arbitror. Nam si conuenit inter nos, ut tu seruum tuum manumitteres, et ego meum, constat et fidem utriusque datam esse, et utriusque pariter interesse, ut in contractu officij, bonæ fidei ratio habeatur. Formula igitur hæc esse poterit, SI PATERET inter Mæuium et Antonium conuenisse, ut seruum uterque suum manumitteret, et cum Antonius suum manumiserit, Mæuius suum non manumittat: tum quantum eo nomine Mæuius ex fide bona dare facere oportebit, tanti damnetur. Superest ut de contractu Facio ut des, disputemus: quem eiusdem esse generis arbitramur. Nam si inter me et te conuenierit, ut si tibi seruum tuum fugitiuum indicem, mihi des decem: perspicuum est utriusque datam esse fidem, neque pluri tua interesse, quam mea, ut ex bono et æquo fides præstetur. Itaque formulam hanc concipimus, SI PATERET inter Licinium et Melinum conuenisse, ut Licinius Melino seruum suum fugitiuum indicaret, Melinus in decem daret, et cum Licinius seruum indicasset, Melinus decem non det: tum quantum ex bona fide Melinum dare facere oportebit, tanti damnetur. Hoc enim exemplum ex Vlp. sumpsimus in l. solent. 15. D. de præscript. uerb. Quare nihil nos moueat quod scribit Paulus in l. naturalis. 5. §. 2. D. eod. Si faciam ut des, et posteaquam feci, cesses dare, nulla erit ciuilis actio: ideo de dolo dabitur. Nam illa uerba meo quidem iudicio, ad illum casum de quo Paulus ibidem disputat, referenda sunt: nimirum cum id factum est, unde nihil ad alterum peruenerit: ueluti si seruum meum manumittam, ut mihi des decem. Sed, ut opinor, quoties ita tua interfuit, me fidem præstare, ut ex eo commodum et emolumentum aliquod perciperes, præscriptis uerbis agatur: ut in illo casu perspicue dictum est, quo seruum fugitiuum, aut rem amissam indicauit.

**B** ET HEREDITATIS PETITIO.) Sequitur VI. Iustiniani instituto hereditatis petitio, in bonæ fidei actionum numerum recepta est. l. ult. C. de hered. petit. Est autem hereditatis petitio, actio in rem, qua is qui se heredem dicit, aduersus eum utitur, qui in pro heredem uel pro possessore habet: possidenti rem hereditariam, quamuis minimam. l. regulariter. 9. D. de petit. hered. Quare cum superius docuerimus, bonæ fidei actiones eis demum esse, quibus data fides exigitur et postulatur, ut id quod conuenit, bona fide præstetur: queri potest, quomodo hæc actio quæ in rem est, bonæ fidei esse possit. Sed, ut opinor, Iustinianus id constituit, propter personales quasdam præstationes, quæ huic actioni insunt: sicuti scribit Vlp. in l. sed etsi. 25. §. pen. D. eod. ueluti eorum quæ a debitoribus sunt exacta, item pretiorum. Nam cum is qui hereditatem possidet, aliquid a debitoribus hereditarijs accipit, tacite fidem dare uidetur, fore ut id restituat, eoque nomine obligatur. Rursus si quid creditoribus hereditarijs persoluerit, non dubium est, quin uerus heres ipsi obligetur. Quamuis ergo postulare inter se non possint, ut quod conuenit, bona fide præstetur: quia tamen alter alteri sepe obligatus est, ideo utrumque quantum ex fide bona alterum alteri dare facere oportebit, tanti uterque damnetur. Quinetiam Caius in l. licet. 10. D. eod. id commemorat, quod a iudicij strictis alienum esse, Cicero in ea pro Comedo planissime demonstrant. Itaque, inquit, qui ex asse, uel ex parte heres est, intendit quidem hereditatem suam esse totam, uel pro parte: sed hoc solum ei officio iudicis restituitur, quod aduersarius possidet. Et profecto ita est, ut si rem ad exactum iudicium reuocemus, dici proprie hæc actio bonæ fidei non possit: sed potius ex eorum numero, in quibus QVANTVM AEQVIVS MELIVS addi solebat.

*Iustiniani lege rei uxoriæ actio in actorem ex dotis stipulatu translata est: constitutumque, ut hæc bonæ fidei esset, tacitam hypothecam haberet, et cum ea mulier uteretur, cæteris creditoribus præferretur. l. un. C. de rei uxor. act.*

**XXV.** Fuerat antea et rei uxoriæ actio una ex bonæ fidei iudicijs: sed cum pleniorum esse ex stipulatu actionem inuenientes, omne ius quod res uxoria antè habebat, cum multis diuisionibus in actionem ex stipulatu, quæ de dotibus exigendis proponitur, transtulimus: merito rei uxoriæ actione sublata, ex stipulatu actio quæ pro ea introducta est, naturam bonæ fidei iudicij tantum in actione dotis meruit ut bonæ fidei sit. Sed et tacitam ei dedimus hypothecam. Præferri autem alijs creditoribus in hypothecis tunc censuimus, cum ipsa mulier de dote sua experiatur, cuius solius prouidentia hoc induximus.

**ET REI UXORIE ACTIO.)** Enunciatio I. Antiqua rei uxoriæ actio bonæ fidei naturam obtinebat. l. sed etsi. 21. D. solut. matrim. ubi Vlpianus ait, doli exceptionem inesse de dote actioni, sicut in cæteris bonæ fidei iudicijs. Est autem iudicium uxoriæ rei, quoties post diuortium de dote contentio est: uti scribit Boetius in Topica Ciceronis: ubi Cicero huius in actionis formula, uerba illa solennia fuisse ait, QVANTVM AEQVIVS MELIVS: quod idem libro de Offic. 3. commemorat: eiusque rei uestigia quædam extant apud Iauolenum in fin. l. penult. D. solut. matrim. et Proculum in l. si



in l. si cum Cornelius. 82. D. de solut. Sed queri potest, quomodo iudicium istud bonæ fidei esse dicatur: cum superius docuerimus ea demum huius generis esse, quæ utriusque actionem darent. constat enim hanc actionem soli uxori competere, neque uirum ullam eius rei nomine actionem habere, quippe qui dotem possideat, quæ in ipsius bonis est. Præterea bonæ fidei et dicuntur actiones, quarum in formula solebat addi, **EX FIDE BONA.** In hac autem actione, **QVANTVM AEQVIVS MELIVS,** addebatur. Et certe ita se rem habere arbitror: ut non proprie sic dicatur, sed generalis bonæ fidei actionum appellatio pinguis ad hoc quoque iudicium iccirco producta sit: quoniam id quod bonæ fidei iudiciorum proprium est, ut non certa summa petatur, sed rei totius arbitrium iudici permittatur, in hac actione obseruatur. Formula igitur hæc erit, **SI PATERET** Terentiam M. Tullio dotis nomine centum dedisse, neque eam dotem M. Tullius soluto matrimonio restituat: tum quantum æquius melius esse uidebitur, tanti Tullius damnetur.

**OMNE IVS QVOD RES VXORIA.)** Sequitur II. Actio rei uxoria Iustiniani instituto tota in actionem ex dotis stipulatu translata est. l. un. C. de rei uxor. act. Vnde intelligimus olim dotis nomine soluto matrimonio repetenda duas actiones proditas fuisse: quarum altera rei uxoria nominabatur, de qua superius diximus: quæ tum locum habebat, cum stipulatio dotis interposita nulla fuisset: altera ex dotis stipulatu, cum interposita fuerat stipulatio. Hæc bonæ fidei erat, quia certa nulla summa petebatur, sed cum in formula nominata esset, tamen illud addebatur, **QVANTVM AEQVIVS MELIVS.** Hæc stricti iudicii erat, quippe ex stipulatione profecta: eoque certæ pecuniæ sponso fiebat, ne petita et nominata summa deberetur.

**NATVRAM BONÆ FIDEI ACTIONIS.)** Sequitur III. Actioni ex dotis stipulatu Iustiniani instituto, natura bonæ fidei actionis attributa est. d. l. un. §. sed etsi. Vbi Imperator statuit, ut bonitas naturæ superioris illius actionis, in hanc transferatur: quæ quamuis natura sua stricti iudicii sit, tamen in fauorem dotis, ad exemplum illius bonæ fidei esse iubetur. Quod cum ita sit, formula huius actionis ita concipi poterit: **SI PATERET** M. Tullium centum ex stipulatu dotis soluto matrimonio Terentiæ dare oportere, tum quantum æquius melius esse uidebitur, tanti damnetur.

**TACITAM EI DEDIMVS HYPOTHECAM.)** Sequitur IIII. Hæc actio tacitæ hypothecæ ius obtinet, et cum ipsa mulier agit, etiam cæteris creditoribus antefertur. d. l. un. §. i. ubi Imperator statuit, ut mariti bona tacite dotis nomine uxori obligata sint: siue dotis contractus scriptus sit, siue non sit, quod in dotis fauorem contra iuris ciuilis regulas institutum est: quibus ad pignus contrahendum pacto conuenio est opus. l. i. D. de pign. act. Est etiam contra iuris regulas institutum, ut mulier cæteris mariti creditoribus antiquiorem hypothecam habentibus, præferatur. l. assiduis. 17. C. qui pot. in pig. quod tamen ita intelligendum est, nisi illi creditores pactam et expressam hypothecam habeant. nam ijs ne fideius quidem præferatur. l. si pignus. D. qui pot. in pig. hab. De ijs igitur locus intelligendus est, qui eandem, id est, tacitam hypothecam obtinent.

In bonæ fidei iudicijs ex bono et æquo iudex ipse litem aestimandi, et quod inuicem debetur, compensandi potestatem habet. at Iustiniani lege, in omnibus præterquam depositi, iudicijs compensatio ipso iure actionem imminuit. l. vii. De neg. gest. l. ult.

C. de compen.

**XXVI.** In bonæ autem fidei iudicijs libera potestas permitti uidetur iudici ex bono et æquo aestimandi, quantum auctori restitui debeat. In quo & illud continetur, ut si quid inuicem præstare auctorem oporteat: eo compensato, in reliquum is cum quo actum est, condemnari debeat. Sed & in strictis iudicijs ex rescripto diui Marci, opposita doli mali exceptione, compensatio inducebatur. Sed nostra constitutio eas compensationes, quæ iure aperto nituntur, latius produxit: ut actiones in ipso iure minuant, siue in rem, siue in personam, siue alias quascumque: excepta sola depositi actione, cui aliquid compensationis nomine opponi, sanè iniquum esse credidimus: ne sub prætextu compensationis depositarum rerum quis ex actione defraudetur.

**EX BONO ET AEQVO AESTIMANDI.)** Enunciatio I. In bonæ fidei iudicijs, iudex non ad certam summam restrictus est, sed quantum ex bona fide dari fieri oporteat, aestimandi potestatem habet. l. quia tantundem. 7. D. negot. gest. Atque hoc illud est, quod superius diximus, summam inter stricta et bonæ fidei iudicia differentiam hanc esse: quod in illis certa semper ac diffinita summa sic petitur, ut iudex statuere non possit, plusne an minus dari oporteat: sed alterutrum pronunciare cogitur, aut illud ipsum quod petitum est deberi, aut non deberi. In his uero nunquam certi condictionis usus patitur, sed totius rei arbitrium ac potestas iudici tanquam bono uiro committitur. qua de causa Q. Mutium dicere solitum scribit Cicero, magnum esse iudicis in istis iudicijs statuere, præsertim cum ut plerisque essent iudicia contraria, quid quæque cuique præstare oporteret. Quem locum sic accipiendum arbitror, ut Scaeuolam Iuriconsultum loqui agnoscamus, et uerba iuris, pro consuetudine, usurpante. Sic enim solitum Ciceronem, Iuriconsultos loquentes inducere, testes sunt eius de Oratore libri in quibus et Scaeuolam et Crassum uerba iuris identidem inculcantes uidemus. Quare nemini mirum uideri debet, si iudicia contraria hoc in loco interpretæ ea, quæ Directis opponuntur. Tantum illud querendum est, qua de causa Scaeuola putarit iccirco magnis opus esse iudicibus in istis controuersijs, quoniam in plerisque non directæ, sed contraria iudicia sint. Ego duplicem rationem esse arbitror: quarum altera perspicua est ex l. furti. 6. in fi. D. de infamis. ubi Ulpianus ita scribit: Contrario iudicio damnatus, non erit infamis, nec immerito nam in contrarijs, non de perfidia agitur, sed de calculo, qui ferè iudicio solet dirimi. Itemque ex l. ci apud quem. 5. D. de pos. ubi sic loquitur: Ei apud quem depositum esse dicitur, contrarium iudicium depositi datur, in quo iudicio merito in litem non iuratur: non enim de fide rupta agitur, sed de indemnitate eius qui depositum suscepit. Planissime Ulpianus ostendit, quod ipsum per se etiam intelligitur, in contrarijs iudicijs de fide non agi. Quod cum ita sit, sequi etiam uidetur ut neque de bona fide agi in ijs possit: hoc est, ut neque mandatarius, neque depositarius, neque commodatarius postulare possit, ut ea sibi alter præstet, quæ bonæ fidei actio postulat, nunquam enim illi diserte fidem dedit. Itaque de solo calculo agitur, inquit



**A** inquit Vlpianus: quod ego interpretor, De compensatione: ut adhibitis calculis inita subducta; ratione appareat quæ reliquæ summa fiat. Quæ de causa idem scribit, eodem fere iudicio solere dirimi: sic enim eum locum accipio, non ut alij, qui optimum Accursium secuti, FERRE pro uix & difficulter dictum putant. Huiusce autem sententiæ meæ auctorem habeo Caium in l. in rebus. 18. §. sed etsi. D. commod. ubi sic scribit: Quod autem contrario iudicio consequi quisque potest, id etiam recto iudicio, quo cum eo agitur, potest saluum habere iure pensationis. Tametsi ergo fides tacite a deponente, & mandante, & commo- dante data intelligatur: tamen quoniam dissimilis istorum ratio est, propterea magnis iudicibus opus esse Scauola dicebat in ijs arbitrarijs, in quibus adderetur **EX BONA FIDE**. Altera porro ratio est, quoniam hæc iudicium potestas ac libertas propter illa negotia potissimum instituta uidetur, quibus utriusque pariter interest, ut non ex uerbis quæ lingua nuncupata sunt, sed ex æqui & boni ratione res disceptetur: nimirum in emptione, locatione, societate, lege secunda D. de obligationib. & act. non enim magis emptoris quam uenditoris interest, ut officij bonæque fidei ratio habeatur. At si dissimilis sit contrahentium ratio, neque pariter utriusque inter sit, quia melior unius esset quam alterius conditio, tum diligenter uidendum & considerandum est, ne magnopere ab ijs quæ nominatim conuenerunt, discedamus. Quod magni iudicis esse Scauola dicebat: id est, ut Cicero in Topicis demonstrat, iurisconsulti. ubi ait in ijs iudicijs in quibus **EX BONA FIDE** est additum, plurimum iurispe- ritorum usum esse: paratosque illos esse debere ad dolum malum, fidem bonam, æquum & bonum internoscendum. Ad hanc eandem rationem illa quoque pertinet, quod plerumque cessant iudicia contraria: id est, locus ijs non est, neque uicissim pos- stulantur. quo casu diligenter uidendum est, ne fauor directæ actionis nimium exaggeretur. quæ de causa ne nunc quidem illius antiqui De Officijs libri scripturam aspernor, in quo non **ESSENT**: sed **CESSANT IUDICIA CON- TRARIA** scriptum fuisse olim dicebamus: tametsi bonam quoque usitata scriptura sententiam habeat: mihiq; antepo- nenda uideatur.

**SI QUID INVICEM PRÆSTARE.**) Sequitur II. In bonæ fidei iudicijs tacite compensationis ratione habendi potestas permixta intelligitur. l. in rebus. 18. §. ult. D. commod. ubi Caius scribit, quod contrario iudicio consequi quisque potest, id etiam recto iudicio, quo cum eo agitur, posse saluum habere iure pensationis. Quod cum ita sit, sequitur etiam il- lud, ut quemadmodum doli & pacti, sic etiam compensationis exceptio bonæ fidei iudicijs insit: hoc est, ut quamuis pu- rum iudicium datum sit, neque addita exceptio fuerit, **NISI QUID VICISSIM** reum auctori dare oporteat: tamen iu- dex pro officio suo rationem eius pensationis habere possit. Quanquam cum exceptionem doli nominamus, etiam hæc intelli- gatur: propter regulam iuris uulgatam, Dolo facit qui petit, quod redditurus est. l. in condemnatione. 173. De reg. iuris. Sed cum huiusce rei tanta sit æquitas, quæri potest, quamobrem olim in strictis iudicijs ea potestas iudici non daretur? Et respon- detur, duplicem causam esse: prior est, quia in liberis iudicijs sedet iudex, ut statuatur quid alterum alteri iniucem dare facere oporteat: id est, tam auctorem reo, quam reum auctori. in strictis autem, ut non quid alterum alteri, sed quid reum duntaxat auctori dare oporteat, ex sponsionis formula pronunciet. Altera causa est, quia si in strictis iudicijs compensatio ipso iure actio- nem imminueret, sicut in liberis iudicijs uidemus ex l. posteaquam. 21. D. eod. l. 4. C. eodem, propter pluri petitionem semper auctor causa caderet. At in alijs iudicijs nulla pluri petitionis ratio ducitur: tantum enim duntaxat petitur, quantum æquius melius arbitrio uidebitur.

**EX RESCRIPTO DIVI MARCI.**) Sequitur III. Ex D. Marci rescripto compensandi potestas doli ex- ceptione opposita etiam in strictis iudicijs permittitur. Formula igitur hæc erit, **SI PATERET** Mæuium Antonio uis- ginti ex stipulatu dare oportere, **NISI** Antonius dolo malo quid petat. tum Mæuius damnetur.

**ACTIONES IP SO IVRE MINVANT.**) Sequitur IIII. Iustiniani instituto, in omnibus præterquam depositi iudicijs, compensatio liquida ipso iure actionem imminuit. l. ult. C. de compensat. l. pen. C. de pos. ubi statuit ut in quibus iudicijs etiam sine ulla exceptione potestas iudici permittatur, inita utriusque ratione statuendi quæ reliqui summa fiat præterquam in actione depositi. quod tamen utrum Iustiniano acceptum ferri debeat, an cum antiqui iuris esset, id a se pri- mum institutum putarit satis existimare non possum. uideo enim Paulum lib. sent. 2. cap. 12. his hoc idem tradidisse uerbis: **Is** causa depositi compensationi locus non est, sed res ipsa reddenda est.

*In actionibus arbitrarijs, quarum aliæ in rem, aliæ in personam sunt, reus arbitrio iudi-  
cis rem restituens, absoluitur: non restituens, damnatur. Iudex autem  
quantum facultas feret, certæ rei summæue profer-  
re sententiam debeat.*

**XXVII.** Præterea quasdam actiones arbitrarias: id est, ex arbitrio iudicis pendentes appel- lamus, in quibus, nisi arbitrio iudicis is cum quo agitur, auctori satisfaciatur: ueluti rem restituat, uel exhibeat, uel soluat, uel ex noxali causa seruū dedat, condemnari debeat: sed istæ actiones tam in rem, quam in personam inueniuntur. In rem, ueluti Publiciana, Seruiana de rebus coloni, quasi Seruiana, quæ etiam hypothecaria uocatur. In personam, ueluti quibus de eo agitur quod aut me- tus causa, aut dolo malo factum est. Item, cum id quod certo loco promissum est, petitur. Ad exhi- bendū quoque actio, ex arbitrio iudicis pendet. In his enim actionibus & cæteris similibus permit- titur iudici ex æquo & bono, secundum cuiusque rei de qua actum est, naturam æstimare, quemad- modum auctori satisfieri oporteat. Curare autem debet iudex, ut omnino quantum possibile ei sit, certæ pecuniæ uel rei sententiam ferat: etiam si de incerta quantitate apud eum actum est.

Arbiter, iudex dicitur qui totius rei arbitrium & facultatem habet: sicut & Donatus, & Festus scribunt. Quod cum ita sit, consentaneum est, ut Arbitrariæ actiones dicantur, in quibus non restrictæ certæ quiddam postulat, sed in tantū quod æquius & melius arbitrio uidebitur. unde factum est, ut Certum & Arbitrarium tanquā aduersa opponantur a Plauto, cum in Pœnulo sic scribit

Nunc



Nunc pol ego perij certo, haud arbitrario:  
 Consulto hoc factum est, mihi ut infidiæ fierent.

Quo in loco alluisse poetam ad actiones arbitrarías, facile sanè crediderim. Cicero autem in ea pro Q. Roscio, rem aperte omnem his exponit uerbis: Pecunia tibi debebatur certa, quæ nunc petitur per iudicem, in qua legitimæ partis sponsio facta est. Hic tu si amplius H-S nummo petisti, quam tibi debitum est, causam perdidisti: propterea quod aliud est iudicium, aliud est arbitrium. Iudicium est pecuniæ certæ, Arbitrium incertæ. Ad iudicium hoc modo uenimus, ut totam litem aut obtineamus, aut amittamus: ad arbitrium hoc animo adimus, ut neq; nihil, neq; tantum quantum postulauimus, consequamur. Eius rei ipsa uerba formulæ testimonio sunt. Quid est in iudicio? directum, asserum, simplex: SI PATERET H-S. IOOO DARI OPORTERE. hic, nisi planum facit H-S. IOOO ad libellam sibi deberi, causam perdit. Quid est in arbitrio? mite, moderatum, QVANTVM æquius & melius sit dari. Ille tamen confitetur plus se petere, quam debeat: sed satis superq; habere dicit, quod sibi ab arbitro tribuatur. Itaq; alter causæ confidit, alter diffidit. Quæ cum ita sint, quæro abs te, quid ita de hac pecuniâ, de his ipsis H-S. IOOO. de tuarum tabularum fide compromissum feceris, arbitriumne sum peris, Quantum æquius & melius sit dari, repromittitue, si peteres? Hæc Cicero, quæ tamen à me longè aliter quam ut uulgò leguntur, commemorata sunt. Verum utroq; modo legantur, perspicue demonstrant, actionem omnem, qua non certum quid, sed quantum ex æquo & bono iudici uidebitur, postulatur, arbitriariam esse. Quapropter arbitrium Festus definit, id quod apud Arbitrum agitur. Cum autem in bonæ fidei actionibus & Arbitros pro iudicibus dicamus, & summam exactio nis ipsorum potestati permittamus, sequitur etiam, ut illæ actiones uerè & propriè Arbitriaræ dici possint. Quoniam tamen suum iam ac proprium nomen ex formulâ iudicij adeptæ sunt, docendi causâ, & ut suo quaq; res nomine appelletur, generas le hoc nomen ad alteram speciem accommodauimus. Speciem autem Arbitrariarum intelligo, eam quarum in formulis, si nō omnibus, at plerisq; addi solebat, NEQVE ARBITRIO IUDICIS ACTORI SATISFIAT. Nam etiam si hoc non adderetur, totius tamen rei arbitrium iudici permittebatur. Quæ ex re quanta inter Bonæ fidei & Arbitrariarum actiones similitudo sit, intelligi planè potest. quoniam in utriusq; (uti superius docuimus) iudex totius rei potestatem habet, neq; restrictæ certæ sponsionis finibus ac terminis coercetur. Quid autem inter utraq; differentia sit, in extremo exponemus. Nunc illud admonere opus est, duas à me harum arbitrariarum species obseruatas esse: unam in qua duplex quodammodo sententia pronunciatur, & ante secundam in litem iuratur: alteram in qua & una sententia profertur, nec in litem iuratur. De singulis igitur ordine uideamus.

ACTIONES ARBITRARIAS.) Enunciatio I. Actiones quibus reus arbitrio iudicis actori non satisfaciens damnatur, arbitriaræ appellantur. l. item si. 14. §. 4. D. Quod met. caus. Quæ quidem species est arbitrariarum prior. cuius has tres proprietates reperio: quod in istis iudicijs non prius licet iudici reum damnare, quam eum iusserit ex bono & æquo alteri satisfacere: his ferè uerbis, ARBITROR debere te aduersario hac ratione satisfacere. Idq; harum actionum ita proprium est, ut ex eo nomen inuenerint. Vnde intelligi debet, duas quodammodo sententias in istis iudicijs pronunciari, quarum altera iussus, siue Arbitrium, altera suo nomine Sententia appellatur. Paulus in l. 18. D. de dol. mal. Arbitrio iudicis in hac quoque actione restitutio comprehenditur: & nisi fiat restitutio, sequitur condemnatio quanti ea res est. Neq; uerò mirum id cuiusquam uideri debet, cum Prætorum quoq; hunc morem fuisse constet ex Orat. pro Quintio in qua perspicue iussus à decreto distinguitur. Iubet, inquit, P. Quintium satisfacere, aut sponsionem cum Sex. Næuio facere. Recusabant, qui aderant tum Quintio demonstrabant de re iudicium fieri oportere, &c. Dolabella iniuriam facere fortissimè perseuerat: aut satisfacere, aut sponsionem iubet facere, & interea recusantes nostros aduocatos acerrimè iubet summoneri. Secunda istarum actionum proprietatis hæc est, quod earum formulæ à Prætoribus ita concipiuntur, ut hanc sententiam addat, NEQVE EA RES ARBITRIO IUDICIS RESTITVETVR. cuius rei exemplum uidemus in l. item. 14. §. pro eo. D. quod met. caus. & apud Ciceronem Verrina 4. SI PATERET fundum Capenatem quo de agitur, ex iure Quiritium P. Seruilijs esse, neq; is fundus restitueretur, &c. Tertiò illud harum actionum natura continetur, ut si reus arbitrio iudicis parere noluerit, tum iudex actori iusurandum in litem deferat, id est, iubeat illum iurare quanti litem aestimet: ut reum non modò tanti damnet, quantum ea res est, sed etiam quanti actor aestimauerit: nimirum puniendæ contumaciæ causâ. l. qui restituere. 68. D. de rei uindic. l. 2. & pass. D. in lit. iur. Quod iusurandum non omnino harum actionum proprium est, id enim cum bonæ fidei actionibus plerisq; commune habent. l. 3. D. eodem. Sed hoc loco exoritur illa dubitatio. Nam si arbitrium illud & iudicis iussus nihil nisi denunciatio quædam est instantis damnationis, nisi reus pareat: equis tam insanus futurus est, ut non illi parere malit, quam grauiorem sententiam expectare? Hanc quæstionem non modò qui commodè explicarit, sed qui summis digitulis (ut dici soleat) attigerit, reperi adhuc neminem. Existimo autem equidem, quoties damnandus reus uideretur, duabus actionibus opus fuisse: quod ipsum & Cic. in Orat. pro Cæcinnâ, & Asconius in Verrinas Orat. planissimè demonstrat. Itaq; si prima actione damnandus uideretur, iudicem ampliâsse quidem, tantum ut planius causâ cognosceretur, non ut non liquere pronunciaret: sed tamen illis usum uerbis fuisse, quæ superius protulimus, ARBITROR, &c. Reum autem sperantem fore, ut res melius cognosceretur, recusasse. quæ de causâ in altera actione sententiam grauiorem pronuntiatam fuisse.

REM RESTITVAT, VEL EXHIBEAT, VEL SOLVAT.) Rem restituat, in rei uindicationibus, siue civilibus, siue prætorijs: Rem exhibeat, in actionibus ad exhibendum: Vel soluat, in actione Quod certo loco: de quibus singulis paulo post commodius differemus.

VEL EX NOXALI CAUSSA SERVVM DEDAT.) Sequitur II. Noxalis actio una ex arbitriarijs actionibus numeratur. Quod tamen obscurum duabus de causis uideri potest. Primum quia noxæ dedendi iussus Arbitrij nomine appellari non potest, cum Arbitrium in iudicijs benignitate quodammodo positum sit: Noxæ dedendæ facultas non à iudice, sed à lege ita reo permessa sit, ut ea etiam inuito iudice uti possit. l. miles. 6. §. 1. D. de re iudic. l. 1. & pass. D. de nox. act. Præterea nusquam legimus iusurandum in litem in hac actione deferri. Videamus ergo equid hoc modo explicari hæc possit dubitatio: si dicamus, tres huius actionis casus esse, aut enim seruus plurius est quam noxa, aut minoris, aut tanti. Si plurius est, nihil absurdi est dicere, iudicem priorè actione posse ex æquo & bono arbitrari, atq; aestimare quanti sit noxa: & iubere reum illa ratione actori satisfacere, qui si contumax sit, poterit altera actione per iusurandum in litem damnari. Hæc meo iudicio

& cum



**A** & cum huius actionis natura, & cum Imperatoris uerbis satis consentanea sunt. Sin autem seruus minoris est quam noxa, tunc meo iudicio perspicua res est ex illud quoque. 40. §. ad officium. D. de petit. hered. & lult. D. de interd. Iudex enim noxae seruum dedere iubebit. Itaque iussus Arbitri loco crit non tam ut res ex aequo & bono aestimata uideatur, quod in Arbitrio fieri consuevit quam legis XII. Tab. benignitati obsecundatum. Quod si non dedat, inquit Paulus, quantum impense in tollendo opere erogatum est, tanti condemnnet. si neque patientiam praestet, neque ipse tollat cum positum tantum condemnnet, quantum iudex aestimauerit, atque si ipse fecisset. Sin uero par esse ratio uidebitur noxae, quae serui consequens est, ut eadem prorsus obseruentur. Superest tamen illa dubitatio, quod Caius in l. 1. D. de nox. act. & Vlpian. in litem ueniunt. 20. §. si idem recte. D. de petit. hered. scribunt, harum actionum uim ac potestatem hanc esse, ut si damnati fuerimus, liceat nobis deditione ipsius corporis quod deliquerit, evitare litis aestimationem. Sed cum ex superioribus perspicue constet, interdum iussu iudicis interuenire, cui si reus pareat absoluitur, neque id negari posuit: considerandum est an Caius de ijs iudicijs loquatur, quibus iudex prima actione ob rem manifestam reum damnauit: existimans frustra tempus in alteram actionem consumptum iri, cum nihilominus reo liceat tam ante definitiuam sententiam, quam ante noxae dedere: praesertim cum ubi ad iudicati actionem uentum erit, non amplius dedere liceat. d. litem ueniunt. De petit. hered. sed haec disputatio tantum ad eum casum pertinebit, quod plurius est seruus quam noxa. In contrario, iussus commodissime sententiam antecedit.

**TAM IN REM, QUAM IN PERSONAM.)** Sequitur III. Arbitrarie actiones tam in rem, quam in personam inueniuntur. l. qui restituere. 66. D. de rei uindic. Qua in re differentia inter has & bonae fidei actiones apparet, quarum nulla nisi in personam reperiuntur.

**VELUTI PUBLICIANA SERUIANA.)** Sequitur IIII. Publiciana Seruiana, & quasi Seruiana arbitrarie actiones sunt. Nam quod ad primam attinet, Vlp. in l. sed et si. 7. §. 4. D. de public. sic scribit: In Publiciana actione omnia eadem erunt, quae & in rei uindicatione diximus. Atqui rei uindicationem esse arbitriariam patet ex l. qui restituere. 68. D. de rei uindic. Cum autem indefinite loquatur, non dubitauimus de utraque Publiciana hoc dictum existimare: ut in utriusque formula haec clausula interponatur, NEQVE ARBITRIO iudicis rem restituat. De Seruiana uero testimonium extat in l. si fundus. 15. §. in uindicatione. D. de pignori. ubi Marcianus ait, In uindicatione pignoris si possessor rem restituat, absolendum esse: sin uero dolo deserit possidere, tanti condemnandum, quanti actor in litem iurauerit.

**VELUTI QVIBVS DE EO AGITVR.)** Sequitur V. Actiones quod metus causa, & de dolo malo in arbitrarium numero sunt. l. item si. 14. §. 4. D. quod met. caus. ubi Vlp. sic scribit: Haec autem actio cum arbitraria sit, habet reus licentiam usque ad sententiam ab Arbitro datam restitutionem rei facere: quod si non fecerit, iure meritoque quadrupli condemnatione patietur. Quo in loco iudicem huius actionis perspicue Arbitrum appellat. Itaque aliquanto post ex edicti uerbis hanc clausulam commemorat, quae in iudicij formula interponi solitam apparet: NEQVE EA res arbitrio iudicis restituatur. De doli uero actione testimonium extat in l. Arbitrio. 18. D. de dol. malo. ubi Paulus ita scribit: Arbitrio iudicis in hac quoque actione restitutio comprehenditur: & nisi fiat restitutio, sequitur condemnatio quanti ea res est. Ideo autem & hic, & in metus causa actione, certa quantitas non adijcitur, ut possit per contumaciam suam tanti reus damnari, quanti actor in litem iurauerit. Formula igitur huius actionis haec erit: SI PATERET Antonium dolo malo falsis ponderibus usum esse, quo Mauius fraudaretur, neque arbitrio iudicis Mauius satisfaciatur, tum quanti Mauius in litem iurauerit, tanti damnetur.

**QUOD CERTO LOCO PROMISSVM.)** Sequitur VI. Actio de eo quod certo loco, in arbitrarium numero censetur. l. 2. 3. 4. & pass. D. de eo quod cert. loc. ubi frequentissime haec actio arbitraria nominatur, sed alia quadam ratione, quam superiores. Nam in illis arbitrium aliud esse docuimus, aliud sententiam: hic uero unam tantum sententiam pronuntiari uidemus, quae ipsa etiam Arbitrium appellatur. Caius in l. 3. D. eod. Ideo, inquit, in arbitrium iudicis referitur haec actio, quia scimus quam uaria sint pretia rerum per singulas ciuitates regionesque: maxime uini, olei, frumenti. Quapropter si alicubi quam Capuae petat, Arbitraria debet agere: ut lis tanti aestimetur, quanti actoris interfuerit eam summam Capuae potius quam alibi solui. Quibus ex uerbis perspicue intelligitur hanc actionem idcirco arbitriam appellari, quod certa quidem summa in eius formula nominatur, sed tamen arbitrio prudentiaeque iudicis permittitur, ut tanti litem aestimet, quantum aequius & melius illi fore uidebitur. Quam secundam arbitrariorum actionum speciem esse superius dicebamus, a superiore hoc discrepantem, quod in illa duae quodammodo sententiae pronuntiantur: in hac, una in illa, in litem iuratur: in hac, non iuratur, quoniam tum demum in litem iuratur, cum contumacia, eaque dolosa & fraudulenta coercenda est. l. 2. & pass. D. de in lit. iuran. hic autem dolus omnino nullus arguitur. Formula igitur haec erit, SI PATERET Nigidium stipulanti Numerio spononae disse centum tritici modios Capuae daturum, neque is actori satisfaciatur, tum quanti ea res hoc loco ex bono & aequo uidebitur, tanti damnetur. Addendam enim illam esse clausulam, NEQVE actori satisfaciatur, animaduerti ex l. 4. eod. ubi Vlp. sic scribit: Interdum iudex qui ex hac actione cognoscit, cum sit arbitraria, absolvere reum debet, cautione ab eo exacta de pecunia ibi soluenda, ubi promissa est. quid enim si ibi uel oblata pecunia actori dicatur, uel deposita, uel ex facili soluenda? In summa, & equitatem quoque ante oculos habere debet iudex, qui huic actioni addictus est.

**AD EXHIBENDVM QVOQVE ACTIO.)** Sequitur VII. Ad exhibendum actio inter arbitrias locum obtinet. l. 3. §. 2. D. ad exhibend. ubi Vlp. ait, in hac actione reum contumacem per in litem iusurandum damnari. Unde intelligi debet, hanc actionem ex superiore genere arbitrariorum esse. nec mirum: cum in contumacia dolus ac fraus uersetur. Formula igitur haec erit, SI PATERET Septimium eam rem quam Octauius exhiberi postulat, habere, neque is arbitrio iudicis eam exhibeat: tum quanti in litem actor iurarit, tanti damnetur.

**ET CAETERIS SIMILIBVS.)** Sequitur VIII. Non ea tantum quae hic nominantur, sed & aliae praeterea quaedam arbitrarie sunt, ueluti confessoriae & negatoria: de quibus extat testimonium in l. harum. 3. D. si seruit. uind. Item Pauliana. l. ait Praetor. 10. §. per hanc. 14. D. quae in fraud. cred. Item rerum amotarum. l. si cum dos. 8. §. ult. D. solut. matr. Item Fauiana. l. tenetur. 5. D. si quid in fraud. cred.

**PERMITTITVR IVDICI EX BONO ET AEQVO.)** Sequitur IX. Arbitrarijs actionibus non certum quid, sed quantum aequius melius postulari solet. d. l. ideo. & l. centum. De eo quod certo loco. Haec autem aestimandi potestas tum de arbitrio quod in prima istarum actionum specie interponitur, tum etiam de ea sententia quae sola in alia specie pronuntiat.



nunciatur, intelligenda est. Sed hic locus postulat, ut quid inter bonæ fidei & arbitrarias actiones, tum similitudinis, tum differ-  
 rentia sit, uideamus. Tribus enim in rebus simillimis esse inter se, superiora demonstrant: quod in utrisque liberum sit iudicis ar-  
 bitrium, in utrisque in litem iuretur, in neutris sponsio fieri soleat. Quadruplicem autem inter eas differentiam animaduerto. Pri-  
 mum enim, dissimillima illarum ratio est, si causam eius potestatis quæ arbitro tribuitur, spectemus. Nam superius docuimus  
 in bonæ fidei iudicijs, eam potestatem idcirco iudici permitti, quoniam æquæ utriusque intererat, quippe cum alter alteri obliga-  
 tus esset: & ex rebus ultro citroque contractis lis nasceretur. At lites arbitrariae, aut ex possessione, aut ex obligatione unius tantum  
 nascuntur: ut illa iudicis potestas æquæ utrique conducere non possit. Eque nam igitur illius causa est? Equidem duplicem animad-  
 uerto, pro duplici Arbitrariarum specie. Prior est, sola iuris clementia & benignitas: quod non statim aliquem damniari pa-  
 tiuntur, sed cum prius officij sui admoneri iubet. Altera est, ipsius actionis incerta ratio: quoniam eiusmodi est actio, ut iudex ad  
 certam aliquam petitionem astringi non possit: quippe quum quantum debeatur ne actor quidem exploratum habeat. Secun-  
 dam differentiam hanc reperi, quod in illarum formula **EX BONA FIDE: in harum NEQUE RES, &c.** in-  
 terponi soleat. Tertiam, quod illæ in personam tantum reperiuntur, præter petitionem hereditatis, quæ tamen ipsa persona  
 les habet præstationes, & à Iustiano primum in illum ordinem ascripta est: hæc uero & in rem & in personam. Quartam,  
 quod illæ aut ex contractu, aut ex quadam contractus similitudine ac specie nascuntur: hæc uero etiam ex genere quodam ac  
 similitudine delicti. Veluti ex dolo malo, seruorum noxa, rebus amotis, re per metu extorta. Quantum autem à strictis iudicijs  
 differant, nemo nisi admodum hebes, ex ijs quæ disputata sunt, non facile perspicit, eodemque illud Pauli pertinet in l. 37. D. de  
 uerb. sign. uerbum Oportere non ad iudicis facultatem pertinet, qui potest pluris uel minoris condemnare, sed ad ueritatem  
 refertur. Superest ut illud queramus, an omnes actiones quibus incertum quid postulatur, nimirum illud tantum quod æquum  
 ac bonum iudici uidebitur, Arbitrariæ dicendæ sint? Quæ dubitatio sanè obscura in primis & perplexa uidetur. Sed quoniam  
 de bono & æquo tota hæc nostra disputatio est, spero fore, ut studium quod in ea explicanda suscipimus, æqui bonique consu-  
 latur. Videamus igitur an illæ tantum arbitrariæ dicendæ sint, quæ cum rei persecutoria sint, tum officio iudicis dissoluen-  
 di iudicij potestatem permittunt: ceteræ uero, quæ cum ultionis & pænæ persequendæ causa comparatæ sint, eam potestatem  
 iudici non faciunt, hoc nomine appellari non possint. Illarum exemplum Funeraria nobis actio suppeditat: de qua Ulpianus  
 in l. si quis. 14. §. 5. D. de relig. & sumpt. sic scribit: Hæc actio quæ funeraria dicitur, ex æquo & bono oritur. æquum aut  
 accipitur ex eius dignitate qui funeratus est, ex causa, ex tempore, ex bona fide: ut neque plus imputetur sumptus nomine, quam  
 factum est: neque tantum quantum factum est, si immodicè factum est. Hæc ille. Quid autem magis ei actioni consentaneum est,  
 quam ut reus actori ante sententiam satisfaciens, iudicio absoluitur? cum quidem olim omnia iudicia absolutoria essent, ut Im-  
 perator scribit infra sub tit. De perpet. & temp. act. Cui consentit Paulus in l. si reus. 73. D. de procur. eiusque rei duo exempla  
 uidemus apud Ciceronem in Orat. pro Q. Roscio. Biuscemodi uidetur esse indebiti conditio, de qua Papinianus in l. 66. D. de  
 condict. indeb. sic scribit: Hæc conditio ex bono & æquo introducta, quod alterius apud alterum sine causa deprehenditur,  
 reuocare consuevit. Quibus uerbis maxime consentaneum est, ut reus actori ante sententiam satisfaciens, iudicio absoluitur.  
 Alterius generis exemplum nobis actio de sepulchro uiolato suppeditat, quam Papin. in l. penul. D. de sepul. uiol. cum in bonum  
 & æquum conceptam esse dixisset, paulo post ait non in rei persecutione, sed sola uindicta esse constitutam. Quod cum ita sit,  
 difficile dictum est, non cogendum esse iudicem & actoris dolori, & publicæ disciplinæ satisfacere: cum propter exemplum  
 publice intersit peccata esse non impunita. l. locatio. 9. §. 2. D. de pub. & uectig. ita uulneratus. 51. in fin. ad legem Aquil. Itaque  
 idem Papinia. in l. 1. §. 1. D. ad senat. Turpil. Facti quidem questio, inquit, in arbitrio est iudicantis: pænæ uero persecutio non  
 eius uoluntati mandatur, sed legis auctoritati referuatur. Eodemque illud pertinet quod Venuleius scribit in l. ult. §. 1. D. quæ in  
 fraud. cred. Eam actionem rei restituendi gratia, non pænæ nomine dari, ideoque absolui solere reum, si restituerit. Simillima  
 ratio est, Prætoris actionis iniuriarum, de qua Iustinianus sub tit. De iniur. sic scribit: Prætores permittebant ipsis qui iniuriæ  
 passi sunt, eam æstimare: ut iudex uel tanti reum condemnet, quanti iniuriam passus æstimauerit, uel minoris, prout uisum fue-  
 rit. Quæ de causa Ulpianus in l. non solum. 11. §. 1. D. eod. iniuriarum, inquit, actio ex bono & æquo est. Itaque cum ad ultionem  
 pertineat, neque rem sed penam persequatur, arbitraria actio non dicitur. Quod eodem modo de ædilitia actione aduersus eum  
 qui feram eo loco habuit, quæ uulgo ita fit, iudicandum arbitror. quam Ulpianus in l. quæ uulgo. 42. D. de ædilit. edict. &  
 Imperator sub tit. Si quadrup. scribunt eiusmodi esse, ut si nocium libero homini esse dicetur, tanti reum damnet, quantum  
 æquum & bonum iudici uidebitur. neque enim pænæ in iudicis arbitrio, sed in ædiliæ edicto posita est. Idem præterea de  
 ijs actionibus dicendum arbitror, quæ quasi ex maleficio nascuntur: ueluti in iudicem qui litem suam fecit. l. ultima. D. ex  
 traordinar. cognit. in eum qui deiecit & effusi tenetur. l. 1. his uerbis: Quantum ob eam rem æquum iudici uidebitur. D. de  
 his qui deiecit. uel effud.

**CVRARE AUTEM DEBET.** Sequitur X. In hisce actionibus iudicis officium est, certæ quoad potest rei pe-  
 cunie sententiam proferre. Quam Iustiniani præceptionem male antebac à superiori §. diuulsam, ei cōiunximus: ut intelli-  
 gatur, eam non ad quarumuis actionum iudicia, sed ad arbitraria tantum pertinere, quod uel hinc licebit intelligi, quia quod  
 de incerta quantitate in actione deducta loquitur, neque ad strictas actiones pertinet, quarum omnium petitio certa ac definita  
 est: neque ad bonæ fidei actiones, quarum in formulis nulli: propterea quantitas neque certa, neque incerta ponitur. ex quo relinquitur  
 quæ, ad arbitrarias tantum id pertinere, quarum intentio incertam omnino rem summamue complectitur. De ceteris autem iu-  
 dicijs, non est nunc differendi locus: extatque Ulpiani ea de sententia in l. in sententijs. 59. D. de re iudic.

Olim qui plus quam quod sibi debebatur, petierat, causa cadebat: minori tamen  
 ætatis imprudentia, aut maiori iusto aliquo errore lapsa, Prætor  
 actionem restituebat. l. j. De minorib.

**XXVIII.** Si quis agens, in intentione sua plus cōplexus fuerat, quam ad eum pertinebat, cau-  
 sa cadebat, id est, rem amittebat: nec facile in integrum restituebatur à Præatore, nisi minor e-  
 rat uiginti quinque annis. Huic enim, sicut in alijs causis ei causa cognita succurrebatur, si lapsus  
 iuuentute



**A** iuuentute fuerat: ita in hac causa succurri solitum erat. Sanè si tam magna causa iusti erroris interueniebāt, ut etiam constantissimus quisq; labi posset: etiam maiori uiginti quinque annis succurrebatur. Veluti si quis totum legatū petierit: post deinde prolati fuerint codicilli, quibus aut pars legati adempta sit, aut quibusdam alijs legata data sint, quæ efficiebant, ut plus petijisse uideretur petitor, quam dodrantem, atq; id eò quod lege Falcidia legata minuebantur.

**PLVS COMPLEXVS FVERAT.)** Enunciatio I. Olim qui plus quam sibi deberetur, petierat, causa cadebat. Itaq; Paulus lib. Sentent. 1. cap. 10. Causa cadimus, inquit, aut loco, aut summa, aut tempore, aut qualitate. Et in l. 2. C. HER. De calumniatorib. Quotiescunq; ordinarijs actionibus aliquid petitur, ideo petitor cogitur specialiter genus litis edere, ne plus debito aut eo quod competit, postuletur. Itaq; quodcumq; petitur, specialiter designari debet petitionis summa uel quantitas, cum genus litis editur. Si quis igitur plus ab eo quod ei competit uel debetur, petierit, rem, et causam de qua agitur perdit. Verum hæc de solis stricti iudicii actionibus intelligenda esse, facile ex ijs quæ superius dicta sunt, intelligitur. eoq; illud Ciceronis spectare docuimus in Oratione pro Q. Comedo: Quid est in iudicio? directum, asperum, simplex. Si pateret H-S IOOO dari oportere: hic nisi planum facit, H-S IOOO ad libellam sibi deberi, causam perdit. Eodem etiam illud Plauti pertinet in Mostellaria:

TR. Quatuor quadraginta illi debentur minæ.

Et fors & fœnus tantum est. D. Nihilo plus peto.

TR. Velim quidem hercle, ut uno nummo plus petas.

Quod si bonæ fidei iudicium esset, maior æquitatis ratio habebatur. Itaq; Vlp. in l. si rem alianam. 9. §. ult. D. de pigno. act. Qui ante solutionem, inquit, egit pigneratitia, licet non recte egit, tamen si offerat in iudicio pecuniam, debet rem pignoratiz, et quod sua interest, consequi.

**B** **CAVSSA CADEBAT.)** Hanc ueterem locutionem in Commentario uerborum iuris explicauimus. Dicebatur etiam Cadere formula. Sueton. in Claudio, hac ipsa de re loquens: Nec semper præscripta legum secutus, duritiam lenitatemq; multarum ex bono et æquo moderatus est. Nam et ijs qui apud priuatos iudices plus petendo formula excidissent, restituit actiones, &c.

**NISI MINOR ERAT.)** Sequitur II. Minorem qui ætatis errore lapsus plus petendo causa ceciderat, Prætor causa cognita in integrum restituebat. l. 1. et pass. D. de minorib. et l. uerum. 11. §. 3. cod. ubi Vlp. ait, non passim minoribus subueniri, sed causa cognita si capti esse proponantur. Damnabatur ergo minor à iudice. Itaq; non modò causam, uerum etiam actionem suam amittebat. Prætor autem æquitate cognita, illum in integrum restituebat: id est, actionem illi suam integram atq; incolumem restituebat.

**ETIAM MAIORI.)** Sequitur III. Prætor etiam maiores qui iusto errore ducti plus petendo causa ceciderat, restituebat. Quæ de re Seneca lib. Epist. 6. sic scribit: Hac argutia ad summum bonum itur: per istud philosophiæ sunt nigriæ et turpes, infamesq; etiam ad album sedentibus exceptiones. Quid enim aliud agitis, cum eum quem interrogatis scientes in fraudem inducitis, quam ut formula cecidisse uideatur? Sed quemadmodum illum prætor, sic hos philosophia in integrum restituit.

**AVT PARS LEGATI ADEMPTA.)** Centum erant in testamento legata: Viginti in codicillis adempti, legatarius de codicillis ignarus, centum ex testamento petebat.

**AVT QVIBUSDAM ALIIS LEGATA.)** Dodrantem testator Sempronio in testamento legarat, post in codicillis nonnihil præterea Titio legauit. Sempronius qui de codicillis nihil audierat, dodrantem ex testamento postulabat.

**ATQVE IDEO LEGE FALCIDIA.)** Hoc quomodo cohæreat, eruditior aliquis demonstrabit. Ego dum melius aliquid didicero, pro ATQVE IDEO: uel IDEO QVOD: uel ATQVE ID EO QVIA corrigendum putabo, intercisa uoce ID EO: uel, ut nihil immutetur, locum sic restituendum, Quæ efficiebant, ut lege Falcidia legata minuerentur, atq; ideo plus petijisse uideretur petitor quam dodrantem.

**LEGE FALCIDIA LEGATA MINVEBANTVR.)** Sequitur IIII. Lege Falcidia legata ipso iure minuantur. l. 1. D. quod legat. et l. pen. C. ad leg. Falc. Hoc est, si testator plus dodrante legarit, Lex Falcidia id quod dodrantem exuperat, in sua, et sine ullo iudicio de legatis detrahit, hærediq; attribuit, quod ni faceret, cum legatum integrum legatarius peteret, aut exceptione uti hæredem oporteret, aut eum in integram summam damnari. Intelligendum est autem non tantum in actionibus in personam locum esse his, uerum etiam in actionibus in rem. Itaq; Caius in l. quæ de tota. 76. D. de rei uindic. Incertæ, inquit, partis uindicatio datur, si iusta causa interueniat. Iusta autem causa esse potest, si forte legi Falcidiæ locus sit in testamento, propter incertam detractionem ex legatis, quæ uix apud iudicem examinatur. Iustam enim habet ignorantiam legatarius cui homo legatus est, quotam partem uindicare debeat.

Pluris petitio re, tempore, loco et causa fieri dicitur: rei q; ac temporis exempla proferuntur.

**XXIX.** Plus autem quatuor modis petitur: re, tempore, loco et causa. Re: ueluti si quis pro decem aureis, qui ei debebantur, uiginti petierit: aut si is, cuius ex parte res est, totam eam, uel maiore ex parte suam esse intenderit. Tempore, ueluti si quis ante diem, uel ante conditionem petierit. Quæ enim ratione qui tardius soluit, quam soluere deberet, minus soluere intelligitur: eadem ratione qui præmaturo petiit, plus petere uidetur.

**RE, TEMPORE, LOCO.)** Enunciatio I. Pluris petitio in re, tempore, loco, et causa uersatur. Aut enim res alia petitur quam quæ debetur: aut eadem, sed alio uel tempore, uel loco, uel modo. Sic Paulus lib. Sentent. 1. cap. 10. Causa cadimus, inquit, aut loco, aut summa, aut tempore, aut qualitate: loco, si alibi: summa, si plus quam damus, petimus: tempore, petendo



ante tempus: qualitate, eiusdem speciei rem meliorem postulant. Et in l. 2. C. HERM. De calumniat. Plus petitur, sicut res A  
sponsis prudentum continetur, summa, loco, tempore, causa, qualitate, estimatione.

RE, VELUTI SI QVIS.) Sequitur II. Qui maiorem uel summam pecunie, uel partem rei quam quæ sibi da  
betur, petit, re plus petere dicitur.

TEMPORE, VELUTI SI QVIS.) Sequitur IIII. Qui ante diem aut conditionis euentum petit, tempore  
plus petere intelligitur. §. 4. inf. De fideiuss. ubi Imp. ait, non solum in quantitate, sed etiam in tempore minus aut plus intelli-  
plus est enim statim dare, minus est post tempus dare. Nam (ut ait Vlpianus in l. 1. D. de edendo) dies solutionis, sicuti summa,  
pars est obligationis. Itaq; quod in diem debetur, recte ante solui potest, licet peti non potest: ut ait Venuleius in l. continuus.  
137. §. 1. D. de uerb. obl. Dici namq; adiectio pro reo est, non pro stipulatore: ut scribit Vlpianus in l. eum qui. 41. §. 1. D. eod. &  
l. cum tempus. 17. De reg. iur. itaq; totum medium tempus ad soluendum liberum promissori relinquatur. l. stipulatio ista. 38. §.  
10. D. eod. Ad hanc autem similiter speciem pertinet obligatio, quæ temporis alternationem continet: ueluti, Calend. Ianuarijs  
aut Februarijs dare spondes? post annum, uel biennium? qui enim Calendis Ianuarijs petit, aut ante biennium, tempore plus  
petere dicitur, quoniam in disiunctiua temporis, minus est in obligatione. l. si ita stipulatus fuero. 10. aut 15. 1. & 2. D. de uerb.  
oblig. Sed quod de conditione hoc loco Iustinianus scribit, nimirum ut qui ante conditionis euentum petit, plus petere uideatur,  
dubitatur in quandam complectitur. Constat enim ibi demum plus esse, ubi minus est: ubi autem minus est, ibi plus dici non  
posse. Atqui sic se res habet, ut ante conditionis euentum Iurisconsulti nihil deberi scribant: sed tantum spem esse debitum iri.  
§. ex conditionali. supra de uerb. oblig. l. grege. 13. §. penult. D. de pignorib. Quod cum ita sit, dubitari potest, quomodo is qui  
ante conditionis euentum petit, plus petat, ac proinde causa cadat. Sed uideamus ne hoc modo responderi possit. Aut enim exi-  
stit conditio, aut non. Si non existat, non plus quidem petierit: sed quia temere & sine causa, & quod sibi non debebatur, pe-  
tijt, iure meritoq; damnandus est. Sin aut existat conditio, negari non potest, quin habita futuri temporis ratione, cepta iam  
esset deberi pecunia, ac proinde plus quodammodo propter euentus certitudinem petat. Deniq; hoc quidem non est dubium, B  
quin cum ius illud quo constitutum est, ut ij qui male egerint, causa cadant, non minus litigandi temeritatem, quam plaris pe-  
titionem coerceat: etiam in hoc casu actores ob ipsam temeritatem coercendi sint.

QVI TARDIUS SOLUIT.) Sequitur IIII. Qui tardius quam debuerat soluit, minus soluere intelligitur. §.  
4. supra, De fideiuss. l. si cui. 12. D. de uerb. sign. ubi Vlpian. sic scribit: Minus soluit, qui tardius soluit: nam & tempore minus  
soluitur. Item l. solidum. 85. D. de solut. ubi Callistratus ait, Solidum non solui, non minus quantitate, quam die. Quæ tamē uer-  
ba non ita liquidam & apertam sententiam habent. Nam aut NON MAGIS aut DIE QVAM QVANTITA-  
TE, legendum alicubi uideri possit.

QVI PRAEMATVRE PETIT.) Sequitur V. Si minus in tempus cadit, etiā plus cadere intelligitur. Nam (ut  
Cicero scribit) Contrariorū contraria sunt consequentia. Constat aut eum qui tardius soluit, minus soluere: quoniam emolu-  
mentum intermedij temporis adimit creditori. Sequitur ergo, ut qui celerius soluit, plus soluat: quemadmodum ueteri prouer-  
bio dicitur: Bis dat qui cito dat; & qui celerius petit, plus petit: quoniam reliqui temporis fructu debitorem priuat.

Qui quod certo loco dari stipulatus est, alio purè petit, plus loco petit: arbitraria  
igitur agere debebit. l. j. & pass. D. quod cert. loc.

XXX. Loco plus petitur, ueluti cum quis id quod certo loco sibi dari stipulatus est, alio loco  
petit, sine commemoratione illius loci, in quo sibi dari stipulatus est. Verbi gratia, si is qui ita stipu-  
latus fuerat, EPHESI DARE SPONDES? Romæ purè intendat sibi dare oportere. Ideo  
autem plus petere intelligitur, quia utilitatem quam haberet promissor, si Ephesi solueret, adimit  
ei pura intentione. Propter quam causam alio loco petenti arbitraria actio proponitur: in qua sci  
licet ratio habetur utilitatis, quæ promissori competitura fuisset, si illo loco solueret, quo se solutu-  
rum spondit. Quæ utilitas plerumque in mercibus maxima inuenitur: ueluti uino, oleo, frumen-  
to: quæ per singulas regiones diuersa habent precia. Sed & pecuniæ numeratæ, non in omnibus  
regionibus sub eisdem usuris fœnerantur. Si quis tamen Ephesi petat, id est, eo loco petat, quo ut  
sibi detur, stipulatus est: pura actione recte agit. Idq; etiam Prætor monstrat, scilicet quia utilitas  
soluendi salua est promissori.

ID QVOD CERTO LOCO.) Enūciatio I. Qui quod certo loco sibi dari stipulatus erat, in alio purè petit,  
loco plus petere dicitur. Quid aut sit Purè petere in hoc §. non ita perspicuum est. Nam prima specie Iustinianus Purè petere  
sic interpretari uidetur, Sine cōmemoratione eius loci, in quo dari stipulatus est. Eamq; interpretationem Theophilus sine ulla  
dubitatione amplexus est. Sed uideamus, ne hoc non satis sit. Quamquam enim is qui Ephesi stipulatus Romæ petens his uta-  
tur uerbis, Aio te mihi Ephesi centū dare oportere: tamen quid tum postea? Nunquid enim ob eam causam Romæ dari opor-  
tet? Itaq; re diutius considerata, in eam opinionem adductus sum, ut existimem, Purè petere, in hoc loco nihil aliud significare,  
quam petere sine arbitrij mentione: hoc est, sine ea formula, quæ arbitrariorum actionum propria est, QVANTVM  
ÆQVIVS MELIVS arbitro uidebitur. Vi pura intentio, quam paulo post nominat, Arbitrarie actioni ē regione op-  
ponatur: quasi dicis directam, asperam, simplicem: quemadmodum Cicero eam appellat, ut superius docuimus. Etenim satis  
constat, si quis ciuili actione & certi conditione sic ageret, ut quod Ephesi stipulatus esset, Romæ simpliciter sic peteret, Aio  
te mihi centum dare oportere: loco plus petere: quoniam loci utilitatem adimit promissori. Quamobrem utilitatis causa noua  
quædam à Prætorē actio instituta est, in qua si actor sic dicat, Aio te mihi Ephesi centum dare oportere, sed hoc loco mihi sa-  
tis erit, quod arbitro uidebitur: plaris petitionem uitat: non enim purè, & simpliciter centum petit: sed id tantum quod æquis  
& melius arbitro uidebitur. Itaq; quod Imperator hoc loco posuit, SINE COMMEMORATIONE LOCI,  
præcisè positum putemus, & hoc addendum existinemus, ET SINE arbitrij mentione.

IDEO



**A** IDEO AVTEM PLVS PETERE.) Sequitur II. Pluris petitio quæ ex loci ratione est, ex debitoris dāno aestimatur. l. 3. D. quod cert. loco. l. pretia rerum. D. ad leg. Falcid. l. 1. D. de usur.

**ARBITRARIA ACTIO PROPONITVR.)** Sequitur III. Res alio quàm debetur loco peti per actionē arbitriariam potest. l. 1. & pass. D. eod. Non enim ea summa quæ in stipulationem deducta est, restrictè ac definite petitur, sed hoc demum æquius melius arbitro uidebitur. Sententia enim Arbitrariæ actionis est hæc: Siquidem Ephesi essemus, centum tibi dare oporteret: nunc cum alibi simus, postulo ut ex æquo bono tibi satisfacias.

**PVRA ACTIONE.)** Sequitur IIII. Qui constituto loco petit, purè, hoc est, sine arbitrij mentione, potest actionem concipere. Neq; enim uereri debet ne plus petat, cum utilitatem loci debitori integram relinquat: ut modò subiungit. Puram autem actionem eam appellat, quam superius restricti iuris, & restricti iudicij nominauit.

*Qui aut sub alternatione, aut genus stipulatus est, debet aut sub alternatione, aut genus petere. Nam si purè uel speciem, quamuis ea uilior sit, petat, plus petisse indicabitur.*

**XXXI.** Huic autem, qui loco plus petit, intelligitur proximus is qui caussa plus petit. Vt ecce si quis ita te stipuletur, **HOMINEM STICHVM AVT DECVM AVREOS DARE SPONDES?** Deinde alterutrum petat, ueluti hominem tantum, aut decem aureos tantum. Ideo autem plus petere intelligitur quia in eo genere stipulationis promissoris est electio, utrum pecuniam, an hominem soluere malit. Qui igitur pecuniam tantum, uel hominem tantum sibi dari oportere intendit, eripit electionem aduersario: & eo modo suam quidem conditionem meliorem facit, aduersarij uerò sui deteriore. Qua de caussa talis in ea re prodita est actio, ut quis intendat hominem Stichum, aut aureos decem sibi dari oportere, id est, ut eodem modo peteret, quo stipulatus est. Præterea si quis generaliter hominem stipulatus sit, & specialiter Stichum petat: aut generaliter unum stipulatus sit, & specialiter Campanum petat: aut generaliter purpuram stipulatus sit, deinde specialiter Tyriam petat, plus petere intelligitur: quia electionem aduersario tollit: cui stipulationis iure liberum fuit, aliud soluere quàm quod peteretur. Quinetiam licet uilissimum sit quod quis petat, nihilominus plus petere intelligitur: quia sæpe accidit, ut promissori facilius sit illud soluere, quod maioris pretij est.

**QVI CAUSSA PLVS PETIT.)** Enunc. I. Qui caussa plus petit, idem ferè quod is qui loco plus petit, peccat: Caussam autem hoc loco dictam pro modo, apparet ex l. oblig. 4. 4. D. de obl. & act. ubi Paulus ait, modum obligationis esse, cum decem aut hominem stipulamur. Et certè ita est, ut qui decem aut hominem stipulatus, præcisè decem petit, alio atq; stipulatus est modo petere intelligatur. Ob eam autem causam ei proximus esse dicitur, qui loco plus petit: quoniam ut ille loci, ita hic electionis utilitatem debitori adimit.

**PROMISSORIS EST ELECTIO.)** Sequitur II. In disiunctiuis oblig. debitoris est electio. l. plerūq; 10. in fi. D. de iur. dot. l. si in empt. 3. 4. §. ult. D. de contr. empt. Ob eamq; causam qui illud aut illud stipulatur, incertum in stipulationem deduxisse intelligitur. l. ubi autem. 7. §. qui illud. D. de uerb. oblig. l. prætor. 7. §. quod autem. D. de iniur. Nimirum quia incertum est, utrum debitor sit stipulatus, quippe cuius electio sit: quod tamen uerum est, nisi stipulator hoc adiecerit, Vtrum ego uolucro. d. l. ubi autem. & l. si quis. 112. eod.

**TALIS PRODITA EST ACTIO.)** Sequitur III. Qui sub alternatione stipulatus est, sub alternatione quoq; concipere actionem debet. l. ubi autem. 7. §. qui illud. D. de uerb. oblig. ubi Vlp. ex contrario scribit, eum qui sibi electionem constituit, posse purè intentionem concipere, & alterutrum duntaxat petere. Formula igitur hæc erit, **SI PATERET Lælius Ebutio stipulanti decem aut Stichum dari spondidisse: tum Ebutius, aut decem, aut Stichum dare damnetur.** Sed quæri potest, an cum hæc petitio incerta sit, ideo arbitraria hæc sit actio. Et respondemus, nequaquam: quia non iudicis, sed debitoris arbitrio ea præstatio permittitur.

**GENERALITER HOMINEM STIPVLATVS.)** Sequitur IIII. Qui genus stipulatus, speciem certam petit, plus petere intelligitur. Eadem enim generis, quæ disiunctionis ratio est: ubi scribit Iul. in fi. l. cum is. 32. D. de cond. indeb. Qui hominem, inquit, generaliter promissit, similis est ei qui hominem aut decem debet: & ideo si cum existimaret se Stichum promississe, eum dederit, condicet: alium aut quemlibet dando, liberatur. Atq; hunc solum casum Paulus lib. Senten. 1. cõplexus est: eumq; Qualitatem appellat, cum inquit, eiusdem speciei rem meliorem postulamus. Apparet autem eandem huius casus rationem esse, quæ superioris fuit: nimirum quoniam electionis utilitas debitori adimitur.

**STIPVLATIONIS IVRE LIBERV FVIT.)** Sequitur V. Qui genus promissit, potest quam uolet speciem soluendo, liberari. d. l. cum is. & l. fideiussores. 52. D. mand. l. 4. D. de tri. uin. ol. ubi Iurisconsulti tradunt, eum qui genus debet, etiam uilissimum soluendo liberari.

**VINVM CAMPANVM.)** Theophilus scribit unum Campanum omnium aliorum esse pessimū: cum tamen Paulus & Vlpianus eius exemplum pro eo quod optimum est, adducant. l. stipulationum. & seq. D. de uerb. oblig. Florus itè libro 1. Omnium, inquit, non modò Italia, sed toto orbe terrarum pulcherrima Campaniæ plaga est: nihil mollius celo, nihil uberiori solo. Ideo Liberi Ceresiq; certamen dicitur: hic amicti uitibus montes, Gaurus, Falernus, Massicus, &c. Plinius autem libro 3. cap. 5. Qualiter, ait, Campaniæ ora per se felixq; illa ac beata amœnitas? Vt palam sit, uno in loco gaudens esse opus naturæ. Iam uerò tota ea uitalis ac perennis salubritas calis temperies est, tam fertiles campi, tam aprici colles, tanta frugum & uinum, olearumq; fertilitas, &c.

**TYRIA PURPVRA.)** Purpura Tyria unde appellata sit, explicat è Polluce Angelus Politianus in Miscellaneis, cap. 12. porro Plin. lib. 5. cap. 19. Nunc, inquit, Tyri insulæ omnis nobilitas conchylio, atq; purpura constat. Vitruuius autè lib. 7. cap. 13. Puniceum, inquit, purpuræ colorem procreat Africa, id est, quasi uiolaceum colorem: Tyros autem, rubeum.



LICET VILISSIMUM SIT.) Sequitur VI. Qui genus stipulatus speciem petit, quāvis uilissimā petat, plus tamen petere iudicatur. Non enim aestimatio uel bonitas ad rem, sed ad ipsius debitoris arbitrium referri debet: quod enim contra domini uoluntatē est, melius uideri non potest. Vnde Neratius: Usurariae, inquit, rei speciem is cuius proprietas est, nullo modo commutare potest: deteriore enim causam usurarij facere non potest. Facit autē deteriorem & in meliorem statum commutando. l. pen. & ult. D. de usu & habit. nam inuito (ut ait Paulus) beneficium non datur. l. inuito. D. de reg. iur. Causa igitur constitutio haec erit: Qui hominem stipulatus erat, Stichum omnium quidem uilissimum, sed debitoris fortasse filium naturalem petebat. Debitor plus eum petijisse dicebat. Intentio est: Plus petijsti. Depulsio non plus petij. Q. An plus petieris? R. Quia plus petere est, de quocunq; comodo plus detrahere, quam debeat. F. Imò plus petere est, id quod comuni aestimatione pluris est petere. Disceptatio ex scripti ambiguitate nascitur: An plus petere nihil aliud sit, quam quod communi aestimatione pluris est, postulare. Respondetur, plus in quocunq; comodo, & cuiuscunq; generis sit, uersari.

*Qui tempore plus petijt, ex Zenonis lege multatur: qui uerò aliter, in triplum sportularum, Iustiniani instituto, damnatur.*

XXXII. Sed haec quidem antea in usu fuerant: postea uerò lex Zenonia & nostra rem coarctauit. Et, si quidem tempore plus fuerit petitum, quid statui oporteat, Zenonis diuinae memoriae loquitur constitutio. Sin autem quantitate, uel alio modo plus fuerit petitum: in omne, si quod forte damnum ex hac causa acciderit ei in sportulis, contra quem plus petitum fuerit, commissa tripli condemnatione (sicut supra diximus) puniatur.

ET SI QUIDEM TEMPORE.) Enunciatio I. Zenonis lege, qui tempore plus petijt, & sumptus litis amittit, & inducias debitori duplicare cogitur. §. hodie. infra de except. Nam ea constitutio, qua ius illud à Zenone introductū est, ei quo nunc utimur Codici deest. B

IN OMNE, SI QVOD FORTE.) Sequitur II. Qui re, loco, causa plus petijt, Iustiniani lege damnum per sportulas illatum triplo compensat. Hic autem locus, ut uere dicam, perobscurus & perdifficilis mihi quidem uidetur. Nam si a minimum ad illam triplicationem referamus, de qua superius in §. tripli, dictum est: constat eam ad primam duntaxat pluris petitionē, nimirum quae re fit, pertinere: neq; illud ad locum & causam accommodari posse. Videndum igitur an haec ita accipienda sint, quasi his duabus pluris petitionibus, sportulae uiatoribus simpliciter, ac non ex litis aestimatione ac modo, data triplicentur: & nihil aliud à Iustiniano, quam quod superius à Zenone, constitutum sit: nimirum ut actor in litis sumptus damnetur, sportulis autem triplo persoluatur. Est & alia Iustiniani constitutio l. un. C. de plus petit. ut is qui à debitore maioris summae quam quae debeat, cautionem dolo malo exegerit, ius omne crediti amittat.

*Zenonis lege, qui uel minus, uel aliud petijt, potest eodem in iudicio cognitum errorem ita corrigere, ut idem Iudex non ex actionis uerbis, sed ex eo quod probatum fuerit, sententiam pronunciet.*

XXXIII. Si minus in intentione sua complexus fuerit actor, quam ad eum pertineat: ueluti si cum ei decem aurei deberentur, quinque sibi dari oportere intenderit: aut si cum totus fundus eius esset, partem dimidiam suam esse petierit: sine periculo agit. in reliquum enim nihilominus Iudex aduersarium in eodem iudicio ei condemnat, ex constitutione diuinae memoriae Zenonis. Si quis autem aliud pro alio intenderit, nihil eum periclitari placet: sed in eodem iudicio cognita ueritate, errorem suum corrigere ei permittitur: ueluti si is qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur. C

VELVTI SI CVM DECIM.) Enunciatio I. Minus non quatuor modis, aut plus, sed uno tantum, nempe re, petitur. Ac de loco quidem & causa manifestum est: de tempore uerò, dubitari posset. Nam si tempore & plus peti, & minus solui potest, ut paulo ante dicebamus: uidetur etiam & minus peti, & plus solui eodem modo posse. Sanè si plus petit, qui ante tempus petit, plus etiam soluit, qui ante tempus soluit. Quinetiam dialectica ratione disputari posset, si minus soluit, qui post tempus soluit, minus etiam petere, qui post tempus petit. Sed haec locutio neq; in communem sermonis consuetudinē, neq; in usum fori & iudiciorum cadit: quoniam neq; quicquam nisi post tempus exactum debetur: & id ipsum nonnunquam longo post intervallo petitur.

IN RELIQVVM ENIM.) Sequitur II. Zenonis lege Iudex apud quem minus petitum est, potest etiam de reliquo sententiam proferre. Lex autem illa, Graecè, ut opinor, scripta, interijt: quae quidem ueteribus iudicijs hac in re conueniebat, quod sine periculo utrobique agebat, qui minus petebat: hoc est, causa non ita cadebat, ut si plus petijset. Illud autem intererat, quod olim aliud iudicium à Praetore de reliqua summa postulandū erat: quia Iudex datus de maiore, quam quae praescripta erat summa, cognoscere non poterat. Zenonis uerò lege potestas iudici permessa est, etiam de reliquo quod sibi apparebit deberi, sententiam proferre.

ERROREM SVVM CORRIGERE.) Sequitur III. Qui aliud pro alio sibi deberi intenderit, potest eodem in iudicio errorem suum corrigere. Quod cum ab antiquorū iudiciorum ratione uel maxime abhorreat, mirum est Imperatorem non addidisse, cuius id Principis imperio institutum esset. Constat enim Iudicem à Praetore datum, eius tantum rei ac speciei, & corporis cognitionem habuisse, de qua Iudex datus fuerat. Veluti, Si pateret, fundum Seruilianum P. Mauij esse, quamuis pateat fundum Cornelianum ipsius esse, nisi tamen de fundo Seruiliano constet, eum absoluet.

AVT SI QVIS EX TESTAMENTO.) Sequitur IIII. Qui aliam in conventionis libello actionis causam complexus erit, potest errorem cognitum corrigere. Quod ab iisdem fontibus sine dubio manauit. Nam cum iudicium his uerbis



**A** uerbis datum esset, Si pateret Octauium Septimio stipulanti decem spondisse, tum Octauius damnetur: certum est, iudicis potestatem intra sponsonis formulam conclusam sic fuisse, ut sic de stipulatione nihil pateret, quamuis probaretur ex testamento mille deberi, non potuisset tamen iudex reum non absolvere.

*Actio nũ sexta diuisione: ut alia solidum, alia minus (cuiusmodi actio de peculio est) exequantur. l. j. D. de pecul.*

**XXXIII.** Sunt præterea quædam actiones, quibus non semper solidum quod nobis debetur, persequimur: sed modò solidum persequimur, modò minus: ut ecce, si de peculio filij seruus agamus. Nam si non minus in peculio sit, quàm persequimur: in solidum dominus paterne condemnatur: si uerò minus inueniatur, eatenus condemnatur iudex, quatenus in peculio sit. Quemadmodum autem peculium intelligi debeat, suo ordine proponemus.

**QVIBVS NON SEMPER SOLIDVM.)** Enunciatio I. Actio nũ alia solidum, alia partem duntaxat eius quod debetur, exigunt. Quæ uerò illæ sint, quibus solidum exigimus, ex aliarum enumeratione intelligitur.

**SI NON MINVS IN PECVLIO SIT.)** Sequitur II. De peculio conuentus non in solidum, sed in id tantum quod in peculio est, damnatur. l. quoties. 47. §. si semel. D. de pecul. Nam cum ex filiorum famil. & seruorum contrahunt, patres & domini iure ciuili non tenerentur, Prætor hanc de peculio actionem instituit, ut eatenus tenerentur, quatenus esset in peculio: quippe cum eius peculij fructus ad eos pertineret: ut superius docuimus §. de peculio. cod. Formula igitur hæc erit, Si pateret Aurelium L. Cælio L. F. centum aureos mutuo dedisse, tum Lucius pater quantum ex filij peculio facere poterit, damnetur.

**B**

*Actio de dote non solidum, sed quantum facere maritus potest, persequitur. simulq; deminutionem propter sumptuum retentionem ipso iure patitur. l. xij. Solut. mat. l. j. de impens.*

**XXXV.** Item si dote de iudicio mulier agat: placet eatenus maritum condemnari debere, quatenus facere possit, id est, quatenus facultates eius patiuntur. Itaq; si dotis quantitati concurrant facultates eius, in solidum damnatur: si minus, in tantum quantum facere potest. Propter retentionem quoque dotis repetitio minuitur. Nam ob impensas in res dotales factas, marito quasi retentio concessa est, quia ipso iure necessarijs sumptibus dos minuitur, sicut ex latioribus Digestorum libris cognoscere licet.

**EATENVS MARITVM CONDEMNARI.)** Enunciatio I. Actio de dote non solidum, sed quantum facere maritus potest, persequitur. l. maritum. 12. 13. 14. D. sol. mat. ubi Paulus ait, hoc beneficium esse personale, & idcò cum persona extingui. Modestinus autem in l. non tantum. 20. D. de re iudic. scribit hæc ipsa de re his uerbis: Non tantum dotis nomine maritus in quantum facere possit condemnatur: sed ex alijs quoq; contractibus ab uxore iudicio conuentus, in quantum facere potest, condemnandus est: quod & in persona mulieris aequali lance obseruari æquitatis suggerit ratio. Biquis consentiunt Iurisc. in l. sunt quidam. 16. D. cod. l. in condemnatione. De reg. iur. & Imp. l. un. C. de rei uxor. act. ubi propter reuerentiam, quam uxores maritis debent, hoc institutum scribit. cum reuera adeò in solidum teneantur, ut si soluerint, indebiti conditione non utantur. l. quod nomine. 8. & 9. D. de cond. indeb. Sed quæri potest, quorsum in hunc locum separatim hæc relata sint, cum illa superiore diuisione contineri uideantur, qua dictum est hanc actionem eius esse generis, in quo adscribi solet **QVOD AEQVIVS MELIVS.** Hæc enim benignitas ex illa formula manasse uidetur. Verum intelligendum est, inter hanc & illam disputationem hoc interesse, quod illa superior ad rem, hæc ad personam pertinet. Nam in illa quantum in re sit spectatur, in hac quid efficere persona possit. Itaq; si **QVOD AEQVIVS MELIVS** est, maritus damnetur, eius generis erit hæc actio, quo solidum exigitur: sin quantum facere possit, eius quo pars duntaxat.

**C**

**PROPTER RETENTIONEM QVOQVE.)** Sequitur II. Dotis repetitio propter sumptuum in res dotales factorum retentionem imminuitur. l. quod dicitur. 5. & 15. D. de impens. in res dot. quod eò pertinet, ut intelligamus, etiam si solidum maritus soluere possit, non tamen semper ab eo solidum exigi, sed id demum quod impensis deductis superest. Quod autem de impensis hic loquimur, de necessarijs tantum intelligendum est: nam utiles nõ aliter a marito exiguntur, quàm si uoluntate mulieris factæ sint, & mulier aliunde soluendo sit. l. quod dicitur. & l. si is. §. quod dicitur. De iure dot. l. utilium. D. de impens.

**QVIA IPSO IVRE.)** Sequitur III. Dos ob sumptus necessarios ipso iure minuitur. l. 1. §. 1. & l. quod dicitur. 5. & 15. De impens. l. si is. §. quod dicitur. De iure dot. l. dote. D. de rit. nupt. Quod cum ita sit, quæri potest, an uxor solidum petens, quasi plus petat, damnetur. Sed superius docuimus, neq; in bonæ fidei, neque in Arbitrarijs actionibus pluri petitioni locum esse.

*Actiones cum parente, patrono, socio, donatore non solidum, sed quantum illi facere possunt, persequuntur. l. xv. j. xvij. Dere indicata.*

**XXXVI.** Sed si quis cum parente suo patronus agat, item si socius cum socio iudicio societatis agat: non plus actor consequitur, quàm aduersarius eius facere potest. Idem est, si quis ex donatione sua conueniatur.



**CVM PARENTE PATRONO.)** Enunciatio I. Actiones in patronum aut parentem non solidum, sed quantum facere possunt, persequuntur. l. sunt qui. 16. & sequ. D. de re iudic. Semper enim & liberto & filio sancta & honesta patroni & parentis persona uideri debet: ait Vlp. in l. liberto. D. de obsequent. patron. Quid igitur in fratribus? Et sane cum Vlp. scribit ob eam causam ius istud inter socios obseruari, quia ius quoddam in se fraternitatis societas completur: l. uerum est. 63. D. pro socio: dubitari non potest, quin idem quoque in fratribus sit obseruandum.

**SOCIUS CVM SOCIO.)** Sequitur II. Socius socio non omnino in solidum, sed quantum facere potest, damnatur. d. l. sunt qui. 16. De re iudic. ubi Vlp. ait, socium hic bonorum omnium accipiendum esse: quod mihi sane durum atque acerbum uidetur. Cum enim causam istius benignitatis constet esse necessitudinem, quae inter huiusmodi personas intercedit, societas autem etiam certarum rerum contracta necessitudinem pariat, difficile dictum est non habendam cuiusvis socij rationem esse, tametsi quo maior est societas, eo maiorem intercedere necessitudinem non negemus. Quod autem mihi dubitationem auget non mediocriter, uideo eidem Vlpiano haec ascribi uerba in d. l. C. Verum est. 63. D. pro soc. Verum est quod Sabino uidetur, etiamsi non uniuersorum bonorum socij sunt, sed unius rei, attamen in eo quod facere possunt, condemnari oportere. Hoc enim summam rationem habet, cum societas ius quoddam fraternitatis in se habeat. Haec ille. Praeterea illud quoque accedit, quod quum Praetor in edicto indefinite de socijs sit locutus, id est, non ascripserit nominatim de socijs uniuersorum bonorum, aut partis tantum: uetus illa regula seruanda est, ut ubi lex non distinguit, ibi nec nos distinguamus: praesertim in causa fauorabili. Nam in iure civili fauores, quoad facultas fert, extendere & amplificare soleamus. Illud etiam ascribendum est, quod ait Pomponius in l. sed hoc. 22. D. de re iudic. Quod de socijs dictum est, ut & ibi in quantum facere possint, condemnentur: causa cognita se facturum Praetor edicit. Causae cognitio autem in hoc erit, ut neganti se socium esse, aut ex doli clausula obligato, non succurratur. Postremo illud considerandum est, an non superiore disputatione de bonae fidei iudicijs, haec quoque clausula comprehensa sit. Cum enim dictum sit ex aequo & bono agi aduersus socium solere, uidetur aequi et boni natura haec quoque benignitas contineri. Sed tamen aliter se res habet. Nam in illa disputatione rem, hoc est, id quod reuera in obligatione est, spectamus. Itaque si quantum ex aequo & bono debetur, tanti socius damnatur, in solidum damnari dicitur. In hac uero, personae ratio ducitur: & ex illa solidi damnatione propter eius personae rationem multum detrahatur.

**EX DONATIONE SVA.)** Sequitur III. Qui ex donatione sua conuenitur, non in solidum, sed quantum facere potest damnatur. l. inter eos. 19. §. 1. D. de re iudic. ubi Paulus ait, eum qui ex causa donationis conuenitur, in quantum facere possit damnari: & quidem cum solum deducto aere alieno. Imò nec totum quod habet extorquendum ei, sed & ipsius rationem habendam esse, ne ceget. Idemque praeterea uerum esse scribit, etiamsi in solidum condemnatus donator, actione iudicati conueniatur. l. Nefennius. 41. §. 2. eod. & l. qui id quod. D. de donationibus.

*Compensationis ratio, quam Iudex ex aequo & bono facit, plerumque actionem imminuit. l. j. & pass. D. de compens.*

**XXXVII.** Compensationes quoque oppositae plerumque efficiunt, ut minus quisque consequatur, quam ei debeatur. Namque ex bono & aequo, habita ratione eius quod inuicem actorem ex eadem causa praestare oportet: poterit Iudex in reliquum, eum cum quo actum est, condemnare, sicut iam dictum est.

**PLERVNQVE EFFICIUNT.)** Enunciatio I. Actiones plerumque propter compensationem imminuuntur. l. ult. C. de compensat. Qua de re superius sub §. in bonae fidei, satis, ut tum res ferebat, differuimus. Huc autem illud Seneca pertinet ex lib. de Benefic. 6. Debitori suo creditor saepe damnatur, ubi plus ex alia causa abstulit, quam quod est crediti, non tantum inter debitorem & creditorem Iudex sedet, qui dicat, Pecuniam credidisti: quid ergo? Pecus abegisti, Seruum eius occidisti, Argentum quod non emeris, possides: aestimatione facta debitor discede, qui creditor ueneras.

**EX AEQVO ET BONO.)** Sequitur II. Compensationis faciendae potestas Iudici ex aequo & bono permittitur. §. in bonae fidei, supra eod. Quibus ex uerbis apparet, haec descripta ex eius libro fuisse, qui de bonae fidei iudicijs, in quibus aequi & boni ratio dominatur, differabat.

**PRAESTARE OPORTET: POTERIT IVDEX.)** Hunc locum ita correximus, cum in manu scriptis omnibus CONDEMNARE legeretur, in impressis antiquis, IVDEX: in uulgatis modò OPORTET, modò POTERIT duntaxat inueniretur. Collatis igitur omnibus, hanc sinceram & ueram esse lectionem iudicauimus.

*Actio in debitorem qui bonis celsit, & postea mediocres fortunas adeptus est, quantum is facere possit, persequitur. l. iij. D. de cess. bon.*

**XXXVIII.** Cum eo quoque, qui creditoribus suis bonis celsit, si postea aliquid adquisierit, quod idoneum emolumentum habeat: ex integro in id quod facere potest, creditores experiuntur: inhumanum enim erat spoliatum fortunis suis, in solidum damnari.

**IDONEVM EMOLVMENTVM HABET.)** Enunciatio I. In debitorem qui bonis celsit, nisi emolumentum idoneum adeptus sit, actio non datur. l. qui bonis. 6. D. de cess. bon. ubi Vlp. docet, eum qui bonis celsit, si modicum aliquid post bona sua uendita acquisiuit, iterum bona eius non uendi: modum autem ex quantitate eius quod acquisitum est, aestimari. Modestinus autem l. sequ. ita rem explicat, Si tales facultates acquisitae sunt debitori, quibus Praetor moueri possit. Unde intelligitur hanc actionem, nisi causa à Praetore cognita, non dari. Sed quae fuerit huius bonorum cessionis ratio & consuetudo, non facile dictum est. Nam quae in iure cessio uocatur, antiquissima est, & ad rerum singularium alienationem pertinet. Haec autem lege quadam Iulia introducta est, ut patet ex l. 4. C. qui bon. ced. poss. & ex Cod. Theod. tit. Qui bonis ex lege Iulia cedere



**A** lia cedere possunt. Vnde intelligitur, ea lege cautum fuisse, ut qui sine dolo malo ari alieno satisfacere non posset, bonis suis cedendo liberaretur.

QVOD FACERE POTEST.) Sequitur II. Actio in debitorem qui bonis cessit, quantum is facere possit, persequitur. l. 4. D. eod.

QVOD CVM EO QVI ALIENA IN PO.  
testate est, negotium gestum esse dicitur.

TITVLVS II.

*Transitio ad uberiores actionum de peculio explanationem: & primum de actione quod iussu, quæ aduersus dominum cuius iussu seruus contraxit, in solidum à Prætorè constituta est. l. 1. & pass. D. quod iussu.*

**I.** Quia tamen superius mentionem habuimus de actione, qua in peculium filiorum familiæ seruorumque agitur: opus est, ut de hac actione & de cæteris, quæ eorundem nomine in parentes dominosque dari solent, diligentius admoncamus. Et quia siue cum seruis negotium gestum sit, siue cum ijs qui in potestate parentum sunt, eadem ferè iura obseruantur: ne uerbosa fiat disputatio, dirigamus sermonem in personam serui domini que: idem intellecturi de liberis quoque & parentibus, quorum in potestate sunt. Nam si quid in his propriè obseruetur, separatim ostendemus. Si igitur iussu domini cum seruo negotium gestum erit: in solidum Prætor aduersus dominum actionem pollicetur: scilicet quia is qui ita contrahit, fidem domini sequi uidetur.

SVPERIVS MENTIONEM HABVIMVS.) S. sunt præterea, supra, De actionibus.

EADEM FERÈ IVRA.) Enunciatio I. Ex negotio cum seruis aut filiis fam. gesto, eadem ferè iura obseruantur. Nam cum utriusque alieno iuri ac potestati subiecti sint, cum utriusque quicquid acquirunt, ei cuius in potestate sunt, acquirant: sequitur etiam, ut si quid negotij gesserint, eadem in utroque iuris ratio conseruetur. FERÈ autem dixit, quia seruus ex contractibus non obligatur. l. obligari. 43. D. de oblig. & act. Filius familiæ ex omnibus causis tanquam pater familiæ obligatur: & ob id agi cum eo tanquam cum patre fam. potest. l. filius. 39. D. eod. Plerumque autem patres filiorum infamiae occurrebant, & eorum æs alienum dissoluebant, ut ille Curio, quem Cicero scribit Philippica 2. ab se persuasum esse, ut filij fidem liberaret, qui pro Antonio fideiusserat, quem locum, ut Grammaticos adiuvemus, ascribere non pigebit. Recordare tempus illud, cum pater Curio moriens iacebat in lecto, filius se ad pedes meos prosternens, lacrymans te mihi commendabat, orabat, ut te contra suum patrem, si septertium sexagies peteret, defenderem: tantum enim se pro te intercessisse dicebat. ipse autem amore ardens, confirmabat, quod desiderium tui disidij ferre non posset, se in exilium esse iturum. quo ego tempore tanta mala florantis familie sedavi, uel potius sustuli: patri persuasi, ut æs alienum filij dissolueret, redimeret adolescentem summa spe & animi & ingenij prædium, rei familiaribus facultatibus, eumque à tua non modò familiaritate, sed etiam congregatione, patri iure & potestate prohiberet.

**C** IDEM INTELLECTVRI DE LIBERIS.) Sequitur II. In paribus causis paria iura intelligenda sunt. l. 1. D. de fontio. & alibi per se p. unde illa aurea regula: Valeat æquitas, quæ in pari causa paria iura desiderat. Hinc uidemus apud Paulum in l. 2. & ult. D. quod iuss. filium jam iussu patris pecuniam accipientem æquiparari seruo, qui iussu domini pecuniam acceperit.

IN SOLIDVM PRÆTOR.) Sequitur III. In eum cuius iussu seruus cum aliquo contraxit, actio à Prætorè in solidum instituta est. l. 1. D. quod iussu. Propterea autem à Prætorè instituta est, quia iure ciuili nulla datur in personam actio, nisi aduersus eos qui ex suo contractu obligati sunt. Sed cum id iniquissimum esset, quippe cum is qui domini iussu contrahit, quasi cum ipso contrahere uideatur, ut mox dicemus: queri potest, an nullo prorsus modo à iure ciuili adiungetur. Mihi uero & hac de re, & similibus cogitanti, semper uisum est, iure ciuili uel generalem de dolo actionem istis casibus concessam fuisse: uel potestatem Prætori datam ex æquo & bono animaduertendi, an actione in factum agendum esset. Formula autem huius actionis hæc erit: SI PATERET Octauium Septimij iussu Syro Septimij ipsius seruo centum aureos credidisse, neque Septimius Octauio satisfaciat, tum Septimius damnetur.

FIDEM DOMINI SEQVI.) Sequitur IIII. Qui cum seruo domini iussu contrahit, non serui, sed ipsius domini fidem sequi uidetur. d. l. 1. ubi Vlp. ait, quodammodo cum eo contrahi, qui iubet. Iussum autem qualecunque accipiendum esse, & quomodocunque interpositum: dum tamen rectè atque ordine interuenerit. Paulus autem in l. ult. scribit: Si dominus uel pater pecuniam mutuam accepturus, seruo filioque numerari iusserit, non actione quod iussu teneri, sed directò eos obligatos, ipsosque condici posse.

*Aduersus eum qui seruum suum alienum uide, item liberum hominem nauis alterius negotiationi præfecit, de eo quod cum hoc huius rei causa gestum erit, in solidum actio constituta est. l. j. D. de exercit. l. j. De instit.*

II. Eadem ratione Prætor duas alias in solidum actiones pollicetur: quarum altera exercitoria, altera



altera institoria appellatur. Exercitoria tunc habet locum, cum quis seruum suum magistrum nauis præposuit: & quid cum eo eius rei gratia cui præpositus erit, contractum fuit. Ideo autem exercitoria uocatur, quia exercitor is appellatur, ad quem quotidianus nauis quaestus pertinet. Institoria tunc locum habet, cum quis tabernæ fortè, aut cuilibet negotiationi seruum suum præposuit, & quid cum eo eius rei causa, cui præpositus erit, contractum fuit. Ideo autem institoria appellatur, quia qui negotiationibus præponuntur, institores uocantur. Istas tamen duas actiones Prætor reddit, & si liberum quis hominem, aut alienum seruum nauis aut tabernæ, aut cuilibet negotiationi præposuerit: scilicet quia eadem æquitatis ratio etiam eo casu interueniebat.

MAGISTRVM NAVI PRÆPOSUIT.) Enunciatio I. In exercitorem qui seruum nauis præposuit, ex eo quod cum eo seruo illius rei causa gestum erit, in solidum actio à Prætorè conceditur. l. 1. de exercit. act. unde intelligimus, cum qui præpositus est, Magistrum: qui præposuit, Exercitorem dici. Causam autem huiusce actionis instituendæ hanc esse, quoniam ad summam Reipub. nauium exercitio pertineat. Nam cum interdum ignari cuius sint conditionis, uel quales, cum magistris propter nauigandi necessitatem contrahant, æquum fuit cum qui magistrum nauis præposuit, teneri: alioqui contrahentes deceptum iri. Præterea cum si quid est ex magistrorum contractibus emolumenti, id omne ad exercitores redeat: ratio poscitur, ut ad eundem etiam pericula pertineant. Quæ cum ita sint, illud queri debet, an iure civili nulla his casibus actio competere. Nam etsi in personam actio in eos demum instituta sit, qui ex suo ipsorum contractu obligati sunt, tamen durum est in hac tanta æquitate actionem deficere. Sed respondemus, ius civile sic præfuisse Prætorè urbanum iuri dicundo, ut ei potestatem permetteret considerandi ex æquo & bono, quibus concedendum esset lege agere, aut quibus denegandum. Itaque etiam ante hanc formulam constitutam, non dubito quin actio in factum à Prætorè creditoribus permitteretur. Nunc illud admodum nendi sumus, non ex omni causa exercitoriam istam formulam à Prætorè dari: sed eius rei nomine, cui præpositus ibi fuerit: id est, si in eam rem præpositus sit: ut puta si onus uehendum locatum sit. Igitur præpositio certam legem dat contrahentibus. l. 1. §. non autem. eod. Quare formula huius actionis hæc erit: SI PATERET Valerium Elepharoni, quem Aurelius ei nauis quam exercet magistrum præfecerat, centum aureos eius rei causa cui præfectus erat, credidisse, neque Aurelius Valerio satisfaciat, tum Aurelius damnetur.

EXERCITOR IS APPELLATUR.) Sequitur II. Is ad quem quotidianus nauis quaestus reddit, Exercitor appellatur. l. 1. §. 4. D. eod. ubi Vlp. ait, Exercitorem eum dici, ad quem obventiones & reditus omnes perueniunt: siue is dominus nauis sit, siue à domino nauem per auersionem conduxit, uel ad tempus, uel in perpetuum.

CVM QVIS TABERNÆ.) Sequitur III. In eum qui seruum institorem præfecit, ex eo quod cum eo seruo eius rei causa gestum erit, in solidum actio à Prætorè tribuitur. l. 1. & pass. D. de institu. ubi Vlpianus ait, æquum esse uisum Prætori, sicut comoda sentimus ex actu institorum, ita etiam obligari nos ex contractibus ipsorum, & conueniri. Verum intelligendum duo in hac actione desiderari: alterum, ut eius rei gratia cui præpositus institor fuerit, contractum sit: id est, dumtaxat ad id cui eum præposuit. l. 5. §. non tamen. eodem. Alterum, ut creditor sciat necessariam esse mercium comparationem, cui emendæ seruus sit præpositus, sed tamen sufficere, si in hoc crediderit: nec exigendum, ut ipse curam suscipiat, an in hanc rem pecunia eroganda sit. l. ult. in fine. D. de exercit. act. Formula igitur huius actionis hæc erit: SI PATERET Mauium aureos uiginti Pamphilo Titius institori eius rei gratia cui præpositus fuerat, credidisse neque Titius Mauius satisfaciat, tum Titius damnetur.

QVI NEGOCIATIONIBVS.) Sequitur IIII. Qui negotiationibus præficiuntur, institores appellantur. l. 3. D. eod. ubi Vlp. ait, institorem appellandum esse ex eo, quod negotio gerendo instet.

ET SI LIBERVM QVIS.) Sequitur V. Hæ actiones etiam cum homo liber, seruus uel alienus negotiationi præfectus est, conceduntur. l. 1. §. cuius autem. D. de exercit. l. 7. D. de institu. ubi Iurisconsulti dicunt, nihil interesse cuius conditionis sit uel magister, uel institor: utrum liber, an seruus: & utrum eius quicum agitur, an alienus.

EADEM ÆQUITATIS RATIO.) Sequitur VI. Æquitatis ratio in pari causa paria iura desiderat. l. 1. D. de fonte. Atque ex his uerbis coniecturam facere possumus, hoc non nominatim edicto Prætoris comprehensum, sed Iurisconsultorum disputatione propter parem causæ rationem institutum fuisse. sicuti causæ constitutio declarat: Nonius à Septimio institor tabernæ suæ præpositus fuerat, eiusque rei causa pecuniam mutuam à Minutio sumpserat. Minutius à Septimio pecuniam suam institoria formula repetebat. Intentio: Teneris mihi actione institoria. Depulsio: Non teneor. Quaestio: An teneatur. Ratio: Quia institoria à Prætorè ob seruorum contractum instituta est: ut quoniam agi cum his non poterat, cum ipsorum dominis ageretur. Firmamentum: At cum huiusce causæ par similisque ratio sit, æquum est etiam actionem dari. par rem autem esse rationem ex eo intelligitur, quod quemadmodum qui cum seruo contrahit, non serui, sed domini fidem sequitur: sic etiam hoc casu qui cum Nonio contraxit, non ipsius, sed eius à quo præfectus fuerat, fidem obligationemque spectat. Disceptatio ex iuris scripti & non scripti contentione nascitur: An cum par in utroque contrahente ratio sit, non secus ex liberi quam ex serui contractu hæc actio permittatur.

In dominum, quo sciente unà cum seruo in rebus peculiaribus contractum est, nisi res æqualiter inter creditores partitus sit, actio ut alia tributio fiat, à Prætorè conceditur. l. j. & pass. D. de tribut.

III. Introduxit & aliam actionem Prætor, quæ tributoria uocatur. Namque si seruus in peculiari merce, sciente domino, negocietur, & quid cum eo eius rei causa contractum erit: ita Prætor ius dicit, ut quicquid in his mercibus erit, quodque inde receptum erit, id inter dominum, si quid ei debebatur, & ceteros creditores, pro rata portione distribuatur. & quia ipsi domino distributionem Prætor



**A** Prætor permittit, si quis ex creditoribus quærat, quasi minus ei tributum sit, quam oportuerit: hanc ei actionem accommodat, quæ ideo Tributoria appellatur.

NAMQUE SI SERVUS IN PECULIARI MERCE SCIENTE DOMINO NEGOCIETUR.) Enunciatio I. Dominus, quo sciente cum servo in peculiari merce contractum est, si quid ei debeatur, res omnes pro rata distribuere à Prætoribus iubetur. l. 1. & pass. D. de tribut. act. Quod ut recte intelligatur, primum illud scire oportet, merces peculiarem eam esse, in qua servus suo nomine domini consensu ita negociatur, ut eius quæstus ad ipsum pertineat. Deinde necessarium esse, ut dominus sciat atque consentiat, ut servus in ea merce negocietur. Tertiò, cum à creditore de eare agitur, dominum ita merces illas parti, ut si quid sibi debeatur, in partitionem ipse quoque pro sua virili parte admittatur: non tantum si quid ex ea, sed etiam ex qualibet causa ei debeatur. l. 5. §. in tributum. eodem. Quæ cum ita sint, causam huius actionis hanc fuisse perspicimus: quoniam actio de peculio beneficium deductionis in solidum domino præstabat: hæc vero pro rata parte duntaxat. veluti, duodecim sunt in mercibus peculiaribus, domino quinque debentur: Titio item quinque, & totidem Sempronio. Si de peculio agatur, dominus integra quinque obtinebit. sin autem agatur tributoria, quatuor duntaxat. Denique in illa actione potior est domini conditio: in hac vero, par omnino est. cuius rei æquitas est duplex: ex parte creditorum, quoniam ex eorum pecunia merces comparata sunt: ex parte domini, quoniam eo sciente & prudente servus contraxit.

**B** SI QVIS EX CREDITORIBVS.) Sequitur II. In dominum qui res peculiares inique distribuit, hæc actio ut æquior fiat tributio, à Prætoribus conceditur. d. l. 1. & l. illud. 7. §. 1. D. cod. ubi Vlp. ait: Si cuius dolo malo factum est, quo minus ita tribueretur, in eum tributoria datur, ut quanto minus tributum sit quam debuerit, præstet. & l. alius. 12. D. cod. ubi Iulianus ait, tributoria tunc demum agi posse, cum dominus in distribuendo precio mercis, edicto Prætoris non satisfecerit: id est, cum maiorem partem debiti sui deduxit, quam creditoribus tribuit. veluti, si cum in merce triginta fuissent, in quam ipse quidem quindecim crediderat, duo autem extranei triginta, tota quindecim deduxerit, & creditoribus reliqua quindecim dediderit: cum deberet sola decem deducere, extraneis decem tribuere. Quæ cum ita sint, quæri potest, qua ratione dominus ad tributorem cogatur. Nam prima specie videtur hæc actio iccirco Tributoria nominari, quia dominum cogat distribuere. Dicendum est igitur, decretum duntaxat à Prætoribus interponi, ut pro rata distribuatur: & si decreto dominus non obtemperet, tum demum actionem ac iudicium in hæc verba postulari: SI PATERET Mæuium peculiares servi sui Daui merces ex edicto non distribuisse, tum quanto minus tributum sit quam debuerit, tanti damnetur.

*Dominus sine cuius voluntate servus contraxit, quod in rem eius versum est, solidum præstat: reliquum ex peculij viribus dissolvit. ad cuius estimationem iudex, nisi prius de in rem verso pronunciarit, non transit. l. j.*

*& pass. D. de in rem verso.*

**C** IIII. Præterea introducta est actio de peculio, de qua eo quod in rem domini versum erit: ut quamvis sine voluntate domini negotium gestum erit, tamen siue quid in rem eius versum fuerit, id totum præstare debeat: siue quid non sit in rem eius versum, id eatenus præstare debeat, quatenus peculium patietur. In rem autem domini versum intelligitur, quicquid necessario in rem eius impenderit servus: veluti, si mutuatus pecuniam, creditoribus eius soluerit, aut ædificia ruentia fulserit, aut familiæ frumentum emerit, vel etiam fundum, aut quamlibet aliam rem necessariam mercatus erit. Itaque si ex decem puta aureis, quos servus tuus à Titio mutuos accepit, creditori tuo quinque aureos soluerit, reliquos vero quinque, quolibet modo consumpserit: pro quinque quidem in solidum damnari debes: pro cæteris vero quinque, quatenus in peculio sit. Ex quo scilicet apparet, si toti decem aurei in rem tuam versi fuerint, totos decem aureos Titium consequi posse. Licet enim una sit actio, qua de peculio, de qua eo quod in rem domini versum sit, agitur: tamen duas habet condemnationes. Itaque iudex apud quem de ea actione agitur, antè dispicere solet, an in rem domini versum sit: nec aliter ad peculij estimationem transit, quam si aut nihil in rem domini versum intelligatur, aut non totum.

SIVE QUID IN REM EIVS.) Enunciatio I. Dominus de eo quod servus sine sua voluntate contraxit, quatenus in rem eius versum est, in solidum: de cætero, pro ratione peculij convenitur. l. 1. D. de in rem verso. ubi Vlpian. docet, hanc huius actionis causam & æquitatem esse, quia cum ipsis dominis contractum videatur. Quod tamen obscurum alicui videri possit. quoniam hæc inter superiores actiones & hanc nostram differentia est, quod superiores ex eo contractu nascuntur, qui scientibus & volentibus dominis facti sunt: hæc vero ex eo, qui domino ignorante est factus. Sed respondetur, iccirco cum ipsis dominis contractum videri, quoniam in rem eorum negotium conuersum est. Itaque Imp. Antoninus in l. 3. C. quod cum eo, &c. Etiam si, inquit, non mandante, neque iubente, neque subscribente domina, pecuniam mutuam seruo Priscæ dedisset: tamen ea quantitas, si in rem dominae eius iustis rogationibus versa est, de in rem verso apud suum iudicem convenit: consecutus secundum iuris formam id quod tibi deberi apparuerit.

IN REM AUTEM DOMINI.) Sequitur II. Quicquid in rem domini necessario servus impenderit, id omne in rem eius versum intelligitur. l. 3. §. 1. & l. 5. & 6. D. cod. ubi Iurisperiti scribunt, toties de in rem verso esse actionem, quibus casibus procurator mandati, vel qui negocia gessit, negotiorum gestorum haberet actionem: quotiesque aliquid consumpsit servus, ut aut meliorem rem dominus haberet, aut non deteriorem. sed si mutua pecunia accepta, domum dominicam exornavit, & quibusdam alijs quæ magis ad voluptatem pertinent, quam ad utilitatem, non videtur versum: nec debere ex eo onerari dominum, quod ipse facturum non esset. Causæ constitutio: Davus Minutij servus 100. aureos à Titio mutuo accepit, ut do.



ut domini domum tectorijs ornaret. Post à Minutio eam pecuniam repetere instituit. *Intentio*: Pecunia illa in rem tuam uersa est. D. Non est. Q. An sit. R. Quia in rem uersum dicitur, quod necessario impensum est. F. Imò in rem uersum dicitur, quodcumq; domini patrimonium aliqua ex parte amplificauit. Domus autem tua nunc aliquanto pluris est, quam fuerat. Disceptatio ex scripti ambiguitate nata est: An quodcumque domini patrimonium auxit, in rem eius uersum intelligatur. Iustinianus hoc loco respondet, nequaquam. aliud enim esse rem, aliud uoluptatem. Itaque Vlpianus in d. l. 3. §. 4. scribit: quamuis preciosior domus facta sit, tamen hanc creditori actionem non dari: sed pati debere dominum credito-  
rem illa auferre. Idem tamen in l. 5. §. 2. & alibi nonnunquam scribit, in rem uersum uideri, non tantum si necessarius, sed etiam si utilis domino sumptus ille fuerit. Veruntamen hoc interesse, quòd si sumptus non fuerit necessarius, non amplius in rem uersum intelligatur, quam est uerum ipsius rei premium. cum si necessarius fuisset, in solidum quanti ea res fuisset, dominus teneretur.

SI TOTI DECEM AVREI.) Sequitur III. Cum uniuersa pecunia in rem domini uersa est, in solidum dominus obligatus est. l. si pro patre. 10. §. 2. D. eod. ubi Vlp. ait: In rem uersum uideri, prout aliquid uersum est. proinde si pars uersa est, de parte fore actionem. Item l. seruus. 17. in fin. D. eod. ubi Africanus perspicue tradit usq; eò dominum in solidum teneri, ut ne id quidem quod domino seruus debet, deduci possit.

LICET ENIM VNA.) Sequitur IIII. Actio de peculio & in rem uerso una est, sed duas tamen condemnationes habet. l. si pro patre. 10. §. 1. & l. filiusfam. 19. in fine. D. eodem. ubi Iurisperiti docent actionem de in rem uerso non propriam quandam esse formulam, & per se constantem, sed accessionem & appendicem duntaxat actionis de peculio insiticiam & exempticiam. quod ex hac formula constabit: SI PATERET Manium Broti Manij seruo centum credidisse: tum Manilius ei quatenus & in rem eius uersum, & in Erotis peculio esse constabit, prestare damnetur. Qua ex formula perspicue intelligitur creditorem qui de in rem uerso agere instituit, de peculio actionem ita postulare oportere, ut etiam illud emblemata adijci postulet. Causa autem perspicua est: quoniam id quod in rem domini uersum est, peculium auget, atque in id imputatur. l. 1. in fine. l. si pro patre. 10. §. uersum. eodem. l. quam Tuberonis. 7. in fine. D. de pecul. ueluti si decem in peculio sint, & totidem credita sint: siquidem omnia in rem domini uersa sint, peculium uiginti esse iudicatur. Quapropter si quid seruus domino debeat, non antè deducitur, quam solida illa decem creditori persoluta fuerint.

NEC ALITER AD PECVLII.) Sequitur V. Iudex huius actionis non prius ad peculij aestimationem transire, quam de in rem uerso iudicari, debet. Veluti decem in Dauis peculio sunt, quindecim illi credidi, è quibus decem in rem domini uersa sunt: qua de causa peculium est decem & septem. Iam uerò is sex domino debebat. Iudex ita negotium hoc explicabit, ut primum mihi septem attribuat. deinde ex reliquis decem sex dominus deducet, mihi duo tantum relinquat. Ergo transire ad peculij aestimationem sic intelligendum est, ut peculij nomine summam illam precise accipiamus, quæ de mpto eo quod in rem uersum est, relinquatur. cum alioqui, ut superius docuimus, in peculium & quod in rem uersum est imputetur.

In aestimando peculio quod seruus domino, ipsius qui eius in potestate sunt, excepto tamen eius uicario, debet, detrahitur. l. v. & ix.

§. x. vij. De pecul.

V. Cum autem quaeritur, quantum in peculio sit: antè deducitur, quicquid seruus domino, eius qui in potestate eius sit, debet: & quod superest, id solum peculium intelligitur. Aliquando tamen id quod ei debet seruus, qui in potestate domini sit, non deducitur: ueluti, si is in ipsius peculio sit. quod eò pertinet, ut si quid uicario suo seruus debeat: id ex peculio eius non deducatur.

QUICQUID SERVVS DOMINO.) Enunciatio I. In peculio id demum numeratur, quod deductis ijs quæ domino, familiaeque debentur, superest. l. depositi. 5. D. de pecul. ubi Vlp. & Seruius scribunt, peculium deducto quod domino, & ijs qui in eius potestate sunt debetur, computandum esse: quia praevenisse dominus & cum seruo suo egisse creditur. siquidem (ut ait Pomponius in l. 4. eod.) dominus peculium serui totum & adimere & augere & deminuere potest. Itaq; Tubero in lege sequenti peculium ita definit: Quod seruus domini permisso separatim à rationibus dominicis habet, deducto inde si quid domino debetur. Causa igitur constitutio hæc erit: Cum peculium id esse constaret, quod dominus suis rationibus non ascripserat, sed seruum in suas rationes referre uoluerat: Cornelius cui uiginti Dauius debebat, ea quidem in suis tabulis ei expensa non tulerat. Cum de peculio ageretur, dominus ea uiginti in peculio esse negabat. Intentio: Hæc uiginti è peculio non sunt. D. Imò sunt. Q. An sint. R. Quia in peculio ea sunt quæ dominus in suas actiones non retulit. F. At uerisimile est, me & relaturum & exacturum aliquando fuisse. Disceptatio ex scripto & sententia nascitur: An uerisimile sit, dominum ea quæ sibi seruus debet, eius in peculio non permittere, sed aliquando exacturum esse. Pedius in d. l. sed si. 9. eod. respondet, id eò hoc minus in peculio esse, quod domino uel patri debetur: quoniam non est uerisimile dominum id concedere seruo in peculio habere, quod sibi debetur.

IN EIVS IPSIVS PECVLIO.) Sequitur II. Quod ordinarius uicario suo debet, de illius peculio non detrahitur. l. si seruus. 17. D. eod. ubi Seruius respondisse traditur, id quod ordinarius debet uicario, non deduci de peculio serui ordinarij: quia peculium illius in huius peculio est. Causa constitutio: Pamphilus qui centum aureorum peculium habebat, quinquaginta mihi debebat: debebat etiam uicario suo sexaginta. Cum de peculio agerem, dominus mihi duntaxat quadraginta offerrebat: quasi nihil aliud in peculio superesset. Intentio: Sexaginta detrahenda non sunt. D. Imò sunt. Q. An sint. R. Quia lex permittit id detrahi, quod seruus ijs qui in eadem familia sunt, debet. F. At alia lex uicarij peculium in ordinarij peculio esse statuit. Itaq; quod illa generatim de conseruis dixit, in uicariorum persona modificandum est. Disceptatio ex contrariis scriptis nascitur: An lex superior ab altera modificanda sit. Seruius respondet esse.

Cui quod



**A** Cui quod iussu, uel exercitoria, uel institoria, eidem etiam de in rem uerso licet agere: sed per illas, solidum & sine probatione consequetur. l. j. D. quod cum eo.

**VI.** Cæterum dubium non est, quin is quoque qui iussu domini contraxerit, cuique institoria uel exercitoria actio competit: de peculio, deque eo quod in rem domini uersum est, agere possit. Sed erit stultissimus, si omitta actione qua facillime solidum ex contractu consequi possit: se ad difficultatem perducatur probandi in rem domini uersum esse, uel habere seruum peculium, & tantum habere, ut solidum sibi solui possit.

**DVBIVM NON EST QVIN.)** Enunciatio I. Is cui actio quod iussu, uel exercitoria, uel institoria competit, de in rem uerso tamen agere potest. l. i. D. quod cum eo. &c. ubi Caius scribit, Prætorum iudicium in solidum polliceri, si domini iussu negotium geratur: quod si non eius iussu, sed tamen in rem eius uersum fuerit, eatenus introducere actionem, quatenus in rem eius uersum fuerit: quod si neutrum eorum sit, de peculio actionem constituere. Item l. si res. 5. §. 2. D. de in rem uerso: ubi Vlp. ait: Quod seruus domino emit, siquidem uoluntate eius emit, posse quod iussu agi. sin uero non ex uoluntate, si quis dem dominus ratum habuerit, uel alioqui rem necessariam uel utilem domino emit, de in rem uerso actionem fore. sin uero nihil eorum est, de peculio dari actionem. Ratio autem perspicua est, quia de in rem uerso actio generalis est, eosque omnes casus complectitur, quibus res domini amplificata est. quare siue ex iussu deserto, siue ex tacito ac præsumpto negotium id gestum est, unde res eius amplificata est, de in rem uerso recte agetur.

**B** **QVAM FACILLIME.)** Sequitur II. Superioribus actionibus solidum & sine probatione: hac uero quantum in rem uersum & in peculio esse probabitur, exigitur. l. i. D. hoc tit. & l. i. D. de pecul. & l. i. de in rem uerso. Unde perspicue constat actionem de peculio quasi subsidij loco institutam esse, ut si alius locus non sit, hac uti liceat. eoque multo satius esse superioribus experiri: primum, quoniam illæ semper solidum exigunt: hæc quantum aut in rem uersum, aut in peculio esse probabitur. deinde, quia non facile est alienis, qui rem familiarem notam non habent: aut peculium esse, aut quantum in peculio sit, probare.

Is cui tributoria competit, potest & de peculio agere: quod ei tum expedit, cum in parte peculij tantum seruus negociatus est: at si in toto, ut par sit domini conditio, tributoria utilior est. l. ij. D. de tribut.

**VII.** Is quoque cui tributoria actio competit, æquè de peculio & de in rem uerso agere potest. Sed sanè huic modò tributoria expedit agere, modò de peculio, & de in rem uerso. Tributoria ideo expedit agere, quia in ea domini conditio præcipua non est: id est, quod domino debetur, non deducitur: sed eiusdem iuris est dominus, cuius & cæteri creditores. At in actione de peculio ante deducitur quod domino debetur: & in id quod reliquum est, creditori dominus condemnatur. Rursus de peculio ideo expedit agere, quod in hac actione totius peculij ratio habetur: at in tributoria, eius tantum quo negociatur. Et potest quisque: tertia fortè parte peculij, aut quarta, uel etiam minima negociari: maiorem autem partem in prædijs, uel mancipijs, aut fœnebris pecunia habere. Prout ergo expedit, ita quisque: uel hanc actionem, uel illam eligere debet. Certè qui potest probare in rem domini uersum esse, de in rem uerso agere debet.

**C** **AEQVE DE PECVLIO.)** Enunciatio I. Cui datur tributoria, eidem etiam de in rem uerso agere permittitur. l. quod in hærede. 9. §. i. D. de tribut. ubi Vlp. ait, eligere quem debere. qua actione experietur, utrum de peculio, an tributoria: cum sciat sibi regressum ad alium non futurum. Causæ constitutio: Cum Pamphilus in mercibus peculiariis negociaretur, ei que decem eo nomine credidisset: postulauit à domino, cui nonnihil etiam eodem nomine debebatur, ut merces ex Prætoris edicto distribueret. Is mala fide distribuit: qua de causâ tributoria mihi actio competebat, sed cum illa decem uiderem in rem domini uersa esse, de peculio agere malui. Intentio: Actio de in rem uerso mihi competit. D. Non competit. Q. An competat. R. Quoniam ubi domini tributio non placet, tributoria actioni locus est. F. At etiam ubi quid in rem uersum est, de in rem uerso actioni locus est. Itaque ubi qualibet illarum licet agere, mea electio est. Disceptatio ex contrariè scriptis orta est: An cum utriusque actionis casus concurrant, electio permittenda sit. Vlp. respondet, permittendam esse.

**SED SANE HVIC.)** Hoc dicit propter huius differentiam, cum illis tribus superioribus, quibus nemo nisi stultissimus non semper utitur.

**DOMINI CONDITIO PRÆCIPVA.)** Sequitur II. In tributorio iudicio non melior domini quam cæterorum creditorum conditio est l. i. eod. Id quod superius exposuimus.

**ANTE DEDVCITVR.)** Sequitur III. In actione de peculio in id tantum quod deducto ære dominico superest, sit condemnatio. d. l. i. D. de tribut. act. l. 4. 5. & 9. D. de pecul.

**TOTIVS PECVLII RATIO.)** Sequitur IIII. In actione peculiari, totius peculij: in tributoria, eius partis de qua negociatum est, ratio ducitur. l. aliquando. 2. D. de trib. act. ubi Caius sic scribit: Aliquando etiam agentibus expedit potius de peculio agere, quam tributoria. nam in hac actione de qua loquimur, hoc solum in diuisionem uenit, quod in mercibus est, quibus negociatur: quodque eo nomine receptum est. At in actione de peculio, totius peculij quantitas spectatur: in quo & merces continentur. & fieri potest, ut dimidia fortè parte peculij, aut tertia, uel etiam minore negocietur. Fieri præterea potest, ut patri dominique nihil debeat.



QVI POTEST PROBARE.) Sequitur V. Is cui tributoria competit, si in rem uersum probare possit, de in rem uerso debet agere. l. si res domino. 5. §. 2. D. de in rem uers. Idq; superius copiose explicatum est.

Quæ de seruis dicta sunt, etiam ad filiosfam. pertinent: quorum illud propriè S. C.

Macedoniano cautum est, ne de pecunia ipsis credita, uel in ipsos,

uel in eorum parentes etiam, cum suæ potestatis

erunt, ius dicatur. l. j. D. hoc tit.

VIII. Quæ diximus de seruo & domino, eadem intelligimus & de filio & filia, nepote & nepotè, & patre, auoue, cuius in potestate sunt. Illud propriè obseruatur in eorum persona, quod senatusconsultum Macedonianum prohibuit, mutuas pecunias dari eis qui in potestate parentis sunt: & ei qui crediderit, denegatur actio tam aduersus ipsum filium filiamue, nepotem neptemue (siue adhuc in potestate sint, siue morte parentis, uel emancipatione, suæ potestatis esse cœperint) quàm aduersus patrem auumue: siue eos habeat adhuc in potestate, siue emancipauerit. Quæ ideo senatus prospexit: quia sæpe onerati ære alieno creditarum pecuniarum, quas in luxuriam consumebant, uitæ parentum insidiabantur.

EADÉM INTELLIGIMVS.) Enunciatio I. Quæ de seruo & domino dicta sunt, eadem ad filiosfam. & parentes attinent. l. 2. & ult. D. quod iuss. l. 1. D. hoc tit.

DENEGATUR ACTIO.) Sequitur II. De pecunia filiosfam. credita, neq; in ipsius patrem, neq; in ipsum etiam sui iuris factum ius dicitur. l. 1. D. de senat. Maced. unde intelligitur, Senatusconsultum factum esse, cuius auctorem fuisse Ver-  
B  
spasianum Suetonius tradit, ne filiorumfam. creditoribus exigendi crediti ius unquam esset: hoc est, ne post patris quidem mortem. Animaduertendum est autem primum, quod Vlpianus scribit in l. 3. §. is autem. D. eod. cum solum in S. C. committere, qui mutuam pecuniam filiosfam. dedit: non qui alias contraxit: puta uendidit, locauit, uel alio modo contraxit. Deinde, quod Imperator Alexander rescriptit in l. 5. C. eodem. itemq; Vlpianus in l. item si. 7. §. quod dicitur. D. eod. pecuniam filiosfam. studiorum causa creditam ad S. C. non pertinere. Quæ ex re fingi causæ constitutio poterit, hoc modo: Cum Athenas M. Tullius filiusfam. studiorum causa missus esset, neq; satis uel librorum uel uestium haberet, ei ego uiginti credidi. post eum à patre pecuniam illam repeterem, S. C. Macedonianum mihi obijciebat. Intentio igitur mea hæc fuit: Senatusconsultum ad istam pecuniam non pertinet. D. Imò pertinet. Q. An pertineat. R. Quia S. C. generaliter omnes mutationes pro-  
hibuit. F. At æquitas postulat, ut de mutationibus quæ studiorum causa factæ sunt, S. C. non intelligatur. Disceptatio ex iuris & æquitatis contentione nascitur: An cum generaliter scriptum sit, tamen propter æquitatem de illis mutationibus non sit intelligendum.

VITAB PARENTVM.) Sequitur III. Magnitudo æris alieni filiorumfam. parentibus uitæ periculum creat. l. 3. §. is autem. D. eod. ubi Vlp. ait, pecuniæ dationem perniciosam parentibus uisam esse. Itaq; Cicero in defensione Sexti Roscij, qui patrem necasse arguebatur: Luxuries, inquit, hominem & æris alieni magnitudo, & indomitæ animi cupiditates ad hoc scelus impulerunt.

Is cui quod iussu, de in rem uerso, exercitoria, institoriaue competit, potest etiam directò in patrem dominumue agere. l.

xxix. De reb. cred.

IX. Illud in summa admonendi sumus, id quod iussu patris dominusue contractum fuerit, quodq; in rem eius uersum erit: directò quoque posse à patre dominusue condici, tanquam si principaliter cum ipso negotium gestum esset. Ei quoq; qui uel exercitoria uel institoria actione tenetur, directò posse condici placet: quia huius quoq; iussu contractum intelligitur.

QVOD IVSSV PATRIS.) Enunciatio I. Cui quod iussu, uel de in rem uerso competit, eidem etiam directò licet in patrem dominumue agere. l. item si. 7. §. interdum. D. ad S. C. Maced. ubi Vlpianus ait: Si filiusfam. pecuniam mutuam acceperit, & in rem patris uerterit, patrem directò & principaliter obligari. Quippe cum is qui cum filiosfam. aut patris iussu contrahit, aut ita contrahit ut in rem patris uertatur, cum ipso patre contrahere uideatur. Item l. ult. D. pro socio: ubi Labeo sic scribit, quoties iussu alicuius cum filio eius societas coitur, directò cum ipsius persona agi posse, cuius persona in contrahenda societate spectata sit. Quinetiam Paulus in l. ult. D. quod iussu: Si dominus, inquit, uel pater pecuniam mutuam acceperit, iusserit seruo filiusue numerari, nulla questio est, quin ipsi condici possit. Quod igitur hoc loco Iustinianus DIRE-  
CTO dixit, sic interpretor, nulla filiosfam. aut serui mentione facta, sed simpliciter hoc modo: Si pateret te mihi centum dare oportere: cum in illis actionibus longè alia formula utendum sit, quàm supra exposuimus. Causæ autem constitutio ad scribenda est: Cum pecuniam seruo tuo credidisset, quam is postea in rem tuam conuertit, uolui tecum certi conditione ex-  
periri: Si pateret te mihi centum dare oportere. Intentio: Certi conditione mihi teneris. D. Non tencor. Q. An tencaris. R. Quia certa isto casu à Prætoris formula de in rem uerso instituta est. F. At etiam hoc casu certi conditio competit, quippe quæ & cum suo & cum alieno nomine quis obligatus est, concedatur. l. certi conditio. 9. §. 2. de certi condit. quare ubi due actiones conceduntur, electio mea est. Disceptatio ex contrariè scriptis nascitur: An cum due actiones unum in casum concurrant, electio auctori permittenda sit.

QVI VEL INSTITORIA.) Sequitur II. Cui uel exercitoria, uel institoria competit, eidem etiam directò licet in patrem dominumue agere. l. si institorem. 29. D. de reb. cred. ubi Paulus scribit: Si institorem seruum dominus habuerit,



**A** fuerit, etiam ei condici posse: quasi iussu eius contrahatur, à quo praepositus sit. Item l. haeres. 19. §. apud. D. de iudic. **HVIUS QVOQVE IVSSV.)** Sequitur III. Qui cum alterius negotiationi praefecto contrahit, eius qui praefecit iussu contrahere intelligitur. d. l. si institutorem: & superius abunde explicatum est.

## DE NOXALIBVS ACTIONIBVS.

### TITVLVS III.

**Ex priuatis seruorum delictis noxales in dominos actiones dantur: quibus damnati possunt corporis obnoxij deditioe litis aestimationem effugere. l. 1. & 2. eodem.**

**I. EX** maleficijs seruorum: ueluti si furtum fecerint, aut bona rapuerint, aut damnum dederint, aut iniuriam commiserint: noxales actiones proditae sunt, quibus domino damnato permittitur, aut litis aestimatione sufferre, aut hominem noxiae dedere. Noxa autem est corpus, quod nocuit: id est, seruus. noxia, ipsum maleficio: ueluti furtum, damnum, rapina, iniuria. Summa autem ratione permittum est noxae deditioe defungi. Namque erat iniquum, nequitiam eorum ultra ipsorum corpora dominis damnosam esse.

**B EX MALEFICIIS SERVORVM.)** Sub tit. De actionibus, Imperator de ijs actionibus disseruit, quae uel ex contractu, uel ex maleficio liberorum hominum nascuntur. Proximo uero tractatu de ijs, quae ex contractu seruorum filiorumque familiae. Deinceps igitur ordo postulat, ut de ijs explicet, quae ex eorundem maleficijs institutae sunt.

**NOXALIS ACTIONES PRODITAE.)** Enunciatio I. Ex priuatis seruorum delictis actiones in dominos, quae noxales appellantur, institutae sunt. l. 1. D. eod. Priuata autem delicta quatuor esse, Iustinianus hoc loco significat: furtum, rapinam, iniuriam, & damnum. Hinc Iulianus in l. 200. D. de uerb. signifi. & Vlp. in l. 17. §. 6. D. de edil. edi. Noxae uerbum autem ad priuatis noxas pertinere: hoc est, eas quaecumque committuntur ex delictis, non publicis criminibus.

**AVT LITIS AESTIMATIONEM.)** Sequitur II. Noxali damnatus potest seruum noxae dedendo, litis aestimationem effugere. d. l. 1. ubi Caius scribit, harum actionum uim & potestatem hanc esse, ut si damnati fuerimus, liceat nobis deditioe ipsius corporis quod deliquerit, euitare litis aestimationem. Quae uerba sane obscuritatem aliquam asferre possunt: quasi damnum possumus ad solam litis aestimationem, cum Imperator infra sub tit. De officio iud. aperte scribat, Iudicem disiunctam sententiam pronunciare debere, P. Mauium L. Titio in decem aureos condemnno: aut noxae dedere. tametsi soli decem aurei in condemnatione sint: noxae uero deditio à lege profiscatur ubi scribit Vlp. in l. miles. 6. D. de re iud. Quae cum ita sint, & constet iudicem secundum legis uerba suam sententiam concipere oportere, consentaneum esse arbitror, ut actionis quoque formula hoc modo concipiatur: SI PATERET EROTEM OCTAUIJ SERUUM NOXAM SEPTIMIO NOCUISSSE, TU AUT QUANTI EA RES ERIT, TANTUM OCTAUIUM SEPTIMIO SOLUERE, AUT EROTEM EI NOXA DEDERE DAMNATO. Eiusque rei argumento sunt illa Praetoris uerba in l. 1. D. de his qui deiec. uel effud. **IN IUDICIO ADICIAM VEL NOXAM DEDERE.** Hanc autem XII. Tab. leg. ex Athenienfium legib. sumptam esse, locus is quem ex Platonis u. de Legib. lib. subscribam, demonstrat: *ἀλλὰ ὁ δ' αὖτ' ἂν ἀλλοι βαλόντες τῷ ἀλλοτρίῳ, ἢ ὀπίσσω μὴ σωατὶς τὸ βαλόντι αὐτὸ γυμνός, κατ' ἀπειρίαν, ἢ τιν' ἐκ τῶν ἡγεῖων μὴ σώφρονά, ὃ τὸ βαλόντι ἀεὶ ὀπίσσω, τὴν βαλόντι ἐξάδω μὴ ἐν δαίῳ, ἢ τὸ βαλόντι αὐτὸ ἡδρότω.* id est: Si cui alieno seruus seruauit uel imperit uel alia minus considerata ratione noxam nocuerit, neque is qui damnum passus est causam eius damni ex parte praebuerit, dominus eius qui nocuit, aut litis aestimationem soluit, aut eum noxae dedito.

**C NOXA AVTEM EST.)** Sequitur III. Noxae nomine, auctor maleficij: noxae, maleficio ipsum intelligitur. Quod totum falsum & nugatorium, atque ab hoc animali Latinae linguae imperitissimo confectum esse, nemo paulo eruditionis non uidet. Existimauit enim Tribonianus, cum noxae deditioem nominamus, plenam esse locutionem, pro serui aut corporis deditioem: cum praecisa & imperfecta sit, ac uestusta consuetudine subaudiatur, Nomine. ueluti, cum Verrina 3. Cicero persaepe scribit, aliquid lucri aut accessionis dare. unde intelligi debet Noxae non dariui, sed genitiui casus esse. Erroris causam Triboniano uerba Caij praebuisse arbitror, in l. 1. D. hoc tit. Licet nobis deditioe ipsius corporis quod deliquit, euitare litis aestimationem. Neque mihi obijciat aliquis edicti Praetoris uerba in l. 1. D. de his qui deiec. uel effud. **IN IUDICIO ADICIAM, VEL NOXAM DEDERE.** Cum enim ab omni Latinae linguae consuetudine locutio illa abhorreat, non dubitandum est uel Triboniani uel cuiusvis alterius arte immutatum illud fuisse, ut pro NOXAE, reponeretur NOXAM. Quod autem diximus NOXAE genitiui non dariui casus esse, dubium fortasse quibusdam uidebitur: illa similia considerantibus, cum dicimus, dare pignori, dono, commodato, mutuo, feneratori, doti, & quae sunt in eodem genere. Primum igitur intelligendum est, aliud esse dare, aliud dedere. siquidem dari etiam ea dicuntur, quae quandoque repetuntur: ut commodato, pignori, &c. In dedendi autem uerbo, praepositio DE adiecta augeat: ut Vlp. in deponendi uerbo notauit. Praeterea casus illi dariui dissimillimam habent & uim & rationem ab hoc genitiuo nostro. Ob eam enim causam pignori, & commodato dari aliquid dicitur, quia tradita res pignoris & commodati usum praestat: stultum est autem dicere seruum quadrupedem propterea deditam, ut apud eum cui datur noxa sit, & noxae usum praestet. neque aptam ullam sententiam locutio haec recipit, nisi, ut paulo ante dixi, uocem Nomine subaudiamus. Sic enim dedi dicebantur urbes perfidia ac defectionis nomine. proprie namque deditioe dicti sunt, qui defecerunt. sic dedi dicebatur Mancinus Numantinis federis nomine: & qui legatos uiolarunt, noxae, id est, sceleris uiolatioque iuris gentium nomine. Quorum igitur dissimillimum genus est, ea sub eandem rationem reuocare, stultitia est.



*Servus noxae deditus, si damnum quaesita pecunia refarcire possit, à Prætoris inuito domino manumittitur. istæ autem actiones tum legibus tum prætoris sunt. l. xxv j. & l. ij. & xx j. D. eodem.*

**II. Dominus noxali iudicio serui sui nomine conuentus, seruum auctori noxae dedendo liberatur: nec minus in perpetuum eius serui dominium à domino transfertur. Sin autem damnum ei cui deditus est, seruus refarcierit quaesita pecunia: auxilio Prætoris inuito domino manumittitur. Sunt autem constitutæ noxales actiones, aut legibus, aut edicto Prætoris. Legibus: ueluti furti lege duodecim Tabularum, damni iniuria lege Aquilia. Edicto Prætoris: ueluti iniuriarum, & ui bonorum raptorum.**

**ACTORI NOXAE DEDENDO.)** Enunciatio I. Noxae deditio dominum à litis aestimatione liberat. l. 2. eod. ubi Vlp. ait, non debere dominum, quo insciente seruus noxam nocuit, ex maleficio serui in plus teneri, quam ut noxa eum dedat. Cuius rei ratio sanè prudenter excogitata est. Nam cum iniquum uideretur, dominum magnis seruorum culpas præstare, quarum planè expertus erat: contra durum & acerbum uideretur, ei qui damnum passus erat, nulla ex parte satisfieri: ac proinde seruum petulantem impune discedere: lex eam mediocritatem quæ est inter nimium & parum secuta est, ut neque omnem culpam dominus præstaret, neque rursus omni ex parte damnum passo satisfaceret, sed pro suo damno seruum sibi haberet. Vnde etiam illud Reipub. utilitatis accedit, quòd ista ratione serui cautiore ab inferendis iniurijs redduntur: quippe qui uideant fore, ut in eius manu ac potestate sint, cui iniuriam intulerint. Neque nos mouere debet, quòd interdum accidit, ut non multo pluri sit damnum quam seruus. Lex enim nulla singulos casus spectat: sed generatim de summa rei statuit. Præterea nemini durum uideri debet, quòd domini paruis seruorum culpas per litis aestimationem præstare cogantur. nam eius rei ratio duplex est. prior, quia natura æquum est, ad eum pertinere damnum, ad quem & lucrum pertinet. deinde, quoniam ista ratio discunt domini suos seruos in disciplina continere.

**Nec Minus.)** Mirè dixit, pro, Et simul, uel Nec non.

**A DOMINO TRANSFERTUR.)** Sequitur II. Serui noxae dediti dominum statim ab ipso domino in perpetuum abscedit. l. electio. 26. in fine. D. eod. ubi Paulus ait, eum qui iussu Prætoris ductus est, in eius bonis fieri qui duxit. An maduertendum est autem diligenter hoc loco, Iustinianum scribere, noxae dediti serui dominium à debitore in perpetuum discedere: non autem hoc modo, ad eum cui deditur, in perpetuum migrare. Hæc enim noxae deditio Quiritiarium dominium (ut Theophilus loquitur) non transfert: sed (ut ait Paulus in fine l. 2. D. Si ex noxal. caus.) facit, ut noxae deditio in bonis eius esse incipiat, cui deditus est: hoc est, usufructuendi causam ei præbeat. l. 3. §. genera. D. de acq. poss. & l. 5. D. de public.

**AUXILIO PRÆTORIS.)** Sequitur III. Si seruus noxae deditus satisfacere auctori possit, à Prætoris inuito domino manumittitur. Quæ ex re uerum esse intelligimus, quòd antea dicebamus, non solidum integrumque dominium huiusce serui ad eum cui deditus est transire: alioqui enim quamuis sæpe pro capite pecuniam offerret, nunquam tamen inuito domino manumitteretur. Itaque Iustinianus hoc loco dominum ei, cui seruus noxae deditus est, opponit.

**AVT LEGIBVS, AVT EDICTO.)** Sequitur IIII. Noxales actiones alia legitimæ, alia honorariæ sunt. l. pen. & ult. C. eod. item l. 2. D. eod. ubi Vlp. scribit, noxalem actionem de damno iniuria dato primum lege XII. Tab. deinde lege Aquilia constitutam esse. Idem præterea in l. quoties. 21. Prætoris edictum de seruorum noxis profert. Quòd autem Iustinianus hoc loco scribit, Furti nomine actionem ex lege XII. Tabul. dari, animaduersione aliqua dignum est. Id enim de furto nec manifesto tantum à lege institutum fuisse, patet ex eo, quòd Gellius nominatim scribit, uerberum & deiectionis de saxo poenam furibus seruis impositam, eorum qui manifesti furti prebensi essent, propriam fuisse. lib. ii. cap. 18. Sed tamen cum posterioribus legibus ea seruorum pena sublata esset, dubitari non debet, quin his temporibus ob furta etiam manifesta hæc noxalis actio usurpata sit.

*Noxalis actio ita caput sequitur, ut siue mutetur dominus, semper in nouum: siue seruus manumittatur, in ipsum: siue obnoxius liber, seruus in eius dominum concedatur.*

**III. Omnis autem noxalis actio caput sequitur. Nam si seruus tuus noxam commiserit: quando in tua potestate sit, tecum est actio. Si autem in alterius potestatem peruenerit, cum illo incipit actio esse. At si manumissus fuerit: directò ipse tenetur, & extinguitur noxa deditio. Ex diuerso quoque directæ actio, noxalis esse incipit. Nam si liber homo noxiam commiserit, & is seruus tuus esse cœperit (quod quibusdam casibus effici, primo libro tradidimus) incipit tecum esse noxalis actio, quæ antea directæ fuisset.**

**CAPVT SEQUITUR.)** Enunciatio I. Noxalis actio caput sequitur. l. 1. §. 14. D. de pos. l. qui ex pluribus. 20. & l. ult. D. de noxal. act. ubi etiam regula hæc sic effertur: Noxa caput sequitur. unde intelligi debet: Noxam in hoc proverbio, non tam pro peccato ipso & facto serui, quam pro obligatione & actione quæ inde contracta est, accipiendam esse. Caput autem hoc loco pro persona quæ caput habeat, & cum qua lege agi possit, positum arbitror. ueluti, quando Charilaus meus est seruus, eius sum caput: neque enim serui caput habent. ut ait Iustinianus supra, De cap. deminut. At si cum Sempronio ueniam dam, Sempronius eius caput efficietur. Sin uero manumittatur, iam ipse caput habere incipiet. unde Pro capite pecuniam pendere dicuntur serui, qui libertatem à suis dominis emunt. Et in eandem sententiam Paulus scribit in l. tutel. 7. D. de cap. minu. Actionum ex delicto uenientium obligationem cum capite ambulare. Itemque in l. quod dicitur. 17. D. de furt. quòd dicitur noxam caput sequi, sic interpretatur, obligationem ab initio contractam caput nocentis sequi.



**A** **TECVM EST ACTIO.)** Sequitur II. Noxalis actio semper dominum & caput obnoxij serui persequitur. l. penult. in fine. D. eodem. ubi Ulpianus ait: Si seruus ad alium peruenisse proponatur, iure domini noxali iudicio nouum dominum conueniri.

**DIRECTO IPSE TENETVR.)** Sequitur III. Seruus qui noxam nocuit, manumissus directâ actione tenetur. l. quod ab alio. 15. D. de condict. furt. ubi Celsus ait: Quod ab alio seruus surripuit, eius rei nomine liberum factum furti teneri. item l. 4. C. an seruus pro suo fact. & l. serui. 14. D. de obligat. & act. Causa autem manifesta est: quia liber factus, caput iam habere cœperit: ac propterea obligatio illa quæ antea naturalis erat, in seruo nunc civilis facta est: & quæ civilis erat in domino, in manumissum translata est. Id quod ex causæ constitutione planius intelligitur. Intentio igitur aduersus manumissum hæc erit: Tu mihi ex furto in seruitute facto obligatus es. D. Non sum. Q. An sit. R. Quia obligatio furti est iuris civilis. Ius autem civile ad seruos non pertinet. F. At ita naturaliter obligatus eras, ut sola seruitutis conditio uim illius impediret. Aequum est igitur, ut sublato impedimento uim suam exerat. Disceptatio ex iuris & æquitatis contentione nascitur: An cum seruus obligationis civilis expers sit, tamen æquum sit ut naturalis obligatio sublata seruitute sit efficax.

**NAM SI LIBER HOMO.)** Sequitur IIII. Is cuius in seruitutem homo liber obnoxius redactus est, noxali actione tenetur. Cuius rei ratio perspicua est. Cum enim obligatio ex noxa contracta caput sequatur: caput autem eius qui deliquit, iam cœperit esse is, cuius in seruitutem redactus est: sequitur necessario, ut aduersus eum actio noxalis detur. Quod cum ita sit, præclare hoc loco queri potest, ecquid hæc ad addictos pertineant. Nam si debitor cum mihi damnatus esset, iudicatumque facere non posset, mihi addictus esset, ac proinde ex libero in quandam seruitutis speciem redactus, dicendum uidetur, actionem noxalem aduersus me competere. Sed cum neque iusta, id est, numeris omnibus perfecta hæc sit seruitus, neque in perpetuum addictus sit, sed tantisper in seruitute sit, dum uel ipse se, uel alius eum liberet: difficile dictum est, de addictis hunc locum intelligendum esse.

**B** Ob noxam à seruo domino suo commissam, ne si libertatem quidem adeptus ille sit, aut dominum mutarit, actio conceditur: quin & ob alieni serui noxam actio contracta, dominio serui adepto extinguitur. quemadmodum ex peccato domini neque post conditionis, neque post dominij mutationem actio conceditur.

**IIII. Si seruus domino noxiam commiserit: actio nulla nascitur.** Nanque inter dominum, & eum qui in potestate eius est, nulla obligatio nasci potest. Ideoque & si in alienam potestatem seruus peruenerit, aut manumissus fuerit: neque cum ipso, neque cum eo cuius nunc in potestate sit, agi potest. Vnde si alienus seruus noxiam tibi commiserit, & is postea in potestate tua esse cœperit, intercidit actio: quia in eum casum deducta sit, in quo consistere non potuit. Ideoque licet exierit de tua potestate, agere non potes: quemadmodum si dominus in seruum suum aliquid commiserit, nec si manumissus aut alienatus fuerit, seruus ullam actionem contra dominum habere potest.

**ACTIO NULLA NASCITVR.)** Enunciatio I. Ob noxam à seruo suo domino commissam, actio nulla nascitur. l. 1. C. eod. & l. ult. C. an seruus pro suo fact. ubi si quid seruus domino nocuit, Imp. facere scribunt eum domi à domino conueniendum: hoc est, castigandum, nullumque aliud inter dominum & seruum iudicium intercedere.

**NULLA OBLIGATIO.)** Sequitur II. Inter dominum & seruum obligatio nulla contrahitur. d. l. ult. & l. 4. D. de iudic. ubi Caius scribit, item nullam nobis esse posse cum eo, quem in potestate habemus. **C** **SI IN ALIENAM.)** Sequitur III. Dominus ob noxam à seruo suo commissam, neque in alterum ipsius dominum, neque in ipsum manumissum potest agere. l. 1. C. eod. & l. ult. C. an seruus pro suo fact. Ratio autem manifesta est, quia statim ex ipso facto nascitur obligatio: neque ex post facto uires sumit. Est enim uetus regula, quod ab initio non ualuit, ex post facto non conualescere. Nasci autem obligatio eo tempore non potuit, quo seruus meus erat: propter eam causam, quam modò exposuimus. Itaque Paulus in l. quod dicitur. 18. D. de furt. Quod dicitur, inquit, noxam caput sequi, tunc uerum est, ut quæ initio aduersus aliquem nata est, caput nocentis sequatur.

**SI ALIENVS SERVVS.)** Sequitur IIII. Actio ex alieni serui noxa contracta, acquisitione ipsius serui extinguitur. l. si alienus. 37. D. eod. ubi Tryphoninus scribit: Si alienus seruus furtum mihi fecerit, qui postea in meum dominum peruenerit, extingui furti actionem, quæ mihi competierat, nondum in iudicium deductam: sed si post litem contestatam eum alienauero, condemnandum esse uenditorem. Causæ constitutio: Callicles seruus tuus mihi furtum fecit. Obligatio mihi contra te nata est. Cum id ignorarem, eum seruum abs te sum mercatus. Re comperta, actionem aduersus te instituere uolebam. Cum id me posse negares, quod te non amplius nocentis caput esse doceres, intentione hac es usus: Noxalis actio contra me, qui nocentis caput non sum, non competit. D. Imò competit. Q. An competat. R. Quia noxalis obligatio contra te nata, actionem parit. F. At illa obligatio in eum casum deducta est, à quo incipere non potuit. Disceptatio ex contrariè scriptis nata est, An cum obligatio nata pariat actionem, tamen si in eum casum deducatur unde nasci non potuit, extinguitur.

**IN EVM CASVM DEDUCTA.)** Sequitur V. Actio in eum deducta casum unde incipere non potuit, extinguitur. l. quia in eum. 16. D. ad leg. Aquil. l. 3. D. de his quæ pro non script. l. si à me. 11. D. de iudic.

**SI DOMINVS IN SERVVM.)** Sequitur VI. Ex domini in seruum peccato, neque seruus manumissus, neque nouus dominus potest agere. Causa autem illa est superior, quoniam quæ ex ipso facto nata non est obligatio, ex post facto nasci non potest.







**A** PROFICIUNT REO AD LIBERATIONEM.) Sequitur II. Qui suum animal ob pauperiem factā noxae dedit, à litis aestimatione liberatur. l. i. eod. ob eamq; causam hac quoq; noxalis actio appellatur.

**LEX XII. TAB. SCRIPTA EST, HAEC AUTEM.)** Locum hunc alijs omnibus in libris sedissime conturbatum, quemadmodum in ordinem restituere possemus, iam pridem à nobis libro Observat. primo demonstratum est. Quam nostram sententiam cum eruditissimo cuiq; probari uideremus, non dubitauimus librorum omnium, fortasse etiā Triboniani auctoritati ueritatem antepone. neq; tamen XII. Tabularum uerba requirere necesse est. Nam uox **ITA**, quæ nonnullos conturbare posset, ad superiorem uersum qui legis sententiam indicabat, refertur: ut sit, Ita lex scripta est, ut modo significauimus. Et apparet Theophili diligentia, qui errorem ita manifestum, Triboniani tamen auctoritate permotus, insequutus est.

**QVAE CONTRA NATURAM.)** Sequitur III. Actio de pauperie ob animalia tantum quæ contra naturam mouentur, locum obtinet. d. l. i. ubi Vlp. ait, Seruum ita scribere, tunc hanc actionem locum habere, cum commota feritate nocuit quadrupes. & generaliter hanc actionem locum habere, quoties contra naturam fera mota pauperiem dedit. ideoq; si ea quous dolore concitatus calce petierit, cessare istam actionem. At si cum equum permulisset quis, calce eum percussisset, fore actionem locum. Cuius loci sensus uidetur hic esse: ut si equus cum permulceretur, seuiret, contra naturam seuire intelligatur: si cum irritatur & ceditur, nequaquam. Quod cum ita sit, pro **DOLORE** legendum esse **DOLORE**, facile crediderim. quod etiam in Comment. uerborum iuris exposui, & insequentia uerba meo iudicio declarant.

**SI GENITALIS SIT.)** Videndum an, **INGENITA TALIS** potius legendum sit.

**CESSAT ACTIO.)** Sequitur IIII. Actio de pauperie ob damnum à feris bestiis illatum, non conceditur. d. l. i. ubi Vlp. ait, in bestiis propter naturalem feritatem hanc actionem locum non habere: & ideo si ursus fugit, & sic nocuit, non posse quondam dominum conueniri: quia desijt dominus esse, ubi fera euasit.

**B** **FUGIT A DOMINO.)** Sequitur V. Dominus ursi qui fugiens alteri nocuit, hac actione non tenetur. d. l. i. §. 4. ubi Vlp. hanc ipsam causam assert, Quia desijt dominus esse, ubi fera euasit, & ideo, & si eam occidi, meum corpus esse. Cuius loci sententia hæc est: Cum enim noxa dedere, nisi qua in potestate habet, non possit, uersum autem qui effugit, in potestate non habeam, sed est naturalem suam libertatem receperit, sequitur ut neq; hac actio dari aduersus me possit.

**DESINIT DOMINVS ESSE.)** Sequitur VI. Dominium feræ bestiae fuga ipsius amittitur. d. l. i. §. 4. & l. 3. 4. 5. D. de acq. rer. dom. qua de re sub tit. De rerum diuis. copiose differuimus.

**DAMNUM SINE INIURIA.)** Sequitur VII. Damnum sine iniuria facientis datum pauperies appellatur. d. l. i. §. 1. unde apparet, non modo legem duodecim Tabularum hoc usam esse uerbo, sed & Prætozem eam imitatum in edicto suo fuisse.

**NEC ENIM POTEST.)** Sequitur VIII. Animantia sensu carentia iniuriam facere non dicuntur. d. l. i. §. 1. qua de causa ob damnum à quadrupedibus datum, actio ex lege Aquilia non datur, quippe quæ de damno iniuria dato lata sit.

*Ob uulnus homini libero à fera bestia in publico habita illatum, in bonum & æquum conceditur actio: ob cætera damna in duplum. neq; tamen iccirco de pauperie actio impeditur. l. xliij. D. de edil. edict.*

**II.** Cæterum sciendum est, ædilitio edicto prohiberi nos canem, uerrem, aprum, ursum, leonem ibi habere, quā uulgò iter fit. & si aduersus ea factum erit, & nocitum libero homini esse dicetur: quod bonum & æquum iudici uidetur, tanti dominus condemnnetur. cæterarum rerum, quāti damnum datum sit, dupli. Præter has autem ædilitias actiones, & de pauperie locum habebit. Nunquam enim actiones, præsertim pœnales, de eadem re concurrentes, alia aliam consumit.

**VERREM, APRVM.)** In edicto est, Verrem, uel minorem aprum.

**PROHIBERI NOS EANDEM.)** Enunciatio I. Aedilitio edicto uelutum est, ibi feram bestiam habere, quā uulgò iter fit. l. quā uulgò. 42. D. de edil. edict. ubi edicti uerba proferuntur.

**QVOD BONVM ET AEQVVM.)** Sequitur II. Ob uulnus à fera bestia in uia publica homini libero impositum, in bonum & æquum actio conceditur. d. l. quā uulgò. De edil. edict. Quam tamen non iccirco arbitrariam esse, superius sub tit. De actionibus disputauimus. Rationem autem huiusce actionis intelligere possumus ex l. 3. D. si quadrup. ubi Caius scribit, non deformatis rationem haberi, cum liberum corpus aestimationem non recipiat, sed impensarum in curationem factorum, & operarum amissarum, quosq; amissurus quis esset, inutilis factus.

**QVANTI DAMNUM DATVM.)** Sequitur III. Ob damnum à fera bestia aliter quā homine libero uenerando in uia publica datum, dupli actio conceditur. d. l. quā uulgò.

**ET DE PAUPERIE.)** Sequitur IIII. Aedilitia actiones noxalem de pauperie actionem nō impediunt. Quod contra tamen superius dictum uidetur. Quare distinguenda hoc modo res est. Aut enim ursus qui tibi nocuit, effugit: aut in mea potestate est. si effugit, noxalis competere non potest: quomodo enim noxa deditio fieret? si uero in mea potestate est, optio tibi (meo iudicio) dabitur, ut uel hac noxali agas, uel Aedilitia, sed noxali utili, mea quidem opinione: nam directam ad solas pecudes, non bestias pertinere arbitror. Neq; ad rem pertinet quod scribit Paulus in l. 2. D. eod. ubi ait, ob canem solum hæc actionem dari. non enim solum intelligit, qui effugit, dominusq; potestatem euasit: sed qui, cum uinctus non esset, tabernæ custos erat appositus. uinctos enim canes domi habere, nusquam Aediles uetant.

**NVNQVAM ENIM.)** Sequitur V. Plures pœnales actiones quæ rei eiusdem nomine concurrunt, nihil inter se impediunt. l. pen. D. de oblig. & act. & l. nunquam. D. de reg. iur. & l. 2. D. de priuat. delict. ubi Vlp. ait, nunquam plura delicta concurrentia facere, ut ullius impunitus detur: neq; enim delictum ob aliud delictum pœnam minuire.



*Sublato antiquo iure, quo perpaucis in causis agere alieno nomine licebat, institutum est, ut per procuratores omnibus in causis agere liceret. l. i. De procur.*

**I.** Nunc admonendi sumus, agere posse quemlibet hominem aut suo nomine, aut alieno. Alieno, ueluti procuratorio, tutorio, curatorio: cum olim in usu fuisset, alterius nomine agi non posse, nisi pro populo, pro libertate, pro tutela. Præterea lege Hostilia permissum erat, furti agere eorum nomine qui apud hostes essent, aut reipub. causa abessent, quæ in eorum cuius tutela essent. Sed quia hoc non minimam incommoditatem habebat, quod alieno nomine neq; agere, neque excipere actionem licebat: cœperunt homines per procuratores litigare. Nam & morbus, & ætas, & necessaria peregrinatio, itemq; aliæ multæ iustæ causæ sæpe hominibus impedimento sunt, quo minus rem suam ipsi exequi possint.

AVT SVO NOMINE.) Enunciatio I. Agere non tantum suo, sed & alieno nomine cuius potest. l. i. & pass. D. de postul. ubi Iurisc. & tutorio, & curatorio, & procuratorio nomine postulari licere scribunt.

OLIM IN VSV.) Sequitur II. Antiquitus agi alieno nomine non licebat, nisi pro populo, pro libertate, & pro tutela. Cuius rei argumento est illa lex XII. Tab. quam Gellius cap. 1. lib. 20. his prodit uerbis: SI IN IVS VOCATO MORBUS ABVITASVE VITIVM ESSET, QVI IN IVS VOCABIT, IVMENTVM DATO: SI NOLET, ARCERAM NE STERNITO. Quo in loco Iumentum pro uehiculum dictum esse, nos in Commentario earum legum, ex eod. Gellio & Nonio, aliq; earundem Tabul. lege docuimus. ubi hoc etiā addidimus, legem illam hoc etiam modo legi posse: IVMENTVM DATO, SI VOLET, ARCERAMVE STERNITO. tamen si uerisimile est, Gellium superiorem scripturam secutum esse hoc sensu: Si nolet arceram sternere, ne sternat: sed iumentum, id est, uehiculum duntaxat præbeat. Vt cumq; sit, iuris quidem hoc esse summi constat: ueruntamen ex æquo & bono institutum fuisse, ut maior annis LX. & cui morbus causa est, cognitorem det: Cornificius lib. ad Herennii secundo testatur. Quod autem ad reliqua pertinet, Iustin. ait, tribus de causis alieno nomine institui litem potuisse. nam pro populo actorem constitui necesse est, cum agere uniuersi non possint. Itaq; Cic. Verrin. 1. Sicilia tota, inquit, si una uoce loqueretur, hoc diceret, Quod auri, quod argenti, & rel. quoniam id non poterat, harum rerum actorem quem idoneum esse arbitrata est, ipsa delegit. Pro libertate autem iccirco alium agere necesse est, ne seruus lege cõgisse cognoscatur: cum ad solos ciues Rom. legis actiones pertineant. Itaq; assertores, & iudices constituti erant. nam ut ait Vlp. in l. 3. De lib. hom. exhib. nemo prohibendus libertati fauere. Idem etiam proprie cognitores dicebantur: ut Asconius Verrin. 3. demonstrat. Iam uerò, cum pupillus agere suam causam per ætatem non possit, perspicuum est tutorem eius nomine agere oportere. Atque hoc est quod Iustinianus ait, PRO TUTELA. quod Theophilus Latine linguæ imperitus sic interpretatus est, pro tutela adipiscenda. quo nihil obtusius dici potest.

LEGE HOSTILIA PERMISSVM.) Sequitur III. Eorum nomine qui apud hostes essent, reipub. causa abessent, quæ in eorum cuius tutela essent, furti agere lege Hostilia licebat. Quæri autem posset, quamobrem Hostilia lex de solo furto cauerit: cum ij qui pro patria capti sunt, aut Reip. causa absunt, fauorem hunc mercantur, ut præsentis eorum negotia procurent non minus in cæteris damnis iniuria datis, aut in contumelijs, quàm in furto. ut mihi nonnunquam in mentem uenerit, pro FURTI ERAT scriptum à Triboniano fuisse FVERAT. Sed cum Theophili auctoritate ac librorum omnium consensione moueretur, cogitare cœpi, propterea legem Hostiliam de furtis solis latam esse, quia neq; tam facile homines ad cæteras iniurias absentibus inferendis impelluntur, quàm ad furti: cuius & facultas summa est absente domino, & quasi propofita impunitas: deinde facilius reliquis iniurijs persequi reuersos posse, quàm res furtiuas: quæ plerumq; nisi manifestò deprehensa sint, & repente uindicerentur, dilabuntur.

PER PROCVRATORES LITIGARE.) Sequitur IIII. Propter usum necessitatemq; Reip. institutum est, ut agere per procuratores liceret. l. i. D. de procur. ubi Vlp. ait, usum procuratoris, perquam necessarium esse, ut qui rebus suis ipsi superesse uel nolunt, uel non possunt, per alios possint, uel agere, uel conueniri. Procuratorem autem Cic. in Orat. pro Cæcinnâ sic definit, omnium rerum eius qui in Italia non sit, absit uel Reip. causa, quasi quendam penè dominum, hoc est, alieni iuris uicarium. quæ in sententia Pomp. fuisse, Vlp. in d. l. i. demonstrat: tamen si uerius esse dicat, eum quoq; procuratorem esse, qui ad unam rem datus sit.

*Procuratores quibus uerbis, ignorantibus etiam aduersarijs, constitui possunt. l. j. De procurat.*

**II.** Procurator neq; certis uerbis, neq; præsentis aduersario, imò & plerumq; eo ignorante constituitur. Cuicumq; enim permiseris rem tuam agere, aut defendere: is tuus procurator intelligitur. Tutores & curatores quemadmodum constituentur, primo libro expositum est.

NEQVE CERTIS VERBIS.) Enunciatio I. Procurator quibus uerbis, ignorante etiam aduersario constitui potest. Qui locus nobis dat existimandi copiam, olim certam fuisse formulam uerbis quibusdam solennibus conceptam, qua Procuratores præsentibus aduersarijs constituerentur. quod fortasse actio illa in auctorem præsentem, pertinere potuit: Quando te in iure conspicio, postulo an ne fias auctor.

IS TVVS PROCVRATOR.) Sequitur II. Procurator est, cuicumq; rem tuam agere, aut defendere permiseris. l. i. D. eod. ubi Vlpianus ait, procuratorem esse, qui aliena negocia mandatu domini administrat. eumq; uel omnium rerum, uel unius rei esse posse: dummodò is ratum habuerit. Quinetiam Paulus in l. 69. D. eodem. scribit, etiam eum qui ad litem susci-



**A** litem suscipiendam procuratorem dedit, causæ suæ adesse non prohiberi. Tametsi cognitor propriè diceretur is, qui litem alterius suscipiebat, coram eo cui datus est. Procurator autem absentis nomine actor fiebat: uti Festus scribit. cui Asconius astipulatur Verrina i. his uerbis: Qui defendit alterum in iudicio, aut patronus dicitur, si orator est, aut aduocatus, si aut ius suggerit, aut præsentiam suam commodat amico: aut procurator, si absentis (sic enim legendum est) negotium suscipit: aut cognitor, si præsentis causam nouit, & sic tuctur ut suam.

PRIMO LIBRO EXPOSITVM.) Sequitur III. Tutores & curatores alijs quàm procuratores constituntur modis. nam aut testamento à parentibus instituantur: aut à lege, aut à magistratibus: quemadmodum suo loco exposuimus.

## DE SATISDATIONIBVS.

### TITVLVS VI.

*Olim is contra quem uel suo, uel alieno nomine in rem agebatur, cogebatur iudicatum solui satisfacere: qui uerò agebat, si suo nomine, non satisfabat: si alieno, rem ratam haberi satisfabat. tametsi tutoribus & curatoribus interdum id remitteretur. l. i. & pass. D. iud. sol.*

**B** I. Satisfactionum modus alius antiquitati placuit, alium nouitas per usum amplexa est. Olim enim si in rem agebatur, satisfacere possessor compellebatur: ut si uictus nec rem ipsam restitueret, nec litis æstimationem: potestas esset petitori, aut cum eo agendi, aut cum fideiussoribus eius. quæ satisfactio appellatur **IUDICATVM SOLVI**. Vnde autem sic appelletur, facile est intelligere. Namque stipulabatur quis, ut solueretur sibi, quod fuisset iudicatum. Multo magis is qui in rem actione conueniebatur, satisfacere cogebatur, si alieno nomine iudicium accipiebat. Ipse autem qui in rem agebat, si suo nomine petebat, satisfacere non cogebatur. Procurator uerò si in rem agebat, satisfacere iubebatur **RATAM REM DOMINVM HABITVRVM**. Periculum enim erat, ne iterum dominus de eadem re experiretur. Tutores uerò & curatores eodem modo, quò & procuratores satisfacere debere, uerba edicti faciebant: sed aliquando his agentibus satisfactio remittebatur.

**ALIJS ANTIQVITATI PLACVIT.**) Enunciatio I. Olim alia satisfactionum ratio, quàm quæ nunc usurpatur, fuit. Satisfactionum autem genera multa sunt. nam satisfacere est, fideiussores ei dare, qui sibi ab aliquo cauere uult. l. i. D. qui satisfd. cog. Nunc autem satisfactiones eas tractamus, quæ in iudicijs usurpantur, quoties litigatorum aliquis, ne iudiciu eludatur, cauet.

**SATISDARE POSSESSOR.)** Sequitur II. Olim in uindicationibus possessor satisfacere iudicatum solui cogebatur. l. si petitor. 8. & pass. D. iudic. sol. l. si eum hominem. 34. D. de fideiuss. ubi Vlp. exemplum profert eius, qui cum seruuum uindicaret, satis de lite acceperat à possessore. Patet etiam ex l. i. C. uti possid. eo interdicto reddito satisfacere debere petitori cum qui possidet: alioqui in possessionem esse.

**AVT CVM FIDEIVSSORIBVS.)** Sequitur III. Cui iudicatum solui satisfactum erat, damnato nec soluente reo, poterat uel in reum, uel in fideiussores agere. l. 3. & pass. D. iud. sol. In reum tamen ex hac stipulatione non agebatur, sed in rei iudicatæ actione fideiussores ergo commissa ista stipulatione tenebantur, quæ quantitatem expeditam habet: in tantum enim committitur, in quantum iudex pronunciauerit: uti scribit Vlp. in l. iudicatum. 9. D. eod.

**STIPVLABATVR QVIS.)** Sequitur IIII. Iudicatum solui satisfactio, ex eo quod actori sic stipulanti præstabatur, nomen inuenit. nam iudicatum solui, antiquè dictum est, pro solutum iri: & satisfacere iudicatum solui, dare fideiussores locupletes qui stipulanti actori promitterent, quantum iudicio facto solui oporteret, si reus damnaretur, tantum suo periculo solutum iri. tametsi Vlp. in l. 6. D. eod. scribat, hanc stipulationem tres clausulas in unum collatis habere: de re iudicatâ, de re defendenda, de dolo malo.

**SI ALIENO NOMINE.)** Sequitur V. Olim qui in rem iudicium alieno nomine suscipiebat, multo magis quàm reus satisfacere cogebatur. l. Pomp. 40. §. 2. D. de proc. ubi Vlp. ait, eum qui quasi defensor in rem actione conuenitur, præter solitam satisfactionem iudicati solui, etiam de rato cauere debere. Quid enim (inquit) si in hoc iudicio rem meam esse pronuncietur: reuersus ille cuius defensor extiterat, uelit fundum uindicare: nonne ratum non uidebitur habere, quod iudicatum est? Eodem pertinet l. qui proprio. 46. §. 2. D. de proc. ubi Caius scribit, eum qui alium defendit cogi satisfacere. neminem enim aliæ litis idoneum defensorem sine satisfactione intelligi. itaq; qui proprio nomine iudicium accepisset, si uellet procuratorem dare, in quem actor transferat iudicium: solenniter debere pro iudicatum solui satisfactione cauere.

**IPSE AVTEM QVI IN REM.)** Sequitur VI. Olim qui in rem suo nomine agebat, non cogebatur satisfacere: quippe qui non damnaretur. non enim actores damnantur, sed rei uel damnantur, uel absoluuntur.

**PROCVRATOR VERO SI IN REM.)** Sequitur VII. Olim qui alieno nomine in rem agebat, rem ratam haberi satisfacere cogebatur. l. i. & pass. D. rem rat. hab. Vlp. autem in l. quo enim. 12. §. 1. eod. Rem, inquit, haberi ratam, hoc est, comprobare agnoscereq; quod actum est, à falso procuratore. Vnde intelligitur **HABERI** similiter uetus positum esse, pro **HABITUM** iri.

**TVTORES VERO ET CVRATORES.)** Sequitur VIII. Tutorum & curatorum eadem ferè in satisfaciendo



satisfacendo quæ procuratoris fuit conditio. l. seruum. 33. §. 3. D. de procur. ubi hæc edicti uerba proferuntur: Cuius nomine quis actionem dari sibi postulabit, is eum uiri boni arbitrato defendat. Et ei quo nomine ager, id ratum habere eum ad quem ea res pertinet, boni uiri arbitrato satisfacet. FERRE autem propter id addidimus, quod Iustin. hoc loco significat, & Vlp. in l. uulgo. 23. D. de admin. tut. planius explicat his uerbis: Vulgo obseruatur, ne tutor caueat ratam rem pupillum habiturum: quia rem in iudicium deducit: hoc est, tanquam domini agit, tutores enim domini loco habentur: ut Iulianus scribit l. interdum. 56. §. 3. D. de furt. Quid tamen (addit Vlpianus) si dubitetur, an tutor sit, uel an duret tutor: uel an gestus illi commissus sit? æquum est aduersarium non decipi. Idem in curatore est: ut Iulianus scripsit.

Olim in actionibus in personam, procuratores soli satisfabant, actorum quidem, de rato: reorum uero, iudicatum solui. l. xxxij. De procurat. l. xxxij. D. de procurat.

II. Hæc ita erant, si in rem agebatur. Si uero in personam, ab actoris quidem parte eadem obtinebant, quæ diximus in actione, qua in rem agitur. ab eius uero parte cum quo agitur, si quidem alieno nomine aliquis interueniret, omnino satisfacere: quia nemo defensor in aliena re sine satisfactione idoneus esse creditur. Quod si proprio nomine aliquis iudicium accipiebat in personam, IUDICATVM SOLVI satisfacere non cogebatur.

AB ACTORIS QUIDEM PARTE.) Enunciatio I. Olim qui in personam agebat, si quidem suo nomine, non satisfacere: sin alieno, rem ratam haberi satisfacere. l. seruum. 33. in fi. D. de procur. ubi Vlp. hæc edicti uerba protulit: Et ei quo nomine ager, id ratum habere eum ad quem ea res pertinet, boni uiri arbitrato satisfacet. Quod ita tamen intelligendum B est, si de mandato non constet. ubi enim mandatum apparet, non est necessaria satisfactio. l. si procuratorem. 65. D. cod. & l. 3. §. 2. D. ut in possess. legat. l. ne satisfactio. 21. D. rem rat. hab. Atque hæc quidem de satisfactione rem ratam haberi, dicta sint. iudicatum autem solui etiam si de mandato constet, satisfacere procuratorem debere, plane constat, ex eadem l. ne satisfactio. & l. 1. C. de satisfact.

SI QUIDEM ALIENO NOMINE.) Sequitur II. Olim qui in personali actione defensorem se præstabat, omnino satisfacere cogebatur. l. hæc autem. 5. in fi. D. quib. ex causis. in poss. ubi Vlp. eandem distinctionem adhibet: ut si alius defendat, satisfactio necessaria sit: sin ipse, necessaria non sit. Satisfactione autem iudicatum solui intelligimus: non autem de rato, quemadmodum patet ex t. de pupillo. 6. §. pen. & l. ult. D. de noui op. nunc. & l. si ad defendendum. 10. D. iudic. solui. ubi Modest. perspicue docet, eum qui alterum defendit, ipsum cogi satisfacere, iudicatum solui satisfactione. Quod cum ita sit, quid est quod Sex. Alfenus P. Quintus procurator, postulante Næuio iudicium pro socio, negat se iudicatum satisfacere debere: & hanc causam affert, quia si Quintius adesset, ipse non satisfaceret? Dixi iam pridem in Quintianæ commentariis, mihi obscurum locum uideri: nunc re diutius deliberata & cognita, facile in eam opinionem adducor, ut existimem, dissimillimam illis temporibus satisfactio rationem fuisse. quod ut credam, facit illud uel maxime, quod Quintius postulanti Næuio ut satisfaceret, respondet se paratum esse satisfacere, modo ipse quoque uicissim satisfacet. eamque rem Cicero non oratoris & artificis, sed plane & apertè, & tanquam ex confesso iure tradit. quæ tamen quam huic nostro iuri contraria sint, superior enunciatio demonstrat.

OMNINO SATISFACERE.) Sic emendauit, Theophilus, & rei ueritatem secutus: cum in alijs OMNI MO DO legatur: nullo sensu, quia distinctio in uindicationibus fuit nulla.

NEMO DEFENSOR ALIENAE.) Sequitur III. In re aliena nemo sine satisfactione defensor idoneus intelligitur. l. qui proprio. 46. §. 2. & l. non uidetur. 33. D. de procur. & l. in eo quod. D. de reg. iur. & l. 1. C. de satisf. ubi Imp. scribit, rei procurator uel defensor, etiam sub gestorum testificatione factum, in ipso litis limine iudicatum solui, satisfactionem in omnib. causis cogi præstare. Cuius rei ratio perspicua est, ne scilicet uicto procuratore, cum rei iudicatum in dominum litis ageretur, obijci posset, rem inter alios actam, alteri non præiudicare: itaque iudicium a magistratu populi Rom. constitutum eluderetur. C

QVOD SI PROPRIO NOMINE.) Sequitur IIII. Olim qui suo nomine actionem in personam suscipiebat, satisfacere non cogebatur. Cuius rei ratio exquirenda est: & considerandum, quamobrem is qui in rem iudicium accipiebat, satisfacere: qui uero in personam, nequaquam. Ratio igitur meo quidem iudicio hæc erat, quia rei possessor, re extincta liberatur. cauendum igitur erat, ne causæ diffidens dolo malo aliquid committeret: ueluti seruo uenenum daret, aut dissiparet tecta, aut agros desereret. At ab eo cuius in personam agitur, nihil eiusmodi metuitur: quippe, cum non in certam aliquam eius rem agatur, sed uniuersæ in ipsum, eiusque iura omnia, & patrimonium uniuersum.

Qui suo nomine quacunque actione conuenitur, tantum de litis exitu expectando uel satisfacere, uel iurare, uel repromittere cogitur.

III. Sed hodie hæc aliter obseruantur. Siue enim quis in rem actione conuenitur siue in personam suo nomine, nullam satisfactionem pro litis æstimatione dare compellitur: sed pro sua tantum persona, quod in iudicio permaneat usque ad terminum litis, uel committitur suæ promissio. ni cum iureiurando: quam iuratoriæ cautionem uocant. uel nudam promissionem (pro qualitate personæ suæ) dare compellitur.

NULLAM SATISFATIONEM.) Enunciatio I. Qui suo nomine quacunque actione conuenitur, satisfacere de litis æstimatione non cogitur. De litis autem æstimatione, pro iudicatum solui, dixit: quæ olim ab eo qui rem possidebat non exigebatur, sed ab eo qui in personam conueniebatur, ut proxime diximus.

QVOD IN IUDICIO PERMANEAT.) Sequitur II. Cuiusvis iudicii principalis reus de litis exitu tantum expectando uel satisfacere, uel iurare, uel repromittere cogitur. l. 2. & pass. D. qui satisf. cog. Satisfacit autem, qui rem mobilem possidet, nisi sit illustris. l. quoties, C. de dignit. iurat. tantum qui illustris est, aut qui rem immobilem possidet. l. penult. D. qui satisfac.



**A** *satisfar. cog. l. sacr. i. C. de prox. sacr. scri. Repromissio à clericis præstatur, siue mobilem, siue immobilem rem possideant. l. cum clericis. l. omnes. C. de episc. & cler.*

**VSQVE AD TERMINVM LITIS.)** Sequitur III. Qui suo nomine quacunq; actione conueniuntur, eos in iudicio ad exitum usq; permanere oportet. Hæc autem cautio ab illa ueteri iudicio fisti hoc differt, quod illi satisfi, si reus in iudicio exhibeatur, neque necesse est litis exitum expectari. l. i. D. si ex noxal. caus. huic uero, nisi litis exitus expectetur, non satisfi.

**NUDAM PROMISSIONEM.)** Nonnulli hoc amplius, Vel satisfactionem pro qualitate, &c. quod & ueterum librorum auctoritas, & huius loci sententia repudiat. Nudam enim promissionem modo dixit, pro, sine iureiurando.

*Qui alieno nomine actionem intendit, quicunq; is sit, nisi uel mandatum, uel domini præsentis auctoritatem habeat, de rato satisfacere cogitur. l. j. C. de satisfd.*

**IIII.** Sin autem per procuratorem lis uel infertur, uel suscipitur: in actoris quidem persona, si non in mandatum actis insinuatum est, uel præsens dominus litis in iudicio procuratoris sui personam confirmauerit: ratam rem dominum habiturum, satisfactionem procurator dare compellitur: eodem obseruando, & si tutor, uel curator, uel aliæ tales personæ, quæ alienarum rerum gubernationem receperunt, litem quibuscumq; per alium inferunt.

**IN ACTORIS QUIDEM PERSONA.)** Enunciatio I. Procurator agens, nisi uel mandatum, uel præsentis domini auctoritatem habeat, de rato satisfacere cogitur. l. i. C. de procur. & l. i. C. de satisfd. ubi Impp. confirmant, eum qui apud acta factus est agentis procurator, non compelli ratam rem dominum habiturum satisfacere. hoc enim casu ueluti præsentis procuratorem interuenire. Et l. non solum, 39. §. i. D. de procur. ubi Vlp. ait, eum qui alieno nomine agit, quamcumq; actionem intendat, cauere debere id ratum habiturum eum, ad quem ea res pertinebit. Eodemq; præclarus ille Ciceronis locus in Bruto pertinet, quem propter elegantiā subscribemus: Et si fortasse ego à te huius uoluntarius procurator petam, quod ipsa cui debes incommode exacturum negat. at uero, inquam, tibi ego Brute non soluiam, nisi prius à te cauero, amplius eo nomine ne minem, cuius petitio sit, petiturum. Non me hercule, inquit, tibi repromittere istuc quidem ausus sim. nam hic qui negat, uideo flagitorem, non illum quidem tibi molestum, sed assiduam tamen & acrem fore.

**EODEM OBSERVANDO SI TUTOR.)** Sequitur II. Quod à procuratore, idem ab alienarum rerum administratoribus qui per alium litigant, exigitur, nimirum, ut si per alterum litem instituunt, is de rato caueat, nisi uel eorum absentium mandatum, uel præsentium auctoritatem habeant. Nam quod ad ipsos tutores aut curatores pertinet, satis constat, eos ante litis contestationem non posse procuratorem, sed actorem tantum constituere. l. neq;. ii. C. de procur.

*Reus qui procuratorem constituit, debet pro eo uel intra, uel extra iudicium sub hypotheca iudicatum solui satisfacere: pro se uero uel cauere, uel satisfacere: nisi sententiæ audiendæ affuerit, fideiussorem iudicatum à quo appellatum non erit, facturum.*

**V.** Si uero aliquis conuenitur: si quidem præsens procurator dare paratus est: potest uel ipse in iudicium uenire, & sui procuratoris personam per **IUDICATVM SOLVI**, satisfactionis sollemnes stipulationes firmare: uel extra iudicium satisfactionem exponere, per quam ipse sui procuratoris fideiussor existat pro omnibus **IUDICATVM SOLVI** satisfactionis clausulis. ubi & de hypotheca suarum rerum conuenire compellitur: siue in iudicio promiserit, siue extra iudicium cauerit: ut tam ipse quam hæredes sui obligentur, alia insuper cautela, uel satisfactione propter personam ipsius exponenda, quod tempore sententiæ recitandæ in iudicio inuenietur: uel si non uenerit, omnia dabit fideiussor, quæ in condemnatione continentur, nisi fuerit prouocatum.

**SI QUIDEM PRÆSENS PROCURATOREM.)** Enunciatio I. Procurator ad defendendum admittitur, cum præsens dominus uel in iudicio, uel extra iudicium, iudicatum solui satisfat. l. filiusfam. s. in fi. D. de procur. ubi Prætoris edictum refertur, quod dominus iubetur pro eo procuratore quem ad litem suscipiendam dedit, iudicatum solui exponere. & l. si ad defendendum. 10. D. iudic. sol. ubi Modestinus ait: Si procurator ad defendendum datus fuerit, satisfacere iuberi iudicatum solui stipulatione, quæ non ab ipso procuratore, sed à domino litis interponitur. Ex quo quantum inter actoris & rei procuratorem intersit, facile intellectu est. nam ille sola domini præsentis auctoritate confirmatur: hic uero etiam satisfactionem desiderat. Cuius rei causa perspicua est: quia si in rem iudicium est, de dolo in ea committendo cauendum est, si personale, prouidendum ne post longum & molestum iudicium, quo procurator damnatus erit, dominus male se defensum contemderit: itaq; nouum de integro iudicium instituendum esset.

**VBI ET DE HYPOTHECA.)** Sequitur II. Reus qui pro procuratore suo satisfat, sua bona, ut sui quoque hæredes teneantur, oppignorare cogitur. Quæ sanè magna cautio est, & prope singularis, quæq; olim non nisi in populi negotijs adhiberi solebat. Hoc enim illud est, quod ueteres dicebant, **PRAEDIBVS ET PRAEDIIS CAVERE.** nam & fideiussores locupletes dabantur, & præterea bona oppignorantur, quod ad stabiliendum iudiciorum auctoritatem institutum est: ne ulla ratione scilicet eluderentur: & qui causam obtineret, optionem haberet uel hypothecam suam persequendi, uel ex stipulatu aduersus fideiussores agendi.

**OMNIBVS IUDICATVM SOLVI CLAVSVLIS.)** Quas numero tres esse superius docuimus, ex l. iudicatum. eodem.

ALIA



ALIA IN SVPER CAVTELA.) Sequitur III. Reus qui pro suo procuratore satisfat, uel cauere, uel satisfare cogitur, nisi sententia pronuntiationi affuerit, fideiussorem, iudicatum a quo appellatum non erit, satisfaturum. Quod tamen satis obscure dictum est ab Imperatore, nisi forte illo in loco OMNIA DABIT FIDEIVSSOR, legendū sit VEL IPSE, VEL FIDEIVSSOR, quemadmodū apud Theophilū, τὸ αὐτὸ πρὸς τὸν δὲ τὸν ἐγγυητὴν. nam si cautio simplex sine satisfactione data est, locus non satis integer uidetur. Tamen si, ut uerum dicam, si simplex cautio data est, supernacanea uidetur, sin autem fideiussor est additus, apparet ita satisfactionem adhibitam, ut fideiussor Iustiniani priuilegio renunciarit, & promiserit se non recusaturum, quo minus ante principalem debitorem cōueniatur. Quod cum ita sit, perspicuum est, uocē FIDEIVSSOR tollendā nō esse imō ualde necessariā esse, & sine ea nullā huiusce loci sententiā fore.

*Absentium reorum procuratores debent iudicatum solui satisfare, & quæ superius tradita sunt, per uniuersum Imperium obseruari oportet. l. j. C. de satisfat.*

VI. Si uerò reus præstō ex quacūq; causa non fuerit, & alius uelit defensionem eius subire: nulla differentia inter actiones in reū uel personales introducenda, potest hoc facere: ita tamen, ut satisfactionem IUDICATVM SOLVI pro litis æstimatione præstet. Nemo enim secundū ueterem regulam (ut iam dictum est) alienæ rei sine satisfactione defensor idoneus intelligitur. Quæ omnia apertius & perfectius quotidiano iudiciorum usu in ipsis rerum documentis apparent. Quam formā non solum in hac regia urbe, sed etiam in omnibus nostris prouincijs (etsi propter imperitiam fortè aliter celebratur) obtinere censemus: cum necesse sit omnes prouincias, caput omnium nostrarum ciuitatum: id est, hanc regiam urbem, eiusq; obseruantiam sequi.

ET ALIVS VELIT DEFENSIONEM.) Enunciatio I. Absentis rei procurator quocūq; in iudicio iudicatum solui satisfare cogitur. l. un. C. de satisfat. ubi Imp. constituit, ut rei tam procurator, quam defensor etiam sub gestorum testificatione factus, in ipso litis limine iudicatum solui satisfactionem in omnibus causis præstare cogatur.

SECUNDVM VETEREM REGVLAM.) Sequitur II. Nemo alienæ rei sine satisfactione defensor idoneus intelligitur. Quod superius a nobis explicatum est.

QVOTIDIANO IUDICIORVM VSVM.) Sequitur III. Satisfactionum ratio melius ex usu, quam ex præceptis intelligitur. nam (ut Columella lib. 1. scribit) usus & experientia dominantur in artibus: neq; est ulla disciplina in qua non peccando discatur. nam ubi quid perperam administratum cesserit improspere, uiuitur quod fefellerat: illuminatq; rectā uiam doctis magisterium. Hinc illud Ciceronis in primo De Offic. Nec medicos, nec Imperatores, nec Oratores, quamuis artis præcepta perceperint, quicquam magna laude dignum sine usu & exercitatione consequi posse.

NON SOLVM IN HAC REGIA.) Sequitur IIII. Satisfactionum forma superius tradita, per omne Iustiniani imperium obseruanda est.

CAPVT OMNIVM NOSTRARVM.) Sequitur V. Constantinopolis omnium quæ in imperio sunt, ciuitatum est princeps. Id quod a Constantino Imp. institutum esse, indeq; nomen sumpsisse, cum antea Byzantium uocaretur, nemo ignorat. Appellata est etiam Noua Roma, quod in eam Imperij sedes translata est, ut alibi docuimus.

EIVSQVE OBSERVANTIAM SEQVI.) Sequitur VI. Constantinopolitanam iudiciorum formā reliquæ Imperij ciuitates imitari debent. Placet tamen quod Proculus scribit in l. 12. D. de Offic. præsid. licet is qui prouinciæ præest, omnium Romæ magistratuum uice & officio fungi debeat, non tamen ita spectandum est quid Romæ factum sit, quam quid fieri debeat.

## DE PERPETVIS ET TEMPORALIBVS ACTIONIBVS, & quæ ad hæredes, & in hæredes transeunt.

### TITVLVS VII.

*Olim ciuiles actiones, nullo: prætoriae, annuo temporis spatio terminabantur. nunc ex constitutionibus, & illis præstitutum, & his prorogatum tempus est, furti tamen manifesti perpetua à Prætore actio instituta est. l. 3. C. de præscript.*

*30. annorum.*

I. H Oc loco admonendi sumus, eas quidem actiones quæ ex lege, senatusuē consulto, siue ex sacris constitutionibus proficiuntur, perpetuò solere antiquitus competere, donec sacre constitutiones, tam in rem quam in personam actionibus certos fines dederunt: eas uerò quæ ex propria Prætoris iurisdictione pendent, plerunq; intra annū uiuere: nam & ipsius Prætoris intra annū erat imperium. Aliquando tamen & in perpetuum extenduntur: id est, usq; ad finem ex constitutionibus introductum: quales sunt eæ quas bonorum possessori, cæterisq;, qui hæredis loco sunt, accommodat. Furti quoq; manifesti actio, quamuis ex ipsius Prætoris iurisdictione proficiat: tamen perpetuò datur. absurdum enim esse existimauit, anno eam terminari.

ACTIO.



**A** **ACTIONES QVAE EX LEGE.)** Enunciatio I. Olim ciuiles actiones nullo temporis spatio terminabantur. Cum enim perpetua & legum & Senatuscons. & constitutionum uis esset, consentaneum erat, ut natae ex ijs actiones ius quoque perpetuum obtinerent. Nascuntur autem ex legibus, Actio noxalis, De pauperie, De tigno iniuncto, Familiae erciscundae, Aquilia, Damni iniuria, & aliae quamplurimae. Ex senatusconsultis autem: Petitio hereditatis ex Orficiano & Tertulliano, de quibus suo loco dictum est. Ex constitutionibus, ut actio de sportulis, de pio legato, & aliae quae Conditiones ex lege appellantur.

**DONEC SACRAE CONSTITUTIONES.)** Sequitur II. Imperatorum constitutiones tam in rem quam in personam actiones, certo temporis spatio terminarunt. l. 3. C. de praescrip. 30. ann. ubi constitutum est, ne ulla personalis actio amplius triginta annos duret. & item sub tit. De praescript. 10. uel 20. ubi constitutum est, ut in rem actiones decem aut uiginti annorum usucapione praescribantur: id est, circumscribantur ac terminentur.

**PRATORIS IURISDICTIONE.)** Sequitur III. Actiones edicto Praetorum constitutae, annum duntaxat unum durabant. l. in honorarijs. 35. D. de oblig. & act. ubi Paulus ait, honorarias actiones quae rei persecutionem habeant, etiam post annum durare: ceteras intra annum. Sed exoritur haec quaestio: Si Praetoriae actiones ob eam causam annuae sunt, quia Praetoris edictum ex quo natae sunt, uim diuturniore non habet: sequitur ut non semper annuae actiones esse possint. quid enim si mense Septembri, aut Decembri mihi nata sit actio: & Praetor istius actionis parens atque auctor & custos paucis diebus magistratum deponat, albumque suum auferat: accidere sane poterit, ut haec actio bidui tantum aut tridui ius habeat. Quae de re neminem interpretum cogitasse, uehementer miror. Placet igitur, ut haec de perpetuo edicto intelligenda sint: quod eius uim perpetuam adeptum esset, tamen ne legum imperio omni ex parte par esse uideretur, constitutum est, ne in personam actiones ex eo prodite diuturniorem uim haberent, quam olim edictum ipsum habuisset.

**PLERUMQUE INTRA ANNUM.)** Hoc addidit propter petitionem possessionis hereditariae, & fideicommissariae: ut mox intelligemus.

**B** **PRATORIS INTRA ANNUM.)** Sequitur IIII. Romanis praetoribus imperium & magistratus non nisi ad annum unum mandabatur. Itaque Cicero Verr. 3. Qui plurimum tribuunt edicto Praetoris, inquit, edictum legem annum dicunt esse. Item: Si finem edicto Praetoris afferunt Calendae Ianuarij, cur non initium quoque edicti nascitur a Calendis Ianuarij: an in eum annum progredi nemo poterit edicto, quo Praetor alius futurus est: in illum quo alius Praetor fuit, regredietur?

**QVALES SVNT EAE.)** Sequitur V. Praetoriae actiones quaedam erant perpetuae constitutae: sed a constitutionibus praefinitae sunt. Quod eodem modo intelligendum est, ut superius dicebamus: nimirum, ut edicto perpetuo possessoria & fideicommissaria hereditatis petitio uim perpetuam obtineret, quippe cum per eam tantundem bonorum possessor consequeretur, quantum ciuilibus actionibus heres consequi potest. l. 2. D. de possess. hered. quae tamen per generalem constitutionem qua omnes actiones circumscriptae sunt, angustiore spatio terminata est.

**FURTI QVOQUE MANIFESTI.)** Sequitur VI. Furti manifesti actio Praetoris edicto constituta est, quod tamen absurdum alicui uideri potest, legenti apud Gellium & alios, lege XII. Tab. utriusque furti actionem institutam fuisse. Verum intelligendum est, cum ea lege uirgarum supplicium manifestarijs furibus impositum fuisset, post legibus Corneliae & Semproniae uirga a ciuium Romi corporibus sublata esset, huiusce furti poena Praetorum quidem arbitrio permissam fuisse: sed cum plerumque quadrupli, ut credi par est, translatitia poena fuisset, tandem edicto perpetuo confirmata & stabilita ea poena fuisse.

**TAMEN PERPETVO DATVR.)** Sequitur VII. Furti manifesti actio a Praetore in perpetuum tempus instituta est. Quod sane obscure ab Imperatore traditur: quasi uero ulli Praetori liceret in annum insequentem edicto progredi, ut Cicero loquitur. Ergo neque ad ueterem iurisdictionem, neque ad perpetuum edictum simpliciter illud referendum est: sed ad utrumque coniunctum: quoniam & translatitiam eam poenam fuisse credibile est, & perpetuo edicto confirmata est. Sed quæri uideo quid de nec manifesti furti actione iudicandum sit. Et cum superius sub tit. De furtis planum fecerimus, eam auctoritati suo, nimirum legi XII. Tab. relictam esse, neque quicquam a Praetore immutatum sit, consentaneum est, ut eam perpetuam esse contra receptam opinionem defendamus.

**Pœnales ex delictis actiones heredibus quidem, excepto tamen iniuriarum iudicio, at non in heredes, nisi forte contestata lis a defuncto fuerit, conceduntur: ac ne ex defuncti quidem fraudulento contractu, ex quo nihil ad heredem peruenit, actio permittitur.**

**II. Non autem omnes actiones quæ in aliquem aut ipso iure competunt, aut a Praetore dantur: & in heredem æquè competunt, aut dari solent.** Est enim certissima iuris regula, ex maleficijs poenales actiones in heredem non competere: ueluti furti, ui bonorum raptorum, iniuriarum, damni iniuria. Sed heredibus huiusmodi actiones competunt, nec denegantur: excepta iniuriarum actione, & si qua alia similis inueniatur. Aliquando tamen etiam ex contractu actio contra heredem non competit: cum testator dolose uersatus sit, & ad heredem eius nihil ex eo dolo peruenit. Poenales autem actiones quas supra diximus, si ab ipsis principalibus personis fuerint contestatae: & heredibus dantur, & contra heredes transeunt.

**AUT IPSO IURE COMPETVNT.)** Hoc ita scriptum est, quasi aliae ipso iure cõpeterent, aliae uero a Praetore darentur: & quasi non omnes actiones, quauis iure ciuili institutae, non a Praetore impetrandae essent. Ergo a Praetore dantur, sic accipiendum est, Praetoris edicto institutae sunt. nam Praetoris nomine modo perpetuum edictum intellexit.

**ET IN HAEREDEM AEQVE.)** Enunciatio I. Non omnes actiones tum heredibus, tum in heredes dantur. Non enim ut qui contrahit, pro se ac suis heredibus contrahit: eoque & se & illos obligat: sic qui delinquit, pro se ac suis heredibus delinquit, ac proinde nec illos obligat. Cum enim poenae non quia peccauit quis, institutae sint, ut Plato scripsit, sed ne in posterum



posterum peccet: quippe cum id quod factum est, infectum fieri non possit: metus autem ille ne in posterum peccet, propter eius mortem sit sublatus, consentaneum est etiam poenalem actionem extingui.

EX MALEFICIIS POENALES.) Sequitur II. Poenales ex delictis actiones in heredem non conceduntur. l. sicuti. 38. & l. pupillum. 3. De reg. iur. ubi Caius idem quod hoc loco scribit: in heredem non solere actiones transire, quae poenales sunt ex maleficio: ueluti furti, damni iniuria, ui bonorum raptorum, iniuriarum. Quo in loco poenales ex maleficio eodem modo dixit, ut hic Iustinianus: idque duabus de causis: primum, ut poenam quae in stipulationem deduci solet, excluderet: cuius nomine non poenales actiones, sed rei persecutorias appellari solere, superius docuimus sub tit. de actionib. §. sequens. deinde actiones ex maleficio descendentes, quae poenales non sunt, remoueret. nam Furti condictionis, ex maleficio quidem nascitur: sed quia poenalis non est, hac regula non continetur: in heredem enim conceditur, uti patet ex §. ult. supra, De furtis. & l. si pro iure. §. ult. D. de cond. furt. Item actio rerum amotarum licet ex delicto nascatur, inquit Paulus: tamen rei persecutionem continet, & ideo aduersus mulieres haeredes datur. l. contra. 6. §. 2. D. rer. amot. & l. ult. C. eod.

SED HAEREDIBVS HVIVSMODI.) Sequitur III. Furti, rapinae, & damni actiones haeredibus, at non in haeredes dantur. l. pupillum. De regul. iur. & l. 2. §. ult. D. de iniur. l. inde Neratius. 23. §. hanc actionem. D. ad leg. Aquil.

EXCEPTA INIURIARVM ACTIONE.) Sequitur IIII. Iniuriarum actio nec haeredibus, nec in haeredes conceditur. l. iniuriarum. 13. D. de iniur. Cuius rei ratio perspicua est: nimirum quia nihil abest ex patrimonio. neque enim in auertenda & minuenda re familiari iniuria uersatur: sed in sola contumelia. Eoque haec actio nunquam in bonis nostris esse dicitur, nisi post litem contestatam: uti Vlp. scribit in l. iniuriarum. 28. eod.

CVM TESTATOR DOLOSE.) Sequitur V. Interdum ex contractu defuncti fraudulentum, in heredem ad quem nihil peruenit, actio non conceditur. l. 1. D. de pos. ubi Vlpia. Praetoris edictum profert, quo edicto cautum est, ut ex dolo defuncti in eo quod tumultus, incendij, ruinae, naufragij causa depositum fuerat commissum, haeres qui nullum dolum admisit, non in duplum, sed in simplum teneatur. Idque recte hoc loco Theophilus exposuit, si modo de miserabili deposito id intelligendum esse adscripsisset. nam alterius depositi longe alia ratio est: uti patet ex l. si hominem. 7. §. 1. D. eod. & l. ex depositi. 12. De obl. & act. quemadmodum aliorum omnium contractuum: in quibus haec regula seruatur, ut successores ex dolo eorum quibus successerunt, non tantum in id quod peruenit, uerum etiam in solidum teneantur: id est, unusquisque pro ea parte qua haeres est. l. ad ea quae. 157. D. de reg. iur. & l. ex contract. 49. D. de oblig. & act.

FVERINT TESTATAE.) Sequitur VI. Poenales actiones a Praetore iam acceptae tum ab haeredibus, tum in haeredes exerceri possunt. l. poenalia. 164. De reg. iur. l. omnes. 26. D. de obligat. & act. Itaque Caius in l. omnes. 139. De reg. iur. Omnes, inquit, actiones quae morte, aut tempore pereunt, semel inclusae iudicio saluae permanent.

Olim omnia iudicia iccirco absolutoria dicebantur, quod ante rem iudicatam reum aetori satisficientem absolui oportebat.

III. Superest ut admoneamus, quod si ante rem iudicatam is cum quo actum est, satisfaciatur aetori: officio iudicis conuenit eum absolvere, licet in ea causa fuisset iudicij accipiendi tempore, ut damnari deberet. & hoc est, quod antea uulgo dicebatur, omnia iudicia absolutoria esse.

SATISFACIATUR ACTORI.) Enunciatio I. Officium iudicis est, cum qui ante rem iudicatam aetori satisfaciatur, citari, absolvere. l. si reus. 73. D. de procur. ubi Paulus ait, post litem contestatam, officio iudicis permittendum esse, an reus aetori satisfaciens absolendus sit. Atque hoc nimirum illud est, quod in formulis iudiciorum a Praetore addi solebat, NEQUE EAM REM ACTORI RESTITVAT. Cuius rei exemplum uidemus in signo apud Ciceronem Verr. 4. L. Octavius ius dextro. Si apparet fundum Capenatem, de quo agitur, ex iure Quiritium P. Scruilij esse, neque is fundus ei restituatur, tum possessor damnetur. Quibus ex uerbis satis constat, Praetorem non pure iubere solitum fuisse, ut possessor damnetur: sed sub conditione tantum: NISI ACTORI SATISFACIATUR.

OMNIA IUDICIA ABSOLVTORIA.) Sequitur II. Iudicia omnia olim absolutoria dicebantur, id est, non coacta, & adiuncta sententiae pronunciandae necessitate habentia: sed libera, & ad ciuium concordiam potius quam ad seueritatem comparata. Nam Absolvere hoc loco non ad sententiam refertur: sed ad liberationem ab instituta lite, & molestijs iudicialibus. Cuius rei exemplum est apud Ciceronem in ea pro Q. Roscio: Dic actionem fecisse, ut absolueretur, non pepigit. Quare, quare sit absolutus: quod erat summa innocentia & integritate. quid enim factum est? uenisti domum ultro Roscij: satisfecisti: quod temere commississes in iudicium ut denunciares, rogasti ut ignosceret: te affuturum negasti. debere tibi ex societate nihil, clamaasti. iudici hic denunciauit, absolutus est. In eandem quoque sententiam Venuleius in l. ult. D. quae in fraud. cred. sic scribit: Haec actio rei restituendae gratia, non poenae nomine datur. ideoque absolui debet reus si restituerit. Item Caius in l. 5. D. de public. & uocet. Hoc edicto efficitur, ut ante acceptum quidem iudicium restituta re, actio euanescat: post acceptum uero iudicium nihil minus poena duret: sed tamen absolendus est etiam, qui post acceptum iudicium restituere paratus est.

## DE EXCEPTIONIBVS.

### TITVLVS VIII.

Eorum cum quibus agitur defendendorum causa, si quid metu, dolo, uel errore promiserint, exceptiones institutae sunt: ne summum ius summa iniuria reperiatur.

I. Sequitur, ut de exceptionibus dispiciamus. Comparatae autem sunt exceptiones defendendorum eorum gratia, cum quibus agitur. Saepenumquam accidit, ut licet ipsa actio qua aetor expectatur,



**A**ritur, iusta sit: tamen iniqua sit aduersus eum, cum quo agitur. Verbi gratia, si metu coactus, aut dolo inductus, aut errore lapsus, stipulanti Titio promissisti, quod non debueras promittere: palam est, iure ciuili te obligatum esse: & actio, qua intenditur dare te oportere, efficax est: sed iniquum est te condemnari. Ideoque datur tibi exceptio, quod metus causa, aut doli mali, aut in factum composita ad impugnandam actionem.

**DEFENDENDORVM EORVM GRATIA.)** Enunciatio I. Exceptiones eorum cum quibus agitur, defendendorum causa instituta sunt. l. 2. D. de except. ubi Vlpianus ait, exceptionem dictam esse, quasi quandam exclusionem, quae opponi actioni cuiusque rei solet, ad excludendum id, quod in intentionem condemnationis deducitur. Excludendum autem dixit, pro eiciendum & detrahendum. nam Excipere proprie detrahere est: indeque dicta Exceptio est, quod partem aliquam de uniuerso actionis iure detrahat. quapropter eius formula usitata haec erat: **EXTRA QVAM**, uel **NISI SI**, uel **SI NON**: quasi defensor aliqua ex parte ueram esse actoris intentionem fateretur, sed tamen cum exceptione. tamen si non utique existimetur priuatorum formula dicuntur aliae esse purae, aliae cum exceptione. Purae hoc modo, Si pateret Octauium Septimio stipulanti centum spondidisse, extra quam si terrore adductus sponderit, tum is damnatur. Cicero libro de Inuent. 2. Agit is cui manus praecisa est, iniuriarum: postulat is qui cum agitur, a Praetore exceptionem, extra quam in reum capitis praedictum fiat. Hic, is qui agit, iudicium purum postulat: ille qui cum agitur, exceptionem addi ait oportere. Ex quibus ita disputatis facile intellectum est, quod Paulus scribit in l. exceptio. 22. D. eod. exceptionem esse conditionem, quae modo eximit reum damnatione, modo minuit damnationem.

**LICET IPSA PERSECVTIO.)** Sequitur II. Non si actio per se ac ius iusta est, continuo in eum cum quo agitur, aequa & iusta est. Nam si, ut in facili & usitato exemplo consistamus, metu aliquis adductus stipulanti promiserit: uerum quidem est, conceptam & contractam ex stipulatu obligationem esse: propter legis uerba pure & infinite scripta, Qui stipulanti sponderit, obligatus esto: ubi nulla exceptio adiecta est. Nisi metu, aut dolo, aut errore adductus sponderit. Ergo remota eius quo cum agitur persona, & illa coacti promissoris circumstantia, uera illa regula est, Qui stipulanti spondit, est obligatus. Sed quoniam ab eo quicum agitur, metu extorta promissio est, propterea aequa & iusta aduersus illum esse non potest. Itaque quotiescumque datur exceptio, toties iniquam esse actionem oportebat. qua de causa Cicero in Partitionibus sic loquitur: Quare de constituendis actionibus, accipiendis subeundisque iudicijs, de excipienda iniquitate actionis, de comparanda aequitate ante iudicium tractandum uidetur.

**IVRE CIVILI TE OBLIGATVM.)** Sequitur III. Qui metu, dolo, uel errore inductus stipulanti spondit, iure ciuili obligatus est. l. si quis. 36. D. de uerb. oblig. ubi Vlp. ait, eum qui, cum aliter eum conuenisset obligari, aliter per machinationem obligatus est, esse subtilitate iuris obstrictum. quod idem traditur in l. dolo. 5. C. de inut. stip. Cuius rei rationem superius exposuimus. cum enim iuris ciuilis regula simpliciter & pure his uerbis concepta esset, Quod quis stipulanti promiserit, eius rei causa obligatus esto: neque adiectum esset, Quod quis bona fide, uel, Quod quis sua sponte, ac sine metu: directe, aspera, simplex illa ratio postulabat, ut si Praetor iudicem hac formula daret, Si pateret Quintius Stipulanti Sextio centum promississe, tum Quintius damnatur: iudex eum damnetur, quamuis Sextius clamitaret ac uociferaretur se uel metu, uel dolo inductum promississe. ubi enim Praetor non distinxit, ibi nec Iudici distinguere ius est, quemadmodum si uiginti peterem, & unde uiginti tantum mihi deberentur, quia Iudex de uiginti praecise datus est, damnare me cogitur: ut supra sub tit. de actionibus docuimus. Quod eodem modo non tantum in stipulatione, sed etiam in omnibus fere ceteris contractibus iuris fuisse, contra quam eruditus plerisque iuris uideatur, propterea existimo: quia Cic. in Officijs sola pupillorum & adolescentium negotia excepit: in quibus ait ipso iure, ac sine auxilio Praetoris dolum uindicandum fuisse. Atque iste doli malus, inquit, etiam legibus erat uindicatus: ut tutela XII. Tab. & circumscriptio adolescentum lege Letoria. Ceteris autem in omnibus necessarij praetoris auxilium fuisse, perspicue in sequenti uersu demonstrat, ubi ait, **ET SINE** lege iudicijs in quibus **EX FIDE BONA** additur. quod idem lib. 1. his declarat uerbis: tam illis promissis non standum esse, quis non uidet, quae coactus quis metu, aut deceptus dolo permiserit: quae quidem pleraque iure praetorio liberantur, nonnulla legibus. Plerumque igitur ualere demonstrationes, quamuis dolo metuue contractas. raro uero & per paucis in negotijs, ipso iure uitiosis esse, & uim nullam habere: nimirum in pupillis & adolescentibus, & si qui forte per paucos huiusmodi fuerunt. Sed in emptione & uenditione dolum malum obligationem non impedisse, cum alijs multis exemplis Cicero eodem loco demonstrat, tum praecipue illo de Pythij & Cannij contractu. ut facile intelligi possit, quamobrem ab eruditissimis uiris dissentiam, qui dissimilem putarunt esse rationem eorum contractuum quos bonae fidei appellamus. nam si propter dolum ipso iure uitiantur, neque obligationem & actionem parerent, quamobrem dicemus actioni bonae fidei doli mali exceptionem tacite & uel ipsa inesse. Intelligendum est igitur, ex omnibus contractibus licuisse uel iudicium postulare, cuius formulam directo & simpliciter iudex sequi cogebatur: aut arbitrium, in quo potestas disceptatori dabatur libere arbitrio suo ex aequo & bono iudicandi. Si postulatum erat iudicium, quia sponso certa in uerba facta erat, iudicij etiam formula certis uerbis a Praetore concepta, nisi exceptio a Praetore adscripta fuerat, de ea iudex cognoscere non poterat. positum enim erat in Praetoris potestate, quemadmodum iudicium diceret. unde per sepe iniuriosa & iniqua decreta interponebantur, cum Praetor actoris gratia inductus, exceptionem nollet ascribere. qua de causa Tribuni appellabantur. cuius rei testimonium insigne reperi apud Ciceronem libro Acad. 2. his uerbis: Postulat ut excipiantur haec inexplicabilia. Tribunum aliquem censeo adeant, a me istam exceptionem nunquam impetrabit. Itaque qui sancte & integre ius dicere uolebant, facile exceptionem aliquam qua fraudem omnem excluderent, ascribere solebant. quemadmodum Ciceronem fecisse uidemus, qui ad Atticum scribens, lib. 6. sic inquit: De Bibuli edicto nihil noui praeter unam exceptionem. ego tamen habeo *ισοδυναμον*, sed tectiorem ex Q. Mutij P. F. edicto Asiatico, **EXTRA QVAM SI** **ITA** negotium gestum est, ut eo stare non oporteat ex fide bona. Sin autem postulatum erat arbitrium, quoniam actionis formula diserte potestatem omnem arbitrio permittebat existimandi quantum ex fide bona dari fieri oporteret: nihil doli, aut metus exceptione addita opus erat. ut Cicero demonstrat, cum ait, **VEL SINE LEGE** iudicijs, in quibus **Ex fide bona** ascribitur.



ET ACTIO EFFICAX EST.) Per se scilicet, ac ui sua hoc est, si pura esset, neq; exceptione corrigeretur. **A**  
 DATVR TIBI EXCEPTIO.) Sequitur IIII. Ei qui metu adductus stipulanti spondit, exceptio quod  
 metus causa conceditur. l. 4. §. metus. 29. D. de doli aut met. except. ubi Vlpia. ait, metus causa exceptioem præter illam doli  
 propterea institutam esse, quod exceptio doli personam complectitur eius qui dolo fecit, metus uero exceptio, in rem, id est, si  
 ne ullius personæ mentione scripta est: SI IN EA RE NIHIL METVS CAVSSA FACTVM EST.  
 ut non inspiciamus, an is qui agit, metus causa fecerit aliquid: sed an omnino metus causa factum est in hac re à quocumq; nō  
 tantum ab eo qui agit.

AVT DOLI MALI.) Sequitur V. Qui dolo malo inductus aliquid promisit, doli mali exceptione adiuvatur. l.  
 1. D. de dol. except. ubi Paulus ait, ideo hanc exceptionem à Pratore propositam fuisse, ne cui dolus suus per occasionem iuris  
 ciuilis contra naturalem æquitatem profuit. Vlpianus autem capite insequenti monet, specialiter exprimerendum esse, de cuius do  
 lo quis queratur: nō in rem, SI IN EA RE DOLO MALO FACTVM EST: sed sic, SI IN EA RE  
 NIHIL DOLO MALO ACTORIS FACTVM EST.

AVT IN FACTVM.) Sequitur VI. Ei qui errore inductus aliquid promisit, in factum exceptio conceditur. l.  
 4. §. aduersus. 15. & l. 2. §. 5. D. eod. ubi Vlp. ait, generaliter ex omnibus in factum exceptionibus doli oriri exceptionem: sed ta  
 men aduersus parentes patronosq; non de dolo, sed de facto excipiendum esse. itaq; si pecuniam quam me tibi debere existima  
 bam, iussu tuo sponderim cui donare uolebas, Iulianus ait exceptionem doli mali tueri non posse: uidelicet si extraneo promi  
 serim, quod si patrono uel parenti, in factum, quoniam illorum existimationi non modò uiuorum, sed etiam mortuorum con  
 sulere debemus. d. l. 4. & l. Iulianus. 7. D. eod. In factum autem iccirco appellatur, quia certam ab antiquis Iurisconsultis con  
 ceptam formulam non habebat: sed factum ipsum exponere oportebat, hoc modo: EXTRA QVAM SI EAM PE  
 CUNIAM FALSO ME TIBI DEBERE CREDEBAM.

*Actio eius qui quasi pecuniam crediturus stipulatus est, exceptione non  
 numeratæ pecuniæ corrigitur.*

II. Idem iuris est, si quis quasi credendi causa pecuniam à te stipulatus fuerit, neq; numeratus  
 rit. Nam eam pecuniam à te petere posse eum, certum est: dare enim te oportet cum ex stipulatio  
 ne tenearis. Sed quia iniquum est, eo nomine te condemnari: placet exceptione pecuniæ non nu  
 meratæ te defendi debere, cuius tempora nos (secundum quod iam superioribus libris dictum est)  
 constitutione nostra coartauimus.

QVASI CREDENDI CAVSSA.) Enunciatio I. Qui quasi statim credituro stipulanti spondit, iure ciuili  
 obligatus est. l. 2. §. 3. D. de dol. except.

EXCEPTIONE PECVNIAE NON NVMERATAE.) Sequitur II. Qui quasi statim credituro spo  
 ndit, exceptione non numeratæ pecuniæ adiuvatur. d. l. 2. §. 3. ubi Vlpianus ait: Ei qui crediturus pecuniam stipulatus est,  
 nec creditur: & si certa fuit causa stipulationis, quæ tamen aut non est secuta, aut finita est, nocere pecuniæ non numeratæ  
 te exceptionem.

CVIVS TEMPORA NOS.) Sequitur III. Exceptio non numeratæ pecuniæ olim quinquennis, à Iustiniano  
 biennis tantum facta est. l. in contractibus. 4. C. de non num. pec. & nos sub tit. De lit. oblig. satis multa super hac re diximus.

*Actio eius qui se non petiturum pactus est, pacti conuenti exce  
 ptione corrigitur. l. vij. D. de pact.*

III. Præterea debitor, si pactus fuerit cum creditore, ne à se peteretur: nihilominus obligatus **C**  
 manet: quia pacto conuento obligationes non omnino dissoluuntur. qua de causa efficax est ad  
 uersus eum actio, quam actor intendit, SI PARET, EVM DARE OPORTERE. sed quia  
 iniquum est, contra pactionem eum condemnari: defenditur per exceptionem pacti conuenti.

NIHILOMINVS OBLIGATVS MANET.) Enunciatio I. Non si quis cum creditore pactus est ne ab  
 se peteret, iccirco liberatur. l. creditori. 5. C. de pactis. l. 3. §. 1. de constit. pecun. & l. si unus. 25. §. pactus. D. de pact. Quod ta  
 men ita intelligendum est, cum ciuilis fuit obligatio: ueluti per stipulationem contracta. nam cum pacta cōcuncta sint iuris gen  
 tium, ciuiles obligationes dissolvere non possunt, propter regulam iuris quæ ait: Quibus quidq; modis contractum est, id con  
 trarijs modis dissolui: nimirum naturalia modis naturalibus, ciuilia ciuilibus. l. nihil tam naturale. D. de reg. iur. Itaq; si natu  
 ralis esset obligatio, aut solo consensu sine stipulatione contracta, pacto conuento tolleretur. uti patet ex l. Stichum. 95. §. natu  
 ralis. D. de solut. §. ult. supra, Quib. mod. toll. oblig. l. iuris gentium. §. adeo. l. emptor. 47. l. ab emptione. 58. D. de pact. Quæ  
 quidem eo pertinet disputatio, ut coniecturam quæ nunc demum mihi in mentem uenit, & à nemine adhuc, quod sciam, ex  
 plicata est, proponere nimirum exceptiones earum duntaxat rerum dari solitas, quæ facti sunt, non iuris: id est, quæ actione  
 ipso iure non extinguere: quippe quæ non erant à iure ciuili institutæ ad actiones tollendas & perimendas, aliarum uero  
 non dari: ueluti solutio & acceptilatio modi sunt à iure ciuili ad actiones obligationesq; perimendas instituti. l. si acceptilati.  
 19. D. de acceptilat. qua de causa si cum actio peteretur aureorum decem mutuo datorum, defensor apud Prætorem respons  
 det uel se soluisse, uel sibi acceptolatum esse: meo iudicio moris non erat, ut Prætor exceptionem daret, NISI soluta pecunia  
 est, aut, NISI acceptolata est, sed ipsemet de eare cognoscebat, neq; iudicem eo nomine dabat. Itaq; Paulus in l. si unus. 27.  
 §. pactus. D. de pact. propterea pacti conuenti exceptionem dari scribit, quia facti est, nec actionem tollit, at stipulationis, ne  
 gat: quia iuris sit, & ipso iure acceptilatio actionem extinguat. Sin autem eius rei defensio proponeretur ab eo unde peteba  
 tur, quæ res à iure ciuili ad extinguendam actionem instituta non esset, tum & actio & exceptio dabatur: ueluti ius ciuile nō  
 instituit



**A** instituit modū tollendæ obligationis per pactum nudū. & tamē si constaret esse factū, actionē non daret. nunc quia non constat, actionē dabit cum exceptione, ut nō ipse de eo cognoscat, sed Iudici potestate ea de re cognoscendi permittat. Non daturū autem Prætorē actionem eo casu quo pactum factum esse constaret, uel ex eo intelligi licet, quia in hac exceptione queritur utrum factum sit, necne. unde apparet, si actor fateretur, exceptione opus non fore: ac proinde nec actionem dandam esse.

**QVIA PACTO CONVENTO.)** Sequitur II. Obligationes nō omnino pacto conuenito dissoluntur. d. l. si unus. Pactum autē conuentum appellamus, conuentiōē, cui non accessit stipulatio. qua de causa plerūq; nudum appellatur, id est, nulla stipulatione confirmatū. Quemadmodū ergo ciuis Rom. pacto nudo nō obligari potest, ut in ius uocetur: sic semel obligatus stipulatione quæ uim ac nexū iuris ciuilis obtinet, simplici pacto liberari omnino nō potest. **OMNINO** uero Iustinianus addidit, quoniam propter auxilium Prætoris qui exceptione pactū tuetur, magnopere ciuilis obligatio enervari ac labefactari cepit, adeo ut creditor qui sic pactus est, mora nulla fieri intelligatur. l. si pactus sum. 54. D. de pact.

**EFFICAX EST.)** Per se, absq; præsidio exceptionis esset.

**SED QVIA INIQVVM EST.)** Sequitur III. Debitor quo cum creditor de non petendo pactus est, pacti conuenti exceptione adiuuatur. l. iuris gentium. 7. D. de pact. Dabit ergo Prætor iudiciū, sed hac exceptione temperatū. **EXTRA QVAM** si pactū conuentum sit, ne pro ea pecunia peteretur. Quinetiam Vlp. in l. rescriptū. 10. in fi. & l. si cum emptore. 16. D. eod. scribit, doli exceptionem subsidium esse pacti exceptionis, & in huius locum interdum succedere.

*Actio eius quo iusiurandum deferente, uel debitor se non debere, uel possessor rem suam esse iurauit, iurisiurandi exceptione corrigitur.*

*l. ix. & pass. D. de iureiur.*

**B** **III.** Æquē si debitor creditore deferente iurauerit, nihil se dare oportere: adhuc obligatus permanet. sed quia iniquum est de periurio quæri, defenditur per exceptionem iurisiurandi. In ijs quoq; actionibus, quibus in rem agitur, æquē necessariæ sunt exceptiones. ueluti si petitor deferente possessor iurauerit, eam rem suam esse: & nihilominus petitor eandem rem uindictet. licet enim uerum sit, quod intendit, id est, rem eius esse: iniquum tamen est, possessorem condemnari.

**ADHVC OBLIGATVS PERMANET.)** Enunciatio I. Non si debitor actore deferente nihil se debere iurarit, iccirco obligatione solutus est. Quod tamen concoquere uix possunt tametsi cum alibi disertē ac nominatim scribatur, naturalem obligationē per iusiurandum ipso iure tolli. l. Stichum. 95. §. naturales. D. de solut. & l. ult. D. de iureiur. significari uideatur, ciuilem non tolli. Sed uideo edicti uerba perspicue repugnantia, in l. ait Prætor. D. eod. Eius rei de qua iusiurandi delatum fuerit, neq; in ipsum, neq; in eum ad quem ea res pertinet, actionem dabo. Quibus uerbis aperte Prætor ostendit, per iusiurandum actionem ipso iure concidisse, ac penitus interisse. Itaq; Vlp. in l. insequenti, tum demum exceptioni iurisiurandi locum esse ait, cum est controuersia, id est, ambigitur utrum iuratum sit, nec ne. Ex quo facile intellectu est, ubi constat iuratum fuisse, actionem non dari: ac propterea extinctam obligationem fuisse. Eodem etiam pertinet, quod ubiq; traditur, actionem, & exceptionem quæ ex iureiurando nascitur, non continere quæstionem, an aliquid debeatur, sed an iuratum sit. quod si ita est, sequitur necessariū, ubi iuratum esse constat, pristinam actionem non dari, quod etiam edicti uerba demonstrant. Quare uideamus ne illa Iustiniani uerba, **ADHVC OBLIGATVS MANET**, sic accipienda sint, ut superius de pacto nudo dicebamus, nimirū iusiurandum non esse modū dissoluendæ obligationis à iure ciuili institutū, ac proinde si is aduersus quē iudicium petitur, apud Prætorē obijciat se iurasse: Prætorē de eo non cogniturum, sed actionem cum exceptione daturum.

**DE PERIVRIO QVÆRI.)** Sequitur II. Romæ de periurio ciuis Romani quæri, iniquum uidebatur. l. aduersus. 15. D. de excep. l. ult. D. de in lit. iur. & l. 5. §. 2. D. de iureiur. ubi Vlp. ait, dato iureiurando non aliud quæri, quam an iuratum sit: remissa quæstione an debeatur: quasi satis probati sit iureiurando. Atq; hinc intelligitur, quamobrem Laberius iusiurandum aris atheni emplastrum esse dixerit: apud Gell. lib. 16. cap. 7. Qua de re sub tit. de actionib. §. item si quis. 2. f. susius explicauimus. Visa enim fuisset uniuersa ciuitas religione obstricta, si probatum periurium fuisset.

**PER EXCEPTIONEM IURISIURANDI.)** Sequitur III. Qui deferente actore nihil se debere iurauit, iurisiurandi exceptione adiuuatur. l. nam posteaquam. 9. & pass. D. de iureiur. Deferri autē ab actore iusiurandum oportet. nam (ut ait Vlp. in l. 3. eod.) si reus iurauit, nemine ei iusiurandum deferente, Prætor id iusiurandum non tuebitur: sibi enim iurauit. alioquin facillimus quisq; ad iusiurandum decurrens, nemine sibi deferente iusiurandum, oneribus actionum se liberaret. Valere autem hanc exceptionem non tantum si ea actione quis utatur, cuius nomine exegit iusiurandum, sed etiam si alia, Paulus scribit in l. in duobus. 28. §. 4. D. eod. si modò, inquit, eadem quæstio in hoc iudiciū deducatur. Formula igitur hæc erit, **EXTRA QVAM** si reus actore deferente iurauerit se non debere.

**QVIBVS IN REM AGITVR.)** Sequitur IIII. Iurisiurandi exceptio etiam in actionibus in rem necessaria est. l. 3. §. 1. & l. sed si. 2. D. de iureiur.

**SI PETITORE DEFERENTE.)** Sequitur V. Qui petitor deferente suā esse rem iurauit, ab eo nihilominus conueniri potest. Quod tamē falsum esse, superius docuimus ex edicti uerbis perspicue repugnantib. in l. ait Prætor. 7. D. eo. nisi subaudiatur, SI dubitetur an iuratum sit, quippe cum in exceptione nihil aliud quærat, nisi utrū iuratum sit, nec ne. Et ut aperte, sicuti mea natura fert, animi mei sententiam exponā, nisi huius loci orationem satis animaduertentem Tribonianicam non esse, liberius de illius temeritate pronunciarem, quam in ueteri aliquo Iurisconsulto diligentiam desiderare audeam.

**INIQVVM TAMEN EST.)** Sequitur VI. Qui deferente actore suam esse rem iurauit, aduersus eius actionem iurisiurandi exceptione adiuuatur. d. l. nam posteaquam. & l. sed si. 2. D. eod. ubi Vlpianus id adscribit, quod animaduersione dignum est, multum interesse, utrum possessor iurarit, rem petitoris non esse, an rem suam esse. nam si iurauerit rem possessoris non esse, quandiu quidem possidet aduersus eum qui detulit iusiurandum, si petat, exceptione iurisiurandi usurum: si uero amiserit possessionem, actionem non habiturum, ne quidem si is possidet, qui ei iusiurandum detulit. non enim rem suam esse iurauit,



iuravit, sed eius non esse. At si cum possideret, deferente petitor rem suam esse iuravit, amissa quoque possessione, si is qui detulit A ius iurandum, nactus sit possessionem, actionem in factum ei dandam.

*Actio eius rei de qua iam ante iudicatum est, exceptione rei iudicatae corrigitur. alia autem complures in Pandectis exponuntur exceptiones, quarum partim ex ciuili, partim ex Prætorio iure fluxerunt. l. iij. pass. D. de except. rei iudicatae.*

V. Item si in iudicio tecum actum fuerit, siue in rem, siue in personam: nihilominus obligatio durat, & ideo ipso iure de eadem re postea aduersus te agi potest. sed debes per exceptionem rei iudicatae adiuuari. Hæc exempli causa retulisse sufficiat. Alioqui quàm ex multis uarijsque causis exceptiones necessariæ sint: ex latioribus Digestorum seu Pandectarum libris intelligi potest. Quarum quædam ex legibus, uel ex ijs quæ legis uicem obtinent, uel ex ipsius Prætoris iurisdictione substantiam capiunt.

SI IUDICIO TECVM ACTVM.) Enunciatio I. Non si cum aliquo iudicio actum est, & absolutus est, iccirco extinguitur obligatio. Quod tamen mihi per obscurum est: cum satis constet, alioqui ius fori fore omnia iudicia: neque unquam finem ullum litibus imponi posse, uti Paulus scribit in l. 6. D. de except. rei iudic. Singulis, inquit, controuersijs singulas actiones, unumque iudicati finem sufficere, probabili ratione placuit. ne aliter modus litium multiplicatus summam atque inexpli cabilem faciat difficultatē. Rem igitur sic intelligendam arbitror: ut quamuis res iudicata non sit modus à iure ciuili ad extinguendas actiones institutus: tamen si iudicatum esse constaret, Prætor actionem non daret: ac proinde pro extincta haberetur. Si non constaret, Prætor utrum iudicatum fuisset, nec ne, non cognosceret: sed iudicem daret, qui de actione & de exceptione iudicium exerceret. B

NIHILOMINVS OBLIGATIO DURAT.) Legendum uidetur ACTIO: cum in rem iudicium superius nominari. Itaque uideo Theophilum hunc locum conuertisse, æi μὴ ἀγῶναι μὴ ὄναι, &c.

IPSO IURE DE EADEM RE.) Sequitur II. De eadem re, de qua semel iudicatum est, actio ipso iure coepit. Dixit autem IPSE IURE, ius ciuile significans: ut ostenderet, ius ciuile non instituisse extinguendarum actionum modum per rem iudicatam. tamen si tam stultus futurus Prætor non sit, ut iterum eiusdem rei iudicium constituat: siquidem de eadem omnino re iudicatum fuisse constet: non tam, quod actum ageret, quàm quod per exceptionem quæri perridiculè de eo iuberet, quod sibi exploratum, & inter litigatores confessum esset.

PER EXCEPTIONEM REI IUDICATAE.) Sequitur III. Actio de ea re de qua semel iudicatum est, exceptione rei iudicatae corrigitur. l. 3. & pass. D. de except. rei iudic. Vnde intelligitur, toties de eadem re agi uideri, quoties apud iudicem posteriorem id queritur, quod apud priorem quaesitum est. Formula igitur hæc erit, SI NON de eadem re antea iudicatum est, qua in cognitione quid sequi iudex debeat. Nèratius his exponit uerbis in l. cum de hoc. 27. D. eod. Cum de hoc an eadem res est queritur, hæc spectanda sunt: persona, id ipsum de quo agitur, causa proxima actionis, nec iam interest, qua ratione quis eam causam actionis competere sibi existimasset, perinde ac si quis posteaquam contra eum iudicatum esset, noua instrumenta causæ suæ peperisset.

EX LATIORIBVS DIGESTORVM.) Sequitur IIII. Exceptiones longè pluribus in causis esse necessariis, ex Pandectis intelligitur.

QVARVM QVAEDAM EX LEGIBVS.) Sequitur V. Exceptionum alia ex legibus, ijs uel quæ legi uicem obtinent: alia ex prætoris edicto instituta sunt. Quod tamen nonnihil obscurum est: ut lex ulla exceptionem instituerit. negotium enim aut ualere omnino, aut pro nihilo haberi iubet. Videndum igitur, utrum leges dixerit pro constitutionibus: nam ex his non numeratæ pecuniæ nasci uidetur exceptio: an potius exceptiones ex legibus eas appellet, quas prætor quidem ipse instituit, quarumque formulæ concepit, sed ex legum, aut constitutionum, aut Senatusconsultorum uel ac præscripto delibatas. C Omnes enim prætorias exceptiones esse, hoc est, ex prætoris beneficio pendere, loci superius ex libris De inuentione & De officijs prolatis, non obscure demonstrant.

*Exceptionum alia perpetua & peremptoria sunt, quæ cum obijci semper possunt, tum obiecta actionem extinguunt: alia temporales & dilatoria, quæ temporis causa, & differenda tantum actioni comparata sunt. l. ij. & iij. D. eod.*

VI. Appellantur autem exceptiones alia perpetua & peremptoria, alia temporales & dilatoria. Perpetua & peremptoria sunt, quæ semper agētibus obstant, & semper rem de qua agitur, perimunt: qualis est exceptio doli mali, & quod metus causa factum est, & pacti conuenti, cum ita conuenerit, ne omnino pecunia peteretur. Temporales atque dilatoria sunt, quæ ad tempus nocēt, & temporis dilationem tribuunt: qualis est pacti conuenti, cum conuenerit, ne intra certum tempus ageretur, ueluti intra quinquennium. nam finito eo tempore, non impeditur actor rem exequi. Ergo ij, quibus intra certum tempus agere uolentibus obijcitur exceptio, aut pacti conuenti, aut alia similis: differre debent actionem, & post tempus agere. Ideo enim & dilatoria istæ exceptiones appellantur. Alioqui si intra tempus egerint, obiecta quoque sit exceptio: neque eo iudicio quicquam consequerentur propter exceptionem, neque post tempus olim agere poterant: cum temerè rem in iudicium deducebant, & consumebant, qua ratione rem amittebant.

ALIAE



**A** ALIAE PERPETVAE ET PEREMPTORIAE.) Enunciatio I. Exceptionum aliae perpetuae & peremptoriae, aliae temporales & dilatoriae dicuntur. l. 3. D. cod. ubi Caius scribit, illas esse quae semper locum habent, nec evitari possunt: has vero quae non semper locum habent, sed evitari possunt.

SEMPER AGENTIBVS OBSTANT.) Sequitur II. Perpetuae & peremptoriae exceptiones eo dicuntur, quia & semper obijci, & obiectae perimere actionem possunt. d. l. 3. Semper autem obijci posse dicuntur, quia nec ullo temporis spacio, nec rei ullius mutatione amittuntur, ut ea quae temporales dicuntur. Obiectae vero actionem extinguere dicuntur, cum aliae differant tantum, & aliud in tempus rejiciant. Exemplum ex pacto conuento perpetuo sumemus. nam eius exceptio sic actionem cui adiecta est perimit atque extinguit, ut posteaquam iudicatum erit veram fuisse, postulari denuo eadem actio non possit. quod in dilatorijs longe secus est.

TEMPORALES ATQVE DILATORIAE.) Sequitur III. Temporales & dilatoriae exceptiones eo dicuntur, quia & ad tempus tantum obijci possunt, & actionem non perimunt, sed differunt. d. l. 3. Eius generis est exceptio pacti conuenti temporalis. nam si creditor meus pactus sit se ante quinquennium non petiturum, & petat tamen, exceptio dabitur, NISI EIVS PECVNIAE dies non sit. Haec exceptio temporalis est, quia post quinquennium obijci non potest: rursus dilatoria est, quia non extinguit, sed differt tantum & rejicit actionem in finem quinquennij: quo exacto, iterum actio postulari poterit.

NON IMPEDITVR ACTOR.) Sequitur IIII. Exacto pacti conuenti tempore, postulari actio iterum a creditore potest. d. l. 3. De except. Atque hoc quidem aperte Imperator hoc loco affirmat, paulo autem post antiquitus id iuris fuisse negat: de quo non incommodum arbutur hoc loco considerare. Primum igitur positum hoc sit, de quo inter omnes constat, cum qui lege agendo tempore plus petebat, ita causa cecidisset, ut si actionem eiusdem rei postea postularet, rei iudicatae exceptione excluderetur. Verum hoc ita intelligendum est, si modo purum fuerat iudicium, neque addita fuisset exceptio, NISI

**B** SI DIES eius pecuniae nondum uenerit: ueluti, SI PATERET Seruilium Cornelio centum dare oportere, cuius pecuniae dies sit, tum Seruilium damnetur. nam hac formula in praesentia quidem Seruilium absoluetur, quia reuera dies nondum uenit. post uero reuocari in ius poterit, actioque in eum referri: neque rei iudicatae exceptione excludetur, quia non de hac pecunia, sed de ea cuius dies illo tempore uenerat (erat autem ea pecunia nulla) iudicatum est. ut facile appareat, quamobrem Crassus stultum illum Oratorem appellet, de quo Cicero lib. de Orat. i. commemorat, qui a Praetore postulabat, ut illi unde peteretur uetus atque usitata exceptio daretur, cuius pecuniae dies fuisset. Hoc enim petitoris causam adiunabat. nam si inficiator probasset iudici ante petitam esse pecuniam, quam esset coepta deberi, petitor rursus cum peteret, exceptione rei iudicatae excludi non poterat, QVOD EA res in iudicium antea uenisset. at si exceptionem illam non adhibuisset, excludi actor rei iudicatae exceptione potuisset. quippe cum pure ac simpliciter de pecunia (quaecumque illa esset, siue nunc coepta esset deberi, siue non) iudicatum esset. nunc autem non de quouis, sed de ea cuius dies uenisset, iudicatum est. Atque haec quidem de exceptione NISI DIES EIVS pecunia nondum uenerit. Longe autem alia est, ea de qua nunc agimus exceptio, NISI pactus sit, se ante quinquennium non petiturum. cuius ea, meo iudicio, uis est atque sententia, NISI quinquennium intra quod se non petiturum pactus erat, non abierit. Quod cum ita sit, uideamus, ne actor de eadem re post quinquennium iudicium postulans, excludi rei iudicatae exceptione non possit: quasi nunc aliud quam prius in iudicium deducat. Tum enim iudicatum est, non pecuniam non deberi, sed quinquennium quo peti non debuit, nondum praeteriisse. nunc autem aliud in iudicium uocatur, nimirum an exacto quinquennio pecunia debeat. ac propterea rei iudicatae exceptio non aduersatur: quoniam alia de re iam agitur. Duplex igitur est differentia inter illam exceptionem NISI dies nondum uenerit, & hanc NISI pactus sit. prior, quoniam illa petitorum adiunuat, ne exceptione rei iudicatae excludi postea possit: ac proinde a reo ascribenda non est, quoniam ipso iure pecunia non debebatur. hac necessario reo ascribenda est, quia pecunia ipso iure debetur, sed propter pactum conuentum retardata est solutio. altera differentia, quod illa ascripta, queritur an propter naturam contractus non debeatur: hac, an propter pactum conuentum. ita non ascripta illa, damnatur petitor: hac non ascripta, damnatur is a quo petitur.

**C** OLIM AGERE POTERANT.) Hoc duabus de causis obscurum est. primum, quia non denegabatur illis actio, sed rei iudicatae exceptio adijciebatur: ut ex illo Ciceronis loco perspicue intelligitur. deinde quia lege agendo, id est, ipso iure, reuera non plus petebant, quam quantum sibi deberetur. aliud est enim ipso iure plus petere, aliud propter pactum conuentum. & lex XII. quae plus petentem causa cadere iubebat, ad eum tantum qui lege agendo, & ipso iure plus petebat, non ad eum qui contra pactum petebat, pertinebat.

*Qui tempore plus petijt, & bis tantundem temporis expectare cogitur: nec nisi prioris litis sumptibus persolutis, alteram potest instituere.*

**VII.** Hodie autem non ita stricte hoc procedere uolumus: sed eum qui ante tempus actionis uel obligationis litem inferre ausus est, Zenonianae constitutioni subiacere censemus: quam sacratissimus legislator de ijs, qui tempore plus petierint, protulit: ut & inducias quas ipse actor sponte indulsit, uel quas natura actionis continet, si contempserit: in duplum habeant ijs, qui tale iniuriam passi sunt: & post eas finitas non aliter litem suscipiant, nisi omnes expensas litis antea acceperint: ut actores tali poena perterriti, tempora litium doceantur obseruare.

ZENONIANAE CONSTITVTIONI SVBIACERE.) Enunciatio I. Qui ante tempus petit, bis tantundem expectare, litisque sumptus perferre cogitur. §. sed haec quidem, supra, De actionib. ubi Iustinianus hoc ipsum ex Zenonis constitutione tradidit. nam ea, Graece, ut credi par est, scripta temporum iniuria intercidit. Qui ergo quod sibi Calendis Maij debebatur, Calendis Martijs postulauit, is non causa cadit, ut olim: sed cum ipsius aduersarius obiecta exceptione absoluitus pro illius temporis ratione fuerit, non prius referre suam actionem poterit, quam Calendae Iuniae praeterierint: et si quid interea usurae aut morae nomine deberi potuisset, id totum amittet. praeterea prioris litis temere contestatae sumptus omnes tolerabit.



SPONTE INDVLSEKIT.) Sequitur II. Zenonia constitutio tam ad pactionis, quàm ad obligationis tempus pertinet. Pactionis autem tempus significamus illius pacti conuenti temporalis, de quo paulo antè dictum est: Obligatio nis autem, cum in diem stipulatio facta est. A

*Exceptiones de procuratorum conditione, ueluti quòd milites sint, ex persona dilatoriæ sunt: de infamia, ex usu & iure sublata sunt. l. ij. & iij. eod.*

VIII. Præterea etiam ex persona sunt dilatoriæ exceptiones, quales sunt procuratoriæ: ueluti si per militem aut mulierem agere quis uelit. Nam militibus nec pro patre, uel matre, uel uxore, nec ex sacro rescripto procuratorio nomine experiri conceditur, suis uerò negocijs supereffe sine offensa militaris disciplinæ possunt. Eas uerò exceptiones, quæ olim procuratoribus propter infamiam, uel dantis, uel ipsius procuratoris opponebantur: cum in iudicijs frequentari nullo modo perspeximus, conuiescere sancimus: ne dum de his altercatur, ipsius negocij disceptatio proteletur.

QVALES SVNT PROCVRATORIAE.) Enunciatio I. Procuratoriæ exceptiones, ex persona dilatoriæ sunt. l. 2. & 3. D. eod. ubi traditur, procuratorius exceptiones iccirco esse dilatorias, quia qui dicit non licere procuratorio nomine agi, non prorsus litem inficiatur, sed personam euitat. Duplex autem hæc exceptio est. nam aut omnino procurator esse negatur, aut esse non posse contenditur, negatur esse, ueluti cum mandatum non habet. l. inter quos. 39. §. 3. D. de damn. inf. contenditur esse non posse, ueluti miles sit, ut Iustinianus hoc loco demonstrat, aut si à pupillo sine tutoris auctoritate datus sit. l. neq; tutores. 2. C. de procur. Itaq; Vlp. in l. in exceptionibus. 19. D. de probat. Sed etsi, inquit, procuratoria exceptio quis utatur, eo quòd non licuisset aduersario dare, uel fieri procuratorem, &c. B

NEC PRO PATRE.) Sequitur II. Milites ne pro patre quidem, aut matre, aut uxore, quamuis rescriptum impetrarint, procuratores esse possunt. l. filiusfam. 8. §. ueterani. D. de procur. & l. militem. 7. C. eod.

AVT MULIEREM.) Sequitur III. Mulieri procuratrici esse non licet. l. neq; femina. 54. D. de procur. nam ab omnibus civilibus negocijs pudor & naturalis uerecundiæ ratio feminis prohibet. l. 2. D. de reg. iur. l. 1. D. de postul. Imperator tamen in l. 4. C. de procur. scribit aliena negocia per mulieres non aliter agi posse, nisi in rem suam & proprium lucrum mandata sint eis actiones.

SVIS VERO NEGOCIIS.) Sequitur IIII. Militibus suo nomine iudicio agere permittitur. l. qui stipendia. 9. C. de procur. ubi Imperator militibus non tantum suas causas agere, uerum etiam, si in rem suam procuratores constituti sunt, alienas actiones persequi permittit.

QVAE OLIM PROCVRATORIBVS.) Sequitur V. Exceptiones de agentis procuratoris uel infamia tunc ex usu, tum ex iure sublatae sunt. Huius tamen apud ueteres nonnulla uestigia supersunt: ut apud Quintilianum lib. 3. cap. 6. Nō rectè agis, ignominiosus: queritur, an ignominiosus sit, aut an agere ignominioso liceat. Item, Non habes ius abdicandi. quia ignominioso non est actio. Et lib. 7. cap. 5. Cum ex præscriptione lis pendet, de ipsa re queri non est necesse. Ignominioso patri filius præscribitur de eo solo iudicatio est, an liceat.

## DE REPLICATIONIBVS.

### TITVLVS IX.

*Ut exceptio iniquæ actionis excludendæ causa, sic replicatio iniquæ exceptionis: & rursus duplicatio replicationis, itemq; duplicationis causa triplicatio instituta est. l. 2. De except.* C

I. Interdum euenit, ut exceptio, quæ prima facie iusta uidetur, tamen iniquè noceat. quod cum accidit, alia allegatione opus est, adiuuandi actoris gratia, quæ replicatio uocatur: quia per eam replicatur, atq; resoluatur ius exceptionis. ueluti cum pactus est aliquis cum debitore suo, ne ab eo pecuniam petat, deinde in contrarium pacti sunt, id est, ut creditori petere liceat: si creditor agat, & excipiat debitor, ut ita demum condemnetur: si non conuenerit, ne eam pecuniam creditor petat, nocet ei exceptio. Conuenit enim ita: nanq; nihilominus hoc uerum manet, licet postea in contrarium pacti sint. sed quia iniquum est creditorem excludi: replicatio ei dabitur ex posteriore pacto conuento. Rursus interdum euenit, ut replicatio, quæ prima facie iusta est, iniquè noceat. quod cum accidit, alia allegatione opus est, adiuuandi rei gratia: quæ duplicatio uocatur. Et si rursus ea prima facie iusta uideatur, sed propter aliquam causam iniquè actori noceat: rursus allegatione alia opus est, quæ actor adiuuetur: quæ dicitur triplicatio. Quarum omnium exceptionum usum interdum ulterius quàm diximus, uarietas negotiorum introducit: quas omnes apertius ex Digestorum latiore uolumine facile est cognoscere.

ALIA ALLEGATIONE OPVS EST.) Enunciatio I. Cum exceptio in specie iusta, reuerà iniqua est, replicatio adhibetur. l. 2. §. 1. D. de except. ubi Vlpianus ait, Replicationes nihil aliud esse, quàm exceptiones: & à parte actoris uenire: easq; iccirco esse necessarias, ut exceptiones excludant: semper enim replicationem iccirco obijci, ut exceptionem oppugnet. Sic Imp. in l. 10. C. de except. scribunt, non exceptionibus actores, ex quib. reis auxilium tribuitur, certis ex causis, sed res



**A** sed replicationibus suam intentionem, si quam habeant, munire. Formulam autem replicationum animaduerti hanc fuisse, AVT SI: ut in l. consilio. 7. D. de curat. fur. AVT SI damnatione interposita, secundum decretum uendiderit. l. 24. De except. rei iudic. AVT SI RES iudicata non sit. l. itaq. 48. De procurat. AVT SI mihi mandatum est, ut a te peterem.

PER EAM REPLICATUR.) Sequitur II. Replicatio inde dicta est, quod implicatam & quasi tectam exceptionis iniquitatem replicet, atq; patefaciat. d. l. 2. §. 2. ubi idem scribit, replicationem omnem, exclusoriam esse: eamq; sic reum excludere, ut exceptio actorem. Sed uideamus ne hinc potius dicta sit, quod aequitatem actionis ab excipiente reo tectam & quasi complicatam, explicet atq; aperiat. Quod autem ad triplicationem attinet, dissimilis eius notatio est: quasi enim replicationis, conduplicatio & geminatio fuisset: sic quod tertio post actionem loco referretur, atq; in iudicium obijceretur, triplicationis nomine significatum est.

NIHILO MINVS HOC VERVM MANET.) Sequitur III. Prius pactum per posterius ipso iure non tollitur. l. si unus. 27. §. pactus. D. de pact. ubi Paulus ait: Si cum quis pactus esset ne peteret, postea conuenerit ut peteret, prius pactum per posterius elidi, non quidem ipso iure: sed per replicationem.

REPLICATIO EI DABITVR.) Sequitur IIII. Qui postquam se non petiturum pactus est, de petendo paciscitur, aduersus exceptionem replicatione adiuuatur. d. l. si unus.

QVAE DVPLICATIO VOCATUR.) Sequitur V. Aduersus replicationem prima specie iustam, reuera iniquam, duplicatio conceditur. Sic enim uulgatis in libris Pandectarum scriptum est, tametsi Florentinus codex Duplicationis mentionem nullam habeat.

QVAE DICITVR TRIPLICATIO.) Sequitur VI. Contra duplicationem quae cum aqua uideatur, iniqua tamen est, triplicatio permittitur.

**B** INTERDV MVLTERIVS QVAM DIXIMVS.) Sequitur VII. Allegationum ultro citroq; opposendarum modus est infinitus. Quod tamen sic intelligendum est, ne allegationes sint iuris, sed facti tantum. nam: si obijciatur aliquid quod in iure consistat, Prator ipse cognitionem suscipiet: quemadmodum superiore tractatu docuimus. deniq; si ab aetore obijceretur, inde primum actio nascitur. Sin a defensore, quamuis antea facta quaedam interuenissent, ueluti si conuentum fuisset ne peteretur, postea iterum conuentum ut peteretur, postremo acceptilatio interposita fuisset, non a pacto defensionem reus exordiretur, sed ab acceptilatione: cuius ipse Prator iccirco cognitionem susceperat, quia iuris est, non facti. Toties igitur exceptiones, replicationes, duplicationes, triplicationes, ceteraq; multiplicationes & alterationes perscribentur, quoties in facto consistunt: cum actio sola, quae propterea iudicii fundamentum est, sit iuris.

Exceptio reo competens, nisi personae ipsius ita cohaereat, ut eius omnino propria sit, fideiussori etiam conceditur. l. vii. D. de except.

II. Exceptiones autem quibus debitor defenditur, plerunq; accommodari solent etiam fideiussoribus eius, & recte: quia quod ab ijs petitur, id ab ipso debitore peti uidetur: quia mandati iudicio redditurus est eis, quod ij pro eo soluerint. Qua ratione, & si de non petenda pecunia pactus quis cum reo fuerit: placuit perinde succurrendum esse per exceptionem pacti conuenti illis quoque, qui pro eo obligati sunt, ac si etiam cum ipsis pactus esset, ne ab eis ea pecunia peteretur. Sanè quaedam exceptiones non solent his accommodari. Ecce enim debitor, si bonis suis cesserit: & cum eo creditor experiatur: defenditur per exceptionem, si bonis cesserit. Sed haec exceptio fideiussoribus non datur: ideo scilicet, quia qui alios pro debitore obligat, hoc maxime prospicit, ut cum facultatibus lapsus fuerit debitor, possit ab ijs, quos pro eo obligauit, suum consequi.

**C** PLERVNQVE ACCOMMODARI SOLENT.) Enunciatio I. Debitorum exceptiones plerunq; si fideiussoribus eorum accommodantur. l. exceptiones. 7. D. de except. ubi Paulus ait, exceptiones rei cohaerentes etiam fideiussoribus competere: ueluti, rei iudicatae, doli mali, iuris iurandi. at eis quae personae cohaerent, non transire ad alios. ueluti quam socius, uel parens, uel patronus, uel maritus habet, si solidum soluere possit. Atque illud est quapropter uocem PLERVMQVE interieciimus.

QVIA QVOD AB IIS PETITVR.) Sequitur II. Quod a fideiussore petitur, ab ipso reo peti uidetur. l. si alienam. 19. & alibi saepe. C. de fideiuss. nam olim fideiussorem etiam ante reum principalem conueniri ius erat.

MANDATI IUDICIO REDDITVRVS.) Sequitur III. Quod fideiussor soluit, id ei reus restituere mandati iudicio cogitur. l. mandati. 14. C. de fideiuss. l. qui fideiussorem. & l. ex mandato. D. mandat. quippe cum tacite mandasse reus ei uideatur ut soluat. l. indebitam. 47. D. de cond. indeb.

ET SI DE NON PETENDA.) Sequitur IIII. Pactum cum reo conuentum ne ab eo peteretur, etiam fideiussori exceptionem parit. l. si quis reum. 5. D. de lib. legat. l. quod dictum est. 32. D. de pact. ubi Paulus ait: Quod dicitur, si cum reo pactum sit, ut non petatur, fideiussori quoq; competere exceptionem: propter rei personam id placuisse, ne mandati iudicio conueniatur. Causae constitutio: Cum creditor pepigisset ne a reo peteret, postea fideiussorem conuenit. Intentio fideiussoris: Pactum ne a reo peteres mihi prodest. D. Non prodest. Q. An prodest. R. Quia nominatim cum eo pepigi, & non tei: cum: & pepigi in personam. Pacta autem inter alios conuenta, alijs non prosunt. F. At inutile tuum pactum esset: mandati enim iudicio exigam ab reo. Disceptatio ex contrariis scriptis nata est: An pactum cum reo factum iccirco fideiussori prodesse debeat, ne irritum inaneq; sit.

SI BONIS SVIS CESSERIT.) Sequitur V. Debitori qui bonis cessit, exceptio bonorum cessionis conceditur. l. 4. & pass. D. de cess. bon. ubi Iurisconsulti docent, eum qui bonis cessit, posse quidem postea conueniri, si quid postmodum acquisierit: sed tamen eius habendam rationem, ne inopia prematur.

FIDEIVSSORIBVS NON DATVR.) Sequitur VI. Ex bonorum cessione debitoris, fideiussori non datur



datur exceptio. Cuius rei ratio ex causse constitutione intelligitur. Intentio: Debes mihi centum. D. Non debeo. Q. An debeat. R. Quia fideiubere, est spondere eum cui creditur, idoneum esse cui credatur, & locupletem debitorem: ac ni eiusmodi sit, eius obligationem suscipere. cum autem fideiussi, locuples erat, neq; sponendi illum perpetuo locupletem futurum. F. Imò fideiubere est, euentum omnem crediti prestare: neq; tantum contractus tempore recte collocari pecuniam affirmare, uerum etiam in omne tempus periculum eius in se recipere. Disceptatio ex uerbi ambiguitate fluxit: An qui fideiubet, non tantum de contractus tempore, uerum etiam de omni reliquo temporis spacio promittere uideatur. Et Iustinianus respondet, hanc eorum qui satisfactio credunt, mentem & uoluntatem esse.

HOC MAXIME PROSPICIT.) Sequitur VII. Fideiussorum obligatio in subsidium debitoris fortunae omnibus euerfi instituta est.

## DE INTERDICTIS.

### TITVLVS X.

*Transitio ad interdicta, quae conceptis uerbis à Prætoribus ad aliquid uel iubendum, uel uetandum in causis præsertim possessionis pronunciabantur.*

I. Sequitur, ut dispiciamus de interdictis seu actionibus, quæ pro his exercentur. Erant autem interdicta, formæ atq; conceptiones uerborum, quibus Prætor aut iubebat aliquid fieri, aut fieri prohibebat. quod tunc maxime faciebat, cum de possessione, aut quasi possessione inter aliquos contendebatur.

Interdicere in iure Ciuili semper equidem existimaui antehac idem esse quod prohibere. non tam quia de aquæ & ignis interdictione, deq; prodigo cui bonis interdici solet, frequens in libris nostris mentio est: quam quia dilucide siue Vlpianus, siue quiuis alius, unde is locus in hunc tractatum relatus est, paulo post his hoc confirmat uerbis. Sunt tamen qui putent proprie interdicta ea uocari, quæ prohibitoria sunt: quia interdicere est denunciare, & prohibere. Verum cum hanc totam de interdictis disputationem paulo attentius in Pandectis nostris considerassem, facile animaduerti, eam uerbi significationem cum interdictorum usu & natura minime conuenire. quippe cum innumera sint, quibus non tantum nihil prohibeatur, uerum etiam aperte, diserte, nominatimq; iubeatur: ueluti, cum Prætor uel testamenti tabulas, uel liberum hominem, uel liberos alicuius exhiberi iubet: item cum eum qui ui aut metu quid fecit, opus restituere: uel eum qui quid alienum alterius obligationi possidet, illud restituere: aut eum qui ui aliquem de suo deiecit, restituere deiectum iubet. nam interdicere his in locis pro uetare ac prohibere interpretari, nulla omnino ratio est. Quare quid mihi accurate hæc omnia consideranti in mentem uenerit, aperiam: neq; tamen quicquam affirmabo, sed dum eruditior aliquis subtilius ac certius hac de re disputet, modestè & uerecundè meam sententiam explicabo. Rediit igitur in memoriam, quod apud ueteres Grammaticos aliquando legeram, particulam INTER nonnunquam ab Antiquis augendi & amplificandi causâ usurpatam fuisse: ueluti cum dicimus Interficere, Interimere, Internecio. Siquidem Donatus in illud Terentij, C. Quis homo istuc? P. Dauus. C. Dauus? P. — Ina-  
teriturbat. C. Quamobrem, &c. INTER, inquit, modò significat, non mediocriter. est enim adauetiua particula, ut Interfectus, Interemptus. Unde etiam interbibere apud Plautum ueteres interpretantur, totum ebibere. Quæ de causâ suspicari cæpi, decreta Prætoris certa, & ut ita dicam, imperiosa, ab antiquis interdicta nominata esse. Verum assensionem meam tandiu sustinui, dum illud in edicto Prætoris, Ut in flum. pub. l. i. apud Vlpianum animaduerti, quod mihi dubitationem omnem sustulit: ITEM, UT PER LACVM, FOSSAM, STAGNUM PUBLICVM NAVIGARE LICEAT, INTERDICAM. Quo in loco Interdicere, perspicue pro decernere & imperare positum esse, nemo, ut opinor, non uidet. Quæ cum ita se habeant, facile in eam opinionem adductus sum, ut existimem omnia quidem Prætorum iussa & imperia generali uerbo decreta nominata esse. Verum docendi causâ, uti semper Iurisconsultorum mos fuit, ea interdicta uocata esse, quæ ijs de rebus interponi solerent, quæ cum priuata non essent, iudicis priuati hominis arbitrio disceptande non essent, sed Magistratus imperio & cognitioni relinquendæ. Earum autem, si rem omnem paulò attentius consideremus, tria uideo esse genera. Sunt enim aliæ sacræ & religiosæ, aliæ publicæ: aliæ de ui, quæ quidem in possessionum controuersijs uel facta esset, uel ne fieret cauendum uideretur. Nam priuatis ad res, & rei familiaris controuersias, actiones accommodatæ sunt. At si quis in loco uel sacro, uel religioso, uel publico, ueluti flumine aut ripa, quid fecisset, quod eius loci ius imminueret: item si qua uis in pacata & libera ciuitate committeretur, æquum fuit, Prætorem ipsum, imperium suum interponere. Quæ de causâ cum alia decreta Prætoris iudicio & prudentiæ pro re nata concipienda relictæ essent: tum hæc digna uisa sunt, quæ non modò certis uerborum formulis conciperentur, & uti concepta erant à Prætoribus pro tribunali pronuntiarentur, uerum etiam totidem uerbis in edictum referrentur, edictiq; Prætorij pars quædam essent: uti patet ex l. i. C. de interdictis. & omnibus inscriptionibus libri Pandectarum 43. ut iam quæ inter actiones & interdicta tum similitudo, tum differentia sit, existimare aliqua ex parte possimus. Nam ex utrisq; formulæ certæ conceptaq; in edictum Prætoris relatæ fuerunt: ex utrisque iudicia recuperatoria nascebantur: interdum etiam constituebantur. unde illa in edicto unde ui & de ui arm. VNDE TV ILLVM DEIECISTI, DE EO QVOD IBI TVM HABVIT, &c. IUDICIUM DABO. & l. i. D. Ne uis fiat ei: Si quis dolo malo fecerit, &c. in eum in factum iudicium dabo. Quin etiam uidemus frequenter id quod paulo antè interdictum appellatum est, continuo post modò actionem, modò iudicium appellari: ut in l. i. qui. 2. §. si fundus. D. quod ui aut clam. Ipse utile interdictum habebit, sed eam actionem prestare cogetur. Verum hoc ita sepe occurrit, ut plura hoc loco exempla commemorare nihil necesse sit: præsertim cum Vlpianus in l. actionis. 37. D. de obligat. & act. scribat, Interdicta etiam actionis uerbo contineri. quippe cum quædam eiusmodi sint, ut nihil quod sciam, ab ijs edictis differant, quibus actiones constituuntur. cuiusmodi illud est: NE VIS FIAT EI, &c.

nam ut



**A** nam ut actionum formula ex alijs edictis constituebatur, sic etiam hoc iudicium ex illo edicto concipietur. **SI PATERET** Sempronium dolo malo fecisse, quominus Titius in bonorum possessione sit, tum quanti ea res erit, illum damnato. Ut si quis quæreret, qua de causa istud interdictum appelletur, aliam asserere nullam possumus, quam quia de possessione cauetur. Cetera igitur uideamus. Ex utriusque sponsones fiebant, itaque Quintilianus libri 7. capite 5. sic scribit: Quoties tamen poterimus, efficiendum est, ut de re quoque bene sentiat iudex. Sic enim iuri nostro libentius indulgebit: ut in sponsonibus quæ ex interdictis sunt, etiam si non proprietatis est questio, sed tantum possessionis: tamen non solum possedisse nos, sed etiam nostrum possedisse dicere oportebit. Atque hæc quidem inter Actiones & Interdicta similitudo est: differentias autem has fere animaduerti. nam actiones rerum sunt priuatarum, ut paulo ante dicebamus, & ad rei familiaris negocia pertinent: Interdicta uero publicarum rerum sunt. Actiones sunt formulæ quibus Prætor iudicem constituit, eique de lite contestata iudicandi formam præscribit: Interdicta, formulæ quibus Prætor solus ac sine constituto iudicio, de re ad se delata pro imperio decernit. In illis Prætor iudicibus imperat, ut de facto cognoscant: in his litigatoribus imperat, uel ut ne uim faciant, uel ut restituant, uel ut exhibeant. in illis iudex priuatus homo cognitor est: in his Prætor ipse. in illis de proprietate, aut obligationibus: in his de possessione disceptatur. Quibus de causis multo satius & præstabilius est interdicto agere, quam actione uti. Nam (uti scribit Caius in l. 24. D. de rei uindic.) is qui destinauit rem petere, animaduertere debet, an aliquo interdicto possit nancisci possessionem: quia longe commodius est ipsum possidere, & aduersarium ad onus petitoris compellere, quam alio possidente petere. Sed iam hæc de re satis dictum sit. Nunc illud scire oportet, præcisa quadam loquendi consuetudine factum esse, ut uulgo interdicare usurpetur pro interdicto uti, certare, contendere. Iulianus l. 6. D. ne quid in loco publico. Ei qui hoc interdicto experitur ne quid in loco publico interdicat, nihilominus procuratoris dandi facultas est. Ulpianus l. 3. §. 5. D. uti possid. Laabeo quoque scribit, ex adibus meis in aedes tuas proiectum habeo. Interdicens tecum, si eum locum possideamus qui proiecto tegetur, an quo facilius possim retinere possessionem eius possessionis interdico tecum, sicuti nunc possidetis aedes eas, &c. Item in l. 1. §. 22. D. de acquir. quot & est. Item l. 3. §. 4. D. quod ui aut clam. & alijs locis innumeris. Fabius lib. 3. cap. 6. Non debuisti interdicere, sed petere: An recte interdictum sit ambigitur: id est, Non debuisti interdicto uti, sed actione. an recte ad eum sit interdicto ambigitur.

**ACTIONIBVS QVÆ PRO HIS EXERCENTVR.)** Enunciatio I. Interdictorum loco quædam actiones Iustiniani tempore exercebantur. Quod idem infra, §. postremo inculcatur.

**FORMÆ ATQVE CONCEPTIONES VERBORVM.)** Sequitur II. Interdicta certis uerborum formulis constabant. Id quod ex singulis fere capitibus libri Pandectarum 43. cuius licet animaduertere. Neque uero hoc mirum est, cum satis constet, quicquid in iudicijs ageretur, id certis conceptisque formulis agi solitum fuisse. Sed quæri potest, quorsum attinebat in definiendo uerbo istud addi, quod ad rei naturam explicandam nihil omnino, uel certe minimum pertinebat? Videamus ergo, an propinquius repeti genus possit si dicamus Interdictum esse decretum Prætoris. quoniam (ut superius docuimus) Decretum generale nomen est earum rerum omnium, quas Prætor pro imperio & potestate constituerebat.

**AVT IVEBAT FIERI, AVT PROHIBEBAT.)** Sequitur III. Interdictorum partim ad iubendum, partim ad prohibendum pertinebant. l. 1. D. eod. Sed hæc de re posterius paulo commodius explicabitur.

**DE POSSESSIONE, AVT QVASI POSSESSIONE.)** Sequitur IIII. Interdictorum usus ad possessionis & quasi possessionis causas maxime pertinebat. Possideri autem dicuntur res corporales. l. 3. D. de acq. poss. In corporales enim proprie possideri dici non possunt, cum sedere in ijs non possimus. itaque quasi possessio earum dici solet. Causa autem cur ad causas possessionum interdicta maxime pertineant, hæc uidetur esse: quia tametsi de rebus tum diuinis, tum publicis etiam interponerentur, tamen frequentius & crebrius de possessione iurgia nascuntur quam de alijs. Cum igitur urbane Prætoris officium sit uidere, ne in pacata & libera ciuitate uis fiat: recte & ordine statuit ipse his in rebus suas partes interponere: cum in causis proprietatis, ubi de possessore iam constat, sine periculo delegari ad priuatos iudices negotium & cognitio possit.

**C** Summa interdictorum diuisio, quæ tripartita est, ut uel prohibitoria, uel restitutoria, uel exhibitoria sint: tamen si prima proprie hoc nomine, reliqua generali uerbo Decreta appellentur. l. j. D. eod.

**II.** Summa autem diuisio interdictorum hæc est, quod aut prohibitoria sunt, aut restitutoria, aut exhibitoria. Prohibitoria sunt, quibus Prætor uetat aliquid fieri: ueluti uim sine uitio possidenti, uel mortuum inferendi: uel in sacro loco edificari, uel in flumine publico ripæ eius aliquid fieri, quo peius nauigetur. Restitutoria sunt, quibus restitui aliquid iubet: ueluti bonorum possessori, possessionem eorum quæ quis pro hærede, aut pro possessore possidet ex ea hereditate: aut cum iubet ei qui ui de possessione fundi deiectus sit, restitui possessionem. Exhibitoria sunt, per quæ iubet exhiberi: ueluti eum cuius de libertate agitur: aut libertum, cui patronus operas indicare uelit: aut paræti liberos, qui in potestate eius sunt. Sunt tamen qui putent, proprie interdicta ea uocari, quæ prohibitoria sunt, quia interdicare est denunciare & prohibere: restitutoria autem & exhibitoria, proprie decreta uocari. Sed tamen obtinuit, omnia interdicta appellari, quia inter duos dicuntur.

**HÆC EST, QVOD AVT PROHIBITORIA.)** Enunciatio I. Summa interdictorum diuisio tripartita est: ut uel prohibendi, uel restituendi, uel exhibendi causa interponantur. l. 1. §. 1. D. de interdic. ubi Vlp. hoc amplius adiecit, nonnulla etiam mixta esse, quæ & prohibitoria sunt, & exhibitoria. Sed mirum est, hanc primo loco diuisionem tradidit, quæ rei naturæ & substantiæ non attingit, sed eius accidentia duntaxat, nimirum uerborum formam. Videamus ergo, ne multo melius Vlp. fecerit, qui in d. l. 1. interdicta sic diuisit: alia de reb. diuinis, alia de publicis, alia de possessionibus. interponerentur.

Hæc enim



Hac enim diuisione Interdictorum materia & uis præclare traditur, ut qua in re illa uersentur, & qua de causa instituta sint, intelligere possimus. Præterea disputari subtiliter sic posset, hanc diuisionem non tripartitam, sed bipartitam esse, quoniam (ut proxime dicebamus) Interdictorum alia prohibendi, alia iubendi causa comparata sunt. Iubetur autem aut restitui quid, aut exhiberi.

**PROHIBITORIA SVNT, QVIBVS.)** Sequitur II. Prohibitorijs interdictis Prætor tum utitur, cum quid fieri uetat. Itaq; in Interdictorum formulis eam uocem usurpari sæpe uidemus, qua Tribuniplex. in intercedendo utebatur, **VE TO.** ueluti, **VTI** possidetis, quo minus ita possideatis, uim fieri ueto. Quamquam intelligendum est, quædam non uerbo, sed re ac sententia esse prohibitoria, cuiusmodi illud est in l. 1. D. ne uis fiat ei, &c. Si quis dolo malo fecerit, quo minus, &c. in possessione sit, in eum iudicium dabo.

**VIM SINE VITIO POSSIDENDI.)** Significat interdictum Vti possidetis, de quo postea planius explicabit. Sine uitio autem hoc significat, Nec ui, nec clam, nec precario.

**MORTVVM INFERENTI.)** Significat interdictum De mortuo inferendo, quod in aliorum ordinem sub lib. 43. non refertur: sed in fine lib. 11. his uerbis: **Quo** quæue illi mortuum inferre inuito te ius est, quo minus illi eò eadue mortuum inferre, & ibi sepelire liceat, uim fieri ueto.

**IN LOCO SACRO AEDIFICARI.)** De quo in l. & pass. D. ne quid in loc. sac.

**IN FLVMINE PVBLICO.)** De quo sub tit. de fluminibus.

**RESTITVTORIA SVNT, QVIBVS RESTITVI.)** Sequitur III. Restitutoria interdicta, cum quid restitui Prætor iubet, interponuntur. d. l. 1. Qua de causa ita semper concepta sunt, ut uerbum **RESTITVAS** addatur. ueluti, **Quod** precario ab illo habes, id ei restituas. Intelligendum est autem, Restituendi uerbum duas ad res pertinere. aut enim res restitui iubetur, aut opus. Res, uelut in ijs quorum exemplum hoc loco Iustinianus profert: Opus, uelut in illo De fluminibus. **Quod** in flumine publico ripæ eius factum habes, restituas. l. 1. in fi. D. eod. ubi Vlp. accircò aut hoc interdictum esse restitutorium. iuberi enim eum qui quid factum uel immisum habet, restituere quod habet.

**VELVTI BONORVM POSSESSORI.)** Significat interdictum Quorum bonorum, de quo proximo §. copiosius explicabit.

**QVI VI DE POSSESSIONE.)** Apparet significari interdictum Vnde ui, cui explicando alius postea locus aptior destinatus est.

**EXHIBITORIA SVNT.)** Sequitur IIII. Exhibitoria interdicta, cum quid Prætor exhiberi iubet, usurpantur. d. l. 1. eodem. Quapropter illud uerbum addi solet **EXHIBEAS.** ueluti, **Quem** liberum dolo malo retines, exhibeas. Sed hoc loco quæstio exoritur, quid inter Actiones ad exhibendum & Interdicta exhibitoria interfit. Et respondemus hoc interesse, primum quod illæ rei priuatae sunt, & quod cuiusq; priuatim interest persequuntur: Interdicta uero ad homines liberos, eorumq; statum pertinent. Itaq; Caius in l. si liber. 13. D. ad exhib. Si liber homo, inquit, detineri ab aliquo dicatur, Interdictum aduersus eum qui detinere dicitur, de exhibendo eo potest quis habere: nam ad exhibendum actio ad eam rem inuoluitur: quia hæc actio ei creditur competere, cuius peculiariter interest. Itaq; non aduersatur l. de eo. 12. D. eodem. ubi Paulus ait, de eo exhibendo quem quis in libertatem uindicare uelit, huic actioni locum esse posse. hoc enim in fauorem libertatis contra iuris regulas Paulo uideri existimare possumus. Intelligendum est tamen, interdictum unum exhibitorium reperiri, quod ad causam rei priuatae pertineat: nimirum de tabulis exhibendis. nisi forte (quia publicè interest testamenta proferri, qua de causa publicum iudicium lege Cornelia testamentaria comparatum est) dici possit hoc quoque, non tam priuata, quam publicæ rei esse. Vtunque sit, Vlpianus in l. 3. §. 6. D. ad exhib. scribit: Si quis extra heredem tabulas testamenti, uel codicillos, uel quid aliud ad testamentum pertinens exhiberi uelit, per hanc actionem agendum non esse: sed per interdicta in hanc rem competentia. Secunda differentia hæc est, quod actiones ad exhibendum competunt ijs, qui de rei proprietate acturi sunt. l. 1. & l. 3. §. 2. eod. Interdicta uero non ad proprietatis, sed ad possessionis controuersias pertinent.

**DE CUIVS LIBERTATE AGITVR.)** Significatur interdictum de homine libero exhibendo, quod tum erat necessarium cum liberalis causa instituenda erat, & uindiciæ secundum libertatem dandæ.

**AVT LIBERTVM CUI PATRONVS.)** Quam ad rem idem interdictum comparatum est.

**AVT PARENTI LIBEROS.)** Cuius rei causa illud interdictum institutum est, de quo tractatur sub tit. De liberis exhib.

**PROPRIE INTERDICTA EA VOCARI.)** Sequitur V. Interdicta ea demum proprie uidentur, quæ prohibitoria sunt. Qua de re superius disputauimus.

**SED TAMEN OBTINVT OMNIA INTERDICTA APPELLARI.)** Sequitur VI. Omnia decreta quæ inter duos dicuntur, communi consuetudine Interdicta nominantur. Quod tamen absurdè dici iam pridem docuimus: quid enim si plures quam duo litigant? Quare uel INTER DVO corrigendum dicebamus: ut hoc Prætoris decretum & iudicium quod ex sponsione sequetur intelligamus: uel INTERDICVNTVR uno uerbo, ut sensus hic esset, Quia omnia interdicuntur, id est, in omnibus interdicuntur, in omnibus interdicto agitur, non minus quam in prohibitorijs omnia per aduersarios interdicuntur.

Secunda interdictorum diuisio tripartita, ut uel adipiscendæ, uel retinendæ, uel recuperandæ possessioni dentur: & de interdicto Quorum bonorum. l. ij. eod. & l. j. Quor. bon.

III. Sequens diuisio interdictorum hæc est: quod quædam adipiscendæ possessionis causa comparata sunt, quædam retinendæ, quædam recuperandæ. Adipiscendæ possessionis causa interdictum accommodatur bonorum possessori, quod appellatur, **QVORVM BONORVM,** eiusq;



**A** eiusque uis & potestas hæc est: ut quod ex ijs bonis quisque, quorum possessio alicui data est, pro hærede aut pro possessore possideat: id ei cui bonorum possessio data est, restituere debeat. Pro hærede autem possidere uidetur, qui putat se hæredem esse. Pro possessore is possidet, qui nullo iure rem hæreditariam, uel etiam totam hereditatem, sciens ad se non pertinere, possidet. Ideo autem adipiscendæ possessionis uocatur interdictum: quia ei tantum utile est, qui nunc primum conatur adipisci rei possessionem. Itaque si quis adeptus possessionem, amiserit eam: hoc interdictum ei inutile est.

QVAEDAM ADIPISCENDÆ POSSESSIONIS CAUSSA.) Enunciatio I. Interdicta de possessione uel adipiscendæ, uel retinendæ, uel recuperandæ illius causæ interponuntur. l. 2. §. hæc autem. D. eodem. unde intelligimus, hanc potius subdiuisionem esse, quam diuisionem. nam cum interdictorum alia ad res diuinas, alia ad publicas, alia ad possessionem pertinenti hæc postrema uel acquirendæ, uel defendendæ, uel repetendæ illius causæ proponuntur. neque quicquam in rerum natura quartum reperiri potest. tamen si quædam mixta sunt, ut posterius exponetur. Neque uero nobis aduersatur quod Vlpianus in l. 1. §. 2. D. uti possid. scribit, Pedium dicere omnem de possessione controuersiam aut eò pertinere, ut quod non possidemus, nobis restituantur: aut ad hoc, ut retinere nobis liceat, quod possidemus. non enim propterea bipartitam diuisionem facit: quia Restituendi uerbo etiam eam possessionem complectitur, quæ nunc primum acquiritur.

ACCOMMODATVR BONORVM POSSESSORI.) Sequitur II. Interdictum quorum bonorum adipiscendæ possessionis causâ comparatum est. d. l. 2. ubi Paulus ait, adipiscendæ possessionis interdicta esse, quæ competunt his qui ante non sunt nacti possessionem.

**B** QVOD EX IIS BONIS QVISQVE.) Sequitur III. Cui bonorum possessio data est, per hoc interdictum eam possessionem adipiscitur. l. 1. D. quor. bon. unde intelligitur, tres huiusce negotij gradus esse. Nam & in edicto Prætor possessionem pollicetur, & ex edicto eam pro tribunali dare solet: & postremo si ea penes alterum est, iubet eam restituere. quod cum ita sit, patet bonorum possessionem à Prætore datam non facti esse, sed iuris: id est, Prætorem dantem ex edicto bonorum possessionem, non reuera, & ut uulgus loquitur, de facto eam tradere: sed ius duntaxat & auctoritatem ac potestatem obtinendi. At hoc interdicto res ipsas tradi, quod planissime confirmatur in l. 1. C. quorum bonorum. Notandum præterea est, quod Vlp. ibidem tradit, hoc interdictum non ad singulas res, sed ad bonorum uniuersitatem pertinere.

PRO HÆREDE AVTEM POSSIDERE.) Sequitur IIII. Pro hærede possidere dicitur, qui se putat hæredem esse. l. pro hærede. 11. D. de hæred. petit. hoc est, qui iustam & legitimam existimandi causam habet. ut l. non solum. 33. §. 1. D. de usurpat.

PRO POSSESSORE AVTEM.) Sequitur V. Pro possessore possidere dicitur, qui sciens nullo iure rem possidet. d. l. pro hærede. ubi Vlp. ait, eum esse qui interrogatus cur possideret, responsurus sit, quia possideo: nec contendet se hæredem uel per mendacium, nec nullam causam possessionis possit dicere.

INTERDICTVM EI INVTILE EST.) Sequitur VI. Quorum bonorum interdictum ei qui possessionem semel adeptus fuerit, non datur. d. l. 1.

*Interdictum Saluianum comparatum est adipiscendæ possessioni earum rerum,  
quas colonus pro mercede fundi oppigneratas possidet.  
l. j. D. de interdict. Sal.*

**C** IIII. Interdictum quoque quod appellatur Saluianum, adipiscendæ possessionis causâ comparatum est: eoque utitur dominus fundi de rebus coloni, quas sibi pro mercedibus fundi pignori futurus pepigisset.

ADIPISCENDÆ POSSESSIONIS CAUSSA.) Enunciatio I. Interdictum Saluianum adipiscendæ possessionis causâ comparatum est. l. 2. D. eod. & l. 1. D. de Sal. interd. ex quo intelligi potest, rerum oppigneratarum possessionem nunquam à colono traditam fundi domino fuisse.

DE REBUS COLONI QVAS SIBI PRO MERCEDIBVS.) Sequitur II. Saluianum interdictum ad res à colono pro fundi mercede oppigneratas accommodatum est. d. l. 1. D. de Sal. interd. & l. 1. C. de precar. Unde intelligitur, hoc interdictum aduersus solum colonum possessorem dari, quasi his conceptum uerbis fuisse: QVOD TV ILLI MERCEDIS CAUSSA OPPIGNERASTI, QVA DE RE AGITVR, ID ILLI RESTITVAS. Quod certe iure optimo à Prætore institutum est, ut quod creditoribus oppigneratum esset, eius rei si à debitore fraudaretur, illi possessio decerneretur. Itaque recte etiam Iurisperiti statuerunt, ut quamuis hoc interdictum ob res coloni institutum esset, utilitatis tamen causâ etiam ob alias res à quibusuis oppigneratas concederetur. Sed questio exoritur hoc loco, quæ obscura uideri solet, quomodo eiusdem rei nomine & Interdictum & Actio comparata sint. nam actionem Seruianam ad possessionem rerum à colonis obligatarum adipiscendam pertinere, superius didicimus sub tit. De actionibus. §. item Seruiana. Respondendum igitur, interdictum aduersus ipsum duntaxat colonum institutum esse. quod perspicue traditur in d. l. 1. C. de precar. actionem autem non aduersus colonum (tamen si postulari etiam aduersus eum possit, sed imperite: uti patet ex l. is qui destinauit. 24. D. de rei uindic.) uerum aduersus alios paratam esse: in quos coloni res suas abalienarunt. l. 2. C. si unus ex hæred. & l. Paulus. 12. D. quibus mod. pign. Cuius rei ratio, meo iudicio, nequaquam obscura est. Favourabilior enim domini causam esse, cum colono agentis quam cum extraneis, nemo non uidet: quippe cum ille contraxerit, & res oppigneratas possideat: hi nihil cū domino negotij gesserint, & (ut credi par est) ignorantes oppigneratas eas res fuisse, eas emerint. Causam igitur inter dominum & colonum Prætor ipse suscepit. & quia æquius esse uidet, earum rerum possessionem penes dominum quam penes colonum esse, interdictum in eam sententiam interponit. At cum ad extraneum res peruenit,

○ nihil



nihil causæ est, quamobrem non æquius sit, apud eum qui sine ullo dolo rem emit, tantisper possessionem esse, quam apud creditorem: dum iudicium constitutum exerceatur. Quare quid inter Saluiantum interdictum, & actionem Seruiantam intersit, non difficile dictu est. Illud aduersus colonum possessorem, hæc aduersus alios qui rem acquisierunt datur. Illud de sola possessione interponitur, in hac etiam de rei proprietate agitur uti suo loco demonstratum est. Illud ad rerum uniuersarum, hæc etiam ad singularum possessionem pertinet.

*Interdicta uti possidetis, & utrubi, retinendæ possessionis causa comparata sunt:  
ut materia contentionum quæ propter possessionis commodum  
aut proprietatis litem nascuntur, tollatur. l. j.  
& pass. D. uti poss. & utrubi.*

V. Retinendæ possessionis causa comparata sunt interdicta, VTI POSSIDETIS, & VTRUBI: cum ab utraq; parte de proprietate alicuius rei controuersia sit: & antè quærat, uter ex litigatoribus possidere, & uter petere debeat. Namque nisi antè exploratum fuerit, utrius eorum possessio sit, non potest petitoria actio institui: quia & ciuilibus & naturalis ratio facit, ut alius possideat, & alius à possidente petat. Et quia longè commodius est, possidere potius quam petere: ideo plerunque & ferè semper ingens existit contentio de ipsa possessione. Commodum autem possidendi in eo est, quod etiam si eius res non sit, qui possidet, si modò actor non potuerit suam esse probare: remanet in suo loco possessio. propter quam causam, cum obscura sunt utriusque iura, contra petitorem iudicari solet. Sed interdicto quidem VTI POSSIDETIS, de fundi uel ædium possessione contenditur: VTRUBI uerò interdicto, de rerum mobilium possessione.

INTERDICTA VTI POSSIDETIS.) Enunciatio I. Interdicta Vti possidetis & Utrubi retinendæ possessionis causa comparata sunt. l. 2. D. de interd. item l. 1. D. uti possid. ubi Vlpian. ait, Interdictum uti possidetis esse prohibitum ad retinendam possessionem. nam huius rei causa reddi, ne uis fiat ei qui possidet. Retinendæ autem possessionis gratia interdicta comparata dicuntur, per quæ eam possessionem quam iam habemus, retinere uolumus: uti scribit Paulus libro Sentent. 5. cap. 6. Sed rem esse talem oportet, ut possideri possit. ut in d. l. 1. §. pen. uel etiam quasi possideri. nam etiam ob res incorporales hoc interdictum dari, constat ex l. ult. D. eod. Itaq; cum de fumo immittendo ageretur, responsum est hoc interdicto uti licere. l. sicut. s. §. Aristot. D. si seruit. uindic. Vtrum autem naturalis an ciuilibus possessio sit, nihil interest. quia de causâ etiam fructuarijs & usurarijs hoc interdictum datur. d. l. ult. eod. Sed tamen uidendum est, ut reuera possideant, non ut teneant tantum. nam creditoribus in possessionem missis dari non solet. l. si duo. 3. §. creditores. eod.

DE PROPRIETATE ALICUIUS REI.) Sequitur II. Hæc interdicta cum de proprietate lis instituitur, & queritur uter possidere debeat, interponi solent. d. l. 1. §. 2. ubi Vlp. ait, si inter litigatores contendatur, uter possideat, quia alteruter se magis possidere affirmat, tum ad hoc interdictum remittendus esse. Eodemq; locus ille Festi Pompeij pertinet, quem emendatum subscribemus. Possessio est (uti definit Gallus Aelius) usus possidendi agri, aut ædificij, non ipse fundus aut ager. non enim possessio est rebus quæ tangi possunt: sed qui dicit possideri res, is uere potest dicere. Itaq; in legitimis actionibus nemo ex ijs qui litigant, possessionem suam uocare audeat: sed ad interdictum uenit, ut Prætor his uerbis utatur: Vti nunc possidetis eum fundum quo de agitur, quod nec ui, nec clam, nec precario alter ab altero possidetis, ita possideatis, aduersus ea uim fieri ueto.

NON POTEST PETITORIA ACTIO.) Sequitur III. Actio in rem prius institui, quam certus possessor sit, non potest. l. ordinarij. 13. C. de rei uindic. l. 3. C. de interd. l. si quis. C. si. regund. l. exitus. D. de acq. poss. Itaq; Vlp. in l. 1. §. 5. D. uti possid. scribit, actionem nunquam possessori dari, quippe cum ei sufficiat quod possideat. Prius autem esse oportet eum unde petatur, quam quis petitionem suam instituat. Nam (ut idem scribit in l. 62. D. de interd.) inter litigantes non aliter lis expediri potest, quam si alter petitor, alter possessor sit: esse enim debet qui onera petitoris sustineat, & qui commodum possessoris fungatur.

UT ALIUS POSSIDEAT.) Sequitur IIII. In actione in rem unum petitem, alterum possessorem constitui oportet. dicta lege inter litigantes, nam actio in rem est, qua quis rem suam alterius possessione in dominium suum uindicat.

LONGE COMMODIUS EST POSSIDERE.) Sequitur V. Possessoris multo melior quam petitoris conditio est. l. is qui destinauit. 25. D. de rei uindic.

ETIAMSI EIUS RES NON SIT.) Sequitur VI. Res apud possessorem, quamuis domini non sit, nisi actor suam esse probarit, relinquatur. l. ult. C. de rei uindic. ubi Impp. aiunt, eum qui res alienas possidet, licet iustam tenendi causam nullam habeat, non nisi suam intentionem implenti restituere compelli. quod idem traditur in l. 2. & l. frustra. 8. C. de probat. l. negantes. 9. C. de oblig. & act. l. siquidem. 9. C. de except.

CVM OBSCURA SVNT.) Sequitur VII. In obscura causa secundum possessorem lis datur. d. l. 3. C. de probat.

DE FVNDI VEL AEDIVM.) Sequitur VIII. Interdictum Vti possidetis ad res immobiles, Utrubi ad mobiles olim pertinebat. l. 1. D. uti possid. & l. 1. D. utrubi. Itaq; sic illa interdicta concepta sunt, ut in priori adscriptum sit VTI POSSIDETIS, in altero VTRUBI

RBS FVIT. quasi possideri proprie res immobiles dicerentur, mobiles uerò esse apud aliquem.

Interdicta



*Interdicto Vti possidetis olim uincebat, qui interdicti tempore sine uitio ab aduersario solo possidebat: Vtrubi uero, qui maiore anni parte. at nunc qui litis contestata tempore sic possidet, utroque uincit.*  
*l. j. uti poss. & l. j. utrub.*

**VI. Quorum uis ac potestas plurimam inter se differentiam apud ueteres habebat. Nam VTI POSSIDETIS** interdicto is uincebat, qui interdicti tempore possidebat: si modo nec ui, nec clam, nec precario nactus fuerat ab aduersario possessionem: etiam si alium ui expulerat, aut clam arripuerat alienam possessionem, aut precario rogauerat aliquem, ut sibi possidere liceret. **VTRUBI** uero interdicto is uincebat, qui maiore parte eius anni, nec ui, nec clam, nec precario ab aduersario possidebat. Hodie tamen aliter obseruatur. Nam utriusque interdicti potestas (quantum ad possessionem pertinet) ex æquata est: ut ille uincat, & in re soli, & in re mobili, qui possessionem nec ui, nec clam, nec precario ab aduersario litis contestationis tempore detinet.

**QVI INTERDICTI TEMPORE.)** Enunciatio I. Vti possidetis interdicto uincebat olim, qui rem nec ui, nec clam, nec precario ab aduersario possidebat. l. i. C. uti possid. & l. i. & pass. D. eod. Vi autem ab aduersario possidere dicitur, qui non sinit possidentem, eo quod possidebat, uti arbitrio suo, siue inferendo, siue fodiendo, siue arando, siue quid ædificando, siue quid omnino faciendo, per quod liberam aduersarii possessionem non relinquat. l. uim facit. ii. D. unde ui, & de ui arm. Clam autem possidet, qui celauit aduersarium, neque ei denunciavit. l. 3. §. ult. D. quod ui aut.

**B ETIAM SI ALIUM.)** Sequitur II. In hoc interdicto ui, clam, precario ab alio quam aduersario possidere, nihil nocebat. l. i. in fin. D. eod. ubi Vlp. ait, uerba hæc edicti, **ALTER AB ALTERO POSSIDETIS**, eo pertinerent, ut si quis possidet ui, aut clam, aut precario: siquidem ab alio, profit ei possessio: si uero ab aduersario suo, non debeat cum propter hoc quod ab eo possidet, uincere. has enim possessiones non proficere. Iusta enim an iniusta aduersus ceteros possessio sit, in hoc interdicto nihil referre. qualiscunque enim possessor, hoc ipso quod possessor est, plus iuris habet, quam ille qui non possidet. Itaque si usufructuarius qui naturalem possessionem habet, deiciatur ab alio qui se fructuarium contendebat, uel clam illi alius ingrediatur, aut precario accipiat, poterit quidem fructuarius propter ademptam sibi possessionem hoc interdicto aduersus deiectorem uti: proprietarius uero, cui nihil ademptum est, non poterit.

**QVI MAIORE PARTE ANNI.)** Sequitur III. Interdicto Vtrubi uincebat olim, qui maiore anni parte ui, clam, precario ab aduersario possederat. l. i. D. Vtrubi. Maiore autem anni parte possedisse quis dicitur, etiam si duobus mensibus possederit: si modo aduersarius eius aut paucioribus diebus, aut nullis possederit. l. maiore. 156. D. de uerb. signifi.

**VTI ILLE VINCAT.)** Sequitur IIII. Hoc tempore utroque hoc interdicto uincit, qui litis contestata tempore ab aduersario sine uitio possidet. d. l. i. D. Vtrub. unde hic locus descriptus est.

*Possidere dicitur non modo is, cuius nomine alius, quamuis eius iuri non subiectus, possidet: sed & qui solo animo possessionem retinet. nam solo animo retineri, non etiam acquiri possessio potest. l. iij. v. j. ix. D. de acqu. poss.*

**C VII. Possidere autem uidetur quisque, non solum si ipse possideat, sed & si eius nomine alius in possessione sit, licet is eius iuri subiectus non sit, qualis est colonus & inquilinus. Per eos quoque, apud quos deposuerit quis, aut quibus commodauerit, ipse possidere uidetur. Et hoc est quod dicitur, retinere possessionem posse aliquem per quemlibet, qui eius nomine sit in possessione. Quinetiam animo quoque solo retineri possessionem placet: id est, ut quamuis neque ipse sit in possessione, neque eius nomine alius: tamen si non relinquenda possessionis animo, sed postea reuersurus inde discesserit, retinere possessionem uideatur. Adipisci uero possessionem, per quoslibet quis potest, secundo libro exposuimus. Nec ulla dubitatio est, quin animo solo adipisci possessionem nemo possit.**

**SED ET SI EIVS NOMINE.)** Enunciatio I. Possidere dicitur etiam is, cuius nomine alius, quamuis eius iuri non subiectus, possidet. l. generaliter. 9. D. de acquir. possess. nam cum Paulus l. i. D. eodem, scripsisset, acquiri possessionem per nosmetipsos, item per seruum, & filium qui in mea potestate sit: tum Caius ibi statuit generaliter, quisquis omnino nostro nomine sit in possessione, ueluti procurator, hospes, amicus, nos possidere uideri. quod idem Celsus confirmat in l. quod meo. 18. eodem. ubi ait, possidere eum cuius nomine possidetur: & procuratorem alienae possessioni ministerium prestare.

**PER EOS QVOQUE APUD QVOS.)** Sequitur II. Possidere etiam per depositarium & commodatarium possumus. l. qui uniuersus. 30. D. de acqu. poss. quod idem de fructuario, & colono, & inquilino Vlp. scribit in l. 6. §. i. D. de precar. Nam, (ut ait Alexander in l. i. C. comm. de usuris.) Qui ex conducto possidet, quamuis corporaliter teneat, non tamen sibi, sed domino rei creditur possidere. Differentia igitur hæc erit, quod Dominus pro suo iure, colonus, pro alieno: ille tanquam dominus, hic tanquam uicarius: ille pro sua potestate, et in omne tempus, hic fiduciaria opera & ad tempus possidet.

**RETINERE POSSESSIONEM.)** Sequitur III. Retinere possessionem per quemlibet, qui nostro nomine in possessione sit, possumus. d. l. generaliter. D. eod.

**SOLO QVOQUE ANIMO.)** Sequitur IIII. Possessio etiam solo animo retineri potest. l. 4. C. de acqu. poss. ubi Impp.



ubi Imp. scribunt, licet possessio nudo animo acquiri non possit, tamen solo animo retineri posse. Itaq; Vlp. in l. clam. 6. §. 1. A  
D. eod. Qui ad nundinas, inquit, profectus neminem reliquerit, usq; eo possessionem retinet, ut si dum ille a nundinis redit, alius  
quis occupauerit possessionem, clam possidere uideatur.

ID EST, VT QVAMVIS IPSE.) Sequitur V. Animo possessionem retinere, est sic discedere, ut reuertens  
di animus adsit. l. 3. §. 5. & l. clam. 6. §. ult. D. eod. Est enim animo possidere, ea mente & cogitatione esse, ut possessio retineas-  
tur, quamvis corpus absit. Similiterq; Cicero Philippica 12. dixit, Lentonem Cesonium cum senatu nec animo esse, nec corpora-  
re: quia nec praesens aderat, nec animo cum senatu coniunctus erat. Hinc Vlp. in l. 1. §. quod uulgo. D. de ui & ui arm. scribit,  
uulgo dici solere, astutorum hybernorumq; saltuum nos possessiones animo retinere. nam ex omnibus praedijs, ex quibus non  
hac mente recedemus, ut omisisse possessionem uellemus, idem esse.

QVIN ANIMO SOLO.) Sequitur VI. Possessio acquiri animo solo non potest. l. 3. D. eod. ubi Paulus ait, ac-  
quiri possessionem & animo & corpore: neq; per se animo, aut per se corpore. Cuius rei ratio ex leg. 1. intelligitur. ubi idem  
scribit, dominium rerum quod ex possessione nascitur, originem ex ueteri uacua occupandi consuetudine manasse. Itaq; idem  
in l. 8. illo tit. Quemadmodum, inquit, nulla possessio acquiri, nisi animo & corpore potest: ita nulla amittitur, nisi in qua us-  
trunq; in contrarium actum est.

*Interdictum unde ui, ei qui a fundo deiectus est, quamuis a deiectore ui, clam, precario  
possideret, possessorem restituit. l. j. & pass. D. unde ui.*

VIII. Recuperandae possessionis causa solet interdici, si quis ex possessione fundi uel aedium  
ui deiectus fuerit. Nam ei proponitur interdictum VNDE VI, per quod is qui deiecit, cogitur B  
ei restituere possessionem: licet is ab eo qui ui deiecit, ui uel clam uel precario possideat.

SI QVIS EX POSSESSIONE FVNDI.) Enunciatio I. Propter deiectionem ex fundo recuperandae  
possessionis causa interdici solet. l. 1. D. de ui & ui arm. ubi Vlp. ait, Interdictum unde ui ad recuperandam possessionem insti-  
tutum esse: & non ad omnem uim pertinere, sed ad eam solam quae atrox est, & ad eos tantum qui de solo deiciuntur. itaque  
de rebus mobilibus non dari: cum ex ea causa furti uel ui bonorum ptorum actio competat. Deici autem eum qui possidet,  
siue ciuilitur, siue naturaliter possideat. nam & naturalem possessionem ad hoc interdictum pertinere. Rursus nihil interesse,  
utrum is qui deiectus est, corpore an animo possidebat. iccircoq; si quis de agro suo, uel de domo processisset, nemine suorum  
relieto: mox reuertens prohibitus sit ingredi uel ipsum praedium: uel si quis eum in medio itinere detinuerit, & ipse possede-  
rit, ui deiectus uideatur: ademptam enim ei possessionem quam animo retinebat, licet non corpore. Atq; haec quidem hacten-  
us. Iam uero illud sciendum est, quod & Vlp. passim in d. l. 1. sed praesertim in §. ex interdicto, & Cicero in oratione pro Ca-  
cina demonstrant, uim in hoc interdicto duplicem esse, quotidianam & armatam. Quotidiana uocabatur olim ea, quae & mo-  
ribus fieri dicebatur, & a Gellio Festuaria nominatur, propter eas causas, quas in eius orat. commentarijs exposui. postea  
uero sublati illis formulis & ritibus, Quotidiana dicta est in Pandectis, cum quis sine coactis armatisue hominibus de posse-  
sione deiectus est. Dupliciter (inquit Cicero) homines deiciuntur, aut sine coactis armatisue hominibus, aut per eiusmodi ra-  
tionem ac uim. ad duas dissimiles res duo deuincta Interdicta sunt. in illa ui quotidiana non satis est posse docere, se deiectum:  
nisi ostendere possit, cum possideret, tum deiectum. ne id quidem satis est, nisi docet ita se possedisse, ut nec ui, nec clam, nec pre-  
cario possederit. Haec Cic. At qui ui armata deiectus est, sine ulla exceptione simpliciter restitui iubetur: ut illud non uno in  
loco demonstrat: VNDE TV VI ILLVM DEIECISTI, EO ILLVM RESTITVAS. cum in ui  
quotidiana interdictum ita concipitur: VNDE TV VI ILLVM DEIECISTI, CVM ABS TE  
NEC VI, NEC CLAM, NEC PRECARIO POSSIDERET, EO ILLVM RESTITVAS.  
Vlp. quoq; utranq; uim sic perspicue distinguit. Ex interdicto unde ui etiam is qui non possidet, restituere cogitur. Interdictum C  
hoc quia atrocitatem facinoris in se habet, quae situm est, an liberto in patronum, uel liberis aduersus parentes competit. Et ue-  
rius est, nec liberto in patronum, nec in parentes liberis dandum esse. aliter atq; si ui armata usus sit aduersus liberum patro-  
nis, uel aduersus liberos parens, nam hic interdictum competit.

PROPONITVR INTERDICTVM VNDE VI.) Sequitur II. Interdictum unde ui, eum qui deiecit,  
restituere possessionem cogit. d. l. 1. §. 6. ubi Vlpian. ait, deiecis- se etiam uideri eum, qui mandauit, uel iussit, ut aliquis deieceretur.  
parui enim referre, suis manibus quis deiciat, an uero per alium.

LICET IS AB EO.) Sequitur III. Interdictum unde ui etiam ei qui ui, clam, aut precario possidebat, posse-  
sionem restituit. l. sed si ui. 14. D. eod. ubi Pompon. ait, eum qui ui armata deiectus est, ipsum fundum recipere, etiam si ui, aut  
clam, aut precario eum possideret. Et profecto ita est, ut hic locus de sola ui armata intelligi debeat. nam (uti superius ex Cice-  
rone docuimus) in ui quotidiana exceptio ascribi solebat CVM NEC VI, nec clam, nec precario a te possideret. Quod  
a Iustiano praetermissum esse ualde miror.

*Qui ui rem eripit, si suam, eius dominio multatur: si alienam, & eam & alterum tan-  
tum restituit. at qui ui alterum de possessione deiecit, lege Iulia de ui,  
si sine armis id fecit, priuata: si cum armis, publica  
obligatur. l. vij. C. unde ui.*

IX. Sed ex constitutionibus sacris (ut supra diximus) si quis rem per uim occupauerit, si qui-  
dem in bonis eius est, dominio eius priuatur: si aliena, post eius restitutionem etiam aestimatio-  
nem rei dare uim passo compellitur. Qui autem aliquem de possessione per uim deiecerit: tenetur  
lege Iu-



**A** lege Iulia de ui priuata, aut de ui publica. sed de ui priuata, si sine armis uim fecerit: sin autem cum armis eum de possessione ui expulerit, de ui publica. Armorum autem appellatione non solum scuta, & gladios, & galeas significari intelligimus: sed & fustes, & lapides.

REM PER VIM OCCUPAVERIT.) Enunciatio I. Qui ui rem suam rapuit, dominio eius cadit: qui alie nam, & ipsam & alterum tantum restituit. l. si quis in tantam. 7. C. unde ui. ubi hoc ab Impp. Valentino, Theodosiano, & Arcadio de possessionibus & rebus soli nominatim constitutum est.

TENETUR LEGE IULIA.) Sequitur II. Qui ui de possessione quempiam deiecit, lege Iulia de ui tenetur. l. 1. D. unde ui. ubi Vlp. ait, ne quid per uim admittatur etiam legibus Iulij prospectum esse publicorum & priuatorum: id est, de ui publica & priuata. sic enim idem etiam appellat in l. si praeses. 3. D. de poen.

SED DE VI PRIVATA SI SINE ARMIS.) Sequitur III. Vis sine armis facta, priuata: cum armis, publica nominatur. l. 1. D. ad leg. Iul. de ui pub. & de ui priu. nimirum quia solius est Reip. armis uti. qua de causa qui ea ui utitur, quae solius Reipub. propria est, publicam uim facere dicitur. Quae uero facta cuiusq; propria sint, obscurè sanè traditur à Paulo in lib. Sentent. 5. & omnino quod ad Pandectas attinet, opinor legem secundam sub tit. de ui priuata, errore scriptoris Triboniani eò coniectam esse, uerbaq; Vlpiani esse ex l. qui dolo. 10. superioris tit.

NON SOLVM SCVTA.) Sequitur IIII. Armorum appellatione quoduis teli genus continetur. l. armorum. 41. D. de uerb. signifi. & l. armatos. 9. D. de ui public. ubi Paulus ait, Armatos non utiq; eos intelligendos esse, qui tela habuerunt: sed etiam qui aliud, quod nocere potest. Sic Vlp. in l. 3. §. armis. D. unde ui: Armis deiectum, inquit, quomodo accipimus? arma sunt omnia tela: hoc est, & fustes & lapides, non solum gladij, hastae, frameae, id est, romphea. Similiter Cicero in ea pro Caecina: Armatos, inquit, si Latine loqui uolumus, quos appellare rectè possumus? opinor eos, qui scutis telisq; parati ornatiq; sunt, quid igitur? si glebis, aut saxis, aut fustibus aliquem de fundo praecipitem egeris, iussusq; sis, quem hominibus armatis deieceris, restituere.

*Interdictorum tertia diuifio, quae tripartita est: ut alia simplicia sint, in quibus alter actor est, alter reus: alia duplicia, in quibus par utriusq; conditio est: & uterq; tam rei, quam actoris partes obtinet. l. y. D. eod.*

**X.** Tertia diuifio interdictorum hæc est, quod aut simplicia sunt, aut duplicia. Simplicia sunt, ueluti in quibus alter actor, alter reus est: qualia sunt omnia restitutoria aut exhibitoria. Nam actor is est, qui desiderat aut exhiberi, aut restitui. reus autem is est, à quo desideratur, ut restituat, aut exhibeat. Prohibitoriorum autem interdictorum alia simplicia sunt, alia duplicia. Simplicia sunt, ueluti cum Praetor prohibet in loco sacro, uel in flumine publico ripae eius aliquid fieri. Nā actor est, qui desiderat, ne quid fiat: reus, qui aliquid facere conatur. Duplicia sunt, ueluti **VTI POSSIDETIS** interdictum, & **VTRVBI**. ideo autem duplicia uocantur, quia par utriusque litigatoris in his conditio est, nec quisquam praecipue reus uel actor intelligitur: sed unusquisque tam rei, quam actoris partes sustinet.

QVOD AVT SIMPLICIA SVNT.) Enunciatio I. Interdictorum tertia diuifio bipartita est, ut aut simplicia, aut duplicia sint. l. 2. D. de Interd. quae diuifio ex interdictorum formulis, & conceptionib. sumpta est: quoniam in quibusdam Praetor singularem numero est usus, unumq; duntaxat alloquitur: in alijs utrunq; ueluti unde ui tu illum deiecisti, eò illum restituas: aut uti possidetis, ita possideatis.

**C** IN QVIBVS ALTER ACTOR.) Sequitur II. Interdicta quibus alter actor, alter reus est, simplicia uocantur. d. l. 2. Actor autem is dicitur, qui ab altero quid postulat, eoq; illum in ius uocat: Reus, à quo postulatur. Ergo ubi simplex, id est, unius tantum postulatio profertur, ibi simplex interdictum appellatur.

QUALIA SVNT OMNIA RESTITVTORIA.) Sequitur III. Omnia restitutoria & exhibitoria interdicta simplicia sunt. d. l. 2. nimirum quia & unus solus in ijs postulat, & Praetor unum solum restituere aut exhibere iubet.

QVI DESIDERAT AVT EXHIBERI.) Sequitur IIII. In interdictis simplicibus is actor est, qui restitui exhiberiue postulat: reus, à quo postulatur. Nam actor perpetuo dicitur is qui ab alio quid postulat, non tantum in actionibus, sed etiam in interdictis. Sic Caius in l. in tribus. 13. D. de iudic. eum dicit actorem esse in mixtis iudicijs, qui ad iudicium prouocat.

PROHIBITORIORVM AVTEM.) Sequitur V. Prohibitoriorum interdictorum, alia simplicia sunt, alia duplicia. quippe cum in quibusdam unus solus postulet, in alijs uterq;.

VELVTI CVM PRAETOR.) Sequitur VI. Interdicta de loco sacro & de fluminib. simplicia sunt. nam in l. 1. D. ne quid in loc. Praetor unum solum alloquitur: Ne quid in loco sacro facias, inue eum locum immittas. Item, ut in l. 1. D. de fluminib. Ne quid in flumine publico ripae eius facias: ne quid in flumine immittas. Praeterea non uterq; inter se aliquid postulat: sed unus est qui postulat, & alter à quo postulatur.

VELVTI VTI POSSIDETIS.) Sequitur VII. Interdicta uti possidetis, & utrubi, duplicia sunt. d. l. 2. de interdict. neq; enim unus solus postulat, sed ambo copulati in ius ueniunt, & inuicem apud Praetorem aliquid postulant: ut apud quem possessio iusta fuit, apud eum maneat.

QVIA PAR VTRIVSQVE.) Sequitur VIII. Duplicia interdicta uocantur, in quibus par utriusq; litigatoris conditio est, & uterq; tam actoris quam rei partes obtinet. d. l. 2.



*Iustiniani tempore, cum extraordinaria omnia iudicia essent, omnis interdictorum formulis index de re controuersa constituebat.*

*liij. & ult. C. eod.*

**XI. De ordine & uetere \* exitu interdictorum superuacuum est hodie dicere.** Nam quoties extra ordinem ius dicitur (qualia sunt hodie omnia iudicia) non est necesse reddi interdictum: sed perinde iudicatur sine interdictis, ac si utilis actio ex causa interdicti reddita fuisset.

**VETERE EXITU.)** Legendum uidetur **RITV**, ut agendi & (ut uulgus nunc loquitur) procedendi formulam intelligamus.

**QUOTIES EXTRA ORDINEM IUS DICITVR.)** Enunciatio I. Cum extra ordinem agitur, interdicto uti necesse non est. l. 3. C. de interd. ubi Impp. scribunt, interdicta in iudicijs extraordinarijs proprie locum non habere. Ordinaria autem iudicia dicuntur, in quibus eo ordine qui ab antiquis institutus est, lis agitur: uti superius diximus sub tit. De successione sublat. In hanc autem sententiam Frontinus lib. de limitib. agror. sic scribit: De possessione controuersia est, de qua ad interdictum, hoc est, iure ordinario litigatur. Et Aggenus aliquanto post: De possessione fit controuersia, quoties de totius fundi statu per interdictum, hoc est, iure ordinario litigatur.

**QUALIA SVNT HODIE.)** Sequitur II. Iustiniani tempore omnia iudicia erant extraordinaria. §. 1. supra, De successione sublat. quod quidem mirandum non est, si Graeci homines ordinem à Romanis obseruatum in iudicijs non seruauerint.

**PERINDE IUDICATVR.)** Sequitur III. Sine interdicto perinde iudicatur, quasi utilis actio ex causa interdicti daretur. l. ult. C. eod. ubi Impp. statuunt, ut cum interdictum postulabitur, omnis antiquis ambagibus iudicium exerceatur, & re cognita ac disceptata sententia pronuncietur.

## DE POENA TEMERE LITIGANTIVM.

### TITVLVS XI.

*Litigandi temeritas à Iurisconsultis partim multa, partim calumniae iuramento, partim infamiae metu repressa est.*

**I. N**unc admonendi sumus, magnam curam egisse eos, qui iura sustinebant, ne facile homines ad litigandum procederent: quod & nobis studio est. Idq; eo maxime fieri potest, quod temeritas tam agentium, quam eorum cum quibus agitur, modo pecuniaria poena, modo iurisurandi religione, modo infamiae metu coercetur.

**MAGNAM CVRAM EGISSE.)** Enunciatio I. Iurisconsulti magnam in litigandi temeritate coercenda diligentiam adhibuerunt. Quod enim ait, **QVI IVRA SVSTINEBANT**, de Iurisconsultis sine dubio intelligendum est; quos satis constat, litigandi formam constituisse, iurisque civili (ut Cicero scribit) praefuisse. Diligentiam autem in antiquis tum sponsonibus, tum sacramentis primum animaduertimus: nam moris erat, ut qui ad iudicium alterum prouocaret, sponsonem certa pecunia illum laceggeret, ni ueram bonamq; causam haberet. Sacramentum autem Varro libro de Lingua 5. his exponit uerbis: Ea pecunia quae in iudicium uenit in litibus, sacramentum à sacro, qui petebat, & qui inficiabatur, de alijs rebus uterq; quinquaginta aeris ad pontificem deponebant: de alijs rebus item certo alio legitimo numero asium. Qui iudicio uicerat, suum sacramentum à sacro auferebat: uicti, ad aerarium redibat.

**MODO PECUNIARIA POENA.)** Sequitur II. Litigandi temeritas & multa, & iurisurandi, & infamiae metu coercetur. Multam autem intelligit, si reos spectemus, in ijs causis quae inficiando crescunt: ueluti iudicati, depositi miserabilis, damni iniuria dati, &c. Sin uero actores, poenam plus petitionis: ut qui plus tempore petit, alterum tantum temporis sine ullo interursuro expectet, & prioris litis impensas restituat. Iurisurandum uero calumniae significat, de quo mox dicetur: & quod Paulus in l. inter. 44. §. 4. D. fa. ercisc. duplex fuisse demonstrat, his uerbis: Et ideo, inquit, iurare debent, non calumniae causa litem intendere, & non calumniae causa ad inficias ire. Infamiam porro ex iudicijs turpibus, de quibus etiam aliquanto post explicabit, significat.

*Iustiniani instituto, & rei, & actores, & aduocati iurare coguntur, se non calumniandi animo, sed bona fide & ex animi sui sententia litigare.*

*liij. C. de iureiur. propt. cal.*

**II.** Ecce enim iurisurandum omnibus, qui conueniuntur, ex constitutione nostra deferitur. Nā reus non aliter suis allegationibus utitur, nisi prius iurauerit, quod putans sese bona instantia uti, ad contradicendum peruenit. At aduersus inficientes, ex quibusdam causis dupli actio constituitur: ueluti si damni iniuria, aut legatorum locis uenerabilibus relictorum nomine agatur. Statim autem ab initio pluris quam simpli est actio: ueluti, furti manifesti quadrupli, nec manifesti dupli. Nam ex his & alijs quibusdam causis (sive quis neget, sive fateatur) pluris quam simpli est actio. Item actoris quoque calumnia coercetur. Nam etiam actor pro calumnia iurare cogitur ex nostra constitutione, quod non calumniandi animo litem mouisset, sed existimando se bonam causam habere. Vtriusq; etiam partis aduocati iurisurandum subeunt, quod alia nostra constitutione comprehensum est.



**A** IUSIURANDVM OMNIBVS QVI.) Enunciatio I. Iustiniani instituto, omnibus qui conueniuntur, calumnie iusiurandum deferitur. l. 2. C. de iureiur. propt. cal. ubi Iustinianus hoc ipsum statuit, quod hoc loco commemoratur.

ADVERSVS INFICIENTES.) Sequitur II. Ex damni iniuria dati, & priorum legatorum causa, lis inficiando duplatur. §. ex maleficijs, supra De actionibus. ubi hac de re satis copiose dictum est. Hoc autem eo pertinet, ut intelligamus iusiurandum calumnie multam pecuniariam non abrogare: sed præter periurij turpitudinem, etiam hanc pœnam pecuniariam accedere.

DVPLI, VEL TRIPLI.) Duas postremus voces partim antiquorum codicum auctoritate, partim rei ueritate adducti sustulimus: cum actio nulla numeretur, quæ inficiando tripletur.

PLVRIS QVAM SIMPLI EST ACTIO.) Sequitur III. Ex furti causa lis etiam sine inficiatione pœnam affert. Quod ut minus perspicuum est, ita nihil ad hunc locum pertinere, facile intellectu est.

ACTORIS QVOQVE CALVMNIA.) Sequitur IIII. Iustiniani instituto actor de calumnia iurare cogitur. d. l. 2. unde cum alijs libris antiquis uerba hæc, QVOD non calumniandi, &c. quæ in uulgatis desunt, huc descripsimus. Existimare autem Iustiniani inuentum hoc fuisse, nulla ratio est. nam etiam Ciceronis temporibus id in usu fuisse, animaduerti ex Orat. pro Q. Roscio, ubi sic scribit: Pro Dijs immortales, esse ne quenquam tanta audacia præditum, qui quod nomen referre in tabulis timeat, id petere audeat: quod in codicem iniuratus referre noluit, id iurare in litem non dubitet?

VTRIVSQVE PARTIS ADVOCATI.) Sequitur V. Ex lege Iustiniani, etiam utriusq; partis aduocati iurare de calumnia coguntur. l. rem non nouam. 12. §. patroni. C. de iudic. ubi Iustinianus sanxit, ut patroni causarum post litē contestatam, & intentionem actoris, rei q; depulsionem, manu sacrosancta Euangelia tangentes, iurent se bona fide & ex animi sui sententia causam clientis sui defendere.

**B** In locum ueteris calumnie actionis quæ decima litis parte multabat, iusiurandum calumnie introductum est, & ut calumniator damnum sumptusq; litis sustineat.

III. Hæc autem omnia pro ueteri calumnie actione introducta sunt, quæ in defuetudinem abiit: quia in partem decimam litis actores multabat, quod nusquam factum esse inuenimus. sed pro his introductum est & præfatum iusiurandum: & ut improbus litigator, & damnum & impensas litis inferre aduersario suo cogatur.

PRO VETERI CALVMNIAE ACTIONE.) Enunciatio I. Vetus calumnie actio quæ in partem litis decimam actores multabat, obsoleta est. Hæc autem cuiusmodi fuerit, nusquam legi. Locus tamen significare uidetur, moris fuisse, ut ea post sententiam pronunciatam uictori, aduersus eum qui damnatus erat, daretur. quam coniecturam confirmare uidetur l. 3. & 4. C. de fructib. & lit. exp. Et de ea ipsa mentio fit in l. 3. C. Hermog. De calumniat. Si per calumniam, inquit, hoc cum facere confidis, remedio repromissionis initio postulata, calumnia in decimam partem eius quod petit, condemnari eum desiderare potes.

NVSQVAM FACTVM ESSE.) Sequitur II. Vetus actio calumnie nusquam usurpata fuisse legitur.

PRO HIS INTRODVCTVM EST.) Sequitur III. In locum ueteris calumnie actionis, & iuramentum calumnie, & damnatio in sumptus litis introducta sunt. l. properandum. 11. §. siue autem. C. de iudic. ubi Iustinianus statuit, ut uictus in expensarum causam uictori condemnatur, quantum pro solitis expensis litium iurauerit.

**C** Furti, rapinae, iniuriarum, doli uel damnatus, uel etiam pactus: item pro socio, uel directa actione tutelæ, mandati, depositi damnatus, infamis efficitur. l. j. D. de his qui not. inf.

IIII. Ex quibusdam iudicijs damnati, ignominiosi sunt: ueluti furti, ui bonorum raptorum, iniuriarum, de dolo, item tutelæ, mandati, depositi, directis, non contrarijs actionibus. Item pro socio, quæ ab utraq; parte directa est: & ob id quilibet ex socijs eo iudicio damnatus, ignominia notatur. Sed furti quidem, aut ui bonorum raptorum, aut iniuriarum, aut de dolo, non solum damnati notantur ignominia, sed & pacti. & recte: plurimum enim interest, utrum ex delicto aliquis, an ex contractu debitor sit.

VELVTI FVRTI, VI BONORVM RAPTORVM.) Enunciatio I. Furti, rapinae, iniuriæ, doli damnatus, infamis efficitur. l. 1. & 6. D. de his qui not. inf. ubi Vlp. monet, primum furtum hic accipi, tum manifestum, tum nec manifestum. Præterea damnationem accipiendam uel à qua prouocatum non est, uel quæ confirmata est: item cum quis suo ac proprio nomine damnatus est. Sed exoritur questio, cum damnum iniuria datum inter quatuor priuata iudicia numeretur. l. 1. D. de priuat. del. & cætera tria infamiam afferant, quid ita hoc prætermittatur? Videamus igitur, an hæc ratio admitti possit: quia neq; imprudentia, neq; iracundia tam graui pœna digna est. aut enim per imperitiam & culpam damnum dati est, quod infamiae notam non meretur: aut consilio & malo animo: qui, quia cõtumeliam coniunctam non habet, (nam si haberet, iniuriarum actio nasceretur, ut suo loco diximus) minime dignus uidetur qui tam atroci pœna multetur.

TUTELÆ, MANDATI, DEPOSITI.) Sequitur II. Tutelæ, mandati, depositi non cõtaria, sed directa actione dānatus, infamis efficitur. d. l. 1. & 6. in fi. D. eod. ubi Vlp. hæc causam affert: quoniā in cõtarijs non de perfidia agitur, sed de calculo, qui ferè iudicio solet dirimi. Quāobrè autem directæ & cõtariæ actiones dicantur, alibi per sepe demonstratū est.

PRO SOCIO, QVAB AB VTRAQVE.) Sequitur III. Pro socio actione quæ utrinq; directa est, dānatus, ignominia notatur. d. l. 1. Quamobrem autem utrinq; directa sit, suo loco docuimus.



NON SOLVM DAMNATI NOTANTVR.) Sequitur IIII. Non modò ex delicto damnati, sed etià **A**  
 de eo pacti infames efficiuntur. d. l. 1. & 6. D. eod. ubi Vlp. monet, Pactum sic esse accipiendum, si cum pretio quantocunq; pa-  
 ctus est. Paulus autem in l. 5. hanc causam affert: quoniam intelligitur confiteri crimen, qui paciscitur. Sed queri potest, utrum  
 etiam pactum gratuitum, & condonatio delicti, infamiam afferat. Itaq; causæ constitutionem apponemus. Cum Titius mihi  
 furtum fecisset, benignitate inductus, illi culpam deprecanti ueniam dedi, ac sine ulla mercede pactus sum, me nunquam eo no-  
 mine cum ipso acturum. post aliquis eius inimicus extitit, qui eum infamem ex edicti uerbis esse affirmabat. Intentio Titij: Pa-  
 ctus non sum. D. Imò pactus es. Q. An pactus sit. R. Quia pactus Latine dicitur, quicunq; & quoquo modo uel accepta pecu-  
 nia, uel gratis transigit. F. At æquitatis ratio postulat, ut in obscura sententia benigniorem interpretationem sequamur. Benia-  
 gnus aut est, pactionem solam pecuniariam, non etiam gratuitam intelligi. Disceptatio ex iuris & æquitatis cõtentione na-  
 scitur. An æquitas postulet, ut pactum eum demum intelligamus, qui gratis transigit. Impp. in l. non damnatis. 18. C. eod. scri-  
 bunt, Pactos in hac causa eos demum intelligi, qui ullos aduersarij numeros pro mala conscientia ex transactione numerassent:  
 ceterum simplicem eius rei gratia pactionem, integram existimationem relinquere, quod idem Vlp. in d. l. 6. confirmat.  
 AN EX CONTRACTV DEBITOR.) Sequitur V. Nullo ex contractu pactio facta ignominiam ada-  
 fert. l. in actionibus. 7. D. eodem. ubi Paulus hanc causam affert, quoniam ex his causis non tam turpis est pactio, quàm  
 ex delictis.

*In ius uocatio actionum omnium initium est: qui uerò parentem, patronum, huiusce  
 parentes aut liberos sine Prætoris uenia uocarit, quinquaginta solidis mul-  
 tatur. l. iij. pen. & ult. D. de in ius uocan.*

V. Omnium autem actionum instituendarum principium, ab ea parte edicti proficiscitur, qua **B**  
 prætor edicit de in ius uocando. Vtiq; enim in primis aduersarius in ius uocandus est: id est, ad  
 eum uocandus, qui ius diciturus sit. Qua parte prætor parentibus & patronis, item parentibus libe-  
 risq; patronorum & patronarum hunc præstat honorem: ut non aliter liceat liberis libertisq; eos  
 in ius uocare, quàm si id ab ipso Prætoris postulauerint & impetrauerint. Et si quis aliter uocau-  
 rit, in eum pœnam solidorum quinquaginta constituit.

AB EA PARTE EDICTI.) Enunciatio I. In ius uocatio actionum omnium principium est. Nam Agere pro-  
 priè nihil aliud est, quàm de aduersario queri apud Prætoris, & postulare ut aliquid uel restituat, uel det, uel faciat, quemad-  
 modum suo loco docuimus. Prius igitur moris erat, ut in ius, id est, ad eum locum aduersarius uocaretur, ubi Prætor postulata  
 ciuium audiebat, iusq; ipsi reddebat. nam ibi album prætoris erat, quo in albo actionum omnium formulæ præscriptæ patebāt:  
 & si dubium erat uocato, quæ actio postulanda esset, prouocator ei formulam edebat: ut proinde sciret reus utrum cedere, an  
 contendere ultra deberet, sicut ait Vlp. in l. 1. D. de edend. post si defendere reus paratus esset, iudicium à Prætoris postulaba-  
 tur. Quæ de causa in Pandectis primo loco de in ius uocando, post de edendo, postremò de postulando explicatur. De uadimo-  
 nio uerò & conditione, sub tit. de Actionib. exposuimus.

IN IUS VOCANDVS EST.) Sequitur II. Actio nulla institui, nisi aduersus eum qui in ius uocatus est,  
 potest.

PARENTIBVS ET PATRONIS.) Sequitur III. Qui parentes, patronum, item patroni parentes, aut li-  
 beros in ius, sine Prætoris uenia uocarit, quinquaginta solidis multatur. l. 4. & seq. D. de in ius uoc. Quæ de re sub §. pœnales,  
 supra De actionibus explicatum est.

## DE OFFICIO IUDICIS.

### TITVLVS XII.

*Iudicis officium est, à legibus & moribus inferenda sententia non re-  
 cedere: ac proinde in actione noxali nominatim noxæ  
 dedendi potestatem dare.*

I. S Vpereff, ut de officio iudicis dispiciamus. Et quidem in primis illud obseruare debet iudex,  
 ne aliter iudicet, quàm legibus, aut constitutionibus, aut moribus proditum est. Ideoq; si no-  
 xali iudicio aditus est, obseruare debet, ut si condemnandus uidetur dominus, ita debeat condem-  
 nare: PVBLIVM MAEVIVM LVCIO TITIO IN DECEM AVREOS CON-  
 DEMNO, AVT NOXAM DEDERE.

OBSERVARE DEBET IVDEx.) Enunciatio I. Iudex aditus aliter quàm ex legum morumq; præscripto  
 ferre sententiam non debet. nam si contra legum præscriptum pronunciarit, adeò inutilis sententia est, ut ne appellatio quidē  
 necessaria sit. l. 1. D. quæ sent. fin. appell.

SI NOXALI IVDICIO ADITVS.) Sequitur II. Noxalis actionis iudex debet in condemnando nomi-  
 natim noxæ dedendi potestatem permittere. l. miles. 6. §. 1. D. de re iudic. ubi ait, iudicium solius noxæ deditiois nullum esse,  
 sed pecuniariam condemnationem sequi.

NOXAM DEDERE.) Sic in edicto Prætoris in l. 1. D. de his qui deiec. uel effud. In iudicio adjiciam, aut noxā de-  
 dere. item l. 1. D. Si quadrup. Quod si libere quod sentio dicendum est, puto à Triboniano factum id esse, cum Noxæ deditioē  
 corporis deditioem interpretaretur.



A

*In rerum uindicationibus qui contra petito rem iudicat, debet possessorem absol-  
uere. quem si condemnet, debet ei ut rem unā cum fructibus resti-  
tuat, iubere. quod si de litis aestimatione satisfaciens, spatium  
postulet, ei permitti potest.*

II. Et si in rem actum sit, siue contra petito rem iudicauerit, absolueret debet possessorem: siue contra possessorem, iubere ei debet, ut rem ipsam restituat cum fructibus. Sed si possessor neget in praesenti se restituere posse, & sine frustratione, uidebitur tempus restituendi causa petere: indulgendum est ei, ut tamen de litis aestimatione caueat cum fideiussore, si intra tempus quod ei datum est, non restituerit.

ABSOLVERE DEBET POSSESSOREM.) Enunciatio I. Iudex in rem actionis, si contra petito rem iudicat, absolueret possessorem debet. l. ult. C. de rei uindic. l. 2. C. de probat. Ita tamen ut in litis sumptus petito rem ei condemnet: quemadmodum sub tit. superiore dictum est.

SIVE CONTRA POSSESSOREM.) Sequitur II. Qui iudex possessorem damnat, iubere debet ut rem unā cum fructibus restituat. l. si fundum. 17. & l. centum. 22. C. de rei uindic. Item l. qui restituere. 68. D. de rei uindic. ubi Vlp. hoc amplius scribit, si is qui restituere iussus iudici non paret contendens non posse restituere, siquidem habeat rem, manu militari, officio iudicis ab eo possessionem transferri, & fructuum duntaxat omniumque causa nomine condemnationem fieri. Cuius rei ratio perspicua est. nam si mala fidei possessor est, uindicari fructus extantes possunt, quia eius sunt cuius est ager: contra ius rei ratio perspicua est. nam si bona fidei possessor est, tunc si fructus sint pendentes, quia illi pars fundi esse intelliguntur. l. fructus. 44. D. de rei uindic. non mirum est, si totum restituere damnatus, partem restituere debeat. neque enim fructus ex iure seminis, sed ex iure soli censentur. l. qui scit. 25. D. de usur. Sin iam percepti sint, Pomp. in l. fructus. 45. D. de usur. & Paulus in l. bona fidei. 48. D. de acq. rer. dom. scribunt, bona fidei possessorem percipiendo fructus etiam ex aliena re, suos interim facere: quia quod ad fructus attinet, loco domini penes est. Vtrum autem de solis naturalibus an etiam ex cultis fructibus id sit intelligendum, diximus sub §. si quis a non domino, supra. De rer. diuis. neque nos eorum commentum mouet, qui haec Pauli uerba in d. l. bona fidei, SED OMNES, sic interpretantur, quasi dixisset, SED etiam qui alterius opera prouenerunt: ut is casus intelligatur, de quo scribit Iulian. in l. scit. 25. §. 1. D. de usur. Hoc enim Latini sermonis consuetudo respicit, quam ij qui eiusmodi emplastris uti hoc in genere soliti sunt, nunquam agnouerunt: ut alterum argumentum omittam ex l. si eius. 78. D. de rei uindic. ubi eadem Pauli sententia perspicitur, statuentis etiam oleas bona fidei possessoris esse. Sed super hac re nimis. nunc illud quod ad rem attinet, uideamus. Nam quod dicimus restitui fructus debere, sic accipiendum est, ut tamen sumptus qui in cultura facti sunt, deducatur. quippe qui eos imminuant. l. quod in fructus. 46. D. de usur. & l. fructus. 7. D. sol. matr. & l. si a domino. 36. §. ult. D. de hered. petit. ubi Paulus ait, fructus intelligi deductis impensis, quae querendorum, cogendorum, conseruandorumque eorum gratia fiunt. idque non solum in bona fidei possessoribus naturalem rationem exigere, uerum etiam in praedonibus, quod etiam confirmatur in l. fundus qui. 51. D. famil. ercisc.

INDVLGENDVM EST EI.) Sequitur III. Iudex possessori damnato restituendi spatium sine fraudatione petenti, si de litis aestimatione satisfaciens, gratificari potest. Hoc igitur iudicis arbitrio prudentiaeque permittitur, ut tamen si in rei uindicationibus, executio parata sit, tamen si aequum esse animaduertat, accepta satisfatione, spatium aliquod condemnato praebeat. In iudicijs uero personalibus dissimilis ratio est. quatuor enim mensium spatium praescriptum est. l. ult. C. de execut. rei iudic.

*In hereditatis petitione, item ferè ut in uindicatione, praedo rem cum ijs quos & per-  
cepit, & percipere potuit fructibus, restituere cogitur. at possessor bo-  
nae fidei, a tempore litis contestatae tantam. l. xix. De  
hered. petit. l. xxij. C. de rei uindic.*

C

III. Et si hereditas petita sit: eadem circa fructus interueniunt, quae diximus interuenire in singularum rerum petitione. Illorum autem fructuum, quos culpa sua possessor non perceperit: i. utraque actione eadem ratio penes habetur, si praedo fuerit. Si uero bona fidei possessor fuerit: non habetur ratio neque consumptorum, neque non perceptorum. Post inchoatam autem petitionem, etiam illorum fructuum ratio habetur, qui culpa possessoris percepti non sunt, uel percepti consumpti sunt.

EADEM CIRCA FRUCTVS.) Enunciatio I. Petitione hereditatis damnatus, fructus unā cum rebus ipsis restituere iubendus est. l. & non tantum. 19. cum l. seq. D. de hered. petit.

QVOS CVLPA SVA POSSESSOR.) Sequitur II. Praedo tum in rei uindicatione, tum in hereditatis petitione fructus etiam quos culpa sua non perceperit, restituere iubetur. l. 2. C. de fructib. l. mala fide. 3. C. de cond. ex l. certum. 22. C. de rei uind. & l. si nauis. 62. in fin. D. eod. ubi Papinianus ait, generaliter cum de fructibus aestimandis queritur, animaduerti debere, non an mala fidei possessor fructus sit, sed an petitor frui potuerit, si ei possidere licuisset.

NON HABETVR RATIO.) Sequitur III. Bona fidei possessor ante litem contestatam fructus & perceptos & consumptos suos facit. l. bona fidei. 48. D. de acq. rer. dom. l. qui scit. 25. §. 1. D. de usur. l. si eius. 78. D. de rei uindic. l. si fructuarius. 13. D. quib. mod. usus fr. unde intelligimus, fructus simulatque a fundo separati sunt, quamuis adhuc illi iaceant, bona fidei possessoris esse.

SI VERO BONAE FIDEI.) Sequitur IIII. Bona fidei possessor fructus post motam controuersiam consumptos, uel sua culpa non perceptos, restituere cogitur. d. l. certum. 22. C. de rei uindicat. & l. 1. C. de petit. hered. cuius rei ratio intelligitur



intelligitur ex l. sed et si lege. 25. §. Si ante. D. eod. ubi Vlp. ait, omnes possessores incipere mala fidei esse, non modò post litem contestatam, uerum etiam post motam controuersiam, quia tum omnes possessores pares sunt, & quasi prædones tenentur. cepit enim scire, rem ad se non pertinentem possidere se, is qui interpellatur.

*Ad exhibendum damnatus, & rem, & eius causam, & fructus à lite contestata perceptos restituere cogitur: restituendi tamen spatium postulanti & satisfacti, concedi debet. at si neque restituat, nec satisfact, quanti actoris interest, damnatur.*

IIII. Si ad exhibendum actum fuerit: non sufficit, si exhibeat rem is cum quo actum est: sed opus est, ut etiam rei causam debeat exhibere: id est, ut eam causam habeat actor, quam habiturus esset, si cum primùm ad exhibendum egisset, exhibita res fuisset. Ideoq; si inter moras exhibendi usucapta sit res à possessore, nihilominus condemnabitur. Præterea fructuum medij temporis, id est eius, quod post acceptum ad exhibendum iudicium, aut rem iudicatam intercesserit: rationem habere debet iudex. Quod si neget is cum quo ad exhibendum actum est, in præsentem se exhibere posse, & tempus exhibendi causam petat, idq; sine frustratione postulare uideatur: dari ei debet, ut tamen caueat se restitutum. quòd si neq; statim iussu iudicis rem exhibeat, neq; postea exhibiturum se caueat: condemnandus sit in id, quod actoris intererat, ab initio rem exhibitam esse.

VT ETIAM REI CAUSSAM DEBEAT.) Enunciatio I. Actione ad exhibendum damnatus, non rem tantum, sed etiam rei causam exhibere debet. l. Iulianus. 9. §. quantum. D. ad exhibendum. ubi Vlpianus ait, Exhibere, esse in eadem causa præstare, in qua fuit cum iudicium acciperetur. Causam autem intelligimus, ius atq; conditionem rei. Itaq; Paulus in l. cum fundus. 31. D. si cert. pet. Papinianus in l. 2. D. de usur. & Caius in l. præterea. 20. D. de rei uindic. locutionem hæc sic explicant: Omne quod habiturus fuerat petitor, si eo tempore quo iudicium accipiebatur, restituta illi res fuisset: ueluti ne usucapta sit, ut mox dicemus. item, partum: siue prægnans fuerit mulier, siue postea conceperit. item utilitates, si quæ amissæ sunt ob hoc, quòd non exhibetur, uel tardius quid exhibetur. Quinetiam Imp. in l. exhibitionis. 7. C. eod. scribunt, eum qui re deteriore exhibuit, quamuis ad exhibendum teneri non possit, tamen actione in factum conueniri non posse.

INTER MORAS EXHIBENDI VSUCAPTA.) Sequitur II. Non si res inter exhibendi moras usucapta sit, eo minus reus condemnatur. d. l. Iulianus. 9. §. proinde. Causæ constitutio: Cum tu scyphum meum per biennium & sex menses possedisses, egi tecum ad exhibendum. tu complenda usucapionis animo muginaris, & usq; eò cunctaris, dum triennium abeat. (nam etiam post acceptum iudicium impleri usucapionem, constat ex l. si post. 17. D. de rei uindicat. & l. sed si. 14. Famil. ercisc.) & lapso triennio rem profers. Ego, qui meam intentionem perdidisti, nego rem exhiberi. Intentio: Non exhibuisti. D. Imò exhibui. Q. An exhibueris. R. Quia exhibere, est proferre rem, eiusq; copiam facere. l. 2. eod. F. Imò exhibere est, in eadem causa præstare, in qua fuit cum iudicium acciperetur. Disceptatio ex uerbi definitione nascitur: An exhibere sit, nò tantum rei copiam facere, uerum etiam causam eius præstare.

FRUCTVVM MEDII TEMPORIS.) Sequitur III. Actione ad exhibendum uictus, fructus à lite contestata perceptos restituere cogitur. d. l. Iulianus. & l. 2. item l. uideamus. 38. D. de usurpat.

QVOD SI NEGET REVS.) Sequitur IIII. Iudex ei cum quo ad exhibendum actum est, exhibendi spatium sine fraudatione postulanti, gratificari potest. l. de eo. 12. §. si iusta. eod. ubi Paulus ait: Si iusta ex causa statim exhiberi res non possit, iussu iudicis cauere debet, se illo die exhibiturum.

NEQVE STATIM IVSSV IUDICIS.) Sequitur V. Qui neq; iussu iudicis exhibet, neq; se exhibiturum cauet, in id quod actoris interfuit, damnatur. d. l. Iulianus. §. præterea. ubi Vlpianus ait, utilitates, si quæ amissæ sunt ob hoc, quòd non exhibetur, uel tardius quid exhibetur, æstimandus esse à iudice: & utilitatem actoris uenire in æstimationem, non quanti res sit.

*Familiæ erciscundæ iudex singulis res singulas adiudicare, & cui meliorem attribuerit, quiue solus factus perceperit, aut corruerit, consumpseritue, eum cohæredi certa pecunia condemnare potest.*

l. xix. xv j. l. v. D. eodem.

V. Si familiæ erciscundæ iudicio actum sit: singulas res singulis hæredibus adiudicare debet. & si in alterius persona pregrauare uideatur adiudicatio: debet hunc inuicem cohæredi certa pecunia (sicut iam dictum est) condemnare. Eo quoq; nomine cohæredi quisq; suo condemnandus est, quòd solus fructus hæreditarij fundi perceperit, aut rem hæreditariam corruerit, aut consumpserit. Quæ quidem similiter inter plures quoq; quàm duos cohæredes, subsequuntur.

SINGVLAS RES SINGVLIS HAEREDIBVS.) Enunciatio I. Iudex erciscundæ familiæ additus, res singulas, quoad potest, singulis adiudicare debet.

DEBET HVNC INVICEM.) Sequitur II. Cum impar adiudicatio est, is cuius pars præponderat, in certam pecuniam alteri dampnandus est. l. si familiæ. 55. D. famil. ercisc. ubi Vlp. ait, si hoc iudicio agatur, & diuisio tam difficilis sit, ut penè impossibilis esse uideatur, posse iudicem in unius personam totam condemnationem conferre, & adiudicare omnes res.

Item



**A** Item l. Menius. 52. §. ar. biter. eod. ubi Iulianus ait, arbitrum familiæ erciscundæ inter me & te sumptum, quædam mihi, quædam tibi adiudicantem, posse pensionem ultra citroq; condemnationis facta, cum solum cuius summa excederet, eius dimittat summam quæ ita excederet, damnare.

**QVOD SOLVS FRVCTVS.)** Sequitur III. Ab eo qui solus fructus percepit, remq; hereditaria corrupta, aut consumpsit, coheredi certa pecunia attribuenda est. l. non est ambiguum. 9. & l. coheredibus. 17. & l. incerti. 19. C. eod. litem ex diuerso. 19. l. & puto. 16. §. 3. D. eod. ubi Iurisc. scribunt heredem non modò ea quæ ex hereditaria aliquid perceperit, stipulatus est, communicare debere sed etiam omnia quæ in hereditate dolo culpæ fecerit, præstare. ueluti si rationes hereditariis deleuerit, uel interleuerit. neq; enim solum legis Aquiliæ iudicium, sed etiam hoc nostrum eo casu competere.

**SIMILITER INTER PLVRES.)** Sequitur II. Quæ superius dicta sunt, etiam ubi plures quàm duo hæredes sunt, locum obtinent. l. 2. §. 4. D. eod. ubi Vlp. ait, dubitandum non esse, quin familiæ erciscundæ iudicium & inter pauciores hæredes ex pluribus accipi possit.

*In communi diuidendo, si res plures sint, superiora seruantur: si una, partes adiudicandæ sunt, & qui meliorem abstulerit, certam in pecuniam alteri damnandus est: at si diuidi nequeat, tota uni qui ei similiter damnetur, adiudicanda est.*

**VI.** Eadem interueniunt, & si communi diuidendo de pluribus rebus actum sit. Quòd si de una re, ueluti de fundo: siquidem iste fundus commodè regionibus diuisionem recipiat: partes eius singulis adiudicare debet. & si unius pars prægrauare uidebitur: is inuicem certa pecunia alteri condemnandus est. Quòd si commodè diuidi non possit: uel homo fortè, aut mulus erit, de quo actum sit: totus uni adiudicandus est, & is inuicem alteri certa pecunia condemnandus.

**SI COMMVNI DIUIDENDO DE PLVRIBVS.)** Enunciatio I. Cum de pluribus rebus communi diuidendo actum est, eadem quæ superius dicta sunt, seruantur. l. si familiæ. 55. D. fam. ercisc. ubi hæc duo iudicia comparantur. & l. 3. D. comm. diuid. ubi Vlp. ait in hoc iudicium uenire, si quid in his damni datum factum est, siue quid eo nomine abest a lieni serorum, aut ad eum peruenit ex re communi. Idemq; traditur in l. 4. §. ult. l. 6. §. 1. l. & si non. 8. §. 1.

**FRVNDVS COMMODE REGIONIBVS.)** Sequitur II. Cum diuidi res potest, singule singulis partes adiudicandæ sunt: ut qui maiorem habeat, alteri certa pecunia damnetur. l. 1. C. eod. ubi Imp. statuit, ut si diuisio prædij sine cuiusq; iniuria commodè fieri possit, cuiq; sua portio certis finibus adiudicetur.

**COMMUNE DIVIDI NON POSSIT.)** Sequitur III. Cum diuidi res non potest, tota uni adiudicanda est, & is alteri certa pecunia damnandus. l. 3. C. eod. ubi Imp. statuit, ut si quis ager commodè inter socios diuidi non possit, uel ex pluribus singuli, æstimatione iusta facta, unicuiq; sociorum adiudicentur, compensatione pretij inuicem facta: eoq; cui res maioris pretij obuenerit, ceteris condemnato.

*Finium regundorum iudex, cum fines melius distinguendi sunt, adiudicatione uti, & inuicem certam alteri pecuniam debet attribuire. Damnandi etiam & ob maleficium, & ob contumaciam potestatem habet. Adiudicatio porrò rei dominium affert. l. ij. & iij. D. finium regund.*

**C VII.** Si finium regundorum actum fuerit, dispicere debet iudex, an necessaria sit adiudicatio. quæ sanè uno casu necessaria est, si euidentioribus finibus distingui agros commodius sit, quàm olim fuissent distincti. Nam tunc necesse est ex alterius agro partem aliquam alterius agri domino adiudicari. quo casu conueniens est, ut is alteri certa pecunia debeat condemnari. Eo quoque nomine condemnandus est quisque hoc iudicio, quòd fortè circa fines aliquid malitiosè commine sit (uerbi gratia) quia lapides finales furatus est, uel arbores finales excidit. Contumaciæ quoque nomine quisque eo iudicio condemnatur: ueluti, si quis iubente iudice metiri agros, passus non fuerit. Quod aut istis iudicijs alicui adiudicatum fuerit: id statim eius sit, cui adiudicatum est.

**VNO CASV NECESSARIA EST.)** Enunciatio I. In finium regundorum iudicio tum denuò adiudicatio necessaria est, cum fines melius distinguendi sunt. l. 2. D. fin. regund. ubi Vlp. ait, iudici finium regundorum permitti, ut ubi non possit dirimere fines, adiudicatione controuersiam dirimat. et si fortè amouenda ueteris obscuritatis gratia, per aliam regionem fines dirimere uelit, posse hoc facere per adiudicationem & condemnationem.

**QVO CASV CONVENIENS EST.)** Sequitur II. Is cui finium distinguendorum causa pars agri alieni adiudicatur, alteri certam in pecuniam condemnandus est. d. l. 2. & 3. ubi Caius scribit, eo casu opus esse, ut ex alterutrius prædij aliquid adiudicetur. eoq; nomine is cui adiudicatur, inuicem pro eo prædij adiudicatur, certa pecunia condemnatur.

**QVOD FORTE CIRCA FINES.)** Sequitur III. In hoc iudicio condemnatio etiam propter delicta facienda est. l. 4. §. 4. D. eod. ubi conuerso modo Paulus ait: Si dicantur termini deiecti uel exarati, iudicè qui de crimine cognoscit, etiam de finibus posse cognoscere. Est autem hoc iudicium De termino moto extraordinarium. l. 1. C. de accusat. & pro conditione personarum pena imponitur. l. 1. & 3. D. de term. mot. Quare intelligendum est, duplicem hoc nomine actionem datum iri: unam civilem, alteram criminalem. nam hoc iudicio quanti in litem actor iurauerit, tanti reus damnabitur: neq; altera per alteram impeditur, l. 1. C. quando civil. act.







**A** quis in ciuitate, hoc est, in ciuium recensione obtinet. Ob eamq; causam capitalia iudicia ea dici, quorum poena damnatum ciuem de ciuitate tollit, siue mors, siue seruitus, siue deportatio contingat. Cum igitur publicorum iudiciorum poena, uel ciuitatem adimat, uel non adimat, neque ulla sit que partim adimat, partim non adimat, perspicuum est, recte bipartitam hanc diuisionem factam esse.

**QVAB VLTIMO SVPPLICIO.)** Sequitur IIII. Quorum iudiciorum poena aut mors est, aut deportatio, aut metallum, ea capitalia nominantur. d. l. 2. de pub. iudic. nam his modis caput, id est, ciuitas adimitur. neq; Aquæ & Ignis deportationem ascripsi, quoniam eius in locum deportatio successit: uti docet Vlp. in l. 2. D. de pen. Sic igitur idem Vlp. in d. l. 2. scribit, Rei capitalis damnatum eum dici, cui damnato uel mors, uel etiam ciuitatis amissio, uel seruitus contigit: & in l. qui cum. 14. §. 2. D. de bon. libert. eum demum uideri capitis accusasse, qui tali iudicio appetit, cuius poena aut supplicium habuit, aut exilium quod sit uice deportationis, ubi ciuitas amittitur. Sic Africanus in l. edicto. 13. D. de bon. poss. Rei capitalis damnatum intelligi eum, cui poena, mors, aut aquæ & ignis interdictio sit. quod idem Labeo tradit in l. eum patronum. 10. D. de iur. patro. Quibus omnibus ex locis uerum esse apparet, quod superius diximus: quamuis Capitis uerbo multa significentur, tamen hoc in genere nihil aliud significari, quam uis ciuitatis. Quod ob eam causam præcipue inculcamus, quia uideo eruditos uiros & in Ciceronis libris assidue uersatos, mirari quid sit, quod Cicero in oratione pro Quintio toties dicat, de Quintij capite agi in illa controuersia, quam tamen rei priuatæ fuisse constat. ut in exordio, Quid hoc iniquis, quam me, qui caput alterius, famam, fortunamq; defendam, priore loco causam dicere: & alibi: Horribile est, causam capitis dicere: horribilius, priore loco dicere. Sed ista tam multis uerbis persequi, nimirum est in nugis tragicæ diæ agere: uel, quod dici solet, fluctus in simpulo exciatare. nam unius breuissimi loci lectio sub titulo De uerb. sign. in l. 103. dubitationem omnem tollere potuit: ubi Modestinus sic scribit: Licet capitalis Latine loquentibus, omnis causa existimationis uideatur, tamen appellatio capitalis, mortis uel amissionis intelligenda est. Recte ergo & uere Cicero, & non, ut alij existimant, exaggeranda rei causa, & ex oratoris licentia, iudicium capitis illud Quintianum appellat. nam cum non modo iudicium esset pro socio, cuius damnationem turpem esse constat: sed etiam de uadimonio deserto, & bonis possis, & auctione constituta diuendendis, unde magna infamia necessario consequitur: satis patet, recte & ex consuetudine Latine loquentium, illam causam capitis appellari potuisse. quemadmodum etiam alia tum priuata iudicia, siue ex contractibus, ut mandati, tutelæ, depositi: siue ex delictis, ut furti, rapinæ, iniuriarum publica, quorum omnium damnatio turpis est, Latine iudicia capitis appellari possent. Quanquam idem Cicero in ea pro Q. Roscio de illis quæ ex contractibus oriuntur loquens, uocem PENE addidit. Si qua sunt, inquit, priuata iudicia summæ existimationis, & penè dicam Capitis, tria hæc sunt: fiducia, tutela, societatis. Præterea obseruauimus etiam Quintilianum non modo iudicium de capite, sed etiam capitale illud appellasse, in quo de libertate agitur: & quod ueteres Liberale appellare solebant. nam in cap. 1. lib. 4. sic scribit: Quibusdam in iudicijs, maximeq; capitalibus, ut apud centumuiros ipsi iudices exigunt sollicitas & accuratas actiones.

**SI QVAM INFAMIAM.)** Sequitur V. Quæ iudicia infamiam tantum cum multa irrogant, non capitalia dicuntur. d. l. 2. ubi Paulus multo planius ait, non capitale esse, ex quibus pecuniaria, aut in corpus aliqua coercitio poena est. Quod tamen de Caesarum temporibus intelligendum est, cum Porcia lex sublata esset, quæ uetabat ne in corpus ciuis Rom. animaduertere, sine magno populi comitatu liceret. Sed exoritur questio ex libro Gellij 10. cap. 6. & Suetonij Tiberio: ubi ait, Aediles plebis Claudiam Vestalem accusasse, quod in conferta multitudine, ægre procedente carpento, palam optasset, ut frater suus Pulcher reuiuisceret, atq; iterum classem amitteret, quod minor turba Romæ foret. neq; tamen eos, ut de ciuitate tolleretur, sed ut grauis æris 25. millibus damnetur, populum rogasse. Ex quo disputari posse uidetur, aut maiestatis crimen semper capitale non fuisse, aut capitale iudicium etiam tum fuisse, cum multa pecuniaria inferretur. Verum hoc ad iudicandum facillimum esse arbitrari: siue quia proprie maiestatis crimen illud non erat: siue quia, quod in altero capitale fuisset, id in uirgine Vestali pecuniarium fuit, cuius alia capitalis poena non erat, nisi ut incestus damnata uiua defoderetur. Longe uero difficilior illa dubitatio est, quam mihi metipse olim proponebam ex Verrina oratione quarta: ubi Sthenium senatorem Syracusanum corruptarum tabularum publicarum, ac proinde falsi crimine bis accusatum uidemus: semel cum poena pecuniaria multatus est: iterum cum rei capitalis est damnatus. nam de priore iudicio Cicero sic loquitur: Itaq; hortari homines cepit, ut aliquid Sthenio periculi crearent, criminisq; confingeret. quicquid in illum uellent, dicerent, simulatq; ad se detulissent, probaturos. ita illi non procrastinant: Sthenium statim educunt: aiunt, ab eo literas publicas esse corruptas. Et paulo post: Vix ille hoc dixerat, cū iste pronūciat, literas publicas corruptisse uideri. De posteriore autem sic: Contentius hac iniquitate non fuit, palam de sella ac tribunali pronūciat, si quis absentem Sthenium rei capitalis reum facere uellet, sese eius nomen recepturum: & simul, iudicium ad causam accederet, nomenq; deferret, Agathinum nouum hospitem cepit hortari: tum ille clare omnibus audientibus, sese id non esse facturum, neq; se usq; eo Sthenio esse inimicum, ut eum rei capitalis affinem esse diceret. Hic tum repente Pacilius quidam accedit, ait, Si liceret, nomen absentis deferre se uelle. iste uero & licere, & fieri solere, & se recepturum. Itaq; deferatur. Et paulo post: Itaq; fecit, ut exitus principio simillimus reperiretur. quem absentem reum fecerat, eum absente accusatore condemnat. Quibus ex locis apparet Sthenium bis falsi crimine accusatum esse, semel non capitali iudicio, iterum capitali. nihil enim ad rem attinet, quod in prouincia hæc acta sunt. Videamus igitur ecquid hoc modo responderi possit: Tamen si capitale aliquod crimen est, licere tamen accusatori mitiore iudicio experiri, & non capitale actionem intendere.

**Lex Iulia maiestatis damnatos perduellionis, morte: mortuos, ignominia afficit: eorumq; bona publicat. l. ult. D. eod. l. pen. & ult. C. eod.**

**II. Publica autem iudicia hæc sunt: lex Iulia maiestatis, quæ in eos qui contra Imperatorem uel rempub. aliquid moliti sunt, suum uigorem extendit. cuius poena, animæ amissionem sustinet, & memoria rei etiam post mortem damnatur.**

**LEX IVLIA MAIESTATIS.)** Enunciatio I. Lex Iulia maiestatis ad eos qui contra Imperatorem remue publicam aliquid moliti sunt, pertinet. l. 1. & pass. D. ad leg. Iul. maiest. Intelligendum est autem, cum Maiestatis duplex crime



fit: unum, quod perduellionis appellatur, quod ad summam Reipub. pertinet: alterum, quod generis nomen retinet, & maiestas uocatur: (quemadmodum Vlp. in l. ult. D. eod. demonstrat) Tribonianum in hoc §. de solo perduellionis crimine differere. De quo quia copiose in Commentario uerborum iuris exposui, & ea quæ ad hunc locum pertinebant, tractavi, nihil necesse est operam in re non necessaria consumere.

CVIVS POENA ANIMAE AMISSIONEM.) Sequitur II. Perduellionis poena mors est, & memoria post rei mortem damnatio. d. l. ult. ubi Vlp. qui in l. 3. D. de pub. iud. generaliter scripserat, publicam accusationem reo uel rea ante defunctis perimit: tamen de perduellione loquens ait, eum qui in reatu decedit, integri status decedere. morte namque crimen extinguit: nisi forte quis perduellionis reus fuit. nam hoc crimen nisi à successoribus purgetur, hereditatem fisco uindictari. quod primum à D. Marco institutum esse, Paulus & Marcianus scribunt in l. pen. & ult. C. eod.

*Lege Iulia de adulterijs & stupris cautum est, ut adulteri & Sodomitæ morte multentur: stupratores honesti, dimidia bonorum parte: humiles, uerberati relegentur.*

III. Item lex Iulia de adulterijs coercendis, quæ non solum temeratores alienarum nuptiarum gladio punit: sed & eos, qui cum masculis nefandam libidinem exercere audent. Sed eadem lege Iulia etiam stupri flagitium punitur, cum quis sine ui uel uirginem, uel uiduam honestè uiuentem stuprauerit. Poenam autem eadem lex irrogat peccatoribus, si honesti sunt, publicationem partis dimidiæ bonorum: si humiles, corporis coercionem cum relegatione.

NON SOLVM TEMERATORES.) Enunciatio I. Lex Iulia de adulterijs, non tantum adulteros, sed etiam Sodomitas morte multat. Quod tamen falsum esse, uel ex Augustini libro 3. De ciuitate Dei, capite 5. apparet: ubi disertè scribit, Romanos adulteros feminas, quamuis aliqua damnatione, nulla tamen morte multasse. De Sodomitis autem notum est quod Seneca lib. Controuers. 4. dictum à quodam scribit, Impudicitiam in ingenuo crimen esse, in seruo necessitatem, in liberto officium. Vnde illud Martialis lib. Epigram. 6.

Lusus erat sacræ connubia fallere tædæ:

Lusus & immeritos executisse mares.

Vtraque tu prohibes Cæsar, &c. —

Hoc igitur ad sui iuris rationem Tribonianus accommodauit: quoniam Constantinus, & sacrilegos nuptiarum (ut eius uerbis utar) & Sodomiticæ turpitudinis damnatos gladio puniri iubet. l. quamuis. 30. & l. cum iur. 31. C. ad leg. Iul. de adult. ubi VIRIS PARITVRA, non VIROS, legendum puto.

ETIAM STUPRI FLAGITIVM.) Sequitur II. Lex Iulia non modo de adulterijs, uerum etiam de stupris cauetur. l. 6. §. 1. D. eod. ubi Papinianus ait, Legem stuprum & adulterium promiscuè & *καταχρηστικῶς* appellare. sed propriè adulterium in nuptia committi: quod Græci *ἐπὶ τῷ γάμῳ* appellant. Cui consentiens Modestinus in l. inter stuprum. 101. D. de uerb. sign. ait inter illa sic interesse, quod adulterium in nuptiam, stuprum in uiduam committitur: sed legem Iulianam de adulterijs indifferenter hoc uerbo usam esse. Quod tamen mihi quidem mirum uidetur, adulterij uerbum extra coniugatos usurpatum esse: cum satis constet, adulterum & adulteram dici, quia & ille ad alteram, & hæc ad alterum se conferat: ut Festus lib. 1. scribit. Nam de stupro quidem Nonius idem scribit: Stuprum, inquit, quod cum uiduis committitur, hoc solum dici putant. Veteres pro adulterio & uiuo ponunt. Et Modestinus noster subscribit in l. stuprum. 34. D. eod. ubi hoc amplius ait, Stuprum in uidua, & uirgine & puero committi.

STUPRATORIBVS SI HONESTI SVNT.) Sequitur III. Stupri damnatus, si honeste existimatus fuit, dimidia bonorum parte multatur: si turpis, uerberatus relegatur. Sic enim illud interpretor, quod de honestis aut humilibus loquitur: propter l. humilem. 7. C. de incest. nupt.

*Lege Cornelia de sicarijs & ueneficijs cautum esse, ut qui quoquo modo, siue telo, siue ueneficio hominem occiderit, capite multetur. l. iij. D. eod. l. cccxxxiij. D. de uerb. sign.*

IIII. Item lex Cornelia de sicarijs: quæ homicidas ultore ferro persequitur, uel eos qui hominis occidendi causa cum telo ambulant. Telum autem (ut Caius noster in interpretatione legis duodecim Tabularum scriptum reliquit) uulgo quidem id appellatur, quod ab arcu mittitur. sed nunc omne significatur, quod mittitur manu. ita sequitur ut & lapis, & lignum & ferrum hoc nomine contineatur: dictum ab eo, quod in longinquum mittitur, à Græca uoce figuratū, *ἀπὸ τῆς τοῦ λανθάνει*. & hanc significationem inuenire possumus & in Græco nomine. nam quod nos telum appellamus, illi *βλήτης* appellant *ἀπὸ τῆς βλάπτειν*. quod admonet nos Xenophon. nam ita scribit: *οὐκ ἔστι βλήτης ὁ μὴ ἰσχυρὸς τοῦ λόγχης, τοῦ δόρυ, τοῦ σφαιροῦ, τῶν τε ἄλλων ἢ καὶ λίθου*. Sicarij appellantur à sica, quod significat ferreum cultrum. Eadem lege & uenefici capite damnantur, qui artibus odiosis, tam uenenis, quam susurris magicis homines occiderint, uel mala medicamenta publicè uendiderint.

HOMICIDAS VLTORE FERRO.) Enunciatio I. Lex Cornelia tum homicidæ, tum qui hominis occidendi causa cum telo fuerint, morte multantur. Quod à Triboniano accommodatè ad iuris sui rationem scriptum est. cum satis constet, poenam lege Cornelia institutam, fuisse aquæ & ignis interdictionem, cui deportatio successit. Paulus autem in l. 3. in fi. D. ad leg. Corn. rem sic explicat: Legis Corneliæ poena, infulæ deportatio est, & omnium bonorum ademptio. sed solent bodie capite puniri, nisi honestiore loco positi fuerint, ut poenam legis sustineant: humiliores enim solent uel bestijs subijci, alioquin



**A** tiores uero deportantur in insulam. Quod autem de telo hominis occidendi causa gestato cautum est, demonstrat id quod Cicero in Miloniana scribit, tacite quodammodo dare ipsam legem sese defendendi potestatem, quæ non modo hominem occidi, sed esse cum telo hominis occidendi causa uetaretur: ut cum causa, non telum quaeretur, qui sui defendendi causa telo esset usus, non hominis occidendi causa habuisse telum iudicaretur. Vnde Paulus in l. pen. D. de ui public. Qui telum, inquit, tutandæ salutis suæ causa gerunt, non uidentur hominis occidendi causa portare.

TELUM AUTEM.) Sequitur II. Teli uerbo non modo quod arcu, sed & quodcumq; manu mittitur, intelligitur. l. pen. D. de ui pub. & l. si calumniatur. §. telum. D. de uerb. sign.

ADMONET NOS XENOPHON.) Hunc locum ex Xenophonte ita legendum & corrigendum esse, docuit uir doctissimus An. Augustinus lib. Emend. 4. cap. 5.

SIGNIFICAT FERREVM CVLTRVM.) Breuem & incuruum, quo etiam nunc Angli (ut audio) utuntur. Iosephus lib. Antiq. 1. formam sic explicat: Καὶ οἱ σιναίτοι δὲ λαλῶντες οἱ λυσσόντες ἐλάδον. τότε μάλιστα ἐπλήθειθεν, ἡρώδης ἐφ' ἡδονῆς πρὸς τοὺς τοῦ πρὸς αὐτὸν ἀνιόντας, ἐπινέμπτει δὲ καὶ πρὸς τοὺς τοὺς ὑπὸ προαίτιον σίγης λαλῶντας, ὅς' ὅν καὶ προσγορεῖν οἱ λυσσόντες ἐλάδον. Id est: Qui sicarij uocantur (sunt autem hi prædones) tum maxime grassabantur: utebanturq; gladiolis Persici ferè acinacis magnitudine, inflexis, & similibus earum quæ à Romanis sicae appellantur, unde hoc quoq; nomen prædones adepti sunt. Verum hæc quidem ita se habent. Fabius autem lib. 10. cap. 1. Per abusionem, inquit, Sicarios etiam omnes uocamus, qui eadem telo quocumq; commiserint.

ET VENEFICI CAPITIBUS DAMNANTVR.) Sequitur III. Hac lege, qui quauis arte hominem occiderit, uenenumue uendiderit, tenetur. l. 1. & 3. D. eod. Sufurros autem magicos intelligit de quibus lege XII. Tab. cautum fuisse, Plin. lib. 28. cap. 2. testatur, ubi hæc legis uerba profert: QVI MALVM CARMEN INCANTASSET. itē, QVI FRVGES EXCANTASSET. Alia quoq; legis eiusdem uerba reperio apud Seruium in illud Virgilij:

**B** Atq; fatas aliò uidi traducere menses. ubi Seruius: Magicis, inquit, quibusdam artibus hoc fiebat. Vnde est in XII. Tabulis: NEVE ALIENAM SEGETEM PELLEGERIS.

*Legem Pompeiam de parricidijs latam esse: cautumq; fuisse, ut parricida in culeum insutus cum cane, gallo gallinaceo, uipera & simia in profluentem deijceretur. l. ix. D. eod. l. j. C. eodem.*

V. Alia deinde lex asperissimum crimen noua pœna persequitur, quæ Pompeia de parricidijs uocatur: qua cauetur, ut si quis parentis, aut filij, aut omnino affectionis eius, quæ nuncupatione parricidij continetur, fata præparauerit (siue clam, siue palam id enisus fuerit) necnò is cuius dolo malo id factum est, uel conscius criminis existit, licet extraneus sit, pœna parricidij puniatur: & neq; gladio, neq; ignibus, neq; ulli alij sollemni pœnæ subijciatur, sed insutus culeo cum cane, & gallo gallinaceo, & uipera, & simia, & inter eas ferales angustias comprehensus (secundum quod regionis qualitas tulerit) uel in uicinum mare, uel in amnem projiciatur: ut omnium elementorum usu uiuus carere incipiat, & ei cælum superstiti, & terra mortuo auferatur. Si quis autem alias cognatione uel affinitate personas coniunctas necauerit, pœnam legis Corneliæ de sicarijs sustinebit.

AFFECTIONIS EIVS QUAE NVNCVP. PARRICIDII.) Sic correximus, si etiam eius libri auctoritate, unde hæc descripta sunt: nimirum l. un. C. de his qui par. uel lib. occid. cui tum Argentinensis, tum Tigrinus liber consentiunt. Antea uero sic legebatur, Affinitatis eius quæ nuncupatione parricidij. Sensus est autem, quasi dixisset: Aut omnino earum personarum, quarum cædes parricidij nomine continetur: quas Marciianus enumerat in l. 1. D. ad leg. Pomp. de parricid.

NUNCVPATIONE PARRICIDII CONTINETVR.) Enunciatio I. Parricidij nomine multorum aliorum, quam patris cædes comprehenditur. d. l. 1. Cuius rei rationem Charisius lib. 4. de Catachresi loquens, his exponit uerbis: Ut parricida, inquit, dicitur, qui fratrem, aut sororem occidit: cum sit ille propriè parricida, non qui fratrem aut sororem, sed qui patrem occidit. De parricida autem, quum unum, r. ascribitur, Festus lib. 14. sic scribit: Parricida non utiq; is qui patrem occidisset, dicebatur, sed qualemcumq; hominem. Idem autem fuisse indicat lex Numæ Pompilij: Si quis hominem liberum dolo sciens morti duit, parricida esto.

LICET EXTRANEVS SIT.) Sequitur II. Parricidij crimine etiam conscius, licet extraneus sit, tenetur. l. utrum. 6. D. eodem.

INSUTVS CVLEO CVM CANE.) Sequitur III. Supplicium Parricidæ est, ut insutus culeo cum cane, gallo gallinacio, uipera, & simia in profluentem deijciatur. d. l. 1. C. de ijs qui parent. & l. pœna. 9. D. eod. ubi Marciianus ait, more maiorum eam constitutam pœnam fuisse: quod mihi sanè obscurum est, si maiores ab eo tempore repetamus, quo Cicea ro Sext. Roscium defendit, neq; enim id opinor Ciceronem prætermisurum fuisse, cum de solo culeo loquatur. uideturq; Triboonianus aliquid ex Constantini lege ei loco more suo adfuisse, quanquam Seneca libro de Clementia 1. de Cæsare Augusto loquens: Non culeum, inquit, non serpentes, non carcerem decreuit. Quinetiam Iuuenalis de serpente & simia loquitur. Plutarchus etiam in Gracchis scribit, C. Villium in culeo cum anguibus insutum fuisse. Sed hac de re & alijs in libello de Legibus nonnihil attigimus.

OMNIVM ELEMENTORVM VSV.) Hæc Cicero in Orat. pro Sex. Roscio: Id quod omnibus notum est.

ALIAS COGNATIONE VEL AFFINITATE.) Sequitur IIII. Qui quempiam ex alijs cognatis affinisue occidit, lege Cornelia de sicarijs tenetur. l. pœna. 9. D. eod.



*Lege Cornelia de falsis cautum esse, ut qui falsum ullo in instrumento admiserit: si seruus est, necetur: si liber, deportetur. l. j. D. eo.*

VI. Item lex Cornelia de falsis, quæ etiam testamentaria uocatur, poenam irrogat ei qui testamentum, uel aliud instrumentum falsum scripserit, signauerit, recitauerit, subiecerit, quicquid signum adulterinum fecerit, sculpsit, expresserit sciens, dolo malo. Eiusque legis poena in seruos, ultimum supplicium est (quod etiam in lege de sicarijs & ueneficis seruatur) in liberos uero deportatio.

QVAE ETIAM TESTAMENTARIA.) Enunciatio I. Lex Cornelia de falsis etiam testamentaria uocari solet. l. 30. ad leg. Cor. de fals. ubi Modestinus sic scribit: Lex Cornelia testamentaria obligatur, &c. Item Paulus lib. Sentent. 5. Lege Cornelia testamentaria tenetur, &c. Sic autem appellata uidetur, quod maiore eius parte de falso in testamentis commissio caueretur. Cicero Verr. 3. Cornelia testamentaria, nummaria, cætera complures, &c. Quo ex loco constat, Nummariam ab ea parte qua de nummis cauetur, appellatam fuisse.

TESTAMENTVM VEL ALIUD INSTRUMENTVM.) Sequitur II. Cuiusvis generis falsitas lege Cornelia uindictur. l. 1. & pass. D. eod. Itaque apud Paulum additur, Amouerit, resignauerit, delcuerit, quicquid nummos aureos, argenteos adulterauerit, lauerit, conflauerit, raserit, corruerit, uitiauerit, uultuue Principum signatam monetam præter adulterinam reprobauerit.

IN SERVOS VLTIMUM SUPPLICIUM.) Sequitur III. Serui falsi damnati morte multantur: liberi uero deportantur. l. 1. in fin. D. eod. ubi Marcianus ait, poenam falsi, uel quasi falsi, deportationem esse, & omnium bonorum publicationem. & si seruus eorum quid amiserit, ultimo supplicio affici. Quasi falsum autem intelligit, cum aliter falsitas commissæ est, quam uti nominatim lege Cornelia cautum erat: qui casus ex Senatusconsultis, aut Principum placitis ad eius legis rationem accommodati sunt.

*De ui publica damnatus, deportatur: de priuata, triente bonorum multatur: honesta autem mulieris raptor, morte afficitur. l. x. de ui pub. l. j. de ui priu. l. un. C. de rapt. uirg.*

VII. Item lex Iulia de ui publica seu priuata, aduersus eos exoritur, qui uim uel armatam, uel sine armis commiserint. Sed si quidem armata uis arguatur, deportatio ei ex lege Iulia de ui publica irrogatur: si uero sine armis, in tertiam partem bonorum publicatio imponitur. Sin autem per uim raptus uirginis, uel uiduæ, uel sanctimonialis, uel alterius fuerit perpetratus: tunc & raptores, & ij qui opem huic flagitio dederunt, capite puniuntur, secundum nostræ constitutionis diffinitionem, ex qua hoc apertius possibile est scire.

DE VI SEU PVBLICA, SEU PRIVATA.) Enunc. I. Vis cum armis facta, publica sine armis, priuata nominatur. Cuius rei rationem hanc sub tit. Vi bonorum rapt. exposuimus: quia eorum est tantum armis uti, qui Rempublicam obinent. Lex enim XII. Tab. cum telo esse nemini priuato permittebat: ut superius diximus.

DEPORTATIO EI EX LEGE.) Sequitur II. De ui publica damnatus, deportatur: de priuata, tertia suorum bonorum parte multatur. l. qui dolo. 10. in fin. D. ad leg. Iul. de ui pub. ubi Vlpian. ait, damnato de ui publica aqua & igni interdici. Notum est autem, huic poenæ deportationem successisse. Cicero Philippica 1. Quid quod rogaturis legibus Cæsaris, quæ iubent ei qui de ui damnatus sit, aqua & igni interdici, &c. Item l. 1. & ult. D. de ui priuata. l. bos accusare. 12. §. omnibus. D. de accusat.

PER VIM RAPTVS VIRGINIS.) Sequitur III. Honestæ mulieris raptus ex Iustiniani constitutione capite multatur. l. un. C. de episc. & cler.

*Lege Iulia peculatus damnati, deportantur: qui uero iudices administrationis tempore depeculati sunt, quorumue opera id factum est, capite multantur. l. ij. D. eod. l. un. C. eod.*

VIII. Item lex Iulia peculatus eos punit, qui publicam pecuniam, uel rem sacram, uel religiosam furati fuerint. Sed si quidem ipsi iudices tempore administrationis publicas pecunias subtraxerint, capitali animaduersione puniuntur: & non solum hi, sed etiam qui ministerium eis ad hoc exhibuerint, uel qui subtractas ab his scientes susceperint. Alij uero qui in hanc legem inciderint, poenæ deportationis subiunguntur.

QVI PVBLICAM PECVNIAM.) Enunc. I. Qui pecuniam publicam, remue sacram aut religiosam furatur, lege Iulia peculatus damnatur. l. 1. & 4. D. ad leg. Iul. pecul. Item l. 9. §. 1. D. eod. ubi Labeo peculatum definit, pecuniæ publicæ aut sacræ furtum, non ab eo factum cuius periculo fuit. Vnde autem Peculatus dictus sit, nemo ignorat. Sed queri potest, quid ob rem, qui sacram pecuniam auerterit, peculatus, ac non potius sacrilegij damnetur. Idque nonnullis eruditissimis hominibus placere uideo. Videamus igitur ecquid responderi possit, uel legislatorem una atque eadem rogatione tum de publicæ, tum de sacræ pecuniæ furto statuisse: legem autem à primo capite, quo de peculatu cauebatur, nomen accepisse: uel potius Peculatus nomen generale esse, & ad cuiusuis pecuniæ furtum, quæ modò in hominum commercio esset, pertinuisse.

SI QUIDEM IPSI IVDICES.) Sequitur II. Qui iudex pecuniam publicam, quam administrabat, auerterit, capite damnatur. l. un. C. de crim. pecul. unde hic locus descriptus est, qui sanè subobscure uidetur: cum de iudicibus loquitur, qui pecuniam



**A** qui pecuniam publicam administrant, quasi uero ad officium Iudicis administratio pecunie publicae pertineat. Sed hoc ei tem-  
pori uidelicet attribuendum est, quo Caesares Honorius & Theodosius imperarunt.

QVI MINISTERIVM EIS AD HOC.) Sequitur III. Quorum opera factum est, ut iudices depeculas  
rentur, ij capite damnantur. d. l. un.

POENAE DEPORTATIONIS.) Sequitur IIII. Ob simplicem peculatum sola deportationis poena impo-  
nitur. l. 3. D. eod. ubi Vlp. ait, peculatus poenam, aquae & ignis interdictionem esse, in quam hodie deportatio successit. Porro  
qui in eum statum deducitur, sicut omnia pristina iura, ita & bona amittere.

*Alias pleraq; publicorum iudiciorum leges esse, quae cum alijs compluri-  
bus iuris disputationibus, ex Pandectarum libris  
cognoscendae sint.*

**IX.** Est & inter publica iudicia lex Fabia de plagiarijs, quae interdum capitis poenam ex sacris  
constitutionibus irrogat, interdum leuiorem. Sunt praeterea publica iudicia, lex Iulia de ambitu,  
& lex Iulia repetundarum, & lex Iulia de annona, & lex Iulia de residuis, quae de certis capitulis lo-  
quuntur: & animae quidem amissionem non irrogant, alijs autem poenis eos subiiciunt qui praee-  
pra earum neglexerint. Sed de publicis iudicijs haec exposuimus, ut uobis possibile sit summo di-  
gito, & quasi per indicem ea tetigisse. alioqui diligentior eorum scientia, uobis ex latioribus Dige-  
storum seu Pandectarum libris Deo propitio aduentura est.

**B DE PLAGIARIIS.)** Enunciatio I. Lex Flauia de plagiarijs publicum iudicium constituit. l. plagij. 13. C. ad leg.  
Fau. de plag. Virum autem lex Flauia, ut hoc loco, & in Codice ubiq; ita Fabia aut Fauia, ut apud Ciceronem in Orat. pro C.  
Rabirio, & in Pandectis legendum sit, nondum, quod sciam, exploratum est. Plagium autem est, cum quis hominem ingenuum  
uel libertinum inuitum celat, uinctumq; habet, emitue sciens dolo malo, in earumque qua re socius est: aut cum seruo alieno ser-  
uare uel persuasit, ut a domino dominus fugiat, uel eum eamue inuito uel insciente domino dominus celauit, uinctum habuit,  
emitue sciens dolo malo, quiue in ea re socius fuit. quod ex Callistrato in l. pen. D. eod. intelligitur. Suidas autem dictum putat ex  
eo, quod *πλάγιος* fiat. nonnulli ex eo, quod lege Fabia damnatus plagis damnabatur. quod falsum esse, patet ex l. ult. eod. ubi  
Hermogenianus ait, ea lege poenam pecuniariam constitutam fuisse.

INTERDV M CAPITIS POENAM.) Sequitur II. Plagiarij nonnunquam capitis, nonnunquam leuiori  
poena multantur. l. ult. C. eod. ubi Constantinus statuit, ut qui filium alterius surripuerit, si ingenuus est, gladio: si seruus, aut li-  
bertus, bestijs subiiciatur. Item l. ult. D. eod. ubi Hermogenianus scribit, plagij damnatos pro delicti crimine multari, & ple-  
runq; in metallum damnari.

SVNT PRAETEREA PVBLICA.) Sequitur III. Ob crimen ambitus, repetundarum, annona, & de res  
fiduis publica iudicia constituta sunt. l. 1. D. de pub. iudic. De ijs autem in libello de Legibus explicauimus.

SVMMO DIGITO, ET QVASI PER INDICEM.) Prouerbum est, Summo digito attingere, pro  
leuiter & quasi negligenter: ductum ex ijs qui onus tollentem extremis digitis, quasi dicis causa, & perfunctorie adiuuant.  
Cicero pro Caio: Equidem multos & uidi in hac ciuitate, & audiui non modo qui primoribus labris genus hoc uitae, & ex-  
tremis, ut dicitur, digitis attigissent, &c. Quod autem ait Per indicem, significare uidetur, non digitum indicem: sed quos Graeci  
*εισαδάκτυλοι* appellant, uulgus Tabulam librorum: qua in re nomen hoc a Cicerone etiam usurpatum est. ut sit sensus, Quasi  
indices, & summa duntaxat rerum quae in iure ciuili reconditae sunt, capita leuiter aspexerint, quasiq; litora le-  
gerint. Suetonius in Augusto: In altero uolumine indicem rerum a se gestarum, quem uellet incidi

*aeneis tabulis, scripsit. Haec autem ante quadriennium sic scripseram, erantq; a Luga-  
dunensi typographo in suum codicem, me non repu-  
gnante, relata.*

FINIS LIBRI QVARTI.

P 3

R E R V A



# RERVM ET VERBORVM IN

*hoc Commentario præcipuè memorabilium,*

I N D E X.



Bdicere uindicias quid sit	380.b	Adoptatus naturali filio an cōsanguineus	226.a
Abortiuus an postumi nomine continetur	155.a	Adoptio alia perfecta, alia imperfecta	37.c
Absentes an per stipulationem obligentur	248.c	Adoptio naturæ imitatrix	36.a
Abstinere hæreditate qui dicantur	182.b	Adoptionis definitio	46.c
Acceptilatio quid, & quibus uerbis fiat	323.a.b.	Adoptionis ius triplex	48.a
cuius sit iuris. ibid. ad quas obligationes pertineat.	ibid.	Adoptionis ius à Iustiniāno deminutum	48.b
Accessio amplior re principali esse nequit	292.c	Adoptiuarum sororum nuptiæ iniustæ, nisi post emancipationem	41.b
Accessio, quamuis preciosior, principali cedit.	106.a.b	Adoptiui filiorum fam. ius obtinent	157.a
Accrescendi ius	154.a	Adoptiuorum liberorum nuptiæ iniustæ	40.c
Acta quæ dicantur	52.c	etiam post emancipationem.	ibid.
Actio pro Actus non usurpatur à Iurisc.	20.c	Adriani beneficium in fideiussorum obligationibus	291.b.c
Actionis definitio 362.a. unde dicta, quàm multa significet.	ibid.b	Adulteram uxorem uir iure necabat: hunc illa non poterat	37.b
Actionis uera definitio.	ibid.c	Adulterij & stupri differentia	446.b
Actiones erant formulæ solennes	268.b. 379.a	Ædificij ex aliena materia facti quis dominus.	107.c
Actionis in rem definitio	365.a	Ædificij in alieno solo facti quis dominus sit.	109.b
Actiones quæ ciuiles, quæ prætoriæ	367.a	Ædiliū edicta	17.c
Actiones utiles	205.b	Ædium legato quod ius contineatur	192.c
Actio subsidiaria propter tutelam	82.a	Ætas quæ à tutela excuset	86.a.b
Actiones ciuiles olim erant perpetuæ	421.a. postea contractæ sunt.	Agere alieno nomine an liceat	416.a
Actionis de peculio natura & uis	373.b.c	Agere inter & queri quæ differentia	362.c
Actio ad exhibendum cur arbitraria	397.c	Agere tabulis obsignatis	294.b
Actio bonorum raptorū cuiusmodi	342.a.b	Agnati cognatis propioribus præferuntur	242.c
Actio calumniæ	439.b	Agnati olim nō habebant ius representationis.	228.a.b
Actio de peculio nō solidū semper exigit	403.a	Agnati qui dicantur	225.c
Actio ex dotis stipulatu qualis	394.a	Agnati remotiores quā cognati succedūt	236.b
Actio furti quam uim habeat	340.c	Agnatio nomen est Iuris ciuilis	65.a
Actio negatoria & confessoria	366.b	Agnationis iura quō extinguantur	67.c. 68.a
Actiones propter compensationes sæpe immutuantur	404.b	Agnatiōe sui hæredis testamentū rūpitur	274.a
Actionum & interdictorum similitudo & differentia	430.c	Agnatorum è gradibus primus solus succedit.	227.c
Actor in tutela quis dicatur	80.a	Agnatorum hæreditas semper diuiditur in capita	228.b
Actor seruus quis dicatur	357.a	Agnatus si suus non extet intestato succedit.	225.c
Actoris & curatoris differentia	80.b	Agnomina quæ dicantur	196.b
Actus cuiusmodi seruitus	119.a	Album Prætoris quid	375.a.b.
Actus uerbo, tabellionū munus significatur	23.b	eius corruptor	ibid.
ad Agnatos & gentiles deduci	79.a	qua pœna teneatur.	ibid.
Addictio bonorum libertatum conseruandarū causa	257.a	Alciati noua quædam emendatio notatur	196.b
Addictionis bonorum institutum à quo.	ibid.b	Alteri stipulari quando liceat	280.b
Addictorum & seruorum differentia	28.a.b	Alteri stipulari dum stipulatoris interfit, licet.	288.b
Ademptio legati quomodo & quando fieri possit	200.c	Alterum daturū facturūue inutiliter promittimus	280.a
Ad exhibendum actionis & exhibitorij interdicti differentia	432.b	Alluere quid sit	101.c
Adiecto in stipulatione rectè etiā inuito stipulatore solui	280.c	Alluuiū quid sit.	ibid.
Adire hæreditatem qui dicantur	182.a	Alluuius ager.	ibid.
Adiudicatio in mixtis iudicijs usurpatur	442.c.	Alueus à flumine occupatus sit publicus	103.b
443.a.b. eadem dominium rei adiudicatæ transfert.	ibid.c	Alueus à flumine relictus quorum sit.	ibid.
Adoptare mulieri an liceat	51.b.c	Amita quæ dicatur	238.a
Adoptio per æs & libram	48.a	Amitæ nuptiæ illegitimæ	42.c. 43.a
		Amitæ ne adoptiæ quidem iustæ nuptiæ	43.b
		Amitinorum patruelium & consobrinorum differentia.	ibid.c

Anastasis



# Index.

Anastafij leges de emancipatorum hæreditati- bus	79.b	Augustorum cognomen unde	2.b
Ancilla legata mortua, an nati debeantur	191.c	Augustus primus fideicommissi confirmator	204.a
Ancillarum partus an sit in fructu	113.b	Augustus Tyberium Cæsarem quomodo ado- ptarit	52.b
Animalis partus eius est cuius illud est	101.a	Aui hæreditas inter nepotes ex duobus filijs quomodo diuidatur	219.a
Animus in nouandis obligationibus domina- tur	326.a	Auiculæ ex caueis euolantes an domini perma- neant	97.b
Anno uel mense dari qui promisit, quando con- ueniri possit	290.a	Aureus quid	73.b
Annulus arræ nomine	295.c	Aureus quot sestertios ualebat	245.a
Annulorum ueterum uariæ figuræ	143.a.b	Auunculus quis	237.c
Anseres utrum feri, an cicures	100.a	B	
Antecessores qui	4.c	Belli genera duo, & quæ	3.b
Antestari quid	382.c	Bella quo iure instituta	14.a
Antistius Labeo Iuriscons.	214.a	Bestiæ sint ne iuris naturalis participes	10.a.11.a
Αντιστοχὸν quæ dicatur	133.c	Bis dat, qui citò dat	400.a
Aper laqueo irretitus an sit occupatus	100.b	Bona fides in usucapiendo quomodo exquirat- tur	129.c
Apium natura utrum fera an māsuetata sit	98.a.b	Bona uacantia quæ.	ibi.b
Aqua profluens à flumine quid differat	92.b	Bonæ fidei actionum explicatio	390.a.b.c
Aquæ ducendæ & hauriendæ seruitutes dissi- miles	120.a	Bonæ fidei & arbitrariarum actionum similitu- do	396.b. differentiæ 398.a
Aquæ quærendæ seruitus	122.a	Bonæ fidei possessor quos fructus suos faciat.	112.a
Aquilij Galli prudentia in formulis concipien- dis	323.c	Bonorum damnati debitoris emendorum ra- tio	260.b.c
Arbiter à iudice quid differat	364.a	Bonorum emptor olim quis diceretur.	ibid.a
Arbiter quis dicatur	395.c. 396.a	Bonorum possessio quid, & cur instituta	248.c
Arbitrariæ actiones quæ, & cur sic dicatur.	ibi.b	Bonorum possessio suis & agnatis deferretur	249.c
Arbitri familiæ erescundæ officium	442.c	Bonorum possessio cōtra tabulas, & secundum tabulas	250.b.c
Arbitri & iudices sæpe ijdem	390.b	unde legitimi	251.a
Arbor in confinio posita cuius sit	110.b	unde decem personæ.	ibidem.
Arbores à flumine translatae cuius sint	102.a	unde cognati.	ibid.b
Aream euerso templo manere sacram	95.a	tum qui ex familia.	ibid.
Argentarij ciuiliū Rom. pecunias exercebāt	372.c	unde patronus.	ibid.c
Aristides cur dictus sit iustus	7.a	unde uir & uxor	252.a
Aristoteles Platonis legem de sororum nuptijs cauillatur	40.b	unde cognati manumissoris	ibid.
Arma & leges duo Reip. tempora	2.c	Bonorum possess. ordinariæ quot & quæ	253.c
Arma sine consilio quàm parua	3.a	Bonorum possessionibus petendis quod sit præ- stitutum tempus	254.c
Armorum appellatione quid contineatur	437.a	Bonorum possessionum numerus à Iustiniano præcisus	252.b
Arræ siue arrabonis explicatio & origo	295.c	Bonorum possessores hæredum ius obtinēt	250.b
Arrogatio bona omnia cum arrogato olim trās- ferebat	256.a	C	
Arrogationis explicatio	47.b	Cadere caussa	399.b
Arrogator mortui apud se arrogati bonorum dominus	256.c	Cæsares cur dicti sint Romani principes	1.c. 2.a
Artificiales operæ libertorum quæ.	ibid.b	Cæcus quomodo testamentū rectè faciat	152.b.c
Artium omnium infantiam quandam esse	8.a	Caius auctor Institutionum	6.a
Asconij sententia in disquisitionem uocata	381.a	Calata comitia quæ	141.b
Affectari prætextatum	353.c	Calendis qui se daturum promisit, quando con- ueniri possit	271.a
Assignare libertum quid sit	247.c	Calumniatores qui	3.c
Assignari libertus quibus uerbis possit	248.c	Capitale crimen an alia quàm capitali actione.	445.a
Assignandi liberti potestas cui permittatur.	ib.a	Capitalis rei damnatus.	ibid.
Asylorum instituta	34.c	Capitale iudic. liberalis caussa uocatur	445.b.c
Atheniensium lex de damno	348.c	Capta ex hostibus uictorum fiunt	100.c
Atheniensium lex de paupertate quadrupedū.	414.c	Captiuitates quo iure institutæ	14.a
Attentare pudicitiam	353.c	Caput an serui habeant	68.b
Artilianus tutor	71.b	Caput in iure ciuili quid significet	66.c
Auctionem pati, turpe	29.b	P 4	
Auctores qui dicantur	75.a	Caput	
Auctoritas tutorū quomodo interponēda.	ibid.		



# Index.

Caput liberum, pro persona libera	59. a	Condicere cœnam malè uulgò usurpatur. ibid.	
Caput pro persona cū qua lege agi possit	412. c.	Condictio furtiua cur instituta, & quàm utilis sit	379. b
Capitis significatio multiplex	445. a	Conditione rei furtiuae quis teneatur	341. a
Cato uxorem suam Hortensio ad tempus concessit	35. c	Conditio ad futurum, præsens & præteritum tēpus referri potest	273. a
Causæ publicæ quæ	89. b	Conditio impossibilis pro non adiecta habetur	164. b
Causa rei est ius & conditio rei	442. b	Cōditio in nouādo adiecta quā uim habeat	325. c
Cautio de dolo cuiusmodi fuerit	277. a	Conditioni parere quid sit	284. b
Cautio non numeratæ pecuniæ	294. c	Conductoris hæres quo iure teneatur	306. a
Cautionales stipulationes quæ	278. a	Confessoria æquè possessori ut non possessori datur	366. c
Κενότοπος quid	95. b	Coniugium ad tempus an ualeat	35. b
Censeri quid sit	11. a	Coniunctim quibus legari dicatur	187. b
Censi qui dicantur	245. a	Consanguinei qui	225. c
Censores publica in foro hasta posita locabant.	303. b	Consanguinitas agnationis species	235. c
Census Romæ quid	26. a	Consecratio à dedicatione quid differat	94. b
Censu manumitti.	ibidem.	Cōsensus in emptione quomodo intelligendus	295. b
Centenarij liberti qui dicantur	245. a	Consensus duo genera apud Iurifconf.	38. b
Cernere hæreditatem	75. a	Consentire nuptijs quid sit	39. a
Certi conditio, & ex stipulatu actio, quid differant	296. a	Consilium à mandato quid differat	313. b
Charta utrum scripturæ cedat, an hæc illi	111. a	Consilij non fraudulentæ nulla obligatio.	ibid.
Χαράκιον in annulo qui sit	143. a. b	Consobrini qui	226. a. 238. c
Ciceronis præclarum institutum in exceptionibus dandis	423. c	Consobrinorum nuptiæ iustæ	42. c
Cines Rom. olim nulli nisi Latine periti	269. c	Consolidatio quid sit	124. a
Circumlocutionis ius quod sit	103. b	Cōstantinus magnus nouā Romā instituit	4. a
Claudius Cæsar matri legitimam hæreditatem attribuit	230. c	Constantinopolis noua Roma & ciuitatū princeps	420. c
Clauium traditio an pro mercium traditione ualeat	116. c	Constituere quid sit	372. b
Codicillorum definitio, origo & notatio	213. b. c	Constitutoria actionis explicatio.	ibid. c
Codicillis an relinqui legata possint	214. c	Constitutiones principum	17. b
Codicillis an liceat substituere	215. b	Consuetudinis ius atq; auctoritas	18. c. 19. a
Codicillis hereditas quomodo relinquatur. ib. a		Contractuum alij ex una, alij ex utraq; parte obligat	74. b
Codicillos plures an liceat facere. ibi. c.	quot	Contrahere fiduciam quid sit	230. a
testes in ijs requirantur.	ibid. c	Contrariæ & directæ actiones quæ	317. b
Cœnaculum quid	360. a	Contrariorū contraria sunt cōsequentia	400. b
Colonus quos fructus suos possit dicere	113. a	Contrectatio fraudulosa quæ dicatur	328. b
Columbæ utrum feræ an cicures	99. a	Contrectatio sine auersione an furē faciat. ibi. a	
Comitiorum ratio sublata	16. b. c	Contrectatio rei alienæ duplex.	ibid. b
Commercium quarundam rerum non omnib. esse	278. c	Conuentum pactum quid sit	425. a
Commixtio materiarum plurium dominorum an ius mutet	104. c. 105. a	Conuicium quid sit, & unde dictum	353. b
Commodare, & utendum dare, an eadem	265. a	Corporum diuisio triplex	107. b
Commodatarius quando furti obligetur	333. a. b	Creditor utens pignore furti tenetur	332. c
Commodatarius quo nomine teneatur	265. b	Cretio quid sit, & eius formula	283. b
Commodati & mutui differentia.	ibid. a	Culpa pars quædam delicti est	359. c
Communia an differant à publicis	92. a	Culpæ lata, leuis, leuissimæ explicatio	265. c.
Communi diuidendo actio cur mixta	386. b	266. a. b	
Comuni diuidendo iudiciū quid sit. ibi.	443. a. b	Cum moriar dari, stipulatio an ualeat	286. c
Compensationis ratio quibus in iudicijs habetur	345. b	Curare pecuniam, quid sit	280. b
Compensationis ratio actionē imminuit	404. b	Curationis & tutelæ differentia	78. a
Comperendinatio quid	382. b	Curator quo casu pupillo detur	75. a. b
Comprehendere furem quid sit	342. b	Curatorum institutum	77. b
Concepti furti actio	330. b	Curatores, quibus dari ius sit.	ibid. b. c
Conceptus post aui mortem aui nec suus nec cognatus est	220. a	Curatoris & actoris differentia	80. a. b
Cōdicere quid sit, & cōdictiōis explicatio	382. a	Cūrianæ causæ explicatio	170. c. & inde.
		D	
		Dare est dominium transferre	379. a
		Dare damnum quid sit	349. b
		Dari	



# Index.

Dari nobis quod nostrum est, non potest	378.c	Dominus ex serui contractu quatenus oblige-	
Dandi uerbo an restituere & tradere contine-		tur	373.c
antur	364.c	Domus sacrę & fisci res non eadem sed dissimi-	
Damnum, iniuria & furtum quid differat	344.c	les	131.a
Deberine dicantur quę nostra sunt	364.b	Donatio ante nuptias quę fuerit	133.a
Debitor pignus surripieus an furtum admittat.		Donatio inter uiuos quę dicatur	132.b. quid
334.c. & inde.		ab altera differat. ibid. c. an scriptura in-	
Debitor q bōis cessit an adhuc teneatur	404.c	digeat.	ibid.
Debiti legato quod ius contineatur	193.c	Donatio mortis causa quę dicatur	131.c. qui-
Decisiones Iustiniani quinquaginta	339.b	bus casibus irrita fiat	132.a. cur legatis com-
Decreta principum quę	17.b	paretur.	ibid.
Decretales bonorum possessiones quę	255.c	Donatio propter nuptias, & à quo instituta	133.c
Dedicatio à consecratione quid differat	94.b	Donatū quib. casibus ab ingrato repetatur. ibi. a	
Dediticij populi qui	27.c	Dos proprium uxoris patrimonium	134.c
Dediticij liberti qui.	ibid.	Dotale prædium in cuius bonis.	ibid.
De in rem uerso actionis explicatio	407.c.	Dotis actio non solidum exigit	403.b
408. a b		Dotis legato quod ius contineatur	191.a
Deliberandi spacium quibus cōcedatur	182.a	Dotis noīe tacita hypotheca conceditur	394.b
Delicta priuata quot	411.a	Dotis repetitio sumptibus in res dotales factis	
Demonstratio falsa an legatum perimat	197.b	imminuitur	403.c
Demosthenes alapam à Midia acceptam exagi-		Draco Atheniensium legislator	13.a
tat	359.a	Duas lucratias causas in eandem causam nō	
Deportatio ciuitatis Rom. ius adimit	53.c	concurrere	187.a
an plus adimat quā relegatio	54.a		
Deportatio in locum aquę & ignis interdictio-		E	
nis successit	445.a	Echinades insulę in mari nata	102.b
Deportationis & relegationis differentia	54.a	Edicere quid sit	17.c
Deportatus an possit patriam potestatem recu-		Edicta Prætorum.	ibidem.
perare.	ibid.	Edicta Principum.	ibidem a
Depositarius non culpę, sed doli tantum obli-		Edicta Ædiliū	18.a
gatur	267.a	Edictales bonorum possessiones quę	255.b c
Depositarij utēs re deposita furti tenetur	332.c	Emancipatio assignati liberti ius tollit	248.b
Depositę rei fur cui sit obligatus	340.a	Emācipatio & suitatis & agnationis ius adimit.	
Depositi definitio	266.c	220.b	
Depositi obligatio non nisi re accepta contra-		Emancipatio filiarum alia quā filiorum	56.c
hitur.	ibid.c	Emancipatio lege Iustiniani semper fit contra-	
Despondere & spondere quid differant	38.b	cta fiducia	230.b
Destitui testamentum quando dicatur	202.c	Emācipatio nouarum legum hæreditates non	
Dies sessionum qui dicantur	255.b	extinguit	233.c. 234.a
Dies solutionis, sicuti summa, pars est obligatio		Emancipatio quo ritu olim fieri solita	56.c
nis	400.a	Emancipatio quid iuris patrib. afferat	138.a
Diei adiectio pro reo, non pro stipulatore. ibid.		Emancipatus ab arrogatione adoptiuo patrī	
Dies utiles qui	255.b	extraneus est	221.a
Diligentię cū culpa cōparatio & explicatio	266.a	Emancipati à patre adoptiuo ius omne in illius	
Directa actio quę dicatur	317.b	familia deperdunt	157.b
Directa in testamentis quę dicantur	61.c	Emancipati & soli & cum suis bonorum possess.	
Directa libertas quę dicatur	213.a	impetrant	221.a
Directę actiones	205.b	Emancipati pro extraneis numerantur	156.b c
Directę actiones in rem quę	111.c	Emancipatis præteritis Prætor succurrit. ibid. c	
Directę & cōtrarię actiones quę dicantur	317.b	Emphyteusis quid, & copiosa eius explicatio.	
Directō dictum pro simpliciter	410.c	303.a	
Discenda ea sola quę uiris usui futura sunt	5.a	Emptio à mancipatione quid differat	295.c
Dispensator seruus quis	357.a	Emptio an sine pecunia numerata contrahatur.	
Diuiinarum rerum noticia an pertineat ad Iuris-		298.a	
conf.	7.b	Emptio an sine precij solutione dominium trās-	
Diuortij tres causę à Romulo cōprobatę	35.c	ferat	115.c
Diuortia diu Romę nulla.	ibid.	Emptionis & permutationis differentia	298.c
Dolus quibus casib. ipso iure uindicetur	423.b	Emptionis & uenditionis definitio	295.b
Doli actio cur arbitraria dicatur	197.b c	Endo procinctu testamentum	141.c
Doli mali exceptio	424.a	Equitandi imperitia fraudi esse solet	348.b
Dolon pro dolor legendum	415.a	Examen apum cuius sit	98.b
		Examina syluestria & uernacula.	ibid. c



# Index.

Ex bonis & in bonis esse quid sit	344.a	Fideicommissorum & legatorum uetus differ- rentia	211.a	
Exceptio quid, & cur sic dicta	423.a. quæ nam eius natura & uis.	ibid.	Fideicommissorum uerba solennia	213.a
Exceptio doli bonæ fidei iudicijs cur contineri dicatur	391.a b	Fideiubere quid sit	430.a	
Exceptio non numeratæ pecuniæ	294.b	Fideiussor quis dicatur	290.b	
Exceptiones aliæ ciuiles, aliæ prætorias	426.b	Fideiussor ante reum conueniri potest	512.c	
aliæ perpetuæ, aliæ temporales.	ibid.c	Fideiussor cur accipiat 290.c. omni obliga- tioni rectè adijcitur 291.a. etiam eius hæres obligatur. ibid. & ante & post obligationem capi potest.	ibid.b	
Exceptiones earum tantum rerum dantur, quæ facti sunt, non iuris	424.c	Fideiussor graui⁹ quàm reus an obligetur 290.c		
Excusationes tutorum legitimæ	82.c	Fiducia contracta quæ dicatur	230.a	
Exercitor quis, & exercitoria actionis explica- tio	406.a	Fiduciā contrahere & interponere differūt. ibi.		
Exhæredare quid sit	153.c	Fiduciaria tutela	70.a	
Exhæredari liberos dum ijs quarta relinquatur.	178.c	Fiduciarius quis dicatur	ibid.	
Exhæredato facta substitutio an ualeat	170.b	Fieri & non fieri una conceptione rectè stipula- mur	273.c	
Exhibere quid	442.b c	Filius à patre exhæredari, at illum exhæredare non potest	177.a	
Exhibere non dicitur, nisi qui causam rei præ- stat	ibid.	Filij uox, uox patris	281.b	
Existere, esse incipere	78.c	Filium temporalem habere an liceat	35.c	
Expostulare & postulare quid differant	362.c	Filiorum hæreditas ita pro capitum numero di- uiditur, ut nunquam postea diuidatur	218.b	
Extranea persona an nobis acquirat 134.c. 140.a		Filia non patri, sed marito filiumfam. parit	37.a	
F		Filiæ nuptiæ an extinguat patri potestatem. ib. a b		
Fabricius iustus cur appellatus	7.a	Filiæfam. nuptæ facta iniuria & à patre & à uiro uindicatur	354.a	
Fabriles libertorum operæ quæ	256.b	Filiusfam. an alteri quàm patri obligetur	282.c	
Factio testamenti quid	181.b c	Filiusfa. impubes ne patre quidem auctore ob- ligatur	284.b	
Falcidia detractionem quæ præcedant	203.a	Filiusfamil. stipulans patris uoce loqui uidetur.	37.a. 285.c	
Falcidia & S.C. Pegasiani different. 205.c. 206.a		Filiusfa. si litē suā faciat, cum quo agendū	282.c	
Falcidiæ in retentione patrimoniij modus à mor- tis tempore spectatur	202.b	Filiusfamil. ex omnibus causis tanquam pater- fam. obligatur	405.b	
Falcidia lege legata ipso iure minuuntur	399.c	Filijsfa. in castrensi peculio pro patribusf. 137.b c		
Falcidia quarta etiam à singulis hæredibus reti- neri potest	201.c	Filijsfamil. pagani testamentum ne consentiente quidem patre factum ualeat	150.b	
Familia unde rustica uel urbana dicatur	120.c.	Filijsfa. à lege hæredes patrib. designantur	153.b	
121.a		Filijsfam. stipulatio quod ius habeat	276.a	
Familia emptor quis dicebatur	141.a	Filiusfam. militi, ueteranone testari de castrensi peculio ius est	150.c	
Familia eriscundæ iudicium quid sit	386.a	Filiusfa. indecorum fuit à patre semigrare	361.a	
Familia eriscun. actio mixta cur dicatur. ibid. c		Filijsfa. olim itē ut serui noxæ dedebantur	414.a	
Fauis qui dicantur	98.c	Filiorumfam. opera acquiri obligatio potest 320.b		
Felicitis cognomē à quibusdā Impp. usurpatū 2.b		Finium regundorum actio cur mixta	386.b	
Fera sic uulnerata ut prehendi possit, sit ne occu- pata	97.c	Finium regundorum iudicium	443.b	
Ferarum acquisitio libera in agro alieno. ibid. b		Fiscus perduellionis damnato succedit	218.a	
Feram in publico habere non licet	415.c	Fiscus uacantem hæreditatem occupans liber- tates præstat	129.b	
Feudorum origo unde	304.a	Fisci & sacra domus res non eadem, sed dissi- miles	131.a	
Fide sua iubere, & fide sua pmittere, qd	290.b c	Flagitij remuneratio bonis morib. aduersatur.	289.b	
Fidei definitio	390.a	Flauiorum cognomen à quibusdā Impp. usur- patum	2.a	
Fideicommissi definitio	204.c	Flumen & aqua profluens quid differant	92.c	
Fideicommissum relinqui etiam ab intestato po- test	209.c	Fluminis recipiendi seruitus qualis	121.a	
Fideicommissa ab hæredum fide initium & no- men acceperunt	210.b	Fluminum usus omnium communis	93.a	
Fideicommissa cur instituta	203.c. 204.a	Fœminæ equæ ut mares intestatis succedūt 157.c		
Fideicommissa non per formulam, sed extra or- dinem petebantur	204.c	Fœminæ suos hæredes non habent	230.c	
Fideicommissa quot testes desiderant	210.c	Fœmi-		
Fideicommissio etiam res singulæ relinqui pos- sunt	211.a			
Fideicommissorum alia singularia, alia uniuersa- lia	203.c			



# Index.

Forēminis Iustinianus quantū fauerit	231.c. 232.b	fia	117.c
Formula contrahendi matrimonij	35.c	H	
Formula interdicendi prodigis bonorum administatione	78.c	Habere, tenere, possidere, quid differant	324.a
Formula in stipulando eadem debet esse respondendi quæ interrogandi	281.c	Haberi pro Habitum iri uetustè	417.c
Formula hypothecaria quæ dicatur	371.a	Habitatio cuiusmodi seruitus	126.b
Formula qui cadebat, causa cadebat	379.a	Hæres unde dictus	183.c
Formula suspecti remouendi	89.c	Hæres antiquitus dominum significabat.	ibid.
Formula in omnibus iudicijs absolutoria	422.c	Hæres necessarius quis	159.b. 179.a
Formula exceptionum	423.a	Hæres promissoris conditione pendente mortui, an ea existente debeat	289.c
Frater fratris tutor fiduciarius	70.b	Hæres suus quis dicatur	179.b c
Fratris filia matrimonium aliquando permittitur	42.b	Hæredis institutio, caput, initium, anima testamenti	199.b
Fratris filius cum fratre defuncti quomodo succedit	219.a	Hæredis ius quo potius, tempore spectetur	181.a
Fratres consanguinei qui	225.c	Hæredem & purè & sub conditione, rectè institui	164.a
Fratres qui agnati.	ibid.	Hæredes quos instituere liceat	158.c
Fratrum & sororum testamenta an argui inofficiosi possint	177.a	Hæredes quot cuiq; placet, institui possunt	161.a
Fructuarius an & cui ius suū possit cedere	124.b	Hæredes Prætor facere non potest	250.a
Fructuarius quos fructus suos faciat	112.a	Hæreditas non pecunia est, sed ius	118.c
Fructuarius rei mutandæ ius non habet	123.a	Hæreditas iacens defuncti uicem obtinet	160.c
Fructus rustici prædij tacitè domino sunt obligati	371.b	Hæreditas personam defuncti sustinet	275.b
Fructus deductis impendijs intelliguntur	441.b	Hæreditas semper ad assis partes reuocatur.	162.b c. 163.a
Fructus qui bonæ fidei possessoris fiant	112.a. 441.a b	Hæreditatis partes indefinitæ æquales intelligendæ sunt	161.c
Funerariæ actionis natura	398.b	Hæreditatis partes intelligendi regula	163.b
Furiosus à demente quid differat	78.b	Herile imperium iure gentium infinitum	33.c
Furiosus an institui tutor possit	62.b	Hippocentauri an sint in rerum natura	278.b
Furiosus nullum negocium potest gerere	283.a	Homerus poetarum princeps	13.c
Furiosus quibus ex causis acquiri possit	217.c	Homer. loc9 ex Iliad. 297.c. ex Odyss. 132.a. 345.b	
Furiosi patris consensus in nuptijs an requiratur	39.c	Honestas potius quàm id quod licet in nuptijs exquiritur	40.c
Furiosis & prodigis agnati sunt curatores	78.b	Honorariæ actiones annuæ duntaxat	421.a
Furiosis testamentum facere non licet	151.b c	Hortensio amico Cato Minor uxorem ad tempus concessit	35.c
Fures extraordinarijs quibusdam actionum generibus tenentur	378.c. 379.a	Hostibus erepta, ereptorum fiunt	100.c
Furibus condici etiã res extinctæ possunt	106.c	Humati & siti quid differant	95.b
Furti rei ufucapio an procedat	128.a	Hypotheca unde dicta, & quid à pignore differat	371.c. 372.a
Furti rei uitium quomodo purgetur	129.a	Hypothecaria actio quæ dicatur.	ibid.a
Furtum à damni iniuria quid differat	344.c	I	
Furtum ex effectu furandi consistit	340.b	Iactura ex naui domini permanet	117.b
Furtum manifestum quod	329.b	Idoneè satisfacere quid sit	257.c. 258.a
Furtum per lancem & licium	331.a	Ignorantia iusta fraudi esse non debet	315.b
Furti actio cui competat	338.a	Immiscere se hæreditati qui dicantur	182.a
Furti actio utrum ciuilis an Prætoria	421.b	Imperatoris appellandi ab exercitu & senatu mos	1.b c
Furti definitio 328.a. quarum rerum furtum fiat. ibid. unde dictum	329.a	Imperatoris nomen quibus olim tribueretur i.a	
Furti & rapinæ differentia multiplex	341.c	Imperatori quæ necessaria	3.a
Furti poena quæ constituta	331.b.	Imperitia peccatum culpæ attribuitur	547.b
G		Imperium maximum quale sit	3.a
Gallinæ utrum feræ an cicures	100.a	Impossibilis conditio quæ dicatur	284.b
Gothi quandiu Imper. Rom. tenuerint	2.b	Impubes an furti obligetur	340.b
Gradus cognationis unde dicti	239.c	Impuberes testamentum facere nō possunt	151.c
Gradus cognationis quomodo numerandi.	236.a b c. & inde.	Inæstimabile quid dicatur	32.a
Gregatim pascere	345.b	In annos singulos, & in annos singulos quoad uiuam, quid differant	271.a
Gregis legato quid contineatur	192.b	In bonis & ex bonis quid differant	344.a
Gripi & Thracaliois Plautinorum controuersia		In capita succedere quid sit	218.c
		In capite, pro In caput	59.a
		Incapax	



# Index.

Incapax hæreditatis quo tēpore spectetur	181. a	Iudicia ordinaria, & extraordinaria	438. a
Incertæ personæ legari an possit	195. a b c	Iudicia capitalia & non capitalia	444. c
Incertum precium uitæ emptiōnem	291. a	Iudicia omnia olim absolutoria	422. b
Incestarum nuptiarum exemplū horribile	42. a	Iudicia ordinaria quæ	260. b
Incommodum eius est, cuius fuit commodum.		Iudiciorum publicorum tractatio.	ibid. a b c
299. c		Iumentorum nomine quæ contineantur	119. b
In diem promissum quando peti possit	270. c	Iuramentum calumniæ	439. a
In diem quomodo stipulatio concipiatur.	ibi. b	Ius aliud pontificium, augurale, feciale, ciuile.	
In factum actiones quæ	302. b	7. b	
Infamia quibus iudicijs imponatur	239. c	Ius aliud publicum, aliud priuatum	8. b
Infans, infantæ ue proximus furioso compara-		Ius ciuile aliud merum, aliud mixtum	9. b
tur	283. c	Ius aliud scriptum, aliud non scriptum	15. c
Infantiæ proximi qui dicantur.	ibid.	Ius accrescendi ex serui communis manumissi-	
Inficiendo lis interdum crescit	359. b c	one	134. b
Ingenui qui dicantur	23. c. 24. a	Ius accrescendi quid sit	154. b
Ingrato donatum quibus casib. repetatur	133. a	Ius liberorum	229. c. 230. a
Iniuria unde dicta, & quot eius species	352. a	Iuris ciuilis finis	7. c
Iniuria liberi uxoriue nostræ illata, nobis illata		Iuris ciuilis definitio	11. b. 12. c
uidetur	353. c	Iuris gentium descriptio	12. a. 13. c
Iniuria occidere quid sit	346. a	Iuris naturalis, gentium & ciuilis differentia.	
Iniuriam facere quid sit	355. b	11. b. 12. b. 13. c	
Iniuriarum actio nec hæredibus nec in hæreses		Iuris diuisio	8. c. 9. a
datur	422. b	Iuris ciuilis diuisio tripartita	20. c
Iniuriarum actio dissimulatione tollitur	359. a	Iuris ciuilis instituta contrarijs institutis tollun-	
Iniuriarum atrocitas unde æstimetur	357. c	tur	221. c
In iure & in iudicio quid differant	363. b	Iuris naturalis definitio	9. c. 10. a
Inofficiosi querela quo nomine instituta	176. b	Iuris non scripti uis & auctoritas	18. c
In procinctu testamentum	141. b	Iuris præcepta	8. b
In rem & in personam actiones quæ, & cur di-		Iura ciuilia post ciuitates cōditas instituta	96. c
cantur	364. b c	Iura naturalia an à ciuilibus extinguantur	65. c
Insinuari actis quid	133. a	Iura omnia in rebus incorporalibus numeran-	
In stirpes succedere quid sit	218. c	tur	118. c
Institor quis, & institoria actionis explicatio.		Iura prædiorum seruitutes appellantur	119. a
466. b		Iurisconsulti definitio	7. b
Instituere propriè quid sit	165. a	Iurisconsultorum auctoritas	18. b c
Institutiones legum uim obtinent	5. c. & inde.	Iurisconsultorum imperitia an actione ulla ple-	
Instructi fundi, & fundi cum instrumento diffe-		ctatur	348. a
rentia	192. a	Iurissurandum æris alieni emplastrum	425. c
Insula in mari nata cuius fiat	102. b	Iurissurandi uis magna apud Romanos	374. b
Insulæ an in mari aut fluminib. nascantur.	ibid.	Iurissurandi exceptio	452. b
Intendere, pro actionem instituere	364. b	Iurisprudentiæ definitio	7. b
Intercidere, pro interdicto contendere	431. a	Iusta libertas	27. b
Interdicere quid sit, & cur interdicta prodita.		Iustitia alia humana, alia diuina	7. b
430. b c.		Iustitiæ descriptio	ibid. a
eorum cum actionibus similitudo		Iustinianus à quo adoptatus	2. a
& differentia.	ibid.	Iustiniani res gestæ	3. c
Interdicta alia simplicia, alia duplicia	437. c	Iustiniani consilium in componendis iuris ciui-	
Interdicta prohibitoria 432. a.		lis libris	4. b
exhibitoria.	ibid. b	Iustum est quod legibus consentaneum est	7. c
Intestatus quis dicatur	64. b	Iustum inter & iniustum, medium quiddam.	
Intestatus quando decessisse dicatur	228. c	346. b	
Intestatus quis, & quot modis dicatur	216. b		
Inuenta in littore, inuentoris fiunt	101. a		
Inuentarij conficiendi institutum	182. c		
Inundatio agri an dominium mutet	104. a		
Ipso iure quid sit	426. b		
Irrita testamenta quomodo fiant	174. a		
Iter qualis seruitus	119. a b		
Iudex ab arbitro quid differat	364. a		
Iudex iniuste iudicās qua actiōe teneatur	352. c		
Iudicare & iudicium dare differunt	363. c		
Iudicatum solui satisfactio quæ	417. a		



# Index.

Legari ei quo cum testamenti factio non est, nō potest	195.a	Lex Voconia	201.b
Legari & corporales & incorporales res posse.	193.c	Libellorum famosorum poena	353.b
Legari etiam hæredis extranei res possunt	185.c	Liberi qui dicantur	21.b
Legari poenæ nomine an possit	200.a	Liberi parentum imperio naturæ lege subiecti.	35.b
Legari posse quod nō est, sed futurum est	187.b	Liberi emancipati an possint sine parentum auctoritate nuptias contrahere	38.b
Legari res quæ extra commercium sunt, non possunt	186.a	Liberi non matris, sed patris familiam sequuntur	64.a
Legatæ rei interitu quando hæres liberetur.	191.b	Liberorum numerus prodest	83.a
Legatarij non iuris, sed rei sunt successores.	145.c	Liberorum procreatio iure naturæ instituta	10.c
Legati definitio, & unde dicatur	184.b	Liberis præteritis tum suis tum emancipatis bonorum possessio datur	221.c
Legata fideicommissis à Iustiniano exæquata.	185.b	Liberi hominis furtum an admittatur	334.b
Legata per codicillos relinqui posse	215.a	Liberales causæ apud quos disceptarentur.	376.b c
Legata relinqui ab intestato non posse	210.a	Liberalium causarum quot genera	377.b
Legata lege Falcidia ipso iure minuuntur	399.c	Liberationis legato quid contineatur	190.b
Legatorum genera olim quot & quæ	184.c	Libertas cur dicatur inæstimabilis	32.a
Legatorum omnium unum idemq; ius.	ibid.	Libertas naturalis ferarum quæ sit	97.a
Legatorum & fideicommissorum uetus differentia	185.b c	Libertas ui & iure circumscripta	21.c
Legatos qui uiolabant, noxæ debebantur	414.a	Libertatis definitio.	ibidem.a
Leges duodecim Tabularum	63.c. 64.b.	Libertatis causa multa contra ius instituta.	134.b
Leges de sepulchris	95.b c	Libertatis legatum, à manumissione differt.	191.b
Leges testamentorum quæ	147.b	Libertatem alienissimo seruo relinqui per fideicommissum posse	211.c. 212.a
Legis definitio	15.c. 16.a	Libertus quantum patrono relinquere debeat.	243.c
Legis & plebisciti differentia	16.c	Liberti qui dicantur	25.b
Legis actiones	20.c	Liberti intestati hæreditas ad quem pertineat.	243.a
Legitima liberorum cur sic dicatur	177.c	Libertorum omnium una eademq; conditio, ex Iustiniani lege	247.b
Lentuli audacia in senatu Romano	213.c	Libertorum & libertinorum uetus differentia.	25.c
Lex Ælia Sentia	28.c. 128.a	Libri Pandectarum olim quàm multi	4.c
Lex Aquilia de damno iniuria dato	344.c	Limes unde dictus	55.c
Lex Atinia	127.c	Litem suam facere	359.c
Lex Cornelia de falsis	448.a	Literas nescire, & literarum imperitum esse, differt	85.b
Lex Cornelia de sicarijs	446.b	Litoris definitio	93.b
Lex Cornelia testamentaria	143.a. 152.c.	Litorum usus omnium communis.	ibid.a
Lex Falcidia	201.a b c	Locationis & conduct. definitio	301.c
Lex Flauia de plagiarijs	449.a	Locatio & conductio solo consensu contrahitur.	ibidem.
Lex Fusia Caninia	32.c	Locationis contractus ex æquo & bono æstimandus	305.c
Lex Hostensia	16.a b	Locus stipulationi adiectus in diem stipulationem efficit	272.c
Lex Hostilia de absentibus defendendis	416.b	Loco certo dandi stipulatio, spacium eo perueniendi complectitur.	ibidem.
Lex Iulia & Plautia	128.a	Lucrum in societate deductis damnis omnibus æstimatur	310.a
Lex Iulia de adulteris	446.a	Luminibus non officendi seruitus qualis	121.b
Lex Iulia de bonorum cessionibus	404.c	M	
Lex Iulia de maritandis ordinibus	83.c	Magistratus non extinguit patriam potestatem.	54.b
Lex Iulia de prædio dotali	135.a	Magistratus negligentia in tutoribus decernendis arguuntur	82.a
Lex Iulia de ui	448.b	Q	
Lex Iulia & Titia	71.b	Magi-	
Lex Iulia maiestatis	445.c		
Lex Iulia peculatus	448.c		
Lex Iunia de libertorum hæreditatibus	247.a		
Lex Iunia Velleia	156.a		
Lex Letoria	77.b		
Lex Papia de libertorum hæreditatibus	244.b		
Lex Pompeia de parricidijs	447.b		
Lex Porcia de iurè ciuitatis	445.b		
Lex Regia	17.a		



# Index.

Magistratui ad tuendam Rempub. quæ necessa- ria	2.c	natu	1.a.b
Maieſtatis crimen an ſemper capitale fuerit.		Mos ut patresfamil. accepti & expenſi tabulas haberent	293.c
445.b		Mos ut cenſores ueſtigalia locarent	303.b
Maleſicia alia natura turpia, alia inſtituto	329.a	Mos ut argentarij pecunias ciuium exercerent.	
Mancipatio ab emptione quid differat	295.c	372.c	
Mandati definitio	312.b	Mulier an procuratrix eſſe poſſit	428.b
item qui cum cauſſa rectè contrahatur.	ibid.	Mulier teſtis eſſe in teſtamenti nō poſteſt	143.c
Mandatum à conſilio quid differat	313.b	Mulieri adoptare an liceat	51.c
Mandatum contra bonos mores nullum.	ibid.c	Mulieres accuſare ſuſpecti quando poſſint	87.a
Mandati fines quomodo cuſtodiendi	314.b	Mulieres olim in perpetua tutela erant	59.a
Mandati obligatio à Cicerone præclare expli- cata	316.a	Mulieres an ſuos hæredes habeant	180.c
Manifestus fur quis dicatur	331.c	Mulierum prognatis ius ab Imp̃p. amplificatū.	
Manumiſſio quo iure introducta	26.b	224.a	
Maris uſus omnium communis	92.c	Mulio ob imperitiā & infirmitatem tenetur.	
Maritus ab uxoris curatione quamuis ſuſcepta ſe excuſat	88.a	348.a	
Marium olim quā ſceminarum ius in ſucce- dendo maius	226.c. 227.a	Mulſi Romani in uehiculis utebantur.	ibid.
Matertera quæ	238.a	Mulæ olim Romæ exiguæ	356.c
Materteræ nuptiæ illegitimæ	42.c	Munera publica quæ dicantur	83.b
Matrifam. ſuus hæres maritus erat	230.c	Muri an ſancti ſint	96.b
Matriſ ſilentium exhæredationis uim obtinet, ibidem.		Mutare pro uendere	298.c
Matri, filio mortuo ſui præferuntur	231.b	Muto & ſurdo teſtandi ius non eſt	152.a
item conſanguineus.	ibid.	Mutui definitio	263.a
Matri ius in liberorum hæreditate quale à Juſti- niano tributum	232.c	Mutui & commodati differentia	265.a
Matrimonium iure naturæ inſtitutum eſſe	10.b	Mutuum rei acceptione obligationē parit	263.a
Matrimonia iniuſta ius omnino habent nul- lum	45.c	quarum rerum conſiſtat.	ibid.b
Medicus imperitia peccans qua actione teneat- ur	347.b.c	unde ſit dictum.	ibid.c
Medij actus homo quis dicatur	357.a	N	
Membri rupti poena triplex	356.b	Nata ex animalibus eius ſunt, cuius & animalia.	
Methodus in iure docendo ſeruanda	8.a	101.a	
Miles adita hæreditate dānoſa reſtituitur	182.b	Natales qui dicantur	25.a
Miles legitimo in loco ſe exercens, hominemq; occidens, an teneatur	346.c	Naturalis ferarum libertas quæ ſit	97.a
Miles an poſſit eſſe procurator	428.b	Nautæ, cauſones, ſtabularij quaſi ex delicto ob- ligantur	361.b
Militis ſermo ſine conteſtatione an pro teſta- mento ualeat	148.a	Necceſſarius hæres quis dicatur.	179.a
Milites etiam ſanguine, & in uagina uel clypeo ſcribere teſtamentum poſſunt	147.b	Negociorum geſtorum obligatio quaſi ex con- tractu	117.a
Milites teſtamentarijs ſolennitatibus non aſtri- cti.	ibid.b.c	Nepos cum filio ſuperſtite quomodo ſuccedat.	
Milliarium	87.a	218.c	
Minor an inſtitui tutor poſſit	62.b	Nepos quomodo ſuus fiat	217.b
Minus nō quatuor modis, ut plus, ſed re tantum petitur	402.c	Nepotes ex filijsfam. in auorum poteſtate	37.a
Miſſilium mos	116.c	Nepotes ex uirili ſexu, ſolum pro ſuis: ex mulie- bri pro cognatis erant	223.c. 224.a
ea primi occupantis fieri.	ibid.	Nepti plus tribuitur iuris interdum quā filia.	
Mixtæ actiones quæ dicantur	385.a.b.c	156.a	
Moribundi moroſi, nec ſatis prudentes	32.c	Nominis legato quod ius contineatur	194.a
Moriendi momentum, non morti, ſed uitæ at- tribui	286.c	Nomine an demonſtratione certa quis notetur, nihil intereſt	197.b
Mortuum inferendo quomodo religioſa loca ſiant	95.a.b	Nomina, cognomina, prænomina, agnomina. ibidem.	
Mortui pro patria perpetua laude uiuunt	83.c	Nomina quæ dicantur, & quæ nominum obli- gatio	293.c. 294.a
Mos Imperatores appellandi in exercitu & ſe- natu		Nominibus ſingulis res ſingulæ diſtinguendæ.	
		174.b	
		Nominatim exhæredare quid ſit	155.b
		Noſtrum quod eſt, amplius noſtrum fieri non poſteſt	397.a
		Noua Roma quæ dicatur	4.a
		Nouatio quid ſit, & quales obligationes extin- guat	324.c
		Nouationis tres ſpecies	325.a
			Nouerçæ



# Index.

Noueræ nuptiæ iniustæ	44.b	Ordinarij serui qui dicantur	191.c
Noxa & noxia an differant	411.c	Ordo ab intestato succedendi triplex	242.a
Noxa caput sequitur	412.c	Ordo in bonorum possessionibus quis seruandus	254.b
Noxalis actio an arbitraria sit	396.c	Ordinis laudatio, & confusionis uituperatio.	185.b
Noxales actiones aliæ legitimæ, aliæ honorariæ	412.b	Optionis legato quod ius contineatur	194.c
Noxalium actionum tractatio	411.a b c.	Oratiões principū in Senatu recitādi mos	175.c
412. a b c		Osis rupti pœna ex X I I. tabulis	356.a b
Nullius dicuntur quæ deorū propria sunt	94.a	P	
Nuncupandi testamenti formula	142.a	Pañtum conuentum quid sit	425.a
Nundinis dari stipulatus, petere nisi ijs exactis non potest	290.a	Pañti conuenti exceptio	424.b
Nurus nuptiæ iniustæ	43.c	Pañto nudo ciues Ro. non obligabantur	373.a
Nuptiæ binæ eodem tempore prohibitæ	44.a	Pandectæ unde dictæ	5.b
Nuptiæ cum omnibus qui liberorum locum obtinent interdictæ	41.c. 42.a	Parentem in ius sine uenia uocare nō licet	375.b
Nuptiæ filiarum an extinguant patriam potestatem	37.b	Parentes à liberis an exhæredari possint	177.a
Nuptiæ filiorum famil. sine parentum consensu iniustæ	38.b	Parentes etiam liberorum testamenta in officio si arguunt.	ibid.
Nuptiæ inter parentes & liberos in infinitum prohibitæ	40.a	Paribus in causis paria iura intelligenda	405.c
Nuptiæ iustæ quæ dicantur	38.a	Paricida, & parricida quid differant	447.c
Nuptiæ sine parentum consensu contractæ, an ab illis dissolui possint	39.a	Partus ancillarum sit ne in fructu	113.b
O		Pater filio testanti de peculio castrensi testis est.	144.c
Oblati furti actio	330.c	Pater fiduciarius	70.a
Obligatio literarum, uel nominum quæ	293.c	Pater ex filij cōtractu quatenus obligetur	373.c
Obligationis definitio, eius uerbum ab antiquo nexu ductum	261.c	Patris uox, filij uox esse iudicatur	281.b
Obligatio quæ Ciuilis, quæ Prætoria dicatur. ibi.		Patres filiorum infamiæ sæpe soluendis debitis occurrebant	405.b
Obligatio nulla uoluntaria.	ibid.	Patria potestas dominatur in filios magistratus.	35.c. 36.a
Obligatio per quas personas acquiratur	320.b	Patria potestas etiam post mortem durat	168.a
Obligatio ad tempus an constitui possit	271.b	Patria potestas in filia nuptijs non extinguitur.	37.b c
Obligationes consensu contractæ sunt bonæ fidei	295.a	Patria potestas iuris ciuilis	35.c
Obligationes ex maleficio omnes re contrahuntur	327.c	Patria potestas maior quàm herilis	36.b
Obligationes quæ iure ciuili institutæ	15.a	Patria potestas an ualeat etiam in emancipatos in adoptionem.	ibid.a
Obligationes quomodo nudo consensu contrahantur	294.c	Patriam potestatem etiā post mortē durare	59.c
Obligationes nudo consensu contractæ, nudo consensu distrahuntur	326.b	Patricij & senatores qui	16.b
Obsignandi testamenta mos uetus	169.a b	Patriciatus qualis magistratus	54.c
Obstetricis quæ malum medicamentum dedit, pœna	351.c	Patronus quod ius in liberti hæreditatem habeat	243.a b c
Occupata pecunia	313.c	Patronū in ius uocare sine uenia nō licet	375.b
Occupatio ferarum quid sit	97.a	Patronis quot bonorum possessiones à Iustiniāno relictæ	253.b
Ociosa pecunia quæ	313.c	Patruelles qui	226.a. 238.c
Oculorum quàm aurium sensus acrior	240.a	Patrueliū, cōsobrinorū & amitinorū differēt. ib.	
Officiales libertorum operæ quæ	256.b	Patruus quis dicatur	237.c
οὐκ ἔστιν & πρὸς αὐτὸν apud Homerum quid significet	298.c	Paulianæ actionis explicatio	369.c
Oneris ferendi & tigni immittendi seruitutes dissimiles	121.a	Pauperies quid, & quæ actio propter eam instituta	415.a b
Ope consilio furtum quomodo fiat	335.b c	Paupertas populi Rom. initio magna	356.c
Operæ libertorum quæ & quot generum	256.b	Pauones an feri sint generis	99.b
Orcinus libertus quis dicatur	212.c	Pecoris agendi, ad aquam appellendi, & pascendi seruitutes dissimiles	120.a
Orcini liberti	258.a	Peculatus quid sit	448.c
Ordinaria & extraordinaria pœna quæ	358.b	Peculium quid, & quæ illius species	137.b
Ordinaria iudicia quæ	260.b. 438.b	Peculij definitio	408.a
		Peculium castrense filij intestati ad quos pertinet	151.a
		Peculium quasi patrimonium filiorum fa.	374.a



# Index.

Peculij legato quod ius contineatur	192.c	Possessio quid sit	434.b
Pegafiani S.C.uis in Trebellianum translata.		Possessio uacua quæ dicatur	129.a
208.a		Possidere quid sit	435.b.c
Pensionis annuæ stipulatio qualis sit	270.c	Possideri & quasi possid. quæ res dicatur	431.b
Perduellionis crimen	446.a	Postliminium unde dictum	55.a
Perduellionis crimen morte non extinguitur.		Post mortem dari an ualeat stipulatio	285.b
218.a		Postulare qua ætate liceret	32.b
Perduellionis damnatus filius sui ius amittit.ib.		Postulare & expostulare quid differant	362.c
Perduellionis damnato fiscus succedit. ibidem.		Postumus alienus quis	196.a
Peregrî & peregræ quid differant	164.c	Postumus quando suus hæres sit	217.b
Petriurj ciues Rom.non arguebantur	425.b	Postumi appellatione an abortiuus cõtineatur.	
Per lancem & liciuin furtum quærere quid.		155.a	
330.c. 331.a		Postumi præteritio uitiat testamentum.	ibid.
Permutationis & emptionis differētia	298.a.b.c	Postumo alieno tutor an dari possit	60.c
Perpetuarium ius quale	304.b	Postumo alieno an legari possit	196.a
Persecutionum uerbo quid intelligatur	363.a.b	Postumoru ius benignius quàm natorum	155.b
Personæ dignitatis ratio in iniurijs habetur.		Præcisè quid sit	345.b
337.c. 338.a		Prædia urbana ædes omnes sunt	120.b
Pictura utrum tabulæ cedat,an hæc illi	III.a	Prædibus & prædijs cauere	419.c
Pignus à pugno,& quarum rerum sit	267.c.	Præiudicium quid sit,& quæ nam actiones præ-	
372.a		iudiciales	376.a
Pignus ab hypotheca quid differat.	ibid.	Præposteræ stipulationes quæ dicantur	286.b.
Pignus qui accipit,leuis culpæ tenetur	268.a	an ualeant.	ibid.
Pignus uendere quando creditori liceat	135.b	Præscriptio unde dicatur,& quid sit	127.a
Pignoris definitio	267.b.c	Præscriptis uerbis actiones quæ dicantur	302.b
Pignoris obligatio non nisi re accepta contra-		Præsentia in stipulationibus quomodo intelli-	
hitur.	ibi.	genda	284.c
Pignori incumbere satius quàm in personam a-		Præteritio filijfam.testamentum uitiat	153.c
gere	337.b	Præteritio filiar, & nati ex filio testamentum o-	
Pignoraticia actione rem ipsam repeti	267.c	lim non uitabant	154.a
Pileum manumissis imponendi mos	212.c	Prætor fideicommissi,quando institutus	204.b
Piscari in alieno an liceat	97.b	Prætor hæredes facere non potest	250.a
Placita quæ dicantur	17.a	Prætor iniuste decernens qua actione teneatur.	
Plagium quid sit	449.b	352.c	
Plantæ alieno in solo positæ cuius sint	110.a	Prætoris imperium erat annuum	421.b
Plato seruorum nuptias modò improbat,modò		Prætorum edicta	17.c
probat	41.a	Prætorium,urbanum prædium	120.c
Pœnæ Platonis sententia cur institutæ	422.a	Preciũ unde appell. 297.b.qua in re cõsistat.ib.c	
Plebiscitum quid	15.c. 16.a	Precium certum in emptione esse debet	297.a
Pluris petitio quadruplex	399.c	Preciũ apud Homerum quid significet	298.a
Plus etiam petit,qui deterius petit	402.a	Pridie quàm moriar stipulatio an utilis	285.c
Plus interdum esse in opinione quàm in ueritate	189.b	Principes neq; litis causa neque minus solenni	
Plus non modò in quantitate, sed etiam in tem-		testamento hæredes fieri posse	175.c
pore	293.a	Principes legibus soluti,propter honestatem ijs	
Plus petendo causa perditur	399.a	tenentur	176.a
Pœna in stipulationib. facti subijciēda est	273.c	Principum placita quæ	17.a
Pœna ordinaria & extraordinaria quæ	358.b	Priuatæ res quo iure fiant	96.c
Pœna stipulationi cur adijciatur	288.a	Priuigni nuptiæ iniustæ	44.a
Pœnæ nomine legari an possit	200.b	Pro capite pecuniam pendere	412.c
Pœnæ seruitus	54.a	Pro derelicto habere	117.a
Pœnales actiones quæ dicantur	349.a. 384.a	Pro hærede gerere quis dicatur	183.a.b
Pœnales actiones in hæredes non dantur.		Pro hærede possidere	433.b
349.a. 422.a.b		Pro possessore possidere.	ibid.
Populi & plebis differentia	15.c	Probare quid sit	87.a
Populi Rom.potestas triplex	9.a	Procurator an ignorati domino acquirat	140.b
Portæ cur sanctæ	96.b	Procuratoris definitio 363.c. quare institutus.	
Possessio an solo animo acquiratur aut retinea-		416.c. ite quib. uerbis constitui possit. ibi.	
tur	436.a	Procuratori dari an stipulari liceat	288.c
Possessio à seruo quæ sita, per dominum quæ sita		Procuratoria exceptio duplex	428.a
intelligitur	138.c	Prodigis interdicatur bonis tum lege, tum mo-	
		ribus	78.g
		Prodi-	



# Index.

Prodigis an testamentum facere liceat	151.c	Queri & agere quid differant	362.c
Profana quæ dicantur	95.a	Quibus quicque modis contractum est, id con-	
Pronepos cum superstitite nepote quomodo suc-		trarijs tollitur	424.c
cedat	218.c	Quirites unde dicti	12.b
Propius sobrino qui dicantur	239.a	Quod metus causa qualis actio	388.c
Propriæ rei furtum quando admittatur	334.b	Quod merus causa actio cur arbitraria dicatur.	389.b
Prospicere quid, & prospiciendi seruitus	366.a	Quod iussu actionis explicatio	405.c
Prouerbum, Ad agnatos & gentiles deduci	79.a	R	
Prouerbum, Literas nescire	85.b	Raptorem etiam furti actione teneri	341.b. fu-
Prouerbiū, Per medium profundū ingredi	4.b	rem improbum dici. ibid. c. grauius fure	
Prouerbum, Cum sacco adire	290.a	puniri. ibid. & 342.a b	
Prouerbum, Res redijt ad Triarios	82.a	Raptus mulierum poena	448.b
Prouerbum, Noxa caput sequitur	412.c	Raudusculum quid	295.c
Proximus pubertati quis dicatur	340.b	Recepticia bona quæ	88.a
Proximus testamento uel facto, uel non facto		Recepticiæ actionis explicatio	372.c
quis dicatur	228.c	Regnorum felicitas quibus in rebus posita	3.a b
Pubertas quoto anno	38.a	Rei stipulandi & promittendi quomodo plures	
Pubertas plena qua ætate	50.b	fiant 274.b. quod ius sit singulorum	275.a
Pubertatem ueteres ex corporis aspectu iudica-		Religio fit ne iuris naturæ, an gentium	12.b
bant	76.a	Religio unde dicta	95.b
Pubertas uim pupillaris substitutionis extin-		Religiosa loca mortuis inferendis fiunt. ibid.	
guit	172.a	Religiosi dies qui. ibi.c	
Publicum ius à priuato quid differat	8.b	Religiosissimus iuris qui dicatur	3.c
Publica & communia an differant	92.a	Relegatio patriam potestatem nō extinguit	54.a
Publicani ubi & quomodo uectigalia redime-		Rem ratam haberi satisfactio	417.c
bant	303.b	Remus cur à fratre interfectus	96.b
Publiciana actio cur arbitraria dicatur	397.a b	Renunciatio fraudulenta an dirimat societa-	
Publicianæ actionis explicatio	368.a	tem	310.b c
Pulsare & uerberare quid differant	353.a	Replicatio quid, & unde dicta	428.c. 429.a
Pupillus sine tutore obligare, at non obligari po-		Representare quid sit	190.c
test	74.a	Repudiare hæreditatem qui dicantur	128.b
Pupillus nullam hæreditatem adire sine tutore		Res corporales quæ dicantur	118.a b c. quæ
potest.	ibid.b	item incorporeales	ibid.
Pupillorum fauor magnus	75.a	Res etiam ab ijs qui in potestate nostra sunt ac-	
Pupillus an creditori satisfacere possit	136.c	quiri	137.b
Pupillus mutuum accipiens an obligetur	164.b	Res ex potiore sui parte æstimandæ	8.a
Pupillus indebitum accipiens an obligetur. ibi.		Rerū alias in commercio esse, alias non esse	91.c
Pupillus quoduis negotium tutore auctore ge-		Rescissoriæ actionis explicatio	369.b
rit 283.b. nisi infans sit. ibid.		Rescripta quæ dicantur	17.b
Pupillus sine tutoris auctoritate inutiliter spon-		Responsa prudentum	18.a
det	325.b	Restitutoria actio quæ	396.b
Pupillū inter & tutorem an lis esse possit	75.b	Rex optimus quis dicatur	3.c
Pupillo debitor soluens quādo liberetur	136.a b	Riparum proprietas utrum communis, an sin-	
Pupillo quando liceat rem suam alienare	135.c	gulorum	93.b
Pupillum inter & tutorem nullum negotium		Riparum usus omnium communis. ibid.	
geritur	318.a	Romæ qui habitāt, plus iuris habēt q̃ alij	83.a
Purpura Tyria	401.c	Romani populi impudicitia	446.b
Q		Romanorum leges à Græcis petitæ	19.c
Quadruplum nullæ superant actiones	387.a	Rom. religio maxima in iureiurando	374.b
Quadrupedes seruis exæquantur	345.a	Romuli lex præclara de uirorum in uxores po-	
Quæ ab initio non consistunt, ex postfacto con-		testate	35.b c
firmantur	154.a	Rubro panno tauri fugātur & perterrētur	335.b
Qualitas ad tempus an imponatur	271.b	Ruptum inter & irritum testamentum quæ dif-	
Quanti plurimi æstimatio quomodo ineunda.		ferentia	173.a
348.c. 351.a		Rupti appellatione quæ contineantur	350.b
Quarta liberis relicta inofficiosi querelam extin-		Rusticorum prædiorum & rusticarum seruitu-	
guit	178.b	tum ratio dissimilis	120.c
Quarta Pegasianica, siue Trebellianica	206.a	S	
Quasi ex contractu nasci obligationē, quid	316.c	Sacerdotes iusticiæ Iurisconsult.	7.b
Quasi Seruianæ actionis explicatio	371.a	Sacramentum quid	438.b
Quasi usufructus quomodo constituatur	123.c	Q 3	Sacr



# Index.

Sacri homines qui	94.c	institutio	166.c
Sacrum quid sit.	ibid.	Seruo communi facta iniuria quomodo uindi-	
Saluiani interdicti explicatio	433.c	cetur	355.a
Sanctæ res quæ dicantur	96.a	Seruo iniuria facta an à domino uindictetur. ibi.	
Sanctiones quæ legum partes.	ibi.b	Serui etiam sine libertate institui hæredes pos-	
Sata in alieno solo cuius sint	110.a	sunt	158.c
Satisfacere qd, & satisfationū uaria genera	417.a	Serui utrū à seruando, an à seruiendo dicti	22.c
Satisfactio re pupilli saluā fore cur instituta	80.c	Serui humaniter tractandi	33.c
Satisfacere & soluere quid differant	116.a	Serui quadrupedibus exæquantur	345.a
Saturni ad ædem columna aurea	87.b	Seruorum & addictorum differentia	22.b
Scriptum ignominiosum capitale	353.c	Seruorū & filiorū fam. ratio ferè similis	405.b
Scriptura utrum chartæ cedat, an hæc illi	110.c	Seruorū opera an obligatio acquiri possit	275.b
Sectorum consuetudo in bonis damnatorum		Seruorum querelæ de dominis auditæ	34.b c
emendis	260.a	Seruis an ius sit stipulandi	275.b
Semestria consilia	84.b	Seruos hære. instituēdi mos unde fluxerit	179.a
Senatusconf. de quasi usufructu	123.c	Siti & humati	95.b
S.C. Claudianum de muliere à seruo stuprata		Sobrini qui dicantur	239.b
domino addicenda	261.a	Soceri nuptiæ iniustæ	43.c
S.C. Largianum	247.a	Societas dolū & culpā leuē tantū exigit	311.c
S.C. Macedon. de pecunia filijs fa. credita	410.b	Societas & omnium bonorum & partis contra-	
S.C. Orphicianum quo tempore factum, & quæ		hitur	306.c
illius sententia	233.b c	Societas ius quoddam fraternitatis in se habet.	
S.C. Pegasianum quando factum, & quæ eius sit			404.a
uis	205.b c	Societas quibus modis dissoluatur	311.a b
S.C. Sabinianum de tribus maribus	223.a	Societas solo consensu & contrahitur, & retine-	
S.C. Tertullianum	231.a	tur	310.b
S.C. Trebellianum quando institutum	205.a b.	Societas ut lucri duæ partes, damni una aufera-	
quæ nam eius uis sit.	ibidem.	tur, an ualeat	307.b
Seruiantæ actionis explicatio	371.a b c	Societas an contrahi sic possit, ut unus pecuni-	
Seruiantæ actionis & Saluiani interdicti differen-		am, alter operam præstet.	ibid. a
tia	434.a	Societatis partes quomodo æstimandæ.	ibid.
Seruilis cognationis ratio nulla	241.b	Socius socio quantum facere potest, damnatur.	
Seruiri & in seruitute esse differunt	25.a		404.a
Seruitutis definitio	22.a b	Socij mei socius, socius meus non est	311.b
Seruitus pœnæ	54.a	Socrus nuptiæ iniustæ	43.c
Seruitus quibus modis acquiratur	122.b	Solidus quid	73.c
Seruitus testamento constituta ex quo tempo-		Solon Atheniensium legislator	13.a
re uires sumat.	ibid.	Soluere & satisfacere quid differant	166.a
Seruitus cur naturæ contraria	22.c	Solui aliud pro alio an possit	322.a
Seruitutis species iure ciuili instituta.	ibi.a	Solui ab alio quàm debitore an possit.	ibid.
Seruitutes prædiorum cur sic dicantur	121.c	Solui pro solutum iri, uetustè	417.c
Seruitutes quo iure introductæ	14.a	Solutione à reo uel fideiussore facta, an alter li-	
Seruitutes naturali iuri contrariæ.	ibid.c	beretur	322.b
Seruitutes urbanorum prædiorum quæ	120.b c	Solutione omnis tollitur obligatio	321.c
Seruitutes quibus actionibus petantur	365.a b	Soror quasi seorsim nata	37.c
Seruitutum aliæ reales, aliæ personales	118.c	Sororis nuptiæ à Platone modò probatæ, mo-	
Seruus alienus hæres etiam post domini mor-		dò improbatæ	41.a
tem institui potest	160.b	Spadones an adoptare possint	51.b
Seruus an obligari domino possit	282.c	Species ex aliena materia facta cuius sit	104.b
Seruus communis unius iussu stipulans, an ei so-		Spes conditionales stipulatoris an ad heredem	
li acquirat	276.c	pertineant	272.b
Seruus domino & ignoranti & inuito acquirat.		Spondere & despondere quid differant	38.b
	138.c	Sponsalicia largitio	133.b
Seruus eius qui in utero est rectè instituitur hæ-		Spōsiores dicebatur, qui nūc fideiussores	290.b
res	161.a	Spurius quomodo fiat legitimus	216.c
Seruus stipulās domini uoce loq uidetur	285.c	Spurij qui dicantur	46.a
Serui corrupti actio qualis	334.b	Spurij non sunt in patria potestate	35.b
Serui cædes & Aquilia & Cornelia lege puni-		Statuarum perfugia, & asyla	34.b c
tur	349.c	Stillicidij seruitus ab illa fluminis recipiēdi dis-	
Serui cōmunis stipulatio qd iuris afferat	276.a b	similis	121.b
Serui quem testator liberum putabat, ualeat ne		Stipendiaria & tributaria prædia quæ	115.b
		Stipulatio	



# Index.

Stipulatio utrū à stipe an à stipulo dicta	269.b.	Sues an gregatim pascantur	345.b
olim solennibus cōcipiebatur uerbis.	ibid.	Suū quod cuiq; est ei deberi non potest	363.c
Stipulatio conditionalis quæ dicatur	271.c	Suus filius & suus pater quo sensu à Prisciano & Cicerone dicantur	180.a
Stipulatio earum tantum rerum quarū est abalienatio	279.c	Suus hères qui dicatur	156.b.197.b.c.217.a.b.c
Stipulatio, nisi quid fiat, cuiusmodi	273.c	Suus necne aliquis sit quo tempore exquiratur.	219.c
Stipulatio sine causa an contrahi possit	296.a	Suū esse, & inter suos numerari, diuersum	225.c
Stipulationis obligatio exijs quæ lingua nuncupata sunt æstimatur	295.b	Sui hæredes mulieribus nulli	180.c
Stipulatione res omnes promercales acquiri.	279.b	Sui hæreditas ipso iure acquiritur	217.c
Stipulationes emptæ & uenditæ hæreditatis.	207.a	Sui alij naturales, alij succedanei	218.c
Stipulationes partis, & pro parte	206.b	Sylla felix qua iniuria nominatus	2.b
Stipulationes prætoris, iudiciales, communes, conuentionales quæ	276.a	<i>Συλλάγγελος</i>	116.a
Stipulationes puræ, sub conditione, in diem cōcipiuntur	270.a.	T	
quod sit uniuscuiusq; ius.	278.b.c	Tabula utrum picturæ cedat, an hæc illi	111.a.b
Stipulationes scribi ferè solebant	268.b	Tabulis ob signatis agere	294.a.b
Stipulationes tot numerantur, quot res cōprehensæ sunt	287.b	Talionis pœna leg. XII. Tab. instituta	356.a
Stipulationum cum cæteris contractibus differentia	268.b	Tardius qui soluit, minus soluit	400.b
Stricti iuris actionum explicatio	390.a.b.c	Tenere, possidere, habere	324.a
Stupri & adulterij differentia	446.b	Termini moti actio cuiusmodi sit	443.c
Sua filia, pro sui iuris	231.c	Testamenti definitio	141.a
Suā rē eripere iniusto possessori an liceat	343.c	Testamentum calatis comitijs.	ibid.b
Suasorem inter & probatorem facti nihil interest	39.a	Testamentum endo procinctu	141.c
Subsidiaria actio	82.a	Testamentum per æs & libram.	ibid.
Substituere propriè quid sit	165.b	Testamentum uno contextu fieri debere	142.a
Substitui hæredes & singuli & plures possunt.	ibid.c	Testamentum rumpi quando dicatur	173.a
Substituens pupillariter quasi duo testamēta, uel duarum hæreditatum unum testamētū facit	169.a	Testamentum an sola uoluntatis mutatione rumpatur	175.a.b
Substitutio alia uulgaris, alia pupillaris	165.b	Testamētū superius quando à posteriore rumpatur	173.c.175.b
Substitutio pupillaris cur instituta	167.b.c	Testamentum irritum quando fiat	174.a
Substitutio pupillaris moribus instituta.	ibid.	Testamentum quo nullus hæres instituitur, inutile	204.c
Substitutio pupillaris paterni testamenti est appendicula	171.b	Testamenti factio quid sit	181.c
Substitutionis uulgaris & pupillaris differentia.	165.b	Testamenta quibus modis euertantur	172.c
Substitutus ei qui cohæredi suo substitutus est, in utrūq; casum substitutus intelligitur	166.a	Testamenta qua in materia scribantur	146.a
Successio in agnatis ut in suis non admittitur	228.a	Testamentorū ob signandorū mos uetus	170.a
Successio in agnatis & cognatis permissa	229.c	Testatus partim & partim intestatus nemo nisi miles decedit	161.c
Successio in bonorum possessionibus duplex.	254.b	Testimonij domestici ius nullum	145.a
Summam maiorē promittens, an de minore obligetur	282.a	Testis in re sua nemo idoneus.	ibid.b
Superesse rebus suis	78.c.79.b	Testes an testamēta uno & alieno annulo signare possint	143.a
Superficies solo cedit	108.a	Testes qui testamētis adhiberi possint.	ibid.c
Suspecti iudicium cur institutum	88.b	Thesaurus inuentus cuius sit	114.a.b
Suspecti argui qui uis tutores possunt.	ibid.	Theauri definitio.	ibid.
Suspecti postulatio publica	89.a.b	Thesaurum in sepulchris defodere.	ibid.b.c
Suspectum tutorem non fortunæ faciunt, sed mores	91.a	Tignum ædibus iunctum quid significet, contra Iurisc.	108.b
Sufurri magici qui dicantur	447.a	Tigni immittendi seruitus ab illa oneris ferendi dissimilis	121.a
		Tiberius quomodo ab Augusto Cæsare adoptatus	52.b
		Translatio modus alienandi maximè naturalis.	115.a.b
		Tribuni propter exceptiones appellatur	423.c
		Tributaria prædia quæ	115.b
		Tributorie actionis explicatio	407.a
		Turpi de causa promissum an obliget	289.b
		Tutela definitio	58.b
		Tutela mulierum perpetua	59.b
		Q 4	Tutela



# Index.

Tutela non propter bona, sed propter personas instituta	62.c. 63.a	Vindiciæ quid, & earum explicatio	381.a
Tutela fiduciaria	70.a	Vindicta quid	26.b
Tutela testamentaria ante hæreditatem nõ aditur	72.a	Vindicta manumitti.	ibid.
Tutela qua capitis deminutione perimatur.	76.b c	Vindicta, & festuca, & uirga idem.	ibid. 380.a b
Tutela & curatio inter munera publica	83.b	Vinum Campanum	401.c
Tutelæ & curatelæ differentia	78.b	Virginie notæ puellæ historia, & iudicium explicatum	380.b c
Tutelæ seruis mandandæ triplex formula	61.a	Vis alia priuata, alia publica	437.a. 448.b
Tutelam iuris ciuilis esse	59.b	Vis alia quotidiana, alia armata	436.b
Tutelam pubertate finire	75.c. 76.a	Vis festucaria.	ibidem
Tutelæ aliæ ueteres, aliæ nouæ	65.b	Vitrici nuptiæ iniustæ	43.c
Tutelarum causæ utrû naturalis an ciuilis	73.c	Vitium rei usucapiendæ quid	129.b
Tutor Attilianus	71.b	Vltio sit ne iuris naturæ an gentium	14.b
Tutor non rei, sed personæ datur	62.c	Vnde ui interdicti explicatio	436.a b c
Tutor patris testamentum, quamuis legatû pupillo petat, oppugnare potest	178.a	Vniuersitatis quæ dicantur esse	94.a
Tutorem habenti tutor non datur	79.c	Vocatio in ius actionum omnium primordiû.	440.b
Tutorem inter & pupillum, negotium nullû geritur	318.a	Voconia lege fœminæ ultra cõsanguinitatis gradum non succedebant	227.a
Tutores non fortunis, sed personis dantur	59.a	Voluntas nuda an testamentum rumpat	175.a
Tutores rem pupilli saluam præstare oportet.	80.b c	Voluntatis testatoris maior quàm ordinis habenda ratio	199.b
Tutorum & procuratorum similis interdum ratio	417.c	Vsuarius an transferre ius suum possit	125.b
V		Vsuario qui fructus debeantur	124.c. 125.a
Vacantia bona quæ dicantur	129.b	Vsucapio quid sit	127.a
Vacua possessio quæ dicatur	128.c	Vsucapio qua de causâ instituta.	ibid.b
Vadimonium unde dictum, & eius explicatio.	382.a b c	Vsucapio à Platone comprobata.	ibidem
Vadimonij & conductionis differentia	383.b	Vsucapio quarum rerum non permittatur	128.a
Varronis locus obscurus	300.b	Vsucapio uacue possessionis an procedat	128.c. 129.a
Vestigales & stipendiarij agri qui	115.b	Vsufructuarium non possidere	139.c
Venditio & purè & sub conditione contrahitur	300.b	Vsuræ in bonæ fidei iudicijs officio iudicis continentur	391.b
Venditio & emptio pro locatione & conductione	303.c	Vsurpare hæreditatem	50.a
Venditio per scripturam quando absoluere dicatur	296.a	Vsus & usufructus quo differant	124.c
Venditio rei commercio exemptæ quod ius habeat	301.a	Vsus serui & iumenti usuarij proprius	125.c.
Venditionis & emptionis definitio	295.b		126.a. & inde.
Venditæ rei periculum ad quem pertineat	300.a	Vsus gregis in solo stercore consistit	126.a
Venire in suam tutelam	186.a	Vsufructus quibus constituatur modis	123.a
Verberare & pulsare quid differant	353.a	Vsufructus quibus modis extinguatur	123.c.
Verborum obligatio cur dicatur, & quomodo contrahatur	268.a b		124.a
Verbis aut literis non contrahi iniuriarum obligationem, sed re	327.b	Vsufructus rerum tantum alienarum	123.a
Vernæ qui	23.a	Vsufructus & quasi usufructus differunt.	ibid.b
Verrinæ quartæ obscurus locus	445.b	Vsufructus definitio	122.c
Veterani militari testandi priuilegio nõ fruuntur	148.c	Vsumfructum eorum quæ consumuntur nõ constitui	123.b
Vestalis incestæ supplicium	445.b	Vti possidetis interdicti explicatio	434.b
Via à uehendo dicta, & qualis seruitus	119.a	Vti & abuti quid differant	125.b c
Vicarij serui qui dicantur	192.a	Vtendum dare & commodatum dare, an eadè sint	265.a
Villaticæ gallinæ	100.a	Vtiles dies qui dicantur	255.b
Vindicare quid, & unde dictum	380.a	Vtrubi interdictum cuiusmodi	434.a
Vindicatio à uindicijs antiquis dicta. ibidem b. quid ab illis differat.	ibid.c. & 381.a	Vulgò concepti qui	24.b. 45.c
		Vulnera seruorum & pecudum qua pœna tenentur	350.a
		Vxores concedendi amicis ad tēpus mos	35.b c
		Vxores in uiuorum manu.	ibidem
		Vxores liberorum suscipiendorum causâ ducuntur	37.a
		Vxori illata iniuria nobis illata uidetur	353.c.
			354.a



# INDEX EORVM LOCORVM,

*in quibus de ueterum uel emendandis libris, uel defendendis sententijs ambigitur.*

Iurifconsultorum opiniones aliquot in disquisitionem uocatae. Pag. 10. b. c. 13. b. 22. b. 54. a. 61. c. 93. a. 102. a. ibid. c. 103. b. ibid. c. 105. b. c. 108. a. b. 109. a. ibid. c. 110. b. 111. b. 113. b. 117. c. 119. b. 120. c. 125. a. 144. c. 197. c. 282. a. 307. b. c. 308. a. 353. b

Triboniani diligentia in disceptatione uocata. 13. c. 20. 21. a. 43. a. 50. c. 70. b. 71. a. 72. a. 73. a. 87. b. 90. c. 106. a. 110. b. 115. b. 120. a. 125. a. 126. c. 128. b. 185. b. 194. c. 204. a. b. 225. a. 321. b. 351. a. 367. b. 368. c. 378. a

Theophili interpretatio notata. 30. c. 50. b. 107. c. 115. a. 173. a. 249. a. 257. c. 287. b. 321. b. 342. c. 377. a. 400. c. 415. a. 416. b

Iustiniani quaedam loca in dubium uocata & examinata. 10. b. c. 19. b. c. 61. c. 62. a. 65. b. 93. c. 114. b. 125. a. 126. b. 133. c. 134. a. 210. c. 339. c. 379. b. 411. c. 444. c. 446. b.

Leges aliquot Pandectarum, de quarum emendatione quaeritur.

L. 1. De iustit. & iure

L. 2. & 3.

L. 1. De offic. conf.

L. 6. De test. tut.

L. 1. De curat. fur.

L. ult. quod ui aut clam

L. 1. De ser. rust.

L. ult. si seruit. uind.

L. 22. D. de testam.

L. 2. De fid. instrum.

L. 17. De haered. instit.

L. 2. De uulg. & pup. sub.

L. 16. De testam.

L. 13. De manum. uind.

L. ult. Si a patre quis manu.

7. c

eodem

31. a

63. a

78

110. b

119. a. b

121. c. 122. a

143. a. b

146. b

163. c

169. a. b

181. b. c

31. a

35

L. 55. De ritu nupt.

L. 4. D. de legit. tut.

L. 1. De usufruct.

L. 8. D. de iniust. rupt.

L. 1. De suis & legit.

L. 2. unde cognati

L. penult. De gradib. cognat.

L. 3. De gradibus

L. 52. Pro socio

L. 2. ad leg. Aquil.

L. 52. ad leg. Aquil.

L. 25. De solutionib.

L. 1. Si quadrup.

43. c

70. b

122. b

154. a

225. b. c

235. a

236. a

239. b

309. c

347. c

346. b

400. b

414. c

In Codice.

L. unica.

C.

qui num. tut.

L. ult.

C.

de furt.

L. 31.

C.

ad legem de adulter.

In Codice Gregoriano.

L. 1. De caut. & non num. pecun.

293. b. c

Bonorum auctorum loca, de quorum emendatione ambigitur.

Asconij

382. b

Auli Gellij

47. b. 328. b. 356. c

Cassiodori

54. c

Ciceronis pro Domo

50. a

De Offic.

92. c

De Legibus

95. b. c

Ad Atticum

292. c

Ad Herennium

363. b. c

Verrina III.

487. a

Pro Q. Roscio

396. a

Cornelij Taciti

43. a

Festi

238. c. 434. b

Liuij

35. b

Prisciani


356. b

F I N I S.



B A S I L E Æ,  
EX OFFICINA HERVAGIANA,  
PER EVSEBIVM EPISCOPIVM, ANNO  
SALVTIS HVMANAE, M. D.  
LXIX. Mense Martio.







El Rey don Felipe a Teniente de mil Señores y condes  
 y dos años conque este estatuto en gracia de diez  
 re. de Navarra para q. conde donde conbenga lo  
 firme en dicho día Mes y año, delante de Señores Testi-  
 gos y lo firme de mismo y firma de

Unigo y como meales para q. sea balle a Don. con la calidad de  
 Leiges en compañía de balle de conuenciones  
 y con muy grandes y muy accedidos

26 lib.  
 Lib. 2  
 37 lib.  
 Lib. 3  
 32 lib.  
 Lib. 4  
 13 lib.

26  
 37  
 32  
 13  
 108



San Juan  
 de Sepúlveda

A large, dense area of calligraphic scribbles and flourishes at the bottom of the page, partially obscuring the lower text.



A FD/246




UNIVERSIDAD DE SEVILLA



600711221

i27882172







F.D.  
246

三  
三  
三  
三  
三

三  
三  
三  
三  
三

三  
三  
三  
三  
三

三  
三  
三  
三  
三